


Parnai Yiang Sursĩ -
Kinh Thánh tiếng Bru



Bru, Eastern: Parnai Yiang Sursĩ - Kinh Thánh tiếng Bru
Bible

**Parnai Yiang Sursĩ - Kinh Thánh tiếng Bru
Bru, Eastern: Parnai Yiang Sursĩ - Kinh Thánh tiếng Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source files dated 29 Jan 2022
2f74bcbe-d4f1-5386-8c30-29d0147bb706

Contents

Mathia	1
Mac	61
Luca	97
Yang	158
Ranáq Táq	201
Rô-ma	260
Cô-ntô Muoi	288
Cô-ntô Bar	313
Ca-lati	329
Ê-phê-sô	339
Phi-lip	347
Cô-lusê	354
Tê-salô-naca Muoi	360
Tê-salô-naca Bar	366
Ti-muthê Muoi	369
Ti-muthê Bar	377
Atit	383
Phi-lamôn	387
Hê-brơ	389
Yacô	408
Phi-er Muoi	415
Phi-er Bar	422
Yang Muoi	427
Yang Bar	434
Yang Pái	435
Yude	437
Sapáh Baih	440
Ûat Khễn	468

Mathia Chĩc Atõng Parnai O Tẽ Yê-su Crĩt Santoiq Atõng

Mathia bữn ramứh Lê-vi hỡ. Ắn la manoaq tẽ tốp muoi chĩt la bar nắq ca rien tẽ Yê-su. Tẽ nhũang, ắn la cũai parõm ít práq thẽq. Ắn chĩc saráq nắi sắm 50 toáq 60 cumo ntun Yê-su canõt. Mathia chĩc atõng parnai o tẽ Yê-su, ắn ca Yiang Sursĩ khoiq ứq tắng Parnai Par-ứq Tiaq. Tam Mathia chĩc parnai o nắi yõn tốp I-sarel dắng raloaih, parnai nắi tỡ cõn yõn õng cũai I-sarel sắng, ma yõn nheq tữh cũai.

Mathia chĩc atõng tẽ nheq dõih tamoong Yê-su. Ắn atõng tẽ Yê-su canõt, roap batẽm, ramóh yiang Satan chim, cốp pỡq atõng parnai Yiang Sursĩ. Yê-su táq ranáq salẽh sa-ữi ramứh. Ắn palai satoaq máh cũai a-ĩ õt tắng máh vil cruang Cali-lê. Chỡ, tẽ ki ắn chõn chu vil Yaru-saleh. Ồt tắng ntốq ki ắn chĩuq noau táq ắn, noau tẻh ắn tắng aluang sangcắng. Chỡ ắn cuchia cốp tamoong loah.

Mathia chĩc atõng yõn hái dắng Yê-su la thắi bữn chớch lứq. Cốp ắn bữn ỏc roan rangoaiq, dỏq aloõh ngẻ tẽ phẻp rit Yiang Sursĩ, cốp atõng nheq tữh cũai dắng tẽ Yiang Sursĩ cõt sớt.

*Atõng Tẽ Achúc Achiac Yê-su
(Luca 3:23-38)*

¹ Yê-su Crĩt toáq tẽ tống toiq Davĩt; cốp Davĩt toáq tẽ tống toiq A-praham. Nheq tữh ramứh achúc achiac Yê-su la neq:

² A-praham la mpoaq I-sac. I-sac la mpoaq Yacóp. Yacóp la

mpoaq Yuda cốp nheq tữh sẻm ai ắn. ³ Yuda la mpoaq Pharẻt cốp Sẻ-rah; mpiq alỏi bar nắq ki la Tamar. Pharẻt la mpoaq Hẻ-trõn. Hẻ-trõn la mpoaq Aram.* ⁴ Aram la mpoaq Ami-nadap. Ami-nadap la mpoaq Nasỏn. Nasỏn la mpoaq Sal-mỏn. ⁵ Sal-mỏn la mpoaq Bỏ-at; mpiq Bỏ-at la Rahap. Bỏ-at la mpoaq Ồ-bẻt; mpiq Ồ-bẻt la Rutỏ. Ồ-bẻt la mpoaq Yẻ-sai. ⁶ Yẻ-sai la mpoaq puo Davĩt.

Davĩt la mpoaq Sa-lamỏn; cốp mpiq Sa-lamỏn la Bat-si-ba. Tẻ nhũang mpiq ắn la lacuoi Uria. ⁷ Sa-lamỏn la mpoaq Rẻ-habũam. Rẻ-habũam la mpoaq Abia. Abia la mpoaq Asa. ⁸ Asa la mpoaq Yẻ-hỏ-saphat. Yẻ-hỏ-saphat la mpoaq Yỏ-ram. Yỏ-ram la mpoaq Usiah. ⁹ Usiah la mpoaq Yỏ-tham. Yỏ-tham la mpoaq Ahat. Ahat la mpoaq Hẻ-sakia. ¹⁰ Hẻ-sakia la mpoaq Ma-nasẻ. Ma-nasẻ la mpoaq Amỏn. Amỏn la mpoaq Yỏ-sia. ¹¹ Yỏ-sia amia Yẻ-cania cốp nheq tữh sẻm ai ắn bo cũai Ba-bulỏn dửng asuoi cũai I-sarel pỡq ỏt pỡ cruang Ba-bulỏn ẻn.

¹² Vớ t noau cốp dửng cũai I-sarel pỡ cruang Ba-bulỏn, ngkĩq Yẻ-cania amia Sial-tiel. Sial-tiel la mpoaq Saru-babel. ¹³ Saru-babel la mpoaq Abi-yut. Abi-yut la mpoaq Alia-kim. Alia-kim la mpoaq Asỏ. ¹⁴ Asỏ la mpoaq Sadỏc. Sadỏc la mpoaq Achim. Achim la mpoaq E-li-yut. ¹⁵ E-li-yut la mpoaq E-liỏ-sỡ. E-liỏ-sỡ la mpoaq Mathan. Mathan la mpoaq Yacóp. ¹⁶ Yacóp la mpoaq Yỏ-sep. Yỏ-sep la cayac Mari. Mari la mpiq Yẻ-su, ắn ca noau dỏq Crĩt.†

¹⁷ Ngkĩq, tẻ dõih A-praham toau toáq dõih Davĩt la muoi chĩt la pỏn dõih cũai. Noap tẻ dõih Davĩt toáq dõih noau cốp cũai I-sarel dửng pỡ

* **1:3** 1:3 Ramứh Aram noau dỏq Ram hỡ. † **1:16** 1:16 Ramứh 'Crĩt' parlong loah la 'ắn ca Yiang Sursĩ ruoh dỏq chuai amoong cũai'.

cruang Ba-bulôn la muoi chít la pôn dôi cũai. Cóp tể dôi noau cốp cũai I-sarel dững pở cruang Ba-bulôn toau toaq dôi Yê-su Crít la muoi chít la pôn dôi cũai tề.

*Sết Yê-su Crít
(Luca 2:1-7)*

¹⁸ Yê-su Crít sết puai máh parnai nâi atông. Mari, mpiq Yê-su, khoiq sampuog Yô-sep. Yô-sep tở yũah racoaiq Mari, Mari khoiq ốt mumiaq chơ tể Raviei Yiang Sursĩ. ¹⁹ Yuaq Yô-sep la cũai mantoat, án tở ểq yôn Mari casiet táq noau. Án ốt chanchóm tâng mút án ể táh Mari, ma tở ểq noau dáng. ²⁰ Bo án noâng ốt chanchóm ngê ki, án láu mpáu. Án hữm ranêng Yiang Sursĩ tể paloong toaq pở án. Ranêng ki pai neq: “Yô-sep ơi! Mới la cũai tể tống toiq Davit. Mới chôi pê pahôm ít Mari táq lacuoi mới, yuaq án ốt mumiaq cồ tể Raviei Yiang Sursĩ. ²¹ Nỡ-ra án canốt con samiang. Mới cóq amứh con ki la Yê-su, yuaq án ể chuai amoong nheq tữh cũai cốp táh lohí alói.”

²² Nheq ranáq nâi cốt santruog cốp parnai Yiang Sursĩ khoiq atông saccoaiq na cũai tang bỗq Yiang Sursĩ tể mbỗq. ²³ Cũai ki khoiq pai neq:

“Chumat bữn manoaq cumũr plot ốt mumiaq, chơ án canốt con samiang.

Noau amứh con ki Ê-manual.”^{*}

(Santoiq Ê-manual nâi par-long loah la ‘Yiang Sursĩ ốt cốp hái’.)

²⁴ Tữ Yô-sep tamở, án trĩh nheq máh santoiq ranêng Yiang Sursĩ atông án yôn ít Mari táq lacuoi. ²⁵ Ma án tở bữn bếtq parnoi cốp Mari yôn toau toaq tangái Mari canốt con samiang clúng. Cóp án amứh con ki la Yê-su.

2

Cũai Tamoi Toaq Tể Angia Mandang Looh

¹ Yê-su khoiq sết tâng vil Betlahem, cruang Yudê, bo dôi Hê-rôt cõt puo. Vót ki bữn cũai rien tể mantở toaq pở vil Yarusalem tể cruang alói coah angia mandang looh. ² Alói blóh neq: “Pở léq manoaq mbõiq sết, ma nỡ-ra án cõt puo tốp Yuda? Hếtq khoiq hữm mantở án tể angia mandang looh. Ngkíq hếtq toaq ể sang toam án.”

³ Tữ puo Hê-rôt sâng ọc nâi, án sâng crooq lứq, cốp nheq máh cũai tâng vil Yaru-saleem la sâng crooq tề. ⁴ Ngkíq Hê-rôt parôm nheq tữh cũai sốt tốp tểng rit sang Yiang Sursĩ, cốp máh cũai yống rit tốp I-sarel tâng cruang ki. Án blóh alói neq: “Pở léq Crít sết?”

⁵ Alói ta-ỡi neq: “Crít sết tâng vil Betlahem, cruang Yudê. Yuaq bữn manoaq tang bỗq Yiang Sursĩ khoiq chĩc tể mbỗq neq:

⁶ ‘O vil Betlahem tâng cruang Yuda ơi!

Mới la vil bữn chóc tở bữn cacót, khân talí cốp máh vil canốt tâng cruang Yuda.

Yuaq bữn manoaq toaq tể mới, án bữn chóc sốt toar lứq.

Án ayông máh cũai proai cứq, la cũai I-sarel.’”^{*}

⁷ Vót ki Hê-rôt arô clộp máh cũai rien tể mantở. Chơ án blóh alói ki samoat samoi neq: “Bo léq anhia hữm mantở ki looh?”

⁸ Ngkíq án ớn tốp rien tể mantở pởq chu vil Betlahem, cốp án atông alói neq: “Anhia pởq chuaq samoat samoi con ki. Toaq anhia tamóh con ki, anhia toaq atông cứq nỡ. Cứq ể pởq sang án tề.”

⁹ Moâm alói tamứng parnai puo atông, alói pởq loah. Alói hữm

loah mantõr ki õt coah angia mandang loõh. Mantõr ki põq nhũang alói, cõp tangút rayur ntõq con ki õt. ¹⁰ Toãq cũai rien tẽ mantõr hũm loah mantõr ki, alói sâng bũi hõr lứq. ¹¹ Tũ alói mut tâng đõng, alói hũm con ki cõp Mari, mpiq án. Alói sacõh racõl sang con ki. Chơ alói pớh hĩp ca bũn crong ngoaih aloõh yõn con ki, bũn: yẽng, trãm, cõp siet phuom.

¹² Chơ Yiang Sursĩ atõng loah alói toãq parnáu mpáu yõn alói chõi chu noãng pở đõng Hê-rõt. Ngkĩq alói chu pở cruang alói, ma alói chu na rana canõh ẽn.

Yô-sep, Mari, Cõp Con Põq Pở Cruang Ê-yip-tô

¹³ Toãq vớt cũai rien tẽ mantõr chu, chơ ranẽng Yiang Sursĩ toãq loah pở Yô-sep na parnáu mpáu, pai neq: “Mới yuor toãp, đũng con cõp mpiq án loõh cõp pởq chu cruang Ê-yip-tô. Anhia õt đở cruang ki voai toau cứq atõng loah anhia yõn chu, yuaq puo Hê-rõt yoc ẽ cachĩt con ki.”

¹⁴ Ngkĩq Yô-sep yuor tayúng. Bo noãng canám án đũng con cõp mpiq con ki mut õt cruang Ê-yip-tô ẽn. ¹⁵ Alói õt pở ki toau toãq tangái Hê-rõt cuchĩt.

Ranáq nãi lứq rapĩeiq máh parnai Yiang Sursĩ khoiq pai na cũai tang bõq Yiang Sursĩ tẽ mbõq neq: “Cứq arõ con samiang cứq loõh tẽ cruang Ê-yip-tô.”*

Hê-rõt Cachĩt Nheq Tũh Con Samiang

¹⁶ Toãq Hê-rõt dáng cũai rien tẽ mantõr phẻq án, ngkĩq án sâng ùan lứq. Án ớn noau cachĩt nheq tũh carnẽn samiang tẽ bar cumo asẽng tâng vil Bet-lahem cõp máh vil õt mpễn vil ki. Án noap tẽ

tangái cũai rien tẽ mantõr khoiq atõng yõn án dáng.

¹⁷ Ngkĩq cõt rapĩeiq parnai Yê-ramia, la cũai tang bõq Yiang Sursĩ, khoiq pai tẽ mbõq neq:

¹⁸ “Noau sâng srong cuclõiq cucling tẽ vil Rama;

la srong Rachel nhiam atẽh sanhũ máh con án.

Án tở bũn tamúng máh santoiq noau aliam án,

yuaq con án tở bũn noãng.”*

Yô-sep, Mari, Cõp Con Chu Tẽ Cruang Ê-yip-tô

¹⁹ Vớt Hê-rõt cuchĩt chơ, ngkĩq ranẽng Yiang Sursĩ toãq loah pở Yô-sep tâng cruang Ê-yip-tô na parnáu rláu mpáu sĩa. ²⁰ Ranẽng ki pai neq: “Yuor tayúng. Đũng con cõp mpiq án chu loah pở cruang I-sarel, yuaq cũai yoc ẽ cachĩt con ki khoiq cuchĩt chơ.”

²¹ Ngkĩq Yô-sep yuor tayúng, đũng con cõp mpiq con ki chu loah pở cruang I-sarel.

²² Ma toãq Yô-sep sâng noau pai Achê-lau cõt puo tâng cruang Yudê, pláih loah Hê-rõt mpoaq án, ngkĩq Yô-sep tở khón chu pở ki. Ma Yiang Sursĩ toãq atõng loah án na parnáu rláu mpáu. Ngkĩq án pởq õt pở cruang Cali-lê ẽn.

²³ Án toãq õt tâng vil Na-sarết. Ngkĩq cõt rapĩeiq samoat parnai cũai tang bõq Yiang Sursĩ pai tẽ mbõq neq:

“Noau đõq án la cũai Na-sarết.”

3

Yang Ca Táq Batẽm
(Mac 1:1-8; Luca 3:1-18; Yang 1:19-28)

¹ Bo ki, Yang táq batẽm toãq atõng tẽ ngê Yiang Sursĩ pở ntõq aiq tâng cruang Yudê. ² Án atõng neq: “Cỏq anhia ngin lỏih lẻq cõt

mút tamái ên, yuaq khoiq cheq lúq chơ tangái Yiang Sursĩ táq sôt.”

³ Ê-sai la cūai tang bỗq Yiang Sursĩ, khoiq atōng tễ Yang neq: “Bữn sường sabau atōng casang tễ ntốq aiq neq:

‘Cóq anhia atúc rana yỗn Ncháu hái.

Cháh báng yỗn tanoang rana yỗn án pỗq.’”[✧]

⁴ Yang nài đốq tác tampác noau táq toàq sóc charán lac-da. Cóp án cantoân parnoân ngcâr tâng ngkĩng án. Án cha lam cóp nguaiq đốq khĩal tễ aruih. ⁵ Bữn cūai proai tễ vil Yaru-saleme cóp chũop nheq cruang Yudê, dếch cūai ốt mpêr crông Yôr-dan hữ toàq pỡ án. ⁶ Alóí ngin lôih, chơ Yang táq batêm yỗn alóí tâng crông Yôr-dan.

⁷ Từ Yang hữm chừng cūai tễ tốp Pha-rasi cóp tốp Sa-dusê toàq pỡ án, êq án táq batêm yỗn alóí, ngkĩq án pai chốq alóí neq: “Anhia la pla ariang cusân tur. Anhia tỡ têq viaq vót tễ Yiang Sursĩ táq anhia toàq án táq máh cūai lôih tâng tangái parsôt. ⁸ Cóq anhia táq ranáq o. Nài la tếc anhia khoiq ngin lôih lêq cõt mút tamái ên. ⁹ Chối chanchóm anhia têq viaq vót tễ tột cồ anhia pai neq: ‘A-praham la achúc achiac hếq.’ Cúq atōng anhia samoât lúq, khân Yiang Sursĩ yoc, têq án ỉt tamáu cóp tễng cõt tống toiq A-praham. ¹⁰ Sanua ariang pai bữn muoi pla achât payư cheq nỡm aluang. Nỡm aléq ma tỡ bữn cõt palái o noau ê tamư, chơ sarpút tâng uih. ¹¹ Cúq táq batêm yỗn anhia na đốq, la táq tếc anhia ngin lôih lêq cõt mút tamái ên. Ma án ca toàq ntun cúq, án ki bữn chớch clũĩ tễ cúq. Cúq tỡ bữn

dũ chớch dếh ayêq cộp án, yuaq chớch cúq la cacót lúq. Án ki ê táq batêm yỗn anhia na Raviei Yiang Sursĩ cóp uih. ¹² Atĩ án yống taving, chơ án u-ũm nheq tữh saro án. Aléq chong, ki án đốq tâng sanic. Aléq hũat, ki án apống tâng uih blữ tỡ nai pát yỗn cat nheq.”

Yang Táq Batêm Yỗn Yê-su
(Mac 1:9-11; Luca 3:21-22)

¹³ Bo ki Yê-su loỏh tễ cruang Cali-lê pỗq chu crông Yôr-dan, yuaq án êq Yang táq batêm yỗn án. ¹⁴ Ma Yang suon tỡ êq táq batêm yỗn án. Yang pai neq: “Pĩeiq lúq la anhia táq batêm yỗn cúq. Cỗ nốq anhia toàq pỡ cúq êq cúq táq batêm yỗn anhia?”

¹⁵ Ma Yê-su ta-õi loah bỗq Yang neq: “Sanua cóq mới táq batêm yỗn cúq. Ngkĩq, hái cóq táq dũ ramúh Yiang Sursĩ ốn hái táq.”

Moâm Yê-su pai ngkĩq, chơ Yang táq batêm yỗn Yê-su.

¹⁶ Moâm Yê-su roap batêm, chơ án chỗn tễ đốq. Chơ paloỏng samoât riang noau pốh, cóp Yê-su hữm Raviei Yiang Sursĩ sểng tễ paloỏng ariang chóm tariap, chơ póc tâng tỗ án. ¹⁷ Muoi próh ki bữn sường Yiang Sursĩ sabau atōng tễ paloỏng neq: “Nài la Con cúq, án ca cúq ayoỏq lúq. Ntrớu án táq, la cúq bũ pahỏm nheq.”

4

Yiang Satan Chim Yê-su Ê Radũng Án Táq Lôih
(Mac 1:12-13; Luca 4:1-13)

¹ Vót ki Raviei Yiang Sursĩ đừng Yê-su pỗq chu ntốq aiq, yỗn yiang Satan chim Yê-su ê radũng án táq ranáq lôih. ² Yê-su ốt sana nheq pỗn chít tangái pỗn chít sadáu. Vót ki án sâng panhieih lúq. ³ Chơ yiang Satan toàq toáp

pở Yê-su, cớp pai neq: “Khân mới lứq Con Yiang Sursĩ, âu mới táq máh tamáu nâi yỗn cớt crớng sana.”

⁴ Ma Yê-su ta-õi án neq: “Tâng tâm saráq Yiang Sursĩ khoi q chĩc neq:

‘Cũai tở bữn tamoong cõ nhơ tể cha crớng sana sâng,
ma cũai bữn tamoong cõ nhơ tể dũ santoi q loõh tể bỗq Yiang Sursĩ.’”[✠]

⁵ Vót ki yiang Satan đưng Yê-su mut tâng vil Yaru-saleme, la vil miar khong Yiang Sursĩ. Án yỗn Yê-su chõn tayứng tâng anũol Dống Sang Toâr, ⁶ cớp án pai neq: “Khân mới lứq Con Yiang Sursĩ, âu mới pớng asẽng, yuaq tâm saráq Yiang Sursĩ khoi q chĩc neq: ‘Yiang Sursĩ lứq ớn máh ranẽng án tể paloõng bán kĩaq nĩc mới.

Alói lứq đở mới toãq atĩ alói, tở yỗn ayừng mới cớt bớq chũl ntrớu tâng tamáu.’”[✠]

⁷ Ma Yê-su ta-õi loah án neq: “Ma lứq tâng tâm saráq Yiang Sursĩ án khoi q pai neq tể:

‘Anhia chõl chim Yiang Sursĩ, Ncháu anhia.’”[✠]

⁸ Chơ yiang Satan đưng Yê-su chõn tâng cóh sarõih lứq ẽn. Án sapáh yỗn Yê-su hữm nheq máh cruang sớ, cruang toâr cớp dũ ramứh chớc tâng cutẽq nâi. ⁹ Cớp án atõng Yê-su neq: “Nheq tữh ramứh nâi cứq ẽ chiau yỗn mới, khân mới sacõh racól sang cứq.”

¹⁰ Yê-su ta-õi án neq: “Mới priang yớng tể nâi, yiang Satan. Yuaq tâng tâm saráq Yiang Sursĩ khoi q chĩc chơ neq:

‘Cớq anhia sang toam Yiang Sursĩ la Ncháu anhia,

cớp táq ớng ranáq án sâng.’”[✠]

¹¹ Chơ yiang Satan loõh toãp tể Yê-su, cớp ranẽng Yiang Sursĩ tể paloõng toãq chuai Yê-su.

Yê-su Tabỏq Táq Ranáq Án Tâng Cruang Cali-lê

(Mac 1:14-15; Luca 4:14-15)

¹² Toãq Yê-su sâng noau khoi q cớp Yang, ngkĩq án pở q pở cruang Cali-lê. ¹³ Moãm án loõh tể vil Nasarêt, chơ án mut õt tâng vil Cabêna-um ẽn. Vil nâi õt tâng tor đờq mut, cheq raloan cruang Sa-bulôn cớp cruang Nep-tali. ¹⁴ Án táq ngkĩq yỗn cớt rapĩei q máh parnai Ê-sai, la cũai tang bỗq Yiang Sursĩ ¹⁵ khoi q pai neq:

“Cruang Sa-bulôn cớp cruang Nep-tali ời!

Cruang anhia õt yáng toah crớng Yô-dan,
bân rana pở q chu clóng Cali-lê.

Cruang Cali-lê bữn cũai tở cõn cũai I-sarel õt.

¹⁶ Máh cũai ca õt tâng ntốq canám,
alói bữn hữm ớc poang tráh lứq.

Cớp máh cũai õt tâng ntốq cuchĩt,
alói bữn hữm poang cla q chu alói.”[✠]

¹⁷ Noap tể ki, Yê-su tabỏq atõng tể ngê Yiang Sursĩ. Án atõng neq: “Cớq anhia ngin lòih lêq cớt mút tamái ẽn, yuaq cheq chơ Yiang Sursĩ táq sớ.”

Yê-su Ớn Põn Náq Ca Chuaq Sĩaq Puai Án

(Mac 1:16-20; Luca 5:1-11)

¹⁸ Bo Yê-su pở q mpễ tor clóng Cali-lê, án hữm bar náq sễm ai, Simôn (noau đờq Phi-er) cớp Anrê. Alói ki õt yoang alieiq tâng clóng,

✠ 4:4 4:4 Patập Loah 8:3 ✠ 4:6 4:6 ũat Khẽn 91:11-12 ✠ 4:7 4:7 Patập Loah 6:16 ✠ 4:10 4:10 Patập Loah 6:13 * 4:16 4:16 Ntốq canám cớp ntốq cuchĩt la sacãm tể cũai tở yũah dáng tể ngê Yiang Sursĩ. Ma poang cla q chớq alói, yỗn alói dáng tể ngê Yiang Sursĩ tể. ✠ 4:16 4:16 Ê-sai 9:1-2

yuaq alóí la cūai táq ranáq chuaq sīaq. ¹⁹ Yê-su pai chók alóí neq: “Anhia puai cứq, chơ cứq táq yỗn anhia cõt cūai chuaq cūai samoât anhia chuaq sīaq tê.”

²⁰ Bo ki toáp alóí táh alieiq; chơ alóí puai Yê-su.

²¹ Yê-su pởq bĩq ẻn; chơ án hữm bar náq sêm ai canõh ẻn ramứh Yacở cốp Yang. Alóí bar náq ớt clam loah alieiq tâng tuoc parnơi cốp mpoaq alóí, ramứh Sê-badê. Yê-su arô bar náq sêm ai ki. ²² Bo ki toáp alóí bar náq táh tuoc, cốp pởq tể mpoaq alóí, chơ puai Yê-su.

Yê-su Atởng Cốp Táq Bán Máh Cūai A-ỉ

(Luca 6:17-19)

²³ Yê-su pởq chũop cruang Cali-lê atởng tâng máh đổng sang cūai I-sarel parnai o tể Yiang Sursĩ táq sốt. Cốp án táq bán máh cūai tể dũ ramứh alóí a-ỉ. ²⁴ Máh ranáq Yê-su táq cõt parhan dũ ntốq tâng cruang Si-ri. Cốp noau đững pở án cứng cūai ca bữn sa-ữi ramứh a-ỉ neq: a-ỉ tráuq, yiang sâuq payỏh, a-ỉ yủh cusong, cốp a-ỉ coang tở. Yê-su táq bán nheq tữh cūai a-ỉ ki. ²⁵ Ngkĩq cứng lứq cūai puai Yê-su. Alóí toâq tể cruang Cali-lê, cruang De-ca-palot, vil Yaru-salem, cruang Yudê, cốp cruang yáng tooh crông Yờ-dan hữ.

5

Yê-su Atởng Bo Ớt Tâng Cớh

(Luca 6:20-23)

¹ Toâq Yê-su hữm cứng lứq cūai ớt ngki, án chỏn tâng cớh; chơ án tacu. Tởp rien tể án tacu cheq án. ² Chơ Yê-su tabỏq atởng alóí neq:

³ “Bốn lứq cūai aléq ngin mút pahỏm alóí tở bữn o ntrứu, yuaq Yiang Sursĩ cõt sốt tâng mút pahỏm alóí.

⁴ Bốn lứq cūai aléq sâng ngua tâng dời nâi, yuaq nữ-ra Yiang Sursĩ toáp aliam alóí.

⁵ Bốn lứq cūai aléq bữn mút lamên, yuaq nữ-ra Yiang Sursĩ yỗn alóí ndỏm cốc cutểq nâi.

⁶ Bốn lứq cūai aléq ẻr áiq yoc ẻ táq ranáq tanoang o, yuaq nữ-ra Yiang Sursĩ yỗn alóí bữn ariang pahỏm alóí yoc.

⁷ Bốn lứq cūai aléq sâng ayooq táq cūai canõh, yuaq nữ-ra Yiang Sursĩ sâng ayooq táq alóí tê.

⁸ Bốn lứq cūai aléq bữn mút pahỏm tở bữn lỏih ntrứu, yuaq nữ-ra alóí bữn hữm Yiang Sursĩ.

⁹ Bốn lứq cūai aléq radững ỏc ratoi, yuaq nữ-ra Yiang Sursĩ đởq cūai ki la con acái án.

¹⁰ Bốn lứq cūai aléq ramỏh máh ramứh tũh coat cở tian alóí puai ngê Yiang Sursĩ, yuaq nữ-ra alóí bữn ndỏm ntốq Yiang Sursĩ sốt tâng paloỏng.

¹¹ “Bốn lứq anhia toâq cūai canõh sieu anhia, táq anhia, cốp tũn anhia táq nheq máh ỏc sâuq, cở anhia puai ngê cứq. ¹² Cớq anhia ớt bữi cốp ỏn chỡ, yuaq nữ-ra anhia bữn kia sa-ữi tâng paloỏng. Yuaq máh cūai tang bỏq Yiang Sursĩ tể mbỏq khoiq chũuq noau táq alóí machớng anhia tê.”

Yê-su Atởng Tể Boi Cốp Ớc Poang

(Mac 9:50; Luca 14:34-35)

¹³ “Anhia la samoât riang boi yỗn cūai canõh ớt tâng cốc cutểq nâi. Ma khân boi cõt ntiah, nỏq ẻ táq yỗn cõt báq loah? Lứq tở tẻq táq ntrứu noâng boi ki. Háit tởh táh yỗn cūai tữn chíq.

14 “Anhia la samoât riang poang claḡ yõn nheḡ cũai tâng cóc cutẽḡ nâi. Anhia la samoât riang muoi vil toâr tâng anũol cóh. Tõ bữn noau têḡ capáng chíḡ poang tẽ vil ki. 15 Machóng ki tê, tỡ bữn noau tacât chóp tởu, chơ catúp chóc khang. Ma lứḡ noau đợḡ tâng rông yõn poang claḡ chu nheḡ tữh cũai tâng đống. 16 Machóng ki tê, anhia cóḡ yõn poang tẽ anhia claḡ yõn cũai canóh hữm. Ngkíḡ toâḡ alới hữm máh ranáḡ o anhia táḡ, alới lứḡ khễn Mpoaḡ anhia tâng paloõng.”

Yê-su Atõng Tẽ Phễḡ Rit Mõi-se

Yõn

17 “Anhia chỏi chanchóm cứḡ toâḡ pỡ nâi ẽ pupứt chíḡ phễḡ rit Mõi-se, tỡ la ngê máh cũai tang bỗḡ Yiang Sursĩ tẽ mbỗḡ. Cứḡ tỡ bữn toâḡ ẽ pupứt ngê ki, ma cứḡ toâḡ ẽ yõn ngê ki cõt rapĩeiḡ. 18 Cứḡ atõng anhia samoât lứḡ, khân noâng bữn paloõng cóḡ cutẽḡ, lứḡ tỡ bữn pứt muoi ốc ntróu tẽ phễḡ rit nâi toau sớt nheḡ đõi. 19 Ngkíḡ, khân cũai aléḡ táh muoi ốc ntróu tẽ phễḡ rit ki cóḡ atõng cũai canóh yõn táh tê, cũai ki tỡ têḡ cõt sớt ntróu tâng tốp Yiang Sursĩ sớt. Ma cũai aléḡ ma trĩh phễḡ rit ki cóḡ atõng yõn cũai canóh trĩh tê, cũai ki cõt sớt lứḡ tâng tốp Yiang Sursĩ sớt. 20 Ngkíḡ cứḡ atõng anhia, khân anhia yoc ẽ mut tâng tốp Yiang Sursĩ sớt, anhia cóḡ puai ngê Yiang Sursĩ yõn o cũi tẽ máh cũai yõng rit cóḡ máh cũai Pha-rasi.”

Yê-su Atõng Tẽ Cũai Mút Nsóc
(Luca 12:57-59)

21 “Anhia khoiḡ sâng chơ noau atõng tẽ mbỗḡ neḡ:
'Anhia chỏi cachĩt cũai.
Cũai aléḡ ma cachĩt cũai canóh,

noau lứḡ sữḡ án.'[☆]

22 Ma cứḡ atõng anhia neḡ: Khân cũai aléḡ sâng nsóc mút chóc sêm ai án, Yiang Sursĩ lứḡ sữḡ cũai ki. Aléḡ ralõih cóḡ sêm ai, cóḡ pai sêm ai án neḡ: 'Mới sacũl lứḡ,' ki têḡ cũai tâng đống sang parchĩn. Ma cũai aléḡ báih cóḡ pupap sêm ai án, cũai ki Yiang Sursĩ apõng tâng pống sarloac. 23 Ngkíḡ, khân anhia đứng cớng ẽ chiau sang yõn Yiang Sursĩ pỡ prõng sang, ma anhia sanhữ loah sêm ai anhia noâng ũan cóḡ anhia, 24 cóḡ anhia đợḡ cớng sang ki tâng đống sang. Chơ cóḡ anhia pĩh chu ra-o loah cóḡ sêm ai anhia voai. Ki nốḡ anhia chiau sang cớng yõn Yiang Sursĩ.

25 “Toâḡ anhia ralõih cóḡ cũai canóh, cóḡ cũai ki ẽ đứng anhia pỡḡ ramóh cũai sớt, cóḡ anhia pruan ratoi loah bo anhia tỡ yũah toâḡ pỡ cũai sớt. Khân anhia tỡ bữn pruan ratoi cháih, cõh lơ cũai sớt ki đứng anhia toâḡ pỡ cũai sớt hữn ẽn yõn án rasữḡ anhia. Ngkíḡ cũai sớt ki ẽ chiau anhia yõn noau kháng anhia tâng cuaḡ tũ. 26 Anhia tỡ têḡ loõh tẽ cuaḡ toau anhia culáḡ đũ nheḡ máh práḡ cũai sớt ki pai.

Yê-su Atõng Tẽ Cũai Cooc
Lacuoì Tỡ La Cayac Noau

27 “Anhia khoiḡ sâng noau atõng neḡ:

'Chỏi cooc lacuoì tỡ la cayac cũai canóh.'[☆]

28 Ma cứḡ atõng anhia neḡ: Cũai aléḡ ma nhêḡ chu cũai mansẽm cóḡ mút pahõm án chanchóm yoc ẽ bữn mansẽm ki, lỏih mút pahõm cũai ki la machóng án khoiḡ cooc mansẽm ki chơ. 29 Khân ốc moat anhia ma đứng anhia táḡ lỏih, cóḡ anhia culáḡ táh chíḡ ốc moat

ki. O hõn anhia pút ốc moat anhia sâng, saláng anhia pút nheq tở chác tâng pống sarloac. ³⁰ Cóp khân atĩ anhia ma đưng anhia táq lỏih, cóq anhia cõh voang chíq atĩ ki. O hõn anhia pút atĩ sâng, saláng anhia pút nheq tở chác tâng pống sarloac.

Yê-su Atõng Tễ Cũai Táh Lacuoi

(*Mathia 19:9; Mac 10:11-12; Luca 16:18*)

³¹ “Bữn noau khoi q chĩc neq: ‘Cũai aléq ma yoc táh lacuoi án, án cóq táq choai q ratáh yõn lacuoi.’[☆]

³² Ma cứq atõng anhia neq: Khân cũai aléq táh lacuoi án ma lacuoi án tở bữn bẻq parnoĩ cóp sami ang canõh, cũai ki táq yõn lacuoi án cõt lỏih khân án ít cayac tamái. Cóp cũai canõh noap án bữn lỏih samoat ri ang án cooc lacuoi noau.

Yê-su Atõng Tễ Cũai Thễ Dũan

³³ “Anhia khoi q sâng chơ noau pai tễ mbỏq neq:

‘Khân anhia thễ dũan ntróu ma taléq ramứh Yiang Sursĩ, ki anhia tở tẻq táh.’[☆]

³⁴ Ma cứq atõng anhia neq: Khân anhia ể pruan ntróu, anhia chõĩ taléq ramứh ntróu. Chõĩ taléq paloõng, yuaq paloõng la ntỏq Yiang Sursĩ ốt. ³⁵ Chõĩ taléq cốc cutẻq, yuaq cutẻq la Yiang Sursĩ toáp ndỏm. Chõĩ taléq vil Yaru-sale m, yuaq vil ki la vil Yiang Sursĩ, án ca Puo Sốt Toa n. ³⁶ Cóp anhia chõĩ taléq đẻh plở sóc anhia, yuaq anhia tở tẻq táq muoi ntreh sóc cloc tở la cũm. ³⁷ Khân pẻi q, ki anhia pai ‘Pẻi q.’ Khân tở pẻi q, ki anhia pai ‘Tở pẻi q.’ Khân anhia pai sa-ủi san-toi q canõh, ốc ki toa q tễ yiang Satan.

Yê-su Atõng Tễ Cũai Carláh Dỡq

(*Luca 6:29-30*)

³⁸ “Anhia khoi q sâng chơ noau pai neq:

‘Moat pláih loah moat;

canẻng pláih loah canẻng.’[☆]

³⁹ Ma cứq atõng anhia neq: Chõĩ carláh dỡq chỏq cũai táq anhia. Khân noau tapáh rẻng báng anhia coah atoam, ki cóq anhia sato yõn án tapáh coah avẻ hỡ. ⁴⁰ Khân noau đưng anhia toa q ramỏh cũai sửq cõ yoc ể ít au tâng clỏng tễ tở anhia, ki anhia tũot đẻh au tuar yáng tiah hỡ, chơ yõn pỡ án. ⁴¹ Khân noau ểp anhia yõn pỡq muoi ki-lỏ-mẻt, ki cóq anhia pỡq loa ng bar ki-lỏ-mẻt cóp án. ⁴² Khân cũai aléq sẻq ntróu tễ anhia, anhia yõn án aki. Cóp khân cũai aléq yoc ể mian ntróu tễ anhia, ki anhia yõn án mian.

Yê-su Atõng Cóq Ayooq Mách Cũai Par-ủal

(*Luca 6:27-28, 32-36*)

⁴³ “Anhia khoi q sâng chơ noau pai neq:

‘Cóq anhia ayooq yóu anhia,

cóp kẻt cũai ca yoc ể táq anhia.’[☆]

⁴⁴ Ma cứq atõng anhia neq: Cóq anhia ayooq máh cũai yoc ể táq anhia, cóp cóq anhia câu yõn cũai ca táq túh coat anhia. ⁴⁵ Táq ngkỉ q anhia lứq cõt con acái Mpoa q anhia tâng paloõng. Yuaq án yõn moat mandang án cla q pỡ cũai o cóp cũai loai. Cóp án yõn mia rooh cũai tanoang o, cóp cũai tở bữn tanoang o. ⁴⁶ Khân anhia ayooq óng cũai ayooq anhia sâng, ki ntróu Yiang Sursĩ yõn anhia bữn cóng? Lứq samoat, cũai ít práq thẻq la táq machỏng ki tẻ. ⁴⁷ Cóp khân anhia tabỏp

☆ 5:31 5:31 Patáp Loah 24:1 ☆ 5:33 5:33 Nghĩ Proai 30:2 ☆ 5:38 5:38 Loỏh Tễ Ê-yip-tỏ 21:24; Lê-vi 24:20; Patáp Loah 19:21 ☆ 5:43 5:43 Lê-vi 19:18

tabéh o ống sêm ai anhia sâng, ki anhia tở bữn salêh ntróu tể cũai canốh. Dêh cũai tở nai sâng tể Yiang Sursĩ la táq machóng ki tê. ⁴⁸ Ngkíq, cóq anhia bữn mút pahỏm samoát Mpoaq anhia tâng paloống, án tở bữn óq muoi ramứh o ntróu.

6

Yê-su Atởng Tể Chuai Máh Cũai Cadĩt

¹ “Cóq anhia nhêng samoát! Toâq anhia táq ranáq Yiang Sursĩ, anhia chỏi táq yáng moat cũai êq noau hữm. Khân anhia táq ngkíq, Mpoaq anhia tâng paloống tở bữn yỏn cóng tể ranáq anhia táq.

² “Toâq anhia ẻ chuai cũai cadĩt, anhia chỏi apáh yỏn cũai canốh dáng, êq noau khêh anhia. Sa-ữi náq cũai đốq táq ngkíq tâng đổng sang cóp tâng rana. Alóỉ êq lứq cũai canốh hữm cóp khêh alóỉ. Ma cứq atởng anhia samoát lứq, alóỉ ki khoi q bữn chơ cóng alóỉ. ³ Ma toâq anhia ẻ chuai cũai cadĩt, cóq anhia táq rangiac, chỏi yỏn cũai canốh hữm.* ⁴ Lứq anhia táq rangiac, ma Mpoaq anhia tâng paloống hữm máh ranáq anhia táq, cóp án yỏn anhia bữn cóng tể máh ranáq anhia táq.

Yê-su Atởng Tể Parnai Câu (Luca 11:2-4)

⁵ “Toâq anhia câu, anhia chỏi tũoiq cũai ca táq nan sâng. Cũai ki đốq tayúng câu tâng đổng sang cóp tâng rana, êq cũai hữm alóỉ câu, chơ khêh alóỉ. Cứq atởng anhia samoát lứq, alóỉ ki khoi q bữn chơ cóng tể ranáq alóỉ táq. ⁶ Ma toâq anhia câu, cóq anhia mut tâng clống miar cóp catáih toong. Ớt nốq ki anhia câu pở Mpoaq anhia, ca anhia tở bữn

hữm. Ma lứq án hữm anhia câu tâng nốq clốp ki, cóp án culáh cóng yỏn anhia.

⁷ “Toâq anhia câu, anhia chỏi câu alúp-adữq tở cớt óc ariang cũai tở bữn dáng ngê Yiang Sursĩ. Alóỉ chanchỏm cóq câu sa-ữi san-toiq nốq têq Yiang Sursĩ sâng. ⁸ Anhia chỏi táq riang alóỉ ki. Lứq Mpoaq anhia tâng paloống dáng chơ ramứh ntróu anhia óq tể nhũang anhia tở yũah sêq tể án.

⁹ “Ngkíq toâq anhia câu cóq anhia câu neq:

‘Cucốh Mpoaq hêq ớt tâng paloống!

Sêq anhia yỏn nheq tữh cũai yám noap ramứh anhia.

¹⁰ Sêq anhia cớt sớt nheq tữh cũai tâng cutêq nài.

Cóp sêq anhia yỏn noau trĩh ngê anhia tâng cutêq nài machóng noau trĩh ngê anhia tâng paloống tê.

¹¹ Sêq anhia yỏn hêq khám cha tangái nài.

¹² Sêq anhia táh lôih hêq, machóng hêq táh lôih noau táq chỏq hêq.

¹³ Sêq anhia chỏi yỏn hêq ramóh óc chim ntâng lứq, cóp chỏi yỏn yiang Satan radũng hêq táq ranáq sâuq.

Yuaq nheq ramứh sớt, nheq ramứh chóc, cóp nheq ramứh ang-ữr ớt níc cóp anhia,

sớt đỏi loi cumo. Amen.†

¹⁴ “Khân anhia táh lôih cũai canốh táq chỏq anhia, Mpoaq anhia tâng paloống táh tê lôih anhia táq. ¹⁵ Ma khân anhia tở bữn táh lôih cũai canốh táq chỏq anhia, Mpoaq anhia tâng paloống tở bữn táh tê lôih anhia táq.

* **6:3** 6:3 Tâng parnai Créc rana nài pai neq: ‘Chỏi yỏn atĩ avêr dáng atĩ atoam táq ntróu.’

† **6:13** 6:13 Bữn choáiq tiaq ca tở bữn bữn parnai parsót nài

Yê-su Atông Tê Ót Sana

¹⁶ “Toâq anhia ót sana ẽ sang Yiang Sursĩ, anhia chõĩ táq moat múh churq ngõq riang cũai táq nan sâng. Alóĩ ki táq yõn moat múh alóĩ churq ẽq cũai canõh dáng alóĩ ót sana. Cúq atõng anhia samoât lứq, alóĩ ki khoiq bữn roap chơ cóng tẽ ranáq alóĩ táq. ¹⁷ Ma toâq anhia ót sana ẽ sang Yiang Sursĩ, cóq anhia culiaq moat múh cóp siet sóc pôi. ¹⁸ Chõĩ yõn cũai canõh dáng anhia ót sana. Ma óng Mpoaq anhia toáp, án ca anhia tở bữn hữm, án hữm máh ranáq clõp anhia táq. Cóp án culáh cóng tẽ máh ranáq anhia táq.

Yê-su Atông Tê Cũai Sốc
(Luca 12:33-34)

¹⁹ “Anhia chõĩ parõm pachứm sanóc nừn tâng dờĩ nãi, yõn lamoooh cóp saréh cha, cóp savẽng đốq mut tutuoiq. ²⁰ Ma cóq anhia pachứm mun tâng paloõng, la ntỏq tở bữn lamoooh cóp saréh cha, cóp tở bữn savẽng mut tuoiq ít. ²¹ Yuaq ntỏq aléq anhia đốq máh mun anhia, mút pahõm anhia õt chanchóm níc chu ntỏq ki.

Yê-su Sacâm Ốc Poang Tâng Tỏ Cũai
(Luca 11:34-36)

²² “Moat cũai la samoât riang tabong yõn tỏ. Khãn moat anhia ma hữm, ki nheq tỏ anhia cõt poang tẽ. ²³ Ma khãn moat anhia cõt sỏm, nheq tỏ anhia cõt canám tũn-nhũt tẽ. Cóp khãn ngẽ anhia chanchóm poang, ma tở bữn lứq poang, ki anhia cõt canám lứq lơ.

Yê-su Atông Tê Cờng Cróu Cũai
(Luca 16:13; 12:22-31)

²⁴ “Lứq tở bữn cũai aléq ma tẽq cõt sũl yõn bar náq ncháu. P̄ieiq án kêt ncháu nãi, ma ayooq ncháu

ki, tở la án yám ncháu nãi, ma mumat ncháu ki.

“Machóng ki tẽ anhia tở tẽq puai ngẽ Yiang Sursĩ p̄riap cóp ngẽ ham sanóc tâng dờĩ nãi.

²⁵ “Yuaq ngkĩq cúq atõng anhia, chõĩ clong tẽ sana anhia ẽ cha, đờq anhia ẽ nguaiq, cóp tampác anhia ẽ tâc. Lứq samoât, hái bữn tamoong la toâr hõn tẽ hái bữn sana cha. Cóp hái bữn tỏ chác la toâr hõn tẽ hái bữn tampác tâc. ²⁶ Anhia nhẽng chu máh chóm pâr tâng paloõng. Án tở bữn choat choi, tở bữn sot, cóp tở bữn parõm đờq sana ntróu tâng đống. Ma lứq Mpoaq anhia tâng paloõng chừm siem án. Casõn anhia, Yiang Sursĩ pasẽq hõn tẽ máh chóm. ²⁷ Tở bữn cũai aléq ma tẽq to anhúq án yõn cõt cuti hõn cõ tẽ án clong la-õq.

²⁸ “Cóp nõq anhia ma lua cút la-õq tẽ máh tampác tâc? Anhia nhẽng chu piar bát. Piar ki tở bữn túh táq ranáq ntróu tẽ tampác tâc. ²⁹ Ma cúq atõng anhia samoât lứq, puo Sa-lamôn ca sóc lứq, án tở bữn sỏp tampác nõuq ỉn piar nãi. ³⁰ Lứq Yiang Sursĩ toáp yõn piar bát cõt nõuq. Ma piar ki tamoong mahõĩ sâng. Tangái nãi án cháh; tangái parnở án rangõm. Lứq samoât, clũĩ tẽ piar ki Yiang Sursĩ yõn anhia bữn tampác tâc. Cõ nõq anhia sa-âm bĩq lứq?

³¹ “Ngkĩq anhia chõĩ clong, cóp pai neq: ‘Nõq hái ẽ táq yõn bữn sana cha, bữn đờq nguaiq, tở la bữn tampác tâc tâng tangái ntun?’ ³² Máh ramứh nãi, cũai tở bữn dáng Yiang Sursĩ đốq clong. Ma Mpoaq anhia tâng paloõng khoiq dáng chơ, anhia cóq bữn máh ramứh ki. ³³ Nhũang lứq, cóq anhia chuaq Yiang Sursĩ yõn cõt sỏt tâng mút pahõm anhia

cóp chuaq ngê tanoang o tể án. Chơ án lứq chuai anhia bữn máh ramóh ki. ³⁴ Ngkíq anhia chỏi cọng ntróu tể tangái parnở. Parnở la pún parnở. Túh coat tangái léq, anhia chũuq tangái ki.

7

Yê-su Atông Manoaq Chỏi Tểq Manoaq

(Luca 6:37-38, 41, 42)

¹ “Anhia chỏi tểq cũai canỏh, đởq Yiang Sursĩ tở bữn tểq loah anhia. ² Yuaq maléq anhia tểq cũai canỏh, ki Yiang Sursĩ tểq loah anhia máh ki tể. Cóp maléq anhia noap lôih yóu, ki Yiang Sursĩ noap lôih anhia máh ki tể. ³ Nỏq anhia hữm brẻh tâng moat yóu, ma anhia tở bữn dáng khỉểc pian catáng moat anhia? ⁴ Cóp nỏq anhia cloq pai chóq yóu neq: ‘Yỗn cứq tavaih ít chíq brẻh tể moat mới,’ ma anhia tở bữn dáng khỉểc pian sadal chíq moat anhia? ⁵ Anhia la cũai êm bĩq parnai sâng! Cóp anhia ít chíq khỉểc pian tể moat anhia voai. Ki nỏq tểq anhia hữm raloaih, cóp tểq ít brẻh tể moat yóu.

⁶ “Anhia chỏi ít cọng miar khong Yiang Sursĩ, chơ yỗn chíq acho. Cóp chỏi ít cọng ngoaih, chơ yỗn chíq alic. Máh charán ki tở dáng paséq. Moâm án tĩn sapiar cọng ki, chơ án pĩh loah cáp anhia.”

Yê-su Ớn Cóp Sểq, Chuaq, Cóp Cucỏq

(Luca 11:9-13)

⁷ “Khân anhia sểq, ki anhia bữn. Khân anhia chuaq, ki anhia ramóh. Khân anhia cucỏq toong, ki noau pớh yỗn. ⁸ Yuaq dũ nắq cũai ca sểq, ki án bữn. Aléq chuaq, ki án ramóh. Aléq cucỏq toong, ki noau pớh yỗn. ⁹ Máh anhia ca bữn con chơ, khân con

anhia sểq bẻng, ki anhia yỗn án tamáu tở? ¹⁰ Cóp khân án sểq sĩaq, ki anhia yỗn án cusân tở? ¹¹ Anhia la moang cũai loài, ma noâng anhia dáng yỗn cọng o pở con anhia. Casõn Mpoaq anhia tâng paloõng, án lứq yỗn cọng o hỡn tể ki ển, khân cũai sểq tể án.

¹² “Ngkíq máh ranắq ntróu anhia yoc cũai canỏh táq chóq anhia, cóq anhia táq machóng ki tể chóq alỏi. Táq ngkíq, anhia puai samoát samơi máh phếp rit Yiang Sursĩ patáp na Mũi-se, cóp na cũai tang bỗq án.”

Yê-su Atông Tể Toong Cóp Rana Hểp

(Luca 13:24)

¹³ “Cóp anhia mut ngoah toong hểp, yuaq toong la-a cóp rana toâr, ki pỏq chu pống sarloac. Cứng cũai rườh pỏq rana ki. ¹⁴ Ma ngoah toong hểp cóp rana coat, ki pỏq chu ntỏq tamooing. Mỗ bĩq nắq cũai ramóh rana ki.”

Yê-su Atông Tể Aluang Cóp Palái

(Luca 6:43-44)

¹⁵ “Cóp anhia nhềng samoát, ngỏh bữn cũai táq nan tang bỗq Yiang Sursĩ toâq pở anhia. Roáp alỏi la samoát charán cũu ma mút pahỏm alỏi la samoát acho cruang, pla lứq. ¹⁶ Têq anhia saccoal alỏi toâq anhia hữm máh ranắq alỏi táq. Nỡm sarlia tacõng tở nai cõt palái nho. Cóp nỡm sarlia cáng tở nai cõt palái tarúng. ¹⁷ Aluang o cõt palái o, cóp aluang sâuq cõt palái sâuq. ¹⁸ Aluang o tở tểq cõt palái sâuq, cóp aluang sâuq tở tểq cõt palái o. ¹⁹ Aluang aléq tở bữn cõt palái o, ki noau pỏaiq, chơ sarpứt tâng ỹih. ²⁰ Machóng ki tể, anhia tểq saccoal cũai táq nan tang bỗq

Yiang Sursĩ toàq anhia hũm máh ranáq alóí táq.”

Yê-su Pai Tở Bữn Dũ Náq Têq Mut Tâng Ntốq Yiang Sursĩ Sốt
(Luca 13:25-27)

²¹ “Tở bữn dũ náq đởq cứq Ncháu ma têq mut tâng ntốq Yiang Sursĩ sốt tâng paloõng. Ông alóí ca táq puai rangũh Mpoaq cứq tâng paloõng toáp têq mut. ²² Toàq tangái ki, bữn sa-ũĩ cũai pai chốq cứq neq: ‘Ncháu ơi! Ncháu ơi! Nho ramứh anhia hếq atõng parnai Yiang Sursĩ. Nho ramứh anhia hếq tuih yiang sâuq cốp táq sa-ũĩ ranáq salẽh.’ ²³ Ma cứq ta-õĩ alóí neq: ‘Cứq tở bữn dáng anhia. Anhia pởq chíq tẽ nãi. Anhia la cũai táq ranáq sâuq.’ ”

Yê-su Atõng Tẽ Táq Dõng Tâng Tamáu Tở La Tâng Chũah
(Luca 6:47-49)

²⁴ “Ngkíq, cũai aléq tamứng cốp trĩh parnai cứq atõng nãi, án la samoát cũai rangoaiq patứng dõng tâng tamáu lantar. ²⁵ Toàq mia choân, đởq ralôq, cốp cuyal rapuq hập, ma dõng ki tưng tở bữn dóm, yuaq cũai patứng dõng tâng tamáu. ²⁶ Ma cũai aléq tamứng santoiq cứq, ma án tở bữn trĩh parnai ki, án ki la samoát cũai sacũl patứng dõng tâng chũah. ²⁷ Toàq mia choân, đởq ralôq, cốp cuyal rapuq hập, dõng ki sarũq cõt ralõh nheq!”

Máh Cũai Ca Tamứng Yê-su Atõng Sâng Dót Lứq

²⁸ Moâm Yê-su atõng máh parnai ki, máh cũai lừng õt mpêr ki sâng dót lứq tẽ parnai án atõng, ²⁹ yuaq án atõng ariang án la cũai bữn chốq lứq, cốp tở bữn ariang cũai yõng rit đốq atõng.

8

Yê-su Táq Bán Cũai A-ĩ Tut
(Mac 1:40-45; Luca 5:12-16)

¹ Toàq Yê-su sễng tẽ cóh, bữn lừng cũai puai ntun cũi án. ² Bữn manoaq samiang a-ĩ tut toàq sacõh racól choâng moat Yê-su, cốp pai neq: “Ncháu ơi! Khãn Ncháu yoc, Ncháu têq táq yõn cứq cõt bán.”

³ Yê-su satoaq atĩ tâng cũai a-ĩ ki, cốp pai neq: “Cứq yoc. Yõn mới cõt bán.”

Bo ki toáp cũai a-ĩ tut cõt bán. ⁴ Chơ Yê-su patáp án neq: “Chõĩ atõng yõn cũai canõh dáng tẽ ranáq nãi. Ma cóq mới pởq apáh tở mới yõn cũai tẽng rit sang Yiang Sursĩ nhêng. Chơ mới chiau sang yõn Yiang Sursĩ máh ramứh Mõi-se patáp tẽ mbỏq. Nãi la tếc apáh yõn cũai canõh dáng mới khoiq cõt bán chơ.”

Yê-su Táq Bán Muoi Náq Cũai Sũl Tahan
(Luca 7:1-10)

⁵ Bo Yê-su mut tâng vil Cabê-nam, bữn manoaq cũai Rô-ma, án sốt muoi culám tahan, án toàq pở Yê-su cốp sễq neq: ⁶ “Ncháu ơi! Manoaq cũai táq ranáq tâng dõng cứq a-ĩ coang tráuq lứq.”

⁷ Yê-su ta-õĩ án neq: “Cứq lứq pởq táq yõn án cõt bán.”

⁸ Ma cũai sốt tahan ki pai neq: “Ncháu ơi, cứq tở khỏn pởq coaiq Ncháu yõn mut tâng dõng cứq. Ma cứq sễq Ncháu pai sâng yõn cũai táq ranáq cứq cõt bán la dũ chơ. ⁹ Cứq bữn cũai sốt cứq, cốp cứq cõt sốt cũai canõh tẽ. Khãn cứq ón cũai nãi: ‘Pởq!’ ki án pởq. Khãn cứq ón cũai ki: ‘Toàq pở nãi!’ ki án toàq. Khãn cứq ón cũai táq ranáq cứq: ‘Táq neq!’ ki án táq.”

¹⁰ Bo Yê-su sâng santoiq ki, án sâng dót lứq. Chơ án pai chốq máh cũai õt mpêr án neq: “Cứq

atông anhia samoât lứq, cứq tớ nai hữm noau tể cũai I-sarel ma sa-âm riang cũai nãi. ¹¹ Cớq cứq atông anhia neq tề: Nỡ-ra bữn cứng cũai toâq tể angia mandang loõh, cớq angia mandang pát. Alói bữn tacu cha tâng ntốq Yiang Sursĩ sốt tâng paloông parnơi nững A-praham, I-sac, cớq Yacốp. ¹² Ma máh cũai I-sarel ca noau đốq proai Yiang Sursĩ, mớ tớ bữn sa-âm, Yiang Sursĩ ẽ sarpút alói tâng ntốq canám, la ntốq nhiam cu-ôi puprốh cớq carútot canẽng tabang sâng túh arúc lứq.”

¹³ Moâm ki, Yê-su atông cũai sốt tahan ki neq: “Mới chu pở đốq. Máh ọc mới sa-âm, ki lứq mới bữn.”

Bo ki toâp sũl cũai sốt tahan ki cớt bán.

Yê-su Táq Bán Cứng Cũai
(Mac 1:29-34; Luca 4:38-41)

¹⁴ Bo Yê-su mut tâng đốq Phi-er, án hữm yacán Phi-er bẽq tua cớ án a-ĩ cutâu tở. ¹⁵ Yê-su satoaq tâng tở ayoaq ki, chơ ọc cutâu cớt pút nheq. Án yuor cớq aloõh sana yõn Yê-su cha.

¹⁶ Toâq tabữ noau đững pở Yê-su cứng cũai bữn yiang sâuq payõh. Yê-su tuih aloõh yiang sâuq ki na láih parnai án. Cớq án táq bán dữ náq cũai ca a-ĩ canõh hỡ. ¹⁷ Án táq ranáq ki yõn cớt rapĩeiq máh santoiq Ê-sai, la cũai tang bỗq Yiang Sursĩ, khoiq pai neq:

“Án chiuq tanhĩr ọc túh tang hái, cớq ỉt đững nheq ramũh hái a-ĩ.”^{*}

Cóq Hái Táq Nổq Ễ Puai Ngê Yê-su Crĩt
(Luca 9:57-62)

¹⁸ Toâq Yê-su hữm cứng cũai õt pẽr án, chơ án ốn tốp rien

along án coah tooh clóng. ¹⁹ Bữn manoaq cũai yõng rit toâq pở án cớq pai neq: “Thái ơi! Pở lếq thái pởq, cứq puai thái pở ki tề.”

²⁰ Ma Yê-su ta-õi án neq: “Ayoõng bữn cựp, chóm bữn sóh, ma Con Yiang Cớt Cũai tớ bữn ntốq yõn án bẽq.”

²¹ Bữn manoaq ẽn ca rien tể án, pai neq: “Ncháu ơi! Yõn mpoaq cứq cuchĩt voai. Toâq moâm cứq tấp mpoaq cứq, cứq lứq puai Ncháu.”

²² Ma Yê-su ta-õi án neq: “Mới puai cứq sâng. Đốq yõn alói ca tớ bữn muoi mút cớq cứq, chừm siem alói ca tớ bữn muoi mút cớq cứq.”^{*}

Yê-su Sươq Cuyal Cớq Đỡq
(Mac 4:35-41; Luca 8:22-25)

²³ Chơ Yê-su chõn tâng tuoc, cớq tốp rien tể án puai án tề. ²⁴ Vốt ki, santar bữn rapuq hập lứq táq yõn đỡq lampóh lampoâp rêng lứq tâng tuoc mán tuoc ẽ đớq. Ma bo ki Yê-su bẽq. ²⁵ Tốp rien tể Yê-su pởq amoih án, pai neq: “Ncháu ơi! Chuai tồh! Háic cheq ẽ cuchĩt chơ!”

²⁶ Yê-su ta-õi alói neq: “Nổq anhia ngõch? Nổq anhia sa-âm bĩq lứq?”

Chơ Yê-su yuor tayúng sươq cuyal cớq đỡq lampóh. Ngkíq đỡq cớq cuyal tangút toâp. ²⁷ Dữ náq cũai sâng dốt lứq cớq pai neq: “Nổq cũai nãi? Đẽh cuyal rapuq cớq đỡq lampóh ma tềq án!”

Yê-su Táq Bán Bar Náq Ca Bữn Yiang Sâuq Payõh
(Mac 5:1-20; Luca 8:26-39)

²⁸ Toâq Yê-su clong toâq coah tooh clóng ki, án mut tâng cruang Yê-rasê.† Án ramóh bar náq cũai bữn yiang sâuq payõh ntôm loõh tể clõm cumuiq. Alói tachoat lứq;

^{*} 8:17 8:17 Ê-sai 53:4

^{*} 8:22 8:22 Tâng parnai Créc, santoiq Yê-su pai ki la: ‘Đốq yõn cũai cuchĩt tấp cũai cuchĩt.’

[†] 8:28 8:28 Bữn noau đốq ramũh ntốq nãi la Ca-dara.

cóp tở bữn noau khơn pha ntốq alóí ớt. ²⁹ Bo alóí hữm Yê-su, alóí hữ casang lứq neq: “Ơ Con Yiang Sursĩ ơi! Ntróu anhia yoc ẽ táq chóc hếq? Hếq tở yũah ngư chũuq tóiq bap. Ma anhia ẽ táq yõn hếq chũuq tóiq bap sanua tở?”

³⁰ Cheq ntốq ki bữn muoi cantóh alic sa-ũĩ lứq ớt chuaq cha.

³¹ Yiang sấuq ki sếq cucốh Yê-su neq: “Khân anhia lứq tuih aloõh hếq, sếq anhia yõn hếq mut tâng cantóh alic ki.”

³² Yê-su ớn yiang sấuq ki neq: “Anhia pởq toáp!”

Chơ yiang sấuq ki loõh toáp tể tổ cũai ki cóp mut tâng cantóh alic ẽn. Chơ cantóh alic ki lúh chái lứq tể leh tarhar, pông chu clóng đởq, chơ cuchit clooc nheq. ³³ Mách cũai bán alic lúh chu vil cóp atõng dũ óc tể alóí bar náq ca yiang sấuq payóh, yõn noau dáng tê. ³⁴ Chơ dũ náq cũai tâng vil ki loõh tể vil ẽ ramóh Yê-su. Toáp alóí hữm Yê-su, alóí sếq án loõh chíq tể cruang alóí.

9

*Yê-su Táq Bán Cũai A-ĩ Coang
(Mac 2:1-12; Luca 5:17-26)*

¹ Yê-su chõn loah tâng tuoc. Chơ án clong loah yáng tooh đởq clóng, cóp mut tâng vil án. ² Bữn máh cũai samiang dững pở Yê-su manoaq a-ĩ coang. Án bếq tâng cantrang. Yê-su hữm mút alóí ki sa-âm lứq. Ngkíq án pai chóc samiang a-ĩ coang ki neq: “Yóu ơi! Chõi ngcõh ntróu! Lõih mới cứq táh yõn!”

³ Bo ki bữn cũai yõng rit ớt ngki tê. Alóí tểng tâng mút neq: “Cũai nãi yoc ẽ táq chóc máh Yiang Sursĩ tê. Ngkíq máh sãntoiq án pai la machóng án acrieiq Yiang Sursĩ chơ.”

⁴ Ma Yê-su khoiq dáng alóí chanchóm ngkíq. Chơ án blóh

alóí neq: “Nốq anhia chanchóm óc sấuq ngkíq tâng mút anhia? ⁵ Sãntoiq aléq anhia sâng ien hõn yõn cứq atõng? Ien cứq atõng cũai a-ĩ coang neq: ‘Lõih mới cứq táh yõn,’ tở la ‘Mới yuor tayúng, chơ pởq.’ ⁶ Ma sanua cứq ẽ táq yõn cũai a-ĩ nãi cõt bán, đởq yõn anhia dáng samoat samõi, cứq Con Yiang Cõt Cũai bữn chóc tâng dõi nãi. Cứq tềq táh lõih cũai.”

Moâm ki Yê-su atõng cũai a-ĩ coang neq: “Cứq ớn mới yuor tayúng! Mới ít dõl cantrang mới! Chơ mới chu loah pở đống mới!”

⁷ Chơ cũai a-ĩ ki yuor tayúng cóp chu pở đống án. ⁸ Bo cũai clúng ki hữm ranáq nãi, alóí sâng dớt lứq, cóp alóí khẽn Yiang Sursĩ cõ án yõn cũai bữn chóc ngkíq.

*Yê-su Arô Mathia
(Mac 2:13-17; Luca 5:27-32)*

⁹ Chơ Yê-su loõh tể ntốq ki. Bo án pởq án hữm manoaq samiang ramũh Mathia tacu táq ranáq tâng đống noau parõm ít práq thẽq. Yê-su ớn án neq: “Mới puai cứq!”

Chơ Mathia yuor tayúng cóp puai Yê-su.

¹⁰ Moâm ki Yê-su tacu cha tâng đống Mathia. Ớt ngki bữn clúng cũai toáp cha parnõi nững Yê-su cóp tốp rien tể án. Alóí ki la cũai parõm ít práq thẽq cóp máh cũai lõih canõh hõ. ¹¹ Bữn cũai tể tốp Pha-rasi hữm óc ki, chơ alóí blóh tốp rien tể Yê-su neq: “Nốq thãi anhia cha parnõi cóp cũai parõm ít práq thẽq cóp cũai lõih canõh?”

¹² Từ Yê-su sâng alóí pai ngkíq, án ta-õi alóí neq: “Cũai bán o tở bữn sếq yõn noau palai. Ma ống cũai a-ĩ sâng cóq sếq yõn noau palai. ¹³ Tâng tâm saráq Yiang Sursĩ tể mbỏq, án khoiq pai neq: ‘Cứq yoc anhia manoaq ayooq táq manoaq

hỡn tễ cứq yoc anhia dững
máh charán chiau sang yỗn
cứq.'

Cóq anhia pỡq rien yỗn dáng
raloaih satoioq ki. Cứq tỡ bữn
toàq pỡ nài đốq arô cũai ca ngìn
alói tanoang o, ma cứq toàq pỡ
nài đốq arô cũai ca dáng alói bữn
lôih."

Yê-su Atỡng Tễ Ót Sana
(Mac 2:18-22; Luca 5:33-39)

¹⁴ Moâm ki tộp rien tễ Yang
toàq pỡ Yê-su, cớp alói blớh án
neq: "Nốq tộp hếq cớp tộp Pha-
rasi đốq rườh tangái ót sana, đốq
hếq chanchớm tễ ngê Yiang Sursĩ
sâng, ma tộp rien tễ thài, alói tỡ
bữn táq machớng hếq?"

¹⁵ Yê-su ta-ỡi alói neq: "Khân
bữn samiang ít lacuoi, bo yóu án
pỡq racoaiq cớp án, alói sâng bữi.
Ma tỡ alói chu tễ racoaiq, alói
miar ớt. Tỡ ki alói ót sana đốq
sanhữ loah yóu alói.*

¹⁶ "Tỡ bữn noau tamoal aroaiq
tamái tâng tampác khoiq anhỗh.
Khân noau táq ngkíq, ramoal ki
carón cớp ra-óc aroaiq anhỗh.
Ngkíq raháq ki cõt la-a lứq ển.
¹⁷ Cớp tỡ bữn noau chiaq blống
tamái tâng aluoi ngcâr khoiq tiaq
chợ. Khân noau táq ngkíq, blống
ki cõt puaiq, cớp acán pa-át ki táq
yỗn aluoi ngcâr padỗh. Chợ aluoi
ngcâr cớp blống ki pứt nheq. Ma
blống tamái cóq chốq tâng aluoi
ngcâr tamái.†

Yê-su Táq Bán Bar Náq
Mansẽm

(Mac 5:21-43; Luca 8:40-56)

¹⁸ Bo Yê-su atỡng alói ki, bữn
manoaq samiang ndỡm muoi
dống sang tộp I-sarel toàq pỡ Yê-
su. Cũai ki sacốh racól yáng moat

Yê-su, cớp pai neq: "Con mansẽm
cứq khoiq cuchít chợ. Cứq sếq
thài toàq satoaq atĩ tâng tỡ án,
chợ án bữn tamoong loah."

¹⁹ Ngkíq Yê-su yuor tayứng pỡq
parnoi cớp mpoaq con ki. Dếh tộp
rien tễ Yê-su hỡ pỡq.

²⁰ Bo ki bữn manoaq mansẽm
toàq yáng cỉ Yê-su. Mansẽm
ki a-ĩ toỏh siet khoiq muoi chít
la bar cumo chợ, ma aham tỡ
nai yỏt. Ngkíq án satoaq tuoiq
chêu au tuar Yê-su. ²¹ Mansẽm
ki chanchớm tâng mút án neq:
"Khân cứq satoaq tampác Yê-su,
cứq lứq cõt bán."

²² Yê-su pính luliaq chu cỉ. Tỡ
án hữm mansẽm ki, chợ án pai
neq: "Niang ời, mới chỗi ngcỏh
ntrứu. Cỗ mới sa-âm, tỡ mới cõt
bán chợ." Bo ki toàp mansẽm ki
cõt bán.

²³ Moâm ki Yê-su mut tâng đống
cũai ndỡm đống sang tộp I-sarel.
Án hữm alói nhiam u-ổi casang
lứq. ²⁴ Án atỡng alói neq: "Nheq
tữh anhia loỏh toàp tễ đống nài!
Mansẽm nài tỡ bữn cuchít; án bếq
sâng!"

Ma máh cũai ki cacháng cớp
ayê ra-ac Yê-su. ²⁵ Toàq máh
cũai cứng loỏh nheq tễ đống, Yê-
su mut tâng clống mansẽm ca
khoiq cuchít. Chợ án tếc atĩ amỏq
ki. Ngkíq amỏq ki yuor tayứng.
²⁶ Ranáq nài cõt parhan la-ữt la-ữi
dữ ntốq tâng cruang ki.

Yê-su Táq Bán Bar Náq Cũai
Sũt Moat

²⁷ Tỡ Yê-su loỏh tễ ntốq ki, bữn
bar náq cũai sũt moat puai ntun
cỉ án. Alói sabau casang lứq neq:
"Ncháu ời! Ncháu ca tễ tống toiq

* **9:15** 9:15 Tâng parnai nài, Yê-su sacâm án la samoát cũai ít lacuoi. Bo Yê-su noàng ớt cớp tộp rien tễ án, alói noàng chi-cha. Ma tỡ án chỏn chu paloỏng, alói ót sana tễ đốq chanchớh loah máh satoioq án khoiq atỡng alói. † **9:17** 9:17 Yê-su atỡng tễ aroaiq cớp blống la sacâm cũai ca bữn mút pahỏm tiaq, tỡ tềq ít parnai tamái Yê-su atỡng alói. Ông alói ca bữn mút tamái sâng tềq ít parnai ki.

puo Davit! Sêq Ncháu sarüiq táq hêq nưng!”

²⁸ Bo Yê-su mut tâng đồng, bar náq cūai sūt ki toâq pở án. Yê-su blóh alóí neq: “Anhia lứq sa-âm cứq têq táq ranáq nâi tở?”

Alóí bar náq ki ta-õỉ neq: “Hêq lứq sa-âm, Ncháu ơi!”

²⁹ Chơ Yê-su satoaq atĩ tâng moat alóí bar náq ki, cớp án pai neq: “Machóng anhia sa-âm, lứq cõt ngkíq!”

³⁰ Ngkíq moat bar náq ki cõt blang loah. Ma Yê-su patáp alóí samoat lứq neq: “Anhia chõỉ atõng yõn cūai canõh dáng tễ ọc nâi!”

³¹ Ma vót alóí loõh tễ đồng ki, alóí atõng la-ũt la-ũỉ tễ ranáq Yê-su táq tâng dũ ntốq tâng cruang ki.

Yê-su Táq Bán Cūai Ngong

³² Bo bar náq cūai sūt moat loõh tễ ntốq ki, bữn cūai canõh dững pở Yê-su manoaq cūai ngong. Án cõt ngong cõ bữn yiang sâuq táq án. ³³ Moâm Yê-su tuih aloõh yiang sâuq tễ cūai ngong ki, chơ cūai ngong ki têq táq ntõng loah. Nheq tửh cūai cứng ki sâng dót lứq, cớp alóí pai neq: “Hái tở nai hữm ranáq nneq toâq pở cruang I-sarel!”

³⁴ Ma tốp Pha-rasi pai neq: “Yiang ca sốt nheq máh yiang sâuq, yiang ki toâp yõn cūai nâi bữn chóc têq tuih aloõh yiang sâuq.”

Yê-su Sâng Sarüiq Táq Máh Cūai

³⁵ Yê-su pởq sa-óh vil toâr vil cót, atõng tâng máh đồng sang cūai I-sarel. Án atõng parnai o tễ Yiang Sursĩ táq sốt, cớp án táq bán dũ ramứh cūai bữn a-ỉ. ³⁶ Toâq án hữm cūai cứng, mút án sâng sarüiq táq máh cūai ki, yuaq alóí tở dáng táq ntróu, cớp

alóí parsáng-parsaiq, samoat riang charán cữu óq cūai mantán.

³⁷ Ngkíq Yê-su pai chóc tốp rien tễ án neq: “Saro tâng sarái la-a khoiq chũn lứq chơ, ma bữn bĩq náq cūai pởq sot saro ki. ³⁸ Cớq anhia câu sêq tễ Ncháu sarái, yõn án ỏn sa-ũỉ náq pởq sot saro ki.”

10

Tốp Muoi Chít La Bar Náq Rien Tễ Yê-su

(Mac 3:13-19; Luca 6:12-16)

¹ Yê-su arô tốp muoi chít la bar náq rien tễ án toâq pở án. Án yõn alóí bữn chóc têq tuih aloõh yiang sâuq tễ tở cūai cớp têq táq bán dũ ramứh cūai a-ỉ.

² Ramứh tốp muoi chít la bar náq ayững atĩ Yê-su la neq: đầu lứq la Si-môn, án ca noau dõq Phi-er hỡ, cớp Anrê a-ẽm Si-môn. Ntun ẻn, bữn bar náq sêm ai, alóí la con samiang Sê-badê, ramứh Yacõ cớp Yang. ³ Ntun ẻn, bữn Phi-lip, Batê-lami, Thô-mat, cớp Mathia, la cūai parõm ỉt práq thêq. Bữn Yacõ con samiang Alphê, cớp Thadê. ⁴ Bữn Si-môn Sê-lôt cớp Yuda I-cari-ôt, án ca chêq Yê-su yõn noau cachĩt.

Yê-su Ớn Tốp Muoi Chít La Bar Náq Pởq Atõng

(Mac 6:7-13; Luca 9:1-6)

⁵ Yê-su ỏn muoi chít la bar náq nâi pởq táq ranáq án. Án patáp alóí neq: “Anhia chõỉ pởq chu cruang cūai tở cõn cūai I-sarel, cớp chõỉ mut tâng vil cūai Sa-mari.

⁶ Ma anhia pởq chu cūai I-sarel sâng; alóí la samoat riang charán cữu khoiq cloc rana. ⁷ Anhia pởq atõng neq: ‘Khoiq cheq lứq chơ Yiang Sursĩ táq sốt!’ ⁸ Cớq anhia táq bán máh cūai a-ỉ, cớp amõng cūai ca khoiq cuchĩt. Cớq anhia táq bán cūai a-ỉ tut cớp tuih aloõh yiang sâuq tễ tở cūai. Anhia khoiq

roap chơ máh ramúh cứq chuai miat anhia. Ngkíq sanua cóq anhia chuai miat cũai canõh tẽ.⁹ Anhia chõỉ dững yêng, práq, tở la sapoan tâng toai anhia.¹⁰ Chõỉ poac tũi riang cũai susẽq crong sana tẽ cũai canõh. Chõỉ dững muoi ploah au canõh, tở la muoi cu cõp canõh, tở la muoi ntreh ralõng canõh ẽn. Cũai aléq ma táq ranáq chuai cũai canõh, cóq cũai ki chuai loah yõn án ki bữn crong sana.

¹¹ “Bo anhia toâq pỡ vil toâr tở la vil cõt, cóq anhia mut tâng vil ki cóp chuaq cũai ca roap cóp tabõp tabéh o anhia. Chơ anhia õt tâng đõng cũai ki toau toâq tangái anhia loõh tẽ vil ki.¹² Bo anhia mut tâng đõng, cóq anhia blõh carhan o cóp cũai tâng đõng sũ ki.¹³ Khân cũai tâng đõng ki roap tabõp tabéh o anhia, ki anhia câu yõn alóỉ bữn bán sũan ien khẽ. Ma khân alóỉ tở bữn roap tabõp tabéh o anhia, ki anhia chõỉ câu ngkíq yõn alóỉ.¹⁴ Khân bữn muoi đõng tở la muoi vil, ma cũai tở bữn tabõp tabéh anhia o cóp tở ẽq tamúng parnai anhia atõng, bo anhia loõh tẽ ntõq ki cóq anhia trutrẻh phõn cutẽq tẽ ayũng, táq tẻc cũai tâng ntõq ki tở bữn roap anhia.¹⁵ Cứq atõng anhia samoât lứq, toâq tangái Yiang Sursĩ rablõh nheq tữh cũai, án táq yõn alóỉ ca õt tâng vil ki bữn túh coat hỡn tẽ cũai tâng vil Sadôm cóp vil Camô-rơ tẽ mbõq.”

Yê-su Atõng Tẽ Ramúh Túh Coat
(Mac 13:9-13; Luca 21:12-19; 12:11-12)

¹⁶ “Nâi! Cứq ớn anhia pỡq samoât riang charán cũu pỡq mpúng dĩ acho cruang. Ngkíq cóq anhia rangoaiq khẻuq riang

cusân, cóp khũn mantoat o ariang chõm tariap.¹⁷ Cóq anhia nhẽng o cũai canõh, yuaq alóỉ ẽ cõp anhia, chơ dững anhia toâq pỡ cũai sõt. Cóp alóỉ toân anhia tâng máh đõng sang tốp I-sarel.¹⁸ Cõ anhia puai cứq, bữn cũai canõh ẽ dững anhia toâq pỡ cũai sõt cóp toâq pỡ cũai puo hỡ. Ngkíq anhia bữn atõng tẽ ngê cứq yáng moat alóỉ, cóp yáng moat cũai tở cõn cũai I-sarel hỡ.¹⁹ Toâq noau dững anhia pỡ cũai sõt, anhia chõỉ cõng nhũang ntrứu anhia yoc ẽ pai. Bo ki anhia lứq bữn roap máh santoiq anhia yoc ẽ pai.²⁰ Santoiq ki tở bữn tẽ anhia bữm, ma santoiq ki loõh tẽ Raviei Mpoaq anhia tâng paloõng. Án atõng yõn anhia dáng santoiq ki.

²¹ “Lứq sẻm ai ẽ cõp ratuaq sẻm ai, cóp chiau yõn noau cachĩt, cóp mpoaq táq machõng ki tẻ chỏq con án. Con acái ra-ũan chỏq mpiq mpoaq alóỉ, cóp alóỉ chiau mpiq mpoaq yõn noau cachĩt alóỉ.

²² Nheq tữh cũai lứq kẻt anhia cõ tian anhia puai ngê cứq. Ma cũai aléq rơi tanhĩr toau sõt anhúq án, Yiang Sursĩ lứq chuai amoong cũai ki.²³ Toâq cũai táq túh coat chỏq anhia tâng muoi vil, ki anhia lủh pỡq chu vil canõh ẽn. Cứq atõng anhia samoât lứq, anhia tở yũah táq moâm máh ranáq anhia ẽ táq tâng dù vil tâng cruang cũai I-sarel nhũang cứq Con Yiang Cõt Cũai toâq loah pỡ cutẽq nâi.

²⁴ “Án ca rien tở bữn toâr hỡn tẻ thâi. Cóp án ca sũl tở bữn toâr hỡn tẻ cũai ncháu.²⁵ Ngkíq, án ca rien cóq pruum chũuq túh coat machõng thâi án tẻ. Cóp án ca sũl cóq pruum chũuq túh coat machõng ncháu án tẻ. Khân noau acrieiq án ca ncháu đõng, pai án la ramúh Bẻn-sabul,* ntãng hỡn

* 10:25 10:25 Ramúh Bẻn-sabul nâi la machõng cóp yiang Satan tẻ.

ễn noau acrieiq cūai canõh tâng đồng ki.”

Yê-su Atõng Chõi Ngõh Cūai
(Luca 12:2-9)

²⁶ “Ngkíq anhia chõi nõh cūai canõh. Tở bữn ramứh ntróu noau pul cutooq sanua, ma chumát ramứh ki noau tở tềq pul cutooq nõng. Cóp ranáq ntróu noau táq clõp sanua, chumát noau tở tềq táq clõp nõng. ²⁷ Mách santoiq ntróu cứq atõng anhia sanua, cóq anhia atõng loah santoiq ki yõn dũ náq cūai canõh dáng tề. Cóp santoiq ntróu cứq atõng yõn óng tộp anhia sâng, cóq anhia atõng loah santoiq ki yõn dũ cruang canõh dáng tề. Nài la samoát riang cứq atõng anhia tâng ntốq canám, mỗ anhia atõng loah santoiq ki tâng ntốq poang tráh ễn. ²⁸ Anhia chõi nõh cūai tềq cachĩt tở anhia, ma ravieĩ anhia alớĩ tở tềq cachĩt. Ma cóq anhia nõh óng Yiang Sursĩ sâng, yuaq Yiang Sursĩ tềq cachĩt tở anhia, cóp ravieĩ anhia tềq án apõng tâng pống sarloac. ²⁹ Anhia đốq chõng bar lám chõm tếc-tếc, ma kia án nõh lứq. Ma khân bữn muoi lám chõm tếc-tếc ki cuchĩt, lứq Mpoaq anhia tâng paloõng khoiq dáng tề ramứh ki. ³⁰ Dũ ntrẻh sóc tâng plở anhia, lứq Yiang Sursĩ khoiq ngiẻ chơ. ³¹ Ngkíq, anhia chõi nõh ntróu nõng, yuaq rangứh anhia la Yiang Sursĩ pasếq hữn tề sa-ữĩ lám chõm tếc-tếc.

³² “Cūai alếq ma ngin yáng moat cūai canõh, pai án puai muoi mút cóp cứq, machóng ki tề cứq ngin loah án yáng moat Mpoaq cứq tâng paloõng. ³³ Ma cūai alếq calõih cứq yáng moat cūai canõh, machóng ki tề cứq calõih loah án yáng moat Mpoaq cứq tâng paloõng.”

Yê-su Atõng Cóq Anhia Ayooq
Án Hữn Tề Cūai Canõh
(Luca 12:51-53; 14:26-27)

³⁴ “Anhia chõi chanchõm cứq toàq pở nài yõn dũ náq cūai tâng cutềq nài ớt ien khể. Cứq toàq pở nài tở bữn táq yõn cūai ớt ien khể, ma lứq cứq đừng pla dau. ³⁵ Cứq toàq đòq táq yõn manoaq tở bữn pruang chỏq manoaq. Con samiang ể chĩl mpoaq. Con mansẽm ể chĩl mpiq. Cumân ể chĩl yacán. ³⁶ Đẻh cūai ớt muoi đồng sũ la manoaq cõt par-ũal chỏq manoaq.*

³⁷ “Cūai alếq ma ayooq mpiq mpoaq hữn tề án ayooq cứq, cūai ki tở bữn piẻiq cõt cūai cứq. Cóp cūai alếq ma ayooq con samiang tở la con mansẽm hữn tề án ayooq cứq, cūai ki tở bữn piẻiq cõt cūai cứq. ³⁸ Cūai alếq ma tở bữn ỉt đỏi aluang sangcáng án bữm, chơ puai cứq, cūai ki tở bữn piẻiq cõt cūai cứq. ³⁹ Cūai alếq ma pasếq rangứh án tâng đỏi nài, rangứh cūai ki lứq pứt. Ma cūai alếq ma chũuq pứt rangứh án tâng đỏi nài cõ tian án ể puai cứq, ravieĩ cūai ki lứq bữn tamoong mantái níc.”

Yê-su Atõng Tề Cóng Cūai Ca
Chuai
(Mac 9:41)

⁴⁰ “Cūai alếq tabõp tabẻh o anhia, la samoát án tabõp tabẻh o cứq tề. Cóp cūai alếq tabõp tabẻh o cứq, la samoát án tabõp tabẻh o Ncháu ca ón cứq toàq tề. ⁴¹ Cūai alếq tabõp tabẻh o chỏq cūai tang bỗq Yiang Sursĩ yuaq án la tang bỗq Yiang Sursĩ, cūai ki bữn cóng ỉn cūai tang bỗq Yiang Sursĩ tề. Cóp cūai alếq tabõp tabẻh o cūai tanoang o, yuaq án la cūai tanoang o, cūai ki lứq bữn cóng machóng cūai tanoang o tề. ⁴² Khân cūai alếq yõn manoaq

cũai cacót lứq tâng tốp rien tẽ cứq nguaiq muoi cachoc đõq leng yuaq cũai cacót ki sa-âm cứq, lứq samoât án ca chuai tở bữn ốq cóng tẽ ranáq án táq.”

11

Yê-su Atõng Tẽ Yang Ca Táq Batẽm
(Luca 7:18-35)

¹ Moâm Yê-su patâp tốp muoi chít la bar náq rien tẽ án máh ốc ki; chơ án loõh tẽ ntốq ki, cốp pỡq atõng tâng máh vil mpẻ ki ẻn.

² Bo ki Yang noâng ốt tâng cuaq tũ. Án sâng noau táq ntõng tẽ ranáq Crít táq. Ngkíq án ón cũai tẽ tốp rien tẽ án toàq pỡ Yê-su.

³ Án ón alóí ki blóh Yê-su neq: “Thái ơi! Lứq ma tở bữn, thái la manoaq Yiang Sursĩ rườh đõq chuai amoong nheq tữh cũai? Tở la cóq hẻq nguang cũai canõh ẻn?”

⁴ Yê-su ta-đi alóí neq: “Anhia chu atõng loah Yang tẽ máh ranáq anhia khoiq sâng cốp khoiq hữm.

⁵ Cũai sũt cõt blang. Cũai yỏt tẻq pupỡq. Cũai a-ỉ tut cõt bán. Cũai túng cõt sâng. Cũai khoiq cuchít tẻq yuor tamoong loah. Cốp máh cũai cadít bữn sâng tẻ parnai o tẻ Yiang Sursĩ. ⁶ Bồn lứq cũai ca tở bữn táh ngẻ cứq.”

⁷ Toàq tốp rien tẻ Yang chu loah pỡ án, chơ Yê-su atõng tẻ Yang yỏn cũai chửng ki dáng. Án blóh alóí neq: “Bo anhia pỡq ramóh Yang tâng ntốq aiq, ntróu anhia yoc ẻ hữm tâng ntốq ki? Anhia yoc ẻ hữm cuyal phát bát tẻng-tooc tở? ⁸ Khàn tở bữn ngkíq, ntróu anhia yoc ẻ hữm? Anhia yoc ẻ hữm manoaq sỏp au nẻuq tở? Cũai sỏp au nẻuq ki ốt tâng đống puo. ⁹ Ma ntróu anhia yoc ẻ hữm tâng ntốq ki? Anhia yoc

ẻ hữm cũai tang bỗq Yiang Sursĩ tở? Cứq atõng anhia samoât lứq, Yang la cũai tang bỗq Yiang Sursĩ tẻ, ma án bữn chóc toàh hỏn tẻ cũai tang bỗq canõh. ¹⁰ Tâng tâm saráq Yiang Sursĩ tẻ mbỗq, cũai tang bỗq Yiang Sursĩ khoiq chít atõng saccoaiq tẻ Yang neq:

‘Cứq Yiang Sursĩ ón cũai ranẻng cứq pỡq nhũang,

đõq thữan rana yỏn mới.’^{*}

¹¹ Cứq atõng anhia samoât lứq, nheq tữh cũai ca mansẻm canõt tâng cốc cutẻq nài, tở bữn noau toàh hỏn tẻ Yang, án ca đõq táq batẻm. Ma cứq atõng anhia neq tẻ: Cũai alẻq ma tở bữn toàh ntróu tâng tốp Yiang Sursĩ sỏt, lứq Yiang Sursĩ yỏn cũai ki bữn chóc cũi tẻ chóc Yang. ¹² Tẻ tangái Yang táq batẻm toau toàq sanua, bữn cũai atõng tẻ Yiang Sursĩ táq sỏt. Sa-ữi lứq cũai yoc ẻ mut tâng tốp Yiang Sursĩ sỏt, ma alóí chanchỏm alóí tẻq mut cỗ nhơ tẻ rẻng alóí bữm. ¹³ Yiang Sursĩ khoiq atõng saccoaiq nỡ-ra án táq sỏt, na cũai tang bỗq Yiang Sursĩ tẻ mbỗq cốp na phẻp rit Mỏise. Án atõng na alóí ki toau toàq đỏi Yang. ¹⁴ Khàn anhia sa-âm santoiq noau pai tẻ mbỗq tẻ Ê-li, ngkíq anhia tẻq dáng Yang nài la machỏng Ê-li tẻ. ¹⁵ Alẻq bữn cutữr yoc ẻ tamửng, ki tamửng.

¹⁶ “Máh cũai tâng đỏi nài la samoât ntróu? Máh cũai tâng đỏi nài la riang carnẻn ốt lỏiq tâng nchỏh. Muoi tốp carnẻn ki arỏ yỏu alóí, ¹⁷ pai neq: ‘Hẻq khoiq plóng tarỉal cốp lỏiq táq rayuac. Ma anhia tở bữn mut ayữn cốp puan sarai nẻng hẻq! Cốp hẻq lỏiq tanủh cũai cuchít, ma anhia tở bữn pruum mut nhiam u-ỏi nửng hẻq!’ ¹⁸ Yang toàq pỡ nài,

^{*} 11:10 11:10 Ma-laki 3:1

án tở bữn nguaiq cha riang cũiai canõh, mỗ án cha ống lam cốp nguaiq đợq khĩal. Ngkĩq noau pai án bữn yiang sấuq. ¹⁹ Ma cứq Con Yiang Cõt Cũiai, cứq toâq nguaiq cha machõng cũiai canõh tẽ. Ngkĩq noau pai cứq neq: 'Ki! Án ki nguaiq cha tham lứq! Cốp án cõt yóu cốp cũiai parõm ỉt práq thẽq, cốp cũiai lỏih canõh hỡ!' Ma cũiai rangoaiq, nỡ-ra cũiai canõh ngin án la lứq rangoaiq, yuaq alới hữm máh ranáq án táq."

*Bữn Vil Tở Ếq Sa-âm Yê-su
(Luca 10:13-15)*

²⁰ Chơ Yê-su sâng ngua lứq, yuaq máh cũiai tâng vil án khoiq táq sa-ũi ranáq salẽh, tở bữn ngin lỏih lêq cõt mứt tamái ẽn. ²¹ Án pai chỏq alới neq: "Bap lứq toâq pỡ anhia ca ớt tâng vil Cờ-sín! Cốp bap lứq yỗn anhia ca ớt tâng vil Bet-sada! Khãn cứq ma táq ranáq salẽh tâng vil Ti-rơ cốp vil Sadõn machõng cứq khoiq táq tâng vil anhia, ki dũn chơ máh cũiai tâng vil ki ngin lỏih lêq cõt mứt tamái ẽn. Cốp dũn chơ alới ki tác tampác tanủh, cốp pức bỗh tâng tở alới, táq tẽc alới sâng ngua cõ alới bữn lỏih. ²² Ma cứq atõng anhia, toâq tangái Yiang Sursĩ rablớh nheq tữh cũiai, tangái ki án sâng sarũiq táq chỏq cũiai tâng vil Ti-rơ cốp vil Sadõn hỡn tẽ án sâng sarũiq táq chỏq anhia. ²³ Anhia ca ớt tâng vil Cabê-na-um ơ! Anhia chanchỏm têq chõn bữm chu paloõng tỡ? Nỡ-ra Yiang Sursĩ apõng anhia tâng põng sarloac. Khãn cứq ma táq ranáq salẽh tâng vil Sadõm machõng cứq khoiq táq tâng vil anhia, ki vil Sadõm nõng níc toau sanua. ²⁴ Ma cứq atõng anhia, toâq tangái Yiang Sursĩ rablớh nheq tữh cũiai, tangái ki án sâng sarũiq táq chỏq cũiai

tâng vil Sadõm hỡn tẽ án sâng sarũiq táq chỏq anhia."

*Aléq Bữn Túh Coat Ntróu Cỏq Toâq Pỡ Yê-su
(Luca 10:21-22)*

²⁵ Bo ki Yê-su câu neq: "Mpoaq ơ! Mpoaq la Ncháu paloõng cốp cutẽq! Cứq sa-õn mới, yuaq mới khoiq apáh ngê mới yỗn cũiai ariang carnẽn cacót, alới ca tở yũah rien ntróu. Ma mới cutooq ngê nãi tẽ cũiai rangoaiq, alới ca rien sa-ũi. ²⁶ Lứq pĩeiq, Mpoaq ơ! Cứq khẽn mới, yuaq ớc ki o lứq yáng moat mới. ²⁷ Dũ ramủh Mpoaq cứq khoiq chiau yỗn cứq. Tở bữn noau dáng Con Yiang Sursĩ; lứq ống Mpoaq án toâp dáng án. Cốp tở bữn noau dáng Mpoaq tâng paloõng; lứq ống Con án toâp dáng án. Cũiai aléq Con Yiang Sursĩ rườh, lứq án apáh yỗn cũiai ki dáng tẽ Mpoaq tâng paloõng."

²⁸ Moâm Yê-su câu ngkĩq, chơ án pai neq: "Nheq tữh anhia ca lakéh lakieie cốp dỏl cớng ntâng ơ! Yỗn anhia toâq pỡ cứq! Cứq ẽ táq yỗn anhia cõt pứt lakéh lakieie. ²⁹ Cứq bữn mứt pahõm khũn, cốp cứq tở bữn chuaq ếq noau khẽn cứq. Cỏq anhia ỉt máh ngê cứq atõng anhia, cốp cỏq anhia rien tẽ cứq. Ngkĩq ravieie anhia bữn ớt ien khẽ níc. ³⁰ Yuaq raluang cứq la khẽ, cốp pardỏl cứq la nghẽl."

12

*Yê-su Atõng Tẽ Rit Tangái Rlu
(Mac 2:23-28; Luca 6:1-5)*

¹ Bo ki bữn muoi Tangái Rlu, Yê-su cốp tốp rien tẽ án mut tâng sarái noau chỏh sarq bali. Bo alới mut tâng sarái ki, tốp rien tẽ Yê-su sâng panhieih. Ngkĩq ntrõn alới pỡq, ntrõn alới rứt cha sarq bali. ² Toâq cũiai Pha-rasi hữm ngkĩq, alới pai chỏq Yê-su neq: "Ki! Tốp

rien tể thâi táq tớ cõt rit cuang tâng Tangái Rlu.”

³ Ma Yê-su ta-ôi loah alói neq: “Nỗq riang pai anhia tớ nai doc tâng tâm saráq Yiang Sursĩ tể puo Davĩt khoi q táq ntróu? Davĩt cốp tốp puai án, alói sâng panhieih lứq. ⁴ Ngkíq Davĩt mut tâng đống sang Yiang Sursĩ. Án cốp yóu án cha bẽng noau đõq yáng moat Yiang Sursĩ. Ma puai phễp rit cũai I-sarel, ki án cốp yóu án tớ tềq cha bẽng ki. Yuaq bẽng ki ống máh cũai tềng rit sang Yiang Sursĩ sâng tềq cha. ⁵ Cốp riang pai anhia tớ nai doc tâng phễp rit Mũi-se tể máh cũai tềng rit sang Yiang Sursĩ đõq mut táq ranáq tâng Đống Sang Toâr tâng Tangái Rlu? Ma tớ bữn noau pai alói ki táq lóih. ⁶ Ma cứq atõng anhia neq: Ớt ntốq nâi sanua bữn manoaq toâr hữn tể Đống Sang Toâr ki. ⁷ Tâng tâm saráq Yiang Sursĩ tể mbốq, án atõng neq:

‘Cứq yoc anhia manoaq ayooq táq manoaq
hữn tể cứq yoc anhia đưng máh charán chiau sang yõn cứq.’^{*}

Khân lứq anhia dáng raloaih tể santoiq ki, lứq anhia tớ khỏn pai alói ki bữn lóih cõ táq ranáq tâng Tangái Rlu. ⁸ Cứq, Con Yiang Cõt Cũai, la Ncháu tề Tangái Rlu.”

*Yê-su Táq Bán Cũai Yõt Atĩ
(Mac 3:1-6; Luca 6:6-11)*

⁹ Yê-su pốq tể ntốq ki, chơ án mut tâng đống sang tốp I-sarel. ¹⁰ Ớt ngki bữn manoaq cũai yõt atĩ. Máh cũai tâng đống sang ki blớh Yê-su neq: “Puai rit hái, tềq tớ hái táq bán cũai a-ĩ tâng Tangái Rlu?”

Cũai blớh ngkíq, la alói chuaq ralíh yoc ẽ cauq Yê-su.

¹¹ Yê-su ta-ôi alói neq: “Khân manoaq tể anhia ma bữn charán cũu sapúl tâng prúng tâng Tangái Rlu, lứq án acốq cũu ki aloõh tể prúng, p̄ieiq tớ?” ¹² Yiang Sursĩ paséq rangúh cũai hữn tể án paséq rangúh charán cũu. Yuaq ngkíq tềq hái manoaq chuaq manoaq tâng Tangái Rlu.”

¹³ Chơ Yê-su atõng cũai yõt atĩ ki neq: “Mũi aloõh atĩ mũi!”

Từ cũai ki aloõh atĩ, chơ atĩ án cõt bán toáp, cõt o loah machóng atĩ coah canõh tề. ¹⁴ Máh cũai Pha-rasi loõh tể đống sang, cốp alói sarhõng ẽ cachit Yê-su.

¹⁵ Từ Yê-su dáng alói ẽ cachit án, ngkíq án loõh tể ntốq ki, cốp bữn clúng cũai puai án. Cốp Yê-su táq bán đũ náq cũai a-ĩ ki. ¹⁶ Yê-su patáp alói chõi yõn cũai canõh dáng án la noau. ¹⁷ Án patáp ngkíq yõn cõt rap̄ieiq máh santoiq Ê-sai, la cũai tang bỗq Yiang Sursĩ, khoi q pai tể mbốq neq:

¹⁸ “Nâi la cũai táq ranáq cứq, án ca cứq khoi q ruroh chơ.
Cứq ayooq lứq án,
cốp mút pahõm cứq sâng bũi lứq cốp án.

Cứq yõn án bữn Raviei cứq.
Cốp nữ-ra án đưng ốc tanoang tapúng yõn đũ cruang cũai.

¹⁹ Án tớ bữn rasuon cốp tớ bữn pai casang chốq noau.
Cốp án tớ bữn loai casang ntróu tâng vil.

²⁰ Máh cũai la samoat riang aroõng khoi q lêt nanõr, ma án tớ bữn déh tũm; cốp alói ariang chóp tóu lalıu ẽ pát, ma án tớ bữn pupát tũm, toau toáp tangái ốc tanoang tapúng tể Yiang Sursĩ toáp.

21 Nheq tũh cũai ốt nguang án chuai amoong alói.”*†

Yê-su Cóp Bên-sabul

(Mac 3:20-30; Luca 11:14-23; 12:10)

22 Vót ki noau dũng pở Yê-su manoaq samiang ca bũn bar ramúh a-ĩ. Moat án sũt cúp bỗq án ngong, yuaq yang sâuq táq án. Yê-su táq yỗn moat án cốt blang cúp yỗn án têq táq ntõng loah. 23 Nheq máh cũai ki sâng dót lứq. Cúp alói blóh neq: “Yê-su nâi la cũai tễ tổng toiq puo Davĩt, án ca hái nguang tở?”

24 Ma toâq tốp Pha-rasi sâng cũai chũng pai ngkĩq, alói pai neq: “Án nâi tuih aloõh yang sâuq cõ nhơ yang Bên-sabul yỗn án bũn chóc táq ranáq ki. Yang Bên-sabul nâi la sốt nheq yang sâuq.”*

25 Yê-su dáng sarnóm alói chanchóm ngkĩq. Chơ án pai chóc alói neq: “Khân bũn muoi cruang ma manoaq rachĩl manoaq, tở bũn cõt noâng cruang. Cúp khân bũn muoi vil tở la muoi đồng ma manoaq rachĩl manoaq, tở bũn cõt noâng vil tở la đồng. 26 Khân yang Satan ma tuih tốp án bũm, tốp ki lứq cõt ratáh. Chơ tở bũn cõt tốp noâng. 27 Anhia pai cứq tuih aloõh yang sâuq cõ nhơ yang Bên-sabul yỗn cứq bũn chóc táq ranáq ki. Ma khân cũai puai anhia mỗ táq ranáq machõng ki tẻ, anhia tở bũn pai alói bũn chóc tẻ yang Bên-sabul. Yuaq ngkĩq, bũn cũai tẻ tốp anhia toáp tẻq loah anhia. 28 Ma khân cứq tuih aloõh yang sâuq cõ Ravieĩ Yang Sursĩ yỗn cứq táq, lứq ranáq ki apáh yỗn anhia dáng

Yang Sursĩ táq sốt khoiq toâq chơ pở anhia.

29 “Khân noau yoc ẽ mut đồng cũai bán rêng cúp ỉt nheq cõng án, cóq noau chỏq chĩq cũai ki voai. Ki nõq têq talõh đồng cũai ki cúp ỉt máh cõng án.†

30 “Cũai aléq ma tở bũn pruam muoi mút cúp cứq, cũai ki lứq tở ẽq cứq. Cúp cũai aléq ma tở bũn táq ranáq đõq chuai cũai canõh yỗn pruam cúp cứq, la machõng cũai ki tở ẽq yỗn cũai canõh puai ngẻ cứq. 31 Ngkĩq cứq atõng anhia neq: Cũai aléq ma bũn lỏih ntrứu, cúp cũai aléq ma acrieiq ramúh Yang Sursĩ, nheq ramúh lỏih ki táh têq. Ma khân cũai aléq acrieiq Ravieĩ Yang Sursĩ, lứq Yang Sursĩ tở nai táh lỏih ki. 32 Cũai aléq ma pai sâuq tẻ cứq Con Yang Cõt Cũai, lứq Yang Sursĩ táh lỏih ki. Ma khân cũai aléq ma pai sâuq tẻ Ravieĩ Yang Sursĩ, lứq Yang Sursĩ tở nai táh lỏih ki tẻ đỏi nâi toau toâq đỏi ntun.”

Aluang Cóp Palâi
(Luca 6:43-45)

33 Yê-su atõng ẽn neq: “Khân ẽ bũn palâi o, cóq bũn nỡm aluang o. Khân bũn nỡm tở o, ki palâi la tở o tẻ. Khân anhia hũm palâi, ki anhia dáng đẻh nỡm. 34 Anhia la samoât cusân bũn pih! Nỗq anhia cũai sâuq ma têq pai santoiq o? Ngẻ ntrứu tâng mút pahõm cũai, bỗq cũai ki pai aloõh. 35 Cũai mantoat o bũn ngẻ o tâng mút pahõm án. Ngkĩq ranáq o loõh tẻ mút cũai ki. Cúp cũai loâi bũn ngẻ sâuq tâng mút pahõm án. Ngkĩq ranáq sâuq loõh tẻ mút cũai ki. 36 Ma cứq atõng anhia neq: Cũai atõng parnai tở cõt ốc, Yang Sursĩ ẽ rablớh án

* 12:24 12:24 Bũn noau đõq yang Satan la ramúh yang Bên-sabul hỡ. † 12:29 12:29 Yê-su pai ngkĩq cõ án ẽq alói dáng neq: ‘Khân cứq yoc ẽ talõh máh cõng yang Satan, cóq cứq bán rêng hỡn tẻ án. Ki nõq têq cứq talõh chĩq cõng án.’

tễ ọc ki, toâq tangái Yiang Sursĩ rablớh nheq tữh cūai. ³⁷ Yuaq ngkíq, Yiang Sursĩ ẽ rablớh anhia tễ máh santonq anhia pai. Khân anhia pai santonq o, ki án dáng anhia la cūai tanoang o. Ma khân anhia pai santonq tở o, ki án dáng anhia la cūai sâuq cớp án táq tót anhia.”

Tổp Pha-rasi Sẻq Yê-su Táq Ranáq Salẻh

(Mac 8:11-12; Luca 11:24-32)

³⁸ Vót ki, bữn cūai yống rit cớp cūai tễ tổp Pha-rasi sẻq tễ Yê-su neq: “Thâi ơi! Hẻq yoc ẽ hữm thâi táq ranáq salẻh.”

³⁹ Ma Yê-su ta-ỡi alới neq: “Cūai tâng dời nâi la loâi lứq, cớp alới tở ẻq sang noâng Yiang Sursĩ. Anhia sẻq tễ cớq muoi ramứh tẻc salẻh, ma cớq tở bữn táq yỏn. Anhia khoiq bữn chớ ramứh tẻc salẻh tễ Yô-na, la cūai tang bớq Yiang Sursĩ tễ mbỏq. ⁴⁰ Yô-na ỡt tâng púng sĩaq toâr bữn pái tangái pái sadâu. Machóng ki tẻ cớq Con Yiang Cỡt Cūai ỡt tâng ping cumuiq tâng cutẻq bữn pái tangái pái sadâu tẻ. ⁴¹ Yô-na pớq atởng parnai Yiang Sursĩ pớ vil Ni-navê. Chớ cūai tâng vil ki ngin lôih lêq cớt mút tamái ẻn. Ngkíq, máh cūai ki ẻ tẻq cūai tâng dời nâi toâq tangái Yiang Sursĩ rablớh nheq tữh cūai. Yuaq sanua, tâng ntốq nâi bữn manoaq toâr hỡn tẻ Yô-na! ⁴² Cớp puo mansẻm tẻ mbỏq ca sớit cruang Sẻ-ba, án lứq tẻq cūai tâng dời nâi toâq tangái Yiang Sursĩ rablớh nheq tữh cūai. Án tẻq tẻq ngkíq yuaq án toâq tẻ cruang yớng lứq yoc ẻ tamứng ngẻ rangoiq tẻ puo Sa-lamôn atởng. Ma sanua, tâng ntốq nâi bữn manoaq rangoiq hỡn tẻ Sa-lamôn!

✧ 12:40 12:40 Yô-na 1:17

⁴³ “Toâq yiang sâuq loỏh vót tẻ tở cūai, chớ yiang sâuq ki pớq tâng ntốq sa-ỡt chuaq ntốq án tẻq rlu, ma án tở bữn ramỏh. ⁴⁴ Chớ án chanchóm neq: ‘Cớq ẻ chu loah pớ ntốq cớq khoiq loỏh tẻ nhũang.’ Tở án chu loah pớ ntốq ki, án hữm ớng ntốq miat sâng. Ntốq ki bráh briel, cớp cớng tâng ntốq ki khoiq atức carsiat chớ. ⁴⁵ Chớ án pớq dừng achu tapul náq yiang sâuq canỏh ẻn yỏn ỡt parnoi cớp án tâng ntốq ki. Alới la sâuq hỡn tẻ án. Ngkíq thừỏq cūai ki sâuq cữi tẻ nhũang ẻn. Lứq samoât dời sâuq nâi la machóng riang ki tẻ.”

Mpiq Cớp Sẻm Ai Yê-su

(Mac 3:31-35; Luca 8:19-21)

⁴⁶ Bo Yê-su noâng táq ntởng cớp cūai cứng ki, bữn mpiq cớp sẻm ai án ỡt tayứng yoah tiah. Alới yoc táq ntởng cớp án. ⁴⁷ Bữn manoaq cūai toâq atởng Yê-su neq: “Ki! Mpiq cớp sẻm ai thâi ỡt yáng tiah. Alới yoc ẻ táq ntởng cớp thâi.”

⁴⁸ Ma Yê-su blớh án neq: “Noau la mpiq cớq, cớp noau la sẻm ai cớq?”

⁴⁹ Chớ Yê-su sadoi chu tổp rien tẻ án, cớp án pai neq: “Nâi la mpiq cớp sẻm ai cớq! ⁵⁰ Máh cūai táq puai ngẻ Mpoaq cớq tâng paloỏng, alới la lứq sẻm ai sẻm ỡi cớp mpiq cớq.”

13

Parnai Sacâm Cūai Trứh Ỗc

(Mac 4:1-9; Luca 8:4-8)

¹ Tâng tangái ki Yê-su loỏh tẻ đống cớp pớq tacu cheq tor dờq clóng. ² Bữn cứng cūai ỡt rôm pẻ án. Ngkíq án chỏn tacu tâng tuoc. Ma máh cūai cứng ki noâng ỡt tayứng tâng tor. ³ Chớ Yê-su atởng máh cūai ki sa-ỡi ramứh toâq parnai sacâm. Án atởng neq:

“Bữn manoaq cūai pởq trứh ớc.
 4 Bo án trứh, bữn ớc satooh tâng rana. Chơ chớh srủh tot chíq ớc ki. 5 Bữn ớc canỏh satooh tâng cutẻq cada, pủn moang lantar. Ớc ki dách chái lứq, yuaq cutẻq ki tở bữn yarũ. 6 Ma toạq moat mandang loỏh phũac lứq, bát ki cớt khỏ, yuaq rẻh án tở bữn yarũ. Án roỏh, chơ cuchít. 7 Bữn ớc canỏh ẻn satooh tâng cutẻq bữn rẻh bát sarlia. Tở bát sarlia ki dách, án ẻc chíq bát mbởiq dách tẻ ớc cūai ki trứh. 8 Cóp bữn ớc canỏh ẻn satooh tâng cutẻq o. Ớc ki dách o cốp cớt palái o. Muoi nỏm cớt muoi culám ớc. Muoi nỏm canỏh cớt tapoát chít ớc. Cóp muoi nỏm canỏh ẻn cớt pái chít ớc. 9 Alẻq bữn cutừ yoc ẻ tamứng, ki tamứng.”

Nỏq Yẻ-su Atởng Toạq Parnai Sacâm?

(Mac 4:10-12; Luca 8:9-10)

10 Tỏp rien tẻ Yẻ-su toạq pở án cốp blỏh án neq: “Cỏ nỏq thài atởng toạq parnai sacâm chỏq máh cūai ki?”

11 Yẻ-su ta-ỡi alỏi neq: “Cỏ Yiang Sursĩ khoiq yỏn anhia dảng chơ máh parnai cartooq tẻ Yiang Sursĩ táq sớt, ma án tở bữn yỏn alỏi ki dảng. 12 Cūai alẻq khoiq bữn chơ, cứq yỏn cūai ki bữn sa-ủi lứq ẻn. Ma cūai alẻq ỏq, máh ớc cūai ki khoiq bữn, lứq cớt pút loah neq. 13 Cứq atởng cūai ki toạq parnai sacâm, la cỏ alỏi nhẻng ma alỏi tở bữn hữm, alỏi tamứng ma alỏi tở bữn sảng, cốp alỏi tở bữn dảng ntrớu thảng. 14 Ngkíq, cỏ tẻ alỏi ki cớt rapẻiq santoiq Ê-sai, cūai tang bỏq Yiang Sursĩ khoiq pai neq:

‘Tam anhia tamứng níc,
 ma anhia tở bữn sapủh.
 Tam anhia nhẻng níc,

ma lứq anhia tở bữn hữm ntrớu thảng.

15 Yuaq neq tởh cūai nái bữn mút coang,
 ngkíq alỏi cupát chíq cutừ, tở ẻq sảng.

Cóp alỏi canhít chíq moat, tở ẻq hữm.

Khân moat alỏi lứq hữm, cutừ alỏi lứq sảng, cốp mút pahỏm alỏi lứq dảng,

cỏh lơ alỏi ẻ pít loah lẻq cớt mút tamái ẻn,

chơ cứq tahâu yỏn alỏi cớt bán.’[☆]

16 “Ma anhia bữn ớc bốn sa-ủi lứq. Anhia bữn moat tẻq hữm cốp bữn cutừ tẻq sảng. 17 Cứq atởng anhia samoát lứq, bữn sa-ủi náy cūai tang bỏq Yiang Sursĩ tẻ mbỏq, cốp bữn cứng cūai tanoang o canỏh tẻ, neq tởh alỏi ẻr áiq yoc ẻ hữm máh ranáy anhia hữm sanua, ma alỏi tở dảng bữn hữm. Cóp alỏi ki yoc lứq sảng máh ớc anhia sảng sanua, ma alỏi tở dảng bữn sảng.

Yẻ-su Atởng Tẻ Parnai Sacâm Trứh Ớc

(Mac 4:13-20; Luca 8:11-15)

18 “Ngkíq, anhia tamứng yỏn chẻng parnai sacâm tẻ manoaq trứh ớc la sacâm ntrớu. 19 Bữn cūai tamứng parnai o tẻ Yiang Sursĩ táq sớt, ma án tở bữn sapủh ntrớu. Chơ yiang Satan toạq pủr ít chíq parnai o ki tẻ mút pahỏm án. Cūai ki samoát riang cutẻq noau tởn tâng rana. Ớc ki satooh, ma tở bữn dách ntrớu. 20 Bữn cūai canỏh samoát riang cutẻq cada pủn moang lantar. Tở noau atởng parnai Yiang Sursĩ, án tamứng parnai ki. Chái lứq án ít cốp pruan sa-âm parnai ki bủi ỡn lứq. 21 Ma án tở bữn cớt rẻh yarũ. Ngkíq án bữn tamoong mahỏi sảng. Khân bữn túh coat

☆ 13:15 13:15 Ê-sai 6:9-10

toâq pở án cở tian án sa-âm parnai Yiang Sursĩ, ki án tở bữn sa-âm noâng. ²² Bữn cũai canỏh samoât riang cutẻq bữn bát sarlia. Tở noau atởng parnai Yiang Sursĩ, án tamúng parnai ki. Ma mút án ỏt lua cút tâng dỏi nâi, cớp án ham sỏc bữn. Mách ramứh ki ẻc chíq parnai Yiang Sursĩ yỏn tở bữn cởt palâi ntrứu. ²³ Ma bữn cũai canỏh samoât riang cutẻq o. Tở noau atởng parnai Yiang Sursĩ, án tamúng parnai ki cớp án sâng samoât samoi. Án ki cởt palâi. Muoi nỏm cởt palâi muoi culám ỏc. Muoi nỏm canỏh cởt palâi tapoât chít ỏc. Cớp muoi nỏm canỏh ẻn cởt palâi pái chít ỏc.”

Yê-su Sacâm Saro Cớp Bát Canỏh

²⁴ Yê-su atởng alỏi toâq parnai sacâm ẻn neq: “Yiang Sursĩ táq sỏt la samoât riang manoaq samiang choat saro o tâng sarái án. ²⁵ Ma bữn muoi sadâu, bo nheq tữh cũai bẻq, án ca sâng ùan chỏq cũai ndỏm sarái, án mut trứh ỏc payuac yoaq nian tâng sarái ki. Moâm cũai ki trứh ỏc, chơ án loỏh tẻ sarái. ²⁶ Toâq saro ki dát cớp parlúm, ỏc payuac dát tẻ. ²⁷ Ngkỉq máh cũai táq ranáq yỏn ncháu ki toâq atởng ncháu alỏi neq: ‘Ncháu ơi! Lứq ma tở bữn, ncháu choat ỏng ỏc saro sâng tâng sarái ncháu? Khân ngkỉq, ki tẻ léq payuac yoaq nian ki toâq?’ ²⁸ Ncháu ta-ỏi alỏi neq: ‘Bữn manoaq ca sâng ùan chỏq cúq táq ranáq ki.’ Alỏi ca táq ranáq ki blỏh sĩa neq: ‘Ncháu yoc hẻq pởq rỏq chíq nỏm payuac yoaq nian ki tở?’ ²⁹ Ncháu ki ta-ỏi loah neq: ‘Tở bữn. Cúq ngcỏh bo anhia rỏq nỏm payuac, anhia lứq rỏq dẻh nỏm saro hỡ. ³⁰ Hái đởq nỏm saro cớp nỏm payuac ki dát parnoi yỏn toau toâq ngư tangái

hái sot. Tở tangái ki toâq, cúq ỏn alỏi ca sot saro neq: Anhia rỏq chíq nỏm payuac voai. Chơ anhia curỏm cớp pỏng tâng ùih máh nỏm ki. Moâm ki, anhia sot saro cớp chỏq tâng ntỏq cúq đởq.’ ”

Yê-su Sacâm Tẻ Ỏc Cacỏt Clủi Tẻ Canỏh

(Mac 4:30-32; Luca 13:18-19)

³¹ Yê-su atởng alỏi toâq parnai sacâm sĩa neq: “Yiang Sursĩ táq sỏt la samoât riang muoi ỏc c-ủỏq lavúng. ³² Bữn cũai ỉt ỏc nâi dửng trứh tâng sarái án. Ỏc nâi la cacỏt hỏn nheq tẻ máh ỏc canỏh. Ma toâq án dát, án toah hỏn nheq tẻ máh bát canỏh. Án cởt samoât aluang, tẻq chỏm táq sỏh tâng abẻng án.”

Yê-su Sacâm Cờng Táq Yỏn Bẻng Mi Cởt Pluoih

(Luca 13:20-21; Mac 4:33-34)

³³ Yê-su atởng alỏi muoi parnai sacâm ẻn neq: “Yiang Sursĩ táq sỏt la samoât riang cờng noau táq yỏn bẻng mi cởt pluoih. Bữn mansẻm ỉt manhủt cờng ki; chơ án talỏc cớp bỏt mi tâng adẻh pỏng. Chơ bỏt mi ki cởt pluoih nheq.”

³⁴ Yê-su atởng dử ramứh nâi na parnai sacâm chỏq cũai clửng ki. Án tở bữn atởng alỏi ỏc ntrứu khân tở bữn atởng na parnai sacâm. ³⁵ Án táq ngkỉq yỏn cởt rapẻiq santoiq manoaq tang bỏq Yiang Sursĩ tẻ mbỏq khoiq pai tẻ Yê-su neq:

“Bo cúq táq ntởng cớp alỏi, cúq atởng toâq parnai sacâm tẻ ỏc cartooq tẻ tangái Yiang Sursĩ tẻng paloỏng cớp cutẻq.”✧

Yê-su Atởng Tẻ Parnai Sacâm Saro Cớp Bát Canỏh

³⁶ Moâm ki Yê-su yõn cũai cứng ki chu; chơ án mut tâng đống. Tõp rien tễ án toâq sêq tễ án neq: “Thâi ơi! Hêq sêq thâi aloõh ngê tễ parnai sacâm saro cớp payuac yoaq nian.”

³⁷ Yê-su ta-ôi alới neq: “Án ca choat saro o la Con Yiang Cốt Cũai.

³⁸ Sarái sacâm tễ máh cruang tâng cutêq nâi. Ốc o sacâm tễ nheq tữh cũai ca cõt con acái Yiang Sursĩ. Payuac yoaq nian sacâm tễ nheq tữh cũai ca cõt con acái yiang Satan. ³⁹ Án ca choat payuac yoaq nian la yiang Satan, án ũan Ncháu sarái ki. Ngự sot saro la tangái Yiang Sursĩ rablớh nheq tữh cũai. Alới ca sot saro, la máh ranẽng Yiang Sursĩ. ⁴⁰ Alới ẽ rợq cớp curõm payuac, chơ apõng tâng ũih. Machớng ki tễ Yiang Sursĩ ẽ táq chók cũai tâng tangái án rablớh nheq tữh cũai. ⁴¹ Con Yiang Cốt Cũai ẽ ớn ranẽng án pợq dù ntốq án sốt, yõn parõm máh cũai táq lôih cớp máh cũai paryõng cũai canõh táq lôih. ⁴² Chơ ranẽng ki ẽ apõng máh cũai lôih tâng pống sarloac. Ntốq ki alới chũuq tõi q bap lứq. Alới nhiam u-ôi cớp carũot canẽng tabang cõ sâng túh coat lứq. ⁴³ Bo ki máh cũai tanoang o bữn ớt tâng ntốq Mpoaq alới tâng paloõng sốt. Alới cõt samoât riang moat mandang claq tâng ntốq ki. Aléq bữn cutừ yoc ẽ tamứng, ki tamứng.”

Yê-su Sacâm Mun Moat Noau Túp Tâng Sarái

⁴⁴ “Yiang Sursĩ táq sốt la samoât noau túp cớng moat lứq tâng sarái. Toâq cũai canõh ramóh cớng ki, án cuból yõn clợp loah, cớp án ớn lứq. Chơ án chu chệq nheq máh mun tâng đống án, chơ án pợq chớng tâm sarái ki.”

Yê-su Sacâm Tễ Hốt Tiaq

⁴⁵ “Yiang Sursĩ táq sốt la samoât riang manoaq chuaq yoc ẽ chớng hốt tiaq o lứq. ⁴⁶ Toâq án ramóh muoi ốc hốt o hõn tễ canõh, chơ án pợq chệq chíq nheq máh mun án. Moâm ki án pợq chớng ốc hốt tiaq ki.”

Yê-su Sacâm Tễ Alieiq Táq Sĩaq

⁴⁷ “Cớp cớq sacâm neq: Yiang Sursĩ táq sốt la samoât riang alieiq sĩaq noau yoang tâng đỡq. Án cớp dù ramứh sĩaq. ⁴⁸ Từ sĩaq chuat poân alieiq, máh cũai chuaq sĩaq ti alieiq achõn tâng tor. Chơ alới tacu pác sĩaq. Sĩaq o, alới chók tâng adữ. Sĩaq sấuq, alới táh. ⁴⁹ Toâq tangái Yiang Sursĩ rablớh nheq tữh cũai, án táq machớng ki tễ. Án ớn máh ranẽng án pợq pác cũai. Alới ẽ parõm máh cũai, cớp cayoah cũai sấuq tễ cũai tanoang o. ⁵⁰ Chơ alới ẽ apõng chíq máh cũai sấuq tâng pống sarloac. Tâng ntốq ki alới chũuq tõi q bap lứq. Alới nhiam u-ôi cớp carũot canẽng tabang cõ sâng túh arúc lứq.”

⁵¹ Moâm ki Yê-su blớh tốp rien tễ án neq: “Máh ramứh nâi, anhia sapúh nheq ma tở bữn?”

Alới ta-ôi án neq: “Oq. Hêq sapúh chơ.”

⁵² Yê-su atõng ễn neq: “Yuaq ngkíq, dù náq cũai yõng rit tốp I-sarel ca khoiq rien tễ ngê Yiang Sursĩ táq sốt, têq atõng tễ ngê tiaq cớp ngê tamái yõn cũai canõh đáng. Nâi la samoât riang cũai ncháu đống aloõh mun án tễ cớng tiaq cớp cớng tamái.”

Yê-su Chu Pỡ Vil Na-sarết
(Mac 6:1-6; Luca 4:16-30)

⁵³ Toâq Yê-su atõng moâm parnai sacâm ki, án loõh tễ ntốq ki. ⁵⁴ Án chu loah pỡ vil án, la vil Na-sarết. Ớt ngki án tabốq atõng

tâng đống sang tốp I-sarel. Alói ca tamúng santiago án atống ki sâng dót lứq. Chơ alói blóh neq: “Tể léq án bữn ngê rangoaiq nài? Cóp yuaq nốq án tềq táq ranáq salêh ki? ⁵⁵ Lứq ma tở bữn, án nài la con cūai Chiang táq pian? Lứq ma tở bữn, Mari la mpiq án, cóp Yacō, Yô-sê,* Si-môn, cóp Yude la a-êm án? ⁵⁶ Cóp lứq ma tở bữn, máh amuaq án ốt muoi vil cóp hái? Ma tể léq án bữn máh ngê ki?”

⁵⁷ Chơ alói mumat Yê-su; alói sâng ũan lứq án atống ngkiq. Yê-su atống alói ên neq: “Khân bữn manoaq cūai tang bôq Yiang Sursĩ pōq atống tâng vil canōh, cūai tâng vil ki lứq yám noap án. Ma khân án atống tâng vil án bữm, cóp tâng đống án bữm, alói ki tở bữn yám noap án.”

⁵⁸ Ngkiq Yê-su tở bữn táq sa-ũi ranáq salêh tâng vil ki, cō alói tở bữn sa-âm.

14

Noau Cachĩt Chĩq Yang, Án Ca Táq Batêm

(Mac 6:14-29; Luca 9:7-9)

¹ Bo ki puo Hê-rôt sâng parnai noau atống tể Yê-su. ² Án atống cūai ranêng án neq: “Lứq án nài la Yang ca đốq táq batêm. Án yuor tamoong loah tể ping. Ngkiq yuaq án bữn chóc tềq táq ranáq salêh.”

³ Hê-rôt pai ngkiq yuaq tể nhũang án khoiq ón tahan cōp cóp chốq Yang, chơ chốq tâng cuaq. Hê-rôt táq ngkiq cō tian Hê-rô-dia, lacuoi án. Dâu lứq Hê-rô-dia la lacuoi Phi-líp, a-êm Hê-rôt. ⁴ Yang khoiq atống puo Hê-rôt neq: “Yiang Sursĩ tở êq mới ít lacuoi a-êm mới!”

⁵ Ngkiq Hê-rôt ể cachĩt Yang, ma án ngcōh cūai proai, yuaq alói pai Yang la cūai tang bôq Yiang Sursĩ.

⁶ Ma toaq muoi tangái Hê-rôt táq pêl bũi sanhữ tangái mpiq canōt án; chơ con cumữ Hê-rô-dia, toaq puan sarai yáng moat máh cūai tamoi ki. Cóp Hê-rôt sâng bũi lứq. ⁷ Án ũq cóp án thể dũan chốq mansêm ki neq: “Ntróu mới sêq, cứq lứq yõn aki.”

⁸ Ngkiq mansêm ki sêq ariang mpiq án khoiq ón neq: “Cứq sêq plở Yang, án ca đốq táq batêm. Sêq mới chốq plở án tâng padien sanua toap!”

⁹ Puo sâng ngua lứq. Ma cō án khoiq thể dũan yáng moat máh tamoi, ngkiq án ón noau táq ariang mansêm ki sêq. ¹⁰ Án yõn noau mut cōh tacong Yang tâng cuaq. ¹¹ Noau chốq plở Yang tâng padien cóp dũng asuoi yõn mansêm ki. Chơ mansêm kị chiaui yõn mpiq án. ¹² Moâm ki tốp rien tể Yang toaq ít tứp tở Yang, cóp alói pōq atống Yê-su tể ranáq nài.

Yê-su Siem Cūai Sōng Ngìn Náiq
(Mac 6:30-44; Luca 9:10-17; Yang 6:1-14)

¹³ Từ Yê-su sâng tể ranáq ki, án loõh tể ntốq án ốt. Án chõn tâng tuoc cóp pōq chu ntốq tở bữn noau ốt, yoc ể ốt manoaq án sâng. Ma clúng cūai sâng noau pai án pōq; ngkiq alói loõh tể vil, cóp pōq ayũng puai Yê-su. ¹⁴ Từ Yê-su sêng tể tuoc, án hữm cūai clúng ki. Án sâng sarũiq táq chốq alói, chơ án táq bán máh ốc a-ĩ alói.

¹⁵ Cheq moat mandang tahõr, tốp rien tể Yê-su toaq pở án, pai neq: “Ntốq nài yong tể cūai ốt, cóp moat mandang khoiq cheq sadau chơ. Sêq thài ón máh cūai clúng nài chu tể nài mut tâng vil mpễn nài yõn alói chõng bữm cõng sana cha.”

* 13:55 13:55 Yô-sê nài noau đốq Yô-sep hữ.

¹⁶ Yê-su ta-ôi alóí neq: “Alóí tở bữn cóq chu tể nâi. Anhia toáp yỗn alóí bữn cớng sana cha.”

¹⁷ Ma alóí atờng Yê-su neq: “Hếq tở bữn ntróu ể yỗn alóí cha. Bữn óng sớng lám bẻng cóp bar lám sĩaq sãng.”

¹⁸ Yê-su ón alóí neq: “Dững bẻng cóp sĩaq pở cúq.”

¹⁹ Yê-su ón máh cũai cứng ki tacu tâng cutểq. Chơ án ỉt sớng lám bẻng cóp bar lám sĩaq. Án tapoang achỗn chu paloỏng cóp sa-ổn Yiang Sursĩ yỗn bữn cớng sana cha nâi. Moâm ki án pĩh bẻng ki. Chơ án chia yỗn tốp rien tể án tampểq yỗn máh cũai ki cha. ²⁰ Nheq tữh cũai cha pasâi dũ náq. Moâm alóí cha, tốp rien tể Yê-su parỏm loah máh ngách bữn muoi chít la bar crưo. ²¹ Nheq tữh cũai ca cha ki, sám sớng ngin náq, noap óng cũai carsai samiang, ma tở bữn noap cũai mansẻm cóp carnẻn.

Yê-su Tayáh Tâng Cloong Dỡq Clóng

(Mac 6:45-52; Yang 6:16-21)

²² Moâm ki Yê-su ón tốp rien tể án chỏn tâng tuoc cóp pỡq nhũang án pở yáng tooh dỡq ki. Chơ án ón máh cũai cứng ki chu pở vil alóí. ²³ Vớt cũai cứng ki chu nheq, Yê-su chỏn tâng cóh manoaq án ể câu ngki. Toáp sadâu chơ, Yê-su ốt manoaq án tâng cóh ki. ²⁴ Ma tốp rien tể Yê-su ốt tâng tuoc mpửng dĩ clóng. Bữn dỡq lampóh củh tuoc alóí hập lứq, yuaq cuyal ốt ploaq níc tuoc alóí.

²⁵ Cheq paloỏng rưm-rưm Yê-su toáp pở alóí. Án tayáh tâng cloong clóng dỡq. ²⁶ Từ tốp rien tể Yê-su hửm án tayáh pỡq tâng cloong clóng dỡq, alóí sãng ngcỏh lứq, cóp alóí pai neq: “Nâi la yiang cumuiq, óiq!”

Ngkíq alóí hẻ casang lứq cỏ alóí sãng ngcỏh.

²⁷ Bo ki toáp Yê-su atờng alóí neq: “Yỗn mút anhia ốt ien khẻ. Nâi la tở cúq. Anhia chỏi ngcỏh ntróu.”

²⁸ Chơ Phi-er pai neq: “Ncháu ơi! Khân lứq Ncháu, cúq sẻq Ncháu yỗn cúq pỡq ayửng tâng cloong dỡq toáp pở Ncháu.”

²⁹ Yê-su ta-ôi án neq: “Toáp pở nâi!”

Chơ Phi-er sẻng tể tuoc. Án tayáh tâng cloong dỡq ể toáp pở Yê-su.

³⁰ Ma bo Phi-er sãng cuyal phát tâng tở án, án sãng ngcỏh lứq. Chơ toáp án ể cloâm asẻng tâng dỡq, án arô casang lứq neq: “Ncháu ơi! Chuai tồh!”

³¹ Bo ki toáp Yê-su satoáp atĩ Phi-er, cóp ác achỗn án tể dỡq. Cóp Yê-su atờng án neq: “Mỏi sa-âm bĩq lứq! Nỏq mới tở bữn sa-âm samoât samoi?”

³² Chơ Yê-su cóp Phi-er chỏn tâng tuoc, cóp cuyal tở bữn phát noâng. ³³ Tốp rien tể Yê-su ca ốt tâng tuoc ki, alóí cucỏh sang Yê-su, cóp pai neq: “Lứq samoât Ncháu la Con Yiang Sursĩ!”

Yê-su Chuai Cũai A-ĩ Tâng Cruang Canẻ-saret

(Mac 6:53-56)

³⁴ Vớt alóí clong clóng dỡq, alóí toáp pở cruang Canẻ-saret.

³⁵ Cũai tâng cruang ki saccoal Yê-su. Ngkíq alóí atờng yỗn noau dửng máh cũai a-ĩ tâng cruang ki toáp pở Yê-su. ³⁶ Cóp alóí sẻq tể Yê-su yỗn máh cũai a-ĩ tẻq satoaq chẻu au tuar án. Cũai alẻq ma satoaq, ngkíq tở cũai ki cớt bán.

15

Yê-su Atờng Tể Rit Achúc Achiac
(Mac 7:1-13)

1 Ntun ki bữn máh cūai tể tồp Pha-rasi cớp tể tồp yớng rit, alóí toàq pở Yê-su tể vil Yaru-salem, cớp alóí blóh Yê-su neq: 2 “Nốq tồp rien tể thâi tở bữn puai phễp rit achúc achiac hái? Nốq nhũang alóí chi-chạ ma alóí tở bữn ariau atí puai phễp rit ki?”

3 Yê-su ta-ỡi alóí neq: “Nốq an-hia táh chíq ốc Yiang Sursĩ patáp, ma anhia puai rit anhia bữm ển? 4 Lứq Yiang Sursĩ khoiq patáp neq: ‘Cóq anhia yám noap mpiq mpoaq anhia.✱

Cớp cūai aléq ma lóc acrieiq mpiq mpoaq, cūai ki cóq chũuq cuchĩt.’✱

5 Yiang Sursĩ atống ngkíq, ma anhia atống neq: “Têq noau pai chốq mpiq mpoaq neq: “Máh ramứh cứq tềq chuai anhia, ki cứq khoiq ứq sang yốh Yiang Sursĩ chơ.” 6 Khân ngkíq, tở chuai mpiq mpoaq la thỏi.’ Ma cūai ki lứq tở bữn yám noap mpiq mpoaq án. Ngkíq anhia patống níc tể rit cūai, ma anhia táh chíq máh ốc Yiang Sursĩ patáp. 7 Anhia la cūai táq nan sâng! Lứq p̄ieiq máh santoiq Ê-sai pai tể anhia neq:

8 ‘Máh cūai nâi khễn cứq ống bỗq sâng, ma mút pahôm alóí ốt yớng tể cứq.

9 Alóí sang cứq ma alóí sang tở cớt ốc. Alóí atống rit cớp phễp rit cūai chống aloỏh sâng.’ ✱✱

Ntróu Táq Yốh Cūai Cớt Sâuq?
(Mac 7:14-23)

10 Moâm ki Yê-su arô cūai chửng toàq pở án. Án atống alóí neq: “Anhia tamứng yốh samoát! 11 Nheq tữh cớng sana cūai chốq táng bỗq tở bữn táq yốh cūai cớt sâng. Ma ngê ca bữn táng mút,

bỗq lứq pai aloỏh, chơ ngê ki táq yốh cūai cớt sâng.”

12 Moâm ki tồp rien tể Yê-su toàq atống án neq: “Thâi dáng ma tở bữn, tồp Pha-rasi sâng ũan lứq tể máh santoiq thâi pai adỏh ki?”

13 Yê-su ta-ỡi alóí toàq parnai sacâm neq: “Khân nỡm aluang aléq ma Mpoaq cứq táng paloỏng tở bữn chốh, nỡ-ra Yiang Sursĩ rớq chíq nỡm aluang ki. 14 Ngkíq, anhia chổi chanchỏm ntróu tể alóí. Alóí la samoát riang cūai sũt moat ma yoc ể ayông cūai sũt canỏh. Ngkíq alóí sapúl parnoi táng prúng.”

15 Chơ Phi-er sếq tể Yê-su neq: “Sếq thâi atống raloaih tể ốc sacâm ki.”

16 Yê-su blóh alóí neq: “Nốq anhia la tở bữn sapúh riang cūai canỏh tề tở? 17 Anhia tở yũah sapúh sĩa? Cớng sana mut táng bỗq, lừn chu púng, chơ loỏh na parnỏq. 18 Ma ngê cớp santoiq ntróu loỏh tể bỗq, máh ngê ki loỏh tể mút pahôm. Ngê ki táq yốh cūai cớt sâng. 19 Máh ốc sâng ca chống loỏh tể mút cūai la neq: chanchỏm ranáq sâng, cachĩt cūai, coc lacuoi tở la cayac noau, tở bữn lacuoi cayac ma bẻq parnoi, tutuoiq, thũ cūai, cớp lóc acrieiq. 20 Nheq ramứh nâi táq yốh cūai cớt lỏih. Ma khân cūai cha sana ma án tở bữn ariau atí, ốc ki tở bữn lỏih ntróu.”

Manoaq Mansẽm Tể Cruang Cana-an Sa-âm Samoát Samoi
(Mac 7:24-30)

21 Vót ki Yê-su loỏh tể ntốq ki, mut táng cruang mpễr vil Ti-rơ cớp vil Sadôn. 22 Bữn mansẽm tể tồp Cana-an ca ốt táng cruang ki toàq pở Yê-su, cớp pai casang lứq neq: “Ncháu ơi! Ncháu tể tống

✱ 15:4 15:4 Loỏh Tể Ê-yip-tô 20:12; Patáp Loah 5:16 ✱ 15:4 15:4 Loỏh Tể Ê-yip-tô 21:17; Lê-vi 20:9 ✱ 15:9 15:9 Ê-sai 29:13

toiq puo Davĩt! Sẻq Ncháu sarũiq táq cứq nứng. Con mansẻm cứq bửn a-ĩ hập lứq, bửn yiang sảuq payỏh níc ỏn.”

23 Ma Yẻ-su tở bửn ta-ỏi ỏn ntrỏu. Tỏp rien tẻ Yẻ-su toỏq pỏ Yẻ-su cỏp pai neq: “Sẻq thỏi ỏn mansẻm nỏi chu, yuaq ỏn puai níc hỏi, rasẻq rasuong sa-ỉr lứq.”

24 Yẻ-su ta-ỏi neq: “Yiang Sursỉ ỏn cứq toỏq ỏng pỏ tỏp I-sarel sỏng. Alỏi la samoỏt riang charỏn cũu clỏc rana.”

25 Moỏm Yẻ-su pai ngkẻq, mansẻm ki toỏq pỏ Yẻ-su cỏp pai neq: “Cucỏh Ncháu cứq ỏi! Sẻq Ncháu chuai cứq nứng!”

26 Ma Yẻ-su ta-ỏi neq: “Tỏ pẻieiq ỉt cớng sana carnẻn; chỏ tỏi chẻq yỏn ỏcho cha.”

27 Mansẻm ki ta-ỏi Yẻ-su, pai neq: “Lứq pẻieiq Ncháu pai. Ma ỏcho tẻq cha rabẻq rayỏl ca sarỏoi pun chỏng ỏcha.”

28 Chỏ Yẻ-su ta-ỏi mansẻm ki: “Mỏi la mansẻm sa-ỏm samoỏt samỏi. Ramỏh mỏi sẻq, lứq cứq yỏn mỏi bửn.”

Bo Yẻ-su pai ngkẻq, con mansẻm ki cỏt bán toỏp.

Yẻ-su Táq Bán Clứng Củai A-ỉ

29 Yẻ-su loỏh tẻ ntỏq ki, pỏq cheq clỏng Cali-lẻ ẻn. Chỏ ỏn chỏn tacu tỏng dủal. 30 Clứng củai toỏq pỏ ỏn. Alỏi đứng pỏ Yẻ-su máh củai bửn sa-ủi ramỏh a-ỉ neq: Củai yỏt, củai sủt moat, củai ngong, củai ralẻh, cỏp clứng củai a-ỉ canỏh hỏ. Alỏi đỏq máh củai a-ỉ ki cheq ayửng Yẻ-su. Chỏ Yẻ-su táq bán nheq máh củai a-ỉ ki.

31 Máh củai ki sỏng đỏt lứq toỏq alỏi hửm củai ngong ma tẻq táq ntỏng, củai ralẻh ma cỏt o loah, củai yỏt ma tẻq pupỏq, củai sủt ma cỏt poang. Alỏi khẻn Yiang Sursỉ, la Yiang tỏp I-sarel sang.

Yẻ-su Siem Pỏn Ngỏn Nỏq

(Mac 8:1-10)

32 Yẻ-su arỏ tỏp rien tẻ ỏn toỏq pỏ ỏn, cỏp pai neq: “Cứq sỏng sarũiq táq lứq chỏq máh củai clứng nỏi, cỏ alỏi ỏt cỏp cứq nheq pái tangỏi chỏ, cỏp alỏi ỏq cớng sana cha. Cứq tở ẻq yỏn alỏi chu púng miat sỏng, cỏh lỏ alỏi đỏm veq tỏng rana.”

33 Tỏp rien tẻ Yẻ-su blỏh ỏn neq: “Nỏq hỏi ẻ táq yỏn bửn cớng sana siem củai clứng nỏi, yuaq ntỏq nỏi yỏng lứq tẻ củai ỏt?”

34 Yẻ-su blỏh loah alỏi neq: “Sẻq lám bẻng anhia bửn?”

Alỏi ta-ỏi neq: “Hẻq bửn tapul lám bẻng cỏp bar pái lám sỏaq sỏng.”

35 Yẻ-su ỏn củai clứng ki tacu tỏng cutẻq. 36 Chỏ ỏn ỉt tapul lám bẻng cỏp bar pái lám sỏaq ki. ỏn sa-ỏn Yiang Sursỉ yỏn bửn cớng ỏcha nỏi. Moỏm ki ỏn pẻh bẻng cỏp sỏaq avỏi yỏn tỏp rien tẻ ỏn; chỏ alỏi tampẻq yỏn củai clứng ki cha. 37 Nheq tửh củai ki cha pasỏi nheq. Chỏ tỏp rien tẻ Yẻ-su parỏm loah sana củi alỏi cha, bửn poỏn tapul crỏu. 38 Nheq tửh củai ca cha ki, sỏm pỏn ngỏn nỏq, noap ỏng củai carsai samiang, tở bửn noap củai mansẻm cỏp carnẻn. 39 Moỏm ki Yẻ-su ỏn củai clứng ki chu. Chỏ ỏn chỏn tỏng tuoc pỏq chu cruang Ma-cadan ẻn.

16

Tỏp I-sarel Sẻq Yẻ-su Táq Ranỏq Salẻh

(Mac 8:11-13; Luca 12:54-56)

1 Bửn máh củai tẻ tỏp Pharasỉ cỏp tỏp Sa-dusẻ toỏq pỏ Yẻ-su. Alỏi yoc ẻ chim ỏn. Ngkẻq alỏi sẻq muoi tẻc tẻ Yẻ-su, ỏn lứq bửn chỏc tẻ Yiang Sursỉ, ma tở bửn. 2 Ma Yẻ-su ta-ỏi alỏi neq: “Bo moat mandang cheq

ẽ pát, khân bữn sarõng cusâu, anhia pai: ‘Parnõ lứq phũac.’³ Cóp toaq tarurp paloõng mbõiq poang rưm-rưm, khân anhia hữm sarõng cusâu sĩa, anhia pai neq: ‘Tangái nãi lứq mia choân.’ Ngkíq anhia dáng tếc tẽ ramúl, mia tở la phũac, ma anhia tở bữn dáng ntrứu tếc Yiang Sursĩ yõn anhia dáng tẽ ngê án tâng dõĩ nãi.⁴ Cũai tâng dõĩ nãi loai lứq, cóp alóĩ tở ẽq trĩh Yiang Sursĩ. Alóĩ sẽq tẽ cúq muoi tếc salẽh, ma cúq tở bữn táq yõn. Alóĩ bữn chơ tếc salẽh tẽ Yô-na, la cũai tang bõq Yiang Sursĩ tẽ mbõq.”

Chơ Yê-su loah tẽ alóĩ, cóp pữq chu canõh ẽn.

Yê-su Atõng Tẽ Ranáq Tõp Pharasi Cóp Tõp Sa-dusê Táq
(Mac 8:14-21)

⁵ Toaq tốp rien tẽ Yê-su yang yáng tooh đõq clóng, alóĩ khĩr dũng bẽng. ⁶ Chơ Yê-su atõng alóĩ neq: “Anhia õt yõn khẽuq. Cóp anhia õt yong tẽ cớng táq yõn bẽng mi cõt pluoih tẽ tốp Pha-rasi cóp tốp Sa-dusê.”

⁷ Alóĩ ki sarhõng táq ntõng loah parnai Yê-su pai. Cóp alóĩ manoaq atõng manoaq neq: “Án atõng ngkíq, yuaq hái tở bữn dũng bẽng.”

⁸ Tữ Yê-su sâng alóĩ pai ngkíq, án atõng ẽn alóĩ neq: “Dót ơiq, anhia tở bữn sa-âm samoat samoi! Nõq anhia sarhõng tẽ ốq bẽng cha? ⁹ Nõq anhia tở yũah sapúh? Anhia sanhữ ma tở bữn tẽ sỡng lám bẽng cúq khioq siem yõn sỡng ngin náq cũai cha? Bo ki anhia parõm loah bữn sếq cruo clũĩ tẽ cũai ki cha? ¹⁰ Cóp anhia sanhữ ma tở bữn tẽ tapul lám bẽng cúq siem yõn pỏn ngin náq

cũai cha? Bo ki anhia parõm loah bữn sếq cruo clũĩ tẽ cũai ki cha? ¹¹ Toaq cúq atõng anhia tẽ cớng táq yõn bẽng mi cõt pluoih tẽ tốp Pha-rasi cóp tốp Sa-dusê, nõq anhia tở bữn dáng ốc ki la parnai sacâm sâng?”

¹² Moâm Yê-su pai ngkíq, tốp rien tẽ án dáng Yê-su tở bữn lứq atõng tẽ cớng táq yõn bẽng mi cõt pluoih. Ma án atõng tẽ ngê tốp Pha-rasi cóp tốp Sa-dusê atõng.

Phi-er Ngin Yê-su

(Mac 8:27-30; Luca 9:18-21)

¹³ Toaq Yê-su mut tâng cruang cheq vil Sê-sarê Phi-lip, án blóh tốp rien tẽ án neq: “Máh cũai pai cúq Con Yiang Cõt Cũai la noau?”

¹⁴ Alóĩ ta-õĩ neq: “Bữn cũai pai thài la Yang ca đõq táq batẽm. Bữn cũai pai thài la Ê-li. Cóp bữn cũai canõh ẽn pai thài la Yê-ramia, tở la manoaq tang bõq Yiang Sursĩ.”

¹⁵ Yê-su blóh loah alóĩ neq: “Ma anhia ẽn pai cúq la noau?”

¹⁶ Chơ Si-môn Phi-er ta-õĩ Yê-su neq: “Thài la Crít, án ca Yiang Sursĩ rưoh đõq chuai amoong cũai. Thài la Con Yiang Sursĩ, án ca tamoong mantái.”

¹⁷ Chơ Yê-su atõng loah Phi-er neq: “Bỏn lứq mới, Si-môn con Yô-na! Ốc nãi tở bữn tẽ cũai atõng, ma ốc nãi Mpoaq cúq tâng paloõng yõn mới dáng. ¹⁸ Cúq atõng mới, mới la samoat riang tamáu, ngkíq mới bữn ramứh Phi-er ẽn.* Cóp cõ nhơ ốc mới ngin ki, cúq yõn sa-ũĩ náq cũai mut tâng tốp sa-âm cúq. Chóc tẽ yiang sấuq tở tẽq riap ntrứu tốp ki. ¹⁹ Cúq yõn mới bữn chóc tâng tốp Yiang Sursĩ sớt.† Ngkíq ramứh ntrứu mới pruum, lứq Yiang Sursĩ

* 16:18 16:18 Tâng parnai Créc, ramứh Phi-er parlong loah la ‘tamáu’. † 16:19 16:19 Tâng parnai Créc rana nãi pai: ‘Cúq yõn mới bữn con cachũo.’

pruam ramúh ki tê. Cóp ramúh ntróu mới tở bữn pruam, Yiang Sursĩ tở bữn pruam ramúh ki tê.”

²⁰ Moâm Yê-su pai ngkiq, án patáp tốp rien tể án chỏi yỗn noau canốh dáng án la Crít, án ca Yiang Sursĩ rươh đợc chuai amoong cũi.

Yê-su Atởng Tể Án Chũuq Túh Coat Cóp Cuchĩt

(Mac 8:31-9:1; Luca 9:22-27)

²¹ Vớt tể ki Yê-su tabốq atởng raloaih lứq yỗn tốp rien tể án dáng. Án pai neq: “Cứq cóq pởq chu vil Yaru-salem. Ớt ntốq ki cứq cóq chũuq sa-ũĩ ramúh túh coat. Mách cũi sớt nheq sâu, mách cũi sớt tốp tểng rit sang Yiang Sursĩ, cóp mách cũi yống rit, alóĩ ẽ táq cứq. Chơ alóĩ cachĩt chíq cứq, ma catâm tangái pái cứq yuor tamooing loah.”

²² Moâm ki Phi-er dừng Yê-su loốh cóp án. Chơ án sươq Yê-su neq: “Ncháu cứq ơi! Cứq sểq Yiang Sursĩ chuai yỗn mách ốc nâi chỏi yỗn toađ pở Ncháu!”

²³ Yê-su pít mieiq cóp atởng chốq Phi-er neq: “Ớ yiang Satan, mới ớt coah clĩ cứq! Mới ẽ catáng cứq, tở yỗn táq moâm ranáq cứq! Mới tở bữn chanchóm tể ranáq Yiang Sursĩ! Ma mới chanchóm tể ngê cũi sâng!”

²⁴ Moâm ki Yê-su atởng tốp rien tể án neq: “Khân bữn cũi aléq yoc ẽ puai cứq, cóq án táh chíq ngê án bữm. Cóq án ỉt dồĩ aluang sangcáng án bữm, cóp cóq án puai cứq. ²⁵ Cũi aléq ma pasếq rangúh án bữm, cũi ki lứq pút rangúh án. Ma cũi aléq ma chũuq pút rangúh án cồ tian án puai ngê cứq, rangúh cũi ki lứq tở nai pút. ²⁶ Khân cũi aléq ma bữn túc palểc cớng cróu tâng đởi nâi, ma án táh chíq rangúh án bữm, ntróu la kia yỗn án?”

Cóp acán ntróu cũi tềq raléq loah yỗn rangúh án? ²⁷ Nở-ra Con Yiang Cốt Cũi lứq toađ loah parnơi cóp ranềng Yiang Sursĩ, cóp án bữn chóc ang-ũr tể Mpoaq án tâng paloống. Bo ki án yỗn nheq tữh cũi bữn cóng puai loah mách ranáq alóĩ khoiq táq. ²⁸ Cứq atởng anhia samoat lứq, bữn cũi tayúng ntốq nâi sanua, alóĩ tở yũah cuchĩt toau toađ alóĩ bữn hữm Con Yiang Cốt Cũi táq sớt.”

17

Roáp Yê-su Cốt Mpha Ễn

(Mac 9:2-13; Luca 9:28-36)

¹ Vớt tapoat tangái ễn Yê-su dừng Phi-er, cóp alóĩ bar náq sểm ai Yacở cóp Yang, chỏn nừng án tâng cóh sarốih. Ớng alóĩ pỏn náq toáp ớt ngki. ² Ngkiq Yê-su samblót cốt roáp mpha ễn yáng moat alóĩ pái náq ki. Mieiq án clađ samoat riang moat mandang. Cóp tampác án cốt cloc sarbal moat. ³ Cóp alóĩ pái náq ki hữm Mũi-se cóp Ê-li táq ntởng cóp Yê-su. ⁴ Chơ Phi-er atởng Yê-su neq: “Ncháu ơi! Háĩ ớt nâi la o lứq. Khân Ncháu ẽ bữn, ki hếq ẽ táq pái lám nloah, muoi lám yỗn Ncháu, muoi lám yỗn Mũi-se, cóp muoi lám ễn yỗn Ê-li.”

⁵ Bo Phi-er noang pai, bữn ramúl cloc sểng clũom catáng alóĩ. Cóp bữn sương sabau atởng tể ramúl ki neq: “Nâi la Con cứq, án ca cứq ayooq lứq. Ntróu án táq, lứq cứq bũi nheq. Ntróu án atởng anhia, cóq anhia tamứng cóp trĩh án.”

⁶ Từ alóĩ pái náq tốp rien tể Yê-su sâng sương ki, alóĩ pũp muoi tatúp tâng cutềq. ⁷ Yê-su toađ satoaq alóĩ ki, cóp án pai neq: “Anhia yuor tayúng! Chỏi ngcỏh ntróu!”

⁸ Ngkíq alóí tapoang achôn, hũm ống manoaq Yê-su sâng.

⁹ Bo alóí ki sêng tể cóh, Yê-su patáp alóí pái náq ki neq: “Anhia chõit atõng yõn noau canõh dáng máh ramúh anhia khoiq hũm toau toáq tangái cứq, la Con Yiang Cõt Cũai, cuchĩt, chơ tamoong loah tể ping.”

¹⁰ Chơ tốp rien tể Yê-su blóh án neq: “Nớq cũai yõng rit pai Ê-li cóq toáq nhũang Crĩt?”

¹¹ Yê-su ta-õĩ loah alóí ki neq: “Lứq Ê-li toáq nhũang, đõq atức dũ ramúh yõn tamái loah. ¹² Ma cứq atõng anhia, lứq Ê-li khoiq toáq chơ, cớp cũai tở bữn dáng tở la sacoal án. Ma ranáq ntróu noau yoc ẽ táq chóq án, ki lứq alóí khoiq táq chơ. Nỡ pra alóí ẽ táq machóng ki tê chóq cứq, Con Yiang Cõt Cũai.”

¹³ Moâm ki, alóí tốp rien tể Yê-su dáng Yê-su pai Ê-li la sacâm tể Yang ca táq batẽm.

Yiang Sâuq Payõh Con Samiang (Mac 9:14-29; Luca 9:37-43a)

¹⁴ Bo alóí ki chu loah pở cũai cứng, ki bữn manoaq samiang toáq pở Yê-su. Án sacõh racól, cớp án pai neq: ¹⁵ “Ncháu ơi! Cứq sểq Ncháu sarũiq táq con samiang cứq, yuaq con cứq bữn a-ĩ yúh casong. Toáq án mứh án dóm tâng ùih tở la tâng đõq. ¹⁶ Cứq khoiq dững án pở tốp rien tể Ncháu chơ, ma alóí ki tở têq táq bán.”

¹⁷ Ngkíq Yê-su ta-õĩ neq: “Anhia cũai ơi! Máh anhia ca õt tâng dõĩ nãi, lứq anhia tở bữn sa-âm, cớp anhia loãi lứq. Noâng máh léq dũn cứq õt cớp anhia? Cớp noâng dũn máh léq, cứq cóq chiũq tanhĩr anhia tở bữn sa-âm cứq? Dững asuoi con ki toáq pở cứq!”

¹⁸ Chơ Yê-su sươq yiang sâuq yõn án loõh chíq tể tở con ki. Tở yiang sâuq loõh tể tở con ki, con ki cõt bán.

¹⁹ Vốt tể ki, Yê-su õt parnõi cớp ống tốp rien tể án. Alóí blóh Yê-su neq: “Nớq hếq ma tở riap tuih aloõh yiang sâuq ki?”

²⁰ Yê-su ta-õĩ alóí neq: “Ốc ki la cõ anhia tở bữn lứq sa-âm. Cứq atõng anhia samoat lứq, khân anhia lứq sa-âm, lứq pai ọc sa-âm anhia toâr máh muoi ọc cuplốq lavững sâng, ki têq anhia ớn cóh nãi neq: ‘Cứq ớn mới pớq tể ntốq nãi pớq õt chu ntốq canõh ki ễn!’ Khân anhia ma bữn ọc sa-âm ngkíq, lứq cóh ki pớq. Khân anhia ma sa-âm samoat samõi, ki ranáq ntróu anhia yoc ẽ táq, lứq cõt ranáq ki. ²¹ Cũai aléq yoc riap tuih aloõh yiang sâuq máh nãi, cóq cũai ki câu samoat samõi cớp ót cha sana cõ yoc ẽ chanchóm tể ngê Yiang Sursĩ.”*

Yê-su Atõng Sĩa Tể Án Chũuq Cuchĩt

(Mac 9:30-32; Luca 9:43b-45)

²² Bo nheq tốp rien tể Yê-su rôm tâng cruang Cali-lê, Yê-su atõng alóí neq: “Cheq chơ noau chiau cứq, Con Yiang Cõt Cũai, pở atĩ cũai sốt. ²³ Lứq alóí cachĩt cứq, ma catâm tangái pái cứq yuor tamoong loah.”

Ngkíq tốp rien tể án sâng ngua lứq.

Yê-su Yõn Práq Thễq

²⁴ Bo Yê-su cớp tốp rien tể án toáq pở vil Cabê-na-um, ki cũai tốp Dõng Sang Toâr chát máh cũai I-sarel cóq yõn práq chuai tâng Dõng Sang. Alóí toáq pở Phi-er cớp alóí blóh án neq: “Thãi mới yõn práq pở dõng sang tê, ma tở bữn?”

* 17:21 17:21 Sa-ũĩ tâm saráq tể mbốq tở bữn bữn rana 21 nãi.

²⁵ Phi-er ta-õi neq: “Lứq án yỗn tề.”

Từ Phi-er mut tâng đống, Yê-su blớh tôp án neq: “Si-môn ơi! Ntrứu mới chanchóm, máh puo tâng dời nâi parôm ãt práq tề noau? Alói ãt práq tề cruang alói bữm, tở la tề cruang ca alói khoiq chíl riap?”

²⁶ Phi-er ta-õi Yê-su neq: “Lứq alói ãt tề cruang canỗh.”

Ngkíq Yê-su pai ẽn: “Khân ngkíq, lứq máh cũi õt tâng cruang bữm, ki alói tở bữn yỗn práq ntrứu.† ²⁷ Ma hái tở êq alói ca parôm práq ki sâng ngua cốp hái. Ngkíq mới pởq tabáih sĩaq tâng dờq clóng. Sĩaq tề dẫu mới bữn ki, mới cáh bỗq. Chơ mới ãt muoi ốc práq tề bỗq án. Práq ki dũ yỗn hái yỗn práq thễq Đống Sang ki. Chơ mới dững achu yỗn alói ca parôm práq thễq.”

18

Noau Toâr Clũi Nheq Tề Canỗh?

(Mac 9:33-37, 42-48; Luca 9:46-48; 17:1-2)

¹ Bo ki tốp rien tề Yê-su toâq pở án cốp blớh neq: “Tâng tốp Yiang Sursĩ sốt, noau toâr hữn nheq tề canỗh?”

² Yê-su arô manoaq carnễn cốp yỗn án tayững mpúng dĩ tốp alói.

³ Chơ Yê-su pai neq: “Cứq atởng anhia samoât lứq, khân anhia tở bữn ralêq mút cốp cõt samoât riang carnễn nâi, lứq anhia tở tềq mut tâng tốp Yiang Sursĩ sốt.

⁴ Cũi aléq ma asểng tở yỗn cõt samoât riang carnễn nâi, cũi ki cõt toâr clũi nheq tề canỗh tâng tốp Yiang Sursĩ sốt. ⁵ Cốp cũi aléq ma roap manoaq carnễn máh nâi cỗ án sa-âm cứq, cũi ki roap dểh cứq tề.

⁶ “Cũi aléq ma radững manoaq carnễn ca khoiq sa-âm cứq, yỗn tở bữn sa-âm noâng cứq, o lứq la noau alễu tamáu toâr tâng tacong án cốp apống án tâng dờq mut, nhũang án ể toâq radững carnễn ki calõih táh cứq. ⁷ Coat lứq yỗn cũi tâng dời nâi, yuaq bữn sa-ữi ramứh ể radững alói táq lỏih. Máh ramứh ki lứq cõt, ma bap lứq toâq pở cũi ca radững cũi canỗh táq lỏih.

⁸ “Ngkíq, khân atở tở la ayững anhia ma radững anhia táq lỏih, cóq anhia cỗh voang chíq atở tở la ayững ki. Khaq anhia tamoong cốp bữn mut tâng ntốq Yiang Sursĩ sốt bữn atở tở la ayững talút, saláng bữn dũ bar lám atở tở la ayững ma Yiang Sursĩ voang anhia tâng pống sarloac. ⁹ Cốp khân ốc moat anhia ma radững anhia táq lỏih, cóq anhia culáiq voang táh chíq ốc moat ki. Khaq anhia pút muoi ốc moat ma bữn tamoong, saláng bữn dũ bar ốc moat ma Yiang Sursĩ voang anhia tâng pống sarloac.”

Yê-su Sacâm Charán Cũu Pút Ma Ramỏh Loah
(Luca 15:3-7)

¹⁰ “Anhia nhềng o! Chỗi mumat muoi noaq aléq tề máh carnễn nâi. Yuaq cứq atởng anhia neq: Máh ranểng Yiang Sursĩ tâng paloỏng bán kĩaq níc carnễn ki. Máh ranểng ki ốt níc yáng moat Mpoaq cứq tâng paloỏng. ¹¹ Con Yiang Cõt Cũi toâq pở cutểq nâi, cỗ ể chuai amoong máh cũi clốc rana.*

¹² “Nốq anhia chanchóm? Khân bữn manoaq samiang bữn muoi culám cũu, ma khân muoi lám cũu án clốc rana, ntrứu cũi ki táq? Lứq án dỏq takềh chít takềh lám tâng lểng, chơ án chỏn

† 17:26 17:26 Yê-su sacâm Đống Sang Yiang Sursĩ la samoât riang cruang án bữm. * 18:11 18:11 Sa-ữi tâm saráq tề mbốq tở bữn bữn rana 11 nâi.

toâp tâng cóh dóq chuaq ravoât muoi lám cũu ca khoi q cloc rana ki. Lứq tở? ¹³ Cúq atõng anhia samoât lứq, khân án ramóh loah cũu ki, án lứq sâng bũi hỡn tẻ cũu takêh chít takêh lám ca tở bũn pút. ¹⁴ Machóng ki tẻ Mpoaq anhia tâng paloõng tở ẽq yõn pút muoi noaq tẻ carnẽn nâi.”

Yê-su Atõng Tẻ Sẻm Ai Ca Táq Lôih

¹⁵ “Khân bũn manoaq sẻm ai ma táq lôih chỏq mới, cóq mới pỏq sỏuq cóp atõng án, ớng anhia bar náq sâng. Khân án tamúng sântoiq mới, ki án cõt loah sẻm ai mới. ¹⁶ Ma khân án tở bũn tamúng sântoiq mới, cóq mới dừng muoi tở la bar náq ẻn, chớ pỏq loah pỏ án. Táq ngkíq anhia puai phẻp rit Yiang Sursẻi khoi q patâp, dóq yõn bar pái náq ẻn atõng yõn dáng raloaih án bũn lôih.✠ ¹⁷ Ma khân án tở bũn tamúng tẻ bar pái náq ki, chớ anhia atõng yõn nheq tữh tốp sa-âm dáng tẻ. Cóp khân án tở bũn trữh tốp sa-âm, chớ anhia táq chỏq cũai ki ariang án la cũai tở bũn sa-âm, tở la ariang án la cũai parỏm práq thẻq.

¹⁸ “Cúq atõng anhia samoât lứq, ramứh ntrỏu anhia pruum, lứq Yiang Sursẻi pruum ramứh ki tẻ. Cóp ramứh ntrỏu anhia tở bũn pruum, Yiang Sursẻi tở bũn pruum ramứh ki tẻ. ¹⁹ Cóp lứq samoât cóp atõng anhia tẻ, khân bũn bar náq ớt tâng cốc cutẻq nâi, ma pruum muoi mút sẻq muoi ramứh ntrỏu tẻ Yiang Sursẻi, Mpoaq cúq tâng paloõng lứq yõn anhia bũn ốc ki. ²⁰ Yuaq toâq bar pái náq ớt rỏm parnỏi yoc ẻ puai ngẻ cúq, cúq lứq ớt parnỏi cóp alỏi.”

Yê-su Atõng Tẻ Cũai Tu Práq

✠ 18:16 18:16 Patâp Loah 19:15

²¹ Moâm ki Phi-er toâq pỏ Yẻsu cóp blỏh án neq: “Ncháu ới! Khân sẻm ai cúq táq lôih chỏq cúq, sẻq trở cúq cóq táh lôih án? Tapul trở pẻq tở, Ncháu?”

²² Yẻ-su ta-ỡi loah án neq: “Cúq tở bũn pai ớng tapul trở sâng. Ma cóq anhia táh lôih án tapul chít trở tapul.”

²³ “Yiang Sursẻi táq sỏt la samoât riang manoaq cũai puo. Puo ki ẻ blỏh loah práq tẻ cũai tu án. ²⁴ Dâu lứq noau dừng pỏ puo, cũai ca tu án tở dáng sẻq trỉeu práq. ²⁵ Cũai ki tở bũn ntrỏu ẻ culáh práq puo. Ngkíq puo ớn noau dừng chẻq chíq án, cóp chẻq dẻh con lacuoi án yõn cõt sủl cũai canỏh. Cóp noau chẻq dẻh mun án hỡ. Nheq práq kia ki, chớ ít culáh práq tu puo. ²⁶ Ma cũai tu ki sacỏh racỏl yáng moat puo, cóp án pai neq: ‘Sẻq cucỏh puo. Sẻq puo chỏi cartál yũah. Hẻq sẻq sâi sa lua cứt voai, chớ hẻq lứq culáh dũ yõn puo.’ ²⁷ Tữ puo ki sâng cũai ki cuap ngkíq, án sâng sarủi q táq chỏq cũai ki. Chớ án táh nheq máh práq cũai ki tu án. Cóp án yõn cũai ki chu.

²⁸ “Ma tữ cũai ki loẻh tẻ puo, án ramóh manoaq yỏu ca tu án. Yỏu ki tu án bẻq práq sâng. Ma án chap tacong yỏu ki, cóp pai neq: ‘Mới culáh toâp práq mới tu cúq.’ ²⁹ Cũai tu án ap tâng cutẻq, cóp sẻq cuap án neq: ‘Mới chỏi cartál yũah. Cúq sẻq sâi sa lua cứt voai, chớ cúq lứq culáh dũ yõn mới.’ ³⁰ Ma án tở pruum. Án yõn noau cốp cũai tu án, dừng kháng tâng chuaq toau toâq cũai ki culáh dũ nheq práq án. ³¹ Toâq cũai canỏh ca táq ranáq puo, hửm án táq ngkíq, alỏi sâng ngua lứq. Chớ alỏi chu atõng puo. ³² Ngkíq puo arỏ loah cũai ki. Án pai chỏq

cūai ki neq: ‘Mới la cūai sâuq la-ôq. Cừq táh neq máh práq mới tu cừq cồ mới cuap cừq. ³³Ma nốq mới tở bữn ayoq táq yóu máchống cừq ayoq táq mới?’ ³⁴Puo ki sâng cutâu lứq. Chơ án ón noau chóc cūai ki tâng cuaq tữ toau cūai ki culáh dũ neq práq puo ki.”

³⁵Chơ Yê-su atông ễn neq: “Machống ki tê Mpoaq cừq tâng paloong ễ táq chóc anhia, khân anhia tở bữn táh lôih yỗn sễm ai anhia tễ mút pahôm anhia.”

19

Yê-su Atông Tễ Cūai Táh Lacuoi
(Mac 10:1-12)

¹Moâm Yê-su atông santoiq ki, án loõh tễ cruang Cali-lê; chơ mut pở cruang Yudê ễn yáng tooh crông Yôr-dan. ²Ôt ngki bữn clừng cūai puai án, cớp Yê-su táq bán neq ramứh cūai ki bữn a-ỉ.

³Bữn cūai tễ tốp Pha-rasi toâq pở Yê-su yoc ễ chim án. Alói blớh án neq: “Puai phễp rit hái, têq cūai samiang táh lacuoi án khân án sâng yoc, ma tở bữn?”

⁴Yê-su ta-ôi loah alói: “Lứq anhia khoiq doc chơ tâng tâm saráq Yiang Sursĩ án pai neq:

‘Dâu lứq Yiang Sursĩ tễng cūai samiang cớp cūai mansễm.’^{*}

⁵Cớp Yiang Sursĩ pai ễn neq:

‘Yuaq ngkíq cūai samiang ễ yoaq tễ mpiq mpoaq, chơ ốt parnoi cớp lacuoi án ễn.

Ngkíq alói bar náq lacuoi cayac cõt máh muoi noaq sâng.’^{*}

⁶Alói tở bữn cõt noâng bar náq. Ma alói cõt manoaq sâng. Ngkíq, cồ Yiang Sursĩ amóh alói yỗn

cõt lacuoi cayac, tở têq cūai aléq caryoah yỗn cõt ratáh.”

⁷Cūai Pha-rasi ki blớh Yê-su ễn neq: “Ma Mòi-se khoiq patáp hêq, khân cūai aléq yoc ễ táh lacuoi, án cóq táq choaiq ratáh yỗn cūai canõh dáng. Ngkíq án têq táh lacuoi án.”^{*}

⁸Ma Yê-su ta-ôi alói neq: “Cồ tian anhia bữn mút pahôm coang lứq, cớp tở ễq tamứng parnai Yiang Sursĩ, ngkíq yuaq Mòi-se patáp anhia têq táh lacuoi. Ma tễ dâu Yiang Sursĩ tễng túc culám khám ramứh, án tở bữn yỗn táq ngkíq. ⁹Ngkíq cừq atông anhia neq: Cūai aléq táh lacuoi, ma lacuoi án tở bữn bẻq parnoi cớp samiang canõh, ma án ít mansễm canõh ễn, án táq lôih samoát án cooc lacuoi noau tề.”

¹⁰Tốp rien tễ Yê-su atông án neq: “Khân lacuoi cayac ma tở têq ratáh, haq chõi ít noâng lacuoi cayac.”

¹¹Yê-su ta-ôi alói neq: “Máh santoiq cừq atông anhia nâi, tở bữn dũ náq cūai riap ít noap santoiq nâi. Ống alói ca Yiang Sursĩ chuai sâng riap ít santoiq nâi. ¹²Bữn cūai tở ễq ít lacuoi yuaq tở alói tở bữn o tễ tangái mpiq alói canõt. Bữn cūai canõh tở ễq ít lacuoi yuaq bữn noau khoiq lát alói. Cớp bữn cūai canõh tở ễq ít lacuoi yuaq alói yoc ễ táq ranáq Yiang Sursĩ neq rangứh rahở alói. Cūai aléq rơi ít noap máh santoiq nâi, yỗn cūai ki ít noap.”

Yê-su Câu Yỗn Carnễn
(Mac 10:13-16; Luca 18:15-17)

¹³Bữn cūai dừng máh carnễn toâq pở Yê-su ễq Yê-su satoaq atĩ tâng carnễn ki, cớp câu yỗn alói. Ma tốp rien tễ Yê-su sươq máh

^{*} 19:4 19:4 Saráq Tễ Dâu 1:27; 5:2 ^{*} 19:5 19:5 Saráq Tễ Dâu 2:24 ^{*} 19:7 19:7 Patáp Loah 24:1-4

cũai ca dững carnễn ki. ¹⁴ Yê-su pai neq: “Anhia yỗn carnễn ki toãq pỡ cứq. Chỗi catãng alới, yuaq tâng tộp Yiang Sursĩ sớt bữn ổng cũai ca bữn mút pahỡm samoãt carnễn.”

¹⁵ Moãm Yê-su satoaq atĩ tâng máh carnễn ki, chơ án pỡq tễ nẵq ki.

Cũai Póng Ca Sốt

(Mac 10:17-31; Luca 18:18-30)

¹⁶ Bữn manoaq samiang toãq pỡ Yê-su. Án blớh Yê-su neq: “Thâi ơi! Ranãq o ntrầu cóq cứq táq đợc tềq cứq bữn tamoong mantái?”

¹⁷ Yê-su ta-ỡi án neq: “Nỡq mới blớh cứq tễ ranãq o? Ổng Yiang Sursĩ toãp lứq o. Khãn mới yoc ẽ bữn tamoong mantái, cóq mới trỉh nheq ốc Yiang Sursĩ patãp.”

¹⁸ Cũai samiang ki blớh loah neq: “Ốc patãp ntrầu?”

Yê-su ta-ỡi án neq: “Chỗi cachĩt cũai; chỗi cooc lacuoi tỡ la cayac noau; chỗi tutuoiq; chỗi táq nẵng lauq; ¹⁹ yám noap mpiq mpoaq; ✧ cóp ayooq yớu machớng mới ayooq tễ mới bữm.” ✧

²⁰ Cũai póng ki ta-ỡi loah neq: “Dũ ốc patãp ki cứq khoiq trỉh chơ. Ma ốc ntrầu ễn cứq tỡ yũah táq?”

²¹ Yê-su atỡng loah án neq: “Khãn mới yoc ẽ táq yỗn dũ nheq, ki cóq mới pỡq chềq nheq máh mun mới, chơ ít práq ki chuai yỗn máh cũai cadĩt. Khãn mới táq ngkĩq, mới lứq bữn mun ngoaih tâng paloõng. Chơ mới toãq puai cứq.”

²² Moãm Yê-su pai ngkĩq, cũai póng ki pỡq tễ ki cóp án sãng ngua lứq, cồ án la cũai sớt bữn.

²³ Moãm ki Yê-su atỡng tộp rien tễ án neq: “Cứq atỡng anhia

samoãt lứq, coat lứq yỗn máh cũai sớt mut tâng tộp Yiang Sursĩ sớt. ²⁴ Cóp cứq atỡng anhia ễn neq: Charán lac-da ma luaiq hỡng srúm, khẽ hỡn tễ cũai sớt mut tâng tộp Yiang Sursĩ sớt.”

²⁵ Từ tộp rien tễ Yê-su sãng ngkĩq, alới sãng đợc lứq cóp alới blớh neq: “Khãn ngkĩq, noau tềq mut tâng tộp Yiang Sursĩ sớt?”

²⁶ Yê-su nhềng chu alới cóp atỡng alới neq: “Cũai tỡ tềq táq bữm ranãq ki, ma Yiang Sursĩ tềq táq nheq tữh ranãq.”

²⁷ Phi-er ta-ỡi Yê-su neq: “Hếq khoiq táh nheq dũ ramứh hếq bữn, yuaq hếq puai thâi. Ngkĩq nữ-ra hếq bữm roap cóng ntrầu?”

²⁸ Yê-su ta-ỡi alới neq: “Cứq atỡng anhia samoãt lứq, tâng dỡi tamái, bo cứq Con Yiang Cốt Cũai tacu tâng nẵq cứq sớt, bo ki muoi chít la bar náq anhia ca puai cứq, lứq bữn tacu tâng nẵq cứq sớt, đợc rasửq muoi chít la bar tộp cũai I-sarel. ²⁹ Cóp khãn cũai alếq táh đớng, táh sêm ai sêm ỡi, táh mpiq mpoaq, táh con acái, tỡ la táh sarái nia, cồ án ẽ puai ngê cứq, cũai ki lứq bữn loah hỡn tễ máh ramứh án táh tễ nhũang. Cóp chumát cũai ki bữn tamoong mantái hỡ. ³⁰ Ma sa-ỡi náq cũai ca toãr sanua, chumát alới cốt cacốt ễn. Cóp sa-ỡi náq cũai ca cacốt sanua, chumát alới cốt toãr ễn.”

20

Yê-su Sacãm Tễ Cũai Táq Ranãq Tâng Nưong Palai Nho

¹ “Yiang Sursĩ táq sớt la samoãt riang cũai ncháu nưong nho. Tễ cláih lứq án pỡq chuaq cũai tuthẽ táq ranãq tâng nưong án. ² Ncháu ki pruum yỗn cóng pỡ cũai tuthẽ ki muoi tangái muoi ốc práq. Chơ án ớn alới pỡq táq

ranáq tâng nưong án. ³ Toâq mandang cháh, án pởq chuaq sĩa cũai tuthế yỗn táq ranáq tâng nưong án. Án pởq tâng đổng, chơ án ramóh máh cũai tayứng ngki tở bữn táq ranáq ntróu. ⁴ Ngkíq án atởng alóí neq: ‘Anhia pởq táq ranáq tâng nưong cứq. Cứq yỗn anhia bữn cóng tể máh ranáq anhia táq.’

⁵ “Ngkíq alóí ki pởq. Toâq mandang toâng cóp mandang priang, ncháu ki pởq sĩa chuaq cũai tuthế cóp ớn noau pởq táq tâng nưong án. ⁶ Cóp toâq moat mandang ralóh, ncháu ki pởq sĩa pở đổng. Án ramóh cũai canóh ền ca tở bữn táq ranáq ntróu tề. Chơ án blóh máh cũai ki neq: ‘Nốq nheq tangái anhia ớt níc nnâi, tở bữn táq ntróu?’

⁷ “Alóí ki ta-ơi neq: ‘Cỗ tở bữn noau arô hếq yỗn tuthế.’

“Ngkíq ncháu ki pai chóq alóí neq: ‘Chơ, anhia pởq táq tâng nưong cứq tề.’

⁸ “Toâq tabữ khoi q cheq sadâu, ncháu ki ớn ranềng án neq: ‘Pởq arô máh cũai tuthế cóp yỗn práq cóng pở alóí. Nhũang lứq, án yỗn alóí ca toâq táq ntun. Moâm ki, yỗn alóí ca toâq táq nhũang ền.’

⁹ “Alóí ca táq ranáq bo mandang ralóh toâq pở ncháu; chơ ncháu yỗn alóí bữn muoi noaq muoi ốc práq. ¹⁰ Ngkíq máh cũai ca toâq táq ranáq nhũang, alóí chanchóm alóí bữn práq sa-ữi hữn tể cũai ca táq ntun. Ma tở alóí toâq pở ncháu, ncháu ki yỗn alóí bữn muoi noaq muoi ốc práq tề. ¹¹ Moâm alóí ít práq, chơ alóí rasuon cóp ncháu ki. ¹² Alóí pai neq: ‘Máh cũai toâq táq ntun, alóí táq mahối sâng. Ma hếq, ki hếq táq nhứp bữ. Hếq chũuq tiang phũac cóp chũuq lakếh nheq

tangái. Ma nốq ncháu yỗn práq cóng hếq machống alóí ki.’

¹³ “Ma ncháu ki ta-ơi manoaq tể alóí ki neq: ‘Yóu ơi! Cứq tở bữn lóp anhia. Anhia khoi q prua cóp cứq chơ, anhia táq muoi tangái, cứq yỗn anhia muoi ốc práq. ¹⁴ Ngkíq anhia ít práq cóng anhia, chơ anhia chu. Khàn cứq ể yỗn máh cũai ca toâq táq ntun lĩ-ralĩ cóp anhia, ¹⁵ ki tềq cứq táq ngkíq cóp práq cứq, ma tở bữn? Nốq anhia sâng ngua toâq anhia hữm cứq táq ranáq o?’ ”

¹⁶ “Ngkíq, alóí ca ntun thág, nỡ-ra alóí lứq bữn nhũang. Cóp alóí ca nhũang sanua, nỡ-ra alóí ntun thág.”

Yê-su Atởng Tể Án Chũuq Túh Coat

(Mac 10:32-34; Luca 18:31-34)

¹⁷ Bo Yê-su chỏn chũ vil Yaru-salem, án đứng ống tốp rien tể án sâng pởq cóp án. Bo alóí pởq tâng rana, Yê-su atởng alóí neq: ¹⁸ “Anhia tamứng! Hái chỏn pở vil Yaru-salem. Ớt ngki noau ể chiau Con Yiang Cốt Cũai pở atĩ máh cũai sốt tốp tềng rit sang Yiang Sursĩ cóp máh cũai yống rit. Alóí ki ể anoa án cóq cuchĩt. ¹⁹ Chơ alóí ể chiau án pở cũai tở cởn cũai I-sarel hữ. Cũai ki ayề ra-ac án, proaih án, cóp tềh án tâng aluang sangcáng. Ma catâm tangái pái, án yuor tamooing loah.”

Bar Lám Con Samiang Sê-badê

(Mac 10:35-45)

²⁰ Moâm ki, lacuoi Sê-badê cóp bar náq con samiang án toâq pở Yê-su. Mansêm ki sacốh racól yáng moat Yê-su cóp sêq muoi ramứh tể Yê-su. ²¹ Yê-su blóh ần neq: “Ramứh ntróu mới yoc ể bữn?”

Mansêm ki ta-ơi neq: “Sêq thài yỗn bar lám con cứq nâi

tacu manoaq coah atoam, manoaq coah avêr thâi toâq thâi cõt sôt.”

²² Ma Yê-su ta-ôi alói pái náq ki neq: “Anhia tở dáng đêh ốc anhia sễq! Rôi tở, anhia nguaiq muoi tangan cốp cứq?”*

Alói bar náq ki ta-ôi án neq: “Hếq rôi.”

²³ Chơ Yê-su atông loah alói neq: “Lứq nỡ-ra anhia cóq nguaiq muoi tangan cốp cứq tê. Ma cứq tở têq yỗn anhia tacu coah atoam cốp coah avêr cứq. Ranáq nâi ống Mpoaq cứq toâp têq rưoh.”

²⁴ Từ muoi chít náq canõh tâng tốp rien tễ Yê-su khoi q sâng ranáq nâi, alói ũan lứq chỏq bar náq sễm ai ki. ²⁵ Ngkíq Yê-su arô tốp ki toâq pỡ án. Cốp án atông alói neq: “Anhia khoi q dáng chơ cũai sôt tâng dôi nâi, alói yoc cũai proai táq sũl alói; chơ alói padâm cốp táq túh coat lứq cũai proai. ²⁶ Ma anhia chôi táq samoât ngkíq. Cũai aléq yoc ể cõt toâr tâng tốp anhia, cóq án cõt ayũng atĩ anhia. ²⁷ Cốp cũai aléq ma yoc ể cõt toâr clũi nheq tễ canõh tâng tốp anhia, cóq án cõt sũl anhia. ²⁸ Machóng ki tê, Con Yiang Cõt Cũai khoi q toâq tở ểq noau hâu án, ma án yoc ể hâu cũai canõh. Cốp án pláih rangứh án chũuq cuchĩt tang yỗn nheq tữh cũai têq bữn tamoong.”

Yê-su Táq Bán Bar Náq Cũai Sũt Moat

(Mac 10:46-52; Luca 18:35-43)

²⁹ Bo Yê-su cốp tốp rien tễ án loõh tễ vil Yê-ri-cô, bữn clúng cũai puai án. ³⁰ Bữn bar náq samiang sũt moat ốt tacu kễng rana. Từ alói sâng Yê-su pỡq pha cheq alói, alói sabau casang lứq neq: “Ncháu tễ tống toi q Davĩt ơi! Sễq Ncháu sarũiq táq hếq nửng!”

³¹ Mách cũai clúng ki nhốp alói bar náq cũai sũt ki, cốp atông alói neq: “Chôi tabỏq!”

Ma alói sabau casang lứq ển: “Ncháu tễ tống toi q Davĩt ơi! Sễq Ncháu sarũiq táq hếq nửng!”

³² Ngkíq Yê-su tangứt. Án arô bar náq ki cốp blóh alói neq: “Ramứh ntrớu anhia yoc cứq táq yỗn anhia?”

³³ Alói ta-ôi neq: “Ncháu ơi! Sễq Ncháu táq yỗn moat hếq cõt blang!”

³⁴ Yê-su sâng sarũiq táq alói, chơ án satoaq atĩ tâng moat alói. Bo ki toâp moat alói cõt blang. Chơ alói puai Yê-su.

21

Yê-su Mut Tâng Vil Yaru-salem
(Mac 11:1-11; Luca 19:28-40; Yang 12:12-19)

¹ Từ alói cheq ể toâq vil Yaru-salem, khoi q toâq vil Bê-phayê ốt tâng palic dũal O-li-vê, Yê-su ớn bar náq tốp rien tễ án neq: ² “Anhia mut tâng vil yáng moat anhia ki. Bo anhia toâq ramỏh vil, anhia ramỏh muoi acán aséh đẽn cốp con án, noau chỏq đỏq tâng lác ngki. Anhia leh cốp tếc bar lám charán ki dũng pỡ cứq. ³ Khân bữn noau blóh anhia neq: ‘Nỏq anhia táq ngkíq?’ ki anhia ta-ôi neq: ‘Ncháu hái yoc ể mian. Moâm án mian, chơ án dũng culáh loah yỗn anhia.’ ”

⁴ Mách ramứh nâi rapĩei q san-toiq cũai tang bỏq Yiang Sursĩ khoi q pai tễ mbỏq neq:

⁵ “Cóp anhia pau atông cũai proai tâng vil Yaru-salem neq:

‘Anhia nhêng ki! Puo anhia ntôm ể toâq pỡ anhia.

Án la cũai asễng tở.

Cốp án tacu tâng aséh đẽn, la aséh lơ-lơ.’ ”*

* 20:22 Từ Yê-su pai ‘nguaiq muoi tangan’, án sacâm tễ ‘chũuq túh coat’. * 21:5 21:5 Sa-chari 9:9

⁶ Ngkíq alóí bar náq tốp rien tể Yê-su pởq táq samoát Yê-su khoiq ón alóí. ⁷ Alóí đưng pở Yê-su con cốp acán aséh dên ki. Cốp alóí sữn tampác alóí tâng cloong aséh ki. Chơ Yê-su chỏn ốt tâng aséh ki. ⁸ Clúng lứq cũai sữn tampác alóí tâng rana. Bữn cũai mut tâng aruih catráiq déh rambũ dỏq sữn tâng rana hỡ. ⁹ Án ca pởq nhũang, cốp án ca puai ntun, alóí pruan triau casang lứq neq: “Ô-sana! Lứq khễn án ca tể tống toiq puo Davít! Sẻq Yiang Sursĩ yỏn ốc bốn pở cũai ca toâq nhơ ramứh Ncháu. Ô-sana! Lứq khễn Yiang Sursĩ!”*☆

¹⁰ Bo Yê-su mut tâng vil Yarusalem, neq tữh cũai ốt tâng vil ki parlóng nhêng, cốp alóí blóh neq: “Cũai nài la noau?”

¹¹ Cũai chừng ki ta-ôi neq: “Nài la Yê-su. Án la cũai tang bỗq Yiang Sursĩ tể vil Na-sarêt, cruang Cali-lê.”

Yê-su Mut Tâng Dống Sang Toâr

(Mac 11:15-19; Luca 19:45-48; Yang 2:13-22)

¹² Yê-su mut tâng nchỏh Dống Sang Toâr. Cốp án tuih aloỏh neq tữh cũai chẻq chỡng tâng dống sang. Án cutóí cachỡng noau lẻq práq cốp cachỡng noau tacu chẻq chỏm tariap. ¹³ Án atỡng alóí neq: “Tâng tâm saráq Yiang Sursĩ tể mbỗq khoiq pai neq: ‘Noau dỏq dống cứq la dống câu sẻq.’”☆

Ma anhia khoiq táq dống nài cõt ariang cựp yỏn cũai savẻng mut tooq!”

¹⁴ Moâm ki, bữn máh cũai sữt cốp cũai yỏt toâq pở Yê-su tâng Dống Sang Toâr. Chơ Yê-su táq bán alóí ki. ¹⁵ Ma máh cũai sỏt tốp

tẻng rit sang Yiang Sursĩ, cốp máh cũai yỏng rit, alóí sâng cutâu lứq tâng mút tữ alóí hữm Yê-su táq ranáq salẻh lứq, cốp tữ alóí sâng carnễn triau cupo casang lứq neq: “Ô-sana! Lứq khễn án ca tể tống toiq puo Davít!”

¹⁶ Ngkíq alóí blóh Yê-su neq: “Thâi sâng ma tở bữn máh carnễn nài triau cupo?”

Yê-su ta-ôi alóí neq: “Lứq cứq sâng. Nỏq riang pai anhia tở nài doc tâng tâm saráq Yiang Sursĩ? Án khoiq atỡng neq:

‘Yiang Sursĩ ỏi, anhia táq yỏn bỗq carnễn cacót lứq, đẻh alóí ca noâng pu tóh ủat khễn anhia.’”☆

¹⁷ Moâm ki Yê-su loỏh tể alóí, cốp pởq chu vil Bê-thani ẻn. Sadâu ki án bẻq tâng vil ki.

Yê-su Táq Yỏn Nỡm Aluang Cõt Roỏh

(Mac 11:12-14, 20-24)

¹⁸ Poang tarửp parnỡ, bo Yê-su pởq tâng rana chu loah pở vil Yarusalem, án sâng panhieih.

¹⁹ Án hữm nỡm tarúng kẻng rana, chơ án pởq cheq nỡm aluang ki. Án hữm ống sala miat, tở bữn palái ntrứu. Ngkíq án atỡng nỡm aluang ki neq: “Chumat mới tở bữn cõt palái noâng!”

Bo ki toâp nỡm aluang ki cõt roỏh.

²⁰ Tữ tốp rien tể Yê-su hữm ranáq nài, alóí sâng dỏt lứq cốp alóí blóh án neq: “Nỏq nỡm aluang nài cõt roỏh cháí lứq?”

²¹ Yê-su ta-ôi neq: “Cứq atỡng anhia samoát lứq, khân anhia sa-âm samoát samỏi cốp tở bữn bữn mút catỏn-tỏn, anhia tẻq táq machỡng cứq khoiq táq chỏq aluang nài tể. Cốp anhia tẻq táq ranáq canỏh hỡ. Tẻq anhia ón

* 21:9 21:9 Santoiq ‘ô-sana’ parlóng loah la ‘chuai amoong’, tở la ‘sa-ỏn lứq’, tở la ‘khễn’.

☆ 21:9 21:9 ủat Khễn 118:25-26 ✧ 21:13 21:13 Ê-sai 56:7; Yê-ramia 7:11 ✧ 21:16 21:16 ủat Khễn 8:2

cóh nâi neq: 'Mới ravih cốp sapil asêng chu đợq mut.' Chơ cóh ki lứq ravih. ²² Khân anhia sa-âm samoât samoi, ramúh ntróu anhia câu sêq, lứq anhia bữn ramúh ki."

*Noau Blóh Yê-su Tể Chóc Án
(Mac 11:27-33; Luca 20:1-8)*

²³ Yê-su mut loah pở nchốh Dống Sang Toâr. Bo án atống máh cūai tâng ki, bữn máh cūai sốt tốp tểng rit sang Yiang Sursĩ cốp máh cūai sốt neq sâu, alóí toâq pở ki tê, cốp blóh án neq: "Tể léq thâi bữn chóc táq ranáq salêh nâi? Noau yỗn thâi bữn chóc nâi?"

²⁴ Yê-su ta-ôi alóí neq: "Cứq ễ blóh anhia muoi ramúh tê. Khân anhia ma ta-ôi cứq, ki cứq atống tê anhia noau yỗn cứq bữn chóc đợq táq ranáq nâi. ²⁵ Ranáq batêm Yang táq, tể léq án bữn chóc táq ranáq ki, tể Yiang Sursĩ tở la tể cūai?"

Chơ alóí manoaq sarhống manoaq neq: "Khân hái ta-ôi án pai: 'Ranáq batêm nâi toâq tể Yiang Sursĩ,' ngkếq án blóh loah hái neq: 'Khân ngkíq, nốq anhia tở bữn sa-âm Yang?' ²⁶ Ma khân hái ta-ôi án pai: 'Ranáq batêm nâi chống toâq tể cūai,' ki hái ngcốh cūai proai, yuaq alóí sa-âm Yang la cūai tang bỗq Yiang Sursĩ."

²⁷ Ngkíq alóí ta-ôi Yê-su neq: "Hếq tở đáng."

Chơ Yê-su ta-ôi loah alóí neq: "Chơ! Cứq tở bữn atống tê yỗn anhia đáng noau yỗn cứq bữn chóc táq máh ranáq nâi."

Parnai Sacâm Tể Bar Náq Con Samiang

²⁸ "Ntróu anhia chanchóm tể parnai sacâm nâi? Bữn manoaq, án bữn bar lám con samiang. Mpoaq ki toâq pở án ca ai, cốp ớn án neq: 'Con ời! Tangái nâi mới pởq táq ranáq tâng nưong hái,

nơ ai.' ²⁹ Con ki ta-ôi neq: 'Cứq tở ễq pởq táq.' Ma ntun ễn án chanchóm loah; chơ án pởq táq tâng nưong ki.

³⁰ "Chơ mpoaq ki toâq pở án ca a-êm ễn, cốp ớn án machống ki tê. Con ki ta-ôi neq: 'Oq.' Ma án tở bữn pởq.

³¹ "Bar náq con samiang ki, aléq lứq trỉh cốp puai mút pahốm mpoaq?"

Alóí ta-ôi Yê-su neq: "Án ca ai."

Chơ Yê-su atống ễn neq: "Cứq atống anhia samoât lứq, máh cūai parốm práq thêq cốp máh mansêm chềq tở, lứq alóí bữn mut tâng tốp Yiang Sursĩ sốt nhũang anhia. ³² Yuaq Yang khoiq toâq apáh anhia rana tanoang o, ma anhia tở bữn sa-âm ần. Ma máh cūai parốm práq thêq cốp máh mansêm chềq tở, alóí lứq noap santoiq Yang. Anhia khoiq hữm chơ máh ranáq ki, ma noâng anhia tở bữn ngin lóih lêq cốt mút tamái ễn, cốp anhia tở bữn noap santoiq Yang."

*Parnai Sacâm Tể Manoaq Chóh Palai Nho Tâng Nưong
(Mac 12:1-12; Luca 20:9-19)*

³³ "Anhia tamúng muoi parnai sacâm canốh ễn neq: Bữn manoaq cūai chóh voar nho tâng nưong án. Án táq cantruang pở nưong ki. Án píq prúng; chơ chíp tamáu đợq pát đợq nho tâng ki. Cốp án táq sữ tâng nưong ki. Moâm ki án yỗn cūai canốh táq đờ nưong án. Alóí pruum ndốm cốp mpêq máh palai. Chơ án pởq cruang canốh. ³⁴ Toâq catữ palai nho chĩn, cūai ncháu ki ớn máh sũl án toâq ít pún án tể alóí ca táq đờ nưong. ³⁵ Ma cūai táq đờ nưong ki cốp máh cūai sũl ncháu. Án ca manoaq, alóí toân. Manoaq ễn, alóí cachĩt. Manoaq ễn, alóí tám chóq tamáu. ³⁶ Chơ ncháu ki ớn

cũai sũl canõh ẽn toãq, toãq clũng hõn tẽ nhũang. Ma alõl ca táq dõ nưong ki táq chỏq máh cũai sũl ki machõng nhũang sĩa. ³⁷ Toãq parsỏt thắng, ncháu ki ỏn con samiang án ẽn toãq pỡ cũai táq dõ nưong ki. Án chanchỏm neq: 'Lứq alõl yám noap con samiang cứq.' ³⁸ Ma từ cũai táq dõ nưong ki hũm con ncháu nưong toãq, alõl sarhỏng neq: 'Án nài la con tởng ncháu. Hài! Hái cachít chít án. Ngkít neq mun án chu pỡ hái!' ³⁹ Chớ alõl cớp con ncháu, ác sadõh aloõh án tẽ nưong, cớp cachít loãng án.

⁴⁰ "Ngkít, toãq ncháu ki pỡq chu nưong, ntróu án ẽ táq chỏq alõl táq dõ nưong án?"

⁴¹ Cũai ki ta-õl Yê-su neq: "Lứq án cachít máh cũai sũaq ki. Chớ án yõn cũai canõh ẽn táq dõ nưong án. Toãq ngư palài nho chĩn, cũai canõh ki lứq tampẽq yõn ncháu nưong bũn pún án."

⁴² Chớ Yê-su atõng loah cũai ki neq: "Nỏq riang pai anhia tỡ nai doc tâng tâm saráq Yiang Sursĩ khioq pai neq:

'Cốc tamáu cũai táq đống khioq táh,

tamáu ki noau hũm o hõn tẽ tamáu canõh.

Chớ noau ỉt cớp chíp bân soq đống.

Ranáq nài Ncháu hái toãp khioq táq,

la ranáq salẽh lứq án táq yáng moat hái.'

⁴³ Ngkít cứq atõng anhia neq: Yiang Sursĩ tỡ bũn yõn anhia mut tâng tốp án sỏt, ma án yõn cũai canõh ẽn mut. Máh cũai ki ẽ táq ranáq o samoat riang cutẽq amia palài o. ⁴⁴ Cũai aléq ma đóm tâng tamáu nài, án khat loãng. Ma

khân tamáu nài satooh pẽiq tỗ cũai aléq, cũai ki dươiq thắng."

⁴⁵ Từ máh cũai sỏt tốp tẽng rit sang Yiang Sursĩ cớp máh cũai Pha-rasi sãng Yê-su atõng máh parnai sacâm ki, alõl dáng Yê-su sacâm nài pai chu alõl. ⁴⁶ Alõl chuaq ngẽ ẽ cớp Yê-su, ma alõl ngỏh cũai proai, yuaq máh cũai sa-âm Yê-su la cũai tang bỏq Yiang Sursĩ.

22

Yê-su Sacâm Tẽ Puo Táq Rabẽng Yõn Con

(Luca 14:15-24)

¹ Yê-su atõng sĩa toãq parnai sacâm canõh ẽn neq: ² "Yiang Sursĩ táq sỏt la samoat riang puo thũan racoaiq yõn con samiang án. ³ Puo ki ỏn máh ranẽng án pỡq coaiq máh cũai ca án khioq mơi, yõn toãq hâu racoaiq. Ma máh cũai ki tỡ ẽq toãq hâu.

⁴ Ngkít puo ki ỏn ranẽng canõh ẽn, cớp patáp alõl neq: 'Anhia atõng máh cũai ca khioq mơi chớ neq: "Puo hếq khioq thũan racoaiq chớ. Ntroỏq tồl cớp ntroỏq con plũm lứq khioq án kiac moâm chớ; cớp dũ ranáq la án khioq thũan moâm chớ. Ngkít sểq mơi anhia toãq hâu racoaiq ki.'"

⁵ "Ma máh cũai ca khioq án mơi, alõl tỡ bũn tamúng. Alõl yoc lứq táq ống ranáq alõl sãng. Án ca pỡq táq sarái. Án ca pỡq chểq chõng. ⁶ Máh cũai canõh cớp chít ranẽng puo ki. Alõl nhỏp, alõl toãn, cớp alõl cachít táh ranẽng ki. ⁷ Ngkít puo ki sãng ùan lứq. Chớ án ỏn tahan án pỡq cachít loah máh cũai khioq cachít ranẽng án. Cớp máh

† **21:42** 21:42 Pua l tẽ ranáq alõl táq, tamáu aléq noau chíp tâng soq, tamáu ki táng đống yõn cõt khâm. Tamáu ki Yê-su sacâm tẽ tỗ án toãp. ✱ **21:42** 21:42 Ưat Khẽn 118:22-23 ‡ **21:44** 21:44 Sa-ũl tâm saráq tẽ mbỏq tỡ bũn bũn rana 44 nài.

tahan ki chông máh vil alói hỡ. 8 Chơ puo arô loah máh ranẽng án, cốp patáp alói neq: ‘Ranáq racoâiq khoiq thừan môam nheq chơ. Ma máh cũi cũi cữq khoiq mơi ki, tỡ p̄ieiq yỗn alói toâq hâu racoâiq nãi. 9 Sanua anhia p̄õq dũ ravêh rana. Cũi aléq anhia ramóh, anhia mơi cũai ki yỗn toâq hâu racoâiq nãi.’ 10 Ngkíq máh ranẽng puo ki loõh p̄õq tâng rana. Cũi aléq alói ramóh, alói dững cũai ki toâq hâu racoâiq puo táq. Alói dững máh cũai sâuq cốp máh cũai o hỡ. Ngkíq tâng clống đồng puo bữn tadát moang cũai.

11 “Toâq puo mut tâng clống máh cũai toâq hâu racoâiq, án hữm muoi noaq tỡ bữn sớp au cơi noau p̄õq cha racoâiq. 12 Chơ án pai chớq cũai ki neq: ‘Yóu ơi! Nỗq mới toâq hâu racoâiq ma tỡ bữn sớp au noau đốq hâu racoâiq.’ Ma cũai ki tỡ dáng ta-õi ntróu. 13 Chơ puo ki ớn ranẽng án neq: ‘Anhia chớq ayững atĩ án, cốp takẽl chíq án yáng tiah, tâng ntốq canám. Ntốq ki noau nhiam nhit cốp carũot canẽng tabang cõ sâng túh arức lứq.’ ”

14 Chơ Yê-su pai ễn neq: “Bữn clừng lứq cũai Yiang Sursĩ arô, ma bữn bĩaq náq sâng án rườh.”

Yê-su Atõng Tẽ Práq Thẽq
(Mac 12:13-17; Luca 20:20-26)

15 Vốt ki tốp Pha-rasi p̄õq sarhống cốp chi-chuaq ralĩh ẽq Yê-su táq ntõng lỏih. 16 Alói ớn cũai tẽ tốp alói cốp tẽ tốp Hê-rôt toâq p̄õ Yê-su. Máh cũai ki atõng Yê-su neq: “Thâi ơi! Hẽq dáng chơ thâi lứq cũai tanoang. Cốp thâi atõng ngê Yiang Sursĩ p̄ieiq lứq. Yáng moat thâi nheq tữh cũai la lĩ-ralĩ nheq. Yuaq ngkíq thâi tỡ bữn yám noap ống cũai bữn chớq. 17 Ngkíq hẽq sễq

thâi atõng hẽq nưng. Ntróu thâi chanchóm, p̄ieiq ma tỡ bữn hái cóq muap práq thẽq p̄õ puo Rô-ma?”*

18 Ma Yê-su dáng alói chim án, ẽq án tỡ dáng ẽ ta-õi ntróu. Ngkíq án pai chớq alói neq: “Anhia la ẽm bĩq parnai sâng! Nỗq anhia chuaq ralĩh chớq cữq? 19 Anhia yỗn cữq nhêng práq thẽq ki!”

Chơ alói dững yỗn án nhêng muoi ọc práq. 20 Yê-su blóh alói neq: “Roâp anâi cốp chĩr anâi samoât noau?”

21 Alói ta-õi án: “Puo Rô-ma.”
Chơ Yê-su atõng alói neq: “Crong puo Rô-ma, ki anhia culáh loah yỗn puo Rô-ma, cốp crong Yiang Sursĩ, cóq anhia culáh loah yỗn Yiang Sursĩ.”

22 Bo alói sâng Yê-su ta-õi ngkíq, alói sâng dót lứq. Chơ alói loõh tẽ Yê-su, p̄õq ntốq canõh ễn.

Tốp Sa-dusê Blóh Yê-su Tẽ Cũi Tamoong Loah

(Mac 12:18-27; Luca 20:27-40)

23 Tangái ki bữn máh cũai tẽ tốp Sa-dusê toâq p̄õ Yê-su. Tốp Sa-dusê pai cũai khoiq cuchĩt tỡ tẽq tamoong loah. 24 Alói ki atõng Yê-su neq: “Thâi ơi! Mỏi-se khoiq chĩc atõng yỗn hẽq neq:

‘Khân manoaq samiang cuchĩt, ma án tỡ yũah bữn con, manoaq tẽ sễm ai án cóq siem lacuoi án, đốq patõng loah yỗn án ca khoiq cuchĩt.’*

25 Dõih mbốq bữn tapul náq sễm ai õt cốp hẽq. Án ca ai clúng khoiq ỉt lacuoi. Ma án cuchĩt tỡ yũah bữn con. Ngkíq a-ẽm ndĩ án, cóq siem lacuoi ai án. 26 Cốp machống ki tẽ tẽ a-ẽm ndĩ toau toâq a-ẽm ralỏh. Nheq alói sễm ai ki siem lacuoi ai, cốp alói cuchĩt tẽ. 27 Parsốt tháng mansễm ki la cuchĩt tẽ. 28 Tữ cũai

* 22:17 22:17 Puo Rô-ma noau đốq Sê-sa. ✱ 22:24 22:24 Patáp Loah 25:5

cuchit tamoong loah, mansêm ki cõt lacuoi noau, yuaq alói tapul nág sêm ai ndõm nheq mansêm ki?"

²⁹ Yê-su ta-õi alói neq: "Anhia táq ntõng tở p̄ieiq, yuaq anhia tở bữn dáng raloaih tể parnai Yiang Sursĩ noau chĩc tể mbỏq, cốp anhia tở dáng dẽh chớc toâr lứq tể Yiang Sursĩ. ³⁰ Tữ cũai cuchit tamoong loah, alói tở bữn ratoi noâng cõt lacuoi cayac. Ma alói õt tâng paloõng machõng tốp ranẽng Yiang Sursĩ tẽ. ³¹ Ma tể ranáq cũai cuchit chớ ma tamoong loah, nõq riang pai anhia tở nai doc parnai Yiang Sursĩ atõng anhia neq:

³² 'Cứq la Yiang Sursĩ A-praham sang, I-sac sang, cốp Yacốp sang.'[☆]

Hái dáng cũai cuchit tở tẽq sang Yiang Sursĩ. Ông cũai tamoong sâng tẽq sang án."

³³ Tữ cũai cứng sâng Yê-su pai ngkíq, alói sâng dót lứq tể máh santomat án atõng.

Ốc Ntróu Yiang Sursĩ Patâp Toâr Clũi Nheq Tể Canõh

(Mac 12:28-34; Luca 10:25-28)

³⁴ Toâq tốp Pha-rasi sâng Yê-su khoiq ta-õi táq yõn tốp Sadusê lúng bỗq, ngkíq alói rôm sarhõng. ³⁵ Bữn manoaq tể cũai ki la thâi atõng phễp rit I-sarel. Án toâq cốp blớh cõ ể chim Yê-su.

³⁶ Án blớh neq: "Thâi ơi! Tâng phễp rit hái, ốc patâp ntróu toâr clũi nheq tể ốc canõh?"

³⁷ Yê-su ta-õi án neq: "Cóp anhia ayooq Yiang Sursĩ, la Ncháu anhia, nheq tể mút pahõm, nheq tể rangứh rahõ, cốp nheq tể sarnóm anhia.[☆] ³⁸ Ốc patâp nâi

toâr clũi nheq tể ốc canõh. ³⁹ Cốp ốc patâp bar clũi tể canõh la neq: 'Cóp anhia ayooq yõu machõng anhia ayooq tở anhia bữm.'[☆] ⁴⁰ Khân bữn bar ốc patâp nâi, ki bữn dũ chớ nheq ramứh phễp rit Yiang Sursĩ yõn na Mõi-se, cốp nheq parnai cũai tang bỗq Yiang Sursĩ atõng."

Santomat Blớh Tể Manoaq Crĩt (Mac 12:35-37; Luca 20:41-44)

⁴¹ Bo tốp Pha-rasi rôm sarhõng, Yê-su blớh alói neq: ⁴² "Ntróu anhia chanchóm tể manoaq Crĩt? Án la tể tống toiq noau?"

Alói ta-õi neq: "Án la tể tống toiq puo Davit."

⁴³ Ngkíq Yê-su blớh ẽn neq: "Khân ngkíq, ki nõq Raviei Yiang Sursĩ yõn puo Davit đõq Crĩt la Ncháu? Yuaq tể mbỏq puo Davit khoiq pai neq:

⁴⁴ 'Yiang Sursĩ atõng chỏq Ncháu cứq neq:

"Mõi tacu coah atoam cứq[†] toau toâq tangái cứq chiau alói ca yoc ể cachit mới, õt pũn talang ayũng mới."[☆]

⁴⁵ Khân Davit đõq Crĩt la Ncháu, ki nõq tẽq Davit đõq cũai tể tống toiq án bữm la Ncháu?"

⁴⁶ Moâm Yê-su pai ngkíq, ki tở bữn noau tẽq ta-õi muoi ốc ntróu. Cốp tể tangái ki tở bữn noau khõn blớh noâng án.

23

Yê-su Sươq Cũai Chõl Táq Machõng Cũai Yõng Rit Cốp Cũai Pha-rasi

(Mac 12:38-40; Luca 11:39-52; 20:45-47; 13:34-35)

¹ Moâm ki Yê-su atõng máh cũai cứng cốp tốp rien tể án neq: ² "Cũai yõng rit cốp cũai Pha-rasi,

☆ 22:32 22:32 Loõh Tể Ê-yip-tỏ 3:6 ☆ 22:37 22:37 Patâp Loah 6:5 ☆ 22:39 22:39 Lê-vi 19:18 † 22:44 22:44 Puai phễp rit cũai I-sarel, khân cũai aléq ma alói yoc ể yám noap lứq samoat, ngkíq alói yõn cũai ki õt coah atoam alói. ☆ 22:44 22:44 Ừat Khẽn 110:1

alói ẽ pláih Mòi-se cõt cūai atōng anhia. ³ Ngkíq, cóq anhia trīh cóp puai samoât máh santoiq alói atōng anhia. Ma anhia chōi tūoiq máh ranáq alói táq, yuaq alói pai óng bōq, ma alói tở bữn lứq táq. ⁴ Alói atōng anhia yỗn puai phệp rit coat lứq, samoât riang alói yỗn anhia dỗl crōng ntāng. Ma atĩ alói tở bữn acóq chuai ntróu crōng ntāng tể anhia. ⁵ Dũ ranáq alói táq, alói ẽq cūai canỗh hữm. Alói chóq parnai Yiang Sursĩ tāng hỏp ngcār. Chơ alói chỏq hỏp ki tāng ngcōng cóp tán tāng caliac. Cóp alói táq cuti rampóh tāng au tuar alói. ⁶ Alói yoc ẽ tacu coah pōng toāq noau mơi alói toāq cha. Cóp alói yoc ẽ bữn cachōng tacu o clữi nheq tể canỗh tāng dōng sang. ⁷ Alói ẽq cūai canỗh tabỏp o chóq alói bo ỏt cóp cūai cững. Cóp alói ẽq noau dỏq alói la Thài. ⁸ Ma anhia chōi ẽq cūai canỗh dỏq anhia la Thài, yuaq anhia bữn óng muoi noaq Thài sāng, cóp anhia la lĩ-ralĩ nheq samoât sểm ai. ⁹ Cóp anhia chōi dỏq cūai tāng cutẽq nài la Mpoaq anhia, yuaq anhia bữn óng muoi noaq Mpoaq sāng, án ca ỏt tāng paloōng. ¹⁰ Cóp anhia chōi ẽq cūai canỗh dỏq anhia la cūai Sốt, yuaq anhia bữn óng muoi noaq Sốt sāng. Án la Crĩt. ¹¹ Khān bữn cūai tāng tốp anhia ma yoc ẽ cõt toār clữi nheq tể cūai canỗh, cóq cūai ki cõt sũl anhia. ¹² Cūai aléq ma achỗn tở bữm, nỡ-ra cūai ki lứq cõt cacót. Cóp cūai aléq ma asểng tở bữm, nỡ-ra cūai ki lứq cõt toār.

¹³ “Bap lứq toāq pở anhia cūai yỗng rit cóp cūai Pha-rasi, la cūai táq nan sāng! Yuaq anhia catáng tở ẽq cūai mut tāng tốp Yiang Sursĩ sốt. Anhia tở ẽq mut, cóp

anhia catáng cūai canỗh tở yỗn alói bữn mut!

¹⁴ “Bap lứq toāq pở anhia cūai yỗng rit cóp cūai Pha-rasi, la cūai táq nan sāng! Yuaq anhia lỏp máh dōng cán cumai, cóp anhia cūa santoiq cuti ẽq noau pai anhia la tanoang o. Yuaq ngkíq, chumát tột anhia ntāng hỡn tể cūai canỗh.*

¹⁵ “Bap lứq toāq pở anhia cūai yỗng rit cóp cūai Pha-rasi, la cūai táq nan sāng! Yuaq anhia táq nheq rangữh rahỡ ẽq cūai canỗh táh chíq ngē tiaq alói, chơ puai ngē anhia ển. Ma toāq alói puai ngē anhia, anhia táq yỗn alói cõt sấuq clữi tể anhia ển; p̄ieiq lứq Yiang Sursĩ apống anhia tāng pống sarloac.

¹⁶ “Bap lứq toāq pở anhia ca samoât riang cūai sũt moat, ma yoc ayōng cūai canỗh. Anhia atōng cūai canỗh neq: ‘Khān cūai aléq thể dũan ma taléq ramứh Dōng Sang Toār, ki santoiq cūai thể dũan ki tở bữn ntróu. Ma khān cūai aléq thể dũan ma án taléq ramứh yểng tāng Dōng Sang Toār, cūai ki cóq lứq táq.’ ¹⁷ O cūai sacũl cóp ariang sũt moat ỏi! Ốc aléq la toār hỡn? Yểng tāng Dōng Sang Toār, tở la dōng sang ca táq yỗn yểng ki cõt o yáng moat Yiang Sursĩ? ¹⁸ Cóp anhia atōng neq hỡ: ‘Khān cūai aléq thể dũan, ma án taléq ramứh prōng tāng Dōng Sang Toār, parnai cūai thể dũan ki tở bữn ntróu. Ma khān cūai aléq thể dũan ma taléq ramứh crōng sang tāng prōng ki, cūai ki cóq lứq táq.’ ¹⁹ Anhia la samoât riang cūai sũt moat! Aléq la toār hỡn? Crōng chiau sang tāng prōng sang, tở la prōng ca táq yỗn crōng ki cõt o yáng moat Yiang Sursĩ? ²⁰ Ngkíq, khān cūai

* 23:14 23:14 Sa-ữi tâm saráq tể mbỏq tở bữn bữn rana 14 nài.

aléq thể dũan ma taléq ramúh prông, la machóng án khoiq thể chóc crông sang tâng prông ki tê. ²¹ Cóp khân cũai aléq thể dũan ma taléq ramúh Dông Sang Toâr, la machóng án khoiq thể dũan chóc Yiang Sursĩ tê, yuaq Dông Sang ki la dồng sang Yiang Sursĩ. ²² Cóp khân cũai aléq thể dũan ma taléq ramúh paloöng, la machóng án khoiq thể dũan chóc Yiang Sursĩ tê, yuaq Yiang Sursĩ õt tâng paloöng.

²³ “Bap lứq toâq pở anhia cũai yống rit cóp cũai Pha-rasi, la cũai táq nan sâng! Yuaq anhia chiaui sang yõn Yiang Sursĩ muoi pún tể bát bai asai sakieu anhia, ma anhia tở bữn trỉh máh ọc toâr hõn tể rit ki tâng phếp rit Yiang Sursĩ. Ớc toâr ki la neq: Cóp anhia táq ranáq tanoang tapúng, cóp bữn mút pahõm sarũiq táq cũai canõh, cóp cóq táq p̄ieiq lứq yõn cũai canõh t̄eq noap anhia. Cứq tở bữn yõn anhia táh ranáq chiaui sang kí, ma máh ramúh toâr hõn, cóq lứq anhia táq. ²⁴ Anhia la ariang cũai sũt moat ma yoc ayông cũai canõh! Anhia yỏq ít anhui tể dỏq nguaiq, ma khân bữn charán lac-da, ki anhia lữn toáp.”†

²⁵ “Bap lứq toâq pở anhia cũai yống rit cóp cũai Pha-rasi, la cũai táq nan sâng! Yuaq anhia bữn mút pahõm samoât tangan cóp padien noau ariau ẽq bráh ống yáng tiah sâng, ma tâng clống bữn moang nhợp. Nhợp ki la sacâm tể anhia rapõn cóp anhia cha nguaiq la-ớq. ²⁶ Ở máh cũai Pha-rasi, anhia la sanỏq cũai sũt! Nhũang lứq cóq anhia ariau tangan yõn bráh yáng clống voai. Khân anhia táq ngkíq, yáng tiah tangan lứq cõt bráh tê!

²⁷ “Bap lứq toâq pở anhia cũai yống rit cóp cũai Pha-rasi, la cũai táq nan sâng! Anhia la samoât riang ping cumuiq noau asa táq bráh o lứq. Yáng tiah ping ki la o cóp nêuq lứq, ma tâng clống ping ki bữn nhang cũai cuchĩt cóp nsóq pring-pring thág. ²⁸ Anhia la machóng ki tê. Anhia ẽq cũai canõh pai anhia la tanoang o, ma mút pahõm anhia bữn moang ọc lỏih, cóp anhia táq nan sâng.

²⁹ “Bap lứq toâq pở anhia cũai yống rit cóp cũai Pha-rasi, la cũai táq nan sâng! Anhia táq ping o yõn cũai tang bỏq Yiang Sursĩ tể mbỏq. Cóp anhia táq yõn nêuq lứq máh ping cũai tanoang o. ³⁰ Cóp anhia dỏq pai neq hõ: ‘Khân hẽq ma õt muoi prỏq cóp achúc achiac hẽq tể mbỏq ki, hẽq tở bữn táq machóng alỏi ki bo alỏi cachĩt chíq cũai tang bỏq Yiang Sursĩ.’ ³¹ Toâq anhia pai ngkíq, anhia ngin, anhia la cũai tống toiq cũai ca khoiq cachĩt cũai tang bỏq Yiang Sursĩ tể mbỏq. ³² Âu, anhia pởq toáp! Anhia táq yõn moâm máh ranáq achúc achiac anhia! ³³ Anhia la cũai ca bữn mút pahõm loài lứq, pla riang cusân. Lứq anhia tở t̄eq viaq vớt tể Yiang Sursĩ rablỏh anhia cóp takể anhia tâng pống sarloac. ³⁴ Ngkíq cứq atõng anhia neq: Nõ-ra cứq ớn máh cũai tang bỏq canõh, máh cũai rangoiq lứq, cóp máh cũai atõng phếp rit toâq pở anhia. Bữn cũai tể tốp kí, anhia ẽ cachĩt cóp t̄eh tâng aluang sangcáng. Án ca anhia ẽ toân tâng dồng sang. Cóp án ca anhia ẽ tuih aloõh tể vil nài õt pở vil ki. ³⁵ Ngkíq tột alỏi ca khoiq cachĩt cũai tanoang o tâng cut̄eq nài, Yiang Sursĩ ẽ yõn anhia tampr̄ec

† **23:24** 23:24 Yê-su sacâm ọc ki la neq: ‘Anhia ẽ viaq tở ẽq táq ranáq lỏih tở bữn toâr ntrỏu. Ma máh ranáq lỏih toâr, ki anhia táq toáp.’

tê tôl ki, yuaq anhia la tống toiq alói ki. Tôl ki bữn tể tangái alói cachit Aben la cũi tanoang o tể mbốq, cốp toau toâq alói cachit Sa-chari la con samiang Ba-rachi. Anhia khoiq cachit chiq Sa-chari tâng clống Dóng Sang Toâr cheq cốp prông sang. ³⁶ Cúq atống anhia samoât lúq, dũ ramứh tôl ki toâq pở anhia ca ốt tâng dũi nâi!

³⁷ “O cũi tâng vil Yaru-salem, cũi tâng vil Yaru-salem ời! Anhia la cũi dốq cachit cũi tang bốq Yiang Sursĩ, cốp anhia tám chốq tamáu máh cũi Yiang Sursĩ ớn yỗn toâq pở anhia. Bữn sa-ữi trở chơ cúq yoc parôm pachứm nheq tữh anhia samoât riang ntruoi atu cutrốc arô con án yỗn ốt nhựp khlap. Ma anhia tở ểq! ³⁸ Sanua cúq tở bữn cláh clơ noâng dống sũ anhia. ³⁹ Cúq atống anhia neq: Tể nâi chumát anhia tở bữn hữm noâng cúq, toau toâq tangái anhia pai neq: ‘Bốn lứq án ca toâq nhơ ramứh Ncháu hái.’”^{*}

24

Yê-su Atống Tể Noau Talốh Dóng Sang Toâr

(Mac 13:1-2; Luca 21:5-6)

¹ Tữ Yê-su loỏh tể Dóng Sang Toâr, chơ tayáh tâng rana, tốp rien tể án toâq pở án cốp sadoi yỗn án nhêng chu dống sang ki. ² Yê-su atống alói neq: “Anhia hữm máh dống toâr ntốq nâi tở? Chumát tamáu noau táq dống toâr nâi tở bữn ratót noâng parnoi. Án ratáh nheq.”

Yê-su Atống Tể Ốc Túh Coat Toâq Pở Cũi

(Mac 13:3-13; Luca 21:7-19)

³ Bo Yê-su tacu tâng dũal O-li-vê, ống tốp rien tể án sâng toâq pở án. Alói blớh án neq: “Thâi ời! Sểq thâi atống hếq,

noâng maléq dũn ranáq nâi toâq? Bữn tểc ntrứu sapáh yỗn hếq dáng thâi toâq loah pở cutểq nâi cốp tangái parsốt?”

⁴ Yê-su ta-ời alói neq: “Cốq anhia ốt yỗn khểuq. Chũi yỗn noau phểq anhia. ⁵ Chumát bữn sa-ữi náq toâq clểu ramứh cúq, cốp pai neq: ‘Cutố cúq nâi toâp la Cřit!’ Cốp alói phểq chũng cũi. ⁶ Tữ anhia sâng parhan noau rachít cheq-cheq yong-yong, anhia chũi croốq ntrứu. Ranáq nâi cốp toâq nhũang voai. Ma tở yũah toâq tangái parsốt tháng. ⁷ Tốp nâi ể rachít ratáq cốp tốp ki; cruang nâi ể rachít ratáq cốp cruang ki. Bữn sa-ữi ntốq ốq sana cha. Cốp bữn sa-ữi ntốq cutểq rachâu cốp cacut. ⁸ Máh ramứh nâi mbốiq cõt trở dâu. Noâng bữn sa-ữi ramứh túh coat ể ể toâq.

⁹ “Tâng máh tangái ki, noau ể chiau anhia pở atỉ cũi sâuq yỗn alói cachit anhia. Cốp nheq tữh cũi lứq kêt anhia cồ tian anhia puai ngê cúq. ¹⁰ Bo ki, bữn sa-ữi náq cũi khoiq puai ngê cúq, alói táh chiq ngê cúq, yuaq tở rơi puai noâng. Alói manoaq cauq manoaq yỗn cũi sốt cachit. Cốp alói manoaq kêt manoaq. ¹¹ Bữn sa-ữi náq cũi toâq cốp pai alói la cũi tang bốq Yiang Sursĩ. Ma alói pai lauq sâng ể radũng chũng cũi sarlốq cốp alói. ¹² Yuaq ngê sâuq pốq pláh dũ ntốq, ngkíq cũi ca manoaq ayooq manoaq tể nhũang cõt tở bữn ayooq noâng. ¹³ Ma máh cũi ca rơi tanhữ toau sốt dũi tamoong, Yiang Sursĩ lứq chuai amoong alói. ¹⁴ Parnai o tể Yiang Sursĩ táq sốt, bữn cũi atống pláh dũ cruang tâng cutểq nâi, dốq yỗn nheq tữh cũi têq dáng. Moâm ki, lứq toâq tangái parsốt tháng.”

^{*} 23:39 23:39 Ủat Khển 118:26

Yê-su Atông Bữn Sa-ũi Ramúh
Túh Coat Toâq Pờ Cutêq Nâi
 (Mac 13:14-23; Luca 21:20-24)

15 “Nữ-ra anhia lứq hữm máh ranáq, Daniel la cũai tang bỗq Yiang Sursĩ, khoi q pai tễ mbỗq. Daniel pai saccoai q, lứq bữn cũai đờq tâng Dóng Sang Toâr crơng nhợp cớp ốc lờih ca Yiang Sursĩ tở ểq hữm. (Cũai aléq doc santoiq nâi, cóq chanchóm yỗn samoât.)
 16 Tangái ki, máh cũai tâng cruang Yudê, cóq lúh chõn ốt tâng cóh ển. 17 Án ca ốt nhựp curũm đống, chõih chõnh ít noâng crơng tễ đống. 18 Án ca ốt tâng sarái, chõih chu ít noâng tampác tễ đống. 19 Tâng tangái ki, tởiq bap lứq alóih ca ốt mumiaq cớp apu con. 20 Ngkíq, cóq anhia câu sễq chõih yỗn anhia lúh tâng casái sangết, cớp câu chõih yỗn anhia lúh tâng Tangái Rlu. 21 Tâng tangái ki bữn túh coat hỡn tễ dâu Yiang Sursĩ tễng paloõng cutêq toau toâq sanua. Cớp nữ-ra tở bữn túh coat noâng riang tangái ki. 22 Khân Yiang Sursĩ tở bữn arũiq loah máh tangái ki, lứq tở bữn noau têq tamoong noâng. Ma cõ án yoc ể chuaih máh cũai án khoiq ruroh, ngkíq án arũiq loah máh tangái ki.

23 “Khân noau atõng anhia neq: ‘Nâi! Án ca ốt nâi la lứq Crít!’ tở la ‘Tíh! Án ca ốt pờ ki la lứq Crít!’ anhia chõih noap santoiq ki. 24 Yuaq nữ pra bữn cũai tở cõn lứq Crít, cớp tở cõn lứq cũai tang bỗq Yiang Sursĩ, toâq pờ nâi. Alóih ể táq tếc salễh cớp táq rit liaq lứq đờq thũ phếq anhia. Khân têq, alóih yoc ể rakiauoq cũai ca Yiang Sursĩ khoiq ruroh. 25 Nhêng samoât! Cớq atõng anhia yỗn dáng nhũang tễ ranáq ki tở yũah

toâq.

26 “Ngkíq, khân bữn noau atõng anhia neq: ‘Tíh! Bữn manoaq Crít ốt tâng ntốq aiq ki!’, anhia chõih pờq chu ntốq ki. Tở la khân alóih pai neq: ‘Tíh! Manoaq Crít ốt tooq tâng đống ki!’, anhia chõih noap. 27 Yuaq cớq Con Yiang Cốt Cũai toâq la samoât riang lalieiq lacang tễ pứp moat mandang loõh toâq pứp moat mandang pát.

28 “Ntốq léq bữn cũai cuchít, ntốq ki lứq bữn calang srúh rôm cha sâiq cumuiq ki.”

Yê-su Atõng Tễ Con Yiang Cốt
Cũai Toâq Loah Pờ Cutêq Nâi
 (Mac 13:24-27; Luca 21:25-28)

29 Yê-su atõng ể neq: “Vót tễ máh tangái túh coat lứq ki, moat mandang tở bữn cla q noâng, cớp rliang casái tở bữn tráh noâng. Mantõr satooh tễ paloõng. Cớp máh ramúh bữn chớc tâng paloõng rachâu neq. 30 Tâng tangái ki tâng paloõng bữn tếc tễ Con Yiang Cốt Cũai. Chơ dũ ramúh cũai tâng cutêq nâi nhiam u-õih yuaq alóih sâng ngcõh. Alóih hữm cớq Con Yiang Cốt Cũai, toâq mpứng dĩ ramúl, bữn chớc toâr cớp roâp ang-ừr lứq.* 31 Cớq ể ớn ranễng tễ paloõng plóng lavia yỗn casang lứq, đờq parõm dũ náq cũai ca cớq khoiq ruroh tễ cu angia cớp tễ dũ ntốq pũn paloõng cutrúq nâi.”

Yê-su Sacâm Tễ Aluang Tarúng
 (Mac 13:28-31; Luca 21:29-33)

32 “Anhia tamứng cớq sacâm tễ nỡm aluang tarúng. Khân abễng aluang ki noâng nhuam, ki án báiq lacứp loah sala nhuam. Ngkíq anhia dáng khoiq cheq ể toâq casái phũac. 33 Machớng ki tễ, khân anhia hữm neq máh ramúh nâi toâq, anhia lứq dáng

* 24:30 24:30 Daniel 7:13

Con Yiang Cốt Cũai cheq ẽ toâq chơ. Án khoiq tamóc ngoah toong.
³⁴ Cựq atỡng anhia samoât lứq, nheq tửh cũai tâng dơi nâi tở bữn pút nhũang nheq ramứh ki toâq.
³⁵ Chumát paloông cớp cutểq cớt pút nheq, ma santoiq cứq atỡng tở nâi pút.”

Noau Tở Bữn Dáng Tangái Aléq Con Yiang Cốt Cũai Toâq Loah
 (Mac 13:32-37; Luca 17:26-30, 34-36)

³⁶ “Tở bữn noau dáng tangái léq tở la bo léq ranáq ki toâq. Máh ranểng Yiang Sursĩ tâng paloông, cớp Con Yiang Sursĩ la tở bữn dáng tê tangái ki. Ống Mpoaq cứq toâp dáng tangái ki. ³⁷ Con Yiang Cốt Cũai toâq loah pở cutểq nâi la samoât riang dơi Nô-ê tể mbốq. ³⁸ Tâng dơi Nô-ê, nhũang raloâm đởq toâq, máh cũai tâng dơi ki cha nguaiq bũi óh lứq. Alói ỉt con lacuoi mantoat tể nling toau toâq tangái Nô-ê chõn tâng tuoc. ³⁹ Alói tở bữn dáng ntróu thág ramứh ẽ toâq pở alói. Ma bo raloâm đởq ki toâq, chơ đởq ki sakết dững nheq alói. Tangái Con Yiang Cốt Cũai toâq loah pở cutểq nâi la machớng ki tể. ⁴⁰ Bo ki bữn bar náq samiang ớt tâng sarái. Ranểng Yiang Sursĩ dững chíq manoaq, ma manoaq ễn án yõn ớt loah tâng sarái ki. ⁴¹ Cớp bo ki bữn bar náq mansểm ớt cuclóh saro. Ranểng ki dững chíq manoaq, ma manoaq ễn án yõn ớt loah ngki. ⁴² Ngkíq cóq anhia trởi níc yuaq anhia tở dáng tangái ntróu Ncháu anhia toâq loah pở anhia. ⁴³ Cóq anhia sanhữ yõn samoât tể ốc nâi: Khân cũai ncháu đống ma dáng bo léq cũai savểng ẽ mut tutuoiq tâng đống án, cũai ncháu đống ki trởi níc tở yõn cũai savểng tềq mut tutuoiq

tâng đống án. ⁴⁴ Ngkíq cóq anhia thữan acoan níc tể, yuaq anhia tở dáng bo léq cứq, Con Yiang Cốt Cũai, toâq loah. Cựq lứq toâq bo tangái anhia tở bữn chanchóm ntróu pai cứq toâq.”

Yê-su Atỡng Tể Sũl O Cớp Sũl Tở Bữn O
 (Luca 12:41-48)

⁴⁵ “Khân bữn cũai sũl rangoiq cớp táq ranáq o níc, ki ncháu đống lứq chớh án yõn táq sớt nhềng salĩq máh sũl canốh. Ntróu ncháu ón siem, sũl ki lứq siem ramứh ki. ⁴⁶ Khân sũl ki táq p̄ieiq nheq máh ranáq ncháu án ón táq, án sâng bũi lứq bo ncháu án chu! ⁴⁷ Cựq atỡng anhia samoât lứq, nỡ-ra ncháu ki yõn sũl ki kĩaq nhềng nheq máh mun án. ⁴⁸ Ma khân sũl ki táq sấuq, cõh lớ án chanchóm tâng mút án neq: ‘Noâng dũn, ki nốq ncháu cứq chu.’ ⁴⁹ Ngkíq án toân máh cũai táq ranáq ncháu án, cớp án cha nguaiq yõn bũl plęc riang cũai canốh tể. ⁵⁰ Bữn muoi tangái ncháu ki chu, ma sũl ki tở bữn dáng tangái léq, cớp án tở bữn chanchóm ntróu thág tể ốc ki. ⁵¹ Ngkíq ncháu ki tráh tở sũl ki toâq pla dau. Cớp ncháu yõn sũl ki ớt parnoi cớp cũai táq nan. Ntốq ki noau nhiam cớp carũot canểng tabang cõ sâng túh coat lứq.

25

Yê-su Atỡng Parnai Sacâm Tể Muoi Chít Náq Cũai Cumũr

¹ “Yiang Sursĩ táq sớt la samoât riang muoi chít náq cumũr cantrĩng. Alói ỉt chớp tứu, chơ alói pởq crốq án ca racoaiq lacuoi. ² Sỡng náq cumũr ki la sacũl, ma sỡng náq ễn la rangoiq. ³ Alói ca sacũl, ki dững tể chớp tứu, ma alói tở bữn dững tứu carlũi. ⁴ Ma alói ca rangoiq, ki alói dững

chóp tóu cốp dững tóu carlũi tâng bẽ canõh hỡ. ⁵ Ngkíq án ca racoaiq lacuoi, yũt lứq toāq. Chơ máh cumũr ki, án ca bẻq tut, án ca bẻq langêthắng.

⁶ “Toāq muoi mpút noau arô casang lứq neq: ‘Ki! Ân ca racoaiq lacuoi khoiq toāq chơ! Anhia pỡq ramóh án!’ ⁷ Nheq muoi chít náq cumũr ki tamõ, cốp alóí thũan chóp tóu alóí. ⁸ Alóí ca sacũl pai chóq alóí ca rangoaiq neq: ‘Sẻq anhia kĩa h tóu anhia yõn hẻq nững, yuaq chóp tóu hẻq khoiq nheq tóu chơ.’ ⁹ Ma alóí ca rangoaiq ta-õĩ neq: ‘Hẻq tỡ tẻq kĩa mỗ. Ngcõh tóu hẻq tỡ bữn dũ yõn anhia cốp hẻq. Pẻiq lứq la anhia pỡq chỡng tẻ cũai chẻq tóu.’ ¹⁰ Ma bo alóí pỡq chỡng, án ca racoaiq lacuoi toāq. Chơ sỡng náq ca noāng bữn tóu, alóí bữn mut hâu racoaiq án ca ít lacuoi. Chơ noau catáih chíq toong.

¹¹ “Vót ki, alóí ca pỡq chỡng tóu ki chu. Alóí arô neq: ‘Ai tamái ỡ! Ai tamái ỡ! Pỡh toong yõn hẻq mut tẻ!’ ¹² Ma ai tamái ki ta-õĩ neq: ‘Cứq atỡng anhia samoat lứq, cứq tỡ dáng anhia.’ ”

¹³ Chơ Yê-su pai ẻn: “Ngkíq cóq anhia ỡt trỏl níc, yuaq anhia tỡ bữn dáng tangái lẻq cốp bo lẻq Con Yiang Cõt Cũai toāq loah pỡ cutẻq nài.

Yê-su Atỡng Parnai Sacâm Tẻ Pái Náq Cũai Táq Ranáq
(Luca 19:11-27)

¹⁴ “Yiang Sursĩ táq sỏt la samoat riang manoaq samiang pỡq tamoi pỡ cruang yỡng. Bo án cheq ẻ pỡq, án arô cũai táq ranáq án, cốp án chiau yõn máh cũai ki kĩaq práq mun án. ¹⁵ Cũai rangoaiq lứq, án yõn sỡng nẻn. Cũai rangoaiq padam, án yõn bar nẻn. Ma cũai bữn rangoaiq bĩq, ki án

yõn ớng muoi nẻn sảng* Chơ án pỡq tamoi. ¹⁶ Ân ca roap sỡng nẻn, án pỡq chẻq chỡng toāp. Chơ án bữn lời sỡng nẻn. ¹⁷ Ân ca roap bar nẻn, án táq machớng ki tẻ. Cốp án bữn lời bar nẻn. ¹⁸ Ma án ca roap ớng muoi nẻn, án pĩq prúng tâng cutẻq. Chơ án tứp práq ki.

¹⁹ “Dũn cumo ralua casai, ncháu ki pĩh chu. Ân blớh loah tẻ máh práq án khoiq yõn pỡ alóí. ²⁰ Cũai ca khoiq roap sỡng nẻn, án dững atoāq sỡng nẻn ẻn pỡ ncháu án. Cốp án pai neq: ‘Ncháu ỡ! Ncháu khoiq yõn cứq sỡng nẻn, ma sanua cứq bữn lời sỡng nẻn ẻn.’ ²¹ Ncháu ki ta-õĩ án: ‘Máh ranáq mới táq la pẻiq nheq. Cốp mới la cũai táq ranáq o cốp pẻiq lứq. Mới khoiq táq o lứq tâng ramứh cacót nài. Ngkíq cứq yõn mới ndỡm sa-ũĩ ramứh toār ẻn. Cốp cứq yõn mới bữn ỏc bũi ỡn ỡt parnoi cốp cứq.’ ²² Cũai ca khoiq roap bar nẻn, án dững atoāq bar nẻn canõh pỡ ncháu án. Cốp án pai neq: ‘Ncháu ỡ! Ncháu khoiq yõn cứq bar nẻn, ma sanua cứq bữn lời bar nẻn ẻn.’ ²³ Ncháu ki ta-õĩ án neq: ‘Máh ranáq mới táq la pẻiq nheq. Cốp mới la cũai táq ranáq o cốp pẻiq lứq. Mới khoiq táq o lứq tâng ramứh cacót nài. Ngkíq cứq yõn mới ndỡm sa-ũĩ ramứh toār ẻn. Cốp cứq yõn mới bữn ỏc bũi ỡn ỡt parnoi cốp cứq tẻ.’ ²⁴ Ntun ki, cũai ca khoiq roap muoi nẻn, án toāq tẻ cốp pai neq: ‘Ncháu ỡ! Cứq dáng mới pasẻq lứq práq mới. Mới tỡ bữn táq, ma mới ẻ ít. Mới tỡ bữn choat, ma mới ẻ sot. ²⁵ Ngkíq cứq ngcõh, chơ cứq dững tứp práq mới tâng cutẻq. Sanua cứq culáh loah yõn ncháu práq ncháu.’ ²⁶ Ncháu ki

* 25:15 25:15 Puai kia práq tâng đời ki, án yõn sa-ũĩ hỡn tẻ kia práq nẻn sanua.

ta-đi án neq: ‘Mới la cūai loài cốp aloah lứq. Mới khoiq dáng chơ cừq tở bữn táq, ma cừq ít. Cừq tở bữn choat, ma cừq sọt. 27 Khân ngkíq, o hỡn la mới yỗn cūai canỏh voaq práq cừq. Chơ toàq tangái cừq chu loah, cừq bữn práq ki cốp bữn lơi hỡ. 28 Ngkíq sanua, cóq ít chíq práq tể cūai nài, chơ yỗn pỡ án ca khoiq bữn muoi chít nển ki. 29 Yuaq án ca bữn sa-ữi, ki cừq yỗn án bữn sa-ữi lứq ể, toau clữi tác clữi cha. Ma án ca tở bữn bữn ntrớu, ki cừq yỗn án óq loàng. 30 Ma cūai ca táq tở bữn lơi ntrớu, cóq takẻl aloỏh án tể ntốq nài, yỗn án ớt tâng ntốq canám. Ntốq ki noau nhiam nhit cốp carũot canẻng tabang cỗ sâng túh arức lứq.’ ”

Con Yiang Cốt Cūai Rablớh Nheq Tữh Cūai

31 “Từ Con Yiang Cốt Cūai toàq loah cốt Puo yỗn nheq tửh cūai, bo ki án tacu tâng cachơng sớt, cachơng ki ống Puo sâng tẻq tacu. Roàp án ang-ữr, cốp máh ranẻng Yiang Sursỉ toàq cốp án tẻ. 32 Nheq tửh cūai ể rỏm yáng moat án, cốp án ể cayoah nheq tửh cūai cốt bar tốp, samoat riang cūai mantán cayoah cừu cốp mbẻq. 33 Chơ án yỗn máh cừu ớt yoah atoam án, cốp án yỗn máh mbẻq ớt yoah avẻr án. 34 Chơ Puo ki atởng alới ca ớt coah atoam án neq: ‘Mpoaq cừq lứq yỗn anhia bữn ỏc bỗn sa-ữi. Anhia mut táq sớt tâng ntốq Yiang Sursỉ khoiq thữan đởq mun yỗn anhia. Mun nài án thữan đởq yỗn anhia tẻ tangái án tẻng túc ramứh tâng paloỏng cốp tâng cutẻq. 35 Bo cừq sâng panhieih, anhia khoiq siem cừq yỗn bữn cha. Bo cừq khlac đởq, anhia khoiq yỗn cừq nguaiq. Bo cừq la cūai tamoi liaq,

anhia khoiq tabỏp tabẻh cừq, cốp yỗn cừq mut tâng đổng anhia. 36 Bo cừq óq tampác, anhia khoiq yỗn cừq bữn tampác. Bo cừq a-ỉ, anhia khoiq pỡq cláh cừc cừq. Bo cừq ớt tữ tâng cuaq, anhia khoiq toàq sa-ỏh cừq.’ 37 Chơ alới ca tanoang o ki blớh neq: ‘Ncháu ơi! Bo lẻq hẻq hữm Ncháu panhieih cốp hẻq chửm siem Ncháu? Tở la Ncháu khlac đởq cốp hẻq yỗn Ncháu nguaiq? 38 Bo lẻq hẻq hữm Ncháu la cūai tamoi liaq, cốp hẻq tabỏp tabẻh o Ncháu, cốp yỗn Ncháu mut tâng đổng hẻq? Tở la Ncháu óq tampác, cốp hẻq yỗn Ncháu bữn tampác? 39 Cốp bo lẻq hẻq hữm Ncháu a-ỉ tở la ớt tữ tâng cuaq, ma hẻq pỡq sa-ỏh Ncháu?’ 40 Ngkíq Puo ki ta-đi loah neq: ‘Cừq atởng anhia samoat lứq, bo anhia táq máh ranáq ki chỏq sẻm ai cừq ca tở bữn noau rachuai, nài la machớng anhia táq chỏq cừq tẻ!’

41 “Moám ki, Puo ki atởng alới ca ớt coah avẻr án ể neq: ‘Anhia priang yớng tẻ cừq, yuaq Yiang Sursỉ khoiq pupap anhia chơ. Án yỗn anhia ớt tâng ntốq bữn ườih bữ mantái níc, la ntốq Yiang Sursỉ khoiq thữan đởq yỗn yiang Satan cốp máh ranẻng yiang ki. 42 Bo cừq sâng panhieih, anhia tở bữn yỗn cừq sana cha. Bo cừq khlac đởq, anhia tở bữn yỗn cừq nguaiq. 43 Bo cừq la cūai tamoi liaq, anhia tở bữn tabỏp tabẻh o cừq, cốp tở bữn yỗn cừq mut tâng đổng anhia. Bo cừq óq tampác, anhia tở bữn yỗn cừq bữn tampác. Bo cừq a-ỉ cốp ớt tữ tâng cuaq, anhia tở bữn pỡq cừc cốp toàq sa-ỏh cừq.’ 44 Chơ alới ki blớh Puo neq: ‘Ncháu ơi! Bo lẻq hẻq hữm Ncháu panhieih, tở la khlac đởq, tở la cốt tamoi liaq, tở la óq tampác tác, tở la a-ỉ

cóp ớt tũ tâng cuaq, ma hêq tở bữn chuai Ncháu?’⁴⁵ Ngkíq Puo ki ta-õi loah alói neq: ‘Cứq atõng anhia samoat lứq, bo anhia tở bữn chuai máh cũai tở bữn noau rachuai, la machóng anhia tở bữn chuai cứq tê.’⁴⁶ Chơ tốp alói ca tở bữn rachuai, cóq alói mut tâng ntốq tởiq bap lứq. Ma máh cũai tanoang o, alói bữn mut tâng ntốq bữn tamoong mantái níc.”

26

Cũai Sốt Sarhóng Ê Cachit Yê-su
(Mac 14:1-2; Luca 22:1-2; Yang 11:45-53)

¹ Tữ Yê-su atõng moâm nheq parnai ki, án atõng tốp rien tễ án neq: ² “Anhia khoiq dáng chơ, noâng bar tangái ên tốp I-sarel ẽ cha bũ sanhữ Tangái Loõh.* Tangái ki la tangái noau chiau cứq, Con Yiang Cốt Cũai, yõn cũai tẻh cứq tâng aluang sangcáng.”

³ Bo ki máh cũai sốt tốp tẻng rit sang Yiang Sursĩ cóp máh cũai sốt nheq sâu, alói rôm sarhóng tâng đồng cũai sốt nheq tễ rit sang Yiang Sursĩ. Ramứh án la Cai-pha. ⁴ Alói sarhóng đờq chuaq ngê ẽ cốp cốp cachit Yê-su, ma alói tở ẽq cũai canõh dáng. ⁵ Alói pai neq: “Hái tở tẻq táq ngkíq tâng tangái cha bũ, yuaq ngcõh cũai chũng táq choac tâng vil.”

Manoaq Mansêm Tỏh Dờq Phuom Tâng Tỏ Yê-su
(Mac 14:3-9; Yang 12:1-8)

⁶ Bo Yê-su ớt tâng vil Bê-thani, án ớt tâng đồng Si-môn, la cũai a-ĩ tut tễ nhũang. ⁷ Chơ bữn manoaq mansêm toâq pở Yê-su. Án dững muoi lám bẻ noau táq toâq tamáu bữn ramứh a-labat. Tâng bẻ ki bữn đờq phuom kia ntâng lứq. Bo

Yê-su ớt chi-cha, mansêm ki tỏh đờq phuom tâng pở Yê-su. ⁸ Tữ tốp rien tễ Yê-su hữm mansêm ki táq ngkíq, alói sâng cutâu mút, cóp alói pai neq: “Nỏq mansêm nài táq ngkíq, cóp palõ miat mun? ⁹ Khân chẻq đờq phuom nài, bữn sa-ũi práq. Tẻq ỉt práq ki chuai máh cũai cadit!”

¹⁰ Yê-su sâng alói pai ngkíq, chơ án atõng alói neq: “Nỏq anhia táq yõn mansêm nài ngua? Mansêm nài táq ranáq o lứq yõn cứq. ¹¹ Máh cũai cadit ớt níc cóp anhia. Ma cứq tở bữn ớt mantái níc cóp anhia. ¹² Mansêm nài khoiq tỏh đờq phuom tâng tở cứq, thữan đờq yõn noau túp cứq tâng ping. ¹³ Cứq atõng anhia samoat lứq, tâng dũ ntốq chũop cóc cutẻq nài, toâq noau atõng parnai o tễ Yiang Sursĩ, lứq noau atõng dẻh ranáq mansêm nài táq hữ đờq cũai sanhữ loah án.”

Yuda Pruam Chẻq Chiq Yê-su
(Mac 14:10-11; Luca 22:3-6)

¹⁴ Vót ki Yuda I-cari-õt, án la tẻ tốp muoi chít la bar náq, án toâq pở cũai sốt tốp tẻng rit sang Yiang Sursĩ. ¹⁵ Cóp án atõng alói neq: “Khân cứq chiau Yê-su pở aĩ anhia, ki ntróu anhia yõn cứq?”

Ngkíq alói pruam yõn án pái chít ọc práq. ¹⁶ Moâm ki, Yuda chuaq ngê yoc ẽ chẻq chiq Yê-su.

Yê-su Ớt Cha Parnoi Cóp Tốp Rien Tẻ Án

(Mac 14:12-21; Luca 22:7-14, 21-23; Yang 13:21-30)

¹⁷ Tâng máh tangái tốp I-sarel cha bũ sanhữ Tangái Loõh, nheq tapul tangái alói cha bẻng tở bữn pluoih. Tâng tangái muoi, tốp rien tễ Yê-su toâq pở án cóp blóh neq: “Ntốq léq thài yoc hẻq pỏq thữan yõn thài cha pẻl bũ?”

* 26:2 26:2 Tangái ki alói sanhữ tangái Yiang Sursĩ chuai yõn alói loõh tẻ cruang Ê-yip-tỏ tẻ mbỏq.

18 Yê-su ta-õi alói neq: “Anhia mut tâng vil, anhia ramóh manoaq ca ndõm dõng. Anhia pai chóg án neq: “Thâi pai khoiq cheq ẽ toâq tangái Yiang Sursĩ anoaq yõn cứq. Cứq cốp tốp rien tẽ cứq yoc ẽ cha pêt bũi Tangái Loõh tâng dõng mới.”

19 Ngúq tốp rien tẽ Yê-su põq táq samoat Yê-su patâp alói. Cốp alói thũan cha pêt bũi tâng dõng ki.

20 Toâq nhúm-nhúm Yê-su tacu cha parnoi cốp muoi chít la bar náq tốp rien tẽ án. 21 Bo alói chi-cha, Yê-su atõng alói neq: “Cứq atõng anhia samoat lứq, bũn manoaq tẽ tốp anhia chẻq chíq cứq.”

22 Nheq tũh tốp rien tẽ án sâng ngua lứq, cốp chữ manoaq alói blóh Yê-su neq: “Cứq ma tở bũn, Ncháu?”

23 Yê-su ta-õi alói neq: “Án ca tởq bẻng muoi tangan cốp cứq, lứq án ki toâp chẻq cứq. 24 Con Yiang Cõt Cũai cóq cuchít puai tâng tâm saráq Yiang Sursĩ khoiq atõng tẽ án. Ma bap lứq cũai ca chẻq Con Yiang Cõt Cũai! P̄ieiq lứq la mpiq án chõĩ canõt!”

25 Yuda, án ca chẻq Yê-su blóh neq: “Cứq ma tở bũn, thâi?”

Yê-su atõng án neq: “Lứq p̄ieiq ariang mới pai.”

Alói Cha Nguaq Sanhũ Tõ Cốp Aham Yê-su

(Mac 14:22-26; Luca 22:15-20; Cõt-ntô Muoi 11:23-25)

26 Bo alói chi-cha, Yê-su ãt bẻng. Án sa-õn Yiang Sursĩ, chơ án pĩh bẻng ki cốp avoi yõn máh tốp rien tẽ án. Án pai neq: “Anhia roap cha; nâi la tở cứq.”

27 Vót ki án ãt tangan ẽn. Án sa-õn Yiang Sursĩ; chơ án avoi yõn tốp rien tẽ án, cốp án pai

neq: “Nheq tũh anhia nguaq. 28 Nâi la aham cứq ca loõh táq tẻc Yiang Sursĩ par-ũq parnai tamái yõn nheq tũh cũai. Nho tẽ aham cứq Yiang Sursĩ táh lỏih yõn cũai. 29 Cứq atõng anhia neq: “Cứq tở bũn nguaq nõang đợq palâi nho nâi yõn toau toâq tangái cứq nguaq đợq nho tamái parnoi cốp anhia tâng ntỏq Mpoaq cứq sỏt.”

30 Moâm alói ãt muoi cansái khẻn, chơ alói loõh tẻ ki, chỏn tâng dũal O-li-vẻ ẽn.

Yê-su Atõng Nhũang Tẻ Ranáq Phi-er Táq

(Mac 14:27-31; Luca 22:31-34; Yang 13:36-38)

31 Bo ki Yê-su atõng alói neq: “Sadâu nâi toâp nheq tũh anhia lứq táh cứq. Tâng tâm saráq Yiang Sursĩ khoiq pai neq:

‘Cứq yõn noau cachít chíq cũai mantán cứq;

chơ tốp cũu cứq cõt plách chap nheq.’^{*}

32 Ma toâq cứq tamoong loah, cứq põq nhũang anhia pở cruang Cali-lẻ.”

33 Phi-er atõng Yê-su neq: “Khân nheq tũh cũai canỏh táh thâi, cứq lứq tở bũn táh mỡ!”

34 Yê-su atõng loah án neq: “Cứq atõng mới samoat lứq, tâng sadâu nâi toâp, nhũang ntruoi tacar, mới lứq calỏih cứq pái trỏ.”

35 Ma Phi-er ta-õi neq: “Khân noau cachít cứq cốp thâi, la thỏĩ. Cứq tở bũn calỏih mỡ!”

Cốp nheq tũh tốp ki pai machỏng Phi-er tẻ.

Yê-su Câu Tâng Nương Kẻt-se-manẻ

(Mac 14:32-42; Luca 22:39-46)

36 Chơ Yê-su cốp tốp rien tẽ án toâq pở ntỏq nương Kẻt-se-manẻ. Yê-su atõng tốp rien tẽ án neq: “Anhia ỏt tacu nâi nỏ. Cứq põq câu pở ki.”

^{*} 26:31 26:31 Sa-chari 13:7

³⁷ Ngkíq Yê-su dững Phi-er cốp bar náq sêm ai con Sê-badê pỡq nững án. Mbớiq ki Yê-su sâng túh ngua lứq. ³⁸ Án atỡng alói pái náq ki neq: “Mút cứq sâng ngua lứq, tớ rơi tamoong noâng. Anhia ớt acoan nâi. Anhia trởl cốp cứq.”

³⁹ Từ Yê-su pỡq bĩq ên, án ap tâng cutêq muoi tatúp, cốp án câu neq: “O Mpoaq cứq ơi! Khân mới sâng p̄ieiq, cứq sêq mới ayốq tangan túh coat nâi yỗn vớt tể cứq. Ma cứq tớ êq puai rangứh cứq bữm, ma ẽ puai ống rangứh mới sâng.”

⁴⁰ Chơ Yê-su chu loah pỡ pái náq ca rien tể án. Án ramóh alói bếq. Chơ án blớh Phi-er neq: “Nốq mahúiq la anhia tớ rơi trởl cốp cứq? ⁴¹ Cóp anhia tamỡ cốp câu sêq chõi yỗn noau radững anhia táq lôih. Mút pahỗm anhia la bán rêng, ma sac sâiq anhia la ieuq.”

⁴² Yê-su pỡq trở bar ên câu pỡ ki sĩa. Án câu neq: “Mpoaq cứq ơi! Khân mới tớ bữm ayốq tangan túh coat nâi yỗn vớt tể cứq, ma mới yỗn cứq cóq nguaiq, ki cứq pruum puai ống rangứh mới sâng.”

⁴³ Chơ Yê-su chu loah pỡ pái náq ca rien tể án. Án ramóh alói bếq sĩa. Alói tớ rơi culian; acõr moat alói acúp níc.

⁴⁴ Yê-su pỡq sĩa tể alói, cốp án pỡq câu cõt trở pái. Án câu machóng santoiq tể nhũang ki. ⁴⁵ Chơ án chu loah pỡ tốp rien tể án cốp án pai neq: “Nốq noâng anhia bếq cốp rlu níc? Ngư cứq khoiq cheq toâq chơ. Noau khoiq chềq Con Yiang Cốt Cũai, pỡ atĩ cũai lôih. ⁴⁶ Yuor tayứng! Háip pỡq! Anhia nhêng, án ca chềq cứq khoiq toâq chơ!”

Noau Cốp Yê-su

(Mac 14:43-50; Luca 22:47-53; Yang 18:3-12)

⁴⁷ Bo Yê-su noâng atỡng alói, Yuda la manoaq tể tốp muoi chít la bar náq, án toâq cốp cũai clúng. Máh cũai ki toâq tể cũai sớt tốp tềng rit sang Yiang Sursĩ, cốp cũai sớt nheq sâu. Alói dững dau cốp cuan. ⁴⁸ Án ca chềq Yê-su khoiq atỡng tếc yỗn máh cũai clúng ki dáng. Án khoiq atỡng alói neq: “Khân anhia hữm cứq hữn aléq, lứq cutỏ án oiq anhia ẽ bữn. Chơ anhia cốp án!”

⁴⁹ Ngkíq Yuda toâq toâp pỡ Yê-su, cốp án pai neq: “Bán tể thâi.”

Chơ án hữn Yê-su.

⁵⁰ Yê-su atỡng án neq: “Yóu ơi! Ranáq ntróu mới ẽ táq, ki mới táq cháil!”

Chơ noau toâq yống cốp cốp Yê-su.

⁵¹ Bữn manoaq tể tốp puai Yê-su thot dau tể sor. Án tránh manoaq sũl cũai sớt nheq tể rit sang Yiang Sursĩ, p̄ieiq ta-ỏh muoi coah cutũr. ⁵² Yê-su atỡng án neq: “Mới chóq loah dau mới tâng sor. Cũai aléq yống dau, cũai ki cuchít loah na dau. ⁵³ Mới dáng ma tớ bữn, khân cứq yoc, tềq cứq sêq tể Mpoaq cứq yỗn án ớn hỡn tể muoi chít la bar vian ranêng án tể paloông toâq chuai cứq? ⁵⁴ Ma khân cứq táq ngkíq, ki tớ bữn rap̄ieiq noâng máh santoiq Yiang Sursĩ khoiq pai tâng tâm saráq án tể mbốq. Saráq ki atỡng tể máh ranáq nâi cóq toâq.”

⁵⁵ Chơ Yê-su blớh máh cũai clúng ki ên: “Nốq anhia toâq pỡ nâi dững dau cốp cuan ẽ cốp cứq? Anhia chanchóm cứq la cũai savềng tớ? Cu rangái cứq ớt atỡng tâng Dống Sang Toâr, ma anhia tớ bữn cốp cứq. ⁵⁶ Ma ranáq nâi táq yỗn cõt rap̄ieiq máh santoiq tâng tâm saráq Yiang Sursĩ khoiq atỡng nheq tể cũai tang bốq Yiang Sursĩ tể mbốq.”

Chơ máh tốp rien tể Yê-su lúh táh chíq án.

Yê-su Tayúng Yáng Moat Cũai Sốt

(Mac 14:53-65; Luca 22:54-55, 63-71; Yang 18:13-14, 19-24)

⁵⁷ Ngkíq alóí cốp Yê-su cốp dững án pở dống Cai-pha, la cũai sốt nheq tể rit sang Yiang Sursĩ. Nheq tữh cũai sốt nheq sâu, cốp cũai yống rit, toâq rôm pở ntốq ki tê. ⁵⁸ Phi-er puai cutuaih ntun clĩ Yê-su. Án mut tâng nchõh dống cũai sốt nheq tể rit sang Yiang Sursĩ. Án tacu parnoi cốp ranẽng cũai sốt ki, yoc ẽ dánh ntróu alóí ẽ táq chók Yê-su. ⁵⁹ Ngkíq máh cũai sốt tốp tẽng rit sang Yiang Sursĩ cốp cũai bữn chóc canõh, alóí chuaq cũai ca têq pai apót Yê-su. Alóí yoc ẽ cachĩt Yê-su. ⁶⁰ Bữn sa-ữi cũai toâq tũn apót Yê-su, ma tở bữn lứq. Sốt ki tở bữn ramóh muoi ốc tở o ntróu tể Yê-su. Ntun thàng bữn bar náq ẽn toâq apót Yê-su. ⁶¹ Alóí pai neq: “Cũai nâi pai: “Têq cứq talõh Dống Sang Toâr Yiang Sursĩ. Chơ cứq táq loah pái tangái la moâm toáp.””

⁶² Ngkíq án ca sốt nheq tể rit sang Yiang Sursĩ, án yuor tayúng cốp blóh Yê-su neq: “Máh cũai nâi cauq mới, lứq samoát mới pai ngkíq tở? Cốp ntróu mới yoc ẽ ta-õi loah chók alóí ki?”

⁶³ Ma Yê-su õt savul sâng. Án tở bữn pai ntróu. Chơ án ca sốt nheq tể rit sang pai ẽn neq: “Cứq arô ramúh Yiang Sursĩ, án ca tamoong mantái, nhơ ramúh án cứq ớn mới thể dũan cốp hếq, lứq mới la Crít, Con Yiang Sursĩ, ma tở bữn?”

⁶⁴ Yê-su ta-õi án neq: “Lứq p̄ieiq ariang mới pai. Ma cứq atõng loah anhia neq: Chumat anhia lứq hữm Con Yiang Cõt Cũai tacu

coah atoam Yiang Sursĩ Sốt Toâr Lứq, cốp án toâq mpúng dĩ ramúh tâng paloõng.”*

⁶⁵ Ngkíq án ca sốt nheq tể rit sang Yiang Sursĩ háq tampác án bữm, táq tếc án sâng ngua lứq. Cốp án pai chók nheq tữh cũai ki neq: “Án nâi pai ngkíq, la máh án acrieiq Yiang Sursĩ chơ. Choam hái ẽ blóh noâng cũai canõh. Anhia khoiq sâng chơ parnai án pai. ⁶⁶ Nốq anhia chanchóm tể ốc ki?”

Alóí ki ta-õi neq: “Lứq p̄ieiq án cốp cuchĩt!”

⁶⁷ Chơ alóí cuchóh tâng mieiq Yê-su, cốp chooc án. Ma bữn cũai canõh tapáh án, ⁶⁸ cốp blóh neq: “Crít ơi! Khân mới la lứq cũai tang bõq Yiang Sursĩ, âu mới atõng hếq, noau chooc mới?”

Phi-er Calõih Yê-su

(Mac 14:66-72; Luca 22:56-62; Yang 18:15-18, 25-27)

⁶⁹ Phi-er õt tacu tâng nchõh. Bữn manoaq mansẽm táq ranáq yõn cũai ndõm nheq tể rit sang Yiang Sursĩ, toâq pở Phi-er cốp pai neq: “Mới la cũai ca õt cốp Yê-su, cũai tể cruang Cali-lê.”

⁷⁰ Ma Phi-er calõih Yê-su yáng moat nheq cũai ki neq: “Cứq tở sapúh mới pai.”

⁷¹ Chơ án pởq pở ngoah toong viang. Bữn mansẽm canõh ẽn hữm án, cốp pai chók máh cũai õt cheq ki neq: “Cũai nâi õt cốp Yê-su, la cũai tể vil Na-sarêt.”

⁷² Ma Phi-er calõih Yê-su sĩa, cốp án thể dũan: “Cứq tở dáng noau án ki!”

⁷³ Mahõĩ bar ẽn, bữn máh cũai õt cheq ki toâq pở Phi-er, cốp pai neq: “Lứq samoát mới la tể tốp ki tê, yuaq samũong mới ỉn cũai ki.”

⁷⁴ Ma Phi-er thể dũan cloc plờ cloc sóc. Cốp án ta-õi suon níc neq: “Cứq tở nai hữm, tở nai dáng cũai ki!”

Bo ki toáp ntruoi tacar. ⁷⁵ Chơ Phi-er sanhữ loah máh santiago Yê-su khoiq atông án neq: “Nhũang ntruoi tacar, mới lứq calõih cứq pái trõ.”

Ngkíq Phi-er loõh tẽ ki; chơ án nhiam la-õq lứq.

27

Yê-su Tayúng Yáng Moat Phi-lat

(Mac 15:1; Luca 23:1-2; Yang 18:28-32)

¹ Toáq poang tarúp parnõ, mbõiq rưm-rưm, nheq tửh cũai sốt tộp tẽng rit sang Yiang Sursĩ, cốp nheq máh cũai sốt nheq sâu, alõi sarhõng cốp chuaq ngê ẽ cachĩt Yê-su. ² Alõi chõq Yê-su cốp dũng án pỡ atĩ Phi-lat cũai Rô-ma, án ca sốt tâng cruang ki.

Yuda Yác, Án Chõq Panũar Tâng Tacong Án Bữm
(Ranáq Táq 1:18-19)

³ Từ Yuda, án ca khoiq chẽq Yê-su, sâng cũai sốt pai: Yê-su cóq cuchĩt, ngkíq án sâng ngua lứq cõ tẽ ranáq án khoiq táq. Chơ án dũng culáh loah pái chĩt ọc práq pỡ máh cũai sốt tộp tẽng rit sang Yiang Sursĩ, cốp máh cũai sốt nheq sâu. ⁴ Án pai neq: “Cứq khoiq táq lôih yuaq cứq khoiq chẽq manoaq ca tỡ bữn lỏih ntróu.”

Ma alõi ta-õi Yuda neq: “Ớc ki tỡ bữn ntróu cốp hẽq. Tam mới!”

⁵ Ngkíq Yuda voang táh práq ki tâng Dõng Sang Toár. Chơ án loõh yác, chõq panũar cốp sarót tacong bữm.

⁶ Máh cũai sốt tộp tẽng rit sang Yiang Sursĩ, alõi tõi q ít práq ki, cốp alõi pai neq: “Práq nãi la kia tẽ aham cũai. Ngkíq puai phẽp rit hái tỡ tẽq dõq práq nãi tâng Dõng Sang Toár.”

⁷ Chơ alõi sarhõng. Moâm ki alõi chõng muoi tâm cutẽq toáq práq ki. Cutẽq ki alõi chõng tẽ cũai Chiang táq adéh toáq cutẽq tabát. Alõi chõng tâm cutẽq ki ien tộp cũai tẽ cruang canõh ca cuchĩt pỡ ki. ⁸ Ngkíq toau tangái nãi noau amứh cutẽq ki la Tâm Cutẽq Aham Cũai Cuchĩt. ⁹⁻¹⁰ Ngkíq cõt rapĩeiq máh santiago Yê-ramia, la cũai tang bõq Yiang Sursĩ, khoiq pai neq: “Noau ít pái chĩt ọc práq cốp chõng muoi tâm cutẽq tẽ cũai Chiang táq adéh cutẽq tabát ariang Ncháu cứq ỏn cứq táq. Pái chĩt ọc práq ki la kia cũai I-sarel anoat yõn rangứh án.”*

Phi-lat Blóh Yê-su
(Mac 15:2-5; Luca 23:3-5; Yang 18:33-38)

¹¹ Yê-su ỏt tayúng yáng moat Phi-lat la cũai Rô-ma, sốt tâng cruang ki. Phi-lat blóh Yê-su neq: “Mới la lứq puo tộp I-sarel tỡ?”

Yê-su ta-õi neq: “Lứq pĩeiq mới pai.”

¹² Ngkíq máh cũai sốt tộp tẽng rit sang Yiang Sursĩ, cốp cũai sốt nheq sâu, alõi caug Yê-su. Ma Yê-su tỡ bữn ta-õi ntróu. ¹³ Chơ Phi-lat blóh ẽn: “Mới sâng ma tỡ bữn noau caug mới sa-ũi ramứh?”

¹⁴ Ma Yê-su tỡ bữn ta-õi muoi ọc ntróu. Ngkíq cũai sốt ki sâng dót lứq.

Noau Rưoh Yê-su Cóq Chũuq Cuchĩt
(Mac 15:6-15; Luca 23:13-25; Yang 18:39-19:16)

¹⁵ Toáq tangái cũai I-sarel rôm cha bũi sanhữ Tangái Loõh, alõi bữn rit cũai sốt cruang ki acláh manoaq cũai tũ puai pahõm cũai proai rưoh yoc ẽ acláh. ¹⁶ Bo ki bữn manoaq cũai tũ, ramứh Ba-raba. Dù náq dáng nheq ramứh án. ¹⁷ Ngkíq, bo cũai clúng ỏt rôm ngki, Phi-lat blóh alõi neq:

* 27:9-10 27:9-10 Sa-chari 11:12-13

“Cũai aléq anhia yoc cứq acláh yõn anhia, Ba-raba tở la Yê-su, án ca noau đõq Crít?”

¹⁸ Phi-lat dáng samoât lứq máh cũai sớt ki ùan lứq cớp Yê-su yuaq cũai proai alóí yoc ẽ puai Yê-su. Yuaq ngkiq alóí dững Yê-su toâq pở án.

¹⁹ Bo Phi-lat tacu tâng ntốq án sữq, lacuoi án cớiq parnai pở án neq: “Mói chõỉ táq ntróu chóq cũai ki, yuaq án tở bữn táq lờih ntróu. Tabữ mahái cứq rláu mpáu tẽ án, chơ tangái nâi cứq sâng croõq lứq.”

²⁰ Ma nheq cũai sớt tốp tềng rit sang Yiang Sursi, cớp máh cũai sớt nheq sâu, alóí ỏn máh cũai cứng ki sêq tẽ sớt yõn acláh Ba-raba, ma cachĩt Yê-su. ²¹ Án ca sớt ki blóh cũai cứng neq: “Tẽ bar náq cũai nâi, anhia yoc cứq acláh noau?”

Alóí ta-õi: “Ba-raba!”

²² Phi-lat blóh ẽn neq: “Khân ngkiq, ntróu anhia ẽq cứq táq chóq Yê-su, án ca noau đõq Crít?”

Alóí ta-õi: “Téh án tâng aluang sangcáng!”

²³ Phi-lat blóh loah ẽn: “Nốq? Ntróu án táq lờih chóq anhia?”

Ma alóí ta-õi casang hỡn tẽ nhũang ẽn neq: “Téh án tâng aluang sangcáng!”

²⁴ Tữ Phi-lat dáng án tở têq táq ntróu đõq chuai Yê-su, cớp án ngcõh cũai cứng ki táq choac lứq ẽn, ngkiq án ỉt đõq, chơ án ariau atĩ yáng moat alóí, cớp án pai neq: “Nâi la cứq táq tếc, cứq tở bữn tót ntróu tẽ cũai nâi cuchĩt. Ốc ki tam anhia.”

²⁵ Nheq tữh cũai cứng ki ta-õi loah neq: “Tôt cũai ki cuchĩt sêq yõn toâq pở hêq cớp toâq pở con acái hêq hỡ.”

²⁶ Chơ Phi-lat acláh Ba-raba yõn cũai cứng ki. Ma Yê-su, Phi-lat yõn noau proaih án. Vót ki án

chiau Yê-su yõn alóí dững téh án tâng aluang sangcáng.

Tahan Ayê Ra-ac Yê-su
(Mac 15:16-20; Yang 19:2-3)

²⁷ Chơ, máh tahan Phi-lat dững Yê-su mut tâng đõng noau đõq sữq cũai. Ntốq ki bữn tahan cứng lứq toâq ỏt pẽr Yê-su.

²⁸ Alóí tũot tampác Yê-su, cớp alóí asóp án au tuar santũm ẽng.

²⁹ Alóí táq carvang sarlia apung tâng plở án. Cớp alóí yõn án yõng ralõng yoah atĩ atoam. Moâm ki alóí sacõh racól yáng moat án cớp ayê ra-ac án, pai neq: “Cucõh noau casai puo I-sarel!”

³⁰ Alóí cuchóh tâng tở Yê-su, cớp alóí ỉt ralõng toân tâng plở án. ³¹ Moâm alóí ayê ra-ac án, chơ alóí tũot au tuar cớp asóp loah tampác án bữm. Chơ alóí dững aloõh án đõq téh án tâng aluang sangcáng.

Noau Téh Yê-su Tâng Aluang Sangcáng

(Mac 15:21-32; Luca 23:26-43; Yang 19:17-27)

³² Tữ alóí loõh vót tẽ vil, alóí ramóh manoaq samiang tâng rana, ramứh Si-môn. Án la cũai tẽ cruang Si-rên. Alóí ếp án đõl aluang sangcáng Yê-su. ³³ Alóí toâq pở ntốq ramứh Cô-cô-tha. Santoiq nâi parlong loah la ‘Ntốq Nghang Cantar Plở’. ³⁴ Ỏt ntốq ki noau avoi yõn Yê-su nguaiq blõng carchóc cớp cớng ntáng. Yê-su yẽl, ma án tở bữn nguaiq.

³⁵ Chơ alóí téh Yê-su tâng aluang sangcáng. Cớp alóí tampêq tampác án na séng anhúq, aléq bữn la thõi. ³⁶ Moâm ki alóí tacu kĩaq Yê-su. ³⁷ Yoah pỡng plở Yê-su alóí đõq muoi khlếc pian; cớp alóí chĩc chũq neq: CŨAI NÂI LA YÊ-SU. ÁN LA PUO CŨAI I-SAREL. ³⁸ Noau téh bar náq cũai

savěng cheq Yê-su tê, manoaq coah atoam, manoaq coah avêr.

³⁹ Mách cūai pōq pha bân ki, alóí culūt-culiau ayê ra-ac Yê-su. ⁴⁰ Alóí pai neq: “Mói nâi oíq ca pai ẽ talõh đống sang Yiang Sursĩ. Chơ mới táq loah pái tangái la moâm toáp. Âu sanua mới chuai amoong loah tở mới bữm. Khân mới lứq Con Yiang Sursĩ, ki mới sěng tể aluang sangcáng ki.”

⁴¹ Cóp máh cūai sốt tốp tểng rit sang Yiang Sursĩ, máh cūai yóng rit, cóp máh cūai sốt nheq sâu, tốp alóí ayê ra-ac Yê-su tê. ⁴² Alóí pai neq: “Cūai canõh tềq án chuai amoong, ma tở án bữm, tở hữm tềq án chuai. Khân án lứq puo cūai I-sarel, yõn án sěng bữm tể aluang sangcáng ki. Khân ngkíq, hái lứq sa-âm án tê. ⁴³ Ân sa-âm Yiang Sursĩ, cóp án pai án la Con Yiang Sursĩ. Khân lứq ngkíq, yõn Yiang Sursĩ chuai amoong án sanua.”

⁴⁴ Cóp alóí bar náq savěng ca noau tềh tâng aluang sangcáng muoi prớh cóp Yê-su, alóí ayê ra-ac Yê-su tê.

Bo Yê-su Cheq Ế Cuchĩt

(Mac 15:33-41; Luca 23:44-49; Yang 19:28-30)

⁴⁵ Tể moat mandang toáng toau toáp moat mandang priang, cõt canám nheq tâng cruang ki. ⁴⁶ Toáp mandang priang Yê-su arô casang lứq neq: “Ê-li, Ê-li, lama-sabac-tani?” Santoiq nâi parlong loah la: “Yiang Sursĩ cứq ơ! Yiang Sursĩ cứq ơ! Nõq mới táh chíq cứq?”*

⁴⁷ Toáp cūai tayúng cheq ki sâng Yê-su arô, alóí pai neq: “Án arô Ê-li!”

⁴⁸ Bữn manoaq tể alóí ki lúh ít muoi cốc aroaiq. Án alóq aroaiq ki tâng blõng nhõq, cóp án chõq

aroaiq ki tâng dũi. Chơ án avoi yõn Yê-su yáp. ⁴⁹ Ma cūai canõh pai neq: “Hái acoan voai. Hái nhêng Ê-li toáp chuai án, ma tở bữn!”

⁵⁰ Yê-su u-õi casang lứq ẽn, chơ án ta-õh rangúh.

⁵¹ Bo ki toáp aroaiq noau yoang tâng Đống Sang Toár cõt raháq tể pờng toáp pưn, cõt bar sarêc. Cutêq cacut, cóp máh tamáu cõt pacháh. ⁵² Ping cumuiq riang noau pớh bữm, yõn sa-ũi náq cūai ca puai ngê Yiang Sursĩ ca khoiq cuchĩt bữn tamoong loah. ⁵³ Vót Yê-su tamoong loah, máh cūai ca khoiq cuchĩt, alóí loõh tể ping, cóp alóí mut tâng vil Yaru-salem. Tâng vil ki bữn chững cūai hữm alóí.

⁵⁴ Bo ki bữn manoaq sốt muoi culám tahan, án õt kĩaq Yê-su. Nheq náq alóí hữm cutêq cacut, cóp alóí hữm máh ramúh canõh hỡ. Ngkíq alóí sâng ngcõh lứq, cóp alóí pai neq: “Lứq samoát cūai nâi la Con Yiang Sursĩ!”

⁵⁵ Bữn sa-ũi náq mansẽm õt yong tapoang nhêng chu Yê-su. Alóí ki khoiq puai Yê-su tể cruang Cali-lê, cóp alóí chửm siem án. ⁵⁶ Tâng tốp mansẽm ki bữn Mari tể vil Mac-dala, Mari la mpiq Yacõ cóp Yô-sê, cóp mpiq alóí bar náq con samiang Sê-badê.

Noau Túp Yê-su

(Mac 15:42-47; Luca 23:50-56; Yang 19:38-42)

⁵⁷ Toáp paloõng nhứm-nhứm, bữn manoaq cūai sốc tể vil Ari-mathê toáp. Ramúh án la Yô-sep. Án la cūai rien tể Yê-su tê. ⁵⁸ Án toáp pờ Phi-lat, cóp án sểq cumuiq Yê-su. Phi-lat ớn noau yõn cumuiq Yê-su pờ án. ⁵⁹ Ngkíq Yô-sep ít cumuiq Yê-su, cóp án som toáp aroaiq tamái cóp cloc o lứq. ⁶⁰ Chơ án đõq cumuiq ki

tâng ping tamái khong án; ping ki noau tót tâng tamáu côl. Chơ án vih tamáu catáng chúq ngoah ping. Moâm ki án chu. ⁶¹ Mari tễ vil Mac-dala, cốp Mari canõh ẽn, alói tacu tapoang nhêng chu ngoah ping.

Cũai Sốt Yõn Tahan Kĩaq Ping Yê-su

⁶² Mách tangái parnõ la tangái ntun tốp I-sarel thrũan táq lêq. Tangái ki máh cũai sốt tốp tễng rit sang Yiang Sursĩ cốp máh cũai Pha-rasi, alói pỡq chu Phi-lat. ⁶³ Alói pai chốq Phi-lat neq: “Achuaih ơi! Hếq sanhữ bo cũai lauq ki noâng tamoong, án pai neq: ‘Cứq cuchĩt, ma vót pái tangái cứq tamoong loah.’ ⁶⁴ Ngkíq, hếq sếq achuaih yõn noau kĩaq carsĩat ping ki toau toâq tangái pái. Chơ tốp rien tễ án tở tềq pỡq ỉt tuoiq tở cumuiq ki. Khân alói bữn tuoiq, ki alói lứq atõng cũai canõh neq: ‘Yê-su cuchĩt, chơ án tamoong loah.’ Khân alói pai Yê-su tamoong loah, ốc lauq ki ntâng hỡn tễ ốc lauq noau pai án la Crĩt.”

⁶⁵ Chơ Phi-lat ta-ơi alói neq: “Anhia dững tahan pỡq kĩaq ping ki; tam rangứh anhia.”

⁶⁶ Ngkíq alói loõh tễ ki. Chơ alói pỡq cloaih ngoah ping ki yõn khâm lứq. Cốp alói ớn tahan kĩaq ping ki.

28

Yê-su Tamoong Loah (Mac 16:1-10; Luca 24:1-12; Yang 20:1-18)

¹ Vót Tangái Rlu, toâq tangái muoi tâng tón tamái, tarup ki paloõng poang mbõiq rưm-rưm, Mari tễ vil Mac-dala cốp Mari canõh pỡq cớ ping Yê-su. ² Bo ki cutếq cõt cacut hập lứq, yuaq bữn ranẽng Yiang Sursĩ sếng vih

tamáu noau khoiq catáng ngoah ping Yê-su; chơ án tacu tâng tamáu ki. ³ Roâp ranẽng ki la samoât riang lalieiq, cốp tampác án cloc ariang prẽl prĩl. ⁴ Mách tahan kĩaq ping ki sãng ngcõh lứq cốp cangcoaih. Alói cõt samoât riang cũai cuchĩt.

⁵ Ranẽng Yiang Sursĩ atõng mansẽm ki neq: “Anhia chõỉ ngcõh ntróu. Cứq dáng anhia chuaq Yê-su, án ca noau khoiq tềh tâng aluang sangcáng. ⁶ Án tở bữn ớt nnâi noâng. Án khoiq tamoong loah chơ, samoât án khoiq pai tễ nhũang. Anhia toâq pỡ nâi, nhêng chu ntốq noau dốq án tễ nhũang. ⁷ Chơ anhia pỡq cháỉ atõng máh tốp rien tễ án neq: ‘Yê-su khoiq tamoong loah chơ. Sanua án pỡq nhũang anhia pỡ cruang Cali-lê. Ớt ntốq ki anhia lứq bữn ramóh án!’ Cớq anhia sanhữ máh ốc cứq atõng anhia.”

⁸ Ngkíq mansẽm ki loõh tễ ntốq ping ki. Ntơn alói croõq, ntơn alói ớn hỡ. Alói lúh pỡq atõng máh tốp rien tễ Yê-su.

⁹ Bo alói pỡq, alói santar sâng Yê-su toâq ramóh alói, cốp án cubán alói neq: “Bán tễ anhia.”

Mansẽm ki toâq pỡ Yê-su, kĩaq ayũng án, cốp sang án. ¹⁰ Chơ Yê-su atõng alói neq: “Anhia chõỉ ngcõh ntróu. Anhia pỡq atõng sêm ai cứq yõn alói pỡq chu cruang Cali-lê. Ớt ntốq ki alói bữn ramóh cứq.”

Cũai Sốt Yõn Mách Tahan Bữn Práq

¹¹ Bo mansẽm ki pỡq tâng rana, tahan ca kĩaq ping Yê-su chu pỡ vil cốp atõng máh cũai sốt tốp tễng rit sang Yiang Sursĩ, dáng tễ dũ ramứh alói khoiq hữm. ¹² Mách cũai sốt ki rôm sarhõng cốp máh cũai sốt nheq sâu. Chơ alói yõn práq sa-ữi pỡ máh tahan kĩaq ki.

13 Cóp alóí atõng tahan ki neq: “Yõn anhia pai tốp rien tẽ Yê-su toâq sadâu cốp ít tuoiq cumuiq Yê-su bo anhia bẽq. 14 Ma khân Phi-lat, án ca sôt cruang, sâng tẽ ramúh nâi, hẽq lúq rapai chuai anhia, yõn án tở bữn táq ntróu chóq anhia.”

15 Ngkíq máh cũai tahan ki ít práq, cốp alóí táq puai riang máh parnai noau ón alóí. Toau toâq tangái nâi, bữn cũai I-sarel atõng ốc ki yõn parchia yõn cũai canõh dáng.

Yê-su Ramóh Tốp Rien Tẽ Án Tâng Cruang Cali-lê

(Mac 16:14-18; Luca 24:36-49; Yang 20:19-23; Ranáq Táq 1:6-8)

16 Muoi chít la muoi noaq tốp rien tẽ Yê-su, alóí chõn pở cóh tâng cruang Cali-lê pở ntóq Yê-su khoiq patâp alóí chơ. 17 Toâq alóí hữm Yê-su, alóí sang án; ma bữn án ca tở bữn sa-âm samoât samơi. 18 Yê-su toâq pở alóí cốp atõng alóí neq: “Nheq máh ramúh chóc tâng paloõng cốp tâng cutẽq, Yiang Sursĩ khoiq chiau yõn cứq chơ. 19 Ngkíq cóq anhia pởq atõng dũ náq cũai yõn cõt máh cũai rien tẽ cứq tê. Cóq anhia táq batẽm yõn alóí nhơ ramúh Mpoaq, nhơ ramúh Con, cốp nhơ ramúh Raviei Yiang Sursĩ. 20 Cóq anhia atõng alóí yõn trĩh dũ ốc cứq khoiq patâp anhia. Cốp lúq cứq õt cốp anhia mantái níc, tẽ sanua toau toâq tangái parsốt.”

Mac Chĩc Atõng Parnai O Tẽ Yê-su Crĩt Santoiq Atõng

Mac bũn ramũh Yang Mac hõ. Án chĩc saráq nâi sám 50 toâq 60 cumo ntun Yê-su canõh. Mac atõng tẽ Yê-su la manoaq ca bũn chóc lứq. Chóc tẽ Yê-su hái tẽq hũm bo án atõng parnai Yiang Sursĩ. Án bũn chóc rọi tuih aloõh máh yiang sâuq, cốp án bũn chóc tẽq táh lỏih yõn máh cũai. Yê-su la Con Yiang Cõt Cũai. Án chiau dõih tamoong án dỏq tháih nheq tũh cũai tẽ ỏc lỏih, yõn máh cũai tẽq bũn tamoong.

Mac atõng tẽ máh ranáq Yê-su táq, hõn tẽ máh ỏc Yê-su atõng. Dâu lứq, Mac chĩc tẽ Yang ca táq batẽm, tẽ Yê-su roap batẽm, cốp yiang Satan chim Yê-su. Mac atõng tẽ máh ỏc Yê-su chũuq túh coat, cốp noau téh án tâng aluang sangcáng; vót ki án tamoong loah tẽ cuchĩt.

Yang Ca Táq Batẽm

(Mathia 3:1-12; Luca 3:1-18;
Yang 1:19-28)

¹ Santoiq nâi tabỏq atõng parnai o tẽ Yê-su Crĩt, Con Yiang Sursĩ.

² Ê-sai la cũai tang bỏq Yiang Sursĩ, khoiq chĩc atõng saccoaiq tẽ Yang neq:

“Cứq Yiang Sursĩ ỏn cũai ranẽng cứq toâq nhũang mới, dỏq thũan rana yõn mới.”✧

³ Sương án sabau atõng casang tẽ ntỏq aiq neq:

“Cỏq anhia atức rana yõn Ncháu hái.

Cháh báng yõn tanoang rana dỏq án pỏq.”✧

⁴ Ngkĩq Yang lứq toâq. Án ỏt tâng ntỏq aiq, cốp án táq batẽm yõn máh cũai. Án pỏq pau atõng yõn nheq tũh cũai dáng tẽ ranáq batẽm. Batẽm la táq tẽc cũai khoiq ngin lỏih lẻq cõt mút tamái ẽn, dỏq Yiang Sursĩ táh lỏih yõn alỏi. ⁵ Ngkĩq nheq tũh cũai tâng cruang Yudê cốp nheq tũh cũai tâng vil Yaru-salem toâq pỏ án. Alỏi ngin lỏih, chơ Yang táq batẽm yõn alỏi tâng crỏng Yỏr-dan.

⁶ Yang dỏq tâc tampác noau táq toâq sóc charán lac-da. Án can-toân parnoân ngcâr tâng ngkĩng. Án cha lam cốp nguaiq dỏq khĩal tẽ aruih. ⁷ Parnai án atõng la neq: “Ntun cứq bũn manoaq ẽn toâq. Án ki sỏt clũih tẽ cứq. Cứq la tở bũn dũ chóc dẻh leh cansái cốp tẽ ayũng án, yuaq cứq bũn chóc cacỏt lứq. ⁸ Cứq táq batẽm yõn anhia na dỏq sâng, ma án táq batẽm yõn anhia na Raviei Yiang Sursĩ.”

Yang Táq Batẽm Yõn Yê-su

(Mathia 3:13-4:11; Luca 3:21-22; 4:1-13)

⁹ Bũn muoi tangái Yê-su toâq tẽ vil Na-sarẻt, cruang Cali-lẻ. Chơ Yang táq batẽm yõn Yê-su ỏt tâng crỏng Yỏr-dan. ¹⁰ Tũ Yê-su chỏn tẽ dỏq, án hũm paloõng samoât riang noau pỏh, cốp án hũm Raviei Yiang Sursĩ sẻng tẽ paloõng ariang chỏm tariap, chơ pỏc tâng tỏ án. ¹¹ Muoi prỏh ki, bũn sương Yiang Sursĩ sabau atõng tẽ paloõng neq: “Mới la Con ca cứq ayooq lứq. Ntrỏu mới táq, la cứq bũi nheq.”

¹² Bo ki toâp Raviei Yiang Sursĩ dũng Yê-su pỏq chu ntỏq aiq. ¹³ Yê-su ỏt tâng ntỏq aiq ki nheq pỏn chít sadâu pỏn chít tangái. Chơ yiang Satan chim án, yoc ẽ

✧ 1:2 1:2 Ma-laki 3:1 ✧ 1:3 1:3 Ê-sai 40:3 canõh.

* 1:13 1:13 Yiang Satan sỏt nheq yiang sâuq

radững án táq lóih.* Yê-su ốt bân ntốq charán aruih, cốp ranềng Yiang Sursĩ tễ paloông toâq chuai án.

Yê-su Mbởiq Táq Ranáq Án Tâng Cruang Cali-lê

(*Mathia 4:12-17; Luca 4:14-15*)

¹⁴ Vót noau khoiq chốq Yang tâng cuaq, Yê-su mut tâng cruang Cali-lê cốp atông parnai o tễ Yiang Sursĩ. ¹⁵ Án atông neq: “Khoiq toâq ngư chơ. Cheq chơ Yiang Sursĩ táq sốt. Ngkíq cóq anhia ngin lóih lêq cõt mút tamái ễn cốp sa-âm parnai o tễ Yiang Sursĩ.”

Yê-su Ớn Pồn Náq Ca Chuaq Sĩaq Puai Án

(*Mathia 4:18-22; Luca 5:1-11*)

¹⁶ Bo Yê-su pốq tâng tor clóng Cali-lê, án hữm bar náq sễm ai ramúh Si-môn cốp Anrê. Alóí yoang alieiq tâng clóng ki, yuaq alóí la cũai táq ranáq chuaq sĩaq. ¹⁷ Yê-su atông alóí neq: “Anhia puai cứq; chơ cứq táq yỗn anhia cõt cũai chuaq cũai samoât anhia chuaq sĩaq nãi tề.”

¹⁸ Bo ki toâp alóí táh alieiq, chơ alóí puai Yê-su.

¹⁹ Yê-su pốq bĩq ễn; chơ án hữm bar náq sễm ai canốh ễn ramúh Yacỡ cốp Yang, con samiang Sê-badê. Alóí ốt clam loah alieiq tâng tuoc. ²⁰ Bo ki toâp Yê-su sabau alóí. Ngkíq alóí yỗn mpoaq alóí, Sê-badê ốt tâng tuoc cốp cũai tuthể. Chơ alóí bar náq ki puai Yê-su.

Cũai Bữn Yiang Sâuq

(*Luca 4:31-37*)

²¹ Vót ki, Yê-su cốp cũai rien tễ án mut tâng vil Cabê-na-um. Toâq Tangái Rlu Yê-su mut tâng đống sang tốp I-sarel cốp atông ngki. ²² Mách cũai ngki sâng dốt lứq tễ parnai án atông. Án atông ariang cũai bữn chốc lứq,

tở bữn ariang cũai yống rit dốq atông. ²³ Tâng đống sang, bo ki bữn manoaq cũai bữn yiang sâuq payốh. Án hễ casang lứq neq: ²⁴ “Ntróu anhia yoc cốp hếq, Yê-su tễ vil Na-sarê? Anhia toâq pở nãi ễ cachĩt hếq tở? Cứq sacoal anhia; anhia toâq tễ Yiang Sursĩ cốp anhia la bráh o lứq.”

²⁵ Yê-su sươq yiang sâuq ki: “Chỗi tabốq! Mới loõh chíq tễ tở cũai nãi!”

²⁶ Moâm ki yiang sâuq carvút tưng-tooc cũai ki, chơ án loõh. Bo yiang sâuq loõh, án hễ casang lứq. ²⁷ Aléq aki sâng dốt lứq. Manoaq blóh manoaq neq: “Nốq tềq án táq ranáq nãi? Án atông parnai tamái cốp bữn chốc salêh. Án sươq yiang sâuq, cốp yiang ki trĩh án.”

²⁸ Chơ máh ranáq Yê-su táq cõt parhan cháí lứq tâng dũ vil mpêr cruang Cali-lê.

Yê-su Táq Bán Clúng Cũai A-ĩ
(*Mathia 8:14-17; Luca 4:38-41*)

²⁹ Vót Yê-su loõh tễ đống sang, án pốq parnoi cốp Yacỡ cốp Yang, chơ mut tâng đống Si-môn cốp Anrê. ³⁰ Yacán Si-môn bếq tua cô án a-ĩ cutâu tở; chơ alóí atông yỗn Yê-su dáng ayoaq nãi a-ĩ. ³¹ Yê-su toâq pở ayoaq ki cốp tếc ayuor án. Từ án yuor, án cõt bán, cốp tềq loah aloõh sana yỗn tamoi cha.

³² Toâq tabữ, mandang pật chơ, noau đững máh cũai a-ĩ cốp cũai bữn yiang sâuq táq. ³³ Nheq tửh cũai tâng vil ki rôm yáng tiah cheq ngoah toong. ³⁴ Yê-su táq bán clúng cũai bữn sa-ũĩ ramúh a-ĩ. Cốp án tuih aloõh yiang sâuq tễ tở cũai hữ. Án tở yỗn yiang sâuq táq ntông ntróu, yuaq yiang sâuq sacoal án.

Yê-su Pốq Atông Tâng Cruang Cali-lê

(*Luca 4:42-44*)

³⁵ Toàq tarup Yê-su tamở tễ cláih lứq, paloong tở yũah poang. Án loõh tễ vil, chơ án pởq chu ntỏq tở bữn noau ớt, yoc ể câu ngki. ³⁶ Si-môn cớp yóu án pởq chuaq Yê-su. ³⁷ Toàq alới tamỏh án, alới atởng án neq: “Nheq tữh cũai chuaq ể ramỏh thài.”

³⁸ Yê-su ta-ới alới neq: “Hái cóq pởq chu vil canỏh ển, pởq chu máh vil mpễn nài. Cứq yoc atởng tâng vil ki hỡ. Mpoaq cứq ớn cứq toàq pở nài đọq táq ranáq nài.”

³⁹ Ngkíq Yê-su pởq atởng tâng máh đổng sang tốp I-sarel tâng cruang Cali-lê. Án tuih aloõh yiang sàuq tễ tở cũai hỡ.

*Yê-su Táq Bán Cũai A-ĩ Tut
(Mathia 8:1-4; Luca 5:12-16)*

⁴⁰ Bữn manoaq cũai a-ĩ tut toàq pở Yê-su. Án sacỏh racỏl cớp cucỏh cucũoi pai neq: “Khân Ncháu yoc, tẻq Ncháu táq yỏn cứq cớt bán.”

⁴¹ Yê-su sâng sarũiq táq, chơ án aloõh atĩ satoaq cũai ki. Cớp án pai neq: “Cứq yoc. Yỏn mới cớt bán.”

⁴² Bo ki toàp cũai ki cớt bán a-ĩ tut. Tở án cớt o loah. ⁴³ Yê-su ớn án chu toàp, cớp án patàp cũai ki neq: ⁴⁴ “Chỏi atởng yỏn cũai canỏh dáng tễ ranáq nài. Ma cóq mới pởq apáh tở mới yỏn cũai tẻng rit sang Yiang Sursĩ nhềng. Chơ mới chiauh sang yỏn Yiang Sursĩ máh ramứh Mỏi-se khoiq patàp tễ mbỏq. Nài la tẻc apáh yỏn cũai canỏh dáng mới khoiq cớt bán chơ.”

⁴⁵ Ma tở cũai ki loõh tễ Yê-su, án pởq atởng tễ ranáq Yê-su chuai án. Chơ santoiq nài trởh la-ừt la-ừi. Yuaq ngkíq, khân Yê-su yoc ể mut tâng vil, cóq án mut clỏp, tở yỏn noau hữm án. Án ớt yáng tiah vil bần ntỏq tở bữn noau ớt.

Ma noàng bữn cũai tễ dù ntỏq toàq pở án.

2

*Yê-su Táq Bán Cũai A-ĩ Coang
(Mathia 9:1-8; Luca 5:17-26)*

¹ Vớt bar pái tangái ển, Yê-su chu loah pở vil Cabê-na-um. Khoiq noau sâng han án chu toàq pở đổng. ² Cũai pởq rôm pở ki cứng lứq. Tâng ngoah toong tở bữn ntỏq mut noàng, nheq tadát chơ. Ngkíq Yê-su atởng parnai Yiang Sursĩ yỏn alới sâng. ³ Bữn noau đứng asuoi manoaq a-ĩ coang nheq tở toàq pở án. Pỏn náq samiang crang cũai a-ĩ ki. ⁴ Ma tở alới hữm cứng lứq cũai ớt khít Yê-su chơ, alới tở dáng na lẻq ể mut pở Yê-su. Ngkíq alới pỏh mpuol đổng choàng Yê-su ớt, cở ể afiar asẻng cantrang ca bữn samiang a-ĩ ki. ⁵ Tở Yê-su dáng mút alới sa-âm lứq, ngkíq án atởng cũai a-ĩ coang ki neq: “Yóu ời! Lỏih mới cứq táh yỏn.”

⁶ Bữn máh cũai yỏng rit tacu ngki tẻ. Alới chanchỏm tâng mút alới neq: ⁷ “Nỏq cũai nài pai ngkíq? Án yoc ể táq chỏc máh Yiang Sursĩ tẻ. Ngkíq santoiq án pai la máh án acrieiq Yiang Sursĩ chơ. Tở bữn cũai alẻq tẻq táh lỏih. Ớng Yiang Sursĩ toàp tẻq táh lỏih.”

⁸ Bo ki toàp Yê-su dáng alới ki chanchỏm ngkíq tâng mút alới. Án blớh alới neq: “Nỏq anhia chanchỏm ngkíq? ⁹ Santoiq alẻq anhia sâng ien hỡn yỏn cứq atởng? Ien cứq atởng cũai a-ĩ coang neq: ‘Lỏih mới cứq táh yỏn,’ tở la ‘Mỏi yuor tayứng cớp pởq. Mỏi đứng achu loàng cantrang mới?’ ¹⁰ Ma sanua cứq ể táq yỏn cũai a-ĩ nài cớt bán đọq yỏn anhia dáng samoat samỏi, cứq Con Yiang Cớt Cũai bữn chỏc

tâng dời nài. Cứng tềq táh lờih cũai.”

Moâm ki Yê-su atởng yỏn cũai a-ĩ coang neq: ¹¹ “Cứng ớn mới yuor tayứng. Mới ỉt dỏl cantrang mới. Chơ mới chu loah pở dỏng mới.”

¹² Ngkíq cũai ki yuor tayứng. Án ỉt toáp cantrang án, loỏh chít tể cũai cứng ki. Tữ alới hữm ngkíq, aléq aki sâng dỏt lứq cớp alới khên Yiang Sursĩ. Alới pai neq: “Hái tở nai hữm ranáq nneq.”

*Yê-su Ớn Lê-vi Puai Án
(Mathia 9:9-13; Luca 5:27-32)*

¹³ Vót ki Yê-su pởq loah sĩa pở tor clóng. Cứng lứq cũai rỏm loah pở án; chơ án atởng alới ki. ¹⁴ Bo án pởq, án hữm Lê-vi,* con samiang Al-phê, ỏt tacu táq ranáq tâng dỏng noau parỏm ỉt práq thềq. Yê-su ớn Lê-vi neq: “Mới puai cứq.”

Ngkíq Lê-vi yuor tayứng puai án.

¹⁵ Moâm ki Yê-su pởq cha dỏl tâng dỏng Lê-vi. Ớt ngki bữn cứng cũai parỏm ỉt práq thềq, cớp cũai lờih canỏh hữ cha parnỏi nứng Yê-su cớp tốp rien tể án. Yuaq bữn cứng cũai ki puai án. ¹⁶ Bữn cũai yỏng rit tể tốp Phara-rasi hữm Yê-su cha parnỏi cớp cũai parỏm ỉt práq thềq cớp cũai lờih canỏh. Ngkíq cũai yỏng rit ki blớh tốp rien tể Yê-su: “Nỏq án ki cha parnỏi cớp cũai parỏm ỉt práq thềq cớp máh cũai lờih?”

¹⁷ Yê-su sâng alới ki pai ngkíq; chơ án atởng alới neq: “Cũai bán o tở bữn sêq yỏn noau palai. Ma ớng cũai a-ĩ sâng cóq sêq yỏn

noau palai. Cứng tở bữn toáp pở nài dỏq arỏ cũai ca ngin alới tanoang o, ma cứq toáp pở nài dỏq arỏ cũai ca dáng alới bữn lờih.”

*Yê-su Atởng Tể Ót Sana
(Mathia 9:14-17; Luca 5:33-39)*

¹⁸ Máh cũai rien tể Yang cớp máh cũai Pha-rasi, alới dỏq ruoh tangái dỏq ót sana cỏ alới yoc chanchỏm tể ngê Yiang Sursĩ. Alới toáp blớh Yê-su neq: “Tốp rien tể Yang cớp cũai ca puai tốp Phara-rasi, alới ruoh tangái dỏq ót sana. Nỏq tốp rien tể thài tở bữn táq machỏng alới ki tể?”

¹⁹ Yê-su ta-ỏi loah alới neq: “Khân bữn samiang ỉt lacuoi, bo yỏu pởq racoaiq cớp án, alới sâng bủi. ²⁰ Ma tữ alới chu tể racoaiq, alới miar ỏt. Tữ ki alới ót sana dỏq sanhữ loah yỏu alới.†

²¹ “Tở bữn noau tamoal aroaiq tamái tâng tampác khiq anhỏh. Khân noau táq ngkíq, ramoal ki carỏn cớp ra-ỏc aroaiq anhỏh. Ngkíq raháq ki cõt la-a lứq ẻn. ²² Cớp tở bữn noau chiaq blỏng tamái tâng aluoi ngcâr khiq tiaq chơ. Khân noau táq ngkíq, blỏng ki cõt puaiq, cớp acán pa-át ki táq yỏn aluoi ngcâr padỏh. Chơ aluoi ngcâr cớp blỏng ki pứt nheq. Ma blỏng tamái cóq chỏq tâng aluoi ngcâr tamái.”‡

*Yê-su Atởng Tể Rit Tangái Rlu
(Mathia 12:1-8; Luca 6:1-5)*

²³ Bữn muoi Tangái Rlu, Yê-su cớp tốp rien tể án mut tâng sarái noau chỏh saro bali. Ntỏn alới pởq, ntỏn alới rút cha saro bali ki. ²⁴ Tốp Pha-rasi atởng Yê-su neq: “Ki! Nỏq tốp rien tể thài táq ranáq

* **2:14** 2:14 Lê-vi noau dỏq ramứh Ma-thia hữ. † **2:20** 2:20 Tâng parnai nài, Yê-su sacám án la samoát án ỉt lacuoi. Bo Yê-su noàng ỏt cớp tốp rien tể án, alới noàng chi-cha. Ma tữ án chỏn chu paloỏng, alới ót sana tể cỏ alới yoc chanchỏm loah máh santoiq án khiq atởng alới. ‡ **2:22** 2:22 Yê-su atởng tể aroaiq cớp blỏng, la án sacám cũai bữn mút pahỏm tiaq, tở tềq ỉt parnai tamái ca Yê-su atởng alới. Ớng alới ca bữn mút tamái sâng tềq ỉt parnai ki.

tở cốt rit cuang ntróu tâng Tangái Rlu.”

²⁵ Yê-su ta-đi alói neq: “Nỗq riang pai anhia tở nai doc tâng tâm saráq Yiang Sursĩ tễ puo Davĩt khoiq táq ntróu? Davĩt cóp tốp puai án, alói óq công sana cóp alói sâng panhieih lứq. ²⁶ Ngkíq Davĩt mut tâng đống sang Yiang Sursĩ. Án cha cóp yỗn yóu án cha tê bẻng đợq yáng moat Yiang Sursĩ. Bẻng nâi óng cũai tẻng rit sang Yiang Sursĩ sâng tẻq cha. Bo ki Abia-tha la sốt nheq tẻ rit sang Yiang Sursĩ.”

²⁷ Yê-su atởng loah alói neq: “Yiang Sursĩ tở bữn tẻng cũai đợq chuai Tangái Rlu, ma án tẻng Tangái Rlu đợq chuai cũai. ²⁸ Cúq, Con Yiang Cốt Cũai, la Ncháu tê Tangái Rlu.”

3

Manoaq A-ĩ Yỗt Atĩ
(*Mathia 12:9-14; Luca 6:6-11*)

¹ Bữn muoi tangái Yê-su mut tâng đống sang tốp I-sarel, cóp bữn manoaq samiang yỗt atĩ tâng đống sang ki. ² Cóp bữn cũai canỏh ỏt ngki nhềng chu Yê-su, yoc ẻ dánh án táq bán cũai a-ĩ ki tâng Tangái Rlu, ma tở bữn. Alói chi-chuaq ỏc lỏih yoc ẻ cauq Yê-su. ³ Yê-su atởng cũai yỗt atĩ ki neq: “Mói yuor tayứng yáng moat máh cũai nâi.”

⁴ Chơ Yê-su blớh alói ca ỏt mpẻ ki neq: “Khân puai rit hái, ntróu anhia sâng pẻiq hỡn noau táq tâng Tangái Rlu? Pẻiq noau táq o, ma pẻiq noau táq sâuq? Pẻiq noau chuai amoong, ma pẻiq noau cachĩt? Ốc alẻq anhia sâng o hỡn?”

Ma alói ki tở bữn ta-đi ntróu.

⁵ Yê-su carlang nhềng chu alói ki. Án sâng ỳn lứq alói bữn mút coang. Chơ án ỏn cũai a-ĩ ki neq: “Mói aloỏh atĩ.”

Từ án aloỏh atĩ án, chơ atĩ án cốt bán. ⁶ Ngkíq tốp Pha-rasi loỏh tẻ đống sang ki pỏq toáp ramỏh tốp puai Hê-rỏt. Nheq alói ki sarhỏng ẻ cachĩt chíq Yê-su.

Chứng Cũai Ớt Cheq Tor Dỡq Clóng

⁷ Vót ki Yê-su cóp tốp rien tẻ án loỏh tẻ ki, chơ pỏ chu đợq clóng. Tốp cũai cứng lứq tẻ cruang Cali-lẻ toáp pỏ án. ⁸ Toáp noau sâng han tẻ ranáq án táq, sa-ủi cũai toáp pỏ án tẻ cruang Yudẻ, tẻ vil Yaru-saleme, tẻ cruang I-dumẻ, tẻ cruang yờng tẻ crỏng Yỏr-dan, cóp tẻ cruang mpẻ vil Ti-rỏ cóp vil Sadỏn hỡ. ⁹ Chơ Yê-su ỏn tốp rien tẻ án pỏq mian đợq muoi lám tuoc, yuaq án tở ẻq cũai cứng ki nẻt tở án. ¹⁰ Cứng cũai a-ĩ toáp nẻt yoc ẻ satoaq tở án, cỏ án khoiq táq yỗn bán sa-ủi cũai a-ĩ chơ. ¹¹ Ma từ yiang sâuq hỡm Yê-su, alói padẻh muoi tatứp yáng moat án. Alói ki pai casang lứq neq: “Anhia lứq Con Yiang Sursĩ.”

¹² Ma Yê-su sỏoq yiang sâuq ki chỏi atởng yỗn cũai canỏh dánh án la noau.

Yê-su Rườh Muoi Chít La Bar Náq Rien Tẻ Án
(*Mathia 10:1-4; Luca 6:12-16*)

¹³ Yê-su chỏn tâng cóh, cóp án arỏ yỗn toáp pỏ án máh cũai án khoiq rườh. Ngkíq alói toáp pỏ án. ¹⁴ Yê-su rườh muoi chít la bar náq ca đợq ỏt cóp án. Án đợq alói la: tốp ayứng atĩ án, cóp án patáp alói la chu lẻq alói pỏq, ki cóq alói atởng pỏ ki. ¹⁵ Án yỗn alói bữn chỏc tuih aloỏh yiang sâuq hỡ. ¹⁶ Máh ramứh tốp muoi chít la bar náq án rườh la neq: Si-mỏn, án ca Yê-su amứh Phi-er; ¹⁷ Yacỏ cóp a-ẻm án ramứh Yang, alói bar náq la con samiang Sẻ-badẻ. Yê-su đợq loah ramứh alói Bỏ-anet

ễn. Santoiq Bô-anet parlong loah la 'sanôq crům'.¹⁸ Bữn đêh Anrê, Phi-lip, Batê-lami, Mathia, Thô-mat, Yacô con samiang Al-phê, Thadê, Si-môn Sê-lôt,¹⁹ cốp Yuda I-cari-ôt, án ca chêq yỗn noau cacht Yê-su.

Yê-su Cốp Bên-sabul

(*Mathia 12:22-32; Luca 11:14-23; 12:10*)

²⁰ Vốt ki Yê-su mut tâng muoi đống. Chơ cứng lứq cũai pờq rôm loah pờ ki. Yê-su cốp tốp rien tể án tở têq đêh chi-cha yuaq tadát nheq cũai.²¹ Tữ mpiq cốp a-ểm Yê-su khoiq sâng tể ranáq nâi, alóí toâq yoc ể đững aloỏh chíq Yê-su tể cũai cứng, yuaq alóí sâng noau pai neq: "Án la samoát cũai yúh."

²² Bữn cũai yỗng rit sểng tể vil Yaru-salem. Alóí pai neq: "Yê-su têq tuih aloỏh yang sâuq cỗ yang Bên-sabul ốt cốp án cốp yỗn án bữn chóc táq ranáq ki. Yang ca sốt nheq máh yang sâuq yỗn án bữn chóc ki."*

²³ Ngkíq Yê-su arô cũai ki toâq pờ án, chơ án atởng alóí toâq parnai sacâm neq: "Nốq yang Satan ma têq tuih tở án bữm?"²⁴ Khân bữn muoi cruang, ma manoaq rachíl manoaq, tở bữn cõt noâng cruang.²⁵ Khân bữn muoi đống sũ, ma manoaq ralỏih chóc manoaq, đống sũ ki tở bữn cõt noâng.²⁶ Khân tốp yang Satan, manoaq rachíl chóc manoaq, tốp ki cõt ratáh. Án tở bữn cõt tốp noâng. Án cõt pút chíq.

²⁷ "Tở bữn noau têq talỏh đống cũai bán rêng khân án tở bữn chóc nhũang cũai ki. Moâm ki têq án talỏh đống cũai ki cốp ỉt nheq cớng án.†

²⁸ "Cứq atởng anhia samoát lứq, cũai aléq ma táq lỏih ntróu, cốp cũai aléq ma acrieiq ramứh Yang Sursĩ, nheq ramứh ki Yang Sursĩ têq táh.²⁹ Ma cũai aléq ma acrieiq Raviei Yang Sursĩ, Yang Sursĩ tở nai táh lỏih ki. Cũai táq ranáq ki bữn lỏih mantái níc."

³⁰ Yê-su atởng ngkíq cỗ alóí ki pai neq: "Án bữn yang sâuq."

Mpiq Cốp Sểm Ai Yê-su

(*Mathia 12:46-50; Luca 8:19-21*)

³¹ Chơ mpiq cốp sểm ai Yê-su toâq pờ ki. Alóí tayứng yáng tiah đống, cốp ón noau pờq coaiq Yê-su.³² Cứng cũai tacu pể Yê-su. Alóí atởng án neq: "Ki! Mpiq cốp sểm ai thâi ốt yáng tiah. Alóí yoc ể ramóh thâi."

³³ Yê-su hỏh alóí kị; "Noau la mpiq cốp sểm ai cứq?"

³⁴ Chơ án carlang nhêng chu máh cũai tacu pể án, cốp án pai neq: "Nâi la mpiq cốp sểm ai cứq."³⁵ Alóí ca táq tapun ngê Yang Sursĩ, alóí la sểm ai sểm ời cứq, cốp mpiq cứq."

4

Parnai Sacâm Tể Cũai Trứh Ớc
(*Mathia 13:1-9; Luca 8:4-8*)

¹ Yê-su tabỏq atởng cheq tor đởq clóng. Cứng lứq cũai toâq pờ án. Ngkíq án chỏn tacu tâng tuoc ca ốt tâng đởq. Ma nheq máh cũai cứng ki ốt tâng tor đởq.² Chơ án atởng alóí sa-ữi ốc toâq parnai sacâm. Án atởng neq:³ "Anhia tamứng! Bữn manoaq cũai pờq trứh ốc.⁴ Bo án trứh, bữn ốc satooh tâng rana. Chơ bữn chỏm srứh tot cha chíq ốc ki.⁵ Bữn ốc canỏh satooh tâng cutểq cada, pụn moang lantar. Chái lứq ốc ki dát, yuaq cutểq ki tở bữn yarũ.⁶ Ma toâq moat mandang

* **3:22** 3:22 Bữn noau đởq yang Satan la ramứh yang Bên-sabul hờ. † **3:27** 3:27 Ớc ki Yê-su sacâm neq: 'Khân cứq yoc ể talỏh chíq cớng yang Satan, ngkíq cóq cứq rêng hữn tể án. Ki nốq têq talỏh chíq cớng án.'

loõh phũac lứq, bát ki cõt khõ, yuaq rêh án tở bữn yarũ. Án roõh, chơ cuchĩt. ⁷ Bữn ớc canõh satooh tâng cutêq bữn rêh bát sarlia. Tở bát sarlia ki dát, án éc chíq bát mbõĩq dát tễ ớc cũai ki trúh. Ngkĩq bát ki tở cõt palái. ⁸ Cóp bữn ớc canõh ễn satooh tâng cutêq o. Ớc ki dát o cốp cõt palái o. Muoi nỡm cõt pái chít ớc. Muoi nỡm cõt tapoát chít ớc. Muoi nỡm ễn cõt muoi culám ớc.”

⁹ Chơ Yê-su pai ễn: “Aléq bữn cutũr yoc ẽ tamúng, ki tamúng.”

*Nốq Yê-su Atõng Parnai Sacâm
(Mathia 13:10-17; Luca 8:9-10)*

¹⁰ Toáq cũai clũng ki chu, Yê-su õt cốp muoi chít la bar nêq rien tễ án cốp yóu canõh hỡ, chơ alóĩ blớh án tễ parnai sacâm ki. ¹¹ Yê-su atõng alóĩ ki neq: “Yiang Sursĩ khoĩq yõn anhia dáng chơ parnai cutooq tễ Yiang Sursĩ táq sớt; ma máh cũai canõh, alóĩ sâng parnai ki toáq parnai sacâm sâng. ¹² Yiang Sursĩ yõn alóĩ nhêng ma tở bữn hữm. Alóĩ tamúng, ma tở bữn sapúh. Khãn alóĩ lứq hữm cốp lứq sâng, cõh lơ alóĩ ẽ pih loah puai ngê Yiang Sursĩ tẽ, chơ Yiang Sursĩ táh lỏih yõn alóĩ tẽ.”*

*Yê-su Aloõh Ngê Tễ Parnai
Sacâm Trúh Ớc*

(Mathia 13:18-23; Luca 8:11-15)

¹³ Yê-su blớh alóĩ ki neq: “Khãn anhia tở dáng parnai sacâm nãi, nốq têq anhia dáng máh parnai sacâm canõh? ¹⁴ Cũai ca trúh ớc, la án trúh parnai Yiang Sursĩ. ¹⁵ Bữn cũai samoát cutêq noau tĩn tâng rana. Tở noau atõng parnai Yiang Sursĩ, alóĩ tamúng parnai ki, ma yiang Satan toáq toáp. Chơ án ỉt chíq parnai ki tễ mút alóĩ. ¹⁶ Bữn cũai canõh la samoát cutêq cada, pũn moang

lantar. Tở noau atõng parnai Yiang Sursĩ, alóĩ tamúng parnai ki, cốp chái lứq alóĩ pruam sa-âm parnai ki bũi lứq. ¹⁷ Ma rêh alóĩ tở bữn yarũ. Ngkĩq alóĩ tamoong mahõĩ sâng. Khãn bữn ớc túh coat ntróu toáq pỡ alóĩ cõ tian alóĩ sa-âm parnai ki, chơ alóĩ tở bữn sa-âm noâng. ¹⁸ Bữn cũai canõh la samoát cutêq bữn rêh bát sarlia. Tở noau atõng parnai Yiang Sursĩ, alóĩ tamúng parnai ki. ¹⁹ Ma mút alóĩ ớt lua cút máh ranáq tâng đôi nãi; alóĩ ham sớt bữn, cốp ham máh ranáq canõh hỡ. Chơ máh ramúh ki éc chíq parnai Yiang Sursĩ, táq yõn tở bữn cõt palái. ²⁰ Ma bữn cũai canõh la samoát cutêq o. Tở noau atõng parnai Yiang Sursĩ, alóĩ tamúng cốp ỉt samoát samõi parnai ki. Alóĩ cõt palái. Muoi nỡm cõt palái pái chít ớc. Muoi nỡm cõt palái tapoát chít ớc. Muoi nỡm ễn cõt palái muoi culám ớc.”

*Yê-su Patáp Cóq Cũai Paséq
Parnai Án
(Luca 8:6-18)*

²¹ Yê-su atõng ễn neq: “Tở bữn noau tacát chóp tóu, chơ catúp chóq khang, tở la đởq nhựp cachong bẻq. Ma lứq noau đởq tâng rông. ²² Machóng ki tẽ, ramúh ntróu noau cutooq sanua, chumát nheq tũh cũai bữn hữm raloaih máh ramúh ki. Cốp ramúh ntróu noau táq clõp sanua, chumát nheq tũh cũai bữn dáng ramúh ki tẽ.* ²³ Aléq bữn cutũr yoc ẽ tamúng, ki tamúng.”

²⁴ Yê-su atõng alóĩ ễn neq: “Cóq anhia tamúng yõn samoát máh parnai anhia sâng cứq atõng. Maléq anhia tamúng tễ parnai ki, Yiang Sursĩ yõn anhia sapúh máh ki tẽ, cốp clũĩ tễ ki ễn. ²⁵ Cũai aléq

* 4:12 4:12 Ê-sai 6:9-10 * 4:22 4:22 Toáq án pai ‘ramúh cutooq’ cốp ‘ramúh clõp’ Yê-su atõng tễ ramúh án atõng toáq parnai sacâm.

khoiq bữn chơ, Yiang Sursĩ yỗn án bữn sa-ữi lứq ẽn. Ma cũai aléq tở bữn bữn, máh ọc án khoiq bữn, cõt pút loah nheq."

Parnai Sacâm Tễ Yiang Sursĩ Táq Sốt

(*Mathia 13:31-32, 34; Luca 13:18-19*)

²⁶ Yê-su atỡng ẽn neq: "Yiang Sursĩ táq sốt la samoat riang manoaq samiang choat saro tâng sarái. Moâm án choat, chơ án chu pở dống. ²⁷ Sadâu án bẻq, chơ tangái án pởq táq ranáq. Ma máh saro án khoiq choat ki chống ẽ dách bữm. Moâm án dách, chơ án toâr achỗn. Ma cũai ncháu saro ki tở dách nỏq ọc ki dách. ²⁸ Cutễq apu amia saro ki yỗn dách. Nhũang lứq bữn sala. Moâm ki bữn parlúm. Ntun ẽn bữn palái. ²⁹ Toâq saro ki chĩn, ncháu ít liem pởq roaiq saro án, yuaq khoiq toâq ngư roaiq chơ."

³⁰ Yê-su blớh ẽn: "Hái ẽ pai Yiang Sursĩ táq sốt la samoat riang ntróu? Cóp hái ẽ ít parnai sacâm ntróu đợc atỡng tễ sốt ki? ³¹ Sốt ki la samoat muoi ọc cuplốq lavứng. Tữ noau trứh tâng cutễq, ọc ki cacót clữi nheq tễ ọc canỗh. ³² Ma tữ án dách, án toâr luat nheq tễ nỡm bát canỗh. Án cõt abêng toâr yỗn chớh tẻq táq sốh tâng ọc abêng án."

³³ Yê-su atỡng parnai Yiang Sursĩ toâq sa-ữi parnai sacâm yỗn alóit tẻq dách máh léq alóit tẻq sapúh. ³⁴ Án tở bữn atỡng alóit ntróu khân tở bữn ít parnai sacâm. Ma tữ án ớt cốp ống tốp rien tễ án sâng, án atỡng alóit raloaih lứq tễ máh parnai sacâm ki.

Yê-su Sươq Cuyal Cóp Dỡq
(*Mathia 8:23-27; Luca 8:22-25*)

³⁵ Tangái ki toâq nhứm-nhứm Yê-su atỡng tốp rien tễ án neq: "Hái yang coah tooh ki ẽn."

³⁶ Chơ alóit loỏh tễ cũai clứng, cốp asuoi Yê-su na tuoc. Bữn sa-ữi tuoc canỗh pởq tẻ. ³⁷ Ma ntun ki bữn cuyal rapuq, cốp đợc lampóh hập lứq lampoáp tâng tuoc. Đợc lampóh pardáih amut mán ẽ đợp tuoc. ³⁸ Yê-su bẻq tacỗl racỗl pở soi tuoc ki. Yỗu án amoaish án cốp pai neq: "Thâi ơi! Thâi tở bữn croỏq hái cheq ẽ cuchĩt tở?"

³⁹ Yê-su yuor tayứng sươq cuyal cốp atỡng đợc clóng neq: "Ớt o! Mới chổi canoâq noâng!"

Chơ cuyal tangút, cốp cõt ien khẻ loah. ⁴⁰ Chơ án blớh alóit neq: "Nỏq anhia ngcỏh? Nỏq anhia noâng tở yũah sa-âm?"

⁴¹ Ma alóit ki sâng dớt tâng mút. Chơ manoaq blớh manoaq neq: "Cũai nâi la noau? Nỏq cuyal cốp đợc ma tẻq án!"

5

Yê-su Tuih Aloỏh Yiang Sâuq Tễ Tở Cũai

(*Mathia 8:28-34; Luca 8:26-39*)

¹ Vớt Yê-su cốp tốp rien tễ án khoiq tacáng clóng Cali-lẻ, alóit toâq pở tor cruang Yẻ-rasẻ. ² Tữ Yẻ-su sẻng tẻ tuoc, bo ki toâp bữn manoaq samiang ca yiang sảuq payỏh loỏh tẻ clổm cumuiq, cốp án toâq pở Yẻ-su. ³ Án ớt loâng tâng clổm cumuiq. Tở bữn noau tẻq sacáp án noâng toâq sải-sỏ. ⁴ Sa-ữi trỏ chơ noau sacáp sải-sỏ cốp clửong toâq panũar tâng tở án. Ma án táq sải-sỏ rakiaq nheq, cốp panũar la ta-ỏh nheq. Tở bữn noau tẻq kĩaq án noâng. ⁵ Sadâu cốp tangái án ớt níc tâng clổm cumuiq cốp tâng cớh. Án hẻ níc, cốp án chĩc tở án toâq tamáu yỗn bớc. ⁶ Ma tữ án hửm Yẻ-su tẻ yờng, án lủh toâq pở Yẻ-su. Án

sacõh racól yáng moat Yê-su. ⁷ Án hẽ casang lứq neq: “Ntróu anhia yoc ẽ táq chók cứq, Yê-su? Anhia la Con Yiang Sursĩ, án ca sôt clũi nheq tẽ canõh. Cứq sêq anhia yáng moat Yiang Sursĩ, chõĩ táq tõi q bap cứq.”

⁸ Án pai ngkíq yuaq án khoi q sâng chơ Yê-su ón án neq: “Yiang sâuq oi! Mới loõh chíq tẽ tũ cũai nãi.”

⁹ Chơ Yê-su blớh án: “Ntróu ramứh mới?”

Yiang sâuq ki ta-õi: “Hếq chũng lứq. Ngkíq ramứh cứq la Poâl.”

¹⁰ Cũai ca bữn yiang sâuq ki sêq tẽ Yê-su, chõĩ tuih yiang sâuq tẽ cruang ki. ¹¹ Cheq ki bữn cóh, bữn muoi cantóh alic õt chuaq cha. ¹² Ngkíq máh yiang sâuq ki sêq tẽ Yê-su neq: “Yõn hếq mut tâng cantóh alic ki.”

¹³ Yê-su yõn alóĩ mut. Ngkíq yiang sâuq loõh tẽ tũ cũai ki, chơ mut tâng cantóh alic ẽn. Cantóh alic ki lúh cháĩ lứq tẽ leh tarhar cớp pống chu cóng đợq, chơ cuchĩt clooc nheq. Alic ki sám bar ngin lám.

¹⁴ Máh cũai bán alic lúh achu pỡ vil, atõng yóu tâng vil cớp yóu ca õt pỡ rapoq sarái tẽ máh ranáq alóĩ khoi q hữm. Máh cũai ki toâq salĩq, ntróu ca táq cớp máh alic. ¹⁵ Tũ alóĩ toâq pỡ Yê-su, alóĩ hữm cũai bữn poâl yiang sâuq payõh tẽ nhũang, õt tacu pỡ ki. Án tác tampác cớp tỡ bữn yúh noâng. Ngkíq alóĩ sâng ngcõh lứq. ¹⁶ Máh cũai ca hữm Yê-su táq chók cũai bữn yiang sâuq cớp chók tốp alic, alóĩ ki atõng yõn cũai canõh dáng tê.

¹⁷ Chơ máh cũai ki sêq Yê-su loõh tẽ cruang alóĩ. ¹⁸ Ngkíq Yê-su chõn loah tâng tuoc sĩa. Bo ki toâp cũai bữn yiang sâuq tẽ nhũang ki toâq pỡ Yê-su, cớp sêq pỡq cớp Yê-su tê. ¹⁹ Ma Yê-su tỡ

yõn án pỡq, cớp atõng án neq: “Mới chu pỡ đống mới. Mới atõng yõn yóu mới dáng tê tẽ máh ranáq Ncháu khoi q táq yõn mới, cõ án sarũiq táq mới.”

²⁰ Ngkíq cũai ki chu. Án atõng yõn máh yóu án tâng cruang De-ca-palõt dáng tẽ ranáq Yê-su khoi q táq chuai án. Nheq tũh alóĩ sâng dốt lứq.

Yê-su Táq Bán Con Mansẽm Yaru Cớp Mansẽm Canõh Ca Satoaq Au Tuar Án

(*Mathia 9:18-26; Luca 8:40-56*)

²¹ Vót ki Yê-su chõn tâng tuoc cớp pih loah pỡ tor yáng ki. Tũ Yê-su toâq pỡ tor, bữn chũng lứq cũai toâq pỡ án. ²² Bữn manoaq samiang ndõm muoi đống sang tốp I-sarel, ramứh Yaru. Án sacõh racól cớp pũp cheq ayũng Yê-su.

²³ Án sêq cucõh Yê-su neq: “Con mansẽm cứq a-ĩ tráuq lứq cheq cuchĩt chơ. Cứq sêq thài toâq satoaq aũ tâng tũ án yõn án cõt bán cớp tềq tamoong.”

²⁴ Ngkíq Yê-su pỡq cớp án. Chũng cũai canõh puai Yê-su tê. Alóĩ õt chũop nheq tũ Yê-su, cớp alóĩ nết án hỡ.

²⁵ Bữn manoaq mansẽm bữn a-ĩ toõh siet khoi q muoi chít la bar cumo chơ, ma aham tỡ nai yót.

²⁶ Án khoi q pỡq ramóh sa-ũĩ nác cũai cớp chũuq sa-ũĩ ramứh alóĩ palai án. Án pút nheq práq đợq chõng rahâu, ma tỡ hữm khaq ntróu. Cớp án a-ĩ hõn tẽ nhũang ẽn. ²⁷ Tũ án sâng noau táq ntõng tẽ Yê-su, án pỡq õt mpũng dĩ cũai chũng ki. Án toâq õt yáng clĩ Yê-su; chơ án satoaq tuoi q au tuar Yê-su. ²⁸ Án chanchóm neq: “Khân cứq satoaq tampác Yê-su, cứq lứq cõt bán.”

²⁹ Bo ki toâp aham yót, cớp án sâng tâng tũ án tỡ bữn a-ĩ noâng.

30 Yê-su dáng toáp chớc loõh tể tổ án yõn táq ranáq nâi. Ngkíq án pín nhêng cūai cứng, chơ blóh: “Noau satoaq au cứq?”

31 Tốp rien tể Yê-su ta-ôi: “Thâi hũm chơ cứng cūai nêh thâi. Nớq noâng thâi blóh: ‘Noau satoaq cứq?’”

32 Ma Yê-su luliaq nhêng chu máh cūai cứng ki yoc ẽ dáng noau satoaq au án. 33 Mansêm ki cangcoaih ngcõh lứq, yuaq án dáng cõ án satoaq tuoiaq au Yê-su án bữn cõt bán. Chơ án toáp pữ Yê-su, cớp pũp asẽng tổ án cheq ayũng Yê-su. Án atõng Yê-su tanoang lứq. 34 Chơ Yê-su atõng án neq: “Niang ơi! Cõ mới sa-âm, tổ mới cõt bán. Mới chu ien khẽ. Mới tở bữn cõt a-ĩ nneq noâng.”

35 Bo Yê-su noâng táq ntõng cớp mansêm ki, bữn cūai toáp tể dõng Yaru, án ca ndõm muoi dõng sang tốp I-sarel. Cūai ki atõng Yaru neq: “Con mansêm mới khoiq cuchĩt chơ. Nớq mới noâng pakhoq thâi?”

36 Ma Yê-su tở bữn ramíng tể santoiq alóit atõng. Án atõng Yaru neq: “Chõi ngcõh, mới sa-âm sâng.”

37 Vót ki Yê-su yõn Phi-er, Yacõ, cớp Yang la a-ẽm Yacõ, pớq nũng án. Máh cūai canõh Yê-su tở yõn pớq. 38 Tữ alóit toáp pữ dõng Yaru, Yê-su hũm cứng cūai nhiam atêh, cớp u-õi casang lứq. 39 Án mut tâng dõng, chơ án blóh alóit neq: “Nớq anhia nhiam u-õi casang lứq? Con ki tở bữn cuchĩt mỗ. Án bẽq sâng.”

40 Ma alóit ayê ra-ac Yê-su. Ngkíq Yê-su tuih aloõh nheq alóit tể dõng. Án dũng mpiq mpoaq mansêm ki cớp tốp rien tể án mut chu ntõq noau dõq cumuiq

ki. 41 Án tếc atĩ amõq ki, cớp pai chóq amõq ki neq: “Tali-tha cumi.” Santoiq nâi parlong loah la neq: “Amõq ơi! Mới yuor tayũng!”

42 Bo ki toáp amõq ki yuor tayũng. Cớp tẽq án pupõq. Anhúq án bữn muoi chít la bar cumo. Máh cūai õt ngki sâng dót lứq tữ alóit hũm amõq ki bữn tamooing loah. 43 Ma Yê-su patáp alóit neq: “Chõi atõng ranáq nâi yõn cūai canõh dáng. Anhia ỉt crõng sana yõn amõq nâi cha.”

6

Cūai Tâng Vil Na-sarêh Tở Bữn Yám Yê-su

(*Mathia 13:53-58; Luca 4:16-30*)

1 Vót ki Yê-su loõh tể ntõq ki, chu loah pữ vil án, la vil Na-sarêh. Tốp rien tể án pớq nũng án tẽ.

2 Toáp Tangái Rlu án pớq atõng tâng dõng sang tốp I-sarel. Nheq tũh cūai ca tamũng án atõng sâng dót lứq. Alóit rablõh neq: “Tẽ léq cūai nâi bữn santoiq nneq? Nớq án bữn óc rangoaiq sa-ũĩ lứq? Cớp án táq sa-ũĩ ranáq salêh.”

3 Cớp alóit pai ẽn: “Lứq ma tở bữn, án nâi la cūai Chiang táq pian, con Mari, ai alóit Yacõ, Yô-sê, Yude,* cớp Si-môn? Cớp amuaq án õt nũng hái tẽ.”

Chơ alóit mumat Yê-su, cõ alóit sâng ũan lứq án atõng ngkíq.

4 Yê-su atõng alóit neq: “Khân bữn manoaq cūai tang bõq Yiang Sursĩ pớq atõng tâng vil canõh, máh cūai tâng vil ki lứq yám noap án. Ma khân án atõng tâng vil án bữm, tâng sâu án bữm, cớp tâng dõng sũ án bữm, alóit ki tở bữn yám noap án.”

5 Ngkíq Yê-su tở tẽq táq sa-ũĩ ranáq salêh tâng vil án. Ma án satoaq atĩ tâng pái põn náq cūai

* 6:3 6:3 Yude nâi noau dõq Yuda hõ.

a-ĩ, cốp táq yõn alóĩ cõt bán. ⁶ Yê-su sâng dốt lứq yuaq cũiai táng vil ki tở bữn sa-âm. Chơ án pợq atõng máh vil mpêr ki ên.

Yê-su Ớn Tộp Muoi Chít La Bar Náq Pợq Atõng
(*Mathia 10:5-15; Luca 9:1-6*)

⁷ Yê-su arô tộp muoi chít la bar náq rien tễ án; cốp án ớn alóĩ pợq chu nâi pợq chu tít, bar náq pợq parnoi muoi rana. Án yõn alóĩ bữn chóc tuih yiang sâuq. ⁸ Án patâp alóĩ neq: “Anhia chõĩ dững cớng ntróu. Chõĩ dững cớng sana; chõĩ poac tũĩ; cốp chõĩ chóc práq táng toai. Anhia dững manoaq muoi ntreh ralõng sâng. ⁹ Cõp, têq anhia sóp. Ma chõĩ sóp bar ploah au.”

¹⁰ Chơ án patâp alóĩ ên neq: “Toâq anhia mut táng muoi vil, anhia ớt muoi đống sâng toau toâq tangái anhia loõh tễ vil ki. ¹¹ Khân anhia mut táng vil, ma noau tở bữn roap cốp tabõp tabéh o anhia cốp noau tở êq tamúng santoiq anhia, toâq anhia loõh tễ vil ki, cóq anhia trutrêh phõn cutêq tễ ayững. Ranáq nâi cõt tếc cũiai táng vil ki tở bữn roap anhia.”

¹² Ngkíq muoi chít la bar náq loõh tễ ki. Alóĩ atõng máh cũiai cóq alóĩ ngin lóih lêq cõt mút tamái ên. ¹³ Alóĩ tuih aloõh sa-ũĩ yiang sâuq. Cốp alóĩ atia đợq nsểng o-li-vê táng sa-ũĩ tở cũiai a-ĩ yõn alóĩ cõt bán.

Hê-rôt Cachĩt Yang, Án Ca Táq Batẽm
(*Mathia 14:1-12; Luca 9:7-9*)

¹⁴ Puo Hê-rôt khoiq sâng tễ máh ranáq alóĩ táq, yuaq ramúh Yê-su cõt trởh la-ũt la-ũĩ cu vil. Bữn cũiai pai neq: “Yang ca đợq táq batẽm, khoiq yuor tamooing loah

tễ ping. Yuaq ngkíq án bữn chóc têq táq sa-ũĩ ranáq salêh.”

¹⁵ Ma bữn cũiai canõh pai neq: “Án la Ê-li.”

Bữn cũiai canõh ên pai: “Án la manoaq cũiai tang bõq Yiang Sursĩ, samoat cũiai tang bõq Yiang Sursĩ tễ mbốq tễ.”

¹⁶ Ma tở Hê-rôt sâng noau atõng tễ Yê-su, án pai neq: “Yang khoiq cứq ớn noau cõh tacong tễ nhũang, sanua án tamooing loah.”

¹⁷ Hê-rôt pai ngkíq, yuaq án khoiq yõn tahan cốp Yang, cốp chóc táng cuaq tũ. Án táq ngkíq cõ tian Hê-rô-dia, lacuoi án, sâng ũan lứq chóc Yang. Dâu lứq Hê-rô-dia nâi la lacuoi Phi-lip, a-êm Hê-rôt. Ma Hê-rôt ít mansẽm ki táq lacuoi án ên. ¹⁸ Yang khoiq atõng Hê-rôt neq: “Yiang Sursĩ tở êq mới ít lacuoi a-êm mới.”

¹⁹ Cõ ngkíq Hê-rô-dia sâng ũan lứq chóc Yang, cốp án ẽ cachĩt Yang. ²⁰ Ma án tở têq, yuaq Hê-rôt ngcõh Yang, cõ án dáng Yang la cũiai tanoang cốp tở bữn lóih. Ngkíq Hê-rôt đợq Yang yõn ớt ien khẽ. Tở Hê-rôt tamúng Yang táq ntõng, án cõt bar mút. Ma án yoc lứq tamúng máh santoiq Yang atõng.

²¹ Ma tangái Hê-rô-dia bữn táq Yang, la tangái Hê-rôt cha sanhữ mpiq canõt án. Ngkíq án táq muoi pêl toâr đợq cha bũĩ cốp máh cũiai sớt pũn án, sớt tahan, cốp cũiai bữn chóc lứq táng cruang Cali-lê. ²² Tở con mansẽm Hê-rô-dia mut pở clõng noau cha, án puan sarai. Hê-rôt cốp tamoi, alóĩ sâng bũĩ lứq tễ con Hê-rô-dia puan. Ngkíq Hê-rôt atõng mansẽm ki neq: “Ntróu mới yoc ẽ bữn, mới sêq tễ cứq. Cứq lứq yõn mới aki.”

²³ Hê-rôt thẽ dũan cốp mansẽm ki neq: “Ntróu mới sêq tễ cứq,

cứq yõn mới ramúh ki. Khân mới yoc ẽ bữn muoi saráh cruang cứq, la cứq yõn mới.”

²⁴ Mansẽm ki loõh tẽ ki, pỡq blớh mpiq án: “Ramúh ntrớu mới yoc cứq sểq tẽ án?”

Mpiq án ta-õi: “Mới sểq plỡ Yang ca đốq táq batẽm.”

²⁵ Mansẽm ki lúh pỡq sểq toáp tẽ puo Hê-rôt neq: “Cứq sểq plỡ Yang đốq táq batẽm. Sểq mới chốq plỡ án tâng padien sanua toáp.”

²⁶ Puo sâng ngua lứq, ma cũ án khoi q thể dũan yáng moat máh cũai tamoi, ngkíq án tỡ ẽq táh parnai án khoi q ừq cớp mansẽm ki. ²⁷ Chớ puo ớn tahan pỡq toáp đứng plỡ Yang toáp pỡ án. Tahan ki mut cõh tacong Yang tâng cuaq, ²⁸ chớ đứng achu plỡ Yang tâng padien. Hê-rôt đứng pỡ mansẽm ki, cớp mansẽm ki đứng achu yõn mpiq án.

²⁹ Từ máh tốp rien tẽ Yang sâng cõt ranáq ngkíq, alóí toáp ít tỡ Yang đứng tấp tâng ping.

Yê-su Siem Sõng Ngìn Náq Cũai (Mathia 14:13-21; Luca 9:10-17; Yang 6:1-14)

³⁰ Máh cũai ayũng atĩ, ca Yê-su khoi q ớn pỡq atõng tâng dũ vil tẽ nhũang, alóí pih chu loah pỡ Yê-su. Alóí atõng án tẽ nheq ranáq alóí khoi q táq, cớp nheq santoiq alóí khoi q atõng. ³¹ Yê-su atõng loah alóí neq: “Hái pỡq ống hái sâng chu ntốq tỡ bữn noau õt. Hái õt rlu ngki voai.”

Án pai ngkíq yuaq cứng lứq cũai luloah pỡq chu níc, toau alóí ốq dẽh chi-cha. ³² Chớ alóí chõn tâng tuoc ống alóí sâng, ẽ pỡq muoi ntốq tỡ bữn noau õt. ³³ Ma cứng cũai hữm alóí pỡq cớp saccoal alóí. Ngkíq máh cũai

ki lúh tẽ vil, pỡq crốq pỡ ntốq Yê-su ẽ toáp. ³⁴ Từ Yê-su sểng tẽ tuoc, án hữm cứng lứq cũai. Án sâng sarũiq táq chốq máh cũai cứng ki, yuaq alóí la samoát riang charán cũu ốq cũai mantán. Chớ án tabốq atõng alóí sa-ũĩ ramúh. ³⁵ Cheq moat mandang tahõr, tốp rien tẽ Yê-su toáp pỡ án, cớp atõng án neq: “Ntốq nài yong tẽ ntốq cũai õt, cớp moat mandang cheq sadâu. ³⁶ Sểq thài ớn máh cũai nài chu cớp mut tâng vil mpẽr nài đốq alóí chõng bữm crong sana cha.”

³⁷ Ma Yê-su atõng alóí neq: “Anhia toáp yõn alóí bữn crong sana cha.”

Ngkíq alóí blớh Yê-su: “Thài yoc hếq pỡq chõng sana toáp bar culám ốc práq† đốq bữn dũ yõn alóí cha tỡ?”

³⁸ Yê-su blớh loah alóí neq: “Sểq lám bẽng anhia bữn? Anhia pỡq nhẽng voai.”

Từ alóí nhẽng, alóí pai neq: “Hếq bữn sỡng lám bẽng cớp bar lám sĩaq.”

³⁹ Chớ Yê-su ớn tốp rien tẽ án tampẽq cũai cõt tốp, chớ yõn alóí tacu tâng bát sanlan. ⁴⁰ Ngkíq alóí tacu bữn sa-ũĩ tốp. Muoi tốp bữn muoi culám náq. Muoi tốp bữn sỡng chít náq. ⁴¹ Yê-su ít sỡng lám bẽng cớp bar lám sĩaq, chớ án tapoang achõn chu paloõng cớp sa-õn Yiang Sursĩ yõn bữn crong cha nài. Moâm ki án pih bẽng cớp chiau yõn tốp rien tẽ án tampẽq yõn máh cũai cha. Án tampẽq bar lám sĩaq hỡ yõn alóí cha. ⁴² Dũ náq cũai cha pasai nheq. ⁴³ Moâm alóí cha, tốp rien tẽ Yê-su parõm loah máh bẽng cớp sĩaq clũĩ tẽ alóí cha bữn muoi chít la bar crưo. ⁴⁴ Máh cũai carsai samiang

† 6:37 6:37 Tâng parnai Créc noau đốq ốc práq la ‘daniei’, cớp muoi ốc daniei la công noau tũhẽ muoi tangái.

ca cha bẽng ki, sám sỡng ngìn nác.

Yê-su Pờq Ayững Tâng Cloong Dỡq

(*Mathia 14:22-33; Yang 6:16-21*)

⁴⁵ Moâm ki Yê-su ớn tốp rien tễ án chõn tâng tuoc cớp pờq nhũang án pỡ tor yáng tooh ki pỡ vil Bet-sada. Chơ án ớn máh cũai clững ki chu pỡ vil alói. ⁴⁶ Vót alói chu, án chõn tâng cóh ẽ câu ngki. ⁴⁷ Toáq khoi q sadâu chơ tốp rien tễ Yê-su ớt tâng tuoc tâng mpững dĩ clóng. Ma Yê-su ớt manoaq án tâng cutêq. ⁴⁸ Yê-su hữm tốp rien tễ án voah tuoc túh coat lứq, yuaq cuyal ớt ploaq níc tuoc alói. Paloong cheq rưm-rưm chơ, Yê-su toáq pỡ alói. Án pờq ayững tâng cloong dỡq. Án táq nan pờq luat alói. ⁴⁹ Ma từ alói hữm án pờq ayững tâng cloong dỡq, alói chanchóm pai yang cumuiq; chơ alói hẽ casang lứq, ⁵⁰ yuaq dũ nác alói hữm nheq, cớp alói sâng ngcõh lứq. Ma bo ki toáp Yê-su pai chóq alói neq: “Yõn mút anhia ớt ien khẽ. Nâi la tỡ cừq. Chõi ngcõh ntróu.”

⁵¹ Chơ án chõn tâng tuoc ớt cớp alói tê, cớp cuyal tangúrt. Alói sâng dót lứq tâng mút, ⁵² yuaq alói tỡ bữn sapúh tễ ranác Yê-su táq bo án pĩh bẽng tangái nhũang ki. Mút alói noâng coang.

Yê-su Chuai Cũai A-ĩ Tâng Cruang Canê-saret

(*Mathia 14:34-36*)

⁵³ Chơ alói clong đờq ki toáq pỡ cruang Canê-saret, cớp alói chỏq tuoc tâng tor. ⁵⁴ Từ alói sỡng tễ tuoc, máh cũai saccoal toáp Yê-su. ⁵⁵ Chơ alói miar lúh chu vil alói, cớp dững cũai a-ĩ chóq tâng cantrang. Khân alói sâng Yê-su ớt pỡ ntóq aléq, alói dững chu ntóq ki. ⁵⁶ Pỡ ntóq léq Yê-su pờq, tam vil cót, vil toâr, tỡ la máh rapoq,

noau dững cũai a-ĩ parôm pỡ ntóq ki. Alói sỡq tễ Yê-su yõn máh cũai a-ĩ tềq satoaq chêu au tuar án. Aléq satoaq, tỡ án cõt bán.

7

Yê-su Atõng Tễ Rit Achúc Achiac

(*Mathia 15:1-9*)

¹ Bữn cũai tễ tốp Pha-rasi cớp cũai yống rit toáq tễ vil Yarusalem ớt rôm pẽr Yê-su. ² Alói hữm bữn cũai tễ tốp rien tễ Yê-su chi-cha ma tỡ bữn ariau atĩ puai phếp rit. ³ Tốp Pha-rasi cớp nheq máh cũai I-sarel, khân alói tỡ bữn ariau atĩ, alói tỡ bữn chi-cha. Ngkíq alói puai rit achúc achiac tễ mbỏq samoat lứq. ⁴ Từ alói chu tễ đõng, khân atĩ alói tỡ bữn ariau, ki alói tỡ tềq chi-cha. Cớp bữn sa-ữi rit canõh hỡ alói dỏq trĩh, ariang rit ariau adéh tangan. ⁵ Ngkíq máh cũai Pha-rasi cớp cũai yống rit blóh Yê-su neq: “Nỏq tốp rien tễ thâi tỡ bữn puai rit achúc achiac hái? Nỏq alói chi-cha ma tỡ bữn ariau atĩ puai phếp rit?”

⁶ Yê-su ta-õi alói neq: “Tễ mbỏq Ê-sai atõng khoi q pĩei q lứq tễ anhia la cũai táq nan sâng. Yiang Sursĩ ớn án chĩc neq:

‘Máh cũai nâi khẽn cừq óng bỏq sâng,
ma mút pahõm alói ớt yong tễ cừq.

⁷ Alói sang cừq, ma alói sang tỡ cõt ọc.

Alói atõng rit cớp phếp rit cũai chõng aloõh sâng.’ ”

⁸ Cớp Yê-su atõng ễn neq: “Anhia khoi q táh máh ngê Yiang Sursĩ ma anhia yống pacái lứq máh phếp rit cũai.”

⁹ Chơ Yê-su achũor alói neq: “Pĩei q ớq! Cừq hữm anhia táq o lứq táh chíq ngê Yiang Sursĩ. Ma anhia yống phếp rit cũai pacái

lứq. ¹⁰ Mòi-se khoiq atõng chơ neq:

‘Cóg anhia yám noap mpiq mpoaq anhia. Khân cūai aléq ma lóc acrieiq mpiq mpoaq, cūai ki cóq chiũq cuchit.’[✧]

¹¹ Ma anhia atõng tẽq noau pai chóg mpiq mpoaq neq: ‘Máh ramúh cừq tẽq chuai anhia, ki cừq khoiq “cô-ban” chơ.’ (Santoiq ‘cô-ban’ parlong loah la ‘khoiq ữq sang yõn Yiang Sursĩ chơ.’)

¹² Anhia pai ngkíq, la anhia tở yõn cūai nâi chuai mpiq mpoaq án. ¹³ Ngkíq anhia khoiq táh chơ santoiq Yiang Sursĩ, ma anhia patõng níc rit anhia bũm. Cóp anhia táq sa-ữi ranáq ngkíq tẽ.”

Ntróu Táq Yõn Cūai Cốt Sâuq
(*Mathia 15:10-20*)

¹⁴ Moâm ki Yê-su arô loah cūai chừng yõn toâq pở án. Cóp án atõng alóí neq: “Nheq tữh anhia cóq tamứng cừq. Cóq anhia dáng yõn raloaih. ¹⁵ Túc ramúh máh cớng tẽ yáng tiah tở bữn táq yõn cūai cốt lóih. Ma ngê ca loõh tẽ mút cūai táq yõn cūai cốt lóih. ¹⁶ Aléq bữn cutừ yoc ẽ tamứng, ki tamứng.”*

¹⁷ Tữ Yê-su loõh tẽ cūai chừng, chơ mut tâng dớng, tốp rien tẽ án blóh án tẽ parnai sacâm ki. ¹⁸ Yê-su blóh loah alóí neq: “Nỏq anhia tở yũah sapúh sĩa? Anhia dáng ma tở bữn, cớng sana tẽ yáng tiah mut tâng púng tở nai táq yõn cūai cốt sâuq? ¹⁹ Lứq samoât cớng ki tở bữn mut tâng mút. Ma án mut tâng púng sâng, chơ loõh na parnởq.”

²⁰ Cóp Yê-su atõng ẽn neq: “Ngê ntróu ca loõh tẽ mút cūai, ngê ki táq yõn cūai cốt sâuq. ²¹ Yuaq ngê loõh tẽ mút cūai la neq: chanchóm ranáq sâuq, tở bữn

lacuoi cayac ma bẻq parnởi, tu-tuoiq, cachit cūai, ²² cooc lacuoi tở la cayac noau, ham cớng yóu, táq pampła, cakéq, táq tanghang, sa-on cumíq, lóc acrieiq, ẽq noau khẽn ẽq noau yám, cóp táq yúh-yúh. ²³ Nheq tữh máh ranáq lóih nâi loõh tẽ mút cūai cóp táq yõn cūai cốt sâuq.”

Manoaq Mansẽm Sa-âm Lứq
(*Mathia 15:21-28*)

²⁴ Moâm Yê-su pai ngkíq án loõh tẽ ki, pởq chu cruang pẽr vil Ti-rơ cóp vil Sadôn. Án mut tâng muoi dớng. Án tở ẽq cūai canỏh dáng án ỏt pở ki, ma án tở tẽq cutooq tở án. ²⁵ Bữn mansẽm toâq ap muoi tatúp cheq ayững án. Mansẽm nâi khoiq sâng tẽ ranáq Yê-su táq, cóp án bữn muoi lám con mansẽm bữn yiang sâuq payỏh. ²⁶ Mansẽm ki la cūai Créc, khoiq canỏt tâng cruang Si-ri Phê-nasi. Án sẻq Yê-su tuih aloỏh yiang sâuq tẽ tở con án. ²⁷ Ma Yê-su ta-ỡi án neq: “Pĩeiq lứq la cóq yõn carnẽn chi-cha moâm voai. Tở pĩeiq ỉt cớng sana carnẽn, chơ tởi yõn acho cha.”

²⁸ Mansẽm ki ta-ỡi Yê-su: “Lứq pĩeiq Ncháu pai. Ma acho tẽq cha máh rabẻq rayal sarũoi pũn cachớng cha.”

²⁹ Chơ Yê-su atõng mansẽm ki neq: “Yuaq mới pai ngkíq, sanua tẽq mới chu. Yiang sâuq khoiq loõh chơ tẽ tở con mới.”

³⁰ Ngkíq mansẽm ki chu pở dớng. Án hữm con án bẻq tâng cachớng. Cóp yiang sâuq khoiq loõh chơ tẽ tở con án.

Yê-su Táq Bán Cūai Túng Cóp Plỏq

³¹ Moâm ki Yê-su loõh tẽ raloan cutẻq vil Ti-rơ. Án pởq luat

✧ 7:10 7:10 Loõh Tẽ Ê-yip-tỏ 20:12; 21:17; Patáp Loah 5:16; Lê-vi 20:9 * 7:16 7:16 Sa-ữi tám saráq tiaq tở bữn bữn rana 16 nâi.

vil Sadôn, cốp án pha cruang De-ca-palot toaq pở clóng Cali-lê. ³² Noau đưng atoaq pở án manoaq cūai cutừ túng cốp bỗq plốq. Alói sễq Yê-su satoaq atĩ tâng tở cūai ki yỗn án têq bán nheq. ³³ Yê-su đưng aloỏh ỏng manoaq cūai ki tễ cūai lứng; chơ án chūaiq bar coah ndêm atĩ tâng hống cutừ cūai ki. Cốp Yê-su cuchia cốp atia đởq viaq tâng lieih cūai ki. ³⁴ Chơ Yê-su tapoang achỗn chu paloỏng. Án tangủh cusỏh, chơ án atỏng cūai ki neq: “Ep-phata.” Sautoiq nài parlong loah la: “Cốq pớh chíq!”

³⁵ Bo ki toạp cutừ cūai ki têq sâng, cốp lieih án cởt lamên. Án têq táq ntỏng raloaih loah. ³⁶ Yê-su sươq alói chỏi atỏng yỗn cūai canỏh dáng. Ma tam Yê-su sươq alói máh léq, alói atỏng lứq-lớ máh ki ẻn. ³⁷ Alói sâng dớt lứq tâng mút, cốp alói pai neq: “Máh ranáq án táq la o nheq. Án táq yỗn cūai túng têq sâng, cốp cūai plốq têq táq ntỏng.”

8

Yê-su Siem Pỏn Ngìn Náq (*Mathia 15:32-39*)

¹ Tâng máh tangái ki cūai chửng toaq sĩa pở Yê-su. Yuaq alói ỏq cớng sana cha, ngkíq Yê-su arỏ tốp rien tễ án toaq pở án, cốp atỏng alói neq: ² “Cứq sâng sarủiq táq lứq cūai chửng nài, yuaq alói ỏt cốp cứq khoiq pái tangái chơ, ma alói ỏq cớng sana cha. ³ Khân cứq ỏn alói chu pở đớng alói, ma púng alói khoiq panhieih, ngkếq alói dớm veq tâng rana, yuaq sa-ủi náq tễ alói toaq tễ vil yớng.”

⁴ Tốp rien tễ án blớh loah án neq: “Nỏq hái ẻ táq đởq bữn cớng sana siem máh cūai nài yỗn

cha pasái, yuaq ntỏq nài yớng lứq tễ vil cūai ỏt?”

⁵ Yê-su blớh loah alói: “Sễq lám bễng anhia bữn?”

Alói ta-ỏi: “Tapul lám.”

⁶ Chơ Yê-su ỏn nheq tữh cūai tacu tâng cutễq. Án ỉt tapul lám bễng ki, cốp án sa-ỏn Yiang Sursĩ yỗn bữn cớng cha nài. Moâm ki án pĩh bễng cốp avơi yỗn tốp rien tễ án tampễq yỗn máh cūai cha. Chơ tốp rien tễ án tampễq yỗn máh cūai ki. ⁷ Alói bữn bar pái lám sĩaq cacỏt hỡ. Yê-su sa-ỏn Yiang Sursĩ yỗn bữn cớng sana nài, chơ án ỏn tốp rien tễ án tampễq sĩaq hỡ. ⁸ Toaq nheq tữh cūai cha pasái, tốp rien tễ Yê-su parỏm loah cớng sana clũi tễ alói cha, bữn poán loah tapul cruo. ⁹ Máh cūai carsai samiang tâng ntỏq ki bữn sám pỏn ngìn náq. Chơ Yê-su ỏn cūai chửng ki chu loah pở đớng alói. ¹⁰ Vớ t ki án chỏn tâng tuoc cốp tốp rien tễ án, cốp alói pởq chu cruang Dal-manu-tha ẻn.

Tốp Pha-rasi Blớh Tể Tễ Yê-su
(*Mathia 12:38-40; Luca 12:54-56; 16:1-4*)

¹¹ Bữn cūai tễ tốp Pha-rasi toaq pở Yê-su rasuon cốp án. Alói sễq tễ Yê-su muoi tểc salẻh yoc ẻ dáng chớc án toaq tể Yiang Sursĩ, ma tở bữn. Alói yoc ẻ chim Yê-su. ¹² Yê-su tangủh cusỏh, chơ án ta-ỏi alói neq: “Nỏq cūai tâng đời nài chuaq níc tểc salẻh tể cứq? Cứq atỏng anhia samoát lứq, cứq tở bữn yỗn cūai ỏt tâng đời nài bữn tểc ntrừu.”

¹³ Moâm án pai ngkíq, chơ án loỏh tễ alói. Án chỏn loah tâng tuoc clong chu tor yáng ki.

Yê-su Atỏng Tể Ranáq Hê-rỏt
Cốp Tốp Pha-rasi
(*Mathia 16:5-12*)

¹⁴ Tốp rien tể Yê-su khlĩr dững bễng. Alói bữn ống muoi lám bễng sâng tâng tuoc. ¹⁵ Chơ Yê-su sươq alói neq: “Cóg anhia ốt yỗn khêuq. Cóg anhia ốt yớng tể crơng táq yỗn bễng mi cõt pluoih tể tốp Pha-rasi cốp tể Hê-rôt.”

¹⁶ Ngkíq alói manoaq táq ntớng cốp manoaq neq: “Án atớng ngkíq yuaq hái tở bữn bữn bễng.”

¹⁷ Yê-su sâng alói pai ngkíq, chơ án blớh alói neq: “Nốq anhia ốt táq ntớng pai hái tở bữn bễng cha? Nốq anhia noàng tở yũah sâng, tở yũah dáng sĩa? Mứt anhia noàng coang tở?” ¹⁸ Nốq anhia bữn moat, ma tở bữn hữm? Anhia bữn cutũr, ma tở bữn sâng? Anhia sanhữ ma tở bữn? ¹⁹ Bo cứq pĩh sớng lám bễng, chơ siem sớng ngin náq, sếq crưo anhia parôm loah tể máh ngcáh anhia cha?”

Alói ta-õi án neq: “Muoi chít la bar crưo.”

²⁰ Yê-su blớh sĩa: “Cốp bo cứq pĩh tapul lám bễng, chơ siem pỗn ngin náq, sếq crưo anhia parôm loah máh ngcáh anhia cha?”

Alói ta-õi án neq: “Tapul crưo.”

²¹ Yê-su blớh loah alói neq: “Anhia sapúh ma tở yũah?”

Yê-su Táq Bán Manoaq Cũai Sũt

²² Vót ki alói toàq pở vil Bet-sada. Noau dững atoàq pở Yê-su manoaq cũai sũt, cốp alói sếq Yê-su satoaq án. ²³ Yê-su tếc atĩ cũai sũt ki cốp dững án loỏh yáng tiah vil. Moâm ki Yê-su pruih đởq viaq tâng moat cũai sũt cốp satoaq tở án, chơ blớh cũai sũt ki neq: “Mới hữm ntróu tở?”

²⁴ Cũai ki tangỏq achỗn, chơ án ta-õi neq: “Cứq hữm cũai pupỏq. Ma cứq hữm alói tở raloaih, ari-ang pai aluang pupỏq tứng-tooc.”

²⁵ Yê-su satoaq atĩ án tâng moat cũai sũt ki muoi trỗ ển. Ngkíq

cũai ki nhềng cloàn. Moat án cõt poang loah, cốp án hữm raloaih dũ ramứh. ²⁶ Yê-su ốn án chu loah pở đớng, cốp patập án neq: “Chỏi atớng yỗn cũai tâng vil dáng tể ranáq nãi.”

Yê-su Atớng Tể Án Chũuq Cuchũt

(*Mathia 16:13-23; Luca 9:18-21*)

²⁷ Vót ki Yê-su pởq loah cốp tốp rien tể án. Alói mut máh vil tâng cruang Sê-sarê Phi-líp. Bo alói pởq tâng rana, Yê-su blớh tốp rien tể án neq: “Cũai đốq pai cứq la noau?”

²⁸ Alói ta-õi án neq: “Bữn cũai pai thài la Yang đốq táq batểm. Bữn cũai pai thài la Ê-li. Cốp bữn cũai canỏh ển pai thài la manoaq tang bỗq Yiang Sursĩ.”

²⁹ Yê-su blớh alói ển neq: “Ma anhia pai cứq la noau?”

Phi-er ta-õi án: “Thài la Crít, án ca Yiang Sursĩ rươh đốq chuai amoong cũai.”

³⁰ Chơ Yê-su patập alói tở yỗn cũai canỏh dáng ốc nãi. ³¹ Moâm ki Yê-su tabỏq atớng tốp rien tể án neq: “Chumat cứq Con Yiang Cốt Cũai cóq chũuq sa-ữi ramứh túh coat. Cũai sớt nheq sấu, máh cũai sớt tốp tểng rit sang Yiang Sursĩ, cốp máh cũai yớng rit, alói ể kết lứq cứq cốp cachũt cứq. Ma vót pái tangái cứq tamoong loah.”

³² Yê-su atớng parnai nãi raloaih lứq. Moâm ki, Phi-er yỗn Yê-su loỏh táq ntớng cốp án; chơ án sươq Yê-su, tở yỗn án táq ntớng ngkíq. ³³ Ma Yê-su luliaq nhềng chu tốp rien tể án, cốp án sươq Phi-er neq: “Ờ yiang Satan, mới ốt coah clĩ cứq! Mới tở bữn chanchỏm tể ngê Yiang Sursĩ. Mới chanchỏm tể ngê cũai sâng.”

Táq Nốq Yoc Ể Tamoong Mantái
(*Mathia 16:24-28; Luca 9:23-27*)

³⁴ Moâm ki Yê-su arô cūai chững cốp tốp rien tễ án toâq pở án. Án atông alóí neq: “Khân cūai aléq ma yoc ẽ puai cúq, cóq án táh chíq ngê án bữm. Cóq án ít dôi aluang sangcáng án bữm, cóp cóq án puai cúq. ³⁵ Cūai aléq ma paséq rangúh án bữm, rangúh cūai ki lứq pút. Ma cūai aléq ma chũuq pút rangúh án cồ tian ngê cúq cóp parnai o tễ cúq, rangúh cūai ki lứq tở nai pút. ³⁶ Khân cūai aléq bữn túc palẽc crong cróu tâng dôi nâi, ma án táh chíq rangúh án bữm, ntróu la kia yỗn án? ³⁷ Cốp acán ntróu cūai têq ralêq loah yỗn rangúh án? ³⁸ Cūai tâng dôi nâi tở ẽq sang Yiang Sursĩ, cóp alóí bữn lôi h sa-ữi. Khân cūai aléq ma casiet táq tễ cúq cóp tễ parnai cúq yáng moat cūai tâng dôi nâi, ki nỡ-ra cúq, Con Yiang Cốt Cūai, casiet táq cūai ki tễ, tâng tangái cúq toâq loah parnoi cóp máh ranẽng Yiang Sursĩ. Tangái ki cúq bữn chóc ang-ữr tễ Mpoaq cúq.”

9

¹ Yê-su atông alóí ẽn neq: “Cúq atông anhia samoát lứq, bữn cūai ốt tayúng ntóq nâi sanua, alóí tở yũah cuchit toau toâq alóí bữn hữm Yiang Sursĩ táq sôt cóp bữn chóc lứq.”

Roáp Yê-su Cốt Mpha Ẽn
(*Mathia 17:1-13; Luca 9:28-36*)

² Vót tapoát tangái, Yê-su dững Phi-er, Yacõ, cóp Yang chõn cóp án tâng cóh cuti. Ông alóí pỏn náq toáp ốt ngki. Chơ Yê-su samblót cõt roáp mpha ẽn yáng moat alóí pái náq ki. ³ Tampác Yê-su cõt cloc claq sarbal moat. Tở bữn noau têq táq aroâiq cloc ariang aroâiq ki. ⁴ Chơ alóí hữm Ê-li cóp Mõi-se ốt ngki tễ. Alóí táq ntông cóp Yê-su. ⁵ Phi-er atông Yê-su neq: “Thâi ơi! Hái ốt nâi la o lứq.

Hếq ẽ táq pái lám nloâh, muoi lám yỗn thâi, muoi lám yỗn Mõi-se, cóp muoi lám ẽn yỗn Ê-li.”

⁶ Ma Phi-er chuaq pai tở cõt ốc, yuaq alóí pái náq sâng ngcõh lứq. ⁷ Chơ ramúl sễng cũom catáng alóí. Cốp bữn sường sabau atông tễ ramúl ki neq: “Nâi la Con cúq, án ca cúq ayoq lứq. Ntróu án atông, cóq anhia tamúng cóp trĩh án.”

⁸ Bo ki toáp alóí pái náq carlang nhêng chu nâi chu ki, ma alóí tở bữn hữm noau noâng, ống manoaq Yê-su toáp ốt cóp alóí.

⁹ Bo alóí sễng tễ cóh, Yê-su patáp alóí neq: “Máh ranáq anhia khoiq hữm ki, chõi atông yỗn cūai canõh dáng tễ nhũang cúq, Con Yiang Cốt Cūai, cuchit, chơ tamooq loah tễ ping.”

¹⁰ Ngkíq alóí trĩh parnai Yê-su patáp. Ma alóí manoaq blóh manoaq: “Ntróu án pai, án tamooq loah tễ ping?”

¹¹ Chơ alóí blóh Yê-su neq: “Nốq cūai yống rit pai Ê-li cóq toâq nhũang Cốt?”

¹² Yê-su ta-õi alóí neq: “Ê-li lứq toâq nhũang đởq atúc dũ ramúh yỗn cõt tamái loah. Khân ngkíq, nốq parnai Yiang Sursĩ khoiq chĩc atông tễ Con Yiang Cốt Cūai cóq chũuq sa-ữi ramúh túh coat cóp noau tở bữn yám noap án? ¹³ Ma cúq atông anhia, lứq Ê-li khoiq toâq chơ. Ma ranáq ntróu noau yoc ẽ táq chóc án, alóí khoiq táq chơ; cõt rapĩeq parnai noau khoiq chĩc nhũang tễ án.”

Yiang Sâuq Payõh Con Samiang
(*Mathia 17:14-21; Luca 9:37-43a*)

¹⁴ Tở Yê-su cóp pái náq ki chu loah pở yóu alóí, alóí hữm bữn chững cūai toâq rôm mpẻ tốp rien tễ Yê-su. Cốp bữn cūai yống rit rasuon cóp alóí. ¹⁵ Tở

cūai chững ki hữm Yê-su, alóí santar cốp lủh chu án, chơ cubán cusũan án. ¹⁶ Yê-su blóh alóí neq: “Ntróu anhia rasuon cốp tốp rien tể cứq?”

¹⁷ Bữn manoaq tể cūai chững ki ta-õi neq: “Thâi ơi! Cứq dững con samiang cứq toâq pữ thâi yuaq bữn yiang sâuq táq yõn án cõt ngong. ¹⁸ Toâq yiang sâuq táq án, yiang ki atáih án tâng cutêq. Chơ rapooh loõh tể bỗq án, án carĩot canẽng tabang, cốp tồ chác án cõt coang nheq. Cứq khoiq canui tốp rien tể thâi yõn alóí tuih aloõh yiang sâuq ki, ma alóí tuih tở riap.”

¹⁹ Yê-su blóh loah alóí neq: “O anhia ca õt tâng dõi nâi ơi! Lứq anhia tở bữn sa-âm. Noâng máh léq dũn cứq õt cốp anhia? Noâng máh léq dũn cứq cóq chũuq cốp tanhĩr anhia tở bữn sa-âm. Âu, anhia dững con ki toâq pữ cứq.”

²⁰ Chơ alóí dững carnẽn samiang ki toâq pữ Yê-su. Tữ yiang sâuq hữm Yê-su, án carvút tưng-tooc carnẽn ki. Chơ carnẽn ki dóm tâng cutêq, cốp palóh tồ tưng-tooc. Cốp bữn rapooh loõh tể bỗq án hỡ. ²¹ Yê-su blóh mpoaq carnẽn ki neq: “Maléq dũn án a-ĩ ngkíq?”

²² Mpoaq ki ta-õi: “Tể án cõt cõt. Sa-ũi trỗ yiang sâuq bỗh án tâng ùih cốp amót án tâng dõq yõn án cuchĩt. Ma khân têq thâi táq ntróu, sêq thâi ayoq táq cốp chuai hêq nững.”

²³ Yê-su blóh loah án neq: “Nỗq mới pai, ‘Khân têq thâi táq ntróu?’ Khân cūai aléq lứq sa-âm, ramúh ntróu la têq nheq.”

²⁴ Bo ki toâp mpoaq ki pai casang lứq neq: “Lứq cứq sa-âm! Sêq thâi chuai cứq táh chíq mút tở bữn sa-âm!”

²⁵ Tữ Yê-su hữm chững cūai toâq talóm parnoi, án sũoq yiang sâuq

ki neq: “Yiang ca táq yõn án cõt ngong cốp tưng, cứq ón mới loõh tể tồ án, cốp chõi mut noâng.”

²⁶ Yiang sâuq ki hữ casang lứq cốp carvút con ki tưng-tooc, chơ loõh tể tồ án. Carnẽn ki samoât riang cuchĩt, cốp sa-ũi náq pai: “Án khoiq án cuchĩt chơ.”

²⁷ Ma Yê-su tếc yõn án yuor, chơ án yuor tayúng.

²⁸ Tữ Yê-su cốp tốp rien tể án mut tâng dõng, chơ tốp rien tể án blóh án neq: “Nỗq hêq tuih yiang sâuq ki tở riap?”

²⁹ Yê-su ta-õi alóí neq: “Khân anhia tở bữn câu samoât samoi, lứq anhia tở riap tuih yiang sâuq ariang án ki.”

Yê-su Atõng Loah Tể Án Cóq Chũuq Cuchĩt

(*Mathia 17:22-23; Luca 9:43b-45*)

³⁰ Chơ alóí loõh tể ntốq ki, cốp pữq luat cruang Cali-lê. Ma Yê-su tở êq cūai canõh dáng chu léq án ẽ pữq, yuaq án yoc atõng õng tốp rien tể án sâng. ³¹ Án atõng alóí neq: “Cheq noau ẽ chiau cứq, Con Yiang Cõt Cūai, pữ atĩ cūai sõt. Alóí ki lứq cachĩt cứq, ma vót pái tangái cứq tamoong loah.”

³² Tốp rien tể Yê-su tở bữn sapúh santoiq ki, ma alóí tở khõn blóh án tể ỏc ki.

Noau Toâr Clũi Nheq Tể Canõh?

(*Mathia 18:1-5; Luca 9:46-48*)

³³ Moâm ki alóí toâq pữ vil Cabêna-um. Toâq alóí mut tâng dõng, Yê-su blóh alóí neq: “Bo hái pữq tâng rana, ntróu anhia ratoai?”

³⁴ Ma alóí ki ravul sâng tở dáng ntróu ẽ ta-õi, yuaq bo alóí pữq tâng rana, alóí rasuon noau tể tốp alóí toâr clũi nheq tể canõh. ³⁵ Yê-su tacu cốp arõ muoi chíh la bar náq, chơ án atõng alóí neq: “Cūai aléq yoc ẽ táq sõt pững yóu, án

cóp cõt pũn yõu, cốp táq ranáq yõn nheq tũh cũai canõh.”

³⁶ Moâm ki Yê-su tếc manoaq carnẽn, cốp yõn carnẽn ki tayúng mpúng dĩ tốp rien tễ án. Chơ án ca-ữ carnẽn ki, cốp atõng alóí neq: ³⁷ “Cũai aléq ma roap manoaq carnẽn máh nài cõ án sa-âm cứq, cũai ki lứq roap cứq tẽ. Cốp cũai aléq roap cứq, tỡ cõn cũai ki roap õng cứq, ma cũai ki roap deh án ca ón cứq toáq pỡ nài.”

Cũai Aléq Ca Tỡ Bữn Par-ũal, Samoát Án Chuai Hái Tẽ
(Luca 9:49-50; Mathia 10:42)

³⁸ Chơ Yang atõng Yê-su neq: “Thài oi! Hếq khoiq hũm manoaq cũai tuih aloõh yang sáuq, cốp án taléq ramứh thài. Ma hếq tỡ yõn án táq noâng ranáq ngkíq, yuaq án tỡ bữn tễ tốp hái.”

³⁹ Ma Yê-su atõng loah án neq: “Anhia chõỉ catáng án, yuaq tỡ bữn cũai aléq ma tẽq táq ranáq salễh nhơ ramứh cứq, chơ mahõỉ ẽn táq ntõng tỡ o tễ cứq. ⁴⁰ Cũai aléq ma tỡ bữn sanũỉ hái, nài la riang án chuai hái tẽ. ⁴¹ Cứq atõng anhia samoát lứq, khân cũai aléq yõn anhia nguaiq muoi cachoc đõq yuaq anhia bữn muoi mút cốp Crít, lứq án ki tỡ bữn ỏq cõng tễ ranáq án táq.”

Yê-su Atõng Tễ Noau Radũng Cũai Canõh Táq Ranáq Sâuq
(Mathia 18:6-9; Luca 17:1-2)

⁴² “Khân cũai aléq ma radũng manoaq carnẽn ca khoiq sa-âm cứq, yõn tỡ bữn sa-âm noâng cứq, p̃ieiq lứq noau alễu tamáu toâr tâng tacong án, cốp apõng án tâng đõq mut, nhũang án ẽ radũng carnẽn ki calõih táh cứq. ⁴³ Khân atĩ anhia ma radũng anhia táq lỏih, cốp anhia cõh chíq

atĩ anhia. Khaq anhia õt tamoong cốp bữn mut tâng ntõq Yiang Sursĩ sõt, bữn atĩ talút, saláng bữn đũ bar coah atĩ ma anhia mut tâng põng sarloac. Tâng ntõq ki bữn ùih blữ tỡ nai pát. ⁴⁴ Cốp bữn mpang rooc cha sáiq cũai, ma mpang ki tỡ nai cuchít cốp ùih tỡ nai pát.* ⁴⁵ Khân ayũng anhia ma radũng anhia táq lỏih, cốp anhia cõh chíq ayũng anhia. Khaq anhia õt tamoong cốp bữn mut tâng ntõq Yiang Sursĩ sõt bữn ayũng talút, saláng bữn đũ bar coah ayũng ma Yiang Sursĩ voang anhia tâng põng sarloac. ⁴⁶ Tâng ntõq ki bữn mpang rooc cha sáiq cũai, ma mpang ki tỡ nai cuchít cốp ùih tỡ nai pát. ⁴⁷ Khân moat anhia ma radũng anhia táq lỏih, cốp anhia culáiq chíq moat anhia. Khaq anhia pút muoi ỏc moat ma bữn mut tâng ntõq Yiang Sursĩ sõt, saláng bữn đũ bar ỏc moat ma Yiang Sursĩ voang anhia tâng põng sarloac. ⁴⁸ Tâng ntõq ki bữn mpang rooc cha sáiq cũai, ma mpang ki tỡ nai cuchít cốp ùih tỡ nai pát.

⁴⁹ “Nữ-ra đũ náq cốp ramóh túh coat, nõq tẽq alóí cõt báq bĩq. ⁵⁰ Boi la crõng o. Ma khân boi cõt ntiah, nõq ẽ táq yõn cõt báq loah? Cốp anhia cõt samoát báq pachóc; cốp õt ratoi parnõi, cốp manoaq saryóq manoaq.”

10

Yê-su Atõng Tễ Cũai Táh Lacuoi

(Mathia 19:1-12; Luca 16:18)

¹ Vót ki Yê-su loõh tễ ntõq ki, pỡq chu cruang Yudê cốp cruang yáng tooh crõng Yô-dan. Bữn cũai cứng toáq pỡ án, cốp án atõng alóí machóng án đõq táq tễ nling sĩa. ² Bữn cũai tễ tốp Pharasi toáq blớh chim Yê-su. Alóí

* 9:44 9:44 Sa-ữĩ tâm saráq tiaq tỡ bữn bữn rana 44 cốp 46.

blóh án neq: “Puai phếp rit hái, têq cũai samiang táh lacuoi, ma tở bữn?”

³ Yê-su blóh loah alóí neq: “Ntróu Mòi-se patâp anhia?”

⁴ Alóí ta-ôi neq: “Mòi-se patâp hếq, khân cũai aléq yoc ẽ táh lacuoi, án cóq chĩc choaiq ratáh yỗn lacuoi án. Chơ têq án táh.”*

⁵ Ma Yê-su atởng alóí neq: “Cỗ tian anhia bữn mút coang lứq, yuaq ngkíq Mòi-se chĩc ốc patâp ki yỗn anhia. ⁶ Ma tễ dậu lứq, bo Yiang Sursĩ tễng nheq dũ ramứh, án tễng cũai samiang cóp cũai mansẽm.* ⁷ Yuaq ngkíq cũai samiang cóq yoah tễ mpiq mpoaq, ma ốt parnơi cóp lacuoi án. ⁸ Chơ bar nắq lacuoi cayac cõt máh muoi noaq sâng. Alóí tở bữn cõt noâng bar nắq. Ma alóí cõt máh manoaq sâng. ⁹ Ngkíq, khân Yiang Sursĩ amóh yỗn alóí cõt lacuoi cayac, tở têq cũai aléq caryoah alóí yỗn ratáh.”

¹⁰ Toaq Yê-su cóp tốp rien tễ án mut loah tâng đống, tốp rien tễ án blóh loah Yê-su tễ ranáq ki. ¹¹ Yê-su ta-ôi alóí neq: “Cũai aléq ma táh lacuoi, chơ ỉt lacuoi canõh ẽn, cũai ki la samoat án cooc lacuoi noau. ¹² Cóp khân lacuoi ma táh cayac, chơ ốt cóp cayac canõh ẽn, cũai ki la samoat án cooc cayac noau tê.”

Yê-su Câu Yỗn Carnẽn

(*Mathia 19:13-15; Luca 18:15-17*)

¹³ Vót ki noau đưng máh carnẽn toaq pở Yê-su ếq án satoaq atĩ tâng carnẽn ki. Ma tốp rien tễ Yê-su sươq cũai đưng carnẽn ki. ¹⁴ Toaq Yê-su hữm ngkíq, án nhôp tốp rien tễ án, cóp án atởng alóí neq: “Anhia yỗn carnẽn ki toaq pở cúq. Chõi catáng alóí,

yuaq tâng tốp Yiang Sursĩ sốt bữn ống cũai ca bữn mút pahõm samoat carnẽn. ¹⁵ Cúq atởng anhia samoat lứq, cũai aléq ma tở bữn pruam yỗn Yiang Sursĩ táq sốt samoat máh carnẽn pruam, cũai ki tở têq mut tâng tốp Yiang Sursĩ sốt.”

¹⁶ Chơ Yê-su ca-ữ máh carnẽn ki; án satoaq atĩ tâng alóí, cóp câu ốc bốn yỗn alóí hỡ.

Cũai Samiang Sốc

(*Mathia 19:16-30; Luca 18:18-30*)

¹⁷ Bo Yê-su ntôm pởq tâng rana, bữn manoaq samiang lúh toaq pở án cóp sacõh racól yáng moat án. Samiang ki blóh Yê-su neq: “Thài ơi! Thài la o lứq. Ntróu cúq cóq táq, yỗn têq bữn tamooing mantái?”

¹⁸ Yê-su blóh loah án neq: “Nỏq mới đờq cúq o? Ống Yiang Sursĩ toáp la o. ¹⁹ Mới dáng chơ ốc Yiang Sursĩ patâp: Chõi cachĩt cũai; chõi cooc lacuoi tở la cayac noau; chõi tutuoiq; chõi táq ntởng laug; chõi lóp; cóp yám noap mpiq mpoaq.”*

²⁰ Samiang ki ta-ôi Yê-su neq: “Thài ơi! Máh ramứh ki cúq khoiq táq tễ bo cúq sanyõr.”

²¹ Yê-su nhêng chu án cóp sâng ayooq lứq án. Chơ Yê-su atởng loah án neq: “Mới noâng khłaiq muoi ramứh. Cóq mới pởq chềq nheq máh mun mới bữn, chơ tampêq práq kia yỗn máh cũai cadĩt. Ngkíq mới bữn mun ngoaih tâng paloõng. Chơ mới toaq puai cúq.”

²² Từ cũai ki sâng Yê-su pai ngkíq, án ngúc moat múh cóp loõh tễ ki; án sâng ngua lứq, yuaq án la cũai sốc.

²³ Chơ Yê-su carlang nhêng mpễ án, cóp án atởng tốp rien tễ

* **10:4** 10:4 Patâp Loah 24:1-4 * **10:6** 10:6 Saráq Tễ Dậu 1:27; 5:2 * **10:19** 10:19 Loõh Tễ Ê-yip-tô 20:12-17; Patâp Loah 5:16-21

án neq: “Coat lứq yỗn máh cũai sốc bữn mut tâng tốp Yiang Sursĩ sốt.”

²⁴ Từ Yê-su pai ngkiq, tốp rien tể án sâng dớt lứq tâng mút. Ma Yê-su atỡng alói neq: “Máh con cứq ơi! Cũai ca yoc ể mut tâng tốp Yiang Sursĩ sốt, ki coat lứq yỗn án. ²⁵ Charán lac-da luaiq hống srúm, khể hỡn tể cũai sốc ma mut tâng tốp Yiang Sursĩ sốt.”

²⁶ Tốp rien tể Yê-su sâng dớt lứq, cốp alói blớh loah Yê-su neq: “Khân ngkiq, noau têq mut tâng tốp Yiang Sursĩ sốt?”

²⁷ Yê-su nhêng chu alói cốp atỡng neq: “Máh cũai, tở têq táq bữm ranáq ki, ma Yiang Sursĩ têq táq nheq tửh ranáq.”

²⁸ Phi-er atỡng Yê-su neq: “Nâi! Hếq khoiq táh dũ ramứh hếq bữn đốq puai thâi.”

²⁹ Yê-su atỡng alói neq: “Cứq atỡng anhia samoât lứq, khân bữn cũai aléq táh đống sũ, sểm ai sểm ỡi, mpiq mpoaq, con acái, tở la sarái cõ tian án puai cứq cốp puai parnai o tể Yiang Sursĩ, ³⁰ cũai ki lứq bữn loah tâng dời nâi muoi culám trỗ hỡn tể máh ramứh án khoiq táh, ariang đống sũ, sểm ai sểm ỡi, mpiq, con, cốp sarái. Án cóq ramóh túh coat hỡ. Ma chumát án bữn tamoong mantái. ³¹ Sa-ũi náq cõt toâr sanua, chumát alói cõt cacót ển, cốp sa-ũi náq cacót sanua, chumát alói cõt toâr ển.”

Yê-su Atỡng Loah Tể Án Chũuq Cuchit
(*Mathia 20:17-19; Luca 18:31-34*)

³² Yê-su cốp tốp rien tể án pốq tâng rana chõn chu vil Yaru-salem. Yê-su pốq nhũang alói. Máh tốp rien tể Yê-su sâng dớt lứq. Cốp máh cũai ca puai ntun

alói, cũai ki sâng crođq. Yê-su dững muoi chít la bar náq loõh tể cũai ki cốp atỡng alói tể máh ranáq cheq ể toâq pỡ án. ³³ Án pai neq: “Anhia tamứng! Háic cóq chõn pỡ vil Yaru-salem. Ớt ngki noau ể chiau Con Yiang Cõt Cũai pỡ atĩ cũai sốt tốp tểng rit sang Yiang Sursĩ cốp cũai yõng rit. Alói ki anoat án cóq cuchit; chớ alói ể chiau án pỡ cũai tở cõn cũai I-sarel hỡ. ³⁴ Cũai ki ayê ra-ac án, cuchóh tâng án, proaih án, cốp cachit án. Ma vót pái tangái, án yuor tamoong loah.”

Yacõ Cốp Yang Sếq Muoi Ramứh Tể Yê-su
(*Mathia 20:20-28*)

³⁵ Vót ki Yacõ cốp Yang, la con samiang Sê-badê, toâq pỡ Yê-su cốp sếq tể án neq: “Thâi ơi! Hếq ểq thâi táq máh ốc hếq sếq tể thâi.”

³⁶ Yê-su blớh alói neq: “Ớc ntrớu anhia yoc cứq táq yỗn an-hia?”

³⁷ Alói ta-ỡi án: “Yỗn hếq tacu manoaq coah atoam, manoaq coah avêr thâi bo thâi cõt sốt cốp bữn chóc ang-ừr.”

³⁸ Yê-su ta-ỡi alói neq: “Anhia tở dáng dểh ốc anhia sếq. Rơi tở anhia nguaiq muoi cachoc cốp cứq? Cốp rơi tở anhia roap batểm parnoi cốp cứq?”*

³⁹ Alói ta-ỡi án: “Hếq rơi.”

Ma Yê-su atỡng loah alói neq: “Nỡ-ra anhia cóq nguaiq muoi cachoc cốp cứq, cốp anhia cóq roap muoi batểm cốp cứq tể. ⁴⁰ Ma cứq tở têq yỗn anhia tacu coah atoam cốp coah avêr cứq. Ốc ki ống Yiang Sursĩ sâng têq ruoh.”

⁴¹ Từ alói muoi chít náq canõh tâng tốp rien tể Yê-su sâng ranáq ki, alói ươn lứq chóc Yacõ cốp

* **10:38** 10:38 Từ Yê-su pai ‘nguaiq muoi cachoc’, án sacâm tể ‘chũuq túh coat’. Cốp từ án pai tể ‘batểm’, án sacâm tể án cóq ‘chũuq cuchit’.

Yang. ⁴² Chơ Yê-su arô neq tốp ki toâq pở án. Cốp án atông alới neq: “Anhia khoiq dăng chơ cũai sớt tâng đời nâi yoc máh cũai proai cõt sũl alới, cốp alới padâm cũai proai túh coat lứq. ⁴³ Ma anhia chõih táq samoât ngkíq. Cũai aléq yoc ẽ cõt toâr tâng tốp anhia, cóq án cõt ayũng atĩ anhia. ⁴⁴ Cốp cũai aléq yoc ẽ cõt toâr clũi neq tẽ canõh tâng tốp anhia, cóq án cõt sũl neq từh cũai. ⁴⁵ Machớng ki tê, Con Yiang Cõt Cũai khoiq toâq pở nâi tở ẽq noau hâu án, ma án yoc ẽ hâu cũai canõh. Cốp án raléq rangũh án đõq cuchĩt tang yõn neq từh cũai.”

Cũai Sũt Bữn Ramóh Yê-su
(*Mathia 20:29-34; Luca 18:35-43*)

⁴⁶ Vót ki Yê-su cốp tốp rien tẽ án toâq pở vil Yê-ri-cô. Từ alới loõh tẽ vil ki parnơi cốp clũng cũai canõh, alới ramóh manoaq cũai sũt õt susẽq kẽng rana. Ramũh án la Bati-mê con samiang Ti-mê. ⁴⁷ Từ án sâng noau pai Yê-su tẽ vil Na-sarẽt pởq pha, chơ án sabau casang lứq neq: “O Yê-su tẽ tống toiq puo Davĩt ơi! Sẽq Ncháu sarũiq táq cứq nũng!”

⁴⁸ Bữn sa-ũi náq cũai sươq án chõih tabõq, ma án sabau casang lứq ẽn: “O anhia tẽ tống toiq puo Davĩt ơi! Sẽq anhia sarũiq táq cứq nũng!”

⁴⁹ Yê-su tangút, chơ án ớn neq: “Arô cũai sũt ki toâq pở nâi.”

Chơ alới arô cũai sũt ki, cốp alới atông án neq: “Chõih croõq ntróu. Mới yuor tayũng. Yê-su arô mới.”

⁵⁰ Ngkíq cũai ki carieiq táh au tuar án. Yóiq án yuor cốp toâq pở Yê-su. ⁵¹ Yê-su blớh án neq: “Ntróu mới yoc cứq táq yõn mới?”

Cũai sũt ki ta-õih: “Thâi ơi! Sẽq yõn moat cứq cõt blang!”

⁵² Yê-su atông án neq: “Pởq! Cỗ mới sa-âm, moat mới cõt blang.”

Bo ki toâp moat án cõt blang, chơ án puai Yê-su tê.

11

Yê-su Mut Tâng Vil Yaru-salem
(*Mathia 21:1-11; Luca 19:28-40; Yang 12:12-19*)

¹ Từ alới cheq ẽ toâq pở vil Yaru-salem, alới mbờiq toâq vil Bê-phayê cốp vil Bê-thani bân palic dũal O-li-vê. Từ alới toâq pở ranoâq vil ki, Yê-su ớn bar náq tẽ tốp rien tẽ án neq: ² “Anhia mut tâng vil yáng moat anhia. Bo anhia toâq ramóh vil, anhia ramóh muoi lám aséh dẽn con ca tở bữn noau õt yũah; noau chõq đõq án tâng lác ngki. Anhia leh, chơ tẽc dũng pở cứq. ³ Khãn bữn noau blớh anhia neq: ‘Nỏq anhia táq ngkíq?’ anhia ta-õih neq: ‘Ncháu hái yoc ẽ mian. Moâm án mian, chơ án dũng culáh loah yõn anhia.’”

⁴ Ngkíq alới bar náq pởq, cốp alới ramóh aséh con noau chõq đõq cheq ngoah toong đõng kẽng rana. Chơ alới leh aséh ki. ⁵ Máh cũai õt tayũng cheq ki blớh alới neq: “Anhia leh táq ntróu aséh ki?”

⁶ Alới bar náq ta-õih ỉn Yê-su khoiq patâp; chơ máh cũai ki yõn alới chu. ⁷ Vót alới dũng achu aséh ki pở Yê-su, alới sũn tampác alới tâng cloong aséh. Chơ Yê-su chõn õt tâng cloong aséh ki. ⁸ Bữn sa-ũi náq cũai sũn tampác alới tâng rana. Cũai canõh mut tâng arũih catráiq déh rambũ đõq sũn tâng rana. ⁹ Án ca pởq nhũang cốp án ca puai ntun, alới triau casang lứq neq: “Ô-sana!* Sẽq Yiang Sursĩ yõn ọc bốn pở cũai ca toâq nhơ ramũh Ncháu! ¹⁰ Lứq khẽn! Toâq chơ Sớt tẽ puo Davĩt,

* 11:9 11:9 Santoiq ‘ô-sana’ parlong loah la ‘sa-õn lứq’ tở la ‘khẽn’.

achúc achiac hái! Ô-sana! Lứq khễn Yiang Sursĩ!”[☆]

¹¹ Yê-su mut tâng vil Yarusalem, chơ án mut tâng Dống Sang Toâr. Án carlang nhêng nheq máh ramúh mpễ ki; ma yuaq paloong cheq sadâu, án loõh tễ ki cớq pớq chu vil Bê-thani parnoi cớq tốp muoi chít la bar nác rien tễ án.

¹² Poang tangái parnõ, bo alói pớq tâng rana loõh tễ vil Bê-thani, Yê-su sâng panhieih. ¹³ Án hữm noâng tễ yong muoi nỡm tarúng bữn sala. Yê-su tarôq nhêng aluang ki bữn palâi ma tỡ bữn. Ma tỡ án toâq, tỡ hữm palâi ntróu, óng sala miat sâng, yuaq tỡ yũah ngư tarúng palâi. ¹⁴ Yê-su pai chớq nỡm tarúng ki neq: “Tễ nâi chumát tỡ bữn noau cha noâng palâi mới.”

Cớq tốp rien tễ Yê-su sâng án pai santoiq ki.

Yê-su Mut Tâng Dống Sang Toâr

(*Mathia 21:12-17; Luca 19:45-48; Yang 2:13-22*)

¹⁵ Vót ki alói toâq pỡ vil Yarusalem. Yê-su mut sĩa tâng Dống Sang Toâr. Chơ án ntôm tuih aloõh máh cũai chềq chõng tâng Dống Sang Toâr ki. Án cutól cachơng noau lêq práq cớq cachơng noau tacu chềq chóm tariap. ¹⁶ Cớq án tỡ yõn noau dững crơng luloah pớq chu táq rana tâng Dống Sang Toâr ki. ¹⁷ Chơ Yê-su pai chớq alói neq: “Nốq riang pai anhia tỡ bữn dáng Yiang Sursĩ khoiq chĩc neq:

‘Noau đốq đốq cứq la đốq yõn dũ tốp cũai toâq câu sêq.’[☆] Ma anhia táq đốq cứq cõt ariang cựp yõn cũai savêng mut toaq.”

¹⁸ Máh cũai sốt tốp tềng rit sang Yiang Sursĩ cớq máh cũai yõng rit, alói sâng Yê-su táq ngkíq, chơ alói chi-chuaq ngê ẽ cachít án. Alói ngcõh Yê-su, yuaq cững lứq cũai sâng dót, cớq sâng p̄ieiq lứq máh santoiq Yê-su atõng. ¹⁹ Toâq tabữ, Yê-su cớq tốp rien tễ án loõh tễ vil ki.

Aluang Khoiq Roõh
(*Mathia 21:20-22*)

²⁰ Poang tarúp, toâq alói pớq pha nỡm aluang tarúng ki, alói hữm aluang ki khoiq roõh toâq rêh. ²¹ Phi-er sanhữ loah máh Yê-su khoiq pai; chơ án atõng Yê-su neq: “Thâi ơi! Nhêng ki! Aluang thâi catúp tangái mahái khoiq roõh chơ.”

²² Yê-su patâp loah alói neq: “Cớq anhia sa-âm Yiang Sursĩ. ²³ Cứq atõng anhia samoât lứq, khân cũai aléq pai cớh nâi neq: ‘Mới ravih, chơ sapil chĩq chu đốq mut,’ khân cũai nâi tỡ bữn mút catơn-tơn, ma án sa-âm lứq samoât tễ ốc án pai lứq cõt, ranác ki lứq cõt yõn án. ²⁴ Ngkíq cứq atõng anhia, ntróu anhia sêq toâq santoiq câu, cớq anhia sa-âm lứq anhia khoiq bữn chơ ốc ki. Ngkíq chumát lứq anhia bữn.

²⁵ “Toâq anhia tayúng câu, khân bữn cũai aléq khoiq táq lỏih chớq anhia, cớq anhia táh lỏih cũai ki. Ngkíq Mpoaq anhia tâng paloong táh tẽ lỏih anhia. ²⁶ Khân anhia tỡ bữn táh lỏih yóu, ngkíq Mpoaq anhia tâng paloong tỡ bữn táh tẽ lỏih anhia.”[†]

Noau Blóh Yê-su Tễ Chớc Án
(*Mathia 21:23-27; Luca 20:1-8*)

²⁷ Vót ki alói toâq loah pỡ vil Yarusalem sĩa. Tỡ Yê-su pớq tâng clogg Dống Sang Toâr, máh cũai sốt tốp tềng rit sang Yiang Sursĩ, cớq máh cũai yõng rit, cớq máh

[☆] 11:10 11:10 Ūat Khễn 118:25-26 [☆] 11:17 11:17 Ê-sai 56:7 [†] 11:26 11:26 Sa-ữi tâm saráq tiaq tỡ bữn bữn rana 26 nâi.

cūai sốt nheq sâu, alóí ki toâq pở án. ²⁸ Cớp alóí blóh án neq: “Chóc tể léq thài bữn đợq táq ranáq salễh nâi? Noau yỗn thài bữn chóc ki?”

²⁹ Yê-su ta-ôi loah alóí neq: “Cứq ễ blóh anhia muoi ramứh tề. Khân anhia ta-ôi cứq, ki cứq atống anhia noau yỗn cứq bữn chóc táq ranáq nâi. ³⁰ Ranáq batêm Yang táq, tể léq ranáq ki toâq, tể Yiang Sursĩ tở la tể cūai? Anhia ta-ôi cứq.”

³¹ Chơ alóí manoaq sarhống manoaq: “Khân hái ta-ôi án pai: ‘Ranáq batêm nâi toâq tể Yiang Sursĩ,’ ngkếq án blóh loah hái: ‘Khân ngkíq, nớq anhia tở bữn sa-âm Yang?’ ³² Ma khân hái ta-ôi án: ‘Ranáq batêm nâi chống toâq tể cūai sâng,’ ki hái ngcõh cūai proai, yuaq alóí sa-âm lứq Yang la cūai tang bõq Yiang Sursĩ.”

³³ Ngkíq alóí ta-ôi Yê-su neq: “Hếq tở dáng.”

Yê-su ta-ôi loah alóí neq: “Chơ! Cứq tở bữn atống tề anhia noau yỗn cứq bữn chóc táq máh ranáq nâi.”

12

Parnai Sacâm Tể Manoaq Chóh Palâi Nho Tâng Nưong

(*Mathia 21:33-46; Luca 20:9-19*)

¹ Yê-su tabốq atống alóí toâq parnai sacâm neq: “Bữn manoaq samiang chóh voar nho tâng nưong. Án táq cantruang mpễn nưong. Án píq prúng, cớp chíp tamáu ien ễ pát đợq nho tâng ki. Án táq sũ hữ đợq kĩaq nưong ki. Moâm ki án chiau yỗn cūai táq đờ nưong ki yỗn án. Alóí pruum ndõm pruum mpễq máh palâi. Chơ án pởq cruang canõh. ² Toâq catừ palâi chĩn, ncháu nâi

ớn sũl án toâq pở alóí ca táq đờ nưong án. Án ớn sũl ki ít pún án tể cūai táq đờ nưong. ³ Từ cūai sũl toâq, máh cūai táq đờ nưong cớp án, toân án, cớp tuih aloõh án. Alóí yỗn án chu miat sâng. ⁴ Chơ ncháu ki ớn cūai sũl canõh ễn pởq pở ki. Ma alóí toân án tâng plở, cớp táq yỗn án cõt lo-lo miat sâng. ⁵ Ncháu ki ớn cūai sũl canõh ễn toâq pở ki. Ma alóí cachĩt án. Alóí táq samoat tể nhũang sĩa chóc cững cūai; án ca alóí toân, án ca alóí cachĩt táh. ⁶ Ncháu nâi noâng bữn muoi lám con samiang ca án ayooq lứq. Toâq parsốt thág, án ớn con án ễn pởq. Án chanchóm neq: ‘Alóí lứq yám noap con cứq.’ ⁷ Ma máh cūai táq đờ nưong ki, manoaq sarhống manoaq neq: ‘Nâi la con tống ncháu. Hâi! Hái cachĩt chíq án. Ngkíq nheq mun án cõt khong hái ễn.’ ⁸ Chơ alóí cớp cớp cachĩt án. Alóí lampống án aloõh yáng tiah nưong. ⁹ Nớq toâp ncháu nưong ễ táq? Lứq án toâq cachĩt nheq máh cūai táq đờ nưong án, cớp án chiau yỗn cūai canõh ễn táq đờ nưong ki. ¹⁰ Nớq riang pai anhia tở nai doc tâng tâm saráq Yiang Sursĩ án pai neq:

‘Cốc tamáu cūai táq đống khoiq táh,

tamáu ki noau hữm o hữn tể tamáu canõh.

Chơ noau ít cớp chíp bàn soq đống.

¹¹ Ranáq nâi khoiq Ncháu hái toâp táq,

la ranáq salễh lứq án táq yáng moat hái.’ ”*✧

¹² Máh cūai sốt ca sâng Yê-su pai ngkíq, alóí chuaq ngê ễ cớp án, cõ alóí dáng án atống parnai sacâm nâi pai chu alóí. Ma alóí

* **12:11** 12:11 Pui tể ranáq alóí ki táq, tamáu aléq noau chíp tâng soq, tamáu ki táng yỗn đống cõt khâm. Tamáu ki Yê-su sacâm tể tở án toâp. ✧ **12:11** 12:11 Úat Khển 118:22-23

ngcõh cũai proai. Ngkíq alóí loõh tẽ án, cốp p̄q chu ntóq canõh ẽn.

Yê-su Atõng Tẽ Práq Thẽq

(*Mathia 22:15-22; Luca 20:20-26*)

¹³ Ntun ki noau ón cũai tẽ tốp Pha-rasi cốp tẽ tốp Hê-rôt ẽn toâq p̄ Yê-su, yõn alóí chi-chuaq óc lôih Yê-su táq ntõng. ¹⁴ Tốp alóí toâq p̄ Yê-su cốp atõng án neq: “Thâi oi! Hẽq dáng chơ thâi lứq cũai tanoang. Yáng moat thâi nheq tũh cũai la lĩ-ralĩ nheq. Yuaq ngkíq, thâi tở bữn yám noap óng cũai bữn chớq sâng. Thâi atõng ngê Yiang Sursĩ p̄ieiq lứq. Puaí phẽp rit hái p̄ieiq ma tở bữn hái cốp muap práq thẽq p̄ puo Rô-ma?”

¹⁵ Ma Yê-su dáng alóí táq nan sâng. Chơ án blóh loah alóí neq: “Nỏq anhia chuaq ralíh chớq cúq? Anhia dũng p̄ cúq muoi óc práq, yõn cúq nhêng.”

¹⁶ Ngkíq alóí dũng yõn án muoi óc práq. Chơ án blóh loah alóí neq: “Roáp anâi cốp chĩr anâi la samoat noau?”

Alóí ta-õi án neq: “Puo Rô-ma.”

¹⁷ Chơ Yê-su atõng alóí neq: “Crong puo Rô-ma, cốp anhia culáh loah yõn puo Rô-ma; cốp crong Yiang Sursĩ cốp anhia culáh loah yõn Yiang Sursĩ.”

Ma alóí sâng dót lứq Yê-su atõng ngkíq.

Tốp Sa-dusê Blóh Yê-su Tẽ Ốc Tamoong Loah

(*Mathia 22:23-33; Luca 20:27-40*)

¹⁸ Bữn cũai tẽ tốp Sa-dusê toâq p̄ Yê-su. Tốp Sa-dusê pai cũai khiq cuchĩt tở tẽq tamoong loah.

¹⁹ Alóí atõng án neq: “Thâi oi! Mõi-se khiq chĩc yõn hái dáng, khân manoaq samiang cuchĩt, ma lacuoi án nõng tamoong, cốp alóí

tở yũah bữn con, ngkíq manoaq tẽ sẽm ai án cốp siem lacuoi án, dỏq patõng loah án ca khiq cuchĩt. ✧

²⁰ Dõi mbỏq bữn tapul náq sẽm ai. Ai lúng khiq ỉt lacuoi, chơ án cuchĩt, ma tở yũah bữn con. ²¹ Ngkíq a-ẽm ndĩ ẽn siem lacuoi ai. Ma tở yũah bữn con, khiq án cuchĩt tẽ. Chơ a-ẽm ralóh la cõt machõng máh mu ai án tẽ. ²² Tapul náq ẽm ai ỉt mansẽm ki táq lacuoi. Aléq la cuchĩt ma tở bữn bữn con; cốp ntun thág mansẽm ki cuchĩt tẽ. ²³ Tở máh cũai cuchĩt bữn tamoong loah, mansẽm ki cõt lacuoi noau? Yuaq tapul náq ẽm ai ndõm nheq mansẽm ki.”

²⁴ Yê-su atõng loah alóí neq: “Anhia táq ntõng tở p̄ieiq, yuaq anhia tở bữn dáng raloaih tẽ parnai Yiang Sursĩ ca noau khiq chĩc tẽ mbỏq; cốp anhia tở dáng tẽ chớq sôt toâr Yiang Sursĩ. ²⁵ Tở alóí ca khiq cuchĩt bữn tamoong loah, ki alóí tở bữn cõt nõng lacuoi cayac. Ma alóí õt tâng paloõng machõng tốp ranẽng Yiang Sursĩ tẽ.

²⁶ “Ma tẽ ranáq cũai cuchĩt, chơ tamoong loah, nõq riang pai anhia tở nai doc tâng tâm saráq Mõi-se chĩc tẽ rambũ blũ ùih ma tở bữn cat. P̄ ntóq ki Yiang Sursĩ atõng Mõi-se neq:

‘Cúq la Yiang Sursĩ A-praham sang, I-sac sang, cốp Yacốp sang.’ ✧

²⁷ Hái dáng cũai cuchĩt tở tẽq sang Yiang Sursĩ. Ống cũai tamoong sâng tẽq sang án. Lứq anhia tở bữn dáng thág.”

Ốc Yiang Sursĩ Patâp Toâr Clũi Nheq Tẽ Canõh

(*Mathia 22:34-40; Luca 10:25-28*)

28 Bữn manoaq tễ tốp cũai yống rit toâq pở ki cốp sâng alóí raloai ngkíq. Cốp án sâng Yê-su ta-ôi o lứq, ngkíq án blóh Yê-su neq: “Tễ máh ọc Yiang Sursĩ patâp, ọc aléq toâr clũí nheq tễ ọc canõh?”

29 Yê-su ta-ôi loah án neq: “Nài la ọc toâr clũí nheq tễ ọc canõh Yiang Sursĩ patâp: ‘Tốp I-sarel ơi! Anhia tamúng! Yiang Sursĩ, Ncháu hái, ớng manoaq án toâp. 30 Cốp anhia ayooq Yiang Sursĩ, Ncháu anhia, nheq tễ mút pahõm anhia, nheq tễ sarnóm anhia, cốp nheq tễ rangứh rahõ, cốp nheq tễ rangứh rahõ anhia.’”

31 Cốp ọc patâp bar ca toâr clũí nheq tễ canõh la neq: ‘Cốp anhia ayooq yóu samoât anhia ayooq tở anhia bữm.’^{*} Ồc patâp canõh tở bữn clũí tễ bar ọc patâp nài.”

32 Án ca tễ tốp yống rit atõng loah Yê-su neq: “Thài ơi! Lứq tanoang thài atõng. Thài atõng p̄ieiq lứq, Yiang Sursĩ la manoaq án toâp. Vót tễ Yiang Sursĩ la tở bữn yiang aléq ma sốt. 33 Khân hái ayooq Yiang Sursĩ nheq tễ mút pahõm, nheq tễ sarnóm, cốp nheq tễ rangứh rahõ, cốp hái ayooq yóu machóng hái ayooq tở hái bữm, ranác nài o hõn tễ noau bõh charán chiau sang, tở la chiau sang máh crong canõh yõn Yiang Sursĩ.”

34 Yê-su sâng án ta-ôi rangoaiq lứq, chơ Yê-su atõng loah án neq: “Khoi q cheq lứq chơ mới bữn mút tâng tốp Yiang Sursĩ sốt.”

Vót kị tở bữn noau khón blóh noàng Yê-su.

Santoiq Blóh Tễ Manoaq Crĩt
(*Mathia 22:41-46; Luca 20:41-44*)

^{*} 12:30 12:30 Patâp Loah 6:4-5 ^{*} 12:31 12:31 Lê-vi 19:18 † 12:36 12:36 Puai phếp rit cũai I-sarel, khân cũai aléq ma alóí yoc ẽ yám noap lứq samoât, ngkíq alóí yõn cũai kị õt coah atoam alóí. ^{*} 12:36 12:36 Uat Khẽn 110:1

35 Bo Yê-su atõng tâng Dõng Sang Toâr, án blóh neq: “Nốq cũai yống rit pai Crĩt toâq tễ tống toi q Davĩt? 36 Ma cutõ Davĩt toâp pai nhơ Raviei Yiang Sursĩ ớn án pai neq:

‘Yiang Sursĩ atõng chók Ncháu cừq neq:

“Mới tacu coah atoam cừq†
yõn toau toâq tangái léq cừq
chiau alóí ca ẽ cachĩt mới,
õt purn talang ayũng mới, cốp
cõt sũl mới.”^{*}

37 Cutõ Davĩt toâp đõq Crĩt la Ncháu. Kì nốq tềq Davĩt đõq cũai tễ tống toi q án bữm la Ncháu?”

Cũai chừng kị sâng bũi o lứq tễ Yê-su atõng ngkíq.

Yê-su Sươq Cũai Chõĩ Táq
Machóng Cũai Yống Rit

(*Mathia 23:1-36; Luca 20:45-47*)

38 Bo Yê-su atõng, án pai neq hõ: “Anhia chõĩ táq machóng cũai yống rit. Alóí ẽq lứq sóp au tuar, cốp ẽq lứq cũai canõh tabõp o alóí bo alóí õt cốp cũai chừng.

39 Alóí yoc ẽ bữn cachong tacu o clũí nheq tễ canõh tâng dõng sang, cốp alóí yoc ẽ tacu coah pờng toâq noau mới alóí toâq cha. 40 Alóí lỏp máh dõng cán cumai; chơ alóí câu cuti ẽq noau khẽn alóí la lứq tanoang o. Ma chumát tở alóí ntàng hõn tễ cũai canõh.”

Manoaq Cán Cumai Chók Práq Sang

(*Luca 21:1-4*)

41 Vót kị Yê-su tacu cheq ntốq noau đõq chók práq sang. Án nhêng chu máh cũai chók práq sang tâng ntốq kị. Chừng cũai sốc chók práq sang sa-ữi lứq. 42 Ma bữn manoaq cán cumai cadĩt lứq toâq pở kị. Án chók bar ọc práq, práq kị bữn kia bĩq lứq. 43 Chơ

Yê-su arô tốp rien tễ án toâq pỡ án, cớp án atỡng alới neq: “Cứq atỡng anhia samoât lứq, cân cumai cadit nâi, án chớq práq sang sa-ữi hỡn tễ neq máh cũai canỏh. ⁴⁴ Nheq tữh cũai ki chớq práq cũi tễ alới tâc cha; ma cân cumai nâi ớq lứq, máh léq án bữn án chớq neq máh ki.”

13

Yê-su Atỡng Tễ Ốc Túh Coat Cớp Tangái Án Toâq Loah Pỡ Cutễq Nâi

(*Mathia 10:16-25; 24:1-44; Luca 21:5-33*)

¹ Tữ Yê-su loỏh tễ Dống Sang Toâr, bữn manoaq tễ tốp rien tễ án atỡng án neq: “Thâi ời! Nhêng pỡ ki! Tamáu ki cớp Dống Sang Toâr ki o pha moâm!”

² Ma Yê-su blớh loah án: “Mới hữm dống toâr nâi tỡ? Chumat tamáu noau táq dống toâr nâi tỡ bữn ratót noâng parnới. Án ratáh neq.”

³ Vót ki Yê-su tacu ốt tâng dũal O-li-vê choâng Dống Sang Toâr. Phi-er, Yacỡ, Yang, cớp Anrê, ống alới pỡn náq toâp ốt cớp Yê-su.

⁴ Alới blớh án: “Sễq thâi atỡng hếq, noâng dũn maléq ranáq nâi toâq? Tểc ntrứu sapáh nhũang ranáq nâi ễ toâq?”

⁵ Yê-su atỡng alới neq: “Cớq anhia ốt khểuq. Chỗi yỗn noau phếq anhia. ⁶ Chumat bữn sa-ữi náq toâq cưỡ ramứh cứq. Alới pai neq: ‘Cutỗ cứq toâp la Crit!’ Cớp alới phếq cứng lứq cũai.

⁷ “Tữ anhia sâng parhan noau rachít cheq-cheq yớng-yớng, anhia chỗi croỏq ntrứu. Ranáq nâi cớq toâq nhũang voai. Ma tỡ yũah toâq tangái parsót thánq.

⁸ Lứq bữn tốp nâi rachít ratáq cớp tốp ki; cruang nâi rachít ratáq cớp cruang ki. Bữn sa-ữi ntốq cutễq

rachâu cớp cacut. Cớp bữn sa-ữi ntốq ớq sana cha. Máh ramứh nâi mbỡiq tễ dâu sâng. Ma noâng bữn sa-ữi ramứh túh coat ển.

⁹ “Yuaq ngkít cớq anhia nhêng o. Lứq noau cớp anhia cớp dưỡ anhia toâq pỡ cũai sớt. Noau toân anhia tâng dống sang tốp I-sarel. Cớq anhia tayứng yáng moat cũai sớt cớq cũai puo hỡ cỗ tian anhia puai cứq, đốq anhia atỡng yỗn alới dáng tê tễ ngê cứq. ¹⁰ Tốp puai cứq cớq atỡng parnai o tễ Yiang Sursĩ nhũang voai, yỗn neq tữh cũai dáng. ¹¹ Tữ noau cớp ễ dưỡ sữq anhia, anhia chỗi croỏq. Anhia chỗi cớng nhũang ntrứu anhia yoc ễ pai. Ma anhia pai puai santoiq Yiang Sursĩ atỡng yỗn anhia pai bo ki. Yuaq santoiq ki la tỡ cỡn tễ anhia, ma santoiq Raviei Yiang Sursĩ atỡng. ¹² Bo dỡi ki sểm ai ễ cớp ratuaq sểm ai, cớq chiau yỗn noau cachít; mpoaq chiau con án yỗn noau cachít. Con acái ra-ũan chớq mpiq mpoaq, cớq chiau mpiq mpoaq yỗn noau cachít alới. ¹³ Nheq tữh cũai lứq kêt anhia cỗ tian anhia puai ngê cứq. Ma cũai aléq rỏi tanhữ toau sớt anhúq án, Yiang Sursĩ lứq chuai amoong cũai ki.

¹⁴ “Nỡ-ra anhia bữn hữm noau đốq tâng Dống Sang Toâr cớng nhợp cớp ranáq lỏih ca Yiang Sursĩ tỡ ểq hữm. (Cũai aléq doc santoiq nâi cớq chanchóm yỗn samoât tễ ốc nâi.) Tangái ki máh cũai tâng cruang Yudê cớq lủh chỏn ốt tâng cóh ển. ¹⁵ Án ca ốt nhựp curũm dống, chỗi chỏn ỉt noâng cớng tễ dống. ¹⁶ Án ca ốt pỡ sarái, chỗi chu ỉt noâng tampác tễ dống. ¹⁷ Tâng tangái ki, tỏiq bap lứq alới ca ốt mumiaq cớq apu con. ¹⁸ Cớq anhia câu sễq

chối yõn máh ranáq ki toâq tâng casâi sangẽt. ¹⁹ Yuaq tâng tangái ki bữn túh coat clũi tẽ tangái dâu Yiang Sursĩ tẽng paloõng cutẽq yõn toau toâq sanua. Cóp ntun ẽn tở bữn túh coat noâng riang tangái ki. ²⁰ Khân Yiang Sursĩ tở bữn arũiq loah máh tangái ki, lứq tở bữn noau tẽq tamoong noâng. Ma cổ án yoc ẽ chuai máh cũai án rưoh, ngkíq án arũiq loah máh tangái ki.

²¹ “Khân noau atõng anhia neq: ‘Nâi! Án nâi la lứq Crĩt!’ tở la ‘Tíh! Án ca õt pở ki la lứq Crĩt!’, anhia chối noap santiago ki. ²² Yuaq nữ pra bữn cũai tở cõn lứq Crĩt, cóp tở cõn lứq cũai tang bõq Yiang Sursĩ toâq pở anhia. Alói táq tẽc salẽh đõq thũ phẽq anhia. Khân tẽq, alói yoc ẽ rakiaug máh cũai ca Yiang Sursĩ khoiq rưoh yõn táq ranáq sâuq ariang alói tẽ. ²³ Ngkíq cóq anhia õt khẽuq. Máh ramúh nâi cứq atõng yõn anhia dáng nhũang. ²⁴ Ma vót tẽ tangái túh coat lứq, moat mandang tở bữn claq noâng, cóp rliang casâi tở bữn tráh noâng. ²⁵ Mantởr satooh tẽ paloõng, cóp máh ramúh bữn chóc tâng paloõng, Yiang Sursĩ táq yõn rachâu neq. ²⁶ Moâm ki, noau lứq hữm cứq, Con Yiang Cõt Cũai, toâq mpứng dĩ ramúl, bữn chóc sốt toâr lứq cóp roâp ang-ũr.* ²⁷ Toâq ki cứq ón ranẽng Yiang Sursĩ tẽ paloõng parõm dĩ náq cũai ca cứq khoiq rưoh tẽ dĩ púp paloõng cutrúq, cóp cu angia pũn paloõng cutrúq nâi.”

²⁸ Yê-su atõng ẽn neq: “Cóg anhia tamứng ốc cứq sacâm tẽ aluang tarúng. Bo abẽng aluang ki noâng nhuam, án báiq lacứp sala nhuam. Ngkíq anhia dáng

khoiq cheq ẽ toâq casâi phũac. ²⁹ Machóng ki tẽ, khân anhia hữm máh ranáq nâi toâq, anhia lứq dáng Con Yiang Cõt Cũai cheq ẽ toâq chơ. Án khoiq tamỏc ngoah toong. ³⁰ Cứq atõng anhia samoât lứq, neq tữh cũai tâng dõi nâi tở bữn pút nhũang neq ranáq nâi toâq. ³¹ Chumat, paloõng cóp cutẽq cõt pút neq, ma santiago cứq tở nâi pút.

³² “Tở bữn noau dáng tangái ntróu tở la bo léq ranáq ki toâq. Máh ranẽng Yiang Sursĩ tâng paloõng cóp Con Yiang Sursĩ la tở bữn dáng tẽ tangái ki. Ông manoaq Mpoaq cứq toâp dáng tangái ki.

³³ “Ngkíq cóq anhia õt acoan cóp trởl níc, yuaq anhia tở bữn dáng bo léq ranáq nâi toâq. ³⁴ Ranáq nâi la machóng manoaq samiang pởq tamoi chu cruang yong. Tữ án loõh tẽ đõng, án chiau máh ranáq tâng đõng án yõn cũai táq ranáq án. Cóp án patáp cũai kĩaq toong cóq õt trởl níc. ³⁵ Ngkíq cóq anhia trởl níc, yuaq anhia tở dáng bo léq ncháu đõng chu. Pĩeiq án chu sadâu tở la muoi mpút. Pĩeiq án chu ntruoitacat tở la tarựp cõng bữn. ³⁶ Cóq anhia acoan nhẽng níc. Ngcõh lợ sarblõl án chu, chơ án ramóh anhia bẽq. ³⁷ Máh santiago cứq atõng anhia sanua, cứq atõng yõn neq tữh cũai dáng tẽ: Cóq anhia acoan nhẽng níc!”

14

Cũai Sốt Sarhõng Ẽ Cachĩt Yê-su
(*Mathia 26:1-5; Luca 22:1-2; Yang 11:45-53*)

¹ Noâng bar tangái ẽn tốp I-sarel ẽ cha bũi sanhữ Tangái Loõh.* Cóq alói Táq Rit Cha Bẽng Mĩ Ồq

* 13:26 13:26 Daniel 7:13 * 14:1 14:1 Tangái ki alói sanhữ tangái Yiang Sursĩ chuai yõn alói loõh tẽ cruang Ê-yip-tô tẽ mbõq.

Crông Pluoih. Ngkíq cũai sôt tốp tềng rit sang Yiang Sursĩ cốp cũai yống rit, alóí chuaq ngê yoc ẽ cốp Yê-su cốp cachit án, ma alóí tở ẽq cũai canõh dáng. ² Alóí sarhõng neq: “Hái tở tềq táq ngkíq tâng tangái cha bũi. Ngcõh cũai chũng ki táq choac tâng vil.”

*Manoaq Mansẽm Tõh Dõq
Phuom Tâng Yê-su*
(*Mathia 26:6-13; Yang 12:1-8*)

³ Bo Yê-su õt tâng vil Bê-thani, án õt tâng dõng Si-môn, la cũai ca hõih rái bũn a-ĩ tut. Bo Yê-su õt chĩ-cha, bũn manoaq mansẽm toãq cốp dũng muoi bẽ dõq phuom. Bẽ ki noau táq toãq tamáu a-labat. Dõq phuom tâng bẽ ki moat lữq, noau dõq nar. Mansẽm ki pẽng bẽ, chơ án tõh dõq phuom tâng plõ Yê-su. ⁴ Bũn cũai õt ngki tở bũn bũi án táq ngkíq, cốp alóí pai neq: “Nõq án palõ dõq phuom nài ngkíq? ⁵ Khãn chẻq dõq phuom nài, bũn práq clũi tẻ cõng noau tuthẻ pái culám tangái. Chơ tềq ỉt práq ki chuai máh cũai cadit.” Ngkíq alóí nhõp mansẽm ki.

⁶ Ma Yê-su atõng alóí neq: “Dõq tam án. Anhia nhõp táq ntróu mansẽm ki? Nõq anhia táq yõn án ngua? Án khoi q táq ranáq o yõn cứq. ⁷ Cũai cadit õt níc cốp anhia. Malẻq anhia yoc ẽ chuai, ki tềq anhia chuai. Ma tở cứq tở bũn õt mantái níc cốp anhia. ⁸ Ranáq ntróu tềq mansẽm nài táq, án khoi q táq chơ. Án khoi q tở dõq phuom tâng tở cứq, dõq thũan nhũang noau tữp cứq tâng ping. ⁹ Cứq atõng anhia samoát lữq, tâng dũ ntỏq chũop cõc cutẻq nài, toãq noau atõng parnai o tẻ Yiang Sursĩ, lữq noau atõng dẻh ranáq mansẽm nài táq hõ, dõq cũai sanhữ loah án.”

Yuda Pruam Chẻq Chĩq Yê-su
(*Mathia 26:14-16; Luca 22:3-6*)

¹⁰ Vót ki Yuda I-cari-õt, án la tẻ tốp muoi chít la bar náq, án toãq pở máh cũai sôt tốp tềng rit sang Yiang Sursĩ, cõ yoc ẽ chẻq Yê-su yõn alóí. ¹¹ Tở alóí sâng ngkíq, alóí ỡn lữq, cốp alóí ữq chang práq yõn Yuda. Chơ Yuda chĩ-chuaq ngê dõq chẻq Yê-su.

*Yê-su Cha Parnoi Cốp Tốp Rien
Tẻ Án*
(*Mathia 26:17-25; Luca 22:7-14,
21-23; Yang 13:21-30*)

¹² Tâng tangái cũai I-sarel Táq Rit Cha Bẻng Mi Ốq Crông Pluoih cốp kiac charán cũu dõq sanhữ Tangái Loõh, tangái ki tốp rien tẻ Yê-su blớh án neq: “Ntỏq lẻq thài yoc hẻq pỏq thũan yõn thài cha pẻl bũi?”

¹³ Yê-su ỡn bar náq tốp rien tẻ án neq: “Anhia mut tâng vil. Chơ anhia bũn ramõh manoaq samiang ayẻq aluoi dõq. Anhia puai ntun clĩ án. ¹⁴ Khãn án mut dõng lẻq, anhia atõng ncháu dõng ki neq: “Thài blớh neq: Nẻq clõng tamoi yõn cứq cốp tốp rien tẻ cứq cha pẻl bũi Tangái Loõh?” ¹⁵ Án lữq sadoi muoi clõng toãr tâng tran pỡng yõn anhia. Tâng clõng ki bũn dũ ramứh crong tadõng. Anhia thũan yõn hái cha pở ki.”

¹⁶ Alóí bar náq loõh tẻ ki cốp mut tâng vil. Alóí ramõh samoát Yê-su khoi q atõng alóí. Chơ alóí tềng pẻl cha bũi ngki.

¹⁷ Toãq nhũm-nhũm Yê-su cốp tốp muoi chít la bar náq toãq pở ki. ¹⁸ Bo alóí tacu cha, Yê-su atõng alóí neq: “Cứq atõng anhia samoát lữq, bũn manoaq tẻ anhia ca cha parnoi cốp cứq sanua, ngkẻq án chẻq cứq.”

¹⁹ Alóí ki sâng نگوا لُرق, cốp chữ manoaq alóí blóh Yê-su neq: “Cứq ma tớ bữn, thài?”

²⁰ Yê-su ta-ôi alóí neq: “Cũai nài la manoaq tễ muoi chít la bar nác anhia; án tồq bễng muoi tangan cốp cứq tề. ²¹ Con Yiang Cốt Cũai cốp cứchít ariang tâm sarác Yiang Sursĩ khoiq atỡng chơ tễ án. Ma cũai ca chềq Con Yiang Cốt Cũai, bap lứq toàq pở án. Pìeiq lứq la mpiq án chỏi canốt.”

Alóí Cha Nguaiq Sanhữ Tổ Cốp Aham Yê-su

(*Mathia 26:26-30; Luca 22:15-20; Cô-ntô Muoi 11:23-25*)

²² Bo alóí cha, Yê-su ít bễng. Án sa-ỡn Yiang Sursĩ, chơ án pĩh bễng cốp avoi yỗn tốp rien tễ án cha. Án atỡng alóí neq: “Anhia roap. Nài la tồ cứq.”

²³ Vốt ki án ít cachoc ễn. Moâm án sa-ỡn Yiang Sursĩ, án avoi yỗn tốp rien tễ án nguaiq. Nheq nác alóí nguaiq. ²⁴ Cốp Yê-su atỡng alóí neq: “Nài la aham cứq. Aham nài loỏh táq tếc Yiang Sursĩ par-ữq parnai tamái yỗn nheq từh cũai. ²⁵ Cứq atỡng anhia samoát lứq, cứq tớ nai nguaiq noàng đờq palái nho toau toàq tangái cứq nguaiq đờq nho tamái tàng ntốq Yiang Sursĩ sôt.”

Yê-su Atỡng Nhũang Tễ Ranác Phi-er Táq

(*Mathia 26:31-35; Luca 22:31-34; Yang 13:36-38*)

²⁶ Moâm alóí ũat cansái khễn, chơ alóí loỏh tề ki chỏn tàng đũa O-li-vê. ²⁷ Yê-su atỡng alóí neq: “Ngkếq nheq từh anhia lủh táh cứq. Tâm sarác Yiang Sursĩ khoiq atỡng chơ neq:

‘Cứq yỗn noau cachít chítq cũai mantán cữu,

chơ tốp cữu cứq cốt pláh chap nheq.’^{*}

²⁸ Ma toàq cứq tamoong loah, cứq pởq nhũang anhia pở cruang Cali-lê.”

²⁹ Phi-er atỡng Yê-su neq: “Khân nheq từh cũai lủh táh thài, cứq lứq tớ bữn táh thài.”

³⁰ Yê-su atỡng loah Phi-er neq: “Cứq atỡng mới lứq samoát, tàng sadâu nài toàp nhũang ntrui tacar bar trở, mới lứq calóih cứq pái trở.”

³¹ Ma Phi-er ta-ôi neq: “Khân noau cachít cứq cốp thài la thối. Cứq tớ bữn calóih thài mỗ!”

Cốp nheq từh tốp ki pai machống Phi-er tề.

Yê-su Câu Tàng Nương Kết-se-manê

(*Mathia 26:36-46; Luca 22:39-46*)

³² Từ alóí toàq ntốq nương Kết-se-manê, Yê-su atỡng tốp rien tễ án neq: “Anhia ốt tacu nài nơ. Cứq pởq câu pở ki.”

³³ Án đũng Phi-er, Yacỗ, cốp Yang pởq cốp án. Chơ Yê-su mbởiq sâng túh نگوا لُرق. ³⁴ Án pai neq: “Cứq sâng نگوا لُرق, tớ rơi tamoong noàng. Anhia ốt acoan nài. Anhia trởl cốp cứq.”

³⁵ Chơ Yê-su pởq bĩq ễn. Án ap tàng cutểq muoi tatứp. Án câu sểq khân tềq, yỗn ranác nài tớ bữn toàq pở án. ³⁶ Án câu neq: “O Mpoaq cứq ơi![†] Ntróu mới ễ táq, ki tềq mới táq. Cứq sểq mới ayốq cachoc túh coat nài yỗn vốt tể cứq. Ma cứq tớ ểq puai rangứh cứq bữm. Cứq ễ puai ống rangứh mới sâng.”

³⁷ Moâm ki Yê-su píp loah, cốp án ramóh alóí bếq. Chơ án blóh Phi-er neq: “Si-môn ơi! Mới bếq tớ? Nổq mahỏi la mới tớ rơi trởl cốp cứq? ³⁸ Cốp anhia tamỗ cốp

^{*} 14:27 14:27 Sa-chari 13:7 † 14:36 14:36 Tàng parnai Yê-su pai, án đờq Mpoaq án la ‘Aba’.

câu chỗi yỗn noau radững anhia táq lờih. Mút pahôm anhia lứq bán rêng, ma sac sâiq anhia la ieuq.”

³⁹ Ngkíq Yê-su pỡq câu sĩa. Án câu parnai machống tễ nhũang.
⁴⁰ Chơ án pít loah pỡ ntốq alớ ốt sĩa. Án tamóh alớ bẻq sĩa, yuaq moat alớ ntàng lứq tỡ rơi culian. Alớ tỡ dáng nốq ẽ ta-ỡi Yê-su.

⁴¹ Ngkíq Yê-su chu loah ntốq alớ ốt trở pái. Cóp án blớh alớ neq: “Nốq noàng anhia bẻq cóp rlu níc? Anhia chỗi bẻq noàng. Khoiq toâq ngư chơ, noau chiau Con Yiang Cốt Cũai pỡ atĩ cũai lờih. ⁴² Yuor tayúng! Hái pỡq! Anhia nhêng! Án ca chẻq cứq khoiq toâq chơ.”

Noau Cỗp Yê-su

(*Mathia 26:47-56; Luca 22:47-53; Yang 18:3-12*)

⁴³ Bo Yê-su noàng atống ngkíq, Yuda toâq toâp. Án la tễ tốp muoi chít la bar náq rien tễ Yê-su. Cóp bữn cứng cũai dững dau cóp cuan toâq cóp Yuda tễ máh cũai sốt tốp tềng rit sang Yiang Sursĩ, tễ cũai yống rit, cóp tễ cũai sốt nheq sấu. ⁴⁴ Án ca ẽ chẻq Yê-su khoiq atống tếc yỗn cũai cứng ki dáng neq: “Khân aléq anhia hữm cứq hữn, cutỏ án ki ớiq anhia ẽ bữn. Chơ anhia cốp án! Anhia yống yỗn samoât, chơ dững án tễ ntốq ki.”

⁴⁵ Chơ Yuda toâq toâp pỡ Yê-su cóp án pai neq: “Thâi ỡi!”

Chơ án hữn Yê-su. ⁴⁶ Ngkíq noau toâq yống cóp cốp Yê-su.

⁴⁷ Manoaq tễ alớ tayúng cheq ki thot dau tễ sor, chơ tráh manoaq sũl cũai ca sốt nheq tễ rit sang Yiang Sursĩ, pñeiq tâng cutữ, chơ ta-ỡh muoi coah cutữ. ⁴⁸ Ma Yê-su blớh cũai cứng ki neq: “Nốq anhia toâq pỡ nâi ma dững dau cóp cuan ẽ cốp cứq? Anhia

chanchóm cứq la cũai savểng tỡ?
⁴⁹ Cu rangái cứq atống tâng Dống Sang Toâr, ma anhia tỡ bữn cốp cứq. Ma ranáq nâi yỗn cõt rapñeiq máh tâm saráq Yiang Sursĩ khoiq atống tễ mbốq.”

⁵⁰ Ngkíq nheq tữh alớ ca ốt cóp Yê-su lủh táh nheq án.

⁵¹ Bữn manoaq samiàng póng puai Yê-su. Án satểng ống prê tâng tở án. Noau catoâng prê án, ẽ cốp án. ⁵² Chơ án tũot táh chíq prê ki, cóp án lủh muoi rariat.

Yê-su Tayúng Yáng Moat Cũai Sốt

(*Mathia 26:57-68; Luca 22:54-55, 63-71; Yang 18:13-14, 19-24*)

⁵³ Tữ ki, alớ dững Yê-su pỡ án ca sốt nheq tễ rit sang Yiang Sursĩ. Nheq máh cũai sốt tốp tềng rit sang Yiang Sursĩ, cũai sốt nheq sấu, cóp cũai yống rit toâq rôm pỡ ki tẽ. ⁵⁴ Phi-er puai cutuaih ntun Yê-su, chơ án mut tâng nchỏh dống cũai sốt nheq tễ rit sang Yiang Sursĩ. Án tacu nhểng ùih parnoi cóp ranểng cũai sốt ki.

⁵⁵ Máh cũai sốt tốp tềng rit sang Yiang Sursĩ, cóp cũai bữn chóc canỏh chuaq ralít tễ Yê-su, ẽ cachít án. Ma alớ tỡ bữn ramóh muoi ốc ntrứ. ⁵⁶ Bữn sa-ũĩ náq cũai toâq apót Yê-su ốc tỡ bữn lứq. Alớ apót ma santoiq alớ tỡ bữn ramóh parnoi. ⁵⁷ Bữn cũai yuor tayúng apót Yê-su neq: ⁵⁸ “Hẻq khoiq sáng án pai neq: ‘Cứq ẽ talỏh dống sang Yiang Sursĩ ca atĩ cũai táq. Ma tâng pái tangái cứq táq loah tamái dống sang nâi, ma tỡ bữn tễ atĩ cũai táq.’”

⁵⁹ Ma santoiq alớ apót tỡ bữn ramóh parnoi.

⁶⁰ Chơ án ca sốt nheq tễ rit sang Yiang Sursĩ yuor tayúng mpúng dĩ alớ. Án blớh Yê-su neq: “Mới

ẽ ta-õi ma tở bữn? Nớq mới sâng tẽ máh ốc alóí cauq mới?”

⁶¹ Ma Yê-su ốt savul sâng. An tở bữn pai ntróu.

An ca sớt nheq tẽ rit sang Yiang Sursĩ blóh loah Yê-su neq: “Mới la Crít, Con án ca hếq sang toam, p̄ieiq tở?”

⁶² Yê-su ta-õi neq: “Lứq p̄ieiq! Chumát anhia lứq hữm Con Yiang Cốt Cũai tacu coah atoam Yiang Sursĩ Sốt Toar Lứq, cốp án toaq mpứng dĩ ramúl tẽ paloong.”*

⁶³ Chơ án ca sớt nheq tẽ rit sang Yiang Sursĩ háq tampác án bữm, táq tếc án sâng ngua lứq. Cốp án pai neq: “Choam hái ẽ blóh noâng cũai canỏh? ⁶⁴ Anhia khoiq sâng chơ santoiq án pai la máh án acrieiq Yiang Sursĩ chơ. Nớq anhia chanchóm tẽ ốc ki?”

Nheq tữh alóí pruum muoi mút, cốp anoaat Yê-su cốp cuchít.

⁶⁵ Bữn cũai cuchóh tâng Yê-su. Alóí tán moat án, chơ alóí chooc án cốp blóh neq: “Noau chooc mới?”

Cốp máh cũai ranẻng tapáh án hữ.

Phi-er Calõih Yê-su

(*Mathia 26:69-75; Luca 22:56-62; Yang 18:15-18, 25-27*)

⁶⁶ Bo ki Phi-er noâng ốt tâng nchỏh. Bữn manoaq mansẻm táq ranáq yỏn án ca sớt nheq tẽ rit sang Yiang Sursĩ toaq pở ki. ⁶⁷ Từ án hữm Phi-er ốt nẻng ửih, án nhẻng chu moat Phi-er cốp án pai chỏq Phi-er neq: “Mới la cũai ca ốt cốp Yê-su tẽ vil Na-sarẻt.”

⁶⁸ Ma Phi-er calõih Yê-su neq: “Tở bữn! Cứq tở dáng ntróu mới pai! Cứq tở sạpủ loang!”

Chơ Phi-er loỏh tẽ nốq ki. Ma bo ki toạp ntruoí tacar. ⁶⁹ Muoi trỏ ẻn mansẻm ki hữm Phi-er, cốp

án atởng cũai ca ốt tayứng nốq ki neq: “Cũai nài la tẽ tốp ki tẻ.”

⁷⁰ Ma Phi-er calõih Yê-su sĩa.

Mahỏi ẻn, máh cũai tayứng ki pai chỏq Phi-er neq: “Lứq samoát mới la tẽ tốp alóí ki, yuaq mới la cũai Cali-lẻ.”

⁷¹ Phi-er thẻ dũan cloc pở cloc sóc cốp alóí. An ta-õi suon níc neq: “Anhia pai cứq tẽ tốp án ki, ma cứq tở dáng nớq roáp án.”

⁷² Bo ki toạp ntruoí tacar trỏ bar. Chơ Phi-er sanhử loah santoiq Yê-su khoiq atởng án neq: “Nhũang ntruoí tacar bar trỏ, mới calõih cứq pái trỏ.”

Từ Phi-er chanchóm loah santoiq ki, chơ án nhiam la-ổq lứq.

15

Yê-su Tayứng Yáng Moat Phi-lat

(*Mathia 27:1-2, 11-14; Luca 23:1-5; Yang 18:28-38*)

¹ Toaq poang tarựp parnỏ, mbởiq rừm-rừm, máh cũai sớt tốp tẻng rit sang Yiang Sursĩ, máh cũai sớt nheq sủu, cốp máh cũai yỏng rit rỏm sarhỏng parnỏi cốp máh cũai sớt canỏh. Moâm alóí sarhỏng, alóí chỏq Yê-su cốp dừng asuoí án toaq pở Phi-lat.* ² Phi-lat blóh Yê-su: “Mới la lứq puo I-sarel tở?”

Yê-su ta-õi: “Lứq p̄ieiq ariang mới pai.”

³ Máh cũai sớt tốp tẻng rit sang Yiang Sursĩ, alóí cauq Yê-su, pai án táq sa-ửi ranáq sủuq. ⁴ Chơ Phi-lat blóh loah Yê-su: “Nớq mới tở bữn ta-õi ntróu? Mới sâng chơ noau cauq mới sa-ửi ramủh.”

⁵ Ma Yê-su tở bữn ta-õi ntróu thảng. Ngkiq Phi-lat sâng đót lứq.

Noau Ruroh Yê-su Chũuq Cuchít
(*Mathia 28:15-20; Luca 23:13-25; Yang 18:39-19:16*)

* **14:62** 14:62 Daniel 7:13 * **15:1** 15:1 Phi-lat la cũai Rỏ-ma, án táq sớt nheq cruang Yủdẻ.
† **15:6** 15:6 Tangái ki alóí sanhử tangái Yiang Sursĩ chuai yỏn alóí loỏh tẻ cruang Ê-yip-tỏ tẻ mbỏq.

⁶ Toâq tangái cũai I-sarel rôm cha bũi sanhữ Tangái Loõh,[†] alóí bũn rit cũai sôt cruang ki acláh manoaq cũai tũ tẽ cuaq tam pahõm cũai proai ruroh yoc ẽ acláh. ⁷ Tangái ki tâng cuaq bũn manoaq ramứh Ba-raba. Án la tẽ tộp ẽ cheng sôt. Cóp án khoi q cachit cũai hỡ. ⁸ Chũng cũai toâq pỡ Phi-lat, sêq Phi-lat táq rit riang cumo nhũang sĩa. ⁹ Phi-lat blóh alóí neq: “Anhia êq cứq acláh puo I-sarel tỡ?”

¹⁰ Phi-lat dáng máh cũai sôt tộp tẽng rit sang Yiang Sursĩ sâng ũan lứq chók Yê-su, cõ máh cũai proai alóí yoc ẽ puai Yê-su. Ngkíq alóí dũng Yê-su toâq pỡ án. ¹¹ Ma máh cũai sôt rit sang ớn cũai chũng ki sêq Phi-lat acláh Ba-raba, tỡ cõn Yê-su. ¹² Phi-lat blóh loah alóí neq: “Ntróu anhia êq cứq táq chók cũai nãi, ca anhia đõq puo I-sarel?”

¹³ Alóí ta-õi casang lứq neq: “Téh án tâng aluang sangcáng!”

¹⁴ Phi-lat blóh alóí sĩa neq: “Cõ nõq? Ốc ntróu án táq sâuq?”

Ma alóí ta-õi casang hỡn tẽ nhũang ẽn: “Téh án tâng aluang sangcáng!”

¹⁵ Phi-lat êq p̄ieiq pahõm máh cũai proai. Ngkíq án acláh Ba-raba yõn alóí, cóp án ớn noau proaih Yê-su. Vót ki án chiau Yê-su yõn alóí dũng téh tâng aluang sangcáng.

Tahan Ayê Ra-ac Yê-su
(*Mathia 27:27-31; Yang 19:2-3*)

¹⁶ Chơ tahan dũng asuoi Yê-su toâq pỡ nchõh đõng noau đõq sũq cũai. Alóí arô parõm pachứm nheq tộp tahan ki. ¹⁷ Alóí asóp Yê-su au tuar santứm ẽng. Cóp alóí táq carvang sarlia apũng tâng plỡ án. ¹⁸ Chơ alóí táq nan cubán

cusũan án neq: “Cucõh noau casai puo I-sarel.”

¹⁹ Alóí ayiat tâng plỡ án toâq dũi sa-ũi trỗ, cóp alóí cuchóh tâng tỗ án. Alóí sacõh racól táq nan sang án hỡ. ²⁰ Moâm alóí ayê ra-ac án ngkíq, alóí tũot táh chíq au tuar ẽng ki. Chơ alóí asóp loah tampác án bũm cóp dũng aloõh án đõq téh tâng aluang sangcáng.

Noau Téh Yê-su Tâng Aluang Sangcáng

(*Mathia 27:32-44; Luca 23:26-43; Yang 19:17-27*)

²¹ Bo ki bũn manoaq ramứh Si-môn tẽ cruang Si-rên, mpoaq Alec-sandơ cóp Ruphu, pha na ki, án chu tẽ yáng tiah vil. Tahan ki ếp yõn án dõl aluang sangcáng Yê-su.

²² Alóí dũng Yê-su toâq pỡ ntõq noau đõq Cô-cô-tha. Santoiq nãi parlong loah la Ntõq Nghang Cantar Plỡ. ²³ Chơ alóí yõn Yê-su nguaiq blõng carchóc cóp cõng noau đõq mứ. Ma án tỡ êq nguaiq. ²⁴ Alóí téh án tâng aluang sangcáng. Cóp alóí ãt tampác án, chơ tampẽq na séng anhúq, aléq bũn la chơ.

²⁵ Bo mandang cháh tarup ki, alóí téh án tâng aluang sangcáng.

²⁶ Cóp alóí chĩc đõq põng plỡ Yê-su santoiq atõng tẽ án neq: **NÃI LA PUO I-SAREL.** ²⁷ Alóí tẽh bar náq cũai savẽng parnõi cóp Yê-su, manoaq coah atoam, manoaq coah avê. ²⁸ Ranáq nãi cõt rap̄ieiq tâng tâm saráq Yiang Sursĩ tẽ mbõq khoi q pai neq:

“Án pruum òt parnõi cóp cũai sâuq lứq.”[‡]

²⁹ Cũai ca pỡq pha ntõq noau cachit Yê-su, alóí culũt culiau ayê ra-ac án, pai neq: “Mới nãi ớq pai mới talõh đõng sang Yiang Sursĩ, chơ mới táq loah moâm toáp tâng pái tangái. ³⁰ Âu mới

[‡] 15:28 15:28 Sa-ũi tâm saráq tiaq tỡ bũn bũn rana 28 nãi.

sẽng tẽ aluang sangcáng ki, chuai amoong tở mới bữm!”

³¹ Cóp máh cũai sớt tốp tẽng rit sang Yiang Sursĩ cóp nheq cũai yống rit ayê ra-ac Yê-su tẽ. Alói pai neq: “Cũai canỏh tẽq án chuai amoong, ma tở án bữm tở hữm tẽq án chuai. ³² Khân án lứq Crít, puo I-sarel, yỏn án sẽng tẽ aluang sangcáng yỏn hái hữm. Ngkíq hái lứq sa-âm án tẽ.”

Cóp bar náq ca noau tẻng aluang sangcáng muoi próh cóp Yê-su, alói ayê ra-ac Yê-su tẽ.

Yê-su Cuchít

(*Mathia 27:45-56; Luca 23:44-49; Yang 19:28-30*)

³³ Tẽ moat mandang toang toau toaq moat mandang priang cớt canám nheq chũop cruang ki. ³⁴ Toaq mandang priang Yê-su arỏ casang lứq neq: “Ê-lỏ-i, Ê-lỏ-i, § lama-sabac-tani?”

Santoiq nái parlong loah la: “Yiang Sursĩ cứq ời! Yiang Sursĩ cứq ời! Nỏq mới táh chíq cứq?”*

³⁵ Bữn cũai tayúng cheq ki sâng án arỏ ngkíq. Chớ alói pai neq: “Ki! Án arỏ Ê-li.”

³⁶ Cóp bữn manoaq tẽ alói ki lủh ít muoi cốc aroaiq. Án alỏq aroaiq ki tẻng blỏng nhỏq, cóp chỏq tẻng dũi. Chớ án avới yỏn Yê-su yáp. Án pai neq: “Hái coan voai. Hái nhẻng Ê-li toaq alíh asẻng án, ma tở bữn.”

³⁷ Ma Yê-su u-ỏi casang lứq, chớ ta-ỏh rangứh. ³⁸ Bữn aroaiq noau yoang tẻng Dỏng Sang Toar cớt raháq tẽ pẻng toaq pẻn, cớt bar sarẻc. ³⁹ Bo ki bữn manoaq sớt muoi culám tahan ỏt tayúng yáng moat Yê-su. Tữ án hữm Yê-su ta-ỏh rangứh, án pai neq: “Lứq samoat cũai nái la Con Yiang Sursĩ.”

⁴⁰ Bữn máh cũai mansẻm ỏt yỏng-yỏng tapoang nhẻng chu ki tẽ. Pái náq tẽ tốp alói la Mari tẽ vil Mac-dala, Salỏ-mẻ, cóp Mari mpiq Yỏ-sẻ cóp Yacỏ Cớt. ⁴¹ Tẽ nhũang, bo Yê-su ỏt tẻng cruang Cali-lẻ, alói pái náq mansẻm nái đỏq puai Yê-su cóp chửm siem án. Cóp ỏt ngki, bữn máh mansẻm ca pỏq parnỏi cóp Yê-su bo án chỏn chu vil Yaru-salem.

Noau Túp Yê-su

(*Mathia 27:57-61; Luca 23:50-56; Yang 19:38-42*)

⁴² Tangái ki la tangái noau thừan nhũang Tangái Rlu. Toaq paloỏng tabữ cheq ntruoi mut looc, ⁴³ Yỏ-sep tẽ vil Ari-mathẻ toaq pỏ Phi-lat. Án la manoaq tẽ tốp cũai sớt ca noau yám lứq, cóp án ngcuang Yiang Sursĩ táq sớt. Án tở bữn ngcỏh sẻq tẽ Phi-lat cumuiq Yê-su. ⁴⁴ Phi-lat sảng đớt lứq noau pai Yê-su khoiq cuchít chớ. Ngkíq án arỏ cũai sớt muoi culám tahan yoc ẻ blỏh án Yê-su cuchít, ma tở yủah. ⁴⁵ Toaq Phi-lat dáng tẽ tahan ki pai Yê-su khoiq cuchít chớ, án yỏn cumuiq Yê-su pỏ Yỏ-sep. ⁴⁶ Ngkíq Yỏ-sep ít muoi ploah aroaiq busín. Moám án alíh Yê-su asẻng tẽ aluang sangcáng, án som toaq aroaiq ki, cóp án đỏq cumuiq Yê-su tẻng ping noau tỏc tamáu cỏl. Chớ án vủ tamáu catẻng chíq ngoah ping. ⁴⁷ Mari tẽ vil Mac-dala cóp Mari mpiq Yỏ-sẻ, alói hữm ntỏq noau đỏq cumuiq Yê-su.

16

Yê-su Tamoong Loah

(*Mathia 28:1-8; Luca 24:1-12; Yang 20:1-10*)

¹ Vớt Tangái Rlu, chớ Mari tẽ vil Mac-dala, Mari mpiq Yacỏ, cóp Salỏ-mẻ, alói pái náq đẻng cởng

phuom ẽ tia tâng cumuiq Yê-su.
² Tangái muoi tâng tón ki, poang tarúp moat mandang mbõiq loõh, alóit toáq pở ping. ³ Alóit manoaq blóh manoaq neq: “Noau tẽq vih tamáu tẽ ngoah ping yõn hái?”

⁴ Tamáu ki toâr lứq. Ma từ alóit tapoang achõn, alóit hữm khoiq noau vih tamáu ki chơ. ⁵ Từ alóit mut tâng ping, alóit hữm manoaq samiang póng sóp au tuar cloc, tacu coah atoam tâng ntóq ki. Chơ alóit sâng croõq. ⁶ Ma samiang ki atõng alóit neq: “Chõit croõq ntróu. Cừq dáng anhia chuaq Yê-su tẽ vil Na-sarết, án ca noau khoiq téh tâng aluang sangcáng. Ma án tở bữn õt nnâi noâng. Án khoiq tamoong loah chơ. Anhia nhêng chu ntóq noau đõq cumuiq án. ⁷ Chơ anhia pởq atõng tốp rien tẽ Yê-su, cốp Phi-er neq: ‘Yê-su pởq nhũang anhia pở cruang Cali-lê. Anhia pởq pở ki, anhia lứq ramóh án ariang án khoiq atõng anhia tẽ nhũang chơ.’”

⁸ Ngkíq mansẽm ki lúh loõh vót tẽ ping. Alóit sâng dót lứq, cốp alóit cangcoaih yuaq alóit sâng croõq lứq. Alóit tở khón táq ntõng yõn cũai canõh dáng, miaq alóit croõq.

Mari Tẽ Vil Mac-dala Ramóh Loah Yê-su
 (Mathia 28:9-10; Yang 20:11-18)

⁹ Tangái muoi tâng tón ki, Yê-su yuor tamoong loah tẽ ping. Tarúp ki noâng cláih lứq án pởq sapáh yõn Mari tẽ vil Mac-dala hữm. Mari la cũai ca Yê-su khoiq tuih aloõh tapul lám yiang sâuq.*

¹⁰ Chơ Mari pởq atõng máh yóu Yê-su dáng tẽ ranáq án khoiq hữm. Ma yóu Yê-su õt nhiam tanúh níc. ¹¹ Từ yóu Yê-su sâng Mari pai Yê-su lứq tamoong loah,

cốp án khoiq hữm Yê-su chơ, alóit tở bữn noap parnai án.

Yê-su Ramóh Bar Náq Tâng Rana
 (Luca 24:13-35)

¹² Moâm ki bữn bar náq cũai canõh ẽn loõh tẽ vil Yaru-salem. Yê-su toáq sapáh tở án cõt roáp mpha ẽn yõn bar náq ki hữm. ¹³ Bar náq ki chu atõng yóu Yê-su dáng pai alóit lứq hữm Yê-su, ma yóu Yê-su tở bữn noap sía.

Yê-su Toáq Pở Tốp Rien Tẽ Án
 (Mathia 28:16-20; Luca 24:36-49; Yang 20:19-23; Ranáq Táq 1:6-8)

¹⁴ Ntun ẽn Yê-su sapáh tở án yõn tốp muoi chít la muoi noaq hữm án tẽ. Yê-su táq ngkíq bo tốp muoi chít la muoi noaq tacu chi-cha. Cốp Yê-su tẽq alóit, yuaq alóit bữn mút coang cốp tở bữn noap án lứq tamoong loah, samoát noau khoiq atõng alóit. ¹⁵ Yê-su atõng alóit neq: “Anhia pởq chũop dũ cruang purn paloõng cutrúq nâi cốp atõng yõn nheq từh cũai dáng parnai o tẽ cừq. ¹⁶ Cũai aléq ma sa-âm cừq cốp roap batẽm, cừq lứq chuai amoong cũai ki. Ma cũai aléq tở bữn sa-âm cừq, cũai ki cốp chũq tở án bữm. ¹⁷⁻¹⁸ Alóit ca lứq sa-âm cừq, ki alóit tẽq táq ranáq salẽh neq: Nho ramúh cừq alóit tẽq tuih aloõh yiang sâuq, tẽq atõng parnai tamái, tẽq yõng cusân ma tở bữn pân ntróu, tẽq nguaiq cớng bũl ma alóit tở bữn bũl, cốp tẽq satoaq atĩ tâng cũai a-ĩ yõn cũai ki cõt bán.”

Yê-su Chõn Loah Chu Paloõng
 (Luca 24:50-53; Ranáq Táq 1:9-11)

¹⁹ Moâm Yê-su pai ngkíq, chơ án chõn loah chu paloõng, cốp án tacu coah atoam Yiang Sursĩ. ²⁰ Chơ tốp rien tẽ Yê-su loõh pởq

* 16:9 16:9 Choáiq tiaq tở bữn bữn rana 9 toáq rana 20.

chu nâi pǝq chu ki atǝng parnai
o tǝ Yê-su. Cǝp Yiang Sursĩ chuai
alǝi, yǝn alǝi bǝn chǝc tǝq tǝq
ranǝq salǝh. Yuaq ngkĩq cũai
tǝq dǝng samoât lǝq parnai alǝi
atǝng la lǝq pǝiq.

Luca Chĩc Atõng Parnai O Tẽ Yê-su Crĩt Santoiq Atõng

Luca cõt yóu ca põq parnoi cóp Phau-lô, ma án tở cõn cũai I-sarel. Luca chĩc loah tẽ máh ốc án khoiq sâng noau atõng tẽ ranáq Yê-su táq, cóp tẽ ốc Yê-su atõng. Án chĩc saráq nãi sám cumo 60 ntun Yê-su canõt.

Yê-su la manoaq ca Yiang Sursĩ khoiq ruroh yõn toáq chuai amoong cũai I-sarel cóp nheq tũh cũai tâng cõc cutẽq nãi. Luca chĩc atõng tẽ ốc bũi o ca Yê-su ðừng atoáq pỡ cũai túh cadĩt. Án atõng tẽ muoi ranẽng Yiang Sursĩ toáq pỡ Mari, toáq pỡ tốp bán cũu, cóp toáq pỡ ping cumuiq bo Yê-su tamoong loah tẽ cuchĩt.

Luca chĩc sa-ũĩ ramúh ẽn tẽ máh saráq Mathia, Mac, cóp Yang tở bũn chĩc. Ramúh ki atõng tẽ Raviei Yiang Sursĩ, tẽ ốc câu sếq, cóp tẽ máh mansẽm ca rachuai ranáq Yê-su.

¹ O achuaih Theu-phulo ơi! Bũn cứng cũai khoiq táq puai mút pahõm alóĩ ðõq chĩc tẽ máh ranáq Yê-su. Máh parnai ki khoiq toáq pỡ hái chơ. ² Máh cũai ki dáng tẽ ranáq Yê-su cõ alóĩ bũn sâng tẽ cũai ca lứq hũm án tẽ ðau. Chơ, cũai ki atõng máh parnai o ki yõn hái ẽn dáng. ³ ðau lứq, cứq khoiq rien samoát samoi lứq tẽ nheq máh ốc cũai ki atõng. Yuaq ngkiq, cứq yoc ẽ chĩc máh ốc ki yõn mới. ⁴ Cứq táq ngkiq ẽq mới dáng samoát samoi tẽ máh ốc noau khoiq atõng mới.

*Ranẽng Yiang Sursĩ Atõng Tẽ
Yang Ca Táq Batẽm*

⁵ Bo ðõi Hê-rôt cõt puo tâng cruang Yudê, bũn manoaq tẽ tốp tẽng rit sang Yiang Sursĩ ramúh Sa-chari. Án la tẽ tống toiq Abia, la cũai tẽng rit sang Yiang Sursĩ tẽ mbõq. Lacuoi Sa-chari ramúh Ê-li-sabet la tẽ tống toiq Arôn. ⁶ Alóĩ bar náq nãi la cũai tanoang o yáng moat Yiang Sursĩ. Alóĩ trĩh samoát samoi máh ốc Yiang Sursĩ patáp, cóp tở bũn noau tẽq tẽq alóĩ táq lóih. ⁷ Alóĩ tở bũn bũn con, yuaq Ê-li-sabet la cũai cũt, cóp alóĩ bar náq khoiq thâu hõ.

⁸⁻⁹ Tốp tẽng rit sang Yiang Sursĩ bũn rit tampẽq táq ranáq cõt tốp. Bũn muoi tangái tốp Sa-chari ruroh Sa-chari na séng, yõn án mut tẽng rit sang yáng moat Yiang Sursĩ. Alóĩ yõn án mut tacát crõng phuom tâng prõng tâng cõng ðõng Sang Toár. ¹⁰ Bo Sa-chari mut tacát crõng phuom, bũn cứng cũai õt rôm câu yáng tiah. ¹¹ Chơ bũn ranẽng Yiang Sursĩ tẽ paloõng toáq pỡ Sa-chari. Ranẽng ki tayúng coah atoam prõng ðõq noau tacát crõng phuom. ¹² Toáq Sa-chari hũm ranẽng ki, án sâng ðót lứq cóp án ngcõh. ¹³ Ma ranẽng ki atõng án neq: “Sa-chari ơi! Mới chõĩ ngcõh ntróu. Yiang Sursĩ khoiq roap chơ santoiq mới câu. Ê-li-sabet, lacuoi mới, nõ-ra án canõt muoi lám con samiang. Cõq anhia amúh con ki ramúh Yang. ¹⁴ Nõ-ra mút pahõm mới sâng bũi õn lứq cõ nhơ mới bũn con samiang. Cóp cứng cũai sâng bũi tẽ toáq tangái con samiang ki canõt, ¹⁵ yuaq Yiang Sursĩ pasẽq án cũĩ tẽ cũai canõh. Cõq án chõĩ nguaiq bõng sariau ntróu. Cóp án bũn Raviei Yiang Sursĩ cõt sõt tâng mút pahõm án tẽ tangái mpiq án canõt án. ¹⁶ Nõ-ra

án táq yõn chùng lứq cũai I-sarel pih sa-âm loah Yiang Sursĩ, Ncháu alóí. ¹⁷ Nõ-ra án bữn mút pahõm cốp chóc samoât Ê-li, la cũai tang bõq Yiang Sursĩ. Án pờq nhũang Ncháu. Án táq yõn mpoaq cốp con cõt loah muoi mút. Cốp án táq yõn alóí ca tở bữn trĩh ngê Yiang Sursĩ pih táq ranáq tanoang o ẽn. Án chuai máh cũai ralêq loah mút pahõm đõq Ncháu tề ndõm alóí.”

¹⁸ Sa-chari blóh ranẽng ki neq: “Nõq cứq tềq dáng ọc ki lứq p̄ieiq? Cứq cốp lacuoi cứq khoiq thâu chơ.”

¹⁹ Ma ranẽng ki ta-õi án neq: “Ramúh cứq la Capriel. Cứq la ranẽng Yiang Sursĩ ca đõq tayúng yáng moat án. Án ớn cứq toâq atõng yõn mới dáng tể ramúh o nâi. ²⁰ Sanua mới cõt ngong toau toâq tangái máh ramúh nâi toâq, yuaq mới tở bữn noap parnai cứq. Ngư máh ramúh nâi toâq, ki santruoq ariang cứq khoiq pai.”

²¹ Bo ki bữn chùng cũai õt acoan Sa-chari yáng tiah. Alóí sâng salêh Sa-chari õt dũn tâng đõng sang ki. ²² Tở Sa-chari loõh, án tở tềq táq ntõng muoi ọc ntróu. Ngkíq, alóí dáng án khoiq hữm Yiang Sursĩ sạpáh baih tâng đõng sang. Cốp Sa-chari atõng alóí toâq aĩ sâng, yuaq bõq án táq ntõng tở luoh noâng.

²³ Moâm Sa-chari táq ranáq tâng đõng sang, chơ án chu pở đõng án. ²⁴ Vốt máh tangái ki Ê-li-sabet lacuoi Sa-chari, õt mumiaq. Chơ Ê-li-sabet õt níc tâng đõng, tở bữn pờq chu léq sám sỡng casâi. ²⁵ Cốp án pai neq: “Sanua cứq bũi ớn lứq Yiang Sursĩ yõn cứq õt mumiaq, yõn cứq tở bữn casiet táq noâng yáng moat cũai canõh cõ cứq ỏq con.”

Ranẽng Yiang Sursĩ Atõng Tể Sết Yê-su

²⁶ Ê-li-sabet õt mumiaq khoiq tapoât casâi chơ. Tâng casâi ki Yiang Sursĩ ớn ranẽng án, Capriel, pờq chu vil Na-sarêt tâng cruang Cali-lê. ²⁷ Án dũng parnai Yiang Sursĩ toâq pở manoaq cumũr ca tở nai bẽq cốp samiang cumũr ca tở nai bẽq cốp samiang yũah. Ramúh án la Mari. Mpiq mpoaq án khoiq par-ũq yõn án racoaiq cốp manoaq ramúh Yô-sep. Yô-sep la tể tống toiq Davĩt, la puo cũai I-sarel tể mbõq. ²⁸ Ranẽng Yiang Sursĩ ki toâq pở Mari, cốp án pai neq: “Bán tể Mari. Yiang Sursĩ lứq õt cốp mới, cốp án yõn mới bữn ọc bõn lứq!”

²⁹ Tở Mari sâng parnai ranẽng ki pai, án sâng đót cốp croõq lứq. Án tở dáng ntróu ranẽng ki ẽ pai chók án. ³⁰ Ranẽng ki atõng án neq: “Mari ơi! Mới chõĩ ngcõh ntróu, yuaq Yiang Sursĩ khoiq ruroh mới yõn bữn ọc bõn. ³¹ Tở bữn dũn mới õt mumiaq; chơ mới canõt muoi lám con samiang. Cóp mới amúh án la Yê-su. ³² Nõ-ra án cõt sõt, cốp noau đõq án la Con Yiang Sursĩ ca sõt clũĩ nheq tể canõh. Lứq Yiang Sursĩ, Ncháu hái, chók yõn án cõt puo machõng achúc achiac án Davĩt tể mbõq tể. ³³ Án lứq cõt puo máh tống toiq Yacóp mantái níc. Án cõt puo toau sõt nheq đõi!”

³⁴ Mari ta-õi ranẽng ki neq: “Nõq tềq ramúh nâi toâq pở cứq? Cứq tở yũah bẽq parnoi cốp cũai samiang aléq?”

³⁵ Ma ranẽng ta-õi án neq: “Ntun nâi Raviei Yiang Sursĩ õt cốp mới. Cốp Yiang Sursĩ ca sõt clũĩ nheq tể canõh lứq kĩaq pasêq níc mới. Ngkíq mới bữn con bráh o lứq. Noau đõq con mới la Con Yiang Sursĩ. ³⁶ Mới sanhũ tể õi mới Ê-li-sabet. Án la cũai khoiq

thâu chơ, cốp noau pai án la cũai cũt. Ma sanua án ốt mumiaq muoi lám con samiang. Án ốt mumiaq khoiq tapoát casâi chơ. 37 Yiang Sursĩ têq táq nheq dũ ranáq.”

38 Chơ Mari ta-đĩ neq: “Cứq la cũai táq ranáq Yiang Sursĩ. Cứq sẽq máh ramúth mới pai yõn lứq toâq pở cứq.”

Vót ki ranẽng pởq tẽ Mari.

Mari Pởq Sa-óh Ê-li-sabet

39 Tâng máh tangái ki, Mari thũan pởq chu muoi vil tâng dũal cóh pở cruang Yudê. Án pởq cháit lứq êq yõn toâq pở vil ki. 40 Từ án toâq, án mut tâng đồng Sa-chari, cốp án cubán Ê-li-sabet. 41 Bơ Ê-li-sabet sâng Mari cubán án, ngkíq con tâng púng án rachâu. Cốp Ravieĩ Yiang Sursĩ cõt sốt tâng mút pahõm Ê-li-sabet. 42 Chơ Ê-li-sabet pai casang lứq neq: “Yiang Sursĩ lứq yõn mới bữn ốc bốn hõn nheq tẽ mansẽm canõh! Cốp con cõt cõt tâng púng mới lứq bữn ốc bốn tê! 43 Yuaq nõq mpiq Ncháu cứq toâq sa-óh cứq? Ốc nâi la toâq lứq yõn cứq! 44 Bơ cứq sâng parnai mới cubán cứq, con cõt cõt tâng púng cứq rachâu, yuaq án sâng bũi tê. 45 Bốn lứq mới, yuaq mới sa-âm máh parnai Yiang Sursĩ atõng mới lứq cõt rapĩeiq!”

Mari Khẽn Yiang Sursĩ

46 Chơ Mari pai neq:

“Cứq khẽn Ncháu cứq nheq rangúh.
47 Cốp mút pahõm cứq sâng bũi hõn,
yuaq Yiang Sursĩ la Yiang ca chuai amoong cứq.
48 Cứq la cũai cõt cõt lứq táq ranáq án,
ma nõng án nhẽng cốp chuai cứq.
Tẽ sanua toau toâq ntun,

dũ dõĩ cũai dõq cứq la cũai bữn ốc bốn,

49 yuaq Yiang Sursĩ ca bữn chóc toâr lứq,

táq ranáq o yõn cứq.

Ramúth án la bráh o lứq.

50 Án ayoõq táq máh cũai ca yám án,

tẽ dõĩ mbỏq toau toâq dõĩ chumát.

51 Án khoiq táq ranáq toâr lứq toâq atĩ án toâp.

Cốp án khoiq tuih máh cũai ca chanchóm alớĩ toâr hõn cốp o hõn tẽ cũai canõh.

52 Alớĩ ca sốt toâr, án khoiq táq yõn alớĩ cõt tở bữn sốt nõng.

Ma alớĩ ca cacót, án khoiq achõn alớĩ cõt toâr.

53 Máh cũai ốq, án khoiq yõn alớĩ bữn dũ crong o.

Ma máh alớĩ ca sốc, án yõn alớĩ chu atĩ miat.

54 Án tở bữn khĩr máh ốc parkhán án khoiq parkhán cốp achúc achiac hẽq.

Cốp án khoiq chuai máh cũai I-sarel ca táq ranáq án.

55 Án ayoõq táq A-praham cốp máh tống toiq A-praham mantái níc!”

56 Moâm Mari pai máh santonq ki, chơ án ốt cốp Ê-li-sabet bữn pái casâi. Vót ki án chu loah pở đồng án.

Ê-li-sabet Sết Yang

57 Chơ toâq ngư Ê-li-sabet sết con án, án sết muoi lám con samiang. 58 Máh cũai tâng vil ki, cốp máh sẽm ai án khoiq sâng tẽ ranáq Yiang Sursĩ sarũiq táq Ê-li-sabet. Ngkíq, alớĩ pruum sâng bũi tê cốp Ê-li-sabet.

59 Toâq con cõt cõt ki bữn tacual tangái, alớĩ pởq táq rit cút yõn con alớĩ. Alớĩ yoc ẽ amúth án la Sa-chari, tũoiq ramúth mpoaq án.

60 Ma mpiq án pai neq: “Tở bữn! Hái đợq ramứh án la Yang.”

61 Ma máh cūai ki pai neq: “Ma tâng sâu mới tở bữn noau bữn ramứh ngkíq!”

62 Chơ alóí blóh mpoaq con ki toâq atĩ. Alóí blóh án ntróu án ẽ amứh con án. 63 Sa-chari sẽq muoi khlẽc pian cacót; chơ án chĩc tâng pian ki neq: “Ramứh án la Yang.”

Ngkíq nheq cūai ki sâng dót lứq! 64 Bo ki toâp Sa-chari tẽq táq ntõng loah, cớp án khẽn Yiang Sursĩ. 65 Máh cūai tâng vil ki sâng dót lứq. Cớp ranáq ki trởh la-ũt la-ũĩ dũ ntóq tâng máh dũal cóh tâng cruang Yudê. 66 Máh cūai ca sâng tẽ ramứh ki, alóí cayóm đợq tâng mút, cớp manoaq blóh manoaq neq: “Carnẽn nâi nỡ-ra án cõt nõq?” Yuaq Yiang Sursĩ lứq õt cớp án.

Sa-chari Khẽn Yiang Sursĩ

67 Chơ Sa-chari mpoaq carnẽn ki bữn Raviei Yiang Sursĩ cõt sớt tâng mút pahõm án. Ngkíq án atõng parnai tẽ Yiang Sursĩ neq:

68 “Cóq hái khẽn Ncháu hái, la Yiang Sursĩ cūai I-sarel sang.

Lứq án toâq chuai máh cūai án, cớp án tháí alóí tẽ ốc lôih.

69 Án yõn manoaq ca bữn chớq lứq toâq chuai amoong hái. Manoaq ki toâq tẽ tống toiq puo Davĩt,

la cūai táq ranáq Yiang Sursĩ.

70 Nheq ramứh nâi Yiang Sursĩ khoiq atõng tẽ mbốq toâq máh cūai tang bỗq án ca bráh o lứq.

71 Án khoiq ữq ẽ chuai hái yõn vót tẽ cūai ẽ táq hái, cớp tẽ atĩ cūai kêt hái.

72 Án khoiq ayooq táq achúc achiac hái.

Cớp án tở nai khlĩr máh ốc án khoiq par-ữq tẽ nhũang.

73 Án khoiq parkhán cớp A-praham

la achúc achiac hái,

74 cớp án ữq neq: Án ẽ chuai hái yõn vót tẽ atĩ cūai ẽ táq hái.

Ngkíq, án yõn hái táq ranáq án, tở bữn ngcõh ntróu;

75 cớp hái õt tanoang o cớp bráh o yáng moat án nheq đõĩ tamoong hái.

76 “Con cớq ơi! Nỡ-ra noau đợq mới

la manoaq tang bỗq Yiang Sursĩ, án ca sớt clũĩ nheq tẽ canỏh,

yuaq mới bữn pỡq nhũang Ncháu hái,

cớp cháh rana yõn án.

77 Cớp mới lứq atõng yõn máh cūai án dảng,

la Yiang Sursĩ táh lôih alóí

yõn án tẽq chuai amoong alóí.

78 Yuaq Yiang Sursĩ hái sâng sarũiq táq,

ngkíq án yõn manoaq ca án ruroh toâq pỡ hái,

đợq chuai amoong cūai.

79 Cūai ki toâq tẽ paloõng,

cớp án táq yõn máh cūai tở bữn ngcõh cuchĩt noâng.

Cớp án ayông hái pỡq tâng rana ien khẽ.”

80 Ngkíq, con ki toâr achõn cớp mút pahõm án yoc lứq puai ngê Yiang Sursĩ. Án õt tâng ntóq aiq toau toâq tangái án tabốq táq ranáq apáh yõn máh cūai I-sarel hũm.

2

Sết Yê-su Crĩt (Mathia 1:18-25)

1 Máh tangái ki Acu-tơ la puo Rô-ma, cõt sớt nheq máh cruang mpẽr ki. Án ón nheq tữh cūai pỡq chĩc choâiq đống sũ, yuaq án yoc

ẽ dáng máh léc chùng cũai proai án. ² Nài la trở dẫu lứq noau noap cũai, bo Curê-nia cõt sớt pưn Acu-tơ tâng cruang Si-ri. ³ Nheq tữh cũai miar chu pỡ vil alói, đợc chĩc ramứh tâng choaiq đợng sũ tâng vil alói bữm.

⁴ Ngkĩq Yô-sep loõh tễ vil Nasarêt cruang Cali-lê. Án pỡq chu cruang Yudê, vil Bet-lahem, la Vil Davĩt. Án mut vil nài, yuaq án la tễ tợng toiq Davĩt tê. ⁵ Án ẽ chĩc ramứh choaiq đợng sũ pỡ ki. Cóp án dũng dẻh Mari, la mansẻm noau ửq yõn án táq lacuoi. Ma Mari khoiq ớt mumiaq chơ. ⁶ Bo alói ớt pỡ ki, toâq ngư Mari ẽ khuop cumo. ⁷ Chơ án sẻt con samiang chùng. Án a-ũl con ki toâq aroaiq, cớp chớq án tâng cuaq bát, yuaq máh đợng tâng vil ki khoiq tadát nheq cũai, tỡ bữn noâng ntợq yõn alói bẻq.

⁸ Bo ki bữn cũai tâng cruang ki ớt bán charán cũu. Alói ớt kĩaq cũu tâng lẻng sadâu ki. ⁹ Bữn manoaq ranẻng Yiang Sursĩ tễ paloõng toâq pỡ alói. Cớp poang tễ Yiang Sursĩ claq pẻr alói; chơ alói sâng ngcõh lứq. ¹⁰ Ranẻng ki pai chớq alói neq: “Chõn ngcõh! Cứq toâq atợng anhia muoi ramứh o cớp bũi ỡn lứq yõn nheq tữh cũai.” ¹¹ Tangái nài tâng Vil Davĩt, bữn manoaq khoiq sẻt chơ đợc chuai amoong anhia. Manoaq nài la Crĩt; án la Ncháu hái. ¹² Nài la tẻc yõn anhia: Anhia lứq ramóh con sâu-sâu noau acuam toâq aroaiq. Án bẻq tâng cuaq bát.”

¹³ Bo ki toâp bữn chùng lứq ranẻng Yiang Sursĩ ớt parnơi cớp ranẻng ki. Nheq tữh alói khẻn Yiang Sursĩ. ¹⁴ Alói pai neq: “Lứq khẻn Yiang Sursĩ ca ớt tâng paloõng. Án yõn ợc ien khẻ toâq

pỡ cớc cutẻq nài, la yõn pỡ cũai Yiang Sursĩ sâng bũi pahỏm.”

¹⁵ Tữ nheq tữh ranẻng ki loõh tễ cũai bán cũu, chu loah tâng paloõng, chơ cũai bán cũu manoaq radửng manoaq neq: “Hái! Hái pỡq chu vil Bet-lahem. Hái nhẻng ranáq khoiq toâq chơ, ariang Yiang Sursĩ khoiq atợng hái.”

¹⁶ Chơ alói pỡq chái lứq cớp toâq toâp. Alói ramóh Mari, Yô-sep, cớp con. Con ki bẻq tâng cuaq bát. ¹⁷ Toâq alói hữm ngkĩq, chơ alói pỡq atợng yõn cũai canỏh dáng tễ máh santoiq alói khoiq sâng tễ con ki. ¹⁸ Dũ náq cũai ca tamửng parnai tợp bán cũu atợng, alói sâng đợc lứq. ¹⁹ Ma Mari cayỏm đợc tâng mút án nheq ranáq nài. ²⁰ Ngkĩq cũai bán cũu, ntỡn alói chu ntỡn alói khẻn Yiang Sursĩ, yuaq máh ranáq alói khoiq sâng cớp hữm la lứq samoat ỉn noau atợng alói.

²¹ Noap tễ tangái con ki cõt bữn tacual tangái, alói táq rit cứt yõn con alói puai phẻp rit cũai I-sarel. Tangái ki alói amứh con ki la Yẻ-su. Alói ỉt ramứh ariang ranẻng Yiang Sursĩ khoiq atợng alói bo Mari tỡ yũah ớt mumiaq.

Yô-sep Cớp Mari Chiau Loah Yẻ-su Yõn Yiang Sursĩ

²² Vớt ki Yô-sep cớp Mari dửng con alói pỡ vil Yaru-salem đợc táq rit sambráh puai phẻp rit Môise khoiq atợng cớp ẽ chiau sang con alói yõn Yiang Sursĩ. ²³ Yuaq Yiang Sursĩ patâp cũai I-sarel tễ mbỏq neq:

“Dũ náq con samiang chùng cớq anhia dửng chiau sang yõn Yiang Sursĩ.”*

²⁴ Cớp alói yoc ẽ chiau sang cớng yõn Yiang Sursĩ hỡ, yuaq Yiang Sursĩ patâp cũai I-sarel neq:

* 2:23 2:23 Loõh Tễ Ê-yip-tô 13:2, 12

“Moâm mansêm béc tapéh cóq án dững muoi cáp chóm tariap tở la bar lám chóm tapâr con pở đồng sang.”*[☆]

Si-mê-ôn Khễn Yiang Sursĩ

²⁵ Bữn manoaq samiang tâng vil Yaru-salem ramứh Si-mê-ôn. Án la cũai tanoang o, cốp án trỉh samoât samoi lữq ngê Yiang Sursĩ. Án nguang níc tangái Yiang Sursĩ yỗn manoaq toâq chuai amoong cũai I-sarel. Raviei Yiang Sursĩ ốt níc cốp Si-mê-ôn. ²⁶ Cốp Raviei Yiang Sursĩ atỡng yỗn án dấng án tở bữn cuchít tể nhũang án tở yũah hữm Crít, án ca Yiang Sursĩ rươh đợq chuai amoong cũai. ²⁷ Tangái ki Raviei Yiang Sursĩ dững Si-mê-ôn mut tâng Dồng Sang Toâr. Bo ki mpiq mpoaq Yê-su dững Yê-su pở Dồng Sang Toâr cở ể puai phễp rit I-sarel. ²⁸ Si-mê-ôn ít ca-ữ con ki cốp án sa-ỡn Yiang Sursĩ neq:

²⁹ “Yiang Sursĩ ơi! Khoiq toâq chơ ranáq anhia ữq cốp cứq. Sanua khân anhia yỗn cứq ca táq ranáq anhia cuchít, la cứq sâng bũi lữq, ³⁰ yuaq moat cứq khoiq hữm chơ án ca anhia rươh yỗn chuai amoong cũai. ³¹ Ranáq nâi anhia thữan yáng moat neq tữh cũai. ³² Án la samoât aroam abal rana yỗn máh cũai tở cởn cũai I-sarel. Nơ án, neq tữh cũai bữn khễn cũai I-sarel.”*[☆]

³³ Mpiq mpoaq Yê-su sâng dót lữq tể santoiq Si-mê-ôn pai tể con alói. ³⁴ Chơ Si-mê-ôn câu sễq ốc bốn yỗn alói, cốp án atỡng Mari la mpiq Yê-su neq: “Con mới nâi, Yiang Sursĩ khoiq rươh án yỗn sa-ữi náq cũai I-sarel tềq ốt cheq loah Yiang Sursĩ nơ tể án, cốp yỗn sa-ữi náq cũai I-sarel ốt yờng tể Yiang Sursĩ la cở tể

án. Án ể apáh ngê Yiang Sursĩ yỗn máh cũai dấng. Ma lữq bữn chững cũai ể ayê ra-ac án. ³⁵ Máh ốc noau cutooq đợq tâng mút pahôm, nỡ-ra máh ốc ki cởt mpáh neq. Cốp bữn ốc ngua toâq pở mới samoât pla coih tacáh tâng pahôm mới.”

³⁶ Bữn manoaq ayoaq thâu ễn toâq pở ki, ramứh Ana, con Phannual, tốp Asêr. Án la cũai tang bợq Yiang Sursĩ tể. Tể nhũang, án bữn cayac, cốp án ốt cốp cayac án tapul cumo. ³⁷ Moâm ki án ốt cumai. Ma bo ki án khoiq tacual chít la pỏn cumo chơ. Án tở nai loỏh tể Dồng Sang Toâr. Tangái cốp sadâu án ốt sang níc Yiang Sursĩ. Án đợq câu cốp ốt sana.

³⁸ Bo ki toâp ayoaq nâi mut chu ntốq mpiq mpoaq Yê-su ốt. Án sa-ỡn Yiang Sursĩ, cốp án atỡng tể con nâi chóq máh cũai ca ốt nguang manoaq ca Yiang Sursĩ rươh yỗn toâq acláh vil Yaru-salem.

³⁹ Moâm mpiq mpoaq Yê-su táq neq máh ramứh puai phễp rit Yiang Sursĩ khoiq patáp cũai I-sarel, chơ alói chu loah pở đồng alói tâng vil Na-sarết, cruang Calilê. ⁴⁰ Yê-su toâr achỏn cốp cởt bán rêng. Án rangoaiq lữq. Cốp Yiang Sursĩ yỗn án bữn ốc bốn sa-ữi.

Bo Anhúq Yê-su Muoi Chít La Bar Cumo

⁴¹ Dũ cumo mpiq mpoaq Yê-su đợq pởq pở vil Yaru-salem đợq cha bũi sanhữ Tangái Loỏh.*
⁴² Toâq Yê-su bữn muoi chít la bar cumo, alói pởq sĩa puai rit cha bũi tâng vil Yaru-salem. ⁴³ Moâm tangái cha bũi, alói pởq ể chu loah pở đồng. Ma Yê-su noâng ốt loah tâng vil Yaru-salem. Mpiq mpoaq án tở bữn dấng án ốt

* 2:24 2:24 Lê-vi 12:8 ☆ 2:32 2:32 Ê-sai 42:6; 49:6; 52:10 * 2:41 2:41 Tangái ki alói sanhữ tangái Yiang Sursĩ chuai yỗn alói loỏh tể cruang Ê-yip-tô tể mbốq.

loah. ⁴⁴ Alói chanchóm Yê-su chu cốp yóu ca pởq parnói. Ngkiq alói pởq nheq muoi tangái. Toâq sadâu alói chuaq blóh máh sêm ai cốp yóu tễ vil alói. ⁴⁵ Ma alói tở ramóh Yê-su. Ngkiq alói pih loah pở vil Yaru-saleh, cốp chuaq Yê-su pở ki. ⁴⁶ Vót pái tangái alói ramóh án tâng Dông Sang Toâr. Án tacu parnói cốp tốp thài atông tễ phễp rit cũai I-sarel. Án tamúng cốp blóh alói. ⁴⁷ Máh cũai ca tamúng, alói sâng dót án ta-ôi rangoaiq lứq. ⁴⁸ Toâq mpiq mpoaq Yê-su hữm án ngki, alói sâng dót lứq. Mpiq án pai chóc án: “Con ơi! Nớq con táq nneq chóc hếq? Mpoaq mới cốp cừq hớl sâng chuaq mới.”

⁴⁹ Yê-su ta-ôi alói neq: “Cổ nớq anhia chuaq cừq? Nớq anhia tở bữn dáng cừq cớq ốt tâng dồng Mpoaq cừq?”

⁵⁰ Ma alói tở bữn sapúh santoiq con alói pai.

⁵¹ Chơ Yê-su chu cốp mpiq mpoaq án pở vil Na-sarết. Cốp án têq nheq máh parnai mpiq mpoaq án atông. Ma mpiq án cayóm đợq tâng mút nheq máh ramúh nâi. ⁵² Từ Yê-su toâr achôn, án cớq rangoaiq lứq ễn. Cốp máh ranáq án táq la o achôn ễn yáng moat Yiang Sursĩ cốp yáng moat cũai hỡ.

3

Atông Tễ Ranáq Yang Táq

(Mathia 3:1-12; Mac 1:1-8; Yang 1:19-28)

¹ Bo ki Tuber-rơ la puo Rô-ma, cớq sớq cruang ki khoiq muoi chít la sớng cumo chơ. Pon-ti Phi-lat cớq sớq pũn Tuber-rơ tâng cruang Yudê. Hê-rôt cớq sớq tâng cruang Cali-lê. Phi-lip, a-êm Hê-rôt, cớq sớq tâng cruang I-turê cốp Tra-canit; cốp Li-sanía cớq

sớq tâng cruang Abi-lên. ² Anna cốp Cai-pha ndôm nheq tễ rit sang Yiang Sursĩ. Bo ki parnai Yiang Sursĩ toâq pở Yang, con samiang Sa-chari, bo án ốt tâng ntốq aiq. ³ Yang pởq pau atông tâng nheq cruang pễ crông Yô-dan tễ ranáq táq batêm. Batêm nâi la táq tếc cũai khoiq ngin lờih lêq cớq mút tamái ễn, đợq Yiang Sursĩ táh lờih yỗn alói. ⁴ Án táq machớng Ê-sai la cũai tang bớq Yiang Sursĩ khoiq chíc tễ mbớq neq:

“Bữn sường sabau atông casang tễ ntốq aiq neq:

‘Cóc anhia atúc rana yỗn Ncháu hái.

Cháh báng yỗn tanoang rana yỗn án pởq.

⁵ Máh prúng hớng tâng rana, cóc anhia cuból yỗn poân.

Cốp nheq cóh cốp dũal cóc anhia táq yỗn tapín.

Máh rana cooc véc, cóc anhia báng yỗn tanoang.

Cốp máh rana rahíc-rahóc, cóc anhia puon yỗn li loah.

⁶ Ngkiq, dũ náq cũai têq hữm cốp dáng

Yiang Sursĩ lứq chuai amoong cũai!’ ”*

⁷ Bữn chũng cũai toâq pở Yang yoc án táq batêm yỗn alói. Án atông alói neq: “Anhia la pla ariang cusân tur. Anhia tở têq viaq vót tễ Yiang Sursĩ táq anhia toâq án táq máh cũai lờih tâng tangái parsót. ⁸ Cóc anhia táq ranáq o. Nâi la tếc anhia khoiq ngin lờih lêq cớq mút tamái ễn. Chỗi chanchóm anhia tễq viaq vót tễ tở cũ anhia pai neq: ‘A-praham la achúc achiac hếq.’ Cừq atông anhia samoat lứq, khân Yiang Sursĩ yoc, têq án ít tamáu, chơ tểng cớq tống toiq A-praham! ⁹ Sanua

* 3:6 3:6 Ê-sai 40:3-5

ariang pai bũn muoi pla achât payư cheq nỡm aluang. Nỡm aléq ma tỡ bũn cõt palái o, noau ẽ tamư, chơ sarpút tâng ũih.”

¹⁰ Chơ máh cũai ki blớh Yang neq: “Khân ngkíq, ntróu hếq cóq táq?”

¹¹ Yang ta-ôi alóí neq: “Aléq bũn bar ploah au, cóq án yỗn cũai ca óq au. Aléq bũn crớng sana, cóq án táq machớng ki tẽ.”

¹² Bũn máh cũai parỏm práq thếq toáq pỡ Yang yoc án táq batẽm yỗn alóí. Alóí blớh neq: “Thâi oi! Ntróu hếq cóq táq?”

¹³ Yang atớng alóí neq: “Anhia chỏi ít práq thếq luat ngư.”

¹⁴ Cóp máh tahan blớh tẽ neq: “Ma hếq, ntróu hếq cóq táq?”

Yang atớng alóí neq: “Anhia chỏi ẽp cũai canỏh cóq yỗn anhia práq, cóp chỏi cauq apót cũai canỏh. Anhia chỏi chanchớm ẽ bũn práq hỡn tẽ práq casâi an-hia.”

¹⁵ Toáq cũai chừng sâng máh santoiq Yang atớng, alóí ốt ngcuang chanchớm tẽ Yang, án la Crít ma tỡ bũn. ¹⁶ Yang atớng alóí neq: “Cứq táq batẽm yỗn anhia na đớq. Ma án ca toáq ntun cứq, án ki bũn chớch clừi tẽ cứq. Cứq tỡ bũn đừ chớch đẽh leh cansái cớp tẽ ayũng án, yuaq chớch cứq cacót hỡn tẽ án. Án lứq táq batẽm yỗn anhia na Raviei Yiang Sursĩ cớp na ũih. ¹⁷ Atĩ án yớng taving đớq ũm nheq tũh saro. Aléq ca chong, ki án đớq tâng sanic. Ma aléq ca hũat, ki án apớng tâng ũih blừ tỡ nai pát, yỗn cat nheq.”

¹⁸ Chơ Yang atớng sa-ũĩ santoiq canỏh ẽn yỗn cũai ki dáng parnai o tẽ Yiang Sursĩ. ¹⁹ Ma Yang tểq puo Hê-rôt, cỗ án khoiq ít Hê-rô-dia, lacuoi a-ẽm án. Cóp Hê-rôt khoiq táq ranáq sâuq canỏh hỡ.

²⁰ Cóp noâng án táq sâuq palứq ẽn, cỗ án chớq Yang tâng cuaq.

Yang Táq Batẽm Yỗn Yê-su
(*Mathia 3:13-17; Mac 1:9-11*)

²¹ Bo Yang táq batẽm yỗn máh cũai ki, chơ án táq yỗn Yê-su ẽn. Tữ Yê-su câu, paloỏng cõt ariang noau pớh, ²² cóp bũn Raviei Yiang Sursĩ sểng tẽ paloỏng ariang chớch tariap, chơ póc tâng tỗ Yê-su. Cóp bũn sớng Yiang Sursĩ sabau atớng tẽ paloỏng neq: “Mới la Con cứq, án ca cứq ayooq lứq. Ntróu mới táq, la cứq bũi lứq.”

Atớng Tẽ Achúc Achiac Yê-su
(*Mathia 1:1-17*)

²³ Bo Yê-su tabỏq táq ranáq án bũm, án bũn sám pái chít cumo. Puai ngê cũai, Yê-su la con samiang Yô-sep. Cóp Yô-sep la con samiang He-li. ²⁴ He-li la con samiang Mathat. Mathat la con samiang Lê-vi. Lê-vi la con samiang Mêl-ki. Mêl-ki la con samiang Yanê. Yanê la con samiang Yô-sep. ²⁵ Yô-sep la con samiang Ma-tathia. Ma-tathia la con samiang Amôt. Amôt la con samiang Nahum. Nahum la con samiang E-sali. E-sali la con samiang Nakê. ²⁶ Nakê la con samiang Mat. Mat la con samiang Ma-tathia. Ma-tathia la con samiang Samên. Samên la con samiang Yô-séc. Yô-séc la con samiang Yô-da. ²⁷ Yô-da la con samiang Yô-anan. Yô-anan la con samiang Rê-sa. Rê-sa la con samiang Saru-babel. Saru-babel la con samiang Sial-tiel. Sial-tiel la con samiang Nari. ²⁸ Nari la con samiang Mêl-ki. Mêl-ki la con samiang Adi. Adi la con samiang Cusam. Cusam la con samiang El-madan. El-madan la con samiang E-rớ. ²⁹ E-rớ la con samiang Yô-sũa. Yô-sũa la con samiang E-lia-se. E-lia-se la con samiang Yô-rim. Yô-rim la con samiang

Mathat. Mathat la con samiang Lê-vi. ³⁰ Lê-vi la con samiang Si-mê-ôn. Si-mê-ôn la con samiang Yuda. Yuda la con samiang Yô-sep. Yô-sep la con samiang Yô-nam. Yô-nam la con samiang Alia-kim. ³¹ Alia-kim la con samiang Malia. Malia la con samiang Me-na. Me-na la con samiang Ma-tatha. Ma-tatha la con samiang Nathan. Nathan la con samiang Davít. ³² Davít la con samiang Yê-sai. Yê-sai la con samiang Ô-bê-t. Ô-bê-t la con samiang Bô-at. Bô-at la con samiang Sal-môn. Sal-môn la con samiang Nasôn. Nasôn la con samiang Ami-nadap. ³³ Ami-nadap la con samiang At-min. At-min la con samiang Arni. Arni la con samiang Hê-trôn. Hê-trôn la con samiang Pharêt. Pharêt la con samiang Yuda. ³⁴ Yuda la con samiang Yacốp. Yacốp la con samiang I-sac. I-sac la con samiang A-praham. A-praham la con samiang Thara. Thara la con samiang Nahor. ³⁵ Nahor la con samiang Sê-ruc. Sê-ruc la con samiang Rêu. Rêu la con samiang Pê-léc. Pê-léc la con samiang Ê-bê-t. Ê-bê-t la con samiang Sê-lah. ³⁶ Sê-lah la con samiang Cai-nan. Cai-nan la con samiang Apac-sat. Apac-sat la con samiang Sem. Sem la con samiang Nô-ê. Nô-ê la con samiang Lamec. ³⁷ Lamec la con samiang Mê-thu-sala. Mê-thu-sala la con samiang Ê-nóc. Ê-nóc la con samiang Yaret. Yaret la con samiang Maha-lalê. Maha-lalê la con samiang Kê-nan. ³⁸ Kê-nan la con samiang Ê-nôih. Ê-nôih la con samiang Sê-t. Sê-t la con samiang Adam. Cóp Adam la con samiang Yiang Sursĩ.

4

Yiang Satan Radững Yê-su Táq

✧ 4:4 4:4 Patâp Loah 8:3 ✧ 4:8 4:8 Patâp Loah 6:13

Lôi-h

(*Mathia 4:1-11; Mac 1:12-13*)

¹ Từ Yê-su chu tể crông Yôr-dan, Raviei Yiang Sursĩ cõt sôt tâng mút pahõm án. Raviei ki dững án pởq chu ntốq aiq. ² Ớt ngki, yiang Satan, án ca sôt nheq yiang sâuq toâq chim Yê-su, nheq pồn chít tangái pồn chít sadâu, án yoc radững Yê-su táq lôi-h. Nheq máh tangái ki, Yê-su tở bữn cha ntrớu. Vót ki, án sâng panhieih.

³ Yiang Satan pai chóc Yê-su neq: “Khân mới lữq Con Yiang Sursĩ, âu mới táq tamáu nâi yỗn cõt crong sana.”

⁴ Ma Yê-su ta-õi loah neq: “Tâng tâm saráq Yiang Sursĩ khoi-q chĩc neq:

‘Cũai tở bữn tamoong cõ nhơ tể cha crong sana sâng.’”✧

⁵ Chơ yiang Satan dững Yê-su chõn tâng cóh. Án sapáh yỗn Yê-su nhềng muoi carbéh moat máh cruang tâng cốc cutêq nâi.

⁶ Cóp yiang Satan pai neq: “Lữq cứq yỗn mới sôt nheq tữh cruang nâi, cóp cứq yỗn mới bữn máh sanóc tâng cruang nâi, yuaq noau khoi-q yỗn cứq ndõm dũ cruang nâi. Aléq cứq yoc ể yỗn, ki tềq cứq yỗn. ⁷ Khân mới sacõh racól sang cứq, cứq chiauh nheq yỗn mới.”

⁸ Ma Yê-su ta-õi loah neq: “Tâng tâm saráq Yiang Sursĩ khoi-q chĩc neq chơ:

‘Cóc anhia sang toam Yiang Sursĩ la Ncháu anhia, cóp táq ống ranáq án sâng.’”✧

⁹ Chơ yiang Satan dững Yê-su mut tâng vil Yaru-saleh. Án yỗn Yê-su chõn tayững tâng anũol Dống Sang Toâr. Cóp án pai neq: “Khân mới lữq Con Yiang Sursĩ, âu mới pống asểng, ¹⁰ yuaq tâm saráq Yiang Sursĩ khoi-q chĩc neq:

'Yiang Sursĩ lứq ớn máh ranẽng
án tẽ paloõng bán kĩaq níc
mới.

11 Alóí lứq dờ mới toàq atĩ alóí,
tở yõn ayũng mới cõt bớq
chũl ntrầu tâng tamáu.' "✧

12 Ma Yê-su ta-õi loah neq:
"Tâng tâm saráq Yiang Sursĩ
khoiq pai neq tẽ:

'Anhia chõi chim Yiang Sursĩ la
Ncháu anhia.' "✧

13 Moâm yiang Satan chim Yê-su
dũ ramúh, chơ án loõh tẽ Yê-su,
acoan toàq tangái ntun.

Yê-su Atõng Tâng Vil Na-sarẽt
(*Mathia 4:12-17; 13:53-58; Mac*
1:14-15; 6:1-6)

14 Chơ Yê-su chu pở cruang Cali-
lê, cốp án bữn chóc tẽ Raviei
Yiang Sursĩ. Cốp dù ntóq mpễ
ki noau sâng han tẽ án. 15 Yê-
su atõng tâng dõng sang tâng
cruang ki, cốp dù náq cũai ớt ngki
khẽn án.

16 Chơ Yê-su pởq chu vil Na-
sarẽt, la vil án ớt tẽ bo án noàng
carnẽn. Tâng Tangái Rlu án mut
tâng dõng sang, samoat án dõq
táq tẽ nling. Án tayũng ẽ doc
tẽ parnai Yiang Sursĩ yáng moat
máh cũai tâng dõng sang. 17 Bữn
cũai avơi án tâm saráq Ê-sai, la
cũai tang bõq Yiang Sursĩ, khoiq
chĩc tẽ mbóq. Yê-su pớh saráq ki,
cốp chuaq ntóq Ê-sai chĩc neq:

18 "Yiang Sursĩ yõn Raviei án cõt
sõt tâng mút pahõm cứq,
yuaq án khoiq rườh cốp chỏch
cứq

dõq atõng parnai o tẽ Yiang
Sursĩ yõn cũai cadĩt.

Án khoiq ớn cứq pởq atõng máh
cũai tử yõn tẽq bữn racláh;
cốp máh cũai sũt yõn alóí cõt
blang loah.

Án ớn cứq chuai máh cũai ca
tanhĩr ốc túh coat,
yõn alóí ớt ien khẽ.

19 Cốp án yõn cứq atõng tẽ cumo
Yiang Sursĩ toàq chuai
amoong cũai!" ✧

20 Moâm Yê-su doc máh santoiq
ki, chơ án catúp cốp avơi loah yõn
cũai táq ranáq tâng dõng sang ki,
chơ án tacu. Dũ náq cũai tâng
dõng sang ki, alóí cloan chu Yê-
su. 21 Án atõng alóí neq: "Máh
santoiq anhia sâng cứq doc tẽ tâm
saráq Yiang Sursĩ, santoiq ki cõt
santruoq cốp tangái nãi."

22 Chơ máh cũai táq ntõng o tẽ
Yê-su, cốp alóí sâng dót lứq máh
santoiq án pai ẽm o lứq. Alóí,
manoaq blóh manoaq neq: "Cũai
nãi la con samiang Yô-sep, ma tở
bữn?"

23 Yê-su atõng alóí neq: "Cõh lơ
anhia ỉt parnai sacâm ẽ pai cứq
neq: 'Cũai dõq tahâu ơi! Âu mới
tahâu tở mới bữm.' Cốp cõh lơ
anhia chanchóm ẽ pai cứq neq:
'Hếq khoiq sâng chơ tẽ máh ranáq
salẽh mới táq tâng vil Cabê-na-
um. Ma sanua hếq sếq mới táq
machóng ki tẽ tâng vil mới.' "

24 Yê-su atõng ẽn neq: "Cứq
atõng anhia samoat lứq, máh
cũai ớt muoi vil cốp cũai tang
bõq Yiang Sursĩ, alóí tở bữn yám
noap cũai tang bõq ki. 25 Cốp cứq
atõng anhia samoat lứq neq: tâng
dõĩ Ê-li bữn sa-ũĩ cán cumai tâng
cruang I-sarel, bo paloõng tở bữn
mia nheq pái cumo tapoat casái.
Ngkíq máh cũai tâng cruang ki
cõt panhieih lứq, ốq crong sana
cha. 26 Ma Yiang Sursĩ tở bữn
ớn Ê-li pởq chu cán cumai tâng
cruang I-sarel. Án ớn Ê-li pởq
chu muoi noaq cán cumai tâng
vil Sarê-phot, cheq cốp vil Sadôn.

27 Ê-li-sa la cūai tang bǒq Yiang Sursĩ tê. Tang dǒi án, bǔn sa-ũi nác cūai a-ĩ tut tang cruang I-sarel. Ma bǔn ǒng manoaq cūai a-ĩ tut tê cruang Si-ri, ramũh Naman, cǒt bán.”

28 Toâq máh cūai tang dǒng sang sâng Yê-su pai ngíq, alǒi sâng nsóq lǔq chǒq Yê-su. 29 Alǒi yuor tayũng muoi prǒh, chǒ alǒi sadǒh Yê-su tê dǒng sang cǒp dũng án chu yáng tiah vil. Vil alǒi ǒt tang cǒh. Alǒi dũng Yê-su pǒ leh tarhar ê cutǒl án tê parlǒ leh ki. 30 Ma Yê-su pǒq tamblǒc chíq mpũng dĩ cūai clũng ki, chǒ luoiq loǒh vǒt tê tǒp alǒi.

Yê-su Táq Bán Cūai Bǔn Yiang Sâuq
(Mac 1:21-28)

31 Moâm ki Yê-su pǒq chu vil Cabê-na-um, cruang Cali-lê. Tang Tangái Rlu án atǒng máh cūai tang vil ki. 32 Máh cūai ki sâng dǒt lǔq tê parnai án atǒng, yuaq án atǒng ariang cūai bǔn chǒc lǔq. 33 Tang dǒng sang ki bǔn manoaq samiang bǔn yiang sâuq payǒh. Án hẽ casang lǔq neq: 34 “Nǒq anhia ê táq hẽq, Yê-su tê vil Nasarêt? Anhia toâq pǒ nâi ê cachĩt hẽq tǒ? Cǔq saccoal anhia la toâq tê Yiang Sursĩ, cǒp anhia la án ca bráh o lǔq.”

35 Yê-su sũoq yiang sâuq neq: “Chǒi tabǒq! Mǒi loǒh chíq tê tǒ cūai nâi!”

Yiang sâuq carvũt tũng-tooc cūai ki yáng moat nheq tũh cūai, chǒ án loǒh cǒp tǒ bǔn táq bǒc chũl ntróu cūai ki. 36 Máh cūai ca hũm ngíq, alǒi sâng dǒt lǔq, chǒ manoaq blǒh manoaq neq: “Santoiq ntróu ma liaq lǔq án atǒng? Cūai nâi bǔn chǒc tẽq tuih aloǒh yiang sâuq tê tǒ cūai, cǒp yiang sâuq trĩh án!”

37 Chǒ parnai noau táq ntǒng tê Yê-su trǒh parhan dĩ ntǒq tang máh vil ki.

Yê-su Táq Bán Clũng Cūai A-ĩ
(Mathia 8:14-17; Mac 1:29-34)

38 Yê-su loǒh tê dǒng sang, chǒ mut tang dǒng Si-môn ẽn. Yacán Si-môn bǔn a-ĩ cutâu tǒ hâp lǔq. Chǒ alǒi sũq Yê-su táq bán yacán Si-môn. 39 Yê-su tayũng cheq ayoaq ki cǒp sũoq ǒc a-ĩ ki. Chǒ ayoaq ki cǒt bán loah, tẽq án yuor táq sana yǒn tamoi cha.

40 Toâq mandang ngêt chǒ, noau dũng atoâq pǒ Yê-su clũng cūai bǔn sa-ũi ramũh a-ĩ. Án satoaq atĩ tang tǒ nheq máh cūai ki yǒn cǒt bán. 41 Án tuih yiang sâuq yǒn loǒh tê máh tǒ cūai hǒ. Yiang sâuq ki hẽ cǒp pai neq: “Anhia la lǔq Con Yiang Sursĩ!”

Yê-su sũoq yiang sâuq ki chǒi tabǒq, yuaq alǒi dáng chǒ án la Crĩt, án ca Yiang Sursĩ ruoh dǒq chuai amoong cūai.

Yê-su Pǒq Atǒng Tang Ntǒq Cūai I-sarel ǒt
(Mac 1:35-39)

42 Poang tarũp mbǒiq rũm-rũm Yê-su loǒh tê vil ki. Chǒ án pǒq chu ntǒq aiq. Bǔn clũng cūai chuaq án, cǒp bo alǒi ramóh án, alǒi sũq án chǒi loǒh tê vil alǒi. 43 Ma Yê-su atǒng alǒi neq: “Cǔq cǒq pǒq atǒng parnai o tê Yiang Sursĩ táq sǒt yǒn vil canǒh dáng tê. Mpoaq cǔq ǒn cǔq toâq pǒ nâi la cǒ tê ranác ki.”

44 Ngíq Yê-su atǒng tang máh dǒng sang chũop cruang Yudê.

5

Yê-su Arô Tǒp Cūai Rien Tẽ Án
(Mathia 4:18-22; Mac 1:16-20)

¹ Bǔn muoi tangái Yê-su tayũng cheq tor dǒq clóng Canê-saret.*

* 5:1 5:1 Dǒq clóng Canê-saret la machǒng clóng Cali-lê.

Bữn cứng cũai, manoaq ranêť manoaq, yoc ẽ ốt cheq Yê-su cốp tamứng án atởng parnai Yiang Sursĩ. ² Yê-su hữm bar lám tuoc cheq tor đởq. Cũai đởq chuaq sĩaq khoiq đởq tuoc bân ki. Chơ alớĩ pooh alieiq. ³ Yê-su chỏn tâng tuoc Si-môn. Cốp án ớn Si-môn loỏh bĩq yỏn vớť tẻ tor. Yê-su tacu tâng tuoc, chơ án atởng máh cũai ca ốt tâng tor.

⁴ Moâm án atởng, án ớn Si-môn neq: “Ấu mới voah aloỏh tuoc mới chu ntỏq đởq yarũ. Chơ anhia ruai alieiq.”

⁵ Si-môn ta-ỡi án neq: “Thài ỡi! Hẻq khoiq táq nheq sadâu, ma tở bữn chuat ntrớu. Ma khân thài ớn, ki cứq lứq ruai alieiq.”

⁶ Chơ alớĩ ruai alieiq, cốp bữn sĩaq chuat sa-ũĩ lứq, cheq ẽ raháq alieiq. ⁷ Alớĩ cuvoiq cốp sabau yóu tẻ tuoc canỏh, yỏn léc sĩaq chuai alớĩ. Yóu ki toáq chuai, cốp alớĩ chỏq sĩaq poân tâng bar lám tuoc, táq yỏn tuoc mán ẽ đởp. ⁸ Tữ Si-môn Phi-er hữm ranáq ki, án sacỏh racỏĩ yáng moat Yê-su, cốp án pai neq: “Sẻq Ncháu pang yong tẻ cứq, yuaq cứq la cũai lỏih!”

⁹ Si-môn cốp yóu án sâng đót lứq cỏ bữn sĩaq sa-ũĩ. ¹⁰ Yacỡ cốp Yang, la con samiang Sê-badê, sâng đót tẻ hữm sĩaq sa-ũĩ. Alớĩ la ndỏm tẻ cốp Si-môn tuoc ki. Yê-su atởng Si-môn neq: “Chỏĩ ngcỏh ntrớu. Tẻ nài chumát, mới lứq chuaq cũai canỏh samoát mới chuaq sĩaq nài tẻ.”

¹¹ Chơ alớĩ pái náq ti achỏn tuoc alớĩ tâng cỏh. Alớĩ táh nheq cu ramứh, chơ puai Yê-su.

Yê-su Táq Bán Cũai A-ĩ Tut
(*Mathia 8:1-4; Mac 1:40-45*)

¹² Bo Yê-su ớt tâng muoi vil ki, án ramỏh samiang a-ĩ tut hập lứq. Toáq cũai ki hữm Yê-su, án cucỏh ap tâng cutẻq yáng moat Yê-su.

Án sẻq tẻ Yê-su neq: “Ncháu ỡi! Khân Ncháu yoc, Ncháu tẻq táq yỏn cứq cõt bán.”

¹³ Yê-su aloỏh atĩ satoaq tâng tở cũai a-ĩ ki. Án pai neq: “Cứq yoc. Yỏn mới cõt bán!”

Bo ki toáp cũai ki cõt bán tháng a-ĩ tut.

¹⁴ Yê-su patáp án neq: “Chỏĩ atởng yỏn cũai canỏh dáng tẻ ranáq nài. Ma cốp mới pỏq apáh tở mới yỏn máh cũai tẻng rit sang Yiang Sursĩ nhềng. Chơ mới chiau sang crong yỏn Yiang Sursĩ samoát Mỏi-se khoiq patáp tẻ nhũang. Nài la tẻc yỏn cũai canỏh dáng mới khoiq cõt bán chơ.”

¹⁵ Ma ranáq Yê-su táq yỏn cũai ki cõt trởh la-ũt la-ũĩ. Cứng cũai toáq tamứng parnai án atởng, cốp alớĩ sẻq án táq bán máh ramứh alớĩ a-ĩ. ¹⁶ Ma Yê-su đởq loỏh tẻ ntỏq cũai ốt, chơ pỏq câu pỏ ntỏq parhẻ.

Yê-su Táq Bán Cũai A-ĩ Coang
(*Mathia 9:1-8; Mac 2:1-12*)

¹⁷ Bữn muoi tangái Yê-su ntỏm atởng, bữn máh cũai Pha-rasi cốp cũai yỏng rit cũai I-sarel toáq tacu ntỏq ki tẻ. Alớĩ toáq tẻ đũ vil tâng cruang Cali-lê, cruang Yudê, cốp toáq tẻ vil Yaru-salem. Yê-su bữn chỏc tẻ Yiang Sursĩ tẻq táq bán máh cũai a-ĩ bân ntỏq ki. ¹⁸ Bữn máh cũai samiang crang manoaq a-ĩ coang tâng cantrang. Alớĩ yoc ẽ mut tâng đổng ẽ đởq án yáng moat Yê-su. ¹⁹ Ma cũai cứng tadát đổng; ngkiq alớĩ tở dáng na lẻq ẽ mut. Chơ alớĩ crang achỏn tâng mpuol đổng. Chơ alớĩ pớh mpuol đổng atĩar cantrang samiang a-ĩ asẻng mpứng đĩ cũai cứng yáng moat Yê-su. ²⁰ Tữ Yê-su hữm alớĩ lứq sa-âm, ngkiq án atởng cũai a-ĩ ki neq: “Yóu ỡi! Lỏih mới cứq táh yỏn!”

21 Cũai yống rit cốp cũai Pharsi tếng tâng mút alóí neq: “Cũai nài la noau, ma yoc ẽ cõt chóc ariang Yiang Sursĩ tê? Sautoiq án pai la samoat án acrieiq Yiang Sursĩ. Tở bữn cũai aléq tềq táh lòi. Ông Yiang Sursĩ toáp tềq táh lòi.”

22 Ma Yê-su dáng alóí chanchóm ngkíq; chơ án blóh alóí neq: “Nỏq anhia chanchóm ngkíq? 23 Sautoiq aléq anhia sâng ien hỡn yỗn cứq atõng? Ien cứq atõng cũai a-ĩ coang nài neq: ‘Lòi mới cứq táh yỗn,’ tở la ‘Mới yuor tayúng cốp pờq.’ 24 Ma sanua cứq ẽ táq yỗn cũai a-ĩ nài cõt bán, đõq anhia dáng samoat lứq, cứq Con Yiang Cõt Cũai bữn chóc tâng dõi nài, cốp tềq táh lòi cũai.”

Moâm ki Yê-su atõng cũai a-ĩ coang neq: “Cứq ớn mới yuor tayúng! Mới ít dõl cantrang mới. Chơ mới chu loah pờ đõng mới!”

25 Chơ cũai a-ĩ ki yuor tayúng toáp yáng moat máh cũai ki. Án ít dõl cantrang án; chơ án chu pờ đõng. Án khễn Yiang Sursĩ. 26 Nheq máh cũai ki sâng dót cốp ngcõh lứq. Ngkíq alóí khễn Yiang Sursĩ cốp pai neq: “Tangái nài hái khoiq hữm ranáq salẽh lứq!”

*Yê-su Arô Lê-vi
(Mathia 9:9-13; Mac 2:13-17)*

27 Vót ki Yê-su loõh tể ntốq ki. Bo án pờq tâng rana, án hữm manoaq samiang ramứh Lê-vi,† tacu tâng đõng noau parõm ít práq thềq, yuaq án la cũai ít práq thềq. Yê-su ớn án neq: “Mới puai cứq!”

28 Lê-vi táh nheq máh cớng án, chơ án yuor tayúng cốp puai Yê-su.

29 Moâm ki Lê-vi táq muoi pêl toar roap Yê-su. Bữn cứng cũai, đêh máh cũai parõm práq thềq hỡ, toáq cha cốp alóí. 30 Ma máh cũai Pharsi cốp cũai yống rit, alóí tềq tốp rien tể Yê-su neq: “Nỏq anhia cha parnõi cốp cũai parõm ít práq thềq cốp máh cũai lòi?”

31 Yê-su ta-õi alóí neq: “Cũai bán o tở bữn cốp sêq yỗn noau palai. Ma ống cũai a-ĩ sâng cóq sêq yỗn noau palai. 32 Cứq tở bữn toáq pờ nài đõq arô cũai ca ngin alóí tanoang o, ma cứq toáq pờ nài đõq arô cũai ca dáng alóí bữn lòi yỗn tềq alóí ngin lòi lêq cõt mút tamái ẽn.”

*Yê-su Atõng Tể Rit Ót Sana Yoc
Ẽ Sanhữ Yiang Sursĩ
(Mathia 9:14-17; Mac 2:18-22)*

33 Máh cũai Pharsi cốp cũai yống rit atõng Yê-su neq: “Máh tốp rien tể Yang, sa-ũi pêl alóí ót sana cõ ẽ chanchóm tể ngê Yiang Sursĩ, cốp alóí ẽ câu. Máh cũai rien tể tốp Pharsi la táq machóng ki tê. Ma tốp rien tể thài, ki cha nguaiq níc.”

34 Yê-su ta-õi alóí toáq parnai sacâm neq: “Khân bữn samiang ít lacuoi, bo yóu án pờq racoaiq cốp án, alóí sâng bũi. 35 Ma từ alóí chu tể racoaiq, alóí miar õt. Từ ki alóí ót sana đõq sanhữ loah yóu alóí.”‡

36 Yê-su atõng toáq parnai sacâm ẽn neq: “Tở bữn noau háq muoi mễng aroaiq tể au tamái, chơ yĩh tamoal tâng au anhõh. Khân noau táq ngkíq, au tamái ki cõt rúng, cốp ramoal ki tở bữn rapóc cốp au anhõh. 37 Cốp tở bữn noau chiaq blõng tamái tâng aluoi ngcâr khoiq tiaq. Khân noau

† 5:27 5:27 Lê-vi noau đõq ramứh Ma-thia hỡ. ‡ 5:35 5:35 Tâng parnai nài, Yê-su sacâm án la samoat cũai ít lacuoi. Bo Yê-su noang õt cốp tốp rien tể án, alóí noang chỉ-cha. Ma từ án chõn chu paloong, alóí ót sana tê miaq alóí chanchóm loah tể máh sautoiq án khoiq atõng alóí.

táq ngkíq, blǒng ki cǒt puaiq, cǒp acán pa-át ki táq yǒn aluoi ngcâr padóh. Chơ aluoi ngcâr cǒp blǒng ki pút nheq. ³⁸ Ma blǒng tamái cǒq chǒq tâng aluoi ngcâr tamái. ³⁹ Cǒp tở bữn noau yoc nguaiq blǒng tamái khân án khoiq nguaiq blǒng tiaq chơ, yuaq án pai neq: 'Blǒng tiaq lǚq ẽm hữn.' "

6

Yê-su Atǒng Tể Rit Tangái Rlu
(*Mathia 12:1-8; Mac 2:23-28*)

¹ Tâng muoi Tangái Rlu, Yê-su cǒp tǒp rien tể án mut tâng sarái noau chǒh saro bali. Tǒp rien tể Yê-su rứt saro bali, chơ alóí saréh cha. ² Bữn cũai tể tǒp Pha-rasi blóh alóí neq: "Nǒq anhia táq tở cǒt rit cuang tâng Tangái Rlu?"

³ Yê-su ta-ôi alóí neq: "Nǒq riang pai anhia tở nai doc tâng tâm saráq Yiang Sursĩ atǒng tể puo Davít khoiq táq ntróu? Davít cǒp tǒp puai án sâng panhieih lǚq. ⁴ Ngkíq Davít mut tâng đǒng sang Yiang Sursĩ. Án cha bẽng noau đǒq yáng moat Yiang Sursĩ. Ma puai rit cũai I-sarel, án cǒp yóu án tở tềq cha bẽng ki. Bẽng ki óng máh cũai tểng rit sang Yiang Sursĩ sâng tềq cha."

⁵ Cǒp Yê-su pai ẽn neq: "Cúq, Con Yiang Cǒt Cũai, la Ncháu tể Tangái Rlu."

Yê-su Táq Bán Cũai Yǒt Atĩ
(*Mathia 12:9-14; Mac 3:1-6*)

⁶ Bữn muoi Tangái Rlu ẽn, Yê-su mut atǒng máh cũai tâng đǒng sang. Ớt ngki bữn manoaq yǒt atĩ coah atoam. ⁷ Máh cũai yǒng rit cǒp máh cũai Pha-rasi chuaq ngê ẽ cauq Yê-su. Ngkíq alóí tutuaiq nhêng samoat lǚq chu Yê-su, yoc ẽ đǎng án táq bán cũai a-ĩ tâng

Tangái Rlu, ma tở bữn. ⁸ Ma Yê-su đǎng alóí chanchóm ngkíq. Chơ án atǒng cũai yǒt atĩ ki neq: "Mói yuor tayúng yáng moat máh cũai nài."

Chơ cũai ki yuor tayúng toáp.

⁹ Chơ Yê-su atǒng máh cũai Ớt mpễ ki neq: "Cúq ẽ blóh anhia: Puai rit hái, nǒq hái táq tâng Tangái Rlu? Hái táq o, tở la táq sâuq? Hái chuai amoong, tở la cachĩt cũai?"

¹⁰ Moâm ki Yê-su carlang nhêng chu máh cũai ki, cǒp án pai chǒq cũai a-ĩ ki neq: "Mói aloóh atĩ!"

Tở cũai ki aloóh atĩ, chơ atĩ án cǒt bán. ¹¹ Ngkíq máh cũai ki sâng la-ưn toáp cutâu mút, cǒp alóí sarhǒng nǒq toáp ẽ táq chǒq Yê-su.

Yê-su Rươh Muoi Chít La Bar
Náq Rien Tể Án
(*Mathia 10:1-4; Mac 3:13-19*)

¹² Vót ki, Yê-su chǒn tâng cóh, yoc ẽ câu pở ki. Án câu sểq tể Yiang Sursĩ nheq sadâu ki. ¹³ Toáq poang tarup, án arô máh cũai rien tể án, cǒp án rươh muoi chít la bar náq tể tǒp alóí. Án đǒq muoi chít la bar náq nài la cũai ayǚng atĩ án. ¹⁴ Máh cũai án rươh la neq: Si-môn, án ca Yê-su amúh Phi-er hữ, cǒp Anrê, la a-ẽm Si-môn. Bữn Yacở, Yang, Phi-líp, Batê-lami, ¹⁵ Mathia, Thô-mat, Yacở con samiang Al-phê, Si-môn Sê-lôt, ¹⁶ Yuda con samiang Yacở, cǒp Yuda I-cari-ôt, án ca chểq Yê-su yǒn noau cachĩt.

Yê-su Atǒng Cǒp Táq Bán Máh
Cũai A-ĩ
(*Mathia 4:23-25*)

¹⁷ Vót ki, Yê-su sểng tể cóh parnơi cǒp máh cũai rien tể án. Alóí tayúng tâng ntǒq tapín. Ớt

§ 5:38 5:38 Yê-su atǒng parnai nài tể aroaiq cǒp khang blǒng, la án sacâm cũai bữn mút pahǒm tiaq, tở tềq ít parnai tamái Yê-su atǒng alóí. Óng alóí ca bữn mút tamái sâng tềq ít parnai ki.

ngki bữn cứng cũai toaq tể cru-ang Yudê, tể vil Yaru-salem, cốp tể tor đợc mut cheq vil Ti-rơ cốp vil Sadôn. ¹⁸ Nheq tữh cũai ki toaq ể tamứng Yê-su atỡng, cốp ểq Yê-su táq bán máh ramứh alói a-ĩ. Alói ca bữn yang sâuq payôh la cõt bán tê. ¹⁹ Nheq tữh cũai a-ĩ ki chuaq ể satoaq Yê-su, yuaq Yê-su bữn chớch têq táq yỗn bán nheq máh cũai a-ĩ.

Yê-su Atỡng Tể Ốc Bốn Cốp Ốc Bap

(Mathia 5:1-12)

²⁰ Yê-su nhêng chu tốp rien tể án, cốp pai neq:

“Bốn lứq anhia ca cadit,
yuaq Yiang Sursĩ cõt sốt tâng
mút pahỗm anhia!

²¹ Bốn lứq anhia ca panhieih
sanua,
yuaq nữ-ra anhia cõt pasâi!

Bốn lứq anhia ca nhiam sanua,
yuaq nữ-ra anhia cõt bũ hữ
ển!

²² Bốn lứq anhia bo cũai canỗh
kết anhia, calỗih anhia, sieu
anhia, cốp pai anhia tở o
cỗ tian anhia puai ngê Con
Yiang Cốt Cũai!

²³ “Bo alói táq ngkíq, cốp anhia
sâng bũ cốp ỡn tamprũol, yuaq
Yiang Sursĩ yỗn anhia bữn kia
sa-ũi tâng paloỡng. Achúc achiac
máh cũai ki táq machớng ki tể
chóq máh cũai tang bỗq Yiang
Sursĩ.

²⁴ Ma bap lứq anhia ca sốc sanua,
yuaq anhia bữn ớng ốc bốn
tâng dời nâi sâng!

²⁵ Cốp bap lứq anhia ca cha pasâi
sanua,
yuaq nữ-ra Yiang Sursĩ yỗn
anhia cõt panhieih!

Cốp bap lứq anhia ca cacháng
sânua,

yuaq nữ-ra Yiang Sursĩ yỗn
anhia nhiam u-ỗi!

²⁶ “Bap lứq anhia toaq nheq tữh
cũai khễn níc anhia. Tể mbốq,

achúc achiac máh cũai ca khễn, ki
táq machớng ki tể chóq cũai táq
nan tang bỗq Yiang Sursĩ.”

*Yê-su Atỡng Cóp Anhia Ayooq
Cũai Ca Par-ũal Anhia
(Mathia 5:38-48; 7:12a)*

²⁷ “Cúp atỡng anhia ca tamứng
cúp neq: Cóp anhia ayooq máh
cũai ca ể táq anhia. Cóp anhia
táq o chóq cũai kết anhia. ²⁸ Cóp
anhia sểq ốc bốn yỗn alói ca
báih anhia. Cốp cúp anhia câu
chuai alói ca táq sâuq chóq anhia.
²⁹ Khân noau tapáh rêng báng
anhia muoi coah, ki cúp anhia
sato yỗn alói tapáh muoi coah ển.
Cốp khân noau ỉt au tuar anhia,
ki cúp anhia tũot đêh au tâng
clống yỗn alói. ³⁰ Cũai aléq sểq
ntrớu tể anhia, anhia yỗn án aki.
Cốp khân án ỉt crơng ntrớu tể
anhia, anhia chỗi sểq loah crơng
ki. ³¹ Cóp anhia táq chóq cũai
canỗh machớng anhia yoc alói táq
chóq anhia tể.

³² “Khân anhia ayooq ớng cũai
ayooq anhia, ki ntrớu Yiang Sursĩ
yỗn anhia bữn cóng? Đêh alói
ca tở bữn puai ngê Yiang Sursĩ
đợc ayooq cũai ayooq alói. ³³ Cốp
khân anhia táq o chóq alói ca
táq o chóq anhia, ki ntrớu Yiang
Sursĩ yỗn anhia bữn cóng? Cũai
tở bữn puai ngê Yiang Sursĩ, đợc
táq ngkíq. ³⁴ Khân anhia yỗn cũai
canỗh voaq práq anhia, ma anhia
ngcuang bữn loah práq tể alói,
ntrớu Yiang Sursĩ ể yỗn anhia bữn
cóng? Cũai tở bữn puai ngê Yiang
Sursĩ, alói yỗn cũai canỗh voaq
práq alói, ki alói ngcuang bữn
loah práq ki. ³⁵ Ma cúp anhia
ayooq cũai ca ể táq anhia. Cóp
anhia táq o chóq alói. Cốp cúp
anhia yỗn alói voaq práq anhia,
ma anhia chỗi ngcuang bữn loah
práq ki tể alói. Ngkíq, nữ-ra
anhia lứq bữn cóng o, cốp anhia

cốt con acái Yiang Sursĩ, án ca sốt clũĩ neq tẽ canõh. Yuaq án táq o chók cũai loài cốp cũai tở dáng sa-õn. ³⁶ Cóp anhia sarũiq táq cũai canõh machõng Mpoaq anhia tâng paloõng sarũiq táq anhia tẽ.”

Chõĩ Tẽq Cũai Canõh
(*Mathia 7:1-5*)

³⁷ Yê-su pai ẽn neq: “Anhia chõĩ tẽq cũai canõh, ngkĩq Yiang Sursĩ tở bữn tẽq anhia tẽ. Cốp chõĩ pai cũai canõh táq tở pĩeiq, ngkĩq Yiang Sursĩ tở bữn pai anhia táq tở pĩeiq tẽ. Cóp anhia táh lồih cũai canõh táq chók anhia; ngkĩq Yiang Sursĩ táh lồih anhia tẽ. ³⁸ Khãn anhia yõn crơng pở cũai canõh muoi crơ, ki Yiang Sursĩ lữq culáh loah anhia clũĩ tẽ ki. Mách crơ án chuai anhia, án acứr, án chiaq, cốp án chók poãn vuvõ yõn anhia. Yuaq maléq anhia chuai yõn yóu, Yiang Sursĩ chuai loah anhia máh ki tẽ.”

³⁹ Yê-su atõng tốp ki toãq parnai sacãm neq: “Cũai sũt moat tở tẽq ayông cũai sũt canõh. Khãn án ayông, bar náq alõĩ sapũl tâng prúng. ⁴⁰ Án ca rien tở bữn toãr hõn tẽ thài án. Ma dũ náq ca rien, toãq án môam rien, ngkĩq án cõt samoãt thài tẽ.

⁴¹ “Nỏq anhia hữm brẽh tâng moat yóu, ma anhia tở bữn dáng khlẽc pian catáng moat anhia? ⁴² Cốp nỏq anhia clóq pai chók yóu neq: ‘Yõn cứq taváih ít chíq brẽh tẽ moat mới,’ ma anhia tở bữn dáng khlẽc pian sadal chíq moat anhia? Anhia la cũai ẽm bĩq parnai sãng! Cóp anhia ít chíq khlẽc pian tẽ moat anhia voai. Ki nỏq tẽq anhia hữm raloaih cốp tẽq ít brẽh tẽ moat yóu.”

Yê-su Atõng Tẽ Aluang Cốp Palái
(*Mathia 7:16-20; 12:33-35*)

⁴³ “Tở nai bữn aluang o ma cõt palái sãuq, cốp tở nai bữn aluang sãuq ma cõt palái o. ⁴⁴ Khãn anhia hữm palái, ki anhia dáng dẽh nỏm. Tở nai bữn noau cáiq palái tarúng tẽ nỏm sarlia tacõng. Cốp tở nai bữn noau cáiq palái nho tẽ nỏm sarlia rayoaiq. ⁴⁵ Cũai mantoat o bữn ngê o tâng mút pahõm án. Ngkĩq ranáq o loõh tẽ mút cũai ki. Cốp cũai loài bữn ngê sãuq tâng mút pahõm án. Ngkĩq ranáq sãuq loõh tẽ mút pahõm án. Ngê ntróu bữn tâng mút pahõm cũai, bõq cũai pai aloõh ngê ki.”

Yê-su Atõng Tẽ Bar Náq Cũai Táq Dõng
(*Mathia 7:24-27*)

⁴⁶ “Nỏq anhia đõq cứq: ‘Ncháu ơi! Ncháu ơi!’ Ma anhia tở bữn trĩh máh santoiq cứq atõng? ⁴⁷ Cũai aléq toãq pở cứq, chơ tamúng cốp trĩh máh santoiq cứq, cũai ki la samoãt riang ntróu? ⁴⁸ Cũai ki la samoãt riang samiang patúng đõng. Án pĩq prúng yõn yarũ cốp chók tamáu tâng ki yõn tanũl cõt khãm. Tữ đõq toãr toãq, đõq clúh đõng ki, ma đõng ki tở bữn cacut, yuaq cũai táq đõng ki chók tamáu táq yõn khãm lữq. ⁴⁹ Cũai ca tamúng santoiq cứq, ma tở bữn trĩh, án ki la samoãt samiang patúng đõng tâng cutẽq miat. Án pĩq prúng ndũl, cốp tở bữn chók tamáu tâng prúng ki. Tữ đõq toãr toãq, đõq ki clúh đõng ki hập lữq, chơ đõng ki đóm cốp ralõh neq.”

7

Yê-su Táq Bán Sũl Cũai Sốt Tahan
(*Mathia 8:5-13*)

¹ Môam Yê-su pai máh santoiq ki yõn cũai clũng tamúng, án mut tâng vil Cabê-na-um ẽn. ² Tâng vil ki, bữn manoaq cũai Rô-ma,

án sôt muoi culám náq tahan. Án bữn cũai táq ranáq ca án ayooq lúq. Ma cũai ki a-ĩ tráuq lúq, cheq ẽ cuchit. ³ Tữ sôt tahan ki sâng noau pai tẽ Yê-su, án ớn máh cũai tẽ tốp sôt nheq sâu tốp I-sarel pỏq pỏ Yê-su cốp sêq Yê-su toâq táq bán cũai táq ranáq án. ⁴ Alói ki toâq pỏ Yê-su, cốp sêq nheq rangúth rahỏ neq: “Cũai sôt tahan ki la cũai mantoat o. Ngkíq hêq sêq thâi chuai án. ⁵ Án ayooq lúq cũai I-sarel, cốp án táq đống sang yỗn hêq hỏ.”

⁶ Chơ Yê-su pỏq cốp alói. Cheq ẽ toâq pỏ đống, cũai sôt tahan ki ớn yếu án toâq pỏ Yê-su cốp pai neq: “Ncháu oi, cứq tở khỏn pỏq coâiq Ncháu yỗn mut tâng đống cứq. ⁷ Cốp cứq tở bữn p̄ieiq đêh toâq pỏ Ncháu. Ma cứq sêq Ncháu pai yỗn cũai táq ranáq cứq cõt bán, la dũ chơ. ⁸ Cứq bữn cũai sôt cứq, cốp cứq cõt sôt cũai canỏh tẽ. Khân cứq ớn cũai nâi: ‘Pỏq!’ ki án pỏq. Khân cứq ớn cũai ki: ‘Toâq pỏ nâi!’ ki án toâq. Khân cứq ớn cũai táq ranáq cứq: ‘Táq neq!’ ki án táq.”

⁹ Bo Yê-su sâng sântoiq ki, án sâng dót lúq. Chơ án pai chỏq máh cũai ỏt mp̄ẽr án neq: “Cứq atõng anhia samoât I, cứq tở nai hữm noau tẽ cũai I-sarel ma sa-âm riang cũai nâi.”

¹⁰ Máh cũai án ca sôt tahan ớn toâq pỏ Yê-su, alói chu pỏ đống, cốp alói hữm cũai táq ranáq sôt tahan khoiq cõt bán.

Con Samiang Cũai Cán Cumai Ỏt Tâng Vil Na-in

¹¹ Tangái ntun ẽn, Yê-su mut tâng vil Na-in. Tốp rien tẽ án cốp lũng cũai canỏh pỏq cốp án. ¹² Tữ Yê-su toâq pỏ ramỏh vil, p̄ieiq noau crang aloỏh cũai cuchit. Mpiq cũai cuchit la cũai cumai; án bữn ớng muoi lám con

samiang ki toâp. Bữn lũng cũai tẽ vil ki pỏq parnoi cốp cán cumai ki. ¹³ Tữ Yê-su hữm cán cumai ki, án sâng sarũiq táq, cốp án pai neq: “Mói chỏi nham.”

¹⁴ Chơ Yê-su toâq satoaq hom cumuiq; cốp cũai crang hom ki tangút. Yê-su pai neq: “A-ẽm oi! Cứq ớn mới yuor!”

¹⁵ Cũai khoiq cuchit ki yuor tacu, cốp mbõiq táq ntõng loah. Chơ Yê-su chiau án yỗn mpiq án. ¹⁶ Nheq tữh cũai sâng ngcỏh lúq cốp alói khễn Yiang Sursĩ neq: “Manoaq tang bỏq Yiang Sursĩ ca bữn chỏc toâr lúq khoiq toâq pỏ hái chơ!”

Cốp alói pai ẽn neq: “Lúq Yiang Sursĩ toâq chuai amoong máh cũai ca puai ngê án.”

¹⁷ Ranáq Yê-su khoiq táq parhan dũ ntỏq tâng cruang Yudê cốp máh cruang mp̄ẽr ki.

Yê-su Atõng Tẽ Yang Ca Táq Batẽm (Mathia 11:2-19)

¹⁸ Tốp rien tẽ Yang toâq atõng Yang tẽ ranáq alói hữm Yê-su táq. Yang arô bar náq tốp rien tẽ án, ¹⁹ cốp án ớn alói toâq blỏh Yê-su neq: “Thâi oi! Lúq ma tở bữn thâi la manoaq Yiang Sursĩ rườh đỏq chuai amoong cũai? Tở la cóq hêq nguang cũai canỏh ẽn?”

²⁰ Tữ bar náq ki toâq pỏ Yê-su, alói pai neq: “Yang đỏq táq batẽm ớn hêq toâq blỏh thâi neq: ‘Thâi la manoaq Yiang Sursĩ rườh đỏq chuai amoong nheq tữh cũai tở? Tở la cóq hêq nguang cũai canỏh ẽn?’ ”

²¹ Bo alói noâng ỏt pỏ ki, Yê-su táq bán sa-ũi ramứh cũai a-ĩ, bữn đêh cũai a-ĩ sari cốp cũai bữn yiang sâuq payỏh hỏ. Cốp máh cũai sũt moat, án táq yỗn alói cõt blang. ²² Chơ Yê-su ta-õi loah bar náq tốp rien tẽ Yang neq: “Anhia

chu atōng loah Yang tễ máh ranáq anhia khoiq sâng cốp khoiq hữm. Cũai sūt cõt blang. Cũai yốt tềq pupōq. Cũai a-ĩ tut cõt bán. Cũai túng bữn sâng. Cũai khoiq cuchit, yuor tamoong loah. Cốp máh cũai cadit bữn sâng tề parnai o tễ Yiang Sursĩ. ²³ Bồn lứq cũai ca tở bữn táh ngê cứq!”

²⁴ Vớt tốp rien tễ Yang chu, Yê-su atōng tễ Yang yỗn máh cũai clúng ki tamứng. Cốp án blớh alóí neq: “Bo anhia pớq ramóh Yang tâng ntốq aiq, ntróu anhia yoc ễ hữm tâng ntốq ki? Anhia yoc ễ hữm cuyal phát bát tưng-tooc tở? ²⁵ Khàn tở bữn ngkiq, ntróu anhia yoc ễ hữm? Anhia yoc ễ hữm manoaq sóp au nêuq tở? Cũai sóp au nêuq cốp tâc cha thừơng, ki ớt tâng đống puo. ²⁶ Ma ntróu anhia yoc ễ hữm tâng ntốq ki? Anhia yoc ễ hữm cũai tang bỗq Yiang Sursĩ tở? Cứq atōng anhia samoat lứq, Yang la cũai tang bỗq Yiang Sursĩ tề, ma án bữn chóc toâr hỡn tễ cũai tang bỗq canốh. ²⁷ Tâng tâm saráq Yiang Sursĩ tễ mbỗq, khoiq cũai tang bỗq chĩc atōng saccoaiq tễ Yang neq:

‘Cứq Yiang Sursĩ ón cũai ranềng cứq toâq nhũang mới, đốq thừian rana yỗn mới.’^{*}

²⁸ Cứq atōng anhia, dũ náq cũai ca mansẽm canốt tâng cutềq nâi, tở bữn noau toâr hỡn tễ Yang ca đốq táq batẽm. Ma cứq atōng anhia neq tề: Cũai aléq ma tở bữn toâr ntróu tâng tốp Yiang Sursĩ sốt, lứq Yiang Sursĩ yỗn cũai ki bữn chóc clừi tễ chóc Yang.”

²⁹ Máh cũai khoiq sâng santoiq Yang pai, đêh alóí ca parôm práq thềq, nheq náq alóí ngin Yiang Sursĩ la lứq tanoang o. Ngkiq

alóí yỗn Yang táq batẽm yỗn alóí. ³⁰ Ma máh cũai Pha-rasi cốp cũai atōng phễp rit, alóí tở ềq ỉt, tở ềq puai ngê Yiang Sursĩ. Ngkiq alóí tở yỗn Yang táq batẽm yỗn alóí.

³¹ Yê-su pai ền: “Máh cũai tâng đời nâi la riang ntróu? ³² Máh cũai tâng đời nâi la ariang carnễn ớt loiq tâng nchốh. Muoi tốp carnễn ki arô yóu alóí neq: ‘Hềq khoiq plóng тариал cốp loiq táq rayuac. Ma anhia tở bữn mut ayữn cốp puan sarai nứng hếq! Cốp hếq loiq táq rapữp, ma anhia tở bữn pruum mut nhiam u-đi nứng hếq!’ ³³ Yang đốq táq batẽm toâq pở nâi, án tở bữn nguaiq cha riang cũai canốh, án cha ống lam cốp nguaiq đốq khĩal. Chơ anhia pai án bữn yiang sâuq. ³⁴ Ma cứq, Con Yiang Cốt Cũai, cứq toâq nguaiq cha machống cũai canốh tề. Chơ anhia pai cứq neq: ‘Kì! Án ki nguaiq cha tham sâng! Cốp án cõt yóu cốp cũai parôm ỉt práq thềq cốp cũai lỏih canốh hỡ!’ ³⁵ Ma cũai ca lứq rangoiq, nỡ-ra noau lứq ngin án la cũai rangoiq, yuaq alóí hữm tễ máh ranáq án táq.”

Yê-su Cha Tâng Đống Manoaq Cũai Pha-rasi

³⁶ Bữn manoaq tễ tốp Pha-rasi mới Yê-su toâq cha muoi pêl tâng đống án. Chơ Yê-su pớq cha. ³⁷ Tâng vil ki, bữn manoaq mansẽm ca táq sa-ữi ranáq sâuq. Án khoiq sâng noau pai Yê-su chĩc cha tâng đống cũai Pha-rasi ki; chơ án đừng muoi bễ đốq phuom. Bễ ki noau táq toâq tamáu ramứh a-labat. ³⁸ Mansẽm ki sacốh racốl cheq ayững Yê-su. Án nhiam, cốp sarliang moat án hoi layáp ayững Yê-su. Chơ án chut ayững Yê-su toâq sóc án. Án hữn hĩt ayững Yê-su, chơ án tồh đốq phuom tâng

^{*} 7:27 7:27 Ma-laki 3:1

ayŭng Yê-su. ³⁹ Từ cũai Pharsi ca mới Yê-su hŭm ngkíq, án têng tâng mút án neq: “Khân cũai nâi ma lŭq manoaq tang bŏq Yiang Sursĩ, ki án dáng mansêm ca satoaq án la noau. Cóp án dáng mansêm nâi táq sa-ŭi ranáq sâuq.”

⁴⁰ Yê-su atŏng cũai ki neq: “Si-môn ơi! Cŭq bŭn muoi santoiq yoc atŏng mới.”

Si-môn ta-ôi: “Ôq thâi. Sêq thâi pai.”

⁴¹ Chơ Yê-su pai neq: “Bŭn bar náq voaq práq tể cũai manrai práq. Manoaq tu sŏng culám. Manoaq ên tu sŏng chít. ⁴² Ma bar náq ki tở bŭn ntróu ẽ culáh loah yŏn án ca manrai. Ngkíq án ca manrai práq táh nheq máh práq alóí tu án. Ma tể bar náq ki, aléq ayooq hŏn án ca manrai práq?”

⁴³ Si-môn ta-ôi: “Cŭq chanchóm án ca tu sa-ŭi ki ayooq hŏn.”

Yê-su pai neq: “Lŭq pŕieiq mới pai.”

⁴⁴ Chơ Yê-su nhêng chu mansêm ki cóp án atŏng Si-môn neq: “Mới hŭm ma tở bŭn mansêm nâi? Từ cŭq toâq pŕ đŏng mới, mới tở bŭn ít đŏq yŏn cŭq ariau ayŭng. Ma mansêm nâi, án ariau ayŭng cŭq toâq sarliang moat án. Cóp án ít sóc án toâp chut ayŭng cŭq.

⁴⁵ Từ cŭq toâq pŕ đŏng mới, mới tở bŭn hŭn hŭt cŭq puai tâng rit sar-óh tamoi. Ma mansêm nâi, án hŭn hŭt níc ayŭng cŭq tể cŭq mut tâng đŏng toau toâq sanua.

⁴⁶ Mới tở bŭn ít đŏq phuom tia tâng plŕ cŭq puai tâng rit sar-óh tamoi. Ma mansêm nâi, án tở đŏq phuom moat lŭq tâng ayŭng cŭq. ⁴⁷ Ngkíq cŭq atŏng mới: Lôi h mansêm nâi sa-ŭi lŭq, ma cŭq khioq táh yŏn án, yuaq án ayooq lŭq cŭq. Ma cũai aléq chanchóm án bŭn bŭq lŏih sâng

yŏn cŭq táh, cũai ki ayooq cŭq bŭq tể.”

⁴⁸ Chơ Yê-su atŏng mansêm ki neq: “Lôi h mới khioq táh chơ.”

⁴⁹ Máh cũai ca ốt cha cóp Yê-su, alóí chanchóm neq: “Cũai nâi la noau, ma khón pai án táh lŏih yŏn cũai?”

⁵⁰ Ma Yê-su atŏng loah mansêm ki neq: “Yiang Sursĩ khioq chuai amoong mới chơ, yuaq mới sa-âm lŭq cŭq. Mới pŕq bán sŭn ien khê.”

8

Máh Cũai Mansêm Ca Pŕq Parnoi Cóp Yê-su

¹ Vót ki, Yê-su mut tâng sa-ŭi vil cót vil toâr cóp atŏng parnai o tể Yiang Sursĩ táq sóc. Tŏp muoi chít la bar náq rien tể án pŕq parnoi cóp án tể. ² Cóp bŭn máh mansêm hŏ pŕq cóp Yê-su. Tể máh mansêm ki bŭn án ca yiang sâuq payŏh, ma Yê-su khioq tuih aloŏh, cóp bŭn án ca Yê-su táq bán tể sa-ŭi ramúh a-ĩ. Máh mansêm ki, ramúh neq: Muoi la Mari tể vil Mạc-dala. Án ca bŭn tapul lám yiang sâuq khioq loŏh tể tở án. ³ Bar la Yô-ana, lacuoi Chusa. Chusa táq ranáq yŏn puo Hê-rôt. Pái la Su-sana. Cóp bŭn sa-ŭi náq mansêm canŏh hŏ. Nheq alóí ít práq alóí bŭm đŏq chuai Yê-su cóp tŏp rien tể án bŭn cŕng sana cha.

Parnai Sacâm Tể Cũai Trŭh Ốc (Mathia 13:1-9; Mac 4:1-9)

⁴ Clŭng lŭq cũai toâq pŕ Yê-su tể sa-ŭi vil. Chơ Yê-su atŏng alóí na parnai sacâm neq: ⁵ “Bŭn manoaq cũai pŕq trŭh ốc. Bo án trŭh, bŭn ốc satooh tâng rana. Cũai tŭn ốc ki cóp chŏm tot cha. ⁶ Bŭn ốc canŏh satooh tâng cutêq sa-ŭi tamáu. Toâq ốc ki dách, án cŏt roŏh nheq, yuaq ốq đŏq. ⁷ Bŭn ốc canŏh satooh tâng cutêq bŭn rêh

bát sarlia. Tữ bát sarlia dáh, án éc chíq bát mbõiq dáh tễ ốc cũai ki trứh. ⁸ Cóp bữn ốc canõh ễn satooh tâng cutêq o. Ốc ki dáh cóp toâr achõn, chơ cõt palâi. Muoi nõm cõt muoi culám ốc.”

Yê-su pai ễn neq: “Aléq bữn cutữr yoc ễ tamúng, ki tamúng.”

Nỏq Yê-su Atõng Toâq Parnai Sacâm

(*Mathia 13:10-17; Mac 4:10-12*)

⁹ Tõp rien tễ Yê-su blóh án tễ parnai nâi la sacâm ntróu. ¹⁰ Yê-su ta-õi alóí neq: “Máh parnai cutooq tễ Yiang Sursĩ táq sớt, Yiang Sursĩ yõn anhia dánh. Ma cũai canõh tamúng bĩq parnai sacâm sâng. Ngkĩq alóí nhềng ma tở bữn hữm; alóí tamúng ma tở bữn sapúh.”[✧]

Yê-su Aloõh Ngê Tễ Parnai Sacâm Cũai Trứh Ốc

(*Mathia 18:13-23; Mac 4:13-20*)

¹¹ “Ngê tễ parnai sacâm ki la neq: Ốc cũai ki trứh la sacâm tễ cũai pợq atõng parnai Yiang Sursĩ. ¹² Ốc satooh tâng rana, la sacâm tễ cũai ca tamúng parnai Yiang Sursĩ, ma yiang Satan toâq ỉt chíq parnai ki tễ mút pahõm alóí, táq yõn alóí tở tềq sa-âm. Chơ yõn Yiang Sursĩ tở tềq chuai amoong alóí. ¹³ Ốc satooh tâng cutêq bữn tamáu la sacâm tễ cũai ca tamúng parnai Yiang Sursĩ cóp sa-âm parnai ki bũi o lứq. Ma parnai ki tở bữn mút tâng mút pahõm alóí. Alóí sa-âm mahõĩ sâng. Chơ toâq alóí ramóh túh coat alóí tanĩq cõ tian alóí sa-âm, chơ alóí tở ểq sa-âm noâng. ¹⁴ Ốc satooh tâng cutêq bữn sa-ữĩ bát sarlia, la sacâm tễ cũai ca tamúng parnai Yiang Sursĩ, ma alóí lua cút tâng dõĩ nâi, ham sốc, cóp ham thừơng. Máh ramúh ki éc

chíq parnai o tễ Yiang Sursĩ, táq yõn alóí tở bữn cõt palâi. ¹⁵ Ma ốc satooh tâng cutêq o la sacâm tễ cũai ca tamúng parnai Yiang Sursĩ, cóp alóí bữn mút pahõm o, yoc yám noap Yiang Sursĩ. Alóí cayóm đõq níc parnai ki, chơ toâq ngư bữn palâi, alóí cõt palâi sa-ữĩ lứq.”

Yê-su Patâp Cũai Pasếq Parnai

Án

(*Mac 4:21-25*)

¹⁶ “Tở bữn noau tacât chớp tóu, chơ catúp chóq khang tở la đõq nhưp cachơng bếq. Ma lứq noau đõq chớp tóu tâng rông, yõn án claq poang nheq clõng ki. Ngkĩq cũai mút tâng ki tềq hữm raloaih. ¹⁷ Machõng ki tề, ramúh ntróu cứq cutooq sanua, chumát cứq yõn nheq tữh cũai dánh raloaih máh ramúh ki. Cóp ramúh ntróu cứq catáng sanua, chumát cứq tở bữn catáng noâng.

¹⁸ “Parnai ntróu anhia sâng cứq atõng, cóq anhia pasếq lứq parnai ki. Cũai aléq khoiқ bữn chơ, cứq lứq yõn án bữn sa-ữĩ lứq ễn. Ma cũai aléq tở bữn bữn, máh ốc án bữn, lứq cõt pút loah nheq.”

Mpiq Cóp Sễm Ai Yê-su

(*Mathia 12:46-50; Mac 3:31-35*)

¹⁹ Mpiq cóp sễm ai Yê-su toâq ễ ramóh Yê-su, ma alóí tở tềq mút pở án, yuaq tadát máh cũai tâng đõng. ²⁰ Bữn cũai toâq atõng Yê-su neq: “Mpiq cóp sễm ai thâi ỏt yáng tiah ễ ramóh thâi.”

²¹ Ma Yê-su atõng loah alóí neq: “Mpiq cóp sễm ai cứq la máh cũai ca tamúng cóp trỉh parnai Yiang Sursĩ.”

Yê-su Sươq Cuyal Cóp Dỡq

(*Mathia 8:23-27; Mac 4:35-41*)

22 Bữn muoi tangái, Yê-su chõn tâng tuoc cớp tộp rien tễ án. Yê-su pai chỏq alới neq: “Hái clong yáng tooh đờq clóng nài.”

Chớ alới clong. 23 Toâq mpúng dĩ đờq, Yê-su bẻq. Ma bo ki bữn cuyal rapuq hập lứq, táq yõn đờq carsaiq amut tâng tuoc, mán ẽ poân. Chớ alới croỏq lứq. 24 Tộp rien tễ Yê-su toâq amoih án. Alới pai neq: “Thài ơi, thài ơi! Hái cheq ẽ cuchit.”

Yê-su yuor tayúng. Án sươq cuyal cớp đờq lampóh. Chớ cuyal cớp đờq ki tangút, cớp cõt ien khẽ loah. 25 Yê-su blớh tộp rien tễ án neq: “Nỏq anhia tỡ bữn sa-âm?”

Ma alới sâng đót cớp ngcõh lứq. Manoaq pai chỏq manoaq neq: “Cũai nài la noau? Án sươq cuyal cớp đờq, chớ cuyal cớp đờq trỉh án!”

Yê-su Tuih Aloõh Yiang Sâuq Tễ Tỏ Cũai

(*Mathia 8:28-34; Mac 5:1-20*)

26 Alới clong yáng tooh đờq clóng toâq pỡ cruang Yê-rasê. Cruang nài ớt choâng cớp cruang Cali-lê. 27 Bo Yê-su sẻng tễ tuoc, bữn manoaq samiang tễ vil ki bữn yiang sêuq payỏh, toâq pỡ Yê-su. Cũai ki ớt mu rariat khoi q dũn chớ. Án tỡ bữn ớt tâng đống, ma án ớt níc tâng clỏm cumuiq. 28 Từ án hữm Yê-su, án hẻ casang lứq, sacỏh racỏl, cớp pai casang lứq neq: “Ntrớu anhia yoc ẽ táq chỏq cứq Yê-su? Anhia la Con Yiang Sursĩ, án ca sớt clữi nheq tễ canỏh. Cứq sẻq anhia chõi táq tỏiq bap cứq.”

29 Án pai ngkĩq, yuaq Yê-su khoi q ớn án loõh tễ tỡ cũai ki. Sa-ủi trỏ chớ yiang sêuq táq cũai ki. Cớp khân cũai canỏh cớp cớp sacáp án toâq sái-sỏ, tỡ la clữong toâq panũar, án táq ta-õh nheq.

Cớp yiang sêuq đỏq đừng án pỡq chu ntỏq aiq.

30 Yê-su blớh cũai ki neq: “Ntrớu ramứh mới?”

Cũai ki ta-õi: “Ramứh cứq la Poâl.”

Án pai ngkĩq, yuaq bữn sa-ủi yiang sêuq ớt tâng tỡ án. 31 Mách yiang sêuq ki sẻq Yê-su chõi ớn alới pỡq chu pỏng sarloac.

32 Tâng cóh ki bữn muoi cantỏh alic sa-ủi lứq chuaq cha. Ngkĩq máh yiang sêuq ki sẻq tễ Yê-su yõn alới mut tâng cantỏh alic ki. Yê-su yõn alới mut. 33 Ngkĩq máh yiang sêuq loõh tễ tỡ cũai ki, chớ mut tâng cantỏh alic ẻn. Cantỏh alic ki lủh chái lứq cớp pỏng tễ leh tarhar chu clóng đờq, chớ cuchit clooc nheq.

34 Toâq cũai bán tộp alic hữm cõt ranáq ngkĩq, alới lủh achu atõng yõn máh cũai tâng vil cớp tâng rapoq sarái dáng. 35 Clủng cũai toâq yoc ẽ nhẻng ranáq ca mbỏiq cõt. Alới toâq pỡ Yê-su, cớp alới hữm cũai bữn yiang sêuq payỏh ki tacu cheq ayũng Yê-su. Án tấc tampác, cớp tỡ bữn cõt yủh noâng. Ngkĩq alới sâng ngcõh lứq. 36 Mách cũai ca hữm ranáq Yê-su táq chỏq cũai bữn yiang sêuq, alới atõng loah yõn cũai ca tỡ bữn hữm dáng tễ tỡ ranáq Yê-su táq yõn cũai ki cõt bán.

37 Nheq máh cũai tâng cruang Yê-rasê sẻq Yê-su pỡq chíq tễ cruang alới, yuaq alới sâng ngcõh lứq. Chớ Yê-su chõn tâng tuoc cớp loõh tễ ntỏq ki. 38 Cũai ca yiang sêuq khoi q loõh tễ tỡ, án sẻq pỡq cớp Yê-su tề. Ma Yê-su ớn án chu, cớp patáp án neq: 39 “Mới chu pỡ đống mới. Chớ mới atõng loah tễ dũ ranáq Yiang Sursĩ khoi q chuai mới.”

Ngkíq cũai ki pởq dù ntốq tâng vil án, cớp án atởng loah tễ dữ ranáq Yê-su khoi q táq chuai án.

Yê-su Táq Bán Con Mansêm Yaru Cớp Mansêm Ca Satoaq Au Tuar Án

(*Mathia 9:18-26; Mac 5:21-43*)

⁴⁰ Từ Yê-su chu loah coah đởq clóng ki, bữn cũai cứng tabởp án bữi o, yuaq alóí acoan án tâng ntốq ki. ⁴¹ Ma bữn manoaq ramứh Yaru toàq pở ki tê. Án la cũai ndởm muoi đống sang tởp I-sarel tâng vil ki. Án sacỏh racól cớp pữp cheq ayững Yê-su. Án sẽq Yê-su toàq pở đống án, yuaq con mansêm án a-ĩ hập lứq. ⁴² Án bữn ớng muoi lám con ki toàp. Mansêm ki mbởiq muoi chít la bar cumo, ma a-ĩ cheq ễ củchít.

Bo Yê-su pởq tâng rana, cứng lứq cũai nết Yê-su. ⁴³ Cớp bữn manoaq mansêm ớt ntốq ki bữn a-ĩ toỏh siet khoi q muoi chít la bar cumo, ma aham tở nai yỏt. Tien práq án ralỏh cỏ yỏn noau palai, ma tở hữm bán. ⁴⁴ Án cunhoar amut coah cũi Yê-su, chớ án cuvỏ satoaq chểu au tuar Yê-su. Bo ki toàp aham án yỏt.

⁴⁵ Yê-su blớh neq: “Noau satoaq cứq?”

Ma aléq la tở bữn ngin. Chớ Phi-er pai neq: “Thâi ời! Cứng lứq cũai ớt cheq thâi, cớp alóí nết thâi.”

⁴⁶ Ma Yê-su pai loah neq: “Bữn cũai satoaq cứq, yuaq cứq sâng chớc loỏh tễ tở cứq.”

⁴⁷ Từ mansêm ca satoaq au Yê-su dáng án tở tềq cutooq noàng. Ngkíq tở án cangcoaih nheq, cớp án pữp asẻng cheq ayững Yê-su. Mansêm ki ngin pở Yê-su yáng moat máh cũai cứng ki. Án atởng Yê-su cũ nỏq án toàq satoaq au Yê-su cớp án cớt bán thánq. ⁴⁸ Yê-su ta-ởi án neq: “Niang ời! Cỏ mới

sa-âm, tở mới cớt bán. Mới chu ien khẻ.”

⁴⁹ Bo Yê-su noàng táq ntởng cớp mansêm ki, bữn manoaq tễ đống Yaru, án ca ndởm đống sang, toàq pở Yaru cớp atởng án neq: “Con mansêm mới khoi q củchít chớ. Mới chỏi pakhoq noàng thâi.”

⁵⁰ Yê-su sâng cũai ki pai ngkíq, chớ án atởng Yaru neq: “Chỏi ngcỏh, mới sa-âm sâng. Ngkẻq con mới lứq cớt bán loah.”

⁵¹ Từ Yê-su toàq pở đống Yaru, án yỏn Phi-er, Yacỏ, Yang, cớp mpiq mpoaq amỏq ki mut tâng đống cớp án. Ma cũai canỏh, án tở yỏn mut. ⁵² Nheq máh cũai nhiam atẻh amỏq ca khoi q củchít. Ma Yê-su pai neq: “Chỏi nhiam. Án nâi tở bữn củchít; án bẻq sâng.”

⁵³ Alóí ca sâng Yê-su pai ngkíq, alóí ayê ra-ac án, yuaq alóí dáng raloaih con ki khoi q củchít. ⁵⁴ Ma Yê-su tẻc atỉ mansêm ca khoi q củchít, cớp án arỏ neq: “Amỏq ời! Mới yuor tayúng!”

⁵⁵ Ngkíq ravieí amỏq ki chu loah pở án, cớp án yuor toàp. Chớ Yê-su ớn noau yỏn amỏq cha sana. ⁵⁶ Mpiq mpoaq amỏq ki sâng dớt lứq, ma Yê-su patâp alóí chỏi yỏn cũai canỏh dáng tễ ranáq nâi.

9

Yê-su Ớn Tỏp Muoi Chít La Bar Náq Pởq Atởng

(*Mathia 10:5-15; Mac 6:7-13*)

¹ Yê-su arỏ tởp muoi chít la bar náq rien tễ án toàq pở án. Án yỏn alóí bữn chớc tềq tuih aloỏh yiang sâuq payỏh cũai, cớp tềq táq bán máh cũai a-ĩ. ² Chớ án ớn alóí pởq atởng tễ Yiang Sursỉ táq sỏt, cớp án ớn alóí táq bán máh cũai a-ĩ. ³ Án patâp alóí neq: “Anhia chỏi đửng cớng ntrứu. Chỏi đửng ralỏng. Chỏi poac tũi.

Chỗi dững cớng sana. Chỗi dững práq. Cóp chỗi dững bar ploah au. ⁴ Từ anhia mut tâng vil, cóq anhia ốt muoi đồng sâng toau toâq anhia loõh tể vil ki. ⁵ Khân anhia mut tâng vil léq, ma noau tở bữn roap cớp tabõp o anhia, toâq anhia loõh tể vil ki, cóq anhia trutrêh phón cutểq tể ayũng. Nâi la táq tểc cũai tâng vil ki tở bữn roap anhia.”

⁶ Ngkíq alóí pớq chu vil cót vil toâr cóp atõng parnai o tể Yiang Sursĩ. Alóí táq bán máh cũai a-ĩ.

*Hê-rôt Saria Sarnóm
(Mathia 14:1-12; Mac 6:14-29)*

⁷ Hê-rôt, án ca sớt tâng cruang Cali-lê, án sâng tể máh ranáq Yê-su táq. Ngkíq án saria sarnóm, yuaq án sâng noau pai Yang đốq táq batểm khoi q tamoong loah tể cuchĩt.

⁸ Bữn cũai pai Ê-li khoi q toâq loah chơ. Cóp bữn cũai pai manoaq tang bõq Yiang Sursĩ khoi q tamoong loah tể cuchĩt. ⁹ Ma Hê-rôt pai neq: “Lứq cứq khoi q cõh tacong Yang, ma cũai nâi la noau, án ca cứq sâng noau pai án táq ranáq ngkíq?”

Ngkíq Hê-rôt chuaq ẽ ramóh Yê-su.

*Yê-su Siem Sõng Ngìn Náq Cũai
(Mathia 14:13-21; Mac 6:30-44; Yang 6:1-14)*

¹⁰ Máh cũai ayũng atĩ Yê-su chu atõng loah án tể máh ranáq alóí khoi q táq. Án dững alóí pớq cóp án chu muoi ntốq cheq vil Bet-sada. Ntốq ki tở bữn noau ốt. ¹¹ Toâq máh cũai dáng Yê-su pớq chu ntốq ki, ngkíq cứng lứq alóí pớq puai án. Yê-su tabõp tabéh alóí, cóp án atõng alóí tể Yiang Sursĩ táq sớt. Cóp án táq bán cũai ca a-ĩ.

¹² Cheq moat mandang tahõr, tốp rien tể Yê-su toâq pớ án cóp pai neq: “Sẽq thâi ớn cũai cứng

nâi chu pớ vil cót vil toâr mpễn nâi yõn alóí chuaq ntốq ốt cóp chõng bữm cớng sana cha, yuaq ntốq nâi yõng tể cũai ốt.”

¹³ Ma Yê-su atõng alóí neq: “An-hia toâp yõn alóí bữn cớng sana cha.”

Alóí ki pai neq: “Hếq bữn ống sỡng lám bẽng cóp bar lám sĩaq. Thâi yoc hếq pớq chõng cớng sana yõn cũai cứng nâi cha tở?”

¹⁴ Ốt tâng ntốq ki bữn sám sỡng ngìn náq samiang carsai, ma tở bữn noap mansểm cóp carnển. Chơ Yê-su atõng tốp rien tể án neq: “Anhia ớn nheq tữh cũai nâi tacu, muoi ntốq sám sỡng chít náq.”

¹⁵ Chơ tốp rien tể Yê-su ớn cũai cứng ki tacu. ¹⁶ Yê-su ỉt sỡng lám bẽng cóp bar lám sĩaq. Chơ án tapoang achõn chu paloõng cóp sa-õn Yiang Sursĩ bữn cớng sana cha nâi. Moâm ki, án pĩh bẽng cóp chiau pớ tốp rien tể án tampểq yõn nheq tữh cũai cha. ¹⁷ Nheq tữh cũai ki cha pasâi nheq. Moâm alóí cha, tốp rien tể Yê-su parõm loah máh ngcáh bữn muoi chít la bar cruo.

Yê-su Atõng Tể Án Cóq Chũuq Cuchĩt

(Mathia 16:13-28; Mac 8:27-9:1)
¹⁸ Bữn muoi tangái bo Yê-su ntôm câu manoaq án, tốp rien tể án toâq pớ án. Chơ Yê-su blóh alóí neq: “Máh cũai cứng pai cứq la noau?”

¹⁹ Alóí ta-õĩ neq: “Bữn cũai pai thâi la Yang đốq táq batểm. Bữn cũai pai thâi la Ê-li. Cóp bữn cũai canõh ển pai thâi la cũai tang bõq Yiang Sursĩ ca tamoong loah tể cuchĩt.”

²⁰ Yê-su blóh loah alóí neq: “Ma anhia pai cứq la noau?”

Phi-er ta-õĩ neq: “Thâi la Crít, án ca Yiang Sursĩ rườh đõq chuai amoong cũai!”

²¹ Yê-su patâp alóí chôi atông yỗn cũai canõh dáng tễ ọc nâi. ²² Cóp án atông ễn neq: “Chumat cứq, Con Yiang Cõt Cũai, cóq chũuq sa-ũi ramứh túh coat. Mách cũai sớt nheq sâu, máh cũai sớt tốp tềng rit sang Yiang Sursĩ, cóq máh cũai yỗng rit, alóí kệt cứq, cóq cachĩt cứq. Ma catâm tangái pái, cứq yuor tamoong loah.”

²³ Moâm ki, Yê-su atông nheq alóí ki neq: “Khân bữn cũai aléq yoc ễ puai cứq, cóq án táh chíq ngê án bữm. Cu rangái án cóq ỉt dõl bữm aluang sangcáng án, cóq cóq án puai cứq. ²⁴ Cũai aléq ma paséq rangứh án, rangứh cũai ki lứq pút. Ma cũai aléq ma chũuq pút rangứh án cõ tian án puai ngê cứq, rangứh cũai ki lứq tở nai pút. ²⁵ Khân cũai aléq bữn túc palêc crong cróu tăng dõi nâi, ma án táh tở la pút rangứh án, ntróu kia yỗn cũai ki? ²⁶ Khân cũai aléq ma casiet táq tễ cứq cóp tễ parnai cứq yáng moat cũai tăng dõi nâi, nỡ-ra cứq, Con Yiang Cõt Cũai, lứq casiet táq cũai ki tề tăng tangái cứq toâq loah pở cutêq nâi. Tangái ki cứq toâq parnõi cóp máh ranêng Yiang Sursĩ cóp bữn chóc ang-ũr tễ Mpoaq cứq. ²⁷ Cứq atông anhia samoat lứq, bữn máh cũai ớt tayúng ntóq nâi sanua, alóí tở yũah cuchĩt toau alóí bữn hữm Yiang Sursĩ táq sớt.”

Roâp Yê-su Cõt Mpha Ễn
(*Mathia 17:1-8; Mac 9:2-8*)

²⁸ Vót Yê-su pai máh santoiq ki, sám tacual tangái ễn, án dững Phi-er, Yang, cóp Yacõ chõn nừng án tăng cóh đõq câu ngki. ²⁹ Bo Yê-su câu, án samblót cõt roâp mpha ễn, cóp tampác án cõt cloc sarbal moat. ³⁰ Bữn bar náq toâq táq ntông cóp Yê-su la Mõi-se cóp Ê-li. ³¹ Roâp alóí ang-ũr, cóp

alóí atông tễ ranáq Yê-su táq yỗn moâm toâq án chũuq cuchĩt tăng vil Yaru-salem. ³² Ma Phi-er cóp yóu án sâng ễ béq. Tở alóí tamõ, alóí hữm ang-ũr roâp Yê-su, cóp bar náq cũai ki tayúng cóp Yê-su. ³³ Tở bar náq ki loõh tễ Yê-su, Phi-er atông Yê-su neq: “Thâi ơi! Hái ớt nâi la o lứq. Hếq ễ táq pái lám nloâh, muoi lám yỗn thâi, muoi lám yỗn Mõi-se, cóp muoi lám ễn yỗn Ê-li.”

Ma Phi-er chuaq pai tở cõt ọc.

³⁴ Bo Phi-er noâng táq ntông, bữn ramứl clũom alóí. Ngkiq alóí sâng ngcõh lứq. ³⁵ Cóp bữn srong sabau atông tễ ramứl ki neq: “Nâi la Con cứq, án ca cứq ayooq lứq. Ntróu án atông, cóq anhia tamúng cóp trĩh án!”

³⁶ Tở rangiac srong ki, alóí hữm ống Yê-su sâng ớt ntóq ki. Ngkiq pái náq tốp rien tễ Yê-su tở bữn atông yỗn cũai canõh dáng tễ ranáq alóí khoiq hữm, toau toâq tangái Yê-su cuchĩt cóp tamoong loah.

Con Samiang Bữn Yiang Sâuq Payõh

(*Mathia 17:14-18; Mac 9:14-27*)

³⁷ Mách tangái parnõ ễn, toâq alóí sễng tễ cóh, bữn cứng lứq cũai toâq ramóh Yê-su. ³⁸ Bữn manoaq tễ cũai cứng ki sabau casang lứq neq: “Thâi ơi! Cứq sễq thâi nhêng con samiang cứq. Cứq bữn ống muoi lám án toâp. ³⁹ Cóp yiang sáuq đõq payõh án. Án đõq hễ toâq yiang sáuq nhoac án, chơ loõh rapooh tễ bõq. Yiang ki carnhoac-carnhủl, chơ tangút, ma án tở bữn táh tở con cứq! ⁴⁰ Cứq khoiq canũi máh tốp rien tề thâi yỗn tuih aloõh yiang sáuq tề tở con cứq, ma alóí tuih tở riap.”

⁴¹ Yê-su ta-õi neq: “Anhia ơi! Anhia ca ớt tăng dõi nâi tở bữn sa-âm cóp anhia loâi lứq! Noâng

máh léq dũn cứq cóq ốt cóp anhia, cóp chũuq anhia tở bũn sa-âm? Dũng con ki toaq pở cứq!”

⁴² Bo carnẽn samiang ki toaq, yiang sấuq ki carvút cóp atáih án tâng cutẽq. Yê-su ớn yiang sấuq loỏh toạp tẽ tở carnẽn ki. Chơ carnẽn ki cõt bán loah. Yê-su chiau loah án pở mpoaq án. ⁴³ Nheq tũh cũai ki sâng dốt tẽ Yiang Sursĩ bũn chóc toar lứq tẽq táq ngkiq.

Yê-su Atõng Loah Tẽ Án Cóq Chũuq Cuchĩt

(*Mathia 17:22-23; Mac 9:30-32*)

Bo máh cũai ki noàng sâng dốt tẽ ranáq Yê-su táq ngkiq, ki Yê-su atõng tốp rien tẽ án neq: ⁴⁴ “Anhia tamứng yỗn samoat máh santiago cứq atõng anhia sanua! Cheq chơ noau ẽ chiau cứq, Con Yiang Cõt Cũai, pở atĩ cũai sốt!”

⁴⁵ Ma alớ tở bũn sapúh santiago ki. Yiang Sursĩ cutooq ốc ki tở yỗn alớ dáng. Cóp alớ tở khỏn blớh Yê-su tẽ ốc ki.

Noau Toar Clũi Nheq Tẽ Canỏh?
(*Mathia 18:1-5; Mac 9:33-37*)

⁴⁶ Tốp rien tẽ Yê-su rasuon tẽ noau toar clũi nheq tẽ canỏh tâng tốp alớ. ⁴⁷ Yê-su dáng alớ chanchỏm tẽ ốc ki. Ngkiq Yê-su tếc muoi noaq carnẽn yỗn tayúng cheq án. ⁴⁸ Cóp án atõng tốp rien tẽ án neq: “Cũai aléq roap carnẽn máh nài cở án sa-âm cứq, cũai ki lứq roap cứq tẽ. Cóp cũai aléq roap cứq, machỏng cũai ki roap đếh án ca ớn cứq toaq pở nài tẽ. Cũai aléq yoc ẽ cõt toar clũi nheq tẽ canỏh tâng tốp anhia, cóq cũai ki cõt cacót clũi nheq tẽ cũai canỏh.”

Aléq Ca Tở Bũn Par-ũal Hái Samoat Án Chuai Hái
(*Mac 9:38-40*)

⁴⁹ Yang atõng Yê-su neq: “Thài ơi! Hếq khoi q hữm manoaq cũai tuih aloỏh yiang sấuq, cóp án taléq ramủh thài. Ma hếq tở yỗn án táq noàng ranáq ngkiq, yuaq án tở bũn puai hái.”

⁵⁰ Ma Yê-su atõng loah Yang neq: “Anhia chõỉ catáng án. Cũai aléq ma tở bũn sanũi anhia, nài la riang án chuai anhia tẽ.”

Yê-su Pởq Luat Vil Cũai Sa-mari

⁵¹ Cheq ẽ toaq tangái Yê-su chỏn loah chu paloỏng; ngkiq Yê-su chanchỏm ẽ pởq chu vil Yaru-salem. ⁵² Án ớn máh cũai dũng parnai pởq nhũang. Cũai ki mut tâng muoi vil cũai Sa-mari đọq thũian yỗn Yê-su toaq. ⁵³ Ma cũai tâng vil ki tở bũn roap Yê-su, yuaq alớ dáng án ẽ pởq pở vil Yaru-salem. ⁵⁴ Toaq Yacở cóp Yang, la tốp rien tẽ Yê-su tẽ, alớ dáng ốc ki, ngkiq alớ blớh Yê-su neq: “Ncháu ơi! Ncháu yoc hếq arỏ ùih tẽ paloỏng sểng chỏng chíq alớ ki tở?”

⁵⁵ Ma Yê-su luliaq nhêng chu alớ, cóp án suỏq alớ chõỉ chanchỏm ngkiq. ⁵⁶ Chơ alớ pởq chu vil canỏh ẽn.

Cóq Hái Táq Nỏq Ễ Puai Ngé Yê-su?

(*Mathia 8:19-22*)

⁵⁷ Bo alớ pởq tâng rana, bũn manoaq toaq pở Yê-su cóp pai neq: “Thài ơi! Pở léq thài pởq, cứq puai thài pở ki tẽ.”

⁵⁸ Yê-su atõng án neq: “Ayoỏng bũn cụp, chỏm bũn sốh, ma Con Yiang Cõt Cũai tở bũn ntỏq yỗn án bếq.”

⁵⁹ Yê-su ớn manoaq samiang canỏh: “Mỏi puai cứq.”

Ma cũai ki ta-đi neq: “Ncháu ơi! Yỗn mpoaq cứq cuchĩt voai. Toaq mỏam cứq tụp mpoaq cứq, cứq lứq puai Ncháu.”

⁶⁰ Yê-su atông loah án neq: “Yỗn alói ca tở bữn muoi mứt cốp cứq, yỗn chũm siem bữm cũi ca tở bữn muoi mứt cốp cứq.* Cóp mới pởq atông tể Yiang Sursĩ táq sớt.”

⁶¹ Bữn cũi canỏh pai neq: “Ncháu ơi! Cứq yoc ẽ puai Ncháu tẽ, ma cứq sếtq chu cubán đổng sũ cứq voai.”

⁶² Yê-su atông án neq: “Cũi táq vông tâng rô, khân án yống acán cái, cóq cũi ki chũi luliaq chu cũi. Ngkíq rana vông lứq tanoang o. Cũi táq ranáq Yiang Sursĩ la machóng ki tẽ. Khân án bữn bar mứt, Yiang Sursĩ lứq tở bữn táq sớt án.”

10

Yê-su Ớn Tapul Chít La Bar Náq Pởq Táq Ranáq Án

¹ Vót ki ẽn Yê-su ruroh tapul chít la bar náq. Án ớn alói ki pởq nhũang án, muoi tốp bar náq, mut nheq dũ vil dũ ntỏq án chanchỏm ẽ pởq. ² Án atông alói ki neq: “Saro tâng sarái la-a khoiq chĩn lứq chơ, ma bữn bĩq náq cũi pởq sot saro ki. Cóp anhia câu sếtq tể Ncháu sarái yỗn án ớn sa-ũĩ náq pởq sot saro ki.

³ Anhia pởq! Cứq ớn anhia pởq samoát riang cừu con ớt mpúng dĩ acho cruang. ⁴ Anhia chũi đưng práq. Chũi poac tũi riang cũi susếtq. Chũi đưng bar cu cốp. Cóp toáq anhia ramóh yóu tâng rana, anhia chũi tacu táq ntông cốp alói. ⁵ Toáq anhia mut tâng đổng aléq, tể dẫu lứq anhia pai neq: ‘Sếtq Yiang Sursĩ chuai yỗn đổng sũ nãi bữn bán sũan ien khể níc.’ ⁶ Khân cũi ớt tâng đổng ki lứq yoc Yiang Sursĩ táq yỗn alói bữn ốc bỗn ki, ki lứq Yiang Sursĩ

yỗn. Ma khân alói tở ểq, ki Yiang Sursĩ yỗn anhia ẽn bữn ốc bỗn ki. ⁷ Cóp anhia ớt muoi đổng sâng. Anhia chũi pởq ớt đổng nãi đổng ki. Cóp sana ntrứu cũi đổng ki yỗn anhia cha, ki anhia cha sana ki. Cũi táq ranáq chuai cũi canỏh, cóq cũi canỏh chuai loah án táq ki, yỗn bữn crong sana cha. ⁸ Toáq anhia mut tâng vil, khân cũi ki roap tabởp o chỏq anhia, ngkíq cóq anhia cha máh crong sana alói yỗn. ⁹ Tâng vil ki cóq anhia táq yỗn bán máh cũi a-ĩ. Cóp cóq anhia atông alói neq: ‘Cheq chơ Yiang Sursĩ táq sớt anhia.’ ¹⁰ Ma toáq anhia mut tâng vil cũi, ma cũi tâng vil ki tở bữn roap tabởp o chỏq anhia, ki cóq anhia loỏh loah chu rana cốp pai neq: ¹¹ ‘Lứq samoát, phỏn cutểq tể vil anhia tớt tâng ayũng hểq, lứq hểq trutrẻh nheq phỏn cutểq ki tể ayũng hểq, táq tểc anhia tở bữn roap hểq. Ma cóq anhia dáng samoát samơi tẽ, khoiq cheq chơ Yiang Sursĩ táq sớt!’ ”

¹² Chơ Yê-su atông ẽn neq: “Cứq atông anhia la toáq tangái Yiang Sursĩ rablỏh nheq tữh cũi, án táq yỗn alói ca ớt tâng vil ki bữn túh coat hỡn tể cũi tâng vil Sadỏm tể mbỏq.”

Yê-su Pupap Vil Ca Tở ểq Sa-âm (Mathia 11:20-24)

¹³ “Bap lứq toáq pở anhia tâng vil Côr-sín! Cóp bap lứq anhia ca ớt tâng vil Bet-sada! Khân cứq táq ranáq salẻh tâng vil Ti-rơ cốp vil Sadỏn machóng cứq khoiq táq tâng vil anhia chơ, ki dũn chơ cũi tâng vil ki ngin lỏih lẻq cớt mứt tamái ẽn. Cóp dũn chơ alói tậc tampác tanủh, cóp pức bỗh tâng tở alói, táq tểc alói sâng ngua cũi alói bữn lỏih.

* 9:60 9:60 Tâng parnai Créc, santoiq Yê-su pai nãi la: ‘Yỗn cũi cuchít túp cũi cuchít.’

14 Toâq tangái Yiang Sursĩ rablớh neq từh cũai, tangái ki án sâng sarũiq táq chók cũai tâng vil Ti-rơ cớp vil Sadôn hỡn tẽ án sâng sarũiq táq chók tốp anhia. 15 Cớp anhia ca ớt tâng vil Cabê-na-um ời! Anhia chanchóm anhia tẽq chõn bữm chu paloõng tỡ? Lứq samoât, nỡ-ra Yiang Sursĩ apõng anhia tâng pống sarloac!”

16 Chơ Yê-su atõng neq chók tapul chít la bar nác ki: “Cũai aléq ma tamúng santonq anhia, ki la machóng án tamúng santonq cớq tẽ. Cớp cũai aléq ma tỡ ẽq tamúng santonq anhia, ki la machóng án tỡ ẽq tamúng santonq cớq tẽ. Cớp cũai aléq tỡ ẽq tamúng santonq cớq, la machóng cũai ki tỡ ẽq tamúng santonq án ca ớn cớq toâq tẽ.”

Tốp Tapul Chít La Bar Nác Pih Chu Loah

17 Tốp tapul chít la bar nác ki chu loah, cớp alới sâng bữn lứq. Alới atõng Yê-su neq: “Ncháu ời! Lứq samoât máh yiang sâuq trĩh parnai hếq bo hếq ớn alới cớp hếq taléq ramứh Ncháu!”

18 Yê-su atõng loah alới ki neq: “Cớq khoiq hữm yiang Satan satooh tẽ paloõng cháit lứq, samoât riang lalieiq.* 19 Anhia tamúng! Cớq yõn anhia bữn chóc yõn anhia tẽq tũn cusân cớp pông cutiang, cớq yõn anhia riap chít loah yiang Satan. Cớp tỡ bữn ramứh ntrớu tẽq táq anhia. 20 Ma anhia chõi ớn cõ yiang sâuq trĩh anhia. Cớq anhia ớn cõ Yiang Sursĩ khoiq chĩc ramứh anhia tâng paloõng.”

Yê-su Sa-õn Mpoaq Án (Mathia 11:25-27; 13:16-17)

21 Bo ki Raviei Yiang Sursĩ yõn Yê-su sâng hỡn lứq. Ngkĩq án

pai neq cớp Yiang Sursĩ: “Mpoaq cớq tâng paloõng ời! Mpoaq lứq la Ncháu paloõng cớp Ncháu cốc cutẽq nãi! Cớq sa-õn mới khoiq apáh ngẽ mới yõn cũai ca samoât carnẽn cacót nãi, alới ca tỡ yũah rien ntrớu. Ma mới cutooq ngẽ nãi tẽ cũai rangoaiq, alới ca khoiq rien sa-ũĩ. Lứq pĩeiq, Mpoaq ời, cớq khẽn mới, yuaq ớc ki lứq o yáng moat mới.

22 “Dũ ramứh Mpoaq cớq khoiq chiau yõn cớq. Tỡ bữn cũai aléq ma dáng dũ ớc tẽ Con Yiang Sursĩ. Ớng Mpoaq án toâp dáng dũ ớc ki. Cớp tỡ bữn cũai aléq ma dáng dũ ớc tẽ Mpoaq tâng paloõng. Ớng Con Yiang Sursĩ toâp dáng dũ ớc ki. Cớp cũai aléq Con Yiang Sursĩ rươh, lứq án apáh yõn cũai ki dáng tẽ Mpoaq tâng paloõng.”

23 Moâm ki Yê-su pih loah moat chu tốp rien tẽ án. Án atõng ớng alới ki sâng neq: “Bõn lứq cũai aléq ma bữn hữm máh ramứh anhia hữm. 24 Cớq atõng anhia samoât lứq, bữn sa-ũĩ nác cũai tang bõq Yiang Sursĩ, cớp bữn sa-ũĩ nác puo yoc lứq ẽ hữm máh ranác anhia hữm sanua, ma alới tỡ bữn hữm. Cớp alới yoc lứq ẽ sâng máh ớc anhia sâng sanua, ma alới tỡ tẽq bữn sâng.”

Yê-su Sacâm Tẽ Cũai Sa-mari

25 Bữn manoaq cũai thâi atõng phễp rit I-sarel toâq pỡ Yê-su. Án blớh chim Yê-su ẽq Yê-su tỡ dáng ta-õi. Án pai neq: “Thâi ời! Ntrớu cớq táq yõn cớq bữn tamoong mantái?”

26 Yê-su ta-õi neq: “Tâng phễp rit Yiang Sursĩ khoiq chĩc ntrớu? Toâq anhia doc, ntrớu anhia sâng tẽ parnai ki?”

27 Cũai ki ta-õi loah neq: “Parnai Yiang Sursĩ atõng neq: ‘Cớq

* 10:18 10:18 Yê-su atõng yõn alới dáng yiang Satan, án ca sớit neq yiang sâuq, khoiq pừ chõc án chơ.

anhia ayooq Yiang Sursĩ, la Ncháu anhia, nheq tẽ mút pahõm, nheq tẽ rangũh rahõ, cõp nheq tẽ sarnõm anhiã.'[☆]
Cõp án pai ẽn neq: 'Cõq anhia ayooq yõu machõng anhia ayooq tõ anhia bũm.'[☆]

²⁸ Yê-su ta-õĩ cũai ki neq: "Lũq pĩeiq mới pai. Khãn mới táq ngkiq, lũq mới bũn tamoong mantái."

²⁹ Ma cũai ki, án yoc apáh mút án, ẽq Yê-su pai án la cũai tanoang o. Ngkiq án blõh ẽn Yê-su neq: "Noau la yõu cõq?"

³⁰ Yê-su ta-õĩ parnai sacãm neq: "Bũn manoaq cũai samiang põq tâng rana sãng tẽ vil Yaru-salem põq chu vil Yê-ri-cõ. Bo án põq tâng rana ki, bũn cũai savẽng palõng pũr nheq crõng án. Cõp alõĩ toãn án hõ. Cheq án ẽ cuchĩt, alõĩ lúh táh chíq án. ³¹ Tangái ki bũn manoaq tẽ tõp tẽng rit sang Yiang Sursĩ põq rana ki tẽ. Án hũm cũai cheq ẽ cuchĩt ki, ma án põq viaq chíq. ³² Machõng ki tẽ toãq cũai táq ranáq tâng dõng sang. Án hũm cũai bõc ki, án toãq ngõ mahõĩ, chõr án põq viaq chíq tẽ cũai ki. ³³ Ma bũn manoaq tẽ cruang Sa-mari põq tâng rana ki tẽ. Án hũm cũai bõc ki, cõp án sãng sarũiq táq cũai ki. ³⁴ Án toãq põ cũai bõc ki, tõh dõq rahâu cõp blõng tâng ntõq bõc, chõr tĩan toãq aroaiq. Moãm ki án acõq cũai bõc ki achõn tâng aséh dẽn án, chõr án dũng cũai ki toãq põ dõng noau siem cũai cõp yõn cũai bẽq. Ờt ngki cũai Sa-mari ki chũm siem cũai bõc ki. ³⁵ Toãq tangái parnõr án ãt bar ỏc práq tẽ tũĩ án yõn põ cũai ncháu dõng. Cõp án patáp ncháu dõng ki neq: 'Cũq sẽq anhia nhẽng chuai cũai nãi. Cõp nõ pra cũq chu loah rana

nãi, maléq sa-ũĩ práq anhia pũt yõn án cha, cũq culáh loah yõn anhiã.'"

³⁶ Moãm Yê-su atõng parnai sacãm nãi, án blõh cũai ca chim án neq: "Tẽ cũai pái náq põq rana ki, aléq la yõu manoaq savẽng noau táq ki?"

³⁷ Án ca atõng phẽp rit I-sarel ta-õĩ loah Yê-su neq: "Cũai ca chuai án, ki lũq yõu án."

Ngkiq Yê-su atõng loah án neq: "Cõq mới põq táq machõng cũai ki tẽ."

Yê-su Põq Sa-õh Mathê Cõp Mari

³⁸ Bo Yê-su cõp tõp rien tẽ án põq tâng rana, alõĩ mut tâng muoi vil. Tâng vil ki bũn manoaq mansẽm, ramũh Mathê. Mathê nãi roap tabõp o chõq Yê-su yõn Yê-su mut tâng dõng án. ³⁹ Mathê nãi bũn a-ẽm mansẽm, ramũh Mari. Mari tacu cheq ayũng Yê-su cõp tamũng parnai Yê-su atõng. ⁴⁰ Ma Mathê, án miaq tál sa-ũĩ ranáq. Ngkiq án toãq põ Yê-su cõp pai neq: "Ncháu ơi! A-ẽm cũq yõn manoaq cũq sãng táq ranáq nãi. Nõq Ncháu chanchõm tẽ ỏc ki? Cũq sẽq Ncháu ỏn a-ẽm cũq toãq chuai cũq nũng."

⁴¹ Ma Yê-su ta-õĩ án neq: "O Mathê, Mathê ơi! Coat lũq yõn mới; mới croõq cõp tál sa-ũĩ ranáq. ⁴² Ma bũn muoi ramũh sãng cõq mới ruroh. Mari khiõq ruroh chõr ramũh ki, cõp ramũh ki noau tõr tẽq ãt loah tẽ án."

11

*Yê-su Atõng Tẽ Santoiq Câu
(Mathia 6:9-13; 7:7-11)*

¹ Bũn muoi tangái Yê-su ờt câu tâng muoi ntõq. Moãm án câu, bũn manoaq tẽ tõp rien tẽ án sãng neq: "Ncháu ơi! Sẽq Ncháu atõng

hếq yõn dáng câu, machớng Yang khoiq atõng tốp rien tể án."

² Yê-su atõng alới neq: "Toâq anhia câu, anhia câu neq:

'Cucốh Mpoaq hếq ơi!

Sếq anhia yõn nheq tũh cũai yám noap ramứh anhia.

Sếq anhia cõt sớt tâng mứt pahõm cũai.

³ Sếq anhia yõn hếq khám cha tangái nài.

⁴ Sếq anhia táh lôih hếq khoiq táq chơ,

yuaq hếq táh lôih noau táq chóq hếq.

Sếq anhia chõih yõn yiang Satan radừng hếq táq ranáq sâuq.' "

⁵ Yê-su atõng ễn tốp rien tể án neq: "Cứq sacâm neq: Sacâm anhia bữn yóu, cớp anhia pớq đống án, ma khoiq muoi mpứt, cớp anhia pai neq: 'Ai ơi! Cứq sếq mian pái long racáu mới, ⁶ yuaq bữn cũai tamoi toâq pớ đống cứq, ma cứq tở bữn ntróu ẽ aloõh yõn tamoi cha.' ⁷ Cõh lơ yóu ki ẽ ta-õih anhia neq: 'Mới chõih aró cứq sanua, yuaq cứq khoiq cloaih toong chơ. Cứq cớp con acái cứq khoiq bếq. Cứq tở tềq yuor ỉt yõn mới.' ⁸ Ma cứq atõng anhia neq: Tam yóu ki tở ẽq yuor ỉt racáu yõn anhia cõ anhia la yóu án, ma lứq samoât án yuor ỉt yõn anhia yuaq anhia pakhoq ntếq án. ⁹ Cớp cứq atõng anhia neq: Khân anhia sếq, ki anhia bữn. Khân anhia chuaq, ki anhia ramóh. Khân anhia cucốq toong, ki noau pớh yõn. ¹⁰ Yuaq dữ náq cũai ca sếq, ki án bữn. Aléq chuaq, ki án ramóh. Aléq cucốq toong, ki noau pớh yõn. ¹¹ Máh anhia ca bữn con chơ, khân con anhia sếq sĩaq, anhia yõn án cusân tở? ¹² Cớp khân án sếq tarêl ntruoi, anhia

yõn án pông catiang tở? ¹³ Anhia la moang cũai loâi, ma noâng anhia dáng yõn cớng o pớ con anhia. Casõn Mpoaq anhia tâng paloõng, án lứq yõn anhia bữn Raviei án khân anhia sếq tể án!"

Yê-su Cớp Bên-sabul

(*Mathia 12:22-30, 43-45; Mac 3:20-27*)

¹⁴ Bo ki Yê-su tuih aloõh yiang sâuq ca táq yõn manoaq cũai cõt ngong. Tữ Yê-su tuih aloõh yiang sâuq, cũai ki tềq táq ntõng loah. Máh cũai cừng ki sâng đót lứq.

¹⁵ Ma bữn cũai tể tốp alới pai neq: "Án nài tuih aloõh yiang sâuq cõ nhơ yiang Bên-sabul yõn án bữn chóc táq ranáq ki. Yiang Bên-sabul nài la sớt nheq máh yiang sâuq."*

¹⁶ Cớp bữn cũai canõh yoc ẽ chim Yê-su; chơ alới sếq muoi tểc tể án, án lứq bữn chóc tể Yiang Sursĩ. ¹⁷ Ma Yê-su dáng alới chanchóm ngkíq, chơ án atõng alới neq: "Khân bữn muoi cruang ma tốp nài rachıl tốp ki, lứq tở bữn cõt noâng cruang. Cớp khân bữn muoi đống sũ ma manoaq ralõih chóq manoaq, lứq tở bữn cõt noâng đống sũ. ¹⁸ Khân tốp yiang Satan, ma manoaq rachıl manoaq, lứq tở bữn cõt noâng tốp yiang Satan. Anhia pai cứq tuih aloõh yiang sâuq cõ nhơ yiang Bên-sabul yõn cứq bữn chóc. ¹⁹ Ma khân tốp puai anhia táq ranáq machớng ki tề, anhia tở bữn pai alới bữn chóc tể yiang Bên-sabul. Ngkíq, lứq samoât tể tốp anhia toâp tểq anhia bữn. ²⁰ Ma khân cứq tuih aloõh yiang sâuq cõ nhơ Yiang Sursĩ yõn cứq táq, ki ranáq nài apáh yõn anhia dáng Yiang Sursĩ táq sớt khoiq toâq pớ anhia chơ.

* 11:15 11:15 Bữn cũai đốq yiang Satan la yiang Bên-sabul.

21 “Khân bữn cũai bán rêng lứq, cốp án bữn sa-ữi cớng pla đợc rabán kĩaq cớng án, cũai canõh lứq tở tềq talõh cớng án. 22 Ma khân bữn cũai bán rêng hỡn tề án, cũai ki lứq riap chũl án, cốp ít nheq cớng pla tề án, chớ tampẽq yõn cũai ca pợq parnoi cốp án.†

23 “Cũai aléq ma tở bữn pruam muoi mút cốp cớq, cũai ki lứq tở ẽq cớq. Cốp cũai aléq ma tở bữn đũng cũai canõh toáq pỡ cớq, la machóng án tở ẽq cũai canõh puai ngê cớq tề.

24 “Toáq yang sấuq loõh tề tở cũai, chớ yang sấuq ki pợq tâng ntốq sa-õt. Án chuaq ntốq ẽ rlu, ma án tở bữn ramóh. Chớ án chanchóm neq: ‘Cứq ẽ chu loah pỡ ntốq cớq khiq loõh tề nhũang.’ 25 Từ án chu pỡ ntốq ki, án hữm ống ntốq miat. Khiq bráh briel, cốp máh cớng tâng ntốq ki khiq atức carsiat nheq chớ. 26 Chớ án pợq coaiq cốp đũng achu tapul lám yang sấuq yõn õt parnoi cốp án tâng ntốq ki. Máh yang ki la sấuq hỡn tề án. Ngkíq thừq cũai ki cõt sấuq clũi tề nhũang ẽn.”

27 Bo Yê-su atõng parnai ki, bữn manoaq mansẽm tề cũai cững pai casang lứq chóq án neq: “Bốn lứq mansẽm ca canõt thài, cốp yõn thài pu tóh!”

28 Ma Yê-su atõng loah án neq: “Ốc ki la p̄ieiq tề, ma bốn hỡn tề ki ẽn la cũai ca tamứng parnai Yang Sursĩ cốp trĩh máh ốc ki!”

Cũai Cững Sẻq Yê-su Táq Ranáq Salẽh
(*Mathia 12:38-42*)

29 Bo cũai cững õt rôm p̄ẽr Yê-su, án atõng alóiq neq: “Loài lứq máh cũai õt tâng dõi nãi! Alóiq

sẻq tề cớq muoi tếc salẽh, ma cớq tở bữn táq yõn alóiq. Yuaq alóiq khiq bữn chớ tếc salẽh tề Yô-na, la cũai tang bỗq Yang Sursĩ tề mbốq. 30 Yô-na la muoi tếc salẽh yõn máh cũai tâng vil Ni-navê. Machóng ki tề cớq, Con Yang Cõt Cũai, la muoi tếc salẽh yõn máh cũai tâng dõi nãi. 31 Toáq tangai Yang Sursĩ rablõh nheq tữh cũai, mansẽm puo tề mbốq ca sôt tâng cruang Sê-ba, án tềq cũai tâng dõi nãi. Án tềq tềq ngkíq, yuaq án toáq tề cruang yớng lứq yoc ẽ tamứng ốc rangoaiq tề puo Salamôn. Ma sanua, tâng ntốq nãi bữn manoaq rangoaiq hỡn tề Salamôn! 32 Toáq tangai Yang Sursĩ rablõh nheq tữh cũai, máh cũai tề vil Ni-navê tề mbốq tềq máh cũai tâng dõi nãi. Alóiq tềq tềq ngkíq, yuaq toáq alóiq sâng parnai Yô-na atõng, alóiq ngin lỏih toáp cốp lêq cõt mút tamái ẽn. Ma sanua, tâng ntốq nãi bữn manoaq toár hỡn tề Yô-na!”

Yê-su Sacâm Tề Chóp Tớu
(*Mathia 5:15; 6:22-23*)

33 Yê-su atõng ẽn neq: “Tở bữn noau tacát chóp tớu, chớ pul cutooq, tở la catúp chóq kang. Ma lứq noau đợc tâng rông, yõn dũ náq cũai mut tềq hữm poang. 34 Moat cũai la samoát riang tabong yõn tở. Khân moat anhia ma hữm, ki nheq tở anhia cõt poang. Ma khân moat anhia tở bữn hữm, ki nheq tở anhia cõt canám nheq. 35 Ngkíq cóq anhia nhêng yõn samoát. Cõh lờ ngê anhia chanchóm poang, tở bữn lứq poang. 36 Khân anhia ma puai ốc poang, cốp tở bữn puai ốc canám ntrớu, ngkíq mút pahõm anhia lứq cõt poang nheq. Nãi la

† 11:22 11:22 Yê-su sacâm neq: ‘Cứq bán rêng hỡn tề yang Satan. Ngkíq cớq tềq chũl riap án, cốp ít nheq cớng pla tề án, chớ tampẽq yõn máh cũai ca puai cớq.’

samoât riang chóp tóu claḡ yỗn anhia tềḡ hữm poang.”

Yê-su Tểḡ Máh Cũai Pha-rasi Cóp Máh Cũai Yỗng Rit
(*Mathia 23:1-36; Mac 12:38-40*)

³⁷ Moâm Yê-su noâng atởng ngkíḡ, bữn manoaḡ tể tốp Pha-rasi mới Yê-su toaḡ cha muoi pêl pở dốḡ án. Ngkíḡ Yê-su pởḡ cha. ³⁸ Ma cũai Pha-rasi ki, toaḡ án hữm Yê-su tở bữn ariau aỉ puai rit nhũang ề cha, án sâng dớt lứḡ. ³⁹ Ngkíḡ Yê-su atởng cũai ki neḡ: “Anhia tốp Pha-rasi bữn mút pahỏm samoât riang tangan cốp padien noau ariau ềḡ bráḡ ống yáng tiah, ma tâng clốḡ moang nhỏp. Nhỏp ki la anhia rapỏn cớḡḡ noau cốp anhia loai lứḡ! ⁴⁰ O anhia ca sacũl lứḡ oi! Án ca tểḡ tở cũai, lứḡ án tểḡ dểḡ mút pahỏm cũai hỏ. ⁴¹ Ma cóḡ anhia bữn mút pahỏm yoc ề chuai cũai cadỉt. Ngkíḡ anhia cởt bráḡ dểḡ yáng clốḡ cốp yáng tiah.

⁴² “Bap lứḡ toaḡ pở anhia cũai Pha-rasi! Lứḡ anhia chiau sang yỗn Yiang Sursỉ pún muoi chít tể bát bai asai sakieu anhia. Ma anhia tở bữn trỉḡ parnai án patáp yỗn táḡ tanoang tapứḡḡ cốp ay-ooḡ Yiang Sursỉ samoât samỏi. Cứḡ tở bữn yỗn anhia táḡ ranáḡ chiau sang ki, ma bar ốḡ ntun ki la cóḡ anhia táḡ.

⁴³ “Bap lứḡ toaḡ pở anhia cũai Pha-rasi oi! Anhia yoc lứḡ ề bữn cachớḡḡ tacu o clũi nheḡ tể canỏḡ tâng đốḡ sang. Cốp anhia yoc cũai canỏḡ tabỏp o anhia bo anhia ốḡ cốp cũai cừḡḡ. ⁴⁴ Bap lứḡ toaḡ pở anhia cũai Pha-rasi oi! Anhia la samoât riang ping cumuiḡ noau tở bữn táḡ tểc. Ngkíḡ cũai canỏḡ pởḡ cốp tũn ping ki, ma alỏi tở bữn dáng nốḡḡ ki la nhỏp lứḡ.”

⁴⁵ Bữn manoaḡ cũai atởng phễp rit pai chỏḡ Yê-su neḡ: “Thâi oi!

Thâi pai ngkíḡ, la machớḡḡ thâi tểḡ hểḡ ca atởng phễp rit tề!”

⁴⁶ Yê-su atởng án neḡ: “Bap lứḡ toaḡ pở anhia ca atởng phễp rit! Anhia atởng cũai canỏḡ yỗn puai phễp rit coat lứḡ, ariang anhia yỗn alỏi đỏi cớḡḡ nằḡḡ. Ma aỉ anhia tở bữn ít chuai ntrớu cớḡḡ nằḡḡ tể alỏi. ⁴⁷ Bap lứḡ toaḡ pở anhia! Anhia táḡ ping o yỗn cũai tang bỗḡ Yiang Sursỉ, ma lứḡ achủc achiac anhia toáp khoiḡ cachỉt chít cũai tang bỗḡ Yiang Sursỉ ki. ⁴⁸ Ngkíḡ, nâi la machớḡḡ anhia pruaḡ cốp ranáḡ achủc achiac anhia khoiḡ táḡ, yuaḡ alỏi khoiḡ cachỉt máh cũai tang bỗḡ Yiang Sursỉ, chớ anhia táḡ ping yỗn máh cũai tang bỗḡ ki. ⁴⁹ Ma ốḡ rangoaiḡ tể Yiang Sursỉ atởng neḡ: ‘Nỏ-ra cứḡ ỏn máh cũai tang bỗḡ cứḡ cốp máh cũai ayũḡḡ aỉ cứḡ toaḡ pở alỏi. Bữn cũai tể tốp ki alỏi ề cachỉt, cốp bữn cũai canỏḡ alỏi ề toân.’ ⁵⁰ Ngkíḡ tồḡ alỏi ca khoiḡ cachỉt máh cũai tang bỗḡ, tồḡ ki Yiang Sursỉ yỗn toaḡ pở máh cũai tâng đỏi nâi hỏ. ⁵¹ Tồḡ ki bữn tể tangái noau cachỉt Aben, yỗn toau toaḡ tangái noau cachỉt Sa-chari. Noau khoiḡ cachỉt Sa-chari tâng clốḡ Đốḡḡ Sang Toâr cheḡ prỏḡḡ sang. Cứḡ atởng anhia samoât lứḡ, đũ ramứḡ tồḡ ki lứḡ toaḡ pở cũai tâng đỏi nâi!

⁵² “Bap lứḡ toaḡ pở anhia cũai atởng phễp rit, yuaḡ anhia tở ềḡ puai ngê Yiang Sursỉ samoât lứḡ. Cốp khân cũai canỏḡ yoc ề puai, la anhia tở bữn yỗn! Nâi la ariang anhia cloaih ngoah toang anhia tở ềḡ mut, cốp tở yỗn cũai canỏḡ mut tề!”

⁵³ Toaḡ Yê-su loỏḡ tể đốḡḡ ki, máh cũai yỗḡḡ rit cốp máh cũai Pha-rasi, alỏi aloỏḡḡ ngê ề chít Yê-su, cốp alỏi blớḡ án tể sa-ữi

ramúh. ⁵⁴ Alóí tutuaiq tamúng níc yoc ẽ ramóh Yê-su pai ốc lóih, đốq alóí têq cauq án.

12

Parnai Patâp Yõn Nheq Tũh Tõp Rien Tẽ Ân

(*Mathia 10:26-33; 12:32; 10:19-20; Mac 8:15*)

¹ Bo ki bũn cũai tở dáng sếq ngin ốt rôm ngki. Cứng lứq cũai, toau manoaq tũn ayũng manoaq. Dâu lứq Yê-su atõng tốp rien tẽ án neq: “Cóg anhia ốt yõng tẽ cõng táq yõn bẽng mi cõt pluoih tẽ tốp Pha-rasi. Cõng ki la alóí táq nan puai ngê Yiang Sursĩ. ² Khãn bũn ramúh ntróu noau pul cutooq sanua, chumát noau tở têq pul cutooq noâng. Cóp ranáq ntróu noau táq clõp sanua, chumát noau tở têq táq clõp noâng. ³ Ngkíq, santoiq ntróu anhia khoiq atõng yõn bĩq náq dáng, nờ-ra cứng lứq cũai dáng santoiq ki. Cóp ốc ntróu anhia rachâp tâng cutũr cũai tâng clõng clõp, nờ-ra dũ cruang bũn dáng tẽ ốc ki.

⁴ “Anhia la yóu cứq. Cứq atõng anhia samoát lứq neq: Chõih ngcõh cũai ca têq cachĩt tở anhia, ma vót alóí cachĩt anhia, alóí tở têq táq ntróu chóq raviei anhia. ⁵ Ma cứq atõng anhia dáng cóq anhia ngcõh noau. Cóq anhia ngcõh Yiang Sursĩ, yuaq Yiang Sursĩ têq cachĩt tở anhia, cóp raviei anhia têq án apõng tâng põng sarloac. Cứq atõng anhia samoát lứq, cóq anhia ngcõh án!

⁶ “Anhia đốq chõng sõng lám chóm tếc-tếc, ma kia án bĩq lứq. Ma Yiang Sursĩ tở bũn khĩr lám léq tẽ máh chóm ki. ⁷ Lứq samoát, dũ ntrẽh sóc tâng plở anhia, Yiang Sursĩ khoiq ngih chơ. Ngkíq, anhia chõih ngcõh ntróu noâng, yuaq rangũh anhia Yiang Sursĩ

paséq hõn tẽ sa-ũĩ lám chóm tếc-tếc.

⁸ “Cóp cứq atõng anhia neq: Cũai aléq ma ngin yáng moat cũai canõh, pai án puai muoi mút cóp cứq, machóng ki tê cứq, Con Yiang Cõt Cũai, ngin loah cũai ki yáng moat máh ranẽng Yiang Sursĩ. ⁹ Ma khãn cũai aléq calõih cứq yáng moat cũai canõh, machóng ki tê cứq calõih loah cũai ki yáng moat máh ranẽng Yiang Sursĩ tâng paloõng tê.

¹⁰ “Cũai aléq ma acrieiq cứq, Con Yiang Cõt Cũai, ki têq Yiang Sursĩ táh lóih án. Ma khãn cũai aléq ma acrieiq Raviei Yiang Sursĩ, lứq Yiang Sursĩ tở nai táh lóih cũai ki.

¹¹ “Toáq noau dũng anhia pở đõng sang, tở la yáng moat cũai sóc, anhia chõih cõng nhũang ntróu anhia yoc ẽ pai. ¹² Lứq bo ki toâp Raviei Yiang Sursĩ ẽ atõng anhia máh santoiq anhia cóq pai.”

Yê-su Sacâm Tẽ Cũai Sốc Bũn

¹³ Bũn manoaq tẽ cũai cứng ki pai chóq Yê-su neq: “Thâi ơi! Sếq thâi ốn ai cứq tampẽq mun mpoaq hếq yõn cứq.”

¹⁴ Yê-su blớh cũai ki neq: “Noau yõn cứq bũn chóc đốq sữq anhia cóp tampẽq mun anhia bar náq?”

¹⁵ Chơ án atõng máh cũai mpẽr ki neq: “Anhia kĩaq yõn samoát, ngcõh mút pahõm anhia cõt ham dóc, yuaq cũai tở bũn tamooing cõ nhơ bũn cõng sa-ũĩ.”

¹⁶ Yê-su atõng alóí toâq parnai sacâm neq: “Bũn cũai sóc, sarái án cõt palâi sa-ũĩ lứq. ¹⁷ Cũai ki chanchóm neq: ‘Tở bũn noâng ntốq cứq ẽ đốq máh palâi tẽ sarái cứq. Nốq cứq ẽ táq sanua?’ ¹⁸ Chơ án chanchóm ẽn neq: ‘Cứq táq neq: Cứq talõh đõng tiaq, cóp táq loah đõng tamái yõn toâr hõn ẽn. Chơ cứq parõm đốq máh saro

cóp máh cớng cứq tâng đống ki.
 19 Chơ cứq chanchóm neq hỡ: Cứq
 bữn sa-ủi lứq. Sa-ủi cumo cứq tỡ
 bữn túh cóq tutáq, ma cứq bữn
 dũ cha. Cứq ớt ien, tấc sâng,
 nguaiq cha sâng.’ Ngkíq cũai sớ
 ki chanchóm. 20 Ma Yiang Sursĩ
 pai chóq cũai ki neq: ‘Mớic sacũl
 lứq. Sadâu nâi toáp nheq anhúq
 mớic. Chơ máh sanốc mớic pachứm
 parôm cớt khong noau?’ ”

21 Chơ Yê-su pai neq: “Machớng
 cũai ki tề Yiang Sursĩ táq yỗn cũai
 ham cóp parôm sa-ủi cớng, alớic
 tỡ bữn sớc ntrớu yáng moat Yiang
 Sursĩ.”

Yê-su Atỡng Tể Ốc Clong
 (Mathia 6:25-34)

22 Chơ Yê-su atỡng tốp rien tề
 án neq: “Ngkíq cứq atỡng anhia
 neq: Anhia chốic clong tể sana
 anhia ể cha tỡ la tampác anhia ể
 tấc. 23 Háic bữn tamoong la toáp
 hỡn tể háic bữn sana cha. Cóp
 háic bữn tồ chác la toáp hỡn tể háic
 bữn tampác tấc. 24 Anhia nhềng
 chu chóm ca-ac. Chóm ki tỡ bữn
 choat chỏic, tỡ bữn sớ, cóp tỡ bữn
 đốq sana ntrớu tâng đống. Ma
 Yiang Sursĩ lứq chừm siem chóm
 ki. Casỡn anhia, Yiang Sursĩ pasếq
 hỡn tể máh chóm. 25 Tỡ bữn
 cũai alếq ma tềq to anhúq án yỗn
 cớt cuti hỡn cớ tể án clong la-ốq.
 26 Khân anhia ma tỡ tềq táq muoi
 ranáq cớt ngkíq, nốq anhia clong
 níc tể ramứh canốh?

27 “Anhia nhềng chu piar bát.
 Piar ki tỡ bữn túh táq ranáq ntrớu
 tể tampác tấc. Ma cứq atỡng an-
 hia samoát lứq neq: Puo Sa-lamôn
 ca sớc lứq, án tỡ bữn sớp tampác
 nêuq ariang piar nâi. 28 Lứq
 Yiang Sursĩ toáp yỗn piar bát cớt
 nêuq. Ma piar tamoong mahốic
 sâng. Tangái nâi án chách, tangái
 parnỡ án rangôm. Lứq samoát,
 clữi tể piar ki Yiang Sursĩ yỗn
 anhia bữn tampác tấc. Cớ nốq

anhia sa-âm ma bĩq lứq? 29 Anhia
 chốic clong ntrớu tể cớng nguaiq
 cha. 30 Máh ramứh nâi cũai ca tỡ
 bữn dáng Yiang Sursĩ đốq cớng.
 Ma Mpoaq anhia tâng paloống
 khoi q dáng chơ anhia cóq bữn
 máh ramứh ki. 31 Ma cóq anhia
 chuaq yỗn Yiang Sursĩ cớt sớ tâng
 mút pahỡm anhia. Khân ngkíq,
 án lứq yỗn anhia bữn máh ramứh
 ki hỡ.

32 “Anhia la yóu cứq oi! Anhia
 bĩq náq, ma chốic ngcõh ntrớu,
 yuaq Mpoaq anhia tâng paloống
 sâng bũi pahỡm yỗn anhia bữn
 chớc tâng ntốq án sớ. 33 Cóq
 anhia chềq mun anhia; chơ chuai
 cũai cadĩt. Cóp cóq anhia ỉt
 cớng ngoaih ca tỡ bữn tềq rứng;
 chơ đốq máh cớng ngoaih anhia
 tâng paloống. Cớng tỡ nai pứt;
 savềng tỡ tềq mut tutuoiq, cóp
 lamooh la tỡ tềq cha. 34 Yuaq
 tâng ntốq alếq anhia đốq máh
 mun anhia, mút pahỡm anhia ớt
 chanchóm níc chu ntốq ki.”

*Yê-su Atỡng Tể Thữan Táq
 Ranáq*

35 “Cóq anhia thữan nhữang
 cóp cóq anhia ớt trồic níc. 36 Anhia
 cóq táq machớng cũai táq ranáq
 đốq acoan ncháu alớic chu tể cớ.
 Toáp ncháu chu, ncháu cucốq
 ngoah toong. Chơ alớic pớh toáp
 yỗn ncháu alớic. 37 O lứq toáp
 ncháu chu cóp hữm máh cũai táq
 ranáq án ớt coan níc cóp tỡ bữn
 bếq. Ngkíq, máh cũai táq ranáq
 ki sâng bũi tề, yuaq ncháu alớic
 khoi q hữm alớic táq ngkíq. Cứq
 atỡng anhia samoát lứq, ncháu
 ki thữan hâu loah alớic. Án yỗn
 máh cũai táq ranáq án tacu, cóp
 án toáp yỗn alớic cớng sana cha.
 38 Pìei q ncháu ki chu muoi mpứt
 tỡ la chu cláih lứq cớng bữn. Ma
 máh cũai táq ranáq án noáng
 sâng bũi óh lứq, yuaq alớic khoi q
 thữan đốq chơ. 39 Cóq anhia

dáng neq tê la khân ncháu đống
dáng bo léq cũai savêng ẽ mut
tutuoiq tâng đống án, lứq án trở
níc tở yõn cũai savêng têq mut
tutuoiq tâng đống án. ⁴⁰ Máh ki
tê, cóq anhia thữan acoan níc,
yuaq anhia tở dáng bo léq cứq
la Con Yiang Cốt Cũai toâq loah.
Cứq lứq toâq bo anhia tở bữn
chanchóm ntróu tể cứq toâq.”

*Noau La Sũl O Cóp Sũl Tở Bữn
O?*

(Mathia 24:45-51)

⁴¹ Chơ Phi-er blóh Yê-su neq:
“Ncháu ơi! Ncháu atõng parnai
sacâm nãi yõn ống hếq, tở la
Ncháu atõng yõn dũ náq cũai
hỡ?”

⁴² Yê-su ta-õi neq: “Khân bữn
cũai sũl táq o cóp rangoaiq, ncháu
lứq chóch án yõn cốt sốt đõq
nhêng máh cũai táq ranáq ncháu.
Ntróu ncháu ớn siem, án siem aki.
⁴³ Khân sũl ki táq p̄ieiq máh ranáq
ncháu án ớn, án sâng bũi lứq bo
ncháu án chu. ⁴⁴ Cứq atõng anhia
samoât lứq, nỡ-ra ncháu yõn sũl
ki bán kĩaq nheq máh mun án.
⁴⁵ Ma khân sũl ki la cũai sâuq, lứq
án chanchóm neq: ‘Noâng dũn,
nổq ncháu cứq chu.’ Ngkíq, án
toân máh cũai táq ranáq ncháu
án, dẽh mansẽm dẽh samiang,
cóp án p̄õq cha nguaiq bũl plęc
níc. ⁴⁶ Chơ ncháu ki chu, ma sũl
ki tở bữn dáng tangái ki, cóp án
tở bữn chanchóm ntróu tể ốc ki.
Ngkíq ncháu ki lứq tráh sũl ki, cóp
án yõn sũl ki ớt parnơi cóp máh
cũai ca tở bữn trĩh án.

⁴⁷ “Sũl ca dáng máh ngê ncháu,
ma án tở bữn thữan cóp tở bữn
trĩh, ncháu lứq yõn noau toân án
hập lứq. ⁴⁸ Ma sũl ca tở bữn
dáng ntróu tể máh ngê ncháu án,
cóp án táq ranáq lờih, ncháu ki
yõn noau toân án b̄iq sâng, yuaq
án tở bữn dáng. Cũai aléq noau
yõn sa-ũi, noau ngcuang bữn loah

sa-ũi tê tể cũai ki. Cóp cũai aléq
noau cóiq yõn sa-ũi, ki noau ớn
cũai ki culáh clũi tể ki ễn.”

*Yê-su Patâp Santoiq Canõh Ễn
(Mathia 10:34-36; 16:2-3; 5:25-
26)*

⁴⁹ “Cứq toâq p̄õ nãi la samoât
riang cứq đũng ùih đõq chõng
cốc cutêq nãi. Cứq yoc lứq ranáq
ki vớt dõh. ⁵⁰ Cứq cóq chũuq
sa-ũi ramứh túh coat; cóp mút
pahõm cứq túh arức lứq toau toâq
máh ranáq ki moâm! ⁵¹ Anhia
chanchóm cứq toâq p̄õ cutêq nãi
yõn cũai ớt ien khẽ tở? Tở cõn
ngkíq! Cứq toâq p̄õ nãi, đõq táq
yõn cũai cốt ratáh. ⁵² Tể tangái
nãi toau toâq tangái ntun, khân
bữn muoi đõng ma bữn sỡng náq,
alóí manoaq tở bữn pruum chõq
manoaq. Pái náq tở bữn pruum
cóp bar náq, cóp bar náq tở bữn
pruum cóp pái náq. ⁵³ Mpoaq tở
bữn pruum cóp con samiang, cóp
con samiang tở bữn pruum cóp
mpoaq. Mpiq tở bữn pruum cóp
con mansẽm, cóp con mansẽm
tở bữn pruum cóp mpiq. Yacán
tở bữn pruum cóp cumân, cóp
cumân tở bữn pruum cóp yacán.”

⁵⁴ Yê-su atõng máh cũai cứng
ki ễn neq: “Toâq anhia hữm
ramúl cũm toâq tể angia mandang
pât, anhia đõq pai paloõng ẽ mia.
Ki lứq mia. ⁵⁵ Cóp toâq anhia hữm
cuyal phát tể angia cruang phũac,
anhia đõq pai cruang anhia ẽ
phũac tê. Ki lứq phũac. ⁵⁶ Anhia
la cũai táq nan dáng sa-ũi ramứh!
Anhia saccoal tểc tâng cutêq cóp
tâng paloõng, ma anhia tở bữn
saccoal tểc Yiang Sursĩ yõn anhia
dáng tể ngê án tâng đõi nãi.

⁵⁷ “Nổq anhia tở dáng rươh ốc
aléq lứq p̄ieiq? ⁵⁸ Toâq anhia
ralõih cóp cũai canõh, chơ cũai
ki ẽ đũng anhia p̄õq ramóh cũai
sốt, cóq anhia pruum ratoi loah

nhũang anhia tở yũah ramóh cũai sớt. Khân anhia tở bữn pruum ratoi cháit, cõh lơ cũai ki đưng anhia toàq pở cũai sớt yõn án rasũq anhia. Ngkĩq cũai sớt ki ẽ chiau anhia yõn noau kháng anhia tâng cuaq tũ. ⁵⁹ Anhia tở tẽq loõh tẽ cuaq toau anhia culáh dũ neq máh práq samoát cũai sớt ki pai.”

13

Phi-lat Cachĩt Máh Cũai Cali-lê

¹ Bo ki bữn cũai õt ngki atõng Yê-su tẽ ranáq Phi-lat cachĩt máh cũai Cali-lê bo alóit kiac charán sang Yiang Sursĩ. ² Yê-su ta-õi alóit neq: “Anhia chanchóm máh cũai Cali-lê ca chũuq cuchĩt ki bữn lỏih ntàng hỏn tẽ máh cũai Cali-lê canỏh tở? ³ Lũq tở cõn ngkĩq! Cũq atõng anhia samoát lũq, khân anhia tở bữn ngin lỏih lẽq cõt mút tamái ẽn, anhia lũq cõq cuchĩt machõng alóit ki tẽ. ⁴ Cõp ntróu anhia chanchóm tẽ muoi chít tacual náq cũai tâng Salũam, bo ngỏl cuti ralĩh catết alóit? Anhia chanchóm alóit bữn lỏih hỏn tẽ máh cũai tâng vil Yaru-salem tở? ⁵ Lũq tở cõn ngkĩq! Cũq atõng anhia samoát lũq, khân anhia tở bữn ngin lỏih lẽq cõt mút tamái ẽn, anhia lũq cõq cuchĩt machõng alóit ki tẽ.”

Yê-su Sacâm Tẽ Aluang Tở Bữn Cõt Palái

⁶ Chơ Yê-su atõng alóit toàq parnai sacâm neq: “Bữn manoaq cũai bữn muoi nỏm tarúng dát tâng nường án. Án pởq chuaq palái tẽ nỏm ki, ma tở hữm bữn palái. ⁷ Ngkĩq án ỏn cũai kĩaq nường ki neq: ‘Nái! Khoiq pái cumo nái chơ cũq toàq chuaq palái tẽ nỏm nái, ma cũq tở hữm án palái ntróu. Chơ mới tamư táh chíq nỏm nái. Án sác cutẽq miat sâng.’ ⁸ Ma cũai kĩaq nường ki

ta-õi neq: ‘Ncháu ơi! Sẽq mới đõq nỏm nái tamoong muoi cumo voai. Cũq ẽ píq prúng pẽ nỏm nái, chơ cũq ẽ chỏq phỏn. ⁹ Toàq cumo ntun, khân án cõt palái, ki háit bữn cha. Ma khân án tở bữn cõt palái, háit tamư táh.’”

Yê-su Táq Bán Cũai Tacô Tâng Tangái Rlu

¹⁰ Bữn muoi Tangái Rlu, Yê-su atõng tâng đõng sang. ¹¹ Ớt ngki bữn manoaq mansẽm cloong tacô khoiq muoi chít tacual cumo chơ, yuaq bữn muoi lám yiang sũaq táq yõn án tở tẽq tayúng tanoang. ¹² Toàq Yê-su hữm mansẽm ki, án arỏ neq: “Avia ơi! Sanua, avia tở bữn a-ĩ ngkĩq noàng!”

¹³ Moám ki, Yê-su satoaq atĩ tâng tở mansẽm ki. Bo ki toáp cloong án cõt tanoang loah, cõp án khẽn Yiang Sursĩ.

¹⁴ Ma cũai ndỏm đõng sang ki sâng ũan lũq Yê-su táq yõn bán cũai a-ĩ tâng Tangái Rlu. Ngkĩq án pai chỏq máh cũai õt ngki neq: “Bữn tapoát tangái đõq háit táq ranáq. Máh tangái ki anhia tẽq toàq pở nái yõn noau táq bán. Anhia chỏi toàq sẽq noau táq bán anhia tâng Tangái Rlu!”

¹⁵ Ma Yê-su atõng cũai ndỏm đõng sang ki neq: “Anhia la cũai táq nan sâng! Nheq tữh anhia, khân bữn ntrỏq tở la asẻh ớt tâng cuaq, anhia lũq pỏh yõn án loõh nguaiq đõq tẽ tâng Tangái Rlu. ¹⁶ Mansẽm nái la tẽ tống toiq A-praham machõng anhia tẽ, ma yiang Satan khoiq chỏq án nheq muoi chít tacual cumo chơ. Nỏq tở bữn o acláh án tâng Tangái Rlu?”

¹⁷ Bo Yê-su pai ngkĩq, máh cũai ca ũan án, alóit sâng casiet táq lũq. Ma máh cũai proai ki sâng bũi pahỏm tẽ máh ranáq o Yê-su táq.

Yê-su Sacâm Tễ Ốc Bát Cốt Cốt
(*Mathia 13:31-32; Mac 4:30-32*)

¹⁸ Yê-su atông ễn neq. “Yiang Sursĩ táq sốt la samoât ntrầu? Cóp ramúh ntrầu têq cúq sacâm tễ sốt ki? ¹⁹ Sốt ki la samoât riang muoi ốc cuplốq lavứng. Bữn manoaq samiang ít ốc cuplốq ki pờq trứh tâng sarái án. Chơ ốc ki dát cóp toâr achôn cõt samoât nỡm aluang. Têq chớm táq sớh tâng abễng án.”

Yê-su Sacâm Tễ Cờng Táq Yỗn Bễng Mi Cốt Pluoih
(*Mathia 13:33*)

²⁰ Cóp Yê-su sacâm ễn neq: “Yiang Sursĩ táq sốt la samoât riang ntrầu? ²¹ Sốt ki la samoât cờng táq yỗn bễng mi cốt pluoih. Bữn mansẽm ít manhũt cờng ki, chơ talốc cóp bốt mi tâng adéh pống. Chơ bốt mi ki cốt pluoih nheq.”

Ngoah Toong Hễp
(*Mathia 7:13-14, 21-23*)

²² Bo Yê-su pờq tâng rana ẽ pờq chu vil Yaru-salem, án veh tâng vil cốt vil toâr cóp atông cũai tâng máh vil ki. ²³ Bữn manoaq blớh án neq: “Ncháu ơi! Yiang Sursĩ chuai amoong cũai ống bĩq náq sâng tỡ?”

Yê-su atông nheq tữh cũai ki neq: ²⁴ “Cóq anhia cutóng mut tâng ngoah toong hễp. Cúq atông anhia samoât lứq, bữn chứng cũai yoc ẽ mut tâng ngoah toong hễp ki, ma alới tỡ dáng bữn mut.

²⁵ “Toâq ncháu đống yuor catáih chíq ngoah toong, nheq tữh anhia ốt tayứng yáng tiah cucốq toong cóp arô neq: ‘Ncháu ơi! Sễq Ncháu pớh toong yỗn hếq mut!’ Ma Ncháu ki ta-ỡi anhia neq: ‘Cúq tỡ dáng tễ léq anhia toâq!’ ²⁶ Chơ anhia atông loah neq: ‘Hếq khoiq nguaiq cha parnời cóp Ncháu, cóp Ncháu khoiq atông tâng vil

hếq!’ ²⁷ Ma Ncháu ki ta-ỡi loah neq: ‘Cúq tỡ dáng tễ léq anhia toâq. Anhia pang yong tễ cúq, yuaq anhia la moang cũai loái!’ ²⁸ Toâq nỡ-ra anhia lứq nhiam cóp carừt canềng tabang cồ sâng túh arúc lứq, bo anhia hữm A-praham, I-sac, Yacóp, cóp máh cũai tang bỗq Yiang Sursĩ ốt tâng ntốq Yiang Sursĩ sốt, ma anhia ốt yáng tiah tỡ têq mut. ²⁹ Bữn máh cũai toâq tễ angia mandang loỏh, angia mandang pât, angia pờng cóp angia pữn. Alới ki bữn tacu cha tâng ntốq Yiang Sursĩ sốt tâng paloong. ³⁰ Lứq samoât alới cacót sanua, chumát alới cốt toâr ễn. Cóp alới ca toâr sanua, chumát alới cốt cacót ễn.”

Yê-su Ayooq Lứq Cũai Ớt Tâng Vil Yaru-salem
(*Mathia 23:37-39*)

³¹ Bo ki bữn máh cũai tễ tốp Pha-rasi toâq pỡ Yê-su cóp atông án neq: “Cóq thâi loỏh tễ ntốq nâi, pờq chu ntốq canỏh ễn, yuaq puo Hê-rôt ẽ cachĩt chíq thâi.”

³² Ma Yê-su ta-ỡi alới neq: “Anhia pờq chu Hê-rôt, án ca yoc lứq đốq rathũ, cóp atông án neq: ‘Noâng bĩq tangái sâng cúq tuih aloỏh yiang sâuq cóp táq bán máh ramúh cũai a-ỉ. Chơ toâq moâm nheq máh ranáq cúq, ki cúq lứq cuchĩt.’ ³³ Ma sanua cóp parnỡ pra, cóq cúq puai ngê Yiang Sursĩ, chơ chôn chu vil Yaru-salem, yuaq cũai tang bỗq Yiang Sursĩ tỡ têq cuchĩt yáng tiah vil Yaru-salem.

³⁴ “Ớ vil Yaru-salem, anhia ca ốt tâng vil Yaru-salem ơi! Anhia la cũai đốq cachĩt cũai tang bỗq Yiang Sursĩ, cóp tám tamáu chốq máh cũai Yiang Sursĩ ớn toâq pỡ anhia. Bữn sa-ữi trỗ chơ cúq yoc ẽ parỏm pachứm nheq tữh anhia, samoât riang ntroui atu cutrốc arô con án yỗn ốt nhưp khlap.

Ma anhia tờ ẽq! ³⁵ Sanua cứq tờ bữn clách lơ noâng đống sữ anhia. Cứq atỡng anhia neq: 'Nỡ-ra anhia tờ bữn hữm noâng cứq, toau toâq tangái anhia pai neq: 'Bốn lứq án ca toâq nhơ ramứh Ncháu hái.' "✧

14

Yê-su Táq Bán Manoaq Cũai A-ĩ Tâng Tangái Rlu

¹ Bữn muoi Tangái Rlu, Yê-su pỡq cha muoi pêl tâng đống manoaq cũai sớt tâng tốp Pharsi. Mách cũai ốt ngki nhêng níc chu Yê-su. ² Bữn manoaq samiang a-ĩ u-áih toâq pỡ Yê-su. ³ Yê-su blớh máh cũai atỡng phếp rit cốp máh cũai Pharsi neq: "Puai rit hái, têq hái táq bán cũai a-ĩ tâng Tangái Rlu tờ?"

⁴ Ma alới ốt ravul sâng, tờ bữn ta-đi ntróu. Ngkíq Yê-su tếc cũai a-ĩ ki, cốp án táq bán. Chơ Yê-su ón án chu. ⁵ Môâm ki Yê-su atỡng neq: "Khân bữn manoaq tể anhia ma bữn con samiang tờ la ntrođq ma sapúl tâng đởq parníq tâng Tangái Rlu, anhia lứq âc achõn bo ki toâp, p̄ieiq tờ?"

⁶ Ma, alới tờ bữn ta-đi Yê-su ntróu tể óc ki.

Phếp Cốp Khũn

⁷ Yê-su hữm bữn máh cũai ta-moi rườh ntốq tacu coah pỡng. Ngkíq án atỡng alới toâq parnai sacâm neq: ⁸ "Toâq noau mơi anhia pỡq côl, anhia chõi chuaq ntốq tacu coah pỡng. Cõh lơ bữn manoaq toâr hỡn tể anhia toâq tê. ⁹ Ngkíq cũai ca mơi anhia toâq cốp pai neq: 'Anhia priang ntốq yõn cũai nâi tacu.' Óc ki táq yõn anhia sâng casiet, cốp anhia cốp pỡq tacu coah pưn ẽn. ¹⁰ Ma khân noau mơi anhia, o lứq la anhia ốt coah pưn. Chơ án ca mơi anhia toâq cốp atỡng anhia neq: 'Ai ơi! Sẻq ai chõn tacu

coah pỡng.' Ngkíq án ca mơi anhia yám noap anhia yáng moat máh tamoi. ¹¹ Yuaq cũai aléq ma achõn tở bữm, nõ-ra cũai ki lứq cõt cacót. Ma cũai aléq asêng tở bữm, nõ-ra cũai ki lứq cõt toâr."

¹² Môâm ki Yê-su atỡng cũai ca mơi án neq: "Bo léq mới ẽ táq muoi pêl cha bữi, tâng tarựp tờ la tabữ, mới chõi mơi yớu, tờ la sẻm ai, tờ la cũai sớt tâng vil mới toâq. Cõh lơ alới ẽ mơi loah mới tê, chơ culáh đởq tể mới khoiq mơi alới. ¹³ Ma toâq mới táq muoi pêl cha bữi, cóq mới mơi máh cũai cadĩt, máh cũai ralĩh, máh cũai yõt, cốp máh cũai sứt moat. ¹⁴ Chơ mơi bữn óc bốn sa-ũi, yuaq cũai ki óq ntróu ẽ culáh yõn mới. Lứq Yiang Sursĩ toâp culáh cóng mới tang alới tâng tangái cũai tanoang o tamoong loah tể cuchĩt."

Yê-su Sacâm Tể Muoi Pêl Bữi (Mathia 22:1-10)

¹⁵ Bữn manoaq tacu cha ntốq ki sâng Yê-su atỡng ngkíq, chơ án pai chóq Yê-su neq: "Bốn lứq alới ca cha sana tâng ntốq Yiang Sursĩ sớt!"

¹⁶ Ma Yê-su atỡng án neq: "Bữn manoaq samiang táq muoi pêl bữi, cốp án mơi cứng cũai toâq cha. ¹⁷ Toâq ngư cha, án ón ranẻng án pỡq coâiq máh cũai khoiq án mơi neq: 'Anhia toâq cha! Khoiq môâm chơ hẻq tẻng sana!' ¹⁸ Ma máh cũai án khoiq mơi, ariang pai alới bữn muoi mút tờ ẽq pỡq. Bữn manoaq tể tốp alới pai neq: 'Cứq khoiq chỡng muoi tâm cutẻq đởq táq sarái. Cứq sẻq lỏih, cứq cóq pỡq nhêng salĩq!' ¹⁹ Bữn manoaq ẻn pai neq: 'Cứq khoiq chỡng sỡng cáp ntrođq. Cứq sẻq lỏih, cứq cóq pỡq nhêng chim ntrođq.' ²⁰ Cốp bữn manoaq ẻn pai neq: 'Cứq

mbõiq ít lacuoi. Ngkíq cứq tở têq pởq.’²¹ Chơ ranễng ki chu atởng loah ncháu án máh santiago alớ pai. Ncháu ki sâng ũan lứq, chơ án ớn ranễng án neq: ‘Mớ pởq chá chu máh rana dù ravéh tâng vil, cớq pởq coaiq máh cũai cadít, máh cũai yỏt, cớq máh cũai sũt moat, yỏn alớ pởq pở nâi.’²² Chơ ranễng ki chu, cớq án pai neq: ‘Ncháu ơ! Cứq khoiq táq samoat ncháu ớn, ma tâng đốg ncháu noâng la-a.’²³ Chơ ncháu ki ớn ranễng án neq: ‘Mớ loỏh tễ vil, pởq chu rana put cớq dữ ravéh cớ hỡ. Khân mới ramóh cũai aléq, yỏn mới cucỏh cucũoi mới cũai ki toáq, đốq táq yỏn tadát đốg cứq.’²⁴ Ma máh cũai cứq khoiq mới tễ nhũang, ki tở va manoaq têq toáq cha bũi tâng đốg cứq.’”

Yoc Ễ Puai Yê-su, Cớq Táq Nỏq?
(*Mathia 10:37-38; 5:13; Mac 9:50*)

²⁵ Bữn cứng cũai pởq parỡi cớq Yê-su. Chơ án pít nhềng chu alớ cớq atởng alớ neq: ²⁶ “Khân cũai aléq yoc ễ puai ngê cứq, ma cũai ki ayooq mpiq mpoaq án, tở la con lacuoi án, tở la sễm ai sễm ỡi án, tở la án ayooq rangứh án bữm hỡn tễ án ayooq cứq, cũai ki tở têq puai ngê cứq. ²⁷ Cũai aléq ma tở bữn ít đốl bữm aluang sangcáng án bữm, cớq tở bữn puai cứq lứq samoat, cũai ki tở têq cớ tễ cũai rien tễ cứq. ²⁸ Khân bữn manoaq tễ anhia ma yoc ễ táq muoi lám đốg toár, dẫu lứq cớq án tềng máh aluang aloai crái samũ voai. ²⁹ Khân án tở bữn táq ngkíq, cỏh lơ toáq án patứng đốg, ma tở bữn khám máh cớng ễ táq moâm, chơ dữ náq cũai hữm đốg ki tở bữm moâm, cớq alớ cácháng ayê án. ³⁰ Alớ pai neq: ‘Cũai nâi khoiq táq đốg, ma tở cớ tễ moâm noâng!’ ³¹ Cớq khân

bữn puo ca bữn muoi vian tahan, ma án ễ pởq chỉl puo ca bữn bar vian tahan, dẫu lứq puo ki cớq chanchỏm nỏq án ễ táq yỏn têq riap. ³² Khân án dắg tở riap, bo puo canỏh noâng ỏt yớng, án cớq ớn máh ranễng án pởq sễq tễ puo ki chỉl chỉl noâng, ma yỏn ỏt ratoi. ³³ Machớng ki tễ, khân bữn cũai tễ anhia ma tở bữn táh dữ ramứh án bữn, án tở têq cớ tễ cũai rien tễ cứq.

³⁴ “Boi la lứq cớng o. Ma khân boi cớ tễ ntiah, nỏq ễ táq yỏn cớ tễ bắq loah? ³⁵ Tở têq táq ntrớu noâng boi ki. Hái cớq voang chu cutêq. Aléq bữn cutũr yoc ễ tamứng, ki tamứng!”

15

Charán Cũu Pút Ma Ramóh Loah

(*Mathia 18:12-14*)

¹ Bữn máh cũai parỡm práq thễq cớq cũai lỏih canỏh hỡ toáq yoc ễ tamứng Yê-su. ² Máh cũai Pha-rasi cớq máh cũai yỏng rit, alớ tểq Yê-su neq: “Cũai nâi ỏt parỡi cớq cũai lỏih, cớq án chỉcha cớq alớ hỡ.”

³ Chơ Yê-su atởng alớ toáq parnai sacâm neq: ⁴ “Khân bữn manoaq tễ anhia bữn muoi culám lám cũu ma pút chỉq muoi lám, lứq án đốq takêh chỉt takêh lám tâng lểng. Chơ án pởq chuaq toáp muoi lám cũu ki yỏn toau án ramóh loah. Lứq tở? ⁵ Toáq án ramóh loah cũu ki, án sâng bũi lứq. ⁶ Chơ án ít apỏng cũu ki tâng apal, cớq đững achu pở đốg. Vót ki án arô yớu cớq atởng alớ neq: ‘Sanua cứq sâng bũi lứq! Cứq ramóh loah cũu khoiq pút.’ ⁷ Cứq atởng anhia neq: Machớng cớq parnai sacâm nâi, Yiang Sursĩ sâng bũi lứq khân bữn manoaq cũai lỏih ma ngin lỏih lếq cớ tễ mút tamái ễn. Yiang Sursĩ sâng bũi tễ

manoaq ki clũi tẽ án sâng bũi tẽ takêh chít takêh náq ca chanchóm alóí tanoang o cốp tở bũn cốp ngin lóih lêq cõt mút tamái ẽn.”

Yê-su Atõng Tẽ Ốc Práq Pút Ma Ramóh Loah

⁸ “Tở la khân bũn manoaq mansêm bũn muoi chít ốc práq, ma pút chíq muoi ốc, ntróu án táq? Án lứq tacát chóp tóu, pễh đống, cốp nhêng chuaq nheq tâng máh soq đống toáq án ramóh loah ốc práq ki. ⁹ Toáq ramóh chơ, ngkíq án arô yóu cốp atõng alóí neq: ‘Sanua cứq bũi lứq, yuaq cứq ramóh loah práq khoi q pút.’ ¹⁰ Cứq atõng an-hia neq: Machóng parnai sacâm nâi, máh ranêng Yiang Sursĩ tâng paloõng sâng bũi lứq bũn manoaq cũai lóih ma ngin lóih lêq cõt mút tamái ẽn.”

Con Samiang Pút Ma Ramóh Loah

¹¹ Yê-su atõng ẽn neq: “Bũn cũai mpoaq ca bũn bar lám con samiang. ¹² Con ralõh sêq tẽ mpoaq án neq: ‘Mpoaq ơi! Cứq sêq mới tampêq máh mun mới yõn hêq. Cứq yoc ẽ bũn pún cứq sanua.’ Ngkíq mpoaq alóí tampêq mun án yõn bar náq con án. ¹³ Mỏ tở bũn dũn, con ralõh ki ít cớng cớu án, chơ án pỏq. Án loõh tẽ cruang án, pỏq cuang pỏ cruang yõng. Ốt ngki án phõng talõh nheq. ¹⁴ Tở án tâc cha thрэc nheq práq án, tâng cruang ki p̄ieiq panhieih lứq. Chơ án mbõiq óq lứq tẽ. ¹⁵ Án sêq tuthẽ cốp manoaq cũai tâng cruang ki, chơ cũai ki ớn án loõh pỏq chu lêng cốp bán alic. ¹⁶ Án sâng panhieih lứq. Án yoc ẽ cha sana alic, ma tở bũn noau yõn án cha. ¹⁷ Ngkíq án sarõh sarnóm, chanchóm loah neq: ‘O pỏ đống mpoaq cứq bũn cứng cũai tuthẽ. Alóí cha dõi

loõh clũi, parêh par-õh. Ma cứq cheq ẽ cuchit khlac. ¹⁸ Cứq cốp pih chu loah pỏ mpoaq cứq, cốp atõng án neq: ‘Mpoaq ơi! Cứq táq lóih chóp Yiang Sursĩ cốp chóp mới hỡ. ¹⁹ Cứq la cũai tở o. Sêq mpoaq chõỉ đõq noâng cứq la con. Ma cứq sêq mới yõn cứq cõt cũai tuthẽ machóng noau tẽ.’ ²⁰ Bo ki toáp án yuor tayúng cốp pih chu pỏ mpoaq án.

“Con ralõh ki noâng ốt tẽ yõng, mpoaq án hũm poah rapoang. Mpoaq án sâng sarũiq táq, chơ án palõng chu con. Án kĩa cốp hũn hũt con án. ²¹ Con ki pai chóp mpoaq án neq: ‘Mpoaq ơi! Cứq khoi q táq lóih chóp Yiang Sursĩ cốp chóp mới hỡ. Cứq la cũai tở o. Sêq mpoaq chõỉ đõq noâng cứq la con.’ ²² Ma mpoaq án atõng cũai sũl neq: ‘Áu anhia táq cháí! Dũng au o clũi nheq tẽ canõh asóp án. Chóp sambết tâng aĩ án, cốp asóp cốp tâng ayũng án. ²³ Anhia kiac con ntrõq nín lứq hỡ. Háí cha. Háí bũi ớn, ²⁴ yuaq con cứq nâi ariang án khoi q cuchit, ma sanua samoât riang án tamoong loah. Tẽ nhũang án khoi q pút. Ma sanua cứq tamóh loah!’ Ngkíq alóí cha bũi óh lứq.

²⁵ “Bo ki ai clúng noâng táq sarái. Tở án chu cheq ẽ toáq đống, án sâng sường noau ũat, noau puan sarai. ²⁶ Án arô manoaq cũai tuthẽ; cốp blóh neq: ‘Ntróu noau táq?’ ²⁷ Cũai tuthẽ ta-õi neq: ‘A-ẽm mới chu. Mpoaq mới khoi q kiac con ntrõq nín, yuaq con án chu bán sũan.’ ²⁸ Ai clúng ki sâng cutâu lứq tâng mút án. Án tở ẽq mut noâng đống. Chơ mpoaq án loõh aliam. ²⁹ Án pai chóp mpoaq án neq: ‘Tở dáng sêq cumo nâi chơ cứq táq samoât sũl yõn mới. Ntróu mới ớn cứq táq, cứq táq aki. Ma mới tở nâi

yõn cứq muoi lám con mbêq dõq cứq cha bũi cõp yõu. ³⁰ Ma sanua con ralõh mới chu, cõp án khoiq phõng talõh nheq máh mun mới yõn máh mansẽm chẻq tở. Ma nõang mới kiac con ntroõq nín yõn án.' ³¹ Mpoaq án ta-õi neq: 'Con oi! Mới, ki õt níc cõp cứq. Nheq tũh cõng cứq la cõt khong mới. ³² Ma hái cõq táq bũi o, yuaq a-ẽm mới samoat riang án khoiq cuchit, ma sanua riang án tamoong loah. Samoat riang án khoiq pũt, ma sanua hái tamóh loah.' "

16

Yê-su Sacâm Tẻ Cũai Táq Ranáq Ca Thũ Ncháu Án

¹ Yê-su atõng tốp rien tẻ án neq: "Bũn manoaq cũai sỏc, án bũn manoaq ayũng atĩ dõq nhẽng salĩq mun án. Ma noau cauq pai cũai ki talõh máh mun ncháu án. ² Ngkĩq ncháu ki arõ cũai ki, cõp blõh án neq: 'Ntróu cứq sãng noau pai mới táq tở pĩeiq chỏq cứq? Mới atõng yõn cứq dáng máh léq mới chẻq chõng, cõp máh léq mới yõn noau voaq. Mới tở tẻq cõt nõang cũai nhẽng salĩq máh mun cứq.' ³ Ngkĩq, cũai ki chanchỏm neq: 'Ncháu cứq cheq ẽ táh cứq. Án tở yõn cứq nhẽng salĩq nõang mun án. Nỏq cứq ẽ táq sanua? Cứq õq bán rẻng dõq táq sarái. Khãn pỏq susẽq, ki cứq casiet táq noau. ⁴ Sanua cứq dáng chớ ntróu cứq ẽ táq. Chớ toãq tangái cứq tở bũn cõt nõang cũai nhẽng mun án, tangái ki cứq nõang bũn yõu ca roap cứq, cõp yõn cứq õt tẻng dõng alỏi.' ⁵ Ngkĩq án arõ máh cũai tu ncháu án, cõp án blõh cũai ca toãq nhũang neq: 'Malẻq mới tu ncháu cứq?' ⁶ Cũai ki ta-õi: 'Cứq tu muoi culám thõng dõq tởu palai o-li-vẻ.' Rẻng ki pai

neq: 'Chớ! Cứq yõn mới culáh sỏng chít thõng sãng.' ⁷ Chớ án blõh cũai canõh ẻn neq: 'Ma mới, malẻq mới tu?' Cũai ki ta-õi: 'Cứq tu muoi culám sanic saro.' Rẻng ki pai neq: 'Cứq yõn mới culáh tacual chít sanic sãng.' ⁸ Vỏt ki, ncháu ki khẻn cũai nhẽng salĩq ca sảuq ki, yuaq án táq rangoaiq. Lứq samoat, cũai tở bũn puai ngẻ Yiang Sursĩ, alỏi táq chỏq yõu alỏi rangoaiq hỏn tẻ cũai ca puai ngẻ Yiang Sursĩ dỏq táq chỏq yõu alỏi.

⁹ "Cứq atõng anhia ẻn neq: khãn anhia bũn sa-ũi cõng sanỏc, cõq anhia yõn cũai canõh hỏ; ngkĩq máh cõng ki táq yõn anhia bũn sa-ũi yõu. Chớ toãq tangái sanỏc anhia pũt nheq, tangái ki Yiang Sursĩ ẻ yõn anhia õt tẻng ntỏq tẻq tamoong mantái níc. ¹⁰ Khãn anhia táq o tẻng ranáq cacỏt, anhia lứq táq o tẻng ranáq toãr tẻ. Cõp khãn anhia ma táq tở o tẻng ranáq cacỏt, anhia lứq táq tở o tẻng ranáq toãr tẻ. ¹¹ Ngkĩq, khãn anhia tở bũn táq o cõp sanỏc ntũn anhia tẻng dỏi nãi, nõq tẻq Yiang Sursĩ yõn anhia bũn mun ca tở nai pũt tẻng paloõng? ¹² Cõp khãn anhia tở bũn táq o cõp cõng noau coiq dờ cõp anhia, ki tở bũn noau ẻ chiau cõng yõn cõt khong anhia.

¹³ "Tở bũn noau tẻq cõt sũl yõn bar nỏq ncháu. Pĩeiq án kẻt ncháu nãi, ma ayooq ncháu ki; tở la án yám ncháu nãi, ma mumat ncháu ki. Machỏng ki tẻ, anhia tở tẻq puai ngẻ Yiang Sursĩ pĩap cõp ngẻ ham sanỏc tẻng dỏi nãi."

Yê-su Patáp Ễn
(*Mathia 11:12-13; 5:31-32; Mac 10:11-12*)

¹⁴ Máh cũai Pha-rasi ca sãng Yê-su atõng ngkĩq, alỏi ayẻ Yê-su, yuaq alỏi pasẻq máh cõng sanỏc tẻng dỏi nãi. ¹⁵ Yê-su pai chỏq

alóí neq: “Anhia táq ranáq ẽq noau pai anhia la cũai tanoang o, ma Yiang Sursĩ dáng mút pahõm anhia. Ramúh ntróu cũai đõq chanchóm o lứq, máh ramúh ki tở bữn o ntróu yáng moat Yiang Sursĩ.

¹⁶ “Yiang Sursĩ atõng cũai na phẽp rit Mõi-se, cốp na máh san-toi q cũai tang bõq án atõng, toau toáq đõi Yang đõq táq batẽm. Tẽ tangái Yang toáq, bữn noau atõng parnai o tẽ Yiang Sursĩ táq sớt. Cốp dũ náq cũai yoc lứq mut tâng tốp Yiang Sursĩ sớt, ma alóí chanchóm alóí tẽq mut cõ nhơ tẽ rêng alóí bữm. ¹⁷ Paloõng cốp cutẽq cõt pút la khẽ hõn tẽ muoi ốc tẽ phẽp rit Yiang Sursĩ cõt pút.

¹⁸ “Cũai aléq ma táh lacuoi án cốp ỉt lacuoi canõh ẽn, ranáq ki la samoát riang án cooc lacuoi noau. Cốp khân cũai aléq ma ỉt lacuoi noau táh, ranáq ki la samoát riang án cooc lacuoi noau tẽ.”

Yê-su Atõng Tẽ Cũai Sốc Bữn Cốp La-sarơ

¹⁹ “Bữn manoaq cũai sốc; án sóp au nêuq lứq, cốp cu rangái án tâc cha thừong la-õq. ²⁰ Cốp bữn manoaq cũai cadĩt, ramúh La-sarơ. Noau dũng đõq án õt yáng tiah cheq ngoah toong đõng cũai sốc ki. Tở án moang mpĩh. ²¹ Án nguang bữn cha ngách mbéh tẽ cũai sốc ki. Cốp bữn acho toáq yẽl mpĩh án. ²² Vót ki, án cuchĩt, cốp ranẽng Yiang Sursĩ dũng án õt parnoi cốp A-praham. Ntun ki cũai sốc ki cuchĩt tẽ, cốp noau dũng túp án. ²³ Chơ cũai sốc ki õt tâng pống sarloac túh coat lứq. Án tapoang achõn, cốp án hữm A-praham õt yong lứq tẽ án. Án hữm La-sarơ õt parnoi cốp A-praham. ²⁴ Ngíq án arô casang lứq neq: ‘O A-praham, la achúc

achiac cứq ơi! Sẽq anhia ayooq táq cứq nừng. Sẽq anhia ón La-sarơ toáq pờ cứq, cốp yõn án alóq atĩ án tâng đõq, chơ ayõq tâng lieih cứq, yuaq cứq sâng túh coat lứq tâng ùih nãi!’ ²⁵ Ma A-praham ta-õi án neq: ‘Con ơi! Mớí sanhữ loah tẽ bo mớí nõang tamoong, mớí khoi q thừong la-õq, ma La-sarơ cadĩt cốp túh coat lứq. Ma sanua tâng ntõq nãi án bữn õt ien khẽ, ma mớí õt ntõq ki bữn túh coat lứq. ²⁶ Cốp muoi ốc ẽn, bữn sanor yarũ cốp la-a lứq mpúng dĩ hái. Cũai aléq ma yoc ẽ yang tẽ ntõq hếq põq chu mớí, la tở tẽq. Cốp cũai aléq ma yoc ẽ yang tẽ ntõq mớí põq chu hếq, la tở tẽq.’ ²⁷ Chơ cũai sốc ki pai ẽn neq: ‘Khân ngíq, cứq sẽq anhia ón La-sarơ põq chu đõng mpoaq cứq. ²⁸ Yuaq cứq nõang bữn sõng náq sẽm ai õt ngki. Yõn La-sarơ catoaih atõng alóí, đõq alóí tở bữn mut tâng ntõq túh coat lứq nãi.’ ²⁹ Ma A-praham pai neq: ‘Sẽm ai mớí khoi q bữn chơ parnai Mõi-se atõng cốp parnai cũai tang bõq Yiang Sursĩ tẽ mbõq atõng. Yõn sẽm ai mớí tamúng cốp trĩh santoi q alóí ki.’ ³⁰ Cũai sốc ki pai ẽn neq: ‘O A-praham, la achúc achiac cứq ơi! Alóí tở tamúng santoi q máh cũai ki. Ma khân bữn cũai cuchĩt ma tamoong loah põq atõng alóí, lứq alóí ngin lóih lèq cõt mút tamái ẽn.’ ³¹ Ma A-praham atõng loah án neq: ‘Khân sẽm ai mớí ma tở bữn tamúng santoi q Mõi-se cốp máh cũai tang bõq Yiang Sursĩ khoi q atõng, lứq alóí tở bữn noap tẽ cũai cuchĩt ma tamoong loah.’”

17

Yê-su Atõng Tẽ Táh Lôih
(*Mathia 18:6-7, 21-22; Mac 9:42*)

¹ Yê-su atông tốp rien tể án neq: “Lứq tở bữn ớq ramúh ca ẽ radũng cũai táq lờih, ma bap lứq toàq pở cũai ca radũng ki. ² Khân cũai aléq radũng muoi noaq carnẽn máh nâi yỗn tở bữn sa-âm cứq noàng, khaq noau alẽu tamáu toàr lứq tâng tacong án cớp apống án tâng đờq mut tể nhũang án ẽ radũng carnẽn ki. ³ Anhia nhêng o mút pahõm anhia bữm! Khân yóu anhia ma táq lờih chóq anhia, cóq anhia sươq án. Cớp khân án ngin lờih, cóq anhia táh lờih cũai ki. ⁴ Khân yóu anhia táq lờih chóq anhia tapul trồ tâng muoi tangái, ma khân án toàq ngin kho anhia tâng tapul trổ ki, pai neq: ‘Sẽq mới táh lờih cứq,’ ngkiq cóq anhia táh lờih án.”

Yê-su Atông Tẽ Ốc Sa-âm

⁵ Tốp ayũng atĩ Yê-su pai neq: “Sẽq Ncháu táq yỗn hếq sa-âm sa-ũi lứq ẽn.”

⁶ Yê-su atông alóí neq: “Khân ốc sa-âm anhia cacót máh muoi ốc cuplốq lavứng sàng, ki tềq anhia ớn nỡm aluang nâi neq: ‘Aluang ơi, mới rọq chíq nỡm mới bữm, chơ mới chóh loah tâng đờq mut ẽn,’ chơ nỡm aluang ki lứq trỉh anhia.”

Yê-su Atông Tẽ Cũai Táq Ranáq

⁷ “Khân manoaq tể tốp anhia bữn sũl tal sarái tở la bán charán cừu yỗn án, toàq sũl ki chu tabũ, ncháu ki tở bữn pai chóq án neq: ‘Áu mới mut cha voai.’ ⁸ Ma án đốq pai neq: ‘Áu mới aloõh crơng sana yỗn cứq cha. Cớp mới saráu tampác, chơ mới ốt hâu cứq yỗn toau toàq moàm cứq cha. Vớt ki, nỏq tềq mới cha.’ ⁹ Cớp ncháu ki tở bữn sa-õn sũl ki cồ tể sũl ki trỉh santoiq án ớn. ¹⁰ Ma anhia la machõng sũl ki tề. Toàq anhia táq moàm nheq máh ranáq Yiang Sursĩ ớn anhia táq, cóq anhia pai

neq: ‘Hếq la sũl Yiang Sursĩ. Hếq tở bữn ngcuang Yiang Sursĩ khễn hếq, cồ hếq táq ớng ranáq Yiang Sursĩ ớn hếq táq sàng.’ ”

Yê-su Táq Bán Muoi Chít Náq Cũai A-ĩ Tut

¹¹ Bo Yê-su pớq chu vil Yarusalem, án pớq pha raloan cruang Sa-mari cớp Cali-lê. ¹² Cheq án ẽ mut vil, án ramóh muoi chít náq cũai a-ĩ tut. Alóí ốt yờng tể án. ¹³ Alóí arô casang lứq neq: “Ncháu Yê-su ơi! Sarũiq táq hếq nũng!”

¹⁴ Toàq Yê-su hữm alóí, chơ án pai: “Anhia pớq apáh tở anhia yỗn cũai tềng rit sang Yiang Sursĩ hữm.”

Bo alóí pớq, alóí cõt bán a-ĩ tut. ¹⁵ Manoaq tể tốp muoi chít náq ki, toàq án hữm khoiq bán chơ, ngkiq án pih loah pở Yê-su, cớp sa-õn Yiang Sursĩ casang lứq. ¹⁶ Án cucóh u-ap yáng moat Yê-su cớp sa-õn Yê-su. Án la cũai Sa-mari. ¹⁷ Yê-su pai neq: “Bữn muoi chít náq khoiq cõt bán, p̄ieiq tở? Ma pở léq alóí takêh náq? ¹⁸ Ớng manoaq nâi toàp toàq sa-õn Yiang Sursĩ. Cớp án la cũai tể cruang canóh.”

¹⁹ Chơ Yê-su atông án neq: “Mới yuor tayúng. Cồ mới sa-âm, mới cõt bán.”

Yê-su Atông Tẽ Yiang Sursĩ Táq Sốt
(*Mathia 24:23-28, 37-41*)

²⁰ Bữn cũai tể tốp Pha-rasi blóh Yê-su noàng maléq dũn nỏq Yiang Sursĩ táq sốt. Yê-su ta-ơi alóí neq: “Yiang Sursĩ táq sốt la án tở bữn apáh tếc yỗn cũai hữm samoát samoi. ²¹ Tở bữn noau tềq pai neq: ‘Nâi! Yiang Sursĩ táq sốt la tâng nỏq nâi, tở la nỏq ki!’ Noau tở tềq pai ngkiq, yuaq Yiang Sursĩ táq sốt la tâng mút pahõm anhia.”

22 Chơ Yê-su ở đờng tốp rien tẽ án neq: “Nỡ-ra lứq toàq tangái anhia sâng ẽr áiq lứq yoc ẽ hữm Con Yiang Cốt Cũai õt tâng cutêq nâi ớng muoi tangái sâng la péc toáp, ma anhia tở dáng bữn hữm. 23 Bữn cũai canõh ẽ pai chỏq anhia neq: ‘Con Yiang Cốt Cũai õt ntốq nâi, tở la õt ntốq ki.’ Ma anhia chỏi pỏq, cớp chỏi noap santoiq alói. 24 Ariang lalieiq lacang tẽ pứp nâi toàq pứp ki tâng paloong, cớq Con Yiang Cốt Cũai toàq la machớng ki tẽ. 25 Ma nhũang tangái ki, cớq cớq chũuq sa-ũi ramứh túh coat cớp máh cũai tâng dời nâi calõih táh cớq. 26 Tở cớq, Con Yiang Cốt Cũai, toàq loah pỏ cutêq nâi la samoat riang dời Nô-ê tẽ mbỏq tẽ. 27 Tâng dời Nô-ê, dũ náq cũai cha nguaiq bũi óh lứq, cớp alói ỉt con lacuoi mantoat tẽ nling, yõn toau toàq tangái Nô-ê chõn tâng tuoc. Chơ đờq raloam toàq, cớp dũ náq cũai tâng dời ki cuchít nheq. 28 Cớp ngư cớq, Con Yiang Cốt Cũai, toàq loah la samoat riang dời Lot tẽ mbỏq. Máh cũai tâng dời ki cha nguaiq bũi óh lứq, alói chẻq chõng, alói choat choi, cớp táq đõng. 29 Ma tangái Lot loõh tẽ vil Sadôm, Yiang Sursĩ apớng mữ cớp pla ũih samoat riang mia satooh tẽ paloong, chơ dũ náq cũai tâng vil ki cuchít nheq. 30 Tangái cớq, Con Yiang Cốt Cũai, toàq la machớng ki tẽ.

31 “Tâng tangái ki, khân cũai aléq ma õt nhựp curũm đõng, cớq án chỏi chõn ỉt noàng cớng tẽ đõng. Cũai táq sarái, cớq án chỏi chu noàng pỏ đõng. 32 Cớq anhia sanhữ loah tẽ lacuoi Lot tẽ mbỏq! 33 Cũai aléq ma pasẻq rangứh án bữm, rangứh cũai ki lứq pứt. Ma cũai aléq chũuq pứt rangứh

án, rangứh cũai ki tở nai pứt. 34 Cớq ở đờng anhia samoat lứq, tâng sadâu ki bữn bar náq bẻq muoi ntốq. Manoaq, Yiang Sursĩ đũng pỏq cớp án; ma manoaq ẽn, Yiang Sursĩ đỏq ngki. 35 Bo ki bữn bar náq mansẻm ớt cuclóh saro. Yiang Sursĩ đũng chítq manoaq, ma manoaq ẽn, Yiang Sursĩ đỏq ngki. 36 Cớp bo ki bữn bar náq samiang ớt tâng sarái. Yiang Sursĩ đũng manoaq pỏq cớp án, ma manoaq ẽn, Yiang Sursĩ đỏq ngki.”*

37 Moam Yê-su pai ngkiq, tốp rien tẽ án blớh neq: “Ncháu ơi! Ranáq nâi bữn pỏ lẻq?”

Yê-su ta-đi alói toàq parnai sacâm neq: “Ntốq lẻq bữn cũai cuchít, ntốq ki lứq bữn chỏm calang srúh rôm cha sâiq cumuiq.”

18

Parnai Sacâm Tẽ Cũai Sốt Sừq Cán Cumai

1 Chơ Yê-su ở đờng tốp rien tẽ án toàq muoi parnai sacâm, yuaq án yoc alói dáng cớq alói câu níc cớp chỏi pẻ pahỏm. 2 Án pai neq: “Bữn manoaq cũai sốt rasừq máh cũai tâng vil. Án tở bữn ngcõh Yiang Sursĩ, cớp án tở bữn yám noap cũai hỡ. 3 Tâng vil ki bữn manoaq cán cumai. Án toàq níc pỏ cũai sốt ki, cớp án pai neq: ‘Sẻq achuaih carláh đờq chỏq cũai ca táq cớq!’ 4 Khoiq đũn lứq chơ cán cumai ki táq ngkiq, ma cũai sốt ki tở ẻq tamứng. Ma bữn muoi tangái án chanchỏm neq: ‘Cớq tở bữn ngcõh Yiang Sursĩ, cớp cớq tở bữn yám noap đẻh cũai hỡ. 5 Ma cổ cán cumai nâi toàq sẻq níc tẽ cớq, ngkiq cớq chuai án. Khân cớq tở bữn chuai, án lứq

* 17:36 17:36 Sa-ũi tâm saráq tẽ mbỏq tở bữn bữn rana 36 nâi.

toâq pakhoq níc cứq, cớp án táq yõn cứq sâng sa-ĩr! ”

⁶ Chơ Yê-su pai ẽn neq: “Anhia sâng ma tở bữn sântoiq cũai sớt ki pai? Án sữq ma án sữq tở bữn tanoang tapứng. ⁷ Ma Yiang Sursĩ, án ca rasữq p̄ieiq lứq, án ẽ chuai cũai puai ngê án, cũai ca arô án cu rangái cu sadâu. Án lứq toâq chuai alóí toâp, cớp tở bữn cro. ⁸ Cớp cứq atõng anhia dáng tẽ, Yiang Sursĩ sữq tanoang tapứng yõn máh cũai ca puai ngê án, cớp án táq cháí lứq. Ma tữ cứq, Con Yiang Cốt Cũai, toâq loah pở cớc cutểq nâi, cứq ramóh cũai sa-âm Yiang Sursĩ nheq mút pahõm tở?”

Parnai Sacâm Tẽ Manoaq Cũai Pha-rasi Cớp Manoaq Cũai Parõm Práq Thẽq

⁹ Yê-su atõng ẽn toâq parnai sacâm chók máh cũai ca chanchóm alóí tanoang o hõn tẽ cũai canõh. ¹⁰ Án pai neq: “Bữn bar náq samiang mut tâng Dõng Sang Toâr yoc ẽ câu. Manoaq la cũai Pha-rasi, cớp manoaq ẽn la cũai parõm práq thẽq. ¹¹ Cũai Pha-rasi ki tayứng câu nguai lứq neq: ‘Cucóh Yiang Sursĩ ơi, cứq sa-õn anhia yuaq cứq tở bữn táq lôih riang cũai canõh. Cứq tở bữn ham crõng noau. Cứq tở bữn raphẽq rathũ noau. Cứq tở bữn cooc lacuoi noau. Cứq sa-õn anhia, cứq tở bữn riang cũai parõm práq thẽq nâi. ¹² Cứq ót sana muoi tổn bar tangái. Cớp máh mun cứq, khân bữn muoi chít pún, ki cứq chiau sang yõn anhia muoi pún.’ ¹³ Ma cũai parõm práq thẽq ki õt yong tẽ cũai Pha-rasi. Án tở khón tapoang achõn chu paloõng. Án trứp aởm án bữm táq tếc án sâng ngua lứq. Cớp án pai neq: ‘O Yiang Sursĩ ơi! Sểq

anhia sarũiq cứq nứng, yuaq cứq la cũai lôih!’ ”

¹⁴ Chơ Yê-su pai neq: “Cứq atõng anhia samoât lứq, cũai parõm práq thẽq nâi chu pở dõng, án lứq cớt tanoang o yáng moat Yiang Sursĩ. Ma cũai Pha-rasi ki, tở bữn tanoang o ntróu yáng moat Yiang Sursĩ. Khân cũai aléq achõn tở yoc ẽ cớt toâr, nỡ-ra cũai ki cớc cacót. Cớp cũai aléq asẽng tở yõn cacót sanua, nỡ-ra án lứq cớc toâr.”

Yê-su Câu Yõn Carnẽn Cốt Cốt (Mathia 19:13-15; Mac 10:13-16)

¹⁵ Bữn máh cũai dừng carnẽn cớc cớc toâq pở Yê-su, ẽq Yê-su satoaq atĩ tâng máh carnẽn ki. Ma tốp rien tẽ Yê-su sươq tở yõn alóí dừng máh carnẽn ki pở Yê-su. ¹⁶ Ma Yê-su arô carnẽn ki toâq pở án; chơ án pai neq: “Anhia yõn carnẽn toâq pở cứq. Chõ catáng alóí, yuaq tâng tốp Yiang Sursĩ sớt, bữn ống cũai ca bữn mút pahõm samoât carnẽn nâi. ¹⁷ Cứq atõng anhia samoât lứq, cũai aléq ma tở bữn pruum yõn Yiang Sursĩ táq sớt samoât carnẽn pruum, cũai ki tở têq mut tâng tốp Yiang Sursĩ sớt.”

Bữn Manoaq Cũai Sốc (Mathia 19:16-30; Mac 10:17-31)

¹⁸ Bữn manoaq cũai sớt tâng tốp I-sarel toâq blớh Yê-su neq: “Thâi ơi! Thâi la lứq o. Ntróu cứq cóq táq yõn têq cứq bữn tamoong mantái?”

¹⁹ Yê-su blớh loah án neq: “Nỏq mới dỏq cứq o? Ống Yiang Sursĩ toâp la o. ²⁰ Mới dáng chơ máh ốc Yiang Sursĩ patáp neq: Chõ cooc lacuoi tở la cayac noau; chõ cachĩt cũai; chõ tutuoiq; chõ táq

ntông laug; cớp yám noap mpiq mpoaq.”*

²¹ Cũai ki pai neq: “Dũ ốc patâp ki cứq khoiq trĩh tẽ bo cứq noâng sanyõr.”

²² Từ Yê-su sâng án pai ngkíq, Yê-su atõng loah án neq: “Mới noâng khlâiq muoi ramúh. Cớq mới pớq chềq nheq máh mun mới; chơ ít práq ki chuai máh cũai cadĩt. Khân mới táq ngkíq, mới lứq bữn mun ngoaih tâng paloõng. Chơ mới toâq cớp puai cứq.”

²³ Ma từ án sâng Yê-su pai ngkíq, án sâng ngua lứq, yuaq án la cũai sốc.

²⁴ Yê-su hữm án sâng ngua. Chơ Yê-su atõng ẽn neq: “Máh cũai sốc, coat lứq yõn alóí mut tâng tốp Yiang Sursĩ sốt! ²⁵ Charán lac-da luaiq hõng srúm la khẽ hõn tẽ cũai sốc bữn mut tâng tốp Yiang Sursĩ sốt.”

²⁶ Máh cũai ca sâng Yê-su pai ngkíq, alóí blóh án neq: “Khân ngkíq, noau têq mut tâng tốp Yiang Sursĩ sốt?”

²⁷ Yê-su ta-õĩ alóí neq: “Cũai tở têq táq bữm ranáq ki, ma Yiang Sursĩ têq táq nheq tữh ranáq.”

²⁸ Chơ Phi-er atõng Yê-su neq: “Nài! Hềq khoiq táh dũ ramúh hềq bữn, cớ hềq ẽ puai thài.”

²⁹ Yê-su ta-õĩ máh cũai ki neq: “Cứq atõng anhia samoât lứq, cũai aléq ma táh đống sũ, táh mpiq mpoaq, táh sểm ai, cớp táh con lacuoi, cớ án yoc Yiang Sursĩ táq sốt, ³⁰ cũai ki lứq bữn loah clũĩ tẽ máh ramúh án táh tẽ nhũang. Cớp chumát án lứq bữn tamoong mantái.”

Yê-su Atõng Sĩa Tẽ Án Cớq Cuchĩt
(*Mathia 20:17-19; Mac 10:32-34*)

³¹ Yê-su dững aloõh óng tốp rien tẽ án sâng, chơ án atõng alóí

neq: “Anhia tamúng! Háí chõn pớ vil Yaru-salem. Ớt tâng vil ki, lứq cõt rapieiq máh santoiq cũai tang bõq Yiang Sursĩ tẽ mbõq khoiq chĩc đõq tẽ Con Yiang Cõt Cũai. ³² Noau chiau án pớ atĩ cũai tở cõn cũai I-sarel. Alóí ki ayê ra-ac án, lóc án, cớp cuchóh tâng tở án. ³³ Alóí proaih án, cớp cachĩt án. Ma catâm tangái pái, án yuor tamoong loah.”

³⁴ Ma tốp rien tẽ Yê-su tở bữn sapúh ntróu tẽ ốc nài, yuaq san-toiq Yê-su atõng la yarũ lứq. Ngkíq alóí tở bữn dáng raloaih tẽ ốc Yê-su atõng.

Yê-su Táq Bán Cũai Sũt Moat Tâng Vil Yê-ri-cô
(*Mathia 20:29-34; Mac 10:46-52*)

³⁵ Từ Yê-su cheq toâq vil Yê-ri-cô, bữn manoaq cũai sũt moat ớt susẽq kẽng rana. ³⁶ Bo án sâng cũai lúng pớq pha cheq án, án blóh neq: “Cõt ranáq ntróu toâp?”

³⁷ Máh cũai ki ta-õĩ án: “Yê-su tẽ vil Na-sarêt pớq pha cheq nài.”

³⁸ Ngkíq cũai sũt ki arô casang lứq neq: “O Yê-su tẽ tống Davĩt ơ! Sểq Ncháu sarũiq táq cứq nững.”

³⁹ Cũai ca pớq tâng rana ki sươq án chõĩ tabõq.

Ma án pai casang lứq ẽn: “O anhia tẽ tống Davĩt ơ! Sểq anhia sarũiq táq cứq nững.”

⁴⁰ Yê-su tangút, cớp ón noau dững cũai sũt ki toâq pớ án. Từ cũai ki toâq, Yê-su blóh án neq: ⁴¹ “Ntróu mới yoc cứq táq yõn mới?”

Cũai sũt ta-õĩ Yê-su: “Ncháu ơ! Sểq Ncháu táq yõn moat cứq cõt blang!”

⁴² Chơ Yê-su atõng án neq: “Yõn moat mới cõt blang! Cớ mới sa-âm, moat mới cõt blang.”

⁴³ Bo ki toâp moat cũai ki cõt blang. Chơ án puai Yê-su cớp

khễn Yiang Sursĩ. Từ cũai cứng hữm ngkíq, alóí khễn Yiang Sursĩ tê.

19

Yê-su Cóp Sachê

¹ Yê-su pha tâng mpúng dĩ vil Yê-ri-cô. ² Ôt tâng vil ki bữn manoaq samiang, ramứh Sachê. Ân sôt máh cũai parôm práq thêq, cốp án sốc hỡ. ³ Ân yoc ẽ hữm Yê-su la noau. Ma án la cũai dên. Ngkíq án tở bữn hữm Yê-su, yuaq cũai cứng catáng chíq án. ⁴ Ngkíq án lúh pờq nhũang máh cũai cứng. Chơ án chõn tâng nỡm lavoah* yoc ẽ hữm Yê-su pờq pha cheq aluang ki.

⁵ Bo Yê-su toâq pờ ntốq nỡm aluang ki, án tapoang achõn, cốp án atõng Sachê neq: "Sachê ơi! Mới sễng cháí, yuaq tangái nâi cứq cóq ốt đồng mới."

⁶ Ngkíq Sachê sễng toâp, cốp án roap chõm Yê-su bữi hỡ lứq. ⁷ Máh cũai ca hữm ngkíq, alóí bubéq-bubựp neq: "Cũai tamoi nâi pờq pờ đồng cũai lóih."

⁸ Ma Sachê tayúng yáng moat nheq tữh cũai kí cốp án atõng Yê-su neq: "Ncháu ơi! Máh mun cứq, cứq ít tadĩ chuai máh cũai cadĩt. Cốp khân bữn cũai aléq cứq khoiq lóp án muoi pún, sanua cứq culáh loah án pỏn pún."

⁹ Yê-su atõng án neq: "Tangái nâi Yiang Sursĩ lứq chuai amoong đồng sữ nâi, yuaq anhia la tễ tổng toiq A-praham machõng hếq tê. ¹⁰ Cứq, Con Yiang Cốt Cũai, toâq pờ nâi yoc ẽ chuaq cốp chuai amoong máh cũai khoiq clóc rana."

Parnai Sacâm Tễ Práq Nễn (*Mathia 25:14-30*)

¹¹ Moâm ki, Yê-su atõng toâq parnai sacâm sĩa chóc cũai ca khoiq sâng án pai ngkíq. Ân khoiq cheq ẽ toâq vil Yaru-salem chơ, cốp máh cũai chanchõm khoiq cheq ẽ toâq chơ tangái Yiang Sursĩ táq sôt tâng cruang alóí. ¹² Ngkíq Yê-su pai neq: "Bữn manoaq cũai sôt pờq chu cruang canõh, cốp ẽq máh cũai sôt tâng cruang ki chõh án cõt puo tâng cruang án bữm. Vót ki án ẽ chu loah pờ cruang án. ¹³ Nhũang án ẽ pờq, án arô muoi chít náq cũai táq ranáq án. Ân yỏn muoi noaq muoi nễn práq,† cốp án patâp neq: 'Anhia táq nỏq yỏn práq nâi cõt lơi toau toâq tangái cứq chu loah.' ¹⁴ Máh cũai proai tâng cruang án, alóí kêt án cốp tở ẽq án cõt puo alóí. Ngkíq alóí ỏn noau pờq atõng cũai sôt toâr lứq ca ẽ chõh án cõt puo neq: 'Hếq tở ẽq cũai nâi cõt sôt hếq.'

¹⁵ "Ma cũai ki bữn cõt puo, chơ án chu loah pờ cruang án. Ân arô máh cũai táq ranáq án ca khoiq roap práq, yoc ẽ dáng maléq sa-ữi alóí bữn lơi tễ práq ki. ¹⁶ Cũai toâq nhũang pai neq: 'Ncháu ơi! Cứq bữn lơi muoi chít nễn tễ muoi nễn ncháu khoiq yỏn cứq.' ¹⁷ Cũai sôt ki pai neq: 'Ô lứq mới táq! Mới la cũai o táq ranáq cứq! Yuaq mới táq o cốp bĩaq práq nâi, ngkíq cứq ẽ chõh mới yỏn cõt sôt tâng muoi chít vil.' ¹⁸ Bữn manoaq ẽn toâq cốp pai neq: 'Ncháu ơi! Cứq bữn lơi sỡng nễn tễ muoi nễn ncháu khoiq yỏn cứq.' ¹⁹ Cũai sôt ki pai chóc án neq: 'Cứq ẽ chõh mới cõt sôt tâng sỡng vil.' ²⁰ Cốp bữn manoaq ẽn toâq cốp pai neq: 'Ncháu ơi! Nâi la práq nễn ncháu khoiq yỏn cứq.'

* **19:4** 19:4 Tâng parnai Créc noau đõq aluang ki la 'su-camôr'. † **19:13** 19:13 Kia muoi nễn dõi ki la li manoaq tuthê pái casâi.

Cứq cayóm đợq práq nâi tâng aroâiq. ²¹ Cứq ngcõh ncháu, yuaq cứq dáng ncháu pasêq lứq práq ncháu. Ncháu tở bữn táq, ma ncháu ẽ ít. Ncháu tở bữn choat, ma ncháu ẽ sot.' ²² Cũai sớt ki pai chók án neq: 'Mới la cũai loài lứq táq ranáq cứq! Parnai mới tểq loah mới bữm. Mới khoiq dáng chơ cứq pasêq lứq práq cứq. Cóp mới dáng cứq tở bữn táq, ma cứq ít. Cứq tở bữn choat, ma cứq sot. ²³ Khân ngkiq, cõ nõq mới tở yõn cũai canõh voaq práq cứq. Chơ, toâq tangái cứq chu loah, cứq bữn práq ki cốp lơi hỡ.' ²⁴ Vót ki, cũai sớt ki atõng máh cũai õt mpễ ki neq: 'Ít loah muoi nễn práq ki tễ án. Chơ yõn pỡ cũai ca bữn muoi chít nễn.' ²⁵ Ma máh cũai ki atõng cũai sớt ki neq: 'Ncháu ơi! Cũai ki khoiq bữn muoi chít nễn chơ!' ²⁶ Ma cũai sớt ki ta-õi alóí neq: 'Án ca bữn sa-ũi, cứq yõn án bữn sa-ũi lứq ẽn. Ma án ca tở bữn bữn ntróu, cứq yõn án ợq loâng. ²⁷ Ma máh alóí ca tở ẽq cứq cõt puo alóí, đũng alóí pỡ nâi cốp cachĩt nheq alóí yáng moat cứq!' "

Yê-su Mut Tâng Vil Yaru-salem
(*Mathia 21:1-11; Mac 11:1-11; Yang 12:12-19*)

²⁸ Moâm Yê-su pai ngkiq, án pợq carlíq máh cũai ca pợq pỡ vil Yaru-salem. ²⁹ Tữ cheq án ẽ toâq vil Bê-phayê cốp vil Bê-thani, pỡ ntốq dũal O-li-vê, án ớn bar nâq tộp rien tễ án pợq nhũang. ³⁰ Án patâp alóí ki neq: "Anhia pợq chu vil ki. Bo anhia toâq ramỏh vil, anhia lứq ramỏh muoi lám aséh dễn con ca tở bữn noau õt yũah. Noau khoiq chỏq đợq án pỡ ntốq ki. Anhia leh án cốp đũng án chu cứq. ³¹ Khân noau blóh anhia: 'Nỏq anhia leh aséh nâi?'

chơ anhia ta-õi neq: 'Ncháu hái ẽ mian aséh nâi.' "

³² Chơ alóí bar nâq ki pợq, cốp alóí hữm samoât Yê-su khoiq atõng alóí. ³³ Bo alóí leh aséh con ki, cũai ndõm aséh ki blóh alóí neq: "Nỏq anhia leh aséh nâi?"

³⁴ Alóí ta-õi án neq: "Ncháu hái ẽ mian aséh nâi."

³⁵ Chơ alóí đũng achu aséh dễn ki yõn Yê-su. Moâm ki alóí ít tampác alóí sữn tâng cloong aséh ki. Chơ alóí apõng Yê-su chõn tacu tâng aséh ki. ³⁶ Bo Yê-su pợq, noau sữn tampác tâng rana yõn án pợq. ³⁷ Tữ án pợq cheq ẽ toâq vil Yaru-salem, pỡ ntốq rana sễng tễ dũal O-li-vê, bữn chũng cũai ca rien tễ án triau cupo. Alóí sa-õn cốp khễn Yiang Sursĩ casang lứq, yuaq alóí khoiq hữm máh ranáq salễh. ³⁸ Alóí pai neq: "Sễq Yiang Sursĩ apõng ợc bốn yõn puo nâi, án ca toâq pỡ nâi cõ Yiang Sursĩ ớn. Sễq ợc ien khễ toâq tâng paloõng cốp santoiq khễn toâq pỡ Yiang Sursĩ." ✧

³⁹ Tâng cũai chũng ki bữn dễn cũai Pha-rasi hỡ. Alóí pai chók Yê-su neq: "Thâi ơi! Cók thâi sũoq máh cũai rien tễ thâi chõi yõn alóí triau cupo noâng."

⁴⁰ Ma Yê-su ta-õi alóí neq: "Khân máh cũai nâi tở bữn triau cupo ngkiq, cứq atõng anhia samoât lứq, Yiang Sursĩ lứq yõn tamáu ẽn triau cupo."

Yê-su Sâng Ngua Tễ Vil Yaru-salem

⁴¹ Tữ Yê-su cheq ẽ toâq vil Yaru-salem, án tapoang chu vil ki, chơ án nhiam. ⁴² Cốp án pai neq: "Tangái nâi cứq yoc lứq máh anhia ca ớt tâng vil nâi dáng, cốp anhia táq nõq yõn tềq ớt ien khễ. Ma sanua, ợc nâi anhia tở tềq sâng. ⁴³ Nỡ-ra toâq máh tangái

cũai par-ũal anhia ẽ puon cutẽq lavíng mpẽr vil anhia, cốp alóí tở yõn anhia loõh tẽ vil. Alóí ẽ catáng dũ rana. ⁴⁴ Alóí ẽ cachĩt dũ náq anhia cốp talõh nheq vil anhia. Alóí tở yõn muoi ramũh ntróu tâng vil anhia noâng plot, yuaq anhia tở bũn dáng tangái Yiang Sursĩ khoiq toâq ẽ chuai amoong anhia!”

Yê-su Mut Tâng Dõng Sang Toâr

(*Mathia 21:12-17; Mac 11:15-19; Yang 2:13-22*)

⁴⁵ Yê-su mut tâng Dõng Sang Toâr, chơ án tuih aloõh nheq máh cũai chẻq chỡng tâng ki. ⁴⁶ Án atõng alóí neq: “Tâng tâm saráq Yiang Sursĩ tẽ mbỏq, án khoiq pai neq:

‘Noau dỏq dõng cứq la dõng yõn câu sẻq.’^{*}

Ma anhia táq dõng nãi cõt ariang cựp yõn cũai savẻng mut tooq!”

⁴⁷ Cu rangái Yê-su atõng tâng Dõng Sang Toâr. Máh cũai sỏt tốp tẻng rit sang Yiang Sursĩ, máh cũai yỏng rit, cốp máh cũai sỏt canõh, alóí chuaq ngẻ ẽ cachĩt Yê-su. ⁴⁸ Ma alóí tở dáng nõq ẽ táq yõn cachĩt Yê-su, yuaq nheq máh cũai ẽ tamúng nic santoiq án atõng.

20

Noau Blóh Yê-su Tẻ Chỏc Án
(*Mathia 21:23-27; Mac 11:27-33*)

¹ Bũn muoi tangái Yê-su atõng parnai o tẻ Yiang Sursĩ yõn máh cũai proai tâng Dõng Sang Toâr tamúng. Bo ki bũn máh cũai sỏt tốp tẻng rit sang Yiang Sursĩ, máh cũai yỏng rit, cốp máh cũai sỏt nheq sỏu, toâq pở án cốp blóh neq: ² “Sẻq thỏi atõng hẻq tẻ chỏc

ntróu thỏi táq ranáq salẻh nãi? Noau yõn thỏi bũn chỏc nãi?”

³ Yê-su ta-ỡi alóí neq: “Cứq yoc ẽ blóh anhia muoi ỏc tẻ. Sẻq anhia ta-ỡi cứq: ⁴ Ranáq batẻm Yang táq, tẻ lẻq ranáq ki toâq, tẻ Yiang Sursĩ tở la tẻ cũai?”

⁵ Chơ alóí sarhỏng neq: “Khân hái ta-ỡi án neq: ‘Ranáq batẻm nãi toâq tẻ Yiang Sursĩ,’ ngkẻq án blóh loah hái neq: ‘Khân ngkẻq, nõq anhia tở bũn sa-âm Yang?’ ⁶ Ma khân hái ta-ỡi án neq: ‘Ranáq batẻm nãi chỡng toâq tẻ cũai,’ chơ hái ngỏch cũai proai tám tamáu chỏq hái, yuaq alóí sa-âm Yang la cũai tang bỏq Yiang Sursĩ.”

⁷ Ngkẻq alóí ta-ỡi Yê-su neq: “Hẻq tở dáng.”

⁸ Yê-su ta-ỡi loah alóí neq: “Chơ! Cứq tở bũn atõng tẻ yõn anhia dáng noau yõn cứq bũn chỏc táq máh ranáq nãi.”

Parnai Sacâm Tẻ Manoaq Chỏh Palái Nho Tâng Nưong

(*Mathia 21:33-46; Mac 12:1-12*)

⁹ Yê-su atõng máh cũai cứng ki toâq parnai sacâm neq: “Bũn manoaq chỏh voar nho tâng nưong. Chơ án yõn cũai canõh táq dỡ nưong án. Alóí pruum ndỏm cốp mpẻq máh palái. Moâm ki án pỏq cruang canõh.

¹⁰ Toâq ngư palái chĩn, ncháu ki ỏn cũai sủl toâq pở alóí ca táq dỡ nưong án. Án ỏn sủl ki ỉt pún án tẻ alóí. Ma alóí ca táq ranáq tâng nưong ki toân cũai sủl, cốp alóí tuih án chu miat.

¹¹ Chơ ncháu ki ỏn sủl canõh ẻn pỏq chu nưong ki. Ma cũai táq dỡ nưong ki toân cũai sủl ki tẻ, cốp alóí lỏc acrieiq án; chơ alóí tuih án yõn chu miat. ¹² Vớt ki ncháu ỏn manoaq sủl ẻn. Ma cũai táq dỡ nưong ki táq sủl ki bỏc chũl,

^{*} 19:46 Ê-sai 56:7

cóp alóí tuih aloõh án hõ. ¹³ Chơ ncháu ki chanchóm neq: ‘Nớq ẽn cứq ẽ táq? Cứq ớn con samiang ca cứq paséq lứq ẽn pỡq. Lứq alóí yám noap án.’ ¹⁴ Ma toàq alóí ca táq dõ nưong ki hữm con samiang ncháu nưong, chơ manoaq atõng manoaq neq: ‘Nài la lứq con tống ncháu. Hái! Hái cachit chiq án! Chơ máh mun án cõt khong hái!’ ¹⁵ Chơ alóí ác sadõh con ncháu ki loõh tẽ nưong, cúp alóí cachit án. Ngkíq, nớq toàp ncháu ki ẽ táq chók máh cũai táq dõ nưong án? ¹⁶ Lứq án toàq cachit táh nheq alóí, cúp án yõn cũai canõh ẽn táq dõ nưong án.”

Máh cũai sâng parnai ki, alóí pai neq: “Chõn yõn cõt ngkíq!”

¹⁷ Ma Yê-su nhêng chu alóí cúp blóh neq: “Khân tỡ bữn ngkíq, ntróu la ngê tẽ santoiq tâng tâm saráq Yiang Sursĩ khoiq pai tẽ mbốq neq:

‘Cốc tamáu cũai táq đống khoiq táh,
tamáu ki noau hữm o hõn tẽ tamáu canõh.
Chơ noau ít cúp chíp bân soq đống.’*[✠]

¹⁸ Cũai aléq ma dóm tâng tamáu nài, án khat loàng. Ma khân tamáu nài satooh p̄ieiq tỡ cũai, cũai ki lứq đươiq tháq.”

Yê-su Atõng Tẽ Práq Thẽq

(*Mathia 22:15-22; Mac 12:13-17*)

¹⁹ Máh cũai sốt tốp tẽng rit sang Yiang Sursĩ cúp máh cũai yõng rit chuaq ngê ẽ cốp toàp Yê-su, yuaq alóí dáng Yê-su atõng parnai sacâm ki tẽ alóí. Ma alóí tỡ khón, yuaq alóí ngcõh máh cũai proai. ²⁰ Ma alóí tutuaiq níc tẽ Yê-su. Alóí ớn cũai pỡq soc ngê tẽ án. Cũai ki táq nan cũai mantoat

o, ma alóí toàq pỡ Yê-su yoc ẽ chuaq ralíh tẽ án. Alóí yoc ẽ cốp cúp chiau án pỡ atĩ cũai sốt. ²¹ Máh cũai soc ngê ki blóh Yê-su neq: “Thài ơi! Hếq dáng chơ thài atõng p̄ieiq níc. Cốp yáng moat thài, nheq tữh cũai la lĩ-ralĩ nheq. Thài atõng ngê Yiang Sursĩ p̄ieiq lứq. ²² Ngkíq hếq sếq thài atõng hếq: Ntróu thài chanchóm, p̄ieiq ma tỡ bữn hái cóq muap práq thẽq pỡ puo Rô-ma?”

²³ Ma Yê-su khoiq dáng alóí bữn ngê ẽ chim án; chơ án pai chók alóí neq: ²⁴ “Anhia đưng yõn cứq nhêng muoi ớc práq! Ớc práq nài bữn roáp cúp chĩr samoat tỡ noau?”

²⁵ Alóí ta-õi neq: “Puo Rô-ma.”

Chơ Yê-su atõng loah alóí neq: “Crong puo Rô-ma, cóq anhia culáh loah yõn puo Rô-ma, cúp crong Yiang Sursĩ, cóq anhia culáh loah yõn Yiang Sursĩ.”

²⁶ Bo Yê-su atõng yáng moat cũai chửng, máh cũai ca chim Yê-su tỡ bữn ramóh muoi ớc lóih ntróu tẽ santoiq Yê-su atõng. Ngkíq alóí sâng dót lứq Yê-su ta-õi ngkíq. Chơ alóí tỡ bữn tabốq ntróu noàng.

Tốp Sa-dusê Blóh Yê-su Tẽ Ốc Tamoong Loah

(*Mathia 22:23-33; Mac 12:18-27*)

²⁷ Bữn cũai tẽ tốp Sa-dusê toàq pỡ Yê-su. Tốp alóí ki pai cũai khoiq cuchit tỡ tẽq tamoong loah. Alóí atõng Yê-su neq: ²⁸ “Thài ơi! Mõi-se khoiq chĩc yõn hái dáng neq: ‘Khân manoaq samiang khoiq cuchit, ma lacuoi án noàng tamoong, cúp alóí tỡ yũah bữn con, ngkíq sêm ai án cóq siem lacuoi án, đõq patõng loah án ca khoiq cuchit.’*[✠] ²⁹ Dõn mbốq

* **20:17** 20:17 Puai tẽ ranáq alóí táq, tamáu aléq noau chíp tâng soq, tamáu ki táng yõn đống cõt khâm. Tamáu ki Yê-su sacâm tẽ tỡ án toàp. ✠ **20:17** 20:17 Ưat Khển 118:22 ✠ **20:28** 20:28 Patáp Loah 25:5

bữn tapul nác sễm ai. Ai clúng khoiđ ít lacuoi. Ma án cuchit tở yũah bữn con. ³⁰ Ngkíq a-êm ndĩ án siem lacuoi ai. ³¹ Cóp machớng ki tề, tề a-êm ndĩ toau toảq a-êm ralốh. Tapul nác alới la machớng nheq. Alới cuchit ma tở yũah bữn con. ³² Toảq parsốt thánđ mansễm ki cuchit tề. ³³ Tữ máh cũai cuchit tamoong loah, mansễm ki cõt lacuoi noau? Yuaq alới tapul nác ndởm nheq mansễm ki!”

³⁴ Yê-su ta-ỡi alới neq: “Mansễm samiang ít cõt lacuoi cayac ống tâng dời nài sâng. ³⁵ Ma alới ca sa-âm Yiang Sursĩ, lứq Yiang Sursĩ yỗn alới tamoong loah tề cuchit, cốp án yỗn alới tamoong mantái níc. Cũai ki tở bữn ít noảng lacuoi cayac. ³⁶ Alới la samoỏt riang ranẻng Yiang Sursĩ tề; alới tở nai cuchit noảng. Alới lứq cõt con acái Yiang Sursĩ, yuaq alới khoiđ tamoong loah tề cuchit chớ. ³⁷ Ma tề ranảq cũai cuchit ma tamoong loah, Mỏi-se khoiđ yỗn hái dảng raloaih tề ỏc ki, bo án chĩc ởng tề rambũ blử ừih ma tở bữn cat. Ntỏq ki án đởq Yiang Sursĩ la

‘Yiang Sursĩ A-praham sang, I-sac sang, cốp Yacốp sang.’^{*}

³⁸ Tềq hái dảng alới tamoong loah tề cuchit, yuaq cũai cuchit tở tềq sang Yiang Sursĩ. Ống alới ca tamoong sâng tềq sang án, cốp nheq tữh cũai bữn tamoong cỗ nhớ tề Yiang Sursĩ.”

³⁹ Moỏm Yê-su pai ngkíq, bữn cũai tề tốp yống rit pai chỏq Yê-su neq: “Thỏi ỡi! Lứq piẻiq máh santoiđ thỏi pai!”

⁴⁰ Vớ t ki, alới tở khỏn blớh muoi santoiđ ntrớu noảng tề Yê-su.

^{*} 20:37 20:37 Loỏh Tề Ê-yip-tỏ 3:6 † 20:42-43 20:42-43 Puai phẻp rit cũai I-sarel, khản cũai alẻq ma yoc ẻ yám noap cũai canỏh lứq samoỏt, ngkíq án yỗn cũai ki ởt coah atoam án.

^{*} 20:42-43 20:42-43 Ủat Khẻn 110:1

Santoiđ Blớh Tề Crít

(Mathia 22:41-46; Mac 12:35-37)

⁴¹ Yê-su blớh alới ki neq: “Yuaq nỏq cũai đỏq pai Crít toảq tề tởng toiđ puo Davít? ⁴²⁻⁴³ Cutỏ Davít toảp ởng tâng tâm sarảq Parnai Ủat Khẻn Yiang Sursĩ neq: ‘Yiang Sursĩ ởng chỏq Ncháu cứq neq:

“Mỏi tacu coah atoam cứq† yỗn toau toảq tangái cứq yỗn alới ca yoc ẻ cachit mới ởt pụn talang ayửng mới, cõt sũl mới.”^{*}

⁴⁴ Cutỏ Davít toảp đỏq Crít la ‘Ncháu’. Ki nỏq tềq Davít đỏq cũai tề tởng toiđ án bữm la ‘Ncháu’?”

Yê-su Sủaq Cũai Chỏi Táq Machớng Cũai Yống Rit

(Mathia 23:1-36; Mac 12:38-40)

⁴⁵ Bo clúng cũai ởt tamửng santoiđ Yê-su, án ởng tốp rien tề án neq: ⁴⁶ “Anhia chỏi táq machớng cũai yống rit. Alới yoc lứq sỏp au tuar cuti, cốp alới yoc lứq cũai canỏh tabởp o bo alới ởt cốp cũai clúng. Alới yoc ẻ bữn cachớng tacu o clửi nheq tề canỏh tâng đớng sang, cốp alới yoc ẻ tacu coah pởng toảq noau mới alới toảq cha. ⁴⁷ Alới lỏp máh mun cán cumai, cốp alới câu cuti lứq ẻq noau pai alới tanoang o. Ma chumát tỏt alới ntảng hỏn tề máh cũai canỏh!”

21

Manoảq Cán Cumai Chỏq Prảq Sang

(Mac 12:41-44)

¹ Yê-su nhẻng chu ntỏq cũai chỏq prảq sang tâng Đớng Sang Toỏr. Án hữm cũai sỏc chỏq prảq tâng ki. ² Cốp án hữm manoảq

cán cumai cadit lúq, chók bar óc práq sâng, kia bítq lúq. ³ Yê-su pai neq: “Cúq atōng anhia samoat lúq, cán cumai nâi cadit lúq, ma án chók práq sang sa-ũi hōn tẽ cūai canōh. ⁴ Yuaq máh cūai canōh chók práq clũi tẽ alói tâc cha, ma cán cumai nâi óq lúq. Máh léq án bũn, án chók nheq máh ki.”

Yê-su Atōng Tẽ Noau Talōh Dóng Sang Toâr

(*Mathia 24:1-2; Mac 13:1-2*)

⁵ Bũn cūai achưng alur tẽ Dóng Sang Toâr. Alói pai dóng sang ki nêuq lúq, yuaq noau táq toâq tamáu o. Cóp tâng dóng ki bũn sa-ũi công nêuq o noau sang yõn Yiang Sursi. ⁶ Ma Yê-su atōng cūai ki neq: “Máh dóng toâr anhia hũm tâng ntōq nâi, chumat tamáu noau táq dóng nâi tở bũn ratót noâng parnoi; án ratáh nheq.”

Yê-su Atōng Tẽ Ốc Túh Coat Toâq Pở Cūai

(*Mathia 10:16-25; 24:3-14; Mac 13:3-13*)

⁷ Alói blóh Yê-su neq: “Thài ơi! Sẽq thài atōng yõn hếq dáng, noâng dũn maléq ranáq nâi toâq? Cóp bũn tếc ntróu sapáh nhũang tẽ ranáq nâi toâq?”

⁸ Yê-su ta-õi alói neq: “Cóp anhia ốt yõn khêuq; chõi yõn noau phếq anhia. Chumat bũn sa-ũi náq toâq clểu ramúh cúq, cúp alói pai neq: ‘Cutõ cúq nâi tập la Crít!’ Cóp alói pai neq tẽ: ‘Tangái parsót ẽ toâq chơ!’ Ma anhia chõi noap santoiq alói. ⁹ Tở anhia sâng parhan noau rachíl cúp noau tampõr ẽ cõt sốt, ki anhia chõi croõq ntróu. Yuaq ranáq nâi cóq toâq nhũang voai. Ma tở yũah toâq tangái parsót tháng.”

¹⁰ Yê-su atōng ẽn neq: “Tangái ki bũn tốp nâi rachíl ratáq cúp

tốp ki, cúp cruang nâi rachíl ratáq cúp cruang ki. ¹¹ Bũn sa-ũi ntóq cutẽq rachâu cúp cacut. Bũn sa-ũi ntóq óq sana cha. Cóp bũn sa-ũi ramúh a-ĩ, manoaq tót tẽ manoaq. Máh ramúh túh coat nâi lúq toâq, cúp bũn sa-ũi tếc salẽh tẽ paloõng toâq tẽ.

¹² “Ma nhũang máh ramúh ki toâq, bũn cūai cúp cúp táq túh coat lúq anhia. Alói dứng anhia pở dóng sang tốp I-sarel yõn noau sũq anhia, cúp alói chók anhia tâng cuaq hỡ. Alói dứng anhia yáng moat máh puo cúp yáng moat máh cūai sốt la cõ tian anhia puai ngê cúq. ¹³ Máh ramúh ki táq yõn anhia tẽq atōng tẽ ngê cúq. ¹⁴ Cóq anhia chõi công nhũang ntróu anhia yoc ẽ pai chók cūai sốt ki. ¹⁵ Bo ki, cúp toâp atōng anhia cúp yõn anhia bũn ngê rangoaiq tẽq táq ntōng santoiq piẽiq chók alói ca ẽ táq anhia. Chơ alói tở tẽq rasuon ntróu noâng anhia. ¹⁶ Lúq mpiq mpoaq, sêm ai, khõi cuya, cúp yóu anhia ẽ chiau anhia pở atĩ cūai ẽ táq anhia. Bũn cūai tẽ tốp anhia, noau cachit. ¹⁷ Nheq tữh cūai kêt anhia cõ tian anhia puai ngê cúq. ¹⁸ Ma sóc tâng plở anhia tở bũn pút muoi ntrẽh ntróu. ¹⁹ Cõ anhia chũuq tanhĩr níc, ngkiq yuaq anhia bũn tamoong mantái.”

Yê-su Atōng Tẽ Noau Talōh Vil Yaru-salem

(*Mathia 24:15-21; Mac 13:14-19*)

²⁰ “Toâq anhia hũm cứng tahan ốt mpẽ vil Yaru-salem, ngkiq anhia dáng khiq cheq noau ẽ talõh vil ki. ²¹ Bo ki, alói ca ốt tâng cruang Yudê cóq lúh chõn ốt tâng cóh ẽn. Alói ca ốt tâng vil Yaru-salem cóq loõh tẽ vil. Cóp alói ca ốt yáng tiah vil Yaru-salem cóq chõi chu noâng pở vil. ²² Tangái ki

la tangái Yiang Sursĩ táq máh tốp I-sarel cõ tian alóit tở trĩh, yõn cõt rapieiq máh santoiq noau khoiq chĩc tâng tâm saráq Yiang Sursĩ tễ mbốq. ²³ Tâng tangái ki tởiq bap lứq mansẽm õt mumiaq cốp mansẽm apu con. Yuaq tangái ki la túh coat lứq toâq pở cruang nâi, cốp Yiang Sursĩ táq máh cũai nâi. ²⁴ Án ca noau poâiq toâq dau. Án ca noau cốp đưng táq sũl pở cruang canõh. Cốp máh cũai tở cõn cũai I-sarel ẽ talõh nheq vil Yaru-salem toau sớt dõit alóit.”

Yê-su Atõng Tễ Con Yiang Cõt Cũai Toâq Loah

(*Mathia 24:29-31; Mac 13:24-27*)

²⁵ “Vót ki, bũn tếc salẽh tâng moat mandang, rliang casâi, cốp máh mantở hỡ. Cốp tâng cutẽq nâi bũn sa-ũit cruang cũai sâng dót cốp ngcõh lứq cõ đởq mụt lampóh cốp hỏ casang lứq. ²⁶ Cũai pút mụt cõ alóit sâng ngcõh, cốp alóit croõq lứq yuaq máh ramứh túh coat toâq pở dĩ cruang. Cốp máh ramứh bũn chớc tâng paloõng, Yiang Sursĩ táq yõn rachâu nheq. ²⁷ Vót ki noau hũm Con Yiang Cõt Cũai toâq mpúng dĩ ramứl; án bũn chớc sớt toâr cốp roâp ang-ũit lứq. ²⁸ Bo anhia hũm ramứh nâi toâq, anhia tayúng cốp tapoang achõn, yuaq cheq ẽ toâq Yiang Sursĩ chuai amoong anhia.”

Parnai Sacâm Tễ Aluang Tarúng

(*Mathia 24:32-35; Mac 13:28-31*)

²⁹ Chơ Yê-su atõng alóit toâq parnai sacâm neq: “Anhia nhêng chu nỡm aluang tarúng cốp chu nỡm aluang canõh. ³⁰ Toâq anhia hũm aluang lacứp sala, anhia

dáng cheq ẽ toâq casâi phũac. ³¹ Machớng ki tẽ, toâq anhia hũm máh ranáq cứq atõng anhia sanua, anhia dáng Yiang Sursĩ táq sớt khoiq cheq ẽ toâq chơ. ³² Cứq atõng anhia samoât lứq, cũai tâng dõit nâi tở bũn cuchĩt nhũang tễ máh ramứh nâi toâq. ³³ Chumát, paloõng cốp cutẽq cõt pút nheq, ma santoiq cứq atõng tở nai pút.”

Yê-su Atõng Cóp Kĩaq O Tở Bũm

³⁴ “Cóp anhia kĩaq o tở bũm. Chõit yõn mụt pahõm anhia yoc ẽ nguaiq cha sa-ũit tở la bũl plic; cốp chõit cớng ngcõh ỏq tác cha tâng dõit tamoong anhia. Khãn ngkĩq, tâng tangái cứq toâq loah pở cutẽq nâi, ngcõh lơ anhia tở bũn chanchóm ntróu tễ cứq toâq loah. Yuaq tangái ki cứq toâq cháit lứq, samoât riang taho loaih. ³⁵ Cốp tangái ki toâq pở dĩ náq cũai tâng cốc cutẽq nâi. ³⁶ Ngkĩq cốp anhia nguang cốp coan níc tangái ki. Cóp anhia câu yõn anhia tẽq viaq vót tễ ramứh túh coat ki, cốp câu yõn Con Yiang Cõt Cũai tẽq ngin anhia la cũai tanoang o yáng moat án tâng tangái án rablớh nheq tữh cũai.”

³⁷ Cu rangái Yê-su atõng tâng Dống Sang Toâr, ma toâq sadâu án pởq bẻq tâng dũal O-li-vê. ³⁸ Toâq poang tarúp tễ cláih bũn cứng cũai toâq pở Dống Sang Toâr ẽ tamúng Yê-su atõng.

22

Cũai Sớt Chuaq Ngê Cachĩt Yê-su

(*Mathia 26:1-5; Mac 14:1-2; Yang 11:45-53*)

¹ Cheq ẽ toâq tangái tốp I-sarel Táq Rit Cha Bẻng Mi Ởq Cớng

✧ **21:27** 21:27 Daniel 7:13 * **22:1** 22:1 Tangái ki alóit sanhữ tangái Yiang Sursĩ chuai yõn alóit loõh tễ cruang Ê-yip-tô tễ mbốq.

Pluoih, la tangái alói sanhữ loah Tangái Loõh.*² Máh cũai sôt tốp tễng rit sang Yiang Sursĩ cốp máh cũai yống rit, alói chuaq ngê ẽ cachit Yê-su. Ma alói ngcõh máh cũai proai.

Yuda Pruam Chếq Chíq Yê-su

(*Mathia 26:14-16; Mac 14:10-11*)

³ Bo ki yiang Satan mut tâng mút Yuda I-cari-õt, la manoaq tễ tốp muoi chít la bar náq rien tễ Yê-su. ⁴ Chơ Yuda pỡq ramóh máh cũai sôt tốp tễng rit sang Yiang Sursĩ cốp sôt cũai kĩaq Dõng Sang Toâr. Ân sarhõng alói nõq ẽ táq yõn bữn cốp Yê-su. ⁵ Máh cũai ki sâng ỡn lứq, cốp alói ữq chang práq yõn Yuda. ⁶ Yuda khoiq pruam cốp alói; chơ án chuaq rana bo léq khẽ alói cốp Yê-su ma tỡ bữn chũng cũai õt cheq Yê-su.

Yê-su Ỗt Cha Parnoi Cốp Tốp

Rien Tễ Án

(*Mathia 26:17-25; Mac 14:12-21; Yang 13:21-30*)

⁷ Từ toâq Tangái Táq Rit Cha Bễng Mi Ỗq Crong Pluoih. Tangái ki cũai I-sarel cóq kiac charán cũu puai phễp rit Yiang Sursĩ atõng yõn sanhữ loah Tangái Loõh. ⁸ Ngkíq Yê-su ỡn Phi-er cốp Yang neq: “Anhia pỡq tễng sana yõn hái cha sanhữ loah Tangái Loõh.”

⁹ Ma alói blớh Yê-su: “Ntốq aléq thâi yõn hếq pỡq thữan?”

¹⁰ Chơ Yê-su atõng alói neq: “Bo anhia mut tâng vil, anhia lứq ramóh manoaq samiang ayẽq aluoi đõq. Anhia puai ntun cũi cũai ki. Dõng léq án mut, anhia mut dõng ki tễ. ¹¹ Chơ anhia atõng cũai ncháu dõng ki neq: “Thâi yoc ẽ blớh mới neq: Nlếq clõng tamoi? Tâng clõng ki cứq yoc ẽ cha pêl bũ sanhữ Tangái Loõh cốp tốp rien tễ cứq.”

¹² Moâm ki án lứq sadoi muoi clõng toâr tâng tran pỡng yõn anhia. Clõng ki bữn dù nheq máh crong tadõng. Chơ anhia thữan tâng clõng ki.”

¹³ Chơ alói bar náq pỡq, cốp alói ramóh samoât máh Yê-su khoiq atõng alói. Ngkíq alói thữan muoi pêl sanhữ Tangái Loõh. ¹⁴ Toâq ngư chi-cha, Yê-su tacu cốp tốp muoi chít la bar náq ayũng atĩ án. ¹⁵ Chơ Yê-su atõng alói neq: “Cứq yoc lứq ẽ cha nguaiq cốp anhia đõq sanhữ Tangái Loõh tễ nhũang cứq ramóh túh coat. ¹⁶ Cứq atõng anhia samoât lứq, cứq tỡ bữn cha nguaiq noâng cốp anhia riang pêl nâi, yõn toau cõt rapĩeq máh ramúh noau sanhữ toâq noau cha nguaiq pêl nâi tâng tangái Yiang Sursĩ táq sôt.”

¹⁷ Moâm Yê-su pai ngkíq, án ít cachoc đõq cốp sa-ỡn Yiang Sursĩ. Chơ án pai neq: “Anhia ít cốp tampêq đõq nâi yõn anhia nguaiq. ¹⁸ Cứq atõng anhia samoât lứq, cứq tỡ bữn nguaiq noâng đõq palâi nho nâi toau toâq tangái Yiang Sursĩ táq sôt.”

¹⁹ Ân ít bễng cốp sa-ỡn Yiang Sursĩ. Chơ án pĩh bễng cốp avõi yõn alói. Cốp án pai neq: “Bễng nâi la tỡ cứq, ca cứq chiau yõn anhia. Toâq anhia cha bễng nâi, anhia sanhữ níc cứq.”

²⁰ Moâm alói cha, Yê-su táq machõng ki sĩa. Ân ít cachoc đõq, chơ án pai neq: “Đõq nâi la aham cứq. Aham nâi loõh táq tếc Yiang Sursĩ khoiq par-ữq parnai tamái cốp anhia.

²¹ “Ma bữn manoaq tễ anhia ca cha parnoi cốp cứq sanua, án lứq chếq cứq. ²² Con Yiang Cõt Cũai cóq pỡq tâng rana Yiang Sursĩ anoat yõn án pỡq. Ma hap lứq toâq pỡ cũai ca chếq án.”

23 Chơ alói tabóq manoaq blóh manoaq: “Noau toáp tẽ tốp hái ẽ táq ranáq nãi?”

Noau Toár Hồn Tông Tốp Rien Tẽ Yê-su?

24 Alói tốp rien tẽ Yê-su rasuon ratuaq noau tâng tốp alói toár hồn tẽ canốh. 25 Yê-su atông alói neq: “Tâng dũi nãi, máh cũiai puo yoc lứq cũiai proai cõt sũl alói. Cóp máh cũiai bữn chóc, ẽq lứq noau khễn alói, pai alói la cũiai đốq chuai yóu. 26 Ma anhia chỗi táq ngkíq. Khãn cũiai aléq tẽ anhia ma yoc cõt toár hồn, cóq án cõt samoat cũiai cacót. Cóp án ca ẽ cõt sốt, cóq án hâu cũiai canốh. 27 Anhia hữm cũiai aléq toár hồn, án ca tacu cha sâng, tở la án ca tẽng cớng sana? Lứq án ca tacu cha ki toár hồn. Ma cứq ớt cóp anhia samoat cũiai hâu sâng.

28 “Tốp anhia la ớt níc cóp cứq; bo cứq ramóh sa-ũi ốc túh coat, anhia tở bữn táh cứq. 29 Mpoaq cứq khoiq anoaat yỗn cứq cõt sốt. Machớng ki tẽ cứq anoaat yỗn anhia cõt sốt. 30 Cứq yỗn anhia cha nguaiq parnoi cóp cứq bo cứq cõt sốt. Cóp cứq yỗn anhia tacu rablốh nheq muoi chít la bar tốp cũiai I-sarel.”

Yê-su Atông Nhũang Tẽ Ranáq Phi-er Táq

(*Mathia 26:31-35; Mac 14:27-31; Yang 13:36-38*)

31 “Ơi Si-môn, Si-môn! Yiang Satan khoiq sễq ẽ bữn anhia. Án yoc ẽ táq túh coat anhia, ariang noau ùm nturo saro. 32 Ma cứq khoiq câu yỗn mới, đốq mới tở bữn pút ốc sa-âm. Tữ mới sa-âm loah cứq, cóq mới chuai máh sễm ai mới, yỗn alói sa-âm pacái lứq ẽn.”

33 Ma Phi-er ta-õi Yê-su neq: “Ncháu ơi! Cứq ẽ pỡq tẽ cóp

Ncháu. Khãn noau chóc tũ, tở la noau cachít, la cứq pruam cóp Ncháu.”

34 Ma Yê-su atông loah Phi-er neq: “Phi-er ơi! Nhũang ntruoi tở yũah tacar, mới lứq calốih cứq pái trỏ.”

Yê-su Patáp Ẽn Chóq Tốp Rien Tẽ Án

35 Yê-su blóh tốp rien tẽ án neq: “Bo cứq ớn anhia pỡq ma cứq tở yỗn anhia đũng tũ, tở la toai práq, tở la cộp, bo ki anhia óq ntróu tở?”

Alói ta-õi: “Héq tở bữn óq ntróu.”

36 Chơ Yê-su pai ẽn neq: “Ma sanua cứq atông anhia neq: Aléq bữn tũ, yỗn án đũng. Aléq bữn toai práq, yỗn án catoân. Aléq óq dau, yỗn án chềq au, chơ chớng dau ẽn. 37 Parnai Yiang Sursĩ atông tẽ cứq neq:

‘Noau noap án la cũiai lóih ariang cũiai canốh tẽ.’[☆]

Sanua cóq cõt rapĩeiq máh san-toiq ki pai tẽ cứq. Cóp máh santoiq canốh noau khoiq pai tẽ cứq la cóq cõt rapĩeiq tẽ.”

38 Tốp rien tẽ Yê-su atông án neq: “Ncháu ơi! Nãi! Khoiq bữn chơ bar pla dau.”

Chơ Yê-su ta-õi: “Óq. Péq chơ.”

Yê-su Câu

(*Mathia 26:36-46; Mac 14:32-42*)

39 Yê-su loáh tẽ ntốq ki pỡq chu dũal O-li-vê ẽn, la ntốq án đốq pỡq tẽ nling. Cóp máh tốp rien tẽ án pỡq cóp án tẽ. 40 Tữ alói táq pỡ ntốq ki, án atông tốp rien tẽ án neq: “Cóp anhia câu chỗi yỗn noau radũng anhia táq lóih.”

41 Yê-su loáh tẽ alói bữn sám muoi chít achoang. Chơ án sacốh racól cóp câu. 42 Án câu neq: “Mpoaq ơi! Khãn mới pruam, sễq

mới avĩaq máh ranáq ca ẽ toâq pở cứq. Ma Mpoaq chõi puai rangúh cứq yoc, ma puai samoât Mpoaq sáng yoc.”

⁴³ Chơ bữn manoaq ranẽng Yiang Sursĩ tẽ paloõng toâq pở Yê-su cớp chuai yõn mút pahõm Yê-su rời chũuq máh ranáq túh coat ki.† ⁴⁴ Yê-su sáng túh arức lứq tâng mút pahõm án. Chơ án câu nheq rangúh rahõ. Bữn pahũr loõh tẽ tở án samoât riang aham tayõq tâng cutẽq.

⁴⁵ Từ Yê-su yuor tẽ câu, án pih loah pở tốp rien tẽ án. Án hữm alới bẽq, cõ alới sáng lakéh lứq chanchõm sa-ũĩ ớc ngua. ⁴⁶ Yê-su blớh alới: “Nõq anhia bẽq? Cớq anhia tamõ! Cớp cớq anhia câu yõn vót tẽ noau radũng anhia táq lóih.”

Noau Cớp Yê-su

(*Mathia 26:47-56; Mac 14:43-50; Yang 18:3-11*)

⁴⁷ Bo Yê-su noâng atõng tốp rien tẽ án, bữn chũng cũai toâq parnoi cớp Yuda, án la tẽ tốp muoi chít la bar náq rien tẽ Yê-su. Yuda ayõng máh cũai chũng ki toâq pở Yê-su. Chơ án hũn Yê-su. ⁴⁸ Ma Yê-su blớh Yuda neq: “Nõq mới hũn cứq, Con Yiang Cõt Cũai? Mới ẽ chẽq cứq tở?”

⁴⁹ Từ tốp rien tẽ Yê-su hữm ớc ntrớu ẽ toâq, alới blớh Yê-su: “Ncháu ơi! Pĩeiq tở, hẽq tráh alới toâq dau?”

⁵⁰ Cớp manoaq tẽ alới tráh manoaq sũl cũai sớt nheq tẽ rit sang Yiang Sursĩ, ta-õh cutũr coah atoam.

⁵¹ Yê-su atõng alới neq: “Chõi! Yõn alới túng táq.”

Chơ án atót loah cutũr cũai ki yõn án cõt bán.

⁵² Chơ Yê-su pai chớq máh cũai sớt tốp tẽng rit sang Yiang Sursĩ,

máh tahan kĩaq Dõng Sang Toâr, cớp máh cũai sớt nheq sâu, alới toâq cớp án neq: “Nõq anhia dũng dau cớp cuan toâq cớp cứq samoât anhia ẽ cớp cũai savẽng? ⁵³ Cu rangái cứq õt cớp anhia tâng Dõng Sang Toâr ma anhia tở bữn táq ntrớu chớq cứq. Ma tangái nãi anhia tẽq puai rangúh anhia bữm, la ngê canám.”

Phi-er Calõih Yê-su

(*Mathia 26:57-58, 69-75; Mac 14:53-54, 66-72; Yang 18:12-18, 25-27*)

⁵⁴ Chơ alới cớp Yê-su, cớp dũng án toâq pở dõng cũai sớt nheq tẽ rit sang Yiang Sursĩ. Phi-er puai cutuaih ntun clĩ Yê-su. ⁵⁵ Toâq alới mut tâng nchõh dõng ki, alới nhúq ùih. Chơ alới tacu nghẽng ùih parnoi. Dẽh Phi-er hữ nghẽng cớp alới. ⁵⁶ Ma bữn manoaq mansẽm táq ranáq tâng dõng ki hữm Phi-er tacu nghẽng ùih. Án cloân chu Phi-er, chơ án pai neq: “Cũai nãi õt cớp Yê-su ki tẽ.”

⁵⁷ Ma Phi-er calõih Yê-su. Án pai neq: “Mói chõi la amõq! Cứq tở dáng án ki.”

⁵⁸ Chơ mahõi bar ẽn, toâq cũai canõh hữm Phi-er, cớp án pai neq: “Mói la tẽ tốp ki tẽ.”

Ma Phi-er ta-õi: “Cứq tở cõn tẽ tốp ki dánh!”

⁵⁹ Vót ki ẽn, bữn muoi ngút, bữn manoaq samiàng canõh saccoal Phi-er. Án pai: “Lứq samoât cũai nãi õt cớp Yê-su, yuaq án la cũai Cali-lê tẽ.”

⁶⁰ Ma Phi-er ta-õi: “Cứq tở dáng ntrớu mới pai.”

Bo Phi-er noâng pai ngkiq, ntroui tacar toâp. ⁶¹ Chơ Yê-su luliaq nhẽng chu Phi-er. Cớp Phi-er sanhữ loah tẽ Yê-su khoiq pai chớq án neq: “Tẽ ntroui tở yũah tacar, mới calõih cứq pái tở.”

† 22:43 22:43 Bữn máh tâm saráq tẽ mbốq tở bữn bữn rana 43 cớp 44 nãi.

62 Chơ Phi-er loõh tễ ki cớp án nhiam la-ỏq lứq.

Noau Ayê Ra-ac Yê-su
(*Mathia 26:67-68; Mac 14:65*)

63 Alới ca cớp Yê-su ayê ra-ac án cớp toân án. 64 Alới tán moat án, chơ pai neq: “Âu mới pai, mới ca tang bỗq Yiang Sursĩ, noau chooc mới.”

65 Cớp sa-ữi ramứh canõh alới acrieiq asáh án.

Yê-su Ớt Yáng Moat Mách Cũai Sốt Tốp I-sarel

(*Mathia 26:59-66; Mac 14:55-64; Yang 18:19-24*)

66 Toãq poang tarưp, máh cũai sốt nheq sâu, máh cũai sốt tốp tềng rit sang Yiang Sursĩ, cớp máh cũai yống rit, alới toãq rôm parnoi. Noau đứng Yê-su toãq pở alới. Chơ alới blớh án neq: 67 “Khân mới la lứq Crít, cớq mới atõng hếq.”

Ma Yê-su ta-õi alới neq: “Khân cứq atõng anhia, la anhia tở bữn noap cứq mỗ. 68 Cớp khân cứq blớh anhia, la anhia tở bữn ta-õi cứq mỗ. 69 Ma tễ nãi chumát cứq, Con Yiang Cốt Cũai, lứq ớt tacu coah atoam Yiang Sursĩ Sốt Toâr Lứq.”*

70 Chơ nheq tữh alới blớh án: “Mới la lứq Con Yiang Sursĩ tở?”

Yê-su ta-õi neq: “Lứq p̄ieiq ariang anhia pai.”

71 Chơ alới pai neq: “Choam hái ẽ blớh noàng cũai canõh. Hái sâng tễ bỗq án toãp pai, la pég chơ.”

23

Yê-su Ớt Yáng Moat Phi-lat
(*Mathia 27:1-2, 11-14; Mac 15:1-5; Yang 18:28-38*)

1 Bo ki nheq tốp alới ca sarhõng ẽ đứng asuoi Yê-su pở Phi-lat.*

2 Pở ntóq ki alới cauq apót Yê-su

neq: “Hếq ramóh cũai nãi radứng cũai tâng cruang hái táq tở p̄ieiq.

Án pai neq: ‘Anhia chõi muap práq thềq yỗn puo cũai Rô-ma.’ Cớp án pai án toãp la Crít, puo cũai I-sarel.”

3 Phi-lat blớh Yê-su: “Lứq ma tở bữn mới la puo cũai I-sarel?”

Yê-su ta-õi án: “Lứq p̄ieiq ariang mới pai.”

4 Chơ Phi-lat atõng máh cũai sốt tốp tềng rit sang Yiang Sursĩ, cớp máh cũai proai neq: “Cứq tở bữn ramóh muoi ốc lỏih ntrứu tễ cũai nãi.”

5 Ma alới ớn níc Phi-lat yỗn táq Yê-su. Alới pai neq: “Tễ dẫu lứq cũai nãi pởq cachúc tâng cruang Cali-lê. Moám ki án pởq cachúc pláh cruang Yudê. Sanua án toãq cachúc pở nãi ễn.”

6 Từ Phi-lat sâng alới pai án tễ cruang Cali-lê, án blớh alới, Yê-su la cũai Cali-lê, ma tở bữn. 7 Chơ toãq Phi-lat dáng Yê-su lứq cũai Cali-lê, án dáng cũai ca sốt Yê-su la puo Hê-rôt. Chơ án ớn noau đứng Yê-su pở Hê-rôt, yuaq tangái ki Hê-rôt ớt tâng vil Yarusalem tề.

Yê-su Ớt Yáng Moat Puo Hê-rôt

8 Từ Hê-rôt hữm Yê-su, án ớn lứq. Khoiq đứn lứq chơ án yoc ẽ ramóh Yê-su, yuaq án khoiq sâng sa-ữi ramứh noau atõng tễ Yê-su. Cớp án yoc ẽ hữm Yê-su táq ranáq salêh. 9 Chơ án blớh Yê-su sa-ữi ốc. Ma Yê-su tở bữn ta-õi án muoi ốc ntrứu. 10 Máh cũai sốt tốp tềng rit sang Yiang Sursĩ, cớp máh cũai yống rit, alới tayứng cauq cutóh níc Yê-su. 11 Chơ Hê-rôt cớp tahan án táq Yê-su samoát bỗ sanêh. Cớp alới ra-ac án. Alới asóp án au tuar samoát puo đốq sóp. Chơ alới yỗn noau asuoi loah

* 22:69 22:69 Ūat Khẽn 110:1 * 23:1 23:1 Phi-lat la manoaq cũai Rô-ma, án táq sốt chũop cruang Yudê.

án pở Phi-lat. ¹² Tể tangái ki Hê-rôt cốp Phi-lat cõt ratoi loah, yuaq tể nhũang alóí ra-ũan.

Noau Rươh Yê-su Cóp Cuchĩt
(*Mathia 27:15-26; Mac 15:6-15; Yang 18:39-19:16*)

¹³ Chơ Phi-lat parôm loah máh cũi sốt tốp tềng rit sang Yang Sursĩ, máh cũi sốt, cốp máh cũi proai; ¹⁴ cốp án pai chók alóí neq: “Anhia dững cũi nâi toâq pở cừq, anhia pai án radững cũi táq tở p̄ieiq. Ma cừq khoiq blóh án yáng moat anhia, cốp cừq tở bữn ramóh muoi ốc lôi h ntróu án táq samoât anhia cauq án. ¹⁵ Cốp Hê-rôt la tở bữn ramóh lôi h ntróu tể; yuaq ngkíq án dững loah cũi nâi pở cừq. Tở bữn ramóh ntróu án táq ma cóq roap tột cuchĩt. ¹⁶ Ngkíq cừq ẽ toân án, chơ cừq acláh.”

¹⁷ Puai rit tâng tangái cha bũ ki, Phi-lat cóq acláh manoaq cũi tũ.† ¹⁸ Ma máh cũi cứng ki pai muoi prớh casang lứq neq: “Dững cachĩt chíq án nâi! Acláh yõn hếq Ba-raba!”

¹⁹ Ba-raba nâi la cũi noau khoiq chók tâng cuaq tũ yuaq án cachúc cũi tâng vil ki, cốp án khoiq cachĩt cũi hỡ. ²⁰ Phi-lat yoc lứq acláh Yê-su; chơ án pai loah chók cũi cứng ki. ²¹ Ma alóí pai casang lứq ên: “Téh án tâng aluang sangcáng! Téh án tâng aluang sangcáng!”

²² Chơ Phi-lat blóh sĩa alóí cõt pái trồ neq: “Ntróu anhia hữm án táq lôi h? Cừq tở bữn ramóh ốc ntróu ma tềq cachĩt án. Ngkíq cừq toân án, chơ acláh.”

²³ Ma alóí ón níc Phi-lat, cốp alóí pai casang lứq yõn téh Yê-su tâng aluang sangcáng. Chơ máh parnai alóí cõt blểng lứq. ²⁴ Ngkíq Phi-lat yõn noau táq ariang alóí

sếq. ²⁵ Cốp án acláh Ba-raba yõn alóí, riang alóí khoiq sếq tể adóh. Ba-raba cõt tũ yuaq án cachúc cũi tâng vil ki, cốp án khoiq cachĩt cũi hỡ. Ma Phi-lat chiau Yê-su yõn alóí; alóí ẽ táq nốq la tam alóí.

Noau Téh Yê-su Tâng Aluang Sangcáng

(*Mathia 27:32-44; Mac 15:21-32; Yang 19:17-37*)

²⁶ Bo alóí dững aloõh Yê-su tể vil, alóí ramóh manoaq ramóh Si-môn tể cruang Si-rên chu tể yáng tiah vil. Alóí cốp án, cốp ón án đõl aluang sangcáng Yê-su. Chơ án puai coah cũi Yê-su.

²⁷ Bữn cứng lứq cũi puai Yê-su. Bữn dểh mansêm hỡ puai án, cốp alóí nhiam atêh. ²⁸ Ma Yê-su luliaq chu cũi; chơ án pai chók alóí neq: “Mansêm tể vil Yaru-salem ơi! Anhia chõi nhiam tể cừq. Ma anhia nhiam yõn tở anhia cốp con acái anhia bữm. ²⁹ Nỡ-ra lứq toâq tangái noau ẽ pai neq: ‘Bõn lứq cũi cũt cốp cũi tở nai canõt con. Cốp bõn lứq cũi bữn tóh, ma tở nai apu con.’ ³⁰ Tangái ki alóí ẽ sếq tể cóh neq: ‘Cóh ơi! Anhia ralíh catết chíq hếq!’

“Cốp alóí ẽ sếq tể máh đũal neq: ‘Máh đũal ơi! Anhia pul culúp chíq hếq.’”*

³¹ Chơ Yê-su sacâm ẽn neq: “Khân aluang ramoong ma noau poaiq táh, ki nốq ẽn noau ẽ táq chók aluang roõh?”‡

³² Cốp noau dững bar náq cũi lôi h, ẽ cachĩt alóí ki parnơi cốp Yê-su tể. ³³ Từ alóí toâq pở ntốq noau đốq Ntốq Nghang Cantar Plỡ, ntốq ki toâp noau cachĩt pái náq ki, téh alóí tâng aluang sangcáng. Yê-su noau téh tâng aluang sangcáng mpúng dĩ. Ma bar náq cũi lôi h

† **23:17** 23:17 Bữn máh tâm saráq tể mbốq tở bữn bữn rana 17 nâi. * **23:30** 23:30 Hô-sĩa 10:8; Sápáh Baih 6:16 ‡ **23:31** 23:31 Yê-su sacâm án la samoât aluang ramoong, ma alóí ki la samoât aluang roõh.

ki, noau téh manoaq coah atoam, manoaq coah avêr Yê-su. ³⁴ Chơ Yê-su pai neq: “Mpoaq ơi! Sêq Mpoaq táh lóih alóí ca táq cúq, yuaq alóí tở bữn dáng ntróu alóí táq.”

Chơ máh tahan tampêq tampêc Yê-su na séng anhúq, aléq bữn la thối. ³⁵ Bữn cũai sớt ớt tayúng parnơi cốp máh cũai proai yoc ẽ nhêng Yê-su. Máh cũai sớt ki ayê ra-ac Yê-su neq: “Cũai canõh ki têq án chuai amoong. Khân án lứq Crít, án ca Yiang Sursĩ rưoh, sanua yõn án chuai amoong tở án bữm.”

³⁶ Dêh máh cũai tahan ayê ra-ac án tê. Alóí avơi yõn án nguaiq blống chong, ³⁷ Cốp alóí pai neq: “Khân mới lứq puo cũai I-sarel, âu mới chuai amoong tở mới bữm.”

³⁸ Chơ noau chĩc đợq tâng pian pợng plở Yê-su neq: CŨAI NAI LA PUO CŨAI I-SAREL.

³⁹ Alóí bar nác ca noau téh parnơi cốp Yê-su, án ca manoaq ki pai atũl Yê-su neq: “Khân mới lứq Crít, âu mới chuai amoong tở mới, cốp chuai amoong hêq hỡ.”

⁴⁰ Ma án ca manoaq ẽn sươq cũai ca pai ngkiq neq: “Nốq mới tở bữn ngcõh Yiang Sursĩ táq mới? Mới cốp án ki noau táq machớng nheq. ⁴¹ Háí la p̄ieiq lứq noau táq, yuaq noau carláh đợq loah tẽ máh ranáq háí khoiq táq. Ma án, án tở bữn táq lóih ntróu.”

⁴² Chơ cũai ca sươq ki pai chóq Yê-su neq: “Yê-su ơi! Toâq mới cõt sớt nõ-ra, sêq mới chõỉ khlĩr cúq.”

⁴³ Chơ Yê-su ta-õỉ án neq: “Cúq atõng mới samoat lứq, tangái nãi toâp mới bữn ớt cốp cúq tâng cruang ien khẽ tâng paloõng.”

Yê-su Cheq Ta-õh Rangúh

(*Mathia 27:45-56; Mac 15:33-41; Yang 19:28-30*)

⁴⁴ Bo moat mandang ẽ cuvõ toâng, cõt canám chũop nheq cruang ki, toau toáq mandang priang. ⁴⁵ Moat mandang cõt pũt chíq, cốp aroaiq noau catáng tâng Dóng Sang Toâr chớng rahác cõt bar sarẽc. ⁴⁶ Yê-su u-õỉ casang lứq neq: “Mpoaq ơi! Cúq pachủ raviei cúq pỡ mới.”[✠]

Toâq án tangút pai, chơ ta-õh toâp rangúh án.

⁴⁷ Bữn manoaq sớt muoi culám nác tahan, án hữm máh ranáq nãi. Án khẽn Yiang Sursĩ, cốp án pai neq: “Lứq samoat cũai nãi la cũai tanoang o.”

⁴⁸ Nheq tũh cũai rôm cheq ki sâng ngua lứq. Chơ alóí chu nheq chu dống alóí. ⁴⁹ Máh cũai sarcoal Yê-su cốp máh mansẽm ca puai án tẽ cruang Cali-lê, alóí ớt yong-yong, tapoang nhêng máh ranáq noau táq chóq Yê-su.

Noau Túp Yê-su

(*Mathia 27:57-61; Mac 15:42-47; Yang 19:38-42*)

⁵⁰ Bữn manoaq ramúh Yô-sep tẽ tốp sớt cũai I-sarel. Án la cũai o cốp tanoang lứq. ⁵¹ Án tở bữn pruan cốp tốp sớt bo alóí táq Yê-su. Án la tẽ cruang Yudê, vil Arimathê. Cốp án nguang Yiang Sursĩ táq sớt. ⁵² Án pợq chu Phi-lat cốp sêq cumuiq Yê-su. ⁵³ Chơ án toâq alĩh cumuiq Yê-su tẽ aluang sangcáng. Án som toâq aroaiq, cốp án túp tâng ping noau tồc tâng tamáu. Ping ki noau tở yũah túp cũai. ⁵⁴ Tangái ki la noau thrũan cheq ẽ toâq Tangái Rlu.

⁵⁵ Máh mansẽm ca puai Yê-su tẽ cruang Cali-lê pợq tapun Yô-sep cốp nhêng ping Yê-su. Alóí hữm noau chóq cumuiq Yê-su tâng ping. ⁵⁶ Moâm ki alóí chu pỡ dống. Alóí thrũan crớng phuom yoc ẽ chóq tâng cumuiq Yê-su.

Cóp toaq Tangái Rlu, alói rlu tê puai óc Yiang Sursĩ khoiq patáp.

24

Yê-su Tamoong Loah

(*Mathia 28:1-10; Mac 16:1-8, 12-13; Yang 20:1-10*)

¹ Tâng tangái muoi tâng tởn ntun, tể cláih lứq máh mansêm ki pởq chu ping Yê-su. Alói dững máh cởng phuom alói khoiq thừan đởq. ² Alói hữm tamáu catáng ngoah ping ki khoiq noau vih aloỏh. ³ Ma toaq alói mut tâng ping ki, alói tở bữn hữm noâng cumuiq Yê-su. ⁴ Alói ốt tayứng ngki cở sâng dớt lứq. Ma bo ki toáp alói hữm bar náq samiang sớp au cloc lứq sarbal dếh moat. ⁵ Máh mansêm ki sâng ngcỏh lứq, chơ alói ngũq mieiq alói chu cutểq. Ma samiang ki pai chỏq alói neq: “Nỏq anhia chuaq cũai tamoong tâng nỏq nài? Nỏq nài noau đởq ống cũai cuchít. ⁶ Án ca anhia chuaq, án tở bữn ốt nài; án khoiq tamoong loah chơ. Anhia sanhữ nỏq án pai chỏq anhia bo án noâng ốt cớp anhia tâng cruang Cali-lê. ⁷ Án pai neq: ‘Con Yiang Cốt Cũai cóq toaq pở atĩ cũai sấuq. Chơ alói cachít án, téh án tâng aluang sangcáng. Ma catâm tangái pái án yuor tamoong loah.’ ”

⁸ Ngkíq mansêm ki sanhữ loah tể máh parnai Yê-su khoiq atởng. ⁹ Chơ alói chu tể ping. Alói atởng nheq máh ramứh nài yỏn tốp muoi chít la muoi noaq rien tể Yê-su dáng. Cớp alói atởng yỏn nheq máh cũai canỏh dáng tê. ¹⁰ Mansêm ca atởng ramứh nài yỏn tốp ayừng atĩ Yê-su dáng la Mari, tể vil Mac-dala, Yô-ana, cớp Mari mpiq Yacở. Cớp bữn mansêm canỏh hữ pởq cớp alói.

¹¹ Ma tốp rien tể Yê-su tở bữn noap parnai mansêm ki pai. Alói chanchỏm mansêm ki atởng tư sâng.* ¹² Ma Phi-er yuor tayứng. Án lủh toáp pở ping Yê-su. Án ngũq talễn chu ping, chơ án hữm ống aroaiq miat tâng ping ki. Chơ án chu, cớp án dớt lứq tâng mút án tể ranáq nài.

¹³ Tangái ki toáp bữn bar náq yóu Yê-su pởq tâng rana chu vil Êm-ma-ut. Vil ki yong tể vil Yaru-salem mán muoi chít la muoi ki-lỏ-mết. ¹⁴ Bo alói pởq, alói manoaq táq ntởng cớp manoaq tể máh óc alói sâng noau pai tể Yê-su. ¹⁵ Bo alói noâng táq ntởng ngkíq, Yê-su toáp pởq saponq cớp alói. ¹⁶ Ma moat alói tở bữn saccoal Yê-su. ¹⁷ Yê-su blớh alói: “Ốc ntróu anhia ratoai tể adỏh, manoaq táq ntởng cớp manoaq?”

Chơ alói tangút cớp moat múh alói ngua lứq.

¹⁸ Manoaq tể bar náq ki, ramứh Clêu-ba, blớh neq: “Nỏq mới la tamoi tâng vil Yaru-salem, ma mới tở bữn dáng ntróu noau táq bar pái tangái nài?”

¹⁹ Yê-su blớh: “Ramứh ntróu noau táq?”

Chơ alói atởng án neq: “Máh ramứh tể Yê-su, cũai tể vil Nasarết. Án la cũai tang bởq Yiang Sursĩ. Salễn lứq máh ranáq án táq cớp blểng lứq parnai án pai yáng moat Yiang Sursĩ cớp nheq tữh cũai. ²⁰ Ma máh cũai sớt tốp tểng rit sang Yiang Sursĩ, cớp máh cũai canỏh ca sớt hếq, alói cachít án, téh án tâng aluang sangcáng. ²¹ Ma bo ki, hếq chanchỏm án la cũai Yiang Sursĩ rườh đởq chuai amoong cũai I-sarel. Sanua khoiq pái tangái nài chơ tể máh ranáq ki cởt. ²² Cớp bữn mansêm tâng tốp hếq táq ntởng yỏn hếq sâng

* 24:11 24:11 Sa-ủi tâm saráq tể mbỏq tở bữn bữn rana 11 nài.

dốt lứq. Alói ki pởq tễ cláih lứq pở ping Yê-su, ²³ ma alói tở bữn ramóh cumuiq Yê-su. Chơ alói toàq pở hếq cớp pai alói hữm ranềng Yiang Sursĩ, cớp ranềng ki atởng alói pai Yê-su khoiq tamoonq loah chơ. ²⁴ Bữn cũai canỏh tễ tốp hếq pởq chu ping ki. Cớp alói hữm samoat máh mansẽm ki atởng tê, ma alói tở bữn hữm Yê-su."

²⁵ Chơ Yê-su atởng alói ki neq: "Anhia la sacũl lứq, cớp cro lứq anhia sa-âm máh parnai cũai tang bỗq Yiang Sursĩ khoiq atởng tễ mbỗq. ²⁶ Nỏq anhia tở bữn dáng Crít cớq chũuq ốc túh coat nài, ki nỏq án bữn chớq toàr lứq?"

²⁷ Chơ Yê-su ruaih loah yỗn alói dáng nheq tễ máh tâm saráq Yiang Sursĩ pai tễ án, tễ santoiq Mỏi-se chĩc yỗn toau toàq nheq parnai cũai tang bỗq Yiang Sursĩ atởng.

²⁸ Cheq alói ẽ toàq vil alói yoc ẽ ớt, ma Yê-su ẽ pởq luat vil ki. ²⁹ Ma alói catoàng án, pai neq: "Sẽq mới ớt cớp hếq voai. Khoiq tabữ chơ, cheq ẽ sadâu."

Ngkíq Yê-su mut ớt cớp alói. ³⁰ Toàq alói tacu chi-cha, Yê-su ít bẽng, cớp án sa-ỡn Yiang Sursĩ. Chơ án pỉh bẽng cớp avới yỗn alói cha. ³¹ Bo ki alói sanhữ cớp sacoal Yê-su. Chơ sarbiet toàp Yê-su. Alói tở hữm án noàng. ³² Alói manoaq pai chỏq manoaq neq: "Lứq ma tở bữn, mút pahỏm hái sâng bũi ỡn apũol bo án táq ntởng cớp hái tangái nài tâng rana, cớp bo án aloỏh yỗn hái parnai Yiang Sursĩ?"

³³ Chơ alói bar náq yuor toàp cớp pỉh chu loah pở vil Yarusalem. Alói ramóh tốp muoi chít la muoi noaq rien tễ Yê-su ớt rỏm parnỏi cớp cũai canỏh. Ngkíq

alói bữn sâng tê máh tốp rỏm ki táq ntởng, neq: ³⁴ "Lứq samoat Ncháu hái tamoonq loah! Si-mỏn khoiq ramóh án chơ."

³⁵ Chơ bar náq ki ẽn atởng alói ca rỏm ngki tễ máh ranáq alói khoiq hữm tâng rana, cớp tễ alói sacoal Yê-su bo án pỉh bẽng.

Yê-su Toàq Loah Pở Tốp Rien Tễ Án

(*Mathia 28:16-20; Mac 16:14-18; Yang 20:19-23*)

³⁶ Noàng alói táq ntởng ngkíq, cutỏ Yê-su palooch mpứng dĩ alói. Cớp án pai chỏq alói neq: "Anhia ớt ien khẽ."

³⁷ Ma alói ngcỏh lứq cớp cang-coaih, yuaq alói chanchỏm cumuiq Yê-su palỏ alói. ³⁸ Chơ Yê-su blỏh alói neq: "Nỏq anhia ngcỏh? Cớp nỏq anhia cọng tâng mút anhia? ³⁹ Anhia nhềng chu ayững atĩ cứq. Lứq cutỏ cứq toàp. Cớp anhia pởq satoaq chim cứq, chơ anhia dáng cũai, yuaq cumuiq tở bữn bữn sàiq cớp nghang riang cứq."

⁴⁰ Moàm Yê-su pai ngkíq, án apáh yỗn alói nhềng ayững atĩ án.† ⁴¹ Alói noàng tở yũah noap, cỏ alói sâng bũi la-ốq cớp dốt lứq. Ngkíq Yê-su pai chỏq alói neq: "Anhia bữn tở bữn cớng sana tâng nài?"

⁴² Alói yỗn pở án muoi béq sĩaq áng. ⁴³ Chơ án ít cha yáng moat alói toàp.

⁴⁴ Cớp Yê-su pai chỏq alói neq: "Nheq máh ốc nài cứq atởng pở anhia bo cứq noàng ớt cớp anhia. Cứq khoiq atởng anhia, cớq cớt rapĩeiq máh parnai Yiang Sursĩ atởng tễ cứq tễ mbỗq tâng phếp rit Mỏi-se, tâng parnai cũai tang bỗq Yiang Sursĩ pai, cớp tâng tâm saráq Parnai Ủat Khẽn Yiang Sursĩ hỡ."

† 24:40 24:40 Sa-ũi tâm saráq tễ mbỗq tở bữn bữn rana 40 nài.

⁴⁵ Chơ án atõng yõn alóí sapúh samoât lứq tẽ máh parnai Yiang Sursĩ. ⁴⁶ Án atõng alóí neq: “Khoiḡ noau chĩc chơ tẽ Crĩt cóq án chĩuḡ sa-ũi ốc túh coat, cóp noau cachĩt án, ma catám tangái pái án tamoong loah tẽ cuchĩt. ⁴⁷ Cóp nhơ tẽ ramúh án, cóq atõng yõn dũ cruang dáng, cũai cóq ngin lôih lêq cõt mút tamái ẽn, đõq tẽḡ Yiang Sursĩ táh lôih alóí. Dâu lứq cóq atõng tâng vil Yaru-salem. ⁴⁸ Anhia toáp cứq yõn dũng parnai nái. ⁴⁹ Cứq toáp yõn anhia bũn máh ramúh Mpoaq cứq khoiḡ ữq yõn anhia. Ma cóq anhia acoan tâng vil Yaru-salem voai, yõn toau anhia bũn Raviei Yiang Sursĩ sẽng õt cóp anhia.”

*Yê-su Chõn Loah Chu Paloõng
(Mac 16:19-20)*

⁵⁰ Chơ Yê-su dũng alóí loõh tẽ vil ki toáq pỡ vil Bê-thani ẽn. Án sacõ bar coah atĩ cóp pai ốc bốn yõn alóí. ⁵¹ Bo án noâng pai ốc bốn yõn alóí, án loõh tẽ alóí chõn loah chu paloõng. ⁵² Alóí sang Yê-su; chơ alóí chu loah pỡ vil Yaru-salem. Alóí sâng bũi lứq. ⁵³ Alóí pỡq níc chu Dõng Sang Toâr đõq khẽn cóp sa-õn Yiang Sursĩ.

Yang Chĩc Atõng Parnai O Tẽ Yê-su Crĩt Santoiq Atõng

Yang la manoaq tẽ tốp muoi chĩt la bar náq rien tẽ Yê-su. Án la a-ẽm Yacõ cốp con samiang Sê-badê. Án chĩc saráq nãi sám 85 toâq 90 cumo ntun Yê-su canõt.

Yang chĩc atõng pai Yê-su toâp la Parnai Yiang Sursĩ sãng pở cốc cutẽq nãi. Án cõt cũai cốp õt parnoi cốp cũai. Yang chĩc saráq nãi đõq yõn máh cũai sa-âm Yê-su la Con Yiang Sursĩ, án ca chuai amoong cũai. Cũai aléq roap sa-âm Con ki, cũai ki bữn tamoong mantái níc.

Yang chĩc loah máh ranáq salẽh đõq apáh Yê-su la manoaq chuai amoong ca Yiang Sursĩ khoiq ữq tẽ nhũang. Yang atõng tẽ noau táq Yê-su cốp tẻh án tẻng aluang sangcáng; án cuchĩt cốp tamoong loah. Vớt ki Yê-su apáh tẻh án yõn tốp rien tẻh án hữm loah án.

Parnai Yiang Sursĩ Cõt Sac Sâiq Machõng Cũai Tẻ

¹ Tẻ dâu lứq, bo Yiang Sursĩ tẻ yũah tẻng muoi ramủh ntróu, Parnai Yiang Sursĩ khoiq bữn chơ.* Án õt níc cốp Yiang Sursĩ. Án la lứq Yiang Sursĩ. ² Án õt cốp Yiang Sursĩ tẻ dâu lứq. ³ Nẻh án, Yiang Sursĩ tẻng túc culám khám ramủh tẻng pủn cốp tẻng pẻng. Tẻ bữn muoi ramủh ntróu Yiang Sursĩ tẻng ma tẻ bữn nẻh tẻh án. ⁴ Nẻh tẻh án yuaq bữn ỏc tamoong, cốp ỏc tamoong ki la ỏc poang yõn nẻh tẻh cũai. ⁵ Ỏc poang claq tẻng ntỏq canám, cốp ỏc canám tẻh riap pupát ỏc poang nãi.

⁶⁻⁷ Bữn manoaq samiang Yiang Sursĩ ỏn toâq atõng tẻ ỏc poang nãi. Ramủh án la Yang. Án yoc dũ náq cũai tẻq sâng tẻ ỏc poang nãi cốp sa-âm. ⁸ Yang la tẻh cởn ỏc poang nãi, ma án toâq atõng tẻ ỏc poang nãi. ⁹ Ỏc poang nãi la Yê-su Crĩt. Án la ỏc poang lứq samoát. Án toâq táq ranáq án tẻng cốc cutẽq nãi. Án aclaq poang tẻng mút pahỏm dũ náq cũai.

¹⁰ Án õt tẻng cutẽq nãi. Cutẽq nãi la án toâp tẻng, ma cũai tẻng cutẽq nãi tẻ bữn saccoal án. ¹¹ Án toâq pở cruang cutẽq án bữm, ma cũai ki tẻ bữn roap án. ¹² Ma cũai aléq roap cốp sa-âm án, án yõn cũai ki bữn chỏc tẻq cõt con acái Yiang Sursĩ. ¹³ Alỏi cõt con acái Yiang Sursĩ cở nẻh Yiang Sursĩ tẻng. Tẻ cởn ariang mansẻm canõt con, tẻh la apu amia, tẻh la puai ngẻ cũai chanchỏm.

¹⁴ Parnai Yiang Sursĩ cõt sac sâiq machõng cũai tẻ. Án õt parnoi cốp hái. Hái khoiq hữm án bữn chỏc sỏt toâh lứq machõng chỏc Con Yiang Sursĩ. Án bữn mút pahỏm yoc ẻ chuai miat máh cũai, cốp bữn mút pahỏm pẻiq níc.

¹⁵ Yang pỏq pau atõng tẻ Yê-su neq: “Cũai nãi la cứq khoiq atõng anhia neq: ‘Án toâq ntun cứq, ma án bữn chỏc hỏn tẻ cứq. Yuaq tẻ nhũang cứq tẻ yũah cõt, án khoiq bữn chơ tẻng paloỏng.’” ¹⁶ Nẻh tẻh hái khoiq bữn sa-ủi ỏc bốn, cở nẻh án chuai miat hái. ¹⁷ Yiang Sursĩ khoiq yõn tốp I-sarel bữn pẻp rit án na Mỏi-se, ma ỏc chuai miat cốp ỏc pẻiq toâq na Yê-su Crĩt. ¹⁸ Tẻ bữn cũai aléq bữn hữm Yiang Sursĩ. Ma Con Yiang Sursĩ khoiq atõng yõn máh cũai dáng tẻh Yiang Sursĩ. Yiang

* 1:1 1:1 Parnai Yiang Sursĩ la Yê-su Crĩt.

Sursĩ bữn ống muoi lám Con sâng.
 Án lĩ-ralĩ cớp Yiang Sursĩ, cớp án
 bữn muoi mút cớp Mpoaq án.”

Yang La Cũai Ca Táq Batẽm
 (Mathia 3:1-12; Mac 1:1-8; Luca
 3:1-18)

¹⁹ Nãi la parnai Yang atõng bo
 tốp I-sarel tâng vil Yaru-saleme ón
 bar pái náq tẽ tốp tẽng rit sang
 Yiang Sursĩ cớp tẽ tốp Lê-vi toaq
 blóh Yang neq: “Thâi la noau?”

²⁰ Yang ngin tẽ máh ranáq án
 táq. Án tở bữn cakéq ntróu. Án
 ta-õi alóí neq: “Cứq tở cõn Crĩt.”

²¹ Chơ alóí blóh án sĩa neq:
 “Khân ngkíq, thâi la noau? Thâi
 la Ê-li tở?”

Yang ta-õi: “Cứq tở cõn Ê-li.”

Alóí blóh sĩa: “Thâi la cũai tang
 bõq Yiang Sursĩ ca hếq ngcuang
 tở?”

Yang ta-õi alóí: “Tở cõn.”

²² Alóí blóh sĩa: “Khân ngkíq,
 thâi la noau? Sếq mới atõng hếq,
 đõq hếq chu atõng loah cũai ca ón
 hếq toaq pở nãi. Sếq mới atõng
 hếq, mới la noau?”

²³ Yang ta-õi alóí machóng par-
 nai Ê-sai, la cũai tang bõq Yiang
 Sursĩ, khoiq atõng neq:

“Cứq la ‘sương sabau casang tẽ
 ntõq aiq neq:

Cóq anhia cháh báng yõn
 tanoang rana yõn Ncháu
 hái.’”[☆]

²⁴⁻²⁵ Bữn cũai tẽ tốp Pha-rasi
 toaq blóh sĩa Yang neq: “Khân
 mới tở cõn Crĩt, tở la Ê-li, tở la
 cũai tang bõq Yiang Sursĩ ca hếq
 ngcuang, nõq mới táq batẽm yõn
 cũai?”

²⁶⁻²⁷ Yang ta-õi loah neq: “Cứq
 táq batẽm na đõq sâng, ma bữn
 manoaq toaq ntun cứq. Sanua án
 tayõng mpúng dĩ anhia, ma anhia
 tở bữn sacoal án. Cứq tở bữn dĩ

chóc đẽh leh cansái cớp tẽ ayũng
 án, yuaq cứq la chóc cacót lứq.”

²⁸ Máh ranáq nãi cõt tâng vil Bê-
 thani, yáng tooh crõng Yờ-dan
 pở ntõq Yang đõq táq batẽm.

Yang Atõng Tẽ Yê-su

²⁹ Máh tangái parnõ ẽn, Yang
 hữm Yê-su toaq pở án. Yang pai
 neq: “Tĩh! Anhia nhêng! Án
 la Cũu Con tẽ Yiang Sursĩ. Án
 la riang charán noau kiac sang
 yõn Yiang Sursĩ, đõq Yiang Sursĩ
 táh lỏih nheq tũh cũai. ³⁰ Cứq
 khoiq atõng chơ tẽ án neq: ‘Bữn
 manoaq toaq ntun cứq, ma án
 bữn chóc toár hõn tẽ cứq. Tẽ
 nhũang cứq tở yũah cõt, án khoiq
 bữn chơ tâng paloõng.’ ³¹ Tẽ
 nhũang, cứq tở bữn dáng án la
 Crĩt. Ma cứq khoiq táq batẽm
 toaq đõq yõn tốp I-sarel tẽq dáng
 án la noau.”

³² Yang atõng loah máh ranáq
 án khoiq hữm chơ neq: “Cứq
 khoiq hữm Raviei Yiang Sursĩ
 sếng tẽ paloõng ariang chóm
 tariap. Chơ Raviei Yiang Sursĩ õt
 loáng cớp án. ³³ Tangái ki cứq
 tở yũah dáng tẽ máh ranáq
 Yê-su yoc ẽ táq, ma Yiang Sursĩ
 ón cứq táq batẽm toaq đõq atõng
 cứq neq: ‘Tũ mới hữm manoaq
 ca bữn Raviei Yiang Sursĩ sếng õt,
 lứq án nãi la cũai táq batẽm toaq
 Raviei Yiang Sursĩ.’ ³⁴ Lứq cứq
 khoiq hữm chơ ốc nãi. Cứq atõng
 anhia samoat lứq, Yê-su nãi la lứq
 Con Yiang Sursĩ.”

*Cũai Ca Rien Tẽ Yê-su Nhũang
 Lứq*

³⁵ Tangái parnõ ẽn, Yang ca táq
 ranáq batẽm õt loah tâng ntõq ki
 parnõi cớp bar náq rien tẽ án.
³⁶ Tũ án hữm Yê-su pởq pha, án
 nhêng chu Yê-su, cớp án pai neq:

“Ki! Anhia nhêng! Ân toáp la Cũu Con tễ Yang Sursĩ.”

³⁷ Từ bar náq rien tễ Yang sâng án pai ngkiq, alói puai Yê-su.
³⁸ Yê-su luliaq cóp hũm alói bar náq puai án, chơ án blóh alói neq: “Ntróu anhia ẽ bũn, anhia puai cứq?”

Alói ta-ôi: “Thâi ốt nléq?”

³⁹ Yê-su ta-ôi alói neq: “Anhia toáp nhêng.”

Ngkiq bar náq ki puai Yê-su cóp alói hũm ntốq Yê-su ốt. Chơ alói ốt cóp Yê-su nheq muoi tangái ki, yuaq khoiq toáp mandang ralóh chơ.

⁴⁰ Anrê, a-ẽm Si-môn Phi-er, la manoaq tễ alói bar náq ca khoiq sâng Yang atōng, chơ alói puai Yê-su. ⁴¹ Anrê pốq toáp ramóh Si-môn, ai án, chơ atōng án neq: “Hếq khoiq ramóh chơ Me-sia, án ca Yang Sursĩ ruoh đốq chuai amoong cũai.” (Tâng parnai Créc noau đốq án la Crít.)

⁴² Anrê đưng Si-môn toáp pố Yê-su. Yê-su nhêng chu Si-môn cóp atōng án neq: “Mới la ramúh Si-môn, con samiang Yô-na. Ma sanua cứq amúh mới ramúh tamái ẽn la Sê-pha.” (Ramúh Sê-pha tâng parnai Créc la Phi-er, cóp Phi-er parlong loah la ‘tamáu’.)

⁴³ Mách tangái parnữ ẽn Yê-su chanchóm ẽ pốq chu cruang Cali-lê. Từ án pốq, án ramóh Phi-lip, cóp atōng án neq: “Cóc mới puai cứq!”

⁴⁴ Phi-lip ốt muoi vil cóp Anrê cóp Phi-er. Ramúh vil ki la Bet-sada. ⁴⁵ Chơ Phi-lip ramóh Na-thañal cóp atōng án neq: “Hếq khoiq ramóh chơ án ca Mõi-se khoiq chĩc tâng Tâm Saráq Phêp Rit tốp I-sarel. Cóp máh cũai tang bỗq Yang Sursĩ tễ mbỗq atōng tễ cũai nãi tễ. Ramúh án la Yê-su, con samiang Yô-sep tễ vil Na-sarết.”

⁴⁶ Ma Na-thañal blóh neq: “Loõh lưv ntróu tễ vil Na-sarết?”

Phi-lip ta-ôi: “Áu mới pốq nhêng saliq voai.”

⁴⁷ Từ Yê-su hũm Na-thañal toáp pố án, ki Yê-su atōng tễ Na-thañal neq: “Án nãi la cũai I-sarel lứq samoát. Ân tở bũn bũn loang ngê tở o.”

⁴⁸ Na-thañal blóh Yê-su: “Nốq thâi dáng tễ mứt cứq?”

Yê-su ta-ôi án neq: “Tễ nhũang Phi-lip tở yũah arô mới, bo mới ốt nhựp nồm tarúng, cứq khoiq dáng chơ mới.”

⁴⁹ Na-thañal pai ẽn neq: “Thâi ơi! Thâi la lứq Con Yang Sursĩ. Cóp thâi la lứq Puo cũai I-sarel.”

⁵⁰ Yê-su pai neq: “Cứq mbỗiq pai, ‘Cứq khoiq dáng chơ mới bo mới ốt nhựp aluang ki,’ ma nốq mới sa-âm toáp? Nỡ-ra mới bũn hũm ranáq toáp cũai tễ nãi ẽn!”

⁵¹ Yê-su pai ẽn: “Cứq atōng anhia samoát lứq, nỡ-ra anhia bũn hũm ranẽng Yang Sursĩ chõn sễng tễ paloõng cỗ nhơ tễ Con Yang Cốt Cũai.”

2

Noau Racoaiq Tâng Vil Cana

¹ Vót bar tangái ẽn bũn noau racoaiq lacuoi tâng vil Cana, cruang Cali-lê. Mpiq Yê-su ốt pố ki, ² cóp noau mới Yê-su cóp tốp rien tễ án toáp pố ki tễ. ³ Toáp blống nho khoiq nheq chơ, mpiq Yê-su atōng Yê-su neq: “Sanua blống alói khoiq nheq chơ.”

⁴ Yê-su ta-ôi mpiq án neq: “Tở bũn ntróu, mpiq. Nãi la tở cõn ranáq cứq. Ngư cứq táq tở yũah toáp.”

⁵ Ngkiq mpiq Yê-su atōng máh cũai táq ranáq neq: “Ntróu án ớn anhia táq, anhia táq aki.”

⁶ Tốp I-sarel bũn rit cóq ariau atĩ nhũang ẽ cha. Ngkiq ntốq ki bũn

tapoât lám khang tamáu đợc puai riit ki. Muoi khang tadõng bar pái chít aluoi đợc. ⁷ Yê-su ón cũai táq ranáq ki neq: “Sanua anhia chỏq đợc yõn poanh máh khang ki.”

Chơ alói chỏq đợc li tambớ khang. ⁸ Vớt ki Yê-su ón alói ẽn neq: “Sanua anhia puoc đợc tẽ khang nài; chơ aloõh yõn thâu kẽ nguaiq.”

Cũai táq ranáq đững đợc ki toâq pở thâu kẽ. ⁹ Chơ thâu kẽ nguaiq chim, ma đợc ki khioq cõt blõng nho. Thâu kẽ ki tở dáng tẽ léq blõng nài toâq, ma cũai táq ranáq puoc đợc ki dáng. Ngkíq thâu kẽ arô cũai ca ỉt lacuoi, ¹⁰ cốp án pai neq: “Toâq noau mơi tamoi, noau đợc aloõh blõng ẽm nhũang voai yõn tamoi nguaiq. Toâq tamoi nguaiq sa-ũĩ chơ, ki nõq noau aloõh blõng ntiah ẽn. Ma trở nài anhia aloõh blõng ẽm ntun lứq.”

¹¹ Yê-su táq yõn đợc cõt blõng tâng vil Cana cruang Cali-lê. Nài la ranáq salẽh trở đầu lứq án táq. Án táq ngkíq đợc apáh chỏc án. Ngkíq tốp rien tẽ án sa-âm án. ¹² Vớt ki Yê-su, mpiq án, a-ẽm samiang án, cốp tốp rien tẽ án, pởq chu vil Cabê-na-um. Alói ớt ngki bar pái tangái.

Yê-su Mut Tâng Dõng Sang Toâr Tốp I-sarel

(*Mathia 21:12-13; Mac 11:15-17; Luca 19:45-46*)

¹³ Cheq ẽ toâq tangái tốp I-sarel cha sanhữ loah Tangái Loõh.* Ngkíq Yê-su chõn pở vil Yarusalem. ¹⁴ Tâng Dõng Sang Toâr tốp I-sarel, Yê-su ramóh cũai chẻq chõng ntroõq, cũu, cốp chỏm tariap. Cốp bữn cũai lẹq práq hữ tâng ntỏq ki. ¹⁵ Ngkíq Yê-su táq muoi ntreh samữ đợc proaih,

chơ án proaih atũih aloõh nheq charán tẽ dõng sang ki, dẻh cũu cốp ntroõq. Cốp án cutỏl chít máh cachõng cũai lẹq práq toau máh práq sa-ar nheq. ¹⁶ Chơ Yê-su ón cũai chẻq chỏm tariap ki neq: “Anhia aloõh chít tariap tẽ ntỏq nài. Anhia chõĩ táq dõng Mpoaq cúq cõt samoât dõng.”

¹⁷ Tốp rien tẽ Yê-su sanhữ loah tẽ noau khioq chĩc tâng tâm saráq Yiang Sursĩ tẽ mbỏq neq:

“Mút pahõm cúq sâng pasẻq lứq dõng sang Yiang Sursĩ; cõt samoât ũih thal tâng mút pahõm cúq.”[☆]

¹⁸ Moâm ki tốp I-sarel blớh Yê-su neq: “Tẻc ntróu thài apáh yõn hẻq dáng thài bữn chỏc táq ranáq nài?”

¹⁹ Yê-su ta-õĩ alói neq: “Khân talõh dõng sang nài, chơ cúq táq loah tâng pái tangái la moâm toâp.”

²⁰ Cũai I-sarel blớh loah Yê-su: “Hẻq táq dõng sang nài nheq pôn chít tapoât cumo. Ma nõq thài pai thài táq dõng sang nài moâm tâng pái tangái sâng?”

²¹ Ma santoiq ki Yê-su sacâm tẽ tở án bữm la samoât dõng sang. ²² Toâq vớt Yê-su cuchĩt, chơ tamoong loah, tốp rien tẽ Yê-su sanhữ loah tẽ santoiq Yê-su pai nài. Chơ alói noap lứq tâm saráq Yiang Sursĩ cốp máh santoiq Yê-su pai.

²³ Yê-su ớt loah tâng vil Yarusalem máh tangái tốp I-sarel cha sanhữ loah Tangái Loõh. Bo Yê-su ớt ntỏq ki bữn chửng cũai sa-âm án, yuaq alói hữm ranáq salẽh án táq. ²⁴ Ma Yê-su tở bữn noap alói, yuaq án dáng tâng mút pahõm nheq tữh cũai. ²⁵ Án tở bữn túh noau atõng án tẽ mút pahõm

* **2:13** 2:13 Tangái ki alói sanhữ tangái Yiang Sursĩ chuai yõn alói loõh tẽ cruang Ê-yip-tỏ tẽ mbỏq. [☆] **2:17** 2:17 Ủat Khẻn 69:9

cūai, yuaq án khoiq dáng samoât lứq chơ tể mút pahôm cūai.

3

Yê-su Táq Ntông Cóp Ni-cudem

¹ Bữn manoaq tể tốp Pha-rasi, ramúh Ni-cudem. Án la tể tốp sôt cūai I-sarel. ² Bữn muoi sadâu án toâq pở Yê-su cớq pai neq: “Thâi oi! Hếq khoiq dáng chơ thâi toâq tể Yiang Sursĩ. Tở bữn noau tềq táq ranáq salễh machớng thâi táq, khân Yiang Sursĩ ma tở bữn chuai yỗn táq máh ranáq ki.”

³ Yê-su ta-ơi án neq: “Cứq atởng mới samoât lứq, khân cūai aléq ma tở bữn sết loah, án lứq tở tềq hữm Yiang Sursĩ táq sôt.”

⁴ Chơ Ni-cudem blớh loah Yê-su neq: “Nớq cūai khoiq thâu ma tềq sết loah? Lứq aléq la tở tềq mut noâng tâng púng mpiq cớq sết loah muoi trở ền!”

⁵ Yê-su ta-ơi loah án neq: “Cứq atởng mới samoât lứq, khân bữn cūai aléq ma tở bữn sết na dờq cớq na Raviei Yiang Sursĩ, cūai ki lứq tở tềq mut tâng tốp Yiang Sursĩ sôt. ⁶ Khân cớh na cūai la cūai sâng, ma khân cớh na Raviei Yiang Sursĩ la bữn Raviei án tâng mút pahôm. ⁷ Mới chõi dót tể sântoiq cứq pai, anhia cóq sết loah. ⁸ Patoat cuyal phát tề, chu léq án yoc ể phát, lứq án phát chu ki. Mới tềq sâng hồ cuyal ki, ma mới tở dáng tể léq án toâq, cớq tở dáng chu léq án pờq. Machớng cuyal ki tề yỗn nheq tữh cūai ca sết loah na Raviei Yiang Sursĩ.”

⁹ Vót Yê-su pai ngkíq Ni-cudem blớh loah neq: “Dót ớq! Nớq tềq cūai sết loah?”

¹⁰ Yê-su ta-ơi loah neq: “Mới la thâi atởng cūai I-sarel, ma mới tở bữn sapúh ramúh nâi tở? ¹¹ Cứq atởng mới samoât lứq, hếq atởng tể máh ramúh hếq khoiq dáng, cớq hếq aloỏh máh ramúh

hếq khoiq hữm chơ, ma tở bữn noau tể anhia noap sântoiq hếq. ¹² Cứq khoiq atởng anhia tể máh ramúh tâng cutềq nâi, ma anhia tở bữn sa-âm cứq, casõn cứq atởng máh ramúh tâng paloỏng ền, nớq tềq anhia sa-âm? ¹³ Tở nai bữn cūai chõn chu paloỏng. Bữn ống manoaq sâng khoiq chõn chu paloỏng. Manoaq nâi la Con Yiang Cốt Cūai, án ca khoiq sềng tể paloỏng.

¹⁴ “Tể mbỏq Mòi-se ayỏng cusân sapoan tâng ntốq aiq. Nỡ-ra noau ayỏng Con Yiang Cốt Cūai machớng ki tề. ¹⁵ Ngkíq, khân cūai aléq ma sa-âm án, cūai ki bữn tamoong mantái níc. ¹⁶ Yiang Sursĩ bữn ống muoi lám Con sâng. Cỗ án ayooq lứq nheq tữh cūai, ngkíq án yỗn Con án sềng ốt tâng cutềq nâi. Cūai aléq sa-âm Con án, raviei cūai ki tở nai cuchit pút, ma bữn tamoong mantái. ¹⁷ Yiang Sursĩ tở bữn ón Con án sềng pở cutềq nâi dờq sữq cūai, ma Yiang Sursĩ yoc ể chuai amoong nheq tữh cūai cỗ nhơ tể Con án.

¹⁸ “Cūai aléq khoiq sa-âm Con Yiang Sursĩ, Yiang Sursĩ lứq tở bữn táq cūai ki. Ma cūai aléq tở bữn sa-âm, Yiang Sursĩ dadỏq ể táq cūai ki, cỗ cūai ki tở bữn sa-âm Con Yiang Sursĩ. ¹⁹ Yiang Sursĩ dadỏq ể táq cūai la cỗ neq: Ốc poang khoiq toâq pở cutềq nâi, ma cūai pasếq ốc canám hữn tể ốc poang, yuaq ranáq alới táq la sâuq. ²⁰ Nheq tữh cūai ca táq ranáq sâuq kêt lứq ốc poang. Alới tở ểq ể toâq pở ốc poang, yuaq alới ngcỏh noau dáng tể máh ranáq sâuq alới táq. ²¹ Ma cūai aléq ca puai ranáq p̄ieiq, alới yoc lứq toâq pở ốc poang. Alới yoc ốc poang apáh alới trỉh nheq máh ngê Yiang Sursĩ yoc alới táq.”

Yang Ca Táq Batêm Atõng Ẽn Tễ Yê-su

²² Moâm Yê-su pai ngkiq, án cốp tốp rien tễ án mut tâng cruang Yudê. Alói õt pỡ ki táq batêm yõn cũi. ²³ Bo ki Yang táq batêm tâng ntốq Anôn cheq vil Salim, yuaq ntốq ki bữn sa-ũi dờq. Cốp máh cũi toâq níc pỡ Yang ẽq án táq batêm yõn alói. ²⁴ (Bo ki, noau tỡ yũah chốq Yang tâng cuaq tũ.)

²⁵ Vót ki tốp rien tễ Yang rasuon cốp manoaq cũi I-sarel tễ rit sambráh. ²⁶ Chơ tốp rien tễ Yang toâq pỡ Yang cốp atõng án neq: “Thâi ơi! Manoaq ca õt cốp thâi, bo thâi õt yáng ki crõng Yôr-dan, án ca thâi khoiq atõng yõn hếq dáng, sanua án táq batêm yõn cũi tê. Cốp nheq tữh cũi toâq pỡ án.”

²⁷ Yang ta-õi alói neq: “Cũi tỡ tềq bữn muoi ramúh ntrứu, khân Yiang Sursĩ tỡ bữn yõn án bữn. ²⁸ Anhia dáng chơ cứq khoiq pai neq: ‘Cứq tỡ cõn Crít. Ma Yiang Sursĩ ớn cứq toâq nhũang Crít.’ ²⁹ Ốc nâi la samoât parnai sacâm neq: Khân bữn manoaq pỡq racoaiq lacuoi, yóu án tềq pỡq parnoi cốp án. Ma yóu tỡ tềq ndõm lacuoi án. Manoaq án toâp tềq ndõm. Ma yóu ca pỡq cantrĩng ki, alói lứq sâng bũi tê. Ngkiq cứq la machóng yóu ki tê. Sanua cứq bữn moang ốc bũi óh, yuaq Crít khoiq toâq chơ. ³⁰ Án ki cóq cõt toâr achõn, ma cứq cóq cõt cacót asẽng.

³¹ “Án ca toâq tễ pỡng, án toâr clũi nheq tễ canõh. Án ca toâq tễ cutẽq, án sốt ớng tâng cutẽq, cốp án atõng tễ ramúh tâng cutẽq sâng. Ma án ca toâq tễ paloõng, án toâr nheq tễ canõh. ³² Án ki atõng máh ramúh án khoiq hữm cốp sâng chơ, ma tỡ bữn noau yoc ẽ tamúng sãntoiq án. ³³ Aléq

noap sãntoiq án pai, cũi ki ngin Yiang Sursĩ la p̄ieiq lứq. ³⁴ Yiang Sursĩ khoiq ớh Yê-su toâq atõng parnai Yiang Sursĩ. Yuaq ngkiq, Yiang Sursĩ yõn Yê-su bữn moang Raviẽi án. ³⁵ Mpoaq ayooq Con, cốp chiau túc ramúh yõn án cõt sốt. ³⁶ Cũi aléq sa-âm Con Yiang Sursĩ, cũi ki lứq bữn tamõng mantái. Ma cũi aléq tỡ bữn trĩh Con ki, cũi ki tỡ nai bữn tamõng mantái, ma Yiang Sursĩ dadõq níc ẽ táq án.”

4

Yê-su Táq Ntõng Cốp Mansẽm Tễ Cruang Sa-mari

¹ Tốp Pha-rasi khoiq sâng noau pai Yê-su bữn sa-ũi cũi rien tễ án, cốp án táq batêm yõn cũi sa-ũi hõn tễ Yang. ² Ma lứq p̄ieiq, atĩ Yê-su tỡ bữn táq batêm yõn cũi, ma ớng tốp rien tễ Yê-su toâp táq ranáq ki. ³ Tỡ Yê-su dáng tốp Pha-rasi khoiq sâng noau pai ngkiq, chơ án loõh toâp tễ cruang Yudê, cốp án pih chu loah pỡ cruang Cali-lê. ⁴ Ma rana Yê-su ẽ pỡq, án cóq pha cruang Sa-mari. ⁵ Tâng cruang Sa-mari án toâq pỡ vil Sukha. Vil ki cheq ntốq ruang Yacốp yõn Yô-sep con samiang án tễ mbốq. ⁶ Cốp bữn dờq parniq tâng ntốq ki, Yacốp khoiq píq tễ mbốq. Yê-su sâng lakéh lakiei, yuaq án pỡq níc tâng rana. Ngkiq Yê-su tacu cheq dờq parniq ki; ma khoiq cheq mandang toâng chơ.

⁷ Bữn manoaq mansẽm Sa-mari toâq ớh dờq. Chơ Yê-su pai chốq mansẽm ki: “Sẽq mới yõn cứq nguaiq tê dờq mới, ời tồh!”

⁸ (Tốp rien tễ Yê-su khoiq mut tâng vil ẽ chõng crõng sana.) ⁹ Mansẽm ki pai chốq Yê-su neq: “Âu! Nốq mới la cũi I-sarel, ma

sêq nguaiq đờq tễ cứq? Cứq la cūai Sa-mari.”

Án pai ngkiq yuaq tốp I-sarel tở bữn ratoi cốp tốp Sa-mari. ¹⁰ Yê-su pai loah chóq án neq: “Khân mới dáng ntróu Yiang Sursĩ ẽ chuai miat, cốp khân mới dáng cūai ca sêq nguaiq đờq tễ mới, ngkiq mới lứq sêq loah tễ án; chơ án yỗn mới bữn đờq têq yỗn tamooing.”

¹¹ Mansêm ki ta-ôi Yê-su neq: “Thâi ơi! Thâi ỏq cớng puoc đờq, cốp đờq parniq nâi yarũ lứq. Ngkiq tễ lếq thâi bữn đờq têq yỗn tamooing? ¹² Achúc achiac hái, Yacốp, khoiq píq đờq đờq parniq nâi yỗn hái. Án cốp nheq con samiang án, dềh charán đống án, nheq tữh alóí nguaiq đờq parniq nâi tễ tễ đời mbốq. Nổq thâi sốt hữn tễ Yacốp tở?”

¹³ Yê-su ta-ôi án neq: “Cūai aléq nguaiq đờq tễ parniq nâi, án noâng ẽ khlac sĩa. ¹⁴ Ma cūai aléq bữn nguaiq đờq tễ cứq yỗn, cūai ki tở nai khlac noâng. Lứq samoat, đờq cứq yỗn án cõt ariang đờq mec hoi níc tâng mút pahõm án. Cốp đờq ki yỗn án bữn tamooing mantái.”

¹⁵ Mansêm ki pai neq: “Thâi ơi! Sêq thâi yỗn cứq nừng đờq ki. Ien cứq tở bữn khlac noâng, cốp tở bữn toâq ỏh noâng tễ đờq parniq nâi.”

¹⁶ Yê-su ta-ôi án neq: “Mới chu coaiq cayac mới pở đống, chơ mới pởq loah pở nâi nơ.”

¹⁷ Mansêm ki pai: “Cứq tở bữn bữn cayac.”

Yê-su ta-ôi: “Lứq p̄ieiq mới pai mới tở bữn bữn cayac. ¹⁸ Ma mới khoiq bữn cayac sớng náq chơ. Cốp samiang ca ỏt cốp mới sanua, án tở cõn cayac mới. Lứq p̄ieiq ariang mới khoiq pai.”

¹⁹ Mansêm ki pai loah neq: “Thâi ơi! Mbõiq nâi nổq cứq dáng thâi la cūai tang bỗq Yiang Sursĩ. ²⁰ Achúc achiac hếq khoiq sang Yiang Sursĩ dũn chơ tâng cõh nâi, ma anhia tốp I-sarel pai nỏq sang Yiang Sursĩ la cốp ỏng tâng vil Yaru-salem sâng.”

²¹ Yê-su pai neq: “Ồi ơi! Cứq pai samoat lứq. Cheq ẽ toâq tangái cūai ca yoc ẽ sang Mpoaq hái tâng paloõng, alóí tở bữn cốp sang án tâng cõh nâi tở la tâng vil Yaru-salem. ²² Anhia tốp Sa-mari tở yũah dáng samoat lứq noau anhia sang. Ma hếq tốp I-sarel khoiq dáng samoat chơ noau hếq sang, yuaq Yiang Sursĩ chuai amoong cūai la cõ nhơ tễ tốp I-sarel. ²³ Ma cheq ẽ toâq, cốp khoiq toâq chơ tangái cūai ẽ sang samoat samoi, alóí ki sang Mpoaq hái tâng paloõng nheq tễ mút pahõm cốp p̄ieiq lứq. Mpoaq hái yoc lứq cūai sang án ngkiq. ²⁴ Yiang Sursĩ la lứq Yiang, tở cõn cūai. Ngkiq, cūai aléq yoc ẽ sang án cốp sang nheq tễ mút pahõm cốp sang yỗn p̄ieiq.”

²⁵ Moâm Yê-su pai ngkiq, mansêm ki pai ên neq: “Cứq khoiq dáng chơ nỡ-ra lứq toâq án ca Yiang Sursĩ ruroh đờq chuai amoong cūai, án ca noau đờq ramứh Crít. Tở án toâq, án atõng yỗn hái dáng tễ dũ ramứh.”

²⁶ Yê-su pai chóq án neq: “Cứq táq n্তõng cốp mới sanua, la án ki toâp.”

²⁷ Bo ki tốp rien tễ Yê-su toâq loah pở án. Alóí sâng đót lứq Yê-su táq n্তõng cốp mansêm ki. Ma tở bữn noau tễ tốp alóí blớh mansêm neq: “Ntróu mới ẽ bữn?” Cốp tở bữn noau blớh Yê-su: “Nổq thâi táq n্তõng cốp án?”

²⁸ Vớt ki mansêm ki táh đờq aluoi đờq án; chơ án chu atõng

yõn cũai tâng vil ki dáng.
 29 Mansẽm ki pai neq: “Âu, anhia põq nhêng manoaq cũai ca atõng cứq tẽ máh ranáq cứq khoiq táq. Cũai nâi lứq Crít tỡ?”

30 Ngkíq máh cũai tâng vil ki loõh chu ntõq Yê-su õt.

31 Bo máh cũai ặ loõh tẽ vil noâng dĩ ria rana, tốp rien tẽ Yê-su pasit án neq: “Thâi ơi, chi-cha dõỉ voai.”

32 Ma Yê-su ta-õỉ alõỉ neq: “Cứq bữn crõng sana cha, ma anhia tỡ bữn dáng crõng ki.”

33 Ngkíq tốp rien tẽ Yê-su, manoaq blóh manoaq neq: “Bữn cũai dũng crõng sana yõn án cha tỡ?”

34 Yê-su pai loah neq: “Crõng sana cứq la táq puai rangứh án ca ỏn cứq toáq, cớp táq moám ranáq án yõn cứq táq. 35 Lứq ma tỡ bữn hái dốq ể pai neq: ‘Noâng pỏn casâi ển toáq catữ sot?’ Ma cứq atõng anhia neq: Anhia tapoang nhêng chu sarái. Saro ki khoiq chĩn chớ, cớp toáq ngư sot chớ. 36 Cũai sot tâng sarái ki, lứq án roap cớng. Cớp ranáq án táq cõt palâi neq: Cũai bữn tamoong mantái. Ngkíq cũai choat cớp cũai sot, alõỉ mpruam sâng bũi. 37 Dốq noau pai neq: ‘Cũai nâi choat. Cũai ki sot.’ Sântoiqu nâi p̄ieiq lứq. 38 Cứq khoiq ỏn anhia sot tâng sarái anhia tỡ bữn táq. Cũai canỏh khoiq táq sarâng lứq tâng sarái ki chớ, ma anhia ỉt palâi tẽ cớng rêng alõỉ.”

39 Cũai Sa-mari sa-ũỉ náq tẽ vil ki sa-âm Yê-su cõ nhớ mansẽm ki atõng alõỉ neq: “Cũai ki khoiq atõng cứq nheq tẽ máh ranáq cứq khoiq táq.”

40 Ngkíq, tỡ cũai Sa-mari toáq pỡ Yê-su, alõỉ catoâng án yõn õt cớp alõỉ. Chớ Yê-su õt bar tangái tâng ntõq ki. 41 Cớp bữn

sa-ũỉ náq ển sa-âm, toáq alõỉ sâng parnai Yê-su atõng. 42 Máh cũai sa-âm pai chớq mansẽm ki neq: “Tẽ nhũang hếq sa-âm Yê-su la cõ tẽ mới atõng hếq, ma sanua hếq khoiq sâng parnai án atõng. Ngkíq hếq dáng samoát lứq án nâi la cũai chuai amoong nheq tữh cũai.”

Yê-su Táq Bán Con Samiang Cũai Sốt

43 Vót tẽ bar tangái ki, Yê-su loõh tẽ ki ể pỡq pỡ cruang Cali-lê. 44 Tẽ nhũang Yê-su khoiq pai chớ neq: “Cũai tang bớq Yiang Sursĩ, tỡ bữn noau yám noap án tâng cruang án bữm.”

45 Tỡ Yê-su toáq pỡ cruang Cali-lê, máh cũai Cali-lê tabỏp án bũi o, yuaq alõỉ khoiq hữm máh ranáq án táq pỡ vil Yaru-salem tâng tangái tốp I-sarel cha bũi puai phễp rit Tangái Loõh.* Bo ki bữn đếh cũai Cali-lê pỡq pỡ vil Yaru-salem.

46 Yê-su pỡq loah pỡ vil Cana tâng cruang Cali-lê. Tâng vil ki bo nhũang, Yê-su khoiq táq yõn dớq cõt blõng nho. Tâng vil ki bữn manoaq cũai sốt bữn con samiang bếq tua a-ỉ pỡ vil Cabê-na-um. 47 Tỡ cũai sốt nâi sâng noau pai Yê-su khoiq loõh tẽ cruang Yudê cớp toáq pỡ cruang Cali-lê, án toáq pỡ Yê-su, cớp án sếq Yê-su pỡq chu vil Cabê-na-um cớp táq bán con samiang án. Yuaq con án cheq ể cuchit chớ. 48 Yê-su atõng án neq: “Khân anhia tỡ bữn hữm tếc salêh tỡ la ranáq salêh, anhia tỡ nâi sa-âm.”

49 Cũai sốt ki ta-õỉ neq: “Ncháu ơi! Sếq Ncháu pỡq cớp cứq, satỏm bo con cứq noâng ta-moong.”

* 4:45 4:45 Tangái ki alõỉ sanhữ tangái Yiang Sursĩ chuai alõỉ loõh tẽ cruang Ê-yip-tỏ tẽ mbớq.

⁵⁰ Yê-su ta-ôi án neq: “Pờq! Mới chu. Sanua con samiang mới lữq tở bữn cuchit.”

Ngkíq cũi sớt ki sa-âm santoiq Yê-su; chơ án chu. ⁵¹ Bo án noâng dĩ ria rana; án ramóh cũi táq ranáq án. Cũi ki atõng án neq: “Con samiang ncháu môih loah chơ.”

⁵² Cũi sớt ki blóh alói bo léq con samiang án môih loah. Alói atõng án neq: “Con ncháu pút cutâu tở tangái mahái bo mandang priang.”

⁵³ Chơ, cũi sớt ki sanhữ loah bo ki Yê-su atõng án neq: “Sanua con samiang mới lữq tở bữn cuchit.”

Ngkíq cũi sớt ki cốp nheq đồng sũ án sa-âm Yê-su. ⁵⁴ Nại la trỗ bar Yê-su táq ranáq salêh tâng cruang Cali-lê vót án loah tễ cruang Yudê.

5

Yê-su Táq Bán Cũi Ớt Cheq Amống

¹ Ntun ki Yê-su pờq chu vil Yaru-salem tâng tangái tốp I-sarel cha bũi puai rit alói. ² Tâng vil Yaru-salem, cheq ngoah toong ramứh Ngoah Toong Cừu, bữn muoi amống đờq. Tâng parnai I-sarel amống nài noau đờq Bê-thada. Pêr amống nài bữn sỡng lám ntrỡn. ³ Cứng lữq cũi a-ĩ bẻq tâng ntrỡn ki: Bữn cũi sớt, cũi yốt, cốp cũi a-ĩ coang. (Máh cũi a-ĩ ki ớt acoan đờq tâng amống ki canoâq, ⁴ yuaq bữn manoaq ranẻng Yiang Sursĩ sẻng táq yỗn đờq cõt canoâq. Toâq đờq ki canoâq, alẻq ca sẻng nhũang tâng đờq, tam án a-ĩ ntrớu la cõt bán nheq.)* ⁵ Ntỏq ki bữn manoaq samiang a-ĩ khoiq pái chít tacual cumo chơ. ⁶ Yê-su hữm cũi ki bẻq tâng ntỏq ki. Cốp Yê-su dáng cũi ki a-ĩ khoiq dũn lữq chơ.

Ngkíq Yê-su blớh án: “Mới yoc ẻ cõt bán tở?”

⁷ Cũi ki ta-ôi: “Achuaiah ời! Tở bữn noau chuai asẻng cứq tâng đờq amống nài toâq đờq nài canoâq. Cứq yoc ẻ sẻng tê ma tở bữn satỏm, yuaq bữn cũi canỏh sẻng chíq nhũang cứq.”

⁸ Yê-su atõng án neq: “Mới yuor tayứng! Ỉt chĩa mới! Chơ mới pờq!”

⁹ Bo ki toâp cũi a-ĩ ki cõt bán thâng. Án ỉt chĩa, cốp án pờq. Tangái ki la Tangái Rlu puai rit tốp I-sarel.

¹⁰ Ngkíq bữn cũi I-sarel atõng cũi cõt bán ki neq: “Tangái nài la Tangái Rlu. Puai rit hái mới tở tẻq đứng chĩa mới tâng tangái nài.”

¹¹ Ma cũi ki ta-ôi neq: “Án ca táq bán cứq a-ĩ, ỏn cứq neq: ‘Mới ỉt chĩa mới; chơ mới pờq.’”

¹² Tốp alói blớh loah án neq: “Noau ỏn mới ỉt chĩa mới; chơ mới pờq?”

¹³ Ma cũi ki tở bữn dáng noau táq yỗn án bán, yuaq biet chíq Yê-su tâng cũi cứng. ¹⁴ Toâq ntun ẻn, tâng Đổng Sang Toâr Yê-su ramóh loah cũi khoiq bán a-ĩ ki. Chơ Yê-su atõng án neq: “Sanua mới khoiq bán chơ. Mới chỗi táq noâng ranáq lỏih. Khân mới táq lỏih, cỗh lờ mới ramóh túh coat cũi tễ nhũang ẻn.”

¹⁵ Cũi ki loah tễ ntỏq ki, cốp án atõng yỗn tốp I-sarel dáng Yê-su khoiq táq yỗn án cõt bán.

Yê-su Atõng Cũi I-sarel

¹⁶ Cỗ tian Yê-su táq máh ranáq salẻh tâng Tangái Rlu, yuaq ngkíq tốp I-sarel chuaq ngẻ ẻ táq án.

¹⁷ Yê-su atõng alói neq: “Mpoaq cứq noâng táq níc ranáq toau sanua, cốp cứq táq machỏng ki tê.”

* 5:4 5:4 Sa-ủi tâm saráq tễ mbỏq tở bữn bữn santoiq tâng mpứng dĩ bar lám carvang nài.

18 Cỗ Yê-su pai ngkiq, tốp I-sarel chuaq sa-ũi ngê ẽ cachit án. Alói pai Yê-su táq bar ramúh tở p̄ieiq. Tở cởn ống án táh phễp rit Tangái Rlu sânq, ma án đởq Yiang Sursĩ la Mpoaq án hỡ. Án pai ngkiq la machóng án pai án lĩ-ralı cốp Yiang Sursĩ tẽ.

19 Yê-su atõng tốp I-sarel neq: “Cứq atõng anhia samoat lứq, cứq Con Yiang Sursĩ tở tẽq táq muoi ốc ntróu ống manoaq cứq. Con táq puai samoat án hữm Mpoaq án táq. Ranáq ntróu Mpoaq táq, Con lứq táq machóng ki tẽ. 20 Cỗ Mpoaq ayooq Con, yuaq ngkiq Mpoaq apáh Con túc ranáq án táq. Nỡ-ra Mpoaq ẽ apáh yõn Con táq ranáq toâp cũi tẽ nãi, yõn anhia sânq đót lứq. 21 Yuaq riang Mpoaq yõn cũai khoiq cuchit tẽq tamoong loah, machóng ki tẽ Con yõn ốc tamoong pỡ nheq tữh cũai án yoc ẽ yõn. 22 Mpoaq tở bữn rablớh noau. Ma án yõn Con án bữn chóc đởq rablớh cũai. 23 Ngkiq, cũai aléq yoc ẽ yám noap Mpoaq, cũai ki cốp yám noap Con machóng ki tẽ. Cũai aléq ma tở bữn yám noap Con, cũai ki tở bữn yám noap Mpoaq tẽ, án ca ớn Con toâq pỡ cutêq nãi.

24 “Cứq atõng anhia samoat lứq, cũai aléq tamứng parnai cứq, cốp sa-âm án ca ớn cứq toâq tẽ, cũai ki bữn tamoong mantái cốp noau tở bữn rablớh ẽ táq án noâng. Án khoiq vót tẽ ốc cuchit; noâng án bữn ống ốc tamoong sânq. 25 Cứq atõng anhia samoat lứq, cheq ẽ toâq cốp khoiq toâq chớ tangái máh cũai khoiq cuchit, tẽq bữn sânq srong Con Yiang Sursĩ; chớ raviei alói bữn tamoong.† 26 Yuaq Mpoaq bữn chóc yõn cũai tamoong, ngkiq án

yõn Con bữn chóc tẽq yõn cũai tamoong tẽ. 27 Cốp Mpoaq khoiq yõn Con bữn chóc đởq rablớh cũai, yuaq án la Con Yiang Cốt Cũai. 28 Anhia chõ đót santoiq nãi, yuaq lứq toâq tangái cũai khoiq cuchit cốp noau tởp tâng ping, alói bữn sânq srong Con ki, 29 chớ alói loõh tẽ ping. Cũai aléq khoiq táq ranáq o, cũai ki loõh cốp tamoong ien khẽ. Ma cũai aléq khoiq táq ranáq sânq, cũai ki loõh tẽ, ma noâng noau rablớh cốp yõn roap tởt. 30 Cứq tở tẽq táq ntróu puai rangúh cứq bữm. Ma cứq sữq puai loah cứq sânq Mpoaq cứq sữq. Ngkiq cứq sữq tanoang lứq, yuaq cứq tở bữn puai rangúh cứq bữm, ma cứq puai rangúh án ca ớn cứq toâq.

31 “Khân cứq atõng tẽ ngê cứq bữm, parnai nãi tở bữn lứq ntróu. 32 Ma Mpoaq cứq atõng tẽ cứq tẽ, cốp cứq dáng parnai án atõng tẽ cứq la p̄ieiq lứq. 33 Anhia khoiq ớn noau toâq pỡ Yang, cốp Yang atõng parnai lứq p̄ieiq. 34 Ma cứq tở bữn nhe tẽ parnai cũai atõng sânq. Cứq atõng anhia ốc nãi yõn Yiang Sursĩ tẽq chuai amoong anhia. 35 Yang la samoat tabong noau tacat yõn poang. Anhia yoc ẽ bữn ốc poang tẽ án mahõi sânq. 36 Ma toâp hỡn tẽ parnai Yang khoiq atõng tẽ cứq, la bữn ranáq Mpoaq cứq chiau yõn cứq táq. Ngkiq ranáq nãi toâp apáh yõn cũai dáng Mpoaq cứq ớn cứq toâq. 37 Cốp Mpoaq cứq, án ca ớn cứq toâq, án khoiq atõng tẽ cứq. Anhia tở nãi sânq srong án, tở la hữm roáp án, 38 cốp parnai án tở bữn ớ tâng mút anhia, yuaq anhia tở bữn sa-âm án ca Mpoaq ớn toâq. 39 Anhia chuaq rien sa-ũi tẽ parnai Yiang Sursĩ,

† 5:25 5:25 Cũai cuchit la sacâm máh cũai ca tở bữn dáng cốp tở bữn sa-âm Con Yiang Sursĩ.

yuaq anhia chanchóm têq bữn tamooŋ mantái cồ như tể anhia rien parnai ki. Cóp parnai Yiang Sursĩ toáp atõng tể cứq, ⁴⁰ ma noâng anhia tở êq toáp pở cứq yõn anhia bữn tamooŋ mantái.

⁴¹ “Tở bữn ntróu khân cũai khễn cứq. ⁴² Ma cứq dáng chơ anhia. Cứq dáng anhia tở bữn ayooq Yiang Sursĩ tâng mút pahõm anhia. ⁴³ Cứq khoiq toáp pở nãi bữn chóc tể Mpoaq cứq, ma noâng anhia tở êq roap cứq. Ma khân bữn cũai canõh toáp cleũ chóc án bữm, cháỉ lứq anhia roap án ki. ⁴⁴ Anhia yoc lứq cũai canõh khễn anhia, ma anhia tở bữn chuaq yõn Yiang Sursĩ khễn anhia; ớng án toáp lứq Yiang. Ngkíq, nõq têq anhia sa-âm? ⁴⁵ Ma anhia chõỉ chanchóm cứq ẽ cauq anhia pở Mpoaq cứq. Lứq cutõ Mõi-se toáp cauq anhia, án ca anhia ngcuang chuai anhia. ⁴⁶ Ma khân anhia lứq sa-âm Mõi-se, ki anhia sa-âm cứq tê, yuaq Mõi-se khoiq chĩc tể cứq. ⁴⁷ Ma khân anhia tở bữn sa-âm parnai Mõi-se khoiq chĩc ki, nõq anhia têq sa-âm parnai cứq atõng sanua?”

6

Yê-su Siem Sõng Ngìn Náq Cũai (Mathia 14:13-21; Mac 6:30-44; Luca 9:10-17)

¹ Vót ki, Yê-su yang loah clóng Cali-lê. Dờq clóng nãi noau dờq la clóng Tubê-riat hờ. ² Clứng lứq cũai puai Yê-su, yuaq alóỉ khoiq hữm máh ranáq salêh án táq bán cũai a-ĩ. ³ Yê-su chõn tâng cớh, chơ án tacu ntốq ki cốp tốp rien tể án. ⁴ Bo ki cheq ẽ toáp tangái tốp I-sarel cha sanhữ Tangái Loõh.* ⁵ Tở Yê-su tapoang achõn, án hữm clứng cũai toáp pở án; chơ án pai chóq Phi-lip neq: “Ntốq aléq hái

ẽ chõng cớng sana yõn dũ máh cũai nãi cha?”

⁶ Yê-su blớh ngkíq yoc ẽ chim Phi-lip sâng, yuaq án khoiq dáng chơ ranáq án yoc ẽ táq. ⁷ Phi-lip ta-õỉ neq: “Khân noau tuthẽ bar culám tangái, chơ ít práq cớng ki chõng sana yõn máh cũai nãi cha, tở yũah dũ manoaq muoi mẽng.”

⁸ Bữn manoaq ẽn tốp rien tể Yê-su ramứh Anrê, a-ẽm Si-môn Phi-er. ⁹ Anrê pai neq: “Bữn manoaq carnẽn samiang õt nnãi. Án bữn sõng lám bẽng cốp bar lám sĩaq. Ma nõq têq khám yõn nheq tữh cũai nãi cha?”

¹⁰ Yê-su ta-õỉ án neq: “Yõn cũai clứng nãi tacu.”

Tâng ntốq ki bữn sa-ũỉ bát sanlan; chơ alóỉ tacu ngki. Nheq tữh cũai samiang carsai ki bữn sám sõng ngìn náq. ¹¹ Yê-su ít bẽng ki, cốp sa-õn Yiang Sursĩ. Moâm ki án tampêq yõn máh cũai tacu ngki. Alóỉ tũng cha máh léq alóỉ yoc ẽ cha. Chơ án táq machớng ki tê cốp sĩaq. ¹² Tở nheq tữh cũai cha pasai chơ, Yê-su ớn tốp rien tể án neq: “Anhia parõm loah máh ngcáh mbéh clũỉ tể alóỉ cha. Chõỉ yõn khlaiq muoi ramứh ntróu.”

¹³ Ngkíq alóỉ parõm loah máh ngcáh tể sõng lám bẽng ki, bữn muoi chít la bar cruo clũỉ tể noau cha.

¹⁴ Toáp máh cũai ki hữm Yê-su táq ranáq salêh nãi, alóỉ pai neq: “Lứq samoát, cũai nãi la manoaq tang bõq Yiang Sursĩ, ca Yiang Sursĩ khoiq ớn toáp pở cốc cutêq nãi.”

¹⁵ Tở Yê-su dáng máh cũai ki chanchóm ẽ cốp án cốp ếp án yõn cõt puo, chơ án loõh chĩq tể ntốq ki. Án chõn sĩa chu cớh ớng manoaq án.

* 6:4 6:4 Tangái ki alóỉ sanhữ tangái Yiang Sursĩ chuai yõn alóỉ loõh tể cruang Ê-yip-tô tể mbóq.

Yê-su Pờq Ayững Tâng Cloong Dỡq
(*Mathia 14:22-33; Mac 6:45-52*)

¹⁶ Toâq tabữ, tốp rien tể Yê-su sểng pờ tor clóng. ¹⁷ Chơ alới chồn tâng tuoc ể yang coah tooh clóng, pờq chu vil Cabê-na-um. Paloong khoiq canám, ma Yê-su tở yũah toâq pờ alới. ¹⁸ Cuyal phát rêng lứq, cốp dờq canoâq. ¹⁹ Từ tốp rien tể Yê-su voah tuoc khoiq clũi tapoát ki-lô-mết chơ, alới hữm Yê-su pờq ayững tâng cloong dờq cheq ể toâq pờ tuoc alới. Cốp alới sâng ngcõh lứq. ²⁰ Ma Yê-su atõng alới neq: “Nâi la cutõ cừq. Anhia chõi ngcõh ntrứu.”

²¹ Moâm ki, alới yõn Yê-su chồn tâng tuoc; cốp bo ki toâp tuoc alới toâq pờ tor bân ntốq alới ể pờq.

Yê-su Atõng Tể Bểng Sểng Tể Paloong

²² Poang tarup parnõ cũai chững ki noâng ốt tâng tor yáng nâi. Alới dáng tabữ mahái bân ntốq nâi bữn ổng muoi lám tuoc sâng. Cốp alới dáng Yê-su tở bữn chồn tâng tuoc ki cốp tốp rien tể án. Ma ổng tốp rien tể án toâp ốt tâng tuoc ki. ²³ Ma tangái ki bữn tuoc canõh toâq tể vil Tubê-riat. Tuoc nâi toâq pờ tor cheq ntốq Yê-su khoiq sa-õn bểng cốp yõn cũai chững cha. ²⁴ Từ cũai chững ki dáng Yê-su cốp tốp rien tể án tở bữn ốt noâng ntốq ki, ngkiq alới chồn tâng tuoc cốp pờq pờ vil Cabê-na-um chuaq Yê-su.

²⁵ Từ alới ramóh Yê-su coah tooh dờq ki, alới blóh án neq: “Thâi ơi! Bo léq thâi toâq pờ nâi?”

²⁶ Yê-su ta-õi alới neq: “Cứq atõng anhia samoát lứq, anhia chuaq cứq tở cõn cõ anhia khoiq hữm ranáq salêh cứq táq, ma lứq anhia chuaq cứq cõ tangái mahái

anhia khoiq cha pasâi tể cớng sana cứq yõn. ²⁷ Anhia chõi táq ranáq chi-chuaq cớng sana tâng dời nâi. Yuaq sana nâi tềq nsóq. Ma cớq anhia táq ranáq chi-chuaq cớng sana ca táq yõn anhia tềq tamoong mantái. Sana nâi Con Yiang Cõt Cũai toâp tềq yõn anhia bữn, yuaq Yiang Sursĩ, Mpoaq án, khoiq yõn án bữn chóc táq ngkiq.”

²⁸ Chơ tốp alới blóh Yê-su neq: “Hếq cớq táq ntrứu dờq táq ranáq Yiang Sursĩ yõn hếq táq?”

²⁹ Yê-su ta-õi alới neq: “Ranáq Yiang Sursĩ yõn anhia táq la neq; Cớq anhia sa-âm án ca Yiang Sursĩ ớn toâq pờ nâi.”

³⁰ Tốp alới blóh sĩa: “Tết salêh ntrứu thâi ể táq yõn tềq hếq hữm cốp sa-âm thâi? Ntrứu noâq thâi ể táq? ³¹ Achúc achiac hếq tể mbỏq cha bểng tể paloong tâng ntốq aiq. Ốc nâi noau khoiq chĩc chơ tâng tâm saráq Yiang Sursĩ neq: ‘Án yõn alới cha bểng ca sểng tể paloong.’”*

³² Yê-su ta-õi loah alới neq: “Cứq atõng anhia samoát lứq, tở cõn Mõi-se yõn anhia cha bểng tể paloong. Ma ổng Mpoaq cứq toâp yõn anhia cha bểng lứq samoát, la bểng án asểng tể paloong. ³³ Bểng Yiang Sursĩ yõn ki sểng tể paloong, cốp bểng nâi yõn nheq tữh cũai bữn tamoong.”

³⁴ Alới ta-õi loah neq: “Thâi ơi! Sểq thâi yõn hếq bữn níc bểng ki.”

³⁵ Yê-su atõng alới neq: “Cứq nâi toâp la bểng yõn cũai bữn tamoong. Cũai aléq toâq pờ cứq, cũai ki tở nai sâng panhieih. Cốp cũai aléq sa-âm cứq, cũai ki tở nai khlac.

³⁶ “Ma lứq samoát cứq atõng anhia chơ, anhia khoiq hữm cứq, ma noâng anhia tở bữn sa-âm

* 6:31 6:31 Loõh Tể Ê-yip-tô 16:4; Nê-hamia 9:15; Ủat Khển 78:24-25

cứq. ³⁷ Nheq máh cūai ca Mpoaq cứq yõn toâq pở cứq, lứq cūai ki toâq pở cứq. Cớp nheq tữh cūai ca toâq pở cứq, cứq tở nai tuih alói. ³⁸ Yuaq cứq sêng tể paloõng tở cõn cứq ẽ puai rangứh cứq bữm, ma cứq ẽ puai rangứh án ca ớn cứq toâq pở nâi. ³⁹ Rangứh án ca ớn cứq toâq la neq: “Án tở ẽq yõn pứt manoaq tể máh cūai ca án khoi q yõn cứq bữn. Cớp toâq tangái parsót án yoc cứq yõn nheq tữh cūai ki tamoong loah tể ping. ⁴⁰ Yuaq Mpoaq cứq yoc nheq tữh cūai dáng Con án cớp sa-âm Con án, lứq bữn tamoong mantái. Cớp toâq tangái parsót cứq yõn nheq tữh cūai ki tamoong loah tể ping.”

⁴¹ Moâm Yê-su pai ngkiq, cūai I-sarel ki loai bubéq-bubựp tể Yê-su, yuaq án khoi q pai: “Cứq la bẻng sêng tể paloõng.”

⁴² Tỏp alói pai neq: “Lứq ma tở bữn cūai nâi la Yê-su, con Yô-sep? Hái dáng mpiq mpoaq án. Nỏq án tẻq pai án sêng tể paloõng?”

⁴³ Yê-su ta-õi alói ki neq: “Anhia chõi loai noâng tở cớt ớc. ⁴⁴ Khân Mpoaq cứq tâng paloõng, án ca ớn cứq toâq pở nâi ma tở bữn tẻc cūai yõn toâq pở cứq, lứq tở bữn noau tẻq toâq pở cứq. Cớp toâq tangái parsót, cūai alẻq ca toâq pở cứq, cứq yõn cūai ki bữn tamoong loah tể ping. ⁴⁵ Noau khoi q chĩc tâng tâm saráq cūai tang bỏq Yiang Sursĩ neq:

‘Yiang Sursĩ ẽ arĩen nheq tữh alói.’^{*}
Cūai alẻq tamứng santoi q Mpoaq cớp rien tể án, cūai ki lứq toâq pở cứq. ⁴⁶ Lứq tở bữn noau hữm Mpoaq tâng paloõng, ma ớng án ca toâq tẻ Yiang Sursĩ toâp khoi q hữm Mpoaq. ⁴⁷ Cứq atởng anhia samoât lứq, cūai alẻq ma sa-âm cứq, cūai ki lứq bữn tamoong

mantái. ⁴⁸ Cứq la bẻng yõn máh cūai bữn tamoong. ⁴⁹ Achúc achiac anhia khoi q cha mana tể paloõng tâng ntỏq aiq, ma noâng alói cuchĩt. ⁵⁰ Ma bẻng nâi sêng tể paloõng; khân cūai alẻq cha bẻng nâi, cūai ki tở bữn cuchĩt noâng. ⁵¹ Cứq la bẻng tamoong ca khoi q sêng tể paloõng. Khân cūai alẻq cha bẻng nâi, cūai ki bữn tamoong mantái. Bẻng nâi la sâi q cứq, ca cứq lứq yõn nheq tữh cūai bữn tamoong mantái.”

⁵² Moâm Yê-su pai ngkiq, cūai I-sarel rasuon ratuaq cớp blớh neq: “Nỏq tẻq cūai nâi yõn hái cha sâi q án?”

⁵³ Yê-su atởng loah alói neq: “Cứq atởng anhia samoât lứq, khân anhia tở bữn cha sâi q Con Yiang Cớt Cūai cớp tở bữn nguai q aham án, anhia tở tẻq bữn tamoong mantái. ⁵⁴ Cūai alẻq cha sâi q cứq cớp nguai q aham cứq, cūai ki bữn tamoong mantái; cớp toâq tangái parsót, cứq yõn án tamoong loah tể ping. ⁵⁵ Yuaq sâi q cứq la crớng sana pĩei q lứq, cớp aham cứq la crớng nguai q pĩei q lứq. ⁵⁶ Cūai alẻq cha sâi q cứq cớp nguai q aham cứq, cūai ki ớt muoi mút cớp cứq, cớp cứq ớt muoi mút cớp án. ⁵⁷ Mpoaq cứq tâng paloõng, án ca yõng nỏm ớc tamoong, án khoi q ớn cứq toâq. Cứq tamoong cõ nhơ Mpoaq cứq tâng paloõng yõn cứq tamoong. Machớng ki tẻ, cūai alẻq cha cứq, cūai ki bữn tamoong cõ nhơ cứq. ⁵⁸ Nâi la bẻng sêng tể paloõng. Bẻng nâi mpha tể bẻng tể paloõng ca achúc achiac hái cha tể mbỏq. Alói cha mana ki, ma noâng alói cuchĩt. Ma cūai alẻq cha bẻng cứq yõn, cūai ki bữn tamoong mantái.”

⁵⁹ Máh santoi q nâi Yê-su atởng

tâng đống sang tốp I-sarel tâng vil Cabê-na-um.

⁶⁰ Sa-ũi nác tể tốp puai Yê-su tamúng Yê-su atông ngkiq, cốp alóí pai neq: “Coat lứq santoiq án atông nâi. Noau têq dáng máh ọc ki?”

⁶¹ Yê-su dáng tốp puai án bubéq-bubup ngkiq; chơ án atông alóí neq: “Toâq anhia sâng ọc nâi, anhia tở ẽq puai noâng tở?” ⁶² Khân ngkiq, nỏq anhia chanchóm khân anhia hữm Con Yiang Cốt Cũai chôn loah chu ntốq án ốt tể nhũang? ⁶³ Lứq Raviei Yiang Sursĩ toâp táq yỗn raviei cũai bữn tamoong, ma sâiq cũai tở bữn kia ntróu. Máh santoiq cứq khoiq atông anhia, santoiq ki atông tể raviei, cốp santoiq ki têq yỗn tamoong. ⁶⁴ Ma noâng bữn cũai tể anhia tở bữn sa-âm cứq.”

Yê-su pai ngkiq, yuaq án khoiq dáng tể nhũang chơ cũai aléq tở bữn sa-âm án, cốp án dáng chơ tâng tốp án toâp bữn manoaq chềq án. ⁶⁵ Cốp Yê-su pai ễn neq: “Ngkiq cứq khoiq atông anhia tể nhũang chơ, khân Mpoaq cứq tở bữn yỗn noau toâq pở cứq, lứq tở bữn noau têq toâq pở cứq.”

⁶⁶ Tở Yê-su pai máh santoiq ki, bữn sa-ũi nác tể tốp ca puai án píp chu, tở ẽq puai noâng án. ⁶⁷ Yê-su blóh tốp muoi chít la bar nác ễn: “Anhia yoc ẽ loáh tê tở?”

⁶⁸ Si-môn Phi-er ta-đi loah neq: “Ncháu ơi! Tở bữn noau hếq ẽ puai noâng. Ông Ncháu toâp bữn parnai yỗn cũai têq tamoong mantái. ⁶⁹ Hếq sa-âm cốp dáng samoât lứq, Ncháu la án ca Yiang Sursĩ rườh, cốp Ncháu la án ca bráh o lứq.”

⁷⁰ Chơ Yê-su ta-đi neq: “Cứq khoiq rườh anhia muoi chít la bar

nác. Ma bữn manoaq tể anhia puai ngê yiang sâuq.”

⁷¹ Yê-su pai ngkiq la án pai tể Yuda, con samiang Si-môn I-cari-ôt. Yuda la tể tốp muoi chít la bar nác, ma nỡ pra Yuda lứq chềq yỗn noau cachit Yê-su.

7

*Yê-su Atông Tâng Vil Yarusalem Tâng Tangái Chóh Nloah**

¹ Vót ki Yê-su pỏq pláh nheq cruang Cali-lê. Án tở ẽq mut tâng cruang Yudê, yuaq cũai I-sarel tâng cruang ki yoc ẽ cachit án. ² Ma bo cheq ẽ toâq tangái tốp I-sarel cha bũi sanhữ Tangái Chóh Nloah, ³ sễm ai Yê-su atông án neq: “O mới loáh chít tể ntốq nâi, cốp pỏq chu cruang Yudê ễn, đọq máh cũai ca puai mới têq hữm máh ranác salễh mới táq. ⁴ Yuaq khân cũai aléq yoc cũai canỏh dáng ramứh án, ki án tở bữn táq ranác cutooq. Máh ranác ntróu mới táq, cóq mới apáh yỗn dũ nác têq hữm.”

⁵ Ma lứq sễm ai Yê-su toâp tở bữn sa-âm án. ⁶ Ngkiq Yê-su ta-đi alóí neq: “Tở yũah toâq ngư cứq apáh yỗn dũ nác dáng. Ma ngư anhia pỏq, bo léq la têq. ⁷ Máh cũai tâng đởi tở têq kêt anhia, ma alóí kêt cứq yuaq cứq pai máh ranác alóí táq la sâuq lứq. ⁸ Yỗn anhia pỏq cha bũi sanhữ Tangái Nloah. Cứq tở yũah pỏq, yuaq ngư cứq pỏq tở yũah toâq.”

⁹ Moâm Yê-su pai ngkiq, án noâng ốt tâng cruang Cali-lê.

¹⁰ Ma vót sễm ai án khoiq pỏq Yê-su pỏq tê, ma án pỏq tooq tuoiq. ¹¹ Bân ntốq alóí cha bũi, cũai I-sarel chuaq Yê-su cốp blóh neq: “Nlêq án ki?”

* 7: 7:0 Tangái Chóh Nloah la tangái tốp I-sarel táq nloah ốt đở tapul tangái đọq sanhữ tangái tể mbỏq alóí ốt tâng ntốq aiq.

12 Cóp bữn cứng cũai ki táq ntông tễ Yê-su. Bữn án ca pai neq: “Yê-su la cũai o.”

Ma án ca pai: “Tở cởn. Yê-su la cũai dốq rathũ cũai canỗh.”

13 Ma tở bữn noau khỏn pai yỗn cũai canỗh tamứng, yuaq alới ngỗh cũai sốt tốp I-sarel.

14 Tâng tapul tangái noau cha bũi sanhữ Tangái Nloah. Ma catâm tangái pỏn Yê-su pỡq chu Dống Sang Toâr, cóp án tabốq atống tâng ntốq ki. 15 Tốp cũai I-sarel sâng dốt lứq, cóp alới blớh neq: “Nốq án nâi tở yũah rien, ma án dáng sa-ữi lứq?”

16 Yê-su ta-ỡi alới neq: “Máh santoiq cứq atống anhia tở bữn toâq tễ cứq bữm, ma santoiq ki toâq tễ án ca ón cứq toâq pỡ nâi. 17 Khân cũai aléq yoc ể puai rangứh Yiang Sursĩ, cũai ki bữn dáng raloih lứq santoiq cứq atống toâq tễ Yiang Sursĩ, tở la santoiq ki toâq tễ cứq bữm. 18 Cũai aléq atống parnai tễ án bữm, cũai ki chuaq ểq noau khễn án. Ma cũai aléq táq ranáq ểq noau khễn án ca ón cũai ki toâq, cũai ki la cũai lứq p̄ieiq, cóp án tở bữn bữn muoi óc ntrứu tở p̄ieiq tâng mút án. 19 Mũi-se khoiq yỗn anhia bữm phễp rit Yiang Sursĩ. Ma tở bữn noau tễ anhia trĩh phễp rit ki. Yuaq nốq anhia yoc ể cachĩt cứq?”

20 Cũai cứng ki ta-ỡi Yê-su neq: “Thâi la samoât yiang sáuq payỗh. Noau yoc ể cachĩt thâi?”

21 Yê-su ta-ỡi loah alới: “Cứq khoiq táq muoi ranáq salễh tâng Tangái Rlu mbỏiq muoi trở sâng; ma anhia sâng dốt. 22 Mũi-se yỗn anhia táq rit cút. Ma khân p̄ieiq tâng Tangái Rlu, lứq anhia táq tễ rit ki. (Ma lứq samoât rit nâi tở bữn toâq tễ Mũi-se, ma rit nâi toâq tễ achúc achiac anhia.)

23 Khân anhia tềq táq rit cút yỗn con samiang anhia tâng Tangái Rlu tở ểq táh phễp rit Mũi-se, nốq anhia ũan cứq cỗ cứq táq bán cũai a-ĩ tâng Tangái Rlu? 24 Khân anhia hữm cũai táq ntrứu, anhia chổi coáp tềq án. Ma khân anhia yoc ể tềq án, cóq anhia tutuaiq yỗn dáng samoât lứq voai.”

Yê-su Lứq Crít Tở?

25 Bữn cũai tễ vil Yaru-salem blớh neq: “Cũai nâi tở, ca noau ể cachĩt? 26 Ma sanua án ntôm atống yỗn máh cũai tamứng, cóp tở hữm noau pai ntrứu án. Cũai sốt dáng nâng tở án nâi la Crít? 27 Hái khoiq dáng chơ tễ léq Yê-su nâi toâq, ma tở Crít toâq, tở bữn noau dáng tễ léq án toâq.”

28 Ngkíq Yê-su atống casang lứq tâng Dống Sang Toâr neq: “Anhia dáng cứq víq? Cóp anhia dáng tễ léq cứq toâq tở? Tở cởn cứq chống ể toâq. Ma án ca ón cứq toâq, án ki la Yiang Sursĩ ca p̄ieiq lứq. Ma lứq samoât, anhia tở bữn dáng án. 29 Ma cứq dáng án, yuaq cứq toâq tễ án, cóp án ón cứq toâq.”

30 Moâm Yê-su pai ngkíq, bữn cũai yoc ể cóp án, ma tở bữn noau aloỏh aĩ yỗng án, yuaq tở yũah toâq ngư án cóq cuchĩt. 31 Ma tễ cũai cứng ki bữn sa-ữi náq pruum sa-âm Yê-su. Alới blớh neq: “Khân Crít toâq, lứq án táq ranáq salễh o clũi tễ án nâi táq tở?”

32 Tốp Pha-rasi sâng cũai cứng ki táq ntông neq ngkíq tễ Yê-su. Ngkíq tốp Pha-rasi cóp máh cũai sốt tốp tềng rit sang Yiang Sursĩ, alới ón ranễng alới pỡq cốp Yê-su. 33 Ma Yê-su pai neq: “Noâng bĩq tangái sâng cứq ột cóp anhia. Vót ki cứq chu loah pỡ án ca ón cứq toâq. 34 Tangái ki anhia chuaq cứq, ma anhia tở ramóh cứq. Cóp

ntốq cúq ốt, anhia tở têq pởq toàq ntốq ki.”

³⁵ Ngkíq cũai I-sarel ki manoaq blóh manoaq: “Ntốq léq cũai nài ể pởq, ma hái chuaq tở ramóh án? Nàng án ể pởq pở cũai I-sarel ca ốt cruang yong, dỏq atởng alóí ca tở cởn cũai I-sarel tâng cruang ki tở?”

³⁶ Adóh án pai neq: ‘Anhia chuaq cúq, ma anhia tở bữn ramóh cúq.’ Cóp án pai neq hỏ: ‘Ntốq cúq ốt, anhia tở têq toàq pởq chu ntốq ki.’ Ntróu toàp án pai ngkíq?”

³⁷ Tangái parsót noau cha bữi Tangái Chóh Nloàh, tangái ki la toàr clừi tể máh tangái nhũang. Tâng tangái ki Yê-su yuor tayúng cốp atởng casang lứq neq: “Khân cũai sâng ể khlac, cóq án toàq pở cúq cốp nguaiq. ³⁸ Cũai aléq sa-âm cúq, cũai ki cởt samoat dỏq yỏn tamoong, án hoi níc tể mút pahỏm cũai ki. Ớc ki khoiq noau chĩc tâng tâm saráq Yiang Sursĩ tể mbỏq.”

³⁹ Yê-su pai ngkíq, án atởng tể Raviei Yiang Sursĩ. Cũai aléq sa-âm Yê-su, nỏ-ra cũai ki lứq bữn roap Raviei Yiang Sursĩ. Ma tangái ki Raviei Yiang Sursĩ tở yũah toàq, yuaq Yê-su tở yũah cuchĩt cốp chỏn chu paloong.

⁴⁰ Tở máh cũai sâng Yê-su pai ngkíq, Bữn noau pai neq: “Cũai nài la lứq Cũai Tang Bỏq ca Yiang Sursĩ ruoh.”

⁴¹ Ma cũai canỏh pai neq: “Lứq samoat án nài la Crít.”

Ma bữn cũai canỏh ển pai neq: “Crít tở bữn toàq tể cruang Cali-lê. ⁴² Tâm saráq Yiang Sursĩ tể mbỏq pai Crít toàq tể tởng toiq Davít. Cốp Crít cóq cởt tâng vil Bet-lahem la vil Davít khoiq ốt.”

⁴³ Ngkíq cũai cứng ki muoi tốp pai nneq, muoi tốp pai ngkíq, tể Yê-su. ⁴⁴ Tâng tốp ki bữn cũai yoc

ể cốp Yê-su, ma tở bữn noau aloỏh atỉ yỏng án.

Cũai Sốt Tốp I-sarel Tở Bữn Sa-âm

⁴⁵ Vót ki manoaq tể tốp kĩaq Dỏng Sang Toàr chu loah pở máh cũai sốt tốp tểng rit sang Yiang Sursĩ, cốp pở tốp Pha-rasi hỏ. Máh cũai sốt ki blóh cũai kĩaq ki: “Nỏq anhia tở bữn cốp án?”

⁴⁶ Cũai ki ta-ỏi neq: “Hểq tở nài sâng cũai aléq táq ntởng ariang cũai nài.”

⁴⁷ Tốp Pha-rasi blóh loah: “An-hia noap tể máh parnai án phểq atởng tở? ⁴⁸ Léq anhia hữm cũai sốt tở la cũai tể tốp Pha-rasi ma sa-âm án? ⁴⁹ Ma cũai cứng nài la sacủl; alóí tở dáng ntróu tể phểp rit Mỏi-se. Ngkíq yuaq Yiang Sursĩ dadỏq ể táq alóí ki.”

⁵⁰ Bữn manoaq tể tốp cũai sốt ki, ramủh Ni-cudem. Nhũang ki án khoiq toàq ramóh Yê-su. Án blóh cũai sốt canỏh neq: ⁵¹ “Khân puai rit hái, têq tở hái sữq cũai khân tở yũah blóh án tể ranáq án táq?”

⁵² Máh cũai sốt ki ta-ỏi Ni-cudem neq: “Mỏi la toàq tể cruang Cali-lê tể tở? Khân mới chuaq salíq tâng tâm saráq Yiang Sursĩ, mới lứq tở bữn ramóh ntốq aléq ma atởng tể cũai tang bỏq Yiang Sursĩ toàq tể cruang Cali-lê.”

⁵³ Moàm ki tốp alóí loỏh tể Dỏng Sang Toàr cốp chu loah pở dỏng alóí.†

8

Mansẻm Ca Cooc Cốp Samiang

¹ Ma Yê-su chỏn tâng dũal O-li-vẻ. ² Toàq poang tarựp Yê-su pởq sĩa chu Dỏng Sang Toàr. Ớt ntốq ki bữn cũai rỏm mpẻr án cứng lứq. Ngkíq án tacu cốp atởng alóí. ³ Tốp cũai yỏng rit cốp tốp Pha-rasi dửng pở

† 7:53 7:53 Sa-ủi tâm saráq tể mbỏq tở bữn bữn rana 7:53 toàq 8:11.

án manoaq mansẽm ca cooc cốp samiang. Alói yõn mansẽm ki tayúng mpúng dĩ máh cũai ốt pẽr Yê-su. ⁴ Cốp alói atõng Yê-su neq: “Thài ơi! Bữn cũai ramóh mansẽm nài cooc cốp samiang. ⁵ Tâng phếp rit hái, Mõi-se khoiq atõng hẽq, khân cũai aléq táq tở o ngkiq, cóq cachĩt án tám chỏq tamáu. Ma nõq thài pai tẽ ốc nài?”

⁶ Alói blóh ngkiq yoc ẽ chim Yê-su. Alói chuaq ngê ẽ cauq án. Ma Yê-su ngũq asẽng chĩc toâq ndẽm atĩ án tâng cutẽq. ⁷ Từ alói ca dĩng mansẽm ki blóh níc án, Yê-su yuor cốp atõng alói neq: “Khân bữn manoaq tẽ anhia ma tở bữn lỏih ntróu, yõn án ki tám nhũang tamáu chỏq mansẽm nài.”

⁸ Chơ Yê-su ngũq asẽng chĩc sĩa tâng cutẽq.

⁹ Từ alói sâng Yê-su pai ngkiq, alói miar loõh tẽ ntốq ki, máh cũai thâu loõh nhũang, toau noâng ống Yê-su cốp mansẽm ki sâng ốt ngki. ¹⁰ Yê-su yuor tayúng cốp blóh mansẽm ki neq: “Niang ơi! Pở léq chơ máh cũai tẻq mới? Alói noâng ẽ táq tột mới tở?”

¹¹ Mansẽm ki ta-õi neq: “Tở bữn noau noâng, Ncháu ơi.”

Yê-su atõng án neq: “Ngkiq cứq tở bữn táq tột mới tẽ. Tẻq mới chu; ma chỏi táq lỏih noâng.”

Yê-su Atõng Sĩa Máh Cũai I-sarel

¹² Yê-su atõng ẽn máh cũai I-sarel neq: “Cứq la ốc poang yõn nheq tữh cũai. Cũai aléq puai cứq, lứq án tở bữn pởq tâng ntốq canám, ma án bữn ốc poang. Cũai aléq bữn ốc poang nài, cũai ki bữn dĩch ốc tamoong hỡ.”

¹³ Tỏp Pha-rasi atõng Yê-su neq: “Sanua thài atõng tẽ ngê thài

bữm. Ngkiq hẽq tở tẻq noap parnai thài.”

¹⁴ Yê-su ta-õi alói neq: “Tam cứq atõng tẽ ngê cứq bữm, ma parnai cứq lứq pĩeiq, yuaq cứq dáng tẽ léq cứq toâq cốp chu léq cứq ẽ pởq. Ma anhia tở bữn dáng tẽ léq cứq toâq cốp chu léq cứq ẽ pởq. ¹⁵ Anhia sữq cũai canỏh puai ngê tâng dĩn nài sâng, ma cứq tở bữn sữq aléq yũah. ¹⁶ Ma khân cứq sữq, máh santoiq cứq pai la pĩeiq lứq, yuaq Mpoaq ca ỏn cứq toâq, án ốt cốp cứq tẻ; tở cỏn cứq ốt manoaq cứq sâng. ¹⁷ Tâng phếp rit anhia noau khoiq chĩc neq: Khân bữn bar nác pai machỏng, ki tẻq noap ỉt ốc ki. ¹⁸ Cứq atõng tẽ tở cứq bữm, cốp Mpoaq ca ỏn cứq toâq khoiq atõng tẽ cứq tẻ.”

¹⁹ Chơ tỏp Pha-rasi blóh Yê-su: “Mpoaq thài ốt nẻq?”

Yê-su ta-õi alói neq: “Anhia tở bữn dáng cứq tở la Mpoaq cứq. Khân anhia ma dáng cứq, lứq anhia dáng Mpoaq cứq tẻ.”

²⁰ Yê-su atõng máh santoiq nài tâng Dỏng Sang Toâr cheq ntốq noau dĩq chỏq práq sang. Ma tở bữn noau cốp án yũah, yuaq ngư án cóq cuchĩt tở yũah toâq.

²¹ Moâm ki Yê-su atõng loah alói neq: “Nỡ-ra cứq lứq pởq tẽ anhia. Anhia chuaq cứq, ma anhia lứq cuchĩt tâng ốc lỏih anhia bữm. Ntốq cứq pởq, anhia tở tẻq pởq chu ntốq ki.”

²² Chơ cũai I-sarel blóh neq: “Nỏq án pai hái tở tẻq pởq chu ntốq án pởq? Nầng án ẽ yác tở?”

²³ Ma Yê-su pai ẽn: “Anhia toâq tẻ pữn, ma cứq toâq tẻ pởng. Anhia cõt tẻ cutẽq nài, ma cứq tở bữn cõt tẻ cutẽq nài. ²⁴ Cứq khoiq atõng anhia chơ, toâq anhia cuchĩt, anhia noâng bữn lỏih. Khân anhia tở bữn sa-âm cứq la

án ca chuai amoong anhia, toâq anhia cuchit, anhia noâng bữn lôi.

²⁵ Alói blóh Yê-su neq: “Thài la noau?”

Yê-su ta-ôi alói: “Cứq la án ca khoiq atông anhia tể dâu lứq ki. ²⁶ Cứq noâng bữn sa-ữi óc ền ể tểq anhia. Ma án ca ón cứq toâq la tanoang lứq. Cứq atông yõn neq tửh cũai dáng máh satoi q cứq khoiq sâng tể án.”

²⁷ Ma cũai ki tở bữn sapúh Yê-su atông tể Mpoaq tâng paloông. ²⁸ Ngkíq Yê-su atông alói neq: “Toâq tangái anhia tểh Con Yiang Cốt Cũai tâng aluang sangcáng, tangái ki anhia lứq dáng raloaih cứq la noau. Cóp bo ki anhia lứq dáng raloaih cứq tở bữn táq puai ngê cứq bữm, ma máh satoi q cứq atông la satoi q Mpoaq cứq khoiq atông cứq. ²⁹ Án ca ón cứq toâq, án ốt níc cóp cứq. Án tở bữn yõn cứq ốt manoaq, yuaq ranáq cứq táq, la cứq ểq án sâng bủ pahõm.”

³⁰ Tở noau sâng Yê-su pai ngkíq, sa-ữi náq sa-âm án.

Yê-su Atông Tể Cũai Sũl Cóp Tở Bữn Sũl

³¹ Yê-su atông cũai I-sarel ca khoiq sa-âm án neq: “Khân anhia trỉh parnai cứq atông, lứq samoât anhia cốt cũai puai cứq. ³² Chơ anhia bữn dáng óc p̄ieiq la ntrú; cóp óc p̄ieiq nài acláh anhia tể cốt sũl.”

³³ Ma máh cũai ki ta-ôi Yê-su neq: “Hếq la tống toiq A-praham. Hếq tở nài cốt sũl noau. Nốq thài pai acláh hếq tể cốt sũl?”

³⁴ Yê-su atông alói neq: “Cứq atông anhia samoât lứq, cũai aléq táq lôi, cũai ki cốt sũl óc lôi ki. ³⁵ Khân cũai aléq yoc ể táh cũai sũl, ki tềq án táh, ma con samiang án bữm, án tở nài táh. Con ki ốt níc tâng đống

án. ³⁶ Ngkíq khân Con Yiang Sursĩ acláh anhia, lứq samoât anhia tở bữn sũl noâng. ³⁷ Cứq dáng anhia la tể tống toiq A-praham. Ma noâng anhia ể cachit cứq, yuaq anhia tở ểq tamúng parnai cứq atông. ³⁸ Cứq atông máh satoi q cứq khoiq hữm tể Mpoaq cứq, ma anhia táq puai máh satoi q anhia khoiq sâng tể mpoaq anhia.”

³⁹ Cũai ki pai neq: “A-praham la mpoaq hếq.”

Ma Yê-su pai loah neq: “Khân anhia lứq tể tống A-praham, cóq anhia táq ranáq machóng A-praham tể. ⁴⁰ Cứq atông anhia óc p̄ieiq ca cứq khoiq bữn tể Yiang Sursĩ, ma anhia chanchóm ể cachit cứq. A-praham tở bữn táq riang ngkíq. ⁴¹ Anhia táq puai ranáq mpoaq anhia, ma mpoaq anhia tở cõn A-praham.”

Alói ta-ôi Yê-su neq: “Hếq la tở cõn con saríh. Hếq bữn óng muoi noaq Mpoaq sâng. Yiang Sursĩ lứq Mpoaq hếq.”

⁴² Ma Yê-su atông loah alói neq: “Khân Yiang Sursĩ lứq Mpoaq anhia, ngkíq anhia ayooq cứq, yuaq cứq toâq tể Yiang Sursĩ. Sanua cứq ốt nài, cứq tở bữn toâq puai ngê cứq bữm, ma Yiang Sursĩ ón cứq toâq. ⁴³ Nốq anhia tở bữn sapúh parnai cứq atông? Anhia tở bữn sapúh, yuaq anhia tở ểq tamúng parnai cứq. ⁴⁴ Anhia la con acái yiang Satan. Án la mpoaq anhia. Cóp anhia yoc lứq puai ngê mpoaq anhia. Tể dâu lứq, yiang Satan đốq ể cachit cũai. Án tở bữn yống óc p̄ieiq, yuaq tở bữn muoi óc p̄ieiq ntrú ốt tâng mút án. Tở án táq ntông satoi q lauq, án táq ntông parnai án bữm, yuaq án đốq lauq níc, cóp án la mpoaq óc lauq. ⁴⁵ Ma cõ cứq atông anhia óc p̄ieiq, ngkíq anhia tở bữn sa-âm cứq. ⁴⁶ Bữn noau tể anhia bữn tểc

têq cauq cứq táq lòi h tở? Khân cứq atông lứq p̄ieiq, ki nỏq anhia tở bữn sa-âm cứq? ⁴⁷ Cũai ca lứq con Yiang Sursĩ, ki án tamứng parnai Yiang Sursĩ atông. Ma anhia tở ẽq tamứng parnai Yiang Sursĩ, yuaq anhia tở cõn con Yiang Sursĩ.”

Yê-su Atông Tẽ A-praham

⁴⁸ Mách cũai I-sarel lóc acrieiq Yê-su neq: “P̄ieiq ma tở bữn hếq pai mới la cũai Sa-mari, cớp mới bữn yiang sâuq payõh hỡ?”

⁴⁹ Yê-su ta-õi alói neq: “Cứq tở bữn bữn yiang sâuq. Cứq yám noap Mpoaq cứq sâng, ma anhia tở bữn yám noap cứq. ⁵⁰ Cứq tở bữn chuaq ẽq noau khễn cứq. Ma bữn manoaq chuaq ỏc ki yõn cứq. Án ki sữq anhia cớp cứq. ⁵¹ Cứq atông anhia samoât lứq, khân bữn cũai trĩh samoât samỡi parnai cứq, cũai ki tở nai cuchĩt.”

⁵² Tữ Yê-su pai ngkĩq, cũai I-sarel pai neq: “Sanua hếq dáng samoât lứq mới bữn yiang sâuq. A-praham khoiq cuchĩt chớ. Cớp máh cũai tang bõq Yiang Sursĩ la khoiq cuchĩt nheq tê. Ma sanua mới pai khân bữn cũai trĩh parnai mới, cũai ki tở nai cuchĩt. ⁵³ Mới la toâr hỡn tẽ achúc achiac hếq A-praham tở? A-praham khoiq cuchĩt, cớp cũai tang bõq Yiang Sursĩ la cuchĩt tê. Mới chanchóm mới la noau?”

⁵⁴ Yê-su ta-õi alói neq: “Khân cứq ma khễn tở cứq bữm, ki tở bữn loõh lữ ntrứu. Án ca khễn cứq la Mpoaq cứq, án ca anhia ngĩn pai Yiang anhia. ⁵⁵ Anhia tở bữn dáng án, ma cứq dáng án. Khân cứq pai cứq tở bữn dáng án, ki cứq táq ntông lauq machớng anhia tê. Ma lứq cứq dáng án, cớp cứq trĩh parnai án. ⁵⁶ A-praham la achúc achiac anhia, án ẽr áiq lứq yoc ẽ hữm cứq toâq pở

cutẽq nâi. Án khoiq hữm ỏc nâi chớ; ngkĩq án ỡn lứq.”

⁵⁷ Mách cũai I-sarel ki pai neq: “Dỡi mới tở yũah bữn sỡng chĩt cumo. Nỏq mới pai mới khoiq hữm A-praham?”

⁵⁸ Yê-su ta-õi loah alói neq: “Cứq atông anhia samoât lứq, nhũang A-praham tở yũah cõt, cứq khoiq bữn chớ.”

⁵⁹ Moâm Yê-su pai ngkĩq, cũai I-sarel ỉt tamáu ẽ tám án. Ma Yê-su tamblóc chĩq tâng cũai cứng ki; chớ án loõh chĩq tẽ Dõng Sang Toâr.

9

Yê-su Táq Blang Cũai Sũt

¹ Bo Yê-su pởq, án hữm manoaq cũai sũt moat tẽ mpiq canõt.

² Tỏp rien tẽ Yê-su blớh Yê-su neq: “Thâi ỡi! Noau táq lòi h yõn cũai nâi cõt sũt moat tẽ mpiq canõt án? Án, tở la mpiq mpoaq án táq lòi h?”

³ Yê-su ta-õi alói neq: “Tở cõn cõ án, tở la mpiq mpoaq án, táq lòi h. Ma lứq Yiang Sursĩ ẽ apáh ranáq toâr lứq na cũai sũt nâi. ⁴ Bo noâng tangái, hái cớq táq ranáq án ca ỡn cứq toâq. Toâq sadâu, hái tở têq táq ranáq ntrứu noâng. ⁵ Bo cứq ỏt tâng cutẽq nâi, cứq la ỏc poang yõn nheq tữh cũai.”

⁶ Moâm Yê-su pai ngkĩq, án cuchóh tâng cutẽq. Án carchóc đỡq viaq cớp cutẽq yõn cõt lứq. Chớ án atia lứq tâng moat cũai sũt ki. ⁷ Yê-su ỡn cũai sũt ki neq: “Pởq! Mới pởq culĩaq moat tâng amõng Salũam.”

(Santoiq Salũam parlong loah la ‘Noau Ớn’.) Ngkĩq cũai sũt ki pởq culĩaq moat án, cớp án pĩh chu pở đồng. Moat án cõt blang.

⁸ Cũai ỏt muoi vil cớp án, cớp máh cũai ca khoiq hữm án ỏt susẽq cha tẽ nhũang, alói blớh

neq: “Nâi la cūai sūt ca đốq tacu susêq cha, p̄ieiq tở?”

⁹ Bữn cūai ta-ôi: “Lứq án.”

Ma cūai canõh pai: “Tở cõn án. Roâp cūai nâi ãn cūai sūt ki sâng.”

Ma cūai ki pai neq: “Cứq nâi la lứq cūai sūt ki.”

¹⁰ Ngkíq alóí blóh án: “Khân mới lứq cūai sūt ki, cõ nốq moat mới cõt blang?”

¹¹ Án ta-ôi alóí neq: “Bữn manoaq samiang ramúh Yê-su, án talóc lứq, chơ atia tâng moat cứq, cốp án ón cứq p̄õq culĩaq moat tâng amống Salũam. Ngkíq cứq p̄õq culĩaq moat cứq tâng amống ki, chơ moat cứq cõt blang.”

¹² Alóí blóh loah neq: “Nléq cūai ki sanua?”

Cūai ki ta-ôi: “Cứq tở dáng p̄ lếq án.”

Tổp Pha-rasi Blóh Cūai Ca Blang Moat

¹³ Moâm ki noau đũng cūai sūt ca khoiq cõt blang toâq p̄ở tổp Pha-rasi. ¹⁴ Tangái Yê-su talóc lứq cốp táq yõn moat cūai sūt cõt blang la Tangái Rlu. ¹⁵ Ngkíq tổp Pha-rasi blóh cūai sūt ki neq: “Nốq toâp mới táq ma moat mới cõt blang?”

Cūai sūt ta-ôi alóí neq: “Cūai ki atia lứq tâng moat cứq. Chơ cứq p̄õq culĩaq moat; ngkíq sanua cứq hữm raloaih.”

¹⁶ Bữn cūai tể tổp Pha-rasi pai neq: “Cūai nâi tở bữn toâq tể Yiang Sursĩ, yuaq án táh phêp rit Tangái Rlu.”

Ma bữn cūai canõh pai neq: “Nốq cūai lôih ma tềq táq ranáq salêh nneq?”

Chơ tổp Pha-rasi caryoah cõt bar tổp, muoi tổp pai nneq, muoi tổp pai ngkíq. ¹⁷ Ngkíq tổp Pha-rasi blóh sĩa cūai sūt ki neq: “Ntróu mới pai tể cūai ca táq moat mới cõt blang?”

Cūai sūt ki ta-ôi neq: “Án la cūai tang bỗq Yiang Sursĩ.”

¹⁸ Ma máh cūai I-sarel tở yũah noap cūai ki lứq sūt ma cõt blang loah. Ngkíq alóí p̄õq coaiq mpiq mpoaq án. ¹⁹ Chơ alóí blóh mpiq mpoaq án neq: “Án nâi lứq con samiang anhia tở? Lứq án sūt tể tangái anhia canõt án tở? Cõ nốq sanua moat án cõt blang?”

²⁰ Mpiq mpoaq án ta-ôi neq: “Hếq pai samoât lứq, án la lứq con samiang hếq. Cốp hếq hữm moat án sūt tể tangái hếq canõt án. ²¹ Ma nốq moat án cõt blang sanua, la hếq tở dáng tể. Cốp hếq tở dáng nâng noau táq yõn án cõt blang. Anhia blóh án. Án khoiq carsai chơ. Án tềq atõng anhia.”

²² Mpiq mpoaq cūai sūt pai ngkíq, cõ alóí ngcõh tổp I-sarel. Yuaq tổp I-sarel khoiq patâp chơ, cūai aléq ma pai Yê-su la manoaq Yiang Sursĩ rưoh đốq chuai amoong cūai, cūai ki tở tềq rôm noâng tâng đống sang alóí. ²³ Yuaq ốc ki mpiq mpoaq cūai sūt ki pai neq: “Án khoiq carsai chơ. Anhia blóh án.”

²⁴ Muoi trỗ ẽn tổp Pha-rasi arô cūai sūt ki cốp pai neq: “Cóq mới khẽn ống Yiang Sursĩ sâng. Hếq khoiq dáng chơ cūai ki la cūai lôih.”

²⁵ Ma cūai sūt ki ta-ôi neq: “Cứq tở dáng án la cūai lôih ma tở bữn. Cứq dáng ống muoi ramúh sâng. Bo nhũng moat cứq sūt, ma sanua moat cứq cõt blang!”

²⁶ Chơ tổp Pha-rasi blóh loah án neq: “Cūai ki táq ntróu yõn mới? Nốq toâp án táq yõn moat mới cõt blang?”

²⁷ Cūai sūt ki ta-ôi neq: “Cứq khoiq atõng anhia chơ, ma anhia tở bữn tamũng. Nốq noâng anhia ẽq cứq atõng sĩa? Anhia ẽ puai án tể tở?”

²⁸ Tốp Pha-rasi sâng nsóq lứq tâng mút alóí; chơ pai neq: “Mới la puai ngê cūai ki! Ma hếq puai ngê Mòi-se! ²⁹ Hếq dáng Yiang Sursĩ khoi q atōng na Mòi-se. Ma cūai ki, hếq tở dáng tể léq án toâq.”

³⁰ Cūai sūt ta-ōi neq: “Dốt oíq! Anhia tở dáng tể léq án toâq, ma án khoi q táq yỗn moat cứq cõt blang! ³¹ Háí dáng chơ Yiang Sursĩ tở bữn tamứng cūai lờih, ma án tamứng cūai yám noap án cốp puai ngê án. ³² Tể dẫu Yiang Sursĩ tểng cốc cutểq nâi, tở nai sâng bữn cūai tềq táq cūai sūt tể tangái mpiq án canốt ma cõt blang. ³³ Khân cūai ki tở bữn toâq tể Yiang Sursĩ, án tở tềq táq muoi ranáq salễh ntróu.”

³⁴ Ma tốp Pha-rasi pai ễn neq: “Mới la cūai lờih tể tangái mpiq mới canốt! Nốq mới ma yoc ể atōng hếq?”

Vót ki alóí tuih aloỏh án.

³⁵ Yê-su sâng alóí tuih cūai sūt ki. Chơ án toâq ramóh cūai ki cốp blóh án neq: “Mới sa-âm Con Yiang Cốt Cūai tở?”

³⁶ Cūai sūt ta-ōi: “Thâi oí, án ki la noau? Sêq thâi atōng cứq dáng án. Cứq yoc ể sa-âm án tề.”

³⁷ Yê-su pai loah: “Mới khoi q hữm chơ án; án ca táq ntōng cốp mới sanua, la án ki toâp.”

³⁸ Ngkíq cūai sūt ki ta-ōi: “Ncháu oí! Lứq cứq sa-âm!”

Chơ án cucỏh sang Yê-su.

³⁹ Yê-su pai ễn: “Cứq toâq pở cốc cutểq nâi đốq pác cūai. Cứq táq yỗn cūai sūt cõt blang, cốp táq yỗn cūai moat poang o cõt sūt.”*

⁴⁰ Bữn cūai tể tốp Pha-rasi sâng Yê-su pai ngkíq. Alóí blóh Yê-su

neq: “Thâi pai hếq la cūai sūt tể tở?”

⁴¹ Yê-su ta-ōi alóí neq: “Khân anhia ngin anhia la cūai sūt, anhia tở bữn bữn lờih ntróu. Ma sanua anhia pai anhia poang o, ngkíq lờih anhia noâng ốt níc cốp anhia.”

10

Cūai Mantán O

¹ Yê-su pai ễn neq: “Cứq atōng anhia samoât lứq, cūai aléq ma tở bữn mut tâng cuaq charán cữu na ngoah, ma án mut na canỏh, án la cūai savěng cốp yoc ể tutuoíq. ² Án ca mut na ngoah, án ki la cūai mantán cữu. ³ Cūai kĩaq ngoah cuaq pớh toong yỗn cūai mantán cữu mut, cốp máh cữu tamứng srong án arỏ. Án taléq ramứh cữu, cốp án đũng aloỏh máh cữu tể cuaq. ⁴ Toâq án ayông máh cữu, án pởq nhũang, cốp máh cữu puai án, yuaq cữu ki sacoal samữong án. ⁵ Ma cữu tở bữn puai cūai liaq. Lứq án lủh tể cūai liaq, yuaq án tở bữn sacoal samữong cūai ki.”

⁶ Yê-su atōng parnai sacâm nâi, ma cūai ki tở bữn sapúh ntróu án atōng.

⁷ Ngkíq Yê-su atōng loah alóí neq: “Cứq atōng anhia samoât lứq, cứq la ngoah cuaq charán cữu. ⁸ Nheq tữh cūai ca toâq tể nhũang cứq, la moang cūai savěng cốp cūai tutuoíq. Ma tốp cữu tở bữn tamứng alóí. ⁹ Cứq la ngoah cuaq. Cūai aléq mut na ngoah cuaq, cūai ki bữn tamoong. Tềq án mut loỏh chuaq cha cốp án ramóh níc crong sana. ¹⁰ Cūai savěng mut yoc ể tuiq, yoc ể cachít, cốp yoc ể talỏh pupút sâng. Ma cứq toâq yỗn máh cữu

* 9:39 9:39 Rana nâi Yê-su sacâm cūai aléq bữn lờih ma toâq ngin pở án, ki án táh lờih ki. Ốc ki la samoât cūai sūt ma cõt blang loah. Ma cūai aléq pai án tở bữn lờih ntróu, Yê-su tở tềq táh lờih án. Ốc ki la samoât cūai moat poang o, ma cõt sūt.

bữn tamoong, cốp tờ bữn ốq muoi ramứh ntróu.

¹¹ “Cứq la mantán o. Mantán o chiau rangứh án pláih yỗn cữu tềq tamoong. ¹² Cũai tuthể bán cữu, án tờ bữn ndõm cữu. Khân án hữm acho cruang toâq, án lúh táh nheq cữu. Ngkíq acho cruang palống cáp cữu; chơ máh cữu lúh pláh chap. ¹³ Cũai tuthể lúh yuaq án la cũai bán thể sâng. Án tờ bữn paséq ntróu cữu. ¹⁴⁻¹⁵ Cứq la cũai mantán o. Mpoaq tâng paloống dáng cứq, cốp cứq dáng Mpoaq tâng paloống; machống ki tê cứq dáng máh cữu cứq, cốp cữu cứq dáng cứq. Cứq bữi pláih rangứh cứq yỗn máh cữu cứq. ¹⁶ Bữn cữu canốh la khong cứq tê, ma tờ bữn ốt tâng cuaq nâi. Cứq cóq pở pong tê máh cữu ki. Nỡ-ra cữu ki tamứng srong cứq. Chơ cõt muoi tốp sâng, cốp bữn manoaq sâng la mantán. ¹⁷ Mpoaq tâng paloống ayooq lứq cứq, yuaq cứq bữi pahỏm chũuq cuchít. Cứq chũuq cuchít dòq tềq cứq tamoong loah. ¹⁸ Noau tờ tềq cachít rangứh cứq, ma cứq chống bữi pahỏm chũuq cuchít. Cứq bữn chóc cuchít ngkíq. Cốp cứq bữn chóc tềq táq rangứh cứq tamoong loah. Chóc nâi la Mpoaq cứq yỗn cứq bữn.”

¹⁹ Moâm Yê-su pai ngkíq, tốp I-sarel caryoah cõt bar tốp. ²⁰ Muoi tốp pai neq: “Lứq samoát bữn yiang sâuq payốh án. Án la cũai yúh. Nốq anhia tamứng santoiq án?”

²¹ Ma tốp canốh pai: “Khân lứq bữn yiang sâuq payốh, mỗ tềq án atống máh santoiq ki. Nốq cũai bữn yiang sâuq, ma tềq táq blang cũai sũt moat?”

Tốp I-sarel Tờ Ếq Sa-âm

²² Toâq casâi sangết tâng vil Yaru-salem, tốp I-sarel cha bữi sanhữ tangái alóí bữn loah đống sang tể mbốq.* ²³ Yê-su mut tâng Đống Sang Toâr, cốp án luloah pởq chu tâng Ntrồn Sa-lamôn. ²⁴ Tốp I-sarel rôm pể Yê-su, cốp alóí blóh án neq: “Maléq dũn noâng thâi yỗn hếq ngốh-rangốh ngcuang? Khân thâi la Crít, sếq thâi atống yỗn hếq dáng raloih.”

²⁵ Yê-su ta-ỡi alóí neq: “Cứq khoi q atống anhia chơ, ma anhia tờ bữn noap. Ranáq cứq táq la cỗ nhơ Mpoaq cứq yỗn cứq bữn chóc; ranáq ki apáh cứq toâq tể Yiang Sursĩ. ²⁶ Ma anhia tờ bữn sa-âm cứq, yuaq anhia tờ cõn tốp cữu cứq. ²⁷ Cữu cứq tamứng srong cứq. Cứq dáng án, cốp án puai cứq. ²⁸ Cứq yỗn án tamoong mantái; ngkíq án tờ nai cuchít. Cũai aléq la tờ tềq sadốh án tể atí cứq. ²⁹ Mpoaq cứq bữn chóc toâr cũi nheq tể canốh. Án yỗn cứq bữn cữu ki. Cũai aléq tờ tềq sadốh cữu ki tể atí Mpoaq cứq. ³⁰ Cứq cốp Mpoaq cứq la muoi.”

Tốp I-sarel Yoc Ế Táq Yê-su

³¹ Tờ Yê-su pai ngkíq, tốp I-sarel ít tamáu yoc ể tám chóc Yê-su.

³² Ma Yê-su atống alóí neq: “Cứq khoi q táq sa-ỡi ranáq o ìn Mpoaq cứq ớn cứq táq. Cỗ tian tể ranáq aléq ma anhia ể tám tamáu chóc cứq?”

³³ Tốp I-sarel ki ta-ỡi loah: “Hếq tờ bữn tám cỗ tian tể máh ranáq mới táq. Ma hếq ể táq mới cỗ mới acrieiq ramứh Yiang Sursĩ. Mới la cũai miat sâng, ma mới ngin mới la Yiang Sursĩ tê.”

³⁴ Yê-su atống loah alóí neq: “Tâng phễp rit anhia, bữn cũai

* **10:22** 10:22 Tangái ki alóí sanhữ achúc achiac alóí asa Đống Sang tâng sám 164 cumo nhuang tể Yê-su canốt, vót cũai Si-ri talốh đống ki khoi q pái cumo nhuang. Chơ cũai I-sarel bữn sang toam loah tâng Đống Sang ki.

chích đợc chơ Yiang Sursĩ khoiq pai neq:

'Anhia cõt samoât máh yiang tê.'*

³⁵ Hái dáng chơ parnai Yiang Sursĩ la lứq p̄ieiq. Cóp Yiang Sursĩ đợc alóí ca roap parnai án la 'yiang' tê. ³⁶ Ma cứq nài, Mpoaq cứq khoiq ruoh cứq, cóp án ón cứq toâq p̄ở cõc cutêq nài. Ngkíq, nõq anhia pai cứq acrieiq ramứh Yiang Sursĩ toâq cứq pai cứq la Con Yiang Sursĩ? ³⁷ Khân cứq tở bữn táq ranáq Mpoaq cứq, anhia chõí sa-âm cứq. ³⁸ Ma khân cứq táq ranáq Yiang Sursĩ, ma anhia noâng tở êq sa-âm cứq, cóq anhia sa-âm máh ranáq cứq táq. Ngkíq anhia têq dáng samoât lứq. Mpoaq cứq ỡt muoi mút cóp cứq, cóp cứq ỡt muoi mút cóp Mpoaq cứq."

³⁹ Moâm Yê-su pai ngkíq, tốp I-sarel chi-chuaq ngê sĩa ẽ cõp Yê-su. Ma Yê-su viaq chíq tẽ alóí; chơ alóí tở dáng bữn cõp án.

⁴⁰ Yê-su clong loah cõng Yô-dan cóp p̄ởq chu ntốq Yang đợc táq batẽm tẽ nhũang. Yê-su ỡt ntốq ki voai, ⁴¹ cóp clúng cũai toâq p̄ở án. Alóí pai neq: "Yang tở bữn táq muoi ranáq salẽh ntróu, ma máh parnai án atõng tẽ cũai nài la p̄ieiq nheq."

⁴² Ngkíq bữn sa-ữi náq tâng ntốq ki sa-âm Yê-su.

11

La-sarơ Cuchit

¹ Bữn manoaq samiang ramứh La-sarơ, cõt a-ĩ. Án ỡt tâng vil Bê-thani parnơi cóp sẽm ỡi án, Mathê cóp Mari. ² Mari la mansẽm ca tồh đợc ph uom tâng tở Yê-su tẽ nhũang, cóp án chut ayũng Yê-su toâq sóc án bữm. La-sarơ, cũai ca a-ĩ la amiang Mari. ³ Bar náq sẽm ỡi ki ón cũai p̄ởq

atõng Yê-su neq: "Ncháu ơi! Án ca Ncháu ayooq lứq, sanua án a-ĩ."

⁴ Tở Yê-su sâng ngkíq, án pai neq: "La-sarơ lứq a-ĩ, ma án tở bữn cuchit mỗ. Cỗ tẽ án a-ĩ nài, cũai bữn khẽn Yiang Sursĩ cóp Con Yiang Sursĩ."

⁵ Yê-su ayooq Mathê, Mari, cóp La-sarơ. ⁶ Tở Yê-su sâng han La-sarơ a-ĩ, án ỡt loah tâng ntốq ki bar tangái ẽn. ⁷ Vót bar tangái, Yê-su atõng tốp rien tẽ án neq: "Hái pih chu loah p̄ở cruang Yudê."

⁸ Ma tốp rien tẽ Yê-su atõng án neq: "Thái ơi! Lẻq bữn dũn yũah tốp I-sarel p̄ở ki yoc ẽ tám tamáu chók thái. Ma nõq sanua thái yoc pih loah p̄ở ki?"

⁹ Yê-su ta-ỡi alóí neq: "Pên tangái tâng cutêq nài bữn poang, ma tở bữm? Khân bữn cũai p̄ởq tâng tangái, án tở bữn dóm; án têq hũm, yuaq poang. ¹⁰ Ma khân án p̄ởq tâng sadâu, lứq án dóm; án tở bánq hũm, yuaq canám."

¹¹ Moâm Yê-su pai ngkíq, án pai ẽn neq: "Yóu hái, La-sarơ, bẻq langê, ma sanua cứq ẽ p̄ởq amoih án."

¹² Tốp rien tẽ Yê-su ta-ỡi neq: "Ncháu ơi! Khân án bẻq, ki moai tê."

¹³ Yê-su atõng tẽ La-sarơ khoiq cuchit, ma tốp rien tẽ Yê-su chanchóm Yê-su pai La-sarơ bẻq sâng. ¹⁴ Ngkíq Yê-su atõng alóí raloaih lứq neq: "La-sarơ khoiq cuchit chơ. ¹⁵ Cứq ỡn tê cứq tở bữn toâq bo án a-ĩ. Ma sanua cứq p̄ởq yõn anhia têq sa-âm samoât samoi. Chơ sanua hái p̄ởq p̄ở La-sarơ."

¹⁶ Moâm ki Thô-mat, án ca noau đợc ramứh Di-dim hỡ, án pai chók yóu canõh ca rien tẽ Yê-su neq: "Hái p̄ởq tê, đợc hái pruum cuchit parnơi cóp thái."

Yê-su Aliam Bar Náq Sêm Ôi

17 Từ Yê-su toâq pở ntốq ki, án sâng noau pai khoiq pồn tangái chơ noau tấp La-sarơ. 18 Vil Bê-thani mán bữn pái ki-lô-mết tể vil Yaru-salem, 19 cốp sa-ũi náq tể tốp I-sarel pởq bẻq aliang Mathê cốp Mari, yuaq amiang alóit khoiq cuchit.

20 Từ Mathê sâng noau pai Yê-su mbởiq toâq ramỏh vil, chơ án pởq crốq Yê-su. Ma Mari noâng ốt ndốq. 21 Mathê pai chốq Yê-su neq: “Ncháu ơi! Khân Ncháu ốt pở nâi bo ki, amiang cứq tở bữn cuchit mỗ.” 22 Ma cứq dáng dẻh sanua ramứh ntrứu Ncháu sẻq tể Yiang Sursĩ, lứq án yỗn.”

23 Yê-su atởng Mathê neq: “Amiang mới lứq tamoong loah.”

24 Chơ Mathê pai neq: “Cứq dáng amiang cứq tamoong loah tâng tangái parsốt. Tangái ki nheq tữh cũai khoiq cuchit bữn tamoong loah.”

25 Yê-su atởng loah Mathê neq: “Cutỏ cứq toâp yỗn cũai cuchit yuor tamoong loah, cốp cứq yỗn alóit tẻq bữn tamoong. Cũai alẻq sa-âm cứq, toâq án cuchit, ki noâng án tamoong. 26 Cốp cũai alẻq noâng tamoong cốp sa-âm cứq, án tở nai cuchit. Mới sa-âm ốc nâi tở?”

27 Mathê ta-ơi neq: “Lứq cứq sa-âm, Ncháu! Cứq sa-âm Ncháu la Crít, Con Yiang Sursĩ, án ca Yiang Sursĩ ớn toâq pở cốc cutẻq nâi.”

28 Moâm Mathê pai ngkíq, án chu pở đốq, chơ án rachập cốp Mari, a-ẻm án, neq: “Thâi toâq chơ. Án yoc ẻ ramỏh mới.”

29 Từ Mari sâng ngkíq, yóiq toâp án yuor cốp pởq chu Yê-su. 30 Yê-su tở yủah mut tâng vil. Noâng án ốt bân ntốq Mathê ramỏh án. 31 Cũai I-sarel bẻq aliang Mari, alóit hữm Mari yuor cháit lứq cốp

loỏh tẻ đốq; ngkíq alóit puai ntun cỉi án. Alóit chanchỏm án pởq nhiam pở ping amiang án.

32 Từ Mari pởq chu Yê-su, án hữm Yê-su cốp án ap cheq ayửng Yê-su, pai neq: “Ncháu ơi! Khân Ncháu ốt pở nâi bo ki, amiang cứq tở bữn cuchit mỗ.”

33 Từ Yê-su hữm Mari nhiam, cốp máh cũai I-sarel ca puai Mari nhiam tẻ, ngkíq Yê-su sâng sarủiq cốp ngua lứq. 34 Án blớh neq: “Bân lẻq anhia tấp án?”

Alóit pai: “Ncháu ơi! Sanua hái pởq nhềng.”

35 Yê-su nhiam. 36 Ngkíq cũai I-sarel pai: “Áu! Hữm! Án ayooq lứq La-sarơ!”

37 Ma bữn cũai canỏh pai neq: “Án nâi khoiq táq cũai sữt moat cởt blang. Bo La-sarơ tở yủah cuchit, tẻq nằng tở án táq bán La-sarơ?”

La-sarơ Tamoong Loah

38 Yê-su toâq pở ping. Mứt án sâng ngua lứq sĩa. Ping nâi tâng cựp, cốp tamáu toâr catáng chíq ngoah cựp. 39 Yê-su ớn neq: “Cóg anhia vih aloỏh chíq tamáu tẻ ngoah cựp.”

Ma Mathê, amuaq cũai cuchit ki, pai neq: “Ncháu ơi! Khoiq pa-ỏh chơ, yuaq án ốt ngki khoiq pồn tangái.”

40 Yê-su blớh ẻn neq: “Cứq khoiq atởng anhia chơ ma tở bữn, khân anhia sa-âm, anhia lứq hữm chóc ang-ửr tẻ Yiang Sursĩ?”

41 Ngkíq alóit vih tamáu. Chơ Yê-su tapoang achỏn chu paloỏng cốp pai neq: “Mpoaq cứq ơi! Cứq sa-ớn mới khoiq tamửng cứq. 42 Cứq dáng mới tamửng níc cứq, ma cứq pai ngkíq ẻq cũai ốt cheq cứq nâi dáng lứq samoât mới ớn cứq toâq pở nâi.”

43 Moâm Yê-su pai ngkíq, án arô casang lứq: “La-sarơ ơi! Mới loỏh tẻ ki!”

⁴⁴ Chơ án ca cuchit ki loõh tẽ ping. Atĩ cốp ayũng án nheq noau som aroaiq. Cốp bũn aroaiq cuom mieiq cốp plõ án. Yê-su ớn alõi neq: “Anhia leh chiq aroaiq noau som tẽ tũ án, cốp yõn án chu.”

Cũai Canõh Chuaq Ngê Cachit Yê-su
(*Mathia 26:1-5; Mac 14:1-2; Luca 22:1-2*)

⁴⁵ Ngkĩq máh cũai I-sarel ca bẽq aliang Mari, alõi hũm ranáq Yê-su táq. Ngkĩq alõi sa-âm Yê-su tẽ. ⁴⁶ Ma bũn cũai tẽ tốp I-sarel ki põq chu tốp Pha-rasi cốp atõng alõi tẽ máh ranáq Yê-su khoiq táq. ⁴⁷ Ngkĩq tốp Pha-rasi cốp máh cũai sõt tốp tẽng rit sang Yiang Sursĩ, alõi arõ nheq tũh cũai sõt tốp I-sarel; chơ alõi sarhõng. Alõi pai neq: “Cũai nãi táq ranáq salẽh sa-ũĩ lữq chơ. Nõq hái ẽ táq sanua? ⁴⁸ Khãn hái yõn án táq níc ngkĩq, nheq tũh cũai sa-âm nheq án. Chơ cũai Rõ-ma toãq talõh Dõng Sang Toãr hái cốp cruang hái.”

⁴⁹ Tẽ tốp ki bũn manoaq ramũh Cai-pha. Cumo ki án cõt cũai sõt nheq tẽ rit sang Yiang Sursĩ. Án pai neq: “Anhia tũ dãng ntrõu thãng. ⁵⁰ Anhia tũ bũn tutuaiq. Khãn dõq cũai nãi, proai hái lữq cuchit nheq, cốp dõng cruang hái la ralõh nheq tẽ. Khaq hái yõn manoaq nãi cuchit, salãng nheq tũh cũai hái cuchit.”

⁵¹ Ma Cai-pha tũ bũn chõng ẽ pai cõ loõh tẽ mút án bũm. Yuaq máh ố Cai-pha atõng tẽ Yê-su cuchit tang máh cũai I-sarel, lữq Yiang Sursĩ toãp yõn án atõng sacõaiq, yuaq bo ki án sõt nheq tẽ rit sang Yiang Sursĩ. ⁵² Cốp Yê-su tũ bũn cuchit tang ống cũai I-sarel sãng, ma án cuchit tang yõn dũ náq con acái Yiang Sursĩ.

* **11:55** 11:55 Tangái ki alõi sanhũ tangái Yiang Sursĩ chuai alõi loõh tẽ cruang Ê-yip-tõ tẽ mbõq.

Sanua máh cũai ki õt parsáng-parsaiq sa-ũĩ ntõq, ma nõ-ra alõi rõm cõt muoi tốp sãng. ⁵³ Noap tẽ tangái ki, tốp I-sarel chi-chuaq ngê ẽ cachit Yê-su. ⁵⁴ Ngkĩq Yê-su tũ bũn põq nõng parnõi cốp cũai clũng tẽ tốp I-sarel. Ma án põq chu ntõq aiq cheq vil Ep-ra-im. Án õt ngki cốp tốp rien tẽ án.

⁵⁵ Cheq toãq tangái cũai I-sarel cha sanhũ Tangái Loõh.* Ngkĩq clũng cũai õt yáng tiah vil Yarusalem mut tâng vil, yoc ẽ puai rit sambráh nhũng tangái alõi ẽ cha táq rit. ⁵⁶ Máh cũai ki chuaq níc Yê-su. Alõi õt tayũng tâng Dõng Sang Toãr, cốp manoaq blõh manoaq neq: “Nõq mới chanchõm, án ẽ toãq cha bũi sanhũ tangái ki tẽ, ma tũ bũn?”

⁵⁷ Máh cũai sõt tốp tẽng rit sang Yiang Sursĩ cốp tốp Pha-rasi, alõi khoiq patãp neq: Khãn cũai aléq dãng ntõq Yê-su õt, cốp án toãq cuchõiq alõi dãng tẽ, yuaq alõi yoc ẽ cốp án.

12

Mari Tõh Tõu Phuom Tâng Tõ Yê-su
(*Mathia 26:6-13; Mac 14:3-9*)

¹ Nõng tapoãt tangái ẽn nõq tốp I-sarel cha sanhũ Tangái Loõh. Tangái ki Yê-su põq põ vil Bê-thani, la ntõq La-sarõ õt. La-sarõ la cũai ca Yê-su khoiq amõih tẽ cuchit. ² Ồt ntõq ki alõi roap chõm Yê-su. Mathê aloõh cõng sana yõn alõi cha, cốp La-sarõ tacu cha parnõi cốp alõi. ³ Bo ki Mari ãt bẽ dõq phuom noau dõq nar. Dõq phuom ki kia ntãng lữq. Mari tõh dõq phuom ki tãng ayũng Yê-su, chơ án chut ayũng Yê-su toãq sóc án. Chũop dõng sãng hõi phuom chanchũc. ⁴ Bũn

manoaq tốp rien tể Yê-su, ramúh Yuda I-cari-ôt, án ca cheq ẽ chểq Yê-su, pai neq: ⁵ “Nớq án tở bữn chểq đờq phuom ki, chơ ít práq kia ki chuai cũai cadĩt? Kia đờq phuom nâi li cớq práq công noau tuthẽ tâng pái culám tangái.”

⁶ Án pai ngkíq, tở cõn án yoc ẽ chuai cũai cadĩt, ma án yoc ẽ plóp práq ki, yuaq án la cũai yống práq chống tâng tốp rien tể Yê-su. ⁷ Ma Yê-su pai neq: “Đờq tam án. Lứq pñeiq án thừan đờq đờq phuom nâi yõn tangái noau túp cúq. ⁸ Cũai cadĩt õt níc cớq anhia. Ma cúq tở bữn õt níc cớq anhia.”

⁹ Mách cũai I-sarel sâng noau pai Yê-su õt tâng vil Bê-thani. Ngkíq chừng lứq alóí pởq chu ki tẽ. Alóí tở bữn pởq yoc ẽ ramóh ống Yê-su sâng, ma alóí yoc ẽ hữm La-sarơ hỡ, án ca Yê-su amõih loah tể cuchĩt. ¹⁰ Ngkíq máh cũai sớt tốp tểng rit sang Yiang Sursĩ chichuaq ngẽ ẽ cachĩt đẽh La-sarơ hỡ, ¹¹ yuaq cõ tian La-sarơ, chừng cũai I-sarel táh rit tiaq alóí, chơ sa-âm Yê-su ẽn.

Yê-su Mut Tâng Vil Yaru-salem (Mathia 21:1-11; Mac 11:1-11; Luca 19:28-40)

¹² Mách tangái parnỡ ẽn, chừng cũai toaq cha bũi sanhữ Tangái Loõh, alóí sâng Yê-su cheq ẽ mut tâng vil Yaru-salem. ¹³ Ngkíq alóí ít ngoong po cớq pởq crốq Yê-su. Alóí triau cupo casang lứq neq: “Ô-sana!* Sẻq Yiang Sursĩ yõn ốc bõn pở cũai ca toaq nhơ ramúh Ncháu. Lứq khẽn puo cũai I-sarel.”*[☆]

¹⁴ Yê-su ramóh muoi lám aséh đẽn con, chơ án tacu tâng cloong aséh ki machớng noau khoiq chĩc tâng tâm saráq Yiang Sursĩ tể mbỏq neq:

¹⁵ “Vil Yaru-salem ơi! Chỗi ngcõh ntrớu.

Sanua puo anhia ntôm ẽ toaq chơ.

Án tacu tâng aséh đẽn lơ-lơ.”*[☆]

¹⁶ Tangái ki tốp rien tể Yê-su ỹũah dáng raloaih tể parnai nâi. Ma vót Yê-su cuchĩt cớq tamoong loah, ki nớq alóí sapúh tể parnai Yiang Sursĩ atõng tể Yê-su. Cớq alóí sanhữ loah alóí khoiq táq rapñeiq máh parnai Yiang Sursĩ pai tể Yê-su.

¹⁷ Mách cũai ca hữm Yê-su arô La-sarơ loõh tể ping cớq yõn án tamoong loah, alóí atõng la-ũt la-ũi tể ranáq nâi. ¹⁸ Yuaq ngkíq bữn chừng cũai pởq ramóh Yê-su tẽ, cõ alóí khoiq sâng Yê-su táq tểc salẽh nâi. ¹⁹ Chơ tốp Pha-rasi, manoaq táq ntõng cớq manoaq neq: “Kĩ! Anhia hữm tở? Nheq tữh cũai khoiq puai án. Táq nớq la hái tở rơi án mỗ.”

Yê-su Atõng Tể Án Cớq Cuchĩt

²⁰ Tangái cha sanhữ ki bữn cũai Créc pởq chu vil Yaru-salem yoc ẽ sang toam pở ki tẽ. ²¹ Tốp cũai Créc ki toaq pở Phi-lip, la cũai tể vil Bet-sada, cruang Cali-lê. Alóí sẻq tể Phi-lip neq: “Achuaiah ơi! Hẻq yoc ẽ ramóh Yê-su.”

²² Phi-lip pởq atõng Anrê; chơ Anrê cớq Phi-lip toaq atõng Yê-su. ²³ Yê-su ta-õi alóí neq: “Cheq ẽ toaq ngư Yiang Sursĩ apáh chớc ang-ừ Con Yiang Cõt Cũai. ²⁴ Cớq atõng anhia samoat lứq, khãn bữn muoi ốc sapua noau chớh tâng cutẻq, amoat ki padốh, chơ ốc ki cõt pút. Khãn noau tở bữn chớh ốc ki, án noang níc muoi ốc. Ma khãn noau chớh, ốc ki cõt sa-ũi palái. ²⁵ Cũai aléq pasẻq rangữh án tâng đõi nâi, rangữh cũai ki lứq pút. Ma cũai aléq tở bữn pasẻq rangữh án tâng

* **12:13** 12:13 Santoiq ‘ô-sana’ parlong loah la ‘sa-õn lứq’ tở la ‘khẽn’. ☆ **12:13** 12:13 ũat Khẽn 118:25-26 ☆ **12:15** 12:15 Sa-chari 9:9

dời nâi, cūai ki lứq bữn tamoong mantái níc. ²⁶ Cūai aléq yoc ẽ táq ranáq cứq, cóq cūai ki puai cứq. Ntốq aléq cứq ốt, án lứq ốt ntốq ki tẽ. Cóp cūai táq ranáq cứq, Mpoaq cứq lứq roap aỗng án tẽ.

²⁷ “Sanua mút cứq sâng túh arúc lứq. Ma tẽq tở cứq pai neq: ‘Mpoaq ơ! Chuai cứq yõn viaq tẽ ốc cuchit nâi?’ Cứq tở tẽq pai ngkíq, yuaq cứq toâq pở cutẽq nâi đõq chũq ốc cuchit ki. ²⁸ Mpoaq ơ, sẽq mới táq yõn cūai khẽn ramúh ang-ữr mới!”

Moâm Yê-su pai ngkíq, srong Yiang Sursĩ atõng tẽ paloõng neq: “Cứq khiq táq yõn cūai khẽn ramúh ang-ữr cứq, cóp nỡ-ra cứq táq machõng ki sĩa.”

²⁹ Clúng cūai ốt ngki sâng srong ki samoat crúm. Bữn án ca pai ranẽng Yiang Sursĩ tẽ paloõng táq ntõng cóp Yê-su. ³⁰ Ma Yê-su pai neq: “Srong nâi atõng yõn anhia, tở cõn yõn cứq. ³¹ Sanua toâq ngư Yiang Sursĩ rablớh máh cūai tâng cutẽq nâi. Cóp sanua án tuih aloõh yiang ca sớt tâng cutẽq nâi. ³² Ma tử noau ayõng cứq tâng aluang sangcáng, cứq lứq tếc dững nheq tữh cūai toâq pở cứq.”

³³ Yê-su pai ngkíq, án yoc atõng yõn cūai dáng na ntrúu án cuchit. ³⁴ Máh cūai clúng ki atõng án neq: “Phẽp rit hếq atõng pai Crít la tamoong mantái níc. Ngkíq nõq thâi pai Con Yiang Cõt Cūai cóq noau ayõng án tâng aluang sangcáng? Noau la Con Yiang Cõt Cūai?”

³⁵ Yê-su ta-õr alóí neq: “Anhia bữn ốc poang noâng hĩq tangái sâng. Sanua cóq anhia pởq tâng ốc poang nâi, yuaq anhia tở bữn dáng bo léq sarbling toâq ốc canám. Chơ anhia tở dáng ẽ pởq

chu léq noâng. ³⁶ Bo anhia noâng bữn ốc poang, cóq anhia sa-âm ốc ki, đõq anhia cõt samoat con acái ốc poang ki.”

Moâm Yê-su pai ngkíq, án loõh tẽ tốp alóí, cóp pởq tooq chíq tẽ alóí.

Tốp I-sarel Noâng Tở Ếq Sa-âm

³⁷ Tam Yê-su khiq táq sa-ữi ranáq salẽh yáng moat alóí, ma noâng alóí tở bữn sa-âm án. ³⁸ Ngkíq cõt rapĩeiq santoiq Ê-sai, cūai tang bõq Yiang Sursĩ, khiq chĩc tẽ mbõq neq:

“Ncháu ơ! Noau noâq sa-âm parnai hếq atõng?”

Noau toâp bữn hữm chóc toâr lứq tẽ Yiang Sursĩ?”*³⁹

³⁹ Tốp I-sarel ki tở dáng sa-âm, cõ Ê-sai khiq chĩc tâng ntốq canõh neq:

⁴⁰ “Yiang Sursĩ táq yõn moat alóí cõt sũt,

cóp táq yõn mút alóí cõt coang.

Ngkíq moat alóí tở tẽq hữm.

Cóp mút alóí tở tẽq dáng.

Alóí tở ếq toâq pở cứq

đõq cứq táq yõn alóí cõt bán.”*⁴¹

⁴¹ Ê-sai pai santoiq ngkíq, yuaq án atõng saccoi q tẽ án hữm chóc ang-ữr Yê-su. Ngkíq yuaq án atõng santoiq ki tẽ Yê-su.

⁴² Ma noâng bữn sa-ữi nâq sa-âm Yê-su, dẽh cūai sớt hỡ. Ma alóí ca sa-âm tở bữn atõng yõn cūai canõh dáng alóí sa-âm, yuaq alóí ngcõh tốp Pha-rasi tuih aloõh alóí tẽ đõng sang. ⁴³ Ngkíq alóí ếq cūai canõh khẽn alóí clũr tẽ alóí ếq Yiang Sursĩ khẽn alóí.

⁴⁴ Vót ki Yê-su atõng casang lứq neq: “Cūai aléq sa-âm cứq, cūai ki tở bữn sa-âm ống cứq sâng, ma án sa-âm dẽh án ca ớn cứq toâq pở nâi. ⁴⁵ Cūai aléq hữm

cứq, cūai ki hũm dẽh án ca ớn cứq toạq tẽ. ⁴⁶ Cứq la ốc poang yõn cốc cutẽq nãi. Ngkĩq cūai aléq sa-âm cứq, cūai ki tỡ bữn ớt noàng tâng ốc canám. ⁴⁷ Cūai aléq tamúng parnai cứq, ma tỡ bữn trĩh parnai ki, cứq tỡ bữn tẽq án. Yuaq cứq tỡ bữn toạq pỡ nãi ẽ tẽq cūai, ma cứq toạq ẽ chuai amoong nheq tũh cūai. ⁴⁸ Cūai aléq kêt cứq, cớp tỡ bữn ỉt parnai cứq, lứq bữn parnai tẽq cūai ki. Toạq tangái parsót, máh parnai cứq khoiạ atõng ki toạp tẽq án. ⁴⁹ Cứq tỡ bữn atõng tẽ ngẽ cứq bữm. Ma Mpoaq ca ớn cứq toạq pỡ nãi, án toạp khoiạ ớn cứq atõng máh santoiạ cứq khoiạ pai. ⁵⁰ Cứq dáng máh ốc án patáp tẽq yõn cūai bữn tamoong mantái. Ngkĩq máh ốc cứq pai, cứq pai puai santoiạ Mpoaq khoiạ ớn cứq pai.”

13

Yê-su Ariau Ayũng Tõp Rien Tẽ

Án

¹ Noàng muoi tangái ẽn nõq cūai I-sarel cha sanhữ Tangái Loõh.* Tangái ki Yê-su dáng khoiạ cheq ẽ toạq chơ tangái án pỡq tẽ cutẽq nãi cớp chu loah pỡ Mpoaq án. Án ayooq nheq tũh cūai tâng cốc cutẽq nãi ca bữn muoi mút cớp án. Án ayooq lứq alới toau sôt clũiq.

² Yê-su cớp tõp rien tẽ án rôm cha pẽl tabũ. Yiang Satan khoiạ táq tâng mút pahõm Yuda, con samiang Si-môn I-cari-ôt, yõn án chẽq chíq Yê-su. ³ Yê-su dáng Mpoaq án khoiạ yõn án bữn chóc tẽq sôt dũ ramũh. Cớp án dáng án toạq tẽ Yiang Sursĩ, cớp cheq án ẽ chu loah pỡ Yiang Sursĩ. ⁴ Ngkĩq Yê-su yuor tayúng tẽ n্তõq án cha.

Án tũot au tuar, cớp án ỉt khán cuti catoân tâng ngkĩng. ⁵ Moâm ki Yê-su chớq dõq tâng cuban, chơ tabỏq ariau ayũng tõp rien tẽ án. Cớp án ỉt khán cuti tẽ ngkĩng án, chơ chut ayũng alới. ⁶ Tỡ án toạq pỡ Si-môn Phi-er, chơ Phi-er blớh án neq: “Ncháu oi! Ncháu ẽ ariau ayũng cứq tỡ?”

⁷ Yê-su ta-õi án neq: “Mới tỡ bữn sapúh tẽ ranáq cứq táq sanua, ma ntun mới lứq dáng raloaih.”

⁸ Phi-er pai ẽn chớq Yê-su neq: “Tỡ pĩeiạ mỗ Ncháu ariau ayũng cứq.”

Ma Yê-su ta-õi án neq: “Khán cứq tỡ bữn ariau mới, mới tỡ bữn cõt muoi mút cớp cứq.”

⁹ Chơ Si-môn Phi-er pai neq: “Khán lứq ngkĩq, Ncháu oi, chõi ariau ớng ayũng sâng. Ma ariau dẽh atĩ cớp plỡ cứq hỡ!”

¹⁰ Yê-su pai chớq án neq: “Cūai aléq khoiạ mpoi dõq, nheq tở án khoiạ bráh chơ. Moâm mpoi, cớq ariau loah ớng ayũng sâng. Sanua anhia khoiạ bráh chơ, ma noàng manoaq tẽ anhia tỡ bữn bráh.”

¹¹ Yê-su pai manoaq tẽ alới tỡ bữn bráh, yuaq án khoiạ dáng chơ cūai ẽ chẽq án.

¹² Moâm Yê-su ariau ayũng alới, án sớp loah au tuar án, cớp án tacu loah bân n্তõq án cha sĩa. Án blớh alới neq: “Anhia sapúh ma tỡ, cứq táq ranáq nãi chớq anhia? ¹³ Anhia dõq cứq la Thải cớp Ncháu. Lứq pĩeiạ anhia pai ngkĩq. Lứq samoat cứq bữn bar ramũh ki. ¹⁴ Cứq la Ncháu anhia cớp Thải anhia, ma cứq ariau ayũng anhia. Ngkĩq anhia cớq manoaq ariau ayũng manoaq machớng ki tẽ. ¹⁵ Cứq táq dõq paryõng anhia yõn tẽq anhia táq

* **13:1** 13:1 Tangái ki alới sanhữ tangái Yiang Sursĩ chuai alới loõh tẽ cruang Ê-yip-tỏ tẽ mbỏq.

machóng cứq khoiq táq yõn an-hia. ¹⁶ Cứq atõng anhia samoât lứq, cũai sũl tở bũn toâr hõn tễ ncháu án, cớp cũai ranẽng tở bũn toâr hõn tễ cũai ca ỏn án pỡq. ¹⁷ Khân anhia dáng nehq ramũh nãi, cớp anhia puai samoât samõi, anhia bũn ỏc bõn lứq. ¹⁸ Ma cứq tở bũn atõng tễ nehq tũh anhia. Cứq dáng máh cũai ca cứq khoiq ruroh. Ma lứq cõt rapĩeiq parnai Yiang Sursĩ khoiq pai tễ mbỏq neq:

‘Bũn manoaq ca cha đõĩ cớp cứq, án ki cõt alia bar ploah ẽ táq cứq.’[✱]

¹⁹ “Sanua cứq atõng anhia bo ranáq nãi tở yũah toáq. Ma tở ranáq nãi toáq, ngkiq anhia tẽq sa-âm cứq la án ca pai ki. ²⁰ Cứq atõng anhia samoât lứq, cũai aléq tamũng parnai cũai ca cứq ỏn pỡq atõng, la machóng án tamũng parnai cứq tẽ. Cớp cũai aléq tamũng parnai cứq, la machóng án tamũng án ca ỏn cứq toáq tẽ.”

Yê-su Atõng Tễ Manoaq Ẽ Chẽq Chĩq Án

(*Mathia 26:20-25; Mac 14:17-21; Luca 22:21-23*)

²¹ Moâm Yê-su pai ngkiq, án sâng túh arức lứq tâng mũt án. Chơ án pai neq: “Cứq atõng anhia samoât lứq, bũn manoaq tễ anhia ẽ chẽq chĩq cứq.”

²² Tõp rien tễ Yê-su, alớĩ manoaq cloân manoaq. Cớp alớĩ sâng dốt lứq, tở dáng noau Yê-su pai. ²³ Cứq ca ratoĩ lứq cớp Yê-su, cứq ỏt tĩng Yê-su bo ki.†
²⁴ Si-môn Phi-er cuvoiq cứq cớp ỏn cứq neq: “Mớĩ blóh Yê-su, án atõng tễ noau.”

²⁵ Ngkiq cứq síc cheq Yê-su cớp pai neq: “Sẽq Ncháu atõng cũai ki la noau?”

²⁶ Yê-su ta-õĩ neq: “Sanua cứq ẽ tốq muoi mẽng bẽng tâng tangan. Chơ cứq avoĩ pỡ án ca ẽ chẽq cứq.”

Ngkiq Yê-su ỉt muoi mẽng bẽng. Án tốq bẽng tâng tangan, chơ án avoĩ yõn Yuda, con Si-môn I-carĩ-ôt. ²⁷ Tở Yuda roap bẽng ki, bo ki toáp yiang Satan mut tâng mũt án. Chơ Yê-su atõng án neq: “Ranáq ntróu mớĩ ẽ táq, ki mớĩ táq chái!”

²⁸ Máh cũai tacu cha ntốq ki, alớĩ tở bũn sapúh tễ santoiq Yê-su pai chốq Yuda. ²⁹ Bũn noau chanchóm Yê-su ỏn Yuda pỡq chõng crong sana, tở la pỡq chuai cũai cadĩt, yuaq Yuda yõng práq chõng tâng tốp alớĩ. ³⁰ Moâm Yuda roap bẽng ki, chơ án loõh toáp. Bo ki paloõng khoiq sadâu chơ.

Yê-su Yõn Muoi Ỏc Patâp Tamái

³¹ Vót Yuda loõh, Yê-su pai neq: “Sanua noau bũn hũm chóc ang-ữr Con Yiang Cõt Cũai. Cớp noau lứq khẽn Yiang Sursĩ cõ nhơ tễ Con án. ³² Khân noau khẽn chóc ang-ữr Yiang Sursĩ cõ nhơ tễ Con án, machóng ki tẽ Yiang Sursĩ táq yõn noau khẽn chóc ang-ữr Con án cõ nhơ tễ Yiang Sursĩ. Cớp án táq yõn noau khẽn án toáp. ³³ Máh con cứq ỏi! Cứq ỏt cớp anhia noâng bĩq tangái sâng. Lứq anhia chuaq cứq, ma cứq atõng anhia machóng cứq khoiq atõng cũai I-sarel chơ: ‘Anhia tở tẽq toáq pỡ ntốq cứq pỡq.’
³⁴ Sanua cứq patâp anhia muoi ỏc tamái ẽn. Ỏc nãi la neq: Cớq anhia manoaq ayooq manoaq.

✱ 13:18 13:18 Ūat Khẽn 41:9 † 13:23 13:23 Toáq Yang pai tễ tở án bũm, án tở bũn pai ‘Cứq’. Án pai ‘manoaq tễ tốp rien tễ Yê-su ca ratoĩ lứq cớp án’.

Machóng cứq khoiq ayooq an-hia, ngkíq anhia cóq manoaq ayooq manoaq tê. ³⁵ Khân anhia manoaq ayooq manoaq, nheq tũh cũai lứq dáng anhia puai ngé cứq samoât samoi.”

³⁶ Si-môn Phi-er blóh, Yê-su: “Ncháu oi! Pờ léq Ncháu ẽ pờq?”

Yê-su ta-õi án neq: “Ntốq cứq pờq, mới tở têq puai cứq sanua. Ma nỡ-ra têq mới puai cứq.”

³⁷ Ngkíq Phi-er blóh ẽn: “Ncháu oi! Nốq cứq tở têq puai Ncháu sanua? Cứq rơi chĩuq cuchĩt cóp Ncháu.”

³⁸ Ma Yê-su roap bỗq án neq: “Lứq samoât mới rơi chĩuq cuchĩt cóp cứq tở? Cứq atõng mới samoât lứq, nhũang ntruoi tở yũah tacar, lứq mới calõih cứq khoiq pái trở.”

14

Yê-su Atõng Tẽ Mpoaq Án

¹ Yê-su atõng ẽn neq: “Anhia chõih sâng túh arúc tâng mút an-hia. Sa-âm Yiang Sursĩ, cóp sa-âm cứq tê. ² Tâng đống Mpoaq cứq bữn sa-ũĩ ntốq õt. Sanua cứq pờq thũan ntốq yõn anhia õt. Khân ốc nãi ma tở bữn pĩeiq, cứq tở bữn atõng ốc nãi yõn anhia. ³ Moâm cứq pờq thũan ntốq yõn anhia õt, cứq lứq toâq loah cóp dũng anhia pờq õt cóp cứq. Ntốq léq cứq õt, anhia lứq õt ntốq ki tê. ⁴ Anhia dáng chu léq cứq pờq, cóp anhia dáng chơ rana toâq pờ ntốq ki.”

⁵ Ma Thô-mat blóh Yê-su neq: “Ncháu oi! Hếq tở dáng chu léq Ncháu ẽ pờq. Nốq têq hếq dáng rana toâq pờ ki?”

⁶ Yê-su ta-õi án neq: “Cứq la rana pờq; cứq la ốc pĩeiq; cóp cứq la ốc tamooq. Tở bữn noau têq toâq pờ Mpoaq cứq, khân tở bữn toâq na cứq. ⁷ Khân anhia dáng cứq, lứq anhia dáng Mpoaq cứq

tê. Ma tở nãi chumát, anhia lứq dáng án, cóp anhia khoiq hũm án chơ.”

⁸ Phi-lip pai chốq Yê-su neq: “Sếq Ncháu apáh Mpoaq Ncháu yõn hếq hũm án, la pég toâp.”

⁹ Yê-su ta-õi án neq: “Phi-lip oi! Cứq õt cóp anhia khoiq dũn chơ, ma nốq mới noâng tở yũah dáng cứq? Cũai aléq hũm cứq, la machóng án khoiq hũm Mpoaq cứq tê. Nốq mới sếq cứq apáh Mpoaq cứq yõn anhia hũm án? ¹⁰ Nốq anhia tở bữn sa-âm cứq õt muoi mút cóp Mpoaq, cóp Mpoaq õt muoi mút cóp cứq? Mách parnai cứq atõng anhia ki la tở cõn parnai tẽ cứq bữm, ma lứq Mpoaq ca õt muoi mút cóp cứq, án toâp táq máh ranáq nãi.

¹¹ Cóq anhia sa-âm cứq bo cứq pai cứq õt muoi mút cóp Mpoaq, cóp Mpoaq õt muoi mút cóp cứq. Ma khân anhia tở ẽq sa-âm cõ ngkíq, cóq anhia sa-âm cứq cõ tê máh ranáq salẽh cứq khoiq táq. ¹² Cứq atõng anhia samoât lứq, cũai aléq sa-âm cứq, cũai ki lứq táq ranáq machóng cứq táq tê. Ma án lứq táq ranáq toâr clũi tẽ ki ẽn, yuaq sanua cứq chu pờ Mpoaq cứq. ¹³ Ốc ntróu anhia sếq nhơ ramũh cứq, lứq cứq yõn anhia bữn ốc ki. Cứq táq ngkíq ẽq noau khẽn chóc ang-ũr Mpoaq tâng paloõng cõ nhơ tẽ Con án. ¹⁴ Khân anhia sếq ốc ntróu nhơ ramũh cứq, lứq cứq yõn anhia bữn ốc ki.”

Yê-su Ủq Yõn Raviei Yiang Sursĩ

¹⁵ “Khân anhia ayooq cứq, cóq anhia trĩh nheq máh ốc cứq patáp. ¹⁶⁻¹⁷ Chơ cứq ẽ sếq tẽ Mpoaq cứq, cóp án yõn anhia bữn Raviei lứq pĩeiq níc. Raviei ki pláih cứq đõq chuai anhia, cóp án õt níc cóp anhia. Ma cũai aléq tở bữn sa-âm, cũai ki tở têq bữn Raviei nãi, yuaq alóit tở

bữn saccoal cốp tớ bữn dáng án. Ma anhia dáng án, yuaq án ốt níc nững anhia, cốp án ốt tăng mút pahôm anhia. ¹⁸ Cúq tớ bữn táh anhia yỗn cõt riang con cumuiq. Cúq lứq toâq loah pở anhia. ¹⁹ Noâng bĩq tangái sâng, máh cũai tăng dôi nâi tớ bữn hữm noâng cúq, ma lứq anhia hữm cúq. Cỗ cúq tamooq, ngkíq nỡ-ra anhia tamooq tề. ²⁰ Toâq tangái ki anhia dáng samoât lứq cúq ốt muoi mút cốp Mpoaq cúq, cốp anhia ốt muoi mút cốp cúq machóng cúq ốt muoi mút cốp anhia.

²¹ “Cũai aléq roap ỉt máh ốc cúq patáp, cốp trĩh máh ốc ki, cũai ki lứq ayooq cúq. Mpoaq cúq ayooq án ca ayooq cúq. Cúq ayooq án ki tề, cốp cúq apáh ngê cúq yỗn án dáng.”

²² Moâm Yê-su pai ngkíq, Yuda (Yuda nâi tớ cõn Yuda I-cari-ôt) blớh Yê-su neq: “Ncháu oi, cỗ nốq Ncháu ể apáh ngê Ncháu yỗn ống hếq sâng, ma Ncháu tớ bữn apáh yỗn máh cũai tăng dôi nâi dáng tề?”

²³ Yê-su ta-đi án neq: “Cũai aléq ayooq cúq, cũai ki trĩh nheq parnai cúq. Mpoaq cúq lứq ayooq án. Cúq cốp Mpoaq cúq toâq pở án cốp ốt níc cốp án. ²⁴ Ma cũai aléq tớ bữn ayooq cúq, cũai ki tớ bữn trĩh parnai cúq. Parnai anhia sâng sanua, parnai nâi la tớ cõn parnai cúq, ma parnai nâi la parnai Mpoaq ca ốn cúq toâq pở nâi.

²⁵ “Cúq khioq atõng nheq máh parnai nâi bo cúq noâng ốt cốp anhia. ²⁶ Ma Raviei Yiang Sursĩ, án ca Mpoaq cúq ốn toâq tang cúq đõq chuai anhia, Raviei ki atõng anhia túc ramứh; cốp án ể chuai anhia sanhữ nheq parnai cúq khioq atõng anhia. ²⁷ Cúq yỗn anhia bữn ốc ien khể tăng mút pahôm anhia. Cúq yỗn anhia

bữn ốc ien khể tể cúq bữm. Cúq tớ bữn yỗn machóng cũai tăng dôi nâi yỗn. Anhia chõỉ yỗn mút pahôm anhia sâng túh arúc. Cốp anhia chõỉ ngcõh ntróu. ²⁸ Anhia khioq sâng chơ cúq pai cúq loõh tể anhia ma nỡ pra cúq toâq loah pở anhia sĩa. Khân anhia ma ayooq cúq, ki anhia ốn tề cúq chu pở Mpoaq cúq, yuaq Mpoaq cúq toâr clũi tể cúq. ²⁹ Cúq atõng anhia nhũang bo ranáq nâi tớ yũah toâq, đõq tangái léq án toâq, ngkíq anhia noap samoât samoi. ³⁰ Cúq tớ tềq atõng sa-ũỉ noâng cốp anhia, yuaq yiang ca sốt tăng cốc cutểq nâi, án cheq toâq chơ. Án ki tớ bữn táq sốt cúq. ³¹ Ma cúq táq nheq ramứh nâi yỗn nheq tữh cũai dáng samoât lứq la cúq ayooq Mpoaq cúq. Cốp cúq trĩh nheq ốc Mpoaq cúq khioq patáp cúq chơ. Sanua anhia yuor tayứng! Háỉ loõh tể nốq nâi!”

15

Aluang Cốp Abểng

¹ Yê-su pai ển neq: “Cúq la voar p̄ieiq lứq. Cốp Mpoaq cúq la án ca sama nưong. ² Abểng aléq ma tớ bữn cõt palái, án cữl táh chíq. Cốp abểng aléq ma cõt palái, án asa yỗn bráh. Ngkíq abểng ki cõt palái sa-ũỉ lứq ển. ³ Anhia la bráh chơ cỗ nỡ parnai cúq khioq atõng anhia. ⁴ Cóp anhia ốt níc muoi mút cốp cúq, chơ cúq ốt níc muoi mút cốp anhia. Khân abểng aluang ma sacáh tể nỡm, abểng ki tớ tềq cõt palái. Machóng ki tề, khân anhia tớ bữn ốt níc muoi mút cốp cúq, anhia tớ tềq cõt palái ntróu. ⁵ Cúq la voar. Anhia la abểng. Cũai aléq ốt níc muoi mút cốp cúq, cốp cúq ốt níc muoi mút cốp án, án lứq cõt palái sa-ũỉ. Khân anhia sacáh tể cúq, anhia tớ tềq táq ntróu. ⁶ Cũai aléq ma

tở bữn ốt níc muoi mút cớp cớq, cũai ki noau voang aloõh, ariang noau voang abẽng voar tê. Ngkíq abẽng ki cõt khõ. Chơ noau ỉt abẽng ki sarpút tâng ũih yõn cat nheq. ⁷ Khãn anhia ốt níc muoi mút cớp cớq, cớp parnai cớq ốt níc tâng mút pahõm anhia, ngkíq ọc ntróu anhia sếq, lứq anhia bữn ọc ki. ⁸ Khãn anhia cõt sa-ũi palâi, ngkíq cũai canõh dáng anhia lứq puai ngê cớq, cớp anhia apáh chóc ang-ũr tể Mpoaq cớq tê.

⁹ “Cớq ayooq anhia machóng Mpoaq cớq ayooq cớq tê. Cớq anhia yõng níc ọc ayooq tể cớq. ¹⁰ Khãn anhia trĩh ọc cớq patáp, anhia lứq yõng níc ọc ayooq tể cớq, machóng cớq trĩh nheq ọc Mpoaq cớq patáp cớp yõng níc ọc ayooq tể án. ¹¹ Cớq khoiq atõng anhia chơ tể nheq máh ramứh nâi, đợc cớq yõn anhia sâng bũi tâng mút pahõm anhia, cớp yõn anhia bữn moang ọc bũi sâng.

¹² “Ốc cớq patáp anhia la neq: Cớq anhia manoaq ayooq manoaq, machóng cớq khoiq ayooq anhia chơ. ¹³ Ốc ayooq toâr clũi nheq tể canõh la bữn manoaq pláih rangứh án yõn yóu. ¹⁴ Anhia la yóu cớq, khãn anhia trĩh ọc cớq patáp. ¹⁵ Cớq tở bữn đợc noâng anhia la cũai táq ranáq, yuaq cũai táq ranáq tở bữn dáng ntróu ncháu án táq. Ma cớq đợc anhia la yóu cớq, yuaq cớq yõn anhia dáng nheq máh ramứh cớq sâng tể Mpoaq cớq. ¹⁶ Anhia tở bữn rườh cớq, ma cớq rườh anhia, cớp cớq chóch anhia đợc anhia pợc cớp cõt palâi, palâi ki plot cớp chong bẻng lứq. Ngkíq ọc ntróu anhia sếq nhơ ramứh cớq, Mpoaq cớq lứq yõn anhia bữn ọc ki. ¹⁷ Nâi la ọc cớq patáp anhia: Cớq anhia manoaq ayooq

manoaq.”

Yê-su Pai Cũai Tâng Dỡi Kết Tõp Puai Án

¹⁸ “Khãn cũai tâng dỡi ma kết anhia, cớq anhia dáng alóí khoiq kết cớq nhũang anhia. ¹⁹ Khãn anhia pruum parnoi cớp cũai tâng dỡi, alóí lứq ayooq anhia máh sểm ai tê. Ma cớq khoiq rườh anhia tể alóí. Cớp anhia tở bữn pruum noâng cớp alóí. Yuaq ngkíq alóí kết anhia. ²⁰ Cớq anhia sanhữ parnai cớq khoiq atõng anhia neq: ‘Cũai sũl tở bữn toâr hữn tể ncháu án.’ Khãn alóí khoiq táq cớq, alóí lứq táq anhia tê. Khãn alóí tamúng parnai cớq, alóí lứq tamúng parnai anhia tê. ²¹ Alóí ể táq máh ranáq nâi chóc anhia la cõ tian cớq, yuaq alóí tở bữn dáng án ca ớn cớq toâq. ²² Khãn cớq tở bữn toâq atõng alóí, ki alóí tở bữn dáng alóí bữn lỏih. Ma sanua alóí tở tẻq suon pai alóí tở bữn bữn lỏih. ²³ Cũai aléq kết cớq, lứq án kết Mpoaq cớq tê. ²⁴ Khãn cớq tở bữn táq máh ranáq yõn cũai canõh ca tở tẻq táq, ki alóí tở bữn dáng alóí bữn lỏih. Ma sanua alóí khoiq hữm chơ máh ranáq ki, ma noâng alóí kết cớq cớp kết Mpoaq cớq hỡ. ²⁵ Ma ranáq nâi lứq cõt rapieiq máh parnai Yiang Sursĩ khoiq pai tể mbốq neq: ‘Cớq tở bữn táq lỏih ntróu, ma alóí chõng kết cớq.’[✧]

²⁶ “Nữ-ra án ca cớq ớn toâq pỡ anhia, lứq án toâq tể Mpoaq cớq. Án la Raviei p̄ieiq níc, cớp án atõng tể cớq. ²⁷ Ma anhia cớq atõng tể cớq tê, yuaq anhia khoiq ốt cớp cớq tể dâu chơ.”

16

Yê-su Atõng Tể Raviei Yiang Sursĩ

✧ 15:25 15:25 Ūat Khẽn 35:19; 69:4

¹ “Cứq atōng anhia nheq máh ramúh nâi dōq anhia tở bữn sapúl. ² Nờ-ra cũai I-sarel lứq tuìh aloòh anhia tể đōng sang alóí. Cóp tangái ki noau cachít anhia, yuaq alóí chanchóm alóí táq ranáq Yiang Sursĩ tề. ³ Alóí táq ngkiq cồ alóí tở bữn dáng Mpoaq cứq, cốp alóí tở bữn dáng cứq hờ. ⁴ Cứq khoiq atōng anhia máh ramúh nâi, dōq tữ ramúh ki toàq, ki anhia sanhữ cứq khoiq atōng anhia chơ. Tề nhũang cứq tở bữn túh atōng anhia máh ramúh nâi, yuaq cứq noàng ớt cốp anhia.

⁵ “Ma sanua cứq lứq chu loah pở án ca ón cứq toàq pở nâi, ma tở bữn noau tể anhia blóh cứq neq: ‘Pở léq thâi pởq?’ ⁶ Ma cồ cứq khoiq atōng anhia máh ramúh nâi, ngkiq anhia sâng túh ngua lứq. ⁷ Ma sanua cứq atōng anhia lứq p̄ieiq, cồ cứq p̄oq tể anhia, lứq cõt kia yỏn anhia. Khân cứq tở bữn loòh tể anhia, án ca chuai anhia tở tềq toàq pở anhia. Ma khân cứq p̄oq, cứq ón án toàq pở anhia. ⁸ Tữ án toàq, án atōng nheq tữh cũai yỏn dáng samoát lứq tể ốc lôih, tể ốc tanoang o, cốp tể ốc rasũq. ⁹ Án atōng tể ốc lôih, yuaq cũai tở bữn sa-âm cứq. ¹⁰ Án atōng tể ốc tanoang o, yuaq cứq chu pở Mpoaq cứq, cốp anhia tở bữn hữm noàng cứq. ¹¹ Án atōng tể ốc rasũq, yuaq Yiang Sursĩ khoiq sũq chơ yiang ca sôt tâng cốc cutểq nâi, cốp yiang ki khoiq roap tột.

¹² “Noàng bữn sa-ũi ốc cứq ể atōng anhia, ma ốc ki ntáng lứq; anhia tở rơi mớ. ¹³ Ma tữ toàq Raviei Ca P̄ieiq Lứq, án ayông anhia yỏn dáng nheq tể máh ốc p̄ieiq. Án tở bữn atōng tể ngê án bữm, ma án atōng anhia tể máh ốc án khoiq sâng. Cóp án atōng

anhia tể máh ốc ca tở yũah toàq hờ. ¹⁴ Án ể apáh chóc ang-ũr tể cứq, yuaq án ỉt tể santoiq cứq, chơ án atōng loah yỏn anhia. ¹⁵ Nheq máh mun Mpoaq cứq la khong cứq tề. Ngkiq tềq cứq pai Raviei Yiang Sursĩ ỉt santoiq cứq, chơ atōng loah yỏn anhia.”

Yê-su Atōng Tể ốc Ngua Cõt Loah ốc Bũi Ển

¹⁶ “Tở bữn dũn noàng, anhia tở bữn hữm noàng cứq. Chơ noap tể tangái ki, tở bữn dũn noàng, anhia hữm loah cứq.”

¹⁷ Tộp rien tể Yê-su manoaq blóh manoaq neq: “Ốc ntróu toàp án atōng hái? Án pai neq: ‘Tở bữn dũn noàng anhia tở bữn hữm noàng cứq; chơ noap tể tangái ki, tở bữn dũn noàng, anhia hữm loah cứq.’ Cốp án pai: ‘Yuaq cứq p̄oq chu Mpoaq cứq.’ ¹⁸ Cốp ntróu án pai: ‘Tở bữn dũn noàng?’ Hái tở bữn dáng ốc ntróu án atōng yỏn hái sanua.”

¹⁹ Yê-su khoiq dáng mút alóí yoc ể blóh án. Ngkiq án atōng alóí neq: “Cứq khoiq atōng anhia neq: Tở bữn dũn noàng anhia tở bữn hữm noàng cứq. Chơ noap tể tangái ki tở bữn dũn noàng anhia hữm loah cứq. Nốq anhia manoaq blóh manoaq tể ốc nâi? ²⁰ Cứq atōng anhia samoát lứq, nờ pra anhia nhiam cốp anhia sâng ngua lứq, ma máh cũai tâng dôi sâng bũi hờ lứq. Anhia lứq sâng ngua, ma ốc ngua ki lêq loah yỏn anhia cõt bũi hờ ển. ²¹ Ranáq nâi la ariang mansẽm sết con. Bo ki án sâng a-ĩ lứq, yuaq khoiq toàq khuop cumo chơ. Ma moám án sết con, án tở bữn sanhữ noàng máh ốc án chũuq túh coat ki, yuaq án sâng bũi lứq án sết con tâng dôi nâi. ²² Anhia la machóng ki tề. Sanua anhia sâng ngua lứq, ma nờ pra cứq hữm loah anhia.

Tangái ki anhia sâng bũ hỡ loah, cớp tỡ bũn noau tẻq ít ỏc bũ ki tẻ anhia. ²³ Tẻng tangái ki, anhia tỡ bũn blớh muoi ỏc ntrớu noẻng tẻ cứq. Cứq atẻng anhia samoỏt lứq, Mpoaq cứq yỏn anhia bũn ỏc ntrớu anhia sẻq nhớ ramứh cứq. ²⁴ Toau sanua anhia tỡ nai sẻq ntrớu yủah nhớ ramứh cứq. Cớq anhia sẻq, ki anhia bũn, đỏq anhia bũn moang ỏc bũ sẻng tẻng mút pahỏm anhia.

²⁵ “Cứq khoiq atẻng anhia máh ỏc nẻi toỏq parnai sacỏm. Ma nỡ-ra cứq tỡ bũn atẻng noẻng toỏq parnai sacỏm. Tangái ki cứq atẻng raloaih lứq yỏn anhia dẻng tẻ Mpoaq cứq. ²⁶ Tẻng tangái ki, anhia ẻ sẻq nhớ tẻ ramứh cứq. Cứq tỡ bũn pai cứq sẻq tẻ Mpoaq cứq yỏn anhia, ²⁷ yuaq Mpoaq cứq ayooq anhia tẻ, cỏ anhia khoiq ayooq cứq, cớp cỏ anhia noap cứq lứq toỏq tẻ Yiang Sursĩ. ²⁸ Tẻ nhũang cứq loỏh tẻ Mpoaq cứq, chớ cứq toỏq pỡ cớc cutẻq nẻi. Sanua cứq loỏh tẻ cớc cutẻq nẻi, cớp chu loah pỡ Mpoaq cứq.”

²⁹ Moỏm Yẻ-su pai ngkẻq, tỏp rien tẻ án pai neq: “Sanua thỏi atẻng raloaih lứq. Thỏi tỡ bũn atẻng noẻng toỏq parnai sacỏm. ³⁰ Sanua hẻq dẻng chớ thỏi dẻng đũ ramứh, cớp tỡ bũn túh noau blớh noẻng tẻ thỏi. Yuaq ngkẻq, hẻq sa-ỏm thỏi lứq toỏq tẻ Yiang Sursĩ.”

³¹ Yẻ-su roap bỏq alới neq: “Sanua, lứq anhia sa-ỏm tỡ? ³² Cheq ẻ toỏq ngr chớ anhia miar plỏh chu loah đỏng anhia. Anhia lứq tẻ cứq yỏn ỏt manoaq sẻng. Ma lứq cứq tỡ bũn ỏt manoaq, yuaq Mpoaq cứq ỏt nẻc cớp cứq. Ma ngr ki khoiq toỏq chớ. ³³ Cứq khoiq atẻng anhia chớ tẻ máh ỏc nẻi, đỏq anhia bũn ỏc ien khẻ cỏ anhia ỏt muoi mút cớp cứq. Tẻng

đỡi nẻi, lứq anhia ramỏh sa-ủi ramứh túh coat. Ma cớq anhia ỏt sabớng o! Cứq khoiq riap chớ đỡi nẻi!”

17

Yẻ-su Sẻq Tẻ Mpoaq

¹ Moỏm Yẻ-su pai ngkẻq, án tapoang achỏn chu paloỏng cớp án câu neq: “Mpoaq ỏi! Ngr cứq toỏq chớ. Sanua cứq sẻq mới apỏh chớc ang-ủr cứq yỏn máh cũai dẻng, đỏq cứq Con tẻ apỏh loah chớc ang-ủr mới. ² Mới khoiq yỏn cứq Con bũn sỏt đũ nẻc cũai. Ngkẻq tẻ cứq yỏn máh cũai ca mới khoiq chiau yỏn cứq bũn tamoong mantẻi. ³ ỏc tamoong mantẻi la neq: Củi bũn dẻng mới. ỏng mới toỏp la Yiang pẻiq lứq. Cớp alới bũn dẻng Yẻ-su Crẻt, án ca mới khoiq ỏn toỏq pỡ cutẻq nẻi. ⁴ Cứq khoiq apỏh chớ chớc ang-ủr mới tẻng cớc cutẻq nẻi. Cớp cứq khoiq tẻq moỏm nheq máh ranẻc mới ỏn cứq tẻq. ⁵ Mpoaq ỏi, sanua cứq chu ỏt loah cớp mới. Cứq sẻq mới yỏn cứq bũn chớc ang-ủr ỏt cớp mới, machớng cứq khoiq bũn tẻ nhũang mới tỡ yủah tẻng cớc cutẻq nẻi.

⁶ “Mách cũai mới khoiq chiau yỏn cứq bũn tẻng đỡi nẻi, cứq khoiq atẻng alới tẻ mới. Alới la cũai mới; mới khoiq chiau alới yỏn cứq. Cớp alới khoiq trẻh máh parnai mới. ⁷ Sanua alới dẻng samoỏt lứq, máh ramứh mới khoiq yỏn cứq la toỏq nheq tẻ mới. ⁸ Yuaq cứq khoiq atẻng alới chớ máh parnai mới khoiq atẻng cứq; cớp alới khoiq roap ít máh parnai ki. Alới dẻng samoỏt lứq cứq toỏq tẻ mới, cớp alới noap samoỏt lứq mới khoiq ỏn cứq toỏq pỡ nẻi.

⁹ “Cứq câu sêq yỗn alóí ki. Cứq tở bữn câu sêq yỗn cũai tâng dời nâi, ma cứq câu sêq yỗn alóí ca mới khoiq chiau yỗn cứq, yuaq alóí ki lứq cũai mới. ¹⁰ Nheq máh mun cứq la mun mới tê, cốp nheq tữh mun mới la mun cứq tê. Máh cũai lứq bữn khễn chóc ang-ữr cứq cồ nhơ tể alóí ki puai ngê cứq. ¹¹ Cứq tở bữn ớt noâng tâng cốc cutêq nâi. Ma alóí noâng ớt tâng cutêq nâi. Cốp cứq chu loah pở mới. Mpoaq ơi, mới la bráh o lứq! Cứq sêq mới kĩaq pasêq alóí nhơ chóc tể ramứh mới, la ramứh mới khoiq yỗn pở cứq. Sêq mới táq ngkiq đợq alóí têq ớt muoi mút, machóng hái tê. ¹² Bo cứq ớt cốp alóí, cứq kĩaq pasêq alóí cồ nhơ chóc tể ramứh mới, la ramứh mới khoiq yỗn pở cứq. Cứq khoiq kĩaq alóí, ma pút ống manoaq sâng. Cũai canõh tở bữn noau pút mỗ. Án ca pút la án ẽ pởq chu pống sarloac, đợq cõt rapieiq parnai Yiang Sursĩ atõng tể mbốq.

¹³ “Sanua cứq ntôm chu loah pở mới. Ma cứq atõng nheq máh ramứh nâi bo cứq noâng ớt tâng dời nâi, đợq máh cũai nâi bữn moang ốc bũi tể cứq tâng mút pahõm alóí. ¹⁴ Cứq khoiq atõng chơ parnai mới yỗn alóí. Pân ngkiq cũai tâng dời nâi ma kêt alóí, yuaq alóí tở bữn puai ngê tâng dời nâi, machóng cứq tở bữn puai ngê tâng dời nâi tê. ¹⁵ Cứq tở bữn sêq mới dững alóí yỗn loõh tể dời nâi, ma cứq sêq mới kĩaq pasêq alóí, yỗn alóí têq vót tể atĩ yiang ca sốt máh yiang sâuq. ¹⁶ Alóí tở bữn puai ngê tâng dời nâi machóng cứq tở bữn puai ngê tâng dời nâi tê. ¹⁷ Parnai mới la p̄ieiq lứq. Cứq sêq mới cayoah alóí tể cũai tâng dời nâi toâq parnai p̄ieiq lứq tể mới. ¹⁸ Mới khoiq ốn cứq toâq pở cũai tâng

dời nâi; machóng ki tê cứq ốn alóí ca puai cứq pởq chu máh cũai tâng dời nâi. ¹⁹ Cứq chổng cayoah bữm tể ngê tâng dời nâi đợq cứq ớt muoi mút cốp mới. Cứq táq ngkiq đợq alóí ca puai cứq têq cayoah tể ranáq tâng dời nâi, chơ alóí têq ớt muoi mút cốp mới.

²⁰ “Cứq tở bữn sêq yỗn ống alóí nâi sâng. Ma cứq sêq yỗn nheq tữh cũai ca sa-âm cứq cồ nhơ tể parnai alóí atõng. ²¹ Cứq sêq yỗn nheq tữh alóí ớt muoi mút sâng, machóng mới ớt muoi mút cốp cứq, cốp cứq ớt muoi mút cốp mới. Cốp cứq sêq mới yỗn alóí ớt muoi mút cốp hái tê, đợq yỗn máh cũai tâng dời nâi têq noap samoat lứq mới khoiq ốn cứq toâq. ²² Cứq khoiq yỗn alóí bữn chóc ang-ữr machóng mới khoiq yỗn cứq chơ, đợq alóí têq ớt muoi mút machóng hái tê. ²³ Cứq ớt muoi mút cốp alóí, cốp mới ớt muoi mút cốp cứq. Ngkiq đợq nheq tữh alóí ớt muoi mút tê, yỗn máh cũai tâng dời nâi dáng samoat lứq mới khoiq ốn cứq toâq pở nâi, cốp yỗn alóí dáng mới ayooq alóí machóng mới ayooq cứq tê.

²⁴ “Mpoaq ơi! Máh cũai mới khoiq chiau yỗn cứq, ntốq léq cứq ớt, cứq yoc alóí ớt ntốq ki tê. Ngkiq alóí têq hữm chóc ang-ữr cứq, la chóc mới khoiq yỗn cứq bữn yuaq mới ayooq cứq tể nhũang mới tở yũah tềng paloõng cutêq. ²⁵ Mpoaq ơi! Mới la tanoang o lứq. Cũai tâng dời nâi tở bữn dáng mới. Ma cứq dáng mới, cốp alóí ca puai cứq dáng mới khoiq ốn cứq toâq. ²⁶ Cứq khoiq atõng yỗn alóí dáng mới. Cốp tể nâi chumat, cứq ẽ atõng ể ốc nâi đợq mới têq ayooq alóí machóng mới khoiq ayooq cứq chơ, cốp yỗn cứq têq ớt muoi mút

níc cóp alói.”

18

Noau Cỗp Yê-su

(*Mathia 26:47-56; Mac 14:43-50; Luca 22:47-53*)

¹ Moâm Yê-su câu ngkiq, chơ án cóp tốp rien tể án loõh tể ntốq ki, chơ alói yang yáng tooh tũm Ki-trôn. Bân ntốq ki bữn nưong; chơ Yê-su cóp tốp rien tể án mut tâng nưong ki. ² Yuda, án ca chềq Yê-su, án dáng chơ ntốq ki, yuaq Yê-su đốq rôm ngki cóp tốp rien tể án. ³ Ngkiq Yuda ayông muoi tốp tahan, cóp máh cũi ranềng tể tốp sớt cũi tềng rit sang Yiang Sursĩ cóp cũi Pha-rasi, đưng alói toàq pở nưong ki. Alói ayềq crong choac, chóp tóu, cóp aroam. ⁴ Yê-su khoiq dáng chơ máh ranáq ẽ toàq pở án. Ngkiq án loõh blóh alói ki: “Anhia chuaq noau?”

⁵ Alói ta-õi: “Hềq chuaq Yê-su, án ca tể vil Na-sarết.”

Yê-su ta-õi loah alói: “Cứq nài la án ki.”

Yuda ca chềq Yê-su, ốt tayúng parnoi cóp máh cũi ki. ⁶ Từ Yê-su ta-õi alói neq: “Cứq nài la án ki,” ngkiq tốp alói ca ẽ cỗp Yê-su lủh lalín cóp taliang đóm tâng cutềq. ⁷ Chơ Yê-su blóh loah alói neq: “Noau anhia chuaq?”

Alói ta-õi loah neq: “Hềq chuaq Yê-su, án ca tể vil Na-sarết.”

⁸ Yê-su ta-õi loah alói neq: “Cứq khoiq atõng anhia chơ, cứq nài la án. Kần anhia chuaq cứq, anhia yõn máh cũi nài pởq nheq voai.”

⁹ Yê-su pai ốc ki yõn cõt rapĩeiq santoiq án khoiq pai tể nhũang neq: “Mpoaq ỏi, cứq tở bữn táq pút manoaq aléq tể alói ca mới khoiq chiau yõn cứq.”

¹⁰ Si-môn Phi-er bữn muoi pla dau. Án thot dau tể sor, chơ tráh sũl cũi sớt nheq tể rit sang Yiang Sursĩ, cóp ta-õh chíq cutừ coah atoam. Ramứh cũi sũl ki la Mal-chu. ¹¹ Yê-su ón Phi-er neq: “Mới chóq loah dau mới tâng sor! Sanua cứq cóq nguaiq tể cachoc Mpoaq cứq yõn cứq nguaiq.”*

Yê-su Ớt Yáng Moat An-na

¹² Bo ki tốp tahan cóp cũi sớt tahan, đêh máh ranềng cũi sớt tể tốp I-sarel, nheq alói ki cỗp Yê-su; chơ chốq án. ¹³ Alói đưng Yê-su pở An-na, yacũn Cai-pha. Tâng cumo ki Cai-pha sớt nheq tể rit sang Yiang Sursĩ. ¹⁴ Cai-pha la cũi atõng tốp I-sarel tể nhũang, neq: “Khaq hái yõn manoaq nài cuchít, saláng nheq máh cũi hái cuchít.”

Phi-er Calõih Yê-su

(*Mathia 26:69-70; Mac 14:66-68; Luca 22:55-57*)

¹⁵ Si-môn Phi-er cóp manoaq ẽn tốp rien tể Yê-su,† alói bar náq puai Yê-su. Án ca sớt nheq tể rit sang Yiang Sursĩ, án saccoal manoaq ki. Ngkiq án bữn mut parnoi cóp Yê-su tâng nchõh mpễr đống cũi sớt nheq tể rit sang. ¹⁶ Ma Phi-er ốt yáng tiah ngoah toong. Ngkiq manoaq ca sarcoal cóp cũi sớt nheq tể rit sang, án pủh loah pở ngoah toong, cóp án sêq tể mansêm kĩaq toong yõn Phi-er mut tể. ¹⁷ Mansêm ca kĩaq toong blóh Phi-er neq: “Mới la tốp rien tể cũi ki tở?”

Phi-er ta-õi: “Cứq tở cõn tể tốp ki.”

¹⁸ Máh cũi táq ranáq cóp cũi tahan ốt ntốq ki, alói sâng sangết. Ngkiq alói nhúq ùih cóp nhềng.

* **18:11** 18:11 Từ án pai ‘nguaiq tể cachoc’, Yê-su sacâm án cóq chiúq ốc túh coat samoat Mpoaq yõn án chiúq. † **18:15** 18:15 Toàq Yang pai ‘manoaq ẽn tể tốp rien tể Yê-su’, án pai tể tở án bữm.

Phi-er tayúng nghẽng ùih parnoi cốp alói tê.

Án Ca Sốt Nheq Tẽ Rit Sang Blóh Yê-su

(*Mathia 26:59-66; Mac 14:55-64; Luca 22:66-71*)

¹⁹ Án ca sốt nheq tẽ rit sang Yiang Sursĩ blóh Yê-su tẽ tốp rien tẽ án, cốp tẽ parnai án atõng.

²⁰ Yê-su ta-õi neq: “Cứq khioq atõng raloaih lứq yõn nheq tũh cũai dáng. Cứq atõng níc tâng dõng sang cõt cốp tâng Dõng Sang Toâr pở ntõq nheq tũh cũai I-sarel dõq rôm. Cứq tở bữn cutooq muoi ọc ntróu tẽ máh ọc cứq atõng. ²¹ Nõq anhia blóh cứq? P̄ieiq lứq la anhia blóh alói ca khioq sâng parnai cứq atõng. Lứq alói dáng ntróu cứq khioq atõng.”

²² Moâm Yê-su pai ngkíq, manoaq ranẽng cũai sốt ki tapáh Yê-su cốp pai neq: “Nõq mới pai ngkíq chóc cũai ndõm nheq tẽ rit sang Yiang Sursĩ?”

²³ Yê-su ta-õi án neq: “Khân cứq pai tở p̄ieiq, ki sẽq mới atõng cứq. Ma khân cứq pai p̄ieiq, nõq mới tapáh cứq?”

²⁴ Moâm ki An-na ón noau dũng Yê-su pở Cai-pha, án ca sốt nheq tẽ rit sang Yiang Sursĩ. Ma Yê-su, nõng alói chốq.

Phi-er Pai Sĩa Án Tở Dáng Yê-su
(*Mathia 26:71-75; Mac 14:69-72; Luca 22:58-62*)

²⁵ Phi-er nõng tayúng nghẽng ùih. Bữn cũai blóh Phi-er: “Mới la tốp rien tẽ án ki tở?”

Phi-er calõih Yê-su, pai neq: “Cứq tở cõn tẽ tốp án.”

²⁶ Bữn manoaq sũl cũai sốt nheq tẽ rit sang Yiang Sursĩ õt ntõq ki tê. Án la sẽm ai cốp cũai ca Phi-er khioq tráh cutũr. Án blóh Phi-er

neq: “Lứq ma tở, cứq khioq hũm mới tâng nưong cốp án ki?”

²⁷ Ma Phi-er calõih sĩa Yê-su. Bo ki toáp ntruoai tacar.

Yê-su Ớt Yáng Moat Phi-lat
(*Mathia 27:1-2, 11-14; Mac 15:1-5; Luca 23:1-5*)

²⁸ Chơ tarup ẽn, nõng cláih lứq, alói dũng Yê-su tẽ dõng Cai-pha toáp pở ntõq noau dõq rasũq cũai. Ma máh cũai I-sarel tở ẽq mut tâng ntõq noau rasũq ki, yuaq alói tãn khân alói mut tâng ki nhũang alói tở yũah cha sanhữ Tangái Loõh. ²⁹ Cỗ tốp I-sarel tở ẽq mut chu ntõq noau rasũq, ngkíq Phi-lat, la cũai sốt ntõq ki, loõh chu alói. Án blóh alói neq: “Cỗ ranáq ntróu anhia cauq cũai nâi?”

³⁰ Alói ta-õi neq: “Khân án tở bữn táq pampla, ki hẽq tở bữn dũng án pở achuaih.”

³¹ Phi-lat atõng alói neq: “Cóc anhia dũng achu loah án; chơ anhia táq án puai rit anhia bữm.”

Ma cũai I-sarel ki ta-õi neq: “Hẽq noau tở yõn bữn chóc cachĩt cũai.”

³² Ngkíq cõt rap̄ieiq santoiq Yê-su khioq atõng tẽ nhũang chơ. Án khioq atõng na ntróu án cóq cuchĩt.

³³ Vớt ki Phi-lat mut loah chu dõng, cốp án arô Yê-su. Án blóh Yê-su neq: “Mới la lứq puo tốp I-sarel tở?”

³⁴ Yê-su blóh loah án neq: “Ốc nâi mới chõng ẽ blóh, tở la cũai canõh atõng mới dáng tẽ cứq?”

³⁵ Phi-lat ta-õi neq: “Mỏ tẽq cứq dáng! Cứq tở cõn tẽ tốp I-sarel. Cũai mới cốp cũai sốt rit sang cruang mới, alói ki dũng mới toáp pở cứq. Ntróu toáp mới táq lỏih?”

³⁶ Yê-su ta-õi loah neq: “Cứq cõt sốt la tở bữn tâng dõi nâi. Khân cứq cõt sốt tâng dõi nâi, ki proai

‡ **18:28** 18:28 Tangái ki alói sanhữ tangái Yiang Sursĩ chuai alói loõh tẽ cruang Ê-yip-tô tẽ mbốq.

cứq chíl loah tộp I-sarel, tở yỗn alóí bữn cộp cứq. Ma chóc cứq la tở cõn tâng dõì nài.”

³⁷ Phi-lat blớh loah: “Ngkíq mới la lứq puo tở?”

Yê-su ta-õì neq: “Lứq p̄ieiq ari-ang mới pai, cứq la puo. Cứq cõt cũai tâng dõì nài cõ yoc atõng tẽ ốc p̄ieiq. Cũai aléq bữn muoi mứt cộp ốc p̄ieiq, cũai ki lứq tamúng parnai cứq.”

³⁸ Phi-lat blớh loah: “Ntróu la ốc p̄ieiq?”

Moâm Phi-lat pai ngkíq, án loõh tẽ dõng cộp toàq loah p̄õ cũai I-sarel. Án atõng alóí neq: “Cứq tở bữn ramóh muoi ốc lỏih ntróu tẽ án. ³⁹ Ma toàq tangái anhia cha sanhữ Tangái Loõh, anhia bữn rit rườh manoaq tẽ máh cũai tũ yỗn cứq acláh. Ngkíq anhia ẽq cứq acláh puo tộp I-sarel tở?”

⁴⁰ Alóí roap bỗq Phi-lat casang lứq: “Chõì acláh án! Acláh Ba-raba!”

Ba-raba nài la cũai tẽ tộp ẽ cheng sớt.

19

Phi-lat Chiau Loah Yê-su P̄õ Atĩ Cũai I-sarel

¹ Moâm ki Phi-lat arô loah Yê-su, chơ án ớn noau proaih Yê-su. ² Tộp tahan táq carvang sarlia apúng tâng pl̄õ Yê-su, cộp alóí asóp án au tuar santứm ẽng. ³ Chơ alóí toàq cheq án cộp ayê án pai neq: “Cucốh noau casai puo I-sarel!” Alóí tapáh án hỡ.

⁴ Phi-lat loõh loah sĩa chu cũai I-sarel, cộp án atõng alóí neq: “Nài! Cứq dững aloõh cũai nài p̄õ anhia, yỗn anhia dáng raloih cứq tở bữn ramóh muoi ốc lỏih ntróu tẽ án.”

⁵ Từ Yê-su loõh, án noàng tapúng carvang sarlia, cộp sóp au tuar ẽng. Phi-lat atõng máh cũai

cứng ki neq: “Nài! Anhia nhêng cũai nài!”

⁶ Từ máh cũai sớt tộp tẽng rit sang Yiang Sursĩ, cộp ranêng tẽ dõng sang hữm Yê-su, nhêq tữh alóí pai casang lứq neq: “Têh án tâng aluang sangcáng! Têh án tâng aluang sangcáng!”

Ma Phi-lat pai chóc alóí neq: “Âu anhia dững cộp têh án tâng aluang sangcáng! Ma cứq tở bữn ramóh muoi ốc lỏih ntróu tẽ án!”

⁷ Tộp I-sarel ta-õì loah neq: “Puai phêp rit hêq, án cộp cuchĩt, yuaq án pai án la Con Yiang Sursĩ.”

⁸ Từ Phi-lat sâng santoiq ki, án croóq lứq. ⁹ Chơ án mut loah tâng dõng rasũq, cộp án blớh Yê-su neq: “Tẽ léq mới toàq?”

Ma Yê-su tở bữn ta-õì ntróu. ¹⁰ Phi-lat pai neq: “Nỏq mới tở bữn ta-õì cứq? Mới dáng ma tở bữn, cứq bữn chóc têq acláh mới, tở la têh mới tâng aluang sangcáng?”

¹¹ Yê-su ta-õì án neq: “Khân Yiang Sursĩ tở bữn yỗn, lứq mới tở têq táq ntróu chóc cứq. Ngkíq, cũai ca dững cứq p̄õ mới, án ki bữn ốc lỏih hỡn tẽ mới.”

¹² Toàq Phi-lat sâng ngkíq, án chuaq ngê yoc ẽ acláh Yê-su. Ma cũai I-sarel pai casang lứq sĩa neq: “Khân achuaih acláh cũai nài, achuaih tở bữn ratoì noàng cộp puo Rô-ma. Cũai aléq ngin án la puo, la samoat án chíl puo Rô-ma chơ.”

¹³ Từ Phi-lat sâng ngkíq, án dững aloõh Yê-su cộp án tacu tâng cachơng noau rasũq. Cachơng ki ớt tâng ntỏq noau dỏq Nchõh Tamáu, ma tâng parnai I-sarel noau dỏq Ca-batha.

¹⁴ Bo ki cheq mandang cuvõ toàng tâng tangái cũai I-sarel thữan cha sanhữ Tangái Loõh.*

* **19:14** 19:14 Tangái ki alóí sanhữ tangái Yiang Sursĩ chuai alóí loõh tẽ cruang Ê-yip-tô tẽ mbỗq.

Phi-lat atõng cũai I-sarel: “Nâi la puo anhia!”

¹⁵ Ma máh cũai ki pai casang lứq neq: “Hếq tở ếq án! Tẻh chíq án tâng aluang sangcáng!”

Phi-lat blóh alói sĩa: “Anhia yoc cứq tẻh puo anhia tâng aluang sangcáng tở?”

Ma alói ca sốt tốp tẻng rit sang Yiang Sursĩ ta-õi neq: “Án tở cõn puo hếq! Puo hếq la ống puo Rô-ma sâng!”

¹⁶ Moâm kị Phi-lat chiau Yê-su pở atĩ alói yõn tẻh án tâng aluang sangcáng. Chơ alói dững aloõh Yê-su tẻ ntốq ki.

Alói Tẻh Yê-su Tâng Aluang Sangcáng

(*Mathia 27:32-44; Mac 15:21-32; Luca 23:26-43*)

¹⁷ Bo alói dững aloõh Yê-su tẻ vil, alói yõn án dõl bữm aluang sangcáng án. Án toãq pở ntốq noau dỏq Ntốq Nghang Cantar Plở. Tâng parnai I-sarel noau dỏq ntốq ki la Cô-cô-tha. ¹⁸ Tâng ntốq ki noau tẻh Yê-su tâng aluang sangcáng. Cóp bữn bar náq cũai canõh noau tẻh ngki tẻ, manoaq muoi coah aveh Yê-su. Yê-su ỡt mpững dĩ bar náq ki. ¹⁹ Phi-lat chĩc tâng muoi khlẻc pian, chơ án tẻh ayõng khlẻc ki tâng aluang sangcáng Yê-su. Án chĩc neq tâng khlẻc ki: “YÊ-SU, CŨAI TỄ VIL NA-SARÊT. ÁN LA PUO CŨAI I-SAREL.” ²⁰ Cứng lứq cũai I-sarel doc chũq tâng khlẻc ki, yuaq ntốq alói cachĩt Yê-su la cheq vil. Cóp noau khiq chĩc tâng khlẻc ki toãq pái parnai: parnai I-sarel, parnai Rô-ma, cóp parnai Créc. ²¹ Ma máh cũai sốt tốp tẻng rit sang Yiang Sursĩ tẻ tốp I-sarel, alói atõng Phi-lat neq: “Achuaiah chõĩ chĩc ‘án la Puo Cũai I-sarel.’ Pẻiq

lứq achuaiah chĩc ‘án chõng pai bữm án la puo cũai I-sarel.’ ”

²² Ma Phi-lat pai loah chỏq alói neq: “Cứq khiq chĩc moâm chơ parnai nâi. Cứq tở ếq atửc noãng.”

²³ Vót máh tahan tẻh Yê-su tâng aluang sangcáng, alói ỡt tampác án, cóp alói tampẻq pỏn pún, manoaq muoi pún. Alói ỡt au tuar Yê-su hỡ. Au nâi noau tan muoi sảiq sảng, tở bữn santih ntrửu tẻ pỡng toãq pún. ²⁴ Ngkíq tahan ki, manoaq atõng manoaq: “Hái chõĩ háq au tuar nâi. Hái séng anhúq au nâi. Alẻq bữn la chơ.”

Ngkíq cõt rapẻiq parnai Yiang Sursĩ pai tẻ mbỏq neq:

“Alói tampẻq aroảiq cứq dỏq tẻc, cóp séng anhúq tampác cứq.”*

Ngkíq máh tahan ki táq.

²⁵ Bữn cũai mansẻm tayửng cheq aluang sangcáng Yê-su. Cũai ki la mpiq Yê-su, avia Yê-su, Mari lacuoi Clỏ-ba, cóp Mari tẻ vil Mac-dala. ²⁶ Tử Yê-su hửm mpiq án cóp cứq ca ratoi lứq cóp án, ỡt tayửng cheq ki, chơ án pai chỏq mpiq án neq: “Mpiq ơi! Nâi la con mới.”

²⁷ Moâm ki Yê-su atõng cứq neq: “Nâi la mpiq mới.”

Tử ki, cứq dững mpiq Yê-su chu ỡt pở dõng cứq.

Yê-su Cuchĩt

(*Mathia 27:45-56; Mac 15:33-41; Luca 23:44-49*)

²⁸ Vót ki Yê-su pai neq: “Cứq sảng ẻ khlẻc dỏq.”

Án dáng khiq moâm nheq máh ranáq noau chĩc atõng tẻ án tâng tâm saráq Yiang Sursĩ tẻ mbỏq. Ngkíq yuaq án pai santoiq ki, yõn cõt rapẻiq cóp tâm saráq ki. ²⁹ Tâng ntốq ki bữm muoi lám kang blỏng nhỏq. Alói alỏq muoi cốc aroảiq tâng blỏng ki, chơ alói

chốq tâng dũ, cớp avơi chu bỗq Yê-su. ³⁰ Moâm Yê-su yáp, chơ án pai neq: “Khoiq moâm chơ máh ranáq cứq!”

Vớit ki Yê-su nguq plờ asẽng, chơ án ta-õh rangũh.

³¹ Tangái ki tốp I-sarel thũan dỏq cha bũ tangái parnõ, la Tangái Rlu. Tốp I-sarel tở ẽq dỏq cumuiq tâng aluang sangcáng tâng Tangái Rlu; khân alóit táq ngkíq, ki tân. Ngkíq alóit sẽq tẽ Phi-lat ón noau toân ayũng cũai noau téh yõn tacoaih, cớp ón alóit asẽng cumuiq tẽ aluang sangcáng. ³² Ngkíq tahan toáq toân ayũng bar náq cũai noau téh parnõi cớp Yê-su yõn tacoaih. ³³ Ma tử tahan ki toáq pở Yê-su, alóit hũm Yê-su khoiq cuchĩt chơ. Ngkíq alóit tở bũn toân ayũng án yõn tacoaih. ³⁴ Ma bũn manoaq tahan ít coih choat aveh Yê-su. Chơ aham cớp dỏq loõh tẽ mõi q ki. ³⁵ Cứq khoiq hũm máh ranáq nãi. Lũq cứq toáp atõng loah tẽ ranáq nãi, cớp santoiq cứq pai la pĩei q lữq. Cứq dáng raloaih cứq pai lữq pĩei q, cớp cứq atõng ngkíq yõn anhia tẽq sa-âm. ³⁶ Nheq máh ranáq nãi toáq yõn cõt rapĩei q tâng tâm saráq Yiang Sursĩ tẽ mbỗq, pai neq: “Nhang án muoi ntreh la tở bũn tacoaih.”^{*} ³⁷ Cớp bũn ntỏq canõh ẽn tâng tâm saráq Yiang Sursĩ pai neq: “Alóit tapoang nhẽng chu án ca alóit khoiq choat.”^{*}

Noau Túp Yê-su
(*Mathia 27:57-61; Mac 15:42-47; Luca 23:50-56*)

³⁸ Moâm ki Yô-sep tẽ vil Ari-mathê sẽq tẽ Phi-lat cumuiq Yê-su. Yô-sep la cũai puai Yê-su tê, ma án puai clõp, yuaq án ngcõh tốp I-sarel. Phi-lat yõn án ít, chơ

án pởq ít cumuiq Yê-su. ³⁹ Bũn dẽh Ni-cudem pởq cớp Yô-sep. Ni-cudem la cũai ca pởq sa-óh Yê-su muoi sadâu nhũang. Án dũng cớng phuom carchốc tẽ bar thũ aluang. Dỏq phuom ki tâng pái chĩt la pái ki-lô. ⁴⁰ Alóit bar náq ít cumuiq Yê-su, chơ som toáq aroai q. Alóit chốq cớng phuom tâng aroai q ki hữ, puai rit tốp I-sarel dỏq thũan nhũang dũng túp cumuiq. ⁴¹ Cheq ntỏq noau cachĩt Yê-su bũn muoi nưong. Tâng nưong ki bũn muoi lám ping tamái noau táq dỏq, ien ẽ túp cumuiq. ⁴² Yuaq tangái ki la tangái tốp I-sarel thũan cha bũi, cớp ping ki cheq ntỏq noau cachĩt án, ngkíq alóit dũng túp Yê-su tâng ping ki.

20

Yê-su Tamoong Loah
(*Mathia 28:1-8; Mac 16:1-8; Luca 24:1-12*)

¹ Tangái muoi tâng tởn ki nõang cláih lữq, paloõng poang mbỗiq rưm-rưm, Mari tẽ vil Mac-dala toáq pở ping Yê-su. Án hũm ariang noau khoiq vih tamáu toâr tẽ ngoah ping. ² Ngkíq án lủh chu atõng Si-môn Phi-er cớp cứq. Mari atõng hẽq neq: “Khoiq noau ít chơ Ncháu hái tẽ ping, cớp hẽq tở dáng pở léq noau dỏq án.”

³ Ngkíq Phi-er cớp cứq pởq chu ping ki. ⁴ Hẽq lủh, ma cứq lủh carlíq Phi-er. Ngkíq cứq toáq nhũang pở ping. ⁵ Cứq talên tâng ping, cớp cứq hũm ống aroai q miat. Ma cứq tở bũn mut tâng clõng ping. ⁶ Tử Si-môn Phi-er toáq, án mut toáp tâng clõng ping. Án hũm ống aroai q miat sâng. ⁷ Cớp án hũm aroai q noau pul plờ Yê-su. Aroai q nãi ariang noau tấp dỏq, chơ achủh dỏq miar tẽ

aroaiq noau som. ⁸ Vót ki, cúq mut tê. Cúq hũm cóp cúq noap samoat lúq. ⁹ Bo ki hếq tở yũah dáng samoat tể parnai Yiang Sursĩ atõng tể Yê-su cóq cuchĩt cóp yuor tamoon loah.

Yê-su Ramóh Mari Tể Vil Mac-dala
(*Mathia 28:9-10; Mac 16:9-11*)

¹⁰ Vót ki hếq bar náq chu loah pở đồng. ¹¹ Ma Mari noang tayúng nhiam yáng tiah ping. Bo án nhiam, án talẽn tâng ping. ¹² Án hũm bar náq ranẽng Yiang Sursĩ tể paloõng sớp au cloc cóp tacu pở ntốq noau đốq cumuiq Yê-su tể nhũang. Manoaq tacu coah plở, manoaq tacu coah ayũng. ¹³ Alói blớh Mari neq: “Avia ơ! Ntróu mới nhiam?”

Mari ta-õi: “Khoiq noau ỉt Ncháu cúq, cóp cúq tở dáng pở léq noau đũng đốq án.”

¹⁴ Moâm ki Mari luliaq cóp hũm Yê-su tayúng bân ki, ma án tở bữn saccoal Yê-su. ¹⁵ Yê-su pai chóq án neq: “Avia ơ! Ntróu mới nhiam? Noau mới chuaq?”

Mari chanchóm án la cũai sama nường ki. Ngkĩq án ta-õi neq: “Achuaih ơ! Khãn achuaih đũng aloõh án, sếq achuaih atõng yõn cúq dáng pở léq achuaih đốq. Cúq pớq ỉt án.”

¹⁶ Chơ Yê-su pai chóq án: “Mari.”

Mari luliaq nhêng sĩa chu Yê-su cóp pai neq: “Ra-buni ơ!” (Santoiq ‘ra-buni’ parlong loah la ‘thái’.)

¹⁷ Yê-su atõng Mari neq: “Chõĩ satoaq cúq, yuaq cúq tở yũah chõn pở Mpoaq cúq. Ma sanua mới chu pở sễm ai cúq, cóp atõng alói neq: ‘Cúq chõn pở Mpoaq cúq cóp Mpoaq anhia. Cúq chõn pở Yiang Sursĩ cúq cóp Yiang Sursĩ anhia.’ ”

¹⁸ Mari tể vil Mac-dala chu pở tốp rien tể Yê-su. Án atõng alói neq: “Cúq khoiq hũm chơ Ncháu hái.”

Cóp án atõng alói máh santoiq Yê-su khoiq patáp án.

Yê-su Ramóh Tốp Rien Tể Án
(*Mathia 28:16-20; Mac 16:14-18; Luca 24:36-49*)

¹⁹ Tangái muoi tâng tởn ki, toaq tabữ, tốp rien tể Yê-su rôm muoi ntốq. Alói cloaih toong báng, yuaq alói ngcõh cũai I-sarel. Chơ Yê-su toaq tayúng mpúng dĩ alói. Án pai neq: “Anhia õt ien khẽ.”

²⁰ Moâm án pai ngkĩq, Yê-su apáh yõn alói ki nhêng talang atĩ cóp aveh án. Tốp rien tể Yê-su sâng ỡn lúq, yuaq alói bữn hũm loah Ncháu alói. ²¹ Yê-su atõng alói sĩa neq: “Anhia õt ien khẽ. Mpoaq cúq khoiq ón cúq pớq; machống ki tê cúq ón anhia pớq.”

²² Moâm Yê-su pai ngkĩq, án cahõ tâng alói cóp pai neq: “Anhia roap ỉt Raviei Yiang Sursĩ. ²³ Khãn anhia táh lỏih noau, lỏih ki lúq pút. Cóp khãn anhia tở bữn táh lỏih noau, lỏih ki tở bữn pút.”

Yê-su Ramóh Thô-mat

²⁴ Thô-mat, noau đốq án la Di-dim hỡ, án la tể tốp muoi chít la bar náq tê, ma án tở bữn õt cóp tốp ki tâng tangái Yê-su toaq trỏ nhũang. ²⁵ Tở alói atõng Thô-mat alói khoiq hũm Ncháu alói, ki Thô-mat tở bữn noap parnai alói. Án pai neq: “Khãn cúq tở bữn hũm rapit đẽng tâng talang atĩ án, cóp khãn cúq tở bữn satoaq ndẽm atĩ cúq tâng rapit ki, cóp khãn cúq tở bữn satoaq atĩ cúq tâng aveh án, cúq lúq tở bữn noap.”

²⁶ Vót tacual tangái ẽn tốp rien tể Yê-su õt tâng đồng ki sĩa. Trỏ nài bữn đẽh Thô-mat õt cóp alói. Alói cloaih loah ngoah toong sĩa. Ma Yê-su toaq sĩa tayúng mpúng

dĩ alói. Yê-su pai neq: “Anhia ốt ien khẽ.”

²⁷ Moâm ki Yê-su pai chóg Thô-mat neq: “Nâi la talang atĩ cứq. Mới aloõh ndẽm atĩ mới pupơr tâng talang atĩ cứq. Cóp mới aloõh atĩ mới pupơr tâng aveh cứq. Mới chỏi coang ngian noâng. Ma cóq mới sa-âm!”

²⁸ Thô-mat ta-õi toáp: “Ncháu cứq, cóp Yiang Sursĩ cứq!”

²⁹ Yê-su pai loah chóg Thô-mat neq: “Yuaq mới bữn hữm cứq, ngkíq mới sa-âm. Ma bốn lứq alói ca sa-âm cứq, ma tở nai hữm cứq.”

³⁰ Yê-su táq sa-ũĩ ranáq salẽh canõh ẽn yáng moat tốp puai án, ma cứq tở bữn chĩc nheq tâng tâm saráq nâi. ³¹ Ma máh ốc khoiq chĩc tâng saráq nâi, la đõq yõn anhia ca noap Yê-su la Crít, Con Yiang Sursĩ. Khân anhia sa-âm ngkíq, anhia lứq bữn tamong mantái nhơ ramúh án.

21

Yê-su Chuai Cũai Chuaq Sĩaq

¹ Vót tẽ ki Yê-su toáp pở tốp rien tẽ án muoi trỗ ẽn pở tor clóng Tubê-riat.* Ranáq nâi la neq: ² Alói ca ốt parnơi ntõq ki la Si-môn Phi-er, Thô-mat (noau đõq Di-dim hỡ), Na-thanĩal tẽ vil Cana cruang Cali-lê, hếq bar náq con samiang Sê-badê, cóp bar náq canõh tốp rien tẽ Yê-su. ³ Si-môn Phi-er pai neq: “Cứq pởq yoang alieiq chuaq sĩaq.”

Chơ máh cũai pai neq: “Hếq pởq tẽ cóp mới.”

Ngkíq nheq tữh hếq chõn tâng tuoc. Ma nheq muoi sadâu ki hếq tở va bữn muoi lám sĩaq. ⁴ Poang tarựp mbõiq rừm-rừm Yê-su ốt cheq tor đõq ki, ma hếq tở bữn

dáng pai Yê-su. ⁵ Yê-su sabau hếq neq: “Cái ơi! Anhia bữn sĩaq tở?”

Hếq ta-õi: “Tở va loâng!”

⁶ Yê-su pai ẽn: “Anhia yoang alieiq coah atoam ẽn, chơ anhia bữn sĩaq.”

Từ hếq táq ngkíq, alieiq hếq chuat sĩaq sa-ũĩ lứq. Hếq tở rơi ác alieiq achõn tâng tuoc noâng. ⁷ Chơ, cứq atõng Phi-er neq: “Án la Ncháu hái!”

Toáp Si-môn Phi-er sâng cứq pai: “Án la Ncháu hái,” ngkíq Phi-er sớp toáp au, yuaq tẽ nhũang án khoiq tũot đõq chơ. Moâm ki án pống tâng đõq. ⁸ Hếq puai ntun án na tuoc. Cóp hếq ti alieiq khoiq poân moang sĩaq. Hếq ốt tở bữn yong tẽ tor, sám bar culám coat sâng.†

⁹ Từ hếq toáp pở tor, hếq hữm ùih rahững; bữn sĩaq cóp bẽng tâng tapéh. ¹⁰ Yê-su ón hếq neq: “Anhia đững pở nâi sĩaq mbõiq chuat.”

¹¹ Chơ Si-môn Phi-er pởq ti toáp alieiq chu tor. Alieiq ki khoiq poân moang sĩaq; bữn muoi culám sỡng chít la pái lám sĩaq toâr, ma alieiq tở bữn prúh. ¹² Yê-su atõng hếq neq: “Anhia toáp cha voai.”

Tở bữn aléq tẽ tốp rien tẽ án khốn blóh án: “Thài la noau?”

Nheq tữh hếq khoiq dáng chơ án la Ncháu hếq. ¹³ Ngkíq Yê-su pởq ít bẽng; chơ án avoi yõn hếq cha. Cóp án avoi sĩaq hỡ. ¹⁴ Pái trỗ tâng nâi chơ Yê-su ramóh tốp rien tẽ án vót tangái án yuor tamong loah.

Yê-su Táq Ntõng Cóp Phi-er

¹⁵ Moâm cha, Yê-su blóh Si-môn Phi-er neq: “Si-môn, con Yô-na, ơi! Mới ayooq cứq hỡn nheq tẽ ốc canõh tở?”

* **21:1** 21:1 Đõq clóng nâi noau đõq la clóng Cali-lê hỡ. † **21:8** 21:8 Tở la sám takêh chít mết.

Phi-er ta-đi neq: “Ớq. Ncháu đáng chơ cứq ayoq Ncháu.”

Chơ Yê-su atōng án neq: “Cóg mới siem cũu con khong cứq nơ.”

¹⁶ Muoi trở ễn Yê-su blóh Phi-er neq: “Si-môn, con Yô-na, ơi! Lứq mới ayoq cứq tở?”

Phi-er ta-đi sĩa: “Ớq. Ncháu đáng chơ cứq ayoq Ncháu.”

Chơ Yê-su atōng án sĩa: “Cóg mới rabán charán cũu cứq nơ.”

¹⁷ Muoi trở ễn Yê-su blóh sĩa Phi-er neq: “Si-môn, con Yô-na, ơi! Lứq samoât mới ayoq cứq tở?”

Ngkíq Phi-er sâng ngua, yuaq Yê-su ốt blóh níc án khoiq pái trở chơ neq: “Lứq samoât mới ayoq cứq tở?”

Chơ Phi-er ta-đi sĩa: “Ncháu ơi! Ncháu đáng dũ ramúh chơ. Ncháu đáng cứq ayoq Ncháu.”

Chơ Yê-su atōng án sĩa: “Cóg mới siem charán cũu cứq nơ.

¹⁸ Cứq atōng mới samoât lứq, bo mới noâng póng, têq mới ít rangúh mới bữm. Mới yoc ễ pỡq chu léq, mới pỡq. Ma nỡ-ra toâq mới thâu, mới lứq ayoang atĩ mới, cóp cũai canốh chốq ngkĩng mới. Chơ alóí dững mới chu ntốq mới tở ểq pỡq.”

¹⁹ Yê-su pai ngkíq, án atōng na ntróu Phi-er cuchĩt. Nỡ-ra máh cũai hữm Phi-er lứq cuchĩt ngkíq, chơ alóí khễn Yiang Sursĩ. Moâm ki Yê-su ón Phi-er neq: “Cóg mới puai cứq!”

²⁰ Phi-er luliaq chu clĩ. Án hữm cứq ca ratoí lứq cóp Yê-su ốt ngki tê. Cứq la án ca ốt tĩng Yê-su bo hếq chi-cha đỏi pêl tabũ ki. Cứq toâp khoiq blóh Yê-su noau ễ chếq án. ²¹ Từ Phi-er hữm cứq, án blóh Yê-su neq: “Ncháu ơi! Án nâi cuchĩt na ntróu?”

²² Yê-su ta-đi Phi-er neq: “Khân cứq yoc án tamooong toau cứq toâq loah pỡ nâi, bữn mới tutuaiq táq

ntróu? Ma mới, cóq mới puai cứq.”

²³ Moâm Yê-su pai ngkíq, parnai ki trởh la-ủt la-ủi pỡ cũai ca sa-âm Yê-su. Ngkíq alóí chanchóm pai cứq tở bữn cuchĩt noâng. Ma Yê-su tở bữn pai cứq tở bữn cuchĩt. Yê-su pai neq: “Khân cứq yoc án tamooong toau cứq toâq loah pỡ nâi, bữn mới tutuaiq táq ntróu?”

²⁴ Cutỏ cứq toâp la cũai tễ tộp rien tễ Yê-su ca atōng máh ramúh nâi, cóp cứq khoiq chĩc máh ramúh nâi tê. Têq anhia noap ỉt, yuaq nheq parnai nâi la lứq pĩeiq.

²⁵ Noâng bữn sa-ủi ranáq ễn Yê-su khoiq táq. Cứq chanchóm, khân noau yoc ễ chĩc nheq dũ ramúh ki, nheq từh cốc cutêq nâi tở bữn dũ ntốq ễ đọq noâng máh tâm saráq ki.

Ranáq Tốp Puai Yê-su Táq Santoiq Atõng

Saráq nâi Luca chĩc to loah saráq án chĩc nhũang atõng tẽ dõn tamooing Yê-su. Án chĩc saráq nâi sám 60 cumo ntun Yê-su canõt. Saráq nâi atõng tẽ Yê-su chõn chu paloõng. Ranẽng tẽ paloõng ớn tốp puai Yê-su chu loah pở vil Yaru-salem cốp acoan Raviei Yiang Sursĩ sêng õt cốp alói.

Raviei Yiang Sursĩ sêng õt cốp alói yõn alói cõt cloq lứq pởq atõng parnai Yiang Sursĩ, cốp ayõng máh tốp sa-âm. Alói bữn chóc đõq tuih aloõh máh yiang sấuq tẽ tở cũai, cốp palai máh cũai a-ĩ cõt bán.

Saráq nâi atõng loah máh ranáq tốp puai Yê-su khoiq táq, nhơ tẽ chóc Raviei Yiang Sursĩ. Alói pởq atõng parnai o tẽ Yiang Sursĩ tâng vil Yaru-salem, tâng cruang Yudê, tâng cruang Sa-mari, cốp toau chũop nheq pưn paloõng cutrúq nâi.

¹ Cứq la Luca coiq saráq nâi yõn yõu cứq Theu-phulo. Tẽ nhũang cứq khoiq chĩc muoi pở saráq yõn mới dáng samoat samoi máh ramứh tẽ Yê-su. Tâng saráq ki cứq atõng nheq ranáq Yê-su khoiq táq cốp nheq ọc án khoiq atõng, tẽ nhũang án tở yũah chõn chu paloõng. ² Nhũang án chõn, Raviei Yiang Sursĩ yõn án patáp tốp alói ca án khoiq ruroh cõt tốp ayũng atĩ án, yõn alói dáng cốp alói táq nõq. ³ Yê-su khoiq ramóh sa-ũi ramứh túh coat. Vợt án cuchĩt, án tamooing loah, cốp án toađ loah pở tốp rien tẽ án. Bo ki án táq sa-ũi tếc yõn alói tẽq dáng raloaih ralẽng án lứq

tamooing loah. Yê-su õt cốp tốp rien tẽ án nheq põn chít tangái põn chít sadâu, cốp án atõng alói tẽ Yiang Sursĩ táq sõt. ⁴ Muoi trở bo Yê-su õt rôm cốp tốp rien tẽ án, án atõng alói neq: “Anhia chõi loõh yũah tẽ vil Yaru-salem. Ma anhia õt acoan yõn toau toađ Raviei Yiang Sursĩ ca Mpoaq cứq ỹq yõn anhia, samoat cứq atõng anhia tẽ nhũang chơ. ⁵ Yuaq Yang khoiq táq batẽm yõn anhia toađ đõq, ma tở bữn dũn noađ Raviei Yiang Sursĩ lứq toađ. Cốp án mut õt tâng mút pahõm anhia. Nâi la anhia roap batẽm tẽ Raviei Yiang Sursĩ.”

Yê-su Chõn Chu Paloõng

⁶ Bo tốp puai Yê-su rôm cốp án, alói blõh án neq: “Sanua Ncháu ẽ táq yõn cruang I-sarel cõt sõt bữm tở?”

⁷ Yê-su ta-õi alói neq: “Anhia tở bữn túh dáng tẽ ọc nâi. Máh ranáq ki ớng Yiang Sursĩ toáp dáng, yuaq án toáp anoat. ⁸ Ma từ Raviei Yiang Sursĩ mut õt tâng mút pahõm anhia, án yõn anhia riap pởq atõng tẽ cứq yõn nheq từh cũai dáng. Nở-ra anhia bữn atõng tẽ cứq tâng vil Yaru-salem, cruang Yudê, cruang Sa-mari, cốp dũ cruang pưn paloõng cutrúq nâi.”

⁹ Moâm Yê-su pai ngkĩq án chõn chu paloõng, cốp ramứl catáng chíq tở án. Alói õt tâng pưn tở bữn hữm noađ án. ¹⁰ Từ Yê-su chõn chu paloõng, alói õt tapoang níc. Bo ki toáp bữn bar náq samiang õt cheq tốp alói. Bar náq ki sớp au cloc, ¹¹ cốp alói pai neq: “Máh cũai tẽ cruang Cali-lê ời! Nõq anhia õt tayũng níc ntõq nâi, cốp nhẽng níc chu paloõng? Yê-su ca anhia hữm chõn chu paloõng, nở-ra án sêng

loah p̄ŕq cóc cutêq nâi machóng anhia hũm án chõn sanua tê.”

¹² Tũr tốp puai Yê-su sâng san-toiq ki, alói sêng tẽ dũal O-li-vê, chu loah p̄ŕ vil Yaru-salem. Dũal nâi yong tẽ vil Yaru-salem mán muoi ki-lô-mết. ¹³ Alói chu loah p̄ŕ dõng alói rôm tẽ nling, cóc alói chõn tâng tran bar, mut õt tâng muoi clõng. Mách cũi rôm ngki bũn neq: Phi-er, Yang, Yacõ, Anrê, Phi-lip, Thô-mat, Batê-lami, Mathia, Yacõ con samiang Al-phê, Si-môn Sê-lôt, cóc Yuda con samiang Yacõ. ¹⁴ Nheq tũh alói dõq rôm pruan câu muoi mút muoi pahõm tâng ntõq ki. Bũn máh cũi mansẽm, dẽh Mari, mpiq Yê-su, cóc máh a-ẽm samiang Yê-su hũ rôm ngki.

¹⁵ Bũn muoi tangái ntun ẽn Phi-er yuor tayúng dõq atõng tốp sa-âm Yê-su õt rôm ngki. Tốp alói sám muoi culám bar chít náq. Phi-er pai neq: ¹⁶ “Nheq tũh sẽm ai sẽm õi õi! Mách santoiq tâm saráq Yiang Sursĩ khoiq atõng tẽ mbõq, lữq hái hũm cõt rapieiq tẽ ranáq Yuda I-cari-õt khoiq táq. Yuda táq samoát Raviei Yiang Sursĩ yõn Davĩt atõng tẽ mbõq; án dũng cũi p̄ŕq cóc Yê-su. ¹⁷ Án la lữq tẽ tốp hái, táq ranáq machóng hái tê. ¹⁸ Ma Yuda ít práq noau chang; chơ án ayông rana yõn noau cóc Yê-su. Moâm ki án p̄ŕq chõng muoi tâm cutêq, chơ ntun ki Yuda yác. Púng án puoih cóc padõh, chơ ruaiq án sarliei yáng tiah. ¹⁹ Tũr máh cũi õt tâng vil Yaru-salem sâng tẽ ranáq ki, alói amũh ntõq ki la Hakel-dama. Santoiq ki parlong loah la ‘Ntõq cutêq bũn aham cũi cuchĩt’. ²⁰ Nheq ramũh nâi puo Davĩt khoiq atõng chơ tâng tâm

saráq Parnai Ũat Khẽn neq: ‘Sẽq anhia táq yõn dõng án cõt dõng rangual sâng, cóc tũ bũn noau õt noâng tâng dõng ki.’*^{*}

Cóc Davĩt atõng muoi santoiq ẽn tâng ntõq ki:

‘Yõn cũi canõh pláih loah ranáq án táq.’*^{*}

²¹⁻²² Phi-er atõng sĩa neq: “Tốp hẽq cóc bũn loah manoaq ẽn dõq táq ranáq cóc hẽq. Cóc hái ruoh manoaq ca õt cóc hẽq tẽ tangái Yang táq batẽm yõn Yê-su, yõn toau toáq tangái Yê-su chõn chu paloõng. Cũi nâi, cóc án khoiq hũm Yê-su cuchĩt cóc tamoong loah, dõq têq án atõng parnoi cóc hẽq yõn cũi canõh dáng.”

²³ Ngkĩq alói aloõh ramũh bar náq, ma ruoh ít ống manoaq sâng. Bar náq ki ramũh Mathiat cóc Yô-sep. Yô-sep nâi, noau dõq áp Ba-saba tũ la Yutu hũ. ²⁴⁻²⁵ Chơ tốp alói câu neq: “Ncháu hẽq õi! Anhia dáng dũ óc tâng mút pahõm cũi. Ngkĩq Ncháu õi, sẽq anhia ápáh yõn hẽq dáng aléq tẽ bar náq nâi ca anhia ruoh yõn án táq ranáq anhia tang loah Yuda. Yuda khoiq táh ranáq nâi, cóc án p̄ŕq õt tâng ntõq cũi sâuq ẽn.”

²⁶ Moâm alói câu, chơ alói séng yoc ẽ ruoh manoaq tẽ bar náq ki. Chơ, p̄ieiq Mathiat. Ngkĩq Mathiat mut táq ranáq parnoi cóc tốp muoi chít la muoi noaq. Chơ noau dõq tốp alói muoi chít la bar náq la ayũng atĩ Yê-su Crĩt.

2

Raviei Yiang Sursĩ Toâq

¹ Toâq tangái tốp I-sarel cha bũ Tangái Susot,* tốp puai Yê-su p̄ŕq rôm muoi ntõq. ² Bo alói rôm, alói santar sâng bũn sường

* 1:20 1:20 Ũat Khẽn 69:25 * 1:20 1:20 Ũat Khẽn 109:8 * 2:1 2:1 Tangái Susot la sỡng chít tangái ntun Tangái Loõh.

tẽ paloõng samoât srong cuyal hâp lúq. Srong nâi ralõng chũop clõng dõng alói õt. ³ Alói hũm ariang lieih cõt pla ùih, chơ án caryoah cốp tớt tâng tở dù náq cūai. ⁴ Ki la tếc Raviei Yiang Sursĩ mut cõt sớt tâng mút alói. Cốp alói mbõiq têq táq ntõng sa-ũi parnai cūai canõh ẽn, cõ Raviei Yiang Sursĩ yõn alói pai.

⁵ Tangái ki, õt tâng vil Yarusalem bũn cūai I-sarel tẽ dù cruang pũn paloõng cutrúq toâq rôm pở ki. Alói ki puai phếp rit Yiang Sursĩ samoât samoi lúq. ⁶ Tữ alói sâng srong ki, máh cūai toâq rôm clũng lúq pở dõng tốp puai Yê-su õt. Dù náq cūai ki sâng noau táq ntõng toâq parnai alói bũm; chơ alói sâng dót lúq. ⁷ Alói sâng salẽh lúq, cốp pai neq: “Nheq tũh cūai ca atõng nâi la cūai Cali-lê. ⁸ Ma nõq hái sâng alói táq ntõng parnai hái bũm ma raloaih lúq? ⁹ Hái la cūai tẽ sa-ũi cruang, dếh cūai tẽ cruang Bathê, Mê-dia, E-lam, Mê-sapô-tamia, Yudê, Cap-badôc, Pôn-tu, Asia, ¹⁰ Phu-rayia, Bam-phuli, Ê-yip-tô, cốp Li-bia cheq Si-rên. Cốp bũn cūai tamoi tẽ cruang Rô-ma hỡ. ¹¹ Muoi pún tẽ tốp hái lúq cūai I-sarel. Muoi pún ẽn la cūai tẽ tốp canõh ca pruum tũoiq phếp rit I-sarel. Muoi pún hái la cūai Crê, muoi pún la cūai Arap. Hái la cūai tẽ miar cruang, ma hái têq sâng alói atõng toâq parnai hái bũm; alói atõng tẽ máh ranáq toâr lúq Yiang Sursĩ khioiq táq.”

¹² Ngkíq nheq tũh alói santar cốp sâng dót lúq. Chơ manoaq blóh manoaq: “Ntróu toâp ranáq nâi?”

¹³ Ma bũn máh cūai ayê ra-ac pai neq: “Alói ki bũl blõng.”

¹⁴ Chơ Phi-er cốp muoi chít la muoi noaq tốp án, alói yuor tayúng. Phi-er atõng cūai clũng ki casang lúq neq: “Cūai I-sarel cốp nheq tũh anhia ca õt tâng vil Yarusalem oi! Sếq anhia tamúng yõn samoât tẽ parnai cớq atõng anhia. ¹⁵ Anhia chanchõm hếq bũl blõng. Ma hếq tở bũn bũl blõng. Mbõiq mandang chách kễ, loan léq hếq ẽ bũl? ¹⁶ Máh ọc anhia sâng sanua, ọc ki la lúq cūai tang bõq Yiang Sursĩ, ramúh Yô-el, khioiq atõng tẽ mbõq. Án pai neq:

¹⁷ ‘Yiang Sursĩ patâp cūai neq:
Tâng máh tangái cheq ẽ toâq tangái parsót,
cớq satõh Raviei cớq yõn nheq tũh cūai.

Chơ máh con mansẽm samiang anhia,
têq atõng tang parnai cớq.
Máh cūai samiang póng tẽ tốp anhia,
cớq atõng na sapáh baih.

Cốp máh cūai samiang thâu tẽ tốp anhia,
cớq atõng na parnáu láu mpáu.

¹⁸ Tâng tangái ki cớq satõh Raviei cớq tâng máh cūai táq ranáq cớq,
dếh samiang mansẽm,
yõn alói têq atõng tang parnai cớq.

¹⁹ Cớq lúq táq tếc salẽh tâng paloõng cốp tâng cutêq la neq:
aham, ùih blữ, cốp phĩac suol achõn.

²⁰ Moat mandang cõt canám,
cốp rliang casâi cõt cusâu samoât aham.

Toâq anhia hũm tếc nâi,
ngkíq khioiq cheq chơ Ncháu anhia ẽ toâq.

²¹ Ma dù náq cūai ca arô sếq nheq ramúh Yiang Sursĩ,

án lúq chuai amoong cūai
ki.' "☆

22 Chơ Phi-er atōng ẽn neq:
“Cūai I-sarel ơ! Sẽq anhia
tamúng parnai cúq. Yê-su, la
cūai tẽ vil Na-sarết, lúq Yiang
Sursĩ yõn án táq sa-ữi ranáq salẽh
cóp tếc canõh hỡ yõn anhia dáng
samoât lúq án toâq tẽ Yiang Sursĩ.
Lúq anhia khoiq sâng chơ án táq
ranáq salẽh cóp tếc nãi. 23 Ma
Yiang Sursĩ khoiq thữan ranáq
nãi tẽ nhũang, yõn anhia tẽq táq
Yê-su. Yiang Sursĩ khoiq dáng
tẽ nhũang, anhia lúq chiau Yê-su
toâq pỡ cūai sâuq yõn alóí cachĩt
chíq án. 24 Ma Yiang Sursĩ yõn Yê-
su tamoong loah. Bo ki la samoât
riang ốc cuchĩt chốq Yê-su khâm
lúq, ma Yiang Sursĩ leh loah tẽ
ốc cuchĩt ki. Án tỡ yõn ốc cuchĩt
cốt sốt noâng Con án. 25 Puo
Davĩt khoiq atōng tẽ mbốq chơ
máh ramứh anãi. Án pai neq:

‘Cúq dáng samoât lúq la Yiang
Sursĩ ốt níc cóp cúq.

Yuaq án ốt cóp cúq,
ngkiq tỡ bữn ốc ntróu ma táq
yõn cúq cốt tỡ bữn sabóng.

26 Ngkiq cúq sâng bũi óh lúq,
cóp toâq cúq táq ntōng la bữn
moang ốc bũi.

Tỡ bữn ntróu tỡ cúq cuchĩt.

Ma cúq dáng samoât samoi
nữ-ra cúq tamoong loah,

27 yuaq anhia tỡ bữn táh cúq pỡ
ntốq cūai cuchĩt ốt.

Anhia tỡ bữn yõn án ca bráh o lúq
ma cốt abuoiq.

28 Anhia khoiq sadoi yõn cúq dáng
rana pỡq chu ntốq tamoong
mantái.

Choâng moat anhia, mút
pahõm cúq cốt bũi óh
lúq.' "☆

29 Chơ Phi-er atōng ẽn neq:
“Sẽm ai ơi! Cúq yoc atōng yõn an-
hia dáng raloaih lúq tẽ Davĩt. Án
la achúc achiac hái. Lúq samoât
án khoiq cuchĩt chơ, cóp noau túp
án tâng ping. Tangái nãi hái lúq
dáng ntốq ping án. 30 Ma Davĩt,
án lúq cūai tang bỗq Yiang Sursĩ
tẽ. Davĩt dáng samoât samoi, la
Yiang Sursĩ pruum cóp án, nữ-ra
bữn manoaq tẽ tống án cốt puo
pláih loah án.☆ 31 Davĩt la thrap
nhũang, cóp Crĩt la thrap ntun.
Ma Davĩt dáng nhũang Crĩt cuchĩt
tẽq tamoong loah. Ngkiq Davĩt
dáng samoât lúq raviei Yê-su tỡ
bữn ốt dũn tâng ntốq cūai cuchĩt
ốt, cóp tỡ Yê-su cuchĩt tỡ bữn
abuoiq ntróu thág.☆ 32 Tẽ ranáq
Yê-su tamoong loah nãi, lúq moat
hếq khoiq hữm. Yuaq ngkiq
tẽq hếq atōng yõn anhia dáng
samoât. 33 Yiang Sursĩ yõn Yê-
su ốt tacu coah atoam án. Ngkiq
Yiang Sursĩ táq tếc án ayooq lúq
Yê-su clũi tẽ canõh. Yiang Sursĩ
yõn Raviei án pỡ Yê-su, ariang
án khoiq ữq tẽ nhũang. Chơ Yê-
su coiq Raviei Yiang Sursĩ yõn ốt
tâng dũi nãi sanua. Ngkiq ranáq
anhia sâng cóp hữm sanua, ranáq
nãi la lúq Raviei Yiang Sursĩ toáp
táq. 34-35 Cóp máh santoiq Davĩt
atōng, tỡ cõn án pai tẽ tỡ án
bữm chõn chu paloõng. Ma Davĩt
atōng neq:

‘Yiang Sursĩ atōng chốq Ncháu
cúq neq:

Mói tacu coah atoam cúq

toau toâq tangái léq cúq yõn alóí
ca ẽ cachĩt mới,
ốt purn talang ayững mới, cốt
sũl mới.' "☆

36 Chơ Phi-er atōng ẽn neq:
“Máh cūai I-sarel ơ! Cúq atōng
yõn anhia dáng samoât lúq tẽ

☆ 2:21 2:21 Yô-el 2:28-32 ☆ 2:28 2:28 Ūat Khẽn 16:8-11 ☆ 2:30 2:30 Ūat Khẽn 132:11

☆ 2:31 2:31 Ūat Khẽn 16:10 ☆ 2:34-35 2:34-35 Ūat Khẽn 110:1

óc nâi. Yiang Sursĩ yõn Yê-su cõt Ncháu neq tũh cũai. Cóp Yiang Sursĩ yõn Yê-su cõt Crít, án ca Yiang Sursĩ ruoh dõq chuai amoong cũai. Ma anhia khiq cachĩt Yê-su chơ.”

³⁷ Từ tốp alói sâng parnai nâi, mút alói sâng lavoaiq loah. Chơ alói blóh Phi-er cốp tốp muoi chít la muoi noaq neq: “Sẽm ai ơi! Nóg hếq ẽ táq sanua?”

³⁸ Phi-er ta-ơi alói neq: “Cóg anhia ngin lòi h lèq cõt mút tamái ẽn. Cóp cóq anhia roap batẽm nhơ ramũh Yê-su Crít. Ngkíq Yiang Sursĩ táh lòi h anhia, cốp Raviei Yiang Sursĩ õt cốp anhia tê. ³⁹ Lúq Yiang Sursĩ yoc ẽ yõn Raviei án pở anhia, dẽh con acái anhia cốp cũai tẽ cruang canõh hõ. Yiang Sursĩ la Ncháu hái, án yõn neq tũh cũai án ruoh bũn Raviei án.”

⁴⁰ Phi-er atõng sa-ũi lúq ẽn tẽ ranáq Yê-su. Cốp án suoaq alói neq: “Cóg anhia táh neq máh ranáq sâuq, yõn anhia tẽq viaq vót tẽ óc túh coat ca toâq pở tống toi q cũai lòi h nâi.”

⁴¹ Bũn sám pái ngin náq cũai sa-âm parnai Phi-er atõng. Cốp pái ngin náq ki roap batẽm loâng, táq tẽc alói sa-âm Yê-su Crít. Ngkíq alói pruam muoi mút cốp tốp puai Yê-su. ⁴² Alói pởq rôm níc cốp tốp ayũng atĩ Yê-su Crít. Alói rôm câu parnoi, cốp pĩh bẽng cha sanhũ Yê-su cuchĩt tang alói.

Tốp Sa-âm Yê-su Pruam Muoi Mút

⁴³ Nheq tũh cũai sâng dót, cốp tốp ayũng atĩ Yê-su táq sa-ũi ranáq salẽh ariang Yiang Sursĩ yõn alói táq. ⁴⁴ Nheq cũai sa-âm, alói cõt níc muoi mút. Máh crong alói bũn, alói pruam chõng. ⁴⁵ Alói chẽq máh mun alói; chơ parõm dõq práq alói

muoi ntõq. Cũai aléq óq, alói chuai cũai ki. ⁴⁶ Cu rangái alói pởq rôm pở Dõng Sang Toâr. Cốp alói cha bũi parnoi hõ, muoi tangái dõng án nâi, muoi tangái ẽn dõng án ki. Alói õt bũi óh lúq, yuaq alói bũn muoi mút muoi luam. ⁴⁷ Mantái lúq alói khẽn Yiang Sursĩ. Nheq tũh cũai tâng vil Yaru-salem khẽn tốp sa-âm Yê-su. Cốp cu rangái Yiang Sursĩ yõn cũai canõh sa-âm Yê-su, chơ mut tâng tốp sa-âm Yê-su tê.

3

Cũai Yõt Cõt Bán

¹ Cu rangái toâq mandang pri-ang tốp puai Yê-su pởq rôm câu tâng Dõng Sang Toâr tốp I-sarel. Bũn muoi tangái, Phi-er cốp Yang pởq câu pở ki tê. ² Alói khiq cheq ẽ toâq ngoah toong noau dõq Toong Nêuq. Ồt cheq toong ki alói hũm cũai yõt tacu. Án yõt tẽ mpiq án canõt. Cu rangái noau dũng dõq án pở ntõq ki, yõn án sêq práq tẽ cũai mut ngoah toong ki. ³ Từ cũai yõt ki hũm Phi-er cốp Yang ẽ mut dõng sang, án sêq práq tẽ alói. ⁴ Chơ Phi-er cốp Yang cloân nhẽng chu án, cốp Phi-er pai neq: “Mói nhẽng chu hếq nâi.”

⁵ Ngkíq cũai yõt ki nhẽng chu alói. Án tẽng alói ẽ yõn án práq. ⁶ Ma Phi-er pai neq: “Práq yẽng cúq tở bũn bũn tê. Ma ramũh ntróu cúq bũn, cúq yoc ẽ chuai aki. Nhơ ramũh Yê-su Crít tẽ vil Na-sarêt, cúq ỏn mới yuor tayũng, chơ pởq!”

⁷ Phi-er tẽc atĩ atoam cũai yõt ki, ayuor án tayũng. Bo ki toâp ayũng án cõt bán. ⁸ Yóiq toâp án yuor. Án pởq na ayũng mut tâng dõng sang manoi nũng Phi-er cốp Yang. Nton án pởq nton án ỏn tamprũol khẽn Yiang Sursĩ. ⁹ Nheq tũh cũai tâng dõng sang

ki hữm án pởq ayũng cớp khễn Yiang Sursĩ. ¹⁰ Alói sacoal án la cũai đốq crốq sễq práq cheq ngoah Toong Nêuq. Alói sãng đót lứq hữm ayũng án cõt o loah.

Phi-er Atõng Tâng Dõng Sang Toâr

¹¹ Tâng dõng sang ki bữn muoi lám ntrõn noau đốq Ntrõn Salamôn. Phi-er cớp Yang õt tâng ntrõn ki; cớp bữn án ca ayũng cõt bán la õt cớp alói tê. Cứng lứq cũai lủh parlõng toâq pở nttốq alói õt, cớp alói sãng đót lứq. ¹² Toâq Phi-er hữm cũai cứng toâq, án atõng alói neq: “Tõp I-sarel ơ! Nốq anhia sãng đót tể ranáq nãi? Nốq anhia nhềng cloân níc chu hếq? Anhia chanchóm hếq tềq táq bữm ranáq nãi tở? Cớp anhia chanchóm hếq o hỡn tể cũai canỏh yáng moat Yiang Sursĩ tở? Tở cõn! Cũai nãi cõt bán la nhỡ tể Yê-su Crít toập. ¹³ Yiang Sursĩ, án ca achúc achiac hái A-praham, I-sac, cớp Yacốp sang, lứq Yiang Sursĩ yõn Yê-su, la cũai ca táq ranáq án cõt sốt toâr lứq. Ma anhia chiau Yê-su pở atĩ Phi-lat la cũai sốt tâng cruang nãi. Toâq Phi-lat yoc ề acláh Yê-su, anhia tở yõn án acláh. ¹⁴ Anhia calõih táh Yê-su, la cũai tanoang tapúng cớp bráh o lứq. Ma anhia sễq Phi-lat acláh cũai pla ca khoiq cachĩt cũai. ¹⁵ Anhia cachĩt Yê-su, án ca tềq yõn hái tamoong. Ma Yiang Sursĩ yõn án tamoong loah. Hếq dáng ranáq nãi lứq p̄ieiq, yuaq hếq khoiq hữm chớ máh ranáq nãi. ¹⁶ Lứq anhia sacoal cũai yõn nãi. Cỗ hếq sa-âm Yê-su, cớp cỗ nhỡ ramứh án, cũai nãi cõt bán. Lứq Yê-su toập táq ranáq nãi yõn moat anhia hữm.

¹⁷ “Sễm ai ơ! Cứq dáng anhia cớp sốt anhia cachĩt chíq Yê-su

cỗ anhia sacũl. ¹⁸ Ma ốc nãi Yiang Sursĩ khoiq atõng chớ tể mbốq na cũai tang bỗq án. Alói pai Crít, án ca Yiang Sursĩ rườh đốq chuai amoong cũai, cớq chũuq sa-ũi ramứh túh coat. Parnai nãi lứq cõt santruoq cớp Yê-su. ¹⁹ Ngkiq, cớq anhia ngin lỏih lềq cõt mút tamái ễn, cớp pih loah puai ngê Yiang Sursĩ, đốq án ariau yõn bráh máh lỏih anhia. Khân anhia táq ngkiq, Yiang Sursĩ lứq chuai mút pahõm anhia yõn cõt práih loah. ²⁰ Cớp nữ-ra Yiang Sursĩ ỏn Yê-su Crít sễng loah pở cutểq nãi machớng án khoiq atõng tể nhũang chớ. ²¹ Ma sanua Yê-su cớq õt tâng paloõng toau toâq tangái Yiang Sursĩ atức cớc cutểq nãi yõn o loah samoát án mbỗiq tềng tể dẫu lứq ki. Yiang Sursĩ khoiq atõng ngkiq tể mbốq na máh cũai tang bỗq án ca bráh o. ²² Mỏi-se, la manoaq tể cũai tang bỗq ki, pai neq:

‘Nữ-ra Yiang Sursĩ ỏn manoaq tể tốp hái

cõt cũai tang bỗq án machớng cứq tể.

Cớq anhia tamứng cớp trĩh máh ốc án atõng.

²³ Cũai aléq ma tở bữn trĩh parnai cũai tang bỗq Yiang Sursĩ, cũai ki tở tềq cõt noâng cũai proai Yiang Sursĩ. ✧

²⁴ “Samu-ễl cớp máh cũai tang bỗq ca toâq ntun Samu-ễl, nehq tữh alói khoiq atõng tể ranáq hái hữm tâng đõi sanua. ²⁵ Máh cũai tang bỗq Yiang Sursĩ ki la achúc achiac hái tể. Cớp hái chớng tể máh ramứh Yiang Sursĩ par-ữq cớp achúc achiac hái A-praham. Yiang Sursĩ par-ữq neq:

‘Nữ-ra cỗ nhỡ tể tống toiq mới,

dũ tốp cũai pũn paloõng
cutrúq nài bũn roap ọc
bõn.*

²⁶ Ngkíq Yiang Sursĩ yõn Yê-su, la cũai táq ranáq án, toâq pũ anhia voai. Án yõn anhia bũn ọc bõn nhũang lứq, cốp yõn anhia têq viaq vót tễ ngê sâuq anhia đốq táq.”

4

Phi-er Cốp Yang Ớt Yáng Moat Cũai Sốt

¹ Bo Phi-er cốp Yang noâng atõng, máh cũai sốt tốp tẽng rit sang, cũai sốt tahan kĩaq Dõng Sang Toâr, cốp máh cũai Sa-dusê toâq toâp pũ ntõq ki. ² Máh cũai ki ũan lứq chók Phi-er cốp Yang, yuaq alóí bar náq atõng tễ Yê-su khoiq tamoong loah. Cốp alóí pai cõ nhơ tễ Yê-su tamoong loah, ngkíq cũai canõh têq tamoong loah machóng Yê-su tẽ. ³ Ngkíq máh cũai sốt cốp toâp alóí bar náq, cốp khang tâng cuaq tũ. Tangái ki khoiq cheq sadâu chơ. Ngkíq alóí yoc ẽ blóh bar náq ki tâng tangái parnõ ẽn. ⁴ Ma chũng lứq cũai sa-âm parnai alóí bar náq ki atõng. Máh cũai samiang ca sa-âm bo ki, bũn sám sỡng ngin náq.

⁵⁻⁶ Toâq tangái parnõ ẽn, máh cũai sốt tốp I-sarel, máh cũai sốt nheq sâu, cốp máh cũai yõng rit, nheq tũh alóí rôm tâng vil Yarusalem. Alóí pũq ramóh An-na, án ca sốt nheq tễ rit sang Yiang Sursĩ. Cốp bũn máh cũai tễ đõng An-na ớt ngki tẽ, dẽh Cai-pha, Yang, cốp Alec-sandơ. ⁷ Tốp alóí ớn noau dũng Phi-er cốp Yang toâq pũ alóí; chơ alóí blóh bar náq ki neq: “Noau yõn anhia bũn chóc táq bán cũai yõt ki? Ntróu ramứh án?”

⁸ Bo ki Raviei Yiang Sursĩ cõt sốt tâng mút pahõm Phi-er, chơ án pai neq: “Cũn anhi oi! Cúq sêq atõng anhia. ⁹ Khãn anhia yoc ẽ dáng cõ nõq hêq têq chuai cũai yõt nài yõn cõt bán, ¹⁰ cốp anhia cốp nheq tũh cũai I-sarel dáng raloaih tễ ranáq nài. Ranáq nài õng Yê-su Crít toâp têq táq. Yê-su la cũai tễ vil Na-sarết, án ca anhia khoiq cachĩt na tẽh án tâng aluang sangcáng. Ma Yiang Sursĩ yõn án tamoong loah. ¹¹ Án la samoât cõc tamáu cũai táq đõng khoiq táh. Ma tamáu nài o hỡn tễ nheq tamáu canõh; chơ noau ít cốp chĩp bân soq đõng.* ¹² Pũn paloõng nài tỡ bũn noau noâng têq chuai amoong hái. Yiang Sursĩ yõn õng Yê-su toâp táq ranáq chuai amoong hái.”

¹³ Máh cũai sốt ki sâng dót lứq Phi-er cốp Yang atõng clóq lứq, yuaq alóí dáng bar náq ki la cũai proai miat sâng cốp tỡ bũn rien sa-ũi. Ma alóí dáng bar náq ki coi ớt cốp Yê-su. ¹⁴ Ma cũai sốt ki tỡ dáng tẽq ntróu tễ ranáq Phi-er cốp Yang táq, yuaq alóí hũm cũai yõt khoiq cõt bán chơ cốp tayứng parnoi cheq Phi-er cốp Yang. ¹⁵ Ngkíq alóí ớn Phi-er cốp Yang loõh chíq tễ ntõq alóí rôm, yuaq alóí yoc ẽ sarhõng tuoiq õng alóí sâng. ¹⁶ Alóí pai neq: “Nõq hái ẽ táq chók bar náq nài? Nheq tũh cũai tâng vil Yarusalem khoiq hũm chơ tễ alóí táq ranáq salêh lứq yõn cũai yõt nài. Hái tỡ têq suon pai alóí tỡ bũn táq ranáq ki. ¹⁷ Ma hái chõl yõn ranáq nài trởh la-ũt la-ũi yõn cũai canõh dáng. Ngkíq cốp hái sươq alóí chõl atõng noâng tễ ramứh Yê-su.”

¹⁸ Moâm ki alóí arô loah Phi-er cốp Yang mut loah pũ ntõq alóí

* 4:11 4:11 ũat Khẽn 118:22

sarhóng. Alói sươq bar náq ki tở yỗn pởq atởng noàng tễ ramứh Yê-su.

¹⁹ Ma Phi-er cốp Yang ta-ỡi máh cũai sốt ki neq: “Nỏq anhia chanchỏm, ranáq aléq Yiang Sursĩ hữm o hỡn? O hếq trỡh anhia, ma o hếq trỡh Yiang Sursĩ?” ²⁰ Khân hếq tở bữn pởq atởng, ki tở tềq. Máh ranáq hếq hữm Yê-su táq cốp máh parnai hếq sâng án atởng, hếq cóq atởng yỗn cũai canỏh dáng.”

²¹ Ma máh cũai sốt ki prút Phi-er cốp Yang tở yỗn atởng noàng parnai nái. Moâm alói sươq ngkíq, chớ alói acláh. Alói tở tềq táq ntrứu chỏq bar náq ki, yuaq alói ngcỏh cũai proai táq loah alói. Nheq máh cũai proai khẻn Yiang Sursĩ cỏ án chuai cũai yỗt nái. ²² Cũai yỗt nái khoiq clữi pỗn chít cumo chớ, noap tễ mpiq án canỏt.

Tỏp Yê-su Câu Yỗn Cốt Clỏq Lứq Ển

²³ Tở máh cũai sốt acláh Phi-er cốp Yang, alói chu loah pở tỏp alói, cốp atởng loah máh parnai cũai sốt tỏp tềng rit sang Yiang Sursĩ cốp cũai sốt nheq sâu khoiq pai chỏq alói. ²⁴ Ngkíq nheq tữh tỏp alói mpruam câu muoi mút neq: “Yiang Sursĩ Ncháu Nheq Tữh Cũai ỡi! Lứq anhia toáp tềng paloỏng, cốc cutềq nái, đởq mút, cốp túc ramứh ỏt tâng ki. ²⁵ Tễ mbỏq anhia khoiq atởng na achúc achiac hếq, Davít, tễ máh ỏc Raviei Yiang Sursĩ yỗn án atởng. Davít pai neq:

‘Cỏ nỏq máh cruang cũai tâng cốc cutềq nái ma ùan lứq chỏq Yiang Sursĩ?

Cỏ nỏq alói sarhóng ngê tở bữn cốt kia ntrứu?

²⁶ Máh puo tâng cốc cutềq nái cốp máh cũai sốt canỏh sarhóng parnoi cốp pruam ể chíl Yiang Sursĩ cốp Puo ca Yiang Sursĩ khoiq rườh.’[☆]

²⁷ Davít khoiq atởng máh ỏc pềiq lứq tễ mbỏq; sanua hếq hữm ỏc ki khoiq toáq chớ. Hê-rôt cốp Philat, alói khoiq rôm tâng vil Yarusalem parnoi cốp máh cũai I-sarel cốp máh cũai tễ cruang canỏh hỡ, yoc ể táq Yê-su. Yê-su la cũai táq ranáq anhia ca bráh o lứq. Nừm manoaq án toáp anhia rườh đởq chuai amoong cũai. ²⁸ Máh cũai sốt ki lứq rôm parnoi cốp táq máh ỏc anhia khoiq anoat tễ mbỏq. ²⁹ Sanua, Ncháu hếq ỡi, anhia sâng santoiq máh cũai sốt ki yoc ể táq hếq. Sểq anhia chuai yỗn mút hếq cốt clỏq lứq ển đởq atởng níc tễ parnai anhia. ³⁰ Hếq sểq anhia tahâu satoaq cũai a-ỉ yỗn cốt bán. Cốp hếq sểq anhia ápáh ranáq salẻh cốp tếc tễ chớc anhia nớ ramứh Yê-su, án ca táq ranáq anhia, bráh o lứq.”

³¹ Moâm alói câu, đống alói rôm cốt cacurt. Cốp Raviei Yiang Sursĩ cốt sốt tâng mút pahỏm alói. Chớ alói atởng parnai Yiang Sursĩ clỏq lứq ển.

Tỏp Puai Yê-su Pruam Chống Mun Alói

³² Nheq tữh tỏp sa-âm Yê-su cốt muoi mút muoi luam. Aléq bữn máh mun, án tở bữn ndỏm manoaq án, ma nheq tữh alói pruam ndỏm chống mun ki. ³³ Santoiq tỏp ayững atở Yê-su atởng tễ Ncháu alói tamoong loah cốt blẻng lứq. Cốp Yiang Sursĩ satỏh ỏc bốn yỗn tỏp alói ca puai Yê-su. ³⁴⁻³⁵ Tâng tỏp alói tở bữn noau ỏq ntrứu. Aléq bữn ntỏq cutềq tở la đống, cốp alói bủi

pahõm yoc ẽ chuai yóu, alóí chéq máh mun alóí. Cóp alóí pruam parõm práq ki, chơ dũng pữ tốp muoi chít la bar náq ayũng atĩ Yê-su. Chơ tốp ki tampêq yõn cũai ca ỏq.

36-37 Bữn manoaq samiang ramũh Yô-sep tẽ sâu Lê-vi toâq tẽ cõn Sip-rơ. Án bữn muoi liang sarái, chơ án chéq sarái ki cốp dũng asuoi práq kia pữ tốp muoi chít la bar náq. Tốp muoi chít la bar náq đõq án ramũh tamái Ba-naba. Santoiq Ba-naba parlong loah la 'aliam cũai bữn ỏc ngua'.

5

A-nania Cóp Sapi-ra

1 Ma bữn manoaq samiang ramũh A-nania. Án cốp lacuoi án, ramũh Sapi-ra, alóí chéq tê muoi tâm cutêq yoc ẽ chuai yóu. 2 Muoi pún tẽ práq kia ki, A-nania dũng asuoi pữ tốp ayũng atĩ Yê-su. Ma muoi pún ẽn, án cutooq ít đõq. Lacuoi án la dáng tê cayac án táq ngkíq. 3 Chơ Phi-er pai chỏq A-nania neq: "A-nania ơi! Nỏq mới puai rangũh yiang Satan? Mới cakéq chỏq Raviei Yiang Sursĩ tẽ práq kia anhia chéq cutêq, cốp anhia ít đõq muoi pún tẽ práq ki, ma mới yõn ỏng muoi pún sâng. 4 Bo anhia tữ yũah chéq, cutêq ki lữq cutêq anhia. Práq kia chéq cutêq ki la lữq práq anhia. Ma nỏq anhia pai khioq chiau nheq práq kia cutêq ki, ma anhia ít đõq loah muoi pún? Anhia tữ bữn cakéq chỏq cũai, ma lữq anhia cakéq chỏq Yiang Sursĩ."

5 Moâm Phi-er atõng ngkíq, bo ki toâp A-nania dỏm, chơ cuchĩt loâng. Ngkíq nheq tữh cũai sâng croõq lữq. 6 Chơ máh samiang póng mut som cumuiq ki. Moâm alóí som, alóí dũng tữp toâp.

7 Vót ki sám chĩn pái adéh dõi, chơ lacuoi A-nania ẽn mut tâng ntỏq ki. Án tữ yũah dáng pai cayac án khioq cuchĩt. 8 Phi-er blóh án ẽn neq: "Anhia dũng nheq chơ máh práq kia anhia chéq cutêq ki tữ?"

Mansẽm ki ta-õi neq: "Oq. Práq hếq chéq cutêq ki khioq nheq cayac cứq dũng chơ."

9 Phi-er pai neq: "Nỏq anhia bar náq pruam muoi mút yoc ẽ chim Raviei Yiang Sursĩ? Cayac mới khioq noau dũng tữp chơ. Sanua alóí ca tữp cayac mới, khioq chu toâq ngoah toong chơ. Sanua alóí ẽ dũng tữp mới ẽn."

10 Tữ án sâng Phi-er pai ngkíq án dỏm, chơ cuchĩt tê. Máh cũai samiang póng mut cốp hữm án khioq cuchĩt; chơ alóí dũng tữp án cheq ping cayac án. 11 Ngkíq tữ nheq tữh tốp sa-âm Yê-su cốp cũai canõh sâng tẽ ranáq nâi, alóí sâng ngcõh lữq.

Sa-ũi Ranáq Salẽh

12 Tốp ayũng atĩ Yê-su táq sa-ũi ranáq salẽh yáng moat máh cũai tâng vil ki. Cóp máh cũai puai Yê-su đõq rôm tâng Ntrõn Sa-lamôn tâng Dõng Sang Toâr. Ngkíq alóí cõt muoi mút muoi luam. 13 Mách cũai tữ yũah sa-âm, alóí khẽn tốp puai Yê-su, ma alóí tữ khỏn mut cốp tốp puai Yê-su. 14 Ma bữn cũai sa-âm Yê-su cứng la-ũt la-ũi, dẽh samiang, dẽh mansẽm. 15 Đõq noau dũng đõq máh cũai a-ĩ tâng rana yõn bẻq tâng chĩa cốp tâng cantrang. Alóí ỏt acoan Phi-er toâq, ẻq mul Phi-er cadóp yõn máh cũai a-ĩ cõt bán. 16 Cứng cũai tẽ vil canõh ca ỏt cheq vil Yaru-salem, alóí dũng asuoi pữ ki máh cũai a-ĩ cốp cũai bữn yiang sâuq payõh. Chơ máh cũai ki cõt bán nheq.

Cūai Sốt Táq Tốp Puai Yê-su

¹⁷ Ma án ca sốt nheq tể rit sang Yiang Sursĩ cốp yóu án tể tốp Sa-dusê, alóí ũan chók tốp muoi chít la bar náq ayŭng aĩ Yê-su.

¹⁸ Chơ alóí cốp tốp ki cốp chók tâng cuaq. ¹⁹ Ma toâq sadâu bữn manoaq ranẽng Yiang Sursĩ pớh chíq ngoah toong cuaq tũ, cốp án dũng aloỏh tốp muoi chít la bar náq tể cuaq ki. ²⁰ Ranẽng ki ớn alóí neq: “Anhia pớq atõng tâng Dõng Sang Toâr tốp I-sarel yỏn máh cūai dáng nõq toập Yiang Sursĩ khoiq yỏn anhia ngê tamái nâi.”

²¹ Ngkíq alóí trỉh ranẽng ki. Poang tarũp alóí mut atõng tâng Dõng Sang Toâr. Bo alóí atõng ngki, án ca sốt nheq tể rit sang Yiang Sursĩ cốp yóu án, alóí mut rôm parnoi cốp cūai sốt tốp I-sarel. Máh cūai sốt ki ớn tahan pớq coaiq tốp muoi chít la bar náq tể cuaq tũ, chơ dũng atoâq pờ nõq alóí ớt rôm.

²² Ma tử tahan mut tâng cuaq tũ, alóí tở hữm noâng tốp muoi chít la bar náq. Chơ tahan ki chu atõng máh cūai sốt. ²³ Alóí pai neq: “Tử hếq toâq pờ cuaq tũ, hếq hữm cachũo tở bữn noau pớh yũah, cốp cūai kĩaq cuaq tũ noâng ớt ngki. Ma tử hếq pớh toong, hếq tở hữm noau noâng tâng cuaq tũ.”

²⁴ Tử án ca sốt tahan kĩaq dõng sang cốp alóí ca sốt tốp tểng rit sang Yiang Sursĩ, sâng santoiq ki, alóí dớt lứq. Cốp alóí ớt chanchóm tở dáng ranáq ntróu ển tốp muoi chít la bar náq ể táq. ²⁵ Moâm ki bữn cūai toâq atõng máh sốt ki neq: “Máh cūai anhia chók tâng cuaq tũ bữ hái, sanua alóí atõng máh cūai tâng Dõng Sang Toâr.”

²⁶ Ngkíq cūai sốt tahan ki dũng tahan án pớq coaiq tốp muoi chít

la bar náq. Ma alóí táq nguai lứq, yuaq alóí ngcõh máh cūai proai ớt ngki tám tamáu chók alóí, khân alóí táq tachoát chók tốp ki.

²⁷ Tử tahan ki dũng tốp muoi chít la bar náq mut tayũng yáng moat cūai sốt, án ca sốt nheq tể rit sang Yiang Sursĩ atõng alóí neq: ²⁸ “Hếq khoiq sươq anhia samoât lứq, tở yỏn anhia atõng noâng tể ngê Yê-su. Ma anhia tở trỉh hếq. Sanua parnai ki cõt parhan la-ũt la-ũi chũop vil Yaru-saleh. Cốp anhia atõng cūai canỏh, ểq noau pai hếq cachĩt Yê-su.”

²⁹ Phi-er cốp yóu án ta-ỡi neq: “Khaq hếq trỉh parnai Yiang Sursĩ, saláng hếq trỉh parnai cūai. ³⁰ Lứq p̄ieiq anhia khoiq cachĩt Yê-su tâng aluang sangcáng. Ma Yiang Sursĩ achúc achiac hái sang tể mbỏq, án khoiq chuai Yê-su yỏn tamoong loah. ³¹ Sanua Yiang Sursĩ yỏn Yê-su ớt coah atoam án cốp cõt sốt toâr lứq, dỏq án tềq chuai amoong cūai. Yiang Sursĩ yoc ể chuai tốp I-sarel, án ểq alóí ngin lỏih lềq cõt mút tamái ển; chơ án lứq táh lỏih alóí. ³² Hếq la cūai khoiq hữm cốp atõng loah tể máh ốc ki. Cốp Ravieĩ Yiang Sursĩ la atõng ngkíq tề. Khân cūai aléq ma trỉh parnai án, Yiang Sursĩ yỏn Ravieĩ án ớt loâng cốp cūai ki.”

³³ Tử cūai sốt ki sâng ngkíq, alóí sâng ũan lứq ển. Alóí yoc ể cachĩt tốp muoi chít la bar náq. ³⁴ Ma bữn manoaq tể tốp alóí yuor tayũng. Ramũh án la Camaliel, cốp án la tể tốp Pha-rasi. Án la cūai atõng tể phễp rit cūai I-sarel, cốp noau yám noap lứq án. Án ớn tahan dũng aloỏh tốp muoi chít la bar náq tể nõq ki. ³⁵ Chơ án atõng máh cūai sốt ki neq: “Sẽm ai ới! Cóq anhia táq o dáih chók tốp muoi chít la bar

náq nâi. ³⁶ Cóg anhia sanhữ tẽ manoaq ramúh Thêu-da. Án ẽq noau chanchóm án la cũai toár. Bữn sám pôn culám náq dỏq puai án. Ma vót noau cachit án, tốp puai án pláh cu ntỏq, cốp ranáq alói táq cõt pút nheq. ³⁷ Vót Thêu-da bữn manoaq ẽn ramúh Yuda tẽ cruang Cali-lê. Án yuor chõn cõt sớt, cốp bữn clúng cũai puai án. Ma noau cachit án tê, cốp máh tốp puai án lúh pláh nheq. ³⁸ Ngkíq cứq atõng anhia sanua, anhia chõi táq ntróu cốp alói muoi chít la bar náq nâi. Khân satoioq alói pai, cốp ranáq alói táq chõng loõh tẽ mút alói bữm, tở bữn dũn ranáq ki lứq pút nheq. ³⁹ Ma khân ranáq alói táq, toát tẽ Yiang Sursĩ, ki anhia tở tẽq pupút. Khân anhia yoc ẽ pupút ranáq ki, lứq samoát anhia chít Yiang Sursĩ toáp.”

⁴⁰ Ngkíq cũai sớt ki tamúng parnai án. Alói arô loah tốp muoi chít la bar náq yõn toát loah pở alói. Chơ alói ớn noau toân tốp ki. Cốp alói sươq tốp ki chõi atõng noàng tẽ parnai Yê-su. Moâm alói patáp, chơ alói acláh. ⁴¹ Tốp muoi chít la bar náq loõh tẽ ntỏq ki. Alói sâng bũi lứq, yuaq Yiang Sursĩ yõn alói riap chũuq máh ỏc túh coat cõ tian alói yám noap ramúh Yê-su. ⁴² Cu rangái tốp alói mut tâng Dỏng Sang Toár cốp tâng máh dỏng cũai hỡ, chơ alói atõng níc parnai o tẽ Yê-su Crít.

6

Alói Ruoah Tapul Náq Ndõm Ranáq Chuai Yóu

¹ Máh tangái ki tốp puai Yê-su cõt clúng lứq ẽn. Cốp tâng tốp alói bữn máh cũai I-sarel táq ntõng parnai Créc. Máh cũai ki voỏq neq: “Cu rangái cán cumai hếq roap crong tác cha tở bữn li

cốp cán cumai cũai I-sarel ca táq ntõng parnai Hê-brơ.”

² Ngkíq tốp muoi chít la bar náq parõm nheq máh tốp puai Yê-su, cốp pai neq: “Tở p̄ieiq hếq muoi chít la bar náq ma tở bữn atõng noàng parnai Yiang Sursĩ cõ miaq tampẽq crong tác cha yõn anhia. ³ Ngkíq cóg anhia ruoh tẽ tốp anhia tapul náq ca rangoiq cốp bữn Raviei Yiang Sursĩ táq sớt tâng mút alói. Chơ hếq ẽ pachúh yõn tốp alói tapul náq ki ẽn cõt sớt tẽ ranáq tampẽq tampác sana yõn anhia. ⁴ Chơ hếq bữn câu níc, cốp bữn pỏq atõng parnai Yiang Sursĩ hỡ.”

⁵ Tở tốp puai Yê-su sâng satoioq ki, nheq tữh alói sâng bũi lứq. Ngkíq alói ruoh Satien; án la cũai sa-âm Yê-su samoát samoi, cốp án bữn Raviei Yiang Sursĩ sớt tâng mút pahõm án. Cốp alói ruoh cũai canõh hỡ ramúh neq: Philip, Prô-curơ, Ni-cano, Tamôn, Barmê-na, cốp Ni-cula tẽ vil Anti-ôt. Bo nhũang Ni-cula puai phếp rit I-sarel, ma ntun ki án sa-âm Yê-su ẽn. ⁶ Ngkíq tapul náq ki ỏt yáng moat tốp muoi chít la bar náq ayũng atĩ Yê-su Crít. Tốp ki câu cốp satoaq atĩ tâng alói tapul náq, táq tếc alói tabỏq roap táq ranáq Yiang Sursĩ. ⁷ Yuaq ngkíq parnai Yiang Sursĩ cõt rúh sa-ũi ntỏq, cốp bữn clúng lứq cũai tâng vil Yaru-saleh mút sa-âm Yê-su. Cốp bữn sa-ũi náq tẽ tốp tẽng rit sang Yiang Sursĩ la sa-âm Yê-su tẽ.

Noau Cỏp Chít Satien

⁸ Satien la cũai sa-âm Yê-su pacái lứq. Cốp Raviei Yiang Sursĩ yõn án bữn chớq tẽq táq ranáq salẽh yáng moat máh cũai. ⁹ Ma bữn cũai tẽ muoi dỏng sang tốp I-sarel rasuon cốp Satien. Sa-ũi náq tẽ dỏng sang ki la cũai sũl noau

khoiq acláh. Alóí toâq tễ vil Si-rên, tễ vil Alec-santri, tễ cruang Silasi, cớp tễ cruang Asia. ¹⁰ Ravieq Yiang Sursĩ yỗn Satien ta-õi cũai ki rangoaiq lứq. Ngkíq tỗp alóí tỡ dáng nỏq ễ pai noâng chỏq Satien. ¹¹ Chơ tỗp alóí chang práq yỗn cũai canỏh apót Satien. Máh cũai ki pai neq: “Hếq khoiq sâng Satien acrieiq Mỏi-se cớp Yiang Sursĩ.”

¹² Ngkíq tỗp ki sasrúc máh cũai tâng vil ki, cũai sỏt nheq sâu cớp máh cũai yỗng rit, ễq alóí táq Satien. Chơ nheq tữh alóí toâq cớp Satien cớp dững án pỡ cũai sỏt. ¹³ Alóí dững atoâq sĩa cũai ca apót Satien neq: “Cũai nâi đốq lứq táq ntỗng mumat Dổng Sang Toâr, cớp án ayê phễp rit Yiang Sursĩ hỡ. ¹⁴ Hếq khoiq sâng án pai tễ manoaq cũai ramứh Yê-su tễ vil Na-sarết yoc ễ talỏh Dổng Sang Toâr cớp yoc ễ rapĩen chíq máh phễp rit Mỏi-se patâp hái.”

¹⁵ Vớt ki nheq tữh cũai rỏm ntốq ki, alóí cloân níc chu Satien. Alóí hũm mieiq án cớt samoât mieiq ranễng Yiang Sursĩ.

7

Satien Nsũar Loah

¹ Chơ án ca sỏt nheq tễ rit sang Yiang Sursĩ blớh Satien neq: “Máh ỏc alóí pai ki, lứq ma tỡ bữn?”

² Satien ta-õi loah neq: “Nheq tữh sễm ai cũn anhi ỏi! Sễq anhia tamứng santoiq cứq ruaih loah. Yiang Sursĩ hái bữn chỏc ang-ữr clữi nheq tễ yiang canỏh; án khoiq toâq atỗng achúc achiac hái A-praham tễ mbỏq. Bo ki A-praham noâng ỏt tâng cruang Mê-sapôtamia; án tỡ yũah pỡq chu cruang Haran. ³ Yiang Sursĩ ỏn A-praham neq: ‘Mớí loỏh tễ cruang mớí,

cớp táh nheq máh sễm ai mớí. Chơ mớí pỡq ỏt pỡ cruang cứq sadoi yỗn mớí ỏt.’⁴ Ngkíq A-praham loỏh tễ cruang Caldê, chơ án pỡq ỏt pỡ cruang Haran ễn. Ma tỡ mpoaq án cuchĩt, Yiang Sursĩ dững án pỡq ỏt tâng cruang hái ỏt sanua. ⁵ Yiang Sursĩ tỡ yũah yỗn A-praham ndỡm cutễq nâi. Ma Yiang Sursĩ ữq cớp A-praham cớp tỗng toiq án la nỡ-ra alóí bữn ndỡm nheq cruang nâi toau toâq dỡi chễ cho.⁶ Ma bo Yiang Sursĩ pai ngkíq chỏq A-praham, A-praham tỡ yũah bữn con. ⁶ Cớp Yiang Sursĩ atỗng A-praham ễn neq: ‘Nỡ-ra tỗng toiq mớí cớq ỏt tâng cruang ca alóí tỡ bữn ndỡm. Tâng cruang ki alóí cớt sũl nheq pỗn culám cumo, cớp cũai ndỡm alóí, táq alóí túh coat lứq.’⁷ Ma ntun ễn, cứq culáh đởq chỏq cũai tâng cruang ca yỗn chễ cho mớí cớt sũl. Moâm ki chễ cho mớí bữn loỏh tễ cruang ki, chơ bữn sang toam cứq pỡ ntốq nâi.’⁸ Chơ Yiang Sursĩ khoiq par-ữq cớp A-praham, cớp án ỏn A-praham táq rit cút yỗn con samiang. Rit nâi la tếc án pruam cớp Yiang Sursĩ. Tỡ A-praham bữn con samiang, án amứh con ki I-sac. Catâm tangái tacual noap tễ canỏt con ki, A-praham táq rit cút yỗn I-sac, con án. Machớng ki tễ I-sac táq tếc yỗn Yacỏp, con án. Cớp Yacỏp táq tếc nâi yỗn máh con samiang án. Yacỏp bữn muoi chít la bar náq con samiang. Alóí ki la achúc achiac hái tễ mbỏq.

⁹ “Bữn manoaq tễ máh achúc achiac hái con Yacỏp, ramứh Yỏsep. Máh ai Yỏsep ũan án. Ngkíq alóí chẻq án. Chơ cũai tễ cruang Ê-yip-tỏ dững án cớt sũl pỡ cruang alóí. Ma Yiang Sursĩ

☆ 7:3 7:3 Saráq Tễ Dâu 12:1 ☆ 7:5 7:5 Saráq Tễ Dâu 12:7; 13:15; 15:18; 17:8 ☆ 7:6 7:6 Saráq Tễ Dâu 15:13-14

õt níc cốp Yô-sep. ¹⁰ Ngkiq Yiang Sursĩ chuai Yô-sep yõn vót tẽ máh ớc túh coat noau ẽ táq án. Cốp Yiang Sursĩ táq tâng mút pahõm puo cruang Ê-yip-tô sâng ayooq lứq Yô-sep. Cốp Yiang Sursĩ yõn Yô-sep cõt rangoaiq lứq. Ngkiq puo tâng cruang Ê-yip-tô chớh Yô-sep cõt sớt tâng cruang ki, cốp cõt sớt dếh tâng đống puo hỡ. ¹¹ Bo ki bữn sa-ũi cumo ớq cớng sana tâng cruang Ê-yip-tô cốp cruang Cana-an, tỡ bữn cớng sana ntrớu thánq. Máh cũai tâng cruang ki tởiq bap lứq. Cốp achúc achiac hái tẽ mbỏq ruoah chuaq cớng sana, ma tỡ bữn bữn. ¹² Từ Yacốp sâng noau pai cruang Ê-yip-tô bữn cớng sana, ngkiq án ớn con samiang án, la máh achúc achiac hái tẽ mbỏq, pớq chu cruang Ê-yip-tô trở dẫu lứq. ¹³ Toàq alới pớq trở ntun ẽn, Yô-sep yõn alới dáng án la sểm ai alới. Cốp Yô-sep amóh sểm ai án cốp puo tâng cruang Ê-yip-tô. ¹⁴ Ngkiq Yô-sep patáp Yacốp, mpoaq án, yõn nheq sâu án pớq õt cốp án tâng cruang Ê-yip-tô. Nheq tữh cũai tâng sâu án la tapul chít la sỡng náq. ¹⁵ Chớ Yacốp toàq õt tâng cruang Ê-yip-tô. Án cốp máh achúc achiac hái tẽ mbỏq õt loàng tâng cruang ki toau sớt dỡ alới. ¹⁶ Vót ki noau dững achu loah cumuiq alới pỡ vil Se-kem, cốp chớq tâng ping tâng cựp A-praham khiq chớng tẽ máh con samiang Hamor.

¹⁷ “Khoiq cheq toàq tangái Yiang Sursĩ ẽ táq ranáq máh án khiq ỹq cốp A-praham tẽ nhũang, chớ tởng toiq hái cõt rứh cứng lứq tâng cruang Ê-yip-tô. ¹⁸ Chớ bữn manoaq pláih cõt puo tâng cruang Ê-yip-tô, ma tỡ bữn

dáng ntrớu tẽ Yô-sep.✱ ¹⁹ Puo nâi dững túh coat lứq máh achúc achiac hái tẽ mbỏq. Án ẽp padâm cũai mbỏiq sết con samiang cốp pớq phốt tâng aruih. Puo nâi ẽq yõn tởng toiq achúc achiac hái cõt pút nheq. ²⁰ Tâng tangái túh coat ki, mpiq Mũi-se canõt Mũi-se. Yiang Sursĩ bữi lứq cốp Mũi-se. Mpiq mpoaq án rabán án tâng đống nheq pái casai. ²¹ Từ alới tỡ tềq cutooq noàng, alới dững phốt Mũi-se pỡ dớq, alới chớq tâng ra-áu cót. Ma bữn cõn mansểm puo ramóh; chớ án ỉt táq con án. ²² Ngkiq Mũi-se bữn rien nheq máh ngê rangoaiq tẽ cũai Ê-yip-tô. Chớ parnai án pai la blêng lứq, cốp ranáq án táq la khểuq lứq.

²³ “Từ Mũi-se toàr, anhúq án khiq pỏn chít cumo, án yoc ẽ pớq sa-óh sểm ai sểm ỡi án cũai I-sarel. ²⁴ Bo Mũi-se pớq sa-óh, án ramóh manoaq cũai Ê-yip-tô toàn manoaq cũai I-sarel. Mũi-se sâng ayooq táq cũai I-sarel ki cốp yoc ẽ chuai án. Chớ Mũi-se cachít cũai Ê-yip-tô ki. ²⁵ Mũi-se chanchóm cũai I-sarel dáng Yiang Sursĩ yõn án rachuai máh cũai I-sarel. Ma cũai I-sarel tỡ bữn dáng tẽ ớc nâi. ²⁶ Tangái parnỡ ẽn, Mũi-se ramóh bar náq cũai I-sarel carchít. Mũi-se sượq alới tỡ yõn alới carchít noàng. Án atởng alới neq: ‘Anhia la lứq sểm ai. Nớq anhia manoaq nhốp manoaq, cốp manoaq táq manoaq?’ ²⁷ Ma án ca toàn yớu, án cutớl Mũi-se cốp pai neq: ‘Noau chớh mới cõt sớt cốp parchĩn hểq?’ ²⁸ Mới yoc ẽ cachít cứq machớng mới khiq cachít cũai Ê-yip-tô tangái mahái tỡ?’✱ ²⁹ Từ Mũi-se sâng santoiq ki, án ngcõh lứq. Chớ án lủh tẽ cruang Ê-yip-tô pớq õt tâng

✱ 7:18 7:18 Loõh Tẽ Ê-yip-tô 1:8

✱ 7:28 7:28 Loõh Tẽ Ê-yip-tô 2:14

cruang Madian ên. Tâng cruang ki án amia bar lám con samiang.

30 “Nheq pôn chít cumo Môi-se õt tâng ntóq aiq cheq cóh Si-nai. Vót ki bữn manoaq ranêng Yiang Sursĩ sapáh yõn Môi-se hữm ùih blữ tâng prul rambũ.* 31 Từ Môi-se hữm ùih, án sâng dót lứq. Chơ toâq án pữq cheq ẽ nhêng samoât lứq rambũ ki, án sâng sường Yiang Sursĩ atõng án neq: 32 ‘Cứq la Yiang Sursĩ achúc achiac anhia A-praham sang, I-sac sang, cốp Yacóp sang.’ Chơ Môi-se cangcoaih ngcõh lứq, cốp án tở khón nhêng noâng chu ùih ki. 33 Chơ Yiang Sursĩ atõng án neq: ‘Mới pũot chíq cốp tẽ ayũng mới. Ntóq cutẽq mới tayũng nâi la ntóq miar khong Yiang Sursĩ. 34 Lứq cứq khoiẽq hữm chơ máh cũai proai cứq chiũq sa-ũĩ ramứh túh arúc tâng cruang Ê-yip-tô. Cứq khoiẽq sâng chơ máh cũai cứq cuclõĩq cucling. Ngkĩq cứq sêng pữ nâi yoc ẽ chuai amoong alói. Ma sanua cứq ớn mới pĩh chu loah pữ cruang Ê-yip-tô.’

35 “Tẽ nhũang, Môi-se yoc ẽ chuai tẽ tốp I-sarel, ma alói tở ẽq án chuai. Cốp alói pai neq: ‘Noau chóch mới cõt sớt cốp parchĩn hếq?’ Ma ranêng Yiang Sursĩ ca õt tâng rambũ ùih blữ ki atõng Môi-se yõn dáng samoât lứq, la Yiang Sursĩ toâp rươh Môi-se yõn cõt sớt tốp I-sarel cốp chuai amoong alói. 36 Ngkĩq Môi-se dũng aloõh tốp I-sarel tẽ cruang Ê-yip-tô. Án táq máh ranáq salẽh lứq tâng cruang Ê-yip-tô cốp bo án chuai alói yang đõq mứt Cusâu. Vót ki, alói toâq pữ ntóq aiq; cốp alói õt ngki pôn chít cumo. 37 Môi-se atõng tốp I-sarel neq: ‘Nữ-ra Yiang Sursĩ ớn

manoaq tẽ tốp anhia atõng tang bõq án machóng cứq tẽ.’ 38 Môi-se õt cốp tốp achúc achiac hái cũai I-sarel tẽ mbõq tâng ntóq aiq, cốp cutõ án toâp táq ntõng cốp ranêng Yiang Sursĩ tâng cóh Si-nai. Bo ki án roap parnai ca tẽq yõn tamoong tẽ Yiang Sursĩ, chơ án atõng loah yõn hái dáng.

39 “Ma achúc achiac hái tở bữn trĩh parnai ki. Alói yoc ẽ táh chíq Môi-se, cốp alói yoc ẽ chu loah pữ cruang Ê-yip-tô. 40 Bo Môi-se noâng õt tâng cóh Si-nai, achúc achiac hái ớn Arôn neq: ‘Sẽq mới táq rup yiang đõq ayõng hái. Yuaq tở dáng óc ntrớu khoiẽq toâq pữ Môi-se, la cũai dũng aloõh hái tẽ cruang Ê-yip-tô.’ 41 Ngkĩq alói táq muoi lám rup ntrõõq con. Chơ alói tutoõng sang rup ki. Alói cha cốp loiẽq bũi. Alói ớn chơ bữn rup alói tooc bữm. 42 Ngkĩq Yiang Sursĩ calõih chíq alói, đõq alói tũng sang moat mandang, rliang casâi, cốp máh mantõr. Alói ngin ramứh ki la yiang alói. Ma máh ramứh ki Yiang Sursĩ atõng tâng tâm saráq cũai tang bõq tẽ mbõq, neq:

‘Tốp I-sarel ời! Bo anhia õt tâng ntóq aiq pôn chít cumo, cứq tở bữn ớn anhia dũng cớng chiau sang yõn cứq.

43 Lứq anhia cưỡu đõng aroãiq yiang Mô-lêc.

Cốp anhia cưỡu rup mantõr, táq tẽc anhia sang yiang Rêphan.

Acán ntrớu anhia sâng yoc ẽ sang, ki anhia táq rup aki.

Cõ óc ki, cứq chiau anhia yõn noau dũng chu cruang Babulôn.’ ”*

44 Satien pai ên neq: “Bo achúc achiac hái õt tâng ntóq aiq, alói pruum dũng muoi lám Đõng Sang

Aroâiq dõq sang toam Yiang Sursĩ. Dõng sang ki alõĩ táq puai ariang Yiang Sursĩ khoiq atõng alõĩ na Mõi-se, cõp ariang Yiang Sursĩ khoiq sapáh yõn Mõi-se hũm.
 45 Achúc achiac hái tẽ mbõq yõn dõĩ con alõĩ bũn ndõm tẽ Dõng Sang Aroâiq ki. Bo Yô-sũa dũng achúc achiac hái mut tâng cruang ca Yiang Sursĩ khoiq ỹq yõn alõĩ ndõm, alõĩ dũng dẽh Dõng Sang Aroâiq ki. Yiang Sursĩ tuih máh cũai tâng cruang ki, chơ yõn tõp hái ẽn õt. Chơ Dõng Sang Aroâiq ki noâng níc tâng cruang nãi toau toâq tangái Davĩt cõt puo tõp I-sarel.
 46 Yiang Sursĩ ayooq lữq Davĩt. Cõp Davĩt sẽq tẽ Yiang Sursĩ yõn án bũn táq dõng toâr dõq sang toam Yiang Sursĩ achúc achiac hái, Yacõp, sang.
 47 Ma Yiang Sursĩ tỡ yõn Davĩt táq Dõng Sang Toâr. Yiang Sursĩ yõn Salamôn, con samiang Davĩt, táq Dõng Sang ki.
 48 Ma lữq Yiang Sursĩ sõt clũĩ nehq tẽ canõh, án tỡ bũn õt tâng dõng sang cũai táq. Yiang Sursĩ khoiq pai na cũai tang bõq án neq:

49 'Paloõng cõt cachõng yõn cứq tacu,

cõp cõc cutẽq cõt ntõq cứq achúh ayũng.

Khân ngkĩq, nõq anhia chanchóm ẽ táq dõng yõn cứq õt?

Cứq tỡ nai lakéh.

Nõq anhia táq dõng yõn cứq rlu?

50 Cứq toâp tẽng tuc ramúh ca khoiq bũn, pĩeiq tỡ?' "✧

51 Chơ Satien atõng ẽn neq: "Anhia bũn mút coang lữq. Cõp cutũr anhia tỡ bũn tamũng ntrõu thág. Anhia tỡ trĩh parnai Yiang Sursĩ, cõp anhia tỡ yõn Ravieĩ Yiang Sursĩ cõt sõt tâng mút pahõm anhia. Anhia táq machõng thág cõp achúc achiac

anhia tẽ mbõq.
 52 Alõĩ ki khoiq táq túh coat máh cũai tang bõq Yiang Sursĩ. Cõp alõĩ cachĩt máh cũai atõng saccoâiq yõn alõĩ dáng nõ-ra bũn manoaq Con Yiang Sursĩ sẽng tâng cutẽq nãi. Sanua án khoiq toâq chơ pỡ cutẽq nãi, ma anhia khoiq chẽq cõp cachĩt án.
 53 Ranẽng Yiang Sursĩ khoiq atõng yõn anhia dáng phẽp rit tẽ Yiang Sursĩ, ma anhia tỡ trĩh parnai ki."

Noau Cachĩt Satien

54 Tũ cũai sõt ki sâng máh santoiq ki, alõĩ sâng la-ũn toâp tâng mút alõĩ. Cõp alõĩ carũot canẽng tabang chõq Satien.
 55 Ma Satien bũn Ravieĩ Yiang Sursĩ cõt sõt tâng mút pahõm án. Chơ án tapoang achõn chu paloõng, cõp án hũm chóc ang-ũr tẽ Yiang Sursĩ. Cõp án hũm Yê-su õt tayũng coah atoam Yiang Sursĩ.
 56 Chơ Satien pai neq: "Tĩh! Anhia tapoang chu paloõng! Cứq hũm paloõng ariang noau põh, cõp cứq hũm Con Yiang Cõt Cũai õt tayũng coah atoam Yiang Sursĩ."

57 Tũ máh cũai ki sâng Satien pai santoiq ki, alõĩ cupát cutũr cõp u-õĩ casang lữq. Chơ alõĩ palõng chu Satien.
 58 Alõĩ sadõh Satien aloõh yáng tiah vil. Cõp alõĩ tám tamáu chõq án toau cuchĩt. Tõp cũai cachĩt Satien ón manoaq cũai póng, ramúh Salõ, kĩaq tampác alõĩ.
 59 Bo alõĩ tám tamáu chõq Satien, án câu neq: "Ncháu Yê-su ơi! Sẽq anhia roap ãt ravieĩ cứq."

60 Ngkĩq án sacõh racól cõp pai casang lữq neq: "Ncháu ơi! Sẽq anhia chõĩ noap máh lôih alõĩ táq chõq cứq sanua."

Moâm án pai ngkĩq, chơ án cuchĩt.

8

¹ Ma Salơ pruam tê cốp alóí ca cachít Satien.

Salơ Táq Túh Coat Tỗp Puai Yê-su

Bo ki tỗp puai Yê-su tâng vil Yaru-salem mbởiq ramóh noau táq túh coat lứq alóí. Ngkíq tỗp alóí miar lúh mprieih nheq. Bữn án ca ốt loah tâng cruang Yudê, cốp bữn án ca lúh ốt pở cruang Sa-mari. Ma tỗp muoi chít la bar náq ayững aĩ Yê-su Crít noâng ốt tâng vil Yaru-salem. ² Bữn muoi tỗp samiàng ca yám noap Yiang Sursĩ; alóí ít cumuiq Satien cốp dững túp án. Alóí nhiam atêh án. ³ Ma Salơ ẽ pupúrt nheq máh cũi sa-âm Yê-su. Ngkíq án pởq chi-chuaq dũ đống. Khân án ramóh cũi sa-âm, án ác aloỏh, đêh mansẽm, đêh samiàng, dững chốq tâng cuaq tũ.

Parnai O Tễ Yê-su Crít Toàq Pở Sa-mari

⁴ Máh cũi sa-âm Yê-su ca lúh tễ vil Yaru-salem, án ca pởq chu nài, án ca pởq chu ki, đốq atởng parnai o tễ Yê-su Crít. ⁵ Bữn manoaq tễ tỗp ki, ramứh Phi-lip. Án sễng chu vil Sa-mari cốp atởng cũi tâng vil ki tễ Crít. ⁶ Cỗ Phi-lip táq sa-ữi ranáq salêh, ngkíq bữn chững lứq cũi tâng vil ki tamúng parnai án atởng. ⁷ Bữn sa-ữi náq cũi bữn yiang sảuq payỏh. Tữ Phi-lip tuih aloỏh yiang sảuq tễ máh tễ cũi, yiang ki hêh casang lứq. Máh cũi a-ỉ coang, cốp máh cũi yỏt, la án táq bán nheq. ⁸ Yuaq ngkíq cũi tâng vil Sa-mari bữn moang ốc bũ.

⁹ Bữn manoaq samiàng ramứh Si-môn tâng vil Sa-mari. Tễ nhũang án la cũi mo. Cũi tễ vil Sa-mari sảng đót lứq tễ máh ranáq án táq. Cốp án ẽq noau khễn cốp ẽq yỏn cởt parchia pai

án la mo khỏt lứq. ¹⁰ Máh cũi sỏt cốp máh cũi proai tâng vil ki, alóí tamúng níc parnai án atởng. Alóí pai neq: “Chớc cũi nài la samoát chớc Yiang Sursĩ tễ.”

¹¹ Máh cũi tâng vil ki puai Si-môn, yuaq khoiq dũn chơ alóí sảng đót lứq tễ ranáq án táq. ¹² Ma tữ Phi-lip atởng parnai o tễ Yiang Sursĩ táq sỏt, cốp tữ án atởng ngê tễ Yê-su Crít, bữn cũi tâng vil ki sa-âm, cốp alóí roap batẽm, đêh samiàng, đêh mansẽm. ¹³ Si-môn la sa-âm tễ, cốp án roap batẽm. Chu léq Phi-lip pởq, Si-môn pởq chu ki tễ. Ngkíq Si-môn bữn hữm máh ranáq salêh Phi-lip táq. Án sảng đót lứq tâng mút án. Án tở dáng nỏq Phi-lip tềq táq ranáq ngkíq.

¹⁴ Tữ tỗp muoi chít la bar náq tâng vil Yaru-salem sảng noau pai cũi tâng vil Sa-mari sa-âm parnai Yiang Sursĩ, alóí ỏn Phi-er cốp Yang pởq chu ki. ¹⁵ Tữ Phi-er cốp Yang toàq pở vil ki, alóí câu yỏn cũi ca khoiq sa-âm, sễq Yiang Sursĩ yỏn Ravieí Yiang Sursĩ ốt cốp alóí. ¹⁶ Yuaq bo nhũang Ravieí Yiang Sursĩ tở yũah ốt cốp alóí, ma alóí roap batẽm nhơ ống ramứh Yê-su sảng. ¹⁷ Tữ Phi-er cốp Yang satoaq aĩ tâng tỗ cũi sa-âm, chơ Ravieí Yiang Sursĩ lứq ốt toàp tâng mút alóí.

¹⁸ Si-môn, tễ nhũang la cũi mo, tữ án hữm Phi-er cốp Yang satoaq aĩ tâng tỗ cũi canỏh, cốp Ravieí Yiang Sursĩ mut toàp tâng mút cũi ki, ngkíq án dững práq yỏn alóí yoc ẽ bữn tễ chớc ki. ¹⁹ Si-môn pai neq: “Cứq sễq anhia yỏn cứq bữn tễ chớc nài, đốq cứq satoaq aĩ tâng tỗ cũi canỏh yỏn alóí bữn Ravieí Yiang Sursĩ tễ.”

²⁰ Ma Phi-er ta-ởi án: “Práq mới cốp tỗ mới lứq pứt muoi tarup. Nỏq mới chanchỏm chớc Yiang

Sursĩ têq chõng toâq práq? ²¹ Mới tở têq táq ranáq nâi, yuaq mới tở bữn tanoang yáng moat Yiang Sursĩ. ²² Ngkíq cóq mới táh chíq ngê tiaq, chơ ít mút tamái ẽn. Cóp cóq mới câu sêq tẽ Yiang Sursĩ, moac moai án táh lôih mới tẽ ranáq mới khoiq chanchóm yoc ẽ táq. ²³ Cúq hữm mút mới liêu-paliêu yoc lúq táq ranáq machóng hếq, cóp ốc loài cõt sốt tâng mút mới."

²⁴ Chơ Si-môn ta-õi Phi-er neq: "Sêq mới câu sêq tẽ Yiang Sursĩ yõn cúq, đõq máh ốc ki chõi toâq pở cúq."

²⁵ Moâm Phi-er cóp Yang atõng parnai Yiang Sursĩ tâng vil Samari, cóp atõng tẽ máh ranáq Yê-su táq ariang alóit khoiq hữm, chơ alóit chu loah pở vil Yaru-salem. Bo alóit pởq tâng rana, alóit mut atõng parnai Yiang Sursĩ tâng máh vil mpễr rana tâng cruang Sa-mari.

Phi-líp Cõp Cũai Ê-thia-bi

²⁶ Bữn muoi noaq ranẽng Yiang Sursĩ pai chók Phi-líp neq: "Mới thữan, chơ pởq chu angia pữn. Mới pởq rana tẽ vil Yaru-salem pởq chu vil Casa, la rana pởq tadáh tapứng ntóq aiq."

²⁷ Ngkíq Phi-líp yuor tayứng, chơ pởq. Tâng rana ki án hữm manoaq samiang tẽ cruang Ê-thia-bi. Samiang nâi, la ayứng atĩ puo mansẽm tâng cruang Ê-thia-bi. Án kĩaq nhẽng máh sanốc Candac, la puo mansẽm ki. Samiang nâi khoiq pởq sang toam Yiang Sursĩ tâng vil Yaru-salem. ²⁸ Ma sanua án chu pở cruang án na sê aséh. Án ốt tâng sê aséh ki cóp án doc tâm saráq Ê-sai, la cũai tang bõq Yiang Sursĩ, khoiq chĩc tẽ mbõq. ²⁹ Raviei Yiang Sursĩ

atõng Phi-líp neq: "Mới rapuai cũai ốt tâng sê aséh ki."

³⁰ Phi-líp rapuai; chơ án satõm sê aséh ki. Án sâng cũai tâng sê aséh ki doc tẽ saráq Ê-sai. Ngkíq án blóh cũai ki neq: "Máh ốc mới doc ki, mới sapúh tở?"

³¹ Samiang ki ta-õi Phi-líp neq: "Mỏ têq cúq dáng khân tở bữn noau atõng cúq?"

Ngkíq án mới Phi-líp chõn tâng sê aséh, tacu cóp án. ³² Tâng tâm saráq Ê-sai cũai ki doc neq:

"Noau đứng cũai nâi samoât noau đứng charán cừu đõq kiac. Machóng noau cứt sóc cừu con, ma án ốt rangiac,

ngkíq tê cũai nâi tở bữn tabõq ntrứu.

³³ Án tở bữn táq lôih ntrứu, ma noau ayê cóp táq án.

Alóit cachĩt chíq án,

cóp án tở bữn bữn con tống ntrứu,

yuaq noau tở ẽq yõn án tamoong noâng tâng cõc cutẽq nâi."*

³⁴ Moâm án doc, cũai Ê-thia-bi blóh Phi-líp neq: "Ê-sai atõng tẽ noau? Án atõng tẽ tở án bữm, ma án atõng tẽ cũai canỏh? Sêq mới atõng cúq."

³⁵ Chơ Phi-líp luoh bõq atõng parnai o tẽ Yê-su. Dâu lúq án atõng yõn cũai ki dáng raloaih lúq parnai nâi Ê-sai chĩc atõng tẽ Yê-su. ³⁶ Bo alóit pởq tâng rana, alóit toâq pở ntóq bữn đõq. Cũai Ê-thia-bi pai neq: "Ki! Mới nhẽng đõq ki. Têq mới táq batẽm yõn cúq sanua tở?"

³⁷ Phi-líp ta-õi án neq: "Khân lúq mới sa-âm, têq cúq táq batẽm yõn mới."*

Cũai ki ta-õi: "Lúq cúq sa-âm Yê-su Crĩt la Con Yiang Sursĩ."

* 8:33 8:33 Ê-sai 53:7-8

* 8:37 8:37 Sa-ũi tâm saráq tiaq tở bữn bữn rana 37 nâi.

³⁸ Ngkíq cũai Ê-thia-bi yõn sê aséh tangút cheq dõq. Chơ alóí bar náq sêng chu dõq, cốp Phi-lip táq batêm yõn án. ³⁹ Từ alóí chõn tể dõq, Raviei Yiang Sursĩ acõq Phi-lip dững pỡ ntõq canõh ẽn. Cũai Ê-thia-bi tỡ bữn hữm noâng Phi-lip, ma án pỡq ống manoaq án ẽn tâng rana ki, cốp mút án sâng bũi lứq. ⁴⁰ Ma Yiang Sursĩ achúh Phi-lip pỡ vil Asô-tut. Chơ Phi-lip atõng parnai o tể Yê-su Crít tâng dũ vil cheq rana án pỡq, toau án toâq pỡ vil Sê-sarê.

9

Salơ Ramóh Yê-su Tâng Rana

¹⁻² Ma Salơ noâng ùan lứq chóg tốp puai Yê-su, cốp án yoc ẽ cachít nheq tốp ki. Ngkíq án pỡq sêq choâiq tể cũai sớt nheq tể rit sang Yiang Sursĩ yõn án têq cốp máh cũai sa-âm Yê-su, dếh samiang, dếh mansẽm, ca õt tâng vil Damac. Án yoc apáh choâiq nãi yõn cũai sớt máh dõng sang tốp I-sarel tâng vil Damac, dõq alóí dáng samoât án têq cốp cũai. Cũai án ẽ cốp la tốp puai Yê-su, án ẽ chỏq alóí cốp dững chu vil Yaru-salem. ³ Toâq cũai sớt yõn án bữn choâiq, chơ án pỡq. Bo Salơ pỡq tâng rana khoiq cheq ẽ toâq vil Damac, santar án hữm poang claq asêng tể paloõng chu tở án. ⁴ Án dóm tâng cutểq, cốp án sâng sường sabau án neq: “Salơ ơi! O Salơ! Nõq mới táq cứq?”

⁵ Salơ ta-õi neq: “Ncháu ơi! Anhia la noau?”

Sường ki ta-õi loah Salơ neq: “Cứq la Yê-su. Mới táq ngkíq tỡ p̄ieiq chóg cứq. ⁶ Mới yuor toâp, chơ mut tâng vil. Tâng vil ki bữn cũai ẽ atõng mới yõn mới cóq táq ntróu.”

⁷ Máh cũai pỡq cốp Salơ, alóí sâng dót lứq, tỡ têq tabõq ntróu

noâng, yuaq alóí sâng sường ki, ma alóí tỡ bữn hữm noau. ⁸ Chơ Salơ yuor tayũng. Từ án culian, moat án cõt sũt chíq. Ngkíq yóu án tểc atĩ án ayũar amut chu vil Damac. ⁹ Nheq pái tangái án tỡ báng hữm ntróu, cốp án tỡ bữn cha nguaiq ntróu.

¹⁰ Ớt tâng vil Damac bữn manoaq tể tốp puai Yê-su, ramứh A-nania. Yiang Sursĩ sapáh yõn án hữm Yê-su. Yê-su arô án neq: “A-nania ơi!”

A-nania ta-õi Yê-su neq: “Oq. Ntróu Ncháu ẽ bữn cứq?”

¹¹ Yê-su atõng án neq: “Cóg mới pỡq sanua toâp chu rana noau dõq Rana Tanoang. Pỡ ki, mới chuaq manoaq samiang tể vil Tarso, ramứh Salơ. Án õt tâng dõng Yuda. Sanua Salơ câu sêq tể cứq. ¹² Cốp Yiang Sursĩ khoiq sapáh yõn Salơ dáng ramứh mới, cốp yõn án hữm mới toâq satoaq atĩ tâng tở án yõn moat án cõt blang loah.”

¹³ A-nania ta-õi neq: “Ncháu ơi! Cứq sâng noau pai tể cũai nãi, án khoiq táq túh coat lứq tốp anhia tâng vil Yaru-salem. ¹⁴ Cốp sanua án bữn choâiq tể máh cũai sớt tốp tểng rit sang Yiang Sursĩ yõn têq án cốp nheq tữh cũai sa-âm Yê-su tâng vil Damac nãi.”

¹⁵ Ma Yê-su atõng A-nania neq: “Cóg mới pỡq táq máh ọc cứq atõng mới, yuaq cứq khoiq rườh cũai nãi. Cứq yõn án dững ramứh cứq cõt parhan dũ cruang yõn cũai I-sarel, cốp yõn cũai tỡ cõn cũai I-sarel, dếh máh puo alóí hỡ. ¹⁶ Cứq ẽ yõn án dáng máh ọc túh coat án cóq chũuq cõ án c्लũ ramứh cứq.”

¹⁷ Ngkíq A-nania pỡq cốp mut tâng dõng Yuda. Án satoaq atĩ tâng Salơ, cốp atõng Salơ neq: “Salơ ơi! Mới la sẽm ai cứq.

Ncháu hái, Yê-su, khoiq ramóh mới tâng rana. Ân ón cứq toâq pở mới đờq táq moat mới cõt blang loah, cốp án yõn Raviei Yiang Sursĩ cõt sôt tâng mút pahõm mới.”

¹⁸Bo ki toâp samoât sarũoi chíq acán ca táq yõn moat án sũt, chơ moat án cõt poang loah. Ân yuor tayũng cốp roap batẽm. ¹⁹Án cha loah đõ, cốp án sâng bán rêng loah. Chơ án õt tâng vil Damac cốp tốp puai Yê-su bũn bĩq tangái ẽn.

Salơ Atõng Tâng Vil Damac

²⁰Chơ Salơ pởq toâp chu đõng sang tốp I-sarel, cốp án atõng ngki tẽ Yê-su la lữq Con Yiang Sursĩ.

²¹Nheq tũh cũai ca sâng sãntoaiq án atõng, alóí sâng dốt lữq. Cốp alóí pai neq: “Án nãi tở, ca khoiq talóh tốp puai Yê-su tâng vil Yaru-salem? Cốp án toâq pở nãi cũ ẽ cốp máh cũai ca puai Yê-su. Ân ẽ chỏq cốp đũng alóí chu pở máh cũai sôt tốp tẽng rit sang Yiang Sursĩ.”

²²Ma parnai Salơ atõng cõt blẽng achõn. Từ tốp I-sarel tâng vil Damac sâng án atõng tẽ Yê-su la manoaq ca Yiang Sursĩ rườh đờq chuai amoong cũai, ngkiq alóí tở tẽq rasuon ntrũu nõang.

²³Vót tẽ ki máh cũai sôt tốp I-sarel sarhõng ẽ cachĩt chíq Salơ.

²⁴Alóí crỏq máh ngoah toong viang vil yoc ẽ cachĩt án. Ma Salơ sâng noau pai alóí ẽ cachĩt án. ²⁵Ngkiq, toâq sadau tốp puai Yê-su chõn tâng viang. Alóí yõn Salơ õt tâng achoiq; chơ alóí atĩar asẽng Salơ yáng tiah viang.

Salơ Tâng Vil Yaru-salem

²⁶Từ Salơ toâq pở vil Yaru-salem, án yoc ẽ mut rôm cốp tốp puai Yê-su tâng vil ki tẽ. Ma tốp ki ngcõh lữq án, yuaq alóí tở bũn

noap án khoiq sa-âm Yê-su. ²⁷Ma bũn manoaq samiang tâng tốp ki, ramúh Ba-naba. Ân pởq asuoi Salơ toâq pở tốp ayũng atĩ Yê-su. Cốp án atõng yõn alóí dáng Salơ khoiq hũm Yê-su tâng rana, cốp án khoiq sâng Yê-su pai chỏq án. Ba-naba pai Salơ atõng parnai o tẽ Yê-su clỏq lữq tâng vil Damac.

²⁸Ngkiq tốp ki yõn Salơ õt cốp alóí tâng vil Yaru-salem. Ân pởq chũop nheq tâng vil Yaru-salem cốp atõng parnai o tẽ Yê-su Crĩt clỏq lữq. ²⁹Án táq ntõng cốp sarhõng cốp muoi tốp cũai I-sarel ca táq ntõng parnai Créc. Ma máh cũai ki chi-chuaq ngê yoc ẽ cachĩt chíq án. ³⁰Từ tốp puai Yê-su sâng ngkiq, alóí asuoi án pở vil Sê-sarê ẽn. Toâq tangái ntun ẽn alóí yõn án chu loah pở vil án, la vil Tarso.

³¹Vót ki máh tốp sa-âm Yê-su tở bũn ramóh nõang túh coat tâng cruang Yudê, cruang Cali-lê, cốp cruang Sa-mari. Alóí pruum muoi mút, manoaq catoaih atõng manoaq tẽ ngê Yê-su Crĩt. Cốp Raviei Yiang Sursĩ aliam mút pahõm alóí yõn õt ien o loah. Cũai sa-âm Yê-su cõt clũng lữq ẽn, cốp yám noap Ncháu.

Phi-er Pởq Sa-óh Tâng Vil Li-da Cốp Vil Yòp-pa

³²Bo ki Phi-er đờq pởq sa-óh đũ ntỏq bũn cũai sa-âm Yê-su tâng cruang ki. Ngkiq án pởq sa-óh tốp sa-âm tâng vil Li-da. ³³Tâng vil ki án ramóh manoaq samiang, ramúh Ê-nê, án a-ĩ coang. Ân tua a-ĩ tâng chĩa khoiq tacual cumo chơ. ³⁴Phi-er atõng án neq: “Ê-nê ơi! Yê-su Crĩt táq yõn mới bán. Mới yuor tayũng. Mới pĩal đờq chĩa mới.”

Bo ki toâp Ê-nê yuor tayũng. ³⁵Nheq tũh cũai tâng vil Li-da

cóp tâng vil Sarôn, alóí hũm Ê-nê
khoiq cõt bán. Ngkíq alóí sa-âm
Yê-su Crít tẽ.

³⁶ Tâng vil Yôp-pa bũn manoaq
mansẽm tâng tốp sa-âm Yê-su,
ramúh Ta-butha. Tâng parnai
Créc noau dõq ramúh án la Dôr-
ca. Mansẽm nâi táq ranáq o níc,
cóp án chuai sa-ũi náq cũai cadĩt.
³⁷ Bo ki án cõt a-ĩ, chơ án cuchĩt.
Yóu án ỉt dõq ariau tở án puai
rit alóí cơi táq. Moâm alóí ariau,
chơ alóí dõq cumuiq ki tâng clống
tran bar tâng dõng. ³⁸ Vil Yôp-pa
nâi cheq vil Li-da. Ngkíq từ tốp
puai Yê-su tâng vil Yôp-pa sâng
han Phi-er ốt tâng vil Li-da, alóí
ón bar náq pởq coaiq Phi-er. Alóí
atõng Phi-er neq: “Sẽq mới toâq
toâp pở vil hếq.”

³⁹ Chơ Phi-er pởq cúp alóí. Từ
án toâq pở dõng ki, alóí dũng án
chỗn tâng clống tran bar. Bũn
clũng lứq máh cán cumai tâng
clống ki. Alóí nhiam cúp aloõh
tampác Dôr-ca khoiq yĩh yõn alóí
tẽ nhũang. ⁴⁰ Phi-er yõn neq từh
alóí loõh tẽ clống ki. Chơ án sacõh
racól cúp án câu sếq Yê-su Crít
chuai Dôr-ca. Moâm án câu, chơ
án pih nhẽng chu cumuiq ki. Cúp
án pai neq: “Ta-butha ơ! Mới
yuor tayứng.”

Bo ki toâp mansẽm ca khoiq
cuchĩt ki, án culian loah moat.
Từ án hũm Phi-er, án yuor tacu.
⁴¹ Phi-er tếc aĩ mansẽm ki yõn án
yuor tayứng. Chơ Phi-er arô tốp
puai Yê-su cúp máh cán cumai.
Án aloõh mansẽm ki yõn neq
từh alóí hũm mansẽm ki khoiq
tamoong loah. ⁴² Từ ranáq nâi
cõt parhan chũop vil Yôp-pa, bũn
clũng lứq ễn cũai sa-âm Yê-su.
⁴³ Phi-er ốt tâng vil Yôp-pa nâi tở
dáng sếq tangái ễn. Án ốt cúp
manoaq samiang ramúh Si-môn.
Si-môn la cũai Chiang táq sa-ũi
ramúh tẽ ngcâr charán.

10

Phi-er Cúp Cor-nai

¹ Tâng vil Sê-sarê bũn manoaq
samiang ramúh Cor-nai. Án sốt
muoi culám náq tahan. Tốp tahan
nâi noau dõq Tốp I-tali. ² Cor-
nai la cũai o cúp khũn lứq. Án
cóp neq dõng án yám noap
cóp sang Yiang Sursĩ. Án chuai
práq yõn cũai cadĩt. Án câu
sếq níc tẽ Yiang Sursĩ. ³ Bũn
muoi tangái, toâq mandang pri-
ang, Yiang Sursĩ sapáh yõn án
hũm manoaq ranẽng Yiang Sursĩ
tẽ paloõng toâq pở án cúp arô án
neq: “Cor-nai ơ!”

⁴ Ma Cor-nai ngcõh lứq. Án
nhẽng cloân níc chu ranẽng ki,
cúp án blóh neq: “Ncháu ơ!
Ntróu anhia ẽ bũn cứq?”

Ranẽng Yiang Sursĩ ta-õi án
neq: “Yiang Sursĩ khoiq sâng chơ
máh santoiq mới câu sếq tẽ án.
Cúp Yiang Sursĩ khoiq dáng tẽ
práq mới chuai máh cũai cadĩt.
Ngkíq yuaq Yiang Sursĩ sanhữ níc
mới. ⁵ Sanua mới ón cũai pởq
chuaq manoaq samiang ramúh Si-
môn tâng vil Yôp-pa. Noau dõq
án ramúh Phi-er hỡ. Mới sếq án
toâq pở dõng mới. ⁶ Cũai ncháu
dõng Phi-er ốt, ramúh Si-môn tẽ.
Án la cũai Chiang táq sa-ũi ramúh
toâq ngcâr charán. Dõng án cheq
tor dõq mưt.”

⁷ Moâm ranẽng Yiang Sursĩ loõh
tẽ ki, Cor-nai arô bar náq cũai táq
ranáq tâng dõng án, cúp án arô
manoaq tahan hỡ. Cũai tahan nâi
yám noap Yiang Sursĩ tẽ, cúp án
chõng pahõm yoc ẽ chuai Cor-nai.
⁸ Cor-nai atõng loah pái náq ki tẽ
máh santoiq ranẽng Yiang Sursĩ
khoiq atõng án. Chơ án ón alóí
pởq chu vil Yôp-pa.

⁹ Máh tangái parnõ khoiq cheq
mandang toâng, pái náq ki nõang

õt tâng rana cheq vil Yôp-pa, Phi-er chôn tâng mpuol tapín tâng dống án õt, ẽ câu ngki. ¹⁰ Bo ki Phi-er sâng panhieih púng, yoc ẽ cha dôi. Ma ntôm án acoan noau táq cha, án hữm muoi ramúh Yiang Sursĩ sapáh. ¹¹ Án hữm paloông samoât riang noau pớh. Cóp án hữm ariang aroâiq la-a lứq samoât noau chốq samữ pôn chêng tâng aroâiq ki; chơ noau aťiar asẽng tẽ paloông. ¹² Tâng aroâiq ki bữn dũ ramúh charán, án ca pớq na ayũng, án ca pớq talor, cốp án ca pâr. ¹³ Cốp Phi-er sâng sường atõng án neq: “Phi-er ơi! Mới yuor tayũng. Mách charán nâi tẽq mới cha. Charán aléq mới yoc ẽ cha, mới ỉt táq charán ki.”

¹⁴ Ma Phi-er ta-õi neq: “Tờ bữn mỗ! Cứq tờ ẽq cha, Ncháu ơi! Tẽ cót toau toâr, cứq tờ nai cha crong ca hẽq tờ tẽq cha puai phẽp rit I-sarel.”

¹⁵ Ma sường ki atõng loah Phi-er neq: “Ramúh ntróu Yiang Sursĩ yõn mới cha, mới chõn pai tờ tẽq cha.”

¹⁶ Pái trỗ sường ki atõng Phi-er ngkiq. Vót ki aroâiq ki cõt samoât noau âc achõn loah chu paloông. ¹⁷ Phi-er sâng dót lứq máh ramúh ạn hữm. Bo Phi-er õt chanchóm tẽ ranâq ki, alóí pái náq tẽ dống Cor-nai bữn ramóh dống Si-môn. Alóí õt cheq ngoah toong dống Si-môn. ¹⁸ Alóí sabau blóh neq: “Léq anhia hữm Si-môn Phi-er tâng dống nâi tờ?”

¹⁹ Ma bo Phi-er noâng õt chanchóm tẽ máh ramúh án khoiq hữm, Raviei Yiang Sursĩ atõng án neq: “Bữn pái náq toâq pớ nâi yoc ẽ ramóh mới. ²⁰ Mới sẽng ramóh alóí, cốp mới chõn ngcõh ntróu pớq cốp alóí, cõ cứq ớn alóí toâq pớ nâi.”

²¹ Ngkiq Phi-er sẽng ramóh alóí cốp pai neq: “Cứq la án ca anhia

chuaq. Ntróu anhia ẽ bữn cứq?”

²² Alóí ta-õi án neq: “Hẽq toâq pớ nâi yuaq Cor-nai, la cũai sõt muoi culám náq tahan, ớn hẽq toâq pớ mới. Án la cũai tanoang o, cốp án yám noap Yiang Sursĩ. Nheq từh cũai I-sarel pai Cor-nai la cũai o. Cốp ranẽng Yiang Sursĩ ớn Cor-nai mới mới pớq chu dống án dõq án bữn sâng tẽ tẽ ốc ntróu mới ẽ atõng án.”

²³ Ngkiq Phi-er yõn alóí pái náq mut tâng dống cốp bẽq ngki muoi sadâu. Toâq poang tarup parnõ Phi-er cốp tapoât náq tẽ tốp puai Yê-su tâng vil Yôp-pa pớq cốp pái náq ki. ²⁴ Mách tangái pra ẽn, alóí toâq pớ vil Sê-sarê. Cor-nai õt acoan alóí tâng dống án. Cor-nai khoiq parõm máh sẽm ai cốp yóu ca án ratoí, yõn toâq rôm pớ dống án. ²⁵ Cheq Phi-er ẽ mut tâng dống, Cor-nai loõh ramóh án. Cor-nai sacõh racól cucõh Phi-er; án chanchóm Phi-er la yiang. ²⁶ Ma Phi-er tẽc atĩ Cor-nai yõn yuor tayũng, cốp án atõng Cor-nai neq: “Mới yuor tayũng. Cứq la cũai machóng mới tẽ.”

²⁷ Bo alóí noâng táq ntõng, alóí mut tâng dống. Cốp Phi-er hữm chũng cũai rôm tâng dống ki. ²⁸ Chơ Phi-er atõng nheq từh alóí ki neq: “Anhia dáng chơ phẽp rit I-sarel tờ yõn cũai I-sarel ratoí cốp cũai tẽ cruang canõh. Ma Yiang Sursĩ khoiq atõng cứq chơ, cứq tờ tẽq pai noâng tờ tẽq ratoí cốp cũai cruang canõh. ²⁹ Cõ ngkiq cứq tờ bữn ngcõh ntróu toâq pớ nâi. Sanua cứq yoc ẽ dáng, cõ nõq anhia sẽq cứq toâq pớ nâi?”

³⁰ Cor-nai ta-õi án neq: “Tangái ntroi cứq õt câu tâng dống cứq bo mandang triang máh sanua nâi. Santar bữn manoaq tayũng yáng moat cứq. Án tâc tampác ang-ữr lứq, ³¹ cốp án

atõng cứq neq: 'Cor-nai ơi! Yiang Sursĩ khoiq sâng chơ mới câu, cớq Yiang Sursĩ khoiq dáng chơ mới chuai cũai cadit. Ngkíq yuaq Yiang Sursĩ sanhữ níc mới.³² Sanua cóq mới ớn cũai pớq chu vil Yôp-pa pớq mới manoaq samiang, ramúh Si-môn, mỗ noau đõq án Phi-er hỡ. Mới sếq án toâq pờ đõng mới. Án ớt tâng đõng Si-môn cheq tor đõq mưt. Si-môn nâi la cũai chiang táq sa-ữi ramúh toâq ngcâr charán.'³³ Bo ki toâp cứq ớn cũai pớq mới mới toâq pờ nâi. Ngkíq, moai lứq mới toâq pờ nâi. Sanua Yiang Sursĩ hữm chơ nheq náq hếq ca rôm nnâi, yoc ẽ tamúng parnai Yiang Sursĩ ớn mới atõng yõn hếq dáng."

Phi-er Atõng Tâng Đõng Cor-nai

³⁴ Moâm Cor-nai pai ngkíq, Phi-er atõng alóí neq: "Sanua cứq dáng samoât samơi Yiang Sursĩ táq yõn nheq tữh cũai cõt lĩ-ralı nheq.³⁵ Tâng dũ cruang, khân cũai yám noap Yiang Sursĩ cớq táq ranáq tanoang o, Yiang Sursĩ lứq bũ pahõm yõn cũai ki cõt con acái án tê.³⁶ Anhia khoiq dáng chơ Yiang Sursĩ yõn parnai o án pờ cũai I-sarel. Parnai nâi atõng neq: Cũai aléq trĩh parnai o tẽ Yê-su Crít, mút pahõm cũai ki cõt ien khẽ níc, tỡ bữn croõq ntróu. Yê-su Crít la Ncháu nheq tữh cũai.³⁷ Anhia khoiq sâng chơ tẽ Yang, án atõng máh cũai yõn roap batẽm. Vót ki, Yê-su tabóq atõng parnai o tẽ Yiang Sursĩ tâng cruang Cali-lê. Moâm ki án atõng tâng cruang Yudê ẽn.³⁸ Yê-su la cũai tẽ vil Na-sarết. Yiang Sursĩ ruroh án cớq yõn án bữn Raviei Yiang Sursĩ. Ngkíq Yê-su bữn chóc toâr lứq. Án pớq chu nâi pớq chu ki táq ranáq o cớq tuih aloõh yiang sáuq tẽ tỡ cũai

hỡ, yuaq Yiang Sursĩ ớt cớq án.³⁹ Hếq khoiq hữm máh ranáq Yê-su táq chũop nheq cruang I-sarel cớq tâng vil Yaru-saleh; ngkíq hếq tẽq atõng loah anhia. Tõp I-sarel khoiq cachit án na ayõng tâng aluang sangcáng.⁴⁰⁻⁴¹ Ma catâm tangái pái Yiang Sursĩ yõn Yê-su tamoong loah. Tữ Yê-su tamoong loah, Yiang Sursĩ yõn tõp hếq hữm loah tỡ Yê-su. Ma Yiang Sursĩ tỡ yõn nheq tữh cũai hữm tỡ án. Án yõn ớng alóí ca án khoiq ruroh tẽ nhũang sâng tẽq hữm tỡ án. Vót Yê-su tamoong loah, nheq tữh tõp hếq bữn cha nguaiq parnơi cớq án.⁴² Yê-su ớn tõp hếq pớq atõng yõn nheq tữh cũai dáng tẽ án. Cớq án ớn hếq atõng cũai dáng Yê-su la manoaq ca Yiang Sursĩ khoiq ruroh yõn pác nheq tữh cũai, dẽh cũai noâng tamoong, cớq cũai khoiq cuchit.⁴³ Nheq tữh cũai tang bõq Yiang Sursĩ tẽ mbóq, alóí khoiq chĩc tẽ ranáq Yê-su táq. Cớq alóí pai cũai aléq sa-âm Yê-su, lứq Yiang Sursĩ táh lóih cũai ki nhơ tẽ ramúh Yê-su."

Raviei Yiang Sursĩ Mut Tâng Mút Pahõm Cũai Ki

⁴⁴ Bo Phi-er noâng atõng ngkíq, Raviei Yiang Sursĩ mut cõt sớt tâng mút pahõm máh cũai ca tamúng Phi-er atõng.⁴⁵ Tapoât náq ca toâq tẽ vil Yôp-pa pớq núng Phi-er, alóí sâng dót lứq cũai tỡ cõn cũai I-sarel ma bữn Raviei Yiang Sursĩ tẽ. Tapoât náq ki la cũai I-sarel ca khoiq sa-âm Yê-su chơ.⁴⁶ Alóí sâng máh cũai tâng đõng Cor-nai táq nõtõng toâq parnai mpha cớq khẽn Yiang Sursĩ.⁴⁷ Ngkíq Phi-er atõng ẽn neq: "Máh cũai nâi bữn Raviei Yiang Sursĩ ariang hếq bữn tẽ nhũang tê. Tỡ bữn noau tẽq catáng tỡ yõn alóí roap batẽm."

48 Ngkíq Phi-er ón noau táq batêm yõn alóí nhor ramúh Yê-su Crít. Alóí ca mbõiq roap batêm sêq Phi-er òt cõp alóí pái põn tangái ên.

11

Phi-er Atõng Tõp Yê-su Tâng Vil Yaru-salem

¹ Vót ki tõp muoi chít la bar náq ayũng atĩ Yê-su cõp nheq tũh cũai sa-âm Yê-su tâng cruang Yudê, alóí sâng noau pai cũai tở cõn cũai I-sarel khoiq sa-âm parnai Yiang Sursĩ tê. ² Bũn muoi tõp tẽ cũai sa-âm Yê-su, alóí chanchóm cũai aléq yoc ẽ puai Yê-su cõq táq rit cút samoat cũai I-sarel táq tê. Ngkíq tũ Phi-er chu loah põ vil Yaru-salem, alóí tẽq án, ³ pai neq: “Mói khoiq põq òt cõp tacu cha parnoi cõp cũai tở yũah táq rit cút.”

⁴ Ma Phi-er ruaih loah yõn alóí sâng tẽ nheq máh ranáq án khoiq hũm.

⁵ An pai neq: “Bũn muoi tangái, bo cõq òt tâng vil Yõp-pa, cõq põq câu. Chơ Yiang Sursĩ sapáh yõn cõq hũm ariang aroaiq la-a lúq. Cõq hũm samoat noau chõq samũ põn chẽng tâng aroaiq ki, cõp noau atĩar asẽng tẽ paloõng toaq põ cõq. ⁶ Cõq nhẽng aroaiq ki samoat lúq. Chơ cõq hũm máh thũ charán dõng cõp charán cruang, án ca põq na ayũng, án ca põq talor, cõp án ca pâr tâng põng. ⁷ Cõp cõq sâng sũng atõng cõq neq: ‘Phi-er oi! Mói yuor tayũng. Máh charán nài tẽq nheq mới cha. Charán aléq mới yoc ẽ cha, mới ít táq charán ki.’ ⁸ Ma cõq ta-õi sũng ki: ‘Tở bũn mõi! Cõq tở êq cha, Ncháu oi! Tẽ cõt toau toar, cõq tở nai cha cõng ca hẽq tở tẽq cha puai phẽp rit I-sarel.’ ⁹ Ma sũng ki atõng loah cõq: ‘Ramúh ntróu Yiang

Sursĩ yõn mới cha, mới chõi pai tở tẽq cha.’ ¹⁰ Pái trõ sũng ki atõng cõq ngkíq. Vót ki, samoat noau ác achõn loah aroaiq ki chu paloõng. ¹¹ Bo ki toap bũn pái náq tẽ vil Sê-sarê òt yáng tiah dõng cõq òt. Alóí toaq chuaq ẽ ramõh cõq. ¹² Cõp Raviei Yiang Sursĩ atõng cõq yõn põq cõp alóí, chõi ngcõh ntróu. Ngkíq bũn tapoat náq sêm ai tẽ tõp puai Yê-su tâng vil Yõp-pa, alóí põq cõp cõq chu dõng Cor-nai. ¹³ Cor-nai atõng hẽq tẽ án khoiq hũm ranẽng Yiang Sursĩ palooh tâng dõng án. Ranẽng ki atõng án neq: ‘Mói ón cũai põq mới Si-môn Phi-er tâng vil Yõp-pa. ¹⁴ Phi-er lúq atõng yõn mới cõp nheq dõng mới dáng na léq Yiang Sursĩ tẽq chuai amoong anhia.’ ¹⁵ Bo cõq atõng alóí ca rôm põ dõng ki, Raviei Yiang Sursĩ mut cõt sõt tâng mút pahõm alóí machõng án mut tâng mút pahõm hái tẽ nhũang. ¹⁶ Tũ ki cõq sanhũ loah tẽ parnai Yê-su khoiq atõng hẽq tẽ nhũang neq: ‘Yang khoiq táq batêm yõn anhia toaq dõq, ma nữ-ra Yiang Sursĩ táq batêm yõn anhia toaq Raviei án.’ ¹⁷ Ngkíq sanua Yiang Sursĩ yõn Raviei án põ cũai tở cõn cũai I-sarel hõ, machõng án khoiq yõn Raviei án põ hẽq ca sa-âm Yê-su Crít, Ncháu hái, tẽ nhũang tê. Nõq anhia chanchóm cõq tẽq sũoq Yiang Sursĩ tở? Ranáq ntróu án yoc ẽ táq, ki án táq.”

¹⁸ Tũ tõp ki sâng Phi-er atõng ngkíq, alóí tở tẽq tẽq ntróu noang. Ma alóí khẽn Yiang Sursĩ neq: “Lúq Yiang Sursĩ yõn cũai tở cõn cũai I-sarel tẽq ngin lóih lèq cõt mút tamái ên; chơ Yiang Sursĩ chuai amoong alóí tê.”

Tõp Puai Yê-su Tâng Vil Anti-òt

¹⁹ Vót tangái noau cachit Satien, máh tốp puai Yê-su khoiq chũq sa-ũi túh coat. Chơ alói loõh tẽ vil Yaru-salem, án ca p̃q atũng, án ca p̃q atooc. Bũn cũai p̃q chu cruang Phê-nasi, cõn Sip-rơ, cốp chu vil Anti-ôt. Ntốq léq alói p̃q, alói atõng parnai Yiang Sursĩ tâng ntốq ki. Ma alói atõng ống cũai I-sarel sâng. ²⁰ Ma tâng tốp puai Yê-su, bũn cũai samiang tẽ cõn Sip-rơ cốp cruang Si-rên p̃q chu vil Anti-ôt, cốp atõng parnai o tẽ Yê-su, Ncháu hái, yõn cũai tở cõn cũai I-sarel dáng tẽ. ²¹ Yiang Sursĩ chuai alói atõng parnai Yiang Sursĩ. Ngkíq clũng lứq cũai sa-âm cốp puai ngê Yê-su Crĩt tẽ.

²² Từ tốp sa-âm Yê-su tâng vil Yaru-salem sâng noau pai clũng cũai tâng vil Anti-ôt sa-âm Yê-su, ngkíq alói ón Ba-naba p̃q sa-óh vil Anti-ôt. ²³ Từ Ba-naba toâq p̃ vil ki, án hũm Yiang Sursĩ satõh sa-ũi ọc bốn yõn máh cũai tâng vil ki. Ngkíq Ba-naba sâng bũi tẽ, cốp án patáp cũai sa-âm ki yõn alói sa-âm pacái lứq ẽn, cốp puai ống ngê Yê-su Crĩt sâng. ²⁴ Ba-naba la cũai mantoat o lứq. Án sa-âm Yê-su Crĩt pacái lứq. Cốp Raviei Yiang Sursĩ cõt sôt tâng mút pahõm án. Bo ki bũn clũng cũai canõh mut sa-âm Yê-su Crĩt tẽ.

²⁵ Vót ki, Ba-naba p̃q chuaq Salơ tâng vil Tarso. ²⁶ Từ án ramóh Salơ, án dũng Salơ p̃q chu vil Anti-ôt. Alói ốt rôm parnoi cốp tốp sa-âm Yê-su tâng vil ki nheq muoi cumo. Cốp alói atõng tốp ki sa-ũi ẽn tẽ parnai Yiang Sursĩ. Tâng vil Anti-ôt noau mbõiq dõq tốp puai ngê Yê-su la Tốp Yê-su Crĩt.

²⁷ Tâng máh tangái ki bũn máh cũai tang bõq Yiang Sursĩ tẽ vil

Yaru-salem p̃q chu vil Anti-ôt. ²⁸ Bũn manoaq tẽ tốp ki ramũh A-cabut. Án yuor tayũng cốp án atõng saccoaiq santonq Raviei Yiang Sursĩ ón án atõng. Án pai neq: Cheq ẽ toâq tangái máh cruang pũn paloõng cutrúq nãi óq cõng sana cha. Chơ ntun ẽn, lứq cõt p̃ieiq ranáq ariang án pai, bo Calõt cõt puo cũai Rô-ma. ²⁹ Ngkíq tốp puai Yê-su tâng vil Anti-ôt pruum yõn práq p̃r yõu ca puai Yê-su tâng cruang Yudê. Maléq alói bũn, alói chuai máh ki. ³⁰ Moâm alói parõm práq, chơ alói ón Ba-naba cốp Salơ dũng asuoi práq ki yõn p̃r cũai sôt tốp puai Yê-su tâng cruang Yudê.

12

Hê-rôt Cachit Yacõ Cốp Cõp Phi-er

¹ Bo ki puo Hê-rôt táq túh coat lứq máh tốp sa-âm Yê-su. ² Án yõn noau tráh Yacõ, ai Yang, toâq dau. ³ Từ Hê-rôt yõn noau cachit Yacõ, cũai I-sarel sâng bũi lứq. Yuaq án hũm cũai I-sarel bũi tẽ ranáq nãi; ngkíq án cõp Phi-er ẽn. Tangái ki cũai I-sarel Táq Rit Cha Bẽng Mi Óq Cõng Pluoih. ⁴ Puo Hê-rôt chõq Phi-er tâng cuaq cốp án yõn muoi chít tapoát náq tahan kĩaq Phi-er. Vót tốp I-sarel cha sanhũ Tangái Loõh,* Hê-rôt yoc ẽ cachit Phi-er. ⁵ Ngkíq noau kháng Phi-er tâng cuaq tũ. Ma máh tốp sa-âm Yê-su câu sêq níc Yiang Sursĩ yõn chuai Phi-er.

⁶ Sadâu ki alói kĩaq Phi-er samoat lứq, yuaq tangái parnõ puo Hê-rôt ẽ cachit Phi-er. Alói yõn Phi-er bẽq mpũng dĩ bar náq cũai tahan. Alói clũng ayũng atĩ án toâq bar ntreh sái-sô. Cốp bũn tahan canõh kĩaq ngoah toong

* **12:4** 12:4 Tangái ki alói sanhũ tangái Yiang Sursĩ chuai yõn alói loõh tẽ cruang Ê-yip-tô tẽ mbõq.

cuaq. ⁷ Ma santar bŭn ranĕng Yiang Sursĩ tĕ paloŏng palooh tâng cuaq cheq Phi-er. Cóp bŭn poang claq chũop clóng cuaq ki. Ranĕng ki tatoah tâng bran Phi-er amoaih án yŏn tamõ. Ranĕng ki pai chóq Phi-er neq: “Mói yuor tayŭng toáp!”

Bo ki toáp sái-sô cõt rakiap tĕ atĩ Phi-er. ⁸ Cóp ranĕng Yiang Sursĩ atõng Phi-er neq: “Mói caléh loah au, cóp sóp loah cõp.”

Moâm Phi-er sóp cõp, chơ ranĕng Yiang Sursĩ atõng ěn neq: “Mói sóp au tuar, chơ puai cứq.”

⁹ Ngkíq Phi-er loõh puai ranĕng Yiang Sursĩ. Án tở dáng lŭq samoat ranĕng ki dŭng án loõh tĕ cuaq, tở la án rláu mpáu sâng. ¹⁰ Ma toaq alóí pŏq vót bar ntõq tahan kĩaq, cóp toaq pŏ ngoah toong tac loõh chu yáng tiah. Toong tac ki raplŏh bŭm; chơ alóí loõh. Tở alóí pŏq tâng rana, ranĕng Yiang Sursĩ cõt biet chíq, tở bŭn hŭm noâng.

¹¹ Ngkíq Phi-er dáng lŭq samoat ranáq ki, tở cõn án láu mpáu. Cóp án chanchóm neq: “Sanua cứq dáng samoat samõ ranáq nài lŭq pĕiq. Lŭq Yiang Sursĩ yŏn ranĕng án toaq chuai amoong cứq yŏn vót tĕ puo Hê-rôt cachĩt cứq, cóp yŏn vót tĕ máh ranáq tốp I-sarel ě táq cứq.”

¹² Bo Phi-er noâng chanchóm tĕ ranáq ki, án toaq pŏ dõng Mari, mpiq Yang Mac. Bŭn chŭng cũai tĕ tốp puai Yê-su õt rôm câu ngki. ¹³ Phi-er cucóq toong dõq arô cũai tâng dõng. Bŭn manoaq mansêm táq ranáq tâng dõng ki, ramŭh Rô-da; án pŏq nhêng yoc ě dáng noau cucóq toong. ¹⁴ Tở mansêm nài sacoa samũong Phi-er, án sâng bŭi lŭq. Ma án khlĩr pŏh toong yŏn Phi-er mut, yuaq coáp án lŭh atõng máh cũai tâng

dõng, pai Phi-er õt tayŭng yáng tiah ngoah toong. ¹⁵ Cũai õt tâng dõng ki pai chóq án neq: “Ngcõh lŏ mới yũh!”

Ma án ta-õĩ loah neq: “Tở bŭn! Lŭq án õt yáng tiah kí.”

Ma alóí pai loah chóq án neq: “Suong nài la srong ranĕng Yiang Sursĩ ca bán kĩaq Phi-er. Tở cõn lŭq cutõ Phi-er.”

¹⁶ Ma Phi-er cucóq toong cóp arô loah sĩa yŏn alóí pŏh toong. Tở alóí pŏh toong, alóí hŭm lŭq Phi-er. Ngkíq alóí sâng dót lŭq. ¹⁷ Phi-er avút atĩ sroq alóí tở yŏn tabõq. Cóp án atõng alóí nõq toáp Yiang Sursĩ táq yŏn án bŭn racláh tĕ cuaq tũ. Chơ án patáp alóí neq: “Anhia atõng loah máh ọc nài yŏn Yacõ cóp máh sĕm ai hái dáng tĕ.”

Moâm ki Phi-er loõh pŏq chu ntõq canõh ěn.

¹⁸ Mbõiq poang rŭm-rŭm, tahan kĩaq cuaq ki sâng croõq lŭq, yuaq tở dáng nõq cõt sarbiet chíq Phi-er tĕ cuaq. ¹⁹ Puo Hê-rôt ón cũai pŏq ravoat loah Phi-er. Ma alóí tở ramóh. Chơ puo Hê-rôt blŏh loah tahan kĩaq cuaq tũ, ma alóí tở dáng nõq Phi-er bŭn loõh tĕ cuaq. Ngkíq Hê-rôt yŏn noau cachĩt nheq máh tahan ki. Vót ki puo Hê-rôt loõh tĕ cruang Yudê pŏq õt tâng vil Sê-sarê ěn.

Yiang Sursĩ Cachĩt Hê-rôt

²⁰ Tở Hê-rôt õt tâng vil Sê-sarê, bŭn muoi tốp cũai tĕ vil Ti-rơ cóp vil Sadôn yoc ě ramóh án. Tĕ nhŭang Hê-rôt ũan lŭq cóp cũai tâng bar vil ki. Ma sanua alóí yoc ratoĩ loah cóp Hê-rôt, yuaq alóí nhor tĕ crong sana tĕ cruang Hê-rôt nõq bŭn tamoong. Ngkíq alóí táq ntõng nhŭang cóp manoaq ayŭng atĩ puo Hê-rôt, ramŭh Ba-latut. Alóí ěq Ba-latut atõng yŏn puo Hê-rôt dáng alóí yoc ě õt ratoĩ loah cóp án. ²¹ Tâng tangái ki

puo Hê-rôt tâc tampâc nêuq lúq, cốp án tacu tâng cachơng puo. Án atỡng santoiq o lúq yỗn cũai proai tamứng. ²² Tữ máh cũai proai tamứng án atỡng, chơ alới pai casang lúq: “Parnai nâi lúq tỡ cõn parnai cũai, ma lúq parnai yiang.”

²³ Bo ki toâp manoaq ranẻng Yiang Sursĩ táq Hê-rôt yỗn cõt a-ĩ hâp lúq. Bữn bỗr cha tâng púng án; chơ án cuchĩt. Yiang Sursĩ táq Hê-rôt ngkĩq, yuaq án tỡ bữn yám noap Yiang Sursĩ.

²⁴ Vót ki parnai Yiang Sursĩ cõt blẻng lúq ẻn, cốp chửng lúq cũai sa-âm parnai ki.

²⁵ Toâq Ba-naba cốp Salơ táq moâm ranáq chuai yỗu tâng vil Yaru-saleme, chơ alới pih chu loah pỡ vil Anti-ôt. Cốp alới dửng Yang Mac pỡq cốp alới tẻ.

13

Raviei Yiang Sursĩ Rườh Ba-naba Cốp Salơ

¹ Tộp sa-âm Yẻ-su tâng vil Anti-ôt bữn máh cũai tang bỗq Yiang Sursĩ cốp bữn cũai canỗh atỡng parnai Yiang Sursĩ. Ramứh alới la neq: Ba-naba, Si-mẻ-ỏn (noau đỗq án Ni-yẻ hỡ), Lusi-ut tẻ cruang Si-rẻn, Mana-en (án la samoât sẻm ai puo Hê-rôt yuaq alới bar náq noau rabán parnỡi bo alới noâng cacót), cốp Salơ. ² Bữn muoi tangái bo alới sang toam Yiang Sursĩ cốp ót sana, Raviei Yiang Sursĩ atỡng alới neq: “Anhia pác đỗq miar Ba-naba cốp Salơ yỗn táq máh ranáq cứq ỏn alới táq.”

³ Moâm alới ót sana cốp câu, chơ alới satoaq atĩ tâng Ba-naba cốp Salơ. Cốp alới ỏn bar náq ki pỡq táq ranáq samoât Raviei Yiang Sursĩ ỏn alới táq.

Phau-lỏ Cốp Ba-naba Tâng Cruang Sip-rỏ

⁴ Ngkĩq Ba-naba cốp Salơ loỏh tẻ ki, cốp pỡq chu vil Sẻ-lusi samoât Raviei Yiang Sursĩ ỏn alới. Tẻ vil ki alới pỡq na tuoc chu cõn Sip-rỏ. ⁵ Tữ alới toâq pỡ cõn Sip-rỏ, alới sẻng tẻ tuoc bân vil Salamít. Chơ alới mut tâng đỗng sang cũai I-sarel tâng vil ki, yoc atỡng parnai o tẻ Yiang Sursĩ. Đẻh Yang Mac hỡ pỡq cốp alới đỗq chuai alới. ⁶ Vót ki alới pỡq tadáh chũop nheq cõn Sip-rỏ toau alới toâq pỡ vil Baphỏ. Tâng vil Baphỏ alới ramỏh manoaq cũai I-sarel ramứh Bayẻ-su. Án la cũai mo, cốp án la cũai táq nan tang bỗq Yiang Sursĩ. Bayẻ-su nâi, noau đỗq án Ê-luma hỡ. ⁷ Ê-luma ỏt chuai ranáq yỗn cũai sỏt tâng cõn Sip-rỏ, ramứh Sẻ-yut Phalut. Sẻ-yut Phalut la cũai rangoiq lúq, cốp án arỏ Ba-naba cốp Salơ yoc ẻ tamứng parnai Yiang Sursĩ.

⁸ Ma Ê-luma catáng tỡ ẻq Sẻ-yut Phalut tamứng cốp sa-âm parnai ki. ⁹ Chơ Salơ, noau đỗq ramứh Phau-lỏ hỡ, án nhẻng cloân níc chu Ê-luma. Cốp Raviei Yiang Sursĩ cõt sỏt tâng mút pahỏm án. ¹⁰ Án pai chỏq Ê-luma neq: “Mới la cũai đỗq ẻ cakẻq, cốp yoc lúq raphẻq rathũ. Mới la con yiang Satan. Mới yoc ẻ pupứt ngẻ tanoang o. Nỗq mới tỡ ẻq cũai puai ngẻ tanoang o tẻ Yiang Sursĩ? ¹¹ Sanua Yiang Sursĩ táq yỗn mới cõt sũt. Tỡ đảng malẻq dửn nỗ tẻq mới hửm loah.”

Bo ki toâp Ê-luma cõt sũt. Chơ án chuchơr chuaq cũai ẻq noau tẻc án. ¹² Tữ cũai sỏt cruang ki hửm ranáq ki, án sâng đót lúq, cốp án sa-âm Yẻ-su Cữt tẻ.

Phau-lỏ Cốp Ba-naba Tâng Vil Anti-ỏt Cruang Bi-sadi

¹³ Vót ki Phau-lỏ cốp yỏu án chỏn tâng tuoc loỏh tẻ vil Baphỏ

põq chu vil Pêr-ca tâng cruang Bam-phuli. Ôt tâng vil ki Yang Mac tở bữn põq nõng cốp alói, ma án chu loah pở vil Yaru-salem. ¹⁴ Chơ Ba-naba cốp Phau-lô loõh tễ vil Pêr-ca põq chu vil Anti-õt tâng cruang Bi-sadi. Tâng Tangái Rlu alói bar náq mut rôm tâng dống sang tốp I-sarel tâng vil ki. ¹⁵ Moâm noau doc tễ phễp rit Môise khoiq atõng tễ mbỏq yõn tốp I-sarel, cốp doc tễ tâm saráq cũai tang bỗq Yiang Sursĩ khoiq chĩc tễ mbỏq, alói ca ndõm dống sang ki pai chỏq Ba-naba cốp Phau-lô neq: “Sẽm ai ơi! Khân anhia bữn santoiq catoaih atõng yõn hếq cõt rêng achõn, sẽq anhia atõng yõn tốp hếq dáng tề.”

¹⁶ Ngkíq Phau-lô yuor tayúng cốp avút atĩ tở yõn alói tabỗq. Chơ án atõng alói neq: “Nheq tữh sẽm ai cũai I-sarel ơi! Cốp nheq náq anhia ca yám noap Yiang Sursĩ tề, sẽq anhia tamúng san-toiq cứq. ¹⁷ Yiang Sursĩ nheq tữh cũai I-sarel sang, án tập khoiq ruoh achúc achiac hái tễ mbỏq. Bo alói õt tâng cruang Ê-yip-tô, Yiang Sursĩ yõn alói cõt rứh chửng lứq. Toáq Yiang Sursĩ yõn tốp hái loõh tễ cruang Ê-yip-tô, ki dũ náq cũai dáng án bữn chớc sớt toár lứq. ¹⁸ Tốp I-sarel õt tâng ntỏq aiq nheq pỏn chít cumo. Dõq alói tở trĩh parnai Yiang Sursĩ, ma nõng Yiang Sursĩ ayooq alói. ¹⁹ Cốp tâng cruang Cana-an, Yiang Sursĩ pupứt chít tapul cruang cũai, chơ yõn tốp hái ễn bữn ndõm nheq cutếq tâng cruang ki. ²⁰ Ranáq ki cõt tâng sám pỏn culám sỡng chít cumo. Vót ki Yiang Sursĩ ruoh cũai dỏq rasửq tốp I-sarel, toau toáq dỡi Samu-êl, la cũai tang bỗq Yiang Sursĩ.

²¹ “Moâm ki tốp I-sarel sẽq Yiang Sursĩ yõn alói bữn puo. Ngkíq Yiang Sursĩ yõn Salơ cõt puo alói. Salơ la con samiang Kĩ-sơ tễ tốp Ben-yamin, cốp án cõt puo nheq pỏn chít cumo. ²² Vót ki Yiang Sursĩ táh Salơ, cốp án chỏh Davĩt ễn yõn cõt puo. Yiang Sursĩ pai tễ Davĩt neq:

‘Davĩt, con samiang Yê-sai, bữn muoi mút cốp cứq.

Ntrớu cứq yoc án táq, án lứq táq aki.’[✧]

²³ “Yiang Sursĩ khoiq par-ửq tễ nhũang, án lứq yõn manoaq tễ tống toiq Davĩt toáq chuai amoong cũai I-sarel. Manoaq nái la Yê-su. ²⁴ Bo Yê-su tở yũah toáq, Yang khoiq atõng yõn máh cũai I-sarel cóq roap batêm, táq tếc alói khoiq ngin lỏih lếq cõt mút tamái ễn. ²⁵ Toáq Yang táq máh ranáq Yiang Sursĩ ỏn án khoiq cheq ễ moâm chơ, án pai neq: ‘Cứq la tở cõn án ca anhia ngcuang. Ma ntun nái, án ca anhia ngcuang lứq toáq. Cứq la tở bữn pẻiq dểh leh cansái cởp tễ ayũng án, yuaq cứq bữn chớc cõt-cốt lứq.’

²⁶ “Sẽm ai ơi! Hái ca tễ tống toiq A-praham, cốp máh anhia ca yám noap Yiang Sursĩ, Yiang Sursĩ lứq yõn hái bữn parnai án, dỏq hái noap án tềq chuai amoong cũai. ²⁷ Cũai proai tâng vil Yaru-salem cốp máh cũai sớt alói hỡ, alói tở bữn dáng Yê-su la Con Yiang Sursĩ. Cu Tangái Rlu tâng dống sang, alói doc tễ tâm saráq cũai tang bỗq Yiang Sursĩ khoiq chĩc tễ mbỏq, mỗ alói tở bữn dáng ntrớu tễ máh ỏc tâng tâm saráq ki. Ma toáq alói cachĩt Yê-su, alói táq yõn cõt rapẻiq samoát cũai tang bỗq Yiang Sursĩ khoiq atõng. ²⁸ Máh cũai tâng vil Yaru-salem chuaq ralĩh ễ cachĩt Yê-su,

ma alóí tở ramóh muoi ốc ntróu tềq cachít án. Ma noàng alóí sễq tễ Phi-lat yỗn án cachít Yê-su. ²⁹ Toáq alóí khoi q táq moám nheq samoát cũai tang bỗq Yiang Sursĩ khoi q chĩc tễ mbỗq tễ Yê-su, chơ alóí alĩh asễng Yê-su tễ aluang sangcáng, cốp đứng túp án tâng ping. ³⁰ Ma Yiang Sursĩ yỗn Yê-su tamoong loah tễ cuchít. ³¹ Chơ án ốt cũĩ muoi casai cốp alóí ca khoi q puai án tễ cruang Cali-lê chu vil Yaru-saleh. Sanua, tỗp nài pỗq atống cũai I-sarel ca tở yũah dáng tễ ranáq Yê-su táq. ³²⁻³³ Ngkĩq hếq toáq atống parnai o nài yỗn anhia dáng tề, la parnai Yiang Sursĩ khoi q par-ữq cốp achúc achiac hái tễ mbỗq. Toáq Yiang Sursĩ yỗn Yê-su tamoong loah, án táq rapĩei q máh ốc án khoi q ữq cốp achúc achiac hái. Yiang Sursĩ khoi q atống máh ốc nài tâng pún bar tâm saráq Ừat Khễn. Yiang Sursĩ pai tễ Yê-su neq:

'Mói la Con cứq.

Tangái nài cứq lứq cõt Mpoaq mới.'

³⁴ "Cốp muoi ntốq canốh ễn tâng tâm saráq Yiang Sursĩ, án pai tễ Yê-su neq:

'Cứq lứq yỗn mới bữn máh ốc bỗn cứq khoi q ữq cốp Davít tễ mbỗq chơ.'^{☆*}

³⁵ "Cốp bữn ntốq canốh ễn tâng tâm saráq Ừat Khễn, Davít pai neq:

'Anhia tở yỗn án ca bráh o lứq cõt abuoiq.'[☆]

³⁶ "Bo Davít noàng tamoong án táq máh ranáq Yiang Sursĩ ốn án táq. Ma toáq án cuchít, noau túp án tâng ping achúc achiac án tề. Tở án cõt abuoiq. ³⁷ Ma Yê-su, Yiang Sursĩ yỗn án tamoong

loah, cốp tở án tở bữn abuoiq ntróu. ³⁸⁻³⁹ Ngkĩq, sễm ai oi, cứq yoc anhia dáng samoát lứq, ống manoaq Yê-su toáp tềq táh lôih anhia. Máh phễp rit Mòi-se yỗn anhia, tở tềq yỗn anhia cõt tanoang o yáng moat Yiang Sursĩ. Ma cũai aléq sa-ám Yê-su, cũai ki lứq cõt tanoang o yáng moat Yiang Sursĩ. ⁴⁰ Ngkĩq anhia nhềng o, đốq anhia tềq viaq tễ ramứh túh coat cũai tang bỗq Yiang Sursĩ khoi q pai tễ mbỗq neq:

⁴¹ 'Máh anhia ca ayê ra-ac parnai Yiang Sursĩ,

cốq anhia tamứng yỗn samoát.

Cốq anhia sâng croốq lứq, cốp cốp anhia cuchít chíq, yuaq cứq ễ táq ranáq tâng đởi anhia ca anhia tở bữn noap, tam noau atống anhia chơ tễ ốc ki.'^{''☆}

⁴² Tở Phau-lô cốp Ba-naba loốh tễ đống sang ki, bữn cũai sễq alóí atống loah santoi q ki toáq Tangái Rlu ntun ễn. ⁴³ Moám alóí rôm, alóí miar chu. Ma bữn sa-ữi nắq tễ tỗp I-sarel cốp tễ tỗp canốh ca puai phễp rit I-sarel, alóí puai Phau-lô cốp Ba-naba. Ngkĩq Phau-lô cốp Ba-naba táq ntống cốp alóí, cốp patáp alóí chỏi táh máh ốc Yiang Sursĩ khoi q chuai miat alóí.

⁴⁴ Toáq Tangái Rlu ntun ễn, mán nheq tữh cũai tễ vil ki pỗq rôm yoc ễ tamứng parnai Yiang Sursĩ.

⁴⁵ Tở cũai I-sarel hữm chửng lứq cũai rôm, alóí sâng ũan, yuaq alóí tở ểq cũai tamứng parnai Phau-lô. Chơ alóí acrieiq Phau-lô. ⁴⁶ Ma Phau-lô cốp Ba-naba atống clốq lứq ễn neq: "Cốq hếq atống yỗn anhia cũai I-sarel tamứng parnai Yiang Sursĩ nhũang tễ cũai canốh. Ma anhia tở ểq tamứng parnai

☆ 13:34 13:34 Ê-sai 55:3 * 13:34 13:34 Ồc nài Yiang Sursĩ atống tễ Yê-su tamoong loah, cốp Yiang Sursĩ tở yỗn Yê-su cuchít noàng. ☆ 13:35 13:35 Ừat Khễn 16:10 ☆ 13:41 13:41 Ha-bacúc 1:5

nâi, samoât riang anhia tở ẽq tamooŋ mantái. Ngkíq sanua hẽq pỏq atõng cũai tở cõn cũai I-sarel ẽn. ⁴⁷ Yiang Sursĩ toáp ỏn hẽq táq ngkíq, cỏp án pai neq:

‘Củq chỏch anhia yõn cõt samoât ỏc poang yõn cũai tở cõn cũai I-sarel,
dỏq nheq tữh cũai pũn paloõng cutrủq nâi bữn dỏng củq yoc ẽ chuai amoong alỏi.’”[✧]

⁴⁸ Tữ cũai tở cõn cũai I-sarel sỏng parnai ki, alỏi sỏng bũi hữr lủq, cỏp alỏi khẻn parnai Yiang Sursĩ. Máh cũai ca Yiang Sursĩ arỏ yõn tamooŋ mantái, lủq alỏi sa-âm parnai ki.

⁴⁹ Ngkíq parnai Yiang Sursĩ cõt parhan la-ũt la-ũi chũop máh cruang ki. ⁵⁰ Ma cũai I-sarel, pỏq sa-rủc chỏq máh cũai tở tởng vil ki cỏp chỏq máh cũai ayoaq ca sang toam Yiang Sursĩ. Cũai ayoaq ki, alẻq la yám noap lủq alỏi. Ngkíq máh cũai I-sarel tuih Phau-lỏ cỏp Ba-naba yõn loỏh chỏq tẻ cruang cutẻq alỏi. ⁵¹ Ma Phau-lỏ cỏp Ba-naba trutrẻh phỏn tẻ ayũng, táq tẻc cũai tởng vil ki tở ẻq tamủng alỏi. Chỏ alỏi pỏq chu vil I-cuni ẽn. ⁵² Ma máh cũai khiỏq sa-âm tởng vil Anti-ỏt, alỏi sỏng bũi lủq, cỏp Raviei Yiang Sursĩ cõt sỏt tởng mủt pahỏm alỏi.

14

Phau-lỏ Cỏp Ba-naba Tỏng Vil I-cuni

¹ Tữ Phau-lỏ cỏp Ba-naba toỏq pỏ vil I-cuni, alỏi mut atõng sỏa tởng dỏng sang tỏp I-sarel. Parnai alỏi pai la bẻng lủq. Ngkíq chửng cũai tẻ tỏp I-sarel cỏp tẻ tỏp tở cõn cũai I-sarel noap cỏp sa-âm Yẻ-su tẻ. ² Ma máh tỏp I-sarel ca tở ẻq sa-âm parnai Yiang Sursĩ,

alỏi sa-rủc cũai tở cõn cũai I-sarel yõn alỏi ủan chỏq máh cũai khiỏq sa-âm. ³ Ngkíq Phau-lỏ cỏp Ba-naba ỏt atõng parnai Yiang Sursĩ dũn lủq tởng vil ki. Alỏi atõng cỏq lủq. Cỏp Yiang Sursĩ apỏh yõn cũai dỏng parnai alỏi pai la lủq parnai Yiang Sursĩ, yuaq án yõn alỏi bữn chỏc tẻq táq ranỏq salẻh. ⁴ Ma máh cũai tởng vil ki caryoah cõt bar tỏp. Muoi tỏp yoc ẻ puai tỏp I-sarel ca tở bữn sa-âm. Ma muoi tỏp ẻn yoc ẻ puai Phau-lỏ cỏp Ba-naba. ⁵ Chỏ cũai I-sarel ca tở bữn sa-âm, ki pruum cỏp cũai tở cõn cũai I-sarel cỏp máh cũai sỏt tởng vil, alỏi pai vial Phau-lỏ cỏp Ba-naba, cỏp tám tamỏu chỏq alỏi hỏ. ⁶ Ma tữ alỏi bar nỏq sỏng ngkíq, alỏi lủh aloỏh chỏq tẻ vil ki, pỏq chu cruang Lu-cani cỏp mut tởng vil Lutỏ, vil Der-bỏ, cỏp máh vil mpẻ ki. ⁷ Tỏng máh vil ki alỏi atõng parnai o tẻ Yẻ-su Cỏt.

Phau-lỏ Cỏp Ba-naba Tỏng Vil Lutỏ

⁸ Tỏng vil Lutỏ bữn manoaq samiang yỏt ayũng tẻ mpiq án canỏt. Án tở tẻq pupỏq. ⁹ Án tamủng tẻ Phau-lỏ atõng. Tữ Phau-lỏ cloỏn níc chu án, Phau-lỏ hữm án lủq sa-âm Yiang Sursĩ tẻq táq bán ayũng án. ¹⁰ Ngkíq Phau-lỏ ỏn án casang lủq: “Mỏi yuor tayũng!”

Yỏiq toáp án yuor. Chỏ án pỏq. ¹¹ Toỏq cũai chửng hữm Phau-lỏ táq ranỏq nâi, alỏi pruum pai casang lủq toỏq parnai alỏi bữm, la parnai Lu-cani, neq: “Yiang ỏiq alỏi bar nỏq nâi! Yiang samblỏt cõt cũai!”

¹² Cỏp alỏi dỏq Ba-naba la yiang Yubi-tỏ. Cỏp alỏi dỏq Phau-lỏ la yiang Mer-curi, cỏ án la cũai nghẻl bỏq ariang yiang ki tẻ. ¹³ Tỏp sang yiang Yubi-tỏ, alỏi bữn muoi lám prỏng cheq ramỏh vil. Án

✧ 13:47 13:47 Ê-sai 42:6; 49:6

ca yǒng tampúc yang ki dǔng ntrooq tangcáh cǒp piar pǒr ngoah toong viang vil, cǒ ẽ toong Ba-naba cǒp Phau-lô. ¹⁴ Tǔ Ba-naba cǒp Phau-lô sâng tǒp ki ẽ sang alóí, alóí háq chíq tampác bǔm, táq tǛc alóí tǒr ẽq tǒp ki táq ngkíq. Chǒr alóí lúh chu cũai lǔng ki cǒp pai casang lǔq neq: “Sẽm ai ơ! Nǒq anhia yoc ẽ toong hếq? ¹⁵ Hếq la cũai machǒng anhia tẽ. Hếq toaq pǒr nâi yoc ẽ atǒng anhia dáng chǒi toong noâng yang canǒh, yuaq yang ki tǒr tẽq chuai anhia ntróu. Ma cǒq anhia sang ǒng Yang Sursĩ sâng. ǒng Yang Sursĩ toáp la Yang tamoong níc. Lǔq ǒng Yang Sursĩ toáp tẽng paloǒng, cutẽq, dǒq, cǒp dũ ramúh tâng ki. ¹⁶ Tâng máh dǒi nhũang Yang Sursĩ yǒn nheq tǒp cũai puai ngẽ alóí bǔm. ¹⁷ Ma noâng Yang Sursĩ táq sa-ũi tǛc o yǒn nheq tǔh cũai ki dáng samoat lǔq, án la Yang ca sǒt lǔq. Án yǒn alóí bǔn li phũac mia cǒp bǔn crǒng sarnǒh, p̄ieiq catũ. Ngkíq mút pahǒm alóí cǒt bũi lǔq.”

¹⁸ Ma Phau-lô mán ẽ pẽ sroq alóí chǒi tutoǒng án cǒp Ba-naba.

¹⁹ Tǒr bǔn dũn noâng tǒp I-sarel tẽ vil Anti-ôt, cruang Bi-sadi, cǒp tẽ vil I-cuni, alóí toaq. Alóí radǔng cũai proai tám tamáu chók Phau-lô, ẽ cachĩt án. Tǔ alóí chanchǒm pai Phau-lô khiq cuchĩt chǒr, alóí hor aloǒh tǒ án yáng tiah vil. ²⁰ Ma toaq tǒp sa-âm Yẽ-su rǒm mp̄ẽr tǒ Phau-lô, ngkíq Phau-lô yuor tayǔng cǒp án mut loah tâng vil ki. Máh tangái parnǒ ẽn Phau-lô cǒp Ba-naba loǒh tẽ vil ki pǒq chu vil Der-bǒr ẽn.

Alóí Chu Pǒr Vil Anti-ôt Sĩa Tâng Cruang Si-ri

²¹ Tâng vil Der-bǒr alóí atǒng sĩa parnai o tẽ Yẽ-su Crĩt, cǒp lǔng cũai sa-âm Yẽ-su Crĩt tẽ. Moám alóí atǒng tâng vil Der-bǒr, chǒr alóí pích chu loah pǒr vil Lutro, vil I-cuni, cǒp vil Anti-ôt tâng cruang Bi-sadi. ²² Tâng máh vil ki Phau-lô cǒp Ba-naba catoaih atǒng máh cũai puai Yẽ-su yǒn alóí sa-âm nheq rangúh cǒp yǒng pacái lǔq máh ǒc alóí khiq sa-âm chǒr. Alóí atǒng tǒp ki neq: “Khân hái yoc ẽ mut tâng ntǒq Yang Sursĩ sǒt, cǒq hái chíuq sa-ũi ramúh túh coat.”

²³ Phau-lô cǒp Ba-naba ruroh cũai tẽ tǒp sa-âm cu vil dǒq cǒt sǒt tâng tǒp sa-âm vil ki. Alóí rǒm câu, cǒp alóí ót sana. Chǒr alóí chiau pǒr Yang Sursĩ máh cũai alóí khiq ruroh, s̄eq Yang Sursĩ bán kĩaq máh cũai ki, yuaq máh cũai ki sa-âm Yang Sursĩ samoat samoi.

²⁴ Vót ki Phau-lô cǒp Ba-naba pǒq luat cruang Bi-sadi, chǒr toaq pǒr cruang Bam-phuli. ²⁵ Alóí mut tâng vil Pẽr-ca; chǒr alóí atǒng parnai o tẽ Yang Sursĩ tâng vil ki. Moám ki alóí mut tâng vil A-talia ẽn; chǒr alóí chǒn tâng tuoc chu loah pǒr vil Anti-ôt tâng cruang Si-ri. ²⁶ Tǒp sa-âm tâng vil Anti-ôt khiq rǒm câu yǒn Phau-lô cǒp Ba-naba bo ki, nhũang alóí tǒr yũah pǒq atǒng. Tǒp ki khiq s̄eq Yang Sursĩ chuai alóí bar náq pǒq táq ranáq Yang Sursĩ ruroh yǒn alóí táq. Sanua alóí bar náq khiq táq moám chǒr máh ranáq ki. ²⁷ Tǔ Phau-lô cǒp Ba-naba toaq loah pǒr vil Anti-ôt, alóí parǒm loah máh tǒp sa-âm Yẽ-su yoc atǒng loah yǒn alóí ki dáng máh ranáq Yang Sursĩ khiq chuai alóí táq. Cǒp alóí atǒng tǒp sa-âm ki dáng Yang Sursĩ yǒn cũai ca tǒr cǒn cũai I-sarel sa-âm parnai án tẽ. ²⁸ Chǒr Phau-lô cǒp Ba-naba ǒt dũn cǒp tǒp puai Yẽ-su tâng vil

Anti-ôt cruang Si-ri.

15

Tốp Puai Yê-su Rôm Tâng Vil Yaru-salem

¹ Vót ki bữn cũai tể cruang Yudê toâq atông tốp sa-âm Yê-su tâng vil Anti-ôt neq: “Khân cũai aléq tở yũah táq rit cút puai phếp rit Môise, Yiang Sursĩ lứq tở nai chuai amoong cũai ki.”

² Phau-lô cốp Ba-naba tở bữn pruum cốp ốc ki. Ngkíq alóí rasuon la-ốq tể ốc nâi cốp tốp sểm ai tể cruang Yudê. Chơ máh tốp puai Yê-su tâng vil ki ớn Phaulô cốp Ba-naba, dếh cũai canốh tể tốp ki, pốq blốh tốp ayũng atĩ Yê-su Crĩt cốp máh cũai sớt tốp puai Yê-su tâng vil Yaru-salem tể ốc nâi.

³ Tốp sa-âm Yê-su tâng vil Anti-ôt pốq satoâl tốp Phaulô cốp Ba-naba vót ramốh vil yỗn alóí pốq chu vil Yaru-salem. Bo alóí pốq chu vil Yaru-salem, alóí pha cruang Phê-nasi cốp cruang Samari. Cốp alóí atông máh cũai puai Yê-su tâng bar cruang ki, yỗn alóí dáng bữn cũai tở cữn cũai I-sarel sa-âm tể Yê-su Crĩt. Ngkíq tữ máh cũai sa-âm Yê-su tâng bar cruang ki sâng ngkíq, alóí sâng bũi lứq. ⁴ Tữ tốp Phaulô cốp Ba-naba toâq pở vil Yaru-salem, tốp sa-âm Yê-su tâng vil ki, dếh tốp ayũng atĩ Yê-su cốp máh cũai sớt canốh, alóí cubán cusũan bũi lứq tốp Anti-ôt ki. Chơ Phaulô cốp Ba-naba atông loah tể máh ranáq Yiang Sursĩ yỗn alóí táq. ⁵ Ma bữn cũai tể tốp Pha-rasi ca khoi q sa-âm Yê-su, alóí tayũng cốp pai neq: “Máh cũai tở cữn cũai I-sarel, khân alóí yoc ể puai ngê Yê-su Crĩt, cốp alóí táq rit cút cốp puai máh ốc Môise patâp tốp I-sarel tể mbốq.”

⁶ Ngkíq tốp ayũng atĩ Yê-su Crĩt cốp máh cũai sớt tốp sa-âm Yê-su, alóí rôm sarhống yoc ể tutuai q tể ốc nâi. ⁷ Alóí sarhống dũn lứq; chơ Phi-er yuor tayũng cốp pai chốq alóí neq: “Sểm ai oi! Khoi q anhia dáng chơ, tể bo ki Yiang Sursĩ ruoh cứq pốq atông máh cũai tở cữn cũai I-sarel đốq alóí dáng tể parnai o tể Yê-su Crĩt, cốp đốq alóí sa-âm tể parnai ki. ⁸ Yiang Sursĩ dáng nheq tâng mút pahốm cũai. Cốp tữ Yiang Sursĩ yỗn cũai tở cữn cũai I-sarel bữn Raviei án machống án khoi q yỗn hái, ki án apáh yỗn hái dáng án ểq máh cũai tở cữn cũai I-sarel sa-âm án tể. ⁹ Yiang Sursĩ ayoóq alóí lĩ-ralĩ cốp hái tể. Cũai aléq sa-âm án samoât samoi, án táq yỗn mút cũai ki cõt o ển. ¹⁰ Ma sanua, nốq anhia yoc ể chim Yiang Sursĩ? Nốq anhia yoc ể ểp cũai sa-âm ca tở cữn cũai I-sarel cốp puai phếp rit coat lứq? Phếp rit nâi, hái cốp achúc achiac hái tể mbốq la tở rơi táq puai. ¹¹ Lứq tở tề! Hái sa-âm Yiang Sursĩ chuai amoong hái cồ nhơ tể ốc chuai miat Yê-su Crĩt, Ncháu hái. Cốp Yiang Sursĩ táq machống nâi tể yỗn máh cũai tở cữn cũai I-sarel ca khoi q sa-âm Yê-su.”

¹² Moâm ki tốp alóí tở bữn pai ntrúu noâng, ma alóí tamũng Ba-naba cốp Phaulô ruaih loah tể máh ranáq salểh Yiang Sursĩ táq bo alóí atông parnai án yỗn cũai tở cữn cũai I-sarel. ¹³ Vót alóí bar nâq ki táq ntông moâm, chơ Yacở ển pai neq: “Sểm ai oi! Sểq anhia tamũng santoi q cứq. ¹⁴ Simôn Phi-er khoi q atông hái chơ tể máh ranáq Yiang Sursĩ ruoh cũai tở cữn cũai I-sarel yỗn alóí cõt con acái án tể. ¹⁵ Máh ranáq ca toâq sanua, cũai tang bốq Yiang Sursĩ khoi q chĩc tể mbốq neq:

16 'Bũn muoi tangái cứq lứq
toâq atức loah cruang cutểq
Davít,
samoât noau atức muoi láng
dống khoiq rúng ralóh.

Cứq lứq atức tamái viang vil
yỗn cõt samoât loah tể
nhũang.

17 Ngkíq nheq tữh cũai tâng dũ
cruang têq puai ngê cứq.

Cứq táq ngkíq yỗn cũai tở cởn
cũai I-sarel têq cõt tốp cứq
tê.

18 Mách ọc nâi Yiang Sursĩ khoiq
atởng tể mbỏq chơ.' "✧

19 Yacỗ pai ễn neq: "Puai
rangứh cứq la neq: Mách cũai
tở cởn cũai I-sarel ca yoc ễ puai
ngê Yiang Sursĩ, hái chổi táq coat
alóí. 20 Ma cóq hái chĩc choâiq
catoaih atởng alóí chổi cha noâng
mách crong noau tutoởng. Cũai
mansêm samiang tở bũn lacuoi
cayac chổi bẻq parnơi. Chổi cha
sâiq charán noau éc. Cớq chổi
cha aham charán. 21 Hái patâp
ngkíq, yuaq cu Tangái Rlu cũai I-
sarel doc níc tể phếp rit Mũi-se
tâng dống sang tốp I-sarel dũ vil,
tể dời mbỏq toau toâq sanua."

Saráq Cớq Yỗn Cũai Tở Cởn Cũai I-sarel

22 Moâm Yacỗ atởng ngkíq, tốp
ayũng aĩ Yê-su cóp máh cũai sớt
tốp sa-âm Yê-su, alóí pruum cóp
parnai Yacỗ. Alóí rườh bar náq,
ramứh Yuda Ba-saba cóp Si-la, la
cũai sớt tâng tốp puai Yê-su, yỗn
alóí bar náq pỡq chu vil Anti-ôt
nứng Phau-lô cóp Ba-naba.

23 Ngkíq bar náq ki dứng choâiq
noau chĩc neq: "Sễm ai ơi! Hẻq
la tốp ayũng aĩ Yê-su Crít pruum
cóp máh tốp puai Yê-su tâng vil
Yaru-salem cóp máh cũai sớt tốp
ki, dờq chĩc choâiq nâi cớq sa-óh

mách sễm ai hẻq ca tở cởn cũai I-
sarel tâng vil Anti-ôt cruang Si-ri,
cóp tâng cruang Si-lasi hờ. 24 Hẻq
sâng yóu hẻq khoiq atởng anhia
táq yỗn anhia cõt saria sarnóm.
Ma lứq hẻq tở bũn ớn alóí ki pỡq
atởng anhia ngkíq. 25 Ngkíq yuaq
hẻq pruum ớn bar náq tể tốp hẻq
yỗn pỡq nứng yóu hái Phau-lô cóp
Ba-naba toâq sa-óh anhia. 26 Ba-
naba cóp Phau-lô khoiq tở dáng
sẻq trở chơ alóí chũuq noau cachít
cỗ tian alóí dứng parnai Yê-su
Crít, Ncháu hái. 27 Ngkíq hẻq ớn
Yuda cóp Si-la pỡq atởng anhia,
yỗn anhia dáng raloaih lứq tể
santoiq tâng choâiq nâi. 28 Ravie
Yiang Sursĩ khoiq chuai hẻq têq
sarhông ọc nâi; ngkíq hẻq pruum
tở êq anhia puai phếp rit coat
lứq. Ma hẻq chĩc yỗn anhia pái
pỗn ramứh tâng choâiq nâi yỗn
anhia táq puai, la neq: 29 Anhia
chổi cha noâng crong sana noau
khoiq tutoởng. Chổi cha aham
charán. Chổi cha sâiq charán
noau éc. Mansêm samiang tở
bũn lacuoi cayac chổi bẻq parnơi.
Khân anhia trĩh máh ọc patâp nâi,
anhia lứq táq pĩeiq. Máh ki toâp
hẻq yoc patâp anhia. Sẻq Yiang
Sursĩ yỗn anhia ỡt bán sũan ien
khẻ níc."

30 Chơ tốp puai Yê-su tâng vil
Yaru-salem ớn Yuda cóp Si-la pỡq
nứng Phau-lô cóp Ba-naba chu pỡ
vil Anti-ôt. Tở alóí toâq pỡ vil
ki, alóí parỗm tốp puai Yê-su cóp
avoi yỗn alóí choâiq ki. 31 Tở
alóí doc choâiq ki, cóp alóí dáng
raloaih tể máh ọc tâng ki, alóí
sâng bũi lứq tể ọc yóu catoaih
atởng alóí. 32 Chơ Yuda cóp Si-la
atởng tốp puai Yê-su tâng vil ki
yỗn dáng sa-ữi lứq ễn ngê Yiang
Sursĩ. Yuda cóp Si-la la cũai tang
bỏq Yiang Sursĩ tê. 33 Toâq Yuda

cóp Si-la ốt pở ki khoiq dũn chơ, tốp puai Yê-su tâng vil ki carbán carsũan yõn alói chu ien khể pở vil Yaru-salem đợq ramóh loah máh cũai ca ớn alói pởq. ³⁴ Ma Si-la noâng ể ốt loah tâng vil Anti-ôt.* ³⁵ Phau-lô cốp Ba-naba noâng ốt tâng vil Anti-ôt tề. Alói bar náq ki cốp clừng cũai canõh hỡ ốt atõng níc parnai o tể Yê-su Crít tâng vil ki.

Phau-lô Cốp Ba-naba Cayoah Pởq Miar Rana

³⁶ Vót máh tangái ki, Phau-lô sarhõng Ba-naba neq: "Hái! Hái pởq sa-óh loah máh sễm ai tâng vil hái khoiq atõng parnai o tể Yê-su Crít bo nhũang. Hái yoc ể dáng alói táq pởq nõq sanua."

³⁷ Ba-naba pruam pởq, cốp ể dững Yang Mac pởq cốp alói tề. ³⁸ Ma Phau-lô tở bữn pruam yõn Yang Mac pởq cốp alói, yuaq Yang Mac khoiq táh alói tâng cruang Bam-phuli tể nhũang ki, cốp tở ểq chuai noâng ranáq alói. ³⁹ Ngkíq Ba-naba cốp Phau-lô rasuon tể ốc nài; chơ alói miar pởq. Ba-naba dững Yang Mac chõn tâng tuoc cốp pởq chu cõn Sip-rơ. ⁴⁰ Ma Phau-lô dững Si-la pởq cốp án. Toáq moâm tốp puai Yê-su tâng vil ki câu sễq Yiang Sursĩ chuai alói, chơ Phau-lô cốp Si-la pởq tề. ⁴¹ Alói pởq pha cruang Si-ri cốp cruang Si-lasi. Alói atõng máh tốp sa-âm Yê-su tâng cruang ki yõn sa-âm pacái lứq ển.

16

Ti-muthê Pởq Nừng Phau-lô Cốp Si-la

¹ Moâm ki Phau-lô cốp Si-la pởq loah chu vil Der-bơ cốp vil Lutrơ. Tâng vil Lutrơ alói ramóh manoaq tể tốp puai Yê-su ramứh

Ti-muthê. Mpiq án la cũai I-sarel ca khoiq sa-âm Yê-su. Ma mpoaq Ti-muthê la cũai Créc. ² Tốp puai Yê-su tâng vil Lutrơ cốp vil I-cuni, alói khể Ti-muthê, pai án la cũai patoat lứq. ³ Ngkíq Phau-lô yoc ể dững Ti-muthê pởq cốp alói. Ma nhũang alói loõh tề vil ki, Phau-lô yõn Ti-muthê táq rit cút puai phếp rit I-sarel. Phau-lô táq tểc ngkíq yuaq tâng sa-ũi ntốq alói yoc ể pởq bữn sa-ũi cũai I-sarel. Cốp Phau-lô ngcõh alói ki tở ểq Ti-muthê, yuaq alói dáng mpoaq án la cũai Créc, tở cõn cũai I-sarel. ⁴ Tở alói mut máh vil, alói atõng tốp puai Yê-su tể máh ốc tốp ayũng atĩ Yê-su cốp máh cũai sốt tốp sa-âm Yê-su tâng vil Yaru-salem khoiq pruam chơ yõn cũai tở cõn cũai I-sarel tềq táq puai. ⁵ Ngkíq tốp sa-âm Yê-su tâng máh vil ki sa-âm pacái lứq ển. Cốp cu rangái bữn sa-ũi náq cũai mut sa-âm.

Manoaq Samiang Tể Cruang Ma-sadôn Arô Phau-lô

⁶ Raviei Yiang Sursĩ tở bữn yõn Phau-lô cốp yóu án mut atõng parnai o tể Yê-su Crít tâng cruang Asia. Ngkíq alói pởq chu cruang Phu-rayia cốp cruang Ca-lati. ⁷ Tở alói toáq pở raloan cruang Mi-sia, alói yoc ể mut tâng cruang Bi-thuni, ma Raviei Yiang Sursĩ tở yõn alói mut. ⁸ Ngkíq alói pởq luat cruang Mi-sia cốp mut tâng vil Trô-at. ⁹ Toáq sadâu Yiang Sursĩ sapáh yõn Phau-lô hữm manoaq samiang tể cruang Ma-sadôn. Cũai ki tayứng cuclđiđiq chóq Phau-lô neq: "Sễq mới toáq pở cruang Ma-sadôn, chuai hếq nững!"

¹⁰ Toáq Phau-lô hữm samiang ki, Phau-lô cốp yóu án, dểh cứq Luca, hếq thữan pởq chu cruang

* 15:34 15:34 Sa-ũi tâm saráq tiaq tở bữn bữn rana 34 nài.

Ma-sadôn. Hék chanchóm lúq samoát Yiang Sursĩ yoc héq pǒq atǒng parnai o tẽ Yê-su Crĩt tâng cruang ki.

Mansẽm Ramúh Li-dia Sa-âm Yê-su Crĩt

¹¹ Chơ héq chǒn tuoc tâng vil Trô-at, pǒq chu cǒn Samô-trasơ. Mách tangái parnǒ ẽn héq toâq pǒ vil Nĩa-buli, cruang Ma-sadôn.

¹² Toâq héq sêng tẽ tuoc, héq pǒq chu vil Phi-lip. Vil Phi-lip la vil toâr tâng cruang Ma-sadôn. Cũai Rô-ma cǒt sǒt tâng vil Phi-lip.

¹³ Toâq Tangái Rlu héq loǒh tẽ vil cǒp pǒq chu đǒq tũm. Cheq tor đǒq tũm nãi tǒp I-sarel đǒq rôm câu. Hék tacu cǒp atǒng parnai o tẽ Yê-su Crĩt yǒn máh mansẽm rôm ngki.

¹⁴ Tâng tǒp ki bũn manoaq mansẽm tẽ vil Thia-turo, ramúh Li-dia. Án chék aroaiq santũm ẽng cát o lúq. Án la cũai sang Yiang Sursĩ tê. Cǒp Yiang Sursĩ pǒh mút pahǒm án yǒn án noap ỉt máh ỏc Phau-lô atǒng alóí.

¹⁵ Ngkíq Li-dia cǒp nheq đǒng sũ án roap batẽm. Moâm ki án sêq tẽ héq neq: “Khân anhia chanchóm cứq lúq sa-âm Yê-su Crĩt, cứq sêq anhia mut ỏt tâng đǒng cứq.”

Cỗ án rasêq níc yǒn héq mut đǒng án, yuaq ngkíq héq mut ỏt đǒng án.

Phau-lô Cǒp Si-la Tâng Cuaq Tũ Tâng Vil Phi-lip

¹⁶ Bũn muoi tangái, bo héq pǒq chu nǒq héq đǒq rôm câu, héq ramóh manoaq mansẽm sũl ca bũn yiang sâuq payǒh án. Mansẽm nãi cǒt mo moaiq-mư, cǒp ncháu án bũn sa-ũĩ práq tẽ ranáq án táq. ¹⁷ Án puai Phau-lô cǒp héq, cǒp án pai casang lúq neq: “Cũai nãi lúq táq ranáq Yiang Sursĩ ca sǒt clũĩ nheq tẽ canǒh, cǒp alóí atǒng anhia tẽ

ngê Yiang Sursĩ tẽq chuai amoong anhia.”

¹⁸ Mansẽm nãi atǒng ngkíq níc khoiq sa-ũĩ tangái chơ. Ma Phau-lô sâng pê tamúng án ỏt atǒng níc ngkíq; chơ Phau-lô pĩh nhêng chu án, cǒp pai chók yiang sâuq ki neq: “Nho ramúh Yê-su Crĩt, cứq ỏn mới loǒh toâp tẽ tǒ mansẽm nãi.”

Từ Phau-lô pai ngkíq, yiang sâuq ki loǒh toâp tẽ tǒ mansẽm ki. ¹⁹ Từ máh cũai ncháu mansẽm ki dáng alóí tở bũn bũn noâng práq tẽ mansẽm ki cǒt mo moaiq-mư, alóí cǒp Phau-lô cǒp Si-la. Chơ alóí ác bar náq ki đũng chu nǒq cũai sǒt ỏt. ²⁰ Toâq alóí ramóh cũai sǒt, chơ alóí atǒng neq: “Bar náq nãi la cũai tẽ tǒp I-sarel. Sanua alóí radũng chũng cũai táq choac tâng vil hái. ²¹ Alóí atǒng phếp rit mpha tẽ phếp rit cruang hái. Hái la cũai Rô-ma; hái tở tẽq puai phếp rit alóí atǒng.”

²² Chũng lúq cũai proai rôm parnǒi ẽ táq Phau-lô cǒp Si-la. Cǒp cũai sǒt ki ỏn noau rút tampác alóí cǒp toân alóí.

²³ Moâm noau toân hập lúq, chơ alóí nhoat amut tâng cuaq tũ. Cǒp cũai sǒt patâp án ca ndõm cuaq, cǒq kĩaq bar náq nãi yǒn samoát.

²⁴ Ngkíq cũai ndõm cuaq tũ ki chók Phau-lô cǒp Si-la tâng muoi clǒng cuaq ca khâm lúq. Án sacáp ayũng alóí toâq anũh.

²⁵ Sadâu ki, toâq muoi mpút, Phau-lô cǒp Si-la câu cǒp ủat khẽn Yiang Sursĩ. Mách cũai tũ canǒh tâng cuaq ki sâng alóí táq ngkíq. ²⁶ Ma bo ki toâp cutêq cacut hập lúq. Nheq cuaq ki cǒt cacut cǒp máh ngoah toong cuaq tũ cǒt samoát noau pǒh. Mách sái-sỏ noau sacáp cũai tũ cǒt rakiaq nheq. ²⁷ Từ cũai ndõm cuaq tũ ki tamǒ, án hũm ngoah toong raplǒh. Ngkíq án thot dau

tễ sor ẽ choat tỗ án bữm, yuaq án chanchóm máh cũi tũ khoiq racláh nheq chơ. ²⁸ Ma Phau-lô pai casang lứq neq: “Mới chỗi yác! Nheq náq hếq noâng tâng cuaq!”

²⁹ Chơ cũi ndỡm cuaq ki arỏ yỗn noau dững tabong chu án. Án lủh amut chu cuaq chái lứq. Án sâng croỏq lứq cớp cangcoaih. Án sacỏh racỏl yáng moat Phau-lô cớp Si-la. ³⁰ Án dững aloỏh alới tễ cuaq, cớp án blớh alới neq: “Yỗu ơi! Cứq cớq táq nỏq yỗn cứq bữn tamooong mantái?”

³¹ Alới ta-ỡi án neq: “Cớq mới sa-âm Yê-su, Ncháu hái, chơ mới cớp đống sũ mới lứq bữn tamooong mantái.”

³² Moâm ki, alới atỡng án cớp nheq đống sũ án parnai o tễ Yê-su Crít. ³³ Sadâu ki noâng dĩ dỏc, cũi ndỡm cuaq ki dững rahâu tahâu bớc alới. Moâm án tahâu, chơ án cớp nheq đống sũ án roap batễm. ³⁴ Moâm ki án dững Phau-lô cớp Si-la mut tâng đống án, cớp án aloỏh cớng sana yỗn alới cha. Án cớp nheq đống sũ án sa-âm Yiang Sursĩ; ngkíq alới sâng bũi óh lứq.

³⁵ Toỏq poang tarựp parnỡ, máh cũi sớt tâng vil ki ón cũi pỡq atỡng cũi ndỡm cuaq tũ yỗn acláh Phau-lô cớp Si-la. ³⁶ Chơ cũi ndỡm cuaq tũ ki atỡng Phau-lô neq: “Máh cũi sớt ón cứq acláh anhia. Sanua anhia loỏh tễ nái. Pỡ lếq anhia ẽ pỡq, ki anhia pỡq ien khẻ nỡ.”

³⁷ Ma Phau-lô atỡng alới ca toỏq dững parnai cũi sớt ki neq: “Hếq la cũi Rô-ma tễ. Tễ nhũang máh cũi sớt tỡ yũah radáng ỏc lỏih hếq, ma nỏq coỏp lứq alới toỏn hếq yỗn cững cũi hữm. Cớp alới chỏq hếq tâng cuaq tũ. Sanua alới yoc ẽ acláh hếq, ma alới táq

clỏp tỡ ẽq cũi canỏh dáng. Hếq tỡ bữm pruam máh cũi sớt táq ngkíq. Alới táq tỡ pỉeiq chỏq hếq la cũi Rô-ma. Khân alới yoc ẽ acláh hếq, cớq alới toỏq acláh bữm.”

³⁸ Chơ máh cũi dững satoioq cũi sớt ki chu atỡng loah cũi sớt tễ máh satoioq Phau-lô patáp alới. Tỡ máh cũi sớt dáng Phau-lô cớp Si-la la cũi Rô-ma, ngkíq alới sâng ngcỏh lứq. ³⁹ Chơ máh cũi sớt ki pỡq toỏp chu cuaq tũ sếq lỏih Phau-lô cớp Si-la, cớp sếq alới loỏh chíq tễ vil ki. ⁴⁰ Ngkíq Phau-lô cớp Si-la loỏh tễ cuaq tũ, cớp mut tâng đống Li-dia. Tâng đống ki alới rỏm cớp atỡng máh tỗp puai Yê-su yỗn sa-âm samoỏt lứq ẽn. Moâm alới atỡng, chơ alới loỏh tễ vil ki.

17

Phau-lô Cớp Si-la Tâng Vil Tê-salô-naca

¹ Tỡ Phau-lô cớp Si-la pỡq luat vil Amphi-bulit cớp vil Ablỏ-ni, chơ alới mut vil Tê-salô-naca ẽn. Tâng vil ki bữn muoi lám đống sang tỗp I-sarel. ² Cu Tangái Rlu, Phau-lô cớp mut tâng đống sang. Ngkíq yuaq án mut tâng đống sang vil ki. Tâng pái Tangái Rlu Phau-lô atỡng níc tễ tâm sarỏq Yiang Sursĩ yỗn máh cũi rỏm ki.

³ Án atỡng yỗn alới dáng Crít, án ca Yiang Sursĩ rườh đỏq chuai amoong cũi, cớq chiủq sa-ũỉ túh coat cớp chiủq cuchít; ma Crít lứq tamooong loah. Cớp án atỡng alới neq: “Yê-su, án ca cứq atỡng yỗn anhia dáng, án toỏp la Crít.”

⁴ Bữn cũi tễ tỗp I-sarel noap parnai ki, chơ alới puai ngẻ Phau-lô cớp Si-la. Bữn cững cũi Crẻc yám noap Yiang Sursĩ, alới sa-âm Yê-su tễ. Cớp bữn sa-ũỉ náq mansẻm ca noau yám tâng vil ki mut sa-âm tễ.

⁵ Ma cũai I-sarel ca tở ẽq sa-âm, alóí sâng ũan lứq. Ngkíq alóí pởq chuaq cũai loài cớp cũai pampła, yỏn cũai ki sasrúc tâng vil ki. Alóí mut tởp tâng đống Yasôn, chuaq Phau-lô cớp Si-la, yuaq alóí yoc ẽ cớp bar náq ki đứng chu cũai cứng. ⁶ Ma tở alóí tở ramóh Phau-lô cớp Si-la tâng đống ki, alóí cớp Yasôn cớp máh cũai tể tởp puai Yê-su ẽn. Alóí ắc aloỏh máh cũai puai Yê-su yỏn ỏt tayứng yáng moat cũai sỏt vil ki. Chơ alóí cauq Phau-lô cớp Si-la neq: “Bar náq cũai ki mut cruang aléq, alóí táq choac tâng cruang ki. Sanua alóí mut tâng vil hái ẽn. ⁷ Cớp Yasôn yỏn bar náq ki ỏt tâng đống án. Alóí ki khoi q táh phễp rit puo hái, cớp alóí pai lứq bữn puo canỏh ẽn cớt sỏt cruang. Ramứh puo nài la Yê-su.”

⁸ Toáq máh cũai proai cớp cũai sỏt sâng ỏc alóí cauq, nheq tữh alóí táq choac lứq ẽn. ⁹ Chơ noau ỏn Yasôn cớp cũai tể tởp puai Yê-su cớq yỏn práq pở cũai sỏt, đởq pruam alóí tở bữn táq choac noâng. Moâm ki noau acláh yỏn alóí chu.

Phau-lô Cớp Yóu Án Ớt Tâng Vil Bê-rê

¹⁰ Toáq sadâu ki, tởp puai Yê-su ỏn Phau-lô cớp Si-la pởq chu vil Bê-rê ẽn. Tở alóí toáq vil Bê-rê, alóí mut tâng đống sang tởp I-sarel vil ki. ¹¹ Cũai I-sarel tâng vil ki bữn mút lamên hỏn tể cũai tâng vil Tê-salô-naca. Alóí tamứng, cớp alóí yoc ẽ dáng samoát lứq tể parnai Yiang Sursĩ. Ngkíq alóí rien tâm saráq Yiang Sursĩ cu rangái cớ yoc ẽ dáng satoi q Phau-lô atởng p̄ieiq lứq tể parnai Yiang Sursĩ, ma tở bữn. ¹² Sa-ũn náq cũai I-sarel tâng vil ki sa-ũm Yê-su Crít; cớp bữn cũai Créc hữ sa-âm tê, dẻh samiang

cớp mansêm ca noau yám noap tâng vil ki. ¹³ Ma tở tởp I-sarel tâng vil Tê-salô-naca sâng Phau-lô atởng parnai Yiang Sursĩ tâng vil Bê-rê ẽn, alóí pởq tapun pở vil ki, cớp sasrúc máh cũai vil ki hữ. ¹⁴ Ngkíq tởp puai Yê-su tâng vil ki yỏn Phau-lô loỏh toáp, cớp pởq chu tor đởq mut. Ma Si-la cớp Ti-muthê noâng ỏt tâng vil Bê-rê. ¹⁵ Bữn cũai pởq asuoi Phau-lô toáq pở vil Athên. Tở alóí ẽ pít chu, Phau-lô patáp alóí yỏn atởng Si-la cớp Ti-muthê yỏn toáq toáp pở án khân tẻq.

Phau-lô Atởng Tâng Vil Athên

¹⁶ Bo Phau-lô ỏt acoan alóí bar náq Si-la cớp Ti-muthê tâng vil Athên, án hữm cũai tâng vil ki sang sa-ũn lứq rup yiang. Chơ mút pahỏm án sâng ngua lứq. ¹⁷ Ngkíq Phau-lô atởng níc tâng đống sang tởp I-sarel. Án atởng cũai I-sarel cớp máh cũai ca yám noap Yiang Sursĩ. Cu rangái Phau-lô atởng tâng đống, ẽq máh cũai proai ki sâng. ¹⁸ Chơ bữn cũai tể tởp Ep-curien cớp tởp Satuoc toáq rasuon cớp án. Bar tởp ki rien tể máh ngẻ rangoi q tâng dẻi nài. Alóí pai tể Phau-lô neq: “Án nài la cũai sacũl. Án atởng tở cớt ỏc.”

Ma bữn cũai canỏh pai neq: “Cỏh lơ án atởng tể yiang ca hái tở yũah dáng.”

Alóí pai ngkíq cớ Phau-lô atởng tể Yê-su, cớp án pai Yê-su cuchít tamoo ng loah. ¹⁹ Cũai ki đứng asuoi Phau-lô toáq muoi ntỏq cũai sỏt đởq ẽ sarhỏng. Nỏq nài ỏt tâng cóh Arẻu-ba. Alóí pai chóq Phau-lô neq: “Hẻq yoc ẽ dáng samoát samỏi ramứh tamái ca mới atởng la ntrỏu? ²⁰ Hẻq sâng liaq lứq tể ỏc mới atởng ki; chơ hẻq yoc ẽ dáng nheq máh ramứh tể ỏc mới atởng ki.” ²¹ (Máh cũai Athên, cớp máh cũai canỏh tâng

vil ki, từ alóí sâng ranáq tamái, alóí ẽr áiq lứq ẽ sarhông tẽ ranáq ki. Alóí từ ẽq táq noâng ranáq canõh.)

²²Phau-lô tayúng tâng ntốq alóí rôm tâng cóh Arêu-ba cốp atõng alóí neq: “Cũai tâng vil Athên nâi oi! Cúq khoiq dáng chơ anhia sang toam yiang anhia samoât samoi. ²³Từ cúq pởq tâng vil anhia, cúq hũm sa-ũi lứq prông anhia sang sa-ũi thữ yiang. Cốp cúq hũm muoi lám prông noau chĩc chũq tâng ki neq: ‘Prông nâi la prông yiang ca tở yũah dáng ramúh.’ Ngkíq anhia yoc ẽ sang yiang nâi, ma anhia tở yũah dáng. Ramúh yiang nâi cúq ẽ atõng anhia. ²⁴Yiang nâi la Yiang Sursĩ. Án toáp tẽng paloõng, cốp tẽng dũ ramúh tâng pũn paloõng cutrúq nâi. Án sốt nheq máh ramúh tâng pỡng paloõng cốp tâng pũn paloõng. Lứq án tở bữn õt tâng prông atĩ cũai táq. ²⁵Hái tở tẽq táq ntróu chuai yõn Yiang Sursĩ, yuaq án tở bữn ỏq muoi ramúh ntróu. Lứq Yiang Sursĩ toáp yõn cũai tamoong, cốp yõn cũai cõt bán rêng. Cốp án tẽng dũ ramúh canõh yõn cũai hỡ. ²⁶Yiang Sursĩ tẽng dũ thữ cũai la cõt tẽ manoaq. Cốp Yiang Sursĩ yõn máh tốp cũai nâi õt dũ cruang chũop cóc cutẽq nâi. Ông Yiang Sursĩ toáp anoat dũ thữ cũai, tangái alóí toaq cốp ntốq alóí õt, tẽ nhũang tở yũah bữn cũai ki. ²⁷Yiang Sursĩ táq ngkíq, la yõn nheq tữh cũai tẽq chuaq án cốp tẽq ramóh án. Ma Yiang Sursĩ lứq tở bữn õt yong tẽ hái. ²⁸Yiang Sursĩ toáp chuai hái yõn tẽq tamoong, tẽq pupởq, cốp tẽq tutáq. Ốc nâi la samoât cũai tẽ tốp anhia khoiq chĩc chơ neq: ‘Yuaq Yiang tẽng hái, ngkíq hái cõt con án.’ ²⁹Khân hái lứq con Yiang

Sursĩ, hái chõĩ chanchóm Yiang Sursĩ la samoât rup noau táq toaq yẽng, práq, tở la tamáu. Nheq ramúh ki cũai chõng táq ỉn alóí chanchóm tẽ mút alóí bũm. ³⁰Ma tẽ nhũang Yiang Sursĩ nhẽng sâng cũai táq ranáq ngkíq, yuaq alóí tở yũah dáng. Ma sanua Yiang Sursĩ atõng yõn nheq tữh cũai dáng cóq alóí ngin lỏih lêq cõt mút tamái ẽn. ³¹Yuaq Yiang Sursĩ khoiq anoat tangái chumát án ẽ yõn manoaq ca án khoiq rườh toaq, án rasừq tanoang tapúng yõn nheq tữh cũai tâng cóc cutẽq nâi. Yiang Sursĩ khoiq yõn Yê-su tamoong loah đõq táq tẽc yõn noau dáng samoât lứq án rườh Yê-su đõq rasừq nheq tữh cũai.”

³²Từ noau sâng parnai Phau-lô pai cũai cuchĩt tẽq tamoong loah, bữn cũai ayê ra-ac Phau-lô. Ma bữn cũai pai neq: “Ntun hẽq yoc ẽ tamúng sĩa tẽ ốc mới atõng nâi.”

³³Moâm ki Phau-lô loõh tẽ ntốq ki. ³⁴Ma bữn cũai tẽ tốp ki noap cốp sa-âm, cốp alóí pởq nừng Phau-lô hỡ. Manoaq tẽ cũai ki ramúh Dê-ni. Án la tẽ cũai sốt đõq sarhông tâng cóh Arêu-ba. Cốp bữn manoaq mansẽm hỡ sa-âm tẽ. Ramúh án la Da-mari. Cốp bữn cũai canõh hỡ sa-âm Yê-su.

18

Phau-lô Tâng Vil Cờ-ntô

¹Vót ki Phau-lô loõh tẽ vil Athên, chơ pởq chu vil Cờ-ntô ẽn. ²Tâng vil ki Phau-lô ramóh manoaq samiang tẽ tốp I-sarel, ramúh Aki-la. Án la cũai tẽ cruang Pôn-tu, cốp lacuoi án la ramúh Barit-sin. Bar náq lacuoi cayac nâi mbỏiq toaq pở vil Cờ-ntô tẽ cruang I-tali, yuaq puo Calót tuih aloõh nheq máh cũai I-sarel tẽ vil Rô-ma, cruang I-tali. Chơ Phau-lô pởq sa-óh bar náq

ki. ³ Án mut õt cốp alóí, yuaq alóí bar náq táq ranáq machóng Phau-lô tê. Alóí táq đống toâq aroàiq; chơ chềq đòq bữn tampác tâc sana cha. ⁴ Cu Tangái Rlu Phau-lô atõng níc tâng đống sang tốp I-sarel, ẽq cũai I-sarel cốp cũai Créc sa-âm Yê-su Crít.

⁵ Tữ Si-la cốp Ti-muthê sễng tễ cruang Ma-sadôn, alóí hữm Phau-lô cutóng atõng níc tốp I-sarel yõn dáng samoât lứq, Yê-su la án ca alóí õt nguang, la án ca Yiang Sursĩ rườh đòq chuai amoong alóí. ⁶ Ma tốp I-sarel vil ki tữ ẽq tamứng, cốp alóí acrieiq Phau-lô. Ngkíq Phau-lô tutóh máh brêh tễ tampác án, táq tếc alóí tữ ẽq tamứng santoiq án atõng. Cốp Phau-lô atõng alóí neq: “Khân anhia tữ ẽq raviei anhia bữn tamoong níc cốp Yiang Sursĩ, ki tam anhia. Cúq khoiq vớt chơ lóih chóq anhia. Sanua cúq ẽ pờq atõng cũai tữ cõn cũai I-sarel ẽn.”

⁷ Chơ Phau-lô loõh tễ alóí cốp mut tâng đống Ti-tiu Yutu. Yutu la cũai sang Yiang Sursĩ tê, cốp đống án õt tĩng đống sang tốp I-sarel. ⁸ Bữn manoaq ẽn ramứh Crit-bu. Án la cũai ndõm đống sang tốp I-sarel ki. Án cốp nheq đống sũ án sa-âm Yê-su Crít. Cốp bữn cứng cũai Cờ-ntô sâng parnai o tễ Yê-su Crít, ki alóí sa-âm cốp roap batêm.

⁹ Bữn muoi sadâu, Yê-su sapáh yõn Phau-lô cốp atõng án neq: “Mới chõí ngcõh ntrứu. Cóq mới atõng níc parnai o tễ cúq. Mới chõí cubĩm bõq. ¹⁰ Cúq õt níc cốp mới. Cũai aléq la tữ tềq táq ntrứu mới. Tâng vil nãi bữn cứng cũai cõt khong cúq.”

¹¹ Ngkíq Phau-lô õt tâng vil ki nheq muoi camo tadĩ, cốp án atõng níc parnai Yiang Sursĩ.

¹² Bo Cali-ô cõt sôt tâng cruang Achai, bữn máh cũai tễ tốp I-sarel yoc ẽ táq Phau-lô. Ngkíq alóí đưng Phau-lô chu Cali-ô yõn parchĩn parnai. ¹³ Alóí cauq Phau-lô neq: “Cũai nãi radũng máh cũai sang Yiang Sursĩ, ma tữ bữn p̄ieiq cốp phễp rit Yiang Sursĩ.”

¹⁴ Toâq Phau-lô ẽ ta-õi loah, Cali-ô atõng tốp I-sarel ki neq: “Anhia tốp I-sarel ời! Khân án nãi tutuoíq, tữ la cachĩt cũai, tữ la táq ranáq sâuq canõh, ki tềq cúq parchĩn yõn anhia. ¹⁵ Ma khân anhia ũan cõ án atõng parnai mpha tễ phễp rit anhia, ki tam anhia. Cúq tữ ẽq parchĩn óc nneq.”

¹⁶ Ngkíq cũai Cali-ô tuih aloõh alóí tễ ki. ¹⁷ Chơ máh cũai cứng ki cốp Sô-then, la cũai ndõm đống sang tốp I-sarel tâng vil ki. Alóí toân án yáng moat ntóq noau rasũq. Ma Cali-ô táq riang tữ bữn hữm.

Phau-lô Chu Loah Pờ Vil Anti-õt Tâng Cruang Si-ri

¹⁸ Phau-lô õt tâng vil Cờ-ntô dũn tangái. Ntun ki án cubán cusũan tốp puai Yê-su pờ ki, chơ án pờq na tuoc chu vil Sen-crơ ẽn. Aki-la cốp Barit-sin pờq parnoi cốp án tê. Tâng vil Sen-crơ, Phau-lô cũah plờ án táq alõng nheq, táq tếc án khoiq par-ũq muoi ramứh cốp Yiang Sursĩ. Vớt ki, alóí pái náq chõn tâng tuoc pờq chu cruang Si-ri. ¹⁹ Tữ alóí toâq pờ vil Ê-phê-sô, Phau-lô miar pờq tễ Aki-la cốp Barit-sin. Chơ án mut tâng đống sang tốp I-sarel, cốp án atõng tốp I-sarel tâng đống sang ki. ²⁰ Cũai ki sễq án õt dũn cốp alóí, ma án miaq coáp ẽ pờq chu canõh ẽn. ²¹ Toâq án ẽ loõh tễ alóí, án pai neq: “Khân Yiang Sursĩ yõn, chumat cúq toâq loah pờ anhia.”

Moâm án pai ngíq, án chôn tâng tuoc pởq tể vil Ê-phê-sô. ²² Từ án toâq pở vil Sê-sarê, án chôn sa-óh tốp sa-âm Yê-su tâng vil ki. Vót ki án pởq chu vil Anti-ôt ễn. ²³ Án ốt tâng vil Anti-ôt sa-ữi tangái, chơ án pởq pha cruang Calati cớp Phu-rayia. Án atỡng tốp puai Yê-su tâng bar cruang ki yỗn alóí sa-âm pacái lứq ễn.

Ablô Tâng Vil Ê-phê-sô Cớp Vil Cờn-ntô

²⁴ Tâng máh tangái ki, bữn manoaq ramứh Ablô toâq pở vil Ê-phê-sô. Án la cũiai I-sarel tể vil Alec-santri. Santoiq án atỡng la rangoiq lứq, cớp án dáng samoât lứq tể tâm saráq Yiang Sursĩ. ²⁵ Bữn cũiai khoiq atỡng án chơ tể ngê Yê-su Crít. Án bữn mút pahõm yoc atỡng p̄ieiq lứq tể Yê-su. Ma án dáng ống tể ranáq batẽm Yang táq sâng. ²⁶ Ablô atỡng clốq lứq tâng đống sang tốp I-sarel. Chơ toâq Aki-la cớp Barit-sin, sâng án atỡng ngíq, alóí đưng án pởq chu đống alóí; chơ alóí atỡng Ablô, yỗn án dáng raloaih hỡn ễn tể ngê Yiang Sursĩ. ²⁷ Vót ki Ablô yoc ễ pởq chu cruang Achai ễn. Ngíq tốp puai Yê-su tâng vil Ê-phê-sô táq choaiq thỡ yỗn án đưng pở tốp puai Yê-su tâng cruang Achai, yỗn alóí tabởp o án. Từ Ablô toâq pở cruang Achai, án chuai sa-ữi lứq máh tốp puai Yê-su ca khoiq sa-âm cũi Yiang Sursĩ chuai miat alóí. ²⁸ Toâq án atỡng parnai Yiang Sursĩ yỗn máh cũiai I-sarel, alóí tỡ tềq suon án. Ngíq Ablô atỡng tể tâm saráq Yiang Sursĩ yỗn alóí dáng samoât lứq, Yê-su la Crít, án ca Yiang Sursĩ rườh đờq chuai amoong cũiai.

19

Phau-lô Tâng Vil Ê-phê-sô

¹ Bo Ablô ốt tâng vil Cờn-ntô, Phau-lô ntôm pởq pha cruang án khoiq pởq tể nhũang, chơ chu loah pở vil Ê-phê-sô. Tâng vil ki án ramóh cũiai sa-âm. ² Phau-lô blớh alóí ki neq: “Từ anhia sa-âm, Raviei Yiang Sursĩ mut ốt tâng mút pahõm, ma tỡ yũah anhia?”

Alóí ta-ỡi án neq: “Hếq tỡ nai sâng loâng tể Raviei Yiang Sursĩ.”

³ Ngíq Phau-lô blớh alóí ễn neq: “Từ anhia roap batẽm, anhia puai ngê ntrớu?”

Alóí ta-ỡi neq: “Hếq puai ngê Yang, án ca đốq táq batẽm.”

⁴ Phau-lô atỡng alóí neq: “Yang lứq táq batẽm yỗn cũiai ca ngin lờih lêq cõt mút tamái ễn. Ma Yang atỡng yỗn cũiai dáng alóí cóq sa-âm manoaq ca toâq ntun án. Manoaq nài la Yê-su.”

⁵ Từ alóí sâng ngíq, alóí roap batẽm nhỡ ramứh Yê-su ễn.

⁶ Toâq Phau-lô satoaq atĩ tâng alóí, Raviei Yiang Sursĩ mut toáp tâng mút alóí. Chơ alóí táq ntỡng máh parnai ca alóí tỡ yũah rien. Cớp alóí atỡng tang bởq Yiang Sursĩ. ⁷ Tốp alóí bữn sám muoi chít la bar náq cũiai samiang.

⁸ Nheq pái casái Phau-lô atỡng níc tâng đống sang tốp I-sarel. Án atỡng clốq lứq parnai tể Yiang Sursĩ cõt sôt tâng mút pahõm cũiai, ễq alóí sa-âm ngê ki. ⁹ Ma bữn cũiai tể tốp alóí bữn mút coang, tỡ ễq trĩh parnai ki. Cớp alóí pai sâuq tể ngê Yê-su Crít. Ngíq Phau-lô cớp máh cũiai sa-âm loỏh tể ntốq ki, chơ mut tâng đống rien Ti-ranu ndõm. Cu rangái Phau-lô atỡng tâng đống rien ki. ¹⁰ Phau-lô atỡng tâng đống rien ki nheq bar cumo. Ngíq nheq tữh cũiai tâng cruang Asia tamứng parnai o tể

Yê-su Crít, dếh cūai I-sarel, dếh cūai tở cởn cūai I-sarel.

Con Samiang Sê-va

¹¹ Yiang Sursĩ yỗn Phau-lô bữn chóc têq táq sa-ũĩ ranáq salêh.

¹² Khân cūai ỉt khán tở la tampác Phau-lô, chơ atót tâng tở cūai a-ĩ, lứq cūai a-ĩ ki cởt bán toáp, cớp yiang sâuq loỏh toáp tể tở alóĩ.

¹³ Chơ bữn muoi tốp cūai I-sarel cởt mo cớp pớq chu nâi chu ki yoc ẽ tuih aloỏh chíq yiang sâuq tể tở cūai. Alóĩ chanchỏm khân alóĩ talêq ramứh Yê-su, alóĩ rời tuih aloỏh yiang sâuq ariang Phau-lô táq. Ngkíq alóĩ ỏn yiang sâuq neq: “Hêq ỏn mới loỏh chíq tể tở cūai nâi cở như hêq talêq ramứh Yê-su, án ca Phau-lô đốq atởng.”

¹⁴ Máh cūai táq ranáq ki, la tapul náq con samiang Sê-va. Sê-va la cūai sỏt tốp tẻng rit sang Yiang Sursĩ. ¹⁵ Ma yiang sâuq ta-ỏĩ tapul náq ki neq: “Yê-su cứq dáng, cớp Phau-lô cứq sacoal, ma anhĩa la noau?”

¹⁶ Ngkíq cūai ca bữn yiang sâuq, án palỏng chu tapul náq ki. Án rẻng hỏn tể alóĩ. Án táq alóĩ cởt chũl hập lứq, cớp alóĩ loỏh tể đống ki muoi rariat. ¹⁷ Ranáq nâi cởt parchia parhan chũop vil Ê-phê-sỏ. Máh cūai I-sarel, cớp máh cūai tở cởn cūai I-sarel, tở alóĩ sâng ngkíq, nheq tữh alóĩ sâng ngcỏh lứq. Cớp sa-ũĩ náq ẻn tâng vil ki yám noap lứq ramứh Yê-su Crít, Ncháu hái. ¹⁸ Bữn cứng cūai tể tốp puai Yê-su ngin kho máh lỏih alóĩ, cớp alóĩ atởng yỗn cūai canỏh dáng alóĩ khoiq puai cūai mo tẻ. Ma sanua alóĩ tở êq puai noâng. ¹⁹ Sa-ũĩ náq tể tốp alóĩ táq samoat cūai mo tẻ nhũang. Ma sanua alóĩ parỏm máh saráq alóĩ khoiq rien táq mo, chơ alóĩ chỏng yáng moat cūai cứng. Khân tẻng loah máh kia choaiq ki la sám

sỏng chít ngin ỏc práq đống liang. ²⁰ Ngkíq parnai o tẻ Yê-su Crít cởt parhan la-ủt la-ủi. Cớp parnai ki cởt bẻng lứq ẻn.

Máh Cūai Ê-phê-sỏ Ũan Lứq Tốp Yê-su Crít

²¹ Moâm ki Phau-lô chanchỏm yoc ẻ pớq pha cruang Ma-sadỏn cớp cruang Achai, ẻ pớq chu vil Yaru-salem. Án pai neq: “Vót cứq pớq vil Yaru-salem, cứq yoc ẻ pớq chu vil Rô-ma ẻn.”

²² Phau-lô ỏn bar náq Ti-muthê cớp Ê-rat pớq nhũang án pở cruang Ma-sadỏn. Alóĩ ki đốq táq ranáq chuai Phau-lô. Ma Phau-lô noâng ỏt loah tâng cruang Asia.

²³ Bo ki tâng vil Ê-phê-sỏ bữn cứng cūai ũan lứq chóc tốp Yê-su Crít. ²⁴ Bữn manoaq tâng vil ki ramứh Dê-matri. Án la cūai Chiang táq rup yiang Dian toáp práq. Án cớp yóu án bữn lời sa-ũĩ lứq tể alóĩ chẻq rup ki.

²⁵ Dê-matri arỏ máh yóu án cớp máh cūai ca táq ranáq machỏng án. Án atởng alóĩ neq: “Sẻm ai ỏi! Anhĩa dáng chơ hái khoiq bữn sa-ũĩ lời tể ranáq hái táq.

²⁶ Anhĩa hữm cớp sâng chơ tể ranáq cūai ramứh Phau-lô khoiq táq. Án atởng nheq tữh cūai neq: yiang atĩ cūai táq la tở cởn lứq yiang. Khoiq bữn cứng cūai noap santoiq Phau-lô atởng, tở cởn ỏng tâng vil Ê-phê-sỏ nâi sâng ma chũop nheq cruang Asia hỏ. ²⁷ Ỏc nâi lỏp lứq yỗn hái. Ngcỏh ranáq hái táq cởt pứt miat. Cớp ngcỏh tở bữn dũn noâng đống sang yiang Dian nâi tở bữn noau yám noap noâng. Sanua cứng cūai tâng cruang Asia cớp nheq cruang canỏh sang yiang Dian nâi, ma ngcỏh nỏ pra tở bữn noau ẻ sang noâng yiang Dian.”

²⁸ Tở máh cūai rỏm ngki sâng santoiq ki, mút alóĩ cởt nsỏq. Chơ

alóí pai casang lúq neq: “Toâr lúq yiang Dian hái, la yiang nehq tũh cũai Ê-phê-sô sang.”

²⁹ Chơ máh cũai tâng vil ki p̄q at̄ng p̄q atoc, pruam h̄r casang lúq. Cóp alóí c̄p Cai-ut c̄p Ari-tac, bar náq ȳu Phau-lô ca đ̄q p̄q parnoi c̄p án. Alóí la t̄e cruang Ma-sadôn. Cũai cl̄ng đ̄ng bar náq ki chu nt̄q noau đ̄q ẽ l̄iq. ³⁰ Phau-lô yoc ẽ mut tê tâng nt̄q ki đ̄q at̄ng cũai cl̄ng ki, ma t̄p̄ puai Yê-su t̄r ȳn án mut. ³¹ Bũn cũai s̄t tâng cruang ki c̄t ȳu Phau-lô, án c̄iq parnai s̄q Phau-lô ch̄i mut chu nt̄q cũai cl̄ng. ³² Chơ máh cũai cl̄ng ki h̄r casang lúq. Manoaq h̄r pai nneq, manoaq ẽ h̄r pai ngk̄iq. Ma sa-ũi náq t̄e cũai cl̄ng ki t̄r d̄ng ntr̄u t̄e alóí rôm ngk̄i. ³³ Ngk̄iq cũai I-sarel cut̄l ỏn Alec-sand̄r yuor taȳng yáng moat cũai cl̄ng c̄p at̄ng alóí. Alóí khoiq at̄ng Alec-sand̄r máh ỏc alóí ȳn án at̄ng máh cũai rôm ki. Ngk̄iq Alec-sand̄r avút at̄i ȳn alóí ch̄i tab̄q, yuaq án yoc ẽ at̄ng alóí ch̄i ũan t̄p̄ I-sarel. ³⁴ Ma t̄r cũai cl̄ng ki saccoal Alec-sand̄r la cũai I-sarel tê, c̄p alóí d̄ng cũai I-sarel t̄r bũn sang yiang Dian, alóí pai casang lúq ẽ mán ch̄n bar ad̄h đ̄i neq: “Toâr lúq yiang Dian hái, la yiang nehq tũh cũai Ê-phê-sô sang.”

³⁵ Vót ki bũn manoaq t̄e vil Ê-phê-sô, án táq saráq ȳn cũai s̄t tâng vil ki. Án s̄q alóí ỏt rangiac, yuaq án at̄ng alóí muoi ramũh neq: “Sẽm ai vil Ê-phê-sô ỏi! Nheq tũh cũai d̄ng chơ vil Ê-phê-sô bán k̄iaq níc đ̄ng sang ang yiang Dian. Cóp nehq tũh cũai d̄ng tê hái bán k̄iaq níc rup yiang Dian ca s̄ng t̄e palōng. ³⁶ T̄r bũn noau t̄q

suon t̄e ỏc n̄i. Ngk̄iq anhia ỏt o; ch̄i coáp ns̄q m̄t. ³⁷ Alóí bar náq ca anhia khoiq đ̄ng p̄r n̄i, alóí t̄r bũn tuoiq c̄ng ntr̄u t̄e đ̄ng sang yiang Dian. Cóp alóí t̄r bũn ac̄riq yiang ki. ³⁸ Kh̄n Dê-matri c̄p ȳu án bũn ralīh ntr̄u, ȳn alóí p̄q cauq p̄r cũai s̄t. Lúq t̄r bũn ỏq cũai parch̄n parnai. ³⁹ Kh̄n anhia bũn ỏc ntr̄u ẽn, c̄q anhia at̄ng ȳn cũai s̄t d̄ng. Ngk̄iq la ph̄p rit hái. ⁴⁰ Ma máh anhia rôm nt̄q n̄i sanua, c̄q ngc̄h lúq cũai s̄t hái chanchóm pai hái yoc ẽ cheng s̄t t̄e alóí. Kh̄n cũai s̄t hái ma chanchóm ngk̄iq, nehq náq hái t̄r t̄q pai ntr̄u nōng.”

⁴¹ Moâm cũai ki pai ngk̄iq, chơ án ỏn máh cũai cl̄ng ki lōh nehq.

20

Phau-lô P̄q Loah P̄r Cruang Ma-sadôn

¹ Tōq vil Ê-phê-sô c̄t ien loah, Phau-lô arô máh t̄p̄ puai Yê-su. Án catoaih at̄ng alóí ȳn sa-âm pacái lúq ẽn. Moâm ki Phau-lô cubán cus̄an alóí, chơ án lōh p̄q chu cruang Ma-sadôn ẽn. ² Án p̄q vil léq, án sa-óh t̄p̄ puai Yê-su vil ki. Cóp án catoaih at̄ng alóí ȳn sa-âm pacái lúq ẽn. Moâm ki Phau-lô p̄q chu cruang Créc ẽn. ³ Án ỏt tâng cruang Créc nehq pái casâi. Án chanchóm yoc ẽ p̄q chu cruang Si-ri ẽn, ma án s̄ng noau pai t̄p̄ I-sarel yoc ẽ táq án. Ngk̄iq, án chanchóm o h̄n án chu na cruang Ma-sadôn ẽn. ⁴ Bũn tapul náq p̄q c̄p án. Ramũh tapul náq ki la neq: Sô-bat̄e con samiang Phi-rut t̄e vil Bê-rê, Ari-tac c̄p Sê-cund̄r t̄e vil Tê-salô-naca, Cai-ut t̄e vil Der-bơ, Ti-chac̄r c̄p Trô-phim t̄e cruang Asia, c̄p Ti-muthê. ⁵ Tapul náq ki

pờq nhũang cớp acoan hếq tâng vil Trô-at.* 6 Moâm máh tangái tốp I-sarel Táq Rit Cha Bểng Mi Ớq Crong Pluoih, hếq chổn tâng tuoc loõh tể vil Phi-lip. Vót sỡng tangái, hếq toàq pờ vil Trô-at, cớp hếq ớt ngki tapul tangái.

Phau-lô Tâng Vil Trô-at

7 Tangái muoi tâng tón ki, toàq sadâu, máh tốp puai Yê-su rôm cha sanhữ loah tangái Yê-su cuchit. Phau-lô atõng alói tể pờ tabữ toau toàq muoi mpút. Án atõng dũn lứq ngkiq, yuaq án chanchóm tangái parnõ án yoc ể pờq chu canõh ển. 8 Alói rôm tâng đống ki tran pái, cớp tâng clõng ki bữn sa-ữi chớp tóu. 9 Bữn manoaq samiang tatoam, ramứh Ớ-tic, án tacu tâng ngoah toong piang. Ma Phau-lô atõng dũn lứq. Ngkiq cũai tatoam ki sâng lakéh lakiei, chớ án bếq tut. Moâm ki langêth thág, chớ án satooh tể ngoah toong piang tran pái ki chu cutêq. Bữn cũai pờq acỏq án, ma án khoi q cuchit chớ. 10 Phau-lô sểng kĩa án, cớp atõng neq: “Anhia chõi croỏq. Án lứq tamooq.”

11 Chớ Phau-lô chổn loah tâng tran pỡng. Án pĩh bểng cớp dũng nheq tữh yóu ki cha sanhữ Yê-su cuchit. Moâm ki án atõng alói toau toàq poang. Poang tarup án loõh tể tốp ki. 12 Chớ máh yóu cũai tatoam ca tamooq loah ki, alói pờq asuoi án chu đống. Alói sâng bữi lứq, yuaq yóu alói bữn tamooq loah.

Phau-lô Cớp Yóu Án Pờq Chu Vil Mi-lê-tu Ển

13 Tể ki Phau-lô pờq chu vil Asôt ển. Án pờq ayũng na cóh, ma hếq pờq na tuoc. Phau-lô chanchóm bo án toàq pờ vil Asôt,

án ể chổn tuoc cớp hếq tể. 14 Toàq hếq ramóh loah án tâng vil Asôt, Phau-lô chổn tuoc nũng hếq, chớ hếq pờq parnoi chu vil Mi-tulen. 15 Máh tangái parnõ ển tuoc hếq pờq pha cruang Chi-ô. Máh tangái pra hếq toàq pờ cruang Samôt. Chớ máh tangái prái hếq toàq pờ vil Mi-lê-tu. 16 Tữ ki Phau-lô ể pờq luat vil Ê-phê-sô cruang Asia. Án tở ểq ớt dũn tâng cruang Asia. Án yoc ể pờq chá chu vil Yaru-salem yỏn satỏm tangái tốp I-sarel cha bữi Tangái Susot.†

Phau-lô Atõng Cũai Sốt Tốp Puai Yê-su Tể Vil Ê-phê-sô

17 Ma tể vil Mi-lê-tu, Phau-lô cớq parnai chu vil Ê-phê-sô, yỏn máh cũai sốt tốp sa-âm Yê-su tâng vil ki toàq sa-óh án pờ vil Mi-lê-tu. 18 Tữ alói toàq, Phau-lô atõng alói neq: “Anhia khoi q dáng chớ nõq cứq táq bo cứq ớt cớp anhia tể tangái cứq mbõiq mut tâng cruang Asia. 19 Cớp anhia dáng samoat chớ, cứq táq ranáq Yiang Sursĩ nheq tể mút pahỏm cứq. Cứq tở ểq noau yám noap cứq. Cớp cứq yoc ể nhiam toàq noau tở ểq tapun ngê Yiang Sursĩ. Anhia dáng chớ cứq chũuq sa-ữi túh coat máh tốp I-sarel táq cứq. 20 Anhia dáng tể, ớc aléq ma cõt kia yỏn anhia, cứq tở bữn cutooq muoi ớc ntróu. Cứq atõng níc anhia, tở bữn ntróu anhia rôm cứng tở la bĩq. 21 Cứq atõng cũai I-sarel cớp cũai tở cõn cũai I-sarel la machỏng nheq; cứq atõng cóq alói ngin lỏih lêq cõt mút tamái ển cớp sa-âm samoat samoi Yê-su, Ncháu hái. 22 Sanua Raviei Yiang Sursĩ yỏn cứq chu pờ vil Yaru-salem. Cứq tở dáng ntróu noau ể táq chỏq cứq pờ ki. 23 Ma

* 20:5 20:5 Phau-lô khoi q ramóh Luca tâng vil Phi-lip. † 20:16 20:16 Tangái Susot la sỡng chít tangái ntun Tangái Loõh.

dũ vil cứq mut, lứq Raviei Yiang Sursĩ atõng cứq, la cứq cóq ramóh sa-ũĩ ramúh túh coat, cóp noau chók cứq táng cuaq tù hỡ. ²⁴ Ma máh ranáq ki, cứq tỡ bữn sâng ngcõh ntróu. Tỡ bữn ntróu cứq pút rangứh. Ma cứq yoc ẽ bữn muoi ramúh sâng. Cứq yoc ẽ táq yõn moâm máh ranáq Yê-su Crít, Ncháu hái, khoiq ớn cứq táq. Ranáq nài la atõng níc parnai o tẽ Yiang Sursĩ chuai miat.

²⁵ “Cứq khoiq atõng anhia chơ tẽ parnai Yiang Sursĩ táq sớt. Ma sanua cứq ẽ atõng anhia neq: Tẽ tangái nài anhia tỡ bữn hữm noâng roáp cứq táng cutẽq nài. ²⁶ Ngkíq cứq atõng anhia tangái nài samoát lứq, khân bữn cũai tẽ anhia ma tỡ ẽq sa-âm Yê-su Crít, cứq vót chơ tột tẽ ốc ki. ²⁷ Cứq khoiq atõng anhia chơ neq ngê Yiang Sursĩ. Cứq tỡ bữn cutooq muoi ốc ntróu. ²⁸ Ngkíq cóq anhia kĩaq rabán o tỡ anhia bữm. Cóp cóq anhia kĩaq rabán tộp sa-âm Yê-su samoát cũai mantán kĩaq charán cũu tẽ. Ranáq nài la ranáq Raviei Yiang Sursĩ yõn anhia táq. Tộp sa-âm Yê-su cõt con Yiang Sursĩ cũ nhơ tẽ aham Yê-su. ²⁹ Cứq dáng samoát lứq, toâq cứq loõh tẽ anhia lứq bữn cũai toâq ẽ talõh tộp anhia. Cũai ki la samoát ayoõng palõng ẽ cha máh charán cũu. ³⁰ Nỡ-ra lứq bữn cũai tẽ tộp anhia toâp phẻq thũ anhia. Alói táq ntõng languat laham ẽq anhia puai alói, cóp alói atõng parnai tỡ p̄ieiq. ³¹ Ngkíq cóq anhia õt o. Chõĩ yõn mút anhia yoc ẽ puai santoiq noau thũ. Anhia sanhữ neq pái cumo chơ cứq õt cóp anhia, cóp cứq atõng anhia neq tangái sadâu. Yuaq cứq sâng sarũiq táq lứq anhia, ngkíq cứq sâng yoc ẽ nhiam.

³² “Sanua cứq sẻq Yiang Sursĩ

bán kĩaq anhia. Cóp cứq sẻq parnai Yiang Sursĩ chuai miat anhia bán kĩaq mút pahõm anhia. Parnai ki tẻq táq yõn anhia sa-âm pacái lứq ền, cóp yõn anhia chõng tẻ máh mun Yiang Sursĩ thữan ẽ yõn cũai án khoiq ruoh. ³³ Cứq tỡ nài ham t̄ien p̄rạq tỡ la tampác noau. ³⁴ Anhia khoiq dáng chơ, aĩ cứq bữm táq ranáq yõn cứq cóp yớu cứq bữn dũ tác khám cha. ³⁵ Cứq khoiq apáh anhia dáng cóq hái táq ranáq sarâng lứq, ki nỏq hái tẻq chuai cũai túh cadit. Táq ngkíq hái lứq sanhữ loah tẽ santoiq Yê-su, Ncháu hái, pai neq: ‘Khân anhia yõn cớng anhia chuai yõn cũai canõh, ốc ki la bũĩ hỡn tẽ anhia roap cớng cũai canõh chuai yõn anhia.’ ”

³⁶ Moâm Phau-lô atõng máh santoiq ki, án sacõh racól, cóp câu parnoi cóp alói. ³⁷⁻³⁸ Chơ alói kĩaq Phau-lô cóp hũn án. Alói sâng ngua lứq cóp alói nhiam cũ alói sanhữ Phau-lô atõng pai alói tỡ bữn hữm noâng roáp án táng cutẽq nài. Vót ki alói p̄õq asuoi Phau-lô toâq p̄õ tuoc.

21

Phau-lô Chu Loah Pỡ Vil Yaru-salem

¹ Từ hẻq ratáh tẻ yớu tâng vil Ê-phê-sô, hẻq chõn tâng tuoc p̄õq tanoang chu cruang Cõt. Tangái ntun ền hẻq toâq p̄õ cruang Rô-dơ. Tẻ cruang ki hẻq p̄õq chu vil Ba-tara. ² Tẻ vil ki hẻq ramóh tuoc canõh p̄õq chu cruang Phê-nasi. ³ Hẻq p̄õq viaq cõn Sip-rơ coah angia p̄ũn. Cóp hẻq toâq p̄õ vil Ti-rơ tâng cruang Si-ri. Tâng vil ki cũai ndõm tuoc ruoh cớng tẻ tuoc ki. ⁴ Tâng vil Ti-rơ hẻq ramóh tộp sa-âm Yê-su, cóp hẻq õt cóp alói tapul sadâu. Raviei Yiang Sursĩ yõn tộp sa-âm Yê-su

tâng vil ki atõng Phau-lô chõỉ pờq chu vil Yaru-salem. ⁵ Ma catâm tangái tacual hếq chõn tuoc sĩa; chơ loõh tể alóỉ. Nheq dũ náq tốp sa-âm ki, mansẽm samiang, carnẽn carsai, alóỉ pờq satoâl hếq vót ramõh vil. Toâq tor dờq mut hếq sacõh racól cốp câu. ⁶ Moâm câu, hếq cubán cusũan tốp alóỉ. Chơ hếq chõn tâng tuoc, ma alóỉ chu loah pờ dõng alóỉ.

⁷ Hếq loõh tể vil Ti-rơ, chơ pờq chu vil Patô-lamai. Tâng vil ki hếq mut sa-óh tốp sa-âm Yê-su, cốp hếq õt cốp alóỉ muoi tangái muoi sadâu. ⁸ Máh tangái parnõ hếq loõh tể vil Patô-lamai pờq chu vil Sê-sarê ẽn. Tâng vil ki hếq õt tâng dõng Phi-lip. Án la tể tốp alóỉ tapul náq ca noau ruroh yõn tampẽq crõng tac sana cha tâng vil Yaru-salem. Cốp Phi-lip pờq atõng parnai o tể Yê-su Crít yõn cũai canõh sâng tê. ⁹ Án bữn põn lám con cumũr la cũai atõng tang parnai Yiang Sursĩ. ¹⁰ Hếq õt pờ ki pái põn tangái; chơ toâq manoaq samiang ramứh A-cabut tể cruang Yudê. Án la cũai tang bõq Yiang Sursĩ. ¹¹ Án toâq pờ hếq, cốp án ỉt parnoân tể ngkĩng Phau-lô; chơ án chõq ayũng atĩ án bữm. Án pai neq: “Ravieỉ Yiang Sursĩ yõn cứq pai neq: Án ca ndõm parnoân nãi, nõ-ra tốp I-sarel tâng vil Yaru-salem chõq án machõng cứq chõq ayũng atĩ cứq sanua. Cốp tốp I-sarel ẽ dũng án pờ atĩ cũai tở cõn cũai I-sarel.”

¹² Toâq hếq sâng santoiq nãi, hếq cốp nheq tốp sa-âm Yê-su catoaih Phau-lô chõỉ pờq noâng pờ vil Yaru-salem. ¹³ Ma Phau-lô ta-õỉ hếq neq: “Anhia nham táq ntrớu? Sếq anhia chõỉ catoâng cứq. Cứq tở bữn ngcõh ntrớu noau chõq ayũng atĩ cứq, tở la

noau cachĩt cứq. Cứq tở bữn ngcõh ntrớu noau táq cứq cõ cứq clẽu ramứh Yê-su, Ncháu hái.”

¹⁴ Ngkĩq Phau-lô tở bữn trĩh parnai hếq catoaih án. Chơ hếq tở bữn pai ntrớu noâng. Hếq pai bĩq neq sâng: “Tam Yiang Sursĩ. Ranáq ntrớu Yiang Sursĩ yoc ẽ táq, lứq án táq.”

¹⁵ Vót ki hếq thũan chõn chu vil Yaru-salem. ¹⁶ Bữn cũai tể tốp sa-âm Yê-su tâng vil Sê-sarê pờq cốp hếq tê. Tâng vil Yaru-salem alóỉ dũng asuoi hếq pờ dõng Manasôn. Ma-nasôn la cũai tể cõn Sip-rơ, cốp án sa-âm Yê-su khoiq dũn chơ.

Phau-lô Pờq Sa-óh Yacõ

¹⁷ Tở hếq toâq pờ vil Yaru-salem, tốp sa-âm Yê-su tâng vil ki tabõp tabéh hếq o lứq. ¹⁸ Ma tangái parnõ Phau-lô cốp hếq pờq sa-óh Yacõ cốp nheq máh cũai sớt tốp sa-âm Yê-su tâng vil Yaru-salem. ¹⁹ Phau-lô tabõp alóỉ, cốp atõng alóỉ nheq máh ranáq Yiang Sursĩ khoiq chuai cũai tở cõn cũai I-sarel, cõ nơ án khoiq atõng alóỉ. ²⁰ Tở alóỉ sâng Phau-lô atõng ngkĩq, alóỉ khẽn Yiang Sursĩ. Chơ alóỉ pai chõq Phau-lô neq: “Ai ơi! Mớỉ khoiq dáng chơ bữn sa-ũỉ vian náq tể tốp I-sarel khoiq sa-âm Yê-su Crít. Alóỉ pai nheq tữh cũai I-sarel ca puai ngê Yê-su cóq trĩh phếp rit Mõi-se hỡ. ²¹ Bữn cũai cauq mớỉ pờ cũai I-sarel, pai mớỉ atõng tốp I-sarel tâng cruang canõh chõỉ puai noâng phếp rit Mõi-se, cốp chõỉ táq noâng rit cút yõn con samiang alóỉ. Cốp alóỉ cauq neq hỡ: Pai mớỉ atõng tở bữn puai noâng máh rit achúc achiac hái, la tở bữn pân ntrớu. ²² Tở bữn dũn noâng alóỉ ca cauq mớỉ dáng mớỉ toâq pờ vil nãi. Ngkĩq nõq hái ẽ táq sanua? ²³ Hếq chanchõm o lứq la

mới tamúng héq atõng. Bữn pỏn náq tẻ tỏp héq khiq par-ữq muoi ramứh cỏp Yiang Sursĩ, ma táq tở yũah moâm. ²⁴ Cỏq mới dũng pỏn náq nài, cỏp táq machớng alới tẻ puai phẻp rit I-sarel, yỏn anhia cõt bráh puai rit. Práq ntrớu pỏn náq ki cỏq yỏn, ki mới chuai yỏn alới bữn práq. Chớ anhia tẻq cũah plở anhia alớng nheq, ngkĩq tỏp I-sarel lứq dáng samoat tở bữn pẻiq noau cauq mới. Chớ alới dáng mới noâng puai phẻp rit Mỏi-se tẻ. ²⁵ Ma máh cũai tở cởn cũai I-sarel ca khiq sa-âm Yẻ-su Crít, héq khiq táq choaiq yỏn alới dáng, ntrớu héq yoc alới táq. Alới cỏq táq neq: chỏi cha crớng sana noau tutoõng; chỏi cha aham; chỏi cha charán noau éc; cỏp mansẻm samiang tở bữn lacuoi cayac chỏi bẻq parnỏi.”

²⁶ Chớ tangái ntun, Phau-lỏ pỏq cỏp pỏn náq ki táq ariang alới khiq par-ữq cỏp Yiang Sursĩ. Moâm ki án mut tâng Dỏng Sang Toár yỏn noau dáng raloaih noâng sẻq tangái ẻn án táq moâm ranáq án par-ữq cỏp Yiang Sursĩ. Catâm tapul tangái ẻn alới ẻ chiausang crớng dỏq puai phẻp rit I-sarel.

Noau Cỏp Phau-lỏ Tâng Dỏng Sang Toár

²⁷ Từ cheq ẻ nheq tapul tangái ki, bữn muoi tỏp cũai I-sarel tẻ cruang Asia, alới hữm Phau-lỏ tâng Dỏng Sang Toár. Chớ alới sasrủc máh cũai lứng ẻq alới ửn chỏq Phau-lỏ. Chớ cũai lứng ki cỏp Phau-lỏ. ²⁸ Cỏp alới pai casang lứq neq: “Nheq từh cũai I-sarel ỏi! Anhia chuai héq nửng! Cũai nài ỏiq ca pỏq chu dũ cruang atõng tở pẻiq tẻ cũai I-sarel. Án atõng tở pẻiq tẻ phẻp rit Mỏi-se, cỏp án atõng tở pẻiq tẻ Dỏng

Sang Toár hái. Án dũng cũai tở cởn cũai I-sarel mut tâng Dỏng Sang Toár hái hỡ. Án táq ngkĩq yỏn dỏng sang hái tở bữn bráh o noâng puai rit.”

²⁹ Alới pai ngkĩq, yuaq alới khiq hữm Phau-lỏ pỏq cỏp Trỏ-phim tâng rana. Trỏ-phim la cũai tẻ vil Ê-phẻ-sỏ. Ngkĩq alới chanchỏm Phau-lỏ dũng Trỏ-phim mut tâng Dỏng Sang Toár. Ma lứq Trỏ-phim tở bữn mut tâng dỏng sang. ³⁰ Nheq máh cũai tâng vil ki parlỏng ẻ táq Phau-lỏ, cỏp alới ỏc sadỏh Phau-lỏ aloỏh tẻ Dỏng Sang Toár. Vớt alới táq ngkĩq, alới cataih chít ngoah toong Dỏng Sang Toár. ³¹ Nheq alới ki táq Phau-lỏ ẻq yỏn án cuchít. Ma bữn cũai pỏq atõng sỏt tahan Rỏ-ma tâng vil Yarusalem, pai máh cũai tâng vil táq thức-parthác ẻ cachít cũai. ³² Cũai sỏt tahan dũng cũai sỏt pửn án cỏp máh tahan pỏq chái lứq chu ntỏq bữn sừng ra-ỏq ramẻq ki. Từ máh cũai lứng hữm tahan toát, alới tở bữn toản noâng Phau-lỏ. ³³ Cũai sỏt tahan pỏq cheq Phau-lỏ, cỏp án ỏn tahan cỏp Phau-lỏ, cỏp chỏq án toát bar ntrẻh sái-sỏ. Moâm ki án blỏh: “Án nài la noau? Ntrớu án táq?”

³⁴ Máh cũai lứng cu-ỏi pai casang lứq. Án ca pai neq, án ca pai ngkĩq. Ma cũai sỏt tở tẻq sâng ỏc ntrớu. Ngkĩq án ỏn tahan dũng Phau-lỏ chu dỏn. ³⁵ Từ alới toát pỏ ntruang mut dỏn, máh tahan acỏq Phau-lỏ achỏn, ngcỏh cũai lứng cachít án. ³⁶ Yuaq cũai lứng ki puai cheq lứq cỏp pai casang lứq: “Cachít chít án!”

Phau-lỏ Atõng Loah Tẻ Máh Ranáq Án Khiq Táq

³⁷ Từ alới cheq mut tâng dỏn, Phau-lỏ atõng cũai sỏt tahan toát

parnai Créc neq: “Cứq sêq táq ntông mahôi cốp mới.”

Cũai sôt tahan dốt lứq, cốp án blớh Phau-lô neq: “Nốq mới ma dáng parnai Créc? ³⁸ Lứq tở, mới la cũai tễ cruang Ê-yip-tô ca ẽ cheng sôt cruang nãi? Cốp mới dững pôn nging náq chu ntốq aiq, chơ loõh rachít?”

³⁹ Ma Phau-lô ta-õi án neq: “Tờ cõn. Cứq la cũai I-sarel tễ vil Tarsơ, la vil toâp tâng cruang Si-lasi. Cứq sêq mới yõn cứq táq ntông cốp cũai cứng nãi.”

⁴⁰ Toâq cũai sôt ki yõn Phau-lô táq ntông cốp cũai cứng ki, chơ Phau-lô tayúng tâng ntruang, cốp avút atí yõn alóí chõl tabốq. Toâq alóí õt rangiac, Phau-lô atõng alóí toâq parnai Hê-bơ, la parnai cũai I-sarel.

22

¹ Phau-lô atõng neq: “Máh cũn anhi sễm ai ơi! Anhia tamúng santoiq cứq. Cứq yoc atõng anhia dáng tễ máh ranáq cứq táq.”

² Tữ alóí sâng Phau-lô atõng toâq parnai Hê-bơ, la parnai alóí bữm, alóí õt rangiac yoc ẽ tamúng lứq.

Chơ Phau-lô atõng ẽn neq: ³ “Cứq la lứq cũai I-sarel. Mpiq cứq canốt cứq tâng vil Tarsơ cruang Si-lasi, ma tễ bo cứq nõang cacốt, cứq õt tâng vil Yaru-salem nãi. Cứq rien tễ thâi Ca-maliel yõn dáng samoat lứq tễ dũ ốc tâng phếp rit achúc achiac hái. Cốp cứq ẽr aỉq lứq yoc ẽ puai ngê Yiang Sursĩ machõng anhia sanua. ⁴ Bo ki cứq yoc ẽ pupút chíq ngê Yê-su. Ngkíq cứq cốp máh cũai ca puai ngê ki, dếh mansễm, dếh samiang, cốp chốq alóí tâng cuaq tữ yõn noau cachít. ⁵ Án ca sôt nheq tễ rit sang Yiang Sursĩ cốp máh cũai sôt canõh, alóí ki dáng cứq pai lứq, yuaq alóí

toâp yõn cứq bữn choaiq têq cốp máh cũai sa-âm Yê-su tâng vil Damac. Tữ cứq ápáh choaiq ki yõn máh cũai sôt tốp I-sarel tâng vil ki, alóí dáng lứq samoat cứq têq pỡq chuaq cốp cốp máh cũai puai ngê Yê-su, cốp chốq dững asuoi alóí pỡ vil Yaru-salem yõn alóí roap tột tâng vil ki.”

Phau-lô Atõng Sĩa Án Ramóh Yê-su Tâng Rana

⁶ “Cheq moat mandang toâng, cứq pỡq tâng rana cheq ẽ toâq vil Damac. Bo ki toâp bữn poang tễ paloõng claq asễng chu tở cứq. ⁷ Chơ cứq dóm tâng rana, cốp cứq sâng sường sabau chốq cứq neq: ‘Salơ ơi! O Salơ! Nốq mới táq cứq?’ ⁸ Cứq ta-õi sường ki neq: ‘Ncháu ơi! Anhia la noau?’ Án ta-õi cứq neq: ‘Cứq la Yê-su tễ vil Na-sarết. Mới táq ngkíq tở pñeiq chốq cứq.’ ⁹ Máh cũai pỡq cốp cứq, alóí hữm tễ poang ki, ma alóí tở bữn sâng sường ntróu. ¹⁰ Chơ cứq blớh Yê-su ẽn neq: ‘Ncháu ơi! Nốq cứq ẽ táq sanua?’ Yê-su ta-õi loah cứq neq: ‘Mới yuor tayúng, chơ mut tâng vil Damac. Tâng vil ki bữn cũai atõng mới dáng ntróu cứq yoc mới táq.’ ¹¹ Tữ poang ki claq tâng tở cứq, moat cứq cõt sũt chíq. Ngkíq yóu cứq tếc ayũar cứq amut tâng vil Damac.

¹² “Tâng vil Damac bữn manoaq samiang ramũh A-nania. Án trĩh lứq phếp rit hái, cốp tốp I-sarel tâng vil ki yám noap lứq án. ¹³ A-nania toâq atõng cứq neq: ‘Salơ ơi! Mới la sễm ai cứq. Moat mới lứq cõt poang loah.’ Bo ki toâp moat cứq cõt poang loah, cốp cứq hữm A-nania. ¹⁴ Chơ án atõng cứq ẽn neq: ‘Yiang Sursĩ achúc achiac hái sang tễ mbốq, lứq án toâp ruroh mới yõn dáng ngê án. Án ápáh yõn mới hữm Yê-su, án ca tanoang o lứq. Cốp án

rườ mới yỗn bữn sâng sường Yê-su. ¹⁵ Yiang Sursĩ táq ngkiq đởc tềq mới pởq atởng nheq tữh cũai dáng tề máh ramữh mới khoiq hữm cớp sâng chơ. ¹⁶ Nỏq mới noâng ớt acoan? Mới yuor tayứng toập, chơ roap batêm, cớp mới câu sểq Yê-su táh lỏih mới.' "

Yê-su Ớn Phau-lô Atởng Cũai Tở Cờn Cũai I-sarel

¹⁷⁻¹⁸ "Tữ cớq chu pở vil Yarusalem, cớq mut tâng Dỏng Sang Toâr yoc ể câu. Bo cớq câu, cớq hữm Yê-su sapáh tở án, cớp atởng cớq neq: 'Pởq chá! Mới loỏh sanua toập tể vil Yarusalem. Cũai ớt tâng vil nâi tở ểq tamứng santoiq mới atởng tể cớq.' ¹⁹ Chơ cớq ta-ỡi Yê-su neq: 'Ncháu ới! Tỏp nâi khoiq dáng chơ bo ki cớq đỏq mut tâng dỏng sang ể cớp máh cũai sa-âm Ncháu. Cớp cớq chỏq alỏi tâng cuaq tũ, cồ yoc ể cachĩt alỏi. ²⁰ Bo noau cachĩt Satien cồ án atởng parnai anhia, cớq lứq pruum tề cớp alỏi cachĩt án. Cớq toập ớt kĩaq tampác alỏi.' ²¹ Ma Yê-su ta-ỡi loah cớq neq: 'Mới pởq chá! Cớq ớn mới pởq chu cruang cũai tở cờn cũai I-sarel.' "

Cũai Sốt Tahan Yoc ể Toân Phau-lô

²² Tể dâu lứq Phau-lô atởng cũai cứng ki, alỏi tamứng samoât lứq. Ma tữ alỏi sâng án pai Yê-su ớn án pởq atởng cũai tở cờn cũai I-sarel ể, ki alỏi tở ểq tamứng noâng. Cớp alỏi pai casang lứq neq: "Hái táh chíq cũai nâi! Cachĩt chíq án! Tở p̄ieiq yỗn án tamoong noâng tâng cutểq nâi!"

²³ Bo cũai cứng ki pai casang ngkiq, alỏi háq tampác bữm, cớp trứh cutểq phỏn, táq tểc alỏi sâng nsóq lứq. ²⁴ Chơ cũai sốt tahan ớn noau đứng amut Phau-lô tâng đởn

tahan. Cớp án ớn alỏi toân Phau-lô, cồ yoc ể dáng Phau-lô táq lỏih ntrớu chỏq cũai I-sarel. ²⁵ Tữ alỏi chỏq Phau-lô ể toân án, Phau-lô hữm cũai sốt muoi culám tahan ớt tayứng cheq án. Chơ án blỏh cũai ki neq: "Tềq tở noau toân cũai proai Rô-ma khân tở yũah radáng lỏih?"

²⁶ Tữ tahan ki sâng ngkiq, án pởq atởng toập cũai sốt án neq: "Nỏq mới ể táq chỏq cũai nâi? Án la cũai proai cruang Rô-ma!"

²⁷ Chơ cũai sốt ki toâq toập pở Phau-lô, cớp blỏh án neq: "Mới atởng cớq samoât, mới lứq cũai proai Rô-ma tở?"

Phau-lô ta-ỡi neq: "Ớq. Cớq cũai proai Rô-ma."

²⁸ Cũai sốt ki pai ển neq: "Cớq khoiq pứt práq sa-ữi lứq yoc ể cớt proai Rô-ma."

Phau-lô atởng loah án neq: "Ma cớq la proai Rô-ma, yuaq mpoaq cớq la cũai proai Rô-ma."

²⁹ Tữ alỏi sâng Phau-lô atởng ngkiq, máh tahan ể táq án loỏh lui-tui toập. Cớp cũai sốt tahan ki sâng ngcỏh tề, cồ án khoiq ớn noau chỏq Phau-lô, la cũai proai Rô-ma.

Phau-lô Tayứng Yáng Moat Tỏp Cũai Sốt

³⁰ Cũai sốt tahan ki yoc ể dáng samoât lứq nỏq tỏp I-sarel yoc ể táq Phau-lô. Ngkiq tangái parnở, cũai sốt tahan ki ớn noau leh sái-sô tề ayừng Phau-lô. Cớp án ớn máh cũai sốt tỏp tểng rit sang Yiang Sursĩ, cớp máh cũai sốt canỏh tể tỏp I-sarel, toâq rỏm muoi ntỏq. Chơ án đứng aloỏh Phau-lô yỗn tayứng yáng moat máh cũai sốt ki.

23

¹ Phau-lô cloân níc chu cũai sốt tỏp I-sarel, cớp án pai neq: "Sêm ai ới! Cớq khoiq puai ngề Yiang

Sursĩ neq rangúh rahõ tẽ cúq noâng cõt toau toâq tangái nãi.”

² Ma từ Phau-lô pai ngkíq, Anania, án ca sõt neq tẽ rit sang Yiang Sursĩ, ớn cũai ớt cheq Phau-lô tapáh bõq Phau-lô. ³ Chơ Phau-lô pai chók án neq: “Nõ-ra Yiang Sursĩ táq mới samoât mới táq cúq sanua. Bõq mới táq nõtng samoât riang o, ma mút pahõm mới cooc lúq. Mới yoc ẽ parchĩn cúq puai phẽp rit Yiang Sursĩ, ma toâq mới ớn noau tapáh cúq, mới táq claiq phẽp rit Yiang Sursĩ.”

⁴ Moâm Phau-lô pai ngkíq, cũai ớt cheq án blóh án neq: “Nõq mới pupap cũai sõt neq tẽ rit sang Yiang Sursĩ?”

⁵ Phau-lô ta-õi neq: “Sẽm ai ơi! Cúq tở bữn dáng án la cũai sõt neq tẽ rit sang Yiang Sursĩ. Khãn cúq dáng, cúq tở bữn pai ngkíq, yuaq tâm saráq Yiang Sursĩ atõng hái neq:

‘Chõĩ pupap cũai sõt anhia.’” ✧

⁶ Phau-lô dáng máh cũai sõt ki cõt bar tốp. Muoi tốp la Sa-dusê, ma muoi tốp ẽn la Pha-rasi. Ngkíq án atõng casang lúq neq: “Sẽm ai ơi! Cúq la tẽ tốp Pha-rasi, cốp mpoaq cúq la cũai Pha-rasi tê. Hữm cúq tayúng yáng moat anhia sanua, la cõ cúq sa-âm cũai khoiq cuchĩt tẽq tamoong loah.”

⁷ Từ cũai sõt ki sâng Phau-lô pai ngkíq, bar tốp ki rasuon ratuaq. Ngkíq alóĩ cõt miar mút. ⁸ Tốp Pha-rasi sa-âm cũai khoiq cuchĩt tẽq tamoong loah. Alóĩ sa-âm bữn ranẽng Yiang Sursĩ tẽ paloõng. Cốp alóĩ sa-âm dũ náq lúq bữn raviei. Ma tốp Sa-dusê tở bữn sa-âm máh ốc ki. ⁹ Ngkíq bar tốp ki rasuon casang lúq. Bữn máh cũai yõng rit tẽ tốp Pha-rasi yuor tayúng cốp pai neq: “Hẽq tở hữm ốc ntróu cũai nãi táq lóih. Cõh lớ

lúq bữn raviei tở la ranẽng Yiang Sursĩ atõng án.”

¹⁰ Ngkíq bar tốp ki ralõih lúq lơ ẽn. Cũai sõt tahan ngcõh Phau-lô cuchĩt, yuaq bar tốp ki âc sarnháh án põq chu. Ngkíq sõt tahan ớn tahan án âc aloõh Phau-lô tẽ ntóq ki dũng achu pở dõn. ¹¹ Ma sadâu ki, Yê-su toâq pở Phau-lô cốp atõng án neq: “Chõĩ ngcõh ntróu. Cúq yõn mới atõng parnai o tẽ cúq tâng vil Rô-ma, samoât mới khoiq atõng tâng vil Yarusalem nãi tê.”

Noau Pruam Muoi Mút Yoc Ế Cachĩt Phau-lô

¹² Poang tarúp parnõ bữn muoi tốp cũai I-sarel, alóĩ pruam muoi mút tở bữn cha nguaiq ntróu toau toâq alóĩ bữn cachĩt Phau-lô. Alóĩ thẽ dũan ngkíq cốp yóu alóĩ. ¹³ Alóĩ ca pruam táq ngkíq, bữn clũĩ pỏn chĩt náq. ¹⁴ Alóĩ põq chu cũai sõt tốp tẽng rit sang Yiang Sursĩ, cốp máh cũai sõt canõh tâng tốp I-sarel, pai neq: “Nheq náq tốp hẽq khoiq thẽ dũan tở bữn cha nguaiq ntróu yõn toau toâq hẽq bữn cachĩt Phau-lô. ¹⁵ Sanua sẽq anhia cốp neq tữh cũai sõt tốp I-sarel táq choaiq yõn cũai sõt tahan, ớn án dũng aloõh loah Phau-lô. Anhia táq nan ẽ blóh loah Phau-lô. Chơ hẽq ớt cróq dĩ ria rana. Hẽq bữn cachĩt Phau-lô nhũang án toâq pở anhia.”

¹⁶ Ma pẽiq ramon Phau-lô sâng alóĩ pai ngkíq. Chơ án chu toâp pở dõn tahan; cốp án atõng yõn Phau-lô dáng tẽ máh ốc ki. ¹⁷ Phau-lô arô cũai sõt muoi culám náq tahan, cốp atõng án neq: “Mới dũng asuoi samiang póng nãi pở cũai sõt neq tữh tahan. Án bữn muoi ramúh ẽ atõng cũai sõt dáng.”

18 Ngkíq tahan ki dǔng ramon Phau-lô pǔ cũai sǔt, cǒp atǒng án neq: “Phau-lô, án ca ǒt tǎng cuaq tǔ, sǔq cǔq dǔng samiang pǒng nâi pǔ mới.” Tatoam nâi yoc ẽ ramóh mới.”

19 Cũai sǔt ki tǛc atĩ samiang pǒng, dǔng án yǒng tǛc cũai canǒh, chǒr blǒh án: “Ntróu mới yoc atǒng cǔq?”

20 Cũai pǒng ta-ǒi neq: “Máh tǒp I-sarel pruam ẽq sǔt alǒi sǔq achuaih dǔng asuoi loah Phau-lô pǔ cũai sǔt alǒi tangái parnǒ. Alǒi táq nan yoc ẽ blǒh loah Phau-lô.

21 Ma achuaih chǒi tamǔng parnai alǒi. Yuaq bǔn cũi pǒn chít náq khoiq thể dũan tǒ bǔn cha nguaiq ntróu toau alǒi bǔn cachĩt Phau-lô. Alǒi ẽ ǒt crǒq dĩ ria rana acoan Phau-lô toâq, chǒr ẽ cachĩt án. Alǒi khoiq thũan chǒr, ma nõang alǒi acoan achuaih ta-ǒi alǒi.”

22 Cũai sǔt ki patâp samiang pǒng ki neq: “Chǒi atǒng cũai canǒh dáng tǛc santoiq mới mbǒiq atǒng cǔq sanua.”

Moâm án patâp ngkíq, án yǒn samiang pǒng ki chu.

Tǒp Tahan Dǔng Asuoi Phau-lô Pǔ Phê-lit

23 Cũai sǔt tahan arô bar náq cũai sǔt tahan muoi culám náq, cǒp án ǒn alǒi neq: “Anhia thũan dǒq bar culám tahan pǒq na ayǔng, tapul chít tahan pǒq na aséh, cǒp bar culám tahan ẽn yǒn dǔng coi. Sadâu nâi yǒn nheq tũh anhia pǒq chu vil Sê-sarê.

24 Anhia thũan aséh yǒn Phau-lô ǒt; chǒr anhia dǔng asuoi Phau-lô yǒn án toâq pǔ Phê-lit, la cũai sǔt cruang nâi.”

25 Moâm ki cũai sǔt tahan ki chĩc choâiq atǒng Phê-lit neq:

26 “Cǔq la ramũh Calôt Lusía chĩc choâiq nâi coi q sa-óh achuaih Phê-lit. 27 Cǔq táq choâiq nâi sǔq atǒng achuaih bĩq tǛc cũai nâi. Tǒp

I-sarel cǒp cǒp ẽ cachĩt án. Ma tǔr cǔq dáng án la cũai proai Rô-ma, ngkíq cǔq cǒp tǒp tahan cǔq pǒq ít án tǛc ntǒq alǒi ẽ cachĩt án. 28 Cǔq yoc ẽ dáng samoât lǔq ramũh ntróu án táq lǒih chǒq alǒi. Chǒr cǔq dǔng amóh án cǒp cũai sǔt tǒp I-sarel yoc ẽ tamǔng ntróu alǒi ẽ blǒh án. 29 Cǔq dáng tǒp I-sarel ũan cũai nâi, yuaq alǒi chanchǒm án tǒ bǔn puai phǛp rit alǒi. Ma cǔq tǒ ramóh muoi ǒc lǒih ntróu án táq yǒn noau tǛc chǒq án tǎng cuaq tǔ cǒp cachĩt án. 30 Ma tǔr cǔq sǎng tǒp I-sarel pruam muoi mút yoc ẽ cachĩt án dĩ ria rana, ngkíq cǔq yǒn án toâq pǔ achuaih. Cǒp cǔq ǒn tǒp I-sarel pǒq chu achuaih tǛ. Ntróu alǒi yoc ẽ cauq, ki yǒn alǒi cauq pǔ achuaih.”

31 Ngkíq tǒp tahan trĩh santoiq sǔt alǒi. Sadâu ki alǒi dǔng asuoi Phau-lô pǔ vil Anti-batri. 32 Máh tangái parnǒ ẽn tahan ca pǒq ayǔng chu loah pǔ dĩn. Ma alǒi ca pǒq na aséh, nõang pǒq cǒp Phau-lô. 33 Tǔr alǒi toâq pǔ vil Sê-sarê, alǒi avǒi choâiq pǔ cũai sǔt, cǒp alǒi chiau Phau-lô yǒn án. 34 Moâm cũai sǔt doc choâiq ki, án blǒh Phau-lô neq: “Mới tǛ cruang léq?”

Phau-lô ta-ǒi neq: “Cǔq la cũai tǛ cruang Si-lasi.”

35 Tǔr án sǎng Phau-lô pai ngkíq, án atǒng loah Phau-lô neq: “Acoan cũai ca cauq mới toâq pǔ nâi voai, cǔq yoc tamǔng ǒc ntróu mới ẽ atǒng cǔq.”

Moâm án pai ngkíq, án ǒn noau kĩaq Phau-lô tǎng dǒng toâr puo Hê-rôt khoiq táq.

24

Tǒp I-sarel Cauq Loah Phau-lô

1 Catâm sǒng tangái ntun ẽn, A-nania, án ca sǔt nheq tǛ rit sang

Yiang Sursĩ, cốp cũai sôt tốp I-sarel, dềh Tet-tulu, nheq náq alóí toáq pở vil Sê-sarê tê. Tet-tulu la cũai noau mian đọq rapai chuai yóu. Nheq tữh alóí cauq Phau-lô yỗn achuaih sôt ki tamứng.

² Toáq noau đứng Phau-lô pở ntốq alóí rôm, Tet-tulu cauq Phau-lô neq:

“Cứq sếq lờih, cứq yoc ẽ táq ntống cốp achuaih sanua. Hếq sa-ỡn achuaih yuaq sanua hếq bữn ỡt ien khế lứq. Cốp cruang hếq cõt bữi lứq, yuaq achuaih táq ranáq o lứq yỗn cruang hếq.

³ Achuaih ới! Hếq yám noap lứq achuaih, cốp hếq sa-ỡn lứq achuaih. ⁴ Hếq dáng achuaih sa-ữi miaq, ma hếq sếq táq ntống bĩq cốp achuaih tể Phau-lô nài.

⁵ Cũai nài, aléq la tở ếq hữm án. Án pởq cruang aléq, án talốh cũai I-sarel cruang ki. Cốp án paryống máh cũai yỗn puai ngê Yê-su tể vil Na-sarê tở.

⁶ Án táq ranáq tở p̄ieiq tâng đống sang hếq. Yuaq ngkíq hếq cốp án. ⁷ Hếq yoc ẽ parchĩn án puai phễp rit hếq. Ma Lusìa ca sôt tahan, toáq cháí lứq, cốp án sadốh Phau-lô rềng lứq tể hếq.* ⁸ Cốp Lusìa ớn hếq toáq pở achuaih hỡ. Khãn achuaih bởh Phau-lô, lứq achuaih dáng tể máh ốc hếq atống tể án la lứq p̄ieiq.”

⁹ Moâm Tet-tulu pai ngkíq, chơ máh tốp I-sarel ỡt ntốq ki pai lứq p̄ieiq nheq máh ốc ki.

Phau-lô Cốp Phê-lit

¹⁰ Moâm ki, achuaih sôt ki yỗn Phau-lô ễn atống tể máh ốc ki. Chơ Phau-lô atống neq: “Achuaih ới! Cứq dáng achuaih khoiq parchĩn clứng lứq cũai cốp sa-ữi cumo chơ tâng cruang nài. Ngkíq, achuaih ới, cứq bữi lứq bữn atống santoiq nài yỗn achuaih dáng.

¹¹ Mbởiq muoi chít la bar tangái nhũang nài, cứq pởq chu vil Yaru-salem yoc ẽ sang toam Yiang Sursĩ. Khãn achuaih yoc ẽ dáng samoât samơi tể ốc nài, bữn cũai canốh atống ariang cứq tê. ¹² Tốp I-sarel nài tở bữn ramốh cứq rasuon cốp noau tâng Đống Sang Toâr, tở la tâng đống sang cót, tở la ntốq canốh tâng vil Yaru-salem.

¹³ Ma alóí chống ẽ cauq apót cứq. Khãn lứq alóí bữn tếc, ki yỗn alóí aloốh. Ma alóí tở bữn bữn tếc ntróu. ¹⁴ Ma bữn muoi ramứh lứq p̄ieiq alóí cauq. Ramứh ki la cứq puai ngê tamái yoc ẽ sang toam Yiang Sursĩ. Yiang Sursĩ la Yiang tốp hếq sang. Tốp sôt cũai I-sarel nài chanchóm ngê tamái nài la tở bữn p̄ieiq. Ma lứq cứq sa-âm tê dũ ramứh Mũi-se cốp cũai tang bởq Yiang Sursĩ khoiq chĩc đọq tâng tâm saráq Yiang Sursĩ tể mbởq.

¹⁵ Cốp cứq ngcuang Yiang Sursĩ táq yỗn cũai cuchĩt bữn tamoong loah, dềh cũai tanoang o, dềh cũai coc machống alóí ngcuang tê. ¹⁶ Yuaq ngkíq cứq cutống táq ranáq o níc chốq Yiang Sursĩ cốp chốq máh cũai, đọq mút cứq tở tềq tềq loah cứq.

¹⁷ “Ngkíq, vót cứq pởq chu canốh bữn bĩq cumo, chơ cứq chu loah pở vil Yaru-salem. Cứq đứng achu dềh práq đọq chuai cũai tâng cruang cứq. Cốp cứq đứng cớng ẽ chiau sang yỗn Yiang Sursĩ tê. ¹⁸ Ngkíq cứq mut tâng Đống Sang Toâr yoc ẽ chiau máh cớng sang ki. Cứq táq ngkíq yuaq cứq khoiq par-ữq muoi ramứh cốp Yiang Sursĩ, cốp cứq khoiq táq moâm chơ. Bo ki cứq tở bữn đứng clứng cũai mut tâng Đống Sang Toâr, cốp nheq náq hếq ốt o tâng ki. ¹⁹ Ma bữn muoi tốp cũai I-sarel tể cruang Asia toáq pở

* 24:7 24:7 Sa-ữi tâm saráq tiaq tở bữn bữn rana 7 nài cốp muoi pún tể dàu rana 8.

đóng sang ki. Khân cứq táq lóih ntróu chók alóí, cóq alóí pǝq cauq cứq pǝ achuaih. ²⁰ Ma máh cũai I-sarel ốt nnài sanua, alóí khoiq blóh cứq chơ. Khân alóí ramóh muoi ốc ntróu cứq táq lóih chók alóí, yǝn alóí atǝng achuaih dáng. ²¹ Ma bǝn muoi ramúh toáp cứq khoiq pai casang lǝq yáng moat alóí. Cứq pai neq: ‘Hǝm cứq tayǝng yáng moat anhia sanua, la cǝ cứq sa-âm cũai khoiq cuchit tǝq tamoong loah.’”

²² Từ achuaih Phê-lit sâng máh parnai nài, án chanchóm yoc ẽ parchĩn loah tangái ntun ẽn. Chơ án pai neq: “Toáq Lusìa, án ca sǝt tahan tâng vil Yaru-salem, toáq pǝ nài, cứq parchĩn loah anhia.”

Phê-lit khoiq dáng sa-ũĩ chơ tǝ ngǝ tǝp puai Yê-su. ²³ Chơ Phê-lit ốn tahan kĩaq Phau-lô tâng đóng. Ma án patáp tahan chǝi catáng yóu Phau-lô mut sa-óh tǝ la chuai án.

²⁴ Bǝn bĩq tangái ẽn Phê-lit toáq loah pǝ ntóq án đốq parchĩn cũai. Lacuoi án, ramúh Dơ-rusi, toáq cóp án tǝ. Dơ-rusi la cũai I-sarel. Phê-lit ốn noau dǝng Phau-lô toáq pǝ án. Án ẽq Phau-lô atǝng án tǝ ranáq sa-âm Yê-su Crít. ²⁵ Phau-lô atǝng Phê-lit pai Yiang Sursĩ yoc cũai bǝn mǝt tanoang o. Cóp Yiang Sursĩ yoc cũai tǝq viaq ranáq sàuq. Cóp án pai chumat Yiang Sursĩ lǝq rablǝh nheq tǝh cũai. Từ Phê-lit sâng máh santoiq ki, án sâng ngcǝh lǝq; chơ án atǝng Phau-lô neq: “Sanua cứq miaq. Khân nǝ pra cứq tǝ bǝn miaq ntróu, cứq aró loah mới, yuaq cứq yoc ẽ tamǝng ẽn mới atǝng cứq.”

²⁶ Ma bo ki, Phê-lit ngcuang Phau-lô aloǝh yǝn án práq chang án acláh. Ngkíq yuaq án aró Phau-lô sa-ũĩ trǝ yǝn táq ntǝng. ²⁷ Vót bar cumo, bǝn manoaq

ramúh Pôh-siuh Phê-tu pláih loah Phê-lit cǝt sǝt tâng cruang ki. Ma Phê-lit yoc tǝp I-sarel ốt bǝi cóp án. Ngkíq án đốq níc Phau-lô, cóp tǝ bǝn acláh.

25

Phau-lô Sǝq Yǝn Puo Rô-ma Toáp Pachĩn Yǝn Án

¹ Phê-tu cǝt sǝt mbǝiq pái tangái sâng tâng cruang ki, chơ án loǝh tǝ vil Sê-sarè pǝq sa-óh vil Yaru-salem. ² Tâng vil ki máh cũai sǝt tǝp tǝng rit sang Yiang Sursĩ, cóp nheq máh cũai sǝt tǝp I-sarel, alóí cauq Phau-lô chók Phê-tu. ³ Alóí sǝq Phê-tu yǝn Phau-lô chu pǝ vil Yaru-salem, yuaq alóí khoiq prua ẽ cachit Phau-lô tâng rana. ⁴ Ma Phê-tu atǝng alóí neq: “Yǝn Phau-lô tǝng ốt tǝ tâng vil Sê-sarè. Tǝ bǝn dǝn noáng cứq chu loah pǝ vil ki. ⁵ Ngkíq anhia ốn cũai tǝ tǝp anhia pǝq cóp cứq chu vil Sê-sarè. Khân Phau-lô táq lóih ntróu chók anhia, yǝn anhia cauq án pǝ ki.”

⁶ Toáq Phê-tu ốt tâng vil Yaru-salem cóp alóí sám muoi chit tangái, án chu loah pǝ vil Sê-sarè. Cóp máh tangái parnǝ án mut tacu tâng ntóq đốq án parchĩn parnai. Án ốn noau dǝng Phau-lô toáq pǝ án. ⁷ Từ Phau-lô toáq, cũai I-sarel tǝ vil Yaru-salem lavíng mpǝr Phau-lô cóp cauq án, pai án táq lóih toár lǝq. Ma alóí chǝng cauq sâng; alóí ốq tǝc ntróu. ⁸ Chơ Phau-lô pai neq: “Lǝq cứq tǝ bǝn táq lóih ntróu chók phǝp rit tǝp I-sarel, tǝ la chók Đống Sang Toár, tǝ la chók puo Rô-ma.”

⁹ Ma Phê-tu chǝng pahǝm cũai I-sarel ẽq alóí ayooq án. Ngkíq án blóh Phau-lô neq: “Mới prua chu pǝ vil Yaru-salem đốq cứq parchĩn anhia pǝ vil ki tǝ?”

¹⁰ Phau-lô ta-õi án neq: “Tờ p̄ieiq noau parchĩn p̄õ vil ki. Nt̄oq n̄ai tōp la l̄uq p̄ieiq ȳõn noau parchĩn c̄uai Rô-ma. Achuaih khoiq d̄ang ch̄ơ c̄uq t̄õ b̄ũn táq ranáq s̄auq ntr̄ou ch̄oq t̄õp I-sarel. ¹¹ Kh̄an c̄uq t̄õ b̄ũn tr̄ih ph̄ẽp rit anhia, ki anhia cachĩt c̄uq la th̄oi, c̄uq ch̄iuq cuchĩt. Ma kh̄an al̄oi cauq c̄uq t̄õ b̄ũn p̄ieiq, ki anhia t̄õ t̄ẽq chiau c̄uq p̄õ al̄oi. Sanua c̄uq s̄ẽq puo Rô-ma tōp parchĩn c̄uq.”

¹² Mōam Phau-lô pai nḡk̄iq, Phê-tu sarh̄ong loah c̄op ȳou án. Ch̄ơ án pai ch̄oq Phau-lô neq: “M̄oi s̄ẽq puo Rô-ma parchĩn m̄oi, ki c̄uq ȳõn m̄oi p̄õq chu puo Rô-ma.”

Phê-tu At̄ong Acri-pa T̄ẽ Phau-lô

¹³ T̄õ b̄ũn d̄ũn tangái, puo Acri-pa c̄op amuaq án, ramúh Bê-ranit, p̄õq chu vil Sê-sarê ẽ sa-óh achuaih Phê-tu. ¹⁴ Al̄oi bar náq õt nḡki khoiq pái p̄õn tangái, ch̄ơ Phê-tu at̄ong puo Acri-pa t̄ẽ Phau-lô neq: “B̄ũn manoaq c̄uai t̄õ p̄õ n̄ai t̄ẽ tangái Phê-lit nōang c̄õt s̄õt cruang n̄ai. Phê-lit t̄õ ȳũah acláh án. ¹⁵ T̄ũ c̄uq p̄õq p̄õ vil Yaru-salem, máh c̄uai s̄õt t̄õp t̄ẽng rit sang Yiang Sursĩ, c̄op máh c̄uai s̄õt nheq s̄au t̄ẽ t̄õp I-sarel, nheq al̄oi cauq án ẽq c̄uq táq coat án.

¹⁶ Ma c̄uq ta-õi t̄õp I-sarel neq: ‘Rit c̄uai Rô-ma la neq: T̄õ t̄ẽq táq coat c̄uai kh̄an t̄õ ȳũah radáng l̄oih. C̄oq b̄ũn bar coah ramóh parnoi d̄oq c̄uai noau cauq t̄ẽq ta-õi t̄ẽ máh óc noau cauq án.’

¹⁷ Ma t̄ũ t̄õp I-sarel tōp p̄õ vil Sê-sarê n̄ai, c̄uq parchĩn tōp parnai ki. Kh̄an tangái n̄ai al̄oi tōp, ki tangái parn̄õ c̄uq parchĩn. ¹⁸ T̄ẽ nh̄uang c̄uq chanchóm Phau-lô b̄ũn l̄oih tōp l̄uq. Ma t̄ũ c̄uq s̄ang noau cauq án, c̄uq t̄õ h̄ũm óc ntr̄ou l̄oih tōp. ¹⁹ Al̄oi cauq

Phau-lô ổng t̄ẽ rit sang s̄ang. C̄op al̄oi pai t̄ẽ manoaq c̄uai ramúh Yê-su h̄õ. Al̄oi ki pai Yê-su l̄uq khoiq cuchĩt th̄ang, ma Phau-lô pai Yê-su khoiq tamoong. ²⁰ Nḡk̄iq c̄uq d̄ót sarnóm, t̄õ d̄ang nõq ẽ parchĩn ȳõn al̄oi. Nḡk̄iq yuaq c̄uq bl̄óh Phau-lô, án pruam ẽ chu p̄õ vil Yaru-salem ma t̄õ b̄ũn. C̄uq chanchóm o l̄uq c̄uq parchĩn al̄oi p̄õ vil ki. ²¹ Ma Phau-lô s̄ẽq puo Rô-ma tōp parchĩn án. Nḡk̄iq c̄uq ón noau k̄iaq án ȳõn toau tōp tangái c̄uq t̄ẽq c̄oiq án p̄õ puo Rô-ma.”

²² Mōam Phê-tu at̄ong nḡk̄iq, Acri-pa ta-õi án neq: “C̄uq yoc ẽ tam̄ung t̄ẽ santoiq án pai.”

Ch̄ơ Phê-tu at̄ong Acri-pa neq: “L̄uq samoat tangái parn̄õ m̄oi b̄ũn s̄ang santoiq án.”

²³ Máh tangái parn̄õ Acri-pa c̄op Bê-ranit t̄ac tam̄ac n̄euq o l̄uq, ch̄ơ al̄oi mut t̄ang nt̄oq noau d̄oq rasũq. C̄op b̄ũn máh c̄uai tōp h̄au al̄oi p̄õ d̄ong ki. T̄ang nt̄oq ki b̄ũn c̄uai s̄õt tahan sa-ũĩ l̄uq, c̄op b̄ũn máh s̄õt c̄uai proai t̄ang vil ki h̄õ. Nḡk̄iq Phê-tu ón noau d̄ũng Phau-lô tōp p̄õ nt̄oq ki.

²⁴ Ch̄ơ Phê-tu pai neq: “Puo Acri-pa c̄op máh s̄ẽm ai cũn anhi oi! Anhia h̄ũm c̄uai ca nheq t̄ũh c̄uai I-sarel cauq p̄õ c̄uq. Al̄oi cauq án t̄ang vil Yaru-salem c̄op t̄ang vil n̄ai h̄õ. Al̄oi s̄ẽq n̄ic t̄ẽ c̄uq, ȳõn c̄uq cachĩt chíq án. ²⁵ Ma c̄uq t̄õ b̄ũn ramóh óc l̄oih ntr̄ou t̄ẽq cachĩt án. Ma sanua án khoiq s̄ẽq ȳõn puo Rô-ma tōp parchĩn án. Nḡk̄iq c̄uq chanchóm yoc ẽ c̄oiq án p̄õ puo Rô-ma. ²⁶ Ma sanua c̄uq t̄õ d̄ang ẽ ch̄ic ramúh ntr̄ou t̄ang chōaiq d̄oq at̄ong puo Rô-ma d̄ang raloaih t̄ẽ Phau-lô táq l̄oih. Nḡk̄iq c̄uq d̄ũng Phau-lô p̄õ nheq t̄ũh anhia c̄op p̄õ puo Acri-pa. S̄ẽq anhia bl̄óh án ȳõn d̄ang raloaih óc ntr̄ou tōp án táq l̄oih, ien c̄uq

chĩc choaiq atõng yõn puo Rô-ma dãng. ²⁷ Cũq chanchõm tõ bũn o khãn coiq cũai tũ pũ puo Rô-ma, ma tõ bũn radãng lõih án.”

26

Phau-lô Atõng Loah Yáng Moat Acri-pa

¹ Moâm Phê-tu pai ngkĩq, Acri-pa pai chỏq Phau-lô neq: “Ntróu mới yoc ẽ táq ntõng, mới atõng sanua.”

Chơ Phau-lô avút aĩ cớq pai neq: “Puo Acri-pa ơi! ² Cũq sãng bũi lứq bũn táq ntõng cớq anhia tẽ máh ỏc tốp I-sarel cauq cớq. ³ Yuaq anhia dãng sa-ũĩ tẽ máh phẽp rit tốp I-sarel, cớq máh ỏc cũai I-sarel dỏq sarhõng. Ngkĩq cớq sẽq anhia tamũng yõn samoat tẽ ỏc cớq ẽ atõng anhia.

⁴ “Máh cũai I-sarel dãng nheq tẽ máh ranáq cớq táq bo cớq noãng póng õt tâng cruang cớq, cớq tâng vil Yaru-saleh. ⁵ Khãn alóĩ yoc, tẽq alóĩ pai cớq la cũai Pharsi. Cớq anhia khoiq dãng chơ tốp Pha-rasi trĩh phẽp rit I-sarel cũĩ nheq tẽ tốp canõh. ⁶ Ma sanua cớq tayũng yáng moat anhia cõ tian cớq sa-âm santoiq Yiang Sursĩ khoiq par-ũq cớq achúc achiac hẽq tẽ mbỏq. ⁷ Nheq tũh muoi chít la bar tốp tâng cruang I-sarel sang toam Yiang Sursĩ cu tangái sadâu. Cớq alóĩ nguang níc máh ỏc Yiang Sursĩ khoiq ũq cớq alóĩ. Ngkĩq puo ơi, cõ cớq nguang ỏc nãi, yuaq alóĩ ũan cớq cớq cauq cớq. ⁸ Nỏq anhia sãng salẽh Yiang Sursĩ tẽq táq yõn cũai cuchĩt cõt tamoong loah?

⁹ “Tẽ nhũang, cớq chanchõm pĩeiq lứq cớq táq tũh coat máh cũai ca puai ngẽ Yê-su tẽ vil Nasarêt. ¹⁰ Máh cũai sỏt tốp tẽng rit sang Yiang Sursĩ tâng vil Yaru-saleh yõn cớq bũn chỏc tẽq chỏq

máh tốp puai Yê-su tâng cuaq. Khãn cũai sỏt yoc ẽ cachĩt alóĩ, ki cớq pruam tẽ. ¹¹ Khoiq sa-ũĩ trỏ chơ cớq táq alóĩ, ẽq alóĩ táh chíq ngẽ Yê-su cớq acrieiq ramũh án. Cớq táq ngkĩq sa-ũĩ ntõq tâng dõng sang tốp I-sarel. Cớq sãng ũan lứq chỏq máh cũai sa-âm Yê-su. Cớq cớq pỏq táq alóĩ tâng máh cruang canõh hõ.”

Phau-lô Atõng Loah Án Ramóh Yê-su Tâng Rana

¹² “Bũn muoi tangái, cớq pỏq chu vil Damac, yoc ẽ cớq máh cũai sa-âm Yê-su. Máh cũai sỏt tốp tẽng rit sang Yiang Sursĩ khoiq táq choaiq yõn cớq tẽq cớq cũai sa-âm. ¹³ Puo ơi, toaq moat mandang toang tangái ki, bo cớq noãng pỏq tâng rana cheq ẽ toaq pũ vil Damac, cớq hũm poang claq tẽ paloõng. Poang ki cũĩ poang tẽ moat mandang. Án claq cũop nheq tũ cớq cớq yóu ca pỏq nũng cớq. ¹⁴ Nheq tũh hẽq dỏm proac prẽq tâng cutẽq. Cớq cớq sãng sãng sabau atõng cớq toaq parnai cớq bũm, la parnai Hê-brơ neq: ‘Salơ ơi! Ở Salơ! Nỏq mới táq cớq? Mới táq ngkĩq la ariang tariac noau clõh múh ẽ tẽc án chu tĩh, ma án nhanhoar ẽ pỏq chu canõh, tõ ẽq puai ncháu án. Mới táq ngkĩq la coat lứq yõn mới.’ ¹⁵ Chơ cớq ta-õĩ sãng ki neq: ‘Ncháu ơi! Anhia la noau?’ Sãng ki ta-õĩ loah cớq neq: ‘Cớq la Yê-su. Mới táq ngkĩq tõ pĩeiq chỏq cớq. ¹⁶ Ma sanua mới yuor tayũng. Cớq toaq pũ mới sanua cõ cớq yoc mới táq ranáq cớq. Cớq cớq yoc mới atõng yõn cũai canõh dãng tẽ máh ramũh mới hũm sanua, cớq máh ramũh cớq apáh mới nõ-ra hõ. ¹⁷ Cớq chuai mới yõn vớt tẽ máh cũai I-sarel cớq máh cũai tõ cõn cũai I-sarel

ca ẽ táq mới. Cúq ớn mới pờq atõng máh cũai tở cõn cũai I-sarel. ¹⁸ Toáq mới atõng alóit tẽ máh parnai tẽ cúq, lúq cúq pớh mút pahõm alóit yõn alóit tẽq táh chíq ngê sâuq, chơ puai ngê o ẽn. Cóp cúq yõn alóit tở bữn cõt sũl noâng yiang Satan, ma yõn alóit puai õng ngê Yiang Sursĩ sâng. Chơ cúq táh lờih alóit, cóp cúq yõn alóit chõng tẽ máh mun cúq pruam ẽ yõn cũai sa-âm cúq. ”

Phau-lô Atõng Sĩa Tẽ Ranáq Án Khoiq Táq Chơ

¹⁹ “Ngkíq, puo Acrida-oi, cúq trĩh nheq máh ốc Yê-su khoiq atõng cúq tẽ paloõng. ²⁰ Cúq atõng dũ náq cũai cóp alóit ngin lờih lẹq cõt mút tamái ẽn, cóp cóp alóit puai õng ngê Yiang Sursĩ sâng. Cóp cúq atõng alóit cóp alóit táq ranáq o níc, đõq cũai canõh dáng samoát samõi alóit khoiq ngin lờih lẹq cõt mút tamái ẽn. Cúq atõng máh ramứh nài tâng vil Damac nhũang, chơ cúq atõng ntun ẽn tâng vil Yaru-salem cóp tâng nheq cruang Yudê hữ. Moám ki cúq atõng pờ cruang cũai canõh ẽn. ²¹ Cỗ cúq táq ranáq nài yuaq cũai I-sarel cõp cúq tâng Dõng Sang Toár, cóp ẽ cachĩt cúq. ²² Ma toau toáq tangái nài Yiang Sursĩ chuai cúq tở yõn noau tẽq cachĩt cúq. Ngkíq cúq tẽq tayứng atõng parnai o yõn nheq tũh cũai sâng, dẻh cũai toár cóp cũai cõt. Cúq atõng loah máh parnai Yiang Sursĩ yõn na Mõi-se cóp na cũai tang bõq án tẽ mbõq atõng saccoaiq. ²³ Alóit pai Crĩt, án ca Yiang Sursĩ rườh đõq chuai amoong cũai, cóp chũuq sa-ũĩ túh coat, cóp noau cachĩt án. Chơ án tamoong loah nhũang tẽ cũai canõh. Án la samoát riang poang

claq yõn cũai I-sarel cóp cũai tở cõn cũai I-sarel hữ.”

²⁴ Moám Phau-lô atõng máh santoiq ki, Phê-tu pai casang lúq neq: “Phau-lô oi! Mới lúq cũai yúh! Cỗ mới rien sa-ũĩ lúq, ngkíq yuaq mới cõt yúh!”

²⁵ Ma Phau-lô ta-õi án neq: “Achuaih Phê-tu oi! Cúq tở bữn yúh. Máh parnai cúq atõng la lúq pĩeiq. ²⁶ Pua Acrida-oi! Cỗ anhia dáng chơ máh ramứh nài, ngkíq yuaq cúq khỏn atõng anhia. Máh ốc nài tở bữn noau cutooq. Ngkíq cúq dáng anhia khoiq dáng samoát samõi máh ramứh nài. ²⁷ Pua Acrida-oi! Anhia lúq sa-âm máh parnai cũai tang bõq Yiang Sursĩ khoiq chĩc tở? Cúq dáng lúq samoát anhia sa-âm tẽ.”

²⁸ Ma Acrida-oi ta-õi Phau-lô neq: “Nỏq mới atõng pahõi sâng, ma chanchóm cúq ẽ mut sa-âm Yê-su tẽ bớh?”

²⁹ Chơ Phau-lô ta-õi loah án neq: “Dũn tở la mahõĩ, tở bữn ntróu. Cúq sẻq Yiang Sursĩ yõn anhia cóp nheq tũh cũai ca tamứng santoiq cúq sanua, sa-âm machớng cúq sa-âm tẽ. Ma cúq tở ẻq noau táq anhia ariang noau chỏq cúq toáq sái-sỏ nài.”

³⁰ Moám Phau-lô pai ngkíq, puo Acrida-oi, achuaih Phê-tu, Bẻ-ranit, cóp nheq tũh cũai ớt ntỏq ki, alóit yuor tayứng. ³¹ Cóp alóit pai neq: “Phau-lô lúq tở bữn lờih ntróu yõn tẽq noau cachĩt, tở la chỏq án tâng cuaq.”

³² Chơ Acrida-oi atõng Phê-tu neq: “Khân Phau-lô tở bữn sẻq puo Rỏma parchĩn án, ki tẽq hái acláh án.”

27

Phau-lô Pờq Pờ Vil Rỏma

¹ Toáq cũai sỏt ki thừan coiq Phau-lô pờ cruang I-tali, cúq Luca pờq cóp Phau-lô tẽ. Cũai sỏt ki chiaiu Phau-lô cóp máh cũai tũ

canõh pở Yulo, la cũai sớt muoi culám náq tahan. Tốp sớt tahan ca noau dõq Tốp Acu-tơ. ² Hếq chõn tuoc tâng vil A-tramit. Tuoc nâi ẽ pởq chu máh vil ca õt cheq tor dõq mut tâng cruang Asia. Bữn manoaq yóu pởq cớp hếq, ramứh Ari-tac tẽ vil Tê-salô-naca, cruang Ma-sadôn. ³ Máh tangái parnõ hếq toâq pở vil Sadôn. Yulo sâng ayooq táq Phau-lô; chơ án yõn Phau-lô pởq sa-óh yóu án tâng vil ki, cớp yõn yóu Phau-lô chuai án. ⁴ Chơ hếq loõh tẽ vil Sadôn, ma cuyal phát hập lứq ẽ dững dếh tuoc. Ngkíq tuoc hếq pởq viaq coah cõn Sip-rơ coah angia mandang loõh. ⁵ Vót ki hếq pởq luat cruang Si-lasi cớp cruang Bam-phuli; chơ toâq pở vil Mi-ra tâng cruang Li-sia.

⁶ Tâng vil ki, án ca sớt muoi culám tahan chuaq tuoc canõh ẽn. Toâq án ramóh muoi lám tuoc ca toâq tẽ vil Alec-santri ẽ pởq chu cruang I-tali; chơ án yõn hếq chõn tâng tuoc ki. ⁷ Tở dáng sếq tangái noâng hếq ngcuai pởq. Coat lứq cuyal phát. Mán tở toâq pở vil Cơ-nit. Ma vót ki cuyal phát hập lứq ẽn. Ngkíq hếq pởq luat ntốq noau dõq Sal-môn pởq cheq tor dõq cõn Crêt ẽn. ⁸ Hếq pởq pở tor dõq coah pũn cõn Crêt, cớp hếq pachốq tuoc bân ntốq dõq viq ving cheq vil Lasê.

⁹ Hếq õt dũn lứq tâng vil ki; chơ hếq yoc ẽ pởq ẽn, ma casâi ki khiq cheq nheq cumo chơ. Casâi ki paloõng mia choân lứq, cớp cuyal rapuq; coat lứq pởq na tuoc. Ngkíq Phau-lô sươq alới neq: "Sẽm ai ơi! ¹⁰ Khân hái pởq tẽ ntốq nâi sanua, cứq chanchóm hái ramóh sa-ữi túh coat. Tở bữn pứt óng crớng cớp tuoc sâng, ma tở hái la cuchít tẽ."

¹¹ Ma cũai sớt muoi culám tahan ki tở bữn noap santoiq Phau-lô

atõng. Án noap santoiq cũai dững tuoc, cớp cũai ncháu tuoc. ¹² Ntốq dõq viq ving ki tở bữn o dõq tuoc tâng casâi sangết. Ngkíq môâm alới sarhõng máh cũai ca ẽ pởq tâng tuoc ki, bữn clứng hõn tẽ cũai yoc ẽ pởq. Alới cutóng ẽ pởq pở vil Phê-nit tâng cõn Crêt. Alới yoc ẽ õt vil ki tâng casâi sangết, yuaq vil ki bữn ntốq viq ving o hõn tẽ vil Lasê.

Bữn Rapuq Tâng Dỡq Mut

¹³ Tở alới hữm cuyal phát laviei o, máh cũai tâng tuoc ki chanchóm tẽq pởq. Ngkíq alới leh tuoc, chơ hếq pởq cheq tor dõq cõn Crêt. ¹⁴ Ma tở bữn dũn noâng cuyal rapuq hập lứq tẽ angia cõn Crêt ki. ¹⁵ Cớp cuyal ki chùh tuoc rêng lứq. Ngkíq hếq tở tẽq abiat noâng tuoc hếq, yuaq cuyal õt dững níc tuoc hếq. ¹⁶ Ngkíq tuoc hếq pởq luat coah angia pũn cõn cớt bữn ramứh Co-da. Ớt ngki cuyal laviei bĩq. Ngkíq tuoc cacót hếq ti coah clĩ, hếq riap ác achõn tâng tuoc toâr hếq ẽn. ¹⁷ Môâm hếq achõn tuoc cacót ki, chơ hếq ít proat, tán tuoc toâr ẽn, ngcõh án pacháh. Cũai dững tuoc hếq, ngcõh tuoc hếq mut bân ntốq sa-ữi chũah, noau dõq Sir-tơ. Ngkíq alới yial máh aroâiq noau yoang tâng tuoc yõn cuyal chùh dững. Chơ alới tở bữn voah noâng tuoc; alới ít óng cuyal dững sâng. ¹⁸ Máh tangái parnõ cuyal phát hập lứq ẽn. Ngkíq máh cũai dững tuoc hếq voang asẽng nheq máh crớng alới patiang tâng dõq. Alới ẽq tuoc cõt nghêl. ¹⁹ Chơ máh tangái pra ẽn, hếq voang dếh aroâiq cớp sarva tâng dõq. ²⁰ Sa-ữi tangái chơ, hếq tở bữn hữm noâng moat mandang cớp mantỏ; yuaq rapuq hập lứq. Hếq tở bữn ngcuang tẽq bữn tamooing noâng.

²¹ Khoiq sa-ũi tangái chơ hếq tở bữn chi-cha ntróu. Ngkíq Phaulô tayúng yáng moat nheq cũai tâng tuoc hếq, cớp án atõng alóí ki neq: “Sẽm ai ơi! Khân anhia trĩh parnai cúq atõng tẽ nhũang, anhia tở bữn loõh tẽ cõn Crêt ki. Chơ hái tở bữn ramóh tũh coat nâi, cớp cớng hái la tở bữn pút. ²² Ma sanua anhia chõĩ ngcõh ntróu. Nheq náq hái ca õt tâng tuoc nâi tở bữn noau cuchĩt. Ma pút õng tuoc sâng. ²³ Anhia khoiq dáng chơ cúq la cũai táq ranáq Yang Sursĩ. Sadâu mahái bữn ranẽng Yang Sursĩ tẽ paloõng toâq pở cúq. ²⁴ Án atõng cúq neq: ‘Phaulô ơi! Mớĩ chõĩ ngcõh ntróu. Cớq mớĩ ramóh puo Rôma. Cõ Yang Sursĩ ayooq lứq mớĩ, ngkíq án chuai nheq tũh cũai ca õt parnoi cớp mớĩ tâng tuoc nâi, yõn tở bữn cuchĩt.’ ²⁵ Ngkíq sẽm ai ơi, anhia chõĩ ngcõh ntróu. Cúq sa-âm samoât samớĩ máh santoiq Yang Sursĩ ữq cớp cúq. Lứq án táq nheq máh ốc ki. ²⁶ Ma cuyal nâi lứq dũng hái toâq pở muoi cõn; chơ hái raclõng nheq chu cõn ki.”

²⁷ Nheq muoi chít la pỏn tangái cuyal dũng tũng-tooc tuoc hếq pỏq tâng dõq mút Atria-tic. Tâng sadâu muoi chít la pỏn, cheq muoi mpút, cũai dũng tuoc hếq chanchóm tuoc khoiq cheq toâq tor chơ. ²⁸ Ngkíq alóí chiaq dõq, yoc ẽ dáng maléq yarũ. Toâq alóí dáng dõq ki yarũ bar chít achoang. Alóí pỏq bĩq ẽn, alóí chiaq sĩa, chơ alóí dáng dõq ki yarũ muoi chít la sõng achoang. ²⁹ Alóí ngcõh tuoc hếq clủh tamáu, chơ cõt pacháh. Alóí bữn pỏn cõc tac ntâng, ngkíq alóí chỏq panũar; chơ alóí apỏng tac ki tẽ soi tuoc tâng dõq, ẽq tuoc õt dõng muoi ntỏq. Cớp alóí câu níc ẽq yõn poang cháĩ. ³⁰ Máh cũai ca

dũng tuoc hếq asẽng loah tuoc cõt tâng dõq. Alóí pai alóí yoc ẽ apỏng cõc tac canõh hỡ tâng dõq cheq plờ tuoc. Ma alóí táq nan sâng, ốc lứq la alóí ẽ lủh luoiq tẽ tuoc. ³¹ Ma Phaulô atõng nheq máh tahan tâng tuoc hếq neq: “Khân cũai dũng tuoc hái ma tở bữn õt níc tâng tuoc, nheq tũh anhia lứq cuchĩt nheq.”

³² Ngkíq cũai tahan cút panũar noau chỏq tuoc cõt ki; chơ alóí táh loâng.

³³ Sadâu ki khoiq cheq ẽ poang, Phaulô atõng yõn nheq náq cũai tâng tuoc ki chi-cha dõĩ. Án pai neq: “Khoiq nheq muoi chít la pỏn sadâu chơ anhia tở bữn cha ntróu. ³⁴ Cúq sẽq anhia cha yõn tẽq anhia tamoong. Lứq samoât anhia tở bữn bớch chũl ntróu.”

³⁵ Moâm Phaulô pai ngkíq, án ỉt bẽng; chơ án câu sa-õn Yang Sursĩ yáng moat nheq tũh cũai tâng tuoc ki. Moâm ki án pỉh bẽng, cớp án cha. ³⁶ Tở alóí ki hũm Phaulô táq ngkíq, alóí sâng bũi tẽ tâng mút alóí. Ngkíq alóí cha tẽ. ³⁷ Tâng tuoc hếq bữn bar culám tapul chít tapoât náq. ³⁸ Moâm nheq tũh cũai ki cha pasâi, chơ hếq apỏng táh nheq saro tẽ tuoc, ẽq yõn tuoc cõt nghẽ loah.

Tuoc Ki Cõt Pacháh Chít

³⁹ Toâq poang tarũp, nheq tũh cũai tâng tuoc hếq tở bữn noau dáng thảng tor ki. Ma cũai dũng tuoc hũm muoi ntỏq viq ving tâng tor ki. Alóí cutóng dũng tuoc amut tâng viq ving ki. ⁴⁰ Alóí cút táh chít panũar chỏq cõc tac yõn satooh chít tâng dõq. Cớp alóí leh chít acán abiat tuoc ki. Alóí chõn yoang loah aroàiq tâng plờ tuoc yõn cuyal clủh dũng, ẽq tuoc hếq pỏq tanoang chu tor ntỏq bữn viq ving ki. ⁴¹ Ma tuoc hếq cål

tâng chũah. Chơ samoat noau chi-chít p̄l̄ tuoc tâng chũah tưng loâng. Cớp yoah soi tuoc đờq lampoáp níc; chơ táq yỗn soi tuoc cõt pacháh nheq.

⁴² Ngkíq tahan tâng tuoc hếq, alóí chanchóm yoc ẽ cachĩt nheq máh cũai tũ tâng tuoc ki. Alóí ngcõh cũai tũ ki lồi chu tor; chơ lủh chíq chu canõh. ⁴³ Ma cũai sốt tahan ki, án tở ẽq noau cachĩt Phau-lô. Ngkíq án tở yỗn tahan cachĩt máh cũai tũ. Chơ, án ớn máh cũai tâng tuoc, aléq dáng lồi, ki pống nhũang cớp lồi chu tor. ⁴⁴ Máh cũai tở dáng lồi, án ớn alóí ỉt pian cớp cớng ca chuai yỗn alóí têq lồi amut chu tor. Ngkíq nheq náq hếq toâq nheq pở tor. Aléq la tở bữn bớc chũl ntróu mỗ.

28

Phau-lô Ớt Tâng Cỗn Mal-ta

¹ Tữ hếq toâq pở tor cỗn, noau atõng hếq ramứh cỗn ki la Mal-ta. ² Máh cũai ớt tâng cỗn ki ayooq táq lứq hếq. Paloõng noâng mia, alóí hữm hếq sangết lứq. Ngkíq alóí chuaq ùih parlứng, chơ alóí nhúq yỗn hếq nghẽng. ³ Phau-lô chuaq ùih tê. Toâq án ẽ chóq tâng tapéh, bữn muoi lám cusân loõh tể nũiq ùih ki, chơ tot atĩ án, tở bữn táh noâng. ⁴ Toâq cũai tâng cỗn ki hữm Phau-lô ayõng cusân tot atĩ án, manoaq atõng manoaq neq: “Cõh lơ cũai nâi khoiq cachĩt cũai. Ngkíq yiang yỗn án cóq cuchĩt tê. Án vót tể đờq, ma án cuchĩt na cóh ẽn.”

⁵ Ma Phau-lô trutrẻh cusân ki apõng tâng tapéh ùih, cớp atĩ án tở bữn a-ĩ ntróu. ⁶ Cũai tâng cỗn ki nhẽng, cớp alóí tểng atĩ án cõt áih, chơ án đóm cuchĩt toáp. Alóí ớt cloân nhẽng đũn lứq, ma Phau-lô tở bữn pân ntróu. Chơ alóí pai neq ẽn: “Cũai nâi lứq yiang.”

⁷ Cũai sốt cỗn ki la ramứh Pupliu. Chơ ntõq hếq ớt tâng tor đờq mút ki, cũai sốt bữn tâm cutểq la-a. Ngkíq án tabõp tabéh hếq o lứq, cớp án yỗn hếq ớt cớp án pái tangái. ⁸ Mpoaq Pupliu a-ĩ cutâu tở cớp a-ĩ ayoam hỡ. Ngkíq Phau-lô mút tâng clõng mpoaq Pupliu bếq, cớp câu chuai yỗn án. Án satoaq atĩ tâng tở achuaih ki; chơ mpoaq Pupliu cõt bán toáp. ⁹ Tữ máh cũai tâng cỗn ki sâng ngkíq, alóí ca bữn a-ĩ toâq pở Phau-lô. Cớp nheq tữh alóí cõt bán tê. ¹⁰ Ngkíq máh cũai tâng cỗn ki tabõp tabéh cớp yám noap hếq. Cớp toâq tangái hếq ẽ loõh tể cỗn ki, alóí thữan sa-ũĩ lứq cớng chuai hếq.

Phau-lô Toâq Pở Vil Rô-ma

¹¹ Hếq ớt tâng cỗn ki nheq pái casâi. Vót ki hếq chõn tâng muoi lám tuoc ca toâq tể vil Alec-santri. Tuoc nâi bữn ramứh Yiang Cartuan. Tuoc nâi khoiq ớt tâng cỗn ki yỗn nheq máh casâi sangết. ¹² Chơ hếq toâq pở vil Sura-cusơ, cớp ớt ngki pái tangái. ¹³ Tể vil ki hếq pởq na tuoc chu vil Rêc-yum ẽn. Máh tangái parnỡ cuyal phát tể cũ tuoc, ngkíq bar tangái sâng hếq toâq toáp pở vil Puti-uli. ¹⁴ Toâq hếq sểng tể tuoc, hếq ramóh cũai tể tốp sa-âm Yê-su tâng vil ki. Alóí sểq tốp hếq ớt cớp alóí tapul tangái. Moâm ki hếq pởq tâng rana pởq chu vil Rô-ma. ¹⁵ Tốp puai Yê-su tâng vil Rô-ma khoiq sâng han hếq toâq. Chơ alóí pởq cớq hếq dĩ ria rana. Muoi tốp tể alóí ramóh hếq tâng vil Đõng Apiu. Muoi tốp ẽn ramóh hếq tâng vil noau đờq Pái Ntõq Cũai Rlu. Tữ Phau-lô hữm cũai tể tốp puai Yê-su, án sa-õn Yiang Sursĩ, cớp mút án cõt sabóng loah.

Phau-lô Atông Tể Yê-su Tâng Vil Rô-ma

¹⁶ Ớt vil Rô-ma, cūai sôt tahan yỗn Phau-lô tềq ớt n্তóq aléq án sâng yoc ể ớt. Ma noâng bữn cūai tahan kĩaq níc án. ¹⁷ Từ hếq ớt tâng vil Rô-ma khoiq pái tangái, Phau-lô arô máh cūai sôt tốp I-sarel tâng vil ki toáq pở án; chơ án atông alóí neq: “Sễm ai ói! Cúq tở bữn táq lóih ntróu chók cūai hái. Cóp cúq tở bữn táh máh phễp rit tống toiq hái tể mbốq atông. Ma alóí chống ể cốp cúq tâng vil Yaru-salem, cốp chiau cúq pở cūai Rô-ma. ¹⁸ Máh cūai Rô-ma blóh cúq tể ranáq cúq táq. Ma alóí tở bữn ramóh muoi óc ntróu tềq cachit cúq. Ngkíq alóí yoc ể acláh cúq. ¹⁹ Ma cồ tốp I-sarel tở ểq noau acláh cúq, ngkíq yuaq cúq sếq puo Rô-ma ển parchin cúq. Ma cúq tở bữn cauq ntróu cūai hái. ²⁰ Ngkíq cúq arô anhia toáq pở nài cồ cúq yoc ể ramóh anhia. Cóp cúq yoc atông anhia dáng samoat samoi tể cúq. Yuaq cúq sa-âm án ca nheq tữh cūai I-sarel ngcuang, ngkíq noau chốq cúq toáq sái-sô nài.”

²¹ Moâm Phau-lô atông ngkíq, tốp I-sarel ta-đi án neq: “Hếq tở bữn roap choaiq ntróu tể cruang Yudê atông tể mới. Cóp hếq tở bữn sâng noau voóq ntróu tể mới. ²² Ma hếq sâng dót lứq, tâng dũ vil noau pai sâuq tể tốp sa-âm Yê-su. Ngkíq sanua hếq yoc ể tamúng tể mới, nốq mới chanchóm tể óc ki.”

²³ Alóí pruum pởq rôm loah tangái ntun ển cốp Phau-lô. Chơ toáq tangái ki bữn sa-ũi lứq ển cūai I-sarel toáq rôm tâng đống Phau-lô chang. Tể tarup toau toáq tabữ Phau-lô atông alóí tể Yiang

Sursi táq sôt. Án atông alóí tể phễp rit Mói-se, cốp tể saráq cūai tang bốq Yiang Sursi khoiq chĩc tể mbốq. Án ểq alóí dáng, chơ sa-âm Yê-su. ²⁴ Tể tốp I-sarel ki, bữn alóí ca noap parnai Phau-lô atông. Ma bữn alóí ca tở ểq noap. ²⁵ Tốp I-sarel tở bữn pruum muoi mút. Chơ alóí loỏh, ma Phau-lô atông ển chók alóí neq: “Máh parnai Ê-sai atông tang Ravieci Yiang Sursi tể mbốq chók achuc achiac hái, parnai ki lứq p̄ieiq. Án atông neq: ²⁶ ‘Mói cốp pởq atông tốp I-sarel nài neq:

“Lứq anhia tamúng níc, ma anhia tở bữn sâng.

Anhia nhêng níc, ma anhia tở bữn hữm.”

²⁷ Yuaq cūai nài bữn mút coang, ngkíq alóí cupat chíq cutừ, tở ểq sâng.

Cóp alóí canhit chíq moat, tở ểq hữm.

Khân moat alóí hữm, cutừ alóí sâng, cốp mút pahôm alóí dáng,

cõh lơ alóí ể pih loah lêq cõt mút tamái ển;

chơ cúq tahau yỗn alóí cõt bán.’”*

²⁸ Phau-lô atông tốp I-sarel ki ển neq: “Sanua cóq anhia dáng yỗn samoat, parnai o tể Yê-su Crít toáq pở cūai tở cõn cūai I-sarel hỡ. Alóí yoc lứq tamúng, cốp alóí noap ít parnai nài.”

²⁹ Moâm Phau-lô pai ngkíq, nheq tốp I-sarel ki loỏh tể n্তóq ki, chơ alóí rasuon loah tể ngê Phau-lô atông.*

³⁰ Chơ Phau-lô ớt tâng đống án chang ki nheq bar cumo. Cóp án tabởp o lứq nheq tữh cūai ca toáq pở án. ³¹ Án atông clóq lứq tể parnai Yiang Sursi táq sôt. Cóp án atông parnai o tể Yê-su Crít,

* 28:27 28:27 Ê-sai 6:9-10 * 28:29 28:29 Sa-ũi tâm saráq tiaq tở bữn bữn rana 29 nài.

Ncháu hái, hỡ. Tỡ bữn cũai aléq
catáng án.

Choaiq Thở Phau-lô Chĩc Yỗn Cũai Tâng Vil Rô-ma Santoiq Atỡng

Phau-lô chĩc choaiq thờ nãi coiq yỗn cũai sa-âm ốt tâng vil Rô-ma. Án chĩc choaiq thờ nãi sám 57 toaiq 58 cumo ntun Yê-su canốt. Phau-lô pai án yoc ẽ táq ranáq Yiang Sursĩ tâng vil Rô-ma; vót ki án yoc ẽ pởq atỡng parnai Yiang Sursĩ chu cruang Sapên hỡ.

Dâu lứq Phau-lô chĩc bĩq đởq carbán alói; moâm ki án atỡng máh cũai sa-âm tâng vil Rô-ma dáng án câu níc yỗn alói. Cóp án atỡng cũai I-sarel cóp cũai tở cởn cũai I-sarel dáng cóq alói cởt ratoi loah cóp Yiang Sursĩ nỡ tể Yê-su Crít, cở tian dũ náq cũai ốt yong tể Yiang Sursĩ cóp táq sũl ốc lỏih nheq. Phễp rit I-sarel tở tẻq chuai amoong cũai.

Thở nãi Phau-lô chĩc đởq catoaih máh cũai sa-âm cóq táq nỏq yỗn cởt tanoang o choâng moat Yiang Sursĩ. Tâng thờ nãi Phau-lô atỡng samoat lứq la dũ náq cũai tẻq ốt tanoang o yáng moat Yiang Sursĩ ống nỡ alói sa-âm Yê-su Crít sâng. Cóp cũai tẻq bữn tamooong tamái la nỡ tể ốt ratoi cóp Yê-su. Raviei Yiang Sursĩ chuai cóp ayông cũai sa-âm yỗn tẻq alói bữn ốc ien khẻ cóp ốc bũi hỡ tâng đỏi tamooong alói.

¹ Cứq la Phau-lô chĩc choaiq thờ nãi coiq sa-óh anhia. Cứq la cũai táq ranáq yỗn Yê-su Crít. Yiang Sursĩ toạp ruroh cứq táq ranáq ayũng atĩ Yê-su cóp arô cứq yỗn atỡng parnai o tể án. ² Tể mbỏq Yiang Sursĩ ỹq yỗn parnai o nãi na cũai tang bởq án chĩc ốc nãi tâng Tâm Saráq Yiang Sursĩ. ³ Parnai o

nãi atỡng tể Con Yiang Sursĩ. Con Yiang Sursĩ cởt machớng con cũai tẻ tâng cutẻq nãi. Án lứq toaiq tể tởng toiq puo Davít. ⁴ Vót Con Yiang Sursĩ cuchĩt, án tamooong loah cở nỡ Raviei Yiang Sursĩ bữn chớc toar lứq. Ngkĩq noau dáng samoat samoi án la lứq Con Yiang Sursĩ. Con Yiang Sursĩ nãi la Yê-su Crít, Ncháu hái. ⁵ Nỡ án, Yiang Sursĩ chuai miat cứq, cóp yỗn cứq bữn táq ranáq ayũng atĩ án yỗn cũai dũ cruang sa-âm cóp trĩh án. ⁶ Anhia la tởp ki tẻ, yuaq Yiang Sursĩ đởq anhia la tởp sa-âm Yê-su Crít. ⁷ Ngkĩq cứq chĩc choaiq nãi coiq sa-óh anhia tâng vil Rô-ma. Yiang Sursĩ ayooq lứq anhia. Án đởq anhia la tởp sa-âm án. Cứq sẻq Yiang Sursĩ, Mpooaq hái, cóp Yê-su Crít, Ncháu hái, chuai anhia, yỗn anhia ốt bán sũn ien khẻ níc.

Phau-lô Yoc Ễ Sa-óh Vil Rô-ma

⁸ Dâu lứq, cứq sa-ỡn Yiang Sursĩ cứq sang, nỡ Yê-su Crít, cở anhia khiq sa-âm. Máh santoiq atỡng tể anhia sa-âm khiq parhan tâng dũ cruang. ⁹ Yiang Sursĩ khiq dáng chớ máh parnai cứq câu níc yỗn anhia. Cứq táq ranáq yỗn Yiang Sursĩ, cóp cứq atỡng parnai o tể Con án nheq rangứh rahỡ cứq. ¹⁰ Cứq câu sẻq níc tể Yiang Sursĩ yoc ẽ pởq sa-óh anhia. Khãn Yiang Sursĩ yỗn, tở bữn dũn noâng cứq lứq pởq chu ntỏq anhia ốt. ¹¹ Cứq ẻr áiq lứq yoc ẻ ramóh anhia, yuaq cứq yoc atỡng anhia tể ngẻ Yiang Sursĩ khiq yỗn cứq dáng, đởq anhia tẻq sa-âm pacái hỡn ẻn. ¹² Táq ngkĩq, hái manoaq chuai manoaq. Cứq atỡng chuai anhia, cóp anhia atỡng chuai cứq. Ngkĩq hái sa-âm pacái lứq ẻn. ¹³ Sẻm ai ơi! Cứq yoc anhia dáng cứq chanchớm ẻ

toàq pở anhia sa-ũi trỗ chơ, ma cứq tở yũah bữn pởq. Cứq yoc lứq máh ranáq cứq táq yỗn cõt palai tâng tốp anhia, machớng cốp cũai canỏh tẽ, alỏi ca tở cởn cũai I-sarel. ¹⁴ Cứq tu dũ náq cũai ca cứq tở yũah atỡng parnai o tẽ Yiang Sursĩ. Cỏq cứq atỡng máh cũai Créc cốp máh cũai tở cởn cũai Créc. Cỏq cứq atỡng máh cũai rangoaiq cốp máh cũai sacũl. ¹⁵ Yuaq ngkĩq, cứq ẽr áiq lứq yoc atỡng parnai o tẽ Yiang Sursĩ yỗn anhia ỏt tâng vil Rô-ma tẽ.

Yiang Sursĩ Chuai Amoong Hái Cỗ Nhơ Hái Sa-âm

¹⁶ Cứq tở bữn casiet táq ntrứu atỡng parnai o tẽ Yê-su Crít, yuaq Yiang Sursĩ bữn chớch chuai amoong cũai cỗ nhơ parnai ki. Cũai alẻq ma sa-âm samoỏt samỏi parnai ki, lứq Yiang Sursĩ chuai amoong cũai ki. Dâu lứq Yiang Sursĩ chuai amoong cũai tẽ tốp I-sarel. Ntun ẽn, án chuai amoong cũai tở cởn cũai I-sarel hỡ. ¹⁷ Parnai o nài atỡng hái ỏc ntrứu hái táq yoc ẽ ỏt tanoang o yáng moat Yiang Sursĩ. Khần hái yoc ẽ ỏt tanoang o yáng moat Yiang Sursĩ, hái cỏq sa-âm. Moâm ki hái sa-âm pacái lứq ẽn. Tâng tâm saráq Yiang Sursĩ tẽ mbỏq noau khoiq chớch chơ neq:

“Máh cũai tanoang o, lứq alỏi bữn tamooing,

cỗ nhơ alỏi sa-âm Yiang Sursĩ samoỏt samỏi.”✧

Dũ Náq Cũai Bữn Lỏih

¹⁸ Yiang Sursĩ ỏt tâng paloỏng. Án sâng ũan lứq chỏq cũai bữn lỏih cốp táq níc ranáq sảuq. Máh cũai ki pupát chớq ỏc pẻiq cỗ tian alỏi táq níc ranáq tở o. ¹⁹ Tở cởn alỏi tở bữn dáng ỏc pẻiq tẽ Yiang Sursĩ. Yuaq Yiang Sursĩ khoiq apáh chơ ỏc ki yỗn alỏi. ²⁰ Moat

cũai lứq tở tẻq hữm Yiang Sursĩ tở la chớch án. Ma tẻq alỏi hữm máh ramủh án khoiq tẻng. Ngkĩq alỏi tẻq dáng raloaih ỏng Yiang Sursĩ toỏp bữn chớch toỏr clũi neq tẻ canỏh, noap tẻ tangái án tẻng paloỏng cutẻq toau toỏq sanua. Cốp alỏi tở tẻq suon pai alỏi tở dáng ntrứu tẻ Yiang Sursĩ. ²¹ Lứq alỏi khoiq dáng tẻ Yiang Sursĩ, ma alỏi tở bữn noap án la Yiang Sursĩ. Cốp alỏi tở bữn sa-ỏn án. Ma alỏi chanchỏm níc tẻ ỏc tở bữn cõt kia ntrứu. Ngkĩq mút sacũl alỏi cõt sacũl lứq ẽn. ²² Alỏi pai alỏi la rangoaiq, ma lứq samoỏt alỏi sacũl lứq. ²³ Yiang Sursĩ tở nai pút. Ma noỏng alỏi tở ẻq sang án. Alỏi yoc ẻ sang rup cũai, rup chỏm, rup cusân, cốp rup charán canỏh hỡ. Ma máh ramủh ki lứq cuchít.

²⁴ Ngkĩq Yiang Sursĩ calỏih alỏi, cốp yỗn alỏi táq ranáq sảuq puai mút alỏi yoc. Ngkĩq alỏi táq ỏc sảuq salẻh lứq manoaq táq tở o chỏq tở manoaq. ²⁵ Alỏi táh chớq ỏc pẻiq tẻ Yiang Sursĩ; chơ alỏi yỏng ỏc tở pẻiq ẽn. Alỏi sa-âm cốp sang crớng Yiang Sursĩ tẻng. Ma alỏi tở bữn sang Yiang Sursĩ, án ca tẻng túc culám khám ramủh. Ỏng Yiang Sursĩ toỏp hái cỏq khẻn mantái níc. Amen.

²⁶ Ngkĩq Yiang Sursĩ calỏih alỏi yỗn alỏi tẻng táq puai mút sảuq alỏi yoc. Bữn máh mansẻm tở ẻq bẻq noỏng cốp samiang. Ma alỏi yoc ẻ bữn mansẻm ratuaq mansẻm. ²⁷ Máh samiang la machớng ki tẻ. Alỏi tở ẻq ẻ bữn noỏng mansẻm. Ngkĩq mút pahỏm alỏi dec-padẻc yoc ẻ táq ranáq sảuq, yoc ẻ bữn samiang ratuaq samiang. Cỗ tian alỏi táq ranáq sảuq ngkĩq, alỏi roap tởt

yõn tở alóí bũm.

²⁸ Yuaq alóí tở ẽq Yiang Sursĩ ndõm mút pahõm alóí, ngkíq Yiang Sursĩ calõih alóí yõn ngê sâuq ẽn ndõm mút pahõm alóí. Ranáq alóí táq tở bũn cõt kia ntróu. ²⁹ Mút pahõm alóí bũn moang ốc sâuq. Alóí loài lứq; alóí ham cớng noau; alóí táq sâuq chóq yóu; alóí manoaq sa-on tẽ manoaq; alóí cachĩt cũai; alóí ralõih; alóí cakéq; alóí kêt yóu; alóí voõq sâuq yóu; ³⁰ alóí pai santoiq sasruc; alóí kêt Yiang Sursĩ; alóí lóc-lár yóu; alóí ẽq cũai canõh achưng alur cốp khẽn alóí; alóí khếuq lứq táq ranáq sâuq; alóí tở bũn trĩh parnai mpiq mpoaq; ³¹ alóí sacũl lứq; alóí ữq tư sâng; alóí ốq mút ayoõq yóu; alóí tở bũn sâng sarũiq táq yóu. ³² Alóí khoiq dáng chơ Yiang Sursĩ anoat cũai táq ngkíq cóq cuchĩt. Ma nõng alóí tở ẽq táh ranáq ki, cốp alóí sâng bũi yõn yóu táq ngkíq tẽ.

2

Yiang Sursĩ Rablớh Dũ Náq Cũai

¹ Ngkíq anhia chõĩ chanchóm Yiang Sursĩ tở bũn rablớh anhia. Anhia đốq tểq cũai canõh táq lóih, ma toâq anhia toâp táq lóih, la machớng anhia tểq tở anhia bũm. ² Háĩ dáng chơ Yiang Sursĩ rablớh máh cũai táq ranáq ngkíq; cốp Yiang Sursĩ rablớh p̄ieiq lứq. ³ Anhia tểq cũai canõh táq lóih, ma anhia táq machớng ki tẽ, anhia chõĩ chanchóm Yiang Sursĩ tở bũn rablớh anhia. ⁴ Yiang Sursĩ sarũiq táq anhia sa-ũĩ lứq, cốp án tanhĩr nic anhia. Ma nõq anhia nõng yoc sadẽng ốc ki? Yiang Sursĩ sarũiq táq anhia cõ án yoc anhia ngin lóih lêq cõt mút tamái ẽn. ⁵ Anhia bũn mút coang lứq,

tở ẽq tamứng Yiang Sursĩ cốp tở ẽq ngin lóih. Táq ngkíq la samoát anhia parõm đốq máh ốc lóih yõn toau toâq tangái Yiang Sursĩ rablớh nheq tũh cũai. Tangái ki, Yiang Sursĩ lứq apáh án rablớh tanoang lứq dũ náq cũai. ⁶ Tang tangái ki, Yiang Sursĩ lứq culáh cóng yõn dũ náq cũai, puai loah máh ranáq alóí khoiq táq. ⁷ Bũn cũai cutóng nic táq ranáq o cõ alóí yoc lứq õt ntốq ang-ũr cốp Yiang Sursĩ. Alóí yoc án khẽn alóí, cốp yõn alóí tở bũn cuchĩt. Máh cũai ki Yiang Sursĩ yõn tamoong mantái nic. ⁸ Ma bũn cũai bũn mút pahõm đốq rasuon loah. Alóí tở ẽq trĩh ốc p̄ieiq. Alóí yoc ẽ trĩh ống ốc tở p̄ieiq sâng. Yiang Sursĩ sâng cutâu mút lứq chóq cũai ki, cốp án ũan lứq chóq alóí. ⁹ Tangái ki ốc bap cốp ốc ngua toâq p̄õ dũ náq cũai ca táq ranáq sâuq. Dâu lứq ốc nâi toâq p̄õ máh cũai I-sarel; ntun ẽn ốc nâi toâq p̄õ máh cũai tở cõn cũai I-sarel hõ. ¹⁰ Ma máh cũai táq ranáq o, Yiang Sursĩ yõn alóí õt cốp án. Án khẽn alóí, cốp án yõn alóí õt ien khẽ nic. Dâu lứq ốc nâi toâq p̄õ máh cũai I-sarel; ntun ẽn ốc nâi toâq p̄õ máh cũai tở cõn cũai I-sarel hõ. ¹¹ Yuaq yáng moat Yiang Sursĩ dũ náq cũai la lĩ-ralĩ nheq.

Háĩ Cóq Trĩh Phếp Rit Yiang Sursĩ

¹² Cũai tở cõn cũai I-sarel tở bũn dáng phếp rit Yiang Sursĩ atõng na Mõi-se. Khãn alóí ma táq lóih, tở bũn ntróu alóí dáng tở la tở bũn dáng tẽ phếp rit Mõi-se. Yiang Sursĩ nõng rablớh cốp táq alóí. Cốp máh tốp I-sarel ca dáng chơ phếp rit Mõi-se, toâq alóí táq lóih, Yiang Sursĩ rablớh cốp táq alóí puai phếp rit Mõi-se. ¹³ Yuaq cũai tở bũn õt tanoang o yáng moat Yiang Sursĩ cõ alóí

dáng phếp rit Yiang Sursĩ yõn na Mòi-se. Ma lứq samoât, cũai õt tanoang o yáng moat Yiang Sursĩ cõ alóí trĩh phếp rit ki. ¹⁴ Cũai tở cõn cũai I-sarel, alóí tở bữn bữn phếp rit Mòi-se. Ma toâq mút pahõm alóí chanchóm ẽ táq ranáq o, ốc chanchóm ki cõt samoât phếp rit yõn alóí. ¹⁵ Cũai aléq táq ngkíq, ki alóí apáh alóí bữn phếp rit táng mút pahõm alóí. Cóp sarnóm alóí bữm apáh ngkíq tê, yuaq sarnóm alóí tểq tở la bẻng ranáq alóí táq. ¹⁶ Máh ramứh ki, Yiang Sursĩ ẽ apáh nỡ-ra toâq tangái án yõn Yê-su Crít rablớh nheq tữh cũai. Tangái ki án rablớh máh ốc cutooq táng mút pahõm cũai.

Tốp I-sarel Cóp Phếp Rit Yiang Sursĩ

¹⁷ Ma máh anhia ca ngin anhia la cũai I-sarel, cõ anhia ưo tể phếp rit Yiang Sursĩ, cóp anhia pai mantoâr anhia õt cheq Yiang Sursĩ. ¹⁸ Anhia pai anhia khoiq dáng chơ ranáq Yiang Sursĩ yoc anhia táq, cóp anhia dáng rườh sâuq cóp o, yuaq anhia khoiq rien phếp rit Mòi-se. ¹⁹ Anhia chanchóm anhia la cũai ayông cũai sũt moat, alóí ca tở yũah dáng tể ngê Yiang Sursĩ. Anhia pai anhia la samoât tabong yõn alóí ca õt táng ntốq canám. ²⁰ Anhia chanchóm anhia la máh thài atõng cũai sacũl, alóí ca tở yũah dáng ntróu tể ngê Yiang Sursĩ. Cóp anhia cõt samoât thài atõng carnẽn, yuaq anhia atõng cũai yõn dáng bĩq sâng tể ngê Yiang Sursĩ. Anhia pai ngkíq, yuaq anhia chanchóm cõ anhia bữn phếp rit Yiang Sursĩ, anhia dáng cóp sapúh dù ốc. ²¹ Anhia atõng cũai canõh, ma anhia tở bữn atõng yõn tở anhia bữm. Anhia atõng cũai canõh: “Chõĩ

tutuoig!” Ma anhia toâp tutuoig. ²² Anhia atõng cũai canõh: “Chõĩ ỉt lacuoi noau!” Ma anhia toâp ỉt lacuoi noau. Anhia pai anhia sâng a-ỉ lứq táng mút toâq cũai canõh sang máh rup atĩ cũai táq, ma anhia toâp mut tuoig ỉt rup ki tể đống sang alóí. ²³ Anhia khẽn tở bữm, pai anhia bữn phếp rit Yiang Sursĩ, ma anhia tở bữn trĩh phếp rit ki. Ngkíq anhia táq yõn Yiang Sursĩ casiet táq. ²⁴ Tâm saráq Yiang Sursĩ tể mbốq khoiq pai tể anhia cũai I-sarel neq: “Cõ tian anhia, ngkíq máh cũai tở cõn cũai I-sarel ma mumat Yiang Sursĩ.”

²⁵ Anhia tốp I-sarel đốq táq rit cút đốq apáh anhia puai ngê Yiang Sursĩ. Khân anhia trĩh phếp rit Yiang Sursĩ, tểc ki lứq cõt kia yõn anhia. Ma khân anhia tở bữn trĩh phếp rit ki, tểc anhia táq ki tở bữn cõt kia ntróu. ²⁶ Máh cũai tở cõn cũai I-sarel tở bữn táq tểc ki. Ma khân alóí trĩh phếp rit Yiang Sursĩ, Yiang Sursĩ nhềng chu alóí samoât alóí bữn tểc ki tê. ²⁷ Anhia tốp I-sarel bữn tâm saráq phếp rit Yiang Sursĩ chơ, cóp anhia táq rit cút đốq apáh anhia puai ngê Yiang Sursĩ. Ma noâng anhia tở bữn trĩh phếp rit Yiang Sursĩ. Ma alóí ca tở cõn tốp anhia, lứq alóí tở bữn táq tểc ki, ma noâng alóí trĩh phếp rit Yiang Sursĩ. Táq ngkíq alóí apáh anhia tốp I-sarel la cũai lỏih. ²⁸ Khân ngkíq, noau la lứq cũai I-sarel? Tở bữn dũ náq tể tống toiq Yacóp ca táq rit cút puai phếp rit Mòi-se, la lứq cũai I-sarel. ²⁹ Ma máh cũai sa-âm cóp trĩh samoât samoi, cũai ki la lứq cũai I-sarel yáng moat Yiang Sursĩ. Yiang Sursĩ lứq khẽn cũai ki, tở cõn cũai khẽn alóí. Cũai ki la machóng alóí bữn tểc táng mút alóí, tở cõn tểc táng tở. Tểc ki Raviei Yiang Sursĩ táq táng mút

pahõm cũai ki. Phễp rit la tở tềq táq ranáq nâi tâng mút pahõm.

3

Tờ Bữn Noau Ớt Tanoang O Yáng Moat Yiang Sursĩ

¹ Khân ngkiq, cõt cũai I-sarel bữn kia ntróu yáng moat Yiang Sursĩ tở? Cóp táq rit cút alóit bữn kia ntróu tở? ² Lứq bữn kia! Tốp I-sarel khoiq roap sa-ũi ốc toâr tễ Yiang Sursĩ. Ốc toâr clũi tễ canõh la Yiang Sursĩ yõn tốp I-sarel kĩaq tâm saráq án. ³ Lứq bữn cũai tễ tốp I-sarel tở bữn sa-âm Yiang Sursĩ, ma Yiang Sursĩ noâng táq tapun máh santonq án khoiq ữq chơ. ⁴ Tam nheq tữh cũai tâng cốc cutềq nâi táq ntõng lauq, ma hái dáng Yiang Sursĩ la lứq tanoang; án atõng moang ốc p̄ieiq sâng. Tâng tâm saráq Yiang Sursĩ tễ mbốq bữn noau khoiq chĩc tễ Yiang Sursĩ neq:

“Tềq cũai dáng anhia tanoang o toâq alóit sâng parnai anhia pai.

Toâq anhia rasũq,
anhia bữn riap níc.”*

⁵ Cũai tâng dõit yoc ẽ pai neq: “Khân hái táq ranáq lỏih, ranáq lỏih ki apáh yõn cũai dáng raloaih la Yiang Sursĩ lứq tanoang o. Ngkiq Yiang Sursĩ táq tở bữn p̄ieiq khân án táq hái cõ tian hái táq ranáq lỏih.”

⁶ Ma lứq samoât hái tở tềq pai Yiang Sursĩ táq tở bữn p̄ieiq! Khân Yiang Sursĩ tở bữn lứq tanoang, nõq tềq án rablớh nheq tữh cũai?

⁷ Bữn cũai blớh neq: “Khân cũai khễn Yiang Sursĩ, cốp alóit bữn dáng án atõng tanoang lứq cõ alóit sâng cứq atõng tở p̄ieiq, ki nõq Yiang Sursĩ tềq cứq táq lỏih?”

⁸ Chơ bữn án ca ẽ pai neq: “Ấu! Háit táq sâuq palứq! Ngkiq noau bữn khễn Yiang Sursĩ sa-ũi hõn ẽn.”

Cốp bữn cũai tũn cứq, pai cứq atõng ngkiq tề. Ma nỡ-ra Yiang Sursĩ lứq táq máh cũai pai ngkiq.

⁹ Ntróu háit pai tễ máh ốc ki? Cũai I-sarel o hõn tễ cũai canõh tở? Lứq tở cõn ngkiq! Cứq khoiq atõng chơ, cũai I-sarel cốp cũai tở cõn cũai I-sarel la machóng nheq. Dũ náq la cũai lỏih. ¹⁰ Tâng tâm saráq Yiang Sursĩ tễ mbốq noau khoiq chĩc neq:

“Tở bữn noau ớt tanoang o yáng moat Yiang Sursĩ,
lứq tở va manoaq.*

¹¹ Tở bữn noau sâng cốp dáng tễ ngê Yiang Sursĩ.

Cốp tở bữn noau ravoât Yiang Sursĩ.

¹² Dũ náq alóit nguai chíq tễ Yiang Sursĩ;
chơ alóit ốq kia loâng.

Tở bữn noau táq ranáq o,
lứq tở va manoaq.

¹³ Máh sường cũai táq ntõng samoât ping cumuiq noau pớh, nsóq lứq.

Lieih alóit đốq pai ốc raphếq.

Cốp bỗq alóit aloõh santonq samoât pih cusân tur.*

¹⁴ Bỗq alóit táq ntõng moang san-toiq lóc-lár cốp ntáng ahớ.

¹⁵ Cháit lứq alóit yoc ẽ cachĩt cũai canõh.

¹⁶ Ntốq léq alóit pớq, alóit talốh ntốq ki,

cốp alóit táq yõn noau sâng ngua lứq.

¹⁷ Alóit tở dáng ớt ratoit cốp yóu.

¹⁸ Cốp alóit tở bữn ngcõh thánq Yiang Sursĩ.”*

¹⁹ Ngkiq háit dáng, Yiang Sursĩ yõn tốp I-sarel bữn phễp rit cõ án ềq alóit puai samoât samõi phễp rit ki. Yiang Sursĩ táq ngkiq yõn

* 3:4 3:4 ũat Khễn 51:4

* 3:10 3:10 ũat Khễn 14:1-3; 53:1-3

* 3:13 3:13 ũat Khễn 140:3

* 3:18 3:18 Ê-sai 59:7-8

dũ nác alóí dáng alóí bữn lóih. Cũai aléq la tở tềq suon pai án tở bữn bữn lóih. ²⁰ Ngkíq tở bữn cũai aléq tềq pai án cõt tanoang o yáng moat Yiang Sursĩ cõ nhơ án trĩh phễp rit Mòi-se. Lứq samoát, Yiang Sursĩ yỗn phễp rit ki pở nheq tữh cũai yỗn alóí dáng alóí bữn lóih.

Yiang Sursĩ Táq Yỗn Cũai Tềq Ớt Tanoang O Yáng Moat Án Cõ Nhơ Yê-su Crĩt

²¹ Ma sanua Yiang Sursĩ khoiq apáh yỗn máh cũai dáng tềq alóí ớt tanoang o yáng moat Yiang Sursĩ. Phễp rit Yiang Sursĩ yỗn na Mòi-se atởng tể óc nài. Cóp cũai tang bỗq Yiang Sursĩ tể mbỗq khoiq atởng ngkíq tề. Ma óc nài hái tở bữn bữn cõ hái puai phễp rit. ²² Yiang Sursĩ táq yỗn cũai ớt tanoang o yáng moat án cõ nhơ alóí sa-âm Yê-su Crĩt. Án táq ngkíq yỗn dĩ nác cũai sa-âm, yuaq án ayooq dĩ nác cũai lĩ-ralĩ. ²³ Dĩ nác cũai bữn lóih; ngkíq alóí tở bữn bữn roap ang-ữr tể Yiang Sursĩ. ²⁴ Ma Yiang Sursĩ chuai miat cũai yỗn tềq ớt tanoang o yáng moat án. Án yỗn Yê-su Crĩt sễng chĩl chuai alóí. ²⁵ Yiang Sursĩ yỗn Yê-su Crĩt cuchĩt tang cũai, đởq tềq án táh lóih cũai. Khãn cũai aléq noap Yê-su Crĩt cuchĩt tang alóí, ngkíq Yiang Sursĩ lứq pupứt nheq máh lóih alóí. Yiang Sursĩ táq ngkíq, đởq apáh án táq tanoang tapứng lứq bo án táh lóih yỗn cũai tể đời nhũang, yuaq Yiang Sursĩ khoiq dáng nhũang chơ nỡ-ra Yê-su lứq cuchĩt tang cũai ki. Ngkíq Yiang Sursĩ tanhĩr sâng máh lóih cũai táq tể nhũang Yê-su tở yũah cõt. ²⁶ Ma sanua Yiang Sursĩ yoc ẽ apáh án tanoang tapứng lứq. Ngkíq án táq yỗn cũai tềq ớt tanoang o yáng moat án, cõ alóí sa-âm Yê-su.

²⁷ Khãn Yiang Sursĩ khoiq táq ngkíq yỗn hái, bữn noau tềq pai án táq bữn ranác o tở? Lứq tở tềq. Cõ nốq alóí tở tềq pai ngkíq? Cõ Yiang Sursĩ tở yỗn máh cũai ớt tanoang o yáng moat án yuaq alóí trĩh phễp rit Mòi-se. Yiang Sursĩ táq yỗn máh cũai tềq ớt tanoang o yáng moat án, la cõ alóí sa-âm sâng. ²⁸ Ngkíq hái dáng samoát samởi máh cũai tềq ớt tanoang o yáng moat Yiang Sursĩ cõ nhơ alóí sa-âm, tở cõn cõ nhơ alóí trĩh phễp rit Mòi-se. ²⁹ Anhia chanchỏm Yiang Sursĩ chuai ống cũai I-sarel sâng tở? Án chuai ma tở bữn máh cũai tở cõn cũai I-sarel? Lứq samoát, Yiang Sursĩ chuai nheq tữh cũai, tở cõn ống cũai I-sarel sâng. ³⁰ Bữn ống muoi Yiang Sursĩ sâng. Tốp I-sarel tềq bữn mút tanoang o yáng moat Yiang Sursĩ, khãn alóí sa-âm. Cóp cũai tở cõn tể tốp I-sarel tềq bữn mút tanoang o yáng moat Yiang Sursĩ tề, khãn alóí sa-âm, la machỏng nheq. ³¹ Khãn hái sa-âm Yê-su Crĩt, hái pupứt chĩq phễp rit Yiang Sursĩ yỗn na Mòi-se tở? Lứq tở bữn ngkíq! Khãn hái sa-âm Yê-su, hái noap phễp rit ki la lứq pĩeiq.

4

A-praham Ớt Tanoang O Yáng Moat Yiang Sursĩ Cõ Án Sa-âm

¹ Sanua cứq yoc atởng anhia tể A-praham, la achúc achiac tốp I-sarel tể dẫu lứq. ² Khãn A-praham ớt tanoang o yáng moat Yiang Sursĩ cõ tể ranác án táq, ki tềq án khễn tở án bữm. Ma lứq samoát án tở tềq khễn ngkíq yáng moat Yiang Sursĩ. ³ Tâm sarác Yiang Sursĩ tể mbỗq khoiq pai tể A-praham neq: "A-praham sa-âm Yiang Sursĩ;

ngkíq Yiang Sursĩ noap án la cūai tanoang o.”

⁴ Cúq sacâm neq: Khân bữn cūai tuthẽ, án cóq bữn práq cóng án. Práq ki hái tở têq pai ncháu án chuai miat sâng. Ma práq ki la cóng án táq ranáq. ⁵ Ma Yiang Sursĩ chuai cūai lỏih yỏn cõt tanoang o yáng moat án, la cõ cūai ki sa-âm, tở cõn cõ nhơ cūai ki táq ranáq ntróu. ⁶ Tẽ mbỏq, puo Davĩt khoiạ atởng machớng ki tê. Án pai bốn lứq cūai ca Yiang Sursĩ khoiạ noap tanoang o, cõ nhơ alỏi sa-âm, tở cõn cõ tê ranáq alỏi táq. ⁷ Davĩt pai neq:

“Bốn lứq máh cūai ca Yiang Sursĩ táh lỏih yỏn.

Án khoiạ pul clỏp chơ lỏih alỏi,
tở bữn noau hữm noâng.

⁸ Bốn lứq cūai ca Yiang Sursĩ tở bữn noap noâng lỏih alỏi.”*

⁹ Ốc bốn nâi toạq pở ớng cūai táq rit cút tở? Tở cõn ngkíq! Ốc bốn nâi lứq toạq dẻh pở cūai tở bữn táq rit cút hỡ. Hái dáng chơ tẻ A-praham, Yiang Sursĩ noap án tanoang o la cõ án sa-âm.* ¹⁰ Bo léq Yiang Sursĩ noap A-praham tanoang o? Nhũang tở la ntun A-praham táq rit cút? Lứq Yiang Sursĩ noap A-praham tanoang o bo án tở yũah táq rit cút, tở cõn ntun án táq tẻc ki. ¹¹ Vót Yiang Sursĩ noap A-praham tanoang o, chơ A-praham táq rit cút đởq apáh mút pahỏm án tanoang o. Ma A-praham bữn mút tanoang o cõ nhơ án sa-âm, tẻ nhũang án tở yũah táq rit cút. Ngkíq A-praham cõt samoât achúc achiac cūai tở bữn táq rit cút tê, khân alỏi sa-âm Yiang Sursĩ án têq noap alỏi tanoang o. ¹² Cóp A-praham la achúc achiac máh alỏi ca táq rit cút tê. Ma án tở bữn achúc

achiac alỏi cõ alỏi táq rit cút. Ma lứq án cõt achúc achiac alỏi, yuaq alỏi sa-âm machớng án sa-âm tẻ nhũang án tở yũah táq tẻc cút.

Cūai Alẻq Yoc Ễ Bữn Ốc Yiang Sursĩ Ủạ, Cóq Án Sa-âm

¹³ Yiang Sursĩ khoiạ ửạ cóp A-praham cóp nheq tởng toiạ A-praham la Yiang Sursĩ lứq yỏn alỏi ndỏm máh cruang cutẻq nâi. Yiang Sursĩ ửạ ngkíq la cõ nhơ A-praham sa-âm, tở cõn cõ án trỉh phẻp rit Mỏi-se. Cõ nhơ A-praham sa-âm, ngkíq Yiang Sursĩ noap A-praham tanoang o. ¹⁴ Khân Yiang Sursĩ ửạ chuai ớng máh cūai ca puai phẻp rit Mỏi-se, ki tở bữn kia ntróu hái sa-âm, cóp tở bữn lứq ntróu tẻ ốc Yiang Sursĩ khoiạ ửạ cóp A-praham cóp tởng toiạ A-praham hỡ. ¹⁵ Khân cūai alẻq ma táh phẻp rit Yiang Sursĩ, lứq Yiang Sursĩ táq cūai ki. Ma khân Yiang Sursĩ tở bữn yỏn phẻp rit ntróu, ki hái tở têq pai noau bữn lỏih.

¹⁶ Máh ốc Yiang Sursĩ khoiạ ửạ cóp A-praham, lứq ốc ki toạq pở A-praham cõ nhơ án sa-âm. Yiang Sursĩ táq ngkíq, yuaq án yoc ẻ chuai miat máh tởng toiạ A-praham. Án ẻ chuai alỏi ca puai phẻp rit Mỏi-se, cóp án ẻ chuai alỏi ca sa-âm ariang A-praham sa-âm tê. Ngkíq A-praham la samoât achúc achiac đử náq cūai sa-âm. ¹⁷ Nâi la machớng noau khoiạ chẻc tẻ A-praham táng tâm saráq Yiang Sursĩ tẻ mbỏq. Noau chẻc neq:

“Cúq táq yỏn mới cõt achúc achiac sa-ửi cruang.”*

A-praham sa-âm santoiạ Yiang Sursĩ. Cóp máh ốc Yiang Sursĩ khoiạ ửạ, ốc ki lứq toạq. Yiang Sursĩ lứq chuai cūai cuchít yỏn

têq tamoong loah. Cóp Yiang Sursĩ têq táq ốc tờ bữn bữn yỗn cốt bữn. ¹⁸ A-praham khoiq vót ngư amia con, ma noâng án nguang Yiang Sursĩ yỗn án bữn con samiang, yuaq Yiang Sursĩ khoiq ữq. Ngkíq A-praham sa-âm án lứq cốt achúc achiac sa-ữi cruang, yuaq Yiang Sursĩ khoiq ữq cốp án neq: “Tổng toiq mới lứq cốt sa-ữi cruang.”* ¹⁹ A-praham khoiq thâu lứq chơ. Anhúq án cheq muoi culám cumo. Cóp Sara, lacuoi án, khoiq vót ngư amia con. Ma noâng A-praham sa-âm níc. ²⁰ Án tờ bữn tỗh yoal ntróu tâng mút pahỏm án tê ốc Yiang Sursĩ ữq cốp án. Ma án sa-âm pacái lứq. Cốp án khẻn níc Yiang Sursĩ. ²¹ A-praham dáng samoát samoi, Yiang Sursĩ têq táq máh ốc án khoiq ữq chơ. ²² Ngkíq Yiang Sursĩ noap A-praham la cũai tanoang o yáng moat án.* ²³ Tâng tâm saráq Yiang Sursĩ tễ mbốq noau khoiq chĩc neq:

“Yiang Sursĩ noap án tanoang o cỗ án sa-âm.”

Án ca khoiq chĩc ốc ki, án tờ bữn atởng tễ ống A-praham sâng. ²⁴ Ma án atởng dẻh tễ hái hữ, yuaq Yiang Sursĩ noap hái tanoang tê khân hái sa-âm Yiang Sursĩ táq yỗn Yê-su, Ncháu hái, tamoong loah tễ cuchĩt. ²⁵ Yiang Sursĩ chiau Yê-su cuchĩt cỗ tian lỏih hái. Cốp án yỗn Yê-su yuor tamoong loah yỗn hái têq ốt tanoang o yáng moat Yiang Sursĩ.

5

Hái Ớt Tanoang O, Kì Hái Bữn Ốc Ien Khẻ

¹ Yuaq Yiang Sursĩ yỗn hái ốt tanoang o yáng moat án cỗ nhơ hái sa-âm, ngkíq hái ốt muoi mút cốp Yiang Sursĩ cỗ nhơ Yê-su Crít,

Ncháu hái. ² Cỗ hái sa-âm Yê-su, ngkíq hái têq toáq sẻq pờ Yiang Sursĩ cốp nguang án chuai miat hái. Cốp hái sâng bữi lứq, yuaq hái nguang tangái hái bữn ốt cốp Yiang Sursĩ tê. ³ Tờ bữn ống ngkíq sâng, ma hái sâng bữi tê toáq hái ramóh túh coat. Yuaq hái dáng, khân hái tanhữ túh coat sanua, ốc ki arien yỗn hái rơi tanhữ ốc túh coat ntun hữ. ⁴ Khân hái rơi tanhữ ốc túh coat, Yiang Sursĩ lứq sâng bữi cốp hái. Khân hái dáng Yiang Sursĩ sâng bữi cốp hái, ngkíq hái nguang Yiang Sursĩ chuai hái. ⁵ Khân hái nguang níc ốc ki, hái tờ bữn cốt ngua ntróu, yuaq Yiang Sursĩ khoiq yỗn Raviei án ốt tâng mút pahỏm hái. Cốp Raviei Yiang Sursĩ atởng hái la Yiang Sursĩ ayooq lứq hái.

⁶ Bo hái tờ têq táq ntróu đốq chuai amoong tỗ hái bữm, lứq bo ki toáp toáq ngư Crít cuchĩt tang máh cũai lỏih. ⁷ Lỏq nác cũai rơi pruam pláih mang án đốq chuai yóu, tam yóu án la cũai mantoat. Pẻiq lờ bữn bẻq nác rơi chửuq cuchĩt tang yóu, khân yóu án lứq cũai o. ⁸ Ma hái la moang cũai lỏih, ma noâng Crít cuchĩt tang hái. Yiang Sursĩ táq ngkíq đốq apáh án ayooq hái sa-ữi lứq. ⁹ Nhơ Yê-su cuchĩt tang hái, ngkíq hái cốt tanoang o yáng moat Yiang Sursĩ. Hái tờ bữn ngỏh noâng Yiang Sursĩ táq hái tâng tangái án táq máh cũai lỏih. ¹⁰ Bo nhũang, hái par-ủal cốp Yiang Sursĩ, ma sanua hái cốt ratoi loah cốp án cỗ nhơ Con án chửuq cuchĩt tang hái. Cỗ hái ốt ratoi cốp Yiang Sursĩ, ngkíq hái nguang án chuai amoong hái cỗ nhơ Yê-su tamoong loah tễ cuchĩt. ¹¹ Ma clửi tễ ki ẻn, hái cốt bữi o cốp Yiang Sursĩ cỗ nhơ Yê-su Crít, Ncháu hái, táq yỗn hái cốt ratoi

loah cốp Yiang Sursĩ.

Adam Cốp Yê-su Crĩt

¹² Tễ dâu lứq ớc lờih toâq pở cốc cutêq nâi la cỗ tian tễ manoaq.* Cốp ớc cuchĩt toâq la cỗ tian ớc lờih ki. Ốc cuchĩt nâi toâq pláh dũ tở cũai pưn paloông cutrúq nâi, yuaq dũ náq cũai bữn lờih. ¹³ Tễ nhũang Yiang Sursĩ tở yũah yỗn phễp rit na Mỏi-se, ớc lờih khoiq bữn chơ tâng cốc cutêq nâi. Ma bo Yiang Sursĩ tở yũah yỗn phễp rit án, hái tở têq pai cũai táq lờih cỗ alóit táh phễp rit Yiang Sursĩ. ¹⁴ Ma tễ đỏi Adam toau toâq đỏi Mỏi-se, dũ náq cũai lứq cuchĩt, đễch cũai tở bữn táq lờih ariang Adam, án ca tở bữn trĩh parnai Yiang Sursĩ. Adam la ngôl yỗn nheq tữh cũai; machóng Yê-su, án ca toâq ntun la ngôl yỗn nheq tữh cũai tễ.

¹⁵ Ma bar ngôl ki tở bữn machóng. Muoi la ngôl ớc lờih; muoi la ngôl ớc chuai miat. Clứng lứq cũai cuchĩt cỗ tian Adam táq lờih. Ma toâr clữi tễ ớc ki la Yiang Sursĩ chuai miat cũai cỗ nhơ Yê-su Crĩt. Ngkíq clứng lứq cũai têq tamoong cỗ nhơ Yê-su Crĩt chuai miat alóit. ¹⁶ Yiang Sursĩ chuai miat la mpha tễ ranáq lờih Adam táq. Cỗ tian manoaq Adam táq lờih, ngkíq Yiang Sursĩ anoat dũ náq cũai cóq cuchĩt. Ma cỗ nhơ Yiang Sursĩ chuai miat hái, ngkíq tở bữn ntróu hái bữn lờih sa-ũĩ, hái têq ớt tanoang o yáng moat án. ¹⁷ Cỗ tian manoaq Adam táq lờih, ngkíq dũ náq cũai cóq cuchĩt ariang án tễ. Ma toâr clữi tễ ki la ranáq Yê-su Crĩt chuai hái. Cỗ nhơ manoaq Yê-su Crĩt, Yiang Sursĩ chuai miat hái yỗn cõt tanoang o yáng moat án. Cốp án

yỗn hái bữn tamoong parnoi tâng ntóq án sôt.

¹⁸ Ngkíq, cỗ tian tễ muoi ranáq lờih, Yiang Sursĩ ma anoat dũ náq cũai cóq cuchĩt. Machóng ki tễ, cỗ nhơ tễ muoi ranáq o, Yiang Sursĩ yỗn nheq tữh cũai têq ớt tanoang o yáng moat án, cốp yỗn alóit bữn tamoong. ¹⁹ Clứng lứq cũai cõt lờih cỗ tian manoaq Adam tở bữn trĩh Yiang Sursĩ. Machóng ki tễ, clứng lứq cũai têq ớt tanoang o yáng moat Yiang Sursĩ, cỗ nhơ manoaq Yê-su Crĩt trĩh Yiang Sursĩ. ²⁰ Yiang Sursĩ yỗn phễp rit án na Mỏi-se, yuaq án yoc ễ yỗn cũai dáng alóit bữn lờih sa-ũĩ. Tam cũai táq lờih sa-ũĩ lứq, ma Yiang Sursĩ noâng chuai miat cũai clữi tễ ớc lờih alóit khoiq táq. ²¹ Tễ nhũang, ớc lờih cõt sôt tâng mút pahôm cũai. Cỗ tian ớc lờih, ngkíq yuaq cũai cuchĩt. Ma sanua Yiang Sursĩ yỗn ớc chuai miat ễn cõt sôt tâng mút pahôm cũai. Ngkíq cũai têq bữn mút pahôm tanoang o, cốp bữn tamoong mantái níc cỗ nhơ Yê-su Crĩt, Ncháu hái.

6

Lờih Táq Yỗn Cũai Cuchĩt; Yê-su Táq Yỗn Cũai Tamoong

¹ Khân ngkíq, nỏq hái ễ pai? O hái táq lờih níc, yỗn Yiang Sursĩ têq chuai hái sa-ũĩ lứq ễn tở? ² Lứq tở p̄ieiq ngkíq! Hái la samoât cũai cuchĩt. Khân cũai khoiq cuchĩt chơ, alóit tở têq táq lờih noâng. ³ Nỏq riang pai an-hia tở bữn dáng tễ phễp rit táq batêm? Bo hái roap batêm, hái táq tếc hái bữn muoi mút cốp Yê-su Crĩt. Nâi la samoât riang hái cuchĩt cốp Yê-su tễ. ⁴ Tở hái roap batêm, la samoât hái pruum cuchĩt parnoi cốp Yê-su,

* 5:12 5:12 Cũai manoaq ki bữn ramứh Adam.

cóp samoât noau túp hái parnoi cóp Yê-su tê. Ma cõ nhơ tẽ chớc án, Yiang Sursĩ táq yõn Yê-su tamoong loah tẽ cuchĩt. Cóp án táq machóng ki tê yõn hái tẽq tamoong loah cóp cõt tamái ẽn.

⁵ Khân hái lứq pruum cuchĩt parnoi cóp Yê-su, ngkĩq hái lứq bũn tamoong loah machóng án tê. ⁶ Hái dáng samoât samoi mút tiaq hái khiq cuchĩt parnoi cóp Crĩt tâng aluang sangcáng. Bo ki Yiang Sursĩ pupút nheq ọc lỏih tẽ mút tiaq; chơ hái tỡ bũn sâng yoc ẽ táq noâng ranáq lỏih. ⁷ Khân cũai khiq cuchĩt chơ, ngkĩq yiang Satan tỡ tẽq radũng noâng án táq ranáq lỏih. ⁸ Khân hái ma cuchĩt parnoi cóp Crĩt, ngkĩq hái sa-âm hái lứq bũn tamoong loah parnoi cóp án tê. ⁹ Hái khiq dáng chơ Crĩt tamoong loah tẽ cuchĩt, cóp án tỡ nai cuchĩt noâng. Ốc cuchĩt tỡ rơi táq ntróu án. ¹⁰ Crĩt cuchĩt muoi trổ sâng đợq chuai cũai lỏih. Chơ sanua án tamoong loah đợq táq máh ranáq Yiang Sursĩ yõn án táq. ¹¹ Machóng ki tê, cóq anhia chanchóm anhia la samoât cũai cuchĩt, tỡ tẽq táq noâng ranáq lỏih. Ma cóq anhia chanchóm anhia la samoât cũai tamoong loah tê, yõn anhia táq máh ranáq Yiang Sursĩ yõn anhia táq.

¹² Chỗi yõn ọc lỏih táq sớt noâng tâng mút anhia; ngkĩq anhia tỡ bũn puai noâng rangũh anhia bũm. ¹³ Chỗi chiau tỡ anhia yõn ranáq lỏih samoât mút sấuq đợq yoc ẽ táq. Ma cóq anhia chiau tỡ anhia yõn Yiang Sursĩ, yuaq Yiang Sursĩ khiq yõn anhia tamoong loah tẽ cuchĩt, cóp án chuai anhia yõn táq ranáq tanoang o. ¹⁴ Ốc lỏih tỡ tẽq cõt sớt noâng anhia. Cóp phếp rit Mỏi-se tỡ tẽq cõt sớt noâng anhia tê. Ma lứq ọc chuai

miat tẽ Yiang Sursĩ toáp cõt sớt anhia.

Tõp Sa-âm Yê-su Yoc Ế Táq Tanoang O

¹⁵ Khân ngkĩq, nỏq hái ẽ pai? Sanua Yiang Sursĩ chuai miat hái, cóp phếp rit Mỏi-se tỡ bũn sớt noâng hái. Ngkĩq, hái tẽq táq ranáq lỏih tỡ? Lứq tỡ tẽq! ¹⁶ Nỏq riang pai anhia tỡ bũn dáng, khân anhia trĩh ngê aléq, anhia lứq cõt sũl ngê ki. Ngkĩq, khân anhia trĩh ngê sấuq, ki anhia cõt sũl yõn ngê sấuq. Chơ cóng tẽ ngê sấuq la anhia cuchĩt. Ma khân anhia trĩh ngê Yiang Sursĩ, ki anhia cõt sũl yõn Yiang Sursĩ. Cóp Yiang Sursĩ yõn anhia bũn cóng la anhia bũn mút tanoang o yáng moat án. ¹⁷ Cúq sa-õn lứq Yiang Sursĩ! Bo tẽ nhũang anhia samoât sũl yõn ngê sấuq, ma sanua anhia trĩh nheq rangũh rahõ máh ọc pĩeiq tẽ Yê-su Crĩt, ca noau khiq atõng anhia. ¹⁸ Yiang Sursĩ khiq acláh anhia tẽ cõt sũl ranáq lỏih, cóp án táq yõn anhia cõt sũl ranáq tanoang o ẽn. ¹⁹ Cúq atõng anhia toáq parnai sacâm nài ẽq anhia sâng raloaih lứq. Bo nhũang anhia chiau tỡ anhia cõt sũl táq ranáq sấuq sâng. Ngkĩq mút pahõm anhia cõt sấuq lứq ẽn. Ma sanua cóq anhia chiau tỡ anhia yõn cõt sũl ranáq tanoang o. Ngkĩq mút pahõm anhia cõt bráh o lứq.

²⁰ Bo anhia cõt sũl ngê sấuq, anhia tỡ tẽq chanchóm ntróu tẽ ranáq tanoang o. ²¹ Ngê anhia puai bo ki cõt kia ntróu? Lứq tỡ bũn cõt kia ntróu. Şanua anhia sâng casiet táq lứq cõ tian ranáq sấuq ki, yuaq cóng tẽ ngê sấuq la anhia cuchĩt. ²² Ma sanua Yiang Sursĩ khiq acláh anhia tẽ ngê sấuq. Ngkĩq, anhia cõt sũl Yiang Sursĩ ẽn. Cóng tẽ ọc ki la anhia bũn mút bráh o cóp anhia

bữn tamoong mantái níc. ²³ Yuaq cóng tể ốc lôi-h la hái cuchit. Ma Yiang Sursi chuai miat yỗn hái bữn tamoong mantái níc cũ nhơ Yê-su Crít, Ncháu hái.

7

Sacâm Tể Lacuoi Cayac

¹ Sễm ai ơi! Anhia la cũai khoiq dáng chơ tể phễp rit Mũi-se. Ngkíq anhia dáng cóq cũai trỉh phễp rit bo noâng tamoong. Khân cuchit, cũai tở bữn trỉh noâng. ² Cựq sacâm neq: Khân bữn manoaq mansễm khoiq bữn cayac, phễp rit patáp cóq mansễm ki ốt cóp cayac án toau neq đỏi cayac án. Ma vớt cayac án cuchit, mansễm ki racláh tể parnai án khoiq ừq cớt lacuoi. ³ Ngkíq, khân cayac án noâng tamoong, ma án ốt cóp samiang canỏh, lứq noau đỏq án la ‘mansễm ể cachit cayac’.* Ma khân cayac án khoiq cuchit chơ, án tở bữn táq lôi-h ntrớu khân án chuaq cayac tamái. Cóp tở bữn noau đỏq án la ‘mansễm ể cachit cayac’.

⁴ Ngkíq sễm ai ơi, anhia la machớng ki tề. Cỗ nhơ Crít khoiq cuchit, ngkíq la samoát anhia cuchit tề. Chơ phễp rit Mũi-se tở tềq pai ntrớu noâng tể anhia. Ma Crít khoiq tamoong loah tể án cuchit. Ngkíq, o yỗn anhia cớt muoi mút cóp án, đỏq anhia tềq táq ranáq o yỗn Yiang Sursi. ⁵ Bo hái tở yũah sa-âm, hái puai rangứh hái bữm. Ngkíq phễp rit Mũi-se táq yỗn mút pahỏm hái chanchỏm ể táq ranáq lôi-h sa-ũi lứq ển. Tữ hái táq ranáq ki, hái bữn cóng la hái cuchit. ⁶ Ma sanua phễp rit Mũi-se tở tềq pai ntrớu noâng hái, yuaq hái samoát khoiq cuchit chơ. Ngkíq hái tở

bữn táq noâng ranáq tiaq puai phễp rit noau khoiq chĩc chơ. Ma sanua hái táq ranáq tamái ển cũ nhơ Raviei Yiang Sursi yỗn hái bữn mút tamái.

Ốc Lôi-h Loỏh Tể Phễp Rit Tở?

⁷ Khân ngkíq, nỏq hái ể pai? Tềq hái pai phễp rit Mũi-se lôi-h tở? Lứq tở cốn ngkíq! Phễp rit ki apáh yỗn hái dáng ốc lôi-h la ntrớu. Lứq samoát, cứq tở bữn dáng cứq táq lôi-h na sa-on cumíq ể bữn cớng yỏu, khân phễp rit ki tở bữn pai neq: “Anhia chỏi sa-on cumíq ể bữn cớng yỏu.”**

⁸ Ma toát phễp rit ki apáh yỗn cứq dáng cứq táq lôi-h ham cớng noau, chơ mút cứq cớt ham sa-ũi lứq ển. Ma khân cứq tở bữn dáng tể phễp rit Yiang Sursi, cứq tở bữn dáng ốc ntrớu la lôi-h, tở la ốc tở bữn lôi-h. ⁹ Bo nhũang cứq tở yũah dáng tể phễp rit Yiang Sursi, ngkíq cứq chanchỏm cứq la cũai o. Ma toát tangái cứq dáng ốc patáp tể Yiang Sursi, tangái ki cứq dáng cứq la cũai lôi-h lứq. ¹⁰ Ốc ki la samoát cứq cuchit. Yiang Sursi yỗn ốc patáp ki yuaq án ểq cũai tềq tamoong. Ma tữ cứq dáng tể ốc patáp ki, cứq dáng cứq cóq cuchit cũ tian cứq tở bữn trỉh ốc patáp ki. ¹¹ Ốc lôi-h tâng mút pahỏm cứq phẻq yỗn cứq tở bữn trỉh ốc patáp tể Yiang Sursi. Ngkíq, ốc lôi-h nài radũng yỗn cứq cuchit.

¹² Ngkíq hái dáng phễp rit tể Yiang Sursi la lứq bráh o. Cóp máh ốc Yiang Sursi patáp la tở bữn sỏuq ntrớu, tanoang o neq. ¹³ Khân ngkíq, ốc o nài táq yỗn cứq cuchit tở? Lứq tở cốn ngkíq! Ống ốc lôi-h toát táq yỗn cứq cuchit. Ma phễp rit tể Yiang Sursi

* 7:3 7:3 Tở la ‘mansễm cooc noau’. ✧ 7:7 7:7 Loỏh Tể Ê-yip-tỏ 20:17; Patáp Loah 5:21

apáh cứq bữn lôi. Ngkíq phễp rit ki la o, cớp phễp rit ki apáh lôi. cứq la sâuq lứq.

Cũai Bữn Bar Mút

¹⁴ Hái dáng Raviei Yiang Sursĩ yỗn hái trĩh phễp rit Yiang Sursĩ. Ma cứq đốq ít rangứh cứq bữm. Ngkíq, samoát cứq chềq tở bữm yỗn táq sũl ngê sâuq. ¹⁵ Cứq hữm salễh lứq cứq táq. Mách ranáq o cứq yoc ẽ táq, cõt cứq tở bữn táq. Ma máh ranáq sâuq cứq tở ẽq táq, cõt cứq táq. Cứq dót lứq, tở dáng nỏq cứq ma táq ngkíq. ¹⁶ Khân cứq tở ẽq táq ranáq sâuq, ma noâng cứq táq, ki mút cứq ngin phễp rit tể Yiang Sursĩ la lứq p̄ieiq. ¹⁷ Ngkíq mút cứq bữm tở ẽq táq ranáq sâuq, ma ọc lôi. táng mút cứq radũng cứq táq ranáq sâuq. ¹⁸ Cứq dáng chơ tở bữn muoi ọc o ntróu ốt táng mút cứq, khân puai rangứh cứq bữm. Lứq pai mút cứq chanchóm ẽ táq o, ma cứq tở rơi táq o. ¹⁹ Mách ranáq o cứq yoc ẽ táq, cõt cứq tở bữn táq. Ma máh ranáq sâuq cứq tở ẽq táq, cõt cứq táq. ²⁰ Khân cứq táq máh ranáq cứq tở ẽq táq, ki tở cõn cứq yoc ẽ táq ngkíq, ma ọc lôi ca ốt táng mút cứq táq ngkíq.

²¹ Ngkíq riang pai cứq bữn bar mút. Toâq cứq sâng yoc ẽ táq ranáq o, cõt cứq táq ranáq sâuq ẽn. ²² Mút cứq yoc lứq puai phễp rit Yiang Sursĩ. ²³ Ma ariang bar ngê ki rachíl táng mút pahôm cứq. Sarnóm cứq yoc ngê o. Ma tở cứq cõt samoát sũl ngê sâuq. ²⁴ O, bap lứq cứq! Noau rơi chuai cứq yỗn tềq racláh tể ngê sâuq ca ẽ cachĩt cứq? ²⁵ Cứq sa-õn Yiang Sursĩ yuaq Yê-su Crĩt, Ncháu hái, rơi chuai cứq ngkíq!

Khân Yê-su Crĩt tở bữn chuai, ki cứq la neq: Mút cứq yoc ẽ puai phễp rit Yiang Sursĩ, ma tở cứq noâng yoc ẽ puai ngê sâuq.

8

Raviei Yiang Sursĩ Ớt Cớp Hái

¹ Sanua, máh cũai ớt muoi mút cớp Yê-su Crĩt tở bữn ngcõh noâng Yiang Sursĩ táq alói. ² Khân puai ngê sâuq, hái cóq cuchĩt. Ma cõ nhơ hái ớt muoi mút cớp Yê-su Crĩt, ngkíq Raviei Yiang Sursĩ chuai hái yỗn viaq tể cuchĩt cõ tian hái táq lôi. ³ Phễp rit Yiang Sursĩ tở tềq chuai amoong cũai, yuaq tở bữn noau rơi trĩh phễp rit ki samoát samoi. Ma Yiang Sursĩ yỗn Con án sêng táng cutềq nãi. Con ki bữn tở machóng cũai tề, ma án tở bữn táq lôi ntróu. Ngkíq Con Yiang Sursĩ chũuq cuchĩt tang máh cũai lôi. Chơ ọc lôi tở tềq táq sớt noâng táng mút hái. ⁴ Sanua hái puai rangứh Raviei Yiang Sursĩ sâng, hái tở bữn puai noâng rangứh hái bữm. Ngkíq hái tềq táq o puai phễp rit Yiang Sursĩ. ⁵ Mách cũai puai rangứh alói bữm, alói chanchóm tể ranáq táng dõi nãi sâng. Ma máh cũai puai rangứh Raviei Yiang Sursĩ, alói chanchóm tể ranáq Yiang Sursĩ sâng. ⁶ Mách cũai táq ranáq puai sarnóm alói yoc, kia tể ranáq alói táq la cuchĩt. Ma máh cũai táq ranáq puai Raviei Yiang Sursĩ, kia tể ranáq alói táq la bữn tamoong mantái cớp bữn ớt ien khẽ. ⁷ Khân hái puai rangứh hái bữm, la hái par-ũal cớp Yiang Sursĩ, yuaq hái tở ẽq puai phễp rit Yiang Sursĩ. Lứq pai hái yoc, la hái tở rơi puai phễp rit án. ⁸ Ngkíq, máh cũai puai rangứh alói bữm, alói tở tềq táq yỗn Yiang Sursĩ sâng bũ pahôm.

⁹ Ma anhia bữn Raviei Yiang Sursĩ ớt táng mút pahôm anhia. Ngkíq anhia tở bữn puai noâng rangứh anhia bữm, ma anhia puai rangứh Raviei Yiang Sursĩ.

Cũai léq ma tở bữn bữn Raviei Crít ớt tâng mút án, cũai ki lứq tở bữn ớt muoi mút cớp Crít. ¹⁰ Tở hái cớq cuchit cõ tian ớc lờih. Ma khân Crít ớt tâng mút hái, ngkíq raviei hái ớt tamoong mantái níc, yuaq Yiang Sursĩ noap hái la cũai tanoang o. ¹¹ Yiang Sursĩ khoiq yõn Yê-su tamoong loah tể cuchit. Ngkíq khân anhia bữn Raviei Yiang Sursĩ ớt tâng mút anhia, nữ-ra Yiang Sursĩ táq yõn anhia tamoong loah tể cuchit tể. Yiang Sursĩ táq ngkíq la nhơ tể Raviei án ớt cớp anhia.

¹² Ngkíq, sễm ai ời, hái tở bữn tu noâng tể ngê tiaq. Háit tở bữn puai noâng rangúh hái bữm. ¹³ Yuaq khân anhia puai rangúh anhia bữm, nữ-ra anhia cuchit. Ma khân anhia tở bữn trỉh noâng rangúh anhia bữm cõ nhơ Raviei Yiang Sursĩ ớt cớp anhia, nữ-ra anhia lứq bữn tamoong. ¹⁴ Nheq tữh cũai ca puai rangúh Raviei Yiang Sursĩ, alới la con acái Yiang Sursĩ. ¹⁵ Toáq anhia bữn Raviei Yiang Sursĩ tâng mút anhia, anhia lứq cõt con acái Yiang Sursĩ; anhia tở bữn noâng ariang cũai sũl. Chơ anhia tở bữn ngcõh noâng samoát cũai sũl đốq ngcõh. Cõ nhơ hái bữn Raviei Yiang Sursĩ, ngkíq hái tềq arô Yiang Sursĩ neq: "Mpoaq ời!"* ¹⁶ Raviei Yiang Sursĩ toáp chuai mút pahõm hái yõn dáng samoát samoi hái la lứq con acái Yiang Sursĩ. ¹⁷ Khân hái lứq con acái Yiang Sursĩ, hái nguang bữn ndõm tể mun án parnoi cớp Crít. Cớp khân hái chũuq túh coat parnoi cớp Crít, nữ-ra hái bữn ớt ien khẽ cớp án tâng paloõng tể.

Máh Con Acái Yiang Sursĩ Acoan Ốc Tở Yũah Toáq

¹⁸ Cừq chanchõm neq: Tở bữn ntrớu hái chũuq ớc túh coat

sanua, yuaq nữ-ra hái bữn ớc o pha moám. Tangái ki Yiang Sursĩ yõn hái ớt cớp án, bữn chóc ang-ừr parnoi cớp án tể. ¹⁹ Yiang Sursĩ khoiq tềng túc culám khám ramúh tâng pũn cớp tâng põng. Dũ ramúh ớt ngõh-rangõh nguang tangái Yiang Sursĩ apáh nheq tữh con acái án. ²⁰ Nheq máh ramúh Yiang Sursĩ tềng la tở bữn o yũah, yuaq Yiang Sursĩ anoat máh ramúh ki cớq acoan nguang tangái ki tể. ²¹ Sanua máh ramúh nái cớq cuchit cớp abuoíq. Ma toáq tangái nheq con acái Yiang Sursĩ bữn chóc ang-ừr parnoi cớp án, dũ ramúh Yiang Sursĩ khoiq tềng lứq cõt o ễn, chơ tở bữn cuchit cớp abuoíq noâng. ²² Háit dáng chơ dũ ramúh tâng paloõng cớp tâng cutêq ramóh ớc bap, tể mbốq toau sanua. Ốc ki la samoát máh ramúh ki u-õi túh coat ariang mansêm đốq u-õi toáq khuo cumo. ²³ Háit la u-õi machóng ki tể, yuaq hái ểr áiq nguang tangái Yiang Sursĩ apáh hái lứq con acái án. Yiang Sursĩ khoiq yõn Raviei án ớt tâng mút hái, yõn hái dáng samoát lứq nữ-ra hái bữn tở tamái ễn. ²⁴ Bo Yiang Sursĩ chuai amoong hái, án ừq yõn hái bữn tở tamái. Ngkíq hái nguang bữn ớc ki. Khân hái bữn chơ ớc hái nguang, hái tở bữn túh nguang noâng. Nõq hái noâng nguang ớc hái khoiq bữn chơ? ²⁵ Ma sanua hái tở yũah bữn ớc Yiang Sursĩ ừq yõn hái. Ngkíq hái ớt tanhĩr, cớp hái nguang nữ-ra hái lứq bữn ớc ki.

²⁶ Cớp Raviei Yiang Sursĩ yoc ể chuai hái, yuaq hái la sacũl lứq, tở dáng nõq ể câu sễq tể Yiang Sursĩ. Toáq hái cuclõiq ma tở bữn luoh, lứq Raviei Yiang Sursĩ toáp đừng

* 8:15 8:15 Tâng parnai Aram, Phau-lô đốq táq ntrõng án đốq 'mpoag' la 'aba'.

santoiq hái câu ki atoâq pở Yiang Sursĩ. ²⁷ Yiang Sursĩ lứq dáng dũ ốc tâng mút pahôm cũai. Cóp án dáng tê Raviei Yiang Sursĩ câu tang yỗn cũai sa-âm. Raviei Yiang Sursĩ câu ngkíq, án puai samoât lứq ngê Yiang Sursĩ.

²⁸ Hái dáng chơ máh cũai Yiang Sursĩ arô yỗn puai ngê án, la cũai ca ayooq lứq án, ốc ntróu toâq pở alóir, lứq Yiang Sursĩ táq yỗn cốt o tể ốc ki. ²⁹ Tể dâu lứq Yiang Sursĩ khoiq dáng chơ hái, cóp án chanchóm ể táq yỗn hái cốt samoât Con án tê. Ngkíq Yê-su Crít la con clúng Yiang Sursĩ, cóp hái ca toâq ntun, la máh a-êm Yê-su. ³⁰ Ngkíq Yiang Sursĩ arô hái, yuaq án khoiq chanchóm ể táq ranáq nâi tể dâu lứq chơ. Yuaq Yiang Sursĩ khoiq arô hái, ngkíq án táq yỗn hái ốt tanoang o yáng moat án. Yuaq Yiang Sursĩ khoiq táq yỗn hái ốt tanoang o yáng moat án, ngkíq án táq yỗn hái bữn ốt manóir nứng án, cóp chớng chóc ang-ữr án tê.

Yiang Sursĩ Ayooq Lứq Hái

³¹ Nổq hái ể pai tể ranáq nâi? Khân Yiang Sursĩ lứq chuai hái ngkíq, tở bữn noau tềq táq ntróu chóc hái. ³² Yiang Sursĩ khoiq yỗn Con án cuchít tang hái. Khân án khoiq chuai hái ngkíq, hái dáng samoât lứq án chuai tê máh ramứh hái yoc ể bữn đốq tềq táq ranáq án. ³³ Tở bữn ntróu noau cauq hái ca Yiang Sursĩ khoiq ruroh, yuaq Yiang Sursĩ toâp noap hái tanoang o. ³⁴ Cóp tở bữn ntróu noau tềq hái cồ tian lôih hái, yuaq Yê-su Crít toâp ốt coah atoam Yiang Sursĩ, cóp án rapai chuai hái chóc Yiang Sursĩ. Yê-su Crít khoiq cuchít tang hái, cóp án khoiq tamoong loah tể cuchít. ³⁵ Yê-su Crít ayooq lứq hái, cóp tở

bữn muoi ốc ntróu tềq cayoah hái tể ốc ayooq ki. Khân hái ramóh túh arức, tở la túh cadit, tở la noau táq hái, tở la hái panhieih khlac, tở la ốq tampác tâc, tở la ramóh crooq, tở la noau tráh toâq dau, lứq samoât máh ramứh nâi tở tềq táq yỗn Yê-su Crít tở bữn ayooq hái. ³⁶ Machớng noau khoiq chíc tâng tâm saráq Yiang Sursĩ tể mbốq neq:

“Cồ tian hếq puai ngê anhia, ngkíq cu rangái noau chuaq ngê ể cachít hếq.

Noau nhêng chu hếq samoât noau nhêng chu charán cừu cheq ể cachít.”[☆]

³⁷ Ma tở bữn ntróu máh ốc túh coat nâi toâq pở hái, cồ nư án ca ayooq hái chuai hái yỗn riap. ³⁸⁻³⁹ Cứq dáng samoât samoi tở bữn muoi ốc ntróu tềq cayoah hái tể ốc ayooq Yiang Sursĩ. Khân toâq ốc cuchít, toâq ốc tamoong, toâq ranêng Yiang Sursĩ tể paloong, toâq yiang canóh, toâq ranáq tâng đoi nâi tở la tâng đoi ntun, toâq cũai sốt, toâq ốc tể pởng tở la tể pưn, tở la toâq ramứh ntróu canóh ể, lứq ramứh aléq la tở tềq táq yỗn Yiang Sursĩ tở bữn ayooq hái. Án ayooq níc hái, yuaq hái ốt muoi mút cóp Yê-su Crít, Ncháu hái.

9

Phau-lô Ayooq Tốp I-sarel

¹ Cứq yoc anhia dáng muoi ramứh lứq p̄ieiq. Cứq la cũai sa-âm Crít, cóp Raviei Yiang Sursĩ dáng cứq atởng tanoang lứq. Cứq tở bữn cakéq ntróu. ² Cứq yoc anhia dáng neq: Cứq sâng ngua lứq, cóp ốc ngua nâi tở nai pút. ³ Hờn tể dũ ramứh canóh tâng đoi tamoong cứq, cứq yoc ốt muoi mút cóp Crít. Ma khân cứq cóq chũuq ratáh tể Crít, đốq chuai yỗn

☆ 8:36 8:36 Ūat Khển 44:22

cũai I-sarel sa-âm án, cứq lứq sâng bũi ratáh toáp. Yuaq cứq ayooq sểm ai cứq, la cũai I-sarel, clũi tể cứq ayooq tỗ cứq bũm. ⁴ Tỗp I-sarel la samoát con acái Yiang Sursĩ tề. Alóit khoiq hũm chớc Yiang Sursĩ chơ. Yiang Sursĩ khoiq yỗn alóit kĩaq parnai án cớp phễp rit án. Alóit sang Yiang Sursĩ khoiq dũn lứq chơ. Cớp Yiang Sursĩ khoiq par-ữq cớp alóit. ⁵ Alóit la muoi tống toiq cớp A-praham, I-sac, cớp Yacốp. Bo Crít cõt cũai, án la tể tỗp I-sarel tề. Án toáp sớt toâr clũi nheq tể canốh. Án lĩ-ralĩ cớp Yiang Sursĩ. Cớq noau khển án mantái níc. Amen.

Yiang Sursĩ Rươh Cũai

⁶ Cứq tỡ bũn pai máh parnai Yiang Sursĩ ữq tỡ bũn cõt kia ntróu. Ma lứq samoát tỡ bũn dũ náq tể tỗp I-sarel cõt con acái Yiang Sursĩ. ⁷ Cớp Yiang Sursĩ tỡ bũn rươh dũ náq con A-praham ma đốq alóit la lứq tống toiq A-praham. Yiang Sursĩ khoiq atống A-praham neq: “Nhớ tể I-sac cứq táq yỗn mới bũn máh ốc cứq khoiq ữq cớp mới.”*

⁸ Ốc nãi la neq: Máh cũai tể con tống A-praham, tỡ cõn nheq tữh alóit la con acái Yiang Sursĩ rươh. Ma máh cũai Yiang Sursĩ khoiq par-ữq cớp alóit, ống alóit ki toáp la lứq con acái Yiang Sursĩ. ⁹ Yuaq Yiang Sursĩ khoiq ữq cớp A-praham neq: “Noâng muoi cumo ễn cứq ể toáp loah pỡ mới. Tangái ki, Sara lacuoi mới lứq bũn muoi lám con samiang.”*

¹⁰ Cớp cứq atống muoi ramứh ễn tể Rê-be-ca, lacuoi I-sac, achúc achiac hái. Tữ Rê-be-ca ốt mu-miaq, Yiang Sursĩ atống án neq: “Toáp tangái mới sểt con, mới lứq bũn bar lám con samiang.”

¹¹⁻¹² Cớp Yiang Sursĩ atống án ễn neq: “Nỡ-ra con nđĩ sớt hỡn tể con clúng.”*

Yiang Sursĩ pai ngkíq tể nhũang Rê-be-ca tỡ yũah sểt con. Yiang Sursĩ tỡ bũn rươh cỗ tể ranáq o tỡ la ranáq sâuq alóit bar náq táq. Ma Yiang Sursĩ rươh puai ốc án khoiq chanchóm tể nhũang. ¹³ Noau khoiq chĩc tể bar náq con samiang Rê-be-ca tâng tâm saráq Yiang Sursĩ tể mbốq neq:

“Cứq ayooq Yacốp, ma cứq kêt Ê-sau.”*

¹⁴ Nổq hái yoc ể pai tể ốc ki? Hái ể pai Yiang Sursĩ táq tỡ p̄ieiq tỡ? Lứq tỡ cõn ngkíq! ¹⁵ Yuaq Yiang Sursĩ khoiq atống Mũi-se neq: “Tam cứq! Khân cứq sâng ayooq táq cũai aléq, ki cứq ayooq. Cớp khân cứq sâng sarũiq táq cũai aléq, ki cứq sarũiq.”*

¹⁶ Ngkíq ốc ki tam Yiang Sursĩ. Khân án sâng ayooq táq, ki án ayooq. Cũai tỡ tềq chanchóm ntróu tỡ la táq ntróu ể bũn ốc ki. ¹⁷ Tâng tâm saráq Yiang Sursĩ tể mbốq noau khoiq chĩc la Yiang Sursĩ pai chốq puo cruang Ê-yip-tô neq:

“Cứq yỗn mới cõt sớt,

yuaq cứq ể apáh chớc cứq la toâr lứq.

Cớp cứq yoc dũ cruang tâng cốc cutểq nãi dáng ramứh cứq.”*

¹⁸ Ngkíq tam Yiang Sursĩ. Khân án sâng yoc, ki án ayooq táq cũai. Khân án sâng yoc ể táq yỗn mút alóit coang, ki án táq.

¹⁹ Cõh lợ anhĩa ể blớh cứq neq: “Khân ngkíq, nổq Yiang Sursĩ tềq hái, pai hái bũn lỏih? Yuaq hái tỡ rơi táq ốc sâuq ntróu khân Yiang Sursĩ tỡ bũn yỗn hái táq.”

* 9:7 9:7 Saráq Tể Dâu 21:12 * 9:9 9:9 Saráq Tể Dâu 18:10 * 9:11-12 9:11-12 Saráq Tể Dâu 25:23 * 9:13 9:13 Ma-laki 1:2-3 * 9:15 9:15 Loỏh Tể Ê-yip-tô 33:19 * 9:17 9:17 Loỏh Tể Ê-yip-tô 9:16

20 Ma cứq ta-đi loah anhia neq: “Ở sễm ai ời! Nỗq anhia khớn pai ngkíq chỏq Yiang Sursĩ? Adéh cutêq tở têq suon cớp cũai mial án neq: ‘Nỗq mới táq roáp cứq nneq?’”

21 Án ca mial bar bễng adéh tễ muoi cớk cutêq, têq án mial muoi bễng nêuq o, ma muoi bễng ền o padam sâng. Tam mút án yoc.

22 Machớng ki tê, Yiang Sursĩ ndõm nheq tữh cũai. Án bữn mút cutâu lứq chỏq cũai ca táq moang ranáq sâuq. Ngkíq, nỡ-ra án pupút alóí ki. Ma Yiang Sursĩ yoc ễ apáh chớk án tê. Ngkíq án ót dũn chỏq cũai táq ranáq sâuq. 23 Yiang Sursĩ táq ngkíq, yuaq án yoc apáh yỗn hái dáng án bữn chớk toah lứq, cớp án ayoq táq hái sa-ũĩ lứq. Án rườh hái tễ mbỏq yỗn hái têq chớng tê chớk ang-ũr án. 24 Yuaq ngkíq Yiang Sursĩ arô hái, dểh cũai I-sarel cớp cũai tở cớn cũai I-sarel. 25 Machớng ki tê Hô-sĩa khoi q chĩc tễ mbỏq ỏc Yiang Sursĩ atớng sacoai q neq:

“Tễ nhũang cứq tở bữn đờq alóí la proai cứq,
ma sanua cứq đờq alóí la proai cứq tê.

Bo nhũang cứq tở bữn ayoq alóí, ma sanua cứq ayoq lứq alóí.* 26 Pỡ ntốq Yiang Sursĩ khoi q pai chỏq cũai ki neq: ‘Anhia tở cớn proai cứq,’ lứq ntốq ki toáp noau đờq cũai ki la con acái Yiang Sursĩ, án ca tamoong mantái.”*

27 Cớp Ê-sai la cũai tang bỗq Yiang Sursĩ, án pai tễ tốp I-sarel neq:

“Tốp I-sarel la cứng lứq.
Alóí rườh cớk samoat chũah tâng tor đờq mút,

ma Yiang Sursĩ chuai amoong bĩq náq sâng tễ tốp alóí.

28 Chái lứq Yiang Sursĩ táq moam máh parnai án khoi q pai.

Án ễ culáh cớng yỗn dũ náq cũai tâng cớk cutêq nãi.”*

29 Cớp Ê-sai khoi q pai tễ nhũang neq:

“Sanua hái noang bĩq náq sâng.
Khân Yiang Sursĩ Sốt Toah Lứq ma tở bữn yỗn hái bữn tống toiq,
ki vil hái cớk pút nheq,
machớng vil Sadôm cớp vil Camô-rớ tê.”*

Tốp I-sarel Tở Êq Sa-âm

30 Khân ngkíq, nỗ hái ễ pai tễ ỏc nãi? Hái ễ pai neq: Máh cũai tở cớn tễ tốp I-sarel, tở bữn chuaq yoc ễ ớt tanoang o yáng moat Yiang Sursĩ, ma lứq alóí bữn ỏc ki, cớ alóí sa-âm. 31 Ma máh cũai tễ tốp I-sarel chanchóm alóí ớt tanoang o yáng moat Yiang Sursĩ cớ alóí puai phếp rit Mũi-se. Ma alóí tở bữn bữn ỏc ki. 32 Yuaq nỗ alóí tở bữn bữn? Yuaq alóí tở bữn sa-âm. Alóí chanchóm alóí cóq táq puai phếp rit sâng. Ngkíq Yê-su Crít cớk samoat tamáu tâng rana yỗn tốp I-sarel. Alóí tở êq sa-âm; ỏc ki la samoat alóí tũl tamáu ki. 33 Yiang Sursĩ khoi q pai chớ tâng tâm saráq án tễ Yê-su Crít neq:

“Cứq yỗn manoaq ớt tâng vil Si-ôn.

Án la samoat tamáu.

Cũai cudốh tamáu nãi,
chớ alóí chanchũai.
Alóí cudốh, chớ alóí dóm.

Ma cũai aléq sa-âm án,
cũai ki tở nai pút ỏc nguang.”*

* 9:25 9:25 Hô-sĩa 2:23 * 9:26 9:26 Hô-sĩa 1:10 * 9:28 9:28 Ê-sai 10:22-23 * 9:29 9:29 Ê-sai 1:9 * 9:33 9:33 Ê-sai 8:14; 28:16

10

Yiang Sursĩ Yoc Chuai Amoong Nheq Tũh Cũai

¹ Sễm ai oi! Mút cứq sâng yoc lứq Yiang Sursĩ chuai amoong nheq tũh tốp I-sarel, cớp cứq đốq câu ngkíq. ² Cứq hữm alóí ẽr áiq yoc ẽ puai ngê Yiang Sursĩ, ma alóí tở dáng táq nỏq yỗn pĩeiq. ³ Alóí tở bữn dáng Yiang Sursĩ khoiq atõng rana yỗn cũai tẽq õt tanoang o yáng moat án. Ma alóí puai ngê alóí bữm chuaq yoc ẽ bữn ốc ki. Alóí tở ẽq puai rana Yiang Sursĩ khoiq atõng cũai yỗn tẽq õt tanoang o yáng moat án. ⁴ Cũai aléq ma sa-âm Crĩt, cũai ki cõt tanoang o yáng moat Yiang Sursĩ. Ma cũai aléq ma trĩh phẽp rit Mũi-se sâng, cũai ki tở bữn õt tanoang o yáng moat Yiang Sursĩ.

⁵ Mũi-se khoiq atõng chơ tẽ cũai yoc õt tanoang o yáng moat Yiang Sursĩ, cớ nhơ alóí trĩh phẽp rit Yiang Sursĩ. Án atõng tẽ alóí neq: “Cũai aléq ma táq pĩeiq dũ ốc tẽ phẽp rit Yiang Sursĩ, cũai ki lứq bữn tamoong cớ nhơ tẽ ốc ki.”*

⁶ Ma Yiang Sursĩ atõng cũai ca sa-âm, tẽq án õt tanoang o yáng moat Yiang Sursĩ, la neq: “Anhia chõỉ pai: ‘Noau rơi chõỉn chu paloõng, đốq pỡq coaiq Crĩt sễng chuai háỉ?’” ⁷ Cớp anhia chõỉn pai: ‘Noau rơi sễng chu pũn pỡ ntốq raviei cũai cuchĩt õt, đốq sễng coaiq Crĩt tamoong loah tẽ cuchĩt?’”*

⁸ Ma ntróu parnai Yiang Sursĩ pai tẽ ốc tanoang o nãi? Lứq án pai neq:

“Ốc ki tở bữn yớng tẽ anhia. Tẽq anhia ngin na bỗq

cớp sa-âm samoat samoi tâng mút anhia.”

Nãi la machống santonq hếq khoiq atõng anhia chơ yỗn anhia sa-âm Yê-su Crĩt. ⁹ Khãn bỗq anhia ngin Yê-su la Ncháu anhia, cớp mút anhia sa-âm samoat samoi Yiang Sursĩ khoiq yỗn Yê-su tamoong loah tẽ cuchĩt, ki lứq Yiang Sursĩ chuai amoong anhia. ¹⁰ Háỉ õt tanoang o yáng moat Yiang Sursĩ, la cớ nhơ mút pahõm háỉ sa-âm án. Cớp Yiang Sursĩ chuai amoong háỉ, la cớ nhơ bỗq háỉ ngin pai Yê-su Crĩt la Ncháu háỉ. ¹¹ Tâng tâm saráq Yiang Sursĩ tẽ mbỗq noau khoiq pai chơ neq:

“Cũai aléq ma sa-âm án, cũai ki lứq tở nãi pứt ốc ngyuang.”*

¹² Yáng moat Yiang Sursĩ tở bữn mpha ntróu cũai I-sarel cớp cũai tở cõn cũai I-sarel. Ngkíq Yê-su Crĩt, Ncháu háỉ, yỗn sa-ũỉ ốc bốn pỡ dũ náq cũai ca sễq tẽ án. ¹³ Yuaq tâm saráq Yiang Sursĩ tẽ mbỗq pai neq:

“Dũ náq cũai ca arô sễq nhơ ramứh Yiang Sursĩ, án lứq chuai amoong alóí.”*

¹⁴ Ma nỏq tẽq cũai câu sễq tẽ án, khãn alóí tở yũah sa-âm án? Cớp nỏq tẽq alóí sa-âm án, khãn alóí tở yũah bữn sâng ntróu tẽ án? Cớp nỏq alóí tẽq bữn sâng tẽ án, khãn tở bữn noau pỡq atõng alóí?

¹⁵ Cớp nỏq cũai tẽq pỡq atõng alóí, khãn tở bữn noau chuai yỗn alóí pỡq? Tâng tâm saráq Yiang Sursĩ tẽ mbỗq noau khoiq pai neq:

“Nêuq o lứq ayũng cũai dũng parnai o yỗn cũai canõh dáng.”*

¹⁶ Ma lứq tở bữn dũ náq cũai yoc ẽ tamứng parnai o tẽ Yê-su

* 10:5 10:5 Lê-vi 18:5 * 10:7 10:7 Patáp Loah 30:11-14 * 10:11 10:11 Ê-sai 28:16 * 10:13 10:13 Yô-el 2:32 * 10:15 10:15 Ê-sai 52:7 * 10:16 10:16 Ê-sai 53:1

Crít. Machóng Ê-sai khoiq pai tẽ mbốq neq:

“Ncháu cứq ơi! Noau noâq sa-âm tẽ parnai hếq atõng?”[✧]

17 Ma khân cũai yoc ẽ sa-âm, cóq alóí tamúng nhũang. Cóp parnai ca alóí cóq tamúng nhũang, la parnai o tẽ Yê-su Crít.

18 Ma cứq ẽ blóh anhia neq: Tõp I-sarel khoiq sâng parnai nãi ma tở yũah? Lứq alóí khoiq sâng chơ, yuaq tâm saráq Yiang Sursĩ atõng tẽ mbốq pai neq:

“Khoiq noau atõng chơ ngê ki chũop neq tâng cốc cutẽq nãi.

Lứq ngê ki pláh toâq pở dĩ púp paloõng cutẽq.”[✧]

19 Cứq ẽ blóh anhia ẽn neq: Nốq tốp I-sarel tở bữn dáng tở? Mỏi-se khoiq atõng máh Yiang Sursĩ pai tẽ mbốq neq:

“Cứq táq yõn anhia sa-on cumíq tẽ cũai tở cõn cũai I-sarel; cứq táq yõn anhia sâng ũan cõ tẽ cũai tở bữn dáng ntróu.”[✧]

20 Cóp Ê-sai atõng tang bốq Yiang Sursĩ cłóq lứq neq:

“Alóí ca tở bữn chuaq cứq, ki alóí ramóh cứq.

Cóp alóí ca tở bữn sếq tẽ cứq, cứq lứq yõn alóí dáng ngê cứq.”[✧]

21 Cóp Yiang Sursĩ pai ẽn tẽ tốp I-sarel neq:

“Nheq muoi tangái cứq sacõ atĩ ẽ roap chõm cũai nãi, ma alóí tở bữn trĩh cứq, cóp alóí chíl níc cứq.”[✧]

11

Yiang Sursĩ Noâng Chuai Amoong Cũai I-sarel

1 Chơ cứq ẽ blóh anhia neq: Yiang Sursĩ khoiq táh tốp I-sarel

tở? Lứq tở bữn! Cứq nãi toâp la cũai I-sarel. Cứq la tẽ tống toiq A-praham tẽ. Cóp cứq la tẽ tốp Ben-yamin. ² Yiang Sursĩ khoiq rườh tốp I-sarel tẽ mbốq chơ. Toau sanua án tở bữn táh alóí. Anhia khoiq dáng chơ máh parnai Yiang Sursĩ atõng Ê-li, án táq ranáq Yiang Sursĩ tẽ mbốq. Ê-li cauq tốp I-sarel cóq Yiang Sursĩ, pai neq:

³ “Yiang Sursĩ ơi! Alóí ki khoiq cachĩt chơ máh cũai tang bốq anhia.

Cóp alóí talóh dẽh prông sang anhia hỡ.

Ổng manoaq cứq toâp noâng bữn tamoong.

Cóp alóí chi-chuaq ẽ cachĩt dẽh cứq hỡ.”[✧]

4 Ma ntróu Yiang Sursĩ ta-õĩ Ê-li? Yiang Sursĩ ta-õĩ án neq:

“Cứq noâng bữn tapul ngin náq cũai samiang tẽ tốp I-sarel ca sang cứq.

Lứq alóí tở bữn pruum sacõh racól sang yiang Ba-al.”[✧]

5 Sanua la machóng ki tẽ. Noâng bĩq náq sâng cũai I-sarel ca Yiang Sursĩ khoiq rườh, yuaq án bữn mút pahõm ẽ chuai miat alóí.

⁶ Án rườh alóí cõ án ẽ chuai miat alóí, tở cõn cõ alóí táq ranáq o. Khân án rườh alóí cõ alóí khoiq táq ranáq o, ngkíq ốc ki tở tẽq pai noâng án chuai miat.

⁷ Khân ngkíq, nốq hái ẽ pai? Hái ẽ pai neq: Nheq tữh cũai I-sarel yoc ẽ ốt tanoang o yáng moat Yiang Sursĩ. Ma bĩq lứq alóí ramóh ốc ki. Ổng alóí ca Yiang Sursĩ rườh sâng bữn ốc ki. Ma alóí ca tở ẽq sa-âm, mút alóí cõt coang lứq ẽn.

⁸ Tâm saráq Yiang Sursĩ pai neq:

“Toau sanua, Yiang Sursĩ táq yõn mút alóí tở tẽq sapúh.

✧ 10:18 10:18 Ūat Khẽn 19:4 ✧ 10:19 10:19 Patâp Loah 32:21 ✧ 10:20 10:20 Patâp Loah 32:21 ✧ 10:21 10:21 Ê-sai 65:2 ✧ 11:3 11:3 Puo Muoi 19:18 ✧ 11:4 11:4 Puo Muoi 19:18

Alóí bũn moat, ma alóí tở bũn hũm.

Alóí bũn cutũr, ma alóí tở bũn sãng.”✧

⁹ Cóp Davít pai tễ mbỏq neq:

“Alóí nguaiq cha bũi níc.

Alóí tở bũn chanchóm crođq criat ntrứu toạq pở alóí.

Ngkíq Yiang Sursĩ ơi!

Cứq sễq anhia táq yỗn ốc alóí cha bũi cõt samoát acáp

tở la alieiq yỗn alóí ramóh túh coạt sa-ũi.

¹⁰ Cứq sễq anhia táq yỗn moat alóí cõt sũt.

Cóp cứq sễq anhia táq yỗn cloong alóí cõt tacó,

dỗq alóí chiũq a-ĩ níc.”✧

¹¹ Ngkíq cứq yoc ẽ blớh anhia neq: Cỗ tốp I-sarel tở bũn sa-âm Yê-su sanua, ngkíq Yiang Sursĩ lứq táh thắng alóí ki tở? Lứq tở bũn! Cỗ tốp I-sarel tở bũn sa-âm, ngkíq Yiang Sursĩ ma chuai amoong máh cũai tở cởn cũai I-sarel ẽn. Yiang Sursĩ táq ngkíq yỗn mút pahỏm tốp I-sarel cõt sa-on cumíq yoc ẽ bũn machóng cũai ki tễ.

¹² Cỗ tốp I-sarel tở ẽq trĩh Yiang Sursĩ, ngkíq máh cũai canỏh ẽn bũn ốc bỗn sa-ũi tễ Yiang Sursĩ. Cỗ tốp I-sarel táq lỏih, ngkíq Yiang Sursĩ chuai cũai tở cởn cũai I-sarel ẽn. Khãn ngkíq, ki hỏn tễ ki ẽn nỏ-ra Yiang Sursĩ chuai nheq tữh cũai toạq máh cũai I-sarel sa-âm Yê-su Crít tễ.

Yiang Sursĩ Chuai Amoong Cũai Tở Cởn Cũai I-sarel

¹³ Sanua cứq yoc atởng anhia ca tở cởn cũai I-sarel. Yiang Sursĩ ớn cứq atởng parnai án yỗn anhia bũn sãng tễ. Ngkíq cứq táq ranáq nái nheq rangứh rahỏ cứq. ¹⁴ Cứq táq ngkíq, la cứq ẽq tốp I-sarel cõt sa-on cumíq tễ anhia. Moac moai bũn muoi tốp tễ alóí sa-âm tễ, chơ Yiang Sursĩ chuai amoong cũai ki

tễ. ¹⁵ Toạq Yiang Sursĩ táh cũai I-sarel ca tở bũn sa-âm, án ỉt anhia ca tở cởn cũai I-sarel ẽn cõt muoi mút cốp án. Ma nỏ-ra Yiang Sursĩ arỏ loah máh cũai I-sarel. Chơ ntrứu cõt kia tễ ốc ki? Kia tễ ốc ki la cũai cuchít bũn tamoong loah.

¹⁶ Cứq sacâm neq: Khãn ỉt muoi lám bễng mi, chơ chiau sang muoi béq yỗn Yiang Sursĩ, nheq máh bễng ki cõt khong Yiang Sursĩ tễ. Khãn sang rềh aluang yỗn Yiang Sursĩ, chơ nheq máh abễng la cõt khong án tễ. ¹⁷ Khãn abễng o-li-vê tắng nường ma noau củl táh, chơ noau ỉt abễng o-li-vê tễ arũih ẽn chot pláih bần abễng noau khoiq củl ki. Tốp anhia ca tở cởn cũai I-sarel la samoát abễng o-li-vê tễ arũih. Ma sanua anhia bũn roap rềng cốp ốc tamoong tễ cũai I-sarel. ¹⁸ Anhia chỏi chanchóm anhia o hỏn tễ tốp I-sarel. Khãn anhia chanchóm ngkíq, cóq anhia dáng neq tễ: Abễng tở bũn amoong rềh, ma rềh amoong abễng. ¹⁹ Cỏh lờ anhia ca tở cởn cũai I-sarel yoc ẽ pai neq: “Yiang Sursĩ củl táh abễng tiaq tễ nỏm ki yuaq án ẽ chot hếq ẽn tắng nỏm ki.”

²⁰ Lứq p̄ieiq anhia pai. Ma Yiang Sursĩ củl táh alóí ki, cỗ alóí tở bũn sa-âm. Cốp án chot anhia tắng ki cỗ anhia sa-âm. Ngkíq anhia chỏi chanchóm anhia o hỏn tễ tốp I-sarel. Ma cóq anhia ngcỏh Yiang Sursĩ. ²¹ Khãn Yiang Sursĩ củl táh abễng tiaq tễ nỏm ki cỗ alóí tở bũn sa-âm, lứq án táq machóng ki tễ chỏq anhia, khãn anhia tở bũn sa-âm. ²² Ngkíq hái dáng Yiang Sursĩ sarũiq táq cũai, cốp án táq cũai. Án táq máh cũai tở bũn sa-âm. Ma án sarũiq táq anhia sa-ũi lứq, khãn anhia táq pởq níc tắng ốc sarũiq ki. Ma khãn anhia tở

bữn táq ngkiq, Yiang Sursĩ lứq cúl táq anhia machớng alóí ki tê. ²³ Ma nữ-ra khân tốp I-sarel sa-âm, Yiang Sursĩ chot loah alóí. Yiang Sursĩ tềq chot loah alóí táng ntốq án khoi q cúl tể nhũang. ²⁴ Anhia cạ tở cởn cũai I-sarel la samoât abềng tể nỡm o-li-vê dách tâng aruih. Ma Yiang Sursĩ chot anhia táng nỡm o-li-vê án chớh tâng nương án asa. Tốp I-sarel la samoât abềng tiaq tể nỡm o-li-vê Yiang Sursĩ chớh. Khân Yiang Sursĩ tềq chot abềng tể aruih, ki khể hỡn ển Yiang Sursĩ chot loah abềng tiaq ki tâng nỡm tiaq.

Nữ-ra Yiang Sursĩ Chuai Amoong Cũai I-sarel

²⁵ Sểm ai ời! Cứq yoc anhia dáng tể ramứh cutooq nâi, đốq anhia tở bữn ốt pai anhia dáng hỡn tể cũai canốh. Bữn muoi tốp cũai I-sarel bữn mút pahỡm coang. Ma moâm án arô máh cũai tở cởn cũai I-sarel ca án khoi q rươh, ki án arô cũai I-sarel ển. ²⁶ Tữ tangái ki toâq, Yiang Sursĩ lứq chuai amoong nheq tữh tốp I-sarel. Tâng tâm saráq Yiang Sursĩ tể mbốq khoi q pai neq: “Án ca chuai amoong cũai ể toâq tể vil Si-ôn.

Án táq yốn tồng toiq Yacốp tở bữn táq lờih noâng.

²⁷ Tữ cứq táh lờih alóí, lứq tangái ki cứq táq yốn moâm nheq máh ốc cứq khoi q parkhán cớp alóí tể mbốq.”*

²⁸ Cũai I-sarel sa-ữi náq tở ểq sa-âm parnai o tể Yê-su Crít. Ngkiq alóí par-ũal chốq Yiang Sursĩ. Cỗ alóí táq ngkiq, sanua anhia ca tở cởn cũai I-sarel bữn sa-âm Yê-su Crít tê. Ma tốp I-sarel la cũai ca Yiang Sursĩ khoi q rươh tể nhũang, ki Yiang Sursĩ noâng

ayooq alóí, cỗ án khoi q par-ữq cớp achúc achiac alóí. ²⁹ Yiang Sursĩ tở nai ralêq loah máh ốc án khoi q ữq chớ. Ốc ntrớu án yốh, án tở nai ỉ loah. Cớp cũai án khoi q rươh, án tở nai táh. ³⁰ Tể nhũang anhia tở bữn trỉh Yiang Sursĩ. Ma sanua Yiang Sursĩ ayooq táq anhia pláih tốp I-sarel ca tở ểq trỉh án. ³¹ Sanua tốp I-sarel tở bữn trỉh Yiang Sursĩ, cớp alóí sâng ũan lứq Yiang Sursĩ chuai anhia. Ma nữ-ra Yiang Sursĩ lứq sarũiq táq alóí machớng án sarũiq táq anhia sanua tê. ³² Yiang Sursĩ khoi q yốh dũ náq cũai cớt samoât cũai tũ la cỗ alóí tở bữn trỉh, đốq tềq án apáh ốc án sarũiq táq chốq dũ náq alóí.

Khểnh Yiang Sursĩ

³³ Ô! Rangoai q lứq Yiang Sursĩ! Án dáng dũ ramứh. Háí tở rơi noap máh ốc án dáng. Cớp háí tở tềq dáng máh ranáq án yoc ể táq cớp máh sarnốm án chanchóm. ³⁴ Tâng tâm saráq Yiang Sursĩ tể mbốq noau khoi q blớh neq:

“Bữn cũai aléq tềq dáng sarnốm Yiang Sursĩ tở?

Tở la cũai aléq tềq tểih atồng Yiang Sursĩ?*

³⁵ Tở bữn cũai aléq tềq pai Yiang Sursĩ tu án muoi ramứh ntrớu,

cỗ án khoi q yốh Yiang Sursĩ tể nhũang chớ.”

³⁶ Lứq Yiang Sursĩ toáp khoi q tểng túc culám khám ramứh tâng pũn cớp tâng pống. Dũ ramứh ki la khong án. Cớp án toáp sớ t dũ ramứh án khoi q tểng. Cớq háí khểnh níc Yiang Sursĩ sớ t đời lời cumo. Amen.

12

Ranáq Cũai Táq Tở Bữn Machớng

¹ Sêm ai ơi! Yuaq Yiang Sursĩ sarũiq táq anhia sa-ũi lứq, ngkíq cúq sêq anhia chiau tổ anhia pở Yiang Sursĩ. Táq ngkíq, tổ anhia la samoât charán noau kiac sang miar khong Yiang Sursĩ, ma noâng anhia tamoong. Lứq p̄ieiq anhia sang Yiang Sursĩ máh ki, cốp Yiang Sursĩ sâng bũi lứq anhia táq ngkíq. ² Anhia chõĩ puai ngê tâng dõĩ nãi. Ma cóq anhia yõn Yiang Sursĩ lêq mút cốp sarnóm anhia yõn têq chanchóm ngê tamái ên. Táq ngkíq, anhia lứq dáng ranáq ntróu Yiang Sursĩ yoc anhia táq. Ranáq ki la o yõn anhia, cốp o yõn Yiang Sursĩ tê. Cốp ranáq ki la tở bữn lóih ntróu yõn anhia táq.

³ Cúq sa-õn Yiang Sursĩ khoiq chuai miat yõn cúq bữn atõng anhia dũ náq neq: Anhia chõĩ chanchóm luat ngư tẽ ranáq Yiang Sursĩ yõn anhia táq. Ma cóq anhia chanchóm yõn p̄ieiq tẽ ramúh ki, yuaq anhia dáng Yiang Sursĩ khoiq yõn anhia táq ranáq ki puai ọc sa-âm án khoiq yõn anhia. ⁴ Tổ cũai cóq bữn sa-ũi ramúh nỏq têq cõt tổ. Cốp dũ ramúh ki bữn miar ranáq táq. ⁵ Machóng ki tê, hái ca khoiq sa-âm Crít la cứng, ma hái cõt muoi tốp. Ngkíq sanua hái pruan manoaq chuai manoaq. ⁶ Nheq từh hái bữn miar ranáq Yiang Sursĩ yõn hái táq. Khãn án yõn cũai aléq atõng tang parnai Yiang Sursĩ, cóq cũai ki atõng parnai ki puai máh án sa-âm. ⁷ Cũai aléq ma Yiang Sursĩ yõn táq ranáq rachuai tâng tốp sa-âm, cóq cũai ki táq ranáq ki. Cũai aléq ma Yiang Sursĩ yõn táq ranáq atõng cũai canõh, cóq cũai ki táq ranáq ki. ⁸ Cũai aléq ma Yiang Sursĩ yõn atõng catoaih yóu, cóq cũai ki táq ranáq ki. Cũai aléq ma Yiang

Sursĩ yõn táq ranáq rachuai yóu, cóq cũai ki rachuai nheq rangúh rahõ. Cũai aléq ma Yiang Sursĩ yõn cõt sôt tâng tốp sa-âm, cóq cũai ki cutóng táq ranáq sôt. Cốp cũai aléq ma Yiang Sursĩ yõn bữn mút sâng sarũiq táq yóu, cóq cũai ki sâng bũi táq ranáq ki.

Ớc Patâp Yõn Tốp Sa-âm

⁹ Cóq anhia ayooq yóu lứq samoât; chõĩ ayooq ống bỗq sâng. Cốp cóq anhia viaq nheq máh ranáq sâuq, ma táq ống ranáq o sâng. ¹⁰ Cóq anhia manoaq ayooq manoaq samoât anhia la sêm ai. Cốp cóq anhia achõn yóu toâr hõn tẽ anhia. ¹¹ Anhia chõĩ aloah táq ranáq máh Yiang Sursĩ yõn anhia táq. Ma cóq anhia táq ranáq ki nheq rangúh rahõ anhia. ¹² Cóq anhia sâng bũi o bo anhia õt nguang Yiang Sursĩ chuai anhia. Cốp cóq anhia tanhĩr níc máh ọc túh coat toâq pở anhia. Cóq anhia câu sêq níc tẽ Yiang Sursĩ. ¹³ Khãn bữn noau tẽ tốp sa-âm ma túh cadit, cóq anhia chuai cũai ki. Cóq anhia táq poang moat múh chók cũai tamoi ca toâq pở anhia. ¹⁴ Cóq anhia sêq Yiang Sursĩ táq o chók cũai ẽ táq anhia. Anhia chõĩ pacho pasríh alóĩ. ¹⁵ Khãn bữn cũai ma ramóh ọc bũi, cóq anhia sâng bũi ỡn cốp alóĩ tê. Khãn bữn cũai ma ramóh túh coat, cóq anhia nhiam cốp alóĩ tê. ¹⁶ Cóq nheq từh anhia bữn muoi mút sâng. Anhia chõĩ achõn tổ bữm. Ma cóq anhia õt ratoĩ cốp cũai cadit. Cốp chõĩ chanchóm anhia la rangoaiq clũĩ tẽ cũai canõh.

¹⁷ Khãn bữn cũai táq sâuq chók anhia, anhia chõĩ carláh đõq chók alóĩ. Ma cóq anhia cutóng táq ranáq o níc, yõn nheq từh cũai hũm anhia la cũai o. ¹⁸ Khãn tẽq, cóq anhia cutóng nheq rangúh rahõ đõq têq anhia ỡt ien khẽ cốp

dũ nác cũai. ¹⁹ Sễm ai ơi! Cứq ayooq anhia sa-ữi lứq. Cứq patâp anhia neq: Chỗi carláh đờq chóc cũai canõh. Cóc anhia yõn Yiang Sursĩ toâp táq alóit ca táq anhia. Tâng tâm saráq Yiang Sursĩ, án khoiq pai neq:

“Cứq toâp têq carláh đờq yõn cũai.
Lứq samoât cứq culáh công yõn cũai,
puai ranáq alóit táq.”*[☆]

²⁰ Ntốq canõh tâng tâm saráq Yiang Sursĩ án pai ễn neq:

“Khân cũai par-ũal anhia ma sâng panhieih,
cóc anhia yõn án cha.
Khân án sâng ễ khlac đờq,
cóc anhia yõn án nguaiq.
Anhia táq ngkiq, cũai ki lứq sâng casiet táq tễ án ễ táq an-hia.”*[☆]

²¹ Chỗi yõn ngê sâuq radũng anhia táq ranáq tở o. Ma cóq anhia táq níc ranáq o. Ngkiq anhia riap chíl máh ngê sâuq.

13

Cũai Sa-âm Cóc Táq Nớq Cóp Cũai Sốt?

¹ Cóc cũai anhia trỉh parnai máh cũai sốt anhia. Lứq Yiang Sursĩ toâp chóch cũai ki yõn cõt sốt. Khân Yiang Sursĩ tở bữn ruroh, cũai ki tở têq cõt cũai sốt. ² Ngkiq khân cũai aléq ma tở ễq trỉh cũai sốt, la samoât án tở ễq trỉh Yiang Sursĩ tê. Cũai ki lứq ramóh sa-ữi ốc túh coat. ³ Yiang Sursĩ tở bữn chóch cũai sốt yõn táq cũai táq ranáq o. Ma Yiang Sursĩ chóch cũai sốt yõn manrap cũai táq ranáq sâuq. Khân anhia tở ễq cũai sốt manrap anhia, cóq anhia táq ranáq o. Ngkiq máh cũai sốt lứq ngin anhia la cũai o. ⁴ Cũai

sốt táq ranáq yõn Yiang Sursĩ, đờq cõt kia yõn anhia. Ma khân anhia táq ranáq sâuq, anhia cóq ngcõh cũai sốt anhia, yuaq alóit têq táq anhia. Yiang Sursĩ yõn alóit bữn chóc manrap cũai táq ranáq sâuq.

⁵ Ngkiq cóq anhia trỉh máh cũai sốt, ma anhia chỗi trỉh alóit cõ anhia ngcõh noau manrap sâng, ma cóq anhia trỉh alóit cõ anhia dáng ốc nâi la lứq o. ⁶ Machóng ki tê, cóq anhia muap công pở cũai sốt, yuaq alóit roap công nâi cõ alóit táq ranáq Yiang Sursĩ. ⁷ Ngkiq, anhia cóq yõn cũai nác bữn roap máh ramúh p̄ieiq alóit cóq roap. Khân p̄ieiq anhia yõn práq thêq, ki anhia yõn. Khân p̄ieiq anhia yõn công noau chát, ki anhia yõn công ki. Khân p̄ieiq anhia yám noap, ki anhia yám noap. Khân p̄ieiq anhia khẽn, ki anhia khẽn.

Ốc Toâr Clũi Nheq Tễ Canõh La Ayooq Yõu

⁸ Môâm anhia culáh nheq máh ramúh anhia tu, anhia noâng tu muoi ramúh. Ramúh ki la cóq anhia manoaq ayooq manoaq. Cũai aléq ma ayooq yõu, cũai ki lứq táq puai samoât samoi phếp rit Yiang Sursĩ yõn na Mõi-se. ⁹ Yiang Sursĩ patâp neq:

“Chỗi cooc lacuoi tở la càyac noau. Chỗi cachit cũai. Chỗi tutuoiq.

Chỗi ham công noau.”*[☆]

Máh ốc patâp nâi, cóp máh ốc canõh ca Yiang Sursĩ khoiq patâp, ki cõt muoi ốc sâng. Khân hái trỉh ốc patâp nâi samoât samoi, lứq hái trỉh cũai ốc patâp canõh tê. Ốc patâp toâr clũi nheq tễ canõh la neq: Cóc anhia ayooq yõu machóng anhia ayooq tở anhia

* 12:19 12:19 Patâp Loah 32:35 * 12:20 12:20 Tâng rana nâi án pai: ‘Khân anhia táq ngkiq, samoât anhia parôm đờq rahũng ùih tâng p̄iõ án.’ * 12:20 12:20 Pali Panha 25:21-22
* 13:9 13:9 Loõh Tễ Ê-yip-tô 20:13-17; Patâp Loah 5:17-21

bữm. ¹⁰ Cũai aléq ma ayoq yóu samoat samoi, cũai ki tờ nai táq sâuq chók yóu. Ngkíq, khân hái ayoq yóu, hái lúq trính dũ óc Yiang Sursĩ patáp.

¹¹ Cóg hái cutóng táq ranáq ki, yuaq hái dáng cheq ẽ toâq tangái Yê-su yõn hái loõh tẽ cutẽq nâi. Yuaq tangái ki khoiq cheq hõn tẽ tangái hái mbõiq sa-âm. Ngkíq, cóq hái chéng-cachéng õt nguang tangái ki. ¹² Chõn táq noâng ranáq tâng dõn nâi. Ranáq ki la samoat noau táq tâng sadâu. Ma sanua cheq ẽ toâq tangái Yê-su toâq loah pở cutẽq nâi. Nâi la samoat riang cheq ẽ poang tarup. Ngkíq, cóq hái táh nheq máh ranáq noau đõq táq tâng canám. Hái táq máh ranáq Yiang Sursĩ yõn hái táq sâng. Ranáq ki la samoat ranáq noau đõq táq tâng poang. ¹³ Dũ ranáq hái táq, cóq hái táq o ariang cũai táq ranáq tâng poang. Táq ngkíq, hái tờ bữn ngcõh ntróu cũai canõh hữm máh ranáq hái táq. Anhia chõn cha tôn-tín. Chõn bũl blõng. Chõn bẻq parnoi khân tờ bữn lacuoi cayac. Chõn táq pampła. Chõn ralõih. Cóp chõn sa-on cumíq. ¹⁴ Ma cóq anhia sẻq Yê-su Crít, Ncháu anhia, kĩaq mứt pahõm anhia. Cóp anhia chõn chanchóm noâng ẽ puai ngẻ sâuq ariang mứt pahõm anhia yoc.

14

Manoaq Chõn Tẻq Manoaq

¹ Khân bữn cũai aléq khoiq sa-âm Yê-su chơ, ma án tờ yũah dáng sa-ũn tẻ ngẻ ki, cóq anhia roap cũai ki bũn o. Cóp anhia chõn rasuon cóp án tẻ máh ramứh án tờ yũah dáng raloih. ² Bữn cũai tẻ tẻp hái, alói chanchóm alói tẻq cha dũ ramứh cớng sana, tờ bữn lỏih ntróu. Ma bữn máh cũai tờ yũah dáng raloih, alói

chanchóm tờ bữn o cha sảiq. ³ Alói ca cha dũ ramứh cớng sana tờ tẻq mumat alói ca tờ bữn cha sảiq. Cóp alói ca tờ bữn cha sảiq tờ tẻq pai cũai cha dũ ramứh sana bữn lỏih. Manoaq tờ tẻq tẻq manoaq, yuaq Yiang Sursĩ khoiq noap cũai ki la con acái án. ⁴ Nỏq anhia cỏiq lứq tẻq cũai táq ranáq yõn ncháu canõh? Lứq õng ncháu án toâp tẻq tẻq án táq ranáq o, tờ la tờ o. Cóp Yiang Sursĩ bữn chóc tẻq chuai cũai ki yõn táq ranáq o.

⁵ Bữn cũai chanchóm cóq đõq miar máh tangái noau cóq puai rit sang Yiang Sursĩ. Ma bữn cũai canõh chanchóm cu rangái la machóng nheq. Cóg dũ náq tutuaiq yõn samoat, ntróu Yiang Sursĩ ẻq án táq tẻ óc nâi. ⁶ Án ca đõq miar muoi tangái yõn puai rit sang Yiang Sursĩ, án táq cỏi án yám noap Yiang Sursĩ. Cóp án ca cha dũ ramứh cớng sana, án táq ngkíq la án yám noap Yiang Sursĩ tẻ, yuaq án sa-õn Yiang Sursĩ yõn cớng sana ki. Machóng ki tẻ, án ca tờ bữn cha dũ ramứh cớng sana, án táq ngkíq la án yám noap Yiang Sursĩ tẻ. Cóp án sa-õn Yiang Sursĩ tẻ án bữn cớng sana cha. ⁷ Tờ bữn õng tamoong yõn cutỏ án bữm, cóp tờ bữn cuchít yõn cutỏ án bữm. ⁸ Khân hái tamoong, la hái tamoong yõn Yiang Sursĩ. Cóp khân hái cuchít, hái cuchít yõn Yiang Sursĩ. Ngkíq khân hái tamoong tờ la cuchít, hái táq ranáq yõn Yiang Sursĩ. ⁹ Yuaq ngkíq, Crít khoiq cuchít cóp án tamoong loah tẻ cuchít, đõq tẻq án cỏi Ncháu máh cũai ca noâng tamoong cóp máh cũai ca khoiq cuchít. ¹⁰ Ngkíq, nỏq anhia ma ẻ tẻq sẻm ai anhia? Cóp nỏq anhia mumat sẻm ai anhia? Nẻ-ra nheq tữh hái cóq tayứng yáng moat Yiang Sursĩ đõq án rablỏh hái. ¹¹ Yuaq noau chĩc chơ tâng tâm

saráq Yiang Sursĩ tẽ mbốq neq:
 “Yiang Sursĩ khoiq pai neq:
 ‘Lứq samoat cứq tamoong
 mantái níc.
 Ngkíq nỡ-ra dù náq cũi toáq
 sacốh racốl choàng moat
 cứq.
 Cóp dù náq cũi lứq ngin cứq
 toáp la Yiang Sursĩ.’”[✧]

¹² Ngkíq nỡ-ra nheq tũh hái cóq
 ngin yáng moat Yiang Sursĩ máh
 ranáq hái táq tâng dôi nài.

Chối Paryống Yóu Táq Lôih

¹³ Yuaq ngkíq, hái manoaq chối
 tẻq noàng manoaq. Ma cóq hái
 chanchóm neq: Hái chối táq yỗn
 sễm ai cốt pẻ pahỏm tở la táh chíq
 ngê Yiang Sursĩ. ¹⁴ Cỗ cứq ớt muoi
 mút cóp Yê-su, Ncháu hái, ngkíq
 cứq dáng samoat samoi dù ramứh
 crong sana tở bữn lôih ntrứu yỗn
 cũi cha. Ma khân bữn cũi
 canốh chanchóm bữn crong sana
 Yiang Sursĩ tở ẻq án cha, ngkíq
 crong sana ki la lôih yỗn án cha.
¹⁵ Khân anhia cha muoi ramứh
 ntrứu, ma sễm ai anhia chanchóm
 lôih cha ramứh ki, sễm ai ki lứq
 sâng ngua toáq alóit hữm anhia
 cha ramứh ki. Anhia táq ngkíq, la
 samoat anhia tở bữn ayoq sễm
 ai anhia. Anhia chối yỗn crong
 sana anhia cha ma táq yỗn sễm
 ai anhia táh chíq ngê Yiang Sursĩ,
 yuaq Crít khoiq cuchít tang cũi
 ki tẻ. ¹⁶ Khân anhia ẻ táq ranáq
 ca anhia chanchóm o, ma sễm ai
 anhia pai ranáq ki lôih, ki o anhia
 chối táq. ¹⁷ Yiang Sursĩ tở bữn
 yỗn cũi mut tâng tốp án sốt la
 cỗ tẻ crong alóit cha tở la nguaiq.
 Ốc ki la tở bữn toár ntrứu. Ma
 Yiang Sursĩ yỗn máh cũi mut
 tâng tốp án sốt cỗ alóit bữn mút
 tanoang o, alóit ớt ien khẻ cóp yóu,
 cóp alóit ớt bũi níc cỗ nhở Raviei
 Yiang Sursĩ ớt tâng mút pahỏm

alóit. ¹⁸ Cũi aléq ma táq ranáq
 Crít ngkíq, Yiang Sursĩ lứq sâng
 bũi cóp án, cóp cũi canốh hữm
 án la cũi o tẻ. ¹⁹ Ngkíq, cóq hái
 cutóng ớt ratoit cóp yóu, cóp cóq
 hái manoaq chuait manoaq yỗn
 bữn ốc sa-âm pacái lứq ẻn.

²⁰ Dù ramứh crong sana la o
 yỗn cũi cha. Ma khân sễm ai
 anhia hữm anhia cha crong sana
 ca án chanchóm Yiang Sursĩ tở ẻq
 án cha, cởh lơ án cha tẻ crong
 sana ki. Chơ án táq ranáq ca
 án chanchóm lôih khân án táq,
 cóp án nguait chíq tẻ ngê Yiang
 Sursĩ. Khân ngkíq, la samoat
 anhia talốh ranáq Yiang Sursĩ cỗ
 tian sana anhia cha. ²¹ O hỡn
 anhia chối cha sáiq, chối nguaiq
 blống, chối táq ranáq canốh, khân
 ranáq ki táq yỗn sễm ai anhia
 táq lôih cóp tở ẻq sa-âm noàng.
²² Khân anhia chanchóm ranáq
 anhia táq tở bữn lôih ntrứu, ki o
 anhia đốq ốc ki tâng mút pahỏm
 anhia, yuaq Yiang Sursĩ dáng mút
 pahỏm anhia. Bỗn lứq cũi táq
 ranáq ma mút pahỏm án tở bữn
 taníq án táq lôih. ²³ Ma khân cũi
 aléq chanchóm án bữn lôih khân
 án cha muoi ramứh crong sana
 ntrứu, ma noàng án cha cốq, ki
 án táq lôih, yuaq án tở bữn táq
 ranáq ki cỗ yoc ẻ trỉh Yiang Sursĩ.
 Dù ranáq cũi táq, khân alóit tở
 bữn táq cỗ yoc ẻ trỉh Yiang Sursĩ,
 ranáq ki lứq lôih.

15

*Cũi Aléq Ca Sa-âm Pacái Cóp
 Chuait Yóu Canốh*

¹ Hái sa-âm pacái chơ, cóq hái
 rachuai yóu ca tở yũah sa-âm
 pacái. Hái chối táq yỗn pẻiq
 pahỏm hái bữm. ² Ma dù náq
 hái cóq táq o yỗn cũi canốh tẻq
 sa-âm pacái lứq ẻn. ³ Táq ngkíq
 hái tũoiq Crít, yuaq án tở bữn táq

yỗn bũi pahõm án bũm. Tâng tâm saráq Yiang Sursĩ tẽ mbốq noau khoiq chĩc saccoaiq tẽ santonq Yê-su pai chốq Yiang Sursĩ neq:

“Santonq noau ayê ra-ac anhia, sanua toaq pở cứq ẽn.”[✧]

⁴ Mách santonq noau khoiq chĩc tâng tâm saráq Yiang Sursĩ tẽ mbốq, noau chĩc đốq atõng hái. Ngkĩq, tẽq hái õt ngcuang máh ramúh o Yiang Sursĩ ẽ táq yỗn hái, cõ parnai Yiang Sursĩ aliam hái cớq chuai hái yỗn rơi tanhĩr.

⁵ Cứq sêq Yiang Sursĩ, án ca táq yỗn anhia tẽq tanhĩr, cớq án ca aliam níc anhia, táq yỗn anhia cõt muoi mút muoi pahõm puai Yê-su Crĩt. ⁶ Khãn anhia táq ngkĩq, anhia bũn muoi mút muoi parnai khẽn Yiang Sursĩ, la Mpoaq Yê-su Crĩt, Ncháu hái. ⁷ Ngkĩq, cớq anhia manoaq táq o chốq manoaq samoat Crĩt khoiq táq o chốq anhia chơ, đốq máh cũai bũn khẽn Yiang Sursĩ cõ tẽ ranáq anhia táq. ⁸ Cứq atõng anhia dáng neq: Crĩt táq ranáq rachuai tốp I-sarel, yỗn alới tẽq dáng parnai Yiang Sursĩ la lứq p̄ieiq, yuaq Yiang Sursĩ khoiq táq máh ốc án khoiq ữq cớq achúc achiac alới tẽ mbốq. ⁹ Cớq Yê-su táq yỗn cũai tở cõn cũai I-sarel tẽq khẽn Yiang Sursĩ tẽ, yuaq Yiang Sursĩ sâng ayooq táq alới. Noau khoiq chĩc saccoaiq tẽ Yê-su tâng tâm saráq Yiang Sursĩ tẽ mbốq neq:

“Lứq cứq khẽn anhia yáng moat cũai tở cõn cũai I-sarel.
Cớq cứq ươt khẽn ramúh anhia.”[✧]

¹⁰ Tâng ntốq canõh tâng tâm saráq Yiang Sursĩ noau khoiq chĩc neq:

“Mách anhia tở cõn cũai I-sarel ời!

Cớq anhia õt bũi óh parnoi cớq tốp ca Yiang Sursĩ rườh!”[✧]

¹¹ Cớq bũn ntốq canõh ẽn noau khoiq chĩc neq:

“Nheq tũh anhia ca tở cõn cũai I-sarel!

Cớq anhia khẽn Yiang Sursĩ!

Dũ tốp cũai cớq khẽn níc án!”[✧]

¹² Bũn muoi ntốq canõh ẽn tâng tâm saráq Yiang Sursĩ, Ê-sai khoiq chĩc neq:

“Tẽ tống toiq Yê-sai bũn muoi lám con samiang.*

Án cõt sốt cũai tở cõn cũai I-sarel, cớq alới ngcuang án chuai amoong alới.”[✧]

¹³ Cứq sêq Yiang Sursĩ, án ca nỡm ốc ngcuang, chuai anhia yỗn õt bũi óh níc cõ nhơ anhia sa-âm. Cớq cứq sêq án yỗn Raviei án chuai anhia bũn mút pahõm ngcuang níc.

Ranáq Phau-lô Táq

¹⁴ Sẽm ai ời! Cứq dáng anhia la cũai patoat o cớq dáng sa-ũĩ lứq. Ngkĩq anhia tẽq manoaq catoaih atõng manoaq. ¹⁵ Ma cứq tở bũn ngcõh ntrớu chĩc choaiq thỡ đốq catoaih atõng anhia. Cứq tở bũn ngcõh, yuaq Yiang Sursĩ khoiq rườh cứq yỗn táq ranáq nãi.

¹⁶ Yiang Sursĩ yỗn cứq cõt ayũng atĩ Yê-su Crĩt, đốq atõng cũai tở cõn cũai I-sarel máh parnai o tẽ Yiang Sursĩ. Cứq yoc ẽ chiau alới pở Yiang Sursĩ cõt samoat cớng noau chiau sang, ẽq Yiang Sursĩ sâng bũi pahõm. Raviei Yiang Sursĩ toáp táq yỗn alới cõt cũai miar đốq táq ranáq Yiang Sursĩ.

¹⁷ Yuaq cứq bũn muoi mút cớq Yê-su Crĩt, ngkĩq cứq sâng bũi pahõm táq máh ranáq Yiang Sursĩ yỗn cứq táq. ¹⁸ Cứq tở tẽq pai

✧ **15:3** 15:3 Ưat Khẽn 69:9 ✧ **15:9** 15:9 Samu-êl Bar 22:50; Ưat Khẽn 18:49 ✧ **15:10** 15:10 Patâp Loah 32:43 ✧ **15:11** 15:11 Ưat Khẽn 117:1 * **15:12** 15:12 Yê-sai la mpoaq Puo Davít.
✧ **15:12** 15:12 Ê-sai 11:10

ntróu tễ ranáq Yiang Sursĩ yỗn cũai canốh táq. Ma têq cứq ươ tễ ranáq Crít chuai cứq táq. Ranáq nãi la neq: Yiang Sursĩ yỗn cũai tỡ cỡn cũai I-sarel sa-âm tê, cồ alới tamứng santoiq cứq atống, cồ alới hữm ranáq cứq táq, ¹⁹ cớp cồ Raviei Yiang Sursĩ yỗn cứq bữn chớc táq ranáq salễh cớp táq tếc canốh yỗn cũai hữm. Ngkíq cứq khoi q atống parnai o tễ Crít tâng dũ ntốq tễ vil Yaru-saleme toau toâq pỡ cruang I-luri-cum. ²⁰ Cứq táq ngkíq cồ cứq yoc lứq atống parnai o tễ Yê-su Crít yỗn alới ca tỡ yũah sâng ntróu tễ án. Cứq tỡ ểq pỡq atống pỡ ntốq khoi q bữn cũai pỡq atống chớ. Khãn cứq táq ngkíq, la samoât cứq táq đống tâng tanang cũai canốh khoi q thữan chớ. ²¹ Noau khoi q chĩc tâng tâm saráq Yiang Sursĩ tễ mbốq neq:

“Máh cũai tỡ yũah sâng parnai o tễ Yiang Sursĩ,
nữ-ra alới bữn sâng tê.
Cớp alới ca tỡ yũah dáng tễ án,
nữ-ra alới bữn dáng tê.”*

Ranáq Phau-lô Yoc Ễ Táq Nữ-ra

²² Cồ cứq miaq táq ranáq ki, yuaq ngkíq cứq tỡ yũah toâq sa-óh anhia. Ma khoi q sa-ũĩ trồ chớ cứq yoc ể toâq pỡ anhia. ²³ Tễ dũn lứq chớ cứq ể ái q yoc ể toâq pỡ anhia, cớp sanua cứq táq moâm chớ ranáq cứq tâng cruang nãi. ²⁴ Toâq cứq bữn pỡq pỡ cruang Sapên, cứq ể mut sa-óh tâng vil anhia voai. Cứq yoc lứq ramóh anhia. Toâq moâm cứq sa-óh anhia, cứq sếq anhia chuai yỗn cứq pỡq pỡ cruang Sapên.

²⁵ Ma sanua cứq pỡq pỡ vil Yaru-saleme yoc ể chuai máh tốp sa-âm ốt tâng vil ki. ²⁶ Máh cũai sa-âm tâng cruang Ma-sadôn

cớp cruang Achai, alới bũi pahỏm parỏm práq đốq chuai máh cũai sa-âm tâng vil Yaru-saleme ca tũh cadit lứq. ²⁷ Máh cũai tâng cruang Ma-sadôn cớp cruang Achai, alới tỡ cỡn cũai I-sarel. Ma alới bũi pahỏm yoc ể chuai máh cũai sa-âm tâng tốp I-sarel. Alới tu tốp I-sarel tê, yuaq tễ nhũang cũai I-sarel khoi q chuai yỗn alới bữn dáng parnai o tễ Yiang Sursĩ. Ngkíq, o yỗn alới chuai cớng yỗn cũai I-sarel ca tũh cadit. ²⁸ Tỡ moâm cứq chiau cớng yỗn cũai sa-âm ốt tâng vil Yaru-saleme, chớ cứq ể pỡq pỡ cruang Sapên ể. Ma cứq ể mut sa-óh anhia tâng vil Rô-ma bo cứq pỡq pỡ ki. ²⁹ Cứq dáng, tỡ cứq toâq pỡ anhia, cứq đũng ốc bốn puan tễ Crít yỗn anhia.

³⁰ Cồ anhia ốt muoi mút cớp Yê-su Crít, Ncháu hái, cớp cồ Raviei Yiang Sursĩ chuai anhia manoaq ayooq manoaq, ngkíq cứq sếq anhia prua m câu yỗn cứq. Cớp yỗn hái câu sếq tễ Yiang Sursĩ nheq rangứh rahỏ hái. ³¹ Cứq sếq anhia câu yỗn cứq têq vớ tễ atĩ alới tỡ bữn sa-âm Yê-su tâng cruang Yudê. Cớp sếq anhia câu chuai cứq tễ máh ranáq cứq ể táq đốq chuai alới ca sa-âm tâng vil Yaru-saleme, yỗn alới bũi pahỏm roap cớng ki. ³² Moâm ki, khãn Yiang Sursĩ yỗn, cứq toâq pỡ anhia bữn mút pahỏm bũi óh lứq. Chớ hái prua m ốt sar-óh bũi ốn. ³³ Cứq sếq Yiang Sursĩ, án ca yỗn hái ốt ien khê, ốt níc cớp anhia. Amen.

16

Phau-lô Blớh Cahan Yớu

¹ Cứq sếq anhia roap tabỏp tabẻh o sẻm ỡi hái, ramứh Phẻbẻ. Án táq ranáq Yiang Sursĩ tâng tốp sa-âm tâng vil Sen-cớ.

² Sêq anhia roap chôm án ariang Ncháu yoc hái roap dũ náq cūai ca khoiq sa-âm án. Cúq sêq anhia chuai mansêm nâi ntróu án sêq tễ anhia, yuaq án khoiq chuai sa-ũi cūai, dếh cúq hỡ.

³ Cúq yoc ẽ cahan Aki-la cóp lacuoi án, Barit-sin. Alói bar náq ki táq ranáq Yê-su Crít parnoi cóp cúq. ⁴ Alói bar náq ki pruum muoi murt cuchit tỡ la tamoong, la alói tỡ bũn táh cúq. Ngkíq cúq sa-õn alói. Cóp dũ tốp sa-âm ca tỡ cõn tễ tốp I-sarel, ki sa-õn alói tẽ. ⁵ Cúq ẽ cahan tẽ tốp sa-âm ca dốq rôm tâng đống alói bar náq ki.

Cúq coiq parnai sa-óh yóu cúq, Ê-panêt. Tễ dâu lúq manoaq án toáp sa-âm Crít tâng cruang Asia. ⁶ Cúq ẽ cahan Mari, án ca cutóng lúq táq ranáq yõn anhia. ⁷ Cúq ẽ cahan Antrô-nic cóp Yunia. Alói bar náq nâi la muoi tốp cóp cúq. Cóp alói õt tũ parnoi cóp cúq tẽ. Máh cūai atõng parnai o tễ Yê-su Crít, alói yám noap lúq bar náq nâi. Cóp bar náq nâi sa-âm Crít nhũang cúq. ⁸ Cúq ẽ cahan Amplia tẽ. Án la yóu cúq samoat lúq, yuaq hếq sa-âm Ncháu parnoi. ⁹ Cúq ẽ cahan Urban, án ca táq ranáq Crít parnoi cóp cúq. Cóp cúq ẽ cahan yóu cúq, Sa-tachi. ¹⁰ Cúq ẽ cahan Apel tẽ. Án khoiq apáh án lúq bũn muoi murt cóp Crít. Cóp cúq ẽ cahan dũ náq cūai tâng đống sũ Ari-tabul. ¹¹ Cúq ẽ cahan Hê-rô-dien, án ca muoi tốp cóp cúq. Cóp cúq ẽ cahan dũ náq cūai tâng đống sũ Narsit ca khoiq sa-âm Yê-su.

¹² Cúq coiq parnai sa-óh bar náq sêm õi Tri-phan cóp Tri-phôt. Alói ki táq ranáq Ncháu tẽ. Cóp cúq coiq santoiq sa-óh sêm õi cúq, Parsit. Án ki sarâng lúq táq ranáq Ncháu. ¹³ Cúq ẽ cahan Ruphu, cóp

mpiq án. Ruphu la cūai sa-âm Ncháu pacái lúq, cóp mpiq án la samoat riang mpiq cúq tẽ. ¹⁴ Cúq coiq parnai sa-óh Asun-crit, Plê-côn, Her-mêt, Pa-truba, Her-mat, cóp máh sêm ai canõh ca õt cóp alói. ¹⁵ Cúq ẽ cahan tẽ Phalô-lacô, Yuli, Narê cóp amuaq án, Ô-lumpa, cóp dũ náq cūai sa-âm ca õt parnoi cóp alói.

¹⁶ Sêq anhia manoaq cubán o chóq manoaq. Ngkíq noau dáng anhia manoaq ayooq manoaq. Nheq máh tốp sa-âm Crít õt nnâi, alói blóh cahan anhia tẽ.

Anhia Chối Tamúng Parnai Noau Sũ

¹⁷ Sêm ai ơi! Cúq yoc ẽ patáp anhia, cóq anhia nhêng yõn samoat! Bũn cūai yoc ẽ carchúc ẽq anhia ralõih. Cóp alói ẽ radũng anhia táq ranáq sáuq. Ranáq alói táq mpha tễ noau khoiq atõng anhia tễ ngê Yiang Sursĩ. Ngkíq o yõn anhia viaq chíq tễ alói. ¹⁸ Yuaq cūai ki puai rangũh alói bũm. Alói tỡ ẽq táq ranáq Crít, Ncháu hái. Alói yoc ẽ raphếq cūai noang sacũl. Alói khên anhia cóp táq ntõng santoiq êm o lúq chóq anhia. Ma santoiq alói tỡ bũn lúq ntróu. ¹⁹ Dũ cruang khoiq sâng chơ anhia lúq trĩh parnai Yiang Sursĩ. Ngkíq cúq sâng bũi lúq. Cúq ẽq anhia cõt roan rangoiq dốq táq ranáq o, ma anhia chối roan rangoiq dốq táq ranáq sáuq. ²⁰ Lúq Yiang Sursĩ toáp yõn hái õt ien khẽ. Tỡ bũn dũn noang án lúq chuai anhia chíl riap yiang Satan. Cúq sêq Yê-su, Ncháu hái, chuai nic anhia.

Yóu Phau-lô Cahan Sa-óh

²¹ Ti-muthê, án ca táq ranáq Yiang Sursĩ parnoi cóp cúq, án coiq parnai sa-óh anhia. Lusi-ut, Yasôn, cóp Susi-pathơ, alói cahan anhia tẽ. Alói la muoi sáu cóp

cứq. ²² Cứq la ramúh Têr-tiu chĩc choaiq thờ nâi chuai Phau-lô. Cứq yoc ẽ cahan nheq tửh anhia tê, yuaq hái bữn muoi mút cốp Yê-su Crĩt, Ncháu hái.

²³ Cai-ut cơiq parnai cahan anhia tê. Án sâng bũi pahõm chũm siem cứq tâng đổng án. Cốp án sễq cũai sa-âm pỡq rôm pỡ đổng án. Ê-rat ẽ cahan anhia tê. Án la cũai yống práq tâng vil Cõr-ntô. Cuar-tu ẽ cahan anhia tê. Án la sêm ai hái. ²⁴ Cứq sễq Yê-su Crĩt, Ncháu hái, chuai miat anhia. Amen.*

Khẽn Yiang Sursĩ

²⁵ Cóc hái khẽn Yiang Sursĩ, án ca têq táq yõn mút pahõm anhia sa-âm pacái lứq parnai o tẽ Yê-su Crĩt, ariang cứq khoiq atõng anhia chơ. Yiang Sursĩ khoiq apáh chơ parnai nâi yõn hái dáng. Tẽ tangái Yiang Sursĩ tẽng paloõng cutẽq, án cutooq parnai nâi, ²⁶ ma án yõn cũai tang bỗq án chĩc saccoaiq đõq tẽ sãtoiq nâi. Chơ sanua án yõn nheq tửh cũai dáng. Yiang Sursĩ la Yiang tamooq mantái níc. Án toáp ớn cóc atõng yõn dũ cruang dáng tê parnai nâi, đõq nheq tửh cũai têq sa-âm cốp trĩh parnai nâi. ²⁷ Hái cóc khẽn Yiang Sursĩ cũ nhơ tẽ Yê-su Crĩt. Ống án toáp dáng dũ ramúh. Cóc hái khẽn níc án sốt đõi loi cumo. Amen.

* **16:24** 16:24 Sa-ũi tâm saráq tiaq tở bữn bữn rana 24 nâi.

Choaiq Thở Muoi Phau-lô Chĩc Yỗn Cũai Tâng Vil Côr-ntô Santoiq Atõng

Phau-lô chĩc choaiq thờ nâi coiq sa-óh tốp sa-âm õt tâng vil Côr-ntô sám 55 cumo ntun Yê-su canõt. Phau-lô yoc ẽ chuai alõi yỗn chĩl riap máh ốc túh coat alõi ramóh tâng dõĩ tamoong alõi, cõ alõi sa-âm. Bo ki, Côr-ntô la vil toâr ca puai rit cuang cũai Créc. Vil toâr nâi bữn ramứh parchia parhan lứq cõ tẽ ranáq chẻq chỡng cớp cõ tẽ alõi sang sa-ũĩ ramứh yiang.

Máh ramứh Phau-lô catoaih la atõng tẽ caryoah tâng tốp sa-âm, tẽ rit lacuoi cayac tâng tốp sa-âm, tẽ rit cuang bo sang toam, cớp tẽ máh ramứh Raviei Yiang Sursĩ chuai tâng tốp sa-âm. Phau-lô pai tốp sa-âm la samoât tở Yê-su Crĩt. Yê-su la plở cớp cũai sa-âm la samoât tở án, cớp dũ ramứh tâng tở bữn miar ranáq táq.

Pún 13 tâng saráq nâi apáh yỗn hái dáng ramứh toâr clũĩ nehq tẽ canõh la ốc ayooq.

¹⁻² Cứq Phau-lô chĩc choaiq thờ nâi coiq sa-óh tốp sa-âm Yiang Sursĩ tâng vil Côr-ntô. Yiang Sursĩ ruroh cứq yỗn cõt ayũng atĩ Yê-su Crĩt. Cớp bữn Sô-then õt parnõi cớp cứq tẽ. Án la cũai sa-âm Yê-su machớng hái.

Hẻq coiq parnai cahan nehq từh cũai ca Yiang Sursĩ khoiq ruroh yỗn sa-âm án. Máh cũai ki pruum muoi mút cớp Yiang Sursĩ cõ nhơ Yê-su Crĩt. Dũ cruang bữn sa-ũĩ náq cũai sa-âm Yê-su Crĩt. Anhia cớp alõi la muoi tốp. Bo alõi câu, alõi talẻq ramứh Yê-su

Crĩt tẽ. Án la Ncháu alõi cớp Ncháu hái tẽ. ³ Cứq sẻq Yiang Sursĩ, Mpoaq hái, cớp Yê-su Crĩt, Ncháu hái, chuai miat anhia, cớp yỗn anhia õt bán sũan ien khẻ nĩc.

Ốc Bốn Toâq Cõ Nhơ Yê-su Crĩt

⁴ Cứq sa-õn nĩc Yiang Sursĩ, án khoiq chuai miat anhia nhơ Yê-su Crĩt. ⁵ Yuaq anhia õt muoi mút cớp Yê-su Crĩt, ngkĩq anhia dáng samoât samõi tẽ ốc pẻiq, cớp anhia dáng atõng raloaih lứq tẽ ốc pẻiq ki. ⁶ Parnai o tẽ Yê-su Crĩt cõt pacái lứq tâng mút pahõm anhia, ⁷ toau anhia tở bữn ốq muoi ramứh o ntróu tẽ Yiang Sursĩ, bo anhia õt acoan Yê-su Crĩt, Ncháu hái, toâq loah pở cutẻq nâi. ⁸ Yiang Sursĩ lứq táq yỗn mút pahõm anhia sa-âm pacái nĩc toau toâq tangái Yê-su Crĩt, Ncháu hái, toâq loah pở cutẻq nâi. Tangái ki Yê-su tở bữn tẻq anhia bữn lỏih ntróu. ⁹ Háitẻq sa-âm Yiang Sursĩ samoât samõi. Yiang Sursĩ khoiq ruroh anhia yỗn õt muoi mút cớp Con án la Yê-su Crĩt, Ncháu hái.

Máh Tốp Sa-âm Cayoah Cõt Sa-ũĩ Tốp Cót

¹⁰ Sẻm ai ơi! Nhơ tẽ chớc Yê-su Crĩt, Ncháu hái, cứq sẻq anhia pruum muoi parnai sâng, yỗn anhia tở bữn cayoah cõt sa-ũĩ tốp. Cớq anhia pruum muoi mút, cớp puai ống muoi ngẻ sâng. ¹¹ Sẻm ai ơi! Bữn cũai tẽ đống sũ Clô-ê, alõi khoiq atõng cứq dáng anhia rasuon sa-ũĩ trở. ¹² Sanua cứq bữn muoi ốc yoc ẽ táq ntõng cớp anhia. Bữn cũai tẽ anhia pai neq: “Cứq puai ngẻ Phau-lô.” Án ca pai: “Cứq puai ngẻ Ablô.” Án ca pai: “Cứq puai ngẻ Phi-er.” Cớp bữn án ca pai: “Cứq puai ngẻ Crĩt.” ¹³ Khãn ngkĩq, ariang pai bữn sa-ũĩ Crĩt! Lứq samoât, Phau-lô tở bữn cuchĩt tang anhia tâng

aluang sangcáng! Cóp tở nai bữn cũi aléq arô ramúh Phau-lô ma táq batêm yỗn anhia.

¹⁴ Cúq sa-ỗn Yiang Sursĩ, cúq tở bữn táq batêm yỗn sa-ỗi náq cũi tể tốp anhia. Ma cúq táq batêm yỗn óng Crit-bu cóp Cai-ut sâng. ¹⁵ Ngkíq tở bữn noau tềq pai alóí roap batêm đợc cõt tốp cúq. ¹⁶ O cúq khlĩr! Cúq táq batêm yỗn Sê-phana cóp đống sũ án hỡ. Ma cũi canốh, cúq tở bữn sanhữ táq batêm yỗn alóí. ¹⁷ Crít tở bữn ón cúq táq batêm yỗn cũi. Ma án ón cúq atợng parnai o tể án. Cúq atợng parnai ki, ma cúq tở bữn atợng ngê rangoaiq cóp santoiq yarũ yỗn coat anhia dáng. Khân cúq atợng ngkíq, Crít cuchĩt tâng aluang sangcáng tở bữn cõt kia ntróu yỗn anhia.

Chóc Tể Crít Cóp Ốc Rangoaiq Tể Yiang Sursĩ

¹⁸ Khân hái atợng tể Yê-su cuchĩt tâng aluang sangcáng chóc máh cũi tở ểq ể sa-âm Yiang Sursĩ, alóí pai parnai ki la parnai cũi yủh. Ma hái ca Yiang Sursĩ khoiq chuai amoong, hái dáng samoát lứq Yiang Sursĩ bữn chóc tềq chuai amoong cũi nhỡ tể parnai ki. ¹⁹ Tâng tâm saráq Yiang Sursĩ noau khoiq chĩc neq:

“Cúq ể pupút máh ốc rangoaiq tể cũi rangoaiq.

Cóp cúq ể táq yỗn cũi ca rien sa-ỗi,

ốc alóí rien cõt tở bữn kia ntróu.”^{*}

²⁰ Ngkíq cũi rangoaiq, noâng rangoaiq tở? Cũi rien sa-ỗi, noâng dáng sa-ỗi tở? Cóp cũi khểuq táq ntợng, noâng khểuq tở? Lứq samoát tở bữn ngkíq, yuaq Yiang Sursĩ khoiq táq yỗn ngê rangoaiq tâng đũi nũi cõt sacũl miat sâng.

²¹ Rangoaiq lứq Yiang Sursĩ! Án táq yỗn cũi tở tềq dáng tể ngê án cũi alóí puai ngê rangoaiq alóí bữm. Ma Yiang Sursĩ bũi pahỡm chuai amoong cũi sa-âm án, cũi nhỡ tể parnai hái atợng, ma máh cũi tâng đũi nũi, alóí pai parnai hái atợng la parnai yủh. ²² Cũi I-sarel đợc yoc ể hữm tếc salêh, cóp cũi Créc đợc yoc ể chuaq ốc rangoaiq. ²³ Ma hái, lứq hái atợng tể ngê Crít, án ca cuchĩt tâng aluang sangcáng. Ốc ki cũi I-sarel tở ểq tamứng. Cóp cũi tở cữn cũi I-sarel pai ốc ki la cũi yủh pai. ²⁴ Ma máh cũi Yiang Sursĩ khoiq arô, đểh cũi I-sarel, đểh cũi tở cữn tốp I-sarel, máh cũi ki dáng Crít bữn chóc cóp ốc rangoaiq tể Yiang Sursĩ. ²⁵ Bữn cũi yoc ể pai Yiang Sursĩ la sacũl, ma ốc sacũl tể Yiang Sursĩ rangoaiq hỡn tể máh ốc rangoaiq cũi. Alóí pai Yiang Sursĩ la ieuq, ma ốc ieuq tể Yiang Sursĩ la rêng hỡn tể ốc rêng cũi.

²⁶ Sểm ai ời! Cóc anhia tutuaiq tể cũi tâng tốp anhia. Puai ngê cũi, bĩq náq alóí la cũi rangoaiq. Bĩq náq alóí la cũi sốt. Cóp bĩq náq alóí la cũi noau yám noap. ²⁷ Ma Yiang Sursĩ khoiq ruoh máh cũi sacũl táq yỗn cũi rangoaiq cõt casiet; cóp máh cũi proai miat táq yỗn cũi sốt toâr cõt casiet. ²⁸ Yiang Sursĩ khoiq ruoh máh cũi tở bữn khlữr tâng đũi nũi. Án ruoh máh cũi noau đợc saryê. Cóp án ruoh máh cũi tở bữn kia ntróu. Yiang Sursĩ ruoh ngkíq, cũi án ể pupút đũi ramúh cũi chanchóm toâr cóp o tâng cutểq nũi. ²⁹ Ngkíq tở bữn cũi aléq tềq ốt yáng moat Yiang Sursĩ. ³⁰ Ma Yiang Sursĩ khoiq yỗn anhia ốt muoi mút cóp Yê-su

Crít. Cỗ nhơ tễ Yê-su Crít, hái bữn ốc rangoaiq tễ Yiang Sursĩ. Hái bữn ốt tanoang o yáng moat Yiang Sursĩ, hái cõt bráh o, cốp hái bữn ốc chuai amoong la nhơ Yê-su khoiq cuchit tang hái. ³¹ Ngkíq, cõt rapieiq máh tâm saráq Yiang Sursĩ khoiq pai tễ mbốq neq:

“Cũai aléq yoc ẽ mangkhẽn,
cốq án mangkhẽn tễ ranáq
Yiang Sursĩ.”[☆]

2

Phau-lô Atõng Tễ Yê-su Cuchit Tang Aluang Sangcáng

¹ Sẻm ai ơi! Bo cứq toáq atõng anhia ốc p̄ieiq tễ Yiang Sursĩ, cứq tỡ bữn atõng santoiq languat laham cốp santoiq yarũ. ² Bo cứq ốt cốp anhia, cứq chanchóm ẽ atõng anhia tễ ống Yê-su Crít cuchit tang aluang sangcáng sâng. Cứq tỡ bữn atõng tễ ngê canốh. ³ Ma bo cứq toáq pỡ anhia, cứq sâng ieuq tuar cốp cứq cangcoaih cồ ngcồh lứq. ⁴ Santoiq cốp ngê cứq atõng anhia, cứq tỡ bữn atõng toáq santoiq ẽm ariang cũai rangoaiq đốq pai. Ma lứq cứq atõng anhia nhơ tễ chóc Raviei Yiang Sursĩ. ⁵ Ngkíq anhia sa-âm cồ nhơ chóc tễ Yiang Sursĩ; anhia tỡ bữn sa-âm cồ anhia sâng tễ ốc rangoaiq cũai atõng.

Ốc Rangoaiq Tễ Yiang Sursĩ

⁶ Ma lứq samoat hếq atõng ốc rangoaiq tê yỗn cũai ca khoiq sa-âm pacái lứq. Ma ốc rangoaiq nài tỡ bữn machóng ốc rangoaiq tễ cũai tang đỏi nài, tỡ la tễ cũai sốt tang đỏi nài. Nỡ-ra chóc cũai sốt ki cõt pút. ⁷ Ốc rangoaiq hếq atõng la toáq tễ Yiang Sursĩ. Bo nhũang án cutooq đốq ốc ki, ma sanua án yỗn cũai dáng. Tễ dàu Yiang Sursĩ tỡ yũah tẻng paloõng

cutếq, án khoiq thữan đốq ốc rangoaiq nài yỗn hái bữn chóc ang-ữr tễ án. ⁸ Máh cũai sốt tang đỏi nài tỡ bữn dáng tễ ốc rangoaiq nài. Khãn alói dáng ốc rangoaiq nài, alói tỡ bữn cachit Ncháu hái tang aluang sangcáng, án ca bữn chóc ang-ữr. ⁹ Ma tang tâm saráq Yiang Sursĩ tễ mbốq, noau khoiq chĩc neq:

“Moat cũai tỡ nai hữm,
cutừ cũai tỡ nai sâng,
cốp mút pahõm cũai tỡ nai
chanchóm ntrầu tễ ốc Yiang
Sursĩ khoiq thữan yỗn
máh cũai ayooq án.”[☆]

¹⁰ Ma Yiang Sursĩ khoiq yỗn hái dáng ốc ki nhơ Raviei án. Raviei Yiang Sursĩ dáng dũ ramứh, đẻh ngê yarũ tễ Yiang Sursĩ. ¹¹ Ma máh cũai, manoaq tỡ bữn dáng ngê manoaq. Alói miar dáng bữm ngê alói. Machóng ki tê, ống Raviei Yiang Sursĩ sâng dáng ngê Yiang Sursĩ. ¹² Hái tỡ bữn roap ngê tang đỏi nài, ma hái khoiq roap ngê Raviei Yiang Sursĩ, yỗn hái tẻq dáng tễ dũ ranáq Yiang Sursĩ chuai miat hái.

¹³ Ngkíq hếq tỡ bữn atõng santoiq hếq khoiq rien tễ cũai rangoaiq. Ma hếq atõng santoiq Raviei Yiang Sursĩ atõng hếq. Hếq atõng ốc p̄ieiq tễ Yiang Sursĩ, yỗn máh cũai bữn Raviei Yiang Sursĩ ốt tang mút pahõm alói. ¹⁴ Ma máh cũai tỡ bữn bữn Raviei Yiang Sursĩ ốt tang mút pahõm alói, ki alói tỡ tẻq bữn máh ốc Yiang Sursĩ atõng na Raviei án. Cũai ki chanchóm ốc ki la ốc sacũl. Khãn alói ốq Raviei Yiang Sursĩ, alói tỡ bữn sapúh tễ ốc ki. ¹⁵ Cũai ca bữn Raviei Yiang Sursĩ ốt tang mút pahõm án, lứq cũai ki dáng tutuaiq máh ngê Yiang Sursĩ. Ma cũai canốh, alói tỡ dáng tutuaiq ntrầu tễ ngê cũai bữn Raviei Yiang

Sursĩ. ¹⁶ Tâng tâm saráq Yiang Sursĩ tễ mbỏq, noau khoiq blóh neq:

“Cũai aléq têq dáng sarnóm Yiang Sursĩ?”

Cóp cũai aléq têq t̃eih atông Yiang Sursĩ?”*

Ma hái lứq bữn sarnóm Crít ốt tâng mút pahôm hái.

3

Máh Cũai Ca Táq Ranáq Yiang Sursĩ

¹ Sểm ai ơi! Bo cứq ốt cóp anhia, cứq tở têq atông anhia ãn cũai puai ngê Raviei Yiang Sursĩ samoât samoi, yuaq anhia noâng puai rangúh anhia bữm. Bo ki anhia tở yũah sa-âm pacái. Anhia la samoât cũai mbỏiq sa-âm Crít. ² Tangái ki cứq khoiq atông anhia tễ ngê Yiang Sursĩ. Ma cứq atông anhia máh ngê khê sâng, yỗn anhia têq cháí dáng. Cứq tở bữn atông máh ngê coat, yuaq anhia tở têq dáng yũah tễ ngê coat ki.* Cóp toau toâq sanua, anhia tở têq dáng yũah tễ ốc coat ki, ³ cở anhia noâng ít rangúh anhia bữm. Khân anhia manoaq noâng sa-on tễ manoaq, cóp anhia ralõih, anhia noâng puai rangúh anhia bữm samoât riang cũai canõh tê. ⁴ Bữn cũai pai: “Cứq la cũai tễ tốp rien tễ Phau-lô.” Cóp án ca pai: “Cứq la cũai tễ tốp rien tễ Ablô.” Anhia pai ngkíq, la anhia machóng cũai tở yũah sa-âm. ⁵ Ma Ablô la noau? Cóp Phau-lô la noau? Hêq bar náq la ống cũai táq ranáq Yiang Sursĩ sâng. Hêq radũng anhia yỗn anhia sa-âm Yiang Sursĩ. Yiang Sursĩ toâp yỗn hêq bar náq táq ranáq án, manoaq muoi ranáq.

⁶ Cứq la cũai dâu lứq atông parnai o tễ Yiang Sursĩ yỗn anhia. Nãi la samoât riang cứq chóh. Ma Ablô atông anhia ntun cứq. Nãi la samoât riang án rooh. Ma lứq samoât, ống Yiang Sursĩ toâp yỗn nỡm ki dách. ⁷ Ngkíq, án ca atông nhũang cóp án ca atông ntun, la machóng. Ma ống Yiang Sursĩ toâp têq yỗn ốc ki padõh cóp toâr achõn. ⁸ Yáng moat Yiang Sursĩ, cũai chóh cóp cũai rooh la machóng. Ma nỡ-ra, alói bữn cóng puai loah ranáq alói khoiq táq.

⁹ Hêq bar náq táq ranáq Yiang Sursĩ parnoi, ma anhia la samoât riang rô Yiang Sursĩ; cóp anhia la samoât riang dóng Yiang Sursĩ táq. ¹⁰ Cứq la samoât riang cũai Chiang táq dóng cở như Yiang Sursĩ chuai miat yỗn cứq dáng ngê ki. Cứq táq ống tanang sâng, ma bữn cũai canõh ẽn táq moâm dóng ki. Ma máh cũai ca táq dóng, cóq alói táq yỗn carsiat tâng tanang ki. ¹¹ Yuaq bữn ống muoi tanang sâng Yiang Sursĩ táq. Tanang ki la Yê-su Crít. Tở têq noau táq tanang mpha tễ Yê-su Crít. ¹² Bữn cũai táq dóng carsiat o tâng tanang ki. Alói táq toâq yễng, práq, cóp tamáu. Ma bữn cũai canõh táq dóng toâq aluang, aho, cóp sapo toâq pláng.† ¹³ Toâq tangái parsót, bữn ùih chim máh ranáq cũai táq, o ma tở bữn. Cở bữn ùih chim, ngkíq cũai têq dáng máh ranáq alói táq p̃ieiq ma tở bữn. ¹⁴ Khân bữn cũai ma táq dóng toâq crong moat, dóng án tở bữn cat; cóp Yiang Sursĩ yỗn án bữn cóng. ¹⁵ Ma khân bữn cũai ma táq dóng toâq crong tở bữn khâm, dóng án lứq cat. Yiang

* **2:16** 2:16 Ê-sai 40:13 * **3:2** 3:2 Phau-lô sacâm ngê khê la samoât đợc tóh, ma ngê coat la samoât sana cũai carsai cha. † **3:12** 3:12 Phau-lô sacâm cũai táq dóng carsiat la cũai atông ốc p̃ieiq tễ ngê Yiang Sursĩ. Cũai táq dóng toâq aluang, aho, cóp sapo toâq pláng, la sacâm cũai atông ốc tở bữn p̃ieiq tễ ngê Yiang Sursĩ.

Sursĩ noâng chuai amoong án. Ma máh ranáq án táq, lúq cõt pút samoât riang ỹih cat.

Máh Cũai Sa-âm La Samoât Dong Sang Yiang Sursĩ

¹⁶ Nỏq ariang pai anhia tở bữn dáng, tốp anhia ca sa-âm la samoât đồng sang Yiang Sursĩ, cốp Raviei Yiang Sursĩ ốt tâng mút mút pahỏm anhia. ¹⁷ Khân cũai alẻq talỏh đồng sang Yiang Sursĩ, Yiang Sursĩ lúq pupút cũai ki, yuaq Yiang Sursĩ pasẻq lúq đồng sang án. Cốp anhia toáp lúq samoât đồng sang ki.

¹⁸ Anhia chỏi phẻq mút anhia bữm. Khân bữn noau tẻ ảphia ma chanchỏm án rangoiq cỏ án puai ngẻ tâng đỏi nải, yỏn án táh chíq ngẻ rangoiq ki, chẻ ỉt ngẻ rangoiq tẻ Yiang Sursĩ ẻn. ¹⁹ Ngẻ ntrỏu cũai tâng đỏi nải chanchỏm rangoiq lúq, yáng moat Yiang Sursĩ ngẻ ki la sacủl miat. Tâng tâm saráq Yiang Sursĩ tẻ mbỏq, noau khoiq chẻ neq:

“Yiang Sursĩ dáng máh ngẻ cũai rangoiq đỏq lỏp yỏu, cốp án catáng máh ngẻ alỏi ẻ táq.”*

²⁰ Cốp tâng tâm saráq Yiang Sursĩ nỏq canỏh bữn noau khoiq chẻ neq:

“Lúq Yiang Sursĩ dáng máh sarnỏm cũai rangoiq chanchỏm la tở bữn khlữn ntrỏu.”*

²¹ Ngkỉq anhia chỏi achỏn cũai yỏn manoaq hỏn tẻ manoaq. Yuaq đũ ramứh ki anhia ndỏm parnoi, ²² đẻh Phau-lỏ, Ablỏ, Phi-er, cốp đũ ramứh tâng cốc cutẻq nải, ỏc tamoong tở la ỏc cuchít, đẻh ramứh sanua cốp ramứh chumát. Nheq tữh ramứh ki, anhia ndỏm parnoi. ²³ Lúq Crít ndỏm nheq tữh anhia. Cốp Yiang Sursĩ ndỏm Crít.

4

Ổng Yiang Sursĩ Sâng Tẻq Pai Cũai O Tở La Tở O

¹ Cỏq anhia chanchỏm tẻ hẻq ca táq ranáq Crít. Lúq Yiang Sursĩ rườh hẻq yỏn kĩaq parnai o tẻ án, la máh parnai o án tở yủah yỏn cũai dáng. ² Khân bữn cũai kĩaq ramứh ntrỏu, cỏq cũai ki bữn mút tanoang tapứng, yỏn cũai ca ỏn án tẻq sa-âm. ³ Tở bữn ntrỏu anhia, tở la cũai canỏh, pai o tở la pai sảuq tẻ cứq. Đẻh cứq bữm la tở tẻq pai cứq o, tở la sảuq. ⁴ Cứq chanchỏm cứq tở bữn lỏih ntrỏu. Ma ỏc cứq chanchỏm ki tở bữn táq yỏn cứq ỏt tanoang o yáng moat Yiang Sursĩ. Ổng Yiang Sursĩ toáp tẻq pai cứq la tanoang, tở la tở bữn tanoang. ⁵ Ngkỉq, anhia chỏi coáp pai cũai canỏh o, tở la tở bữn o, bo Yẻ-su tở yủah toáq loah pỏ cutẻq nải. Toáq tangái Yẻ-su toáq loah, án lúq ảpáh máh ỏc cũai cutooq, cốp án táq yỏn đũ náq cũai dáng tẻ máh ngẻ ỏt tâng mút pahỏm cũai. Tangái ki Yiang Sursĩ khẻn alỏi, puai loah ranáq alỏi khoiq táq.

Cũai Táq Ranáq Yẻ-su Chửuq Sa-ỹi Ramứh Tủh Coat

⁶ Sẻm ai ỏi! Cứq yoc anhia dáng raloaih lúq; yuaq ngkỉq cứq sacảm tẻ cứq cốp Ablỏ. Cứq yoc anhia rien tẻ hẻq, đỏq anhia tở bữn táq mpha tẻ ỏc Yiang Sursĩ atỏng tẻ mbỏq. Tở pẻiq anhia achỏn cũai nải, ma asẻng cũai ki. ⁷ Tẻ noau anhia dáng pai cũai nải o, ma cũai ki sảuq? Đũ ramứh anhia bữn, lúq Yiang Sursĩ toáp yỏn anhia bữn ramứh ki. Khân Yiang Sursĩ yỏn anhia bữn ngkỉq, nỏq anhia pai anhia chỏng bữn bữm? ⁸ Sanua anhia chanchỏm anhia khoiq dáng đũ

ramúh tể ngê Yiang Sursĩ, cốp anhia chanchóm anhia la cũai rangoaiq lứq! Anhia chanchóm anhia cõt samoât puo, ma hếq tở yũah cõt ngkiq! Cúq yoc lứq anhia cõt puo, yỗn hái têq cõt puo parnoi! ⁹ Ma cúq chanchóm Yiang Sursĩ khoiq yỗn hếq, la cũai ayũng aĩ Yê-su Crĩt ốt pũn nheq tũh cũai canõh. Hếq la samoât cũai tũ noau anoat cóq cuchĩt yáng moat dũ náq cũai tâng cốc cutểq nãi, cốp yáng moat máh ranẽng Yiang Sursĩ tâng paloõng hõ. ¹⁰ Hếq khoiq sa-âm Crĩt nhũang anhia, ma cũai canõh pai hếq la cũai noãng sacũl. Ma anhia sa-âm Crĩt ntun hếq, ma anhia pai anhia khoiq bũn dũ ngê rangoaiq tể Crĩt chơ. Hếq la cũai ieuq ot, ma anhia la cũai bán rêng lứq. Cũai canõh yám noap anhia; ma hếq, noau tở bũn yám noap ntróu. ¹¹ Toau sanua hếq noãng panhieih níc. Tampác hếq tác la nheq anhõh. Noau táq níc hếq; cốp ntốq hếq ể ốt la óq. ¹² Hếq táq ranáq lakéh lứq đốq bũn crong sana cha. Khân noau lóc hếq, ki hếq câu ọc bốn yỗn cũai ki. Khân noau táq hếq, ki hếq chũuq tanhĩr sãng. ¹³ Khân noau tũn apốt hếq, hếq ta-õi santoiq languat laham chốq alóĩ. Toau tangái nãi, cũai tâng đõĩ nãi nhêng chu hếq samoât créq!

Phau-lô La Ngól Yỗn Cũai Cờ-ntô Tũoiq

¹⁴ Cúq tở bũn chĩc santoiq nãi yỗn anhia sãng casiet. Ma cúq chĩc atõng anhia, yuaq anhia la samoât máh con cúq ayooq lứq. ¹⁵ Tở bũn ntróu bũn muoi vian náq cũai atõng anhia tể ngê Crĩt, ma cúq nãi toáp nhũang lứq atõng parnai Yê-su Crĩt yỗn anhia. Ngkiq ống cúq toáp la samoât mpoaq anhia. ¹⁶ Ngkiq cúq sếq

anhia tũoiq cúq. ¹⁷ Yuaq ngkiq cúq ón Ti-muthê toáq pở anhia, đốq atõng anhia yỗn dáng raloaih tể ngê cúq puai Yê-su Crĩt. Ti-muthê la samoât con cúq ayooq lứq tể. Têq anhia noap án toáq án atõng anhia tể ngê Yê-su Crĩt. Ngê ki, cúq đốq atõng máh tốp sa-âm yỗn dáng.

¹⁸ Bũn cũai tể anhia chanchóm alóĩ bũn chốc tể Yiang Sursĩ sa-ũĩ hõn tể cúq bũn. Alóĩ chanchóm cúq tở bũn toáq sa-óh anhia. ¹⁹ Ma khân Yiang Sursĩ yỗn, lứq tở bũn dũn noãng cúq toáq sa-óh anhia. Ngkiq cúq têq dáng cũai ca chanchóm alóĩ bũn chốc, tở la chống ể pai sâng alóĩ bũn chốc. ²⁰ Yiang Sursĩ apáh án sốt tâng mút pahõm cũai, cỗ tể ranáq alóĩ táq, tở cõn cỗ tể santoiq alóĩ pai. ²¹ Ntróu anhia yoc ể bũn bo cúq toáq pở anhia? Anhia ể bũn dũi, ma anhia ểq cúq ayooq anhia cốp bũn mút lamên chốq anhia?

5

Cũai Tâng Vil Cờ-ntô Táq Ranáq Sâuq

¹ Cúq khoiq sâng noau atõng tể manoaq samiang tâng tốp anhia táq ranáq sâuq lứq. Án cooc lacuoi mpoaq án. Ranáq ki khoiq parhan dũ ntốq. Máh cũai tở yũah sa-âm Yiang Sursĩ, lứq alóĩ tở nai táq ranáq sâuq ngkiq. ² Nốq anhia noãng chanchóm anhia la cũai o yáng moat Yiang Sursĩ? Nốq anhia tở bũn sâng ngua tể ranáq sâuq ki? O lứq la anhia tuih aloõh chíq cũai táq ngkiq. ³ Tam cúq ốt yờng tể anhia, ma mút pahõm cúq ốt parnoi níc cốp anhia. Cỗ Yê-su, Ncháu hái, yỗn cúq bũn chốc, têq cúq pai anhia cóq táq nốq chốq cũai táq ranáq sâuq. ⁴⁻⁵ Cúq patáp neq; Toáq anhia rôm la samoât cúq rôm

parnoi cốp anhia tê. Bo ki, cóq anhia chiau án ca táq ranáq sâuq yỗn yang Satan táq tỗ án, đờq ravieí án bữn tamooŋ toau toátq tangái Ncháu toátq loah pờ cutêq nâi. Anhia têq táq ngkíq cồ anhia bữn chớc tễ Yê-su, Ncháu hái.

⁶ Tờ p̄ieiq anhia mangkhên pai anhia la cũiai o yáng moat Yang Sursĩ. Anhia khoiq dáng nứm ốc sacâm tễ cớng táq yỗn bẻng mi cõt pluoih neq: “Khân bữn bĩq cớng pluoih, ma anhia talốc cốp bốt mi, lứq nheq bốt mi ki cõt pluoih nheq.” ⁷ Cớng pluoih nâi la sacâm tễ ốc lôi. Cóq anhia ỉt tời chíq cớng pluoih tiaq tễ mút pahõm anhia yỗn anhia têq bữn mút tamái ẻn. Yê-su Cữt khoiq cuchit tang hái chớ. Ngkíq hái cõt mút tamái ẻn. Yê-su la samoát charán cũi ca máh cũi I-sarel đờq kiac cha sanhữ Tangái Loõh.* ⁸ Yuaq ngkíq, cóq hái sanhữ tangái ki, cốp cha bẻng mi ốq cớng pluoih. Ma o yỗn hái cha bẻng mi ốq cớng pluoih. Nâi la samoát riang hái tỡ bữn bữn noâng lôi chớ hái puai samoát samoi ngê p̄ieiq.

⁹ Tâng choaiq thờ cứq cớiq yỗn anhia tễ nhũang, cứq khoiq atõng anhia chõi ratoi cốp cũiai ca tỡ bữn lacuoi cayac ma bẻq parnoi. ¹⁰ Tâng choaiq thờ ki, cứq tỡ bữn ỏn anhia chõi ratoi cốp cũiai tỡ yũah sa-âm ca tỡ bữn lacuoi cayac ma bẻq parnoi, tỡ la ham cớng noau, tỡ la lỏp noau, tỡ la sang yang canõh. Khân anhia tỡ ẻq hữm máh cũiai ki, cóq anhia loõh tễ cốc cutêq nâi! ¹¹ Ma tâng choaiq thờ ki, cứq khoiq atõng anhia tễ cũiai sa-âm, ma noâng alóí táq ranáq sâuq na tỡ bữn lacuoi cayac ma bẻq parnoi, tỡ la ham cớng noau, tỡ la sang yang

canõh, tỡ la voõq sâuq cũiai canõh, tỡ la bũl blõng, tỡ la lỏp noau. Cứq patáp anhia neq: Chõi cha parnoi cốp máh cũiai ki.

¹²⁻¹³ Tỡ cõn ranáq cứq rablớh máh cũiai ca tỡ yũah sa-âm. Lứq Yang Sursĩ toátq rablớh alóí. Ma máh cũiai sa-âm tâng tốp anhia, cóq anhia rablớh! Cóq anhia tuih aloõh samiang ca táq ranáq sâuq tễ tốp anhia.

6

Chõi Yỗn Cũiai Tỡ Yũah Sa-âm Sữq Anhia Ca Khoiq Sa-âm

¹ Khân bữn tâng tốp sa-âm anhia, manoaq ralõih chỏq manoaq, nõq anhia khỏn toátq pờ cũiai tỡ bữn sa-âm yỗn alóí parchĩn anhia? P̄ieiq lứq, anhia toátq pờ máh cũiai khoiq sa-âm, yỗn alóí parchĩn anhia. ² Anhia dáng ma tỡ bữn, nõ-ra cũiai sa-âm Yang Sursĩ, bữn chớc rablớh nheq tữh cũiai? Khân nõ-ra anhia ma rablớh dũ náq cũiai, nõq ốc cacót lứq ma anhia tỡ têq parchĩn? ³ Anhia dáng ma tỡ bữn, nõ-ra hái bữn chớc rablớh đêh ranẽng Yang Sursĩ tâng paloõng hỡ? Khân ngkíq, p̄ieiq lứq la hái rasũq máh ranáq tâng dõi nâi. ⁴ Ngkíq khân cũiai tâng tốp anhia ma ralõih tễ ngê tâng dõi nâi, nõq anhia yỗn cũiai tỡ bữn sa-âm parchĩn anhia? ⁵ Cứq pai ngkíq yỗn anhia sâng casiet. Nỏq ariang pai ốq cũiai rangoaiq tâng tốp anhia đờq parchĩn yỗn anhia. ⁶ Ma anhia noâng manoaq ralõih chỏq manoaq, cóq anhia yỗn cũiai tỡ bữn sa-âm parchĩn parnai yỗn anhia!

⁷ Khân tâng tốp sa-âm anhia bữn manoaq ralõih chỏq manoaq, nâi la tếc apáh anhia tỡ bữn puai ngê Yang Sursĩ samoát samoi.

* 5:7 5:7 Tangái ki alóí cha sanhữ tangái Yang Sursĩ chuai alóí loõh tễ cruang Ê-yip-tô tễ mbỏq.

Pĩeiq lứq anhia chũuq cũi canốh táq anhia. Cóp pĩeiq lứq anhia chũuq noau ít crong anhia. ⁸ Ma lứq tâng tốp anhia toáp manoaq táq manoaq, cóp manoaq ít crong manoaq! ⁹⁻¹⁰ Anhia dáng chơ la Yiang Sursĩ tở bữn cõt sốt tâng mút pahồm máh cũi táq ranáq sấuq. Anhia chũi phếq tở anhia bữm, lứq Yiang Sursĩ tở bữn cõt sốt tâng mút pahồm cũi táq ranáq neq: Tở bữn lacuoi cayac ma bẻq parnoi, sang yiang canốh, cooc lacuoi tở la cayac noau, mansẽm ẽ bữn rato mansẽm, samiang ẽ bữn rato samiang, tutuoiq, ham crong noau, bũl blong, voỏq sấuq noau, cóp lóp crong noau. ¹¹ Bữn cũi tâng tốp anhia táq ranáq ki tẽ nhũang. Ma sanua, cỗ nhơ Yê-su Crĩt, Ncháu hái, cóp cỗ nhơ Raviei Yiang Sursĩ, Yiang Sursĩ khoiq ariau mút pahồm anhia; án yỗn anhia táq ranáq án ẽn, cóp án yỗn anhia ỏt tanoang o yáng moat án.

Cóq Anhia Viaq Tẽ Ranáq Sấuq Tở Bữn Lacuoi Cayac Ma Bẻq Parnoi

¹² Bữn noau pai neq: “Máh ranáq cứq yoc ẽ táq, ki tẻq cứq táq,” ma tở cữn dũ ranáq ki cữt kia yỗn anhia. Lứq noau pai: “Máh ranáq cứq yoc ẽ táq, ki tẻq cứq táq.” Ma cứq tở ẻq tở cứq cữt sũl ranáq ki. ¹³ Yiang Sursĩ khoiq tẻng cũi bữn púng yỗn đỏq crong sana. Cóp án tẻng crong sana yỗn púng tở bữn sâng panhieih. Ma nữ-ra Yiang Sursĩ lứq pupút nehq bar ramứh ki. Machống ki tẻ Yiang Sursĩ tở bữn tẻng tở cũi đỏq yỗn cũi tở bữn lacuoi cayac ma bẻq parnoi. Yiang Sursĩ tẻng tở cũi đỏq khẻn án, cóp Yiang Sursĩ kĩaq pasẻq

níc tở cũi. ¹⁴ Chỏc Yiang Sursĩ khoiq táq yỗn Yê-su tamoong loah tẻ cuchia, cóp nữ-ra án yỗn hái bữn tamoong loah ariang Yê-su tẻ.

¹⁵ Anhia dáng ma tở bữn, dũ náq cũi tâng tốp sa-âm la samoát muoi pún tẻ tở Crĩt? Ngkĩq nõq anhia chanchỏm, o tở khần cứq ít muoi pún tẻ tở Crĩt, chơ amỏh pún ki parnoi cóp mansẽm chẻq tở? Lứq tở tẻq táq ngkĩq! ¹⁶ Cóp anhia dáng ma tở bữn, cũi alẻq đỏq ẻ pỏq langỏp mansẽm chẻq tở, alỏi bar náq ki cữt samoát muoi sấuq sâng? Tâng tâm saráq Yiang Sursĩ tẻ mbỏq, án khoiq pai neq:

“Lứq bar náq ki cữt riang muoi sấuq sâng.”^{*}

¹⁷ Ma khần anhia chiau sang tở anhia yỗn Ncháu hái, chơ anhia cữt muoi mút muoi pahồm cóp án.

¹⁸ Cóq anhia viaq yỗn vớt tẻ máh ngẻ sấuq tở bữn lacuoi cayac ma bẻq parnoi. Ngẻ sấuq nái la mpha tẻ ngẻ sấuq canốh, yuaq ngẻ sấuq nái táq tở o chỏq tở bữm. ¹⁹ Anhia dáng ma tở bữn, tở anhia la samoát riang đỏng sang yỗn Raviei Yiang Sursĩ ỏt? Lứq Yiang Sursĩ toáp yỗn anhia bữn Raviei án. Anhia tở bữn ndỡm tở anhia bữm, ma lứq Yiang Sursĩ toáp ndỡm tở anhia. ²⁰ Yuaq án khoiq chỡng anhia toáp kia ntàng lứq, ngkĩq cóq anhia yám noap án na chiau tở anhia.

7

Phau-lô Atỡng Tẻ Ỉt Lacuoi Cayac

¹ Sanua cứq yoc chĩc ta-ỏi anhia tẻ máh ỏc anhia khoiq chĩc yỗn cứq. Cứq chanchỏm o khần cũi tở bữn ít lacuoi cayac. ² Ma đỏq anhia tẻq viaq tẻ ngẻ sấuq tở bữn lacuoi cayac ma bẻq parnoi, ki

^{*} 6:16 6:16 Saráq Tẻ Dâu 2:24

o yỗn dũ náq samiang ít lacuoi, cốp dũ náq mansêm chuaq cayac. ³ Cayac cóq ít rangúh lacuoi. Cốp lacuoi cóq ít rangúh cayac. ⁴ Mansêm khoiq bữn cayac chơ, án tở têq ndõm tở án bữm, ma cayac án ndõm tở án. Machớng ki tê, samiang khoiq bữn lacuoi tở têq ndõm tở án bữm, ma lacuoi án ndõm tở án. ⁵ Ma khân bar náq lacuoi cayac ma pruum tở bữn bẻq parnơi bĩaq tangái, miaq yoc ẽ câu, ki têq anhia táq ngkíq. Ma vót ki cóq anhia bẻq parnơi loah sĩa yỗn yiang Satan tở têq radũng anhia táq ranáq sấuq ẽ bữn cũai canõh. ⁶ Santoiq nài cừq tở bữn ớn anhia, ma cừq chanchóm o yỗn anhia táq. ⁷ Cừq yoc nheq tữh cũai táq machớng cừq tê tở bữn yoc ẽ ít lacuoi. Ma Yiang Sursĩ yỗn dũ náq cũai, manoaq mpha tẻ manoaq; án ca têq táq ranáq nài, án ca tẻq táq ranáq ki.

⁸ Sanua cừq yoc atõng máh cũai tở yũah ít lacuoi tở la cayac, cốp máh cán cumai neq; O lứq la anhia tở bữn ít lacuoi tở la cayac riang cừq tê. ⁹ Ma khân anhia tở rơi ớt ngkíq, ki têq anhia ít lacuoi tở la cayac. Khaq anhia ít lacuoi tở la cayac saláng anhia yoc níc ẽ bữn noau.

Phau-lô Atõng Máh Cũai Ca Khoiq Ít Lacuoi Cayac

¹⁰ Máh cũai khoiq bữn lacuoi tở la cayac, Ncháu khoiq ớn alới neq: “Lacuoi tở têq táh cayac.” (Ổc nài tở cõn cừq patâp.) ¹¹ Khân án táh cayac, cóq án chõi chuaq noâng cayac, tở la cóq án chu loah pở đống cayac án. Cốp cayac ẽn, la tở têq táh tê lacuoi.

¹² Cừq patâp máh cũai khoiq sa-âm chơ, khân alới bữn lacuoi tở yũah sa-âm, ma lacuoi án pruum ớt níc cốp án, cóq án chõi táh lacuoi án. (Ổc nài tở bữn tẻ Ncháu

patâp, ma cừq bữm patâp.) ¹³ Cốp khân bữn mansêm khoiq sa-âm chơ ma án bữn cayac tở yũah sa-âm, ma cayac án noâng yoc ẽ bữn án, cóq án chõi táh cayac án. ¹⁴ Khân bữn cayac tở yũah sa-âm, ma lacuoi khoiq sa-âm chơ, lứq Yiang Sursĩ táq o chớq cayac ki tê, cõ nhơ tẻ lacuoi án sa-âm. Cốp khân bữn lacuoi tở yũah sa-âm, ma cayac án khoiq sa-âm chơ, lứq Yiang Sursĩ táq o chớq lacuoi án cõ nhơ cayac án sa-âm. Khân Yiang Sursĩ tở bữn chuai alới ngkíq, lứq máh con alới la samoât riang con cũai tở yũah sa-âm tê. Ma sanua Yiang Sursĩ lứq chuai con alới, samoât riang máh con cũai sa-âm tê. ¹⁵ Ma khân cũai tở yũah sa-âm yoc ẽ táh lacuoi tở la cayac ca khoiq sa-âm chơ, ki têq án táh. Khân ngkíq, lacuoi tở la cayac ca khoiq sa-âm tở bữn cóq catoâng án. Lứq Yiang Sursĩ ẻq hái ca cõt lacuoi cayac ớt ratoi. ¹⁶ O mansêm ca khoiq cõt lacuoi ời! Nỡ-ra têq cõng bữn mới chuai cayac mới yỗn án sa-âm tê, khân mới lứq puai ngê Yê-su Crít. Cốp samiang ca cõt cayac ời! Nỡ-ra têq cõng bữn mới chuai lacuoi mới yỗn án sa-âm tê, khân mới lứq puai ngê Yê-su Crít.

Dũ Náq Cũai Cóq Táq Máh Ranáq Yiang Sursĩ Yỗn Án Táq

¹⁷ Cừq patâp ớc nài yỗn dũ tốp sa-âm. Dũ náq anhia cóq táq máh ranáq Yiang Sursĩ rườh yỗn anhia cốp ớn anhia táq. ¹⁸ Khân bữn cũai I-sarel khoiq táq rit cút, puai phẻp rit I-sarel, ma án sa-âm Yê-su Crít, chõi yỗn án táh tẻc ki. Cốp khân bữn cũai tở yũah táq rit cút, ma án sa-âm Yê-su Crít, chõi yỗn án táq tẻc ki tâng tở án. ¹⁹ Táq rit cút tở la tở bữn táq, la tở bữn ntróu. Ma ớc toâr lứq la cốp trĩh samoât samơi máh ớc Yiang

Sursĩ patâp. ²⁰ Ranáq ntróu anhia coi chuaq cha bo anhia tở yũah sa-âm, ki cũuq anhia táq ranáq ki. ²¹ Khân anhia la cũai sũl bo Yiang Sursĩ yõn anhia sa-âm, ki anhia chõĩ chanchóm ntróu tễ anhia la cũai sũl. Ma khân ncháu anhia tở bữn yõn anhia cõt sũl noâng, ki tẽq anhia táq ranáq canõh ẽn. ²² Khân Yiang Sursĩ yõn anhia sa-âm án bo anhia noâng cõt cũai sũl, cóq anhia sanhữ Ncháu khoi q acláh anhia. Cóp khân Yiang Sursĩ yõn anhia sa-âm ma anhia tở cõn cũai sũl, cóq anhia sanhữ sanua anhia cõt sũl yõn Crĩt ẽn. ²³ Yiang Sursĩ khoi q chõng anhia toâq kia ntâng lứq. Ngkĩq anhia chõĩ cõt sũl noâng ngê cũai. ²⁴ Sẽm ai oi! Ranáq ntróu anhia coi chuaq cha bo anhia tở yũah sa-âm, ki cũuq anhia táq ranáq ki, ma cóq anhia puai ngê Yiang Sursĩ hõ.

Phau-lô Atõng Tễ Cũai Ca Tở Yũah Bữn Lacuoi Cayac

²⁵ Sanua cứq yoc atõng anhia tễ cumũr tở yũah bữn cayac. Bo nhũang Ncháu tở bữn ớn cứq atõng tễ ramứh nãi. Ma cõ Ncháu ayooq táq cứq, ngkĩq tẽq anhia sa-âm cứq.

²⁶ Yuaq dõĩ nãi bữn sa-ũĩ túh coat, cứq chanchóm o lứq cũai tở bữn ỉt lacuoi cayac. ²⁷ Ma khân anhia khoi q bữn lacuoi chơ, ki chõĩ táh lacuoi anhia. Cóp khân anhia tở yũah bữn lacuoi, o anhia chõĩ ỉt lacuoi. ²⁸ Ma khân anhia yoc ẽ ỉt lacuoi, ki tở bữn lờih ntróu. Cóp khân cumũr yoc ẽ chuaq cayac, la tở bữn lờih ntróu tẽ. Ma máh cũai bữn lacuoi tở la cayac chơ, alóĩ bữn sarnóm coat hõn tễ cũai tở bữn bữn lacuoi tở la cayac. Cứq ẽq anhia viaq vớt tễ sarnóm coat ki.

²⁹ Sẽm ai oi, cứq atõng anhia máh ố nãi, yuaq tangái parsõt khoi q cheq ẽ toâq chơ. Ngkĩq

khân cũai bữn lacuoi, tở la tở bữn lacuoi, la tở bữn ntróu. ³⁰ Cóp cũai sãng ngua, tở la bũi, tở la bữn chõng crõng, ốc ki tở bữn toâr ntróu. ³¹ Cóp cũai táq ranáq ẽq yõn bữn tâc cha tâng dõĩ nãi, cóq alóĩ chõĩ yoc luat ngư, yuaq nõ-ra máh crõng tâng dõĩ nãi cõt pút nheq.

³² Cứq tở ẽq anhia clong níc tễ ranáq tâng dõĩ nãi. Máh cũai ca tở yũah ỉt lacuoi, tẽq alóĩ táq níc ranáq Yiang Sursĩ, yuaq alóĩ ẽq yõn bũĩ pahõm Yiang Sursĩ. ³³ Ma máh cũai khoi q ỉt lacuoi, cóq alóĩ cutóng táq ranáq tâng dõĩ nãi, yuaq alóĩ ẽq yõn bũĩ pahõm lacuoi alóĩ. Ngkĩq alóĩ puai bar rana. ³⁴ Machõng ki tẽ, mansẽm tở yũah bữn cayac, tở la mansẽm ca ốq noâng cayac, alóĩ mpha tễ mansẽm bữn cayac. Alóĩ tẽq puai níc ngê Yiang Sursĩ, yuaq alóĩ yoc táq ranáq Yiang Sursĩ nheq mút pahõm cóp nheq tở chác alóĩ. Ma mansẽm ca bữn cayac, cóq alóĩ cutóng táq ranáq tâng dõĩ nãi tẽ, yuaq alóĩ ẽq yõn bũĩ pahõm cayac alóĩ.

³⁵ Cứq pai ngkĩq chỏq anhia, yuaq cứq yoc ẽ chuai anhia. Cứq tở bữn catáng anhia. Ma cứq yoc anhia dáng tễ ốc pĩei q cóp ốc o yõn anhia tẽq táq ranáq Yiang Sursĩ nheq rangứh rahõ anhia.

³⁶ Khân bữn cumũr tatoam khoi q dỏq voan, ma alóĩ chanchóm tở ẽq racoâi q yũah, ki o. Ma khân vớt tễ ki samiang ki chanchóm án táq tở pĩei q chỏq mansẽm ki, cóp án tở rơi rabán noâng tở án, ki o yõn án racoâi q. Ma án tở bữn lờih ntróu. ³⁷ Ma khân samiang ki tở bữn nou tĩeih án, ma án chanchóm o lứq tở bữn racoâi q, ki o tẽ. ³⁸ Ngkĩq cũai

racoâiq, la án táq o, ma cũai tờ
bữn racoâiq, ki án táq o hỡn ẽn.*

³⁹ Mansẽm ca bữn cayac chớ,
án tờ têq chuaq cayac canỏh
toau nheq dời tamoong cayac án.
Ma vớ t cayac án cuchít, án têq
chuaq cayac tamái. Ma cóq
án chuaq cũai samiang ca sa-âm
Yiang Sursĩ. ⁴⁰ Ma puai ngê cứq,
khân roi án ỏt manoaq, lứq án
bốn hỡn. Máh ki toáp cứq atớng
anhia. Cóp cứq chanchỏm Raviei
Yiang Sursĩ atớng cứq tẽ ramứh
nái.

8

*Phau-lô Atớng Tẽ Cong Tu-
tỏng Sang Yiang Canỏh*

¹ Sanua cứq yoc atớng anhia tẽ
cờng noau tutoỏng sang yiang
canỏh. Anhia pai anhia khiq
dáng sa-ữi chớ. Khân anhia
chanchỏm ngkíq, ki anhia achỏn
tỏ bữm. Ma tờ bữn ntróu anhia
dáng sa-ữi. Ốc toâr lứq la anhia
dáng ayooq yớu cóp chuai yớu
yỏn sa-âm pacái lứq ẽn. ² Cũai
aléq chanchỏm án dáng sa-ữi chớ,
ki án tờ yũah dáng tẽ máh ốc án
cóq dáng. ³ Cũai aléq ma ayooq
Yiang Sursĩ, lứq Yiang Sursĩ dáng
cũai ki.

⁴ Ngkíq sanua, cứq yoc atớng
anhia tẽ cha cớng noau tutoỏng
sang máh rup yiang. Hái khiq
dáng chớ, rup ki tờ bữn kia ntróu
loâng. Cóp hái khiq dáng chớ
bữn ớng muoi noaq Yiang Sursĩ
toáp la lứq Yiang. ⁵ Bữn sa-ữi
yang tâng paloỏng cóp tâng cớc
cutẽq nái, noau đốq sang cóp yám
noap, cớ t samoát ncháu alói. ⁶ Ma
hái bữn ớng Yiang Sursĩ sâng,
án la Mpoaq hái tâng paloỏng.
Án khiq tẽng tuc culám khám
ramứh, cóp án yỏn hái tamoong

đốq khẽn án. Cóp hái bữn ớng
muoi lám Ncháu sâng, án la Yê-su
Crít. Yiang Sursĩ tẽng tuc culám
khám ramứh cớ nhớ tẽ án, cóp hái
bữn tamoong la cớ nhớ tẽ án tẽ.

⁷ Ma tờ bữn dũ náq cũai dáng tẽ
ramứh ki. Bữn cũai tẽ tốp sa-âm,
toau sanua alói noâng pai yiang
alói đốq sang tẽ nhũang la lứq
yang. Cóp khân alói cha cớng
tutoỏng, la samoát alói noâng
yám noap yiang ki. Mứt cũai ki
tờ yũah pacái; yuaq ngkíq alói
sâng lỏih khân alói cha sana noau
tutoỏng. ⁸ Dũ ramứh cớng sana,
tờ bữn chuai yỏn hái cớ t o yáng
moat Yiang Sursĩ tam hái cha, tờ
la tờ bữn cha cớng ki.

⁹⁻¹⁰ Dũ ramứh cớng sana anhia
têq cha, ma cóq anhia táq yỏn o
chóq cũai sa-âm tờ yũah pacái.
Khân alói hữm anhia ca dáng
sa-ữi, ma cha cớng noau tutoỏng
tâng đống sang yiang canỏh, ốc
ki ariang anhia radũng alói yỏn
cha tũoiq anhia tẽ. Ngkíq anhia
táq yỏn alói bữn lỏih. ¹¹ Ngkíq,
cớ tẽ anhia dáng sa-ữi ki, anhia
táq yỏn sẽm ai anhia ca tờ yũah
sa-âm samoát samớ cớ tấh chít
Yiang Sursĩ. Ma lứq Crít cuchít
tang alói tẽ. ¹² Ngkíq, khân anhia
táq lỏih chóq sẽm ai anhia ca tờ
yũah sa-âm pacái, ki anhia bữn
lỏih cóp Crít. ¹³ Khân cứq cha
sana ntróu, ma táq yỏn sẽm ai cứq
cớ t lỏih, ki cứq tờ ẽq cha noâng
cờng sana ki toau sớ t dời cứq,
đốq sẽm ai cứq tờ bữn cớ t lỏih.

9

Ngê Ayũng Atĩ Yê-su Crít

¹ Cứq la ayũng atĩ Yê-su Crít.
Ranáq ntróu cứq yoc ẽ táq, tẽq
cứq táq. Lứq samoát moat cứq

* 7:38 7:38 Tâng pái rana nái, bữn noau parlong pai Phau-lô atớng tẽ cũai mpoaq bữn con cumữr khiq vớ t ngừ ít cayac. Khân án yỏn con cumữr án chuaq cayac, la án táq o. Ma khân án yỏn con án tờ bữn chuaq cayac, la án táq o hỡn ẽn.

khoiq hữm Yê-su, Ncháu hái. Cỗ cứq táq ranáq Yiang Sursĩ, ngkíq yuaq anhia cõt cũai sa-âm. ² Bữn cũai tớ bữn noap cứq cõt ayũng atĩ Yê-su Crĩt, ma lứq cứq táq ranáq ki yõn anhia. Anhia khoiq bữn muoi mút cốp Yê-su Crĩt cõ tẽ cứq atõng anhia. Ngkíq anhia la samoat tẽc cứq lứq cõt ayũng atĩ Yê-su Crĩt.

³ Alói ca tẽq cứq, cứq tẽq blóh loah alói neq: ⁴ Pĩeiq tớ, khân cứq sẽq alói ca tamúng parnai cứq chũm siem cứq? ⁵ Pĩeiq lứq la cứq bữn lacuoi pờq táq ranáq Yiang Sursĩ parnoi cốp cứq. Cốp tộp sa-âm cóq siem hẽq machóng tộp sa-âm khoiq siem Phi-er, máh a-ẽm Ncháu hái, cốp cũai ayũng atĩ Yê-su Crĩt canõh tẽ, lứq tớ? ⁶ Yuaq nõq anhia chanchóm óng Ba-naba cốp cứq sãng cóq siem tũ hẽq bữm? ⁷ Lứq tớ nai bữn tahan aléq ma tớ bữn roap práq cóng. Cốp tớ nai bữn cũai táq nưong, ma tớ bữn cha palái tẽ nưong ki. Cốp tớ nai bữn cũai mantán charán cũu, ma tớ bữn cha sàiq cũu. ⁸ Cứq pai ngkíq, cứq sacâm puai ngê cũai dóq pai. Ma tâng phẽp rit Mõi-se, án khoiq atõng machóng ki tẽ. ⁹ Án pai neq:

“Bo ntroõq tĩn racong saro yõn chuai anhia,
anhia chõĩ cusũm bõq án.

Cóq anhia yõn án cha tẽ,
yuaq án táq ranáq yõn an-
hia.”^{*}

Bo Yiang Sursĩ atõng ngkíq, án tớ bữn atõng tẽ óng ntroõq sãng. ¹⁰ Ma lứq samoat Yiang Sursĩ atõng santoiq ki yõn hái hỡ. Khân bữn bar náq pruum táq sarái, manoaq choat cốp manoaq ẽn sot, lứq alói bar náq pruum bữn cóng tẽ ranáq alói táq. ¹¹ Hẽq khoiq atõng anhia tẽ parnai Yiang Sursĩ,

ki cõt samoat hẽq chónh cuplốq tâng mút anhia. Ngkíq, khân hẽq sẽq anhia chuai hẽq yõn bữn crong sana cha, anhia chanchóm hẽq táq tớ pĩeiq tớ? ¹² Khân bữn cũai canõh toáq atõng anhia, ki anhia yám noap lứq alói, cốp anhia yõn alói bữn crong sana. Ma pĩeiq lứq la anhia yám noap hẽq hỡn tẽ cũai ki, yuaq hẽq toáp la cũai dâu lứq toáq atõng anhia. Ma hẽq tớ bữn sẽq ntróu tẽ anhia. Hẽq chũuq dũ ramứh túh coat dóq tớ bữn catáng parnai o tẽ Yê-su Crĩt. ¹³ Anhia khoiq dáng chớ, cũai táq ranáq tâng Dóng Sang Toâr, lứq alói ít crong sana tẽ dóng sang. Cốp cũai tẽng crong sang tâng prông sang Dóng Sang Toâr, lứq alói ít cha muoi pún tẽ crong chiau sang ki. ¹⁴ Machóng ki tẽ, Yiang Sursĩ khoiq ón máh cũai ca tamúng parnai o tẽ án, cóq alói siem cũai atõng alói.

¹⁵ Ma cứq tớ nai sẽq ntróu tẽ anhia. Cốp cứq tớ bữn chĩc choáiq thờ nâi dóq sẽq anhia chuai cứq. Khaq cứq cuchĩt, saláng yõn noau pai cứq sẽq anhia chuai cứq. ¹⁶ Cứq tớ tẽq ốt ntróu cõ tẽ cứq atõng parnai o tẽ Yiang Sursĩ, yuaq Yiang Sursĩ toáp ón cứq atõng. Khân cứq tớ bữn atõng parnai o tẽ Yiang Sursĩ, bap lứq toáq pờ cứq. ¹⁷ Khân cứq chõng yoc ẽ táq ranáq nâi, ki cứq bữn cóng. Ma cứq tớ bữn chõng ẽ táq; lứq Yiang Sursĩ toáp ón cứq. Ngkíq cứq tớ tẽq suon pai ntróu. ¹⁸ Ngkíq ntróu la cóng cóp lờ yõn cứq? Cóng cóp lờ cứq la neq: Cứq sãng bũ pahõm toáq cứq atõng parnai o tẽ Yiang Sursĩ. Cứq atõng sãng, ma cứq tớ bữn ít cóng ntróu tẽ cũai. Khân cứq yoc ẽ ít, lứq tẽq cứq ít riang cũai canõh.

^{*} 9:9 9:9 Patáp Loah 25:4

19 Cúq tở bữn sũl yõn cũai aléq, ma cúq táq samoát riang sũl yõn dũ náq cũai. Cúq táq ngkíq ẽq yõn clúng cũai sa-âm Yê-su Crít cõ nhơ cúq atõng alóí. 20 Bo cúq atõng máh cũai I-sarel, cúq cõt samoát cũai I-sarel yõn alóí tẽq sa-âm Yê-su Crít cõ cúq atõng alóí. Cúq tở bữn puai noâng phẽp rit Mõi-se, ma bo cúq atõng cũai puai rit, cúq õt machõng alóí tẽ, yõn tẽq alóí sa-âm Yê-su Crít cõ cúq atõng alóí. 21 Machõng ki tẽ, cúq cõt samoát cũai tở cõn tốp I-sarel, yõn alóí tẽq sa-âm Yiang Sursĩ cõ nhơ cúq atõng alóí. Cúq õt machõng alóí, ma cúq tở bữn táh ngê Yiang Sursĩ cốp ngê Yê-su Crít. 22 Cúq cõt samoát máh cũai tở bữn sa-âm pacái tẽ, đõq alóí tẽq sa-âm pacái lứq ẽn. Ngkíq cúq cõt samoát yóu ratoí cốp dũ náq cũai, đõq alóí tẽq sa-âm Yê-su Crít. Dũ ranáq cúq táq, cúq ẽq máh cũai sa-âm Yê-su Crít cõ tẽ ranáq ki. 23 Dũ ranáq cúq táq, cúq ẽq cũai canõh dáng tẽ parnai o Yiang Sursĩ. Ngkíq cúq bữn ốc bốn tẽ parnai ki tẽ.

24 Khãn bữn sa-ũri náq cũai lúh tampling, bữn manoaq sâng tẽq bữn roap cõng tẽ án lúh cháí. Ngkíq cốp anhia táq machõng cũai ki tẽ. Cốp anhia cutõng puai ngê Yê-su Crít yõn anhia bữn roap cõng. 25 Nheq tũh cũai ca yoc ẽ tampling, cốp alóí cutõng rien cốp rabán o tở alóí bữm. Cõ nõq alóí táq ngkíq? Cõ alóí yoc ẽ bữn cõng tẽ lúh tampling. Cõng ki pút cháí lứq. Ma háí, cốp háí cutõng rien níc tẽ ngê Yê-su Crít, yuaq háí yoc ẽ bữn cõng ca tở nai pút. 26 Ngkíq cúq táq cutõng níc yoc ẽ bữn cõng ki, samoát riang cúq lúh tanoang yõn cháí toáq. Cúq la samoát riang cũai tampling rachooc tẽ;

cúq tở bữn chooc táq nan sâng. Machõng ki tẽ, cúq tở bữn táq nan táq ranáq Yiang Sursĩ. 27 Cúq táq coat lứq tở cúq bữm, đõq tẽh ẽp mút cúq yõn dáng trĩh. Cõh lợ toáq moâm cúq atõng cũai canõh, cúq toáp tở dáng bữn roap cõng cõ cúq táq tở p̄ieiq.

10

Sacâm Cũai I-sarel Tẽ Mbỏq

1 Sẽm ai ơi! Cúq atõng anhia yõn sanhũ loah máh achúc achiac háí tẽ mbỏq, bo alóí õt tâng ntõq aiq, cốp tẽ ramúl ca Yiang Sursĩ yõn õt cadóp kĩaq alóí. Chơ alóí p̄õq tadáh mpúng dĩ đõq mút. 2 Bo ramúl cadóp alóí, cốp bo alóí p̄õq tadáh mpúng dĩ đõq mút, ki alóí lứq pruam muoi mút cốp Mõi-se. 3 Nheq tũh alóí bữn cha muoi ramúh cõng sana nhơ tẽ chóc Yiang Sursĩ. 4 Cốp nheq tũh alóí bữn nguaiq muoi ramúh đõq nhơ tẽ chóc Yiang Sursĩ, yuaq alóí nguaiq đõq hoi tẽ tamáu ca õt cốp alóí. Tamáu ki la sacâm tẽ Crít. 5 Ma bữn sa-ũri náq tẽ tốp alóí táq yõn Yiang Sursĩ tở bữn bũi pahõm. Ngkíq yuaq máh cũai ki cuchĩt nheq tâng ntõq aiq.

6 Máh ranáq ki cõt tẽc yõn háí tở bữn táq puai noâng máh ngê sâuq, machõng máh cũai khiõq cuchĩt ki táq. 7 Anhia chõí sang yiang canõh, machõng alóí ki sang. Tâng tâm saráq Yiang Sursĩ tẽ mbỏq, án khiõq pai neq: “Alóí tacu cha nguaiq bo alóí sang yiang canõh.

Moâm ki, alóí tayúng ayũn ayõq tanghang lứq.”*

8 Cốp háí chõí bẽq parnoi khãn tở bữn lacuoi cayac, ariang alóí ki táq. Muoi tangái bữn 23,000 náq cuchĩt, yuaq alóí táq ngkíq. 9 Háí chõí chìm Yiang Sursĩ, machõng

* 10:7 10:7 Loõh Tẽ Ê-yip-tô 32:6

alói ki táq. Ngkíq cusân tot chững lứq cūai, chơ alói cuchĩt yuaq alói táq ngkíq. ¹⁰ Cóp cóq anhia chõĩ loại lựp-bựp níc, machóng alói ki loại. Cỗ alói táq ranáq sáuq ngkíq, yuaq ranêng Yiang Sursĩ tễ paloõng cachĩt alói.

¹¹ Dũ ramứh ki Yiang Sursĩ táq chọq achúc achiac hái, đọq apáh cóp atõng yõn hái dáng. Cóp noau khoiạ chĩc máh ramứh ki đọq sươq hái tê, yuaq dõĩ hái nài khoiạ cheq ẽ toáq tangái parsót chơ. ¹² Ngkíq, khân cūai aléq chanchóm án sa-âm pacái lứq, cóq án nhêng yõn o mút pahõm án, cõh lơ ngê sáuq têq radũng án. ¹³ Dũ ramứh sáuq ca toáq ẽ radũng anhia la machóng ngê sáuq ẽ radũng cūai canõh tê. Ma khân anhia sa-âm Yiang Sursĩ samoát samõi, lứq án yõn mút pahõm anhia tỡ bữm yoc ẽ puai máh ngê sáuq ki. Bo máh ngê sáuq ki toáq ẽ radũng anhia, lứq Yiang Sursĩ avĩaq yõn anhia vót tễ ngê sáuq ki. Ngkíq ngê sáuq ki tễ têq radũng anhia.

Chõĩ Sang Yiang Canõh

¹⁴ Ngkíq sễm ai ời, anhia chõĩ sang yiang canõh. ¹⁵ Cứq atõng anhia machóng cứq đọq atõng cūai rangoiạ tê. Cóq anhia chanchóm bữm tễ máh ngê cứq atõng. ¹⁶ Bo hái nguaiạ đờq tễ tangan ca sacâm tễ aham Crĩt, lứq bo ki hái pruum muoi mút puai ngê án. Chơ hái sa-õn Yiang Sursĩ yõn hái nguaiạ aham Con án. Cóp bo hái pĩh bễng cha sacâm tễ sac sáiq Crĩt, lứq bo ki hái pruum muoi mút puai ngê án. ¹⁷ Hái bữn õng muoi lám bễng sâng yõn nheq tữh hái bữn cha. Ngkíq yuaq nheq náq hái ma cõt muoi mút muoi pahõm sâng, yuaq nheq tữh

hái cha chõng tễ muoi lám bễng ki.

¹⁸ Cứq yoc anhia chanchóm tễ cūai I-sarel. Toáq alói cha crong chiau sang yõn Yiang Sursĩ, alói pruum muoi mút puai õng ngê Yiang Sursĩ sâng. ¹⁹ Cứq táq ntõng ngkíq, ntróu cứq ẽ pai? Cứq yoc ẽ pai la yiang canõh cóp crong tutoõng ki o yõn cūai tỡ? ²⁰ Lứq tỡ cõn ngkíq! Cứq ẽ pai neq: Crong cūai tỡ cõn cūai I-sarel chiau sang, lứq alói sang yõn yiang sáuq, tỡ cõn alói sang yõn Yiang Sursĩ. Cóp cứq tỡ ẽq anhia pruum muoi mút cóp yiang sáuq. ²¹ Anhia tỡ têq nguaiạ tễ tangan Ncháu, chơ nguaiạ tễ tangan yiang canõh hỡ. Cóp anhia tỡ têq cha crong sana tễ Ncháu, chơ cha crong sana tễ yiang canõh hỡ. ²² Anhia sang yiang canõh, cõ anhia ẽq Yiang Sursĩ ùan chọq anhia tỡ? Anhiạ chanchóm anhia bán rêng hõn tễ Yiang Sursĩ tỡ?

Cóq Anhia Chanchóm Níc Tễ Yóu Ca Tỡ Yũah Sa-âm Pacái

²³ Anhia đọq pai neq: “Máh ranáq ntróu cứq yoc ẽ táq, ki têq cứq táq.” Ma máh ranáq ki tỡ bữm cõt kia nheq. Lứq noau pai: “Máh ranáq ntróu cứq yoc ẽ táq, ki têq cứq táq.” Ma tỡ bữn dũ ramứh têq chuai yõn yóu anhia sa-âm pacái. ²⁴ Cóq anhia chõĩ ỉt rangứh anhia bữm, ma cóq anhia ỉt rangứh cūai canõh. ²⁵ Têq anhia cha dũ ramứh sáiq anhia chõng, ma o yõn anhia chõĩ blóh ntróu tễ sáiq ki yõn mút anhia tỡ bữn tanĩq anhia bữm. ²⁶ Tâng tâm saráq Yiang Sursĩ tễ mbốq, án khoiạ pai neq:

“Máh cruang tâng pữn paloõng crutrúq nài cóp dũ ramứh õt tâng ki,

la Yiang Sursĩ toáp ndõm.”✧

27 Khân cũai tở yũah sa-âm Yê-su Crít, ma mới anhia toãq cha cớp alóí, cớp khân anhia yoc ẽ pớq, ki tẽq anhia cha dũ ramũh alóí aloõh yõn anhia cha. Ma anhia chõỉ blớh ntróu tẽ sana ki đợq mút pahõm anhia tở bữn tanĩq anhia bữm. 28 Ma khân cũai aléq atõng anhia neq: “Cờng nãi khoi q noau tutoõng chơ,” anhia chõỉ cha cờng ki, đợq cũai ca atõng anhia tở bữn sãng ngua tẽ anhia táq lỏih. 29 Cựq tở bữn pai tẽ mút pahõm anhia, ma cứq tamõr mút pahõm cũai ki. Cõh lơ anhia yoc ẽ blớh cứq neq: “Hếq đãng, khân hếq cha cờng sana nãi la tở bữn ntróu. Ngkíq, cõ nõq hếq tở tẽq cha yuaq cũai canõh chanchóm pai tở tẽq cha? 30 Khân hếq sa-õn Yiang Sursĩ án yõn hếq bữn cờng sana cha ki, nõq cũai canõh noãng ẽ tẽq hếq khân hếq cha cờng ki?”

31 Toãq anhia cha, tở la nguaiq, tở la táq ranáq ntróu, cóq anhia táq dũ ramũh ki yõn noau khẽn Yiang Sursĩ. 32 Cóq anhia táq o níc chóq tốp I-sarel, chóq cũai tở cõn cũai I-sarel, cớp chóq cũai khoi q sa-âm, đợq alóí tở bữn pẽ pahõm cõ tẽ ranáq anhia táq. 33 Ngkíq dũ ranáq cứq táq, cứq yoc ẽ táq yõn dũ náq cũai sãng bũi o tẽ ranáq ki. Cựq tở bữn chanchóm yoc ẽ táq o chóq tở cứq bữm, ma cứq yoc ẽ táq o yõn dũ náq cũai, ẽq Yiang Sursĩ tẽq chuai amoong alóí.

11

1 Ngkíq cóq anhia tũoiq cứq, machóng cứq tũoiq Crít tẽ.

Atõng Tẽ Mách Mansẽm Ca Sa-âm Yiang Sursĩ

2 Cựq khẽn anhia, yuaq anhia sanhữ níc cứq, cớp anhia trĩh máh parnai cứq khoi q atõng anhia. 3 Ma cứq yoc anhia đãng raloaih neq: Yiang Sursĩ cõt plở Crít; Crít cõt plở cũai samiang; cớp cayac cõt plở lacuoi. 4 Khân bữn manoaq samiang câu tở la atõng parnai Yiang Sursĩ yõn cũai canõh, ma án tapũng cờng ntróu tãng plở án, ki án táq yõn Crít cõt casiet, yuaq Crít la plở yõn cũai samiang. 5 Ma khân bữn manoaq mansẽm câu tở la atõng parnai Yiang Sursĩ yõn cũai canõh, ma án tở bữn tapũng khãn tãng plở, ki án táq yõn cayac án casiet, yuaq cayac la plở yõn lacuoi. Ốc ki la samoat riang noau khoi q cũah neq sóc tẽ plở mansẽm ki.* 6 Khân mansẽm tở bữn tapũng ntróu tãng plở án, o yõn án cũah neq sóc tẽ plở. Ma khân mansẽm ki sãng casiet cũah neq sóc tẽ plở án, khaq án tapũng khãn. 7 Cũai samiang chõỉ tapũng ntróu tãng plở, yuaq Yiang Sursĩ tẽng samiang tũoiq mút pahõm án bữm. Ngkíq, cõ nhơ tẽ samiang yuaq noau bữn khẽn Yiang Sursĩ. Cớp cõ nhơ tẽ mansẽm yuaq noau bữn khẽn cũai samiang. 8 Yiang Sursĩ tở bữn tẽng samiang tẽ tở mansẽm, ma lứq Yiang Sursĩ tẽng mansẽm tẽ tở samiang. 9 Cớp Yiang Sursĩ tở bữn tẽng samiang đợq yõn mansẽm, ma án tẽng mansẽm đợq yõn samiang. 10 Yuaq ngkíq, bo máh mansẽm rôm sang Yiang Sursĩ, cóq alóí tapũng khãn tãng plở alóí, táq tẽc alóí cót hỡn tẽ máh samiang yáng moat ranẽng Yiang Sursĩ tẽ paloõng.† 11 Ma yáng moat Yiang Sursĩ, cũai mansẽm

* 11:5 11:5 Tãng đõih ki, khân mansẽm aléq táq yõn cayac án casiet, noau cũah neq sóc án đợq táq tẽc. † 11:10 11:10 Tở la ‘táq tẽc alóí bữn chớq yáng moat ranẽng Yiang Sursĩ’.

cóg poâng samiàng, samiàng cóg poâng mansêm. ¹² Tể dâu lứq Yiang Sursĩ tểng mansêm tể tể samiàng. Ma ntun ên, dũ náq samiàng loỏh tể tể mansêm. Ma nheq ramúh ki toâq tể Yiang Sursĩ.

¹³ Cóg anhia chanchóm tể ramúh nâi neq: O ma tở o, bo mansêm câu sêq tể Yiang Sursĩ, ma tở bữn tapung ntróu tâng plở? ¹⁴ Cũai samiàng đốq chanchóm khân alóí đốq sóc cuti, ki alóí cõt casiet. ¹⁵ Ma khân mansêm đốq sóc cuti, ki noau hữm o, yuaq sóc la machóng cớng alóí tapung tâng plở. ¹⁶ Ma khân bữn noau yoc ể rasuon tể ốc nâi, cứq ể pai neq: Hêq cớp dũ tốp sa-âm, tở bữn táq mpha ntróu tể ốc nâi bo hêq sang toam Yiang Sursĩ.

Cha Nguaiq Sanhữ Ncháu

¹⁷ Máh santoiq patáp ntun nâi cứq tở bữn khễn anhia, yuaq toâq anhia rôm sang Yiang Sursĩ, anhia táq ranáq lỏih clũi tể anhia táq ranáq o. ¹⁸ Dâu lứq, cứq khoiq sâng noau pai tể tốp sa-âm anhia neq: Bo anhia rôm sang Yiang Sursĩ, tốp nâi ratáh tể tốp ki. Cóg cứq chanchóm lứq p̄ieiq noau atông ốc ki. ¹⁹ Toâq tốp anhia caryoah cõt sa-ũĩ tốp, anhia apáh yỏn cũai canỏh dáng tốp aléq lứq sa-âm Yiang Sursĩ. ²⁰ Bo anhia rôm cha sanhữ Yê-su cuchit tang anhia, anhia tở bữn puai rit ki samoat samoi. ²¹ Yuaq tâng ranáq cha bũi ki, dũ náq anhia miar cha. Ngkíq bữn án ca tở khám cha, cớp bữn án ca bũl plêc. ²² Nỏq ariang pai anhia ốq đốq cóg pởq cha nguaiq tâng đốq sang? Nỏq anhia tở bữn yám noap tốp sa-âm Yiang Sursĩ? Cóg nỏq anhia táq yỏn cũai cadit sâng casiet? Ntróu anhia yoc cứq atông tể ramúh

nâi? Anhia yoc cứq khễn anhia tở? Lứq cứq tở bữn khễn anhia!

²³ Yuaq cứq khoiq atông anhia chơ tể máh ramúh Ncháu hái khoiq yỏn cứq dáng. Tâng sadâu noau chềq Yê-su, sadâu ki Yê-su, Ncháu hái, ít muoi lám bẻng. ²⁴ Chơ án sa-ỏn Yiang Sursĩ cớp pĩh bẻng ki. Cóg án pai neq: “Bẻng nâi la tở cứq, khoiq cuchit tang anhia. Toâq anhia cha bẻng nâi, anhia sanhữ níc cứq.”

²⁵ Machóng ki tể, moâm alóí cha bẻng, chơ Yê-su ít tangan đốq cớp án pai neq: “Đốq nâi la tểc Yiang Sursĩ par-ũq parnai tamái cớp anhia, cồ nhơ tể aham cứq. Toâq anhia nguaiq đốq nâi, anhia sanhữ níc cứq.”

²⁶ Ngkíq, bo léq anhia cha bẻng nâi cớp nguaiq đốq tể tangan nâi, la anhia táq tểc Ncháu hái khoiq cuchit tang anhia. Cóg anhia táq ranáq nâi toau toâq tangái Ncháu hái toâq loah pở cutêq nâi.

²⁷ Yuaq ngkíq, cũai aléq ma cha bẻng nâi tở la nguaiq đốq nâi, ma án cha nguaiq tở p̄ieiq, la machóng án táq lỏih chỏq tể cớp aham Yê-su tể. ²⁸ Ngkíq cũai aléq ma cha bẻng nâi cớp nguaiq đốq nâi, cóg án tutuaiq loah mút án bữm. Kí nỏq tẻq án cha nguaiq. ²⁹ Khân bữn cũai aléq cha nguaiq ma tở bữn yám noap bẻng cớp đốq nâi la sacâm tể tể Yê-su, lứq Yiang Sursĩ táq án. ³⁰ Cồ ngkíq anhia bữn sa-ũĩ a-ĩ tacỏh, cớp bữn án ca cuchit pút hỡ. ³¹ Ma khân hái tutuaiq mút pahỏm hái bữm nhũang cha nguaiq, hái lứq bữn vớt tể Yiang Sursĩ ể táq hái. ³² Yiang Sursĩ táq hái ngkíq la cồ án yoc ể manrap hái, cớp án êq hái bữn vớt tể án táq máh cũai tở bữn sa-âm.

³³ Ngkíq sểm ai oi, bo anhia rôm cha parnoi yoc ể sanhữ Yê-

su cuchit tang anhia, cóq manoaq acoan manoaq. ³⁴ Khân bñn cũai aléq sâng panhieih, yõn án cha nhũang pở đồng án voai. Ngkíq Yiang Sursĩ tở bñn tẻq anhia táq tở pñeiq bo anhia rôm.

Ma máh ramúh canõh, bo cứq toàq pở anhia, cứq ẽ atõng anhia ẽn.

12

Ramúh Raviei Yiang Sursĩ Chuai

¹ Sẻm ai oi! Sanua cứq yoc atõng anhia tẻ máh ramúh Raviei Yiang Sursĩ chuai yõn cũai táq. Cứq yoc anhia dáng raloaih tẻ ốc ki. ² Bo anhia tở yũah dáng ntróu tẻ ngê Yiang Sursĩ, lứq bo ki noau radũng níc anhia sang sa-ũri ramúh yiang; ma máh yiang ki tở bñn tẻq chuai amoong anhia ntróu. ³ Yuaq ngkíq, cóq anhia dáng raloaih neq: Cũai aléq ma bñn Raviei Yiang Sursĩ õt cóp án, cũai ki tở tẻq pupap Yê-su, pai neq: “Nữ-ra Yiang Sursĩ lứq táh Yê-su.”

Cóp khân Raviei Yiang Sursĩ tở bñn õt cóp án, cũai ki tở tẻq ngin pai neq: “Yê-su la Ncháu.”

⁴ Máh ramúh Raviei Yiang Sursĩ yõn la mpha thữ neq. Ma bñn ống muoi Raviei Yiang Sursĩ sâng tẻq yõn máh ramúh ki. ⁵ Bñn sa-ũri ranáq mpha noau tẻq táq puai ngê Yiang Sursĩ, ma dữ ranáq ki bñn ống manoaq Ncháu sâng ndõm. ⁶ Dữ náq cũai bñn miar ranáq táq, ma bñn ống Yiang Sursĩ sâng yõn cũai bñn máh ranáq ki. ⁷ Raviei Yiang Sursĩ yõn dữ náq cũai sa-âm bñn ngê o, đõq manoaq tẻq chuai manoaq tâng tốp sa-âm. ⁸ Án ca Raviei Yiang Sursĩ yõn bñn ốc rangoaiq đõq atõng cũai canõh. Án ca Raviei Yiang Sursĩ yõn dáng

tẻ sa-ũri ngê. ⁹ Án ca Raviei Yiang Sursĩ yõn tẻq sa-âm Yiang Sursĩ samoat samoi. Án ca Raviei Yiang Sursĩ yõn bñn chóc tẻq táq bán cũai a-ĩ. ¹⁰ Án ca Raviei Yiang Sursĩ yõn bñn chóc tẻq táq ranáq salẽh. Án ca Raviei Yiang Sursĩ yõn atõng tang bõq Yiang Sursĩ. Án ca Raviei Yiang Sursĩ yõn bñn ngê rangoaiq đõq tutuaiq máh ngê tẻ yiang canõh cóp ngê tẻ Yiang Sursĩ. Án ca Raviei Yiang Sursĩ yõn tẻq táq ntõng parnai mpha. Cóp án ca Raviei Yiang Sursĩ yõn tẻq aloõh ngê parnai. ¹¹ Dữ ranáq ki ống muoi Raviei Yiang Sursĩ toáp yõn. Ngkíq, máh ramúh Raviei Yiang Sursĩ yõn, án lứq yõn dữ náq cũai bñn, ma manoaq mpha tẻ manoaq.

Phau-lô Sacâm Tẻ Tỏ Cũai Bñn Sa-ũri Ramúh

¹² Tỏ cũai bñn sa-ũri ramúh. Ma neq máh ramúh ki cõt muoi tỏ sâng. Machóng ki tẻ, neq máh cũai sa-âm cõt muoi tốp, cóp tốp ki la sacâm tẻ tỏ Crít. ¹³ Cỗ nhợ Raviei Yiang Sursĩ, neq tữh hái roap batẽm cõt muoi tốp, dẻh cũai I-sarel, cóp cũai tở cõn cũai I-sarel, dẻh cũai sũl, cóp cũai tở cõn cũai sũl. Dữ náq hái bñn Raviei Yiang Sursĩ õt tâng mút pahõm.*

¹⁴ Cóq bñn sa-ũri ramúh nõq tẻq cõt tỏ cũai, tở cõn ống muoi ramúh sâng. ¹⁵ Khân ayũng pai neq: “Cứq tở cõn atĩ. Ngkíq cứq tở cõn tẻ tỏ,” ayũng ki pai ngkíq la tở pñeiq, yuaq án la tẻ tỏ tẻ. ¹⁶ Cóp khân cutữr pai neq: “Cứq tở cõn moat. Ngkíq cứq tở cõn tẻ tỏ,” cutữr ki pai ngkíq la tở pñeiq, yuaq án la tẻ tỏ tẻ. ¹⁷ Khân tỏ ma bñn ống moat, nõq án tẻq sâng? Cóp khân tỏ ma bñn ống cutữr, nõq án tẻq sâng hời? ¹⁸ Ma bo Yiang Sursĩ

* 12:13 12:13 Tâng parnai Créc án pai: ‘Yiang Sursĩ yõn hái guaiq muoi Raviei sâng.’

têng tổ cũai, án têng sa-ũri ramúh puai mút án yoc ẽ têng. ¹⁹ Khân bữn ống muoi ramúh sâng, lứq tờ têng cốt tổ. ²⁰ Ma hái dáng samoát lứq, cóq bữn sa-ũri ramúh, nỏq têng cốt tổ.

²¹ Ngkíq moat tờ têng pai chók atĩ neq: “Mói tờ têng táq ntróu chuai cúq.” Cóp plờ tờ têng pai chók ayũng neq: “Mói tờ têng táq ntróu chuai cúq!” ²² Ma lứq bữn sa-ũri ramúh tâng tổ hái, ma hái chanchóm tờ bữn toâr ntróu. Ma tổ hái cóq bữn dũ ramúh ki. ²³ Cóp máh ramúh hái chanchóm tờ bữn toâr ntróu tâng tổ hái, ramúh ki hái đốq pasang hữn tẽ ramúh canõh. Ma máh ramúh hái chanchóm toâr, cốt hái tờ bữn pasang ramúh ki. ²⁴ Ma máh ramúh ki, tờ bữn túh pasang. Lứq Yiang Sursĩ têng dũ ramúh tâng tổ hái yõn õt parnoi. Cóp máh ramúh hái chanchóm tờ bữn toâr ntróu, Yiang Sursĩ yõn cốt toâr lứq ẽn. ²⁵ Ngkíq máh ramúh tâng tổ hái tờ têng ratah. Ma máh ramúh ki manoaq chuai manoaq. ²⁶ Khân muoi ramúh tâng tổ ma sâng a-ĩ, lứq dũ ramúh tâng tổ sâng a-ĩ tê. Cóp khân muoi ramúh tâng tổ ma sâng bũi, lứq dũ ramúh tâng tổ sâng bũi tê.

²⁷ Nheq tửh anhia la tốp sa-âm Crít. Ngkíq anhia la riang tổ án. Dũ náq anhia la muoi ramúh tẽ tổ án. ²⁸ Cóp Yiang Sursĩ khoiq ruroh dũ náq anhia yõn táq ranáq tâng tốp sa-âm. Án ca cốt ayũng atĩ Yê-su Crít. Án ca cốt cũai tang bõq Yiang Sursĩ. Án ca cốt thâi. Án ca têng táq ranáq salêh. Án ca bữn chóc têng táq bán cũai a-ĩ, tờ la chuai yóu, tờ la nhêng salíq tốp sa-âm, tờ la táq ntõng parnai mpha. ²⁹ Ma tờ bữn dũ náq cũai têng cốt ayũng atĩ Yê-su Crít, tờ la atõng tang bõq Yiang

Sursĩ, tờ la cốt thâi. Tờ bữn dũ náq cũai bữn chóc têng táq ranáq salêh, ³⁰ tờ la táq bán cũai a-ĩ, tờ la táq ntõng toáq parnai mpha, tờ la aloõh ngê parnai mpha ki. ³¹ Bữn sa-ũri ramúh Raviei Yiang Sursĩ yõn anhia. Ngkíq cóq anhia ẽr áiq yoc ẽ bữn ramúh o hữn tẽ canõh.

Sanua cúq yoc atõng anhia tẽ ramúh toâr clũi nheq tẽ canõh.

13

Mút Pahõm Ayooq

¹ Lứq pai têng cúq táq ntõng nheq máh parnai cũai, cóp nheq parnai ranẽng Yiang Sursĩ hõ, ma khân cúq tờ bữn mút pahõm ayooq, ngkíq parnai cúq pai la samoát noau toân parnõh tờ la parkeh sar sâng. ² Lứq pai têng cúq atõng nheq tẽ ngê Yiang Sursĩ, cóp lứq pai cúq dáng nheq ramúh cũai têng rien cóp nheq ramúh cutooq hõ, cóp lứq pai cúq sa-âm sa-ũri lứq, têng cúq táq yõn cóh ravih, ma khân cúq tờ bữn mút pahõm ayooq, ki cúq tờ bữn khlũr ntróu. ³ Lứq pai cúq yõn nheq crong cróu cúq pở cũai cadit, tờ la cúq chiúq yõn noau chõng chíq tổ cúq, ma khân cúq tờ bữn mút pahõm ayooq, ki cúq tờ bữn cốt kia ntróu.

⁴ Mút pahõm ayooq la laviei chók cũai canõh, cóp yoc ẽ chuai cũai canõh. Mút pahõm ayooq tờ bữn sa-on, tờ bữn khẽn tổ án bữm, cóp tờ bữn õt chók yóu. ⁵ Cũai ca bữn mút pahõm ayooq tờ bữn ỏq rit phễp, tờ bữn ít ngê án bữm, tờ bữn coáp nsóq. cóp tờ bữn noap lỏih cũai canõh. ⁶ Mút pahõm ayooq tờ bữn sâng bũi ranáq tờ o, ma án sâng bũi ranáq o cóp ranáq p̄ieiq. ⁷ Mút pahõm ayooq tờ nai sâng ũan chók cũai ẽ táq án. Án sa-âm níc. Án nguang níc ramúh

o. Cóp án tanhĩr níc máh ramúh túh coat.

⁸ Ông muoi ramúh sâng tở nai cõt pút; ramúh ki la mút pahõm ayooq. Nheq ramúh cũai atõng tể ngê Yiang Sursĩ, nỡ-ra noau tở bữn atõng noâng. Cóp máh parnai mpha cũai đốq atõng, nỡ-ra tở bữn noâng parnai ki. Cóp nheq máh ngê cũai đốq rien tâng dũi nãi, nỡ-ra cõt pút nheq. ⁹ Yuaq nheq ramúh hái rien la hái tở dáng samoât; cốp nheq máh ngê hái atõng tể parnai Yiang Sursĩ la hái tở dáng samoât. ¹⁰ Ma nỡ-ra hái õt cốp án, hái bữn ốc lứq samoât. Chơ máh ramúh tở bữn lứq samoât cõt pút nheq.

¹¹ Bo cứq noâng carnẽn, cứq táq ntõng ariang carnẽn táq ntõng, cứq sâng ariang carnẽn sâng, cứq chanchóm ariang carnẽn chanchóm. Ma tữ cứq cõt car-sai, cứq táh nheq ngê carnẽn. ¹² Sanua la samoât hái nhêng tâng kếng ma tở raloaih. Ma nỡ-ra samoât hái nhêng choâng-rachoâng. Sanua cứq dáng bĩq sâng, ma nỡ-ra cứq dáng nheq, samoât Yiang Sursĩ dáng cứq sanua. ¹³ Tâng dũi nãi bữn pái ốc toâr lứq. Muoi la ốc sa-âm, bar la ốc nguang, pái la ốc ayooq. Ma tể pái ốc nãi, ốc toâr clũi nheq tể canõh la ốc ayooq.

14

Phau-lô Atõng Tể Ramúh Raviei Yiang Sursĩ Chuai

¹ Ngkíq, cóq anhia cutóng chuaq yõn bữn mút pahõm ayooq. Cóp cóq anhia êr áiq lứq yoc ẽ bữn máh ramúh Raviei Yiang Sursĩ yõn. Ramúh toâr lứq tể máh ramúh Raviei Yiang Sursĩ yõn la atõng tang bõq Yiang Sursĩ. ² Cũai aléq ma atõng toâq parnai mpha, cũai ki tở bữn táq ntõng cốp cũai, ma án táq ntõng cốp Yiang

Sursĩ, yuaq cũai tở bữn dáng tể parnai ki. Raviei Yiang Sursĩ yõn án pai ngê cutooq tể Yiang Sursĩ. ³ Cũai aléq ma atõng tang bõq Yiang Sursĩ, cũai ki atõng yõn cũai canõh têq sa-âm pacái lứq ẽn. Án catoaih atõng cốp aliam cũai hỡ. ⁴ Cũai aléq ma atõng toâq parnai mpha, cũai ki táq yõn sa-âm pacái ống mút án bữm. Ma cũai aléq atõng tang bõq Yiang Sursĩ, lứq án táq yõn tốp sa-âm cõt sa-âm pacái lứq ẽn.

⁵ Cứq yoc lứq nheq tữh anhia têq táq ntõng toâq parnai mpha; ma hỡn tể ki ẽn, cứq yoc anhia têq atõng tang bõq Yiang Sursĩ. Cũai aléq atõng tang bõq Yiang Sursĩ, ki án táq ranáq o hỡn tể cũai atõng toâq parnai mpha. Ma khân bữn cũai aléq têq aloõh ngê parnai mpha, ki o tê yõn án pai toâq parnai mpha. Án táq yõn tốp sa-âm cõt sa-âm pacái hỡn ẽn. ⁶ Sẻm ai ơi! Khân cứq toâq pỡ anhia, ma atõng toâq parnai mpha, ki ntróu cõt kia yõn anhia? Ma khân cứq toâq atõng anhia tể máh ngê Yiang Sursĩ sapáh cứq, tở la máh ngê cứq dáng tể án, tở la máh ngê tở yũah toâq, tở la máh ốc p̄ieiq tể ngê Yiang Sursĩ, máh ốc ki lứq cõt kia yõn anhia.

⁷ Cứq ẽ sacâm tể cớng lampõiq. Máh cớng ki tở bữn toâr ntróu. Ma khân noau tở dáng plóng tarĩal tở la tapáih achúng, mỗ táq ngkíq, máh cũai ca tamúng ki tở bữn sâng bũi ntróu tể sớng ki. ⁸ Cốp khân noau plóng lavia arô máh tahan p̄õq rachıl, ma cũai plóng tở p̄ieiq, máh cũai tahan lứq tở bữn dáng thũan ntróu. ⁹ Machớng ki tể, khân bõq anhia atõng tở bữn raloaih, máh cũai ca tamúng ki, lứq tở bữn dáng ntróu tể anhia atõng. Yuaq santoiq

anhia pai tở bữn cõt ớc ntróu. 10 Purn paloong cutrúq nâi bữn sa-ữi parnai. Ma dũ parnai ki cõt ớc neq. 11 Ma khân cứq sâng cũi táq ntởng tễ parnai cứq tở bữn dáng, cũi ca táq ntởng ki nhêng chu cứq samoat cũi cruang canỏh. Cóp cứq nhêng chu án samoat cũi cruang canỏh tẽ. 12 Ngkítq, khân anhia ẽr áiq yoc ẽ bữn ramứh ca Raviei Yiang Sursĩ yỏn, cóq anhia chuaq yỏn bữn ramứh o hỡn tễ canỏh, đợq anhia tẽq chuai tốp sa-âm cõt rêng lứq ẽn tễ ngê Yiang Sursĩ.

13 Cũi aléq ma atởng toáq parnai mpha, cóq án câu sếq Yiang Sursĩ yỏn án tẽq aloỏh ngê tễ parnai ki. 14 Khân cứq câu toáq parnai mpha, ngkítq mút pahỏm cứq lứq câu, ma cứq tở bữn dáng ntróu tễ ớc ki. 15 Khân ngkítq, nỏq cứq ẽ táq? Cứq táq neq: Cứq câu toáq parnai mpha, cóp cứq câu toáq parnai cứq bữm hỡ. Cóp bo cứq ủat khẻn Yiang Sursĩ, cứq ủat toáq parnai mpha, cóp cứq ủat toáq parnai cứq bữm hỡ. 16 Khân anhia câu sa-ỏn Yiang Sursĩ tâng mút anhia toáq parnai mpha, ki nỏq tẽq cũi ỏt ngki pruan câu muoi mút cóp anhia? Lứq alóí tở bữn dáng satoi q ntróu anhia câu. 17 Khân anhia câu sa-ỏn Yiang Sursĩ toáq parnai mpha, la mỏ o, ma parnai câu ki tở bữn chuai cũi canỏh sa-âm pacái lứq ẽn.

18 Cứq sa-ỏn Yiang Sursĩ, án yỏn cứq táq ntởng toáq parnai mpha sa-ữi hỡn tễ neq tữh anhia. 19 Ma bo cứq rỏm cóp tốp sa-âm, cứq yoc lứq atởng sỡng ớc yỏn alóí dáng raloaih, hỡn tễ cứq yoc atởng muoi vian ớc toáq parnai mpha.

20 Sẻm ai oi! Tễ ramứh táq

ntởng toáq parnai mpha, anhia chỏi tũoi q samoat riang sarnỏm carnẻn tở yũah dáng ntróu. Ma cóq anhia tũoi q samoat riang sarnỏm carsai. Ma tễ ngê sỏuq, pĩei q lứq anhia tũoi q samoat riang sarnỏm carnẻn cacỏt lứq. 21 Tâng tâm saráq Yiang Sursĩ tễ mbỏq noau khoi q chĩc neq:

“Yiang Sursĩ pai neq: ‘Nỡ-ra cứq ỏn cũi tễ cruang canỏh pỏq atởng cũi I-sarel.

Lứq cũi ki atởng toáq parnai mpha tễ parnai I-sarel.

Ma cũi I-sarel noang tở ẽq tamứng satoi q cứq.’” ✠

22 Ngkítq, táq ntởng toáq parnai mpha la tẻc yỏn cũi tở yũah sa-âm, tở cởn tẻc yỏn cũi khoi q sa-âm. Ma ramứh atởng tang bỏq Yiang Sursĩ la tẻc yỏn máh cũi khoi q sa-âm chớ, tở cởn yỏn máh cũi tở yũah sa-âm. 23 Ngkítq, khân neq tốp sa-âm rỏm muoi ntỏq, cóp dũ náq alóí táq ntởng toáq parnai mpha, cũi ca tở yũah sa-âm, tở la cũi khoi q sa-âm ca tở nai sỏng noau táq ntởng parnai mpha, alóí ẽ pai tốp sa-âm ki la cũi yủh. 24 Ma khân anhia atởng tang bỏq Yiang Sursĩ bo cũi ki mut, lứq alóí dáng mút alóí bữn lỏih, cỏ alóí sỏng satoi q anhia atởng. Cóp alóí dáng nỡ-ra Yiang Sursĩ ẽ rablỏh alóí. 25 Ngê sỏuq ntróu alóí cutooq tâng mút alóí, lứq alóí tở bữn cutooq noang. Ma alóí sacỏh racỏl sang Yiang Sursĩ, cóp alóí pai neq: “Lứq samoat Yiang Sursĩ ỏt cóp anhia.”

Táq O Bo Anhia Rỏm Sang

26 Khân ngkítq, nỏq ẽ táq? Bo anhia rỏm parnoi anhia táq neq: Án ca bữn cansái ủat khẻn Yiang Sursĩ, án ca bữn ngê án ẽ atởng, án ca atởng máh ramứh Yiang

Sursĩ sapáh yõn án, án ca táq ntõng toaq parnai mpha, cõp án ca tẽq aloõh ngẽ tẽ parnai mpha ki. Mách ranáq anhia táq, cóq anhia táq yõn tốp sa-âm cõt sa-âm pacái lữq ẽn. ²⁷ Khân bữn máh cũai yoc táq ntõng toaq parnai mpha, yõn bar tở la pái náq sâng táq ntõng ngíq, ma cóq chữ manoaq. Cóp cóq bữn cũai canõh parlong tẽ sãntoiq alói pai. ²⁸ Ma khân óq cũai parlong, p̄ieiq lữq cũai ca yoc atõng toaq parnai mpha, chõĩ atõng bo noau rôm sang. Ma tẽq án táq ntõng óng án cóp Yiang Sursĩ. ²⁹ Khân bữn bar pái náq yoc atõng tẽ ngẽ Yiang Sursĩ, ki yõn alói atõng, ma máh cũai õt ntóq ki cóq tutuaiq yõn samoat tẽ óc alói atõng p̄ieiq ma tở bữn. ³⁰ Bo alói atõng, khân bữn manoaq ẽn õt ntóq ki, ma án bữn muoi ramứh Yiang Sursĩ sapáh yõn án, cóq cũai atõng nhũang ki tangút voai. ³¹ Khân táq ngíq, dũ náq anhia chữ manoaq, tẽq atõng tẽ ngẽ Yiang Sursĩ yõn dũ náq tâng tốp sa-âm dáng cóp sa-âm pacái lữq ẽn. ³² Cũai ca atõng tẽ ngẽ Yiang Sursĩ, tẽq alói rườh tam alói sâng p̄ieiq. ³³ Yiang Sursĩ tở ẽq hái táq nõq thõĩ nõi thai, ma án yoc hái táq o parnoi. Mách tốp sa-âm canõh đốq táq machóng ki tẽ.

³⁴ Bo anhia rôm, máh ayoaq avia cóq õt rangiac. Chõĩ yõn alói loại ntróu bo anhia rôm. Cóp alói tở tẽq cõt sôt máh cũai samiang. Tâng parnai Yiang Sursĩ tẽ mbỏq, án khoiq atõng máh ki chơ. ³⁵ Khân bữn óc ntróu alói yoc ẽ blớh, cóq alói chu blớh cayac alói pở đõng. Tở bữn o ayoaq avia loại bo anhia rôm sang Yiang Sursĩ. ³⁶ Tở bữn p̄ieiq khân anhia chanchóm tốp anhia sa-âm nhũang tẽ tốp canõh, cóp óng

tốp anhia toáp dáng parnai Yiang Sursĩ.

³⁷ Khân bữn noau tẽ anhia chanchóm án la cũai dáng atõng tang bỗq Yiang Sursĩ, tở la bữn Ravieĩ Yiang Sursĩ õt cóp án, cóq cũai ki dáng samoat lữq tẽ Yiang Sursĩ toáp ớn cứq chĩc máh p̄iep rit nãi. ³⁸ Ma khân án tở bữn tamúng sãntoiq ki, ki anhia chõĩ rabũl cóp án. ³⁹ Ngíq sẽm ai ơi, cóq anhia ẽr áiq yoc ẽ atõng tang bỗq Yiang Sursĩ, ma anhia chõĩ catáng alói ca yoc atõng parnai mpha. ⁴⁰ Cóq anhia táq dũ ramứh yõn o cóp carsiat.

15

Crít Tamoong Loah Tẽ Cuchĩt

¹ Sẽm ai ơi! Sanua cứq yoc atõng loah parnai o tẽ Yiang Sursĩ ca cứq khoiq atõng anhia. Anhia khoiq ít chơ parnai ki, cóp anhia sa-âm pacái lữq ngẽ ki. ² Cỗ tẽ parnai o ki Yiang Sursĩ lữq chuai amoong anhia. Ma khân mút anhia tở bữn sabóng o, tở la anhia sa-âm hõiq sâng, cứq tở bữn pai Yiang Sursĩ chuai amoong anhia.

³ Cứq khoiq atõng anhia ngẽ toar clũĩ nehq tẽ canõh ca Yiang Sursĩ atõng cứq. Ngẽ ki la neq: Crít khoiq cuchĩt cõ tian lỏih hái, puai tâng tâm saráq Yiang Sursĩ tẽ mbỏq khoiq atõng chơ. ⁴ Noau khoiq tữp Crít, ma catâm tangái pái Yiang Sursĩ chuai amoong loah án puai tâng tâm saráq Yiang Sursĩ tẽ mbỏq khoiq atõng. ⁵ Vót án bữn tamoong loah, Phi-er cóp tốp muoi chít la bar náq lữq hữm tở án. ⁶ Vót ki ẽn, bữn clũĩ sỡng culám náq puai ngẽ án, lữq hữm tở án tẽ. Cũai tẽ tốp ki bữn án ca khoiq cuchĩt, án ca nõng tamoong toau toaq sanua. Alói nõng tamoong, ki sa-ữi hỡn tẽ alói khoiq cuchĩt. ⁷ Vót ki, Yacở hữm tẽ Yê-su. Cóp ntun ẽn nehq

từh cũai ayững aĩ Yê-su hữm án tê. ⁸ Chơ ntun thánq, cứq ễn hữm án. Ngkíq cứq cõt samoát carnên mbõiq sết ca tở bữn thống. ⁹ Cứq la cũai ayững aĩ Yê-su Crít cacót hỡn tể cũai canõh. Cứq tở dáng nõq Yiang Sursĩ yõn cứq táq ranáq ki, yuaq cứq khoiq táq túh coat lứq yõn máh tốp sa-âm án. ¹⁰ Ma cứq bữn táq ranáq nâi cõ Yiang Sursĩ chống ễ chuai miat cứq. Ma ốc án chuai miat ki bữn kia tê, cõ cứq táq ranáq Yiang Sursĩ cutóng hỡn tể cũai ayững aĩ Yê-su Crít canõh. Tở cõn cứq têq táq ranáq ki, ma Yiang Sursĩ toáp chống chuai cứq; yuaq ngkíq, cứq têq táq ranáq ki. ¹¹ Khân anhia sa-âm parnai o tể Yê-su Crít, ki tở bữn ntróu cứq atõng, tở la cũai ayững aĩ canõh atõng anhia, yuaq parnai ki la machóng, cốp anhia lứq sa-âm Yê-su Crít tamoong loah tể cuchĩt.

Hái Tamoong Loah Tể Cuchĩt

¹² Ma khân hếq pai Crít khoiq tamoong loah, nõq bữn cũai tể anhia ma pai máh cũai cuchĩt tở têq tamoong loah? ¹³ Khân máh cũai cuchĩt ma tở têq tamoong loah, ki Crít tở bữn tamoong loah tê. ¹⁴ Cốp khân Crít ma tở bữn tamoong loah, máh ngê hếq khoiq atõng anhia la tở bữn lứq ntróu, cốp anhia sa-âm la tở bữn cõt kia ntróu tê. ¹⁵ Hỡn tể ki ễn, hếq la cũai táq ntõng lauq sâng, yuaq hếq khoiq atõng anhia pai Yiang Sursĩ lứq táq yõn Crít tamoong loah. Ma ốc ki tở bữn lứq ntróu, khân cũai khoiq cuchĩt ma tở têq tamoong loah. ¹⁶ Khân cũai cuchĩt ma tở têq tamoong loah, Crít lứq tở bữn tamoong loah tê. ¹⁷ Cốp khân Crít ma tở bữn tamoong loah, ốc anhia sa-âm ki tở bữn cõt kia ntróu, cốp anhia nõang

chũuq bữm lờih anhia. ¹⁸ Chơ máh cũai sa-âm Crít cuchĩt, ngkíq alới cuchĩt thánq cốp tở nai tamoong loah. ¹⁹ Khân hái sa-âm Crít, ma ốc ki chuai hái bo hái nõang tamoong tâng dời nâi sâng, ngkíq hái bap hỡn tể nheq từh cũai canõh.

²⁰ Ma lứq samoát Crít khoiq tamoong loah chơ. Ngkíq án tamoong loah nhũang tể nheq máh cũai khoiq cuchĩt, cốp án la tểc apáh yõn hái dáng máh cũai cuchĩt têq tamoong loah. ²¹ Ốc cuchĩt toâq pở cutểq nâi la cõ tian tể manoaq samiang. Ma ốc tamoong loah toâq la cõ nhơ tể manoaq samiang tê. ²² Yuaq dũ náq cũai cóq cuchĩt la cõ tian Adam. Machóng ki tê, yuaq dũ náq cũai têq tamoong loah, la cõ nhơ Crít. ²³ Ma Crít tamoong loah nhũang tể cũai canõh. Cốp ntun ễn, toâq tangái án toâq loah pở cutểq nâi, máh cũai puai ngê án lứq bữn tamoong loah tê. ²⁴ Vót ki, lứq toâq tangái parsót. Bo ki Crít cõt sốt dũ ramứh yiang, dũ ramứh sốt, cốp dũ ramứh chóc. Cốp tangái ki, Crít chiau loah máh chóc án yõn Yiang Sursĩ, Mpoaq án. ²⁵ Crít cóq cõt sốt toau toâq tangái án riap dũ ramứh par-ũal án. Toâq tangái ki, dũ ramứh õt pưn talang ayững Crít. ²⁶ Ốc par-ũal parsót thánq la ốc cuchĩt. ²⁷ Yiang Sursĩ khoiq pai chơ án ễ táq yõn dũ ramứh ốt pưn talang ayững Crít. Ma Yiang Sursĩ tở bữn pai dểh án ốt pưn Crít, yuaq Yiang Sursĩ toáp yõn Crít bữn cõt sốt. ²⁸ Moâm Yiang Sursĩ yõn dũ ramứh ốt pưn Con án, chơ Con án lứq cõt pưn án. Ngkíq dũ ramứh la Yiang Sursĩ sốt nheq. ²⁹ Khân cũai cuchĩt ma tở bữn tamoong loah, cõ nõq bữn cũai

tê anhia chanchóm alói têq roap batêm tang máh cūai ca khoiq cuchit? Cỗ nốq alói yoc ẽ táq ngkíq, khân máh cūai cuchit ma tở bữn tamooong loah? ³⁰ Cóp nốq hếq chũuq túh coat cu rangái dồq atõng cūai tê ngê ki, khân cūai cuchit ma tở bữn tamooong loah? ³¹ Sễm ai ọi! Cứq bũi lứq cốp anhia yuaq hái pruam sa-âm Yê-su Crít, Ncháu hái. Ngkíq yuaq cứq têq atõng anhia raloaih lứq neq: Cu rangái la samoât riang cứq cuchit. ³² Cứq chũuq sa-ũi ramúth túh coat tâng vil Ê-phê-sô; ma khân cūai khoiq cuchit tở bữn tamooong loah, ntróu la kia yõn cứq? Khân ngkíq, khaq hái puai cūai ca pai neq: "Hài! Hái nguaiq cha palứq, yuaq tở dáng tangái léq hái cuchit."✧

³³ Ma anhia chõi sapúl tê máh parnai cūai ca ẽ raphếq anhia; khân anhia ratoi cốp cūai táq ranáq sâuq, lứq anhia tốt táq samoât alói tê. ³⁴ Cóp anhia rapien loah sarnóm yoc ẽ táq ranáq p̄ieiq, cốp tở bữn yoc táq lòi noâng, yuaq bữn cūai tê anhia tở yũah dáng raloaih tê ngê Yiang Sursĩ. Cứq pai ngkíq êq anhia sâng casiet.

Cūai Khoiq Cuchit Ma Tamooong Loah Cốt Roáp Nốq Ẽn?

³⁵ Cỗ lợ bữn cūai ẽ blóh neq: "Nốq cūai cuchit ma têq tamooong loah? Cūai ki bữn tở cốp roáp nốq?"

³⁶ Anhia sacũl lứq! Bo anhia chóch muoi ớc cuplốq tâng cutếq, khân anhia tở bữn cuból ớc ki, án tở têq dách. ³⁷ Khân anhia chóch ớc saro tở la ớc canõh, toâq ớc ki dách, roáp án mpha tê ớc anhia chóch. ³⁸ Yiang Sursĩ tềng dũ ớc bữn miar roáp, puai pahõm án yoc ẽ tềng.

³⁹ Dũ ramúth sâiq la mpha neq. Sâiq cūai, sâiq chóm, sâiq sĩaq, cốp sâiq charán canõh, dũ ramúth sâiq ki la mpha neq.

⁴⁰ Cốp bữn ramúth canõh hữ ớt tâng paloõng cốp tâng cutếq. Máh ramúth ớt tâng paloõng, bữn poang cốp nêuq o mpha tê máh ramúth ớt tâng cutếq. Cốp máh ramúth ớt tâng cutếq nêuq mpha tê máh ramúth ớt tâng paloõng. ⁴¹ Bữn poang tê moat mandang, tê rliang casai, cốp tê mantõr; dũ ramúth poang ki la nêuq mpha. Cốp dũ ớc mantõr la nêuq mpha tê.

⁴² Cūai khoiq cuchit ma tamooong loah, la machõng ki tê. Toâq noau túp tở cūai, tở ki abuoiq neq. Ma toâq cūai ki tamooong loah, tở án tở nai abuoiq noâng. ⁴³ Tở cūai tâng dõi nâi la ieuq cốp tở bữn o ntróu. Ma toâq cūai tamooong loah tê cuchit, tở án la rêng cốp nêuq o lứq. ⁴⁴ Toâq cūai cuchit, bo noau túp, án bữn sac sâiq machõng cūai canõh tê. Ma toâq án tamooong loah, tở án cõt mpha tê sac sâiq bo án tở yũah cuchit. Bo hái tamooong hái bữn tở ariang cūai canõh tê, ma toâq hái cuchit cốp tamooong loah hái bữn tở mpha ẽn. ⁴⁵ Tâng tâm saráq Yiang Sursĩ tê mbốq, án khoiq atõng neq:

"Bữn manoaq cūai tê dâu lứq, ramúth Adam;

Yiang Sursĩ tềng tở án yõn tamooong."✧

Ma Yê-su la samoât Adam ca toâq ntun thág; án bữn chóc têq táq yõn cūai bữn tamooong loah. ⁴⁶ Tề dâu lứq Yiang Sursĩ yõn cūai bữn tở dồq ớt tâng dõi nâi. Ma ntun ẽn, Yiang Sursĩ yõn cūai bữn tở mpha ẽn dồq ớt tâng paloõng. ⁴⁷ Án ca tê dâu lứq, Yiang Sursĩ

têng toâq cutêq. Ma án ca toâq ntun, án toâq tể paloõng. ⁴⁸ Máh cūai tở bữn sa-âm, alóit tũoiq ngê Adam, án ca toâq tể cutêq. Ma máh cūai sa-âm, alóit tũoiq ngê Yê-su, án ca toâq tể paloõng. ⁴⁹ Sanua nheq tữh hái bữn roâp samoât án ca Yiang Sursĩ têng tể cutêq. Ma nỡ-ra, hái bữn roâp samoât án ca toâq tể paloõng.

⁵⁰ Sễm ai ơi! Nài la ngê cứq yoc anhia dáng: Sac sâiq cớp aham cūai tở têq ớt tâng ntốq Yiang Sursĩ sớt. Ramứh ntróu ca rúng cớp abuoiq, ki tở têq ớt cớp ramứh tở bữn rúng cớp tở bữn abuoiq.

⁵¹⁻⁵² Sanua cứq yoc atõng anhia muoi ớc ca anhia tở yũah dáng: Nheq tữh hái tở bữn cuchit, ma cháit lứq, tở toâq muoi carbéh moat, tở hái samblót cõt roâp mpha ển. Bo ki hái sâng sường noau plóng lavia tâng paloõng. Chơ máh cūai khoiq cuchit bữn yuor tamoong loah, cớp alóit tở nai cuchit noâng. Cớp nheq tữh hái lứq bữn roâp mpha ển. ⁵³ Tở rúng cớp abuoiq, cõt tở tở bữn rúng cớp tở bữn abuoiq noâng. Cớp tở dóq cuchit, cõt tở tở bữn cuchit noâng. ⁵⁴ Ngkíq, khân tở rúng cớp abuoiq ma cõt tở tở bữn rúng cớp tở bữn abuoiq, cớp tở dóq cuchit ma cõt tở tở bữn cuchit, ngkíq cõt santruoq máh santoiq tâng tâm saráq Yiang Sursĩ tể mbóq pai neq:

“Ớc cuchit khoiq pút chơ;

án tở têq cachit noâng cūai.”*

⁵⁵ “O Ớc cuchit ơi! Pỡ léq chơ ớc mới riap?

Mới tở têq táq noâng cūai.”*

⁵⁶ Cỗ máh cūai bữn lóih, ngkíq yuaq ớc cuchit bữn chóc têq cachit alóit. Cớp cūai dáng alóit bữn lóih cỗ bữn phếp rit tể Yiang Sursĩ. ⁵⁷ Ma sa-ỡn Yiang Sursĩ

sa-ũi lứq! Nỡ Yê-su Crít, Ncháu hái, Yiang Sursĩ táq yỗn hái bữn riap ớc cuchit, cớp án táq yỗn hái bữn riap ớc lóih hỡ.

⁵⁸ Ngkíq sễm ai ơi, cóq anhia sa-âm samoât samoi. Chỗi yỗn ngê canõh radững anhia. Cóq anhia cutóng táq níc ranáq Yiang Sursĩ, yuaq anhia dáng ranáq ntróu anhia táq yỗn Yiang Sursĩ la tở bữn ớq kia.

16

Cūai Sa-âm Parõm Práq Chuai Cūai Sa-âm Canõh

¹ Sanua cứq yoc atõng anhia tể ranáq parõm práq đốq chuai cūai sa-âm ca cadit. Cóq anhia táq machóng cứq atõng máh tốp sa-âm tâng cruang Ca-lati tề. ² Cu tởn, tâng tangái muoi, dũ náq anhia cóq đốq muoi pún tể máh ramứh Yiang Sursĩ yỗn anhia bữn tâng tapoât tangái nhũang. Anhia đốq cớng ki tâng đốq anhia, toau cứq toâq pỡ anhia. Táq ngkíq anhia tở bữn túh parõm noâng tangái cứq toâq. ³ Tở cứq toâq, cứq ớn máh cūai anhia rườh yỗn alóit đưng cớng ki pỡ tốp sa-âm, tâng vil Yaru-saleem. Cớp cứq táq choaiq yỗn alóit dáng anhia yoc ể chuai tốp sa-âm tâng vil alóit. ⁴ Khân p̄ieiq cứq p̄õq p̄õ ki, alóit têq p̄õq muoi p̄ớh cớp cứq.

Phau-lô Chanchóm Ể Toâq Sa-óh

⁵ Cứq chanchóm ể p̄õq p̄õ cruang Ma-sadôn. Vót cứq p̄õq chu cruang ki, cứq ể p̄õq sa-óh anhia hỡ. ⁶ Cứq tở dáng maléq dũn cứq ớt cớp anhia, p̄ieiq nheq casái sangết cớng bữn. Vót ki, ntốq aléq cứq yoc ể p̄õq, têq anhia chuai cứq p̄õq chu ntốq ki. ⁷ Cứq tở ểq toâq pỡ anhia ma ớt mahỗi sâng,

chơ pởq toâp. Cựq yoc ẽ ốt dũn cớp anhia, khân Yiang Sursĩ yỗn.

⁸ Ma cứq ẽ ốt tâng vil Ê-phê-sô nâi toau toâq tangái noau cha bũi Tangái Susot,* ⁹ yuaq ntốq nâi bữn chũng cũai yoc ẽ tamúng parnai cứq atống. Cớp bữn tê sa-ũi nác tở ẽq tamúng santoiq cứq.

¹⁰ Khân Ti-muthê toâq sa-óh anhia, ki anhia tabởp tabéh o án, yuaq án táq ranác Ncháu hái machống cứq tê. ¹¹ Chỗi yỗn noau tễ anhia ayê ra-ac án cớ án la cũai póng. Ma cớq anhia chuai án pởq bán sũan ien khê, yỗn án têq chu loah pở cứq. Cựq nguang án chu parnoi cớp máh cũai sa-âm ca ẽ toâq pở nâi.

¹² Sanua cứq yoc atống tễ Ablô. Án la sêm ai hái tê. Sa-ũi trở chơ cứq yoc án toâq sa-óh anhia, ma án tở ẽq pởq yũah. Ma ntun ẽn, khân án tở bữn miaq ntrứu, án lứq toâq sa-óh anhia.

Patâp Cớp Carbán Carsũan

¹³ Cớq anhia nhêng o, sa-âm samoât samơi, cớp bữn mút pahồm clốq. ¹⁴ Dũ ranác ntrứu anhia táq, cớq anhia manoaq ay-ooq manoaq.

¹⁵⁻¹⁶ Anhia khoiq dáng chơ tễ Sê-phana cớp nheq đống sũ án. Alói la cũai dâu lứq sa-âm Yê-su Crít tâng cruang Créc. Cớp alói cutống lứq táq ranác chuai tốp sa-âm nheq rangứh rahở alói. Sêm ai ơ! Cựq sêq anhia trĩh cũai ngkíq, cớp trĩh máh cũai táq parnoi cớp alói.

¹⁷ Cựq sâng bũi lứq bữm Sê-phana, Phô-tu-natu, cớp Achai-cơ toâq sa-óh cứq. Alói toâq chuai cứq la ariang nheq tũh anhia toâq chuai cứq tê. ¹⁸ Cớp alói táq yỗn mút cứq sâng bũi lứq machống alói khoiq táq yỗn anhia

tê. Cớq anhia yám noap lứq cũai táq ngkíq.

¹⁹ Máh tốp sa-âm tâng cruang Asia blớh carhan anhia, Aki-la cớp Barít-sin, cớp máh tốp sa-âm ca rôm tâng đống alói, nheq tũh alói carhan anhia tê. Alói ayooq anhia la cớ anhia sa-âm machống alói tê. ²⁰ Dũ nác cũai sa-âm tâng ntốq nâi blớh carhan anhia tê. Sêq anhia manoaq cubán o chốq manoaq. Ngkíq noau dáng anhia manoaq ayooq manoaq.

²¹ Santoiq parsốt nâi la atĩ cứq bữm chĩc đốq sa-óh anhia.

²² Cũai alég ma tở bữn ayooq Ncháu hái, nỡ-ra cũai ki cốt pút. O Ncháu hêq ơ! Sêq anhia toâq chái pở cutêq nâi!

²³ Cựq sêq Yê-su, Ncháu hái, chuai miat anhia.

²⁴ Mút pahồm cứq sâng ayooq lứq anhia, cớ anhia sa-âm Yê-su Crít machống cứq tê.

* 16:8 16:8 Tangái Susot la sớng chít tangái ntun Tangái Loõh.

**Choaiq Thờ Bar
Phau-lô Chĩc
Yỗn Cũai Tâng Vil
Côr-ntô
Santoiq Atông**

Phau-lô chĩc choaiq thờ bar nài cỏiq sa-óh tốp sa-âm tâng vil Côr-ntô sám 56 cumo ntun Yê-su canốt. Bo án chĩc choaiq thờ muoi, Phau-lô tở bữn bũi cốp tốp sa-âm tâng vil ki, yuaq alóit táq tở pĩeiq, cốp bữn cũai tâng vil ki yoc ẽ chĩ loah Phau-lô.

Tâng thờ bar nài, Phau-lô sâng bũi loah yuaq tốp alóit ca chĩ án tẽ nhũang dáng loah ranáq alóit táq la tở pĩeiq, cốp alóit ngin lôih, chơ cõt ratoi loah cốp Phau-lô. Phau-lô chĩc thờ nài ẽq tốp sa-âm ốt tâng vil Côr-ntô rachuai con acái Yiang Sursĩ ốt tâng cruang Yudê.

Tâng máh pún parsót, Phau-lô atông tẽ án cõt ayũng atĩ Yê-su Crĩt la cỗ Yiang Sursĩ toáp ruroh cốp chớh án. Án pai ngkĩq yuaq bữn cũai tâng vil Côr-ntô tở bữn noap án, cốp alóit achõn tở chớh pai alóit bữn chớh lĩ-ralı cốp tốp ayũng atĩ Yê-su tẽ.

¹ Cũq Phau-lô chĩc choaiq thờ nài cỏiq sa-óh tốp sa-âm Yiang Sursĩ tâng vil Côr-ntô cốp nheq tữh tốp sa-âm tâng cruang Achai. Yiang Sursĩ khoiq ruroh cũq yỗn cõt ayũng atĩ Yê-su Crĩt. Bữn đẽh Ti-muthê hữ ốt parnoi cốp cũq. Án la cũai sa-âm Yê-su machóng hái tẽ. ² Cũq sễq Yiang Sursĩ, Mpoaq hái, cốp Yê-su Crĩt, Ncháu hái, chuai miat anhia, cốp yỗn anhia ốt bán sũan ien khẽ níc.

Phau-lô Sa-õn Yiang Sursĩ

³ Hái sa-õn lứq Yiang Sursĩ, Mpoaq Yê-su Crĩt, Ncháu hái. Án la Mpoaq ca bữn mút pahõm

ayooq hái. Án la Yiang ca aliam hái. ⁴ Dũ ramứh túh coat hếq ramóh, án lứq aliam níc hếq. Yuaq án aliam hếq, ki hếq cóq aliam loah máh cũai canốt tẽ toáq alóit ramóh túh coat. ⁵ Khãn hếq ramóh túh coat cỗ tian hếq puai ngê Crĩt, ốc Crĩt aliam hếq la sa-ũĩ hõn tẽ ốc hếq chũuq. ⁶ Ngkĩq, khãn hếq ma ramóh túh coat, hếq chũuq túh coat cỗ hếq yoc ẽ aliam anhia, cốp yoc Yiang Sursĩ chuai amoong anhia. Khãn Yiang Sursĩ aliam hếq, la samoát án aliam anhia tẽ, cốp án yỗn anhia rơi tanhĩr máh ốc túh coat samoát hếq đốq ramóh tẽ. ⁷ Hếq bữn ốc nguang tẽ anhia, la anhia tở bữn táh ngê Yê-su Crĩt, yuaq hếq dáng samoát lứq, toáq anhia chũuq túh coat riang hếq chũuq, Yiang Sursĩ lứq aliam anhia machóng án aliam hếq tẽ.

⁸ Máh sễm ai ơi! Hếq yoc anhia dáng raloaih tẽ ốc túh coat ca toáq pữ hếq, bo hếq ốt tâng cruang Asia. Túh coat ki luat ngư thánq. Hếq chanchóm tở bữn tamoong noáq. ⁹ Hếq la samoát riang cũai noau khoiq anoat cóq cuchĩt. Ốc ki toáq pữ hếq, la đốq táq yỗn hếq tở bữn ỉt rangứh bữm, ma ỉt ống rangứh Yiang Sursĩ sâng. Yiang Sursĩ la Yiang bữn chớh tẽq chuai amoong máh cũai khoiq cuchĩt. ¹⁰ Lứq samoát Yiang Sursĩ khoiq chuai amoong hếq tở yỗn hếq cuchĩt, cốp sanua án noáq chuai amoong hếq, cốp hếq nguang nữ-ra án chuai amoong hếq sĩa. ¹¹ Ma sễq anhia câu chuai hếq nứng. Ngkĩq máh ramứh o ẽ toáq pữ hếq cỗ nhơ chũng cũai câu yỗn hếq. Chơ máh cũai ki bữn sa-õn Yiang Sursĩ cỗ án chuai hếq.

Phau-lô Bữn Mút Pahõm Sabõng

12 Hêq sâng bũi lứq tễ muoi ốc neq: Mút pahôm hêq dáng samoat lứq, tâng dôi tamoonq hêq, hêq tở bũn bar mút, ma hêq táq samoat samoi níc chók anhia cốp chók máh cũai tâng dôi nâi. Hêq táq ngkíq, hêq tở bũn ít ngê rangoaiq tễ dôi nâi, ma hêq táq ngkíq cồ nhơ Yiang Sursĩ chuai miat hêq. 13-14 Sanua hêq tở bũn chĩc ốc yarũ yỗn anhia, táq yỗn anhia tở dáng doc cốp tở bũn sapúh. Cốp máh ốc anhia dáng bĩq tễ hêq, ki hêq yoc anhia dáng sa-ũri ễn. Ngkíq toâq tangái Yê-su, Ncháu hái, toâq loah pở cutễq nâi, hêq sâng tanga pahôm cồ nhơ tễ anhia, cốp anhia sâng tanga pahôm cồ nhơ tễ hêq.

Yuaq Nỗq Phau-lô Tở Yũah Pít Loah Pở Vĩl Cờ-ntô

15 Yuaq ốc ki, cứq chanchóm ễ mut sa-óh anhia khoiq bar trỗ chơ, đốq anhia tềq sâng bũi. 16 Cứq khoiq chanchóm ễ sa-óh anhia nhũang voai, bo cứq pởq chu cruang Ma-sadôn. Cốp toâq cứq chu loah tễ cruang Ma-sadôn, cứq chanchóm ễ mut sa-óh anhia sĩa, đốq anhia chuai cứq tềq pởq chu cruang Yudê ễn. 17 Từ cứq pai ễ táq ngkíq, anhia chanchóm cứq saria sarnóm tở? Cốp anhia chanchóm cứq la samoat cũai sâuq ca đốq pai bar parnai tở? 18 Machóng anhia tềq sa-âm Yiang Sursĩ la p̄ieiq níc, ngkíq anhia tềq sa-âm cứq tở bũn pai bar santoiq: 'p̄ieiq' cốp 'tở p̄ieiq'. 19 Cứq, Si-la,* cốp Ti-muthê khoiq atớng anhia tễ ngê Yê-su Crít la Con Yiang Sursĩ. Tâng Yê-su Crít tở bũn bar santoiq: 'p̄ieiq' cốp 'tở p̄ieiq', ma tâng Yê-su Crít bũn muoi ốc p̄ieiq sâng. 20 Dũ ốc Yiang Sursĩ khoiq parkhán cốp

cũai, la máh ốc p̄ieiq, cồ nhơ Yê-su Crít. Nhơ tễ Yê-su, ngkíq hái tềq pai 'Amen', đốq noau khễn Yiang Sursĩ. 21 Lứq Yiang Sursĩ toâp táq yỗn hái sa-âm ngê Crít pacái lứq. Án toâp ruroh hái đốq táq ranáq án. 22 Cốp Yiang Sursĩ táq tếc hái lứq khong án. Án yỗn Raviei án ốt tâng mút pahôm hái đốq cõt tếc nỡ-ra án táq moâm ranáq chuai amoong hái.

23 Cứq sễq Yiang Sursĩ hũm tâng mút pahôm cứq, cứq pai lauq tở la pai lứq. Cứq tở yũah toâq pở vil Cờ-ntô, la yuaq cứq yoc ễ viaq tễ anhia bũn ốc ngua cồ tian cứq. 24 Tở cõn cứq yoc ễ ếp anhia yỗn sa-âm nneq tở la sa-âm ngkíq, yuaq anhia khoiq sa-âm samoat samoi chơ. Ma hêq yoc ễ chuai anhia yỗn anhia bũn moang ốc bũi sâng.

2

1 Ngkíq, cứq khoiq chanchóm samoat lứq chơ tở ễq pởq sa-óh noâng anhia, khân cứq toâq ma táq yỗn anhia cõt ngua. 2 Khân cứq táq yỗn anhia sâng ngua, ki noau ễn tềq táq yỗn cứq cõt bũi? Lứq samoat ống anhia toâp tềq táq ngkíq. Ma nỗ anhia tềq táq ngkíq, khân cứq táq yỗn anhia sâng ngua? 3 Cứq khoiq chĩc chơ ốc ki tâng choaiq thờ yỗn anhia. Bo cứq toâq pở anhia, cứq tở ễq sâng ngua cồ tễ anhia, yuaq anhia la cũai ca đốq táq yỗn cứq sâng bũi. Cứq dáng samoat lứq, khân cứq sâng bũi, lứq anhia sâng bũi tễ. 4 Bo cứq chĩc choaiq thờ ki yỗn anhia, mút cứq sâng ngua cốp coat la-ởq toau sarliang moat cứq hoi. Cứq chĩc ngkíq, cứq tở ễq táq yỗn anhia sâng ngua, ma cứq yoc anhia dáng cứq ayooq lứq anhia.

* 1:19 1:19 Si-la nâi noau đốq Si-lavan hỡ.

Án Ca Táq Lôih, O Yỗn Anhia Táh Lôih Án

⁵ Khân bữn cũai aléq ma khoiq táq yỗn cũai canỏh sâng ngua, ki án tở bữn táq yỗn óng cứq sâng cớt ngua, ma lứq án táq yỗn cũai tể tốp anhia sâng ngua tề. Cứq tở ểq tẻq án luat ngư, ngkíq yuaq cứq tở bữn pai án táq yỗn nheq tữh anhia sâng ngua. ⁶ Péq chơ anhia manrap cũai ki. ⁷ Sanua o yỗn anhia táh lôih án cớp aliam án, đợq án tở bữn cớt pê pahỏm cớ tể ỏc ngua ki. ⁸ Cứq sẻq anhia apáh cũai ki dáng anhia ayooq án. ⁹ Yuaq ngkíq cứq ma chĩc choaiq thỡ ki yỗn anhia: cứq yoc ể tơm mút anhia, anhia lứq trĩh máh ỏc cứq atởng ma tở bữn. ¹⁰ Khân anhia táh lôih noau, cứq táh lôih cũai ki tề. Toáq cứq táh lôih án, cứq táq ngkíq yáng moat Crít, yuaq cứq yoc ể chuai anhia. ¹¹ Cứq yoc ể táq yỗn yiang Satan tở tẻq riap noâng hái, yuaq hái khoiq dáng chơ tề ngê án ể táq.

Phau-lô Atởng Tẻ Án Ớt Tâng Vil Trờ-at

¹² Tề nhữang ki, bo cứq toáq pỡ vil Trờ-at đợq atởng parnai o tể Crít, ngkíq Ncháu hái khoiq pớh rana yỗn cứq tẻq táq ranáq tâng ntỏq ki. ¹³ Ma mút cứq sâng tở bữn bữi, yuaq cứq tở bữn ramỏh Atít, sẻm ai hái, pỡ ki. Ngkíq, moâm cứq cubán máh cũai tâng vil ki, chơ cứq pớq chu cruang Masadôn ẻn.

Hái Tẻq Riap Cỏ Nhờ Crít Chuai

¹⁴ Lứq sa-ỡn Yiang Sursĩ! Án yỗn hẻq riap níc la cỏ nhờ Crít. Hẻq la samoát riang hỡi phuom pláh dũ ntỏq, yuaq Yiang Sursĩ yỗn hẻq atởng dũ náq cũai dáng tể Crít. ¹⁵ Hẻq cớt samoát trâm

ca Crít chớng ể sang toam Yiang Sursĩ. Hỡi phuom ki táq yỗn dũ náq cũai tẻq sâng phuom, đẻh cũai Yiang Sursĩ chuai amoong, cớp cũai Yiang Sursĩ ể pupút hỡ. ¹⁶ Hỡi ki táq yỗn máh cũai Yiang Sursĩ ể pupút cớt ariang hỡi crớng bữl, cớp táq yỗn alới cuchít. Ma yỗn máh cũai Yiang Sursĩ ể chuai amoong, hỡi ki la riang hỡi phuom, cớp táq yỗn alới bữn tamooong. Noau toáp piẻiq yỗn táq ranáq nái? ¹⁷ Hẻq tở bữn riang cũai canỏh ca atởng parnai Yiang Sursĩ ma cớt samoát cũai chẻq chớng yoc ể bữn lời. Ma cỏ Yiang Sursĩ ỏn hẻq táq ranáq nái, ngkíq hẻq atởng samoát samỏi lứq yáng moat án, yuaq hẻq ỏt muoi mút cớp Crít.

3

Atởng Tẻ Ngê Yê-su Crít La O Hỡn Tẻ Puai Phẻp Rit Mỏi-se

¹ Anhia chanchỏm cứq ntỏm khẻn loah tở cứq bữm tở? Cứq tở bữn túh cóq bữn choaiq khẻn đợq apáh yỗn anhia, tở la choaiq tể anhia đợq apáh yỗn cũai canỏh dáng cứq la noau. ² Anhia toáp la samoát riang choaiq khẻn ca cứq đợq tâng mút pahỏm cứq. Khân noau yoc ể dáng tể cứq, ki tẻq noau nhềng tể ranáq anhia táq. ³ Noau dáng raloaih, anhia la samoát riang chửq ca Crít toáp chĩc, ma cứq la cũai đứng asuoi choaiq ki. Choaiq ki noau tở bữn chĩc toáq đợq múc, ma noau chĩc toáq Ravieí Yiang Sursĩ, la Yiang ca tamooong mantái. Cớp noau tở bữn chĩc tâng tamáu,* ma lứq noau chĩc tâng mút pahỏm cũai.

⁴ Cứq tẻq pai santoiq ki yuaq cứq sa-âm Yiang Sursĩ samoát samỏi cỏ nhờ tể Crít. ⁵ Ma máh

* 3:3 3:3 Toáq án pai 'chĩc tâng tamáu', án atởng tể phẻp rit Yiang Sursĩ yỗn na Mỏi-se.

ranáq ntróu cứq chanchóm ẽ táq, cứq tở têq táq bữm ranáq ki, ma óng Yiang Sursĩ toáp yỗn cứq têq táq. ⁶ Yiang Sursĩ yỗn cứq têq atõng tể ngê tamái án yỗn cứq dáng. Ngê tamái nâi tở bữn ariang phếp rit Mòi-se yỗn. Ma ngê tamái nâi toáq tể Raviei Yiang Sursĩ. Khân hái puai phếp rit Mòi-se yỗn, ki hái lứq cuchĩt, ma khân hái puai ngê tamái ca toáq tể Raviei Yiang Sursĩ, hái lứq bữn tamooing.

⁷ Phếp rit Yiang Sursĩ yỗn na Mòi-se tể mbốq, án chĩc đốq tâng tamáu. Bo Yiang Sursĩ yỗn Mòi-se phếp rit ki, Mòi-se hữm ốc poang tể Yiang Sursĩ claq chu nốq án ốt. Ngkĩq máh cũai I-sarel tở riap nhêng chu mieiq Mòi-se, yuaq poang tể mieiq Mòi-se sarbal moat alóí. Ma poang ki ngcuai pút tể mieiq Mòi-se. Khân phếp rit tiaq ca đũng ốc cuchĩt ma noáng bữn chóc ang-ữr, ⁸ hỡn tể ki ẽn ngê tamái tể Raviei Yiang Sursĩ bữn chóc ang-ữr clũi tể ki. ⁹ Khân ngê ca đũng tởt yỗn cũai bữn chóc ang-ữr, ngkĩq ngê ki táq yỗn cũai cõt tanoang o yáng moat Yiang Sursĩ lứq bữn chóc ang-ữr clũi tể ki ẽn. ¹⁰ Khân ngê nhũang bữn ang-ữr, ma toáq ngê ang-ữr clũi tể ki ẽn, chơ ngê ca bữn ang-ữr tể nhũang cõt ariang tở bữn ang-ữr noáng. ¹¹ Ngkĩq, khân ngê nhũang bữn chóc ang-ữr ma ngcuai pút samoát ốc poang ngcuai pút, ki ngê ntun ca ốt mantái níc lứq bữn chóc ang-ữr hỡn tể ngê nhũang ẽn.

¹² Cỗ cứq sa-âm ngkĩq, cứq atõng ngê ki clốq lứq. ¹³ Cứq tở bữn táq riang Mòi-se táq tể mbốq; án ít khán cốp pul mieiq án, án tở ẽq yỗn cũai I-sarel hữm poang ca ngcuai pút tể mieiq án.

¹⁴ Ma máh cũai I-sarel ki bữn mút coang. Cốp toau tangái nâi, toáq alóí doc tể saráq phếp rit tiaq, alóí tở bữn hữm raloaih, samoát riang bữn khán pul chíq moat alóí. Ma óng cũai bữn muoi mút cốp Crĩt sâng têq pút khán ki tể án. ¹⁵ Toau tangái nâi, toáq alóí doc tể tâm saráq Mòi-se chĩc, alóí tở bữn sâng raloaih, samoát riang bữn muoi mễng khán pul chíq mút pahõm alóí. ¹⁶ Ma toáq cũai aléq pĩh sa-âm Ncháu, bo ki toáp mút pahõm cũai ki sâng raloaih, samoát riang khán tở bữn pul noáng. ¹⁷ Ncháu nâi la Raviei Yiang Sursĩ, cốp cũai aléq bữn Raviei Yiang Sursĩ ốt cốp án, mút pahõm cũai ki sâng ien khê níc. ¹⁸ Ngkĩq nheq tữh hái ca sa-âm Yê-su Crĩt chơ, hái tở bữn noáng riang khán pul mieiq hái. Ma hái la samoát kếng claq ang-ữr lứq tể Ncháu hái. Cốp cỗ Raviei Yiang Sursĩ táq ranáq tâng mút pahõm hái, ngkĩq cu rangái mút pahõm hái cõt o achõn, cõt samoát riang mút pahõm Ncháu hái tể.

4

Phau-lô Atõng Tể Yê-su Crĩt, Ncháu Hái

¹ Cứq bữm táq ranáq nâi cỗ Yiang Sursĩ sarũiq táq cứq. Yuaq ngkĩq cứq tở bữn sâng pê pahõm ntróu. ² Cứq tở bữn phếp cũai yỗn alóí sa-âm ngê Yiang Sursĩ. Cốp cứq tở bữn atõng mpha ntróu tể parnai Yiang Sursĩ. Cứq táh nheq máh ranáq clốp cốp ốc casiet. Ma yáng moat Yiang Sursĩ cứq atõng pĩeiq níc. Cứq chanchóm dũ náq cũai lứq pruum cốp cứq tể máh ốc ki tể.

³ Ma khân noau pai cứq atõng parnai cutooq, cũai pai ngkĩq la cũai tở ẽq tamứng tể parnai ki. Cốp nỡ-ra Yiang Sursĩ lứq pupút cũai ki. ⁴ Alóí tở ẽq sa-âm, cỗ

yang Satan pul chíq mút pahôm alói. Ngkíq alói tở têq hữm chóc ang-ừ parnai o tể Crít, án ca machóng Yang Sursĩ. ⁵ Cúq tở ểq anhia puai ngê cúq, ma cúq ểq anhia puai ống ngê Yê-su Crít, Ncháu hái, sâng. Cúq la cũi táq ranáq yỗn anhia cồ cúq ayooq Yê-su. ⁶ Yang Sursĩ khoiq pai chơ neq: “Cóc bữn ọc poang claq tâng ntỏq canám.” Án toáp táq tâng mút pahôm cúq yỗn têq cúq dáng chóc ang-ừ tể Yang Sursĩ ca án apáh na Crít yỗn hái hữm.

Phau-lô Sacâm Tể Adéh Cutểq

⁷ Hếq la samoât riang adéh cutểq miat. Hếq bữn ngê o tể Yang Sursĩ la samoât án đợc crong ngoaih tâng adéh cutểq ki. Án táq ngkíq yỗn dũ náq cũi têq dáng máh ranáq o hếq têq táq la toáp tể Yang Sursĩ, tở cởn toáp tể hếq. ⁸ Sa-ừi trở chơ noau sarlũm hếq, ma alói tở dáng bữn. Sa-ừi trở chơ hếq sâng dớt sarnóm, ma hếq tở bữn pê pahôm. ⁹ Sa-ừi trở noau táq cốp ể cachit hếq, ma Yang Sursĩ tở bữn táh hếq. Cốp sa-ừi trở noau srúm hếq tâng cutểq, ma Yang Sursĩ tở yỗn alói cachit hếq. ¹⁰ Dũ trở hếq pợq táq ranáq Yang, ki hếq mán cuchit machóng Yê-su tể. Nái la tểc yỗn dũ náq cũi têq dáng Yê-su lứq tamooing cốp án chuai hếq hỡ. ¹¹ Tâng dời tamooing hếq, noau chiau níc hếq yỗn noau cachit, cồ tian hếq táq ranáq Yê-su. Nái la tểc Yê-su lứq tamooing tâng tở hếq. ¹² Ngkíq hếq chiũq níc noau ể cachit hếq, đợc anhia bữn tamooing níc.

¹³ Tâng tâm saráq Yang Sursĩ tể mbỏq noau khoiq chíc neq: “Cúq khoiq sa-âm; yuaq ngkíq cúq atởng.”[☆]

Hếq sa-âm machóng cũi ki tể. Ngkíq yuaq hếq atởng. ¹⁴ Hếq dáng án ca khoiq yỗn Yê-su, Ncháu hái, tamooing loah tể cuchit, án lứq yỗn hếq tamooing loah parnoi cốp Yê-su tể, cốp án yỗn nheq tữn hái ớt parnoi yáng moat án. ¹⁵ Dũ ramứh nái toáp cồ án yoc ể chuai anhia. Cốp khân Yang Sursĩ chuai miat cứng cũi, ki alói câu sa-ởn Yang Sursĩ cốp khễn chóc ang-ừ án sa-ừi lứq ển.

¹⁶ Ngkíq hếq tở bữn sâng pê pahôm ntrứu. Tở hếq ntôm ể cởt rúng, ma mút pahôm hếq ntôm tamooing loah cu rangái. ¹⁷ Ốc túh coat hếq chiũq tâng dời nái la padam sâng cốp mahỗi sâng. Cốp ọc túh coat nái táq yỗn hếq bữn chóc ang-ừ tâng dời ntun ca tở nai pút. ¹⁸ Hái tở bữn nhêng chu ramứh tâng dời nái ariang moat hái đợc hữm, ma hái nhêng níc chu ramứh tâng dời ntun ca moat hái tở yũah hữm. Ramứh hái hữm sanua, ki ớt mahỗi sâng, ma máh ramứh hái tở yũah hữm, ki ớt mantái níc.

5

Ntỏq Ớt Tâng Paloỏng

¹ Tở hái la samoât riang đống aroaiq hái ớt dờ tâng dời nái. Ma hái dáng toáp đống nái anhỗ cốp rúng, hái bữn đống tamái tâng paloỏng. Đống ki ớt mantái níc, yuaq Yang Sursĩ toáp táq đống ki, tở cởn atỉ cũi táq. ² Ma sanua hái noâng cuclỏiq cucling yoc ể bữn tở tamái ớt tâng paloỏng, la samoât riang hái ể sớp tampác tamái. ³ Yuaq toáp hái bữn tở tamái, ki raviei hái tở bữn ợc tở ớt tâng paloỏng. ⁴ Sanua hái ớt cuclỏiq níc tâng dời nái yuaq hái sâng tở ểq ể táh tở nái, ma hái

êr áiq yoc ẽ bữn tở tamái tâng
dôi ntun. Ốc ki la samoât riang
ốc tamoong mantái clũom nheq
ốc tamoong tâng dôi nâi. ⁵ Yiang
Sursĩ khoiq thữan ngkíq yỗn hái.
Án khoiq yỗn hái bữn Raviei án
dỗq cõt tếc án lứq táq moâm máh
ốc án khoiq ỹq.

⁶ Ngkíq hái sa-âm samoât lứq,
cóp hái dáng bo tở hái noâng
tamoong tâng dôi nâi, hái ớt yơng
tể nốq Ncháu ốt. ⁷ Hái tamoong
la cồ nhơ tể hái sa-âm, tở cữn
cồ nhơ tể máh ramứh hái hữm.
⁸ Hái sa-âm samoât lứq, cóp hái
chanchóm o hỡn hái cuchít, chơ
ớt parnoi cóp Ncháu hái. ⁹ Ma
hỡn tể ốc ki ên, hái yoc ẽ táq
yỗn Ncháu hái sâng bũi pahỡm
cóp hái, tở bữn ntrứu hái ớt tâng
dôi nâi tở la tở bữn ốt. ¹⁰ Toâq
tangái Crít rablớh nheq tữh cũi,
dũ náq hái lứq ớt tayứng yáng
moat án; chơ hái bữn roap cóng
puai loah ranáq hái khoiq táq bo
hái noâng tamoong, ranáq o tở la
ranáq sáuq.

Hái Ớt Ratoi Loah Cóp Yiang Sursĩ Cồ Nhơ Crít

¹¹ Hếq dáng ngcõh Yiang Sursĩ
chơ. Ngkíq yuaq hếq atõng cũi
canõh yỗn sa-âm án tể. Yiang
Sursĩ khoiq dáng dũ ramứh tâng
mứt pahỡm hếq. Cóp hếq yoc
anhia dáng tể máh ramứh tâng
mứt pahỡm hếq. ¹² Hếq pai
ngkíq, hếq tở ẽq anhia chanchóm
hếq khễn tở bữm. Ma hếq yoc
anhia bữn ốc o atõng tể hếq.
Ngkíq anhia tềq ta-ỡi suon máh
cũi yoc ẽ ốt tể ranáq alới táq.
Alới táq o yáng moat cũi ẽq yỗn
cũi hữm, ma mứt pahỡm alới tở
bữn o ntrứu. ¹³ Bữn máh cũi
yoc ẽ pai hếq la cũi yủh. Khân
hếq yủh, la cữuq hếq táq ranáq
Yiang Sursĩ. Cóp khân hếq tở
bữn yủh, hếq yoc ẽ chuai anhia.

¹⁴ Ốc ayooq tể Crít ndõm níc hếq.
Ngkíq hếq chanchóm neq: Khân
bữn manoaq cuchít tang dũ náq
cũi, ốc ki la samoât riang dũ náq
cũi ki cuchít tể. ¹⁵ Án khoiq
cuchít tang dũ náq cũi, dỗq alới
ca noâng tamoong tở bữn puai
noâng rangứh alới bữm, ma puai
rangứh án ca cuchít tang yỗn alới
cóp khoiq tamoong loah.

¹⁶ Ngkíq tể tangái nâi toau
toâq tangái ntun, hếq tở bữn
chanchóm noâng tể cũi canõh,
tam alới o tở la tở bữn o puai ngê
cũi dỗq chanchóm. Bo nhữang
hếq chanchóm tể máh ki tể Crít,
ma sanua hếq tở bữn chanchóm
noâng ngkíq. ¹⁷ Ngkíq khân cũi
alếq bữn muoi mứt cóp Crít, cũi
ki lứq cõt tamái loah. Máh ngê
tiaq khoiq pứt nheq. Chơ toâq ngê
tamái ên. ¹⁸ Nheq ranáq nâi Yiang
Sursĩ táq cồ nhơ tể Crít. Yiang
Sursĩ khoiq pruum yỗn hái tềq
ratoi loah cóp án, cóp án yỗn hếq
atõng loah yỗn cũi canõh dáng.
¹⁹ Hếq atõng neq: Cồ nhơ Crít,
Yiang Sursĩ táq yỗn dũ náq cũi
tềq ratoi loah cóp án. Án tở bữn
noap noâng máh lờih alới. Cóp án
yỗn hếq bữn parnai nâi dỗq atõng
loah yỗn cũi canõh dáng tể.

²⁰ Hếq la cũi dừng parnai Crít
pỡ anhia. Yiang Sursĩ toâp ớn
hếq atõng tang parnai án. Nhơ
tể ramứh Crít, hếq sếq anhia cõt
ratoi loah cóp Yiang Sursĩ. ²¹ Yê-
su Crít tở bữn lờih ntrứu, ma
Yiang Sursĩ khoiq yỗn án chiũq
cuchít tang lờih hái. Cồ hái ớt
muoi mứt cóp Yê-su, ngkíq hái cõt
tanoang o yáng moat Yiang Sursĩ.

6

¹ Hếq la cũi pruum táq ranáq
parnoi cóp Yiang Sursĩ. Án khoiq
chuai miat anhia. Yuaq ngkíq,
hếq sếq anhia chõỉ táh máh ốc án

chuai miat anhia. ² Yiang Sursĩ khoiq atông tâng tâm saráq án tẽ mbốq neq:

“Toâq ngư cứq ẽ chuai miat anhia, cứq sâng sương mới câu.

Cóp toâq ngư cứq yoc ẽ chuai amoong anhia, cứq lứq chuai.”^{*}

Lứq samoât, tangái nâi toâp Yiang Sursĩ ẽ chuai anhia, cốp tangái nâi toâp án lứq chuai amoong anhia.

Máh Cũai Táq Ranáq Yiang Sursĩ, Cóp Alói Tanhĩr Ramúth Túh Coat

³ Hếq tở bữn táq ntróu yỗn cũai canốh tở ếq sa-âm, tở la yỗn alói tềq tềq máh ranáq hếq táq. ⁴ Ma dũ ranáq hếq táq, hếq apáh hếq lứq táq ranáq Yiang Sursĩ la neq: Hếq tanhĩr máh ramúth túh coat, túh cadĩt, cốp ốc tđiạq bap; ⁵ hếq chĩuq noau toân, noau carál hếq tâng cuaq tũ, cốp noau sasrúc ếq noau táq hếq. Hếq táq ranáq lakéh lứq; tâng sadâu hếq ốq bếq; cốp hếq ốq cương sana cha, ⁶ cỗ hếq bữn mút bráh o yáng moat Yiang Sursĩ; cỗ hếq dáng ngê Yê-su Crít, hếq chĩuq noau táq; hếq chuai yóu; hếq bữn Ravieĩ Yiang Sursĩ ốt cốp hếq; hếq ayooq yóu samoât samoi; ⁷ hếq atông parnai o tẽ Yiang Sursĩ; cốp hếq bữn chóc tẽ Yiang Sursĩ. Hếq ốt tanoang o yáng moat Yiang Sursĩ, nâi la samoât riang hếq yống cương choac tâng bar coah atĩ. ⁸ Bữn cũai khên hếq, cốp bữn cũai ayê ra-ac hếq. Bữn cũai voốq sâuq tẽ hếq, ma bữn cũai pai hếq la cũai o. Bữn cũai calauq hếq, ma bữn cũai pai hếq atông pñeiq lứq. ⁹ Bữn cũai pai hếq la cũai liaq, ma bữn cũai saccoal hếq. Sa-ũri tở chơ hếq mán ẽ cuchĩt, ma noâng hếq bữn tamoong. Toâq Yiang

Sursĩ manrap hếq, ma án tở bữn táq yỗn hếq cuchĩt. ¹⁰ Sa-ũri tở chơ hếq sâng túh ngua, ma noâng Yiang Sursĩ yỗn hếq sâng bũi níc. Hếq cadĩt lứq tâng đỏi nâi, ma hếq chuai yỗn cững cũai cõt sốc bữn. Hếq la samoât riang cũai ốq ntróu thág, ma hếq bữn dũ ramúh tẽ Yiang Sursĩ yỗn hếq.

¹¹ O máh cũai Côr-ntô ơi! Hếq khoiq atông anhia samoât samoi lứq, cốp hếq ayooq anhia nheq mút pahôm hếq. ¹² Tở cõn hếq tở bữn ayooq anhia, ma anhia tở bữn ayooq hếq. ¹³ Sanua cứq atông anhia samoât anhia la con acái cứq: Hếq yoc anhia táq chóq hếq machóng hếq táq chóq anhia. Hếq yoc anhia ayooq hếq nheq mút pahôm anhia.

Yê-su Crít Cóp Yiang Satan

¹⁴ Anhia chỏi pruum muoi ngê* cốp cũai tở bữn sa-âm Yê-su Crít. Ngê tanoang o tở bữn pruum cốp ngê sâuq. Ốc poang tở bữn pruum cốp ốc canám. ¹⁵ Crít tở bữn pruum cốp yiang Satan. Cốp cũai sa-âm tở tềq pruum cốp cũai tở bữn sa-âm. ¹⁶ Đống sang Yiang Sursĩ mpha tẽ rup yiang sâuq. Lứq hái toâp la đống sang Yiang Sursĩ. Yiang Sursĩ khoiq pai neq:

“Cứq lứq ốt nừng alói, cốp táq pốq cốp alói.

Cứq cõt Yiang Sursĩ alói, cốp alói cõt cũai proai cứq.”^{*}

¹⁷ Cóp Yiang Sursĩ khoiq pai neq hữ:

“Cóq anhia loốh cốp ốt miar tẽ cũai tở bữn sa-âm cứq, cốp chỏi satoaq máh cương tở bữn bráh puai rit.

Chơ cứq lứq ngin anhia la con cứq.”^{*}

¹⁸ Cứq cõt Mpoaq anhia,

^{*} 6:2 6:2 Ê-sai 49:8 * 6:14 6:14 Tâng parnai Créc án pai: ‘Chỏi chống muoi raluang tở la pату.’ * 6:16 6:16 Ê-sakiel 37:27 * 6:17 6:17 Ê-sai 52:11

cóp anhia cõt con samiang
con mansêm cứq.
Ngkíq Yiang Sursĩ Sốt Toâr Lứq
pai."*

7

¹ Ngkíq yóu ca hếq ayooq lứq
oi! Yuaq hái sâng máh santoiq
par-ữq ki, cóq hái táq yỗn tỗ cóp
mút pahôm hái cõt bráh nheq tễ
cu ramứh sâuq, yỗn têq hái táq
moâm dũ ranáq o, cỗ hái yám
noap Yiang Sursĩ.

*Phau-lô Sâng Bũi Pahôm Cỗ Tễ
Cũai Cờ-ntô*

² Sêq anhia ayooq loah hếq.
Hếq tỡ bữn táq sâuq ntróu chỏq
noau. Hếq tỡ bữn radũng noau
táq sâuq. Cóp hếq tỡ bữn lỏp
noau. ³ Cứq pai ngkíq la tỡ cỡn
cứq ễ tẻq anhia, yuaq hếq khoiq
atởng anhia chớ hếq ayooq lứq
anhia. Hếq bũi pahôm cuchít tỡ la
tamoong parnoi cóp anhia. ⁴ Cứq
noap samoat lứq anhia táq p̄ieiq
níc. Cứq đốq khễn anhia yáng
moat cũai canỏh. Cứq noàng
chũuq túh coat sa-ữi lứq, ma toâq
cứq chanchỏm tễ anhia, ranáq ki
aliam mút pahôm cứq.

⁵ Bo hếq toâq pỡ cruang Ma-
sadôn, hếq tỡ bữn ỏt ien khễ
ntróu. Pêr hếq bữn moang túh
coat, cóp noau yoc ễ táq hếq.
Tâng mút pahôm, hếq bữn moang
ỏc ngcỏh. ⁶ Ma Yiang Sursĩ, án ca
aliam máh cũai bữn ỏc ngua, án
aliam mút hếq na yỗn Atít toâq
pỡ hếq. ⁷ Tỡ bữn ỏng ỏc ki sâng,
ma hếq sâng bũi cỗ anhia táq
ranáq o chỏq án. Án khoiq atởng
hếq, pai anhia yoc lứq ramỏh cứq,
cóp anhia sâng ngua tễ ranáq
lôi h anhia khoiq táq chỏq cứq
tễ nhũang; ma sanua anhia bữn
mút pahôm bũi o loah chỏq cứq.
Yuaq ngkíq cứq sâng bũi la-ỏq.

⁸ Khân choâiq thờ cứq khoiq
cỏiq yỗn anhia tễ nhũang, ma
táq yỗn anhia sâng ngua mahúiq
sâng, ki cứq chanchỏm cứq tỡ
bữn táq lôi h ntróu chĩc choâiq ki.
Ma tỡ cứq dáng anhia sâng ngua
cỗ tian tễ choâiq ki, cứq sâng ngua
tê cứq chĩc ngkíq. ⁹ Ma sanua cứq
sâng bũi ỏn lứq, tỡ cỡn cứq ỏn cỗ
anhia ngua, ma cứq ỏn cỗ nhớ ỏc
ngua ki Yiang Sursĩ táq yỗn anhia
dáng ngin lôi h. Ngkíq cứq tỡ bữn
táq lôi h ntróu chỏq anhia. ¹⁰ Ỏc
ngua tễ Yiang Sursĩ táq yỗn cũai
ngin lôi h lẻq cõt mút tamái ẻn
yỗn Yiang Sursĩ tẻq chuai amoong.
Hái tỡ tẻq pai ỏc ngua ki la tỡ o.
Ma khân cũai bữn ỏc ngua cỗ puai
ngê tâng đỡi nâi, ỏc ki táq yỗn
cuchít. ¹¹ Cóq anhia chanchỏm
tễ máh ỏc o ca toâq pỡ anhia,
cỗ Yiang Sursĩ yỗn anhia bữn ỏc
ngua tễ nhũang. Sanua anhia yoc
lứq trỉh ngê Yiang Sursĩ. Anhia
suon loah khân noau pai anhia
pruam cóp ranáq sâuq. Anhia
yoc ễ chĩ loah ngê sâuq. Anhia
ngcỏh Yiang Sursĩ. Anhia yoc lứq
ramỏh loah cứq. Anhia ẻr áiq yoc
ễ táq ranáq o. Cóp anhia táq o
bo anhia manrap cũai táq ranáq
sâuq. Anhia táq ngkíq, anhia
apáh yỗn cũai canỏh dáng anhia
tỡ bữn pruam cóp ranáq sâuq.

¹² Cứq chĩc choâiq thờ nhũang
ki la tỡ cỡn cỗ cũai táq sâuq, tỡ
la cỗ cũai chũuq ỏc sâuq ki. Ma
cứq chĩc choâiq thờ ki ẻq anhia
dáng yáng moat Yiang Sursĩ, an-
hia ayooq lứq hếq. ¹³ Ỏc ayooq
ki aliam mút pahôm hếq. Ma
hếq sâng bũi lứq ẻn, tỡ hếq hữm
Atít sâng bũi, yuaq anhia khoiq
táq yỗn mút pahôm án cõt lahỡi
loah. ¹⁴ Cứq khoiq khễn anhia
chỏq Atít, cóp ỏc hếq khễn ki

* 6:18 6:18 Samu-ẻl Bar 7:8, 14

lứq cõt p̄ieiq, ngkíq hếq tở bữn sâng casiet. Hếq atông p̄ieiq ốc níc chóq anhia, cốp santom hếq atông tể anhia yỗn Atít dáng, máh ốc ki cõt p̄ieiq tể. ¹⁵ Ngkíq Atít ayooq anhia sa-ữi lứq ền từ án sanhữ loah tể anhia khoiq trĩh parnai án, cốp anhia yám noap lứq án. ¹⁶ Cứq sâng bũi lứq tể, yuaq cứq sa-âm samoat lứq anhia táq níc ranáq o.

8

Cũai Ma-sadôn Bữn Mút Pahôm Ayooq Yóu

¹ Sểm ai oi! Cứq yoc anhia dáng tể ốc Yiang Sursĩ chuai miat máh tốp sa-âm tâng cruang Ma-sadôn. ² Alói ki khoiq chũuq tởiq bap ntâng lứq, cốp alói la cũai túh cadit lứq, ma alói bữn mút pahôm sâng bũi la-ớq. Ngkíq mút alói sâng yoc lứq ể chuai cũai canõh. ³ Cứq atông samoat lứq tể alói, la alói chõng ể yỗn bữm máh práq alói, cốp alói yỗn clũi tể alói chanchóm ể yỗn. ⁴ Alói rasếq níc yoc ể bữn tể pún tể ranáq chuai práq yỗn máh tốp sa-âm tâng vil Yaru-salem. ⁵ Alói táq clũi tể hếq chanchóm alói tềq táq. Ma dậu lứq, alói chiau sang tở alói yỗn Yiang Sursĩ, cốp alói pruum muoi mút cốp hếq tể. Ngkíq alói puai rangứh Yiang Sursĩ samoat samoi. ⁶ Ngkíq hếq ớn Atít pởq pở anhia yỗn án chuai máh ranáq anhia táq tể nhũang ma tở yũah moâm, la ranáq anhia parôm práq đốq ể chuai yóu. ⁷ Anhia dáng sa-ữi chơ tể máh ranáq neq: Anhia sa-âm samoat samoi, anhia rangoiq lứq atông cũai canõh, anhia dáng sa-ữi ngê tể Yiang Sursĩ, anhia cutóng táq ranáq Yiang Sursĩ, cốp anhia ayooq lứq hếq. Sanua hếq yoc anhia táq palứq ền tể ranáq chuai yóu.

Cóq Anhia Táq Moâm Máh Ranáq Anhia Ể Táq

⁸ Cứq pai ốc ki, la cứq tở bữn ớn anhia táq. Ma cứq yoc atông anhia dáng bữn cũai canõh rachuai yóu, alói táq nheq rangứh rahõ. Ngkíq cứq yoc ể chìm anhia, anhia lứq bữn mút pahôm ayooq, ma tở bữn. ⁹ Yuaq anhia dáng chơ Yê-su Crít, Ncháu hái, bữn mút pahôm chuai miat anhia neq: Bo án tở yũah sểng pở cốc cutểq nãi án sốc lứq, ma án chõng táq yỗn án cõt cadit ền yuaq án ể chuai anhia. Án cõt cadit đốq yỗn anhia ền tềq cõt sốc.

¹⁰ Puai pahôm cứq tể ranáq nãi, cứq yoc atông anhia neq: Tể cumo hái anhia khoiq sâng chơ yoc ể táq ranáq chuai yóu, cốp anhia tabốq parôm práq ể táq ranáq ki. ¹¹ Ngkíq sanua, cóq anhia táq yỗn moâm ranáq ki! Máh lếq anhia tềq chuai, ki anhia chuai máh ki. Ariang anhia khoiq sâng yoc ể táq tể nhũang, sanua cóq anhia cutóng táq yỗn moâm. ¹² Khân anhia ma bữn mút pahôm yoc ể chuai yóu, ki anhia yỗn maléq la tềq. Yiang Sursĩ yoc anhia yỗn cớng ca anhia bữn, tở cõn cớng ốq la cóq anhia yỗn.

¹³ Cứq tở bữn ớn anhia ỉt nheq máh cớng anhia, chơ yỗn cũai cadit. Khân anhia táq ngkíq, anhia ền cõt cadit. Cứq yoc ể táq yỗn dù náq cũai bữn lĩ-ralĩ. ¹⁴ Sanua anhia bữn sa-ữi. Ngkíq tềq anhia chuai cũai ca ốq. Toát nỡ-ra khân alói bữn, ma anhia ốq, tềq alói chuai loah yỗn anhia tể. Ngkíq manoaq chuai manoaq. ¹⁵ Tâng tâm saráq Yiang Sursĩ tể mbốq án khoiq pai neq:

“Án ca khoiq parôm sa-ữi,
la tở bữn clũi.
Ma án ca parôm bĩq,

la tở bữm ốq.”✠

9

Phau-lô Ớn Atit Cóp Bar Náq Canõh Pớq Ỉt Práq Tễ Vil Cờ-ntô

¹⁶ Cừq sa-ớn Yiang Sursĩ, án táq yỗn mút pahõm Atit yoc lứq ẽ chuai anhia machớng hếq tề.

¹⁷ Án tamứng santiago hếq ớn án pớq sa-ớh anhia, ma hỡn tề ki ẽn, án chanchóm bữm yoc ẽ pớq.

¹⁸ Hếq ớn án pớq parnoi cớp manoaq sêm ai canõh đốq atớng parnai o tễ Yiang Sursĩ. Tốp sa-âm tâng dũ ntốq khễn níc cũai nãi, cõ án atớng lứq rangoaiq. ¹⁹ Ma muoi ốc ẽn, máh tốp sa-âm khoiq rườh án, yỗn pớq cớp hếq pớ vil Yaru-saleh, đốq đứng práq hếq mbớiq parõm. Hếq yoc ẽ táq moâm ranáq nãi, yỗn máh cũai bữn khễn Yiang Sursĩ, cớp yỗn alóí dáng hếq bữn mút pahõm yoc ẽ chuai alóí.

²⁰ Hếq yoc ẽ viaq tề cũai canõh pai hếq ỉt tác cha tề práq ki. ²¹ Tờ cờn hếq yoc ẽ táq o ống yáng moat Yiang Sursĩ sâng, ma hếq yoc ẽ táq o yáng moat cũai hỡ.

²² Cớp bữm manoaq ẽn hếq ớn pớq parnoi cớp alóí bar náq. Hếq khoiq chim cũai nãi sa-ữi trở chớ, ngkiq hếq dáng án bữn mút pahõm yoc ẽ chuai yớu. Cớp sanua án ẽr áiq lứq yoc ẽ chuai, yuaq án dáng anhia sa-âm samoat samoi. ²³ Atit nãi, án táq ranáq parnoi cớp cừq ẽ chuai anhia. Ma bar náq cũai ca pớq parnoi cớp án, la cũai ranếng tề máh tốp sa-âm. Alóí táq ranáq ếq noau bữn khễn Crít. ²⁴ Ngkiq sếq anhia ayooq alóí pái náq ki. Khãn anhia táq ngkiq, máh tốp sa-âm bữn dáng anhia bữn mút pahõm ayooq alóí, cớp alóí dáng tề bo hếq khễn anhia, hếq pai p̄ieiq lứq.

Hái Táq Nỏq Đốq Chuai Cũai Sa-âm

¹ Cừq tở bữn túh chĩc ntróu ẽn yỗn anhia tề ranáq ẽ chuai tốp sa-âm canõh, ² yuaq cừq dáng anhia yoc lứq rachuai. Ngkiq cừq đốq khễn anhia pớ cũai tâng cruang Ma-sadôn pai neq: “Máh cũai tâng vil Cờ-ntô tâng cruang Achai, alóí khoiq thữan tề cumo hái chớ ẽ chuai tề ranáq nãi.”

Ngkiq bữn clứng cũai yoc ẽ chuai tề, yuaq alóí dáng tề anhia.

³ Ma sanua, cừq ớn alóí pái náq toáq pớ anhia, yoc ẽ dáng anhia khoiq thữan máh práq anhia ẽ chuai, ma tở yũah. Cừq tở ếq noau pai cừq khễn anhia tở p̄ieiq. ⁴ Cõh lơ, khãn cũai tề cruang Ma-sadôn ma toáq parnoi cớp cừq, ma hữm anhia tở yũah thữan ntróu tề práq nãi, ki cừq sâng casiet táq, cớp anhia casiet tề, yuaq cừq khoiq pai anhia thữan moâm chớ. ⁵ Ngkiq, cừq chanchóm o yỗn pái náq ki toáq pớ anhia nhũang cừq, đốq alóí thữan nhũang tề máh práq anhia khoiq ứq ẽ yỗn. Tờ cừq toáq, anhia khoiq táq moâm chớ, cớp cũai canõh dáng anhia samoat, anhia lứq yoc ẽ chuai yớu, tở cờn noau ếp anhia.

⁶ Cớq anhia sanhữ níc neq: Án ca choat bĩq saro, ki án sot bĩq tề. Ma án ca choat sa-ữi, ki án sot sa-ữi tề. ⁷ Dũ náq cũai cớq chuai yớu puai mút pahõm án sâng yoc. Chõ ếp án cớq yỗn clữi tề án yoc ẽ yỗn, yuaq Yiang Sursĩ ayooq cũai ca bũi pahõm yoc ẽ yỗn. ⁸ Yiang Sursĩ tềq yỗn anhia bữn hỡn tề máh ramứh anhia cóq bữn yỗn tềq tamoong; cớp hỡn tề ki ẽn, án yỗn anhia bữn khãm dũ ramứh

dõq anhia têq táq máh ranáq o anhia yoc ẽ táq. ⁹Tâm saráq Yiang Sursĩ pai neq:

“Án tampẽq cõng án yõn máh cūai cadĩt,
cõp máh ranáq tanoang o án táq,
ranáq ki õt mantái níc.”^{*}

¹⁰ Yiang Sursĩ, yõn ọc sarô dõq cūai choat, cõp án yõn ọc ki cõt palâi dõq cūai bũn cha. Án toâp yõn anhia bũn ọc sarô yõn anhia dũ choat, cõp án táq yõn ọc ki cõt palâi sa-ũĩ lứq, dõq anhia têq táq ranáq o. ¹¹ Lứq samoât, Yiang Sursĩ ẽ yõn anhia bũn sa-ũĩ, dõq anhia têq chuai sa-ũĩ tê. Cõp toâq hếq dũng práq ca anhia ẽ chuai cūai cadĩt, alóĩ lứq sa-õn Yiang Sursĩ cõ nhơ tê anhia chuai alóĩ. ¹² Ngkíq bũn bar ramứh o cõt tê ranáq anhia chuai yóu. Muoi, la anhia chuai máh cūai cadĩt. Bar, la mút pahõm cūai ki sâng bũi la-õq ẽ sa-õn Yiang Sursĩ. ¹³ Ranáq anhia táq ki, cõt tếc yõn cūai canõh dáng anhia puai samoât samõi ngê Yê-su Crĩt, riang anhia khiq pai chơ. Ngkíq cūai ki khẽn Yiang Sursĩ, cõp alóĩ sâng bũi tê anhia chuai alóĩ cõp chuai cūai canõh hờ. ¹⁴ Cõp alóĩ câu yõn anhia nheq tê mút pahõm cõp ayooq lứq anhia, cõ Yiang Sursĩ khiq chuai miat alóĩ sa-ũĩ la-õq. ¹⁵ Sa-õn Yiang Sursĩ sa-ũĩ lứq, yuaq án khiq chuai miat yõn cūai bũn ọc o clũi tê hái têq chanchóm.

10

Phau-lô Atõng Tẽ Ranáq Án Táq

¹ Cứng la Phau-lô yoc ẽ sếq muoi ọc tê anhia. Bũn cūai pai cứng la cūai clõq lứq bo cứng õt yong tê anhia. Ma tử cứng toâq pỡ anhia,

cứng cõt clac ễn. Cõ Crĩt bũn mút laviei cõp khũn, cứng tũoiq án tê, cõp cứng yoc ẽ sếq tê anhia neq: ² Tử cứng toâq pỡ anhia, sếq anhia chõĩ yõn cứng apáh ọc clõq chóc máh cūai tê tộp anhia ca chanchóm hếq táq ranáq puai ngê tâng dõĩ nâi. ³ Tam hếq õt tâng dõĩ nâi, ma bo hếq rachĩl cõp máh ngê sâuq, hếq tỡ bũn ỉt ngê tâng dõĩ nâi. ⁴ Cõng choac hếq yõng la mpha tê cõng choac tâng dõĩ nâi. Yuaq Yiang Sursĩ toâp yõn cõng choac hếq, cõng ki rêng lứq, dõq têq hếq talõh dõn toâr lứq toâq na cõng choac ki. Cõ nhơ cõng choac ki, ⁵ hếq riap talõh máh ngê tỡ bũn pĩeiq, cõp dũ ngê noau chanchóm toâr hõn tê ngê Yiang Sursĩ. Cõp hếq têq téh ếp máh mút pahõm cūai dõq trĩh ngê Crĩt. ⁶ Toâq anhia trĩh samoât samõi, ngkíq hếq thũan ẽ manrap alóĩ ca tỡ bũn trĩh.

⁷ Anhia dõq nhềng chu hếq, ma anhia tỡ bũn dáng tê mút pahõm hếq. Khãn bũn cūai tê anhia pai anhia bũn muoi mút cõp Crĩt, ki hếq lứq bũn machóng ki tê. ⁸ Cõh lơ anhia chanchóm cứng atõng luat ngư tê máh chóc Ncháu hái yõn cứng bũn. Ma cứng tỡ bũn sâng casiet ntróu toâq cứng pai ngkíq. Ncháu hái khiq yõn cứng bũn chóc ki dõq cứng chuai anhia yõn sa-âm pacái lứq ễn, tỡ cõn án yõn cứng chóc dõq talõh anhia. ⁹ Cứng tỡ ẽq anhia chanchóm cứng chĩc choaiq thỡ dõq prut anhia yõn cõt ngcõh. ¹⁰ Yuaq bũn cūai pai cứng neq: “Choaiq thỡ tê án atõng rềng cõp blềng lứq, ma bo án õt parnõi cõp hái, án ieuq cõp máh santoiq án pai la tỡ bũn blềng ntróu.”

¹¹ Cūai dõq pai ngkíq cóq dáng tê neq: Santoiq hếq chĩc tâng

choaiq thờ bo hếq ốt yong tể anhia la machóng santoiq hếq atông bo hếq ốt parnoi cốp anhia tề.

¹² Hếq tở ểq tarlĩ cốp máh cūai achõn tồ. Alói ngin alói la cūai o, ma hếq tở khõn ngin hếq la cūai o. Alói puai ngê alói bữm khân yoc ể dáng aléq la o cốp aléq tở bữn o. Alói táq ngkíq la sacũl lứq! ¹³ Hếq tở bữn achõn tồ yõn luat tể máh ranáq Yiang Sursĩ khoiq ruoh yõn hếq. Ma hếq táq máh ranáq Yiang Sursĩ khoiq anoat yõn hếq táq sâng. Cốp án yõn hếq táq ranáq atông anhia. ¹⁴ Ngkíq, cõ Yiang Sursĩ toáp yõn hếq toáp pở anhia, tở cõn hếq chõng ể luat ngư tể ốc án anoat bo hếq atông anhia parnai o tể Crít. ¹⁵ Máh ranáq Yiang Sursĩ yõn cūai canõh táq, hếq tở bữn achõn tồ pai hếq táq ranáq ki. Khân hếq táq ngkíq, hếq táq luat ranáq máh Yiang Sursĩ khoiq ruoh yõn hếq. Ma hếq yoc lứq anhia sa-âm pacáil lứq ển, yõn hếq tềq táq ranáq toár hõn ển tâng tốp anhia, samoat Yiang Sursĩ chiau yõn hếq táq. ¹⁶ Moâm ki hếq tềq atông parnai o tể Yê-su Crít tâng cruang canõh hỡ, yong tể cruang anhia. Hếq tở ểq táq ranáq Yiang Sursĩ tâng ntốq khoiq bữn noau táq chơ, hếq ngcõh noau pai hếq achõn tồ, yuaq hếq táq ranáq ca Yiang Sursĩ chiau yõn cūai canõh táq.

¹⁷ Tâng tâm saráq Yiang Sursĩ tể mbốq án khoiq pai neq:

“Khân cūai aléq yoc ể mangkhẽn, cóg án mangkhẽn tể ranáq Yiang Sursĩ.”[☆]

¹⁸ Yuaq cūai ca khẽn tồ bữm, ranáq ki la tở bữn o; ma cūai ca

Ncháu hái khẽn toáp, ốc ki la lứq o.

11

Phau-lô Atông Tể Máh Cūai Ca Atông Ngê Tở P̄ieiq

¹ Khân anhia sâng cứq atông samoat cūai sacũl sanua, cứq sểq anhia chũuq tamứng mahõĩ santoiq cứq. ² Cứq ểr áiq lứq ểq anhia ayooq Yiang Sursĩ. Cứq sacám anhia la samoat riang manoaq cumũr tở nai bếq cốp samiang aléq yũah. Cứq khoiq pruum ể yõn anhia cõt samoat lacuoi yõn manoaq cayac sâng. Cayac nâi la Crít. ³ Ma cứq clong ngcõh noau radứng anhia yõn táh chíq ngê o tể Crít, machóng cusân rangoiq tể mbốq thũ mansẽm Ê-va yõn táq ranáq lỏih. ⁴ Khân bữn cūai toáp pở anhia, cốp atông tể manoaq Yê-su ma mpha tể Yê-su hếq khoiq atông anhia, tở la bữn Ravie Yiang Sursĩ mpha tể Ravie Yiang Sursĩ anhia khoiq bữn, tở la bữn parnai o tể Yiang Sursĩ mpha tể parnai o tể Yiang Sursĩ ca anhia khoiq sa-âm chơ, ma đốq cháil lứq anhia noap ỉt santoiq ki! ⁵ Cứq chanchóm, cứq tở bữn pê muoi ramứh ntróu tể alói ca atông ốc tở p̄ieiq. Anhia noap alói ki la cūai ayừng atĩ Yê-su Crít ca o lứq. ⁶ Lứq cứq tở bữn rien sa-ữi đốq tềq atông rangoiq, ma lứq cứq dáng samoat samoi tể ngê cứq yoc atông. Anhia khoiq dáng raloaih chơ ốc ki la lứq p̄ieiq, cõ anhia khoiq hữm ranáq cứq táq cốp anhia.

⁷ Cứq tở bữn ỉt crong ntróu tể anhia, bo cứq atông anhia parnai o tể Yiang Sursĩ. Cốp cứq asểng tồ bữm táq yõn anhia bữn ốc bốn tể Yiang Sursĩ. Cứq táq ngkíq la lỏih tở? ⁸ Bo cứq táq ranáq cốp

anhia, bữn tốp sa-âm canõh chuai cừq práq casâi. Nâi la samoât riang cừq tuoiq tễ alói, chơ yõn anhia ẽn. ⁹ Bo cừq õt cớp anhia, toâq cừq ỏq, cừq tỡ bữn sêq muoi ramứh ntrớu tễ anhia, yuaq bữn cũai sa-âm tễ cruang Ma-sadôn toâq chuai cớng yõn cừq. Bo ki cừq tỡ ẽq anhia túh tál cớq siem cừq, cớp nỡ-ra la cừq tỡ ẽq tê. ¹⁰ Cỗ nhơ ỏc p̄ieiq tễ Crít õt tâng mút pahõm cừq, cừq atõng anhia neq: Tỡ bữn cũai aléq tâng cruang Achai ma têq cusũm bỗq cừq, tỡ yõn cừq atõng tễ cừq tỡ bữn ỉt muoi ramứh ntrớu tễ anhia. ¹¹ Cỗ nõq cừq atõng anhia ngkíq? Cỗ cừq tỡ bữn ayooq anhia tỡ? Ma Yiang Sursĩ khoiq dáng chơ cừq ayooq lứq anhia. ¹² Ma nỡ pra la mỗ cừq tỡ bữn ỉt cớng tễ anhia, yõn alói ca khẽn tỗ bữm tỡ têq pai nõng alói táq ranáq Yiang Sursĩ lĩ-ralı cớp cừq. ¹³ Nheq tũh cũai ki tỡ bữn lứq ayũng atĩ Crít. Alói táq ntõng lauq sãng. Alói táq nan alói la cũai ayũng atĩ Crít. ¹⁴ Ma cừq tỡ bữn sãng dót ntrớu! Yuaq yiang Satan toâp khẽuq táq nan án la ranẽng Yiang Sursĩ ca poang lứq. ¹⁵ Ngkíq tỡ bữn salẽh ntrớu khân ranẽng yiang Satan táq nan alói táq ranáq tanoang o. Ma toâq tangái parsôt, alói bữn cớng puai loah máh ranáq alói khoiq táq.

Phau-lô Chũuq Sa-ũi Ramứh Túh Coat

¹⁶ Muoi trỗ ẽn cừq yoc atõng anhia neq: Anhia chõi chanchóm cừq la cũai yủh toâq cừq atõng ngkíq. Ma khân anhia chanchóm cừq la cũai yủh, cừq sêq anhia tamứng santoiq cừq voai yõn têq cừq khẽn bĩq tỗ cừq bữm tê. ¹⁷ Cừq pai ỏc nâi, tỡ cớn Yiang Sursĩ yõn cừq pai, ma cừq pai ngkíq, la ariang parnai cũai yủh sãng. ¹⁸ Khân bữn cứng cũai

canõh khẽn tỗ alói bữm puai ngê cũai, ki cừq têq khẽn machớng ki tê. ¹⁹ Âu, anhia ca rangoiq lứq! Nỏq nõng anhia tamứng parnai cũai sacũl? ²⁰ Anhia chũuq alói táq yõn anhia cõt samoât sũl alói, tỡ la lỏp mun anhia, tỡ la ẽq anhia yám noap alói, tỡ la lóc-lár anhia. ²¹ Cừq sãng casiet táq khân cừq ma táq ranáq ngkíq chỏq anhia!

Ma khân bữm noau roi khẽn tỗ án bữm, ki cừq roi khẽn ngkíq tê. Sanua cừq atõng samoât cũai yủh sĩa. ²² Alói ki la cũai Hê-bơ, lứq tỡ? Cừq la ngkíq tê. Alói ki la cũai I-sarel tỡ? Cừq la ngkíq tê. Alói tễ tống toiq A-praham, p̄ieiq tỡ? Cừq la ngkíq tê. ²³ Alói táq ranáq yõn Crít, lứq tỡ? (Sanua cừq atõng samoât cũai yủh sĩa.) Lứq cừq táq ranáq ki hỡn tễ alói. Cừq khoiq chũuq táq ranáq lakêh lakiei sa-ũi hỡn tễ alói. Cừq khoiq ỏt tũ sa-ũi trỗ hỡn tễ alói. Cừq khoiq chũuq noau toân sa-ũi trỗ hỡn tễ alói. Cừq khoiq mán cuchit sa-ũi trỗ hỡn tễ alói. ²⁴ Sõng trỗ chơ cũai I-sarel proaih cừq bữn pái chít takêh taláp. ²⁵ Pái trỗ chơ noau toân cừq toâq aluang. Muoi trỗ cừq chũuq noau tám tamáu chỏq cừq. Pái trỗ chơ cừq ỏt tâng tuoc, ma tuoc ki cõt rúng dỏp chít tâng dỏq. Ngkíq cừq ỏt tâng cloong dỏq bữn muoi tangái muoi sadâu. ²⁶ Sa-ũi trỗ cừq pỡq tâng rana, cừq ramóh croỏq tễ dỏq toân. Cừq ramóh croỏq tễ cũai rapõn. Cừq ramóh croỏq tễ cũai muoi cruang cớp cừq. Cừq ramóh croỏq tễ cũai miar cruang cớp cừq. Cừq ramóh croỏq tâng vil. Cừq ramóh croỏq tâng ntỏq aiq. Cừq ramóh croỏq tâng dỏq mút. Cớp cừq ramóh croỏq tễ cũai táq nan alói la cũai puai ngê Yiang Sursĩ. ²⁷ Cừq khoiq chũuq túh chũuq coat, chũuq sa-ũi trỗ ỏq bẻq, chũuq panhieih

khlac. Toâq sa-ũri trỗ cứq tở bữn chi-cha, cớp sa-ũri trỗ cứq sâng sangêtt, ốq tampác. ²⁸ Cớp muoi ốc ên, cu rangái cứq chanchóm níc tể dũ tốp sa-âm, ngcõh alóit tở bữn puai noâng ngê Yiang Sursĩ samoât samoi. ²⁹ Khân bữn cũai aléq ma tở bữn puai ngê Yiang Sursĩ samoât samoi, ki mứt cứq yoc ẽ chuai án ki puai samoât samoi. Cớp khân bữn cũai aléq noau radũng táq lôih, ki cứq sâng ngua cớp án ca radũng.

³⁰ Khân cứq ma cóq khễn tở cứq bữm, ki cứq khễn tể máh ramứh cứq ieuq tuar. ³¹ Lứq Yiang Sursĩ dáng cứq tở bữn pai lauq. Yiang Sursĩ nâi la Mpoaq Yê-su Crít, Ncháu hái. O yỗn hái khễn án mantái níc. ³² Bo cứq ốt tâng vil Damac, bữn ayũng aĩ puo A-rata, án ốn tahan án kĩaq ngoah toong vil ki yoc ẽ cớp cứq. ³³ Ma bữn cũai canõh, alóit chuai cứq. Alóit chóq tở cứq tâng achoiq. Chơ alóit aĩar asêng cứq chu cutêq tể hõng viang vil ki. Ngkíq cứq bữn vót tể aĩ alóit ca ẽ cớp cứq.

12

Phau-lô Atõng Tể Muoi Ramứh Salêh Án Khoiq Hữm Tể Nhũang

¹ Khân cứq khễn tở cứq bữm, cứq dáng ốc ki tở bữn cõt kia ntróu. Ma cứq yoc ẽ atõng ên yỗn anhia dáng tể ramứh Yiang Sursĩ sapáh yỗn cứq hữm. Cớp cứq yoc ẽ atõng tể ngê Yiang Sursĩ khoiq atõng yỗn cứq dáng. ²⁻³ Khoiq bữn muoi chít la põn cumo chơ tể cứq chõn chu paloõng. Cứq tở bữn dáng tề la tở cứq pỡq, tở la ống raviei cứq pỡq sâng. Ống Yiang Sursĩ sâng dáng ốc ki. Ma lứq cứq dáng cứq pỡq. ⁴ Ớt tâng paloõng cứq sâng santonq noau pai, ma cũai tở tềq táq ntõng

santonq ki. Án pai santonq ki chóq cứq, án tở yỗn cứq táq ntõng loah yỗn cũai canõh dáng. ⁵ Tể ốc ki, cứq tềq khễn tở cứq. Ma cứq tở ẽq khễn ngkíq. Cứq yoc ẽ khễn tể máh ramứh cứq ieuq sâng. ⁶ Khân cứq yoc ẽ khễn tể ốc ki, ki cứq tở bữn samoât cũai yúh, yuaq ốc ki la lứq p̄ieiq. Ma cứq tở bữn khễn ngkíq, yuaq cứq tở ẽq cũai chanchóm luat ngư tể cứq. Cứq ẽq noau tutuaiq ống tể ranáq cứq táq cớp parnai cứq atõng sâng.

⁷ Ma Yiang Sursĩ tở ẽq yỗn cứq ốt tể máh ramứh o án khoiq sapáh cứq. Ngkíq án yỗn cứq chiuq muoi ramứh a-ĩ. Ramứh a-ĩ ki la samoât pál sarlia tâng tở cứq. Cớp ramứh a-ĩ ki la samoât riang ranẽng yiang Satan táq cứq. ⁸ Khoiq bữn pái trỗ chơ cứq câu sêq tể Ncháu hái yỗn ramứh a-ĩ ki cõt pứt. ⁹ Ma Ncháu hái pai neq chóq cứq: “Cứq chuai miat mới; nâi la dũ yỗn mới, yuaq bo mới cõt ieuq, ki chóc cứq cõt bán rêng hõn.”

Ngkíq cứq sâng bũi ỡn lứq atõng tể máh ramứh ieuq tuar tể cứq, yỗn chóc tể Crít ốt níc cớp cứq. ¹⁰ Cứq sâng bũi lứq toâq cứq sâng ieuq, tở la noau ayê ra-ac cứq, tở la cứq chiuq ramứh túh coat, tở la noau táq cứq, tở la cứq ramóh tởiq bap cớ cứq táq ranáq Crít, yuaq bo cứq sâng ieuq, bo ki Crít yỗn cứq bán rêng.

Phau-lô Chanchóm Níc Tể Cũai Cờ-ntô

¹¹ Cứq khoiq táq ntõng samoât riang cũai yúh cớ anhia táq yỗn cứq táq ntõng ngkíq. Lứq p̄ieiq la anhia khễn cứq. Cứq la cũai tở bữn khlũr ntróu, ma cứq tở bữn pẽ muoi ốc ntróu tể alóit ca anhia chanchóm táq ranáq ayũng aĩ Yê-su Crít o lứq. ¹² Cứq khoiq

tác chơ sa-ũi ranáq salêh bo cứq ốt cốp anhia. Bo cứq táq ngkiq, cứq chiúq sa-ũi ramúh túh coat tê. Ranáq salêh ki táq tếc cứq la ayũng aĩ Yê-su Crĩt samoát samoi. ¹³ Bũn muoi ngê sâng cứq táq cốp anhia mpha tẽ cứq dóq táq cốp máh tốp sa-âm canõh. Ngê ki la neq: Cứq tở bũn yõn anhia túh siem cứq. Cứq sêq lôih anhia yuaq cứq táq tở p̄ieiq ngkiq!

¹⁴ Sanua cứq yoc ẽ toâq loah pở anhia. Cõt pái trở tâng nâi cứq toâq pở anhia. Ma cứq táq machóng tẽ nhũang sĩa. Cứq tở bũn yõn anhia túh siem cứq, yuaq cứq tở bũn yoc ẽ chuaq mun anhia, ma cứq yoc ẽ chuaq mút pahõm anhia sâng. Lứq samoát, con tở bũn siem mpiq mpoaq, ma mpiq mpoaq siem con. ¹⁵ Cốp cứq sâng bũi lứq pứt nheq mun cứq cốp nheq rangũh cứq yoc ẽ chuai yõn anhia. Ma toâq cứq ayooq anhia sa-ũi hõn, ki anhia ayooq cứq bĩq ẽn tở?

¹⁶ Bũn cũai tẽ tốp anhia pai cứq neq: “Lứq hái dáng án ki tở bũn ỉt cớng ntróu tẽ hái. Ma ngcõh án lóp hái ngê canõh ma hái tở bũn dáng.”

¹⁷ Máh cũai cứq ớn toâq pở anhia, alóĩ chuaq u-ĩt cớng ca anhia yõn cứq tở? ¹⁸ Cứq khioq ớn Atĩt cốp manoaq cũai sa-âm canõh toâq pở anhia. Anhia hũm Atĩt nâi chuaq u-ĩt cớng anhia tở? Lứq tở bũn, yuaq Atĩt cốp cứq, hêq bũn ống muoi ngê sâng cốp hêq táq muoi ranáq sâng.

¹⁹ Cõh lơ anhia chanchóm khioq dũn chơ cứq chớng ẽ lể loah yáng moat anhia. Lứq tở p̄ieiq anhia chanchóm ngkiq! Ma dũ ramúh cứq atõng, la cứq atõng yáng moat Yiang Sursĩ, yuaq cứq

bũn muoi mút cốp Crĩt. Máh anhia ca cứq ayooq lứq ơi! Dũ ranáq cứq táq, cứq yoc ẽ chuai anhia yõn sa-âm pacái lứq ẽn. ²⁰ Cứq ngcõh bo cứq toâq pở anhia, cứq tở bũn sâng bũi cốp anhia, hũm anhia táq ranáq sâng, cốp anhia tở bũn bũi toâq cứq atõng anhia tẽ ranáq ki. Cứq ngcõh anhia táq sa-ũi ranáq sâng neq: Ralõih, manoaq sa-on tẽ manoaq, cháĩ nsóq, ham cớng sa-ũi, acrieiq asáh noau, voõq tở o tẽ noau, yoc ẽ ốt, cốp anhia sasruc cũai canõh. ²¹ Cứq ngcõh bo cứq toâq pở anhia, Yiang Sursĩ táq yõn cứq sâng casiet tẽ anhia, chơ cứq ẽ nhiam yuaq sa-ũi náq tẽ anhia khioq táq ranáq lôih, ma tở yũah ngin lôih ki. Ranáq lôih ki la neq: Alóĩ ham yoc ẽ táq ntõng la sarmũaq, alóĩ bếtq parnoi ma tở bũn lacuoi cayac, cốp alóĩ táq tanghang lứq.

13

Parnai Atõng Cốp Cubán

¹ Pái trở tâng nâi chơ cứq toâq sa-óh anhia. Tũ cứq toâq pở anhia, hái pruan táq puai tãm saráq Yiang Sursĩ tẽ mbốq pai neq:

“Khân bũn bar pái náq ma caug cũai canõh táq lôih, ki têq noau noap ỉt parnai alóĩ.”[☆]

² Bo cứq toâq pở anhia trở bar, cứq khioq sươq anhia ca táq lôih. Cốp sanua, cứq ốt yong tẽ anhia, ma cứq yoc ẽ pai sĩa chốq anhia neq: Bo léq cứq toâq pở anhia trở ntun ẽn, ki anhia tở têq viaq vót tẽ cứq manrap anhia, cốp manrap đêh cũai canõh ca táq lôih tẽ.

³ Cứq pai ngkiq yuaq anhia chuaq tếc yoc ẽ dáng cứq lứq atõng tang Crĩt ma tở bũn. Bo Crĩt táq

ntrôu cớp anhia, án tở bữn ieuq ntrôu, ma án bán rêng lứq. ⁴ Tở án lứq ieuq bo án chũuq cuchĩt tâng aluang sangcáng, ma sanua án tamoong cồ nhơ chớc toâr lứq tể Yiang Sursĩ. Tở hếq la ieuq machớng tở Yê-su tề, ma bo hếq táq ranáq cớp anhia, hếq tamoong parnơi cớp Yê-su cồ nhơ chớc tể Yiang Sursĩ.

⁵ Cớq anhia chanchóm loah, anhia lứq sa-âm ngê Yê-su Crĩt, ma tở bữn. Cớq cớq anhia chìm mút anhia bữm. Anhia khoiq dáng chơ Yê-su Crĩt ớt tâng mút pahỏm anhia. Khân anhia tở bữn dáng ốc ki, ki anhia tở bữn sa-âm samoât samơi. ⁶ Moâm anhia chìm ngkĩq, cứq chanchóm anhia lứq dáng hếq la cũai puai ngê Yiang Sursĩ samoât samơi. ⁷ Hếq câu sếq tể Yiang Sursĩ yỏn án chuai anhia chỏi táq ranáq sâuq ntrôu. Hếq táq ngkĩq, tở ểq noau khễn hếq, ma hếq yoc anhia táq o níc, tở bữn ntrôu noau khễn hếq, tở la tở bữn khễn. ⁸ Lứq hếq tở tềq táq ranáq ntrôu đớq chĩl ngê p̄ieiq, ma hếq tềq táq o sâng puai ngê p̄ieiq. ⁹ Hếq sâng bũi lứq, khân hếq ieuq ma anhia bán rêng. Cồ ngkĩq hếq câu yỏn anhia pĩh cõt o loah ariang tể nhũang. ¹⁰ Cứq chĩc choaiq thờ nâi yỏn anhia bo cứq noâng ớt yớng tể anhia, yuaq bo léq cứq toâq pở anhia cứq tở ểq manrap anhia puai chớc Ncháu khoiq yỏn cứq. Án yỏn cứq bữn chớc ki đớq chuai anhia sa-âm pacái hỡn ển, tở cởn cứq ể talỏih anhia.

¹¹ Parnai parsốt cứq atớng anhia la neq: Chu bán nơ anhia! Cớq anhia pĩh cõt o loah ariang tể nhũang. Cớq anhia tamúng sântoĩq cứq sươq anhia. Cớq anhia pruam muoi mút. Cớq anhia manoaq ratoĩ cớp manoaq. Chơ

Yiang Sursĩ lứq ayooq anhia cớp yỏn anhia ớt bán sũan ien khể níc.

¹² Sếq anhia manoaq cubán o chớq manoaq. Ngkĩq noau dáng anhia lứq manoaq ayooq manoaq.

¹³ Dũ náq cũai sa-âm, alỏi blớh cahan anhia tề.

¹⁴ Cứq sếq Yê-su Crĩt, Ncháu hái, chuai miat anhia. Cứq sếq Yiang Sursĩ ayooq níc anhia. Cớq cứq sếq Raviei Yiang Sursĩ ớt níc cớp anhia.

Choaiq Thờ Phau-lô Chĩc Yỗn Cũai Tâng Cruang Ca-lati Santoiq Atỡng

Phau-lô chĩc choaiq thờ nãi coiq yỗn tốp sa-âm tâng cruang Ca-lati sám 50 toaiq 58 cumo ntun Yê-su canốt.

Tâng cruang Ca-lati bữn cũai atỡng la cóq puai phếp rit Mũi-se, ki nốq tẻq ốt tanoang o yáng moat Yiang Sursĩ. Phau-lô chĩc thờ nãi đốq atỡng loah yỗn tốp sa-âm ốt tâng cruang Ca-lati dáng raloaih, tở bữn túh cóq táq puai phếp rit cũai I-sarel, yuaq đũ náq cũai cốt tanoang o yang moat Yiang Sursĩ la cồ alỏi sa-âm Yê-su. Phau-lô coiq thờ yỗn cũai Ca-lati đốq ayông loah con acái Yiang Sursĩ ốt tâng cruang ki dáng loah táq nốq yỗn pẻiq.

Phau-lô atỡng yỗn alỏi dáng raloaih chóc án la toaiq tẻ Yiang Sursĩ toáp. Cóp ranáq án táq la tở cữn tẻ cũai, ma Yiang Sursĩ arô án đốq atỡng loah parnai Yiang Sursĩ yỗn cũai tở cữn cũai I-sarel. Phau-lô atỡng yỗn alỏi dáng cũai cốt tanoang o yáng moat Yiang Sursĩ la nhỡ alỏi sa-âm sâng.

Parsốt tâng choaiq thờ nãi, Phau-lô chĩc yỗn alỏi dáng, tam alỏi tở bữn túh puai noâng phếp rit cũai I-sarel, ma cóq alỏi tamooing tâng ốc saryóq cóp sa-âm Yê-su Crĩt pacái lứq.

Phau-lô Chĩc Sa-óh Cũai Ca-lati
1-2 Cứq la Phau-lô chĩc choaiq thờ nãi coiq sa-óh nẻq tốp sa-âm Yê-su tâng cruang Ca-lati. Cứq la cũai ayững atĩ Yê-su Crĩt, án ca Yiang Sursĩ yỗn tamooing loah. Lứq samoat Yê-su Crĩt cóp Yiang

Sursĩ, Mpoaq hái, rườh cứq cóp ớn cứq táq ranáq nãi. Tở cữn tẻ cũai rườh. Ngkĩq cứq táq choaiq thờ nãi yoc ẻ sa-óh anhia. Cóp nẻq tữh cũai sa-âm Yê-su ốt ntốq nãi yoc ẻ cahan anhia tẻ.

³ Cứq sẻq Yiang Sursĩ, Mpoaq hái, cóp Yê-su Crĩt, Ncháu hái, chuai miat anhia, cóp yỗn anhia ốt bán sũan ien khẻ níc. ⁴ Yê-su Crĩt chống chiủq củchĩt cồ tian lỏih hái. Cóp án rachuai yỗn hái tẻq viaq vót tẻ nẻq ranáq tở o tâng đỏi sáoq nãi. Ngkĩq máh ranáq Yê-su táq la rapẻiq cóp rangửh Yiang Sursĩ, Mpoaq hái, yoc. ⁵ Ngkĩq cóq noau khẻn níc ống Yiang Sursĩ sâng sốt đỏi lờ cumo. Amen.

Tở Bữn Ngẻ Canỏh Tẻq Chuai Amoong

⁶ Cứq đót tẻ, cháỉ lứq anhia táh chíq Yiang Sursĩ. Lứq Yiang Sursĩ rườh anhia yỗn anhia bữn tamooing níc la nhỡ Crĩt chuai miat anhia. Saũa anhia chanchỏm ngẻ canỏh ẻn chuai amoong anhia. ⁷ Lứq samoat tở bữn bữn ngẻ canỏh mỗ tẻq chuai amoong anhia. Ma bữn cũai canỏh toaiq pở anhia ẻq anhia cłoc clu parnai o tẻ Yê-su Crĩt. ⁸ Khủn bữn cũai alẻq toaiq pở anhia, lứq pai đẻh tở cứq, đẻh ranẻng Yiang Sursĩ tẻ paloong, yoc atỡng anhia parnai mpha ẻn tẻ parnai o tẻ Yê-su Crĩt máh hẻq khoiủ atỡng anhia tẻ nhũang chỡ, cứq ẻq Yiang Sursĩ pupap chíq cũai ki. ⁹ Ngkĩq cứq atỡng loah sĩa santoiq nãi yỗn anhia, khủn cũai alẻq atỡng parnai mpha ẻn tẻ parnai o tẻ Yê-su Crĩt máh anhia khoiủ sa-âm chỡ, cứq ẻq Yiang Sursĩ pupút chíq cũai ki.

¹⁰ Cứq pai ngkĩq anhia chanchỏm cứq ẻq cũai pai cứq la cũai o tở? Tở cữn! Cứq ẻq ống Yiang Sursĩ sâng pai cứq la cũai

o. Khân cứq yoc ẽ õt o yáng moat cũai sâng, cứq tở têq táq ranáq Crít.

Yiang Sursĩ Rươh Phau-lô

¹¹ Sễm ai ời, cứq yoc anhia dáng raloaih lứq, parnai o tễ Yê-su Crít ca cứq atông anhia, parnai nâi lứq tở cõn tễ ngê cũai.

¹² Parnai nâi cứq tở bữn roap tễ cũai. Ma cứq roap tễ Yê-su Crít sapáh yõn cứq dáng. Tở bữn cũai aléq atông cứq. ¹³ Anhia khoiq sâng chơ nheq ranáq cứq táq bo cứq puai ngê tốp I-sarel.

Tễ nhũang ki cứq táq túh coat lứq yõn nheq tữh tốp sa-âm Yê-su. Cứq ẽ pupút chíq nheq máh tốp sa-âm Yê-su. ¹⁴ Tâng tangái ki, cứq trĩh nheq phễp rit tốp I-sarel cũi nheq tễ alói ca muoi prôq cốp cứq. Mứt pahôm cứq yoc lứq puai phễp rit tống toiq cứq tễ mbốq. ¹⁵ Ma Yiang Sursĩ, án chuai miat cứq, cốp án rươh cứq yõn táq ranáq án tễ mpiq tở yũah canõt cứq. Toâq án arô cứq, án sâng bũi pahôm ¹⁶ apáh yõn cứq dáng raloaih Yê-su Crít la lứq Con án. Yiang Sursĩ táq ngkiq yõn cứq têq atông parnai o tễ Yê-su Crít yõn máh cũai tở cõn cũai I-sarel dáng parnai nâi tê. Ngkiq cứq tở bữn sarhóng máh ngê nâi cốp cũai canõh. ¹⁷ Cốp cứq tở bữn chu sarhóng cốp tốp ayũng atĩ Yê-su Crít tâng vil Yaru-salem, alói táq ranáq nâi nhũang cứq. Ma lứq cứq pờq pờ cruang Arap. Vót ki cứq chu pờ vil Damac ẽn.

¹⁸ Nheq pái cumo nõq cứq chu pờ vil Yaru-salem, yoc ẽ sa-óh Phi-er. Cứq õt cốp án nheq muoi chít la sỡng tangái. ¹⁹ Ma tốp ayũng atĩ Yê-su Crít canõh, ki cứq ramóh ống Yacõ sâng, la a-ẽm Ncháu. ²⁰ Máh ốc cứq chĩc yõn anhia sanua la p̄ieiq lứq. Khân

cứq ma pai lauq, ki Yiang Sursĩ dáng.

²¹ Ntun ki cứq loõh tễ vil Yaru-salem mut tâng cruang Si-ri cốp cruang Si-lasi. ²² Lứq samoât nheq tốp sa-âm Yê-su tâng cruang Yudê, alói tở yũah hũm roáp cứq.

²³ Ma nheq alói ki sâng noau pai tở cứq neq: “Lứq cũai nâi ờiq, táq hái tễ nhũang. Tâng tangái ki án ẽq yõn pứt nheq máh ngê tễ Yê-su Crít. Ma sanua án atông níc yõn cũai canõh dáng ngê nâi.”

²⁴ Ngkiq nheq tữh alói ki khẽn Yiang Sursĩ cõ nhơ tễ cứq.

2

Phau-lô Ramóh Cũai Sốt Tốp Sa-âm

¹ Vót muoi chít la pỗn cumo voai, cứq chõn loah pờ vil Yaru-salem. Cốp bar náq ẽn, Ba-naba cốp Atit, alói pờq parnoi cốp cứq tê. ² Cứq chu pờ vil Yaru-salem yuaq Yiang Sursĩ ớn cứq chu. Cứq atông ống alói ca táq plờ tâng tốp sa-âm Yê-su tâng vil Yaru-salem, yõn alói dáng nheq máh ramứh cứq khoiq atông chơ yõn cũai tở cõn cũai I-sarel. Máh ranáq cứq khoiq táq chơ, cốp máh ranáq cứq táq sanua hỡ chuai cũai tở cõn cũai I-sarel, cứq tở ẽq máh ranáq ki tở bữn cõt kia ntróu. ³ Atit ca pờq cốp cứq, án tở cõn cũai I-sarel. Ma alói ca táq plờ tâng tốp sa-âm Yê-su, alói tở bữn pai ntróu Atit cốp táq rit cứt puai phễp rit I-sarel. ⁴ Ma bữn cũai canõh, alói táq nan sâng mut tâng tốp sa-âm Yê-su. Alói ki yoc Atit táq rit ki. Alói la samoât cũai sễp-niem tutuaiq yoc ẽ dáng nõq noau tở bữn ếp tốp puai Yê-su yõn puai p̄ieiq lứq phễp rit I-sarel. Alói ẽq hái táq sũl puai phễp rit alói. ⁵ Machũt la hếq tở ẽq trĩh ngê alói, yuaq hếq tở ẽq anhia chanchóm

Yê-su chuai amoong ống cũai ca puai phếp rit I-sarel sâng.

⁶ Ma máh cũai táq plờ ki, alóitỡ bữn atớng muoi ỏc tamái ntróu mpha tể cứq khoiq atớng. Lứq samoát alóitỡ ki sỏt ma tỡ bữn sỏt, la tỡ bữn ntróu yỏn cứq. Yiang Sursĩ tỡ bữn nhềng yáng tiah sâng. ⁷ Ma lứq cũai táq plờ ki dáng samoát chớ, Yiang Sursĩ toáp ỏn cứq atớng parnai o tể Yê-su Crít yỏn cũai tỡ cởn cũai I-sarel dáng tề, samoát Yiang Sursĩ ỏn Phi-er atớng tốp I-sarel. ⁸ Lứq samoát Yiang Sursĩ chuai yỏn cứq cớt ayũng atĩ án đớq atớng cũai tỡ cởn cũai I-sarel samoát Yiang Sursĩ chuai Phi-er cớt ayũng atĩ án đớq atớng cũai I-sarel. ⁹ Ramứh alóitỡ ca táq plờ ki, la Yacỡ, Phi-er, cớp Yang. Alóitỡ dáng samoát lứq Yiang Sursĩ chuai cứq, cớp alóitỡ pruum yỏn bar náq hếq, cứq cớp Ba-naba, noàng atớng yỏn cũai tỡ cởn cũai I-sarel. Ma sanua alóitỡ noàng ỏt atớng tốp I-sarel. ¹⁰ Cớp alóitỡ patáp yỏn hếq bar náq sanhữ chuai níc cũai cadít. Ma ỏc ki lứq cứq yoc táq tể nhữang tề.

Phi-er Táq Tỡ Pĩeiq Tâng Vil Anti-ôt

¹¹ Ma tữ Phi-er toáp pỡ vil Anti-ôt cứq tayũng yáng moat án, cớp cứq sươq án táq ranáq tỡ bữn pĩeiq. ¹² Tể dẫu Phi-er chicha parnới cớp cũai tỡ cởn cũai I-sarel. Ma tữ Yacỡ coiq máh cũai án, yỏn alóitỡ pớq toáp pỡ vil Anti-ôt, ngkíq Phi-er tỡ ềq cha noàng cớp cũai tỡ cởn cũai I-sarel. Án ngcỏh tốp I-sarel chanchóm pai án táh chít phếp rit I-sarel. ¹³ Ngkíq nheq tữh tốp I-sarel ca sa-âm Yê-su tâng vil Anti-ôt, alóitỡ tũoiq machớng Phi-er tề. Toau đếh Ba-naba, la táq patoat ki tề. Ngkíq nheq tữh alóitỡ dáng chớ ranáq nêi la lứq tỡ pĩeiq. ¹⁴ Tữ cứq hữm alóitỡ ki tỡ bữn puai

tanoang parnai o tể Yê-su Crít, cứq atớng Phi-er yáng moat nheq tữh cũai ki neq: “Mớitỡ cũai I-sarel. Ma cũo mớitỡ toáp tỡ bữn puai phếp rit I-sarel. Nỏq tềq mớitỡ pasít níc cũai tỡ cởn cũai I-sarel yỏn alóitỡ puai nheq phếp rit ki?”

¹⁵ “Lứq samoát hái la cũai I-sarel tể tangái mpiq hái canỏt. Ngkíq hái mpha tể cũai tỡ cởn cũai I-sarel. ¹⁶ Ma hái dáng lứq samoát cũai ca puai nheq phếp rit I-sarel, alóitỡ bữn ỏt tanoang o yáng moat Yiang Sursĩ. Cớq alóitỡ sa-âm ống Yê-su Crít sâng, ki nỏq tềq alóitỡ ỏt tanoang o yáng moat Yiang Sursĩ. Hữm Yiang Sursĩ noap hái tanoang o, la cớ hái khoiq sa-âm Yê-su Crít, tỡ bữn cớ hái puai phếp rit I-sarel. Lứq samoát khần cũai puai ống phếp rit I-sarel sâng, Yiang Sursĩ tỡ bữn noap alóitỡ ỏt tanoang o yáng moat án. ¹⁷ Tữ hái sa-âm Crít ma yoc ể ỏt tanoang o yáng moat Yiang Sursĩ, ngkíq hái dáng hái la cũai bữn lỏih yáng moat Yiang Sursĩ. Khần santoiq nêi la lứq pĩeiq, lứq Crít táq yỏn hái cớt lỏih tỡ? Tỡ cởn! Tỡ nai ngkíq!”

¹⁸ Ma lứq samoát, khần cứq ể ỉt loah máh ngề cứq khoiq táh tể nhữang chớ, ki cứq cớt lỏih lứq. ¹⁹ Bo cứq noàng trỉh phếp rit I-sarel, cứq dáng samoát phếp rit ki tỡ tềq táq yỏn cứq ỏt tanoang o yáng moat Yiang Sursĩ. Ngkíq sanua phếp rit I-sarel tỡ bữn ndờm noàng cứq. Cớp sanua cứq yoc ể trỉh ống ngề Yiang Sursĩ sâng. ²⁰ Ngkíq, cứq ariang cứq cuchít cớp Crít tâng aluang sangcáng tề. Cứq tamoong sanua tỡ bữn rangứh cứq. Ma cứq tamoong la cớ tể rangứh Crít. Hữm cứq noàng tamoong sanua la cớ cứq sa-âm Con Yiang Sursĩ. Án khoiq ayooq cứq cớp án chũuq

cuchit tang cứq. ²¹ Cứq tờ bữn nguai tể Yiang Sursĩ ca chuai miat. Khãn cũai puai nheq phễp rit I-sarel ma tềq ốt tanoang o yáng moat Yiang Sursĩ, ki Crít cuchit lớp miat.

3

Nốq Táq Yỗn Raviei Yiang Sursĩ Ớt Cóp Anhia?

¹ Cũai Ca-lati ơi! Anhia la cũai sacũl! Noau cáng anáng cayoah anhia, chơ radũng anhia pỡq tâng rana tờ pĩeiq? Yuaq tể nhũang anhia dáng samoat chơ tể Yê-su Crít cuchit tâng aluang sangcáng. ² Cứq blớh yoc ễ dáng muoi ramứh sâng tể anhia. Anhia bữn Raviei Yiang Sursĩ ốt cóp anhia cũ anhia trĩh phễp rit I-sarel, ma cũ anhia sa-âm parnai o tể Yê-su Crít? ³ Nốq anhia sacũl la-ỡq? Tể dẫu anhia tềq ốt o cóp Yiang Sursĩ la cũ nhơ Raviei Yiang Sursĩ ốt cóp anhia. Ma sanua nốq anhia chanchóm anhia tềq ốt o cóp Yiang Sursĩ la cũ anhia táq ranáq puai ngê anhia bữm? ⁴ Anhia khoiq chũuq sa-ũi ramứh túh coat cũ anhia sa-âm parnai o tể Yê-su Crít. Nheq ramứh túh coat ki cõt kia tờ bữn? Lứq ramứh ki cõt kia yỗn anhia. ⁵ Ngkíq cứq ễ blớh loah anhia neq: Tữ Yiang Sursĩ yỗn anhia bữn Raviei án cóp án táq ranáq salễh yỗn anhia, án táq nheq ranáq nãi cũ anhia puai phễp rit I-sarel ma nốq? ⁶ Ramứh nãi machống cóp A-praham tể mbốq tể. Cỗ án sa-âm ngê Yiang Sursĩ, ki yuaq Yiang Sursĩ noap án la cũai tanoang o. ⁷ Ngkíq anhia tềq dáng samoat, la cũai aléq ma sa-âm Yiang Sursĩ, ổng

alói ki sâng lứq cõt tống toiq A-praham. ⁸ Yiang Sursĩ yỗn cũai tờ cõn cũai I-sarel ốt o yáng moat án tể, cỗ alói sa-âm nheq ngê án. Lứq samoat tâm saráq Yiang Sursĩ tể mbốq pai sáoaiq tể ramứh ki. Parnai ki atõng tể A-praham neq: “Cứq yỗn ốc bốn pỡ nheq tữh cruang,

la cỗ tể mới.”*

⁹ Ngkíq, khãn cũai aléq ma sa-âm Yiang Sursĩ machống A-praham, ki alói bữn ốc bốn ariang án tể.

¹⁰ Mách cũai ca chanchóm alói tềq ốt o yáng moat Yiang Sursĩ cỗ alói puai phễp rit I-sarel, alói ki tờ tềq vót tể Yiang Sursĩ calõih táh. Yuaq tâm saráq Yiang Sursĩ khoiq atõng neq:

“Cũai aléq tờ bữn trĩh dũ ốc phễp rit noau khoiq chĩc đõq

tâng Tâm Saráq Phễp Rit Yiang Sursĩ,

cũai ki Yiang Sursĩ lứq calõih táh chíq án.”*

¹¹ Ngkíq hái khoiq dáng raloaih lứq chơ, tờ bữn noau ốt tanoang o yáng moat Yiang Sursĩ cỗ alói puai phễp rit I-sarel. Ma tâm saráq Yiang Sursĩ atõng neq:

“Cũai cõt tanoang o yáng moat Yiang Sursĩ

la cỗ alói sa-âm.

Cóp cũai ki bữn tamoong níc.”*

¹² Ma cũai ca puai phễp rit I-sarel, alói táq mpha tể cũai sa-âm. Tâm saráq Yiang Sursĩ atõng neq:

“Cũai aléq ma trĩh dũ ốc tể phễp rit I-sarel,

cũai ki lứq bữn tamoong cỗ nhơ tể ốc ki,”*

¹³ Ma Crít chuai hái yỗn racláh tể phễp rit I-sarel. Chơ hái bữn vót tể ốc Yiang Sursĩ calõih táh hái. Yê-su rơi thái hái ngkíq, cỗ án bữn mút pahõm chũuq yỗn Yiang Sursĩ

* 3:6 3:6 Saráq Tể Dẫu 15:6 * 3:8 3:8 Saráq Tể Dẫu 12:3; 18:18; 22:18 * 3:10 3:10 Patáp Loah 27:26 * 3:11 3:11 Ha-bacúc 2:4 * 3:12 3:12 Lê-vi 18:5

calōih táh chíq án tang hái. Ngkíq tâm saráq Yiang Sursĩ atōng tẽ ramúh nãi neq:

“Cũai aléq cuchĩt na ayōng tâng aluang sangcáng,

lúq Yiang Sursĩ pupap cũai ki.”*¹⁴

¹⁴ Ngkíq sanua nheq ọc bốn Yiang Sursĩ khoiq ữq cốp A-praham tẽ mbốq chơ, sanua yỗn toâq dếh cũai tở cởn cũai I-sarel hỡ, cở nheq ranáq Yê-su Crĩt khoiq táq chơ. Cốp nheq tữh hái tềq bữn Raviei Yiang Sursĩ cở hái sa-âm Yê-su Crĩt sâng.

Yiang Sursĩ Ữq Cốp A-praham

¹⁵ Sễm ai ơi! Cúq yoc atōng anhia muoi ramúh parnai sacâm máh cũai cơi táq. Bữn bar náq, khân ọc ntrớu alới parkhán, ki tở bữn noau tềq táh muoi ramúh tẽ ọc ki. Cốp tở bữn noau tềq tữm muoi ramúh ntrớu ễn tâng ọc ki.

¹⁶ Ngkíq Yiang Sursĩ pruum cốp A-praham cốp manoaq tẽ tống toiq án. Ma Yiang Sursĩ tở bữn pruum cốp nheq tữh tống toiq A-praham.

Án pruum cốp ớng manoaq sâng tẽ tống toiq A-praham; án nãi la Crĩt.*¹⁷ Cúq atōng anhia neq: Yiang Sursĩ parkhán cốp A-praham nheq pỏn culám pái chít cumo tẽ nhũang phếp rit I-sarel tở yũah toâq. Ngkíq phếp rit I-sarel tở tềq táh cốp tở tềq pupút chíq ọc Yiang Sursĩ khoiq parkhán cốp A-praham.¹⁸ Khân phếp rit I-sarel ma tềq chuai amoong hái, lúq samoât ramúh nãi ariang án pupút chíq nheq ọc Yiang Sursĩ parkhán cốp A-praham tẽ nhũang chơ.

¹⁹ Khân ngkíq, ki nốq Yiang Sursĩ ma yỗn phếp rit I-sarel? Lúq phếp rit nãi toâq yỗn hái dáng samoât hái bữn lỏih. Ma

phếp rit nãi Yiang Sursĩ yỗn toau tangái Crĩt toâq, án la cũai tẽ tống toiq A-praham ca Yiang Sursĩ ữq yỗn. Yiang Sursĩ yỗn cũai I-sarel bữn phếp rit nãi na ranẽng Yiang Sursĩ tẽ paloõng cốp na cũai atoãq parnai.*²⁰ Ma tữ Yiang Sursĩ ữq cốp A-praham, lúq tẽ bỗq án toãp ữq, tở bữn túh cốp bữn cũai canỏh ma atōng tang án.

Yiang Sursĩ Yỗn Phếp Rit Án Kĩaq Hái

²¹ Ngkíq phếp rit I-sarel tở bữn ratoi cốp máh ọc Yiang Sursĩ ữq tẽ nhũang tở? Lúq tở bữn ngkíq! Khân phếp rit Yiang Sursĩ yỗn ma tềq chuai amoong cũai, ki cũai tềq ớt o yáng moat Yiang Sursĩ cở nỡ alới trĩh phếp rit ki.²² Ma tâng tâm saráq Yiang Sursĩ án khoiq atōng chơ, nheq tữh cũai tâng pụn paloõng cutrúq nãi ớt pụn chóc ọc lỏih. Ma cũai aléq sa-âm Yê-su Crĩt, cũai ki tềq bữn roap máh ramúh Yiang Sursĩ par-ữq cở alới sa-âm.

²³ Ma tẽ nhũang, bo Crĩt tở yũah toâq, Yiang Sursĩ khoiq yỗn phếp rit án dỏq kĩaq níc hái samoât noau kĩaq cũai tữ. Hái ớt níc ngkíq toau toâq tangái Yiang Sursĩ apáh yỗn hái tềq sa-âm Crĩt.

²⁴ Ngkíq phếp rit ki ớt rabán hái toau tangái Crĩt toâq. Toãq tangái ki hái tềq ớt tanoang o yáng moat Yiang Sursĩ cở hái sa-âm.²⁵ Ma tữ hái sa-âm, tở bữn cốp bữn phếp rit ntrớu noãng rabán kĩaq hái.

²⁶ Sanua nheq tữh anhia cõt con acái Yiang Sursĩ cở anhia sa-âm Yê-su Crĩt.²⁷ Nheq tữh anhia khoiq roap batẽm chơ cở nỡ Crĩt. Ngkíq anhia cõt samoât anhia sỏp dời tamoong Crĩt.²⁸ Sanua tở bữn mpha ntrớu cũai I-sarel cốp cũai tở cởn cũai I-sarel, cũai sủl

* **3:13** 3:13 Patáp Loah 21:23 * **3:16** 3:16 Saráq Tẽ Dâu 12:7; 13:15; 24:7 * **3:19** 3:19 Cũai 'atoãq parnai' la Mỏi-se.

cóp cūai tở bữn sũl, cūai samiang
cóp cūai mansẽm. Tâng Yê-su
Crít nheq tửh cūai cõt lĩ-ralĩ muoi
mút muoi pahõm sâng. ²⁹ Khân
lứq Crít cõt Ncháu anhia, anhiã la
riang tống toiq A-praham tê, cúp
anhia bữn nheq ốc Yiang Sursĩ ữq
cóp A-praham tẽ nhũang tê.

4

¹ Chơ cừq ẽ atõng anhia muoi
parnai sacâm ẽn. Bữn manoaq
sốc lứq, án bữn mulám con cõt
cõt. Khân mpoaq án cuchit, ki
con ki ẽn ndõm nheq máh mun
mpoaq. Ma bo án noâng carnẽn,
noau tở yõn án ndõm yũah mun
ki. Án la cõt samoat riang cūai
sũl. ² Bữn cūai kĩaq rabán níc
án toau yõn toãq tangái mpoaq án
khoiq anoat đõq yõn án tẽq ndõm
máh mun ki. ³ Hái la samoat
carnẽn ki tê. Bo hái tở yũah
sa-âm, hái cõt sũl yõn máh ngê
tâng dõi nãi. ⁴ Ma toãq ngư Yiang
Sursĩ khoiq anoat đõq, ki án yõn
Con án sãng tâng cutẽq nãi. Án
yõn cūai mansẽm canõt Con án.
Cóp Con nãi õt pũn chóc phẽp rit
I-sarel tê. ⁵ Án thái loah hái tẽ
phẽp rit I-sarel ca hái cõt sũl, đõq
hái tẽq cõt con Yiang Sursĩ samoat
con ramia án tê.

⁶ Yõn anhiã dáng raloaih anhiã
lứq cõt con Yiang Sursĩ, Yiang
Sursĩ yõn Raviei án mut tâng
mút pahõm anhiã. Ngkíq Raviei
Yiang Sursĩ chuai yõn hái khõn
đõq Yiang Sursĩ la Mpoaq hái.
⁷ Sanua anhiã tở bữn ariang cūai
sũl noâng, ma lứq anhiã cõt a-
riang con ramia Yiang Sursĩ chơ.
Cổ anhiã lứq cõt con Yiang Sursĩ,
ngkíq tẽq anhiã chõng mun án tê.

*Phau-lô Yoc Lứq Cūai Ca-lati
Puai Ngê P̄ieiq*

⁸ Tẽ nhũang anhiã tở yũah dáng
ngê Yiang Sursĩ, anhiã táq sũl

máh ramúh tở cõn lứq yiang. ⁹ Ma
sanua anhiã khoiq chuaq ramóh
Yiang Sursĩ chơ. Ma p̄ieiq lứq la
Yiang Sursĩ chuaq ramóh anhiã.
Khân ngkíq, ki nõq anhiã yoc ẽ
píh táq sũl loah máh ngê tâng dõi
nãi? Máh ngê nãi tở bữn bẻng
cóp tở tẽq chuai anhiã. ¹⁰ Anhiã
noâng noap tangái, casai, cúp
cumo tampân. Anhiã chanchóm
anhia tẽq õt tanoang o cúp Yiang
Sursĩ cổ anhiã táq ngkíq. ¹¹ Ma
khân anhiã chanchóm ngkíq, ki
lakéh miat cừq atõng yõn anhiã
parnai o tẽ Yê-su Crít.

¹² Sẽm ai ơi! Cừq sễq anhiã cõt
machõng cừq tê, yuaq cừq khoiq
cõt machõng anhiã ca tở bữn puai
phẽp rit I-sarel. Cóp anhiã tở bữn
táq lỏih ntróu chók cừq. ¹³ Anhiã
dáng chơ, tẽ dẫu lứq cừq atõng
parnai o yõn anhiã, la cổ tổ chác
cừq a-ĩ tacóh. ¹⁴ Ma lứq pai tổ
chác cừq tở bữn o, ma anhiã tở
bữn ayê tở la kêt savẽ cừq. Ma
lứq anhiã roap chõm cừq samoat
anhia roap chõm ranẽng Yiang
Sursĩ tẽ paloõng, tở la samoat
anhia roap chõm Yê-su Crít toãp.
¹⁵ Tangái ki anhiã bũi lứq cúp
cừq. Ma sanua, ntróu ca táq
anhia tở bữn bũi noâng riang
tẽ nling? Lứq cừq dáng tangái
ki khân roi anhiã culáiq chíq ốc
moat anhiã chuai yõn cừq, ki lứq
anhia culáiq. ¹⁶ Cừq atõng anhiã
lứq parnai p̄ieiq, ma nõq sanua
anhia cõt par-ũal chíq cúp cừq?

¹⁷ Ma cūai canõh ca atõng par-
nai tở bữn p̄ieiq, alóí táq nan
ayooq lứq anhiã. Alóí yoc ẽ
cayoah anhiã tẽ cừq. Moãm ki
alóí ẽq anhiã ỉt mút pahõm alóí.
¹⁸ Khân cūai aléq yoc ẽ atõng
parnai lứq samoat yõn anhiã, ki
o lứq tê. Tở bữn ntróu cừq õt cúp
anhia, tở la tở bữn õt. ¹⁹ Anhiã la
samoat con ramia cừq tê. Sanua

cứq a-ĩ lứq tâng mút cứq, clũĩ tẽ mansẽm canõt con. Cứq yoc Crĩt cõt sõt tâng mút pahõm anhia. ²⁰ Cóp cứq yoc lứq õt parnõi cốp anhia sanua, đõq khẽ sarhõng cốp anhia. Ma sanua cứq õt yong tẽ anhia, ngkĩq cứq sâng dót lứq tỡ dãng nõq cứq ẽ táq.

Parnai Sacâm Tẽ Bar Náq Mansẽm

²¹ Cứq yoc ẽ blóh cũai tẽ anhia ca yoc ẽ puai níc phẽp rit I-sarel neq: Anhia dãng ma tỡ bữn, phẽp rit ki atõng ramứh ntróu yõn anhia? ²² Tâng phẽp rit ki noau khoiq chĩc atõng tẽ A-praham, án bữn bar lám con samiang, muoi lám tẽ lacuoi sũl, muoi lám tẽ lacuoi tỡ bữn sũl. ²³ Lacuoi sũl, án canõt con samiang ariang noau tẽ. Ma lacuoi tỡ bữn sũl, ki án canõt con cõ Yiang Sursĩ khoiq ữq yõn án bữn con samiang. ²⁴⁻²⁵ Parnai nãi la parnai sacâm tẽ. Bar náq mansẽm nãi la samoat bar ngẽ Yiang Sursĩ parkhán yoc ẽ chuai cũai. Muoi rana ki, la án yõn phẽp rit án yõn cũai trĩh. Yiang Sursĩ yõn phẽp rit nãi tâng cõh Si-nai. Cõh Si-nai nãi tâng cruang Arap noau đõq cõh Hacar hỡ. Ramứh lacuoi sũl A-praham la Hacar. Ngkĩq Hacar la samoat riang vil Yaru-salem tâng dõĩ sanua. Cốp cũai tâng vil Yaru-salem, alóĩ bữn muoi mút samoat Hacar, yoc ẽ puai níc ống phẽp rit I-sarel sâng. Ngkĩq alóĩ cõt sũl samoat mpiq alóĩ tẽ. ²⁶ Ma hái ca bữn muoi mút yoc ẽ puai ngẽ Yê-su Crĩt, riang vil Yaru-salem tamái tâng paloõng la samoat mpiq hái. Mpiq nãi tỡ cõn cũai sũl. ²⁷ Tâng tâm saráq Yiang Sursĩ tẽ mbỏq noau khoiq atõng tẽ ramứh nãi neq:

“O mansẽm cũt ơi! Mớĩ chõĩ ngua ntróu.

Mớĩ ca tỡ cơi ramóh a-ĩ khuop cumo, cóq mớĩ õn apũl; yuaq mansẽm cayac táh, ki bữn con sa-ũĩ hõn tẽ mansẽm cayac tỡ nãi táh.”*

²⁸ Sanua sẽm ai ơi, anhia cõt con ca Yiang Sursĩ par-ữq, ỉn I-sac. ²⁹ Tâng tangái ki tẽ mbỏq, con samiang ca canõt ariang noau tẽ, con ki táq tũh coat níc con samiang ca canõt na Ravieĩ Yiang Sursĩ. Cốp dõĩ sanua la machõng ki tẽ. ³⁰ Ma ntróu tâm saráq Yiang Sursĩ tẽ mbỏq atõng tẽ ramứh nãi? Án atõng neq:

“Tuih chíq lacuoi sũl cốp con samiang án.

Lứq samoat, con tẽ cũai sũl tỡ tẽq rachõng mun mpoaq parnõi cốp con tẽ lacuoi tỡ bữn sũl.”*

³¹ Ngkĩq sẽm ai ơi, hái tỡ bữn con cũai sũl, ma hái la con cũai tỡ bữn sũl.*

5

Chõĩ Yõn Phẽp Rit Canõh Chỏq Loah Anhia

¹ Crĩt khoiq acláh hái tẽ tũh coat puai phẽp rit. Cõ Crĩt khoiq acláh, ngkĩq anhia nhẽng yõn o mút pahõm anhia chõĩ táq sũl loah phẽp rit ki.

² Cứq la Phau-lô atõng yõn anhia dãng samoat, khân anhia táq rit cút puai phẽp rit I-sarel, ki Crĩt tỡ bữn cõt kia ntróu yõn anhia.

³ Cứq yoc atõng loah yõn anhia dãng samoat lứq ẽn. Cũai aléq ca táq rit cút, cóq cũai ki trĩh nheq máh ốc canõh tẽ phẽp rit I-sarel hỡ.

⁴ Khân bữn noau tẽ anhia chanchóm yoc ẽ õt tanoang o yáng moat Yiang Sursĩ cõ anhia

* **4:27** 4:27 Ê-sai 54:1 * **4:30** 4:30 Saráq Tẽ Dâu 21:10 * **4:31** 4:31 Phau-lô pai ngkĩq, án ẽ pai neq: ‘Hái tỡ bữn õt tanoang o cốp Yiang Sursĩ cõ hái tẽq phẽp rit. Ma lứq hái õt tanoang o cốp Yiang Sursĩ cõ hái sa-âm sâng.’

trĩh phễp rit I-sarel sâng, lứq samoât anhia leh bữm tễ Crĩt. Ngkĩq anhia cõt pứt chíq máh ngê Yiang Sursĩ yoc ẽ chuai miat anhia. ⁵ Ma hái, hái ngcuang õt tanoang o yáng moat Yiang Sursĩ cõ hái sa-âm. Cóp hái sa-âm cõ nhơ Raviei Yiang Sursĩ chuai hái. ⁶ Tữ Yê-su Crĩt chuai amoong hái, tở bữn ntróu hái táq rit cút, tở la tở bữn. Ngê toâr clũih nheq tễ canỏh la hái sa-âm. Ngkĩq cõ hái sa-âm, yuaq hái bữn mút pahỏm ayooq.

⁷ Cứq hữm bo nhũang anhia puai ngê Yê-su Crĩt lứq samoât. Ma sanua cứq dớt lứq, tở dáng noau catáng chíq tở yỏn anhia puai noâng ngê p̄ieiq tễ Yiang Sursĩ. ⁸ Lứq samoât, Yiang Sursĩ tở bữn catáng anhia. An toập arỏ yỏn anhia sa-âm. ⁹ Bữn cũai pai neq: “Bỉq lứq crong pluoih táq yỏn nheq bẻng mi cõt pluoih.”*

¹⁰ Ma lứq cứq dáng la Ncháu chuai nứng anhia yỏn anhia tở bữn puai ngê canỏh. Ma máh cũai ca táq yỏn anhia dớt sarnỏm, cóq alỏi chũuq tột bữm tễ Yiang Sursĩ. ¹¹ Sẻm ai ời, bữn noau cauq cứq pai cứq atởng nheq tữh cũai cóq táq rit cút khân yoc ẽ õt o yáng moat Yiang Sursĩ. Khân cứq ma pai ngkĩq, ki cũai I-sarel tở bữn ẽ táq cứq, cóp alỏi tở bữn sâng ũa ntróu cứq atởng tễ aluang sangcáng Yê-su Crĩt. ¹² Ngkĩq máh cũai ca atởng anhia cóq táq rit cút, cứq ẻq alỏi lát bữm!

¹³ Sẻm ai ời! Anhia khoiq cõt racláh chơ. Ma anhia chõi ít rangứh anhia bữm; chơ táq puai sac sâiq yoc. O hỡn anhia manoaq ayooq manoaq, manoaq chuai manoaq. ¹⁴ Nheq phễp rit Yiang Sursĩ cõt rap̄ieiq nheq tâng

muoi ốc patâp neq: Cóq anhia ayooq yỏu machỏng anhia ayooq tở anhia bữm.* ¹⁵ Ma khân anhia manoaq táq manoaq samoât charán racáp ratuaq, ngkĩq cóq anhia nhêng o, cõh lơ cháih lứq tốp anhia cõt rúng nheq.

Bar Ngê Cũai Têq Puai

¹⁶ Ngkĩq cứq ón anhia neq: Cóq anhia puai óng ngê Raviei Yiang Sursĩ sâng. Táq ngkĩq anhia tở bữn ít rangứh anhia bữm. ¹⁷ Rangứh anhia ẽ bữn la mpha tễ Raviei Yiang Sursĩ yoc. Cóp rangứh Raviei Yiang Sursĩ ẽ bữn la mpha tễ mút pahỏm anhia yoc. Bar ngê nâi lứq miar nheq. Ngkĩq ranáq ntróu anhia chanchỏm ẽ táq, anhia tở riap táq ranáq ki. ¹⁸ Ma khân anhia puai níc óng ngê Raviei Yiang Sursĩ sâng, ngkĩq anhia tở bữn túh trĩh noâng phễp rit I-sarel.

¹⁹ Ma khân anhia puai rangứh anhia bữm, ngkĩq anhia lứq táq nheq ranáq sâuq neq: Anhia tở bữn lacuoi cayac ma bẻq parnoi. Anhia ham yoc ẽ táq ntởng sarmũaq. Anhia bữn mút pahỏm loái lứq. ²⁰ Anhia sang yiang canỏh. Anhia táq mo. Anhia rakết ralỏih níc. Anhia manoaq sa-on tễ manoaq. Anhia ra-ũan. Anhia tampỏr ẽ cõt toâr hỡn tễ cũai canỏh. Anhia caryoah cõt sa-ũai tốp. Anhia chanchỏm tốp anhia o hỡn tễ tốp canỏh. ²¹ Anhia ham crong yỏu. Anhia bũl blỏng. Anhia cha tôn-tín. Cóp anhia táq ranáq sâuq canỏh hỡ samoât ngkĩq, khân anhia puai rangứh anhia bữm. Ngkĩq cứq yoc ẽ atởng loah sĩa yỏn anhia dáng samoât lứq. Cũai táq ranáq sâuq ngkĩq, alỏi tở tẻq tamoong tâng ntỏq Yiang Sursĩ sớt.

* **5:9** 5:9 Phau-lỏ sacâm neq: Khân bữn manoaq tở bữn o tâng tốp anhia, nỡ-ra án yỏn nheq tữh anhia tớt cõt tở bữn o tẻ. ✱ **5:14** 5:14 Lê-vi 19:18

22 Ma khân lứq anhia puai ống ngê Raviei Yiang Sursĩ sâng, ki anhia cõt palâi neq: Anhia bữn mút ayooq. Anhia bữi o níc. Anhia bữn mút pahõm õt ien khẽ níc. Anhia bữn mút chiuq tanhĩr. Anhia bữn mút pahõm ẽ chuai. Anhia táq o chóc cũai canõh. Anhia táq yõn cũai canõh têq noap anhia. 23 Anhia bữn mút laviei. Cóp anhia têq rabán tỗ anhia bữm. Khân anhia táq ranáq o ngkiq, lứq anhia trĩh neq phếp rit Yiang Sursĩ. 24 Cũai aléq bữn muoi mút cốp Yê-su Crĩt, cũai ki khoiq táh chơ máh sac sâi q án yoc. Ngkiq alói tỡ bữn yoc puai noâng rangứh alói bữm. 25 Khân hái ma bữn tamoong cõ nhơ tễ Raviei Yiang Sursĩ, ngkiq cóq hái puai ống ngê Raviei Yiang Sursĩ sâng. 26 Hái chõĩ táq ẽq noau khẽn hái. Hái manoaq chõĩ ayê manoaq. Cóp manoaq chõĩ sa-on ntrứu tễ manoaq.

6

*Manoaq Ayooq Manoaq;
Manoaq Chuai Manoaq*

1 Sễm ai ời! Khân bữn noau tâng tốp anhia ma lơ táq lồih, cóq anhia táq puai ngê Raviei Yiang Sursĩ, ngcuai atõng án, yõn án têq atức loah mút tamái. Cóq anhia nhêng yõn o mút anhia bữm, cõh lơ anhia ẽn táq lồih. 2 Khân cũai tâng tốp anhia ma ramóh túh coat, ki cóq anhia manoaq rachuai manoaq. Anhia táq ngkiq, anhia lứq puai ngê Crĩt. 3 Khân bữn noau tỡ bữn lứq toâr ntrứu, ma án chõng chanchõm sâng pai án toâr, lứq mút án phếp án bữm. 4 Cóq dũ náq nhêng loah ranáq án bữm yõn dáng lứq samoât ranáq ki cõt kia ma tỡ bữn. Ngkiq án dáng bữm ranáq ki o ma tỡ o. Án

tỡ bữn túh tamplng ranáq án cóp ranáq cũai canõh, 5 yuaq dũ náq cũai cóq táq ranáq án bữm.

6 Khân cũai aléq atõng parnai o tễ Yê-su Crĩt, cũai ca rien tễ án, cóq chuai yõn án ca atõng ki.

7 Cũai aléq chanchõm têq án phếp Yiang Sursĩ, lứq cũai nâi phếp tỗ án bữm. Lứq samoât, cũai chóc cuplốq ntrứu, nỡ-ra án bữn palâi tễ cuplốq ki. 8 Khân anhia chóc cuplốq yoc ẽ puai rangứh anhia bữm, ki nỡ-ra anhia bữn palâi la anhia cuchĩt pứt. Ma khân anhia chóc cuplốq yoc ẽ trĩh ngê Raviei Yiang Sursĩ, ki nỡ-ra anhia bữn palâi la anhia tamoong níc nhơ Raviei Yiang Sursĩ. 9 Ngkiq hái chõĩ lakéh lakiei táq ranáq o. Khân hái tỡ bữn pê pahõm tễ ranáq hái táq, ki nỡ-ra hái bữn roap kia.* 10 Bo lếq hái têq chuai, cóq hái chuai yõn neq tữh cũai; nhũang lứq la cóq hái chuai máh yớu hái tâng tốp sa-âm.

Phau-lô Suroq Loah Cũai Ca-lati

11 Cũtỗ cứq toáp chĩc thờ nâi yõn anhia. Sêq anhia nhêng maléq toâr chũq cứq chĩc yõn anhia sanua. 12 Máh cũai ca yoc ẽ ếp anhia táq rit cứt puai phếp rit I-sarel, alói ẽq cũai canõh pai alói lứq puai ngê Yiang Sursĩ. Ma alói yoc ẽ vĩaq tễ tốp I-sarel táq túh coat alói cõ alói sa-âm Crĩt cuchĩt tâng aluang sangcáng. 13 Ma tốp alói ca khoiq táq rit cứt, lứq samoât, alói toáp tỡ bữn puai máh phếp rit I-sarel. Ma alói yoc anhia táq tếc ki, cõ alói yoc ẽ ốt, pai anhia trĩh parnai alói. 14 Ma cứq nâi, cứq yoc ẽ khẽn tễ aluang sangcáng Yê-su Crĩt, Ncháu hái, sâng. Lứq samoât, tâng aluang sangcáng ki neq ramứh tâng dõĩ

* 6:9 6:9 Tâng parnai Créc ntốq nâi pai: 'ki nỡ-ra hái susot sa-ừi.'

nâi khoiq cuchĩt pũt chơ tễ cứq.
 Cóp cứq khoiq cuchĩt pũt tê tễ
 nheq ramứh ki. ¹⁵ Tỡ bữn ntrớu
 cũai táq rit cứt, tỡ la tỡ bữn táq rit
 ki. Ma ốc toâr lứq la neq: Cớq cũai
 cõt loah tamái. ¹⁶ Cứq sếq Yiang
 Sursĩ sarũiq táq dũ náq cũai ca
 puai ngê ki, cớq yõn mứt pahõm
 alới ốt ien khể níc. Tỗp ki la lứq
 tỗp I-sarel ca Yiang Sursĩ ndõm.

¹⁷ Nâi la parnai parsót thánq
 cứq atỡng anhia, chõi yõn cũai
 aléq catánq noânq cứq, yuaq máh
 rapit tâng tỗ cứq cõt tếc apáh yõn
 noau dáng cứq la samoât sũl yõn
 Yê-su.

¹⁸ Sễm ai ơi! Cứq sếq Yê-su Crĩt,
 Ncháu hái, ốt cớp anhia cớp chuai
 miat anhia. Amen.

Choaiq Thờ Phau-lô Chĩc Yỗn Cũai Tâng Vil Ê-phê-sô Santoiq Atỡng

Phau-lô chĩc choaiq thờ nài coiq sa-oh tộp sa-âm tâng vil Ê-phê-sô sám 61 toađ 62 cumo ntun Yê-su canốt. Phau-lô atỡng tễ ranáq Yiang Sursĩ ẽ táq nỡ-ra đợc parôm dũ máh ramứh tâng paloong cớp tâng cớc cutếq yỗn Yê-su cớt sớt nheq.

Phau-lô atỡng tễ Yiang Sursĩ arỏ rườh hái ỡt ratoi cớt muoi mút cớp Yê-su Crĩt. Án pai Yiang Sursĩ táh lỏih hái la cớ án ayooq cớp chuai miat hái. Phau-lỏ ớn alới cớq yỗn Raviei Yiang Sursĩ cớt sớt tâng mút pahỏm alới.

Phau-lỏ ỉt sa-ữi ỏc sacâm đợc atỡng tễ hái cớt muoi mút cớp Yê-su Crĩt. Án pai tộp sa-âm samoat riang tỏ, mỏ Yê-su la plỡ. Tộp sa-âm la riang muoi lám đớng, mỏ Yê-su la samoat tamáu ca táq yỗn đớng cớt khâm. Tộp sa-âm la riang lacuoi, mỏ Yê-su la cayac. Dũ máh ỏc sacâm nài yỗn hái đáng raloaih Yê-su Crĩt ayooq hái, chũuq cuchĩt tang hái, acláh lỏih hái, chuai miat hái, cớp yỗn hái ỡt tanoang o choang moat Yiang Sursĩ.

¹ Cớq la Phau-lỏ chĩc choaiq thờ nài coiq sa-oh tộp sa-âm tâng vil Ê-phê-sỏ, alới ca puai samoat samỏi Yê-su Crĩt. Cớq la cũai Yiang Sursĩ rườh yỗn táq ranáq ayũng atĩ Yê-su Crĩt. ² Cớq sẽq Yiang Sursĩ, Mpoaq hái, cớp Yê-su Crĩt, Ncháu hái, chuai miat anhia, cớp yỗn anhia ỡt bán sũan ien khẻ níc.

Máh Ốc Bốn Yiang Sursĩ Chuai Miat

³ Cớq hái khẻn Yiang Sursĩ, la Mpoaq Yê-su Crĩt, Ncháu hái. Yiang Sursĩ khoiq yỗn hái bữn nheq tữh ramứh o tâng paloong yỗn chuai mút pahỏm hái, cớ nỡh hái ỡt muoi mút cớp Crĩt. ⁴ Tễ tangái Yiang Sursĩ tỡ yũah tẻng cớc cutếq nài, án khoiq rườh hái chớ yỗn cớt cũai án. Án rườh hái yỗn hái cớt cũai miat táq ống ngẻ Yiang Sursĩ sâng, cớp yỗn hái tỡ bữn lỏih ntrớu yáng moat án. Cớ án ayooq hái, ⁵ án khoiq anoat hái yỗn cớt con acái án cớ nỡh tễ Yê-su Crĩt. Mút pahỏm án sâng yoc ngkĩq, chớ lứq án táq ngkĩq. ⁶ Đợc hái khẻn Yiang Sursĩ, án ca chuai miat hái sa-ữi lứq, yuaq hái ỡt muoi mút cớp Con án ca án ayooq lứq.

⁷ Cớ nỡh tễ aham Crĩt, tẻq Yiang Sursĩ thái loah hái cớp táh lỏih hái yuaq mút pahỏm án sâng yoc ẽ chuai miat hái sa-ữi lứq. ⁸ Ốc chuai miat án yỗn clữi cliei, cớp án yỗn hái cớt rangoiq cớp đáng raloaih. ⁹ Án yỗn hái đáng máh ngẻ án cutooq tễ nhũang, dũ máh ramứh án yoc ẽ táq yỗn hái cớ nỡh tễ Crĩt. ¹⁰ Nỡ-ra toađ ngư, Yiang Sursĩ táq moam máh ramứh án khoiq tẻng tễ nhũang, cớp án yỗn cớt ratoi loah nheq máh ramứh tâng paloong cớp tâng cutếq. Chớ Crĩt táq sớt nheq máh ramứh ki.

¹¹ Máh ramứh ntrớu Yiang Sursĩ anoat, lứq cớt nheq máh ramứh ki tâng cớc cutếq nài. Cớp án anoat yỗn hái cớt con án lứq samoat nỡh Crĩt. ¹² Án táq ngkĩq đợc hẻq ca cớt cũai dẫu lứq ngcuang tễ Crĩt, cớq hẻq khẻn chớc ang-ữr Yiang Sursĩ.

¹³ Cớp anhia ẻn, toađ anhia tamứng parnai pẻiq, la parnai Yiang Sursĩ chuai amoong cũai,

anhia khoiq sa-âm tê. Cóp Yiang Sursĩ táq tếc anhia la cūai án toàq án yõn anhia bữn Raviei án, ariang án khoiq ừq tể nhũang. ¹⁴ Yiang Sursĩ yõn hái bữn Raviei án, đợq cõt tếc pở hái, la nỡ-ra án toàq ỉt hái yõn hái ốt cốp án. Chơ hái bữn khễn chớc ang-ừr tể án sa-ừi lứq ễn.

Phau-lô Câu

¹⁵ Từ cừq sâng anhia sa-âm lứq Yê-su, Ncháu hái, cốp anhia ayooq lứq nheq máh cūai sa-âm, ¹⁶ ngkíq cừq tở bữn rlu noàng sa-ỡn Yiang Sursĩ cở tể anhia, cốp tở nai khlĩr câu yõn anhia. ¹⁷ Cừq sễq Yiang Sursĩ, án ca Yê-su Crĩt, Ncháu hái, sang, án ca Mpoaq toàr lứq cốp bữn chớc ang-ừr, cừq sễq án yõn anhia bữn Raviei án, đợq anhia cõt rangoiq, cốp sapáh ngê Yiang Sursĩ yõn anhia dáng sa-ừi lứq ễn. ¹⁸ Cừq sễq án pớh pahõm anhia yõn cõt poang. Ngkíq tềq anhia dáng máh ramứh ntróu tềq anhia nguang cở Yiang Sursĩ arô anhia. Cốp tềq anhia dáng sa-ừi ramứh án chuai yõn anhia. Án yõn anhia cốp nheq từh cūai sa-âm canõh chớng parnơi mun án. ¹⁹ Cốp tềq anhia dáng maléq toàr chớc án chuai yõn hái sa-âm án. Chớc Yiang Sursĩ chuai yõn hái la toàr lứq cốp rêng lứq, ²⁰ machớng chớc án chuai yõn Crĩt tamoong loah tể cuchĩt cốp ốt parnơi coah atoam án tâng paloõng. ²¹ Án yõn Crĩt cõt sốt hõn tể nheq ramứh sốt, ramứh toàr, ramứh bán rêng, cốp nheq ramứh canõh cūai đợq yám tâng đõi nãi cốp tởq đõi ntun hỡ. ²² Yiang Sursĩ đợq dù ramứh ốt pũn talang ayũng Yê-su, cốp án yõn Yê-su cõt samoat plở yõn tốp sa-âm. ²³ Tốp sa-âm la samoat riang tở án. Plở cốp bữn tở nỡq

tềq cõt cūai. Machớng ki tê Yê-su cốp bữn tốp sa-âm. Ma nheq từh máh ramứh ki cốp bữn Yê-su.

2

Tamoong Tể Cuchĩt

¹ Tể nhũang, anhia samoat riang cuchĩt, yuaq anhia tở bữn trĩh Yiang Sursĩ cốp anhia táq lỏih níc. ² Bo nhũang ki anhia puai níc máh ranáq tâng đõi nãi, cốp anhia trĩh yiang ca sốt nheq yiang tâng cốc cutểq nãi. Máh cūai tở bữn trĩh Yiang Sursĩ, lứq yiang ki cõt sốt alới. ³ Bo ki nheq hái cõt muoi santrúq cốp alới tê. Hái puai rangứh hái bữm. Ntróu hái sâng ể táq, la hái táq. Ntróu hái yoc ể ỉt, ki hái ỉt. Ngkíq Yiang Sursĩ sâng cutâu lứq chớq hái machớng án sâng cutâu chớq cūai canõh tê. ⁴⁻⁵ Ma yuaq Yiang Sursĩ ayooq hái sa-ừi lứq, án bữn mút pahõm sâng sarũiq táq lứq hái. Hái la samoat riang cuchĩt cở hái táq lỏih, ma Yiang Sursĩ yõn hái cõt tamoong loah parnơi cốp Crĩt. Ốc ki án chuai miat sâng toàq án chuai amoong anhia. ⁶ Án yõn hái tamoong loah parnơi cốp Yê-su Crĩt, cốp án yõn hái ốt parnơi cốp Yê-su Crĩt tâng paloõng. ⁷ Án táq ngkíq yoc ể apáh yõn máh đõi ntun bữn dáng án ayooq hái luat ngư, cốp chuai miat hái nhơ Yê-su Crĩt.

⁸ Yiang Sursĩ chuai amoong anhia la án chuai miat sâng cở anhia sa-âm án. Anhia tở bữn táq ntróu, ma án chớng ể chuai sâng. ⁹ Anhia tở tềq táq ramứh ntróu yõn Yiang Sursĩ chuai amoong anhia, ngkíq anhia tở tềq ốt ntróu. ¹⁰ Hái la lứq Yiang Sursĩ toàp tềng, cốp án tềng hái yõn cõt muoi mút cốp Yê-su Crĩt đợq táq ranáq o. Máh ranáq ki Yiang Sursĩ khoiq thrũan nhũang yõn hái táq.

Tốp I-sarel Cóp Tốp Cũai Canõh Cõt Muoi Tốp

¹¹ Anhia la tớ cõn cũai I-sarel. Cũai I-sarel đõq anhia la 'cũai ỏq tếc', cóp alớ đõq tốp alớ bữm la 'cũai bữn tếc', yuaq alớ khoi q táq rit cút puai phếp rit cũai I-sarel. Ma tếc nâi la tếc cũai táq tâng tở sâng. ¹² Bo ki anhia ỏt yõng tẻ Crít. Anhia miar tẻ tốp I-sarel. Anhia tớ bữn dáng máh ramứh Yiang Sursĩ ừq chuai tốp I-sarel. Lứq tâng đõi tamoong anhia, anhia tớ bữn nguang ntrớu tẻ Yiang Sursĩ chuai anhiạ. ¹³ Ma anhiạ ca ỏt yõng lứq tẻ Yiang Sursĩ tẻ nhũang, sanua anhia ỏt cheq tẻ, cõ nhớ tẻ aham Crít.

¹⁴ Lứq Crít toáp táq yõn hái bar tốp cõt ratoi loah, yuaq Crít khoi q talóh táh viang ca táq yõn bar tốp hái par-ũal tẻ nhũang. ¹⁵ Tỏ Crít toáp pupút chíq phếp rit tiaq Yiang Sursĩ patáp cũai I-sarel tẻ nhũang. Án táq yõn bar tốp ki raclũoq loah; chớ alớ cõt muoi mút, manoaq ratoi cóp manoaq. ¹⁶ Nhớ Crít cuchít tang alớ, alớ cõt máh muoi santrứq cõt ratoi loah cóp Yiang Sursĩ. Chớ alớ tớ bữn par-ũal noâng. ¹⁷ Crít sễng atõng parnai ien khẻ yõn anhia ca ỏt yõng tẻ Yiang Sursĩ. Cóp án atõng parnai ien khẻ yõn alớ ca ỏt cheq Yiang Sursĩ hỡ. ¹⁸ Nhớ tẻ Crít, bar tốp hái tẻq toáp pỡ Yiang Sursĩ, Mpoaq hái, yuaq hái bữn Raviei án ỏt cóp hái.

¹⁹ Ngkíq anhia tớ bữn noâng riang cũai liaq, cóp riang cũai tẻ cruang canõh. Anhia cóp nheq cũai sa-âm canõh la samoạt muoi cruang. Anhia la muoi đõng sữ Yiang Sursĩ. ²⁰ Anhia la samoạt cớng noau táq đõng. Máh tốp ayũng aỉ Yê-su cóp máh cũai tang bõq Yiang Sursĩ la samoạt tanang đõng ki. Yê-su Crít toáp la samoạt

tamáu ca táq yõn đõng cõt khâm. ²¹ Nhớ tẻ án, noau patứng đõng ki yõn cõt đõng sang miar khong Yiang Sursĩ. ²² Cóp nhớ tẻ án, anhia cõt samoạt cớng noau co táq đõng yõn Yiang Sursĩ ỏt, na Raviei án.

3

Yiang Sursĩ Rườh Phau-lô Đõq Chuai Cũai Tỏ Cõn Cũai I-sarel

¹ Yuaq ngkíq, cứq Phau-lô câu sễq Yiang Sursĩ chuai anhia. Sanua cứq ỏt tở cõ tian cứq táq ranáq Yê-su Crít chuai anhia ca tớ cõn cũai I-sarel. ² Lứq anhia khoi q sâng chớ Yiang Sursĩ ỏn cứq táq ranáq nâi cõ án bữn mút pahõm yoc ẻ chuai miat anhia. ³ Yiang Sursĩ khoi q sapáh yõn cứq dáng ngê án cutooq tẻ nhũang. Cứq khoi q chích bĩq chớ yõn anhia dáng tẻ ỏc ki. ⁴ Khân anhia doc parnai ki, anhia bữn dáng cứq khoi q sâng parnai cutooq tẻ Crít. ⁵ Tẻ nhũang cũai tớ yũah dáng ngê nâi, ma sanua Yiang Sursĩ sapáh nhớ Raviei án yõn tốp ayũng aỉ án cóp tốp tang bõq án dáng tẻ. ⁶ Ngê cutooq ki la neq: Nhớ parnai o tẻ Yê-su Crít, lứq cũai tớ cõn cũai I-sarel la chõng tẻ mun nâi. Tẻq alớ cõt muoi tốp cóp cũai I-sarel. Cóp tẻq alớ bữn tẻ máh ramứh Yiang Sursĩ ừq chuai nhớ Yê-su Crít.

⁷ Cứq Phau-lô la cũai đừng parnai o nâi, yuaq Yiang Sursĩ chuai miat cứq yõn táq ranáq nâi. Nhớ chớ tẻ án, yuaq cứq rơi táq. ⁸ Tỏ cứq bữm la tớ bữn bữn chớ ntrớu. Máh cũai canõh tâng tốp sa-âm, alớ bữn chớ hỡn tẻ cứq. Ma Yiang Sursĩ noâng rườh cứq yõn cứq bữn táq ranáq bũ hỡ nâi, la đừng parnai o tẻ Yê-su Crít toáp pỡ cũai tớ cõn cũai I-sarel. Lứq parnai nâi o clữi nheq tẻ

canôh. ⁹ Cóp Yiang Sursĩ yõn cứq apáh yõn nheq cũai hũm ranáq Yiang Sursĩ yoc ẽ táq sanua. Tẽ nhũang Yiang Sursĩ tẽng paloõng cutẽq, án khoiq chanchóm ẽ táq ranáq nãi, ma án tở yũah apáh. ¹⁰ Ma sanua Yiang Sursĩ apáh ngê án, yuaq án yoc máh ramứh sôt cóp máh ranẽng án tâng paloõng hũm tốp hái sa-âm án. Chơ alóỉ ngin pai lứq rangoiq Yiang Sursĩ. ¹¹ Tẽ nhũang án tở yũah tẽng muoi ramứh ntróu, lứq án khoiq chanchóm ẽ táq ranáq nãi. Chơ lứq án táq nhơ Yê-su Crít, Ncháu hái. ¹² Nhơ tẽ Yê-su Crít, tẽq hái sâng clóq lứq toâq pở Yiang Sursĩ, yuaq hái khoiq sa-âm Yê-su chơ. ¹³ Ngkíq cứq sễq anhia chõỉ ngua ntróu noau táq cứq cõ tian cứq chuai anhia, Máh ramứh túh coat ki cõt kia yõn anhia.

Crít Ayooq Hái

¹⁴ Ngkíq, cứq sacõh racól yoah moat Mpoaq tâng paloõng. ¹⁵ Máh tốp tâng paloõng cóp tâng cóc cutẽq nãi clẽu ramứh án. ¹⁶ Cứq sễq Yiang Sursĩ, án ca bữn chóc ang-ữr clữi nheq tẽ canôh, satõh ớc bán rêng tâng mút pahõm anhia, cóp táq yõn anhia sa-âm pacái lứq nhơ tẽ Raviei án chuai anhia. ¹⁷ Cứq sễq yõn Crít lứq ớt tâng mút pahõm anhia cõ anhia sa-âm án. Cóp cứq sễq yõn ớc ayooq tâng mút pahõm anhia cõt pacái lứq, samoât rêh aluang tở la tanang đống ớt tâng cutẽq. ¹⁸⁻¹⁹ Lứq mút pahõm Crít ayooq hái, la tở rơi noap noâng. Ma cứq yoc anhia cóp nheq tữh cũai sa-âm dáng raloaih maléq la-a, maléq cuti, maléq sarõih, cóp maléq yarũ ớc ayooq tẽ Crít. Cứq ẽq anhia bữn poân máh ki

tê yõn anhia puai ống ngê Yiang Sursĩ nheq rangứh rahõ anhia.

²⁰ Lứq khẽn ramứh án ca táq dũ ramứh tâng mút pahõm hái. Chóc án tẽq táq clữi tẽ hái sễq tẽ án, cóp clữi tẽ hái tẽq chanchóm. ²¹ Sễq nheq ramứh khẽn tẽ cũai sa-âm toâq pở Yiang Sursĩ nhơ tẽ Yê-su Crít, toau sôt nheq đõi. Amen.

4

Cũai Bữn Miar Ranáq Táq

¹ Cứq Phau-lô bữn muoi ramứh cứq ẽ sễq tẽ anhia. Cứq la cũai tũ cõ cứq táq ranáq Ncháu hái. Cứq sễq anhia táq pởq yõn p̄ieiq tâng ranáq Yiang Sursĩ khoiq arô yõn anhia táq. ² Anhia chõỉ mantoâr. Cóp anhia ít pahõm yóu. Cóp anhia chũiq tanhĩr cõ anhia ayooq. ³ Cóp anhia cutóng ớt muoi mút cóp Raviei Yiang Sursĩ, manoaq chuai manoaq yõn anhia tẽq ớt ien khê.

⁴ Anhia la samoât muoi tở, pruum roap muoi Raviei, cóp crốq ngcuang muoi ramứh Yiang Sursĩ pruum cóp anhia. ⁵ Hái bữn ống muoi Ncháu, hái chổng muoi ngê sa-âm, cóp muoi batêm. ⁶ Bữn ống muoi noaq Yiang Sursĩ sâng. Án la Mpoaq nheq tữh cũai; án sôt nheq tữh, án chuai nheq tữh, cóp án ớt nheq tữh. ⁷ Yiang Sursĩ yõn dũ náq hái bữn miar ranáq táq nhơ tẽ Crít chuai hái. ⁸ Yiang Sursĩ atõng tẽ mbỏq tẽ Crít neq: “Bo án chõn loah chu pởng, án pỏh achõn cũai tũ cứng lứq.

Cóp án yõn máh crơng mpon pở máh cũai.”*

⁹ Toâq parnai ki pai “chõn loah,” nỏq anhia chanchóm? Lứq án khoiq sễng nhũang toâq pở cutẽq nãi. ¹⁰ Án ca sễng cóp án ca chõn

loah tâng paloông la ống manoaq sâng. Ngkíq án têq ốt dù ntóq cu nơi.

¹¹ Án yỗn muoi tốp cũai cõt ayũng atĩ án; muoi tốp cõt tang bõq án; muoi tốp dũng parnai án yỗn cũai tở yũah dáng; muoi tốp ndõm dõng sang; cốp muoi tốp ẽn atõng loah tẽ ngê án yỗn raloih. ¹² Án táq ngkíq yỗn dù náq cũai sa-âm bũn miar ranáq táq yỗn án, dõq yỗn tốp án têq cõt toâr achõn tâng Crít. ¹³ Ngkíq, ntun ẽn hái cõt muoi mút muoi pahõm tâng ngê hái sa-âm cốp ngê hái dáng tẽ Con Yiang Sursĩ. Hái toâr achõn cõt samoât carsai, yỗn toau hái cõt samoât riang Crít tẽ. ¹⁴ Hái tở bũn nõng samoât carnẽn, cốp riang dõq chanchoát tở la riang cuyal phát, dũng hái mahõi chu nãi, mahõi chu ki, yuaq hái tở bũn puai parnai cũai ẽ phẽq hái. Alói ki dõq atõng ẽm cốp khẽuq lữq ẽq cũai puai parnai tở pĩeiq. ¹⁵ Ma cốp hái atõng parnai pĩeiq tẽ mút pahõm ayooq. Ngkíq hái cõt carsai, hái cõt samoât Crít, án ca cõt plõ tâng tốp sa-âm. ¹⁶ Nhơ tẽ plõ, dù ramúh têq ratót parnoi, chơ cõt muoi tở. Khãn dù ramúh nãi ma táq pĩeiq, ki têq nheq tở cõt bán rêng cốp toâr achõn, manoaq ayooq manoaq.

Ngê Tamái Tẽ Crít

¹⁷ Ngkíq cứq sễq atõng cốp sươq anhia nhơ tẽ Ncháu hái, anhia chõĩ táq pỡq nõng ariang cũai tở yũah sa-âm. Alói ki puai ngê alói bũm, la ngê tở bũn cõt kia ntróu. ¹⁸ Mút pahõm alói samoât canám, yuaq alói ốt yõng tẽ ngê tamooq tẽ Yiang Sursĩ. Alói tở bũn dáng tẽ ngê ki, yuaq mút alói cõt coang ngian. ¹⁹ Alói tở dáng casiet nõng, chơ alói táq cu

ramúh sâuq tam pahõm alói sâng yoc.

²⁰⁻²¹ Ma anhia, lữq anhia khoiq tamũng parnai tẽ Crít, cốp anhia khoiq rien tẽ án, chơ anhia tở bũn táq ngkíq. Yuaq tâng Yê-su bũn ống ọc pĩeiq sâng. ²² Ngkíq cốp anhia táh chíq ngê tiaq, la ngê anhia dõq puai tẽ nhũang. Bo ki mút anhia phẽq yỗn anhia sâng yoc ẽ táq ranáq sarnoah tở bũm. ²³ Ma sanua cốp anhia cõt tamái loah tâng mút pahõm anhia. ²⁴ Chơ cốp anhia ỉt ngê tamái ẽn, cõt samoât Yiang Sursĩ ca tẽng hái, cốp táq ranáq tanoang o puai ngê pĩeiq tẽ án.

²⁵ Ngkíq, anhia chõĩ táq ntõng lauq nõng. Dù náq anhia cốp táq ntõng ọc pĩeiq sâng cốp yóu anhia, yuaq hái la parnoi nheq tâng tốp Yê-su Crít. ²⁶ Toâq anhia sâng cutâu mút, chõĩ yỗn mút cutâu radũng anhia táq ranáq lỏih. Cốp chõĩ dõq mút pahõm cutâu toau toâq tangái parnõ. ²⁷ Chõĩ pớh rana yỗn yiang Satan têq radũng anhia táq ranáq lỏih. ²⁸ Án ca dõq tutuoiq, cốp án chõĩ tutuoiq nõng. Ma cốp án chuaq ranáq táq yỗn bũn dù tâc khám cha, cốp têq án chuai cũai túh cadĩt hữ. ²⁹ Chõĩ yỗn parnai sâuq lỏih tẽ bõq anhia. Ma cốp anhia pai ống parnai chuai yóu, cốp parnai cõt kia yỗn alói ca tamũng.

³⁰ Chõĩ táq yỗn Raviei Yiang Sursĩ sâng ngua tẽ anhia, yuaq Raviei Yiang Sursĩ ốt cốp anhia la cõt tếc Yiang Sursĩ rườh anhia dõq nõ-ra anhia bũn ốt cốp án. ³¹ Cốp anhia táh chíq ọc anhia dõq ũan, cốp ọc anhia sâng nsóq cốp cutâu. Cốp cốp anhia táh chíq casang bõq, pai yóu, cốp kêt cũai canõh. ³² Cốp anhia chuai yóu, bũn mút lamên chỏq yóu, cốp táh

lôi h yếu táq chók anhia, machóng Yiang Sursĩ khoi q táh lôi h anhia như tể Crít.

5

Ôt Tâng Poang

¹ Ngkíq cóq anhia tũoi q Yiang Sursĩ samoât con tũoi q mpoaq ca ayooq lứq án. ² Nheq đỏi tamoong anhia, cóq anhia ayooq níc, samoât Crít ayooq hái. Án chiau sang tồ án, cõt samoât cróng noau chiau sang yõn Yiang Sursĩ êq Yiang Sursĩ sâng phuom, yõn hái cõt ratoi loah cóp Yiang Sursĩ.

³ Anhia chõĩ chanchóm tâng mút yoc ẽ bẻq parnoi khân tở cõn lacuoi cayac, tở la táq ranáq nhợp apô, tở la ham cróng noau. Lứq ranáq ki tở bữn p̄ieiq yõn cũai ca Yiang Sursĩ đốq miar khong án. ⁴ Anhia chõĩ táq ntõng santoi q sarmũaq, santoi q yủh, cóp santoi q tở cõt rayám. Ma cóq anhia táq ntõng parnai sa-õn Yiang Sursĩ. ⁵ Têq anhia dáng samoât samõi neq: Pái ramứh cũai nâi tở têq chõng mun tâng tốp Yiang Sursĩ cóp Crít sớt. Muoi, cũai ca tở bữn lacuoi cayac ma bẻq parnoi. Bar, cũai đốq táq nhợp apô. Pái, cũai ham, yuaq cũai ham la samoât án puai yiang canõh. ⁶ Chõĩ yõn cũai aléq phẻq anhia atõng parnai tở cõt ốc. Lứq samoât cõ tian máh ramứh nâi, Yiang Sursĩ sâng cutâu mút lứq chók cũai ca tở bữn trĩh án. ⁷ Cóq anhia viaq yợng tể cũai đốq táq ngkíq.

⁸ Tể nhũang, anhia coi ốt tâng ntốq canám, ma tữ anhia sa-âm Ncháu anhia ốt tâng ntốq poang ên. Ngkíq cóq anhia táq pởq sanốq anhia ốt tâng ntốq poang. ⁹ Máh ramứh noau táq tâng ntốq poang la ramứh o, ramứh

tanoang, cóp ramứh p̄ieiq. ¹⁰ Cóq anhia chi-chuaq yõn dáng máh ramứh ca táq yõn Ncháu hái sâng bũi pahõm. ¹¹ Anhia chõĩ ốt cóp cũai đốq táq ranáq tở bữn cõt kia, ariang noau táq tâng ntốq canám. Ma cóq anhia apáh máh ranáq ki. ¹² Máh ramứh alỏi táq cutooq ki, la hái sâng casiet tở ẻq đẻh pai. ¹³ Nheq máh ranáq cũai đốq táq, toâq noau apáh máh ranáq ki tâng ntốq poang, têq hái hữm o ma tở bữn. ¹⁴ Cóp máh ramứh hái hữm tâng ntốq poang ma o, ki lứq samoât o. Ngkíq noau pai: “Tamỡ anhia ca bẻq, tamoong anhia ca khoi q cuchĩt. Chơ Crít aclaq poang yõn anhia.”

¹⁵ Ngkíq cóq anhia táq yõn carsiat đỏi tamoong anhia. Chõĩ táq samoât cũai sacũl, ma cóq anhia táq samoât cũai rangoai q. ¹⁶ Khân anhia hữm ranáq o ntróu anhia têq táq, ki o yõn anhia táq toâp, yuaq hái dáng đỏi nâi lứq sâuq. ¹⁷ Anhia chõĩ sacũl, ma cóq anhia tutuai q yõn dáng raloaih ranáq ntróu Yiang Sursĩ yoc anhia táq. ¹⁸ Anhia chõĩ bũl blõng, táq rúng tở anhia bữm. Ma cóq anhia yõn Raviei Yiang Sursĩ cõt sớt tâng mút pahõm anhia. ¹⁹ Toâq anhia táq ntõng parnoi, cóq anhia talẻq máh parnai khẽn Yiang Sursĩ cóp máh cansái ủat khẽn án. Cóq anhia ủat cóp cóp sâng bũi pahõm toâq anhia khẽn Ncháu. ²⁰ Cóp cóq anhia sa-õn níc Yiang Sursĩ, Mpoaq hái, đũ ramứh ntróu án yõn pở anhia. Cóq anhia sa-õn án như ramứh Yê-su Crít, Ncháu hái.

Ổc Patâp Yõn Lacuoi Cóp Cayac

²¹ Cóq anhia manoaq ít pahõm manoaq, cõ anhia yám noap Crít. ²² Anhia ca lacuoi, cóq anhia ít pahõm cayac anhia, samoât anhia ít pahõm Ncháu hái tể.

²³ Yuaq cayac cõt plõ yõn lacuoi án, samoât Crît cõt plõ yõn máh tốp sa-âm. Lứq Crît toáp chuai amoong tở án, la tốp sa-âm.
²⁴ Máh ki tê cóq lacuoi ít pahõm cayac án, samoât tốp sa-âm ít pahõm Crît.

²⁵ Cóp anhia ca cayac, cóq anhia ayooq lacuoi anhia machóng Crît ayooq tốp sa-âm. Án chiũq cuchit tở án bữm tang yõn tốp sa-âm.
²⁶ Án táq ngkiq dỏq yõn tốp sa-âm cõt miar khong Yiang Sursĩ cóp yõn mút pahõm alói cõt bráh na dỏq,* nhơ tễ parnai án atõng.
²⁷ Ngkiq nõ-ra Crît ẽ ít bữm tốp ki, án yoc alói nêuq o, bráh briel, cóp ỏq bân tanĩq, samoât tatoam ẽ ít lacuoi ca tở bữn sễl padíq, sangot sangĩu, tở la bữn muoi ramứh canõh tở bữn o. ²⁸ Máh ki tê, cóq cayac ayooq lacuoi án samoât án ayooq tở án bữm. Án ca ayooq lacuoi, lứq án ayooq tở án bữm.
²⁹ Tở nai bữn cũai ma kêt tở án bữm. Án chừm siem cóp asa tở án. Machóng ki tê Crît táq cóp tốp sa-âm, ³⁰ yuaq hái la samoât tở án. ³¹ Tâng parnai Yiang Sursĩ tễ mbỏq noau khoiq chĩc neq:

“Yuaq ỏc ki cũai samiang cóq yoah tễ mpiq mpoaq, chơ ớt parnoi cóp lacuoi án; ngkiq alói bar náq cõt máh manoaq sâng.”[☆]

³² Parnai nài bữn ngê yarũ lứq, ma cứq atõng tễ Crît cóp tốp sa-âm. ³³ Ma ngê nài atõng tễ lacuoi cayac tê. Cayac cóq ayooq lacuoi samoât án ayooq tở án bữm. Cóp lacuoi cóq yám noap cayac án.

6

Con Cóp Mpoaq

¹ Anhia ca con, cóq anhia trĩh mpiq mpoaq anhia, cở Yiang Sursĩ yoc anhia táq ngkiq. Ớc ki, lứq p̄ieiq yõn anhia táq. ² Yiang Sursĩ patâp tễ mbỏq neq:

“Cóp anhia yám noap mpiq mpoaq anhia.”[☆]

Ớc patâp nài la patâp dâu lứq ca Yiang Sursĩ pruum yõn ỏc bốn. Án pai neq:

³ “Cứq yõn anhia táq p̄ỏq ien khẽ, cóp ớt cóng tamoonq dũn tâng cốc cutẽq nài.”

⁴ Anhia ca mpoaq, anhia chỏi ra-ac con anhia yõn alói sâng nsỏq, ma cóq anhia rabán o alói yõn trĩh cóp puai ngê Ncháu.

Sũl Cóp Ncháu

⁵ Anhia ca cũai sũl, cóq anhia trĩh máh cũai ncháu anhia tâng dỏi nài. Cóq anhia ngcõh cóp yám noap alói nheq tễ mút pahõm. Cóp cóq anhia trĩh alói machóng anhia trĩh Crît tê. ⁶ Anhia chỏi táq ranáq o yáng moat alói sâng, ẽq alói khẽn anhia. Ma cóq anhia táq samoât sũl Crît, táq nheq rangứh rahõ máh ranáq Yiang Sursĩ yoc anhia táq. ⁷ Cóq anhia táq bũi o yuaq anhia táq yõn Yiang Sursĩ, tở bữn yõn cũai, ⁸ yuaq anhia dáng máh ranáq o anhia táq, lứq anhia bữn cóng tễ Yiang Sursĩ, cũai sũl tở la tở bữn sũl puai ranáq án táq.

⁹ Cóp anhia ca ncháu, cóq anhia táq machóng ki tê chỏq sũl anhia. Anhia chỏi canứh alói. Yuaq alói cóp anhia chớng muoi Ncháu tâng paloõng, án ca rasừq cũai machóng nheq.

Cơng Choac Tễ Yiang Sursĩ

¹⁰ Santoiq parsỏt nài la neq: Nhơ chớc rêng lứq tễ Ncháu hái, cóq anhia cõt rêng lứq tâng

* 5:26 5:26 'na dỏq' la noau roap batẽm. ☆ 5:31 5:31 Saráq Tễ Dâu 2:24 ☆ 6:2 6:2 Loõh Tễ Ê-yip-tô 20:12; Patâp Loah 5:16

mút pahôm anhia. ¹¹ Cóg anhia thữan yỗn dũ máh crơng choac tễ Yiang Sursĩ, đợc anhia rachĩl riap máh ngê pla yiang Satan yoc ễ táq anhia. ¹² Lứq hái tở bữn rachĩl cớp cũai, ma hái rachĩl cớp máh ramứh sớt, ramứh chớc, ramứh pla, cớp máh yiang sấuq tâng cớc cutểq nài cớp tâng paloong. ¹³ Ngkíq cớq anhia ỉt máh crơng choac Yiang Sursĩ chuai yỗn anhia. Chơ toâq tangái rachĩl tềq anhia riap, cớp moâm anhia chĩl, anhia tềq tayúng táng.

¹⁴ Cóg anhia ỉt ngê pñeiq tễ Yiang Sursĩ, samoât tahan sacáp tac tâng ngkĩng án. Cóg anhia ỉt ngê tanoang o, samoât tahan sớp au tac. ¹⁵ Cóg anhia ỉt ngê yoc ễ dững parnai o tềq hái ớt ratoi loah cớp Yiang Sursĩ, samoât tahan sớp cớp tac. ¹⁶ Cóg anhia ỉt ngê sa-âm, samoât tahan dững khểl. Ngkíq anhia tềq pupât chíq máh saráh ùih yiang sấuq yoc ễ táq anhia. ¹⁷ Cóg anhia ỉt ngê Yiang Sursĩ chuai amoong anhia, samoât tahan tapúng muoc tac tâng plở. Cóg anhia dững parnai Yiang Sursĩ, samoât tahan dững dau. Parnai ki la samoât dau tễ Raviei Yiang Sursĩ. ¹⁸ Cóg anhia câu níc máh parnai Raviei Yiang Sursĩ yỗn anhia câu. Anhia chổi aloah câu, ma cớq anhia kĩaq samoât samoi. Cớp cớq anhia câu chuai máh cũai ca sa-âm. ¹⁹ Sểq anhia câu chuai cứq tề toâq cứq ễ táq ntởng, yỗn cứq dáng parnai ntróu cứq atởng, yỗn cứq atởng clốq lứq parnai cutooq tễ Yiang Sursĩ. ²⁰ Cứq la cũai atoâq parnai yỗn Yiang Sursĩ. Cỗ cứq dững parnai ki yuaq noau chốq cứq tâng cuaq. Ma cứq sểq anhia câu chuai cứq, yỗn cứq tềq táq ntởng parnai ki clốq lứq, máh cứq cớq atởng.

Phau-lô Cubán Alói

²¹ Máh ramứh ca toâq pở cứq, lứq Ti-chacơ tềq atởng yỗn anhia dáng. Ti-chacơ la sểm ai cứq ayooq lứq, cớp án sarâng lứq táq ranáq Yiang Sursĩ. ²² Cứq yỗn án toâq pở anhia đợc án atởng anhia máh ramứh ntróu toâq pở hểq, cớp đợc yỗn án aliam mút pahôm anhia tề.

²³ Cứq sểq Yiang Sursĩ, Mpoaq hái, cớp Yê-su Crít, Ncháu hái, yỗn nheq máh cũai sa-âm bữn ớt bán sũan ien khể, cớp bữn mút pahôm ayooq cớp sa-âm. ²⁴ Cứq sểq Yiang Sursĩ chuai miat nheq tữh cũai ca ayooq Yê-su Crít, Ncháu hái, tở nai cốt pút.

Choaiq Thờ Phau-lô Chĩc Yõn Cũai Tâng Vil Phi-lip Santoiq Atõng

Phau-lô chĩc choaiq thờ nãi cõiq sa-óh tốp sa-âm tâng vil Phi-lip. An chĩc sám 63 cumo ntun Yê-su canõt. Bo ki, Phau-lô õt từ tâng vil Rô-ma. Phau-lô cõiq thờ sa-óh tốp sa-âm tâng vil Phi-lip đõq sa-õn tẽ máh crõng alõiq khoiq chuai án bo án ốq lứq.

Choaiq thờ nãi, apáh Phau-lô ayooq lứq tốp sa-âm tâng vil Phi-lip. Ngkĩq Phau-lô chĩc đõq anhoac-anhoai tốp sa-âm tâng vil Phi-lip yõn dáng asẽng tỗ, machõng Yê-su Crĩt khoiq táq chơ. Chõĩ õt, cõp chõĩ mumat yóu.

Phau-lô atõng yõn alõiq dáng alõiq bữn roap ốc tamoong mantái cõ nhơ ốc chuai miat tẽ Yiang Sursĩ, tỡ cõn cõ alõiq táq puai phẽp rit cũai I-sarel. Choaiq thờ nãi atõng tẽ ốc bũi hỡr, ốc ien khẽ, cõp ốc chũuq tanhữr tâng đõĩ tamoong.

¹ Cũq la Phau-lô chĩc choaiq thờ nãi cõiq sa-óh nheq tũh cũai sa-âm tâng vil Phi-lip, dẽh alõiq ca táq sõt tâng tốp sa-âm, cõp alõiq ca táq ranáq chuai cũai sõt tâng tốp sa-âm. Cõp bữn dẽh Ti-muthê cõiq sa-óh anhia tẽ. Hẽq bar náq la cũai ca pruam táq ranáq yõn Yê-su Crĩt. ² Cũq sẽq Yiang Sursĩ, Mpoaq hái, cõp Yê-su Crĩt, Ncháu hái, chuai miat anhia cõp yõn anhia õt bán sũn ien khẽ níc.

Phau-lô Câu Yõn Cũai Phi-lip

³ Toáq cũq chanchóm tẽ anhia, cũq sa-õn Yiang Sursĩ, ca cũq

sang. ⁴ Cõp bo cũq câu yõn anhia, ki mút pahõm cũq sâng bũi lứq, ⁵ yuaq anhia khoiq pruam muoi mút cõp cũq táq ranáq atõng parnai o tẽ Yê-su Crĩt, tẽ tangái anhia mbõiq sa-âm toau toáq tangái nãi. ⁶ Ngkĩq, cũq dáng lứq samoát, Yiang Sursĩ, án ca khoiq táq ranáq o nãi tâng mút pahõm anhia, lứq án táq níc toau yõn moám tâng tangái Yê-su Crĩt chu loah pỡ cõc cutẽq nãi.

⁷ Lứq pĩeiq cũq chanchóm ngkĩq tẽ anhia, yuaq mút pahõm cũq ayooq lứq nheq tũh anhia. Yiang Sursĩ khoiq chuai miat cũq yõn rơi chũuq sa-ũĩ ramũh túh coat, cõ yoc ẽ táq ranáq án. Cõp anhia chũuq parnoi cõp cũq nheq ramũh ki tẽ bo cũq õt tâng cuaq tũ, cõp bo cũq atõng parnai o tẽ Yê-su Crĩt, tỡ la cũq õt tayũng yáng moat cũai sõt yõn alõiq blõh cũq. ⁸ Lứq Yiang Sursĩ dáng cũq ayooq lứq nheq tũh anhia machõng mút pahõm Yê-su Crĩt ayooq anhia tẽ.

⁹ Cũq câu máh ốc nãi yõn anhia: Cũq sẽq Yiang Sursĩ yõn anhia manoaq ayooq manoaq cu rangái sa-ũĩ hõn ẽn. Cõp muoi prõh ki, cũq sẽq án yõn anhia bữn mút rangoaiq, cõp yõn anhia tẽq dáng ngẽ aléq la o cõp ngẽ aléq tỡ bữn o, ¹⁰ yõn anhia tẽq ruroh ngẽ o clũĩ nheq tẽ canõh. Ngkĩq, toáq tangái Crĩt chu loah pỡ cutẽq nãi anhia tỡ bữn cutooq ốc sãuq ntróu tâng mút anhia, cõp tỡ bữn noau tẽq tẽq anhia táq lõih. ¹¹ Cũq yoc anhia bữn moang ốc tanoang o sâng tâng pahõm anhia. Ông Yê-su Crĩt toáp tẽq yõn anhia bữn máh ốc ki. Chơ cũai canõh bữn yám noap cõp khẽn Yiang Sursĩ.

Phau-lô Ớt Từ Cõt Kia Yõn Tốp Sa-âm

12 Sễm ai ơ! Cựq yoc anhia dáng máh ốc túh coat ca toâq pở cứq, máh ốc ki khoiq chuai cứng cũai ễn yỗn mut sa-âm Yê-su Crít. 13 Ngkíq, nheq tữh cũai tahan ốt đổng puo, cốp nheq tữh cũai canốh hỡ, nheq tữh alóí ki dáng cứq ốt tữ yuaq cứq táq ranáq Crít. 14 Cốp cồ cứq ốt tữ, bữn cứng lứq sễm ai hái sa-âm Ncháu hái pacái lứq ễn. Chơ alóí sâng clóq lứq ễn atống parnai o tễ Yiang Sursĩ. Alóí tở bữn ngcốh ntróu.

15 Lứq samoât, bữn máh cũai atống tễ ngê Crít cồ alóí yoc ễ cốt toâr, cốp yoc ễ rasuon sâng. Ma bữn đễh cũai ca atống tễ ngê Crít cồ alóí bữn mút ễ táq o. 16 Alóí nâi atống ngkíq cồ alóí bữn mút ayooq lứq cứq, cốp alóí dáng Yiang Sursĩ yỗn cứq táq ranáq atống parnai o tễ Yê-su Crít toâq cũai blốh cứq tễ ngê ki. 17 Ma tốp ca yoc ễ rasuon ki, alóí atống ngê Crít, ma tở bữn lứq samoât. Alóí atống ngê ki cồ alóí yoc ễ raching ngê cốp cứq, cốp alóí chanchóm ễ táq coat yỗn cứq bo cứq noâng ốt tữ nâi.

18 Ma tở bữn ntróu ốc ki. Cựq sâng bũi lứq bữn cũai atống tễ ngê Crít, tam alóí ki bữn mút p̄ieiq tở la tở bữn p̄ieiq. Cốp cứq dáng nỡ-ra cứq noâng sâng bũi. 19 Yuaq cứq dáng cồ anhia câu yỗn cứq, cốp cồ Raviei Yê-su Crít chuai cứq, ki nỡ-ra noau acláh cứq tễ cuaq nâi. 20 Mút pahõm cứq sâng tở ếq táq muoi ramũh ntróu yỗn cứq sâng casiet. Ma cứq yoc lứq yỗn mút pahõm cứq cốt clóq atống tễ ngê Crít sanua, machống cứq khoiq atống tễ nhũang. Cựq yoc lứq yỗn cũai canốh bữn yám noap Crít cồ n्हơ tễ cứq, tở bữn ntróu cứq cuchĩt tở la tamooong. 21 Khân cứq tamooong,

la cứq puai rangũh Crít sâng; ma khân cứq cuchĩt, ốc nâi la o hỡn ễn yỗn cứq. 22 Ma khân tồ cứq noâng tamooong tâng đởi nâi, cứq dáng ranáq cứq táq lứq bữn kia. Ngkíq, cứq tở dáng ruroh ngê ntróu. 23 Bữn bar ngê cứq yoc. Muoi la cứq yoc cuchĩt yỗn tềq cứq pởq ốt cốp Crít. Nâi la o lứq yỗn cứq. 24 Bar la cứq yoc noâng tamooong tâng đởi nâi. Nâi la o lứq yỗn anhia. 25 Yuaq ốc ki, cứq dáng samoât samoi cứq noâng ốt cốp anhia tâng đởi nâi đởq chuai anhia sa-âm sa-ữi lứq ễn, cốp đởq yỗn anhia sâng bũi ỗn. 26 Ngkíq, bo cứq toâq loah pở anhia, tềq anhia khễn Yê-su Crít sa-ữi lứq ễn cồ tễ cứq.

27 Cốc anhia táq pởq yỗn p̄ieiq níc, yuaq anhia la cũai puai parnai o tễ Yê-su Crít. Ngkíq, khân cứq toâq pở anhia, tở la tở bữn toâq, cứq dáng anhia ốt muoi mút, cốp sa-âm pacái máh parnai o tễ Yê-su Crít, đễh anhia pruam táq cutống lứq yỗn cũai canốh tềq sa-âm parnai ki. 28 Anhia chổi ngcốh máh cũai yoc ễ táq anhia. Khân anhia tở bữn ngcốh cũai ễ táq anhia, nâi la tếc yỗn alóí dáng nỡ-ra Yiang Sursĩ lứq pupút alóí, cốp án yỗn anhia tamooong mantái níc. 29 Lứq Yiang Sursĩ khoiq ruroh anhia yỗn táq ranáq Crít, ma án tở bữn yỗn anhia sa-âm sâng. Lứq án yỗn anhia chũuq túh coat tề cồ tian anhia puai ngê Crít. 30 Sanua anhia chũuq túh coat machống anhia khoiq hữm cứq chũuq tễ nhũang, cốp machống anhia sâng noau pai cứq noâng chũuq sanua tề.

2

Cốc Anhia Tũoiq Crít

1 Ngkíq, khân Crít atống chuai anhia cồ anhia ốt muoi mút cốp

án, cốp khân án ayooq aliam anhia, cốp khân Raviei Yiang Sursĩ ốt parnoi cốp anhia, cốp khân Crĩt sâng sarũiq ayooq táq anhia, ² ngkiq cốp anhia pruum muoi mút, pruum ayooq, pruum táq parnoi, cốp pruum puai muoi ngê yõn cúq bũn moang ọc bũi níc. ³ Anhia chõĩ táq ranáq ntróu ma tampõr yoc ẽ puai rangúh anhia bũm, tở la ẽq noau khẽn anhia. Ma cốp anhia bũn mút tở ẽq noau khẽn anhia, cốp cốp anhia ít mút pahõm yóu cốp noap alói o hõn tẽ anhia. ⁴ Anhia chõĩ chuaq ẽq yõn bũi pahõm anhia bũm, ma cốp anhia chuaq ẽq yõn bũi pahõm cũai canõh hỡ.

⁵ Cốp anhia bũn muoi mút muoi pahõm cốp Yê-su Crĩt. ⁶ Yê-su Crĩt la machóng thánq Yiang Sursĩ, ma án tở bũn pasẽq chóc án lĩ-ralĩ cốp Yiang Sursĩ. ⁷ Ngkiq án táh bũm chóc án, cốp cõt machóng cũai tê. Bo ki án cõt samoát riang cũai sũl ẽn. ⁸ Bo án cõt cũai, án tở bũn ốt án la Con Yiang Sursĩ, ma án trĩh ngê Yiang Sursĩ samoát samoi toau án chũuq cuchĩt tâng aluang sangcáng. ⁹ Yuaq ngkiq, Yiang Sursĩ yõn án cõt sõt toâr lứq, cốp yõn án bũn ramúh o clũri nheq tẽ canõh. ¹⁰ Yiang Sursĩ táq yõn dũ ramúh tâng paloõng, tâng cốc cutẽq, cốp tâng pũn cutẽq, toâq alói sâng ramúh Yê-su, cốp alói sacõh racól sang án. ¹¹ Cốp dũ náq cũai cốp ngin Yê-su Crĩt la Ncháu. Ngkiq noau bũn khẽn Yiang Sursĩ, Mpoaq hái.

Cốp Anhia Táq Ranáq O, Yuaq Yiang Sursĩ Khoiq Chuai Amoong Anhia

¹² Yóu cúq ơi! Bo cúq ốt cốp anhia, anhia khoiq trĩh níc san-toiq cúq. Sanua cúq ốt yong tẽ anhia. Ma cúq sẽq anhia trĩh parnai cúq atõng hõn tẽ nhũang

ẽn. Cỗ Yiang Sursĩ khoiq chuai amoong anhia, ngkiq cốp anhia táq níc ranáq án. Cốp cốp anhia ngcõh cốp yám noap án. ¹³ Anhia tẽq táq ngkiq, yuaq Yiang Sursĩ toâp radũng mút pahõm anhia sâng yoc ẽ táq cốp roi táq yõn bũi pahõm Yiang Sursĩ.

¹⁴ Dũ ranáq anhia táq, cốp anhia chõĩ bubéq-bubũp cốp chõĩ rasuon. ¹⁵ Ngkiq anhia cõt con Yiang Sursĩ, ca tở bũn lõih yáng moat án, cốp tở bũn noau tẽq pai anhia táq sâuq. Khân anhia táq ngkiq, anhia la ariang mantõr claq tâng sadâu, yuaq dõĩ anhia la loâi lứq cốp cũai yoc ẽ puai níc ngê sâuq. ¹⁶ Anhia táq yõn alói dáng tê parnai tẽq yõn alói bũn tamooong mantái. Ngkiq, toâq tangái Crĩt chu loah pỡ cutẽq nãi, cúq tẽq sâng bũi lứq, yuaq máh ranáq cúq khoiq táq nheq rangúh rahỡ cúq la cõt kia sa-ũĩ lứq. ¹⁷ Anhia khoiq sa-âm ngê Yiang Sursĩ chơ. Ngkiq anhia la samoát riang crong noau chiau sang yõn Yiang Sursĩ. Khân cúq ma cốp chũuq cuchĩt cõ cúq atõng anhia parnai tẽ Yê-su Crĩt, ki aham cúq la samoát dõq noau dõq hĩng tâng crong noau ẽ chiau sang yõn Yiang Sursĩ. Khân ngkiq, ki cúq bũn ọc bũi lứq parnoi cốp anhia. ¹⁸ Cốp cúq ẽq anhia sâng bũi parnoi cốp cúq tê tẽ ọc ki.

Phau-lô Atõng Tẽ Ti-muthê Cốp Ep-aprôt

¹⁹ Khân Ncháu Yê-su yõn, ki cúq ón Ti-muthê cháĩ toâq pỡ anhia yõn cúq bũn dáng dũ ramúh tẽ anhia yõn cúq sâng bũi pahõm tê. ²⁰ Tở bũn noau pruum muoi mút cốp cúq lua cút yõn anhia ariang Ti-muthê. ²¹ Nheq tũh cũai puai rangúh alói bũm. Alói tở bũn puai rangúh Yê-su Crĩt. ²² Ma anhia khoiq dáng chơ mút pahõm

Ti-muthê. Cóp anhia dáng hếq bar náq la ariang con cóp mpoaq táq parnoi atông tể ngê Yê-su Crít. ²³ Ngkíq, toâq cóq dáng raloaih ọc ntróu noau ể táq cóp cóq, ki cóq ngcuang yỗn Ti-muthê cháit toâq pở anhia. ²⁴ Cóp khân Ncháu hái chuai yỗn cóq, ki cóq nchóm tở bữn đũn noâng cóq pởq pở anhia tể.

²⁵ Ma sanua cóq chanchóm p̄ieiq cóq cóq ớn Ep-aprôt chu loah pở anhia. Án la sểm ai hái, cóp án táq ranáq parnoi cóp cóq. Hếq bar náq ariang tahan ốt muoi tốp. Cóp án la ranêng ca anhia ớn toâq chuai cóq, tể đũ ramúh cóq yoc ể bữn. ²⁶ Án ểr áiq lứq yoc ể ramóh loah anhia, cóp án sanhữ níc anhia, yuaq án dáng anhia khoiq sâng chơ án cõt a-ĩ. ²⁷ Lứq samoât án a-ĩ khoiq mán ể cuchít. Cóp cóq sâng ngua lứq bo ki. Ma Yiang Sursĩ khoiq ayooq táq án. Cóp Yiang Sursĩ khoiq ayooq táq cóq hữ bo án táq bán Ep-aprôt yỗn cóq tở bữn sâng ngua tữm ển. ²⁸ Ngkíq, cóq ớn án pởq toâp pở anhia, đọq anhia sâng bũi toâq hữm loah án, cóp ọc cóq ngua cõt taiq bĩq tể. ²⁹ Cóp anhia roap tabởp tabéh o án, machóng anhia đọq tabởp tabéh máh cũai sa-âm Ncháu hái. Cóp cóq anhia yám noap máh cũai táq ariang Ep-aprôt, ³⁰ yuaq án mán cuchít cõ án táq ranáq Crít. Án tở bữn pasếq ntróu rangúh án, đọq tềq tang anhia táq ranáq chuai cóq.

3

Ngê Tanoang O

¹ Parsót thánq, sểm ai oi, cóq patâp yỗn anhia bữn mút pahỡm sâng bũi níc cõ anhia ốt muoi mút cóp Ncháu hái. Cúq tở bữn sâng lakéh ntróu chĩc loah máh ngê nãi yỗn anhia, yuaq ngê nãi la o yỗn

anhia. ² Cóp anhia viaq tể cũai táq ranáq sâuq, alóit ca ớn anhia cóq táq rít cút. Alóit ki la riang acho. ³ Lứq hái la cũai puai ngê Yiang Sursĩ samoât samoi, tở bữn ntróu hái táq rít cút táq tểc tâng tở, tở la tở bữn táq. Hái sang Yiang Sursĩ cõ nhơ tể Raviei án. Cóp hái sâng bũi ớn lứq cõ hái ốt muoi mút cóp Yê-su Crít. Hái tở bữn puai ngê cũai, chơ chanchóm hái ốt o yáng moat Yiang Sursĩ cõ tể ranáq hái táq bữm.

⁴ Khân cóq yoc ể khễn tở cóq bữm, ki tềq cóq pai neq: Cúq khoiq trĩh phếp rit I-sarel hỡn tể cũai canóh. ⁵ Bo mpiq cóq mbởiq sết cóq bữn tacual tangái, mpiq mpoaq cóq đũng yỗn noau táq rít cút yỗn cóq. Cúq la cũai I-sarel tể tốp Ben-yamin, cõt con cũai I-sarel lứq samoât. Cúq la tể tốp Pha-rasi ca puai samoât lứq phếp rit Yiang Sursĩ yỗn na Môise. ⁶ Cúq khoiq ểr áiq lứq yoc ể táq ranáq Yiang Sursĩ. Ngkíq, cóq khoiq cốp chíq máh cũai sa-âm Yê-su Crít, cóp táq alóit. Khân atông tể máh ranáq cũai táq yoc ể ốt tanoang o yáng moat Yiang Sursĩ cõ puai phếp rit Môise, ki tở bữn noau tềq tềq cóq táq lóih ntróu.

⁷ Tể nhũang, cóq nchóm máh ranáq ki la cõt kia yỗn cóq, ma sanua cóq nchóm tở bữn o ntróu máh ramúh ki, yuaq cóq yoc ể cõt muoi mút cóp Crít ển. ⁸ Lứq samoât, cóq hữm đũ ramúh canóh la sâuq nheq, khân mpha tể ngê Yê-su Crít. Ma cóq ốt muoi mút cóp Yê-su Crít, Ncháu cóq; ramúh ki la o cũi tể nheq ramúh canóh. Lứq samoât cóq hữm đũ ramúh canóh cõt samoât crớng nhơ; chơ cóq yoc ể táh toâp, yỗn tềq cóq ốt muoi mút cóp Crít. ⁹ Cóp cóq yoc ể puai

muoi ngê cốp án. Cúq tớ bữn ốt tanoang o yáng moat Yiang Sursĩ cồ cúq trĩh phếp rit Mòi-se, ma cúq ốt tanoang o yáng moat án la cồ cúq sa-âm Crĩt. Yiang Sursĩ toáp táq yỗn cũai tềq ốt o yáng moat án cồ alóỉ sa-âm. ¹⁰ Cúq ềr áiq lứq yoc ề dáng Crĩt, cốp chớc ca khoiқ chuai yỗn án tamoong loah tề cuchĩt. Cúq yoc ề chớng tề máh ramứh túh coat án chĩuq. Cốp cúq yoc ề bữn tề mút pahõm mảchớng án bữn bo án chĩuq cuchĩt; ¹¹ chớ cúq nguang tềq tamoong loah tề cuchĩt tề.

¹² Cúq tớ bữn pai cúq bữn máh ramứh ki chớ, tớ la cúq khoiқ bữn mút pahõm tớ bữn lờih ntrớu noâng. Ma lứq cúq táq cutóng níc yoc ề bữn ốc ki, yuaq Yê-su Crĩt khoiқ arô cúq yỗn bữn muoi mút cốp án. ¹³ Sễm ai ơi! Cúq tớ bữn chanchớm cúq khoiқ bữn mút pahõm ngkĩq chớ. Ma bữn muoi ramứh nài cúq táq: Cúq tớ bữn nchớm noâng tề máh ramứh ca khoiқ vớ, ma cúq yoc ề bữn máh ramứh cúq tớ yũah bữn. ¹⁴ Ngkĩq, cúq táq cutóng níc ariang cúq tamplĩng lủh. Chớ cúq lủh tanoang lứq yỗn cháỉ toáp, yuaq cúq yoc ề bữn cớng tamplĩng ỉn Yiang Sursĩ khoiқ ữq yỗn alóỉ ca lủh pĩeiq. Cớng nài, Yiang Sursĩ arô cúq yỗn ốt parnoi cốp án nhớ tề Yê-su Crĩt.

¹⁵ Ngkĩq, nheq tửh hái ca sa-âm dũn chớ, cớq hái pruam muoi mút, chanchớm tề ngê ki. Ma khân bữn cũai chanchớm mpha tề ngê ki, nỡ-ra Yiang Sursĩ lứq sapáh yỗn án dáng raloaih tề ngê ki tề. ¹⁶ Ma tớ bữn ntrớu ốc ki, Ngê ntrớu hái khoiқ dáng chớ tề Yiang Sursĩ, cớq hái puai níc ngê ki yỗn samoat samoi.

Phau-lô Yoc Cũai Phi-lip Tũoiq

Riang Án

¹⁷ Sễm ai ơi! Cúq sễq anhia tũoiq riang cúq tề. Bữn cũai puai hếq, samoat hếq la ngól. Cớq anhia nhêng cốp táq mảchớng cũai ki tề. ¹⁸ Cúq khoiқ atống anhia sa-ữi trố chớ, cốp sanua cúq sâng yoc ề nhiam atống loah yỗn anhia sĩa neq: Bữn clứng cũai yoc ề pupứt nheq máh ngê atống tề Crĩt cuchĩt tâng aluang sangcáng. ¹⁹ Nỡ-ra Yiang Sursĩ pupứt chíq máh cũai ki. Alóỉ puai máh ngê sâng tề tồ alóỉ sâng yoc. Ngkĩq máh ngê ki cớ, riang yiang alóỉ. Bo alóỉ táq ranáq sâng, alóỉ khễn tồ alóỉ bữm, ma máh cũai canỏh, ki alóỉ sâng casiet táq ranáq ki. Alóỉ ki chanchớm óng ngê tâng đỏi nài sâng. ²⁰ Ma hái, hái la cũai proai cruang Yiang Sursĩ sớ, tâng paloống. Cốp hái nguang níc Ncháu hái, Yê-su Crĩt, toáp loah tề paloống yỗn táq moám ranáq chuai amoong hái. ²¹ Tangái ki án táq yỗn tồ hái cớ chíq tamái ề. Tồ hái sanua la tớ bữn o ntrớu, ma tồ tamái ki cớ ang-ữr ariang tồ Yê-su tề. Yê-su tềq táq ngkĩq yuaq án bữn chớc toáp lứq. Tềq án táq yỗn nheq tửh ramứh cớ ariang sũl án.

4

Parnai Patáp Canỏh

¹ Sễm ai ơi! Cúq ayooq lứq anhia, cốp cúq yoc lứq ramóh loah anhia. Anhia la cũai táq yỗn mút cúq sâng bũi. Cốp anhia la ariang cớng ca Yiang Sursĩ yỗn cúq. Ngkĩq, cúq patáp anhia cớq anhia sa-âm Ncháu hái pacái lứq.

² Cúq sễq Yudia cốp Sin-tukê yỗn alóỉ cớ, ratoi loah pruam muoi mút sa-âm Ncháu hái. ³ Sít-sucơ ơi! Mớỉ la yớu cúq samoat samoi. Cúq sễq mớỉ chuai nứng alóỉ bar náq mansễm ki. Alóỉ

bar nác ki chũuq sa-ũri túh coat parnoi cốp cứq tê, bo hếq táq ranáq puai ngê Yê-su Crít. Cốp bũn Clê-man cốp cũai canõh hờ táq ranáq parnoi cốp cứq. Máh ramúh cũai ki khoiq bũn chơ tâng pơ saráq noau chĩc ramúh cũai bũn tamoong mantái.

⁴ Cóg anhia bũn mút pahõm sâng bũi níc, cõ anhia õt muoi mút cốp Ncháu hái. Cốp cứq patáp ớc ki muoi trở ễn: Cóg anhia bũn mút pahõm sâng bũi níc.

⁵ Cóg anhia táq yõn dũ nác cũai dáng anhia bũn mút pahõm khũn. Ncháu hái khoiq cheq ẽ chu chơ. ⁶ Anhia chõl cọng tẽ ramúh ntróu. Ma toáq anhia câu sếq ntróu tẽ Yiang Sursĩ, bo anhia sếq cóg anhia sa-õn án. ⁷ Ngkíq, cõ anhia bũn muoi mút cốp Yê-su Crít, Yiang Sursĩ lứq yõn anhia bũn mút pahõm sâng ien khẽ. Cốp ớc ien khẽ ki kĩaq níc mút pahõm anhia cốp sarnóm anhia. Ốc ien khẽ ca Yiang Sursĩ yõn tâng mút pahõm anhia ki cũi tẽ cũai tẽq chanchóm.

⁸ Sẽm ai ơ! Nài la san-toiq parsót cứq yoc patáp anhia: Khãn bũn ớc ntróu la o lứq cốp pĩeiq noau khẽn, ki cóg anhia chanchóm níc tẽ ớc ki. Ốc ị la neq: ớc pĩeiq, ớc sangcún, ớc tanoang o, ớc tở bũn lóih, ớc ayooq, cốp máh ớc ntróu la noau pai o. ⁹ Ốc ntróu anhia khoiq rien, khoiq dáng, khoiq sâng, cốp khoiq hũm cứq táq, cóg anhia tũoiq máh ớc ki. Ngkíq Yiang Sursĩ, án ca ndõm ớc ien khẽ, án lứq õt parnoi níc cốp anhia.

Phau-lô Sa-õn Cũai Vil Phi-lip Chuai Án

¹⁰ Cứq sâng bũi lứq cốp sa-õn Ncháu hái, anhia khoiq chanchóm yoc ẽ chuai cứq. Tẽ nhũang anhia khoiq chanchóm

yoc ẽ chuai cứq tê, ma bo ki anhia tở dáng bũn chuai yũah. ¹¹ Cứq pai ngkíq tở cõn cõ cứq óq, yuaq cứq khoiq téh ếp yõn sâng bũi bũn bĩq tở la sa-ũri. ¹² Cứq khoiq ramóh chơ túh cadĩt cốp sốc bũn. Tâng dõl tamoong cứq, cứq khoiq ramóh pasai cốp panhieih, sốc cốp cadĩt, cốp cứq tẽq sâng bũi nheq máh ramúh ki. ¹³ Máh ramúh ntróu cứq tẽq táq, lứq cõ nhơ bán rêng tẽ Yê-su Crít.

¹⁴ Ma anhia táq lứq o toáq anhia chuai cứq, bo cứq ramóh túh coat. ¹⁵ Tốp Phi-lip ơ! Anhia dáng chơ bo cứq tayoáq pốq atõng parnai o tẽ Yê-su Crít, toáq cứq loõh tẽ cruang Ma-sadôn, ống anhia tốp sa-âm tâng vil Phi-lip sâng bũn mút pahõm chuai cứq. ¹⁶ Bo cứq õt tâng vil Tê-salô-naca anhia cõiq cọng yõn cứq khoiq bar trở. ¹⁷ Cứq tở bũn pai ngkíq cõ cứq yoc ẽ bũn cọng tẽ anhia, ma cứq yoc anhia bũn ớc bốn tẽ Yiang Sursĩ. ¹⁸ Ma sanua cứq bũn dũ chơ, cũi tâc, cũi cha. Cứq tở bũn khlaiq muoi ramúh ntróu, yuaq Ep-aprôt khoiq dũng yõn pở cứq chơ máh ramúh anhia cõiq ẽ chuai cứq. Máh ramúh ki la ariang cọng phuom noau chiau sang yõn Yiang Sursĩ. Lứq Yiang Sursĩ roap cọng ki, cốp án sâng bũi pahõm anhia sang án ngkíq. ¹⁹ Yiang Sursĩ la sốc la-õq. Ngkíq dũ ramúh ntróu anhia cóg bũn dõq táq ranáq án, lứq án chuai yõn anhia bũn ramúh ki, la cõ nhơ anhia bũn muoi mút cốp Yê-su Crít. ²⁰ Cóg hái khẽn níc Yiang Sursĩ, Mpoaq hái, sôt dõl loi cumo. Amen.

Parnai Carhan

²¹ Cứq cõiq parnai sa-óh dũ nác anhia ca pruum muoi mút cốp Yê-su Crít. Máh sẽm ai ca õt parnoi cốp cứq, alới cõiq parnai sa-óh

anhia tê. ²² Cớp dũ náq tồp sa-âm
blớh cahan anhia, đếh alới ca táq
ranáq tâng đống puo Rô-ma hỡ.

²³ Cớq sễq Yê-su Crít, Ncháu
hái, chuai miat anhia.

**Choaiq Thở Phau-lô
Chĩc
Yỗn Cũai Tâng Vil
Cô-lusê
Santoiq Atỡng**

Phau-lô chĩc choaiq thờ nâi coiq sa-óh tốp sa-âm tâng vil Cô-lusê, cruang Asia. Án chĩc sám 60 cumo nưn Yê-su canốt. Án chĩc thờ nâi cồ tian án sâng han bữn máh cũai atỡng alới tờ p̄ieiq tể parnai Yiang Sursĩ. Alới atỡng cũai sa-âm cóq yám noap cóp sang ranêng Yiang Sursĩ tâng paloống, cóp cóq táq rit cútt puai phếp rit I-sarel. Cũai ki pai bữn sa-ữi thữ crong sana la tân, cóp alới atỡng sa-ữi ốc canốh hỡ.

Phau-lô chĩc máh ốc p̄ieiq lứq đốq chĩ loah máh ốc ki. Án pai Yê-su Crĩt bữn chớc yỗn hái bữn roap ốc tamoonq tể án. Máh santoiq ca noau atỡng tờ p̄ieiq, táq yỗn tốp sa-âm cồt caryoah, chớ ốt yong tể Yiang Sursĩ. Cồ nhớ tể Yê-su, Yiang Sursĩ tểng paloống cutểq; cóp cồ nhớ tể Yê-su, Yiang Sursĩ parôm pachứm dũ náq cũai yỗn pĩh loah chu án. Ống Yê-su toáp tềq yỗn cũai bữn tamoonq mantái. Phau-lô atỡng sa-ữi ốc đốq hái ít tác tâng đời tamoonq hái.

¹ Cúq la Phau-lô chĩc choaiq thờ nâi. Cúq la cũai Yiang Sursĩ rườh yỗn táq ayững aĩ Yê-su Crĩt. Cóp Ti-muthê, la sểm ai hái, án cahan tể anhia.

² Cúq chĩc choaiq thờ nâi coiq sa-óh tốp sa-âm ca puai Crĩt nheq rangứh ốt tâng vil Cô-lusê. Cúq sểq Yiang Sursĩ, Mpoaq hái, chuai miat anhia cóp yỗn anhia ốt bán sũan ien khể níc.

Phau-lô Câu Yỗn Tốp Cô-lusê

³ Toáq hếq câu yỗn anhia, hếq sa-ổn níc Yiang Sursĩ, Mpoaq Yê-su Crĩt, Ncháu hái, ⁴ yuaq hếq khoiq sâng chớ anhia lứq sa-âm Yê-su Crĩt, cóp anhia bữn mút pahôm ayooq nheq từh cũai ca puai ngê Yê-su Crĩt. ⁵ Anhia bữn mút pahôm ngkíq, cồ anhia khoiq sâng chớ parnai p̄ieiq, la parnai o tể Yiang Sursĩ; chớ anhia dáng án ữq yỗn anhia bữn ốc bốn nỡ-ra tâng paloống. ⁶ Parnai o tể Yiang Sursĩ lứq toáq pỡ cruang canốh hỡ riang án toáq pỡ anhia. Cóp parnai nâi cồt palái tâng mút pahôm cũai cruang ki machống anhia khoiq sâng án cồt palái tâng mút pahôm anhia tể, tể tangái anhia khoiq sâng cóp dáng raloaih lứq parnai p̄ieiq tể Yiang Sursĩ chuai miat anhia. ⁷ Parnai nâi anhia khoiq sâng tể Ê-phapra, la yóu ratoi lứq cóp cúq. Hếq bar náq pruum parnoi táq ranáq yỗn Crĩt. Ê-phapra atỡng anhia parnai nâi pláih loah hếq, yuaq hếq tờ tềq toáq pỡ anhia. ⁸ Cóp Ê-phapra atỡng loah yỗn hếq dáng Raviei Yiang Sursĩ khoiq yỗn anhia bữn mút pahôm ayooq.

⁹ Ngkíq, từ tangái hếq sâng parnai ki, hếq câu níc yỗn anhia. Hếq sểq Yiang Sursĩ yỗn anhia dáng sa-ữi hỡn tể máh ramứh Yiang Sursĩ sâng yoc, cóp hếq sểq yỗn anhia cồt roan rangoaiq cóp dáng raloaih lứq ểnh nhớ tể Raviei Yiang Sursĩ. ¹⁰ Hếq câu ngkíq đốq anhia tềq táq ranáq p̄ieiq yáng moat Ncháu hái, yỗn án bữn mút pahôm bũi níc cóp anhia, cóp yỗn anhia cồt palái tể ranáq o anhia táq. Cóp hếq sểq yỗn anhia dáng sa-ữi ểnh tể ngê Yiang Sursĩ. ¹¹ Hếq sểq Yiang Sursĩ yỗn chớc án chuai níc anhia. Chớc án la clũri nheq tể chớc canốh. Khãn anhia bữn chớc nâi, anhia rới chiủq níc dũ

ramúh túh coat, cốp anhia noâng sâng bũi. ¹² Cốp hếq sa-õn Yiang Sursĩ, Mpoaq hái, án yõn anhia bũn roap tê máh mun án ẽ yõn nheq tũh tốp sa-âm, alóit ca õt tâng ọc poang tráh. ¹³ Án chuai yõn hái loõh chíq tẽ santrúq yiang sâuq táq sôt tâng ntốq canám. Cốp án yõn Yê-su Crít ẽn táq sôt hái, la Con án ayooq lứq. ¹⁴ Yuaq Yê-su khoiq cuchit tang hái, ngkiq Yiang Sursĩ tềq tháit loah hái cốp táh lóih hái.

Phau-lô Atõng Tẽ Crít

¹⁵ Tờ bũn noau coi hũm Yiang Sursĩ. Ma cũai aléq hũm Yê-su, ki machóng án khoiq hũm Yiang Sursĩ tê. Cốp Yê-su õt parnoi cốp Yiang Sursĩ tẽ tangái Yiang Sursĩ tờ yũah tềng muoi ramúh ntróu. ¹⁶ Lứq nhơ tẽ Yê-su, Yiang Sursĩ tềng nheq tũh ramúh tâng paloõng cốp tâng cốc cutêq nâi, máh ramúh hái tềq hũm cốp máh ramúh hái tờ tềq hũm. Yiang Sursĩ toáp tềng nheq ramúh sôt cốp nheq ramúh chóc tâng pờng cốp tâng pũn nhơ Yê-su cốp yõn Yê-su. ¹⁷ Yê-su khoiq bũn chơ tẽ nhũang Yiang Sursĩ tờ yũah tềng nheq ramúh ki. Cốp Yê-su kĩaq nheq ramúh ki yõn alóit tờ bũn cõt rúng. ¹⁸ Cũai cóq bũn plở nõq tềq tamooq: machóng ki tê máh tốp sa-âm Yiang Sursĩ cóq bũn Yê-su nõq tềq cõt tamooq mantái. Yê-su la samoat plở yõn tốp sa-âm. Nhũang lứq Yê-su toáp cuchit ma tềq tamooq loah. Yuaq ngkiq, án cõt toah hõn nheq tẽ ramúh canóh. ¹⁹ Yiang Sursĩ sâng bũi pahõm yõn Con án bũn chóc lĩ-ralı machóng án tê. ²⁰ Cốp nhơ tẽ Yê-su, Yiang Sursĩ yõn dũ ramúh tâng cốc cutêq nâi cốp tâng paloõng cõt ratoi loah cốp án. Án táq ngkiq cõ tẽ Con án

cuchit satõh aham tâng aluang sangcáng.

²¹ Cốp anhia, tẽ nhũang an-hia lứq õt yong tẽ Yiang Sursĩ, cốp sarnóm anhia chíl níc Yiang Sursĩ cõ anhia táq ranáq sâuq. ²² Ma cutõ Yê-su toáp khoiq chũuq cuchit đõq yõn anhia tềq cõt ratoi loah cốp Yiang Sursĩ. Án táq yõn anhia tềq tayúng yáng moat Yiang Sursĩ bũn mút bráh o; lứq tờ bũn noau tềq tềq an-hia, cốp Yiang Sursĩ tờ bũn hũm lóih ntróu. ²³ Lứq anhia tềq tayúng ngkiq, khân anhia sa-âm níc parnai o tẽ Yê-su Crít, cốp mút anhia õt khâm ariang aluang bũn rêh cuchit yarũ. Ngkiq tờ bũn noau tềq radũng anhia yõn táh chíq máh ramúh anhia ngcuang tẽ parnai Yiang Sursĩ, chơ puai parnai canóh. Parnai o tẽ Yê-su Crít ca anhia khoiq sâng chơ, lứq parnai nâi toaq pở nheq tũh cũai canóh hõ. Cứq Phau-lô toáp la cũai đũng parnai ki.

Yiang Sursĩ Rươh Phau-lô Yõn Táq Ranáq Án

²⁴ Sanua cứq sâng bũi pahõm chũuq máh túh coat yõn anhia. Máh ọc túh coat Yê-su khoiq chũuq, án chũuq yõn tốp sa-âm, la tở án. Ma máh ọc túh coat ca tờ yũah moâm, sanua cứq ẽn chũuq. ²⁵ Yiang Sursĩ khoiq rươh cứq yõn táq ranáq chuai tốp sa-âm. Ma ranáq ki la yõn anhia dáng samoat samoi nheq tũh parnai án. ²⁶ Tẽ mbốq parnai nâi ariang noau cutooq, yuaq cũai tờ tềq dáng yũah parnai nâi. Ma sanua Yiang Sursĩ ápáh yõn cũai sa-âm bũn dáng parnai ki. ²⁷ Yiang Sursĩ yoc ẽ yõn máh cũai sa-âm dáng parnai cutooq nâi bũn ramúh paséq lứq. Cốp Yiang Sursĩ yõn cũai tờ cõn cũai I-sarel

dáng tê ramúh nâi. Ramúh pasêq nâi la Crît ốt tâng mút pahôm anhia. Ngkiq anhia ngcuang bñn ốt parnoi cốp án tâng ntôq ang-ũr tâng paloong. ²⁸ Hêq atõng níc tẽ Crît. Hêq sươq atõng nheq tũh cũai cốp nheq parnai rangoaiq, yuaq hêq yoc alói cõt carsai puai ngê Crît. ²⁹ Hũm cứq rơi cutóng táq ranáq nâi, la cõ Crît chuai tâng mút pahôm cứq yõn cứq têq táq.

2

¹ Cứq yoc anhia dáng raloaih lứq tẽ mút pahôm cứq. Mút cứq sâng yoc lứq chuai anhia. Cốp cứq yoc ẽ chuai tê máh cũai sa-âm ốt vil Lau-dusia, dẽh alói ca tở nai hũm tở cứq. ² Cứq yoc alói cõt muoi mút, manoaq chuai manoaq, manoaq aliam manoaq. Cứq yoc lứq yõn sarnóm alói dáng tutuaiq bñm ngê pasêq lứq, yõn têq alói dáng raloaih lứq ngê cutooq tẽ Yiang Sursĩ. Ngê cutooq nâi la Crît toáp. ³ Tâng Crît bñn dũ ramúh pasêq. Ramúh pasêq ki la ốc rangoaiq, cốp ốc noau têq dáng tẽ ngê Yiang Sursĩ.

⁴ Cứq atõng anhia parnai ki, yuaq cứq ngcõh cũai canõh toáp pở anhia atõng parnai nêuq lứq ẽq yõn anhia puai ngê alói. ⁵ Sanua tở cứq tở bñn ốt cốp anhia, ma mút pahôm cứq ốt níc cốp anhia. Cốp cứq bũi lứq khân mút anhia ốt sabóng o yõng níc máh ngê anhia khoiq sa-âm tẽ Crît.

Bñn Crît La Dũ Chơ

⁶ Máh parnai anhia khoiq sa-âm chơ tẽ Yê-su Crît, Ncháu hái, cóq anhia táq pởq puai níc parnai ki. ⁷ Cóq anhia yõn parnai ki dát talor tâng mút anhia, cốp cóq anhia toâr achõn tâng ốc sa-âm, máh noau khoiq atõng anhia chơ.

Cốp cóq anhia bñn mút pahôm sa-õn mantái níc.

⁸ Cóq anhia nhêng samoât, cõh cũai canõh tuoiq ít chíq ngê nâi tẽ mút pahôm anhia. Cũai ki pai chóc anhia khêuq cốp o lứq, ma parnai ki thũ sâng cốp tở bñn cõt kia ntróu. Alói ki puai phễp rit cũai cốp ngê tâng dõi nâi sâng, alói tở bñn puai Crît. ⁹ Lứq samoât, nheq máh ngê Yiang Sursĩ ốt nheq cốp Crît bo án cõt cũai. ¹⁰ Cốp khân anhia bñn Crît tâng mút pahôm, anhia bñn dũ chơ, tở bñn khlaiq muoi ramúh ntróu, yuaq Crît ndõm nheq máh ramúh sôt cốp nheq máh ramúh chóc.

¹¹ Puai phễp rit cũai I-sarel, alói táq rit cút táq tếc tâng tở alói. Anhia bñn tê tếc, ma tếc ki tở cõn cũai táq. Tếc ki Crît toáp táq yõn anhia, cốp tếc ki la anhia táh chíq ngê tiaq. ¹² Anhia la samoât noau tứp parnoi cốp Crît bo anhia roap batẽm. Cốp samoât anhia tamoong loah parnoi cốp Crît tê, cõ anhia sa-âm Yiang Sursĩ táq yõn Crît tamoong loah tẽ cuchĩt. ¹³ Tẽ nhũang, la ariang anhia cuchĩt, yuaq anhia táq sa-ũĩ lỏih cốp anhia tở bñn puai phễp rit Yiang Sursĩ yõn cũai I-sarel. Ma Yiang Sursĩ táq yõn anhia tamoong loah parnoi cốp Crît, cốp án khoiq táh nheq lỏih anhia. ¹⁴ Cứq sacâm neq: Máh ramúh ntróu hái táq lỏih chóc Yiang Sursĩ, la samoât Yiang Sursĩ khoiq chĩc nheq máh ramúh ki tâng choaiq. Chơ án ít choaiq ki tẻh dõq tâng aluang sangcáng Crît. Chơ Crît cuchĩt dõq pupút chíq máh ramúh lỏih ki. ¹⁵ Toáp Crît cuchĩt, án apáh yõn nheq tũh cũai hũm án khoiq chĩl riap chơ nheq ramúh chóc cốp nheq ramúh sôt, yuaq án cuchĩt ma tamoong loah.

¹⁶ Ngkiq anhia chõi noap parnai

noau tẻq anhia tẻ cởng anhia nguaiq tở la cha, cớp tẻ tangái cha bũi Casái Loỏh Tamái, tở la tangái anhia đốq rlu sang Yiang Sursĩ, tở la tangái anhia cha bũi sanhữ án. ¹⁷ Mách ramứh nài Yiang Sursĩ patập tẻ nhũang đốq táq tẻc yỏn cũai dáng nỡ-ra lứq bữn Crít. Ma sanua bữn chớ Crít. Chớ máh ramứh tẻc ki la tở bữn ntrứu noâng. ¹⁸ Ngkíq anhia chỏi yỏn alóí ki tẻq anhia pai anhia táq tở pẻiq. Cớp anhia chỏi noap parnai alóí pai chỏq anhia ẻq anhia táq túh coat tẻ anhia bữm yoc ẻ puai ngê Yiang Sursĩ. Alóí ki atởng yỏn anhia cóq táq ngkíq, cớp alóí yoc ẻ dừng anhia sang ranẻng Yiang Sursĩ tẻ paloỏng. Alóí ki pai alóí dáng ngê Yiang Sursĩ cũ alóí khoiq hữm Yiang Sursĩ sapáh yỏn alóí. Ngkíq alóí chanchỏm alóí toár hỡn cớp dáng sa-ủi hỡn tẻ cũai canỏh. Ma alóí chanchỏm tở pẻiq. ¹⁹ Alóí khoiq ratah tẻ Yê-su Crít. Ngkíq alóí la samoát cũai óq plỡ. Yê-su la samoát plỡ, cớp tốp sa-âm la samoát tẻ án. Cũai cóq bữn plỡ nỏq tẻq tamoong cớp toár achỏn. Machớng ki tẻ, khân Yê-su Crít táq sỏt hái, lứq hái tẻq cớt muoi mút muoi pahỏm, cớp hái tẻq toár achỏn tẻng ngê Yiang Sursĩ.

Hái Cuchít Cớp Tamoong Loah Parnỏi Cớp Crít

²⁰ Khân anhia khoiq cuchít parnỏi cớp Crít chớ, nỏq tẻq noau ẻp anhia puai phẻp rit tẻng đỏi nài? ²¹ Phẻp rit ki pai: “Chỏi yỏng cởng nài. Chỏi cha chim tở la tẻt sana ki.”

²² Ma máh ramứh nài nỡ-ra cớt pút nheq. Cớp phẻp rit ki loỏh tẻ bỏq cũai sâng. ²³ Anhia sâng parnai alóí ki la ariang pẻiq tẻ. Alóí khoiq tẻng bữm rit sang. Alóí táq nan asẻng tẻ, cớp alóí patập yỏn anhia táq túh coat tẻ anhia

bữm. Ma parnai ki tở bữn cớt kia ntrứu, cớp tở bữn chuai ntrứu yỏn cũai tẻq viaq vót tẻ ngê sủuq.

3

¹ Khân anhia khoiq tamoong loah parnỏi cớp Crít, cóq anhia chuaq máh ramứh tẻng paloỏng, pở ntỏq Yê-su tacu coah atoam Yiang Sursĩ. ² Cóq anhia tutuaiq níc máh ramứh tẻng pẻng. Chỏi tutuaiq máh ramứh tẻng đỏi nài. ³ Anhia la samoát khoiq cuchít chớ, cớp nheq đỏi tamoong anhia, la samoát noau culỏq clỏp parnỏi cớp Crít, cũ anhia ỏt muoi mút cớp Yiang Sursĩ. ⁴ Sanua hái ỏt muoi mút cớp Crít. Ngkíq toỏq tangái noau hữm Crít chu loah pở cutẻq nài, bo ki noau hữm anhia ỏt cớp án bữn chỏc ang-ừ riang án tẻ.

Ngê Tiaq Cớp Ngê Tamái

⁵ Yuaq ngkíq, cóq anhia táh chíq nheq máh ngê tẻng đỏi nài. Ngê nài la neq: Mansẻm samiang tở bữn lacuoi cayac ma bẻq parnỏi, táq ranáq tanghang, raveh ravoỏh yoc ẻ bữn noau, yoc ẻ táq ranáq sủuq, cớp ham cởng sanỏc tẻng đỏi nài. Alóí ham cởng sanỏc tẻng đỏi nài, ki machớng alóí sang yiang canỏh. ⁶ Cỏ nheq máh ramứh nài, yuaq Yiang Sursĩ cutâu mút lứq chỏq máh cũai ca tở bữn trỉh parnai án. ⁷ Tẻ nhũang anhia đốq táq tẻ máh ramứh ki, bo anhia noâng puai ngê ki.

⁸ Ma sanua cóq anhia táh chíq máh ramứh neq: Kẻt cũai canỏh, nsỏq cớp cũai canỏh, yoc ẻ táq cũai canỏh, acrieiq cũai canỏh, cớp táq ntởng sarmủaq. ⁹ Ma cóq manoaq chỏi táq ntởng lauq chỏq manoaq, yuaq anhia khoiq táh chớ ngê tiaq cớp ranáq tiaq. ¹⁰ Cớp anhia khoiq ít chớ ngê tamái. Bữn ngê tamái nài hái rien

níc tẽ Yiang Sursĩ. Ngkĩq hái cõt ariang ngê án ca khoiq tẽng hái tê. ¹¹ Aléq bũn ngê tamái nãi, ki tở bũn ntróu án la cũi I-sarel, tở la tở cõn cũi I-sarel. Tở bũn ntróu án khoiq táq rit cút puai phẽp rit I-sarel, tở la tở bũn táq. Tở bũn ntróu án la tẽ cruang Créc, tở la cruang Rô-ma, tở la cruang canõh ẽn. Tở bũn ntróu án la cũi sũl, tở la tở bũn cũi sũl. Khãn aléq bũn Crít tâng mút pahõm án, nãi la dũ chơ, yuaq Crít la toâr clũi nheq tẽ canõh, cốp Crít õt tâng mút pahõm dũ náq anhia.

¹² Cõ Yiang Sursĩ ayooq anhia, ngkĩq án ruoh anhia. Án dõq anhia miar tẽ cũi canõh yõn anhia táq ranáq án sãng. Ngkĩq cốp anhia ít mút pahõm neq: Mút pahõm sarũiq táq chók cũi canõh, mút pahõm yoc ẽ chuai yóu, mút pahõm tở bũn õt sác, mút pahõm tutuaiq ngê yóu, mút pahõm laviei chók cũi canõh. ¹³ Cóp anhia manoaq chũuq manoaq, cốp manoaq táh lóih manoaq. Khãn bũn cũi aléq táq lóih chók anhia, anhia chõỉ noap lóih cũi ki táq. Ariang Ncháu khoiq táh lóih anhia, machõng ki tê cốp anhia táh lóih noau táq chók anhia. ¹⁴ Cốp clũi tẽ máh ramũh nãi ẽn, cốp anhia ít mút pahõm ayooq. Khãn hái bũn mút pahõm ayooq, ki tẽq hái cõt muoi mút muoi pahõm õt ratoi nic cốp yóu. ¹⁵ Cốp anhia yõn óc ien khẽ tẽ Crít ndõm tâng mút pahõm anhia. Lũq Yiang Sursĩ arô anhia ẽq anhia õt ratoi nheq muoi mút cốp án. Cốp cốp anhia bũn mút pahõm sa-õn nic. ¹⁶ Cốp anhia yõn parnai Crít cõt pacái lũq tâng mút pahõm anhia, yõn anhia cõt rangoaiq tẽq manoaq atõng manoaq, manoaq sươq manoaq. Cốp anhia ủat máh cansái khẽn Yiang Sursĩ tở la

atõng ngê án. Cốp toâq anhia ủat, cốp anhia bũn mút pahõm sa-õn Yiang Sursĩ. ¹⁷ Parnai ntróu anhia pai, cốp ranáq ntróu anhia táq, cốp anhia táq cõ anhia puai ngê Yê-su, Ncháu hái. Cốp nton anhia táq, nton anhia sa-õn Yiang Sursĩ, Mpoaq hái, nhơ Yê-su.

Ngê Ồt O Cốp Cũi Muoi Dõng

¹⁸ Máh anhia ca lacuoi, cốp anhia ít pahõm cayac anhia. Khãn anhia táq ngkĩq, ki lũq pĩeiq yõn anhia ca khoiq sa-âm Ncháu.

¹⁹ Máh anhia ca cayac, cốp anhia ayooq lacuoi anhia. Cốp anhia chõỉ dũng túh lacuoi anhia.

²⁰ Máh anhia ca con acái, cốp anhia trĩh láih parnai mpiq mpoaq anhia, yuaq ranáq nãi táq yõn bũi pahõm Yiang Sursĩ.

²¹ Máh anhia ca mpoaq, cốp anhia chõỉ rakhẽu con anhia, cõh lớ alóỉ sãng pẽ pahõm.

²² Máh anhia ca cũi sũl, cốp anhia trĩh láih parnai ncháu anhia tâng dõỉ nãi, máh ranáq alóỉ ớn anhia táq. Anhia chõỉ táq ranáq o ống yáng moat alóỉ sãng, ẽq alóỉ khẽn anhia. Ma cốp anhia táq nheq mút pahõm anhia, yõn Yiang Sursĩ hũm o ranáq anhia táq. ²³ Ntróu anhia táq, cốp anhia táq nheq rangũh rahõ anhia. Cốp anhia táq yõn Yiang Sursĩ, tở cõn yõn cũi, ²⁴ yuaq anhia dáng tẽ Yiang Sursĩ anhia bũn cõng cốp mun án. Ncháu anhia la Yê-su Crít, cốp anhia táq ranáq yõn án. ²⁵ Ma cũi aléq táq ranáq sãng, lũq Yiang Sursĩ culáh yõn án cõng sãng tê, yuaq Yiang Sursĩ culáh cõng puai loah máh ranáq táq.

4

¹ Máh anhia ca cũi ncháu, cốp anhia táq tanoang o chók cũi sũl anhia. Cốp cốp anhia táq yõn alóỉ lĩ-ralĩ. Yuaq anhia dáng, anhia

bữn tê Ncháu. Ncháu anhia ki ốt tâng paloong.

Phau-lô Sêq Alói Câu Chuai Án

² Anhia chôi cõt lakéh câu. Cóp cóq anhia câu lứq samoât tể mút pahõm anhia. Anhia chôi câu tâng bõq sâng. Cóp cóq anhia câu sa-õn. ³ Sêq anhia câu chuai hếq, sêq Yiang Sursĩ pớh rana yõn hếq tềq atõng ngê cutooq tể Crít. Cỗ cừq atõng ngê ki yuaq noau chóc cừq tâng cuaq. ⁴ Cóq anhia sêq Yiang Sursĩ chuai cừq yõn cừq tềq atõng raloaih lứq ngê cutooq ki, yuaq lứq p̄ieiq la cừq atõng ngê ki.

⁵ Cóq anhia ốt patoat o chóc cũai tở bữn sa-âm. Cóp cóq anhia chanchóm ống tể ranáq táq ca bữn kia. ⁶ Cóq anhia táq ntõng yõn cõt ẽm parnai anhia, ariang raveh khoiq noau chóc boi chơ. Ngkíq tềq anhia dáng nõq p̄ieiq anhia ta-õi nheq tữh cũai canõh.

Yóu Phau-lô Sa-óh Tốp Cô-lusê

⁷ Miar tở cừq, cừq khoiq ớn Tichacơ atõng yõn anhia dáng. Tichacơ la sểm ai cừq ayooq lứq. Cóp án táq sarâng lứq ranáq Yiang Sursĩ parnoi cốp cừq. ⁸ Cừq khoiq ớn án toâq p̄r anhia đợc atõng anhia dáng máh ramứh ca toâq p̄r cừq. Cóp cừq ớn án aliam anhia. ⁹ Cóp Ô-nasim hỡ cừq yõn toâq p̄r anhia. Ô-nasim la sểm ai cừq ayooq tê, cốp án la cũai patoat lứq. Tể nhũang án ốt muoi vil cóp anhia. Chơ alói bar náq nãi atõng yõn anhia dáng máh ranáq cõt tâng ntõq nãi.

¹⁰ Ari-tac, án la ốt tũ parnoi cốp cừq. Án cớq parnai sa-óh anhia. Cóp Mac hỡ, án cớq parnai sa-óh anhia tê. Án la sểm ai Ba-naba. Mac nãi cừq khoiq atõng anhia chơ tể nhũang; khân án toâq p̄r anhia, cóq anhia catoâng án yõn

án ốt bữi cóp anhia. ¹¹ Cóp Yô-sũa, án ca noau đợc ramứh Yutu hỡ, án cớq parnai sa-óh anhia tê. Ống alói pái náq sâng la cũai I-sarel ca ốt chuai cừq táq ranáq Yiang Sursĩ. Cóp alói aliam mút cừq.

¹² Ê-phapra, án la tể tốp anhia tê, cốp án pruum táq ranáq yõn Yê-su Crít. Án cớq parnai sa-óh anhia tê, cốp án câu níc nheq mút pahõm yõn anhia. Án đợc sêq Yiang Sursĩ yõn anhia ốt patoat o tở bữn khlaiq muoi ramứh ntróu tể máh ngê Yiang Sursĩ yoc anhia puai. ¹³ Cừq atõng yõn anhia dáng tể Ê-phapra nãi, án ayooq lứq anhia cóp án chuai anhia. Cóp án ayooq cóp chuai tê alói ca ốt tâng vil Lau-dusia cóp vil Hier-pulit. ¹⁴ Luca cóp Dê-ma ẽ sa-óh anhia tê. Luca la cũai cớq taháu, ca hái ayooq lứq.

¹⁵ Sêq anhia cubán máh sểm ai hái tâng tốp sa-âm, ốt vil Lau-dusia. Cóp sêq anhia cubán Numpha cóp tốp ca rôm tâng đống án. ¹⁶ Moâm anhia doc choaiq thờ nãi, cừq sêq anhia cớq yõn cũai sa-âm p̄r vil Lau-dusia, yõn alói bữn doc tê. Cóp sêq anhia ỉt choaiq thờ cừq chĩc yõn alói ki; chơ doc loah choaiq thờ ki tâng tốp anhia. ¹⁷ Sêq anhia atõng cóp Archip neq: “Cóp mới nhêng samoât lứq ranáq Yiang Sursĩ yõn mới táq, cốp táq ranáq ki yõn moâm.”

¹⁸ Lứq samoât atĩ cừq, la Phaulô, chĩc parnai sa-óh parsót nãi. Sêq anhia sanhữ cừq noâng ốt tâng cuaq. Cừq sêq Yiang Sursĩ chuai miat anhia.

Choaiq Thờ Muoi Phau-lô Chĩc Yỗn Cũai Tâng Vil Tê-salô-naca Santoiq Atõng

Phau-lô chĩc choaiq thờ nài cơiq sa-óh tốp sa-âm tâng vil Tê-salô-naca, cruang Ma-sadôn. Án chĩc sám 51 cumo noap tẽ tangái Yê-su canõt. Phau-lô cõt samoạt cũai trũh cuplôq yỗn bũn máh cũai sa-âm Yiang Sursĩ tâng ntốq án trũh. Ma máh cũai I-sarel kêt án cốp yóu án, cốp alóit tuih aloõh alóit tẽ vil. Ntun ki, Phau-lô ớn Timuthê chu sa-óh loah tốp sa-âm tâng vil Tê-salô-naca. Bo án ỡt tâng vil Cờn-tô, Phau-lô sâng han tẽ tốp sa-âm táq ranáq Yiang Sursĩ tâng vil Tê-salô-naca.

Tâng choaiq thờ nài Phau-lô anhoac catoaih tốp sa-âm. Án sa-õn Yiang Sursĩ cõ nhơ tốp sa-âm tâng vil Tê-salô-naca bũn ốc sa-âm cốp ốc saryóq yóu. Án ta-õi máh santoiq alóit blóh án tẽ ranáq Yê-su sễng loah trở bar. Khân bũn cũai sa-âm ca cuchĩt nhũang tangái Yê-su sễng loah trở bar, cũai ki bũn tamoong mantái tỡ? Noâng maléq dũn nốq Yê-su toáq loah? Cốp Phau-lô atõng tốp sa-âm cốp cutóng táq ranáq Yiang Sursĩ bo noâng ỡt acoan Yê-su toáq loah.

¹ Cúq la Phau-lô chĩc choaiq thờ nài cơiq sa-óh tốp sa-âm ỡt tâng vil Tê-salô-naca. Cốp alóit bar náq Si-la cốp Ti-muthê cơiq parnai sa-óh anhia tẽ. Anhia bũn muoi mút cốp Yiang Sursĩ, Mpoaq hái, cốp Yê-su Crĩt, Ncháu hái. Cúq sễq Yiang Sursĩ chuai miat anhia cốp yỗn anhia ỡt bán sũan ien khẽ níc.

*Phau-lô Sa-õn Bũn Cũai Sa-âm
Tâng Vil Tê-salô-naca*

² Bo hếq câu, hếq sa-õn Yiang Sursĩ cõ tẽ nehq tũh anhia, cốp hếq tỡ bũn khĩr câu yỗn anhia. ³ Hếq sanhữ níc yáng moat Yiang Sursĩ, Mpoaq hái, anhia táq ranáq puai ngê sa-âm Yiang Sursĩ. Hếq sanhữ anhia ayooq yóu sa-ũi lứq; ngkĩq anhia táq cutóng lứq chuai yóu. Cốp hếq sanhữ anhia yống pacái lứq ốc anhia nguang la Yê-su Crĩt, Ncháu hái, toáq loah pỡ cutếq nài. ⁴ Sêm ai ời! Hếq dáng chơ Yiang Sursĩ ayooq lứq anhia, cốp án khoiq ruoh anhia yỗn ỡt muoi mút cốp án. ⁵ Toáq hếq dũng parnai o tẽ Yiang Sursĩ toáq pỡ anhia, parnai ki cõt blễng hỡn tẽ parnai cũai đốq táq ntõng, yuaq Raviei Yiang Sursĩ yỗn anhia dáng samoạt samoi parnai ki la p̄ieiq lứq. Anhia khoiq hũm chơ máh ranáq hếq táq bo hếq ỡt cốp anhia, cõ hếq sâng ayooq anhia. ⁶ Ngkĩq anhia khoiq tũoiq hếq machóng anhia tũoiq Ncháu hái tẽ. Tam anhia ramóh sa-ũi ramũh tũh coat, ma noâng anhia bũn mút bũi roap parnai hếq atõng, yuaq Raviei Yiang Sursĩ toáp yỗn anhia bũn ốc ki. ⁷ Anhia táq ngkĩq, anhia la samoạt riang ngól yỗn dũ náq cũai sa-âm tâng cruang Ma-sadôn cốp cruang Achai. ⁸ Lứq parnai o tẽ Ncháu tróh la-ũt la-ũi tẽ anhia, tỡ bũn tâng cruang Ma-sadôn cốp cruang Achai sâng, ma lứq parnai noau atõng tẽ anhia sa-âm Yiang Sursĩ, parnai ki khoiq pláh dũ ntốq chơ. Ngkĩq hếq tỡ bũn túh atõng noâng alóit ki tẽ anhia, ⁹ yuaq dũ náq alóit khoiq dáng chơ cốp atõng loah hếq tẽ anhia. Alóit pai anhia khoiq tabõp tabéh hếq o lứq bo hếq toáq pỡ anhia. Alóit pai anhia khoiq táh nehq cớng sang yiang sấuq, chơ p̄ih chu Yiang Sursĩ. Alóit

pai sanua anhia táq ranáq Yiang Sursĩ ẽn, án ca Yiang p̄ieiq lứq cốp Yiang tamoong mantái níc. ¹⁰ Cốp anhia ngcuang Con Yiang Sursĩ sêng loah tẽ paloong. Con án la Yê-su, án ca Yiang Sursĩ khoiq yỗn tamoong loah tẽ cuchĩt, Án chuai amoong hái yỗn vớt tẽ ốc túh coat toáq Yiang Sursĩ táq cũiai nờ-ra.

2

Ranáq Phau-lô Táq Tânq Vil Tê-salô-naca

¹ Sêm ai ơi! Lứq anhia dáng samoat samoi chơ, bo hếq toáq pở anhia, máh ranáq hếq táq cốp anhia la tở bữn ốq kia. ² Cốp anhia dáng tê tẽ nhũang hếq tở yũah toáq pở anhia máh cũiai tâng vil Phi-líp, alói táq hếq, cốp alói pai i-par-i hếq. Ma noang Yiang Sursĩ yỗn mút hếq cõt clốq lứq atông parnai o tẽ Yiang Sursĩ yỗn anhia. Tở bữn ntróu cũiai yoc ẽ catáng hếq. ³ Bo hếq atông anhia, nheq máh santoiq hếq atông la p̄ieiq lứq. Mút pahôm hếq tở bữn ít rangúh hếq bữm, cốp hếq tở bữn thũ anhia. ⁴ Ma hếq atông níc máh parnai Yiang Sursĩ yoc hếq atông, yuaq án khoiq ruroh hếq chơ, cốp án noap hếq atông parnai o tẽ án. Hếq tở bữn atông ẽq bũi mút pahôm cũiai, ma hếq atông ẽq yỗn bũi pahôm Yiang Sursĩ sâng, yuaq án toáp chim mút pahôm hếq. ⁵ Anhia dáng chơ bo hếq atông anhia, hếq tở bữn pai ẽm santoiq chớng pahôm anhia yỗn anhia chuai loah hếq. Ốc nài Yiang Sursĩ lứq dáng. ⁶ Khãn hếq ẽq anhia yám noap hếq, ki tẽq hếq yỗn anhia táq ngkíq, yuaq hếq la ayũng atĩ Crít. Ma hếq tở bữn chuaq ốc ki tẽ anhia, tở la tẽ cũiai canóh. ⁷ Bo hếq ốt cốp anhia hếq bữm mút lamên chốq anhia samoat riang

mpiq chừm siem con án mbđiđ amia. ⁸ Cỗ hếq ẽr áiq lứq yoc ẽ chuai anhia, ngkíq hếq tở bữn ống atông parnai o tẽ Yiang Sursĩ sâng, ma lứq hếq rơi dẽh chũuq cuchĩt tang anhia hờ. Hếq rơi táq ngkíq, la cỗ hếq ayooq lứq anhia. ⁹ Sêm ai ơi! Anhia sanhũ tẽ bo hếq ốt cốp anhia, hếq táq ranáq lakéh lứq, dỏq hếq chừm bữm crong sana cha. Tangái cốp sadau hếq táq níc yỗn tở bữn noau tẽ anhia túh siem hếq. Hếq táq ngkíq bo hếq atông parnai o tẽ Yiang Sursĩ yỗn anhia. ¹⁰ Anhia khoiq hữm chơ dũi tamoong hếq bo hếq ốt cốp anhia ca cũiai sa-âm. Anhia khoiq dáng hếq bữn mút pahôm bráh o, tanoang tapũng, cốp tở bữn noau tẽq tẽq hếq táq ranáq lỏih ntróu. Lứq Yiang Sursĩ dáng tê ốc ki. ¹¹ Anhia dáng hếq khoiq táq cốp dũ náq anhia samoat riang mpoaq táq yỗn con án. ¹² Hếq khoiq atông anhia. Hếq khoiq aliam anhia. Cốp hếq khoiq radũng níc anhia yỗn táq ranáq o yáng moat Yiang Sursĩ, án ca arô anhia yỗn mut tâng ntốq án sốt, cốp yỗn anhia chớng tê chớc ang-ũr tẽ án.

Tốp Sa-âm Tânq Vil Tê-salô-naca Khoiq Chũuq Sa-ũi Túh Coat

¹³ Hếq sa-ỏn níc Yiang Sursĩ, yuaq toáq hếq atông anhia parnai o tẽ Yiang Sursĩ, anhia khoiq ít nheq parnai ki. Anhia noap parnai ki la lứq parnai Yiang Sursĩ, tở cởn parnai cũiai chớng ẽ pai sâng. Lứq samoat parnai ki la parnai tẽ Yiang Sursĩ. Parnai ki ntôm táq ranáq tâng anhia ca sa-âm. ¹⁴ Sêm ai ơi! Bo ki anhia tũoiq riang tốp sa-âm tâng cruang Yudê, alói ca ốt muoi mút cốp Yê-su Crít. Alói chũuq sa-ũi ốc túh coat tốp I-sarel táq, machớng anhia chũuq máh túh coat yóu

anhia táq chók anhia tê. ¹⁵ Mách tốp I-sarel ca khoiq cachit Yê-su, Ncháu hái, cốp alói cachit dếh cūai tang bỗq Yiang Sursĩ hỡ. Alói táq dếh hếq hỡ. Alói táq ngkíq, Yiang Sursĩ tở bữn bũi ntróu cốp alói. Alói catáng tở yỗn cūai canõh tởq puai ngê Yiang Sursĩ. ¹⁶ Lứq alói tở ếq hếq atõng cūai tở cõn cūai I-sarel yỗn tềq Yiang Sursĩ chuai amoong alói ki tê. Péq chớ lóih tốp I-sarel táq. Sanua toàq ngư Yiang Sursĩ táq alói.

¹⁷ Sễm ai ơi! Riang hếq nài, bo hếq ratáh tể anhia, hếq chanchóm tở bữn dũn noàng hếq toàq loah pỡ anhia. Chớ sanua hếq sanhữ lứq anhia, cốp hếq ểr áiq yoc ể ramóh loah anhia. Mút hếq ốt níc cốp anhia, ma tở hếq ốt yong tể anhia. ¹⁸ Hếq chanchóm yoc ể toàq loah pỡ anhia. Riang cứq Phau-lô nài, cứq khoiq bar pái trổ chanchóm ể toàq pỡ anhia, ma yiang Satan catáng níc hếq. ¹⁹ Cỗ nốq hếq tềq dáng Yê-su sâng bũi cốp hếq? Cỗ nốq hếq tềq sâng bũi ỡn? Cốp nốq hếq tềq pai hếq táq ranáq o yáng moat Yê-su, Ncháu hái, toàq tangái án toàq loah pỡ cutểq nài? Lứq samoát hếq bữn nheq máh ốc ki la cỗ tể anhia. ²⁰ Lứq samoát noau khễn hếq la cỗ tể anhia, cốp mút pahõm hếq sâng bũi ỡn lứq la cỗ tể anhia.

3

Phau-lô Ểr Áiq Yoc Ể Pỡq Sa-óh Alói

¹ Ngkíq, toàq cứq sâng tở rơi chiũq noàng yuaq tở bữn sâng han ntróu tể anhia, cứq pruam ốt manoaq cứq tâng vil Athên. ² Cốp cứq ỡn Ti-muthê pỡq pỡ anhia. Án la sễm ai hái, cốp án táq ranáq Yiang Sursĩ parnoi cốp cứq. Hếq bar náq atõng parnai

o tể Yê-su Crít. Cứq khoiq ỡn án toàq pỡ anhia yỗn án patáp anhia yỗng pacái lứq máh ốc anhia khoiq sa-âm chớ, cốp atõng anhia sa-âm sa-ữi lứq ển. ³ Cứq tở ếq noau tể anhia táh chíq ngê Yiang Sursĩ cỗ tian anhia ramóh túh coat. Anhia khoiq dáng chớ Yiang Sursĩ khoiq anoat yỗn hái chiũq ốc túh coat. ⁴ Bo hếq noàng ốt cốp anhia, hếq khoiq atõng anhia neq: “Lứq samoát, nỡ-ra hái ramóh sa-ữi ốc túh coat.” Cốp anhia dáng máh ốc ki lứq toàq pỡ anhia chớ. ⁵ Yuaq ngkíq, cứq sâng tở rơi acoan noàng, chớ cứq ỡn Ti-muthê toàq pỡ anhia. Cứq yoc ể dáng anhia noàng sa-âm ma tở bữn. Cứq ngõh yiang Satan radũng anhia táh chíq ngê Yiang Sursĩ. Khãn lứq ngkíq, máh ranáq hếq atõng anhia la lớp miat.

⁶ Ma sanua Ti-muthê khoiq loõh tể anhia, chu loah pỡ cứq. Án atõng cứq santoiq hỡr lứq tể anhia. Án pai anhia noàng sa-âm, cốp anhia manoaq ayooq manoaq. Án pai anhia sanhữ níc cứq, cốp anhia ểr áiq lứq yoc ể ramóh cứq, machóng cứq ểr áiq yoc ể ramóh anhia tê. ⁷ Ngkíq sễm ai ơi, mút cứq cõt bũi loah cỗ cứq sâng anhia noàng sa-âm samoát samõi. Tở bữn ntróu cứq chiũq tởiq bap cốp túh cadit. ⁸ Sanua cứq tamoong bũi lứq, yuaq anhia noàng sa-âm Ncháu hái pacái lứq. ⁹ Cứq sa-ỡn Yiang Sursĩ sa-ữi lứq cỗ anhia sa-âm samoát samõi. Ngkíq, cứq bữn ốc bũi hỡr lứq yáng moat Yiang Sursĩ. ¹⁰ Cu rangái cu sadau cứq câu nheq rangũh rahỡ, sếq Yiang Sursĩ yỗn cứq ramóh loah anhia. Cứq yoc lứq ể chuai anhia máh ramũh anhia tở yũah dáng raloih tể ngê Yiang Sursĩ yỗn anhia tềq sa-âm pacái lứq ển.

¹¹ Cúq sêq Yiang Sursĩ, Mpoaq hái, cốp Yê-su Crĩt, Ncháu hái, chuai yõn cúq bũn toâq pở an-hia. ¹² Cúq sêq Ncháu hái chuai yõn anhia manoaq ayooq manoaq sa-ũĩ lứq ẽn, cốp yõn anhia ayooq nheq tũh cũai canõh hỡ, machớng cúq ayooq nheq tũh anhia tẽ. ¹³ Ngkĩq án táq yõn anhia bũn mứt pahõm pacái lứq, cốp Yiang Sursĩ, Mpoaq hái, tở bũn tẻq an-hia táq lờih ntrớu tâng tangái Yê-su, Ncháu hái, toâq loah pở cutẻq nãi. Án toâq parnơi cốp nheq tũh cũai sa-âm án.

4

Phau-lô Patập Yõn Cũai Ớt O Yáng Moat Yiang Sursĩ

¹ Sẻm ai ơi! Cỗ hái ớt muoi mứt cốp Yê-su, Ncháu hái, cúq yoc ẻ sẻq anhia muoi ramứh ẻn. Cúq sẻq anhia táq pởq ariang anhia khoiq rien tẻ hẻq chơ, yõn Yiang Sursĩ sâng bũi cốp anhia. Lứq anhia khoiq táq ngkĩq chơ, ma cúq sẻq anhia puai ngê ki samoât lứq ẻn. ² Anhia dáng chơ máh parnai hẻq khoiq patập anhia cỗ Yê-su, Ncháu hái, ớn hẻq atớng ốc ki. ³ Yiang Sursĩ yoc anhia bũn mứt pahõm bráh o yáng moat án. Cốp án tở ẻq anhia mansẻm samiang bẻq parnơi khân tở bũn lacuoi cayac. ⁴ Cỏq dũ náq an-hia dáng rabán o tở anhia bũm yõn anhia bũn mứt bráh o yáng moat Yiang Sursĩ, cốp yõn cũai canõh hũm anhia la cũai patoat o. ⁵ Anhia chỏi raveh ravoõh yoc ẻ bũn noau, riang cũai tở yũah sa-âm đỏq táq, yuaq alớĩ tở yũah dáng ntrớu tẻ ngê Yiang Sursĩ. ⁶ Anhia chỏi tũoiq máh ranáq sảuq ki, cốp anhia chỏi manoaq yoc ẻ bũn lacuoi manoaq. Khân cũai alẻq ma táq ngkĩq, ki Yiang Sursĩ yõn cũai ki ramớh sa-ũĩ ốc

bap. Bo hẻq noàng ớt cốp anhia, hẻq khoiq atớng cốp sảuq anhia tẻ ốc ki chơ. ⁷ Lứq Yiang Sursĩ tở bũn arỏ hái yõn táq ranáq sảuq chỏq tở hái bũm, ma lứq Yiang Sursĩ arỏ hái yõn ớt bráh o yáng moat án. ⁸ Ngkĩq cũai alẻq ma tở ẻq tamứng santoiq nãi, tở cởn án táh ngê cũai, ma lứq cũai ki táh chỏq ngê Yiang Sursĩ, án ca khoiq yõn anhia bũn Raviei án chơ.

⁹ Ma tẻ ramứh anhia manoaq ayooq manoaq, ki cúq tở bũn túh chĩc ntrớu yõn anhia, yuaq anhia khoiq rien tẻ Yiang Sursĩ chơ yõn manoaq ayooq manoaq. ¹⁰ Lứq samoât, anhia khoiq táq ngkĩq chỏq sẻm ai hái tâng cruang Ma-sadỏn. Ma sẻm ai ơi, cúq sẻq anhia bũn mứt pahõm ayooq sa-ũĩ lứq ẻn. ¹¹ Cỏq anhia cutớng táq ranáq o yõn anhia tẻq ớt ien khẻ cốp yớu nheq đời tamoong anhia. Anhia chỏi coáp tẻih yớu. Cốp cỏq atĩ anhia táq saràng lứq yõn bũn cớng sana cha. Máh ốc nãi hẻq khoiq patập anhia tẻ nhũang chơ. ¹² Hẻq ẻq anhia táq ngkĩq yõn anhia tẻq ớt o yáng moat máh cũai tở yũah sa-âm Yê-su Crĩt, cốp yõn anhia tẻq chuaq bũm cớng sana cha, đỏq tở bũn noau túh siem anhia.

Yê-su Crĩt Toâq Loah Pở Cutẻq Nãi

¹³ Sẻm ai ơi! Cúq ẻq anhia dáng samoât samơi tẻ alớĩ ca khoiq cuchĩt, đỏq anhia tở bũn sâng ngua ariang cũai tở bũn ngcuang Yiang Sursĩ yõn hái tamooong loah. ¹⁴ Khân hái sa-âm Yê-su khoiq cuchĩt bũn tamoong loah, machớng ki tẻ hái sa-âm Yiang Sursĩ yõn cũai sa-âm ca khoiq cuchĩt toâq loah parnơi cốp Yê-su tẻ. ¹⁵ Cúq atớng anhia máh parnai Ncháu hái khoiq yõn cúq

dáng chơ neq: Hái ca tở yũah cuchit, toâq tangái Yê-su toâq loah, hái tở bữn pởq ramóh án nhũang máh alói ca khioq cuchit. ¹⁶ Toâq ki, bữn sường noau ón casang lứq, bữn sường án ca sớt ranễng Yiang Sursĩ tâng paloõng, cớp sường noau plóng lavia Yiang Sursĩ; bo ki toâp Ncháu hái sễng tễ paloõng. Bo ki máh cũi sa-âm Crít ca khioq cuchit, lứq alói bữn tamoong loah, cớp alói pởq ramóh Yê-su nhũang hái ca tở yũah cuchit. ¹⁷ Vớt ki, hái ca noâng tamoong, lứq Yiang Sursĩ parôm hái yỗn ớt parnoi cớp alói tâng ramúl. Ngkíq hái bữn ramóh Ncháu hái tâng paloõng. Cớp hái ớt mantái níc cớp án. ¹⁸ Cớq anhia sanhữ níc santoiq ki. Chơ anhia manoaq aliam manoaq toâq parnai ki.

5

Nguang Tangái Yê-su Toâq Loah

¹ Sễm ai ơi! Bo léq, tở la tangái ntróu, ranáq ki toâq, cứq tở bữn túh cớq chĩc atõng anhia. ² Yuaq anhia khioq dáng chơ tangái Ncháu hái toâq loah pở cutếq nãi la samoât riang cũi savễng mut tutuoiq tâng sadâu. ³ Từ cũi pai neq: “Bữn ien khễ chơ, tở bữn túh coat ntróu noâng,” lứq tangái ki toâp ọc cuchit toâq pở alói, cớp alói tở tềq viaq vớt tễ ọc ki. Ốc ki santar toâq ariang mansễm sâng a-ĩ khuop cumo.

⁴ Ma sễm ai ơi, anhia tở bữn ariang cũi bẻq sadâu cớp tở bữn dáng ntróu. Ngkíq, anhia tở bữn santar ntróu toâq tangái Yê-su toâq loah pở cutếq nãi, ariang cũi đốq santar toâq cũi savễng mut tutuoiq tâng đống

alói. ⁵ Nheq tữh anhia la cũi puai ngê Yiang Sursĩ chơ, ngkíq anhia la ariang cũi ớt tâng ntốq poang, cớp ariang cũi khioq tamở chơ. Hái la con Yiang Sursĩ, hái tở bữn ariang cũi ớt tâng ntốq canám cớp cũi ca bẻq sadâu. ⁶ Ngkíq, hái chũi táq noâng ariang alói ca tở bữn sa-âm. Alói ki la samoât cũi bẻq níc. Ma hái cớq ớt trởl níc.* Cớp cớq hái dáng rabán o tở hái bữm. ⁷ Cũi đốq bẻq la tâng sadâu, cớp cũi đốq bũl blống la tâng sadâu tề. ⁸ Ma hái ca puai ngê Yiang Sursĩ la samoât cũi khioq tamở. Ngkíq, cớq hái rabán o tở bữm. Cớp cớq hái sa-âm samoât samoi, cớp ayooq níc yóu. Nãi la riang hái sớp au tac tâng aởm hái bo hái pởq rachíl. Cớq hái nguang níc bữn ớt parnoi cớp Yê-su. Nãi la riang hái tapưng muoc tac tâng plờ. ⁹ Yiang Sursĩ tở bữn arô hái cổ án ể táq hái, ma án arô cổ yoc ể chuai amoong hái nhơ tễ Yê-su Crít, Ncháu hái. ¹⁰ Yê-su toâp cuchit tang hái yỗn hái tềq ớt parnoi cớp án toâq tangái án toâq loah pở cutếq nãi. Tangái ki tở bữn ntróu hái khioq cuchit tở la noâng tamoong. ¹¹ Ngkíq, cớq anhia manoaq aliam manoaq, cớp manoaq atõng manoaq yỗn mút pahỏm anhia cõt sa-âm pacái lứq ể, samoât anhia đốq táq tễ nling chơ.

Ốc Patâp Canỏh

¹² Sễm ai ơi! Cứq sễq anhia yám noap máh cũi sớt tâng tốp sa-âm. Yiang Sursĩ rườh alói yỗn radũng anhia táq ranáq o, cớp yỗn alói arĩen anhia puai ngê Yiang Sursĩ. ¹³ Cớq anhia bữn mút pahỏm ayooq níc alói, cổ alói táq sa-ủi ranáq chuai anhia. Cớp cớq anhia manoaq saryóq manoaq.

* 5:6 5:6 Cũi bẻq sacâm tễ cũi tở bữn chanchỏm ntróu tễ ngê Yiang Sursĩ. Cớp cũi ớt trởl níc sacâm tễ cũi ca chanchỏm níc tễ ngê Yiang Sursĩ.

14 Sêm ai ơi! Cúq sêq anhia táq neq: Sươq alói ca yoc ẽ ít rangúh alói bũm;† aliam cūai bũn mút clac; atống alói ca tở bũn dáng sa-ũi tể ngê Yiang Sursĩ; cớp tanhĩr chốq dũ náq cūai. 15 Anhia manoaq chõỉ carláh đờq chốq manoaq. Ma cóq anhia ravoât manoaq táq o chốq manoaq, cớp táq o níc chốq dũ náq cūai.

16 Cóq anhia ỡt bũi o níc. 17 Cóq anhia câu cớp chõỉ tangútt. 18 Ốc ntróu toâq pỡ anhia, cóq anhia sa-ỡn Yiang Sursĩ, yuaq án toâp yỗn ốc ki toâq. Nheq ốc nâi, Yiang Sursĩ yoc anhia bũn cớ anhia ỡt muoi mút cớp Yê-su Crít.

19 Anhia chõỉ táq yỗn Raviei Yiang Sursĩ sâng ngua tể anhia. 20 Chõỉ calauq cūai tang bỗq Yiang Sursĩ. 21 Cóq anhia chim ốc ntróu noau atống anhia. Aléq la o, ki anhia ít. 22 Ma aléq tở o, ki anhia chõỉ ít.

23 Cúq sêq Yiang Sursĩ, án ca ndõm ốc ien khê, táq moâm máh ranáq án ẽ táq tâng mút pahõm anhia. Cúq sêq án táq yỗn mút anhia cớtt bráh o. Cớp cúq sêq án kĩaq níc raviei anhia, mút pahõm anhia, cớp đờq noau tở bũn têq tểq anhia táq lỏih tâng tangái Yê-su Crít, Ncháu hái, toâq loah pỡ cutểq nâi. 24 Yiang Sursĩ khoiq arô anhia. Ngkíq cúq dáng lứq samoât án táq nheq máh ramúh cúq câu yỗn anhia.

25 Sêm ai ơi! Cúq sêq anhia câu chuai hếq nứng. 26 Sêq anhia manoaq cubán o chốq manoaq. Ngkíq noau dáng anhia manoaq ayooq manoaq.

27 Cúq sêq anhia yáng moat Ncháu hái, yỗn anhia doc choâiq thỡ nâi yỗn dũ náq sêm ai bũn sâng tể.

† 5:14 5:14 Tở la 'aloah'.

28 Cúq sêq Yê-su Crít, Ncháu hái, chuai miat anhia.

Choaiq Thờ Bar Phau-lô Chĩc Yỗn Cũai Tâng Vil Tê-salô-naca Santoiq Atông

Choaiq thờ nãi atông tể Yê-su toâq loah trở bar. Máh cũai sa-âm nguang tangái ki, mỗ cõt ranáq ravál ranhóq tâng tốp sa-âm tâng vil Tê-salô-naca. Phau-lô chĩc thờ bar nãi sám vớt tapoát casâi ntun thờ muoi, đợq ta-õĩ cốp atức loah máh santoiq noau khoiq atông tở p̄ieiq tể ốc nãi.

Phau-lô atông yỗn máh cũai dáng cóq bữn tểc ntróu nhũang Yê-su toâq loah. Tểc nãi la máh cũai bữn mút loai cốp sâuq luat ngư, cốp bữn “manoaq cũai loai hỡn tể cũai canõh toâq nhũang voai” đợq chĩ loah Yiang Sursĩ. (Pún 2:3)

Phau-lô atông raloaih tể acoan nguang. Án pai toâq alóĩ ramóh túh coat, cóq alóĩ sa-âm pacái lứq. Tam noau cốp kháng tâng cuaq, cóq alóĩ sarâng, cốp chõĩ cõt p̄e táq ranáq o.

¹ Cứq la Phau-lô chĩc choaiq thờ nãi cớiq sa-óh tốp sa-âm ốt tâng vil Tê-salô-naca. Dểh Si-la cốp Timuthê cớiq parnai sa-óh anhĩa tẽ. Anhĩa bữn muoi mút cốp Yiang Sursĩ, Mpoaq hái, cốp Yê-su Crít, Ncháu hái. ² Cứq sểq Yiang Sursĩ, Mpoaq hái, cốp Yê-su Crít, Ncháu hái, chuai miat anhĩa cốp yỗn anhĩa ốt bán sũan ien khể níc.

Phau-lô Câu Yỗn Tốp Sa-âm Tâng Vil Tê-salô-naca

³ Sểm ai ơi! Lứq p̄ieiq hếq sa-õn níc Yiang Sursĩ cồ tể anhĩa. Hếq yoc sa-õn án yuaq anhĩa sa-âm án cu rangái rêng achõn ển, cốp anhĩa hĩa manoaq ayooq manoaq sa-ũĩ

achõn tẽ. ⁴ Ngkíq, hếq đợq khễn anhĩa yáng moat máh tốp sa-âm p̄o n্তóq canõh. Hếq khễn anhĩa, yuaq anhĩa bữn mút pahõm sa-âm samoát samoi, anhĩa tanhĩr níc noau táq anhĩa, cốp anhĩa chĩuq dũ ramứh túh coat toâq p̄o anhĩa.

⁵ Dũ ranáq anhĩa táq ngkíq la cõt tểc apáh raloaih lứq Yiang Sursĩ táq tanoang lứq toâq án ruroh anhĩa. Yiang Sursĩ hữm anhĩa la cũai o, ngkíq án yỗn anhĩa ốt tâng n্তóq án sốt. Anhĩa chĩuq sa-ũĩ ramứh túh coat sanua, la cồ anhĩa yoc ốt tâng n্তóq ki. ⁶ Yiang Sursĩ tanoang tapứng níc. Ngkíq nỡ-ra Yiang Sursĩ lứq carláh đợq tang anhĩa chóq cũai ể táq anhĩa sanua. ⁷ Tâng tangái ki, Yiang Sursĩ yỗn anhĩa ca chĩuq máh ốc túh coat sanua tở bữn ramóh túh coat ntróu noâng; cốp hếq bữn ốt ien khể machóng anhĩa tẽ. Yiang Sursĩ táq ngkíq tâng tangái Yê-su, Ncháu hái, sểng loah tể paloõng. Án sểng parnoi cốp máh ranẽng ca bữn chóc tể án. ⁸ Toâq alóĩ sểng, alóĩ bữn pla ùih đợq chõng máh cũai ca tở bữn dáng Yiang Sursĩ cốp tở bữn trĩh parnai o tể Yê-su Crít, Ncháu hái. ⁹ Máh cũai ki cóq ramóh túh coat mantái níc, yuaq Ncháu hái tở ểq hữm noâng alóĩ. Alóĩ cóq ốt yong tể chóc sốt toâr lứq khong Ncháu hái ¹⁰ tâng tangái Yê-su toâq loah p̄o cutêq nãi, yỗn dũ náq cũai sa-âm bữn khễn cốp yám noap án. Anhĩa lứq ốt tâng tốp ki tẽ, yuaq anhĩa khoiq sa-âm parnai hếq atông anhĩa.

¹¹ Ngkíq yuaq hếq câu níc yỗn anhĩa. Hếq sểq Yiang Sursĩ, Mpoaq hái, chuai anhĩa yỗn táq p̄oq rap̄ieiq samoát án khoiq ruroh anhĩa. Cồ nhỡ tể chóc Yiang Sursĩ, hếq sểq án chuai anhĩa táq moâm dũ ốc o cốp dũ ranáq anhĩa

chanchóm ẽ táq cõ anhia sa-âm án. ¹² Khân anhia táq ngkíq, lúq cūai canõh bữn khẽn ramúh Yê-su, Ncháu hái, cõ tê anhia. Cóp Yê-su Crít lúq khẽn loah anhia tê, cõ nhơ Yiang Sursĩ cóp Yê-su Crít, Ncháu hái, chuai miat hái.

2

Manoaq Loài Hỡn Tẽ Cūai Canõh

¹ Sêm ai ơi! Sanua cứq yoc atõng anhia tẽ tangái Yê-su Crít, Ncháu hái, toâq loah pỡ cutẽq nâi, cóp hái bữn rôm parnõi cóp án. ² Bữn cūai tũn cứq, pai cứq atõng tangái Yê-su toâq loah khoi q toâq chơ. Chõi noap alới ca pai cứq atõng saccoai q tẽ tangái ki, tỡ la pai cứq chĩc tâng choai q thỡ máh ốc ki. Cứq sẽq anhia chõi dót cóp chõi ngcõh ntrớu tẽ ốc ki. ³ Chõi yõn noau thũ anhia ngkíq. Nhũang Yê-su toâq loah, bữn clúng cūai táh ngê Yiang Sursĩ, cóp bữn manoaq cūai loài hỡn tẽ canõh toâq nhũang voai. Manoaq nâi la án ca Yiang Sursĩ anoat cóq cuchĩt pút. ⁴ Cūai loài ki, án tampõr sõt cóp dũ ramúh yiang noau dõq sang. Án achõn tỡ án bữm, pai án la toâr hỡn tẽ yiang canõh, ẽq noau sang án. Cóp án mut tacu tâng Dõng Sang Toâr Yiang Sursĩ; chơ án pai án toâp la Yiang Sursĩ.

⁵ Anhia sanhữ ma tỡ bữn, bo cứq noâng õt cóp anhia cứq khoi q atõng anhia chơ tẽ nheq ốc ki? ⁶ Ma sanua bữn muoi ramúh catáng chíq yõn ốc ki tỡ tẽq toâq yũah. Anhia khoi q dãng tẽ ramúh nâi chơ. Ma toâq ngữ manoaq cūai loài ki toâq, lúq án toâq. ⁷ Ranáq loài khoi q bữn chơ, ma ranáq ki noau táq clõp. Ma máh ốc loài cứq khoi q chĩc ki, ốc ki tỡ tẽq toâq yũah, yuaq noâng bữn noau catáng. Khân án ca catáng

ma tỡ bữn catáng noâng, ốc loài ki lúq toâq. ⁸ Chơ bữn cūai loài hỡn tẽ cūai canõh, án toâq tê. Chơ Yê-su, Ncháu hái, cachĩt án toâq carhỡ loõh tẽ bõq Ncháu. Tâng tangái Yê-su toâq loah pỡ cutẽq nâi, nhơ tẽ chớq ang-ũr tẽ án, án táq pupút chíq manoaq cūai loài ki. ⁹ Án ca loài ki toâq tẽ chớq yiang Satan, án tẽq táq ranáq salẽh cóp án táq tẽc yõn cūai canõh sâng dót. Ma máh ranáq án táq, tỡ bữn lúq ntrớu. ¹⁰ Án táq sa-ũri ranáq sâuq ẽ rathũ máh cūai ca Yiang Sursĩ cheq ẽ pupút. Yiang Sursĩ ẽ pupút alới yuaq alới bữn mút pahõm tỡ ẽq ẽ sa-âm ốc p̄ieiq ca Yiang Sursĩ tẽq chuai amoong alới. ¹¹ Ngkíq yuaq Yiang Sursĩ yõn alới ki bữn ngê tỡ p̄ieiq, yõn alới sa-âm máh ốc noau thũ alới. ¹² Ngkíq nheq tũh alới tỡ ẽq sa-âm ốc p̄ieiq tẽ Yiang Sursĩ, ma alới sâng bũi táq ranáq tỡ bữn tanoang; nỡ-ra Yiang Sursĩ lúq táq alới.

Yiang Sursĩ Rườh Yoc Ẽ Chuai Amoong Cūai Tê-salô-naca

¹³ Ma anhia, sêm ai ơi, Yiang Sursĩ ayooq lúq anhia. Ngkíq lúq p̄ieiq hẽq sa-õn án, yuaq án khoi q rườh yoc ẽ chuai amoong anhia tẽ dâu lúq chơ. Án táq yõn anhia cõt con acái án cõ nhơ Raviei Yiang Sursĩ táq yõn bráh mút pahõm anhia, cóp cõ nhơ anhia sa-âm ốc p̄ieiq tẽ Yê-su Crít. ¹⁴ Ngkíq yuaq Yiang Sursĩ arô anhia, la cõ nhơ parnai o tẽ Yê-su máh hẽq khoi q atõng anhia. Án arô anhia yõn tẽq õt bũi o níc parnõi cóp Yê-su Crít, Ncháu hái, tâng paloõng. ¹⁵ Ngkíq, sêm ai ơi, cóq anhia õt sabõng níc, chõi yõn noau radũng anhia táh chíq ngê Yiang Sursĩ. Cóp cóq anhia yõng pacái lúq máh ốc hẽq khoi q atõng anhia

toâq bôq hêq tở la toâq choâiq thờ hêq.

¹⁶ Yê-su Crît, Ncháu hái, cớq Yiang Sursĩ, Mpoaq hái, khoiq ayooq hái cớq chuai miat hái chơ. Án aliam níc hái, cớq hái ngcuang nỡ-ra lứq bữn ốt bũi o níc cớq án. ¹⁷ Cứq sêq án táq yỗn mút pahõm anhia sa-âm sa-ũi lứq ễn. Cớq cứq sêq án táq yỗn mút anhia cõt pacái lứq, yỗn anhia têq táq dũ ranáq o cớq têq atõng dũ parnai o.

3

Phau-lô Sêq Tỗp Sa-âm Câu Chuai Nừng

¹ Sễm ai ơi! Muoi ramứh ễn, cứq sêq anhia câu chuai nừng hêq, yỗn parnai Yiang Sursĩ toâq chái dũ ntốq, cớq tở bữn noau catáng parnai ki. Cớq sêq anhia câu yỗn dũ nác cũai yám noap parnai ki machóng anhia tê. ² Cứq sêq anhia câu yỗn hêq bữn vót tễ atĩ cũai pampla cớq loâi, yuaq tở bữn nheq tữh cũai ma sa-âm parnai o tễ Yiang Sursĩ. ³ Ma Ncháu hái, án la lứq samoât. Têq hái sa-âm án. Lứq án yỗn anhia bữn mút pahõm sa-âm pacái lứq, cớq án kĩaq anhia yỗn yiang Satan tở têq táq anhia. ⁴ Ncháu hái yỗn hêq bữn mút pahõm têq noap anhia táq sanua cớq nỡ-ra hỡ máh ramứh hêq khoiq patáp anhia. ⁵ Hêq sêq Ncháu radững anhia dáng ayooq yớu máh Yiang Sursĩ ayooq anhia tê. Cớq hêq sêq Crît yỗn anhia bữn mút rơi tanhữ túh coat machóng án tê.

Anhia Chỗi Aloah

⁶ Sanua sễm ai ơi, nỡ ramứh Yê-su Crît, Ncháu hái, hêq patáp anhia ốt yớng tễ cũai sa-âm ca aloah táq ranáq. Alớ ki tở bữn puai máh ngê anhia khoiq rien tễ hêq. ⁷ Anhia khoiq dáng chơ,

p̄ieiq lứq la anhia tũoiq machóng hêq tê tễ ốc nãi. Bo hêq ốt cớq anhia, hêq tở bữn aloah ntróu. ⁸ Hêq tở bữn cha miat cớng sana anhia. Ma lứq hêq táq ranáq lakéh lứq. Hêq táq níc tangái cớq sadâu yỗn tở bữn noau tễ anhia túh siem hêq. ⁹ Lứq hêq bữn chóc têq cha cớng sana anhia. Ma hêq yoc ễ táq ngôl yỗn anhia têq tũoiq machóng hêq táq tê. ¹⁰ Bo hêq noâng ốt cớq anhia, hêq khoiq patáp anhia neq: “Khân bữn noau ma aloah táq ranáq, ki chỗi yỗn án cha.”

¹¹ Hêq pai ngkíq, yuaq hêq khoiq sâng chơ noau pai bữn cũai tễ anhia aloah táq ranáq. Alớ ki pỡq chu nãi pỡq chu ki yoc ễ t̄ieih cũai canõh sâng. ¹² Nỡ tễ Yê-su Crît, Ncháu hái, hêq patáp cớq sươq cũai ki cóq alớ cutóng táq ranáq alớ bữm, ki nốq alớ bữn cớng sana cha. ¹³ Ma anhia, sễm ai ơi, cóq anhia chỗi sâng lakéh táq ranáq o. ¹⁴ Khân bữn noau tễ anhia ma tở ễq tr̄ih máh santoiq hêq chĩc atõng tâng choâiq thờ nãi, ki anhia chỗi ốt tampõng cớq cũai ki, táq yỗn alớ sâng casiet. ¹⁵ Ma anhia chỗi nhêng cũai ki la ariang cũai par-ũal. Ma cóq anhia sươq alớ ariang anhia đốq sươq sễm ai anhia tê.

Parnai Cuban

¹⁶ Cứq sêq Yiang Sursĩ, án ca ndõm ốc ien khẽ, yỗn án chuai anhia sâng bũi óh níc tễ dũ ranáq anhia táq. Hêq sêq Ncháu hái ốt níc cớq anhia.

¹⁷ Cứq, Phau-lô, chĩc toâq atĩ cứq bữm máh parnai cubán parsót nãi. Dũ choâiq thờ cứq chĩc, cứq chĩc ngkíq níc ramứh cứq.

¹⁸ Cứq sêq Yê-su Crît, Ncháu hái, chuai miat anhia.

Choaiq Thở Muoi Phau-lô Chĩc Yỗn Ti-muthê Santoiq Atởng

Phau-lô chĩc choaiq thờ muoi nài coiq sa-óh Ti-muthê. Án chĩc sám 63 toâq 65 cumo ntun Yê-su canốt. Ti-muthê la samiang póng ca đốq táq ranáq cớp Phau-lô bo alói pởq atởng parnai o tễ Yê-su Crĩt. Mpiq Ti-muthê la cũai I-sarel, ma mpoaq án la cũai Créc.

Phau-lô ớn Ti-muthê ớt loah tâng vil Ê-phê-sô đốq rachuai tốp sa-âm tâng vil ki, bo Phau-lô pởq atởng chu vil canốh. Phau-lô chĩc choaiq thờ nài đốq catoaih Ti-muthê tễ ranáq ayông tốp sa-âm tâng vil Ê-phê-sô. Án atởng tễ rườh cũai yỗn cốt plở tâng tốp sa-âm. Án ớn Ti-muthê chuai cán cumai con cumuiq, cớp tutuaiq cũai ca atởng ngê tở bữn p̄ieiq. Án atởng tễ ranáq yống tũen práq yỗn p̄ieiq.

¹ Cứq Phau-lô, la ayũng atĩ Yê-su Crĩt, yuaq Yiang Sursĩ cớp Yê-su Crĩt ớn cứq táq ranáq ki. Yiang Sursĩ lứq chuai amoong hái. Cớp hái nguang níc Yê-su Crĩt toâq loah pở cutêq nài. ² Cứq chĩc choaiq thờ nài coiq sa-óh Ti-muthê. Mớ la samoât con cứq tê, yuaq mới sa-âm Yê-su Crĩt cồ nhó cứq atởng mới. Cứq sễq Yiang Sursĩ, Mpoaq hái, cớp Yê-su Crĩt, Ncháu hái, chuai miat mới, cớp ayooq táq mới, cớp yỗn mới ớt bán sũan ien khể níc.

Bữn Cũai Atởng Tễ Ngê Yiang Sursĩ, Ma Tở Bữn P̄ieiq

³ Cứq yoc mới ớt loah tâng vil Ê-phê-sô voai, riang cứq khioiq ớn mới chơ bo cứq ễ pởq chu cruang Ma-sadôn. Bữn cũai ớt

tâng vil ki atởng ngê tở p̄ieiq. Cớq mới sươq alói chỗi yỗn alói atởng noâng ngkiq. ⁴ Cớp sươq alói chỗi atởng noâng parnai nsũar tở bữn p̄ieiq. Alói đốq rien níc tễ choaiq noau chĩc ramứh achúc achiac alói, ma lứq ốc ki tở bữn chuai yỗn alói dáng tễ ngê Yiang Sursĩ. Ốc ki táq yỗn noau yoc ralốh sâng. Ma cũai aléq yoc ễ dáng tễ ngê Yiang Sursĩ, cớq cũai ki sa-âm. ⁵ Cứq yoc mới patáp yỗn alói bữn mút pahôm ayooq tâng pái ramứh neq: Muoi la mút pahôm tở bữn lôiuh ntróu, bar la sarnóm bráh o, pái la sa-âm Yiang Sursĩ samoât samoi. ⁶ Ma bữn cũai cốt samoât án cloc rana, chơ án nguai chíq tễ pái ramứh ki. Alói ki đốq táq ntởng tở cốt ốc. ⁷ Alói yoc lứq cốt thài atởng tễ phễp rit Mũi-se. Ma alói tở bữn dáng ntróu máh ốc alói pai. Alói chanchóm máh ốc ki la p̄ieiq, ma máh ốc ki tở bữn p̄ieiq ntróu.

⁸ Hái dáng phễp rit nài la lứq o, ma cũai atởng tễ phễp rit, cớq án atởng p̄ieiq. ⁹ Ma Yiang Sursĩ tở bữn tễng phễp rit nài yỗn cũai táq ranáq tanoang o. Ma lứq án táq yỗn cũai neq: Alói ca tở ểq trĩh phễp rit; alói ca tở ểq noau cốt sốt alói; alói ca tở bữn yám noap Yiang Sursĩ; alói ca táq ranáq lôiuh; alói ca bữn mút tở ngcốh; alói ca puai ngê tở bữn cốt kia ntróu; alói ca cachit mpiq mpoaq tở la cũai canốh; ¹⁰ alói ca tở bữn lacuoi cayac ma bẻq parnoi; mansẽm ca ễ bữn ratuaq mansẽm, samiang ca ễ bữn ratuaq samiang; alói ca tuoiq cớp chẻq cũai; alói ca táq ntởng lauq; alói ca rathẽ tở bữn lứq; cớp alói ca táq ranáq raclaiq tễ ốc p̄ieiq Yiang Sursĩ. ¹¹ Ốc p̄ieiq nài la parnai o tễ Yiang Sursĩ. Yiang Sursĩ bữn chóc sốt toâr lứq, cớp án la nỡm ốc bốn. Yiang Sursĩ

toâp yõn cứq atõng parnai o tẽ án yõn cũai canõh dáng.

Phau-lô Sa-õn Yiang Sursĩ Ay-ooq An

¹² Cứq sa-õn Yê-su Crĩt, Ncháu hái, án noap cứq cõt cũai táq ranáq án, cốp án yõn cứq rơi táq ranáq ki. ¹³ Bo nhũang cứq đõq acrieiq ramúh Yê-su, cốp cứq táq túh coat lứq máh cũai puai ngê án; cứq la cũai tachoat lứq. Ma Yiang Sursĩ noâng sarũiq táq cứq, yuaq cứq la cũai sacũl, cốp tở yũah sa-âm án. ¹⁴ Yiang Sursĩ chuai miat cứq la-õq chơ, đõq cứq tẽq sa-âm Yê-su Crĩt cốp dáng ốc ayooq tẽ án. ¹⁵ Yê-su Crĩt toâq pở cốc cutẽq nài cõ án yoc ẽ chuai amoong máh cũai ca bữn lỏih. Santoiq nài la lứq p̄ieiq. O yõn dũ náq cũai roap ỉt santoiq nài. Dũ náq cũai bữn lỏih, ma lỏih cứq ntâng hỡn tẽ cũai canõh. ¹⁶ Ma Yiang Sursĩ noâng sarũiq táq cứq, đõq yõn Yê-su Crĩt apáh án bữn mút tanhĩr chỏq máh cũai lỏih, yuaq cứq táq lỏih sa-ũĩ hỡn tẽ cũai canõh. Ngkĩq, cứq la samoat ngõl đõq paryõng máh cũai sa-âm Yê-su thrap ntun, yõn tẽq alỏĩ táq riang cứq tẽ, chơ alỏĩ bữn tamoong mantái. ¹⁷ Yiang Sursĩ la Puo tở nai pứt. Tở nai noau hữm roâp án. Cốp án tở nai cuchĩt. Ống manoaq án toâp lứq Yiang Sursĩ. Cỏq hái yám noap cốp khẽn án sỏt đõĩ lơi cumo. Amen.

Phau-lô Patâp Ti-muthê

¹⁸ Ti-muthê ỏi, mới la samoat con ramia cứq tẽ. Ngkĩq cứq yoc yõn mới dáng cỏq mới táq ntróu. Bữn cũai tang bõq Yiang Sursĩ khoiq atõng santoiq o tẽ mới. Cỏq mới ỉt loah máh santoiq alỏĩ atõng, yõn santoiq ki cõt samoat cớng choac, đõq tẽq mới riap chĩl máh ngê sáuq. ¹⁹ Cỏq mới yõng pacái níc ốc sa-âm Yê-su. Cốp

cỏq mới táq o níc yõn mút pahõm mới tở tẽq tẽq tở mới bữm. Bữn cũai táq ranáq, ma mút pahõm alỏĩ dáng alỏĩ táq lỏih. Cũai ki samoat talỏh bữm mút alỏĩ sa-âm Yê-su Crĩt. ²⁰ Bữn bar náq cũai táq ngkĩq, la Hi-manê cốp Alec-sandơ. Cứq khoiq chiau alỏĩ pở atĩ yiang Satan, yõn yiang ki ền sỏt alỏĩ, đõq alỏĩ lap cốp tở bữn pai noâng tẽ Yiang Sursĩ tở o.

2

Atõng Tẽ Santoiq Câu Sẻq

¹ Ngkĩq, tẽ dẫu lứq cứq patâp neq: Cỏq anhia câu sẻq Yiang Sursĩ chuai dũ náq cũai. Cốp cỏq anhia sa-õn níc Yiang Sursĩ. ² Cỏq anhia câu sẻq Yiang Sursĩ chuai máh puo cốp máh cũai sỏt canõh hỡ, yõn tẽq đõĩ tamoong hái õt ien khẻ, cốp tẽq hái õt sangcún đõq puai ngê Yiang Sursĩ samoat samoi. ³ O lứq hái câu yõn dũ náq cũai, cốp ốc ki táq yõn bũĩ pahõm Yiang Sursĩ, án ca chuai amoong hái. ⁴ Yiang Sursĩ yoc ẽ chuai amoong dũ náq cũai, cốp án ẽq nheq tũh cũai dáng samoat samoi tẽ ngê án. ⁵ Bữn ống manoaq Yiang Sursĩ sâng. Cốp bữn ống manoaq sâng õt mpúng dĩ đõq partoâq parnai yõn Yiang Sursĩ cốp máh cũai. Manoaq nài la Yê-su Crĩt. ⁶ Yê-su pláih mang án bữm chũuq cuchĩt tang dũ náq cũai. Toâq tangái Yiang Sursĩ ruoh, án yõn cũai dáng tẽ parnai o nài. ⁷ Lứq Yiang Sursĩ toâp ớn cứq cõt ayũng atĩ án, cốp án yõn cứq cõt cũai atõng cũai tở cõn cũai I-sarel. Cứq atõng alỏĩ tẽ ốc sa-âm Yê-su Crĩt, cốp cứq atõng máh ngê p̄ieiq tẽ án. Santoiq cứq atõng la p̄ieiq lứq. Cứq tở bữn atõng lauq ntróu.

⁸ Máh samiang tâng tởp anhia, toâq alỏĩ câu tâng đõng sang, alỏĩ

dốq yuor tayúng cốp sacõ atĩ. Ma ntốq aléq alóí câu, cúq yoc alóí bữn mút pahõm tở bữn lờih, tở bữn sâng ùan, cốp tở bữn ralỏih.

Ốc Patáp Yỗn Mách Cũai Mansẽm

⁹ Cúq yoc tê máh mansẽm tác tampác carsiat o ma tở bữn ốt sác ntróu, cốp tở bữn êq noau khễn alóí. Tở bữn túh ntróu mansẽm cóq clan sóc, tở la pasang tở toáq yểng tở la crong ngoaih canõh. Cốp tở bữn túh cóq tác tampác kia ntâng. ¹⁰ Ma o lứq mansẽm ca puai ngê Yiang Sursĩ táq níc ranáq o. Cóq alóí táq ngkíq, đốq cũai canõh têq khễn alóí la cũai mantoat. ¹¹ Bọ anhiá rỏm sang Yiang Sursĩ, yỗn mansẽm ốt rangiac bọ noau atõng, cốp yỗn alóí trỉh dũ ốc máh ramứh noau atõng alóí. ¹² Bọ anhiá atõng, cúq patáp anhiá tở yỗn mansẽm atõng tễ ngê Yiang Sursĩ. Cốp chỏi yỗn alóí cõt sớt hỡn tễ cũai samiang. Ma yỗn alóí ốt rangiac. ¹³ Yuaq Yiang Sursĩ tềng Adam nhũang, ma Yiang Sursĩ tềng Ê-va ntun. ¹⁴ Cốp yiang Satan tở bữn phếq Adam, ma án phếq mansẽm, chớ mansẽm ki bữn lờih. ¹⁵ Yuaq ngkíq Yiang Sursĩ ma yỗn mansẽm bữn sa-ũĩ a-ĩ bọ alóí canõt con. Ma Yiang Sursĩ noàng chuai amoong alóí, khân alóí táq níc ranáq neq: Sa-âm samoat samỏi, ayooq yớu, ốt mantoat o yáng moat Yiang Sursĩ, cốp dáng rabán o tở bữm.

3

Cũai Táq Ranáq Tâng Tốp Sa-âm

¹ Santoiq nài la pñeiq lứq: Khân cũai aléq chanchóm yoc ẽ cõt sớt tâng tốp sa-âm, cũai ki chanchóm ẽ táq ranáq o. ² Cũai ẽ cõt sớt tâng tốp sa-âm cóq án táq yỗn

cũai canõh tở têq tềq án. Cóq án bữn ống muoi lám lacuoi. Cóq án dáng tutuaiq máh ramứh toáq pở án. Cóq án dáng rabán o tở án bữm. Cóq án ốt mantoat o. Cóq án dáng roap tamoi. Cóq án dáng atõng raloaih. ³ Cóq án chỏi ham blống. Cóq án tở bữn coáp khlỏh mút. Ma cóq án khữn phếp, cốp tở bữn coáp nsóq. Cóq án chỏi ham práq. ⁴ Cốp cóq án dáng radừng o đống sũ án, đốq máh con án têq trỉh cốp yám noap án. ⁵ Khân án tở dáng radừng o đống sũ án bữm, nốq têq án radừng o máh tốp sa-âm Yiang Sursĩ. ⁶ Cũai mbỏiq sa-âm Yê-su Crít, chỏi yỗn án cõt sớt tâng tốp sa-âm. Cỏh lớ án bữn mút pahõm yoc ốt, chớ Yiang Sursĩ táq án machóng Yiang Sursĩ táq yiang Satan tê. ⁷ Ma cũai cõt sớt tâng tốp sa-âm, cóq bữn đếh cũai tở yũah sa-âm noap án la cũai o. Khân tở bữn ngkíq, cỏh lớ án cõt casiet cốp chuat tâng rabang yiang Satan.

⁸ Máh cũai ẽ rachuai ranáq cũai sớt tâng tốp sa-âm, cóq alóí bữn mút sangcún tê. Cóq alóí chỏi táq ntõng santoiq bambar. Cóq alóí chỏi ham blống. Cóq alóí chỏi ham práq. ⁹ Cốp cóq alóí yống pacái máh ốc pñeiq alóí sa-âm Yê-su Crít, ariang Yiang Sursĩ khoiq yỗn alóí dáng chớ. Cóq alóí bữn mút pahõm tở bữn tềq tở bữm. ¹⁰ Nhũang alóí ẽ mut táq ranáq tâng tốp sa-âm, cóq anhiá chim alóí voai. Khân cũai canõh tở bữn tềq alóí, ki tềq alóí mut táq ranáq ki.

¹¹ Machóng ki tê, lacuoi alóí cóq bữn mút khữn. Cóq alóí chỏi voóq sấuq cũai canõh. Cóq alóí dáng rabán o tở alóí bữm. Cốp cóq alóí táq yỗn cũai canõh têq noap alóí.

¹² Cũai rachuai ranáq tâng tốp sa-âm, cóq alóí bữn ống muoi lám

lacuoi. Cóp cóq alóí têq radũng o con acái cóp đống sũ alóí. ¹³ Khân alóí táq ranáq o đõq rachuai yóu, ngkíq cũai canõh yám noap alóí, cóp mút pahõm alóí cõt clõq lứq đõq táq ranáq Yê-su Crít, yuaq alóí sa-âm lứq án.

Cỗ Nớq Phau-lô Patáp Ti-muthê?

¹⁴ Sanua cứq chĩc choaiq thờ nài cõiq yõn mới, ma tớ bữn dũn noàng cứq chanchóm ẽ toaq pở mới. ¹⁵ Ma khân cứq toaq cro, choaiq thờ nài atõng yõn mới dáng tẽ con acái Yiang Sursĩ cóq táq ntróu. Máh con acái nài la tốp sa-âm Yiang Sursĩ. Alóí la samoát tanũl cóp prang tâng đống, cóp parnai p̄ieiq tẽ Yiang Sursĩ la samoát riang sarpo. Machõng tanũl cóp prang đống sarpo, ngkíq tê tốp sa-âm đống parnai p̄ieiq tẽ Yiang Sursĩ. ¹⁶ Tớ bữn noau têq rasuon tẽ máh ốc hái sa-âm ca toâr cóp yarũ lứq. Ốc nài la neq:

Yê-su Crít toaq pở cutẽq nài;
án cõt sac sâiq machõng cũai tẽ.

Raviei Yiang Sursĩ apáh án lứq tanoang o.

Ranẽng Yiang Sursĩ tẽ paloõng khiq hũm án.

Noau khiq atõng tẽ án yõn cũai tớ cõn cũai I-sarel dáng tẽ.

Bữn cũai tâng dũ cruang sa-âm án.

Cóp án khiq chõn loah chu paloõng chơ.

4

Cũai Ca Atõng Ốc Tớ P̄ieiq

¹ Raviei Yiang Sursĩ atõng raloaih lứq, toaq đõi ntun bữn cũai táh ngê sa-âm Yê-su Crít, chơ alóí ít ngê máh yiang đõq raphẽq ẽn. Cóp alóí puai ngê máh yiang sâuq ki. ² Alóí ca táq nan sâng ẽq

cũai canõh pai alóí atõng p̄ieiq, ma tẽ ốc lứq alóí atõng moang ốc lauq. Mút pahõm alóí tớ bữn chanchóm ẽ táq ranáq o, samoát noau apat toaq tac cutâu ngư. ³ Alóí pai tớ o ít lacuoi. Cóp alóí atõng tớ o cha sa-ũĩ ramứh cõng sana. Ma Yiang Sursĩ tẽng dũ ramứh cõng sana yõn máh cũai sa-âm án, cóp yõn alóí dáng ốc p̄ieiq tẽ án. Têq alóí cha cóp sa-õn án. ⁴ Dũ ramứh Yiang Sursĩ khiq tẽng la o nheq. Têq hái roap cóp sa-õn Yiang Sursĩ tẽng cõng sana ki yõn hái. ⁵ Cỗ nhơ tẽ parnai Yiang Sursĩ pai, cóp cỗ nhơ tẽ hái câu sa-õn án, ngkíq dũ ramứh cõng sana la o yõn hái cha.

Ranáq Ti-muthê Táq

⁶ Khân mới atõng dũ ramứh nài yõn sẽm ai hái dáng, ki mới táq ranáq o yõn Yê-su Crít. Ngkíq ốc mới sa-âm cóp ngê o mới puai chũm siem raviei mới yõn toâr achõn. ⁷ Mới chõi tamúng máh ốc noau nsũar tâng đõi nài ca tớ bữn cõt kia ntróu. Cóp chõi tamúng máh tampân tiaq ariang ayoaq thâu đõq atõng. Ma o lứq mới rien níc tẽ ngê Yiang Sursĩ yõn mút pahõm mới sa-âm pacái lứq ẽn. ⁸ Khân hái téh ẽp rien yõn tớ hái cõt bán rêng, ốc nài bữn kia bĩq. Ma khân hái téh ẽp rien ngê Yiang Sursĩ yõn mút hái cõt pacái lứq ẽn, ốc nài bữn kia yõn đõi tamoong sanua cóp đõi ntun tẽ. ⁹ Ốc nài la p̄ieiq lứq. O yõn cũai roap ít cóp sa-âm samoát samoi. ¹⁰ Ngkíq hái táq cutõng lứq cóp tampõr ẽ táq ranáq o, yuaq hái sa-âm Yiang Sursĩ, án ca tamoong mantái níc. Cóp án chuai amoong nheq tũh cũai ca sa-âm án samoát samoi.

11 Mách ốc nâi cứq ớn mới patâp cớp atõng raloaih lứq yõn cũai canõh. 12 Chõỉ táq yõn cũai canõh ayê ra-ac mới cõ tian mới la cũai póng. Ma cớq mới cõt ngõl yõn cũai sa-âm la neq: Cớq mới atõng o níc, cớq mới ốt khũn phếp níc, cớq mới ayooq níc cũai canõh, cớq mới sa-âm samoât samõi, cớp cớq mới bũn mút pahõm tở bũn lỏih ntróu. 13 Bo cứq tở yũah toâq, cớq mới doc níc parnai Yiang Sursĩ yõn cũai canõh sâng, cớp cớq mới atõng patâp alỏi. 14 Mới chõỉ nguai tể máh ramứh Raviei Yiang Sursĩ chuai yõn mới bo cũai tang bõq Yiang Sursĩ pai Yiang Sursĩ chuai yõn mới bũn máh ramứh ki, cớp bo cũai sớt tâng tộp sa-âm satoaq atĩ tâng tở mới.

15 Dũ ramứh Yiang Sursĩ khoi q chuai yõn mới bũn, cớq mới táq cutóng nheq rangứh. Ngkíq dĩ náq cũai tềq dáng mới cõt o cartuon achõn. 16 Cớq mới nhêng o mút pahõm mới, cớp cớq mới nhêng o máh ngê mới atõng. Khãn mới táq ngkíq, Yiang Sursĩ lứq chuai amoong mới cớp máh cũai ca tamứng parnai mới tể.

5

Ranáq Ntróu Ti-muthê Táq Yõn Tộp Sa-âm

1 Mới chõỉ pai tacáh toâq mới sươq máh cũai samiang thâu, ma cớq mới pai laviei ariang mới atõng mpoaq mới. Mách alỏi ca noâng póng, cớq mới táq chóq alỏi ariang sễm ai mới. 2 Mách cũai mansễm thâu, cớq mới táq chóq alỏi ariang mpiq mới. Cớp máh mansễm noâng póng, cớq mới táq o chóq alỏi ariang amuaq mới.

3 Cớq mới yám noap máh cán cumai ca ốq cũai chuai. 4 Ma khãn cán cumai noâng bũn con cớp châu, ki o yõn alỏi ki apáh

mút pahõm puai ngê Yiang Sursĩ na alỏi siem án, yuaq ranáq nâi la alỏi culáh loah cóng yõn mpiq mpoaq, ayoaq achuaih. Mách ranáq ki la o yáng moat Yiang Sursĩ. 5 Ma cán cumai ốq cũai chuai, án ngcuang ống Yiang Sursĩ toâp chuai án, cớp án câu sễq níc tể Yiang Sursĩ cu rangái cu sadâu. 6 Ma khãn cán cumai ít rangứh án bũm cớp yoc ể puai ốc bũi tâng dõih nâi sâng, lứq pai mansễm ki noâng tamoong, ma riang án khoi q cuchít chơ. 7 Cớq mới atõng alỏi máh ốc nâi yõn cũai canõh tở tềq tềq alỏi. 8 Ma khãn bũn noau tở ểq siem sễm ai, tở la cũai tâng đống sũ, cũai ki la samoât riang án táh ngê sa-âm Yê-su Crít tể. Ngkíq án cõt sâuq hõn tể cũai tở yũah sa-âm.

9 Chõỉ chĩc ramứh cán cumai tâng choai q bũn ramứh cán cumai tộp sa-âm noau chuai, khãn anhúq án tở yũah toâq tapoât chít cumo. Cớp cớq án la mansễm bũn ống muoi lám cayac sâng. 10 Cớq bũn cũai canõh khẽn án, pai án táq ranáq o níc neq: Án rabán o con acái án. Án táq o chóq cũai tamoi. Án táq o chóq nheq tữh tộp sa-âm samoât riang án cõt sũl alỏi. Án chuai cũai ramóh tũh coat. Cớp án táq dĩ ranáq o canõh hỡ.

11 Ma máh cán cumai noâng póng, mới chõỉ chĩc ramứh alỏi tâng pơ choai q ki. Cõh lơ alỏi chuaq cayac tamái ểh, chơ alỏi táh chíq ngê Crít. 12 Ngkíq alỏi táq lỏih, yuaq alỏi táh máh ốc par-ừq tể dâu. 13 Cớp alỏi cõt aloah, yoc ể mut đống nâi đống ki táq ntõng sa-ữi santoi q tở cõt ốc. Ma hõn tể ki ểh, alỏi voõq sâuq yóu, cớp táq ntõng sa-ữi ốc tở o hỡ. 14 Ngkíq cứq chanchóm o yõn mansễm cumai noâng póng, yõn

alóí têq chuaq cayac tamái, cóp bữn con ẽn, cóp táq sarâng ranáq alóí tâng đống sũ. Khân alóí táq ngkíq, cũai ca ẽ talốh tốp sa-âm lứq tở têq tếp alóí. ¹⁵ Bữn bĩq nác cán cumai khoiq táh ngê Yiang Sursĩ; chơ alóí puai ngê yiang Satan ẽn. ¹⁶ Khân mansêm khoiq sa-âm chơ, ma bữn cán cumai ốt tâng đống sũ án, cóq án chửm siem cán cumai ki. Táq ngkíq ranáq nãi tở bữn toáq pở nheq tữh tốp sa-âm. Ngkíq tốp sa-âm têq chuai cán cumai canốh, alóí ca ốq noau chửm siem.

Tốp Sa-âm Cóq Chuai Cũai Sốt Alóí

¹⁷ Mách alóí ca sốt tốp sa-âm, khân alóí táq ranáq o cóp atống ngê Yiang Sursĩ sarâng lứq, cóq tốp sa-âm yám noap cóp chuai alóí yỗn bữn dũ tác khám cha. ¹⁸ Tâng tâm saráq Yiang Sursĩ khoiq pai neq:

“Bo ntroốq tĩn saro yỗn anhia, anhia chỏi cusũm bỗq án.

Cóq anhia yỗn án cha tê, yuaq án táq ranáq yỗn anhia.”*

Cóp tâm saráq Yiang Sursĩ pai neq tê:

“Mách cũai tuthẽ, cóq alóí bữn cóng alóí.”*

¹⁹ Khân bữn noau yoc ẽ tếp cũai sốt tâng tốp sa-âm, khân tở bữn bar pái nác cũai mỗ pruam cóp án, ngkíq mới chỏi noap ốc ki. ²⁰ Ma khân bữn cũai sốt tốp sa-âm, ma lứq táq lôih, cóq mới sươq án yáng moat cũai sa-âm canốh, yỗn cũai canốh tở ẽq táq lôih ngkíq tê.

Ốc Patâp Canốh

²¹ Yáng moat Yiang Sursĩ cóp Yê-su Crít, cóp yáng moat ranẽng Yiang Sursĩ tâng paloống hỡ, cứq patâp mới neq: Mới cupốt yỗn

khâm máh ốc cứq khoiq patâp mới. Ma mới chỏi táq mpha cóq cũai nãi cóp cũai ki. Cóq mới táq machống nheq cóq dũ nác cũai. ²² Mới chỏi cóp satoaq atĩ tâng cũai canốh táq tếp án cõt cũai táq ranáq Yiang Sursĩ. Cồh lơ ntun ẽn khân cũai ki táq lôih, noau pai mới bữn lôih machống án ki tê. Cóq mới ốt mantoat o níc, chỏi yỗn mút pahỗm mới bữn lôih.

²³ Cỗ púng mới bữn sa-ữi ramứh a-ĩ, ngkíq mới chỏi nguaiq ống đờq miat. Ma o yỗn mới nguaiq bĩq blống nho đờq chuai púng mới yỗn cõt bán.

²⁴ Bữn cũai táq lôih, hái hữm lôih alóí raloaih lứq. Cóp Yiang Sursĩ lứq tếp lôih ki tể nhũang cũai ki tở yũah toáq yáng moat án. Ma bữn cũai canốh táq lôih tê, ma hái tở bữn hữm yũah lôih alóí. Ma toáq tangái parsốt, lứq hái dáng lôih alóí. ²⁵ Machống ki tê bữn cũai táq ranáq o, hái hữm raloaih lứq ranáq alóí táq. Ma khân hái tở bữn hữm raloaih ranáq o ki, mỗ nõang Yiang Sursĩ hữm. Alóí tở têq cutooq tể án máh ranáq o alóí táq.

6

Ốc Patâp Yỗn Cũai Sũl Ca Sa-âm Yê-su

¹ Nheq tữh cũai sũl, cóq alóí yám noap ncháu alóí. Khân alóí táq ngkíq, cũai canốh tở têq acrieiq ramứh Yiang Sursĩ cóp mumat ngê án, cỗ tian cũai sũl ki. ² Cũai sũl ca bữn ncháu sa-âm Yê-su Crít, lứq alóí cõt máh sêm ai yáng moat Yiang Sursĩ. Ma cóq cũai sũl ki chỏi palữi cũai ncháu án. Sũl ki cóq táq ranáq sarâng hỡn tể nhũang ẽn, yuaq ncháu án la cũai sa-âm tê. Cóq tâng tốp sa-âm manoaq cóq ayooq

manoaq. Mách ốc ki cóq mới patâp cóp atõng níc yõn alóí dáng.

Cũai Ca Atõng Ốc Tờ P̄ieiq Ẽ Cốt Sốc

³ Bữn cũai atõng ngê mpha tẽ ngê Yiang Sursĩ, cóp ngê alóí tờ bữn pruam cóp parnai p̄ieiq tẽ Yê-su Crít, Ncháu hái. Cóp alóí tờ bữn pruam yám noap Yiang Sursĩ samoat samoi. ⁴ Mách cũai ki yoc ẽ achõn tờ alóí bữm, ma lữq alóí tờ bữn dáng ntróu thánq. Cũai ki ham yoc ralõih cóp rasuon níc sânq. Chơ cõt neq: Manoaq sa-on tẽ manoaq, manoaq ẽq hữn tẽ manoaq, manoaq acrieiq manoaq, manoaq chanchóm tờ o tẽ manoaq, ⁵ manoaq racáiq manoaq. Mút pahõm alóí la loài lữq, cóp alóí khoiq pút chơ máh ốc p̄ieiq. Alóí chanchóm khân alóí atõng tẽ ngê Yiang Sursĩ, ki alóí lữq cõt sóc.

Mút Pahõm Ham Cờng Sanốc

⁶ Ma cũai yám noap Yiang Sursĩ samoat samoi, lữq cũai ki cõt sóc, ma sóc án la mpha tẽ sóc tâng dõi nài. Án tờ bữn yoc clũi tẽ Yiang Sursĩ yõn. ⁷ Tẽ dâu mpiq hái canốt, hái tờ bữn dũng cõng ntróu mut tâng dõi nài. Cóp toâq hái cuchít, hái tờ tẽq dũng cõng ntróu puai hái. ⁸ Ngkíq, khân hái bữn dũ tâc khám cha, chơ hái tờ bữn ham noâng clũi tẽ ki. ⁹ Ma máh cũai yoc ẽ cõt sóc tâng dõi nài, ngê sâuq lữq radũng alóí yõn ham sa-ũi ốc tờ bữn kia ntróu, cóp táq yõn alóí ramóh sa-ũi ốc coat arúc. Nài la samoat riang alóí chuat tâng acáp. Ngkíq alóí chõng talõh tờ alóí bữm, cóp raviei alóí cuchít pút neq. ¹⁰ Ốc ham práq yẽng, la nõm yõn dũ ramứh ốc sâuq. Mách cũai ham práq yẽng, ki samoat alóí clóc rana tờ bữn sa-âm noâng

ngê Yiang Sursĩ, cóp mút pahõm alóí bữn moang ốc ngua.

Ốc Patâp Ẽn Yõn Ti-muthê

¹¹ Ma cóq mới viaq neq máh ốc tờ o ki, yuaq mới la cũai táq ranáq Yiang Sursĩ. Ngkíq cóq mới táq níc neq: Ốt tanoang o, bữn mút pahõm yám noap Yiang Sursĩ, sa-âm samoat samoi, ayooq yóu, tanhữ níc, cóp ốt khữn mantoaat o. ¹² Ngê mới sa-âm tẽ Yiang Sursĩ cóq mới ratánq chũ loah yiang Satan, tờ yõn án talõh chíq ngê ki, yõn mới riap yõng pacái lữq máh ốc tamoong mantái ki. Lữq Yiang Sursĩ yõn mới bữn ốc tamoong nài bo mới khoiq ngin mới sa-âm samoat samoi yáng moat cũai clũng. ¹³ Yáng moat Yiang Sursĩ, án ca yõn dũ ramứh tẽq tamoong, cóp yáng moat Yê-su Crít, án ca ngin p̄ieiq lữq tẽ ngê Yiang Sursĩ yáng moat Ponti Phi-lat, ki cứq patâp mới neq: ¹⁴ Cóq mới yõng pacái lữq máh ốc Yiang Sursĩ khoiq patâp mới chơ. Cóq mới trĩh dũ ốc ki samoat samoi, yõn noau canốh tờ tẽq tẽq mới, toau toâq tangái Yê-su Crít, Ncháu hái, toâq loah pở cutẽq nài. ¹⁵ Ống Yiang Sursĩ toâp tẽq rườh tangái ki. Yiang Sursĩ la nõm ốc bốn. Ống án toâp la sốt toâr clũi tẽ canốh. Án la Puo toâr clũi tẽ puo canốh. Cóp án la Ncháu toâr clũi tẽ ncháu canốh. ¹⁶ Ống Yiang Sursĩ toâp bữn tamoong níc tờ nai cuchít. Án ốt tâng ntốq bữn poang hữn tẽ poang canốh. Tờ bữn cũai aléq ma tẽq nhèng chu poang ki. Tẽ dõi mbốq toâq dõi sanua tờ bữn cũai aléq ma bữn hữm roâp Yiang Sursĩ. Cóp đẽh dõi ntun hữ, la tờ bữn noau tẽq hữm. Cóq hái yám noap chớc sốt toâr cóp ang-ũr án tái mantái. Amen.

Ớc Patâp Yỗn Cũai Sốc Bữn

¹⁷ Cớq mới atỡng cũai sốc bữn tâng dỡi nâi, chỡi yỗn alới ớt, cớp yỗn alới sa-âm Yiang Sursĩ samoât samoi. Chỡi yỗn alới poâng cớng sanốc alới tâng dỡi nâi, yuaq cớng sanốc ki, tỡ bữn ớt mantái níc cớp alới. Ma cớq alới sa-âm Yiang Sursĩ, yuaq án yỗn hái bữn dũ ramứh cớng sa-ữi la-ỡq, chuai yỗn hái ớt bũi o níc. ¹⁸ Cớq mới atỡng yỗn alới táq ranáq o níc. Ngkíq alới cõt sốc ốc o tâng mút pahỡm alới. Cớq alới chỡi pasếq sanốc alới tâng dỡi nâi, ma cớq alới bữn mút pahỡm yoc ẽ chuai cũai canốh tể cớng sanốc alới. ¹⁹ Táq ngkíq, samoât alới parốm ốc bốn puan yỗn alới bữm. Ớc bốn puan nâi tỡ nai cõt pút. Cớp táq ngkíq, têq alới bữn roap ốc tamoong mantái níc.

Ớc Patâp Parsốt Yỗn Ti-muthê

²⁰ Ti-muthê ơi! Cớq mới kĩaq o máh ngê Yiang Sursĩ khoiq yỗn mới chớ. Cớq mới viaq tể parnai sâuq tâng dỡi nâi cớp tể alới ca yoc lứq táq ntỡng tỡ cõt ốc. Alới ki chanchốm alới la cũai ran-goaiq, ma lứq alới tỡ bữn rangoaiq ntrớu. ²¹ Bữn cũai khoiq táq ntỡng ngkíq, ma alới ki clốc rana tể ốc sa-âm.

Cứq sếq Yiang Sursĩ chuai miat nheq tữh anhia.

Choaiq Thờ Bar Phau-lô Chĩc Yỗn Ti-muthê Santoiq Atõng

Phau-lô chĩc choaiq thờ bar nài coiq sa-óh Ti-muthê sám 67 cumo ntun Yê-su canõt. Phau-lô chĩc thờ nài bo án õt tũ tâng vil Rô-ma. Án dáng án cheq ẽ cuchĩt. Ngkĩq yuaq án chĩc thờ nài coiq sa-óh Ti-muthê la ariang con samiang ca án ayooq lứq. Án patáp Ti-muthê chõĩ sâng casiet tẽ án, ma cóq án chĩuq túh coat ariang tahan o Yê-su Crĩt.

Án ớn Ti-muthê nhêng o tẽ cũai atõng tở bữn p̄ieiq parnai o tẽ Yiang Sursĩ. Cóp án pai neq: “Dũ ọc tâng Tâm Saráq Yiang Sursĩ, lứq Yiang Sursĩ toáp yỗn cũai chĩc máh ọc ki. Ngkĩq nheq ọc ki la o đõq atõng cũai tẽ ngê Yiang Sursĩ, đõq sươq cũai táq ranáq sâuq, đõq chuai cũai yỗn táq ranáq o ẽn, cóp đõq cũai dáng cóq táq ntróu yỗn tẽq õt tanoang o yáng moat Yiang Sursĩ.” (Pún 3:16)

Phau-lô nguang tở bữn dũn noâng án lứq bữn õt cóp Yiang Sursĩ, cóp án pai Yiang Sursĩ khoiq thữan cóng o yỗn án tâng paloõng.

¹ Cúq Phau-lô la ayũng atĩ Yê-su Crĩt, yuaq Yiang Sursĩ rườh cúq táq ranáq ki. Án ớn cúq p̄õq atõng yỗn cũai dáng Yiang Sursĩ khoiq ữq yỗn hái bữn tamoong mantái nhơ tẽ Yê-su Crĩt. ² Cúq chĩc choaiq thờ nài coiq sa-óh Ti-muthê. Mớĩ la samoat con cúq ayooq lứq. Cúq sêq Yiang Sursĩ, Mpoaq hái, cóp Yê-su Crĩt, Ncháu hái, chuai miat mớĩ, cóp sarũiq táq mớĩ, cóp yỗn mớĩ õt bán sũan ien khẽ níc.

Phau-lô Ayooq Cóp Catoaih Atõng Ti-muthê

³ Cúq la cũai táq ranáq Yiang Sursĩ machõng achúc achiac cúq khoiq táq tẽ mbõq tẽ. Mút pahõm cúq tở bữn tẽq cúq tẽ ranáq ki. Cu rangái sadâu cúq sanhữ lứq mớĩ. Bo léq cúq câu, cúq câu níc yỗn mớĩ. Cúq sa-õn Yiang Sursĩ sa-ũĩ lứq mớĩ sa-âm án samoat samoi. ⁴ Cúq sanhữ lứq tangái hái ratáh, cúq hũm sarliang moat mớĩ hoi. Ngkĩq cúq yoc lứq p̄õq sa-óh mớĩ, đõq yỗn mút pahõm cúq bữn moang ọc bũi. ⁵ Cúq sanhữ tẽ mớĩ sa-âm lứq Yiang Sursĩ machõng ayooq mớĩ, Lô-it, cóp mpiq mớĩ, Yunit, sa-âm tẽ nhũang. Cúq dáng samoat samoi mớĩ sa-âm machõng alõĩ ki tẽ. ⁶ Yuaq ngkĩq, cúq patáp mớĩ yỗn sanhữ níc máh ramũth Yiang Sursĩ chuai yỗn mớĩ táq, bo cúq satoaq atĩ cúq tâng plõ mớĩ táq tẽc mớĩ tabõq táq ranáq Yiang Sursĩ. Khãn mớĩ sanhữ nheq ọc ki, ngkĩq samoat riang pla ùih racát níc tâng mút pahõm mớĩ. ⁷ Yiang Sursĩ tở bữn yỗn hái bữn mút pahõm clac, ma án yỗn hái bữn mút pahõm clõq, mút pahõm ayooq yóu, cóp mút pahõm dáng rabán o tở bữm. ⁸ Ngkĩq mớĩ chõĩ sâng casiet atõng tẽ ngê Ncháu hái. Cóp mớĩ chõĩ sâng casiet tẽ cúq õt tũ cõ tian cúq táq ranáq án. Ma khãn túh coat ntróu toáq p̄õ mớĩ cõ tian parnai o tẽ Yê-su Crĩt, cóp mớĩ chĩuq, yuaq Yiang Sursĩ lứq yỗn mớĩ roi chĩuq máh túh coat ki. ⁹ Lứq Yiang Sursĩ chuai amoong hái, cóp án arô hái yỗn cõt con acái án. Án táq ngkĩq, tở bữn cõ tẽ ranáq hái táq. Ma án táq ngkĩq, la cõ án sâng yoc ẽ chuai miat hái nhơ Yê-su Crĩt. Cóp án tẽng ẽ táq ngkĩq tẽ nhũang tở yũah tẽng paloõng cutẽq. ¹⁰ Ma

sanua án apáh yõn hái dáng án ẽ chuai miat hái, cõ Yê-su Crít, án ca chuai amoong hái, khoiq toâq chơ. Yê-su Crít khoiq chĩl riap chơ ốc cuchĩt, cốp cõ nhơ parnai o tẽ án, khoiq apáh yõn hái dáng hái tẽq bữn tamooong mantái.

¹¹ Lứq Yiang Sursĩ ớn cứq pờq pau parnai o nài. Án yõn cứq cõt ayũng atĩ Yê-su Crít, cốp ranáq ngê án. ¹² Yuaq cứq táq ranáq nài, cứq chũuq sa-ũĩ ramúh túh coat. Ma cứq tở bữn casiet táq ntróu, yuaq cứq khoiq dáng chơ án ca cứq sa-âm. Cốp cứq dáng án rơi kĩaq pacái níc toau toâq tangái parsót nheq ngê án yõn cứq atõng.

¹³ Cóc mới yõng pacái lứq nheq ngê cứq khoiq atõng mới. Ngê nài la ngõl ốc pĩeiq yõn mới tẽq puai. Ngê nài atõng tẽ ốc sa-âm cốp ốc ayooq tẽ Yê-su Crít. ¹⁴ Raviei Yiang Sursĩ lứq õt tâng mút pahõm hái. Cõ chớc tẽ án, cóc mới kĩaq pacái níc máh ngê Yiang Sursĩ khoiq yõn mới bữn chơ.

¹⁵ Mới khoiq dáng chơ nheq máh cũai õt tâng cruang Asia khoiq táh cứq, dẽh alóĩ bar náq Phi-calu cốp Hêr-mukên. ¹⁶ Ma cứq sễq Yiang Sursĩ ayooq pasẽq nheq đõng sũ Ô-nasi-phuro, yuaq sa-ũĩ trở chơ án aliam mút pahõm cứq sâng bũi loah. Án tở bữn sâng casiet cõ cứq õt tũ. ¹⁷ Bo án toâq pờ vil Rô-ma, án chuaq níc cứq toau ramóh. ¹⁸ Mới khoiq dáng chơ nheq máh ranáq o án táq chuai cứq tâng vil Ê-phê-sô. Ngkĩq cứq sễq Yiang Sursĩ sâng ayooq táq án tâng tangái parsót.

2

Cũai Táq Ranáq Yê-su Crít Cóc Chũuq Túh Coat

¹ Ngkĩq, Ti-muthê ơi, mới la samoât con samiang cứq. Cóc mới sa-âm pacái lứq, yuaq Yê-su Crít khoiq chuai miat mới. ² Dũ ốc mới khoiq sâng cứq atõng yáng moat cũai chũng, cóc mới atõng loah máh ốc ki yõn cũai ca mới noap samoât, đõq alóĩ tẽq atõng cũai canõh ẽn. ³ Mới la samoât riang tahan Yê-su Crít. Ngkĩq cóc mới chũuq túh coat ariang tahan o đõq chũuq tẽ. ⁴ Khãn cũai aléq cõt tahan, án tở bữn chanchóm noâng tẽ ranáq cũai proai, yuaq án yoc ẽ ìt mút pahõm cũai sốt án. ⁵ Khãn bữn cũai yoc tamplĩng sansrũm, cóc án táq puai máh ngê noau atõng cũai tamplĩng. Khãn án tở bữn táq pĩeiq ngkĩq, ki án tở tẽq bữn cóng noau yõn cũai lúh tamplĩng riap. ⁶ Cốp án ca táq sarái sarâng, cũai ki cóc bữn roap cóng tẽ ranáq án táq. Palái ki culáh loah rêng án. ⁷ Cóc mới tutuaiq yõn dáng samoât máh ngê cứq sacâm adóh. Chơ Ncháu hái yõn mới dáng raloaih tẽ ngê ki. ⁸ Cóc mới sanhữ níc neq: Yê-su Crít, án ca tẽ tống toiq Davĩt, khoiq tamooong loah tẽ cuchĩt, machớng parnai o cứq khoiq atõng chơ. ⁹ Cõ tian cứq atõng parnai o nài, ngkĩq yuaq cứq ramóh sa-ũĩ túh coat, cốp noau chốq cứq samoât riang noau chốq cũai táq ranáq sâuq. Ma parnai Yiang Sursĩ noau tở tẽq chốq. ¹⁰ Ngkĩq, cứq chũuq dũ ramúh túh coat nài yõn Yê-su Crít tẽq chuai amoong máh cũai Yiang Sursĩ khoiq ruoh, đõq cũai ki bữn õt mantái níc cốp Yê-su Crít. ¹¹ Santoiq cứq atõng nài la pĩeiq lứq:

Khãn hái khoiq pruum cuchĩt
parnoi cốp Yê-su,
lứq nữ-ra hái bữn tamooong
parnoi cốp án tẽ.

¹² Khãn hái chũuq ốc túh coat

sanua,
 lứq nỡ-ra hái bữn sớt parnoi
 cốp Yê-su tê.
 Khân hái calõih Yê-su tâng đời
 nãi,
 lứq nỡ-ra án calõih hái tê.
 13 Khân hái táh parnai án,
 ki tam hái.
 Ma án tớ nãi táh máh parnai án
 khoiq ữq tế nhũang.
 Lứq án tớ têq calõih ngê án
 bữm.

Cóq Puai Ngê Yiang Sursĩ
Samoât Samoi

¹⁴ Cóq mới sươq máh cũiai tế
 tộp sa-âm yáng moat Yiang Sursĩ
 yỗn alói sanhữ chõi ralõih ntróu.
 Khân alói ralõih, ỏc ki tớ bữn cõt
 kia ntróu, ma ỏc ki táq yỗn mút
 cũiai ca tamững cõt tớ ẽq sa-âm
 noâng. ¹⁵ Khân ranáq ntróu Yiang
 Sursĩ yỗn mới táq, cóq mới táq
 cutóng níc ranáq ki yỗn mút
 pahõm Yiang Sursĩ sâng bũi níc
 cóp mới. Ngkíq, mới la riang
 cũiai Chiang táq ranáq; mới tớ
 bữn casiet ntróu tế ranáq mới táq,
 yuaq mới atõng tanoang lứq tế
 parnai Yiang Sursĩ. ¹⁶ Ma cóq mới
 viaq tế ngê noau sarhõng mpha
 tế ngê Yiang Sursĩ, cóp parnai tớ
 cõt ỏc, yuaq parnai ki radững cũiai
 yỗn ỏt yõng tế ngê Yiang Sursĩ.
¹⁷ Parnai ki la samoât riang bớc
 rỏiq cõt la-a lứq. Bar náq ca táq
 ntõng parnai ki, la Hĩ-manê cóp
 Phi-lết. ¹⁸ Alói bar náq ki khoiq
 táh chíq ỏc p̄ieiq; chớ alói p̄ai
 tangái hái tamoong loah tế cuchĩt
 khoiq vớ chớ. Ngkíq bữn cũiai
 sa-âm tế nhũang, ma sanua alói
 tớ ẽq sa-âm noâng. ¹⁹ Ma noâng
 bữn cũiai sa-âm samoât samoi lứq.
 Cũiai ki la samoât riang tanang
 đõng Yiang Sursĩ tẽng. Tanang ki
 khâm lứq, tớ bữn noau rỏi talõh.
 Tâng tanang ki Yiang Sursĩ khoiq
 chĩc santiago neq: “Yiang Sursĩ

dáng chớ máh cũiai án.”^{*} Cóp án
 chĩc neq hỡ: “Cu náq ca ngin p̄ai
 án arõ ramứh Yiang Sursĩ, cóq án
 pang yõng tế ranáq s̄auq.”

²⁰ Tâng đõng cũiai sỏc la bữn
 sa-ũi ramứh tangan. Bữn tangan
 noau táq tōaq yẽng tớ la práq.
 Cóp bữn tangan canõh noau táq
 tōaq aluang, tớ la cutẽq. Bữn
 cớng ca bữn kia ntãng lứq, cóp
 bữn cớng ca bữn kia nghẽ lứq.
²¹ Khân cũiai aléq dáng rườh ỉt ỏc
 o cóp tớ ẽq táq ranáq s̄auq, cũiai ki
 la samoât tangan moat, đõq miar
 yỗn Ncháu tâc. Cũiai ki têq táq
 ranáq o yỗn Yiang Sursĩ. Lứq
 Yiang Sursĩ khoiq tẽng tâng mút
 pahõm án nhũang yỗn cũiai ki têq
 táq ranáq o. ²² Chớ, cóq mới viaq
 yỗn vớ tế máh ranáq sac s̄aiq
 cũiai noâng póng đõq yoc ẽ táq.
 Ma cóq mới chuaq máh ngê neq:
 Ớt tanoang o yáng moat Yiang
 Sursĩ, sa-âm samoât samoi, ayooq
 níc yóu, ỏt ratoi níc cóp yóu. Máh
 ranáq nãi alói ca sang Yiang Sursĩ
 cóp bữn mút bráh o yáng moat
 án đõq táq. ²³ Ma cóq mới viaq tế
 alói atõng ngê sacũl, tớ la rasuon
 tế ỏc alói tớ bữn dáng, yuaq ranáq
 ki đõq táq yỗn cũiai ralõih. ²⁴ Ma
 án ca pruum táq ranáq yỗn Yiang
 Sursĩ, cóq án tớ bữn ralõih, ma
 cóq án bữm mút lamên chỏq đũ
 náq cũiai. Cóq án khẽuq atõng
 yỗn cũiai canõh dáng, cóp tớ bữn
 cōap nsỏq mút. ²⁵ Bo án atõng
 alói ca yoc ẽ rasuon cóp án, cóq
 án bữn mút laviei. Cõh lớ Yiang
 Sursĩ chuai alói ki ngin lõih lẽq
 cõt mút tamái ẽn, cóp yỗn alói
 dáng samoât samoi ngê p̄ieiq tế
 án. ²⁶ Khân alói táq ngkíq, alói
 tớ bữn yoc puai noâng ngê yiang
 Satan. Nãi la samoât riang alói
 bữn racláh tế acáp yiang Satan.

^{*} 2:19 2:19 Nghĩ Proai 16:5

3

Máh Tangái Parsôt Bữn Sa-ữi Cũai Sâuq

¹ Cóg mới dáng tê neq: Cheq ẽ toaq tangái parsôt, lứq bữn sa-ữi túh coat toaq voai. ² Bo ki cũai yoc ẽ ít mút pahõm bữm, cốp ham práq. Alói khẽn tổ bữm, cốp alói ốt. Alói voõq sâuq tẽ cũai canõh. Alói tở bữn trĩh parnai mpiq mpoaq. Alói tở dáng sa-õn. Alói tở bữn yám noap Yiang Sursĩ. ³ Alói tở dáng ayooq cũai canõh. Alói tở ẽq ratoi cốp yóu. Alói tũn apót yóu. Alói tở dáng rabán o tổ bữm. Alói bữn mút tachoat. Alói tở ẽq táq ranáq o. ⁴ Alói cauq ẽq noau táq yóu alói. Alói táq yúh-yúh. Alói ốt sác. Cốp alói yoc ẽ loiq bũi, hõn tẽ puai ngê Yiang Sursĩ. ⁵ Alói puai rit sang, táq ariang alói yám noap Yiang Sursĩ tê. Ma tàng mút alói, ki alói tở bữn pruum yõn Yiang Sursĩ cõt sốt alói. Cóg mới pang yong tẽ máh cũai ngkíq. ⁶ Bữn cũai tẽ tốp ki mut tàng đống cũai canõh yoc ẽ radũng máh mansẽm puai parnai tở p̄ieiq alói pai. Mansẽm ki la sacũl, bữn sa-ữi lói, cốp chái lứq pruum puai ngê tở p̄ieiq. ⁷ Máh mansẽm ki yoc ẽ rien níc sa-ữi ngê, ma alói tở nai dáng tẽ ngê p̄ieiq. ⁸ Cũai ki rasuon cốp ngê p̄ieiq, yuaq mút pahõm alói la loai lứq, cốp tở ẽq sa-âm ngê Yiang Sursĩ. Alói la samoat riang Yanêt cốp Yambrê ca rasuon cốp Mòi-se tẽ mbỏq. ⁹ Ma tẽ ranáq alói bar náq ki táq, apáh yõn nheq tữh cũai hữm alói táq tở p̄ieiq. Machõng ki tê, máh cũai yoc rasuon cốp ngê p̄ieiq tàng dõn nái. Alói tở tẽq radũng nõang yóu puai ngê alói, yuaq nheq tữh cũai hữm ngê alói la ngê sacũl.

¹⁰ Ma mới khioq dáng chơ máh ngê cúq atõng. Mới dáng

máh ranáq o cúq đốq táq; mới dáng máh ranáq ntróu cúq yoc ẽ táq. Mới dáng cúq sa-âm samoat samoi; cúq bữn mút samoat cutẽq; cúq ayooq cũai canõh; cốp cúq tanhĩr níc túh coat. ¹¹ Lứq mới dáng chơ noau táq túh coat cúq sa-ữi lứq, cốp cúq bớch chũl sa-ữi trõ. Noau táq cúq tâng vil Anti-õt, vil I-cuni, cốp vil Lutrõ. Máh ranáq túh coat ki, cúq chũuq nheq. Ma lứq Yiang Sursĩ chuai cúq; án aloõh cúq tẽ ốc túh coat ki. ¹² Lứq samoat cũai aléq ma yoc ẽ táq p̄õq puai Yê-su Crĩt, cũai ki cóq ramóh noau táq án. ¹³ Ma máh cũai loai cốp cũai táq nan puai ngê Yiang Sursĩ, cu rangái alói cõt sâuq achõn ẽn. Alói raphẽq cũai canõh, chơ cũai canõh raphẽq loah alói.

Atõng Yõn Ti-muthê Dáng Tẽ Parnai Yiang Sursĩ

¹⁴ Ma cóq mới sanhữ níc máh ngê mới khioq rien chơ. Ngê ki mới dáng la lứq p̄ieiq, yuaq mới dáng tẽ noau mới khioq rien ngê ki. ¹⁵ Bo mới nõang cacót mới khioq rien tẽ Tâm Saráq Yiang Sursĩ. Tâm Saráq nái tẽq yõn mới bữn ốc rangoiq, cốp ốc rangoiq nái tẽq radũng mới yõn sa-âm ngê Yê-su Crĩt, đốq Yê-su Crĩt chuai amoong mới. ¹⁶ Dù ốc tàng Tâm Saráq Yiang Sursĩ, lứq Yiang Sursĩ toáp yõn cũai chĩc máh ốc ki. Ngkíq dù ốc ki la o đốq atõng cũai tẽ ngê Yiang Sursĩ, đốq sươq cũai táq ranáq sâuq, đốq chuai cũai yõn táq ranáq o ẽn, cốp đốq yõn alói dáng cóq táq ntróu yoc ẽ ốt tanoang o yáng moat Yiang Sursĩ. ¹⁷ Nhơ tẽ parnai ki, cũai táq ranáq Yiang Sursĩ bữn dù ramũh án cóq bữn, đốq táq túc ranáq o Yiang Sursĩ yõn án táq.

4

Phau-lô Patâp Ti-muthê Yõn Tâq Cutóng

¹ Cheq ẽ toâq tangái Yê-su Crít toâq loah pở cutêq nâi, cốp án cõt sôt lứq. Bo ki án ẽ rablớh nheq tữh cūai noâng tamoong, cốp cūai ca khoi q cuchĩt. Cúq patâp mới yáng moat Yiang Sursĩ cốp yáng moat Yê-su Crít neq; ² Cóp mới atõng níc parnai Yiang Sursĩ. P̄ieiq tangái léq, cóq mới atõng tangái ki. Chõi acoan tangái noau pai p̄ieiq ngư atõng parnai Yiang Sursĩ. Cóp mới atõng yõn cūai dáng alóí bữn lóih. Cóp mới sươq alóí chõi táq noâng ranáq lóih. Cóp cóq mới atõng alóí yõn dáng ngê ntróu ẽn la o yõn alóí puai. Ma cóq mới ngcuai atõng, chõi coâp ẽq alóí dáng toâp. ³ Nỡ-ra lứq toâq tangái cūai tở ẽq tamúng noâng parnai p̄ieiq tẽ Yiang Sursĩ, ma alóí ẽ puai rangứh alóí bữm. Alóí chuaq níc cūai atõng santoiq ẽm cốp santoiq alóí yoc tamúng. ⁴ Ngkíq, alóí nguai chíq tẽ óc p̄ieiq, cõ alóí tở ẽq tamúng óc p̄ieiq. Chơ alóí puai parnai noau nsũar sâng. ⁵ Ma cóq mới tutuaiq níc tẽ dũ ramứh ca ẽ toâq pở mới. Cóp mới chũuq óc túh coat. Cốp cóq mới atõng níc parnai o tẽ Yiang Sursĩ. Máh ranáq ntróu Yiang Sursĩ yõn mới táq, cóq mới táq yõn moâm nheq ranáq ki.

Phau-lô Cheq Cuchĩt

⁶ Sanua tở cúq la samoât riang crơng noau ẽ chiau sang yõn Yiang Sursĩ. Dõih tamoong cúq cheq ẽ vót. ⁷ Cúq la riang sansrúm cốp yiang Satan khoi q riap chơ. Cúq táq moâm chơ ranáq cúq, ariang cúq la cūai lúh tampling khoi q moâm. Cốp cúq khoi q yóng pacái níc máh óc

sa-âm tẽ Yiang Sursĩ. ⁸ Sanua, Yiang Sursĩ, án ca rablớh tanoang lứq, án thữan đõq yõn cúq cóng o tâng paloõng, yuaq án yõn cúq õt tanoang o yáng moat án. Nỡ-ra Yiang Sursĩ yõn cúq bữn cóng ki tâng tangái án rablớh nheq tữh cūai. Ma án tở bữn yõn óng cúq sâng. Ma án yõn dũ náq ca ngcuang tangái Yê-su toâq loah pở cutêq nâi.

Santoiq Parsót Phau-lô Patâp Ti-muthê

⁹ Cúq sêq mới canháq canhóng toâq pở cúq cháih, ¹⁰ yuaq Dê-ma khoi q táh cúq chơ. Án yoc ẽ puai ngê ien khê tâng dõih nâi. Ngkíq án pởq pở vil Tê-salô-naca. Cresen khoi q pởq pở cruang Ca-lati, cốp Atít khoi q pởq pở cruang Dalmatia. ¹¹ Sanua bữn manoaq Luca sâng õt cốp cúq. Cóp mới dững Mac toâq pở cúq tẽ, yuaq án tẽq chuai cúq táq ranáq Yiang Sursĩ. ¹² Cúq khoi q ớn Ti-chacơ pởq chu vil Ê-phê-sô. ¹³ Toâq mới pởq pở cúq, cúq sêq mới dững au tuar cúq. Au ki cúq đõq tâng đõng Car-pu, tâng vil Trô-at. Cốp sêq mới dững đẽh tâm saráq cúq hữ. Ma hữn tẽ ki ẽn, cúq yoc ẽ bữn choai q ngcâr ca cúq đõq pở ki.

¹⁴ Alec-sandơ, án ca chiang dudẽ, án khoi q táq túh coat cúq sa-ũi trỗ. Nỡ-ra Yiang Sursĩ toâp culáh loah tẽ máh ranáq sâuq án khoi q táq. ¹⁵ Ma cóq mới nhêng o tẽ án, yuaq án rasuon luat ngư tẽ máh parnai hêq atõng.

¹⁶ Trỗ dâu lứq cūai sôt blớh cúq, tở bữn noau rapai chuai cúq. Nheq tữh cūai táh cúq. Ma cúq sêq Yiang Sursĩ chõi noap óc lóih alóí ki táq. ¹⁷ Ma noâng Ncháu õt chuai cúq cốp yõn cúq bữn bán rêng níc. Ngkíq cúq tẽq atõng parnai o tẽ Yê-su Crít, cốp máh cūai tở cõn cūai I-sarel bữn dáng

tê. Yê-su Crît chuai cúq yõn vót
tê bõq cula samín. ¹⁸ Cúq dáng
nõ-ra Ncháu lứq chuai amoong
cúq yõn vót tê dũ ramúh ọc sâuq,
cóp yõn cúq õt mantái níc tâng
ntốq án sốt tâng paloong. Cóq
hái khễn níc ramúh án sốt dôi lơi
cumo. Amen.

Parnai Cubán

¹⁹ Cúq sếq blớh cahan Barit-
sin cóp Aki-la, cóp cúq ể cahan
nheq đồng sũ Ô-nasi-phuro hỡ.

²⁰ Ê-rat noâng õt tâng vil Cô-
ntô, cóp cúq yõn Trô-phim noâng
õt tâng vil Mi-lê-tu, yuaq án a-ĩ.

²¹ Cúq sếq mới cutóng toâq pờ cúq
nhũang casâi sangết tở yũah toâq.
Nheq tữh sễm ai tâng vil nâi blớh
cahan mới tê, dếh Yu-bulô, Pudên,
Li-nut, cóp Clau-dia.

²² Cúq sếq Ncháu õt níc tâng
mút pahõm mới. Cóp cúq sếq
Yiang Sursĩ chuai miat neq tữh
anhia.

Choaiq Thõ Phau-lô Chĩc Yõn Atit Santoiq Atõng

Phau-lô chĩc choaiq thõ nài coiq sa-óh Atit. An chĩc sám 63 toaq 66 cumo ntun Yê-su canõt. Atit la cũai póng ca toaq tẽ cruang canõh, ma án sa-âm Yê-su Crĩt tẽ. Phau-lô yõn Atit noang õt tâng vil Crêt, dõq máh cũai sa-âm tâng vil ki cõt rêng cõp toar achõn. Saráq nài atõng Atit bũn pái ốc toar án cõq táq la neq: Muoi la ruroh cũai ayõng tốp sa-âm. Bar la arĩen cũai thau dõq cũai thau tẽq arĩen loah cũai póng tâng tốp sa-âm. Pái la dũng ốc ratoi saryóq tâng tốp sa-âm, cõp viaq yong tẽ ốc manoaq kêt manoaq.

¹ Cũq la Phau-lô chĩc choaiq thõ nài. Cũq la cũai táq ranáq yõn Yiang Sursĩ, cõp cũq la ayũng atĩ Yê-su Crĩt. Yiang Sursĩ ốn cũq põq atõng máh cũai án khoiq ruroh yõn mút pahõm alóĩ cõt sa-âm samoat lứq ẽn. Cũq yoc atõng alóĩ ốc pĩeiq tẽ Yiang Sursĩ dõq alóĩ puai ngẽ Yiang Sursĩ neq rangúh rahõ. ² Háĩ nguang bũn tamoong mantái ariang Yiang Sursĩ, án ca tõ nai táq ntõng lauq, khoiq par-ũq bo án tõ yũah tẽng cõc cutẽq nài. ³ Chơ toaq ngư, Yiang Sursĩ khoiq atõng parnai án yõn cũai dáng. Yuaq Yiang Sursĩ dáng cũq atõng pĩeiq lứq parnai án, ngkiq án ốn cũq atõng. Yiang Sursĩ la Yiang ca chuai amoong háĩ. ⁴ Cũq chĩc choaiq thõ nài coiq sa-óh Atit. Mói la ariang con cũq, yuaq mới sa-âm Yiang Sursĩ machõng cũq. Cũq sẽq Yiang Sursĩ, Mpoaq háĩ, cõp Yê-su Crĩt,

án ca chuai amoong háĩ, chuai miat mới cõp yõn mới ốt bán sũan ien khẽ nĩc.

Ranáq Atit Táq Tâng Cruang Crêt

⁵ Bo ki cũq khoiq yõn mới ốt loah tâng con Crêt dõq mới táq yõn moam máh ranáq háĩ táq tõ yũah moam. Cũq yoc mới ruroh cũai táq sõt tâng tốp sa-âm dũ vil tâng cruang ki. Ngkiq cũq khoiq patáp mới tẽ nhuang chơ. ⁶ Cũq yoc mới ruroh cũai tõ bũn noau tẽq tẽq alóĩ. Cũai ki cõq bũn ống muoi lám lacuoi. Con acái án cõq sa-âm Yê-su tẽ, cõp con acái án tõ tẽq táq yũh-yũh cõp tõ trĩh. ⁷ Yuaq cũai ki táq ranáq Yiang Sursĩ, ngkiq cõq án táq yõn cũai canõh tõ tẽq tẽq án. Cõq án tõ bũn ốt; tõ bũn coap nsóq; tõ bũn ham blõng; tõ bũn tachoat; cõp tõ bũn ham práq. ⁸ Ma cũai ca radũng tốp sa-âm cõq roap chõm o tamoi, cõq bũn mút pahõm ayooq ốc o, cõq ót pian tõ bũn nsóq chõq cũai canõh, cõq táq tanoang o yáng moat cũai, cõq bũn mút bráh o yáng moat Yiang Sursĩ, cõp cõq dáng rabán o tõ bũm. ⁹ Cõq án yõng pacái nĩc máh ốc án khoiq sâng tẽ Yiang Sursĩ. Ngkiq án tẽq atõng ốc pĩeiq tẽ Yiang Sursĩ yõn cũai canõh yõng pacái ốc ki tẽ. Cõp tẽq án atõng raloaih lứq ẽn chõq cũai ẽ catáng parnai Yiang Sursĩ, dõq cũai ki tõ tẽq pai ntróu noang.

Atit Suroq Cõp Catoaih Atõng Máh Cũai Crêt

¹⁰ Bũn sa-ũĩ náq cũai sa-âm tẽ tốp I-sarel tõ ẽq trĩh sõt alóĩ. Alóĩ dõq atõng bambar, cõp dõq ẽ táq ntõng lauq. Alóĩ atõng cõq táq rit cút puai phẽp rit I-sarel.* ¹¹ Cõq

* 1:10 1:10 Rit ki noau táq tẽc cút bĩq ngcâr tẽ crõng samiang.

hái cupât bõq alóí, yuaq alóí yoc ẽ paroài máh đồng sũ tốp sa-âm na atõng ọc tở bữn p̄ieiq, dõq chuaq lơi na ọc tở bữn tanoang. ¹² Bữn manaq tẽ cũi Crêt cõt cũi tang bõq yiang alóí. Án khiq atõng neq: “Cũi Crêt dõq lứq táq ntõng lauq. Cóp alóí táq tachoat lứq. Alóí yoc ẽ cha pasai, ma alóí aloah táq ranáq.”

¹³ Máh santoiq cũi nài pai la lứq p̄ieiq. Ngkíq cóq mới sươq alóí ca sa-âm chõí táq ngkíq, dõq mút pahõm alóí sa-âm pacái lứq. ¹⁴ Sươq alóí chõí tamứng parnai tở p̄ieiq ariang máh cũi I-sarel dõq táq ntõng, tở la cũi ca khiq táh ọc p̄ieiq ca patâp anhia. ¹⁵ Khân cũi bữn mút pahõm tở bữn lôi, lứq ranáq alóí táq la o. Ma khân cũi bữn mút pahõm lôi cóp tở bữn sa-âm, nheq ranáq alóí táq la lứq tở bữn p̄ieiq ntróu, yuaq sarnóm alóí chanchóm tở bữn o, cóp mút pahõm alóí loài lứq. ¹⁶ Bõq alóí pai alóí dáng Yiang Sursĩ, ma ranáq alóí táq la mpha tẽ ngê Yiang Sursĩ. Cũi canõh kêt lứq alóí. Alóí tở bữn trĩh cóp tở tẽq táq ranáq o ntróu.

2

Ốc Patâp Yõn Cũi Thâu, Cũi Póng, Cóp Cũi Sũl

¹ Ma mới cóq atõng máh cũi sa-âm dáng alóí cóq táq ntróu yoc ẽ puai ngê Yiang Sursĩ samoat samoi. ² Cóq mới atõng máh cũi samiang thâu yõn alóí rabán o tở alóí bữm, yõn alóí õt sangcún, cóp õt mantoat o níc. Cóq alóí sa-âm samoat samoi. Cóq alóí ayoog níc yóu. Cóp khân bữn ọc túh coat toâq pở alóí, cóq alóí chũq tanhữ níc.

³ Mới cóq atõng máh cũi ayoaq tẽ, yõn alóí yám noap Yiang Sursĩ. Cóq alóí chõí táq ntõng parnai

sasruc, cóp chõí ham blõng. Ma cóq alóí atõng parnai o ⁴ chók máh mansẽm mbõiq bữn cayac, yõn mansẽm ki dáng ayoog con cayac. ⁵ Cóq mansẽm ki dáng rabán tở alóí bữm, cóp yõn alóí õt mantoat o níc yáng moat Yiang Sursĩ. Cóq alóí cutóng táq ranáq tâng đồng alóí. Cóp cóq alóí ỉt pahõm cayac. Khân alóí táq ngkíq, cũi canõh tở tẽq mumat ngê Yiang Sursĩ.

⁶ Cóq mới alúp-adũq níc máh samiang póng yõn alóí dáng rabán tở alóí bữm. ⁷ Dũ ranáq mới táq, cóq táq p̄ieiq lứq, yuaq mới la samoat ngól yõn cũi canõh. Bo mới atõng tẽ ngê Yiang Sursĩ, cóq mới apáh mới la cũi tanoang o cóp sangcún. ⁸ Máh santoiq mới táq ntõng cóq mới pai yõn p̄ieiq, dõq cũi canõh tở tẽq tẽq mới pai mới táq tở p̄ieiq. Chơ máh cũi yoc ẽ rasuon cóp mới sâng casiet, yuaq alóí tở ramóh muoi ọc lôi ntróu tẽ hái atõng.

⁹ Cóq mới atõng máh cũi sũl yõn alóí ỉt pahõm cũi ncháu alóí. Cóq alóí táq dũ ranáq yõn ncháu sâng bũ. Cóq alóí chõí rasuon cóp ncháu alóí. ¹⁰ Cóp cóq alóí chõí tutuoiq crõng ncháu alóí. Ma cóq alóí táq o níc chók ncháu alóí. Khân cũi sũl táq ngkíq, cũi canõh hữm o alóí puai ngê Yiang Sursĩ. Chơ noau yoc ẽ dáng tẽ ngê Yiang Sursĩ, án ca chuai amoong hái.

Yiang Sursĩ Chuai Miat Cũi

¹¹ Yiang Sursĩ khiq chuai miat dũ náq cũi, yõn alóí tẽq bữn tamoong mantái. ¹² Cũi Yiang Sursĩ chuai miat hái, ngkíq hái dáng án yoc hái táh máh ngê mpha tẽ ngê án. Hái chõí puai rangữ hái bữm tâng dõi nài. Yiang Sursĩ yoc hái dáng rabán o tở hái bữm,

cóp án yoc hái ớt tanoang. Án yoc hái puai ống ngê án sâng bo noàng ớt tăng dôi nâi, ¹³ bo hái nguang tangái Yê-su Crít toâq loah pở cutêq nâi. Tangái ki hái bữn hữm Yê-su Crít, án ca chuai amoong hái. Án bữn chóc ang-ữr, cóp án la machóng Yiang Sursĩ tê. ¹⁴ Lứq Yê-su Crít toâp chũuq cuchit tang hái, đòq thái loah hái tể ọc lôi, yỏn hái cõt cũai tở bữn lôi ntróu noàng yáng moat Yiang Sursĩ. Ngkíq hái cõt cũai proai án, la tốp miar tể cũai canõh cóp êr áiq lứq ẽ táq ranáq o.

¹⁵ Mới bữn chóc tăng tốp sa-âm. Ngkíq cóq mới atõng nheq máh ọc cóq khioq patâp mới. Cóq mới atõng cóp sươq tốp sa-âm, khân alói táq tở p̄ieiq. Cóp máh ranáq mới táq, chõi táq yỏn noau têq ayê mumat mới.

3

Ốc Patâp Yỏn Tốp Sa-âm

¹ Mới cóq atõng loah máh cũai sa-âm yỏn alói trĩh máh cũai sớt tăng dôi nâi. Cóq alói thũan ẽ táq dũ ranáq o. ² Cũai sa-âm tở têq voỏq sâuq tể cũai canõh. Ma cóq alói ớt ratoi cóp dũ nâq cũai. Cóq alói bữn mút khũn cóp laviei chỏq cũai canõh.

³ Tể nhũang hái la cũai sacũl tê. Hái tở trĩh, cóp hái tamúng níc parnai noau raphêq. Ngkíq tở hái cõt samoât cũai sũl yỏn ranáq sâuq, cóp tở hái yoc ẽ puai níc ngê sâuq. Hái ra-ũan, hái sa-on cumiq níc. Khân noau kêt hái, chơ hái kêt loah cũai ki tê. ⁴ Ma toâq tangái Yiang Sursĩ apáh yỏn hái dáng án ayooq hái, cóp án ẽ chuai hái, ⁵ tangái ki án chuai amoong hái. Án tở bữn chuai amoong hái cõ hái táq ranáq tanoang o. Ma án chuai amoong hái cõ án sâng sarũiq táq. Lứq Yiang Sursĩ toâp

tách lôi hái, nhơ Raviei án ariau mút pahỏm hái yỏn bráh. Cóp án yỏn hái bữn mút tamái ẽn, ariang hái mbỏiq sết loah. ⁶ Lứq Yiang Sursĩ yỏn hái bữn Raviei án cõt sớt tăng mút pahỏm hái cõ nhơ tể Yê-su Crít, án ca chuai amoong hái. ⁷ Cõ nhơ Yê-su Crít chuai miat hái, ngkíq hái cõt tanoang o yáng moat Yiang Sursĩ. Cóp Yiang Sursĩ yỏn hái chỏng tê máh mun án pruum đòq yỏn máh con án. Ngkíq hái nguang bữn tamoong mantái tê.

⁸ Máh ọc nâi la p̄ieiq nheq. Cừq yoc mới atõng níc ọc nâi yỏn cũai sa-âm Yiang Sursĩ, đòq alói chanchóm táq ống ranáq o sâng. Máh ọc nâi bữn kia nheq, cóp têq chuai nheq tũh cũai. ⁹ Cừq yoc mới viaq tể alói ca blỏh tở cõt ọc, tể alói ca yoc ẽ ralõih cóp mới tể phếp rit tốp I-sarel, cóp tể choaiq noau chĩc ramứh achúc aqhiac alói. Khân ralõih cõ tian tể ọc nâi, ki tở bữn kia ntróu. ¹⁰ Khân bữn noau tể tốp anhia ma yoc ẽ mut cayoah tốp anhia yỏn cõt tốp ngcốt ẽn, cóp mới sươq cũai ki bar trỏ. Vớt ki, khân án noàng ẽ táq ngkíq, ki mới tuih aloỏh chíq án. ¹¹ Lứq mới dáng cũai samoât ngkíq bữn mút loai lứq. Ốc lôi ki táq yỏn tở án dáng bữm án táq tở p̄ieiq.

Ốc Patâp Canõh Yỏn Atit

¹² Toâq cừq ón A-tama tở la Ti-chacơ toâq pở mới, cừq yoc mới pởq toâp pở cừq tăng vil Nacô-buli. Cừq yoc ẽ ớt tăng vil ki toau nheq casâi sangê. ¹³ Cóp cừq sết mới chuai Sê-na cóp Ablỏ. Sê-na la cũai atõng phếp rit. Cờng ntróu alói ỏq đòq pởq rana, cừq sết mới chuai alói yỏn bữn cờng ki. ¹⁴ Cóq mới atõng máh cũai tăng tốp hái rien cutóng táq níc ranáq o. Ngkíq nỏq têq hái chuai

tổp hái bữm. Chối yễn alói ốt miat
sâng; ốc ki tở bữn kia ntrứu.

¹⁵Nheq tữh cũai ốt cớp cứq, alói
cớiq parnai cahan mới tê. Sễq
mới cubán cusũan máh yớu ca
bữn muoi mút cớp hái cớp sa-âm
machớng hái. Cứq sễq Yiang
Sursĩ chuai miat dheq tữh anhia.

Choaiq Thõ Phau-lô Chĩc Yõn Phi-lamôn Santoiq Atõng

Phau-lô chĩc choaiq thõ nãi coiq sa-óh Phi-lamôn sám 63 cumo ntun Yê-su canõt. Phi-lamôn la cũai sa-âm tẽ vil Cô-lusê, cõp ramứh ranoàng án parchia parhan. Tâng đõng Phi-lamôn, bữn manoaq sũl ramứh Ô-nasim ca khoiq lủh tẽ ncháu án. Ô-nasim ramóh Phau-lô tâng cuaq tũ, chơ Phau-lô atõng án tẽ ranáq Yiang Sursĩ, cõp Ô-nasim mut sa-âm tẽ. Cõp án chuai Phau-lô sa-ũi ramứh. Choaiq thõ nãi Phau-lô coiq đõq aliam Phi-lamôn, sễq án táh lỏih cõp roap loah Ô-nasim ariang sễm ai án bữm.

¹ Cũq la Phau-lô chĩc choaiq thõ nãi coiq sa-óh yỏu cũq Phi-lamôn, án ca táq ranáq Yiang Sursĩ parnỏi cõp cũq. Sanua cũq õt tũ, cõ tian cũq atõng parnai o tẽ Yê-su Crĩt. Cõp Ti-muthê, la sễm ai hái, án coiq parnai sa-óh mới tẽ. ² Hếq ẽ cahan tẽ sễm ỡi hếq ramứh Aphia, cõp hếq ẽ cahan Archip, án ca cutóng lủq táq ranáq Yê-su Crĩt parnỏi cõp cũq. Cõp hếq ẽ cahan nheq tữh cũai sa-âm ca đõq rỏm tâng đõng mới. ³ Sễq Yiang Sursĩ, Mpoaq hái, cõp Yê-su Crĩt, Ncháu hái, chuai miat anhia cõp yỏn anhia õt bán sũan ien khẽ níc.

Phi-lamôn Sa-âm Yê-su Cõp Ay-ooq Yỏu

⁴ Cũq đõq câu sễq níc chu Yiang Sursĩ cũq sang, yỏn án chuai mới. Cõp cũq sa-õn Yiang Sursĩ khoiq chuai mới, ⁵ yuaq cũq khoiq sâng noau pai mới sa-âm Yê-su, Ncháu

hái, samoât samỏi, cõp mới ay-ooq nheq tữh cũai sa-âm. ⁶ Hái bữn muoi mút cõ hái sa-âm Crĩt. Ngkiq cũq câu sễq Yiang Sursĩ yỏn mới dáng raloaih lủq đũ ramứh ỏc bốn án yỏn hái bữn cõ hái õt muoi mút cõp Crĩt. ⁷ Ai ỡi, cũq bũi lủq mới bữn mút pahỏm ayooq nheq tữh cũai. Cõp alỏi ca khoiq sa-âm cõt práih prỏi loah la cõ mới chuai alỏi. Ớc ki aliam mút pahỏm cũq.

Phau-lô Chuai Ô-nasim

⁸ Cõ Crĩt yỏn cũq bữn chỏc tâng tỏp sa-âm, ngkiq cũq khỏn ỡn mới cõq táq o chỏq Ô-nasim, án ca cõt sũl mới tẽ nhũang. ⁹ Ma cõ Yiang Sursĩ yỏn hái manoaq ayooq manoaq, yuaq ngkiq cũq sễq tẽ mới sâng. Cũq la ramứh Phau-lô. Cũq la cũai thâu chơ, cõp sanua cũq õt tũ cõ tian cũq atõng parnai o tẽ Yê-su Crĩt. ¹⁰ Cũq sễq mới táq o chỏq Ô-nasim. Sễq mới ayooq táq án nũng. Án la samoât con cũq, cõp cũq la samoât mpoaq án, yuaq án sa-âm Crĩt cõ nhơ cũq atõng án parnai o tẽ Yê-su bo cũq õt tũ. ¹¹ Tẽ nhũang, án ki tỡ bữn kia ntrỏu yỏn mới. Ma sanua án cõt kia sa-ũi lủq yỏn mới cõp yỏn cũq tẽ.

¹² Sanua cũq khoiq ỡn án chu loah pỡ mới. Bo án toàq pỡ mới, nãi la samoât mút pahỏm cũq toàq pỡ mới tẽ, yuaq mút cũq sâng ayooq lủq án. ¹³ Tẽ nhũang cũq chanchỏm yoc án õt chuai cũq tâng ntỏq nãi, yuaq cũq noàng õt tũ cõ cũq atõng parnai o tẽ Yê-su Crĩt. Cũq dáng mới bữn pahỏm yoc ẽ chuai cũq, cõp cũq chanchỏm Ô-nasim tẽq chuai cũq tang mới. ¹⁴ Ma cũq tỡ ẽq táq ngkiq, khân mới tỡ yũah pruum. Cũq tỡ ẽq ẽp mới táq muoi ranáq ntrỏu. Ranáq ntrỏu mới ẽ chuai cũq, cũq ẽq ỏc ki loỏh tẽ mút

pahôm mới sâng. ¹⁵ Cõh lơ Ô-nasim loõh tẽ mới tõ bữn dũn, đõq nõ-ra án bữn õt mantái níc cớp mới. ¹⁶ Sanua án tõ bữn ớng cũai sũl sâng. Ma án lứq la sẽm ai hái tê, cõ án khoiq sa-âm Yê-su Crít. Ngkíq o yõn mới ayooq án samoât sẽm ai hái tê. Cứq ayooq lứq án. Án khoiq táq o yõn cứq, ma nõ-ra án táq o hõn tẽ ki ẽn yõn mới samoât cũai sũl, cớp samoât sẽm ai, yuaq anhia sa-âm Ncháu machớng.

¹⁷ Khãn cứq cớp mới ma ratoi lứq, ki cứq sễq mới tabõp tabéh Ô-nasim la ariang mới tabõp tabéh cứq tê. ¹⁸ Khãn án táq lôih ntróu chớq mới, tõ la tu mới, cóq mới nghih nheq ốc ki yõn cứq. ¹⁹ Cứq Phau-lô chĩc santoiq nãi toâq atĩ cứq bữm. Lứq samoât cứq culáh loah máh acán ntróu Ô-nasim tu mới. Ma cứq yoc mới sanhữ tê, mới la tu cứq yuaq mới bữn tamoong mantái cõ nhơ cứq atõng mới. ²⁰ Ngkíq ai oi, cứq sễq mới chuai nững tẽ ốc nãi, cõ mới ayooq Ncháu hái. Khãn mới táq ngkíq, mút pahôm cứq sâng bũi hõr ẽn táq ranáq Crít. ²¹ Bo cứq chĩc choâiq thờ nãi, cứq dáng samoât mới lứq tamứng santoiq cứq, cớp mới táq hõn tẽ santoiq cứq sễq tẽ mới ẽn.

Phau-lô Yoc Ẽ Pờq Sa-óh Phi-lamôn

²² Toâq mới roap tabõp tabéh Ô-nasim, ki cứq sễq mới thrũan đõq ntốq yõn cứq bết tê. Cứq ngcuang Yiang Sursĩ yõn cứq toâq pỡ anhia cõ anhia khoiq câu sa-ũi yõn cứq.

²³ Yóu mới, Ê-phapra, sễq cahan anhia tê. Án õt tũ parnoi cớp cứq, la cõ tian án táq ranáq Yê-su Crít tê. ²⁴ Cớp bữn põn náq canõh ẽn yoc ẽ cahan anhia tê. Põn náq ki la Mac, Ari-tac, Dê-ma,

cớp Luca. Alóí táq ranáq parnoi cớp cứq.

²⁵ Cứq sễq Yê-su Crít, Ncháu hái, chuai miat anhia.

Choaiq Thở Cơi Yỗn Cũai Hê-brơ Santoiq Atông

Sarác nài cũai chĩc cơiq sa-óh máh cũai Hê-brơ (cũai I-sarel). Tở bữn noau dáng ramứh cũai ca chĩc sarác nài, ma án chĩc sám 64 toáq 68 cumo ntun Yê-su canốt. Bo ki noau táq túh coat lứq máh cũai sa-âm, toau bữn cũai tở ểq sa-âm noâng. Sarác nài aliam alói yỗn sa-âm pacái lứq ển, cốp atông Yê-su toáp la Con Yiang Sursĩ.

Noau chĩc tể pái ốc toâr tể Yê-su Crĩt la neq: Muoi, Yê-su la Con Yiang Sursĩ ca tamoong mantái. Án trĩh Mpoaq án, cốp án chiũq tanhĩr dũ ramứh túh arức. Án bữn chóc toâr hỡn tể máh cũai tang bỗq Yiang Sursĩ, tể máh ranềng Yiang Sursĩ, cốp tể Mũi-se hỡ. Bar, Yê-su toáp la cũai tểng rit sang mantái níc, cốp bữn chóc toâr hỡn tể máh cũai tểng rit sang canốh. Pái, ống Yê-su toáp tềq chuai amoong nheq tữh cũai sa-âm yỗn tềq vớt tể ốc lỏih cốp ốc cuchĩt. Yê-su yỗn ốc tamoong mantái.

Tâng pún muoi chít la muoi noau atông tể máh cũai sa-âm Yiang Sursĩ samoât samói. Cốp noau pai neq hỡ: Tở bữn noau tềq táq yỗn bũ pahỡm Yiang Sursĩ, khân tở bữn sa-âm.

Yiang Sursĩ Atông Nho Con Án

¹ Tể mbỗq Yiang Sursĩ atông achúc achiac hái sa-ữi trỗ cốp sa-ữi ramứh nhor cũai tang bỗq án. ² Ma tâng dũi parsốt nài, án atông hái nhor Con án toáp. Yiang Sursĩ yỗn Con án ndỡm

nheq tữh ramứh, cốp nhor tể án Yiang Sursĩ tểng dũ ramứh tâng paloông cốp cutềq. ³ Ang-ữr tể Con la machóng ang-ữr tể Yiang Sursĩ tể. Án machóng thág Yiang Sursĩ, cốp dũ ramứh ca cốt tâng cutềq nài, la cỗ nhor tể parnai Con Yiang Sursĩ. Moâm án táq yỗn bráh mút pahỡm cũai na án pupút máh lỏih alói, chớ án chõn loah chu paloông cốp tacu coah atoam Yiang Sursĩ, la Puo tâng paloông.

Con Yiang Sursĩ Toâr Hỡn Tể Ranềng Yiang Sursĩ

⁴ Con Yiang Sursĩ la toâr hỡn tể ranềng Yiang Sursĩ tể paloông, machóng ramứh noau đõq án la o hỡn tể ramứh noau đõq ranềng ki. ⁵ Tở bữn ranềng aléq ma Yiang Sursĩ ngin pai neq:

“Mới la Con cứq.

Tangái nài cứq lứq cốt Mpoaq mới.”

Cốp Yiang Sursĩ tở bữn pai tể ranềng aléq neq:

“Cứq la Mpoaq án. Án la Con cứq.”^{*}

⁶ Ma bo Yiang Sursĩ ể yỗn Con clúng án toáq pỡ cutềq nài, án pai neq:

“Nheq tữh ranềng Yiang Sursĩ cóq sang toam Con ki.”

⁷ Cốp Yiang Sursĩ pai tể ranềng án neq:

“Án yỗn ranềng án tể paloông cốt samoât cuyal,

cốp án yỗn alói ca táq ranáq án cốt samoât pla ùih.”^{*}

⁸ Ma Yiang Sursĩ pai chóc Con án neq:

“Yiang Sursĩ ơi, sốt dũi lỏi cumo, la sốt níc pỡ mới!

Mới táq sốt tanoang o lứq.

⁹ Mới ayoq máh ramứh tanoang o.

Ma mới kêt máh ramứh sáuq.

Yuaq ngkíq, Yiang Sursĩ la Yiang
mới,
án ruoh mới cốp yõn mới bữn
óc bõn
hõn nheq tẽ máh yóu mới.”[☆]
10 Cốp Yiang Sursĩ pai ẽn neq:
“Ncháu ơi! Tẽ dâu lứq mới tẽng
cốc cutẽq nãi,
cốp paloõng la aĩ mới tẽng.
11 Paloõng cutẽq nỡ-ra cõt pút,
ma mới tỡ nai cõt pút.
Paloõng cutẽq cõt ralõh samoat
tampac anhõh.
12 Chơ mới pĩen paloõng cutẽq
samoat noau saráu au anhõh.
Mỏ mới tỡ nai rapĩen,
cốp anhúq mới la noang
níc.”[☆]
13 Yiang Sursĩ tỡ nai atõng ranẽng
aléq tâng paloõng neq:
“Mới tacu coah atoam cứq
toau toaq tangái léq cứq yõn
alóí ca yoc ẽ cachĩt mới,
õt pũn talang ayũng mới, cõt
sũl mới.”[☆]
14 Khãn ngkíq, máh ranẽng
Yiang Sursĩ tẽ paloõng la ntróu?
Ranẽng ki la samoat yiang ca táq
ranáq yõn Yiang Sursĩ; chơ án ón
ranẽng ki pỡq rachuai máh cũai
ca roap óc chuai amoong.

2

Cóq Háí Nhẽng Yõn Samoat

¹ Yuaq ngkíq, cóq háí puai
samoat samõi parnai háí khiq
sâng chơ. Háí táq ngkíq yõn mút
háí õt sabóng o níc. ² Lứq parnai
Yiang Sursĩ atõng na ranẽng án
tẽ paloõng la lứq pĩeiq. Cốp
khãn cũai táq lờih cốp tỡ bữn
trĩh parnai ki, lứq Yiang Sursĩ táq
cũai ki puai loah ranáq alóí khiq
táq. ³ Khãn ngkíq, ntróu ẽn Yiang
Sursĩ ẽ táq chók háí, khãn háí
tỡ ẽq tamúng parnai ca toar lứq

nãi, la parnai án ẽ chuai amoong
háí? Tẽ dâu lứq Ncháu háí atõng
parnai nãi. Vót ki alóí ca khiq
sâng án atõng, alóí ẽn atõng yõn
háí dáng. ⁴ Cốp Yiang Sursĩ apáh
yõn háí dáng lứq pĩeiq alóí pai,
yuaq án yõn sa-ũĩ tẽc, cốp án táq
sa-ũĩ ranáq salẽh. Cốp cũai aléq
án ruoh, án yõn Raviei án chuai
cũai ki tẽq táq sa-ũĩ ranáq o.

Yê-su Crĩt Ndõm Nheq

⁵ Yiang Sursĩ tỡ bữn yõn ranẽng
án tẽ paloõng cõt sớt máh cruang
cutẽq án ẽ tẽng. Máh ramứh ki
cứq ntôm ẽ atõng anhia. ⁶ Ma bữn
cũai chĩc tâng tâm saráq Yiang
Sursĩ tẽ mbỏq neq:

“Ntróu anhia hũm o tẽ cũai,
ma anhia chanchóm tẽ án?
Ntróu o anhia hũm án,
ma anhia ayooq án?”

⁷ Anhia yõn án pũn bĩq tẽ ranẽng
Yiang Sursĩ tẽ paloõng.*

Anhia yõn án bữn chóc ariang
puo,
dỏq noau yám noap án.

⁸ Cốp anhia yõn án sớt nheq dũ
ramứh.”[☆]

Tâng tâm saráq ntóq nãi atõng
tẽ Yiang Sursĩ yõn máh cũai bữn
sớt nheq dũ ramứh. Ma sanua
háí tỡ yũah hũm cũai aléq bữn
sớt nheq dũ ramứh. ⁹ Ma háí
hũm Yê-su toáp. Án õt dỡ pũn
ranẽng Yiang Sursĩ tẽ paloõng,
yõn tẽq án cuchĩt tang nheq tũh
cũai, cõ Yiang Sursĩ sâng sarũiq
táq cũai. Án chũuq túh coat cốp
cuchĩt; chơ Yiang Sursĩ yõn án
bữn chóc ariang puo dỏq noau
yám noap án. ¹⁰ Lứq pĩeiq Yiang
Sursĩ, án ca tẽng dũ ramứh cốp
bán kĩaq dũ ramứh, lứq pĩeiq án
yõn Yê-su chũuq sa-ũĩ túh coat,
dỏq táq moâm ranáq án. Yuaq

☆ 1:9 1:9 Ūat Khẽn 6-7 ☆ 1:12 1:12 Ūat Khẽn 102:25-27 ☆ 1:13 1:13 Ūat Khẽn 110:1

* 2:7 2:7 Tỡ la ‘pũn ranẽng Yiang Sursĩ tẽ paloõng, ma tỡ bữn dũn’. ☆ 2:8 2:8 Ūat Khẽn 8:4-6

Yiang Sursĩ yoc sa-ũi lứq cũa cõt con án cốp chõng chõc án tê. Cỗ Yê-su chũuq máh ramứh túh coat ki, ngkĩq án têq cõt nỡm tể ốc chuai amoong cũai. ¹¹ Án ca táq bráh mút pahõm cũai, cốp máh cũai ca khoiq cõt bráh chơ, alóit bữn õng muoi Mpoaq. Yuaq ngkĩq, Yê-su tỡ bữn sâng casiet dòq alóit la sễm ai án. ¹² Yê-su pai cốp Yiang Sursĩ neq:

“Cứq ẽ pau atõng yõn sễm ai cứq dáng tể ramứh mới.

Tâng ntõq alóit rôm, cứq ũat khễn mới.”

¹³ Cốp án pai ẽn neq:

“Cứq poâng canũm õng Yiang Sursĩ sâng.”

Cốp án pai ẽn neq:

“Cứq õt nâi parnoi cốp máh con ca Yiang Sursĩ khoiq yõn cứq.”[☆]

¹⁴ Yuaq máh con Yiang Sursĩ bữn sâiq cốp aham, ngkĩq Yê-su cõt machõng alóit tê. Án táq ngkĩq yõn têq án cuchĩt, dòq talõh pupút yang Satan, án ca bữn chõc têq cachĩt cũai. ¹⁵ Ngkĩq Yê-su têq acláh máh cũai ca cõt samoat sũl neq dõit tamoong, cỗ alóit ngcõh cuchĩt. ¹⁶ Háit dáng án toaq tỡ bữn cỗ ẽ chuai máh ranẽng Yiang Sursĩ, ma cỗ án ẽ chuai máh tõng toiq A-praham. ¹⁷ Ngkĩq, Yê-su cóq cõt machõng thánq sễm ai án, yõn têq án cõt samoat cũai sõt neq tể rit sang Yiang Sursĩ. Án ayooq lứq alóit, cốp án táq p̄ieiq níc máh ranáq Yiang Sursĩ. Ngkĩq án táq yõn Yiang Sursĩ têq táh lỏih alóit. ¹⁸ Cutõ án toáp chũuq sa-ũi túh coat ca yoc ẽ radũng án táq lỏih. Cỗ án chũuq máh ramứh túh coat ki, ngkĩq án têq rachuai máh cũai

ca chũuq sa-ũi ramứh ca yoc ẽ radũng alóit táq lỏih.

3

Yê-su Bữn Chõc Toàr Hỡn Tể Mõi-se

¹ Sễm ai ơi! Anhia ca khoiq sa-âm, la samoat sễm ai cứq tê, yuaq Yiang Sursĩ khoiq arõ háit chơ. Sễq anhia chanchõm tể Yê-su. Án la ayũng atĩ Yiang Sursĩ cốp án ca sõt neq tể rit sang Yiang Sursĩ yõn háit. ² Án táq p̄ieiq neq máh ranáq Yiang Sursĩ anoat yõn án táq, machõng Mõi-se táq p̄ieiq máh ranáq Yiang Sursĩ anoat yõn án táq tâng dõng sũ Yiang Sursĩ.* ³ Khân bữn cũai aléq ma táq dõng, noau tỡ bữn khễn dõng, ma noau khễn án ca táq dõng. Machõng ki tê, noau khễn Yê-su cũit tể noau khễn Mõi-se. ⁴ Cu dõng bữn cõt la cỗ cũai táq, ma Yiang Sursĩ toáp tẽng neq dũ ramứh. ⁵ Mõi-se táq p̄ieiq máh ranáq án tâng dõng Yiang Sursĩ. Ma án la samoat cũai táq ranáq tâng dõng ki sâng. Án atõng sacoaiq máh parnai Yiang Sursĩ ẽ atõng ntun. ⁶ Ma Crít táq p̄ieiq neq ranáq án tâng dõng Yiang Sursĩ la samoat Con ramia ca ndõm tê dõng ki. Cốp háit la tể dõng án tê, khân neq dõit tamoong háit sabõng níc, cốp háit sâng cloq ngcuang máh ramứh háit bữn nõ-ra.

Cũai Ca Tỡ Ếq Trĩh

⁷ Ngkĩq Raviei Yiang Sursĩ atõng neq:

“Tangái nâi khân anhia tamứng parnai Yiang Sursĩ pai chõq anhia,

⁸ anhia chõit coang mút pahõm samoat achuc achiac anhia tể mbõq táq bo õt tâng ntõq aiq.

☆ 2:13 2:13 Ê-sai 8:17-18 * 3:2 3:2 Dõng sũ Yiang Sursĩ la sacâm tể neq tữh cũai puai ngê án.

⁹ Nheq pôn chít cumo alói hữm
máh ranáq cúq khoiḡ táq
chuai alói,
ma noâng alói chim cúq.

¹⁰ Ngkíḡ cúq sâng ũan lứq chók
alói, chơ cúq pai neq:
Máh cūai ki tở ẽḡ puai ngê
cúq,
cóp alói tở ẽḡ tamúng ọc cúq
patáp.

¹¹ Ngkíḡ cúq thể dũan neq:
'Sốt dơi lơi cumo, cúq tở yỗn
alói bữn mut
tâng ntốq ien khẽ ca cúq
khaiḡ thữan đốḡ.' "☆

¹² Sễm ai ơi! Cóc anhia kĩaḡ yỗn
samoát chỗi yỗn noau tễ tốp anhia
bữn mút pahõm sấuq cốp tở ẽḡ
ẽ trĩh, chơ nguai chíq tễ Yiang
Sursĩ, la Yiang tamoong mantái
níc. ¹³ Ma cóc anhia manoaḡ
catoaih manoaḡ cu rangái, bo
noâng Yiang Sursĩ atõng hái cốp
noâng hái têḡ tamúng. Chỗi yỗn
manoaḡ aléq bữn mút coang cồ
ngê sấuq raphêḡ án yỗn sapủl
tâng ranáq lồih. ¹⁴ Nheq náq hái
la pruum muoi mút cốp Crít, khân
hái sabóng níc tâng máh ramủh
hái sa-âm tễ nhũang toau nheq
dơi tamoong hái. ¹⁵ Yuaḡ tâm
saráq Yiang Sursĩ pai neq:

"Tangái nãi khân anhia tamúng
parnai Yiang Sursĩ pai chók
anhia,
anhia chỗi coang mút pahõm
samoát achúc achiac anhia
táq tâng ntốq aiḡ." ☆

¹⁶ Cūai aléq tamúng ma tở ẽḡ
trĩh Yiang Sursĩ? Nheq tữh alói
ca Mói-se dững aloõh tễ cruang
Ê-yip-tô tễ mbốḡ. ¹⁷ Cóp cūai
aléq Yiang Sursĩ sâng cutâu mút
nheq pôn chít cumo ki? Lứq án
sâng cutâu mút chók alói ca táq
lồih, alói ca khaiḡ cuchĩt tâng
ntốq aiḡ. ¹⁸ Cóp cūai aléq án

khaiḡ thể dũan, tở yỗn alói mut
tâng ntốq ien khẽ án khaiḡ thữan
đốḡ? Lứq alói ca tở bữn trĩh án.
¹⁹ Ngkíḡ hái dáng alói tở têḡ mut,
la cồ tian alói tở bữn sa-âm.

4

*Yiang Sursĩ Thữan Ntốq Ien
Khẽ*

¹ Yiang Sursĩ noâng ỹḡ yỗn hái
mut tâng ntốq ien khẽ án khaiḡ
thữan đốḡ. Ngkíḡ cóq hái kĩaḡ
samoát, cồh lơ hái tở dáng bữn
mut. ² Yuaḡ hái khaiḡ sâng tê
parnai o tễ Yiang Sursĩ machóng
alói ki. Ma parnai ki tở bữn cồt
kia ntróu yỗn alói, yuaḡ alói ca
tamúng ki tở bữn sa-âm. ³ Ma hái
ca khaiḡ sa-âm, hái lứq bữn mut
tâng ntốq ien khẽ ki, ariang Yiang
Sursĩ khaiḡ pai chơ neq:

"Cúq thể dũan neq: 'Sốt dơi lơi
cumo,
cúq tở yỗn alói mut
tâng ntốq ien khẽ cúq khaiḡ
thữan đốḡ.' " ☆

Ma lứq án khaiḡ táq moâm ranáq
ki tễ án tabốḡ tễng paloõng cutêḡ.
⁴ Yuaḡ tâng tâm saráq Yiang Sursĩ
tễ mbốḡ, án pai tễ tangái tapul
neq:

"Tâng tangái tapul Yiang Sursĩ rlu,
yuaḡ án khaiḡ táq moâm
nheq máh ranáq án ẽ táq." ☆

⁵ Cóp án pai ẽn tễ ranáq ki neq:

"Cúq tở yỗn alói mut
tâng ntốq ien khẽ cúq khaiḡ
thữan đốḡ."

⁶ Alói ca tamúng parnai Yiang
Sursĩ atõng nhũang, alói tở têḡ
mut pở ntốq ki, yuaḡ alói tở bữn
trĩh án. Ma noâng bữn cūai canõh
têḡ mut tâng ntốq ki. ⁷ Dũn tễ
ki ẽn, Yiang Sursĩ atõng sĩa tễ
'Tangái nãi', bo án ón puo Davít
atõng neq:

☆ 3:11 3:11 ũat Khẽn 95:7-11 ☆ 3:15 3:15 ũat Khẽn 95:7-8 ☆ 4:3 4:3 ũat Khẽn 95:11

☆ 4:4 4:4 Saráq Tễ Dâu 2:2

“Tangái nâi khân anhia tamúng
parnai Yiang Sursĩ pai chóc
anhia;
anhia chõĩ coang mút
pahõm.”*

⁸ Khân Yiang Sursĩ atõng tẽ Yô-
sũa dững cũi I-sarel mut tâng
cruang ien khẽ ca Yiang Sursĩ
khoiq thũan yõn alõi, ki án tỡ
bữn pai nõang tẽ tangái canõh.
⁹ Ngkĩq Yiang Sursĩ nõang ỹq
ntốq ien khẽ yõn cũi sa-âm án.
¹⁰ Cũi aléq bữn mut ntốq ien khẽ
Yiang Sursĩ thũan, cũi ki bữn
rlu tẽ máh ranáq án táq, machóng
Yiang Sursĩ rlu tê toáq án táq
moâm máh ranáq án ẽ táq.

¹¹ Ngkĩq, cóq hái cutóng lứq
dõq hái tẽq mut tâng ntốq ien khẽ
ki. Hái tỡ ẽq muoi náq aléq tỡ tẽq
bữn mut ỉn cũi tẽ nhũang ki, cõ
alõi tỡ bữn trĩh Yiang Sursĩ.

¹² Lứq parnai Yiang Sursĩ la
blẽng cóp tamoong. Samoat muoi
pla dau bớc bar coah ráiq tỡ hái
yõn sâiq ratah tẽ nhang, máh
ki tê parnai Yiang Sursĩ mut pláh
tâng mút pahõm cũi. Án apáh
nheq máh ốc hái chanchóm cóp
nheq máh ranáq hái yoc ẽ táq.
¹³ Tỡ va manoaq tẽq tooq vót tẽ
parnai ki. Dũ ramúh tâng mút
pahõm hái, parnai ki tỡ aloõh
apáh yáng moat án ca sốt hái.

*Yê-su La Án Ca Sốt Nheq Tẽ Rit
Sang Yiang Sursĩ*

¹⁴ Cóq hái yống pacái máh ốc
hái khoiq sa-âm chơ, yuaq hái
bữn manoaq ca sốt neheq tẽ rit
sang Yiang Sursĩ chuai hái. Án
ki toar cóp sốt lứq. Án la Yê-su
Con Yiang Sursĩ, án khoiq chõn
chu paloõng. ¹⁵ Yê-su la sốt neheq
tẽ rit sang Yiang Sursĩ chuai hái,
án dáng mút pahõm hái ieuq cóp

bữn lôih, yuaq án khoiq ramóh tê
máh ramúh ca ẽ radững án táq
lôih, ma án tỡ bữn táq. ¹⁶ Ngkĩq
hái tỡ bữn sâng ngcõh ntrou toáq
pỡ Yiang Sursĩ sễq án chuai hái,
yuaq án sâng sarũiq táq hái, cóp
án chuai miat hái toáq hái bữn túh
coat ntrou.

5

¹ Dũ náq cũi sốt neheq tẽ rit
sang Yiang Sursĩ tâng dõĩ nâi,
noau ruoh tẽ cũi canõh, cóp
noau chõh án dõq chuai cũi
canõh máh ramúh alõi yoc ẽ sễq
cóp ngin yáng moat Yiang Sursĩ.
Án tẽq kiac charán cóp sang crong
dõq sễq Yiang Sursĩ táh lôih alõi.

² Án ca nõm rit ki, cóq án sâng
sarũiq táq cũi sacũl cóp cũi
clóc rana, yuaq án la cũi lôih
machóng alõi ki tê. ³ Toáq án kiac
charán dõq sễq Yiang Sursĩ táh
lôih cũi canõh, cóq án sễq Yiang
Sursĩ táh lôih án hỡ.

⁴ Tỡ bữn cũi aléq tẽq ruoh
bữm táq ranáq toar nâi. Cóq
Yiang Sursĩ toap ruoh án, ariang
Yiang Sursĩ ruoh Arõn tẽ mbỏq.
⁵ Machóng ki tê, Crĩt tỡ bữn chõng
ruoh bữm dõq sốt neheq tẽ rit sang
Yiang Sursĩ. Ma Yiang Sursĩ toap
ruoh án, cóp atõng án neq:

“Mói la Con cóq. Tangái nâi cứq
lứq cõt Mpoaq mói.”*

⁶ Cóp Yiang Sursĩ pai tê tâng ntốq
canõh neq:

“Mói la cũi tẽng rit sang Yiang
Sursĩ sốt dũ dõĩ,
puai chóc Manchi-sadéc.”*

⁷ Bo Yê-su nõang cõt cũi tâng
dõĩ nâi, án câu sễq tẽ Yiang
Sursĩ. Án nham casang lứq, bo
án câu sễq Yiang Sursĩ avĩaq yõn
án vót tẽ ốc cuchĩt. Yuaq án
trĩh cóp yám noap Yiang Sursĩ,
ngkĩq Yiang Sursĩ tamúng án.

⁸ Tam án la Con Yiang Sursĩ, ma

án cóq rien trĩh na ramúh túh coat. ⁹ Từ án táq moâm nheq, chơ án cõt samoât ngòl đờq chuai máh cũai ca trĩh án yỗn bữn tamoong mantái. ¹⁰ Cóp Yiang Sursĩ đờq án la cũai sốt nheq tễ rit sang Yiang Sursĩ puai tâng chóc Manchi-sadéc.

Hái Cốt Carsai Tâng Ngê Yiang Sursĩ

¹¹ Bữn sa-ũri ramúh tễ ốc nậi hếq yoc atõng anhia, ma hếq sâng coat atõng, yuaq anhia cro lứq dáng. ¹² Sanua p̄ieiq lứq la anhia khoiq cõt thài atõng cũai canốh, ma noâng cóq noau atõng loah anhia máh ramúh tễ dâu lứq tâng parnai Yiang Sursĩ. Anhia la samoât noâng cha đỏi rabũm, tở yũah têq cha đỏi clâm.* ¹³ Cũai noâng cha đỏi rabũm, án tở yũah dáng tễ parnai atõng tễ ngê tanoang o, cồ án noâng samoât carnễn. ¹⁴ Ma cũai khoiq cha đỏi clâm, án la samoât cũai carsai. Án dáng rươh ốc o cóp ốc sâuq.

6

¹ Yuaq ngkíq, hái chõi rien noâng ốc hái khoiq dáng tễ ngê Crít. Cóq hái rien ốc tamái ễn. Ngkíq hái têq cõt carsai tâng ngê Yiang Sursĩ. Hái tở bữn atõng noâng ariang tễ dâu lứq hái ngin lỏih cóp nguai tễ máh ranáq ca tở têq chuai amoong hái, chơ hái sa-âm Yiang Sursĩ ễn. ² Hái tở bữn atõng noâng ngê noau táq batêm cóp noau satoaq atĩ tâng tổ cũai táq tếc alóit táq ranáq Yiang Sursĩ. Hái tở bữn atõng noâng tễ cũai tamoong loah tễ cuchit cóp tễ Yiang Sursĩ rablớh nheq tữh cũai. ³ Khân Yiang Sursĩ chuai, sanua hái rien parnai tamái ễn. ⁴ Khân bữn cũai táh ngê Yiang

Sursĩ, nốq têq cũai ki ngin loah cóp sa-âm loah? Máh cũai ki la samoât alóit khoiq ốt tâng poang chơ. Alóit khoiq chim chơ máh ramúh o Yiang Sursĩ chuai. Alóit khoiq chổng tề Raviei Yiang Sursĩ. ⁵ Alóit dáng chơ parnai Yiang Sursĩ la o nheq, cóp alóit sâng chơ máh ốc Yiang Sursĩ ễ chuai nờ-ra. ⁶ Ma khân alóit táh ngê ki, noau tở têq đững alóit ngin loah cóp sa-âm loah Yê-su. Bo ki la samoât alóit tềh loah Con Yiang Sursĩ tâng aluang sangcáng, cóp samoât alóit mumat án yáng moat máh cũai canốh. ⁷ Cứq sacám tễ cutêq ễn. Yiang Sursĩ yỗn ốc bốn pở cutêq o. Cutêq ki nguaiq đờq mia, chơ amia bát bai yỗn máh cũai táq cutêq ki. ⁸ Ma khân cutêq amia ống bát sarlia sâng, cutêq ki tở bữn cõt kia ntróu. Yiang Sursĩ calõih cóp táh thág cutêq ki.

⁹ Sễm ai ời! Hếq ayoq lứq anhia. Tam hếq pai ngkíq, ma hếq tở bữn chanchóm anhia táq ngkíq. Hếq noap lứq anhia táq máh ranáq p̄ieiq yỗn cũai sa-âm táq. ¹⁰ Yiang Sursĩ lứq yỗn dũ náq bữn cóng puai loah ranáq alóit khoiq táq. Cóp án tở bữn khlĩr máh ranáq o anhia táq cồ anhia ayoq án. Anhia đốq chuai níc cũai sa-âm toau sanua. ¹¹ Cóp hếq yoc lứq anhia cutóng táq níc ngkíq toau toâq tangái parsót; chơ máh ốc anhia ngcuang, ki lứq anhia bữn. ¹² Hếq tở ểq anhia cõt aloah. Ma hếq yoc anhia tũoiq alóit ca sa-âm cóp tanhĩr yoc ễ bữn máh ramúh Yiang Sursĩ par-ũq ễ yỗn.

Yiang Sursĩ Par-ũq Cóp Thễ Dũan

¹³ Toâq Yiang Sursĩ par-ũq cóp A-praham, án yoc ễ thễ dũan cóp A-praham. Ma yuaq tở bữn aléq

* 5:12 5:12 Parnai sacám nậi pai tễ cũai nguaiq đờq tóh ma tở yũah têq cha sâiq.

toâr hỡn tễ Yiang Sursĩ, án talêq ramứh án bữm, ¹⁴ cớp pai neq:

“Lứq samoât cứq yỗn ỏc bốn toâq pỡ mới,

cớp cứq yỗn mới bữn tống toiq rứh rưong sa-ũi lứq.”*

¹⁵ Chơ vớ t A-praham tanhĩr cớp nguang dũn lứq, Yiang Sursĩ yỗn án bữn máh ỏc án khoiq par-ũq.

¹⁶ Toâq cũai alêq yoc ễ thể dũan chỏq cũai canỏh, án đốq talêq ramứh ca toâr hỡn tễ án bữm. Ngkĩq tỡ bữn noau têq rasuon noâng.

¹⁷ Máh ki tê, toâq Yiang Sursĩ yoc atỡng yỗn cũai dáng samoât samỡi án tỡ nai ralêq máh ramứh án khoiq pruam, moâm án pruam, án thể dũan cớp alới.

¹⁸ Yuaq Yiang Sursĩ par-ũq cớp thể dũan, ỏc ki tỡ nai cõt ralêq, cớp hái dáng Yiang Sursĩ tỡ têq táq ntỡng lauq. Ngkĩq hái lúh chu Yiang Sursĩ, hái tỡ bữn sâng ngỏh ntrớu, ma cóq hái yống pacái máh ỏc án khoiq pruam cớp hái.

¹⁹ Ỏc án pruam ki táq yỗn mút pahỡm hái sâng ien khể lứq. Ỏc ki la samoât noau alễu đéc tạc apống tâng đốq tễ plỏ tuoc yỗn cartoâng tuoc, chơ noau tỡ bữn ngỏh đốq dũng noâng. Ngkĩq hái nguang nỡ-ra hái bữn toâq pỡ ntốq Yiang Sursĩ ỏt, la samoât hái yang aroaiq noau catáng ntốq Yiang Sursĩ ỏt tâng Đống Sang Toâr.

²⁰ Yê-su khoiq mut nhũang tâng ntốq ki đốq án têq chuai hái. Án cõt samoât cũai sớt nheq tễ rit sang Yiang Sursĩ toau sớt đỡi, puai tâng chớc Manchi-sadéc.

7

Manchi-sadéc

¹ Manchi-sadéc nãi la puo cruang Salem, cớp án la cũai tềng rit sang Yiang Sursĩ, la Yiang ca sớt clũi nheq tễ canỏh. Bo A-praham

chu tễ rachĩl cớp cachĩt máh puo canỏh, Manchi-sadéc ramóh án cớp pai ỏc bốn yỗn án. ² Chơ máh cớng A-praham khoiq ỉt tễ máh puo ki, án chiau yỗn Manchi-sadéc muoi pún tễ muoi chít pún. (Ramứh Manchi-sadéc, khân parlong loah la Puo Tanoang O. Cớp Puo Salem parlong loah la Puo Ien Khể.)*

³ Hái tỡ bữn sâng noau atỡng tễ mpoaq tỡ la mpiq án, tỡ la tễ tống toiq án. Hái tỡ bữn sâng noau atỡng tễ án canỏt tỡ la án cuchĩt. Án la samoât Con Yiang Sursĩ tê, án la cũai tềng rit sang Yiang Sursĩ toau sớt đỡi đỡi.

⁴ Têq hái dáng chớc Manchi-sadéc la lứq toâr, yuaq A-praham, achúc achiac nheq tũh cũai I-sarel, chiau yỗn Manchi-sadéc pún muoi chít tễ máh cớng án cheng ỉt tễ án rachĩl. ⁵ Yiang Sursĩ khoiq patáp tống toiq Lê-vi yỗn alới ỉt pún muoi chít tễ nheq máh cũai I-sarel canỏh. Ma cũai ca yỗn la machớng tốp Lê-vi tê, alới la tễ tống toiq A-praham tê. ⁶ Manchi-sadéc la tỡ cỡn tễ tống toiq Lê-vi, ma noâng án ỉt pún muoi chít tễ A-praham. Cớp án câu ỏc bốn yỗn A-praham, la cũai bữn roap ỏc par-ũq tễ Yiang Sursĩ. ⁷ Dù náoq cũai dáng, khân pai ỏc bốn yỗn cũai canỏh, cóq án ca pai ki bữn chớc toâr hỡn tễ cũai roap ỏc bốn. Ngkĩq hái dáng Manchi-sadéc bữn chớc toâr hỡn tễ A-praham. ⁸ Cớp máh cũai tềng rit sang Yiang Sursĩ tễ tống Lê-vi, alới bữn chớc ỉt pún muoi chít tễ máh cũai I-sarel, ma alới noâng cóq cuchĩt. Ma Manchi-sadéc, án ca ỉt muoi pún tễ mbốq, noau pai án noâng tamoong. ⁹ Cớp têq hái pai neq: Tốp Lê-vi đốq ỉt pún muoi chít tễ cũai I-sarel canỏh. Ma

Lê-vi toâp la ariang án yôn pún muoi chít chu Manchi-sadéc bo A-praham chiaui pún muoi chít yôn án, ¹⁰ yuaq bo A-praham chiaui pún muoi chít pở Manchi-sadéc, Lê-vi tở yũah canốt. Ma án noâng ốt tâng tở achiuaih achêh án, A-praham.

Yê-su La Samoât Manchi-sadéc

¹¹ Nho tể tổng toiq tốp Lê-vi, cũai I-sarel bữn phễp rit Yiang Sursĩ patáp na Mòi-se. Khân tốp Lê-vi ca tểng rit sang Yiang Sursĩ, ma táq p̄ieiq nheq, ki noau tở bữn pai noâng cóq bữn cũai canốt ễn tểng rit sang Yiang Sursĩ puai chóc Manchi-sadéc, tở bữn puai chóc Arôn, tổng Lê-vi. ¹² Yuaq khân ralêq chóc cũai tểng rit sang Yiang Sursĩ, cóq ralêq phễp rit tể. ¹³ Yê-su Crít, án ca hêq khoiq atõng anhia, án la tể tổng toiq canốt; cóp tổng toiq ki tở nai bữn cũai tểng rit sang Yiang Sursĩ. ¹⁴ Hái dáng samoât la Ncháu hái, toâq tể tổng toiq Yuda. Cóp Mòi-se tở nai pai cũai tể tổng toiq Yuda tềq cõt cũai tểng rit sang Yiang Sursĩ. ¹⁵ Ngkíq ranáq nài apáh yôn hái dáng raloaih lứq phễp rit ki cõt ralêq, yuaq bữn cũai tể tốp canốt ễn cõt cũai tểng rit sang Yiang Sursĩ, la ariang Manchi-sadéc. ¹⁶ Án tở bữn cõt cũai tểng rit sang Yiang Sursĩ puai phễp rit cũai đợq ruroh. Ma án bữn chóc cõt cũai tểng rit sang Yiang Sursĩ cở dĩ tamoong án tở nai cõt pút. ¹⁷ Tâm saráq Yiang Sursĩ tể mbỏq pai neq:

“Mói la cũai tểng rit sang Yiang Sursĩ sớt dĩ dĩ,
puai chóc Manchi-sadéc.”✧

¹⁸ Yiang Sursĩ pai ngkíq, la án đợq chíq phễp rit tiaq, yuaq phễp rit ki cõt tở bữn blểng noâng,

cóp tở bữn cõt kia ntróu noâng. ¹⁹ Phễp rit Mòi-se tở tềq táq yôn cõt p̄ieiq lứq. Ma sanua Yiang Sursĩ yôn hái nguang ranáq o hỡn ễn, tềq hái ốt parnơi cóp Yiang Sursĩ. ²⁰ Chơ tở Yiang Sursĩ ruroh Yê-su cõt cũai tểng rit sang Yiang Sursĩ, án tể dĩn. Ma máh cũai tể tổng toiq Lê-vi, án tở bữn tể dĩn ntróu. ²¹ Ma Yê-su cõt cũai tểng rit sang Yiang Sursĩ cở án tể dĩn, yuaq tâm saráq Yiang Sursĩ pai neq:

“Yiang Sursĩ khoiq tể dĩn, cóp án tở nai ralêq!

Mói la cũai tểng rit sang Yiang Sursĩ sớt dĩ dĩ.”

²² Yuaq ngkíq Yê-su chừng tở án toâp đợq táq tểc Yiang Sursĩ par-ũq phễp rit tamái o hỡn tể phễp rit tiaq.

²³ Máh cũai tểng rit sang Yiang Sursĩ tể tốp Lê-vi la sa-ũi lứq. Ma alói tở tềq táq dĩn, yuaq toâq ngư alói cóq cuchít. ²⁴ Ma Yê-su tamoong mantái níc; ngkíq án tềq tểng rit sang Yiang Sursĩ sớt dĩ dĩ. ²⁵ Yuaq ngkíq, án tềq chuai amoong tâng dĩ dĩ cũai ca yoc ẽ toâq pở Yiang Sursĩ nho tể án, cở án tamoong mantái, cóp án rasêq níc tể Yiang Sursĩ đợq chuai alói.

²⁶ Lứq p̄ieiq la hái bữn cũai sớt nheq tể rit sang Yiang Sursĩ ca bráh o lứq. Án tở bữn táq pla ntróu. Án tở bữn lóih ntróu thág. Án mpha tể cũai bữn lóih. Cóp án ốt tâng pởng paloông. ²⁷ Án tở bữn ariang cũai tểng rit sang Yiang Sursĩ puai chóc Lê-vi. Cu rangái cóq alói kiac charán, chơ chiaui sang yôn Yiang Sursĩ, đợq sêq Yiang Sursĩ táh lóih alói voai, ki nỏq tềq alói sêq yôn cũai canốt ễn. Ma Yê-su táq ống muoi trở sâng. Toâq án chiaui sang

yỗn Yiang Sursĩ, án chiau tở án bữm. ²⁸ Puai phễp rit Mòi-se, cũai noau chớh yỗn sớt nheq tễ rit sang Yiang Sursĩ noâng bữn lờih. Ma ốc Yiang Sursĩ thể dũaan ki toâq ntun phễp rit Mòi-se. Cớp ốc ki, yỗn Con Yiang Sursĩ toâp sớt nheq tễ rit sang Yiang Sursĩ, yuaq Con ki tở nai bữn lờih mantái níc.

8

Yê-su Sốt Nheq Tễ Rit Sang Yiang Sursĩ Yỗn Hái

¹ Chơ nheq máh santoiq hếq atỡng adớh, ốc nài la coâl. Hái bữn manoaq sớt nheq tễ rit sang Yiang Sursĩ chuai hái. Án tacu coah atoam Yiang Sursĩ tâng paloông. ² Án táq ranáq tềng rit sang Yiang Sursĩ tâng đống sang Yiang Sursĩ tâng paloông. Đống ki la tở cớn đống cũai táq. Đống ki Yiang Sursĩ toâp táq.

³ Cũai aléq sớt nheq tễ rit sang Yiang Sursĩ, noau ón án kiac charán cớp chiau sang cớng canỏh hỡ yỗn Yiang Sursĩ. Ngkíq án ca sớt nheq rit sang yỗn hái, cớq án bữn tê cớng chiau sang yỗn Yiang Sursĩ. ⁴ Khân án ốt tâng cớc cutểq nài, lứq án tở bữn cớt cũai tềng rit sang, yuaq khoiq bữn chơ cũai táq ranáq chiau cớng sang puai phễp rit I-sarel. ⁵ Ranáq alóí ki táq, Yiang Sursĩ sapáh yỗn hái dáng tễ ranáq Yê-su táq tâng paloông. Yuaq ngkíq, Yiang Sursĩ atỡng Mòi-se toâq án ể táq Đống Sang Aroâiq neq:

“Cớq mới táq yỗn samoât dũ ramứh
 ỉn cớq khoiq apáh yỗn mới hữm tâng cóh nài.”*

⁶ Ma Yê-su bữn ranáq toâr hỡn cớp o hỡn tễ ranáq tốp cũai tềng rit sang Yiang Sursĩ tâng

dời nài. Machớng ki tê, máh ốc Yiang Sursĩ par-ữq cớp cũai nhor tễ Yê-su, ốc ki toâr hỡn cớp o hỡn tễ máh ốc án par-ữq cớp cũai tễ mbỏq, yuaq Yiang Sursĩ par-ữq táq ốc o clữi tễ nhũang. ⁷ Khân máh ốc Yiang Sursĩ par-ữq tễ nhũang ki o nheq cớp tở bữn khlâiq muoi ramứh ntrớu, ki Yiang Sursĩ tở bữn túh par-ữq noâng trở bar. ⁸ Ma án hữm tở bữn p̄ieiq yũah máh ốc án par-ữq ki, yuaq tâng tâm saráq Yiang Sursĩ tễ mbỏq án pai neq:

“Toâq tangái ntun, cớq par-ữq ốc tamái
 cớp máh cũai I-sarel cớp cũai Yuda.

⁹ Máh ốc cớq par-ữq tamái ki la tở bữn ỉn cớq khoiq par-ữq cớp achúc achiac alóí, bo cớq tếc at̄i đững aloỏh alóí tễ cruang Ê-yip-tô.
 Yuaq alóí tở bữn táq puai máh ốc par-ữq ki.

Ngkíq cớq tở bữn noap noâng cũai ki.
 Máh ốc nài la Yiang Sursĩ pai.

¹⁰ Ntun nài cớq ể par-ữq cớp cũai I-sarel neq:
 Cớq ể chíc đốq máh phễp rit cớq tâng mút pahỏm alóí.

Cớq cớt Yiang Sursĩ alóí, cớp alóí cớt cũai proai cớq.

¹¹ Alóí tở bữn túh noâng manoaq atỡng manoaq, cớp sễm ai patáp sễm ai, pai neq: ‘Cớq anhia dáng tễ Yiang Sursĩ,’
 yuaq dũ náq alóí bữn dáng chơ cớq,
 noap tễ cũai proai miat toau toâq cũai ca sớt clữi tễ canỏh.

¹² Chơ cớq táh lờih yỗn alóí, cớp cớq tở bữn sanhữ noâng máh lờih alóí.”*

* 8:5 8:5 Loỏh Tễ Ê-yip-tô 25:40 * 8:12 8:12 Yê-ramia 31:31-34

13 Toâq Yiang Sursĩ pai án par-ũq ọc tamái ên, ki máh ọc án par-ũq tễ nhũang cõt tở bữn blêng noâng. Cóp máh ọc tiaq tở bữn blêng noâng, ki cheq ễ pứt.

9

Yiang Sursĩ Sapáh Máh Ramúh Tânq Paloông

1 Puai máh ọc Yiang Sursĩ par-ũq tễ nhũang, la bữn phễp rit cóq cũai táq puai khân yoc ễ sang Yiang Sursĩ. Cóp bữn tê Dông Sang Aroaiq cũai I-sarel táq. 2 Dông sang ki bữn bar ntốq. Ntốq dĩ ria ki bữn chớp tởu, cóp bữn cachơng noau chớq bễng chiau sang yỗn Yiang Sursĩ. Ntốq ki la Ntốq Tễng Rit. 3 Ma coah cũi aroaiq ploah bar, bữn Ntốq Yiang Sursĩ Ớt. 4 Clống ki bữn cớng radơng noau táq toâq yễng đợc chớng cớng phuom, cóp bữn muoi lám hĩp noau đợc la Hĩp Parnai Parkhán. Hĩp ki noau blom toâq yễng, ma tâng clống hĩp ki noau chớq muoi cudóm táq toâq yễng bữn cớng sana noau đợc 'mana'. Cóp noau chớq ralống khong Arôn ca báiq cõt cớiq.* Cóp noau chớq máh khlễc tamáu ca Yiang Sursĩ khoiq chĩc máh ọc án parkhán cóp alóí. 5 Ớt pỡng hĩp, bữn bar lám chề-rup táq tếc ớt ntốq ki. Alóí ớt pỡng hĩp cóp paliang khlap acrúq đợc cantúp hĩp. Cantúp ki noau đợc Ntốq Yiang Sursĩ Táh Lôih. Ma sanua hếq tở lỏp atởng nheq tễ máh ramúh ki.

6 Moâm thữan nheq máh ramúh ki, tốp tễng rit sang Yiang Sursĩ pỡq luloah níc tâng ntốq muoi tâng Dông Sang Aroaiq. 7 Ma tâng ntốq bar, ớng manoaq cũai sớt nheq tễ rit sang Yiang Sursĩ sâng tềq mut. Án mut muoi

cumo muoi trỗ, cóp cóq án dững aham charán chiau sang đợc sểq yỗn Yiang Sursĩ táh lôih án cóp táh lôih máh cũai proai hỡ. 8 Toâq noau táq ngkiq, Raviei Yiang Sursĩ apáh yỗn noau dáng la noau tở tềq mut yũah tâng Ntốq Yiang Sursĩ Ớt bo noâng bữn đống sang ki. 9 Dông sang ki la tếc yỗn cũai tâng đời ki. Tâng đời ki noau đợc kiac charán cóp sang cớng canốh hỡ. Ma máh rit noau táq ki tở tềq chuai ntróu yỗn mút pahồm alóí tở bữn bữn lôih. 10 Máh rit ki atởng tề sana cha, đợc nguaiq, cóp rit mpoí yỗn bráh. Nheq máh ranáq ki atởng ớng tễ tở cũai sâng, cóp Yiang Sursĩ patáp đờ máh ọc ki toau toâq phễp rit tamái.

Yê-su Chiau Sang Tở Án Bữm

11 Ma bo Crít toâq, án cõt cũai sớt nheq tễ rit sang Yiang Sursĩ, cóp án dững máh ramúh o ca Yiang Sursĩ khoiq yỗn hái. Án táq ranáq tâng đống sang toâr hỡn cóp o hỡn tễ đống sang tâng đời nái. Dông sang án la tở cớng đống sang cũai táq. 12 Crít tễng rit sang Yiang Sursĩ, la án mut loâng pỡ Ntốq Yiang Sursĩ Ớt. Án tở bữn dững aham mbểq cóp ntroỏq, ma án dững aham án bữm. Chơ án táq yỗn tềq cũai racláh tễ lôih alóí toâq sớt đời lơi cumo. 13 Noau đợc trutrếh aham mbểq cóp aham ntroỏq tangcáh tâng tở cũai táq lôih, tở la noau ít bỗh tễ ntroỏq sang-ớng ca noau bỗh, chơ yũi tâng tở cũai ki. Táq ngkiq noau táq yỗn cũai ki cõt bráh loah puai rit. 14 Ma khân aham ki tềq yỗn cũai cõt bráh loah yáng moat Yiang Sursĩ, hỡn tề ki ên aham Crít tềq táq yỗn mút pahồm anhia cõt bráh loah. Nheq tễ Raviei Yiang

* 9:4 9:4 Ralống nái cõt tếc Yiang Sursĩ ruoh Arôn.

Sursĩ, án ca tở bữn lôih ntróu thánq sang tở án bữm yỗn Yiang Sursĩ. Ngkĩq yuaq mứt pahỏm anhia cởt bráh o loah đợq anhia tẻq táq ranáq Yiang Sursĩ.

¹⁵ Crít la samoát cũai partoâq parnai. Án đứng parnai tamái ca Yiang Sursĩ par-ữq yỗn cũai. Chơ alói ca Yiang Sursĩ ruroh tẻq bữn máh mun án pruam chuai alói sỏt đỏi lơi cumo. Alói tẻq bữn mun ki, la cở bữn manoaq cuchít tang alói đợq Yiang Sursĩ tẻq táh máh lôih alói khoiq táq bo noâng puai tẻ par-ữq tiaq. ¹⁶ Khân bữn cũai táq choaiq tampẻq mun án vớ t án cuchít, tở tẻq táq ntróu yũah choaiq ki bo cũai ki noâng tamooing. ¹⁷ Khân noau dáng lứq samoát cũai ki khoiq cuchít, ki tẻq noau tampẻq máh mun án. ¹⁸ Machỏng ki tẻ, máh ỏc Yiang Sursĩ par-ữq tẻ nhũang cóq bữn tẻ aham, đợq tẻq máh ỏc par-ữq ki cởt rapẻiq. ¹⁹ Moâm Mỏi-se atởng dũ ỏc Yiang Sursĩ patập cũai l-sarel, chơ án ít aham ntroỏq cóp aham mbẻq carchỏc cóp đởq. Án boq muoi thữ bát noau đợq hi-sỏp, chơ án alỏq tâng aham cóp trutrẻh aham ki tâng choaiq cóp tâng máh cũai ki. Cóp án atởng neq: ²⁰ "Aham nài cởt tẻc yỗn cởt rapẻiq máh ỏc Yiang Sursĩ parkhán cóp anhia."*

²¹ Machỏng ki tẻ, án trutrẻh aham tâng Đỏng Sang Aroaiq cóp tâng nheq máh cởng tadỏng tâng đỏng sang ki. ²² Lứq samoát, puai phẻp rit ki mán dũ ramứh cóq táq bráh nhỏ aham, cóp khân tở bữn satỏh aham, lứq tở tẻq táh lôih. ²³ Ngkĩq máh cởng noau táq đợq sapáh máh ramứh tâng paloỏng, cóq noau táq bráh puai rit ki. Ma máh ramứh tâng paloỏng cóq bữn cởng sang o

hỏn tẻ cởng ki. ²⁴ Ngkĩq Crít tở bữn mut tâng đỏng sang cũai táq, yuaq đỏng sang ki noau táq tũoiq sâng ariang đỏng Yiang Sursĩ lứq ỏt. Ma Crít mut tâng paloỏng, cóp án ỏt ngki sanua, đợq partoâq parnai chuai hái yáng moat Yiang Sursĩ. ²⁵ Án ca sỏt nheq tẻ rit sang Yiang Sursĩ puai phẻp rit cũai l-sarel, án đợq mut cu cumo tâng Nỏq Yiang Sursĩ Ỏt, cóp án đứng amut đẻh aham charán hỏ. Ma Crít tở bữn amut cởng chiau sang sa-ủi trỏ. ²⁶ Khân táq ngkĩq, Crít cóq chũuq cuchít sa-ủi trỏ chơ, noap tẻ tangái Yiang Sursĩ tẻng paloỏng cutẻq. Ma sanua án toâq muoi trỏ la dũ chơ, bo cheq ẻ nheq đỏi nài. Án pupứt nheq máh lôih cũai, yuaq án chiau sang tở án bữm. ²⁷ Dũ náq cũai Yiang Sursĩ anoat muoi trỏ sâng cóq cuchít. Cóp vớ t ki Yiang Sursĩ rablỏh loah alói. ²⁸ Machỏng ki tẻ Crít cuchít sang tở án, la muoi trỏ sâng. Nỏ-ra án toâq loah muoi trỏ ẻn. Ma trỏ ntun ki án tở bữn tang noâng lôih cũai, ma án ẻ chuai amoong alói ca ngcuang án.

10

Phẻp Rit Tiaq La Sapáh Sâng

¹ Phẻp rit Yiang Sursĩ atởng na Mỏi-se la ariang noau sapáh sâng, yoc atởng tẻ ỏc o ca toâq nỏ-ra. Ma phẻp rit ki tở bữn bữn ỏc o ki. Ngkĩq máh cởng noau chiau sang puai phẻp rit ki tở tẻq táq yỗn alói ca yoc ẻ toâq pở Yiang Sursĩ yuaq alói noâng bữn ỏc tanẻq. ² Khân máh cởng noau chiau sang ki lứq tẻq táq yỗn cũai ca sang Yiang Sursĩ cởt bráh máh lôih alói, ki alói tở bữn tũh chiau sang noâng. ³ Ma cu cumo alói chiau sang níc, ariang catoaih alói yỗn sanhữ níc

* 9:20 9:20 Loỏh Tẻ Ê-yip-tỏ 24:8

máh lôih alóit táq, ⁴ yuaq aham ntroôq cóp mbêq la tở nai têq pupút lôih cũai.

⁵ Pân ngkíq, từ Crít toâq pở cóc cutêq nâi án atông Yiang Sursĩ neq:

“Mới tở bữn yoc noau kiac charán cóp chiau sang crơng canôh.

Ma mới khoiq thữan chơ yỗn cứq cõt tở cũai.

⁶ Mới tở bữn sâng bũi noau bỗh charán cóp chiau sang crơng đợq pupút lôih.

⁷ Chơ cứq pai neq: ‘Cứq toâq pở nâi yoc ẻ puai rangứh mới, Yiang Sursĩ ơi!

Noau khoiq chĩc chơ tễ ranáq cứq táq

tâng tâm saráq phễp rit Yiang Sursĩ.’”[✧]

⁸ Adớh hái sâng Yê-su pai neq: “Mới tở ễq noau kiac charán cóp chiau crơng canôh, tở la bỗh charán cóp sang crơng đợq pupút lôih, yuaq mới tở bữn sâng bũi tễ máh ramứh ki.” Ma puai phễp rit I-sarel patáp cóq táq ngkíq.

⁹ Chơ Yê-su pai ẻn neq: “Cứq toâq pở nâi yoc ẻ puai rangứh mới toâp, Yiang Sursĩ ơi.”

Ngkíq hái dáng Yiang Sursĩ ralêq phễp rit tiaq, chơ táng phễp rit tamái ẻn. ¹⁰ Yuaq Yiang Sursĩ sâng yoc, ngkíq án táq yỗn hái cõt bráh o yáng moat án, nhơ Yê-su Crít cuchĩt tang hái ống muoi trở ki toâp.

¹¹ Cu náq cũai tễng rit sang Yiang Sursĩ puai phễp rit I-sarel cóq táq níc cu rangái, cóp chiau sang máh crơng yỗn Yiang Sursĩ; ma crơng ki tở nai têq pupút lôih cũai. ¹² Ma từ Yê-su chiau sang muoi trở ki toâp tở án bữm, ki têq pupút lôih cũai tâng đũ

đỡi. Moâm ki án tacu coah atoam Yiang Sursĩ. ¹³ Án tacu ngki, acoan Yiang Sursĩ táq yỗn đũ ramứh ca tở ễq trĩh án cõt pũn talang ayũng án. ¹⁴ Án chiau sang muoi trở, ma án táq yỗn cũai sa-âm cõt bráh o sốt đỡi yáng moat Yiang Sursĩ. ¹⁵ Cóp Raviei Yiang Sursĩ hỡ khoiq atông tễ ranáq ki tễ nhũang neq:

¹⁶ “Yiang Sursĩ pai neq: ‘Nỡ-ra cứq ẻ par-ữq cóp alóit neq:

Cứq ẻ chĩc đợq máh phễp rit cứq tâng mút pahỗm alóit.’”[✧]

¹⁷ Chơ án pai ẻn:

“Cứq tở bữn sanhữ noâng máh lôih cóp ranáq sâuq alóit táq.”

¹⁸ Khân Yiang Sursĩ khoiq táh lôih chơ, tở bữn túh cóq kiac noâng charán sễq Yiang Sursĩ táh lôih.

Hái Toâq Pở Yiang Sursĩ

¹⁹ Ngkíq, sễm ai ơi, hái têq cõt clốq lứq mut tâng Ntốq Yiang Sursĩ Ớt, la cỗ nhơ tễ aham Yê-su. ²⁰ Án khoiq pớh rana tamái, la rana tamoong, yỗn hái têq mut pở ntốq ki, yuaq tở án cõt pacháh, la ariang aroaiq noau catáng ntốq ki cõt raháq. ²¹ Hái bữn cũai tễng rit sang Yiang Sursĩ. Án toâp sốt nheq tâng đống Yiang Sursĩ.

²² Ngkíq cóq hái toâq pở Yiang Sursĩ, bữn mút pahỗm tanoang cóp sa-âm samoat samoi. Mút pahỗm hái cõt bráh chơ, tở bữn sâng lôih noâng, machớng tở hái cõt bráh tẻ, cỗ hái mpoi tâng đợq bráh. ²³ Cóq hái lác alũi níc yống máh ỏc hái khoiq sa-âm chơ. Hái chổi saria sarnóm, yuaq án ca par-ữq cóp hái, lứq samoat án táq máh án khoiq par-ữq. ²⁴ Cóp cóq hái manoaq chuai manoaq yỗn bữn mút pahỗm ayooq cóp táq ranáq o. ²⁵ Anhia cóq rôm parnoi,

chỗ caryoah ariang cũai canõh. Cóp cóq anhia cutóng lứq manoaq radũng manoaq yõn táq ranáq o, yuaq anhia dáng chơ cheq ẽ toáq tangái parsót.

²⁶ Khân bũn cũai aléq khoiq dáng chơ parnai p̄ieiq tẽ Yiang Sursĩ, ma án táq clóq níc ranáq tở p̄ieiq, tở bũn ramũh ntróu tẽ pupút lỏih cũai ki. ²⁷ Ma cũai ki õt croóq níc tangái Yiang Sursĩ rablớh loah án, cóp ớn án p̄q chu ntốq ùih bữ hang lứq. Nheq tũh cũai ca tở ẽq tamũng Yiang Sursĩ cóq õt tâng ntốq ki. ²⁸ Cũai aléq ma tở bũn trĩh phếp rit Môise atõng, noau cachĩt cũai ki, tở bũn dỏq noâng. Khân bũn bar pái nác ma pai alóĩ hũm án táq lỏih, chơ noau cachĩt toáp. ²⁹ Khân lứq ngkĩq, nõq anhia chanchóm p̄ieiq noau táq chóc cũai ca tĩn sarúq Con Yiang Sursĩ? Cũai ki chanchóm aham Yê-su tở bũn o ntróu. Ma lứq aham ki toáp táq yõn Yiang Sursĩ cõt par-ũq ratoĩ cóp hái. Cóp cũai mumat Ravieĩ Yiang Sursĩ ca chuai miat hái. Lứq Yiang Sursĩ táq cũai ki ntâng hõn ẽn. ³⁰ Hái dáng chơ án ca pai neq: “Cứq nài toáp ẽ culáh cóng tẽ máh ranáq cũai khoiq táq.”^{*}

Cóp noau pai ẽn neq:

“Lứq Yiang Sursĩ rablớh máh cũai proai án.”

³¹ Túh coat lứq khân cũai ki toáq p̄ atĩ Yiang Sursĩ, la Yiang tamooing.

³² Cóq anhia sanhũ máh tangái nhũang, bo anhia mbõĩq sa-âm, cóp poang tẽ Yiang Sursĩ khoiq claq tâng mút pahõm anhia. Noau khoiq táq anhia sa-ũĩ ramũh túh coat, ma anhia chũuq tanhĩ níc. ³³ Noau mumat anhia cóp táq anhia yáng moat cũai clũng. Cóp toáq noau táq yóu anhia, ki anhia pruum chũuq parnoĩ cóp

yóu tẽ. ³⁴ Anhia khoiq sâng sarũiq máh cũai noau cóp cóp chóc tâng cuaq. Cóp toáq noau rapón cõng cõu anhia, anhia sâng bũi hõr, yuaq anhia dáng anhia bũn cõng o hõn tâng paloõng, cóp cõng ki tở tẽq noau talóh. ³⁵ Ngkĩq chõĩ táh mút pahõm clóq anhia khoiq bũn tẽ nhũang, yuaq mút pahõm ki bũn kia lứq yõn anhia. ³⁶ Cóq anhia chũuq tanhĩ níc, chơ moám anhia táq nheq máh ranáq Yiang Sursĩ yoc anhia táq, lứq án yõn anhia bũn ramũh o ca án khoiq ũq chơ. ³⁷ Tâng tâm saráq Yiang Sursĩ pai neq:

“Noâng bĩq tangái, án ca pai ẽ toáq, lứq án toáq.

Án tở bũn acoan noâng.

³⁸ Cũai tanoang o bũn tamoong cõ nhơ án sa-âm.

Ma khân cũai aléq carlũn loah cuang cũ,

cứq tở bũn sâng bũi noâng cóp cũai ki.”^{*}

³⁹ Ma hái tở bũn ariang cũai ca carlũn loah cuang cũ, chơ Yiang Sursĩ táh alóĩ. Hái la cũai sa-âm pacái lứq; chơ ravieĩ hái cõt tamooing mantái.

11

Máh Cũai Ca Sa-âm Tẽ Nhũang

¹ Hái sa-âm pacái la ariang hái bũn máh ramũh ca hái ngcuang, cóp ariang hái hũm chơ máh ramũh hái tở yũah hũm. ² Máh cũai tẽ mbỏq ca sa-âm ngkĩq, Yiang Sursĩ pai alóĩ ki o lứq.

³ Cõ hái sa-âm, hái dáng Yiang Sursĩ tẽng paloõng cutẽq nhơ tẽ parnai án pai. Ngkĩq máh ramũh hái hũm, Yiang Sursĩ tẽng dẽh ramũh hái tở tẽq hũm.

⁴ Cõ Aben sa-âm, án chiau sang yõn Yiang Sursĩ cõng o hõn tẽ Ca-in sang. Ngkĩq Yiang Sursĩ

pai Aben la cūai tanoang o, yuaq án hữm pñeiq cớng Aben sang. Aben khoiq cuchit đũn chơ, ma ariang án noàng atớng hái.

⁵ Cỗ Ê-nóc sa-âm, ngkíq Yiang Sursĩ parõn án sarbiet thánq, cớp tở bữn noau hữm noàng án. Ma nhũang Yiang Sursĩ parõn án, án khoiq táq yõn Yiang Sursĩ sánq bũi pahõm. ⁶ Tở bữn noau tềq táq bũi pahõm Yiang Sursĩ khân tở bữn sa-âm. Yuaq cūai yoc ẽ toàq pở Yiang Sursĩ cớq án noap samoat, lứq bữn Yiang Sursĩ, cớp Yiang Sursĩ lứq chuai máh cūai ca chuaq án.

⁷ Cỗ Nô-ê sa-âm, án trĩh parnai Yiang Sursĩ patáp, chơ án táq tuoc toar; yuaq Yiang Sursĩ atớng án nhũang tể máh ramứh ca ẽ toàq noau tở nai hữm yũah. Ngkíq đớng sũ án bữn tamoong. Cớp cỗ noau hữm án táq ranáq o, ngkíq noau dáng nheq tũh cūai canõh lứq sấuq. Cớp Yiang Sursĩ noap Nô-ê la cūai tanoang o yáng moat án yuaq Nô-ê sa-âm.

⁸ Cỗ A-praham sa-âm, án trĩh toàq Yiang Sursĩ ón án loõh tể ntốq án ốt, chơ pởq chu ntốq canõh ca Yiang Sursĩ pruum nữ-ra án yõn A-praham ndõm. Chơ A-praham pởq sánq, tở dáng chu lếq án ẽ pởq. ⁹ Cỗ A-praham sa-âm, ngkíq án ốt tằng cruang ca Yiang Sursĩ khoiq par-ữq ẽ yõn án, ma án ốt sanốq cūai tamoi sánq. Án ốt đớng aroaiq parnơi cớp con châu án, I-sac cớp Yacốp, alóí ca Yiang Sursĩ yõn chớng tể mun ki. ¹⁰ Yuaq án ngcuang bữn vil toar, vil ca tở cõn cūai táng, ma lứq Yiang Sursĩ toáp táng.

¹¹ Sara, lacuoi A-praham, la cūai cũt, khoiq vớtt ngư án tềq táq ramia. Ma cỗ án sa-âm, án noàng bữn táq ramia, yuaq án noap

samoat lứq parnai Yiang Sursĩ khoiq par-ữq cớp án. ¹² Lứq pai A-praham, la khoiq thâu cúnq-racúnq chơ, ma rứh tể án cớng lứq, ariang mantở tằng paloõng, cớp ariang chũah tằng tor đờq mựt tở rơi ngh noàng.

¹³ Máh cūai ca hếq khoiq atớng adóh, alóí cuchit ma tở yũah bữn roap máh ốc Yiang Sursĩ khoiq par-ữq ẽ yõn alóí. Ma alóí khoiq hữm chơ máh ramứh ki, ma noàng yớng. Alóí sánq bũi lứq tể máh ramứh ki, cớp alóí ngin alóí la samoat cūai tamoi ốt đờ tằng cớc cutềq nãi. ¹⁴ Cūai ca ngin ngkíq, apáh yõn hái dáng alóí lứq chuaq cruang tamái yõn alóí ốt. ¹⁵ Ma khân alóí chanchớmm níc tể cruang alóí khoiq loõh tể nhũang, ki tềq alóí chu loah pở cruang ki. ¹⁶ Ma alóí yoc ẽ bữn cruang o hỡn tể ki ển, la cruang tằng paloõng. Ngkíq Yiang Sursĩ tở bữn sánq casiet noau đờq án la Yiang alóí, yuaq án khoiq thũan moám muoi vil yõn alóí.

¹⁷ Cỗ A-praham sa-âm, ngkíq án pruum ẽ kiac sang I-sac con án bo Yiang Sursĩ chim án. Yiang Sursĩ khoiq ữq cớp án, nữ-ra án bữn tống toiq sa-ữi, ma noàng án pruum chiau sang con muoi án toáp. ¹⁸ Yiang Sursĩ khoiq pai chơ tể con ki neq: “Nhờ tể I-sac cứq táq yõn mới bữn tống toiq.”

¹⁹ Ma A-praham noap samoat lứq Yiang Sursĩ tềq yõn con ki tamoong loah tể cuchit. Ngkíq Yiang Sursĩ yõn loah con ki ariang án tamoong loah tể cuchit tể.

²⁰ Cỗ I-sac sa-âm, án pai ốc bốn yõn Yacốp cớp Ê-sau puai tể ranáq tở yũah cớtt.

²¹ Cỗ Yacốp sa-âm, toàq án cheq ẽ cuchit, án tayúng cloaq ralõng cớp pai ốc bốn yõn máh con

Yô-sep, bo án sang toam Yiang Sursĩ.✱

22 Cỗ Yô-sep sa-âm, toâq án cheq ê cuchĩt, án atõng sacoaiq tẽ tangái Yiang Sursĩ yõn cũai I-sarel loõh tẽ cruang Ê-yip-tô. Chơ án patâp alóı yõn dũng achu nhang án.

23 Cỗ mpiq mpoaq Mũi-se sa-âm, alóı cutooq án nheq pái casai noap tẽ tangái mpiq án canõt. Yuaq alóı hũm án nêuq o, cốp alóı tỡ bũn sâng ngcõh parnai puo ớn.

24 Cỗ Mũi-se sa-âm, toâq án cõt carsai án tỡ yõn noau dõq noâng án la châu puo Ê-yip-tô, 25 yuaq án sâng, khaq chũuq túh coat parnoi cốp cũai ca puai Yiang Sursĩ, saláng puai ốc sâuq ca yõn án cõt bũn mahõi sâng. 26 Án chanchóm khân chũuq noau pai án, cỗ tian án puai Crĩt, la bũn kia hõn tẽ máh sanóc nũn tâng cruang Ê-yip-tô, yuaq án ngcuang nỡ-ra án bũn roap công o.

27 Cỗ Mũi-se sa-âm, án loõh tẽ cruang Ê-yip-tô. Án tỡ bũn ngcõh ntróu puo nhôp án. Ma án chũuq níc, yuaq án khiq hũm án ca noau tỡ têq hũm. 28 Cỗ Mũi-se sa-âm, án yõn cũai I-sarel puai máh phếp rit Yiang Sursĩ patâp yõn alóı dõq sanhữ Tangái Loõh,* dẽh án trutrẽh aham hỡ. Chơ ranẽng Yiang Sursĩ cachĩt táh máh con clúng cũai Ê-yip-tô, ma tỡ bũn táq ntróu chóq tốp I-sarel.

29 Cỗ cũai I-sarel sa-âm, têq alóı yang dõq mưt Cusâu bo Yiang Sursĩ cayoah dõq yõn cõt ariang rana tâng cutêq khõ yõn alóı bũn tayáh pỡq. Ma toâq máh cũai Ê-yip-tô puai loah alóı, ki cũai Ê-yip-tô cloãm nheq tâng dõq ki.

30 Cỗ cũai I-sarel sa-âm, alóı pỡq viel viang vil Yê-ri-cô. Chơ moãm alóı viel nheq tapul tangái, viang ki cõt ralih.

31 Rahap la manoaq mansẽm chẽq tỡ, ma cỗ án sa-âm, án tỡ bũn cuchĩt muoi prớh cốp cũai tâng vil Yê-ri-cô ca tỡ bũn trĩh Yiang Sursĩ. Án bũn tamoong yuaq án khiq ít pahõm cũai I-sarel ca pỡq tutuaiq vil ki, chơ chuai alóı yõn loõh pỡq ien khẽ.

32 Ma nõq têq cứq nghĩ nheq cũai sa-âm ki? Khân cứq ruaih nheq máh ranáq alóı táq, lứq tỡ rơi mỗ. Cứq tỡ loâp atõng tẽ Kê-dien, Barac, Sam-sôn, Yêp-thê, Davĩt, Samu-êl, cốp máh cũai tang bõq Yiang Sursĩ. 33 Cỗ alóı sa-âm, alóı chỉ riap cruang canõh, alóı táq ranáq tanoang tapũng, cốp alóı bũn ốc Yiang Sursĩ par-ũq. Cỗ alóı sa-âm, alóı yĩh bõq cula samín, 34 alóı pupât ùih hang lứq, cốp alóı viaq vót tẽ pla dau. Alóı ki ieuq ma alóı cõt rêng ẽn. Alóı clóq lứq rachıl, cốp tuih tốp tahan tẽ cruang canõh yõn sarlõt nheq. 35 Máh mansẽm bũn con cayac cuchĩt, ma bũn tamoong loah. Bũn cũai canõh noau táq túh coat cốp cachĩt. Ma alóı chũuq níc, tỡ ẽq ẽ ngĩn ốc noau ớn alóı cóq ngĩn dõq cõt racláh. Yuaq alóı sâng o hõn tamoong mantái cốp Yiang Sursĩ. 36 Bũn cũai noau ca-iep cupriaq, noau toãn, noau chõq, cốp noau clũng. 37 Noau táq alóı sa-ũĩ ramứh: Án ca noau latót toâq tamáu, án ca noau cũo bar béq, án ca noau tráh toâq dau. Cũai sa-âm ki tác tampác ngcâr cũu cốp ngcâr mbêq, yuaq alóı óq lứq, cốp alóı chũuq noau táq alóı tõi q bap lứq. 38 Máh cũai ca chũuq sa-ũĩ ramứh túh coat, tỡ

✱ 11:21 11:21 Saráq Tẽ Dâu 47:31 * 11:28 11:28 Tangái ki alóı sanhữ tangái Yiang Sursĩ chuai yõn alóı loõh tẽ cruang Ê-yip-tô tẽ mbõq.

p̄ieiq alóí ốt tâng cốc cutẽq nâi. P̄ieiq lứq alóí la ốt tâng ntốq o hỡn tể cốc cutẽq nâi. Ma alóí pờq chu nâi pờq chu ki ốt tâng ntốq aiq, tâng cớh, tâng cựp, cớp tâng hống cutẽq. ³⁹ Nheq náq alóí ki la Yiang Sursĩ ngin pai p̄ieiq alóí táq yuaq alóí sa-âm lứq. Ma án tở bữn yỗn yũah máh ốc án par-ữq ẽ yỗn alóí. ⁴⁰ Yuaq Yiang Sursĩ đốq ramứh o ki yỗn hái chống tẽ. Toàq dời hái, nốq Yiang Sursĩ táq moâm máh ranáq toâr án khoiq par-ữq cớp cũi ai.

12

Hái Nhêng Chu Yê-su

¹ Chơ sanua, nheq tữh cũi ai sa-âm tể nhũang la samoât alóí ốt nhêng níc chu hái ca sa-âm ntun. Cốt samoât hái lúh tampling, aléq roi lúh yong lứq ma cháí hỡn. Ngkíq hái cóq táh nheq máh ramứh ntróu ma catoâng hái, cớp hái viaq tể máh ốc lỏih ca táq yỗn dóm. Chơ hái lúh yỗn toàq cudót rana noau ớh hái lúh. ² Háí cóq nhêng níc chu Yê-su, án ca plở soi tể ốc hái sa-âm. Cũi án ngang bữn ốc bũi ntun, án chiũq cuchit tâng aluang sangcáng. Án tở bữn noap ntróu noau táq ẽq án sâng casiet. Ma sanua án taçu coah atoam Yiang Sursĩ pở ntốq Yiang Sursĩ sớt. ³ Cóq anhia chanchóm níc tể án ca chiũq tanhĩr máh ranáq cũi ai lỏih táq chốq án. Khân anhia chanchóm tể án, anhia tở bữn cõt lakéh lakiei, cớp anhia tở bữn cõt pẽ pahõm.

Yiang Sursĩ Manrap

⁴ Anhia tở bữn ramóh yũah noau choat tở la poàiq anhia cũi anhia tở ẽq táq ranáq lỏih. ⁵ Cớp anhia khoiq khliĩr chơ santoiq Yiang Sursĩ aliam anhia cớp đốq

anhia la máh con án. Án khoiq pai neq:

“Máh con cứq ơi! Cóq anhia trĩh toàq Yiang Sursĩ sươq anhia, cớp anhia chũi ũan toàq án manrap anhia.

⁶ Cũi Yiang Sursĩ ayooq, ngkíq yuaq án manrap.

Cớp án manrap dũ náq cũi ai ca án ngin con án.”^{*}

⁷ Cóq anhia chiũq toàq Yiang Sursĩ manrap anhia, yuaq anhia dáng án ngin anhia la con. Tở nai sâng noau bữn con ma tở nai manrap. ⁸ Ma khân Yiang Sursĩ tở bữn manrap anhia ỉn án manrap nheq tữh con án, ki anhia tở cỡn lứq con án. Anhia la samoât con sarĩh sâng. ⁹ Máh cũi ai mpoaq hái tâng dời nâi đốq manrap hái, cớp hái yám noap alóí. Clũi tể ki ỉn cóq hái yám noap Mpoaq hái tâng paloong, đốq hái tẽq tamoong mantái. ¹⁰ Mpoaq hái tâng dời nâi đốq manrap bo hái noâng carnẽn. Alóí ki manrap hái puai mút pahõm alóí chanchóm p̄ieiq. Ma toàq Yiang Sursĩ manrap hái, án táq yỗn hái bữn kia tể ốc án manrap, yuaq án yoc hái bữn chống tẽ ngé bráh o khong án. ¹¹ Bo noau manrap hái, háí tở bữn sâng bũi. Lứq háí sâng ngua. Ma ntun ki, máh cũi ai ca Yiang Sursĩ manrap cõt tanoang o cớp alóí ốt ien khẽ.

Catoaih Atõng Ễn

¹² Ngkíq cóq anhia carlúh carsõng. Chũi aloah atơq noâng. ¹³ Cóq anhia pờq tâng rana tanoang. Ngkíq cũi ai ca bữn mút pahõm ieuq tuar tở bữn clóc rana noâng, ma án cõt bán rêng o loah.

¹⁴ Cóq anhia chi-chuaq yỗn ốt ien khẽ cớp cũi ai canõh. Cớp cóq anhia chuaq yỗn bữn mút pahõm bráh o. Yuaq aléq ca tở bữn bữn

mút pahôm bráh o, án tở têq hữm Yiang Sursĩ. ¹⁵ Cóg anhia nhêng yỗn samoât, chỗi yỗn noau tễ tộp anhia ratáh tễ Yiang Sursĩ ca chuai miat hái. Chỗi yỗn cũai aléq tâng tộp anhia cớt samoât rêh ntáng dáh talor cốp toâr achỗn, chơ táq yỗn sa-ữi náq cũai cớt rúng pút. ¹⁶ Cóg anhia nhêng yỗn samoât, chỗi yỗn mansêm samiang tễ tộp anhia bẻq parnơi khân tở bữn lacuoi cayac. Chỗi yỗn cũai aléq palỗ ngê Yiang Sursĩ ỉn Ê-sau khoiq táq. Án yoc ễ cha muoi pêl, chơ án chẻq chớc con samiang clúng. ¹⁷ Anhia dáng, toâq ntun ễn án ễq mpoaq án pai ốc bốn yỗn án. Án nhiam luliac u-al, ma án tở têq bữn noâng ốc án khoiq táh.

Ốc Par-ữq Tễ Mbỏq Cốp Ốc Par-ữq Sanua

¹⁸ Anhia tở bữn ariang cũai I-sarel tễ mbỏq bo Yiang Sursĩ par-ữq cốp alóí. Alóí hữm cốp têq satoaq cóh Si-nai. Tộp alóí hữm pla ữih tâng cóh ki, canám téc-téc, pa-át, cốp rasỗ rapỗh. ¹⁹ Alóí sâng sương lavia, cốp sương noau pau atỡng. Ma alóí rasễq yỗn sương ki chỗi pau atỡng noâng, ²⁰ yuaq alóí sâng tở rơi tamúng sương ki. Cỗ sương ki patâp neq: “Khân cũai tở la charán ma tatũih cóh ki, cóg cachĩt án na tám chỏq tamáu.”*

²¹ Máh ramứh alóí hữm ki táq yỗn alóí sâng ngcõh lứq, toau dẻh Mũi-se pai neq: “Cứq sâng ngcõh lứq toau tở chác cangcoaih neq.”*

²² Ma anhia khoiq toâq pở cóh Si-ôn. Cỏh Si-ôn nâi sacâm tễ ntỏq noau sang toam Yiang Sursĩ. An-hia khoiq toâq pở ntỏq Yiang Sursĩ

ớt, án la lứq Yiang tamoong. Ntỏq ki la vil Yaru-salem tâng paloõng. Anhia khoiq toâq pở ntỏq ranẻng Yiang Sursĩ ớt chửng lứq, toau tở rơi nghi. ²³ Cốp anhia khoiq toâq pở ntỏq máh con clúng Yiang Sursĩ rôm, alóí ca chỏn nhũang chu paloõng. Ramứh alóí noau khoiq chửc đỏq tâng paloõng. An-hia khoiq toâq pở Yiang Sursĩ, án ca rablớh neq tữh cũai. Anhia khoiq toâq pở ntỏq bữn raviei cũai tanoang o. Toâq máh cũai ki táq moâm máh ranáq Yiang Sursĩ ón alóí táq, chơ raviei alóí ớt ntỏq ki. ²⁴ Cốp anhia khoiq toâq pở Yê-su, án ca partoâq parnai tamái ca Yiang Sursĩ par-ữq cốp anhia. Anhia khoiq toâq pở aham Yê-su ca noau trutrẻh. Aham ki cớt tẻc yỗn dáng tẻ ramứh o hỡn tẻ aham Aben. ²⁵ Cóg anhia nhêng yỗn samoât, cõh lơ mút pahôm anhia tở ễq tamúng santoiq án atỡng anhia. Máh cũai ca tở ễq tamúng ốc Yiang Sursĩ patâp na Mũi-se, cũai ki tở têq viaq tễ noau táq alóí. Khân ngkíq, nỏq têq hái viaq tễ noau táq hái, khân hái nguai chíq tẻ án ca atỡng hái tẻ paloõng. ²⁶ Bo Yiang Sursĩ khoiq atỡng tẻ nhũang ki, sương án táq yỗn cutẻq cacủt. Ma sanua án par-ữq neq:

“Noâng muoi trở ễn cứq ễ táq yỗn cớt cacủt sĩa, tở bữn ống cutẻq sâng, ma dẻh paloõng hỡ.”*

²⁷ Yuaq án pai “noâng muoi trở ễn” hái dáng dử ramứh ca cacủt ki ễ táq cớt pút neq, la máh ramứh án khoiq tẻng. Ma máh ramứh tở bữn cacủt, ki noâng ớt níc.

²⁸ Yuaq ngkíq, hái sa-ỡn lứq hái bữn cruang tở têq cacủt. Hái sang toam Yiang Sursĩ na mút

* 12:20 12:20 Loõh Tễ Ê-yip-tỏ 19:12-13 * 12:21 12:21 Patâp Loah 9:19 * 12:26 12:26 Hacı 2:6

yám noap cóp ngcõh án, ²⁹ yuaq Yiang Sursĩ hái la samoat pla ùih cat ralũon dũ ramứh.

13

Hái Táq Yõn Yiang Sursĩ Bũ Pahõm

¹ Cóq anhia manoaq ayooq manoaq níc, samoat sẽm ai.

² Anhia chõĩ khlĩr cóq táq moat múh poang chóc cũai tamoi, yuaq anhia tở dáng cũai ki la noau. Bũn cũai chũm siem cũai tamoi, ma alớĩ tở bũn dáng tamoi ki la ranẽng Yiang Sursĩ tẽ paloõng.

³ Cóq anhia sanhữ táq o chóc cũai tũ sanõq anhia õt tũ cóp alớĩ tẽ. Cóp cóq anhia sanhữ tẽ cũai ca ramóh túh coat, sanõq anhia ramóh túh coat ki tẽ.

⁴ Cõt lacuoi cayac la lứq o, cóp alớĩ bẻq parnoĩ la tở bũn lỏih ntróu. Cũai ca bẻq parnoĩ ma tở bũn lacuoi cayac, tở la cooc lacuoi cayac noau, lứq Yiang Sursĩ táq tọt cũai ki.

⁵ Tâng dõĩ tamoong anhia, anhia chõĩ ham tĩen práq. Ma cóq anhia sâng bũ pahõm tẽ máh cớng anhia bũn, cõ Yiang Sursĩ khoiq pai neq:

“Cứq tở bũn táh anhia tở la õt yong tẽ anhia.”*

⁶ Yuaq ngkĩq hái cõt clóq lứq pai neq:

“Lứq Yiang Sursĩ toáp chuai cứq.

Cứq tở bũn ngcõh ntróu.

Cũai tở tẻq táq ntróu chóc cứq.”*

⁷ Cóq anhia sanhữ cũai ca khoiq radũng tốp sa-âm anhia tẽ nhũang. Alớĩ ki khoiq atõng anhia parnai Yiang Sursĩ. Cóq anhia chanchóm tẽ dõĩ tamoong alớĩ, cóp cóq anhia sa-âm tũoiq alớĩ tẽ.

⁸ Yê-su Crít la machóng níc, tẽ mbóq toau toaq sanua cóp toau sớt nheq dõĩ.

⁹ Anhia chõĩ yõn noau radũng anhia puai sa-ũĩ ngê mpha tẽ parnai o. O lứq la mút pahõm hái cõt pacái nhơ tẽ Yiang Sursĩ chuai miat hái. Mút pahõm hái tở tẻq cõt pacái cõ tẽ hái puai rit tẽ sana cha. Rit ki tở bũn chuai ntróu cũai ca táq puai. ¹⁰ Hái bũn tẻ rit chiau sang Yiang Sursĩ. Ma cũai puai phẻp rit I-sarel, tở tẻq chống rit hái. ¹¹ Án ca sớt nheq tẻ rit sang Yiang Sursĩ puai phẻp rit I-sarel, án dỏq dũng aham charán amut tâng Ntốq Yiang Sursĩ Ớt dỏq pupút máh lỏih cũai. Ma tở charán ki noau bõh yáng tiah vil. ¹² Machóng ki tẻ, Yê-su chũuq cuchĩt yáng tiah ngoah toong viang vil, dỏq án tẻq táq yõn máh cũai cõt bráh o nhơ aham án bũm. ¹³ Chơ hái ẽn, cóq hái loõh cóp án yáng tiah vil, chũuq túh coat parnoĩ cóp án. ¹⁴ Yuaq tâng cóc cutẻq nãi, ỏq vil yõn hái tẻq õt mantái níc, ma hái nguang nõ-ra bũn vil hái tẻq õt mantái níc. ¹⁵ Ngkĩq hái cóq sa-õn níc Yiang Sursĩ. Hái táq ngkĩq la samoat hái chiau sang yõn Yiang Sursĩ na santoiq khẻn ramứh án, nhơ tẻ Yê-su partoaq santoiq ki chuai hái. ¹⁶ Anhia chõĩ khlĩr táq ranáq o cóp chuai yóu. Khân anhia táq ngkĩq, la ariang cớng anhia chiau sang táq yõn Yiang Sursĩ sâng bũ pahõm.

¹⁷ Cóq anhia trĩh cũai sớt tâng tốp sa-âm, cóp ỉt ngê alớĩ yoc, yuaq alớĩ la cũai nhẻng salĩq raviei anhia. Cóp nõ-ra Yiang Sursĩ blóh loah alớĩ tẻ máh ranáq anhia khoiq táq. Khân anhia trĩh, alớĩ lứq sâng bũ pahõm chuai anhia ngkĩq. Ma khân anhia tở bũn trĩh, alớĩ lứq sâng ngua. Cóp khân anhia táq yõn alớĩ sâng ngua, la tở bũn cõt kia ntróu yõn

anhia. ¹⁸ Sêq anhia câu chuai hếq nứng. Mút pahôm hếq tở bữn sâng lôih cốp Yiang Sursĩ, cốp hếq sâng yoc lứq táq níc ranáq p̄ieiq. ¹⁹ Ma cứq sêq anhia câu chuai cứq sa-ũĩ ên, yỗn têq Yiang Sursĩ chuai cứq bữn cháí ramóh loah anhia.

Câu Yỗn Alóí

²⁰ Yiang Sursĩ khoiq chuai amoong loah Yê-su, Ncháu hái. Yê-su la samoât cũai mantán cũu o, yuaq án satôh aham án bữm yỗn cõt rap̄ieiq máh ốc Yiang Sursĩ par-ũq cốp alóí. ²¹ Cứq sêq Yiang Sursĩ, án ca ndỡm ốc ien khẽ, chuai yỗn anhia bữn dũ ramứh o dỏq anhia têq táq p̄ieiq ranáq án yoc anhia táq. Cứq sêq án táq tâng mút pahôm anhia ranáq ntrớu án sâng bũi yoc ẽ táq, nhơ Yê-su Crít. Chơ, cóq hái khẽn níc Yê-su Crít toau sốt đời lời cumo. Amen.

Parnai Parsốt

²² Sêm ai ời, cứq sêq cucốh anhia! Sêq anhia tamứng máh santoiq cứq khoiq sươq anhia. Yuaq cứq chĩc choaiq thỡ nài yỗn anhia, ma cứq chĩc bĩq sâng. ²³ Cứq yoc atờng yỗn anhia dáng tễ Ti-muthê, la sêm ai hái, noau khoiq acláh án chơ. Khân án ma cháí toâq pỡ nài, cứq ẽ dứng án pỡq cốp cứq, bo cứq pỡq sa-óh anhia.

²⁴ Sêq anhia cahan tê máh cũai ndỡm đống sang anhia, cốp nheq tữh cũai sa-âm pỡ ki. Tốp sa-âm tâng cruang I-tali nài cớq sa-óh anhia tê.

²⁵ Cứq sêq Yiang Sursĩ chuai miat nheq tữh anhia.

Yacõ Chĩc Choaiq Thõ Santoiq Atõng

Tâm saráq nâi Yacõ chĩc sám 45 toâq 50 cumo ntun Yê-su canõt. Noau pai Yacõ la a-ẽm Yê-su, cóp án cõt plõ tâng tốp sa-âm tâng vil Yaru-salem toâq vót Yê-su cuchĩt. Án chĩc thõ nâi đõq atõng nheq tũh con Yiang Sursĩ ca õt parsáng-parsaiq tâng dũ cruang.

Yacõ chĩc atõng tẽ ranáq roap chõm cũai sỏc cóp cũai cadĩt; chõĩ táq tỡ bũn li. Án atõng la chõĩ pai Yiang Sursĩ radũng cũai táq ngê sâuq, yuaq ngê sâuq chõng loõh tẽ mút pahõm cũai. Mách cũai sa-âm cóp trĩh Yiang Sursĩ, cóp rabán o lieih bũm, cóp bũn mút pahõm bráh o, cóp cóp asẽng tở. Án atõng tẽ ỏc rangoaiq ca toâq tẽ Yiang Sursĩ, cóp ỏc rangoaiq ca toâq tẽ cũai tâng đõĩ nâi.

¹ Cũq la Yacõ chĩc choaiq thõ nâi coiq sa-óh anhia. Cũq la cũai ca pruum táq ranáq yõn Yiang Sursĩ cóp yõn Yê-su Crĩt, Ncháu hái. Cũq chĩc choaiq nâi coiq sa-óh nheq tũh anhia muoi chĩt la bar tốp tõng toiq I-sarel ca õt parsáng-parsaiq tâng dũ cruang.

Cũai Puai Yê-su Cóq Tanhĩr Ốc Túh Coat

² Sẽm ai ơi! Mách ỏc túh coat ca toâq põ anhia, cóp anhia noap ỏc ki la ỏc bũi, ³ yuaq anhia dáng ỏc túh coat nâi toâq đõq chim anhia sa-âm Yiang Sursĩ samoât samoi, ma tỡ bũn. Cóp ỏc túh coat nâi chuai mút pahõm anhia yõn rơi tanhĩr. ⁴ Toâq anhia rơi tanhĩr ỏc túh coat, ki mút pahõm anhia cõt pacái lủq. Ngkĩq mút pahõm anhia tỡ bũn khláiq muoi ỏc o ntróu yáng moat Yiang

Sursĩ. ⁵ Khân bũn cũai tẽ anhia ma ỏc ỏc rangoaiq, cóp án sẻq tẽ Yiang Sursĩ. Chõ Yiang Sursĩ lủq yõn án bũn ramủh án sẻq. Cóp Yiang Sursĩ tỡ nai nhỏp cũai sẻq tẽ án. ⁶ Ma toâq anhia sẻq tẽ Yiang Sursĩ, cóp anhia sa-âm. Anhia chõĩ chanchỏm Yiang Sursĩ tỡ bũn yõn ỏc anhia sẻq. Cũai alẻq ma chanchỏm ngkĩq, cũai ki la samoât riang đõq canoâq chanchoác bo cuyal phát, chõ cõt chanchoác níc. ⁷ Cũai ngkĩq, án tỡ tẻq nguang bũn roap ỏc ntróu án sẻq tẽ Yiang Sursĩ. ⁸ Cũai ki bũn bar mút, ngkĩq án saria sarnỏm, tỡ dáng ntróu án ẽ chanchỏm.

Cũai Cadĩt Cóp Cũai Sỏc

⁹ Mách sẻm ai tâng tốp sa-âm ca cadĩt, cóp alỏĩ sâng bũi ỡn, yuaq alỏĩ cõt toâr tê yáng moat Yiang Sursĩ. ¹⁰ Ma máh sẻm ai tâng tốp sa-âm ca sỏc, cóp alỏĩ sâng bũi ỡn yuaq Yiang Sursĩ tỡ bũn noap ntróu cõng sanỏc alỏĩ bũn tâng đõĩ nâi. Yuaq nữ-ra alỏĩ cóp cuchĩt pủt machõng piar bát. ¹¹ Moat mandang claq rẻng lủq, chõ cõt phũac dẻh-dẻh, cóp piar bát cõt khỏ cóp saroi. Ngkĩq piar ki cõt abuoaiq nheq, tỡ bũn o noâng. Cũai sỏc la machõng ki tẻ. Alỏĩ táł yoc ẽ bũn sa-ũri sanỏc, ma alỏĩ tỡ dáng tangái lẻq alỏĩ cuchĩt.

Ốc Ca Radũng Cũai Táq Lỏih

¹² Bỏn lủq cũai ca tanhĩr ỏc túh coat, yuaq vót án tanhĩr, án bũn cõng tamoong mantái. Yiang Sursĩ khoiq ửq ẽ yõn nheq tũh cũai ca ayooq án bũn tamoong mantái. ¹³ Cũai alẻq ma sâng yoc ẽ táq ranáq lỏih, án tỡ tẻq pai Yiang Sursĩ radũng án táq ranáq ki, yuaq Yiang Sursĩ tỡ nai táq lỏih, cóp tỡ nai radũng cũai táq ranáq ngkĩq. ¹⁴ Ma ngê tâng mút pahõm cũai bũm đõq ham táq ranáq sâuq. Ngkĩq ngê ki radũng

cũai táq ranáq lôih. ¹⁵ Khân ốc sâuq khoiáq dáh táng mút pahôm cũai, cũai ki lứq táq ranáq lôih. Cóp khân ranáq lôih ki cõt toâr achôn táng mút pahôm cũai ki, nỡ-ra cũai ki cuchĩt. ¹⁶ O sễm ai ơi! Cứq sâng ayooq lứq anhia. Ngkíq cứq tỡ ẽq anhia phẻq tở anhia bữm. ¹⁷ Dũ ramứh o hái bữn, ramứh ki sêng tẻ paloông. Yiang Sursĩ toáp yỗn hái bữn ốc ki, cóp hái tỡ bữn khlĩr muoi ramứh o ntrứu. Yiang Sursĩ khoiáq tẻng dũ ốc poang táng paloông. Ốc poang ki ralẻq níc, tránh cóp pum. Ma Yiang Sursĩ tỡ nai ralẻq; cu cumo án machớng níc. ¹⁸ Yiang Sursĩ rươh hái yỗn cõt con án la cỗ nhớ parnai pẻiẻq tẻ án. Chớ Yiang Sursĩ yỗn hái cõt toâr hỡn tẻ dũ ramứh án khoiáq tẻng.

Tamúng Cóp Táq

¹⁹ Anhia la sễm ai ca cứq ayooq lứq. Ngkíq cứq yoc anhia tamúng máh santoiẻq nãi cứq atởng anhia. Dũ náq anhia cóq tamúng chái, ma pai laviei. Cóp chỏi coáp nsóq, ²⁰ yuaq mút pahôm nsóq tỡ tẻq táq ranáq tanoang o tẻ Yiang Sursĩ. ²¹ Ngkíq, cóq anhia táh nheq máh ranáq sâuq anhia đốq táq cóp ngẻ lôih anhia đốq puai. Cóp cóq anhia roap ít parnai ca Yiang Sursĩ khoiáq chớh táng mút pahôm anhia, na mút lamên, yuaq parnai ki tẻq yỗn raviei anhia bữn tamoong mantái.

²² Cóq anhia táq puai samoát lứq parnai Yiang Sursĩ. Anhia chỏi tamúng mahỏi, chớ khlĩr toáp. Khân anhia khoiáq sâng parnai Yiang Sursĩ, ma anhia tỡ bữn puai lứq samoát, anhia chớng thũ mút anhia bữm. ²³ Yuaq cũai alẻq tamúng parnai Yiang Sursĩ ma án tỡ bữn táq puai, án la samoát cũai loang kẻng. ²⁴ Án hữm roáp án samoát lứq, ma tử án pỏq tẻ kẻng,

án khlĩr toáp roáp án. ²⁵ Ma bỗn lứq cũai alẻq ma ít samoát samỡ máh parnai o tẻ Yiang Sursĩ, yuaq parnai ki tẻq acláh án tẻ cõt sũl ngẻ lôih. Cũai ki táq puai níc parnai o, ki án tỡ bữn tamúng mahỏi, chớ khlĩr toáp. Án táq samoát níc máh parnai ki atởng. Cũai ki bữn ốc bỗn tẻ Yiang Sursĩ puai loah máh ranáq án táq.

²⁶ Khân cũai alẻq chanchóm án tanoang o yáng moat Yiang Sursĩ, ma án tỡ dáng rabán lieih án, cũai ki thũ mút án bữm. Ngẻ án táq puai tỡ bữn cõt kia ntrứu. ²⁷ Ranáq ca Yiang Sursĩ noap bráh o cóp tỡ bữn noau tẻq pai lôih la neq: Muoi la rachuai cán cumai con cumuiẻq tẻ ốc alỏi túh coat. Bar la viaq yớng tẻ ranáq sâuq táng đỏi nãi.

2

Chỏi Táq Mpha Chóq Cũai Sốc Cóp Cũai Cadĩt

¹ Sễm ai ơi! Anhia khoiẻq sa-âm chớ Yẻ-su Crít, Ncháu hái, án ca bữn chớc sớt clừi nheq tẻ canỏh. Ngkíq anhia chỏi táq mpha chóq cũai sốc cóp cũai cadĩt. ² Cứq sacâm neq: Bữn bar náq toảq pở đống sang anhia. Manoaq la cũai sốc. Án sớp sambẻt yẻng cóp tác tampác nẻuẻq o. Ma manoaq ẻn la cũai cadĩt. Án tác tampác anhỏi lứq. ³ Đốq anhia yám noap cũai tác tampác o, cóp anhia mỡi án tacu táng ntỏq nẻuẻq. Ma cũai cadĩt anhia đốq ớn án tayứng, tỡ la tacu táng cutẻq cheq ayứng anhia. ⁴ Anhia táq mpha cũai nãi cóp cũai ki, cóp anhia táq ngkíq la tỡ bữn pẻiẻq.

⁵ Sễm ai ơi! Anhia tamúng! Lứq ma tỡ bữn Yiang Sursĩ khoiẻq rươh cũai cadĩt yỗn bữn mút pahôm sa-âm pacái lứq? Cóp án yỗn alỏi ndỡm tẻ máh mun án

khoiq par-ữq ẽ yỗn cũai ca ayooq án. ⁶ Ma anhia táq yỗn cũai cadit cõt casiet. Cựq ẽ blớh anhia neq: Cũai aléq đốq ẽ táq túh coat anhia, cớp đừng anhia toâq pỡ cũai sớt? Lứq cũai sốc đốq táq ngkíq. ⁷ Cớp đốq lứq alóí acrieiq ramứh Yê-su. Ma ramứh Yê-su anhia yám noap lứq, cớp noau đốq anhia la tỗp Yê-su.

⁸ Tâng tâm saráq Yiang Sursĩ bữn ốc patâp toâr lứq neq:

“Cớq anhia ayooq yớu machớng anhia ayooq tỗ anhia bữm.”*

Khân anhia trỉh ốc patâp nâi, anhia lứq táq p̄ieiq. ⁹ Ma khân anhia táq mpha cũai nâi cớp cũai ki, anhia táh ốc patâp nâi. Cớp Yiang Sursĩ ẽ tềq anhia táq lồih, yuaq anhia táh ốc án patâp. ¹⁰ Khân cũai aléq ma táh muoi ốc ntróu tể máh ốc Yiang Sursĩ patâp, la machớng án táh nheq máh ốc Yiang Sursĩ patâp. ¹¹ Ớng Yiang Sursĩ toâp patâp neq:

“Chõi cooc lacuoi tỡ la cayac noau.”

Cớp án patâp ẽn neq:

“Chõi cachit cũai.”*

Khân anhia tỡ bữn cooc lacuoi tỡ la cayac noau, ma anhia cachit cũai, ranáq ki la machớng anhia táh nheq parnai Yiang Sursĩ patâp tẽ. ¹² Ốc ntróu anhia pai, cớp ranáq ntróu anhia táq, cớq anhia sanhữ neq: Nỡ-ra Yiang Sursĩ pác cũai ca trỉh án, án cayoah tể cũai tỡ bữn trỉh ốc án patâp, yuaq án patâp máh ốc ki đốq acláh cũai. ¹³ Khân hái tỡ bữn sarũiq táq cũai canốh, nỡ-ra Yiang Sursĩ tỡ bữn sarũiq táq hái tẽ. Ma khân hái sarũiq táq cũai canốh, nỡ-ra Yiang Sursĩ sarũiq táq hái tẽ, cớp án tỡ bữn rablớh noâng hái.

Ủq Sa-âm Ma Tỡ Bữn Trỉh

¹⁴ Sễm ai ơi! Khân bữn cũai aléq ngin pai án sa-âm Yê-su Crít, ma án tỡ bữn táq ranáq o ntróu, ốc sa-âm ki tỡ bữn cõt kia ntróu. Khân án sa-âm ngkíq sâng, Yiang Sursĩ tỡ bữn chuai amoong án. ¹⁵ Cựq sacâm neq: Anhia bữn yớu sa-âm Yê-su, ma án ốq tampác tâc tỡ la sana cha. ¹⁶ Ma anhia pai ống bỗq sâng chóc cũai ki neq: “Mới chu ien khẽ nớ! Sễq Yiang Sursĩ yỗn mới bữn dũ tâc khám cha.” Khân anhia pai ngkíq sâng, ma anhia tỡ bữn chuai ntróu, ki ốc sa-âm anhia tỡ bữn cõt kia ntróu. ¹⁷ Ngkíq, khân cũai aléq pai án sa-âm ma án tỡ bữn táq ranáq o, cũai ki sa-âm lô miat sâng.*

¹⁸ Cõh lơ bữn cũai tể tỗp anhia ẽ pai neq: “Bữn cũai sa-âm sâng, cớp bữn cũai canốh chuai yớu sâng.” Ma tềq anhia ta-ỡi cũai ki neq: “Nốq tềq anhia apáh yỗn cứq dáng anhia sa-âm Yê-su, khân anhia tỡ bữn táq ranáq chuai yớu? Ma cứq ẽ apáh yỗn anhia dáng cứq sa-âm Yê-su samoât samoi, la cõ nhỡ tể ranáq cứq táq chuai yớu.”

¹⁹ Anhia khoiq noap samoât chơ, bữn ống manoaq Yiang Sursĩ toâp la lứq Yiang sớt. O lứq anhia sa-âm ngkíq. Ma máh yang sâuq la sa-âm ngkíq tẽ, cớp alóí ngcõh lứq án. ²⁰ Khân anhia sa-âm ngkíq sâng, anhia tỡ yũah dáng yarũ. Sanua cứq ẽ atõng anhia yỗn dáng raloaih lứq, khân cũai sa-âm, ma tỡ bữn táq ranáq o, ốc sa-âm ki tỡ bữn cõt kia ntróu. ²¹ Anhia sanhữ tẽ A-praham, achúc achiac hái. Án la cũai tanoang o yáng moat Yiang Sursĩ, yuaq án trỉh parnai Yiang Sursĩ. Yiang Sursĩ ớn án kiac I-sac, con samiang án, chiau sang tâng prông sang Yiang Sursĩ. Cớp A-praham trỉh Yiang

* 2:8 2:8 Lê-vi 19:18 * 2:11 2:11 Loõh Tẽ Ê-yip-tô 20:13-14; Patâp Loah 5:17-18 * 2:17 2:17 Tỡ la ốc sa-âm ki cuchit.

Sursĩ. ²² Ngkiq anhia bũn dáng A-praham tở bũn ớng sa-âm Yiang Sursĩ sâng, ma án trĩh máh san-toiq Yiang Sursĩ ớn án hỡ. Ngkiq A-praham apáh án sa-âm Yiang Sursĩ samoát samoi. ²³ Ngkiq cõt rapĩeiq ớc Yiang Sursĩ atõng tẽ A-praham tẽ mbỏq neq:

“A-praham sa-âm Yiang Sursĩ, ngkiq Yiang Sursĩ noap A-praham la cũai tanoang o yáng moat án.”^{*}

Cóp noau đợq A-praham la yóu Yiang Sursĩ. ²⁴ Chơ anhia tẽq dáng la khãn cũai sa-âm ma tở bũn táq ranáq o ntrứ, cũai ki tở bũn cõt tanoang o yáng moat Yiang Sursĩ. Ma khãn án sa-âm cóp táq ranáq o, lứq Yiang Sursĩ noap án tanoang o. ²⁵ Machóng ki tê, bũn manoaq mansẽm tẽ mbỏq ramúh Rahap. Bo nhũang án la cũai chẽq tở. Ma toàq tangái cũai ranẽng tẽ tốp I-sarel toàq pỡ vil án, án chuai amoong alói. Bũn cũai yoc ẽ cachĩt ranẽng ki, ma Rahap chuai alói yõn loõh rana canõh ẽn. Cỗ Rahap táq ngkiq, lứq Yiang Sursĩ noap Rahap la cũai tanoang o. ²⁶ Khãn bũn tở, ma ớq raviei, tở ki tở tẽq tamoong. Machóng ki tê, khãn sa-âm ma tở bũn táq ranáq o, ớc sa-âm ki tở tẽq tamoong tê.

3

Lieih Cũai

¹ Sẽm ai oi! Tở bũn o sa-ũri náq tẽ tốp anhia chõng ẽ cõt thỏi atõng cũai canõh. Yuaq hẽq ca atõng cũai canõh, khãn hẽq toáp tở bũn táq puai parnai hẽq atõng, ki hẽq roap tột ntàng hỡn tẽ cũai canõh. ² Nheq tữh hái táq sa-ũri ranáq lói. Ma khãn bũn cũai aléq ma tở nai táq ntõng ớc lói ntrứ, cũai ki tanoang o dũ ớc tâng mút án. Yuaq cũai aléq ma rơi rabán lieih án, cũai ki rơi

rabán nheq tở án tê. ³ Cứq sacâm neq: Hái đợq chỏq nhẽm tâng bỗq aséh yõn aséh ki trĩh hái. Chơ ntỏq aléq hái yoc ẽ pỡq, tẽq hái dũng aséh ki pỡq. ⁴ Cứq sacâm tẽ tuoc ẽn neq: Bũn tuoc toàr lứq, cóp cuyal phát clủ tuoc rêng lứq, ma nõang tẽq cũai dũng tuoc ki chu ntỏq léq án yoc ẽ pỡq, yuaq tuoc ki bũn crõng abĩat cõt cõt tẽq noau abĩat tuoc ki. Lieih la machóng ki tê. ⁵ Án la cõt cõt lứq tâng tở hái, ma tẽq án táq ntõng parnai mantoàr yõn cũai canõh khẽn hái.

Cứq sacâm tẽ ùih ẽn: Bũn tĩa la-a lứq, ma khãn bũn muoi cõc rahũng ùih cõt cõt sâng, tẽq án cahauq cat nheq tĩa ki. ⁶ Lieih cũai la machóng ùih bữ tê. Lieih hái táq ranáq sấuq hỡn tẽ nheq ramúh canõh tâng tở hái. Khãn lieih hái loai ớc sấuq, ki nheq tở hái cõt sấuq tê. Ớc ki la samoát ùih bữ loõh tẽ pống sarloac. ⁷ Tẽq cũai rabán dũ ramúh charán, dẽch chõm, cusân, cóp dũ ramúh ớt tâng đợq mút. Yuaq cũai khoiq bán dũ ramúh charán ki chơ. ⁸ Ma tở bũn cũai aléq tẽq rabán lieih án bũm. Lieih đợq táq ntõng níc parnai sấuq. Ngkiq lieih hái la samoát pih cusân tẽq cachĩt máh cũai. ⁹ Lieih hái đợq khẽn Yiang Sursĩ, Mpoaq hái, cóp lieih hái đợq acrieiq cũai hỡ. Ma ớc ki la machóng hái acrieiq Yiang Sursĩ tê, yuaq Yiang Sursĩ khoiq tẽng cũai yõn cõt ariang án tê. ¹⁰ Ớc khẽn cóp ớc acrieiq la loõh tẽ muoi hõng bỗq. Sẽm ai oi! Tở pĩeiq táq ngkiq! ¹¹ Bũn tở, muoi parluoiq đợq mec ma bũn đợq ẽm cóp đợq tở ẽm? ¹² Sẽm ai oi! Nõm tarung tở nai cõt palai o-li-vê, cóp voar nhõ tở nai cõt palai tarung. Cóp muoi parluoiq đợq mec tở nai

^{*} 2:23 2:23 Saráq Tẽ Dâu 15:6

bữn đợc ẽm cớp tở ẽm.

Ớc Rangoiq Tẽ Yiang Sursĩ Yỗn

¹³ Bữn cũai tẽ tốp anhia ca lứq rangoiq cớp khểuq tở? Khân bữn, cớq cũai ki ớt khữn cớp táq ranáq o níc, ma cớq án chõĩ táq ẽq noau khển án. Chơ cũai canõh dáng samoát, án la lứq rangoiq. ¹⁴ Khân anhia manoaq sa-on tẽ manoaq, tở la manoaq ẽq hỡn tẽ manoaq, chõĩ pai anhia rangoiq. Khân anhia pai ngkíq, lứq anhia pai lauq sâng. ¹⁵ Ốc rangoiq ngkíq tở bữn toáq tẽ Yiang Sursĩ, ma toáq tẽ đõĩ nãi cớp tẽ yiang sâuq. ¹⁶ Ntốq aléq ma bữn manoaq sa-on tẽ manoaq, tở la manoaq ẽq hỡn tẽ manoaq, ntốq ki bữn sa-ũĩ ralõih cớp sa-ũĩ ranáq sâuq canõh hỡ. ¹⁷ Ma khân Yiang Sursĩ yỗn hái bữn ốc rangoiq tẽ án, nhũang lứq mút pahõm hái tở ẽq táq ranáq sâuq. Ntun ẽn, hái tở bữn ralõih cớp yóu; hái bữn mút khữn; hái ít mút pahõm yóu; hái sâng ayoq táq cũai canõh; hái táq níc ranáq o; hái tở bữn bữn bar mút; cớp hái tở bữn táq ntõng lauq. ¹⁸ Khân hái táq yỗn manoaq ớt o chóc manoaq, ki nheq tữh hái ớt ien khể parnõĩ. Chơ hái tẽq táq níc ranáq tanoang o.

4

Cớq Anhia Trĩh Yiang Sursĩ

¹ Yuaq nõq bữn manoaq ralõih cớp manoaq, manoaq táq manoaq tâng tốp anhia? Bữn cũai táq ngkíq yuaq anhia đợc bữn mút pahõm ham. Mút anhia cõt alia bar ploah. ² Anhia ham cớng ma tở dáng bữn. Chơ anhia cachĩt cũai cớp lóp cớng yóu. Anhia sa-on cumíq cớng yóu, ma anhia tở dáng bữn. Chơ anhia ralõih

cớp carchĩt. Anhia tở dáng bữn máh ramứh anhia yoc ẽ bữn, cõ anhia tở bữn sểq tẽ Yiang Sursĩ. ³ Cớp khân anhia sểq tẽ Yiang Sursĩ, ma sểq tở bữn pñeiq, ki anhia tở dáng bữn tẽ, yuaq anhia sểq puai ốc ham tâng mút anhia. ⁴ Khân anhia paséq ngê tâng đõĩ nãi, la machõng anhia kêt Yiang Sursĩ. Ngkíq anhia la samoát mansẽm bữn bar lám cayac. Cũai aléq yoc ẽ puai ngê tâng đõĩ nãi, án tở ẽq puai noang ngê Yiang Sursĩ. ⁵ Anhia chanchóm parnai Yiang Sursĩ atõng tở cõt ốc tở? Lứq parnai Yiang Sursĩ pai Yiang Sursĩ yỗn Raviei án ớt tâng mút hái, đợc kĩaq paséq hái, ẽq hái táq ống ngê án sâng. ⁶ Ma Yiang Sursĩ chuai miat hái sa-ũĩ lứq. Tâng tâm saráq Yiang Sursĩ án pai neq: “Yiang Sursĩ tở bữn noap cũai ớt, ma án chuai miat cũai asẽng tở.”*

⁷ Ngkíq, cớq anhia trĩh Yiang Sursĩ. Cớq anhia chĩl yiang Satan, chơ yiang Satan lứq pang yõng tẽ anhia. ⁸ Cớq anhia ớt cheq Yiang Sursĩ, chơ Yiang Sursĩ lứq ớt cheq anhia tẽ. Cũai aléq tẽ anhia ma bữn lỏih, cớq án ngin máh ranáq lỏih án. Cớp cũai aléq bữn bar mút, cớq án táh chĩq muoi mút. ⁹ Anhia ca bữn lỏih, cớq anhia sâng ngua. Cớp bo anhia ngin lỏih, cớq anhia u-õĩ cớp nhiam. Anhia chõĩ cacháng, ma cớq anhia nhiam. Anhia chõĩ ớt bũĩ óh, ma cớq anhia sâng ngua. ¹⁰ Khân anhia ap cucõh cucũoi yáng moat Yiang Sursĩ, ngkíq án achõn anhia cớp án noap anhia la cũai tanoang o yáng moat án.

Ống Yiang Sursĩ Têq Tểq Cũai

¹¹ Sẽm ai ơ! Anhia manoaq chõĩ tểq manoaq; manoaq chõĩ tũn apót manoaq. Khân cũai aléq

ma táq ngkíq, la samoât án tể cốp tũn apót phễp rit Yiang Sursĩ tê. Cốp khân cũai aléq ma tể cốp tũn apót phễp rit Yiang Sursĩ, cũai ki tở bữn trĩh noâng phễp rit ki. Ngkíq cũai ki cõt samoât cũai rasũq phễp rit ki sâng. ¹² Ōng manoaq Yiang Sursĩ toáp tểng phễp rit cốp tểq tểq cũai. Yiang Sursĩ tểq chuai amoong cũai, tở la cachĩt cũai. Ma anhia ỏq chỏc tểq tểq yóu.

Hái Tở Tểq Dáng Ranáq Tở Yũah Toáq

¹³ Sễm ai ơi! Bữn cũai tể tỗp anhia đốq pai neq: “Nữ pra hểq pỏq chu vĩl tíh. Hểq ỏt pỏ ki muoi cumo. Cốp hểq chểq chõng đốq bữn práq lời sa-ũĩ lứq.” ¹⁴ Ma lứq samoât anhia tở bữn dáng ỏc ntróu toáq tangái parnữ. Rangũh tamooing anhia la samoât ntróu? Lứq rangũh tamooing anhia la samoât talúc. Talúc sễng, ma ỏt mahỏi sâng, chớ án taiq toáp. ¹⁵ Pěiq lứq la anhia pai neq: “Khân Yiang Sursĩ yỗn, ki hểq tamooing, chớ táq ranáq nãi tở la táq ranáq ki.” ¹⁶ Ma sanua anhia sâng khể lứq achỗn tở bữm. Anhia táq ngkíq la sảuq lứq. ¹⁷ Khân cũai aléq dáng ranáq ntróu o, ma án tở bữn táq, cũai ki lứq bữn lờih.

5

Catoaih Cũai Sốc Ma Rahĩt

¹ Mách anhia cũai sốc ơi! Anhia tamũng cứq pai. Cỏq anhia nhiam u-ổi, yuaq nữ pra bữn sa-ũĩ ỏc túh coat ể toáq pỏ anhia. ² Sanốc anhia khoiq lamooh cha, cốp tampác anhia khoiq cumũar roauq chớ. ³ Práq yểng anhia khoiq saréh cha chớ. Saréh nãi cõt tểc apáh tể anhia rahĩt. Ỏc rahĩt nãi cõt samoât pla ũih, tểq cachĩt anhia. Anhia khoiq parỗm

sanốc ntũn sa-ũĩ, ma cheq ể toáq tangái Yiang Sursĩ rablỏh nheq tũh cũai. ⁴ Anhia khoiq sâng chớ sường cũai roaiq saro yỗn anhia. Alỏi cuclỏiq cucling níc, yuaq anhia lỏp práq cớng alỏi. Sường alỏi cuclỏiq cucling toáq pỏ cutũr Yiang Sursĩ Sỏt Toár Lứq. ⁵ Anhia ỏt tâng đời nãi thuong lứq. Anhia sảh saiq tĩen práq. Anhia cõt samoât charán plũm o, ma cheq ể toáq tangái Yiang Sursĩ táq anhia. ⁶ Anhia khoiq rasũq cốp cachĩt cũai tở bữn lờih ntróu, ma alỏi tở bữn chĩl ntróu anhia.

Hái Cỏq Chũuq Ramóh Túh Coat

⁷ Sễm ai ơi! Cỏq anhia bữn mứt samoât cutểq cốp acoan tangái Ncháu toáq loah. Anhia nhềng chu cũai chỏch bát tâng rô. Án tở bữn ngcuang ngỏh-rangỏh ể bữn toáp palái tể máh ỏc án chỏch, yuaq án dáng cỏq dũn tangái phũac mia voai nỏq bữn cõt palái. ⁸ Machỏng ki tê, anhia chỏi coáp, ma cỏq anhia bữn mứt pahỗm samoât cutểq. Cốp cỏq anhia sa-âm pacái lứq, yuaq cheq ể toáq tangái Ncháu toáq loah.

⁹ Sễm ai ơi! Anhia manoaq chỏi bubéq-bubựp tể manoaq, đốq Yiang Sursĩ tở bữn rablỏh anhia. Cheq toáq chớ án ca rablỏh hái. Án khoiq tamỏc ngoah toong. ¹⁰ Sễm ai ơi! Anhia sanhữ tể cũai tang bỗq Yiang Sursĩ tể mbỗq. Toáq alỏi atởng tể ngê Yiang Sursĩ, alỏi ramóh túh coat sa-ũĩ. Ma alỏi bữn mứt pahỗm samoât cutểq. Cỏq anhia tũoiq alỏi ki tê. ¹¹ Lứq hái dáng khân bữn cũai rơi chũuq ỏc túh coat, alỏi lứq bữn ỏc bỗn sa-ũĩ. Anhia khoiq sâng chớ tể manoaq ramũh Yop. Bo án ramóh túh coat, án chũuq tanhữ níc. Moâm ki, Yiang Sursĩ yỗn án bữn sa-ũĩ hữn tể án

bữn tể nhũang ễn. Yiang Sursĩ táq ngkíq, yuaq án sâng sarũiq táq chọq máh cūai.

Ốc Thễ Dũan

¹² Sễm ai ơi! Cựq yoc atỡng anhia muoi ốc toâr lứq neq: Ốc ntrấu anhia yoc ễ pai, anhia chỗi cũc paloõng, tở la cutễq, tở la ramứh canõh. Ốc aléq p̄ieiq, cóq anhia pai p̄ieiq. Ốc aléq tở p̄ieiq, cóq anhia pai tở p̄ieiq. Ngkíq anhia tở bữn tamóh Yiang Sursĩ rablớh anhia.

Ốc Câu Sẻq Tể Yiang Sursĩ

¹³ Khân bữn cūai aléq tể tộp anhia ma chũuq túh coat, cóq án câu sẻq tể Yiang Sursĩ chuai án. Cóp khân bữn cūai aléq tể tộp anhia ma sâng bũi, cóq án ũat khễn Yiang Sursĩ. ¹⁴ Khân bữn cūai aléq tể tộp anhia ma a-ĩ tacóh, cóq anhia pởq coaiq máh cūai sốt tâng tộp sa-âm. Chơ cūai sốt ki cóq toâq atia đởq nsẻng tâng tở cūai a-ĩ ki, cóp sẻq Yiang Sursĩ táq bán cūai ki. ¹⁵ Khân alới câu cóp sa-âm samoât samới, ốc câu kí lứq chuai cūai a-ĩ. Cóp Yiang Sursĩ táq yỗn cūai ki cõt bán. Khân cūai a-ĩ khoiq táq lôih, Yiang Sursĩ táh lôih ki tề. ¹⁶ Ngkíq cóq anhia pruam ngin lôih cóp manoaq câu chuai manoaq, đởq cūai a-ĩ tể tộp anhia tềq cõt bán. Khân cūai tanoang o ma câu nheq rangứh rahỡ, santoiq án câu, bữn kia lứq. ¹⁷ Ê-li la cūai machớng hái tề. Án câu sẻq tể Yiang Sursĩ nheq rangứh rahỡ neq: “Chỗi yỗn mĩa sẻng noâng.” Chơ lứq tở bữn mĩa noâng nheq pái cumo tadĩ.

¹⁸ Moâm ki án câu sẻq yỗn mĩa sẻng loah. Ngkíq Yiang Sursĩ yỗn mĩa sẻng loah chu cutễq nâi đởq amia loah máh crớng sarnóh.

¹⁹ Sễm ai ơi! Khân bữn cūai aléq tể anhia ma clốc tể ranáq p̄ieiq,

o lứq cūai canõh chuai án yỗn píp puai loah ngê p̄ieiq. ²⁰ Cựq yoc anhia dáng neq: Cūai aléq chuai cūai clốc rana yỗn píp loah chu rana p̄ieiq, cūai ki lứq chuai amoong raviei cūai clốc rana ki. Cóp Yiang Sursĩ lứq táh máh lôih cūai ki khoiq táq.

Phi-er Chĩ Choaiq Thõ Muoi Santoiq Atõng

Phi-er chĩ choaiq thõ muoi nài sám 63 toaq 64 cumo ntun Yê-su canõt. Án coi q sa-óh máh cũai Yiang Sursĩ khoiq ruroh ca õt parsáng-parsai q dũ ntõq tâng cõc cutẽq nài. Phi-er la tẽ tõp muoi chĩt la bar náq ca rien tẽ Yê-su.

Saráq nài Phi-er chĩ dõq aliam tõp sa-âm ca ramóh máh ốc túh coat, dõq alõi yõng pacái níc máh ốc alõi sa-âm. Án atõng tẽ Yê-su chĩuq cuchĩt cõp tamoong loah, cõp nõ-ra Yê-su lứq toaq loah trõ bar. Máh cũai sa-âm cõq ramóh sa-ũĩ ốc túh coat, dõq chim alõi cõp yõn alõi bũn mút pahõm riap õt tanhĩr. Cõq alõi õt sabõng níc tâng ốc sa-âm, chõ toaq tangái ntun, alõi lứq bũn roap cõng tẽ Yê-su Crĩt.

¹ Cũq la Phi-er, cũai ayũng atĩ Yê-su Crĩt. Cũq chĩ choaiq thõ nài coi q sa-óh máh tõp sa-âm ca õt parsáng-parsai q dũ ntõq tâng cruang Põn-tu, cruang Ca-lati, cruang Cap-badõc, cruang Asia, cõp cruang Bi-thuni. ² Anhia la cũai Yiang Sursĩ, Mpoaq hái, khoiq ruroh, yuaq án dáng nhũang tẽ mút pahõm anhia. Cõp Yiang Sursĩ táq yõn anhia bũn mút pahõm yoc ẽ táq ống ranáq án, nhõ tẽ Raviei án. Án yõn anhia dáng trĩh Yê-su Crĩt, cõp bũn mút pahõm bráh o cũ nhõ tẽ aham Yê-su.

Cũq sũq Yiang Sursĩ chuai miat anhia cõp yõn anhia õt bán sũan ien khẽ clũĩ tẽ nhũang ẽn.

Hái Nguang Bũn Mun Tẽ Yiang Sursĩ

³ Hái sa-õn Yiang Sursĩ, la Mpoaq Yê-su Crĩt, Ncháu hái. Yuaq Yiang Sursĩ ayooq táq hái, ngkĩq án yõn hái cõt loah tamái cõp hái nguang tamoong parnõi cõp án, cũ án yõn Yê-su Crĩt tamoong loah tẽ cuchĩt. ⁴ Ngkĩq hái ngõh-rangõh nguang mun ca Yiang Sursĩ thũan dõq yõn hái tâng paloõng. Mun kí tõ nai abuai q nsõq, tõ nai rúng cái q, cõp tõ nai ngõt. ⁵ Mun kí Yiang Sursĩ dõq yõn anhia. Cõp cũ anhia sa-âm, ngkĩq chõc án bán kĩaq anhia toau toaq tangái án chuai amoong anhia. Ngẽ án ẽ chuai amoong anhia, án khoiq thũan nhũang ẽ apáh tâng tangái parsõt. ⁶ Ngkĩq anhia sãng bũĩ õn, tam sanua anhia chĩuq sa-ũĩ ramũh túh coat tâng dõĩ nài. ⁷ Yiang Sursĩ yõn máh ramũh túh coat kí dõq chim anhia sa-âm lứq ma tõ bũn. Yẽng la crõng tãc tãng dõĩ nài sãng. Ma khãn noau yoc ẽ dáng lứq yẽng ma tõ bũn, noau dõq chim tãng ũih. Ốc sa-âm anhia la o clũĩ tẽ yẽng, ngkĩq tẽ cõq Yiang Sursĩ chim anhia sa-âm samoat samõi, ma tõ bũn. Khãn anhia lứq sa-âm, kí Yiang Sursĩ khãn anhia cõp yõn noau yãm noap anhia tãng tangái Yê-su Crĩt toaq loah põ cutẽq nài. ⁸ Anhia tõ nai hũm Yê-su Crĩt, ma nõng anhia ayooq án. Anhia tõ bũn hũm án sanua, ma nõng anhia sa-âm án, cõp anhia sãng bũĩ hõr nheq tẽ rangũh rahõ, tõ dáng ntrõu ẽ tarlĩ nõng tẽ ốc bũĩ kí. ⁹ Cũ anhia sa-âm ngkĩq, raviei anhia bũn tamoong mantái.

¹⁰ Máh cũai tang bõq Yiang Sursĩ tẽ mbõq khoiq tutuai q cõp rien níc yoc ẽ dáng tẽ ngẽ tamoong mantái kí. Alõi khoiq atõng saccoai q tẽ máh ramũh Yiang Sursĩ ẽ chuai miat anhia.

11 Alóí ravoât yoc ẽ dánh cũai aléq cốp dõĩ ntróu Raviei Crĩt atõng tâng mút alóí, toâq Raviei ki sapáh yõn alóí dánh Crĩt cốp chiúq túh coat, cốp ntun ki án bữn chóc ang-ữr lứq. 12 Chơ Yiang Sursĩ atõng yõn alóí dánh máh óc alóí atõng saccoaiq ki, tở bữn toâq pở alóí, ma toâq pở anhia. Cốp máh óc alóí atõng saccoaiq ki, sanua khoiq toâq chơ máh óc ki. Cũai ca dững parnai o ki toâq pở anhia, alóí atõng cõ nhơ Raviei Yiang Sursĩ ca sêng tẽ paloõng ớn alóí pởq atõng. Dếh ranẽng Yiang Sursĩ tâng paloõng hỡ yoc ẽ dánh tẽ máh óc ki.

Ôt Bráh O

13 Yuaq ngíq, cốp anhia õt chéng-cachéng níc. Cốp anhia rabán o tở anhia bữm. Cốp anhia ngõh-rangõh ngcuang máh ramứh Yiang Sursĩ ẽ chuai miat anhia tâng tangái Yê-su Crĩt toâq loah pở cutêq nãi. 14 Cốp anhia trĩh Mpoaq anhia tâng paloõng. Chõĩ puai noâng ranáq sâuq anhia đốq táq, bo anhia tở yũah dánh Yiang Sursĩ. 15 Yuaq Yiang Sursĩ arô anhia la cũai bráh o, ngíq dũ ranáq anhia táq, cốp anhia táq bráh o tẽ. 16 Cốp anhia táq ngíq, yuaq tâm saráq Yiang Sursĩ tẽ mbốq khoiq pai neq:

“Cốp anhia cõt bráh o, yuaq cứq la Yiang bráh o.”*

17 Anhia đốq Yiang Sursĩ la Mpoaq anhia. Án la Yiang ca noap dũ náq cũai lĩ-ralĩ nheq, cốp án rablớh dũ náq cũai puai loah máh ranáq alóí khoiq táq. Khãn ngíq, cốp anhia yám noap níc án toau sốt dõĩ tamoong anhia. 18 Yuaq anhia dánh chơ na acán ntróu Yiang Sursĩ thái loah anhia tẽ ngê õq kia. Ngê ki toâq tẽ achúc achiac anhia. Tữ Yiang Sursĩ thái

loah anhia, án tở bữn yõn práq, yẽng, tở la crơng tẽq cõt pút. 19 Ma án thái anhia toâq crơng paséq lứq, la aham Crĩt. Án la samoât cõu con o, tở bữn bớch chũl ntróu noau kiac đốq tang máh cũai lôih. 20 Yiang Sursĩ anoat Crĩt cốp táq ranáq nãi, tẽ nhũang án tở yũah tẽng paloõng cutêq; ma tâng dõĩ parsót nãi án apáh Yê-su đốq chuai anhia. 21 Nhơ tẽ Yê-su, anhia tẽq sa-âm Yiang Sursĩ, án ca yõn Yê-su tamoong loah tẽ cuchĩt, cốp yõn Yê-su bữn chóc ang-ữr lứq. Ngíq anhia sa-âm cốp ngcuang ramứh o tẽ Yiang Sursĩ.

22 Sanua mút pahõm anhia cõt bráh o, la cõ anhia trĩh parnai pĩeiq cốp dánh ayooq máh tốp sa-âm samoât samõĩ. Chơ cốp anhia manoaq ayooq manoaq nheq tẽ mút pahõm. 23 Nhơ tẽ parnai Yiang Sursĩ, la parnai tamoong cốp tở nai ralêq, anhia cõt loah cũai tamái. Cốp Mpoaq anhia la Yiang, tở cõn cũai. 24 Tâm saráq Yiang Sursĩ tẽ mbốq khoiq pai neq:

“Nheq tữh cũai la samoât bát.

Cốp dõĩ tamoong cũai la samoât piar bát tâng ruang.

Bát cõt khỗ, chơ piar cõt saroi,

25 ma parnai Yiang Sursĩ noâng níc toau sốt dũ dõĩ.”*

Cốp noau khoiq atõng anhia chơ parnai o ki.

2

Tamáu Tamoong

1 Ngíq, cốp anhia cachian táh nheq ranáq sâuq. Chõĩ táq ntõng lauq; chõĩ cakéq; chõĩ sa-on cumíq; cốp chõĩ voõq sâuq yóu.

2 Cốp anhia ham parnai Yiang Sursĩ samoât carnẽn mbõiq canõt

ham đờq tóh. Chơ anhia bữn dáng sa-ữi ẽn tẽ ngê Yiang Sursĩ, cớp anhia bữn tamooŋ mantái, ³ yuaq anhia khoiŋ chim chơ tẽ ốc sarũiq táq tẽ Ncháu hái.

⁴ Cớq anhia toaq pở Ncháu. Ắn la samoat tamáu tamooŋ cũai khoiŋ táh, ma tamáu ki Yiang Sursĩ khoiŋ ruoh cớp ắn pasếq lứq. ⁵ Cớq anhia toaq yõn cớt samoat tamáu tamooŋ tẽ, chơ chiau yõn Yiang Sursĩ ỉt tác anhia đờq táq tanang đốŋ sang Yiang Sursĩ. Ngkíq anhia cớt samoat cũai tẽŋ rit sang Yiang Sursĩ tâng đốŋ ki. Anhia chiau sang crơŋg yõn Yiang Sursĩ tẽ mút pahõm anhia, cớ nhơ tẽ Yê-su Crít. ⁶ Tâng tâm saráq Yiang Sursĩ tẽ mbốq khoiŋ pai neq:

“Cứq ruoh muoi cớc tamáu pasếq lứq,
chơ đờq tâng soq đốŋ cứq táq tâng vỉl Si-ôn.

Aléq ca sa-âm tamáu ki,
ắn tở nai pứt ốc ngcuang.”*

⁷ Anhia ca khoiŋ sa-âm, lứq anhia pasếq tamáu ki, ma máh cũai tở bữn sa-âm, Yiang Sursĩ pai tẽ mbốq neq:

“Cớc tamáu cũai táq đốŋ khoiŋ táh,
lứq samoat noau hữm tamáu ki o hữn tẽ máh tamáu canõh.

Chơ alóit ỉt cớp chĩp bắn soq đốŋ.”*

⁸ Cớp parnai Yiang Sursĩ pai neq tẽ:

“Tamáu nái cũai cudõh,
chơ alóit chanchũai.
Alóit cudõh, chơ alóit dóm.”*

Cũai tũl tamáu ki la cớ alóit tở bữn sa-âm parnai Yiang Sursĩ. Yiang Sursĩ khoiŋ anoat yõn alóit táq ngkíq.

⁹ Ma anhia la cũai Yiang Sursĩ khoiŋ ruoh. Anhia cớt cũai tẽŋ

rit sang Yiang Sursĩ, ắn la Puo. Anhia la cũai miar khong Yiang Sursĩ. Yiang Sursĩ arô anhia yõn cớt cũai atõŋg máh ranáq salẽh ắn khoiŋ táq. Ắn arô anhia yõn loõh tẽ ntốq canám, cớp yõn anhia ốt tâng ntốq poang ang-ữr ca ắn khoiŋ thũan đờq.*
¹⁰ Tẽ nhũang anhia tở bữn cớt tồp ntrớu, ma sanua anhia la tồp Yiang Sursĩ. Tẽ nhũang Yiang Sursĩ tở bữn sắng sarũiq anhia, ma sanua ắn sarũiq táq anhia.

Cõt Sũl Yiang Sursĩ

¹¹ Sẽm ai oi! Anhia la samoat cũai tamoi, samoat cũai ốt đờ tâng cớc cutếq nái. Máh ramứh sac sắiq hái đờq yoc, chõit yõn ramứh ki clũom mút pahõm anhia. ¹² Cớq anhia táq pờq o ốt parnoi cớp cũai tở yũah sa-âm. Khắn ngkíq, toaq noau yoc ẽ tũn apót anhia táq ranáq tở o, nheq alóit hữm ranáq anhia táq la o. Chơ tangái Ncháu toaq loah pở cutếq nái, đẽh alóit ki hữ bữn khẽn Yiang Sursĩ.

¹³ Cớq anhia trĩh máh cũai sớtt tâng đõit nái, yuaq Yiang Sursĩ ẽq anhia trĩh alóit, đẽh puo sớtt lứq, ¹⁴ đẽh ayũŋg ắt puo ớn toaq manrap máh cũai lỏih cớp khẽn cũai o. ¹⁵ Yiang Sursĩ yoc anhia táq ngkíq đờq cupát chĩq bớq cũai sacũl. Alóit tở tẽq pai noắng anhia, khắn anhia táq níc ranáq o. ¹⁶ Anhia la tở cớn cũai sũl, ma anhia chõit ươ tẽ ốc ki đờq táq ranáq lỏih. Cớq anhia cớtt samoat sũl yõn Yiang Sursĩ. ¹⁷ Cớq anhia yám noap nheq tũh cũai, cớp ayooq máh cũai sa-âm. Cớq anhia cucõh sang Yiang Sursĩ cớp yám noap puo.

Yê-su Crít Chũuq Túh Coat

* 2:6 2:6 Ê-sai 28:16 * 2:7 2:7 Ủat Khẽn 118:22 * 2:8 2:8 Ê-sai 8:14 * 2:9 2:9 Loõh Tẽ Ê-yip-tô 19:6

18 Mách anhia ca táq ranáq yǎn cūai canǎh, cóq anhia trǐh cóp yám noap cūai ncháu anhia, tǎ cǎn ǎng ncháu ca laviei cóp táq o chók anhia, ma dǎh cūai tachoát hǎ. 19 Lúq Yiang Sursĩ yǎn ǎc bốn pǎ cūai ca chiúq noau táq alóí cǎ tian alóí ẽ puai rangúh Yiang Sursĩ. 20 Khân anhia chiúq tanhĩr noau táq anhia cǎ tian anhia táq lôih, ǎc ki Yiang Sursĩ tǎ bǎn khǎn anhia. Ma khân anhia chiúq tanhĩr noau táq anhia ma anhia tǎ bǎn táq lôih ntróu, ǎc ki bǎn kia yáng moat Yiang Sursĩ. 21 Yiang Sursĩ khoiq arô anhia yǎn chiúq tanhĩr máh ramúh túh coat. Máh ki tē Crít chiúq yǎn anhia; chǎ án cǎt ngól dǎq paryǎng hái táq puai án tē. 22 Án tǎ bǎn táq lôih ntróu, cóp án tǎ nai pai muoi ǎc lauq ntróu. ✧ 23 Toâq noau ayê ra-ac, án tǎ bǎn ta-ǎi loah. Toâq noau táq án, án tǎ bǎn canúh ntróu alóí. Ma noâm án chiau pǎ Yiang Sursĩ, án ca rasúq pǎiq lúq chók nheq tǎh cūai. 24 Crít chiúq dǎng tâng tǎ án toâp máh lôih hái táq, bo án cuchĩt tâng aluang sangcáng. Án táq ngkíq, dǎq tǎq hái cuchĩt tǎ ngē tiaq, la ngē ẽ táq lôih, chǎ hái bǎn tamoong loah tâng ngē tamái, la ngē ca ẽ táq ǎng ranáq tanoang o. Cǎ nhǎ tǎ tǎ chác án chiúq bǎc chũl, anhia khoiq cǎt bán loah. 25 Tǎ nhǎng, anhia cǎt samoát charán cǎu clǎc rana, ma sanua anhia khoiq pǎh loah pǎ án ca kǎq rabán raviei anhia.

3

Lacuai Cóp Cayac

1 Máh ki tē anhia ca lacuai, cóq ǎt mút pahǎm cayac anhia. Anhia táq ngkíq, dǎq cayac anhia ca tǎ bǎn sa-âm parnai Yiang Sursĩ, cǎt ralǎh loah mút toâq alóí hǎm ranáq anhia táq. Tǎ bǎn túh cóp

anhia atǎng ǎc ntróu yǎn alóí, 2 yuaq alóí hǎm máh ranáq anhia táq la o, cóp anhia yám noap alóí. 3 Tǎ ranáq anhia pasang tǎ chác, chǎi ẽq nêuq ǎng yáng tiah sâng, la tǎ anhia pasang sóc pǎi ẽq o, ngcuac chúc, chók ngcǎng, sóp sambǎt, cóp tǎc són ayoǎh o. 4 Ma nêuq anhia cóq loǎh tǎ mút pahǎm. Nêuq ki la neq: Bǎn mút pahǎm laviei cóp táq ntrǎng languat laham. Nêuq ki tǎ nai cǎt pút, cóp bǎn kia lúq yáng moat Yiang Sursĩ. 5 Máh mansǎm tǎ mbǎq ca puai ngē Yiang Sursĩ, dǎq alóí cǎt nêuq ngkíq, cǎ alóí ǎt pahǎm cayac alóí. 6 Máh ki tē Sara trǐh A-praham cóp án dǎq A-praham la ncháu. Anhia la samoát con mansǎm Sara tē, khân anhia táq pǎiq cóp tǎ bǎn sâng ngcǎh ntróu.

7 Máh anhia ca cayac, cóq anhia chanchǎm ẽ táq yǎn bǎi mút pahǎm lacuai anhia. Cóq anhia sanhũ alóí ieuq hǎn tǎ anhia, yuaq alóí la mansǎm. Alóí bǎn chǎng tē cóp anhia máh mun Yiang Sursĩ ẽ yǎn anhia bǎn tamoong mantái. Khân anhia táq o ngkíq, tǎ bǎn ǎc ntróu catáng parnai anhia cǎu sǎq tǎ Yiang Sursĩ.

Anhia Ramóh Túh Coat Cǎ Táq Ranáq Tanoang O

8 Nái la parnai parsót tǎ máh parnai adóh. Sǎq anhia bǎn muoi mút muoi pahǎm, manoaq chuai manoaq, cóp manoaq ayooq manoaq samoát sǎm ai. Cóq anhia manoaq sarúiq táq manoaq, cóp tǎ bǎn ǎt ntróu. 9 Khân noau táq tǎ la pai anhia, anhia chǎi carláh dǎq; ma cóq anhia pai ǎc bốn yǎn cūai ki, yuaq Yiang Sursĩ khoiq arô anhia cóp pruum satóh

ốc bốn yõn anhia. ¹⁰ Tâm saráq
Yiang Sursĩ tẽ mbốq pai neq:

“Cũai aléq yoc bũi óh tâng dõĩ nãi,
cóg án dáng rabán bõq,
chõĩ loai pampła,
cóp chõĩ táq ntõng lauq.

¹¹ Cóg án viaq yõng tẽ ranáq sãuq,
chơ táq ranáq o ẽn.

Cóg án ravoat ốc ien khẽ
cóp táq puai ốc ien khẽ ki.

¹² Yuaq Yiang Sursĩ nhêng níc chu
cũai tanoang o,
cóp án pachêng cutũr
tamũng
toãq alóĩ câu sếq tẽ án.

Ma án nguai tẽ cũai táq ranáq
sãuq.”^{*}

¹³ Khãn anhia ma dec-padéc
yoc ẽ táq ranáq o, ki tỡ bũn
cũai aléq tẽq táq anhia. ¹⁴ Ma
khãn anhia chũuq túh coat cõ
tian anhia táq ranáq tanoang o,
Yiang Sursĩ lữq yõn anhia bũn ốc
bốn. Anhia chõĩ ngcõh cũai, cóp
chõĩ clong ramứh ntrớu. ¹⁵ Ma
cóg anhia yám noap Crĩt tâng
mút pahõm anhia, cóp yõn án
cõt Ncháu anhia. Cóg anhia
chanchóm nhũang santoiq ntrớu
anhia ẽ ta-õĩ, khãn noau blớh tẽ
ramứh anhia ngcuang tẽ Yiang
Sursĩ. ¹⁶ Ma cóg anhia ta-õĩ
laviei cóp khũn phẽp. Anhia
táq pỡq yõn mút pahõm anhia
tỡ tẽq tanĩq bũm. Ngkĩq khãn
cũai aléq pai sãuq tẽ ranáq o
anhia táq puai Crĩt, alóĩ lữq cõt
casiet táq. ¹⁷ Khãn Yiang Sursĩ yoc
anhia chũuq túh coat, khaq anhia
chũuq cõ tian anhia táq ranáq o,
saláng chũuq cõ tian anhia táq
ranáq lỏih. ¹⁸ Lữq Crĩt toãp chũuq
cuchĩt tang anhia. Nũm muoi trở
ki toãp án cuchĩt tang yõn nheq
tũh cũai lỏih. Án la cũai o, ma
noãng án cuchĩt tang cũai sãuq,
dõq tẽq án dũng anhia toãq pỡ

Yiang Sursĩ. Tỡ án noau cachĩt,
ma Raviei án tamoong mantái níc.

¹⁹ Nhơ tẽ Raviei ki, Crĩt pỡq ởtõng
máh raviei ca ởt tũ. ²⁰ Máh raviei
ki la raviei cũai tỡ bũn trĩh Yiang
Sursĩ tâng dõĩ Nô-ê, bo Yiang
Sursĩ acoan Nô-ê táq moãm tuoc.
Chơ ởng tacual náq toãp ởt tâng
tuoc ki bũn tamoong vót tẽ dõq.

²¹ Tõp Nô-ê bũn tamoong tâng dõq
ki, la cõt tếc yõn anhia tẽq bũn
tamoong tẽ nhơ tẽ dõq batẽm.
Dõq ki tỡ bũn chuai tỡ anhia
yõn bráh, ma án chuai yõn mút
pahõm anhia cõt bráh yáng moat
Yiang Sursĩ. Cõ nhơ Yê-su Crĩt ta-
moong loah tẽ cuchĩt, Yiang Sursĩ
tẽq chuai amoong anhia. ²² Cóp
Yê-su chõn loah chu paloõng, tacu
coah atoam Yiang Sursĩ. Tỡ ki
án sốt nheq máh ranẽng Yiang
Sursĩ cóp máh ramứh chóc tâng
paloõng hỡ.

4

Anhia Táq Mpha Ẽn

¹ Cõ Crĩt chũuq túh coat tâng tỡ
án, ngkĩq anhia cóg chũuq tanhĩr
machõng án tẽ. Yuaq cũai aléq
khoiq chũuq túh coat tâng tỡ án,
ki án tỡ bũn yoc noãng ẽ táq lỏih.

² Ngkĩq nheq dõĩ tamoong án, án
tỡ bũn puai noãng ramứh sac sãiq
án dõq ham, ma án puai rangứh
Yiang Sursĩ. ³ Pẻq chơ anhia táq
sanỏq cũai tỡ bũn sa-âm Yiang
Sursĩ dõq táq. Bo nhũang anhia
dõq táq ranáq tanghang cóp yoc
lữq táq ranáq tỡ o. Anhia cha
tõn-tín cóp bũl blõng. Cóp anhia
táq ranáq loai lữq sang rup yiang.

⁴ Sanua alóĩ ca tỡ bũn sa-âm,
alóĩ sãng dót lữq anhia tỡ ẽq táq
noãng ranáq loai cóp ranáq yũh-
yũh cóp alóĩ. Chơ alóĩ ayê ra-ac
anhia. ⁵ Ma lữq samoat, nỡ-ra alóĩ
cóg ramóh án ca rablớh dũ náq

^{*} 3:12 3:12 Ừat Khển 34:12-16

cūai, dēh cūai tamoong cốp cūai khoiḡ cuchīt. ⁶ Cỗ tể ốc ki parnai o tể Yê-su Crīt khoiḡ noau atōng yỗn cūai ca khoiḡ cuchīt. Alói khoiḡ chĩuḡ cuchīt machōng nheḡ tữh cūai canốh tē. Ma parnai o ki toàḡ pở alói, đốḡ chuai raviei alói tēḡ tamoong machōng cốp Yiang Sursĩ tē.

Ranáḡ Ca Yiang Sursĩ Ởn Táḡ

⁷ Cheḡ ẽ toàḡ chơ tangái parsót. Ngkĩḡ cóḡ anhia rabán o mút pahōm anhia. Cốp cóḡ anhia tutuaiḡ níc tể máh ramứh ca toàḡ pở anhia, yỗn tēḡ anhia câu sễḡ tể Yiang Sursĩ. ⁸ Ốc toàḡ clũi nheḡ tể ramứh canốh la cóḡ anhia ayooḡ yóu. Khân anhia manoaḡ ayooḡ manoaḡ, ki manoaḡ tở bữn noap lóih manoaḡ. ⁹ Cốp anhia táḡ poang moat múh chốḡ tamoi, cốp chỏi bubéḡ-buburp. ¹⁰ Yiang Sursĩ yỗn đũ náḡ cūai miar bữn ranáḡ táḡ. Ma ranáḡ ntróu Yiang Sursĩ yỗn án táḡ, cóḡ án táḡ ranáḡ ki đốḡ chuai loah yóu, yuaḡ ranáḡ ki la tở cởn ranáḡ án bữm. Ma ranáḡ ki la ranáḡ án chuai miat puai Yiang Sursĩ yoc. ¹¹ Cūai aléḡ atōng parnai Yiang Sursĩ, cóḡ án atōng ỉn Yiang Sursĩ khoiḡ atōng án. Aléḡ chuai yóu, cóḡ án chuai nheḡ rangứh rahố, ariang Yiang Sursĩ khoiḡ chuai án. Khân cūai aléḡ táḡ pĩeiḡ, lứḡ noau khễn Yiang Sursĩ nơh tể Yê-su Crīt. Cóḡ hái khễn níc Yiang Sursĩ, yuaḡ án toàḡ ndōm nheḡ ramứh sốt cốp nheḡ ramứh chốḡ, sốt đời lời cumo. Amen.

Chĩuḡ Túh Coat

¹² Sễm ai ơi! Chỏi dót anhia chĩuḡ sa-ũi ramứh túh coat sanua. Chỏi chanchóm salēh ntróu ranáḡ ki toàḡ pở anhia. ¹³ Ma cóḡ anhia sâng bũi, yuaḡ anhia chốḡng tē máh ốc túh coat ca Crīt chĩuḡ.

Chơ, nỡ-ra toàḡ Yiang Sursĩ ápáh chốḡ ang-ũr tể Crīt, ki anhia cõt bũi hỡr lứḡ. ¹⁴ Khân noau pai anhia cỗ tian anhia puai Crīt, ốc ki la bốn lứḡ yỗn anhia, yuaḡ Raviei o clũi nheḡ tể canốh, la Raviei Yiang Sursĩ lứḡ ốt cốp anhia. ¹⁵ Khân anhia chĩuḡ túh coat cỗ anhia khoiḡ cachĩt cūai, tở la tutuoḡ, tở la táḡ ranáḡ sấuḡ, tở la ramíng cūai canốh, ki anhia chỏi chanchóm anhia bữn kia tể túh coat ki. ¹⁶ Ma khân anhia chĩuḡ túh coat cỗ noau pai anhia la cūai Yê-su Crīt, anhia chỏi sâng casiet, ma cóḡ anhia sa-ởn Yiang Sursĩ anhia bữn clũu ramứh ki.

¹⁷ Cheḡ toàḡ chơ tangái Yiang Sursĩ rablớh nheḡ tữh cūai. Khân án blớh hái nhũang, ki nốḡ ễn án ẽ rablớh alói ntun, alói ca tở bữn trĩh parnai o tể Yiang Sursĩ. ¹⁸ Yuaḡ tâm saráḡ Yiang Sursĩ tể mbốḡ pai neḡ: “Khân coat lứḡ yỗn cūai tanoang o bữn roap ốc chuai amoong, nốḡ ễn ẽ cõt chốḡ máh cūai loài cốp cūai tở bữn trĩh Yiang Sursĩ?”[✧]

¹⁹ Yuaḡ ngkĩḡ, máh cūai Yiang Sursĩ yỗn chĩuḡ ốc túh coat, cóḡ alói táḡ ranáḡ o cốp chiau raviei alói pở án ca tēng alói. Ntróu án ữḡ, lứḡ án yỗn.

5

Cūai Ca Nhēng Salĩḡ Tỗp Sa-âm

¹ Sanua cứḡ yoc ẽ patáp máh cūai sốt tâng đốḡng sang anhia. Cứḡ la cūai sốt machōng anhia tē. Moat cứḡ khoiḡ hữm máh ramứh túh coat Crīt khoiḡ chĩuḡ. Cốp cứḡ nguang tē bữn ốt parnoi cốp Crīt tâng paloōng.

² Cóḡ anhia nhēng o cūai tâng đốḡng sang anhia, machōng cūai mantán cừu nhēng salĩḡ máh cừu án. Anhia chỏi táḡ pasĩt panhut,

ma cóq anhia táq poân pahõm, yuaq anhia dáng Yiang Sursĩ yoc anhia táq ngkĩq. Anhia chõĩ táq ranáq ki cõ yoc ẽ bũn práq sa-ũĩ, ma anhia táq cõ yoc ẽ chuai yõu. ³ Anhia chõĩ mantoâr chók tộp sa-âm, ma cóq anhia ngcuai ayông alóĩ. ⁴ Chơ nỡ-ra, từ án ca sôt cũai mantán toâq, lứq án yõn anhia tapung vuam puo. Vuam ki ang-ũr lứq cốp tỡ nai ngôt.

⁵ Machóng ki tẽ, anhia cũai póng, cóq anhia ỉt pahõm cũai carsai. Cốp nheq tũh anhia cóq manoaq chõĩ ốt chók manoaq, yuaq tâm saráq Yiang Sursĩ tẽ mbốq pai neq:

“Yiang Sursĩ tỡ bũn noap cũai ốt, ma án chuai miat cũai ca asêng tồ.”[☆]

⁶ Cóq anhia asêng tồ yáng moat Yiang Sursĩ; chơ toâq ngư, án lứq achõn anhia. ⁷ Ramứh ntróu anhia clong, anhia chiau pỡ án, yuaq án bán curiaq anhia.

⁸ Cóq anhia kĩaq cốp nhêng níc, yuaq yiang Satan yoc ẽ táq anhia, án la samoât cula samín ốt ríng níc ẽ palóng cáp anhia. ⁹ Cóq anhia táng chĩ loah án, yuaq anhia dáng máh ramứh túh coat anhia chĩuq sanua la machóng cũai sa-âm tâng dũ cruang canõh la ramóh tẽ. ¹⁰ Chơ mọâm anhia chĩuq túh coat ốt mahôi sâng, lứq Yiang Sursĩ toáp yõn anhia cõt o loah, cốp yõn anhia cõt rêng cốp pacái lứq ẽn. Yiang Sursĩ chuai miat nheq tũh ramứh ntróu hái cóq bũn, cốp án arô hái yõn chõng tẽ chóc ang-ũr án toau sôt nheq dõĩ, cõ nhơ tẽ Crít. ¹¹ Sẻq yõn ống án toáp cõt sôt níc dũ dõĩ lời cumo. Amen.

Parnai Sa-óh

¹² Cúq chĩc bĩq santoiq nãi cõiq chu anhia nhơ Si-la* chuai cúq.

Si-la sẻm ai ratoĩ lứq cốp cúq. Cúq chĩc bĩq parnai nãi dõq catoaih atõng anhia cốp yõn anhia dáng máh ramứh anhia khoiq sa-âm chơ, lứq pĩeiq Yiang Sursĩ chuai miat anhia ngkĩq. Cóq anhia sabóng níc tâng ramứh ki.

¹³ Tộp sa-âm tâng vil Ba-bulôn, alóĩ ca Yiang Sursĩ rườh machóng cốp anhia, cõiq parnai sa-óh anhia. Dẻh ramon cúq, Mac, hỡ cõiq parnai sa-óh anhia. ¹⁴ Sẻq anhia manoaq cubán cusũan manoaq cốp manoaq ayooq manoaq. Sẻq Yiang Sursĩ chuai nheq tũh anhia ca sa-âm Crít yõn ốt bán sũan ien khẻ níc.

☆ 5:5 5:5 Pali Panha 3:34 * 5:12 5:12 Tỡ la Sin-van.

Phi-er Chĩ Choaiq Thở Bar Santoiq Atõng

Phi-er chĩ choaiq thờ bar nài sãm 66 cumo ntun Yê-su canõt. Choaiq thờ nài án coiq sa-oh tốp ca sa-âm ariang án tê. Án chĩc đõq catoaih atõng alõi tê máh cũai táq nan tang bõq Yiang Sursĩ, ma tở bữn noap tangái Yê-su Crĩt toaiq loah. Alõi pai Yê-su par-ữq khoiq dũn chơ, ma tở hũm án toaiq. Ma saráq nài atõng yõn máh cũai sa-âm dáng samoat lứq la Yê-su Crĩt lứq toaiq loah trở bar. Ma Yiang Sursĩ noang ayuang tangái casai, yuaq án tở ẽq muoi noaq aléq cõt pút. Ma án ẽq dũ náq cũai têq bữn ngin lồih, chơ cachian táh nheq máh ranáq sâuq alõi coi táq.

¹ Cũq Si-môn Phi-er, la cũai táq ranáq yõn Yê-su Crĩt cốp táq ranáq cõt ayũng atĩ án. Cũq chĩc choaiq thờ nài coiq sa-oh anhia ca sa-âm machõng hếq. Cõ tê ọc tanoang o tê Yiang Sursĩ hái, cốp Yê-su Crĩt, án ca chuai amoong hái, hái bữn ọc sa-âm ca bữn kia lứq. ² Cũq sếq Yiang Sursĩ chuai miat anhia sa-ữi lứq ẽn, cốp yõn anhia õt bán sũan ien khế níc, yuaq anhia dáng raloaih tê ngê Yiang Sursĩ cốp Yê-su, Ncháu hái.

Yiang Sursĩ Arô Cốp Ruoq

³ Cõ Yê-su Crĩt bữn chóc tê Yiang Sursĩ, án yõn hái bữn dũ ramứh đõq hái têq táq ranáq Yiang Sursĩ tâng dõi tamoong hái. Hái bữn dũ ramứh ki, la cõ hái dáng tê ngê Yê-su Crĩt, án ca arô hái, cốp yõn hái bữn chóc ang-ữr cốp mút o lứq machõng án tê. ⁴ Ngkĩq Yiang Sursĩ khoiq ữq chuai yõn hái bữn máh ọc toar cốp ọc pasếq

lứq. Án táq yõn hái cõt muoi mút muoi pahõm cốp án. Khân anhia cõt muoi mút cốp Yiang Sursĩ, ngkĩq anhia têq viaq vớt tê máh ngê tâng dõi nài ca ẽ radũng anhia táq ranáq sâuq. Cũai aléq ma yoc táq ranáq sâuq, nõ-ra án lứq cuchĩt pút. ⁵ Cõ anhia khoiq sa-âm Yê-su chơ, cốp anhia cutõng nheq rangứh đõq cõt khũn o tê. Toaiq anhia cõt khũn o, cốp anhia rien tũm ẽn yõn dáng sa-ữi ngê rangoaiq tê Yiang Sursĩ. ⁶ Toaiq anhia dáng sa-ữi ngê rangoaiq Yiang Sursĩ, cốp anhia rien tũm ẽn yõn dáng rabán tở anhia bữm. Toaiq anhia dáng rabán tở bữm, cốp anhia rien tũm ẽn chũuq tanhĩr ọc túh coat. Toaiq anhia rơi chũuq tanhĩr túh coat, cốp anhia rien tũm ẽn táq ranáq yõn Yiang Sursĩ sãng bũi pahõm. ⁷ Toaiq anhia dáng táq ranáq yõn Yiang Sursĩ sãng bũi pahõm, cốp anhia rien tũm ẽn rachuai sễm ai anhia. Toaiq anhia dáng rachuai sễm ai, cốp anhia rien tũm ẽn bữn mút pahõm ayooq yóu. ⁸ Khân anhia khoiq bữn chơ máh ngê o nài, cốp khân ngê nài cõt toar achõn tâng mút pahõm anhia, ngkĩq máh ngê nài cõt palai tâng mút pahõm anhia, cốp anhia bữn kia, la anhia bữn dáng samoat lứq tê ngê Yê-su Crĩt, Ncháu hái. ⁹ Ma cũai aléq ca ốq ngê o nài, cũai ki cõt samoat cũai sễm cốp sũt moat, yuaq án khĩr Yiang Sursĩ khoiq táh lồih án táq tê nhũang.

¹⁰ Ngkĩq sễm ai oi, cốp anhia cutõng táq yõn o hõn tê nhũang, yuaq Yiang Sursĩ khoiq arô cốp ruoq anhia. Khân anhia táq ngkĩq, anhia tở bữn nguai tê anhia sa-âm Yiang Sursĩ. ¹¹ Chơ nõ-ra anhia têq õt tamoong mantái tâng ntõq Yê-su Crĩt sốt. Yê-su la án ca chuai amoong hái, cốp án la Ncháu hái.

¹² Ngkíq, tam anhia khoiq dáng raloaih tể máh ngê nâi, cốp sa-âm samoât lứq máh ốc p̄ieiq anhia khoiq roap chơ, ma cứq noâng yoc ể catoaih anhia yỗn sanhữ níc tể ngê nâi. ¹³ Maléq dũn cứq noâng tamoong, cứq chanchóm p̄ieiq cứq atỡng loah anhia, yỗn anhia sanhữ níc tể ngê nâi. ¹⁴ Cứq dáng tở bữn dũn noâng cứq cuchit ariang Yê-su Crít, Ncháu hái, khoiq atỡng cứq chơ. ¹⁵ Ma cứq cutóng chuaq rana đọq atỡng yỗn anhia tềq sanhữ dũ ngê nâi vót cứq cuchit.

Phi-er Khoiq Hữm Ang-ừr Yê-su Crít

¹⁶ Toâq hếq atỡng anhia tể Yê-su Crít, Ncháu hái, toâq loah pở cutểq nâi, cốp án bữn chớch toâr lứq, ma hếq tở bữn táq ntỡng samoât noau nũar; ma moat hếq toâp khoiq hữm chơ chớch sớt toâr án. ¹⁷ Bo Yiang Sursĩ, Mpoaq hái tâng paloông, khoiq yám noap cốp khễn Yê-su, bo ki hếq ốt ntốq ki tề. Bữn sương tể Yiang Sursĩ atỡng cốp Yê-su neq: “Nâi la Con cứq, án ca cứq ayooq lứq. Ntróu án táq, la cứq bũi nheq.”

¹⁸ Lứq samoât, hếq toâp khoiq sâng sương tể paloông pai ngkíq, bo hếq ốt parnoi cốp Yê-su tâng cóh, cốp hếq hữm Yê-su samblót cõt roâp mpha ên.

¹⁹ Cốp clũi tể ki ễn, hếq khoiq sâng cốp dáng tể máh santoiq cũai tang bỗq Yiang Sursĩ tể mbỗq atỡng tể Yê-su. O lứq yỗn anhia tamứng cốp noap máh parnai alói, yuaq parnai ki la ariang chóp tóu claq poang tâng ntốq canám, toau poang tarúp cốp mantỏr priang claq tâng mút pahôm anhia.*

²⁰ Ma nhũang lứq cóq anhia dáng

raloaih neq: Dũ santoiq tâng tâm saráq Yiang Sursĩ tở cởn chống loỏh tể mút pahôm cũai. ²¹ Ma Raviei Yiang Sursĩ toâp atỡng yỗn mút pahôm cũai dáng dũ santoiq ki đọq alói atỡng tang parnai Yiang Sursĩ.

2

Cũai Táq Nan Atỡng Tể Ngê Yiang Sursĩ

¹ Tể mbỗq, bữn máh cũai táq nan alói la cũai tang bỗq Yiang Sursĩ. Chơ alói pởq atỡng máh cũai proai. Machống ki tề, nờ-ra lứq bữn cũai toâq pở anhia, alói táq nan atỡng tể ngê Yiang Sursĩ. Alói atỡng ngê tở bữn p̄ieiq, ểq máh tốp sa-âm cõt rúng. Cốp alói calõih táh Ncháu nheq tữh cũai, án ca khoiq thái alói. Ngkíq alói chống táq yỗn raviei alói cõt pút toâp. ² Bữn lứng cũai yoc ể puai máh ngê sâuq alói atỡng. Cỗ tể alói ki, yuaq bữn cũai acrieiq ngê p̄ieiq tể Yiang Sursĩ. ³ Alói ca táq nan atỡng ngê Yiang Sursĩ, alói atỡng anhia parnai raphếq rathũ, yuaq alói yoc ể bữn loi tể anhia. Tể nhũang lứq Yiang Sursĩ dadỏq ể táq alói, cốp tở bữn dũn noâng án lứq pupút alói.

⁴ Lứq samoât, Yiang Sursĩ apống dểh ranểng án, ca táq lôih tâng pống sarloac. Ntốq ki canám péc lứq. Noau chốq ranểng ki toâq sái-sô toau yỗn toâq tangái Yiang Sursĩ rablớh nheq tữh cũai. ⁵ Cốp Yiang Sursĩ tở bữn đọq tề máh cũai tể mbỗq, bo án tểng yỗn cõt raloâm đọq toâq pở dũ nác cũai loai tâng cốc cutểq nâi. Yiang Sursĩ chuai amoong ống tacual nác tể đống sũ Nô-ê sâng, yuaq Nô-ê la cũai atỡng ngê

* **1:19** 1:19 Poang tarúp la sacâm tể tangái Yê-su toâq loah pở cutểq nâi. Cốp Yê-su la samoât riang mantỏr priang claq tâng tarúp, chơ táq yỗn mút pahôm cũai sâng bũi ớn lứq.

tanoang o tể Yiang Sursĩ. ⁶ Cóp Yiang Sursĩ chống bar vil Sadôm cốp Camô-rơ yỗn cat cõt chíq bỗh. Ân pupút bar vil ki, đợc cõt tểc yỗn cũai ca táq ranáq sâuq tâng đời ntun dáng ntrớu án ể táq chỏq cũai loãi. ⁷ Ma Yiang Sursĩ chuai amoong manoaq Lot sâng yỗn án loõh tể vil ki, yuaq Lot bữn mút tanoang o, cốp án sâng a-ĩ mút hữm máh cũai tâng vil ki táq níc ranáq sâuq. ⁸ Lot ớt mpứng đĩ máh cũai ki. Cu rangái án hữm cốp sâng níc tể máh ranáq sâuq alóỉ táq. Ma án bữn mút tanoang. Ngkíq án sâng a-ĩ yariáq tâng mút án toáq án hữm máh cũai táq sâuq níc ngkíq. ⁹ Lứq Yiang Sursĩ chuai amoong máh cũai ca puai ngê án. Ân acỏq arỏq alóỉ tể máh ramứh túh coat. Cốp án dadỏq ể táq máh cũai sâuq toáq tangái án rablớh cốp táq alóỉ. ¹⁰ Lứq samoât, án táq ngkíq chỏq cũai ca puai ngê sâuq tể mút pahỏm alóỉ cốp mumat chớq Yiang Sursĩ.

Máh cũai táq nan atởng ngê Yiang Sursĩ, alóỉ cỏq lứq cốp alóỉ achỏn tở bữm. Alóỉ tở bữn sâng ngcỏh ntrớu tể pai tở o tể máh ramứh sớt tâng paloỏng. ¹¹ Ma đễh rangểng Yiang Sursĩ tâng paloỏng, ca bán rẻng cốp bữn chớq toár, la tở khỏn pai tở o ntrớu tể máh ramứh sớt ki yáng moat Yiang Sursĩ. ¹² Ma máh cũai táq nan, alóỉ cõt samoât charán. P̄ieiq lứq noau cốp cốp cachít alóỉ. Alóỉ mumat máh ramứh alóỉ tở bữn dáng. Ngkíq nỡ-ra, alóỉ pút ariang charán tể. ¹³ Alóỉ cỏq chũuq túh coat machớng alóỉ khoiq táq chỏq cũai canỏh tể. Alóỉ par-ểq thánq táq ranáq sâuq bo noâng tangái. Alóỉ cõt ariang muoi tểc cớng nhợp tớt tâng aroáiq bráh. Ranáq alóỉ táq, ki táq yỗn anhia sâng casiet. Alóỉ yoc lứq rathũ raphếq anhia bo

alóỉ cha parnới cốp anhia tâng tangái rôm cha bũi. ¹⁴ Toáq alóỉ hữm mansêm aléq, ki mút alóỉ chanchỏm yoc ể bữn mansêm ki. Alóỉ tở nai moám táq ranáq lỏih. Alóỉ radừng máh cũai sa-âm tở yũah khâm yỗn táq sâuq. Alóỉ rangoaiq lứq chuaq máh mút alóỉ ham. Nỡ-ra Yiang Sursĩ lứq pupút alóỉ! ¹⁵ Alóỉ khoiq táh rana tanoang. Ngkíq alóỉ cỏc rana, chớ pỏq tâng rana puai ngê cũai mbỏq ramứh Balam, con samiang Bê-ô. Ân ham yoc ể bữn cớng tể ngê sâuq. ¹⁶ Ma bữn asếh đễn tểq án táq lỏih. Asếh ki pai na sừng cũai, đợc catáng án, tở yỗn án táq ranáq ỉn cũai yũh táq.

¹⁷ Alóỉ ca táq nan atởng tể ngê Yiang Sursĩ la ariang mec óq đợc hoi. Cốp alóỉ ariang talúc cuyal phát đừng. Yiang Sursĩ khoiq thừian muoi nỏq canám tểc-tểc yỗn alóỉ ớt nỡ-ra. ¹⁸ Yuaq alóỉ atởng ểq noau chanchỏm alóỉ rangoaiq, ma santoiq alóỉ pai la lứq sacũl. Alóỉ pai tở bữn ntrớu samiang yoc ể táq tở o chỏq mansêm. Ngkíq alóỉ radừng máh cũai sa-âm tở yũah khâm, cũai ca mbởiq loõh tể cũai puai ngê sâuq yỗn táq loah ranáq sâuq. ¹⁹ Alóỉ pai cũai sa-âm tểq táq puai mút pahỏm alóỉ sâng yoc. Ma alóỉ ca pai ngkíq, lứq alóỉ toáp la sũl yỗn ngê lỏih. Ngê ntrớu radừng cũai, cũai ki lứq cõt sũl yỗn ngê ki. ²⁰ Ngkíq, khân bữn cũai viaq vớt tể ngê sâuq tâng đời nâi, cỗ alóỉ dáng Yê-su Crít, Ncháu hái, án ca chuai amoong hái, ma ntun ển ngê sâuq ki radừng loah cũai ki táq sâuq, ngkíq án cõt sâuq clũi tể nhũang ển. ²¹ Khân alóỉ khoiq dáng chớ rana tanoang o, ma alóỉ pih táq loah ranáq sâuq, ki khạq alóỉ tở bữn dáng ntrớu thánq tể ngê Yiang Sursĩ, saláng alóỉ dáng

chơ pih tở ẽq puai noâng ngê ki.
²² Alói ca táq ngkíq, la táq yõn cõt
 rapieiq máh parnai sacám neq:
 “Acho cuta, chơ án pih chu yẽl
 loah carta án,” cốp “Alic khoiq
 mpoi đõq cõt bráh chơ, moâm ki
 án pởq roam tâng talĩng sĩa.”*

3

Yê-su Crít Toâq Loah

¹ O sễm ai cứq ayooq lứq ơi! Bar
 trở tâng nâi chơ cứq chĩc choaiq
 thờ đõq sa-óh anhĩa. Cứq chĩc
 cõ ẽ anhoac anhĩa yõn chanchóm
 samoât samoi tễ máh ramứh o
 cứq khoiq atõng anhĩa. ² Cứq ẽq
 anhĩa sanhữ loah máh parnai cũai
 tang bõq Yiang Sursĩ, án ca bráh
 o khoiq catoaih tễ nhũang. Cốp
 cứq ẽq anhĩa sanhữ loah ớc patáp
 tễ Ncháu hái, án ca chuai amoong
 hái. Máh cũai ayũng atĩ Yê-su
 Crít khoiq atõng anhĩa ớc patáp
 ki. ³ Dâu lứq cõq anhĩa dáng neq:
 Bo cheq ẽ toâq tangái parsót, lứq
 bữn cũai ẽ ỉt rangứh alói bữm.
 Alói ki ayê ra-ac anhĩa. ⁴ Alói
 pai neq: “Yê-su nâi, án ữq ẽ toâq
 loah. Nlẻq anhĩa hữm án toâq
 loah? Tễ tangái án ữq ngkíq, sa-ũ
 cũai cuchĩt chơ, ma tở hữm ntrớu
 yũah. Tễ tangái Yiang Sursĩ tễng
 paloõng cutẻq la patoat ki níc.”

⁵ Alói pai ngkíq, yuaq alói tở
 bữn chanchóm neq: Dâu lứq,
 nhơ tễ parnai Yiang Sursĩ, bữn
 cõt paloõng cutẻq. Án tễng cõc
 cutẻq nâi yõn loõh tễ đõq cốp
 nhơ tễ đõq. ⁶ Cốp cõ tian tễ
 đõq raloâm, cutẻq tễ mbỏq cõt
 rúng ralõh neq. ⁷ Ma sanua, nhơ
 tễ parnai Yiang Sursĩ, án noâng
 đõq paloõng cốp cõc cutẻq nâi.
 Án đõq toau toâq tangái án ẽ
 rablớh cũai cốp pupứt neq máh

cũai lờih. Tangái ki án ẽ chõng
 paloõng cutẻq yõn cat neq.

⁸ Ma sễm ai ơi, anhĩa chõi khlĩr
 muoi ramứh nâi: Yiang Sursĩ
 noap muoi tangái la machõng
 muoi ngin cumo, cốp muoi ngin
 cumo la machõng muoi tangái.
⁹ Yiang Sursĩ tở bữn yũt tễ ranáq
 án khoiq ữq, ariang cũai đõq
 chanchóm. Ma Yiang Sursĩ táq
 laviei lahõi chỏq anhĩa. Án ngcuai
 ayuang cõ án tở ẽq manoaq alẻq
 cõt cuchĩt pứt, ma án ẽq dù náq
 cũai cachian táh máh ranáq lờih
 alói táq.

¹⁰ Ma tangái Ncháu toâq loah
 la samoât cũai savẻng mut tâng
 đõng, hái santar sâng. Tangái
 ki noau sâng hỏ raloâm ralức
 tâng paloõng, chơ paloõng cõt
 pứt. Máh cớng tâng paloõng
 cốp cutẻq cõt lahĩr neq ariang
 cat ũih. Cốp neq tữh ramứh
 tâng cõc cutẻq nâi cõt pứt neq.
¹¹ Khãn dũ ramứh tâng cutẻq nâi
 cõt rúng ralõh neq, ki anhĩa cõt
 nõq ẽn? Cõq anhĩa chiau sang
 tở anhĩa yõn Yiang Sursĩ, cốp táq
 ớng ranáq án sâng. ¹² Cõq anhĩa
 ớt ngcuang níc tangái Ncháu toâq
 loah cốp táq manriauq yõn chá
 toâq tangái ki, la tangái Yiang
 Sursĩ chõng pupứt paloõng cốp
 táq yõn dũ ramứh tâng paloõng
 cốp cutẻq cõt lahĩr neq. ¹³ Ma
 Yiang Sursĩ khoiq ữq ẽ tễng
 paloõng tamái cốp cutẻq tamái;
 ngkíq yuaq hái ớt ngcuang. Ntỏq
 ki la ntỏq noau táq ớng ranáq
 tanoang o sâng.

¹⁴ Yuaq ngkíq, sễm ai ơi, cõ an-
 hĩa ngcuang ramứh ki, cõq anhĩa
 cutỏng níc táq ranáq o yõn Yiang
 Sursĩ hữm anhĩa tở bữn lờih ntrớu
 yáng moat án; cốp cõq anhĩa bữn
 mút pahõm ớt ratoi cốp án. ¹⁵ Cõq
 anhĩa dáng Yiang Sursĩ ayuang ẽq

anhia têq bữn tamoong mantái.
 Sễm ai hái, Phau-lô, khoiq chĩc
 atõng anhia máh ki tê, cõ Yiang
 Sursĩ yõn án bữn ọc rangoiq.
¹⁶ Nheq tửh choaiq thờ Phau-lô
 chĩc, án đốq atõng tễ ramứh nâi.
 Choaiq thờ ki bữn ọc ca coat yõn
 hái sapúh. Ốc ki, cũai ca yoc ễ
 raphếq cũai sacũl, alóí pai mpha
 ễn tễ ngê Phau-lô atõng. Cóp alóí
 táq máh ki tê cóp santoiq canõh
 tâng parnai Yiang Sursĩ. Alóí táq
 ngkíq, la alóí toáp cõt cuchĩt pút.

¹⁷ Sễm ai ời, anhia dáng chơ
 máh ramứh nâi. Ngkíq cóq anhia
 nhêng yõn o chõỉ yõn cũai loài
 radững anhia táq ranáq lôih, chơ
 anhia sapĩl tễ ntốq khâm. ¹⁸ Ma
 sẽq anhia cõt toâr achõn tâng
 máh ramứh Yê-su Crĩt chuai miat
 anhia cóp máh ramứh anhia dáng
 tễ ngê án. Chóc ang-ữr cóp san-
 toiq khên ốt níc cóp Yê-su Crĩt,
 Ncháu hái, án ca chuai amoong
 hái, tễ sanua toau toâq tangái
 parsốt. Amen.

Yang Chĩc Choaiq Thõ Muoi Santoiq Atõng

Yang chĩc choaiq thõ muoi nài sãm 90 cumo ntun Yê-su canõ. An coi q choaiq thõ nài dõq sa-õh máh con ramon an tâng tốp sa-âm. Yang la manoaq tẽ tốp rien tẽ Yê-su. Cóp bo an chĩc thõ nài, an khoiq thâu lứq chõ. An atõng tẽ Yê-su, cóp an dõq Yê-su la Parnai Tamoong. An ngin an khoiq hũm Yê-su, cóp bũn satoaq tõ Yê-su. Ngkĩq an tẽq atõng pĩei q cóp raloaih lứq tẽ máh ranáq Yê-su khoiq táq, cóp tẽ máh ốc Yê-su khoiq atõng.

Saráq nài atõng tẽ Yiang Sursĩ la Ốc Poang, cóp catoaih atõng tốp sa-âm cóq tayáh põq tâng Ốc Poang ki. An sươq alõi chõi tamứng máh santoiq cũai táq nan tang bõq Yiang Sursĩ, cõ alõi ẽ caryoah tốp sa-âm yõn cõt sa-ũi tốp. Máh cũai ki pai Yê-su tỡ cõn Con Yiang Sursĩ Cõt Cũai; alõi chanchóm ốc chuai amoong tỡ bũn túh cóq õt ratoi, tỡ la ayooq cũai canõh.

Saráq nài cõt tẽc catoaih máh cũai sa-âm cóp sươq chõi pasẽq ngẽ tâng dõi nài. “Máh ramứh tâng dõi nài ca cũai dõq ham, moat cũai hũm yoc ẽ bũn, cóp mút cũai chanchóm alõi o hõn tẽ cũai canõh, máh ramứh nài tỡ bũn toaq tẽ Yiang Sursĩ, ma toaq tẽ dõi nài sãng.” (Pún 2:16)

Parnai Tamoong

¹ Hẽq chĩc parnai nài dõq atõng anhia tẽ Parnai Tamoong.* An tamoong cóp Yiang Sursĩ tẽ nhũang Yiang Sursĩ tẽng paloõng cutẽq.

* 1:1 1:1 Parnai Tamoong la Yê-su Crĩt.

Hẽq khoiq sãng sãng an, moat hẽq khoiq hũm an, cóp atĩ hẽq khoiq satoaq tõ an. ² Parnai Tamoong nài khoiq toaq pỡ hẽq, cóp hẽq khoiq hũm an. Ngkĩq hẽq tẽq chĩc atõng anhia tẽ ranáq ki. Parnai Tamoong nài õt mantái níc tỡ nài pút. Nhũang an toaq pỡ hẽq, an õt níc cóp Yiang Sursĩ, Mpoaq an. ³ Hẽq chĩc atõng yõn anhia dáng tẽ máh ranáq hẽq khoiq hũm cóp máh ramứh hẽq khoiq sãng tẽ an, yuaq hẽq yoc anhia õt muoi mút cóp hẽq, samoat hẽq õt muoi mút cóp Yê-su Crĩt cóp Yiang Sursĩ, Mpoaq an, tẽ. ⁴ Ngkĩq hẽq chĩc parnai nài ẽq anhia sãng bũi pahõm cóp hẽq, chõ mút pahõm hái bũn moang ốc bũi ốh.

Yiang Sursĩ La Ốc Poang

⁵ Nài la parnai hẽq khoiq sãng Yê-su atõng, cóp hẽq yoc anhia dáng tẽ: Yiang Sursĩ la ốc poang. Tỡ bũn ốc canám ntrõu tẽq õt cóp an. ⁶ Ngkĩq, khân bõq hái pai hái õt muoi mút cóp Yiang Sursĩ ma tâng mút pahõm hái noâng ẽ táq ranáq sãuq, ốc ki la samoat hái tayáh tâng ntõq canám cóp táq ntõng lauq sãng. Parnai hái pai tỡ bũn rapĩei q cóp ranáq hái táq. ⁷ Ma khân hái bũn mút pahõm yoc ẽ táq ranáq Yiang Sursĩ, ốc ki la samoat hái tayáh tâng ntõq poang, yuaq Yiang Sursĩ õt ntõq poang. Ngkĩq hái manoaq ratoi cóp manoaq. Cóp Yiang Sursĩ táh nheq lỏih hái, cõ nhõ tẽ Yê-su, Con an, cuchĩt tang hái.

⁸ Khân hái pai hái tỡ bũn bũn lỏih ntrõu, hái phẽq tõ hái bũm. Cóp tâng mút pahõm hái tỡ bũn bũn muoi ốc pĩei q ntrõu. ⁹ Khân hái ngin nheq ranáq lỏih hái khoiq táq, ki Yiang Sursĩ lứq táh lỏih hái ariang an khoiq ứq

chơ, yuaq Yiang Sursĩ táq tanoang tapúng níc. Cóp án yỗn mút pahõm hái cõt bráh o, tở ẽq táq noâng ranáq sáuq. ¹⁰ Khân hái pai hái tở nài táq lờih ntróu, ốc ki la ariang hái calauq Yiang Sursĩ, yuaq án pai nheq tửh cũai bữn lờih. Ngkĩq parnai Yiang Sursĩ tở bữn ốt tâng mút pahõm hái.

2

Yê-su Crĩt Chuai Hái

¹ Máh con ramon cứq ơi! Cứq chĩc máh ốc nài dõq anhia tẽq viaq táq ranáq lờih. Ma khân bữn noau tẽ anhia táq ranáq lờih ntróu, Yê-su Crĩt, án ca tanoang o lữq, án rapai chuai hái yáng moat Yiang Sursĩ. ² Án toáp cuchĩt tang hái, cõ tian lờih hái, cóp cõ tian lờih nheq tửh cũai.

³ Khân hái trĩh máh ốc Yiang Sursĩ patáp, ki tẽq hái ngin hái dáng án. ⁴ Ma khân bữn cũai pai neq: “Cứq dáng Yiang Sursĩ chơ,” ma án tở bữn trĩh máh ốc Yiang Sursĩ patáp, ki án táq ntõng lauq sâng, cóp parnai Yiang Sursĩ tở bữn ốt tâng mút pahõm án. ⁵ Ma cũai aléq trĩh parnai Yiang Sursĩ, lữq samoat cũai ki ayooq Yiang Sursĩ nheq rangứh rahõ án. Khân hái táq ngkĩq, hái dáng samoat lữq hái bữn muoi mút cóp Yiang Sursĩ. ⁶ Cóp cũai aléq pai án bữn muoi mút cóp Yiang Sursĩ, cóp cũai ki táq machóng Yê-su khoiq táq chơ.

Parnai Tiaq Cõt Parnai Tamái Ẽn

⁷ Sẽm ai cứq ơi! Ốc cứq chĩc patáp anhia sanua la tở cõn ốc patáp tamái. Ma ốc nài la ốc tiaq, anhia khoiq bữn tẽ tangái anhia mbõiq sa-âm parnai o tẽ Yê-su Crĩt. Ốc patáp nài noau khoiq atõng anhia tẽ nhũang chơ. ⁸ Ma sanua cứq chĩc ốc patáp nài yỗn

anhia la ariang ốc patáp tamái tẽ. Máh ốc patáp nài la p̄ieiq lữq, cóp Yê-su khoiq apáh ốc nài chơ. Anhia la apáh tẽ ốc nài. Ngkĩq ốc canám ntõm taiq, cóp ốc poang p̄ieiq lữq khoiq claq chơ.

⁹ Cũai aléq pai án ốt tâng ntõq poang, ma án kêt máh sẽm ai án, lữq samoat cũai ki noâng ốt tâng ntõq canám. ¹⁰ Ma cũai aléq ayooq sẽm ai án, cũai ki ốt tâng ntõq poang. Ngkĩq án tở bữn ngcõh cudõh. ¹¹ Ma cũai aléq kêt sẽm ai án, cũai ki ốt tâng ntõq canám. Cóp án tayáh tâng ntõq canám tở dáng p̄lẽq p̄lẽq, yuaq canám ki táq yỗn án cõt samoat cũai sũt moat.

¹² Cứq chĩc parnai nài yỗn anhia ca samoat con ramia cứq, yuaq lờih anhia khoiq Yiang Sursĩ táh chơ cõ Yê-su Crĩt cuchĩt tang anhia. ¹³ Cứq chĩc parnai nài yỗn anhia ca cõt mpoaq, yuaq anhia khoiq dáng Yê-su, án ca ốt cóp Yiang Sursĩ tẽ nhũang Yiang Sursĩ tở yũah tẽng paloõng cutẽq. Cứq chĩc parnai nài yỗn anhia cũai póng, yuaq anhia khoiq chĩl riap chơ yiang Satan. Cóp cứq chĩc parnai nài yỗn anhia ca noâng carnẽn, yuaq anhia khoiq dáng Yiang Sursĩ chơ. ¹⁴ Cứq chĩc parnai nài yỗn máh cũai mpoaq, yuaq anhia khoiq dáng Yê-su, án ca ốt cóp Yiang Sursĩ tẽ nhũang Yiang Sursĩ tở yũah tẽng paloõng cutẽq. Cứq chĩc parnai nài yỗn anhia ca póng, yuaq anhia la cũai bán rêng lữq. Parnai Yiang Sursĩ ốt níc tâng mút pahõm anhia, cóp anhia khoiq chĩl riap chơ yiang Satan.

¹⁵ Nheq tửh anhia chõĩ pasẽq ngẽ tâng dõĩ nài, cóp chõĩ ham máh ramứh sáuq tâng dõĩ nài. Khân cũai aléq ma pasẽq ngẽ tâng dõĩ nài, ki án tở bữn pasẽq noâng ngẽ Yiang Sursĩ. ¹⁶ Máh ramứh

tâng dôi nâi ca cūai đốq ham, moat cūai hữm yoc ẽ bữn, cốp mút cūai chanchóm alóí o hõn tẽ cūai canóh, máh ramúh nâi tở bữn toâq tẽ Yiang Sursĩ, ma toâq tẽ dôi nâi. ¹⁷ Cốp máh ramúh tâng dôi nâi cūai đốq yoc ẽ bữn, nỡ-ra máh ramúh ki cõt pút nheq. Ma cūai aléq puai rangúh Yiang Sursĩ, án bữn tamoong mantái.

Cūai Yoc Ẽ Pupút Máh Ranáq Yê-su

¹⁸ Máh con ramon cứq ơi! Dôi nâi la dôi parsót thág. Anhia khoiq sâng chơ noau pai nỡ-ra bữn manoaq táq nan ngin án la Crít, ma lứq án ẽ pupút ngê Yê-su Crít. Cứq atõng anhia sanua, khoiq toâq cứng cūai yoc ẽ pupút ngê Yê-su. Ngkíq hái dáng dôi nâi la dôi parsót. ¹⁹ Máh cūai ki chống loõh bữm tẽ tốp hái, yuaq alóí tở bữn bữn muoi mút cốp hái. Khân alóí lứq muoi mút cốp hái, ki alóí õt loâng cốp hái. Ma tở alóí loõh, alóí apáh yõn nheq tữh cūai dáng raloaih alóí tở cõn lứq tốp hái.

²⁰ Ma anhia khoiq bữn Raviei Yiang Sursĩ õt tâng mút pahõm anhia. Ngkíq nheq tữh anhia dáng raloaih tẽ óc p̄ieiq. ²¹ Cứq chĩc parnai nâi yõn anhia, tở cõn cõ anhia tở yũah dáng óc p̄ieiq, yuaq anhia khoiq dáng chơ óc ki, cốp anhia dáng samoât lứq óc lauq tở nai loõh tẽ óc p̄ieiq.

²² Cūai aléq pai Yê-su tở cõn lứq Crít, cūai ki la cūai lauq, cốp án yoc ẽ pupút ngê Yê-su. Cūai ki calõih Yiang Sursĩ cốp Con Yiang Sursĩ hỡ. ²³ Cūai aléq calõih Con Yiang Sursĩ, la machóng án calõih Yiang Sursĩ tẽ. Cốp cūai aléq sa-âm Con Yiang Sursĩ, la machóng án sa-âm Yiang Sursĩ tẽ.

²⁴ Ngkíq cóq anhia cayóm đốq tâng mút pahõm anhia máh san-toiq anhia khoiq sâng chơ tẽ tangái anhia mbõiq sa-âm Yê-su. Khân anhia cayóm đốq máh san-toiq ki tâng mút pahõm anhia, ki anhia õt ratoi níc cốp Con Yiang Sursĩ, cốp Mpoaq án hỡ. ²⁵ Cốp lứq samoât Yiang Sursĩ khoiq ứq cốp hái chơ, yõn hái bữn tamoong mantái.

²⁶ Cứq chĩc máh parnai nâi đốq atõng yõn anhia dáng tẽ máh cūai yoc ẽ raphéq anhia, yõn táh ngê Yê-su. ²⁷ Ma Yiang Sursĩ khoiq yõn anhia bữn Raviei án õt tâng mút pahõm anhia. Cõ nhơ anhia bữn Raviei Yiang Sursĩ, ngkíq anhia tở bữn túh noau atõng anhia ngê aléq p̄ieiq cốp ngê aléq tở bữn p̄ieiq. Lứq samoât Raviei Yiang Sursĩ toâp atõng anhia tẽ nheq tữh ramúh ki. Cốp nheq parnai án atõng yõn anhia dáng, lứq parnai ki la p̄ieiq nheq; án tở bữn atõng anhia muoi óc raphéq ntróu. Cóq anhia trĩh nheq parnai Raviei Yiang Sursĩ atõng anhia; ngkíq anhia cõt muoi mút cốp Yê-su Crít.

²⁸ Chơ sanua, con ramon cứq ơi, cóq anhia õt níc muoi mút cốp Yê-su, yõn nheq tữh hái tở bữn casiet táq ntróu tâng tangái Yê-su sểng loah p̄õq cutéq nâi. Chơ tangái ki anhia tẽq tayúng clốq lứq. ²⁹ Anhia khoiq dáng chơ Yiang Sursĩ lứq tanoang o; ngkíq anhia dáng tẽ cūai aléq táq tanoang o, cūai ki khoiq cõt con Yiang Sursĩ chơ.

3

Hái Cõt Con Yiang Sursĩ

¹ Anhia chanchóm yõn samoât, maléq toâp Yiang Sursĩ ayooq hái. Cõ Yiang Sursĩ ayooq hái máh ki, án đốq hái la con án. Chơ hái cõt con Yiang Sursĩ lứq samoât. Ma

cũai ca puai ngê tâng dõih nâi, alõih tở bữn dáng hái, yuaq alõih tở bữn dáng Yiang Sursĩ. ² Sanua, sêm ai oi! Hái la con Yiang Sursĩ chơ. Ma hái tở yũah dáng raloaih, moám hái õt tâng dõih nâi, tở hái cõt roáp ntrớu ẽn. Ma muoi ốc hái dáng samoat lứq la neq: Toâq tangái Yê-su Crĩt toâq loah, hái lứq cõt samoat Yê-su tê, yuaq tâng tangái ki hái bữn hữm roáp Yê-su samoat lứq. ³ Cũai aléq nguang ẽ hữm Yê-su tâng tangái ki, cóq cũai ki táq yõn mút pahõm án cõt bráh o, ariang Yê-su Crĩt bữn mút pahõm bráh o tẻ.

⁴ Cũai aléq táq lờih, cũai ki khoiq paluan phễp rit Yiang Sursĩ. Cóp khân cũai paluan phễp rit Yiang Sursĩ, ốc nâi toáp lứq lờih. ⁵ Anhia khoiq dáng Yê-su Crĩt sễng pở cutẻq nâi dỏq chũuq cuchĩt tang lờih hái. Cóp anhia dáng án tở nai bữn lờih ntrớu tâng mút pahõm án. ⁶ Ngkĩq cũai aléq õt muoi mút cóp Yê-su, án tở ẻq táq noâng ranáq lờih. Ma cũai aléq yoc ẻ táq ranáq lờih, cũai ki tở nai hữm Yê-su cóp tở bữn dáng án.

⁷ Con ramon cứq oi! Chõih yõn noau phẻq anhia. Cũai aléq ma táq ranáq tanoang o, cũai ki lứq tanoang o yáng moat Yiang Sursĩ, machớng Yê-su tanoang o yáng moat Yiang Sursĩ tê. ⁸ Cũai aléq ma yoc ẻ táq níc ranáq sâuq, cũai ki toâq tẻ yiang Satan. Yiang Satan khoiq táq níc ranáq lờih tẻ tangái Yiang Sursĩ tở yũah tẻng paloõng cutẻq. Ngkĩq Con Yiang Sursĩ sễng pở cutẻq nâi dỏq pupứt nheq máh ranáq yiang Satan.

⁹ Cũai aléq ma cõt con Yiang Sursĩ, cũai ki tở ẻq táq noâng ranáq lờih, yuaq Yiang Sursĩ yõn ngê án õt tâng mút pahõm cũai ki. Ngkĩq cũai ki tở tẻq táq noâng ranáq lờih, yuaq án la con

Yiang Sursĩ. ¹⁰ Nâi la tẻc yõn hái tẻq dáng cũai aléq la con Yiang Sursĩ cóp cũai aléq la con yiang Satan: Cũai aléq táq ranáq tở bữn tanoang cóp ỏq mút pahõm ayooq yóu, cũai ki tở cữn con Yiang Sursĩ. Án la con yiang Satan.

Manoaq Ayooq Manoaq

¹¹ Lứq samoat, tẻ tangái anhia mbởiq sa-âm Yê-su Crĩt, anhia khoiq sâng chơ ốc patáp nâi: Hái cóq manoaq ayooq manoaq. ¹² Hái chõih táq ariang Ca-in. Án tũoiq yiang Satan, cóp án cachĩt a-ẻm án. Cỗ nỏq án cachĩt a-ẻm án? Cỗ Ca-in táq ranáq sâuq ma a-ẻm án táq ranáq tanoang o.

¹³ Ngkĩq sêm ai oi, anhia chõih sâng dỏt ntrớu toâq cũai puai ngê tâng dõih nâi kêt anhia. ¹⁴ Khân hái ayooq máh sêm ai hái tâng tốp sa-âm, nâi la tẻc hái tở bữn noâng ariang cuchĩt, ma hái ariang khoiq tamoong loah chơ. Ma cũai ca tở bữn ayooq yóu, cũai ki ariang noâng cuchĩt. ¹⁵ Cũai aléq ma kêt sêm ai bữm, án la machớng cũai khoiq cachĩt cũai. Cóp anhia dáng chơ, cũai cachĩt cũai canõh tở tẻq bữn tamoong mantái. ¹⁶ Nỏq hái tẻq dáng tẻ ốc ayooq? Hái dáng ốc ki yuaq Yê-su Crĩt chũuq pứt rangứh án tang hái. Pẻiq lứq, hái la cóq chũuq pứt rangứh dỏq rachuai sêm ai hái tẻ. ¹⁷ Khân cũai aléq ma dũ tâc khám cha, chơ hữm sêm ai án ỏq, ma án tở bữn sâng sarũiq táq, cũai ki tở tẻq pai án bữn mút pahõm ayooq tẻ Yiang Sursĩ. ¹⁸ Con ramon cứq oi, khân hái ayooq yóu, cóq hái chõih ayooq óng bỏq sâng. Ma cóq hái ayooq yóu nheq tẻ mút pahõm, cóp cóq hái táq yõn cũai canõh dáng hái lứq bữn mút pahõm ayooq.

Hái Tở Bữn Sâng Croỏq

¹⁹ Khân hái táq ngkíq, hái dáng lứq samoat hái la con Yiang Sursĩ, án ca atõng níc parnai p̄ieiq. Cóp hái sâng cloq lứq yáng moat Yiang Sursĩ. ²⁰ Tam mút pahõm hái tanĩq tở hái bũm, hái tở bũn croõq ntróu, yuaq Yiang Sursĩ la sốt hõn tể mút pahõm hái, cóp án dáng túc ramứh.

²¹ Sẽm ai ơi! Khân mút pahõm hái tở bũn tanĩq tở hái bũm, ki hái cõt cloq yáng moat Yiang Sursĩ. ²² Ramứh ntróu hái sêq tể Yiang Sursĩ, án lứq yõn hái bũn ramứh ki, yuaq hái trĩh máh ốc án patáp, cóp hái táq máh ranáq án yoc hái táq. ²³ Nâi la ốc Yiang Sursĩ patáp hái: Cóc hái sa-âm Con án, Yê-su Crĩt, cóp cóq hái manoaq ayooq manoaq ariang Yê-su patáp hái tể nhũang chơ. ²⁴ Cũai aléq trĩh máh ốc Yiang Sursĩ patáp, cũai ki ốt muoi mút cóp Yiang Sursĩ, cóp Yiang Sursĩ ốt muoi mút cóp án. Cỗ Yiang Sursĩ khoiq yõn Raviei án ốt tâng mút pahõm hái, ngkíq hái dáng samoat lứq Yiang Sursĩ ốt muoi mút cóp hái.

4

Chim Nheq Tữh Cũai

¹ Sẽm ai ơi! Anhia chõi noap dũ náq cũai ca pai án bũn Raviei Yiang Sursĩ tâng mút pahõm án. Ma cóq anhia chim alóit, yõn anhia dáng raloaih alóit toáq tể Yiang Sursĩ ma tở bũn, yuaq bũn sa-ữi náq cũai p̄õq chu nâi p̄õq chu ki táq nan atõng tang bõq Yiang Sursĩ ma tở bũn lứq p̄ieiq. ² Nâi la tếc anhia têq dáng cũai lứq bũn Raviei Yiang Sursĩ ma tở bũn: Cũai aléq ngin Yê-su Crĩt la Con Yiang Sursĩ Cõt Cũai, anhia dáng cũai ki bũn Raviei Yiang Sursĩ tâng mút pahõm án. ³ Ma cũai aléq pai Yê-su tở cõn Con Yiang Sursĩ Cõt Cũai, têq anhia dáng cũai ki tở bũn bũn Raviei Yiang

Sursĩ. Ma cũai ki toáq tể án ca ẽ pupút ngê Yê-su Crĩt. Anhia khoiq sâng noap pai nỡ-ra bũn manoaq ki toáq, cóp sanua án khoiq toáq p̄õ cutêq nâi chơ.

⁴ Máh con ramon ơi, anhia khoiq cõt con Yiang Sursĩ chơ. Cóp anhia khoiq riap chơ máh cũai ca atõng parnai tở p̄ieiq, yuaq anhia bũn Raviei Yiang Sursĩ ốt cóp anhia. Cóp Raviei Yiang Sursĩ la toâr hõn tể án ca ốt cóp alóit ca puai ngê tâng dõi nâi. ⁵ Máh cũai ki chanchóm ống ngê tâng dõi nâi sâng, cóp parnai alóit atõng la puai ngê tâng dõi. Ngkíq yuaq máh cũai ca puai ngê tâng dõi nâi yoc lứq tamứng parnai alóit pai. ⁶ Ma hái la tể Yiang Sursĩ. Ngkíq cũai aléq ca dáng Yiang Sursĩ, cũai ki yoc lứq tamứng parnai hái pai. Ma cũai aléq tở bũn Yiang Sursĩ ốt nứng án, cũai ki tở êq tamứng parnai hái. Nâi la tếc yõn hái têq dáng tể cũai bũn Raviei p̄ieiq lứq cóp tể cũai bũn raviei tở bũn p̄ieiq.

Ốc Ayooq Toáq Tể Yiang Sursĩ

⁷ Sẽm ai ơi! Hái cóq bũn mút pahõm manoaq ayooq manoaq, yuaq ốc ayooq la toáq tể Yiang Sursĩ. Cũai aléq ma ayooq yóu, cũai ki cõt con Yiang Sursĩ, cóp án lứq dáng Yiang Sursĩ. ⁸ Cũai aléq ma tở bũn ayooq yóu, cũai ki tở bũn dáng Yiang Sursĩ, yuaq Yiang Sursĩ la nỡm ốc ayooq. ⁹ Yiang Sursĩ apáh yõn hái dáng án ayooq hái neq: Án bũn ống muoi lám Con toáp, ma án ốn Con ki toáq p̄õ cutêq nâi yõn hái têq bũn tamoong mantái cỗ nhơ tể Con án. ¹⁰ Nâi la ốc ayooq p̄ieiq lứq: Tở cõn hái ayooq Yiang Sursĩ, ma Yiang Sursĩ ayooq hái, cóp án ốn Con án cuchĩt tang hái cỗ hái la cũai lờih.

¹¹ Sẽm ai ơi! Yuaq Yiang Sursĩ ayooq hái máh ki, cóq hái manoaq

ayooq manoaq tê. ¹² Lứq tớ nai cũai aléq hữm Yiang Sursĩ. Ma khân hái manoaq ayooq manoaq, ki hái dáng Yiang Sursĩ lứq ớt cốp hái, cốp ọc ayooq tẽ án cõt sớt tâng mút pahõm hái.

¹³ Têq hái dáng Yiang Sursĩ ớt muoi mút cốp hái cốp hái ớt muoi mút cốp án, la cõ án khoiq yõn Raviei án ớt tâng mút pahõm hái.

¹⁴ Hếq khoiq dáng chơ, cốp hếq atõng níc yõn cũai canõh dáng, Yiang Sursĩ khoiq ớn Con án toáq pờq cutêq nài đõq chuai amoong nheq tữh cũai. ¹⁵ Cũai aléq ma ngin pai Yê-su la Con Yiang Sursĩ, ki Yiang Sursĩ ớt muoi mút cốp án, cốp án ớt muoi mút cốp Yiang Sursĩ tê. ¹⁶ Ngkíq sanua hái dáng cốp hái noap lứq, Yiang Sursĩ ayooq hái sa-ữi lứq.

Yiang Sursĩ toáp la nỡm ọc ayooq. Cũai aléq bữn mút pahõm ayooq, cũai ki ớt níc muoi mút cốp Yiang Sursĩ, cốp Yiang Sursĩ ớt níc muoi mút cốp cũai ki. ¹⁷ Ngkíq ọc ayooq tẽ Yiang Sursĩ cõt sớt tâng mút pahõm hái. Chơ toáq tangái Yiang Sursĩ rablõh nheq tữh cũai, hái khõn tayúng clõq lứq yáng moat Yiang Sursĩ, yuaq bo hái ớt tâng cutêq nài, hái bữn muoi mút cốp Yê-su. ¹⁸ Cũai aléq bữn mút pahõm ayooq, cũai ki tớ bữn ngcõh ntrứu. Ốc ayooq táq yõn pút ọc ngcõh tâng mút pahõm. Khân cũai aléq noâng bữn ọc ngcõh, cũai ki tớ yũah bữn ọc ayooq cõt sớt tâng mút pahõm án, yuaq án noâng ngcõh Yiang Sursĩ táq án.

¹⁹ Hái têq bữn mút pahõm ayooq cõ Yiang Sursĩ khoiq ayooq hái tẽ nhũang. ²⁰ Khân bữn cũai pai neq: “Cứq ayooq Yiang Sursĩ,” ma án kêt sẽm ai án bữm, cũai ki táq ntõng lauq sâng. Khân án tớ bữn ayooq sẽm ai ca ớt níc cốp án, nõq têq án ayooq Yiang Sursĩ

ca án tớ nai hữm loàng? ²¹ Nài la ọc Yê-su Crít khoiq patáp yõn hái chơ: Cũai aléq ma ayooq Yiang Sursĩ, cũai ki cóq ayooq sẽm ai án hỡ.

5

Hái Chũ Riap Máh Ngê Tâng Dỡi Nài

¹ Cũai aléq ma sa-âm Yê-su la Crít, án ca Yiang Sursĩ rườh đõq chuai amoong cũai, cũai ki lứq cõt con Yiang Sursĩ. Cốp nheq tữh con acái Yiang Sursĩ ayooq Mpoaq alói. Khân alói ayooq Mpoaq, alói ayooq đẽh con án tê. ² Nài la tếc yõn hái têq dáng hái ayooq máh con acái Yiang Sursĩ: Khân hái ayooq Yiang Sursĩ cốp trĩh máh ọc án patáp, ngkíq hái dáng hái ayooq máh con acái án tê. ³ Hái têq dáng hái ayooq Yiang Sursĩ, khân hái trĩh máh ọc án patáp. Cốp máh ọc án patáp tớ bữn coat ntrứu yõn hái. ⁴ Nheq tữh cũai ca cõt con Yiang Sursĩ têq chũ riap máh ngê tâng dỡi nài. Cõ nõq hái têq chũ riap máh ngê tâng dỡi nài? Hái bữn chũ riap la cõ hái sa-âm Yê-su. ⁵ Cũai aléq têq rachũ riap máh ngê tâng dỡi nài? Lứq samoat máh cũai sa-âm Yê-su la Con Yiang Sursĩ, alói toáp chũ riap máh ngê tâng dỡi nài.

Pái Ramứh Atõng Tẽ Yê-su

⁶ Yê-su Crít toáq pờ cutêq nài, án cưỡ bar ramứh tếc yõn cũai dáng án la manoaq Yiang Sursĩ rườh đõq chuai amoong cũai. Tếc muoi la đõq batẽm Yê-su roap. Ma án tớ bữn cưỡ ống tếc đõq sâng. Ma án cưỡ tếc bạh hỡ. Tếc bar la aham ca loõh tê tồ Yê-su tâng tangái án cuchĩt tang hái. Cốp Raviei Yiang Sursĩ atõng tẽ Yê-su tê, yuaq Raviei Yiang Sursĩ la nỡm ọc pẽiq. ⁷ Ngkíq Yiang Sursĩ yõn pái ramứh đõq cõt tếc atõng tẽ Yê-su Crít. ⁸ Muoi la Raviei Yiang

Sursĩ. Bar la đởq batẽm. Pái la aham ca loỏh tẽ tở Yê-su. Ngkĩq pái ramứh nài atởng machớng nheq tẽ Yê-su Crĩt. ⁹ Khãn hái tamứng parnai cũai atởng tẽ Yê-su, ỏc ki lứq o. Ma Yiang Sursĩ la sỏt toỏh hỡn. Ngkĩq o hỡn hái tamứng parnai Yiang Sursĩ khoiq atởng tẽ Con ỏn. ¹⁰ Cũai alẻq ma sa-ỏm Con Yiang Sursĩ, cũai ki lứq noap máh parnai Yiang Sursĩ atởng tẽ Con ỏn. Ma cũai alẻq tở bữn sa-ỏm Con Yiang Sursĩ, cũai ki la samoỏt ỏn calauq Yiang Sursĩ, yuaq cũai ki tở bữn noap máh parnai Yiang Sursĩ atởng tẽ Con ỏn. ¹¹ Nài la parnai Yiang Sursĩ yỏn hái dáng samoỏt lứq: Yiang Sursĩ khoiq yỏn hái bữn tamoong mantái, cớp ỏn yỏn hái bữn tamoong mantái cỏ nhỏ tẽ Con ỏn. ¹² Cũai alẻq ỏt muoi mút cớp Con Yiang Sursĩ, cũai ki bữn tamoong mantái. Ma cũai alẻq tở bữn bữn muoi mút cớp Con Yiang Sursĩ, cũai ki ỏq bữn tamoong mantái.

Ổc Tamoong Mantái

¹³ Cứq khoiq chĩc máh santoiq nài yỏn anhia ca khoiq sa-ỏm Con Yiang Sursĩ, đởq anhia dáng, anhia bữn tamoong mantái. ¹⁴ Khãn bữn ramứh ntrớu hái yoc ẻ sẻq tẽ Yiang Sursĩ, hái tở bữn ngỏh ntrớu sẻq tẽ ỏn, yuaq hái dáng khãn hái sẻq ramứh ntrớu puai rangứh ỏn, lứq ỏn tamứng santoiq hái sẻq. ¹⁵ Cớp khãn hái dáng Yiang Sursĩ tamứng santoiq hái sẻq tẽ ỏn, ki hái dáng samoỏt lứq ỏn yỏn ramứh hái khoiq sẻq tẽ ỏn.

¹⁶ Khãn anhia hữm manoaq sẻm ai táq lỏih, cớq anhia câu sẻq Yiang Sursĩ chuai cũai ki yỏn bữn tamoong mantái. Khãn cũai ki tở bữn táh ngẻ Yiang Sursĩ, lứq Yiang Sursĩ chuai ỏn bữn tamoong. Ma khãn cũai ki khoiq táh ngẻ Yiang

Sursĩ, cũai ki cớq chửuq cuchĩt thánq. Cớp cứq tở bữn ỏn anhia câu yỏn cũai táq ngkĩq. ¹⁷ Ranáq ntrớu cũai táq ma tở bữn tanoang o, ranáq ki lứq lỏih. Ma bữn lỏih ca tở bữn yỏn cũai cuchĩt thánq.

¹⁸ Hái dáng cũai alẻq khoiq cớt con Yiang Sursĩ chỏ, cũai ki tở bữn táq noỏng ranáq lỏih, yuaq Con Yiang Sursĩ ỏt kĩaq níc ỏn. Ngkĩq yiang Satan tở tẻq táq ntrớu ỏn.

¹⁹ Hái dáng chỏ hái la tẽ Yiang Sursĩ, ma máh cũai ca puai ngẻ tâng đỏi nài, sỏt alỏi la yiang Satan.

²⁰ Cớp hái dáng samoỏt lứq tẻ, Con Yiang Sursĩ khoiq toỏq pỏ cutẻq nài, đởq pớh mút pahỏm hái yỏn dáng raloaih lứq tẽ Yiang Sursĩ, la Yiang pẻiq. Hái ỏt muoi mút cớp ỏn, la cỏ hái ỏt muoi mút cớp Con ỏn, Yê-su Crĩt. Yiang Sursĩ toỏp la Yiang pẻiq, cớp ỏng ỏn toỏp tẻq yỏn tamoong mantái.

²¹ Máh con ramon cứq ỏi! Cớq anhia kĩaq o mút pahỏm anhia. Cớq anhia ỏt yỏng tẻ yiang canỏh ca tở cỏn lứq Yiang.

Yang Chĩc Choaiq Thõ Bar Santoiq Atõng

Yang chĩc choaiq thõ bar nài sám 90 cumo ntun Yê-su canõt, Yang la manoaq tẽ tốp rien tẽ Yê-su. Bo án chĩc thõ nài, án khoiq thâu lứq chơ. Án coi q sa-óh máh tốp sa-âm, ma án sacâm tốp ki cõt samoat manoaq cũai mpiq ca Yiang Sursĩ khoiq rươh, cốp rươh dẽh máh con án. Saráq nài cakẽh lứq, ma án ẽ catoaih máh cũai sa-âm, manoaq cốp ay-ooq manoaq, cốp cốp tutuaiq yõn samoat tẽ cũai ca atõng raphẽq cõ yoc ẽ pupút máh ngẽ Yê-su Crĩt.

¹ Cứq Yang, la cũai thâu ca chĩc choaiq thõ nài coi q sa-óh tốp sa-âm Yê-su Crĩt. Anhia la samoat con cứq ayooq lứq. Ma tỡ bữn ống cứq sâng ayooq anhia, ma dẽh nheq tữh cũai ca khoiq dáng ngẽ pĩei q tẽ Yê-su Crĩt la ayooq anhia tẽ.* ² Ngẽ pĩei q ki õt tâng mút pahõm hái sanua, cốp õt cốp hái sớt dõi. Cõ hẽq bữn ngẽ pĩei q ki, yuaq hẽq ayooq anhia.

³ Cứq sễq Yiang Sursĩ, Mpoaq hái, cốp Yê-su Crĩt la Con Yiang Sursĩ, chuai miat hái yõn bữn bán sũan ien khẽ níc, cốp ayooq táq hái. Hái lứq bữn máh ramứh ki, khân hái táq pĩei q cốp bữn mút pahõm ayooq.

Ốc Pĩei q Cốp Ốc Ayooq

⁴ Cứq sâng bũi lứq bữn ramóh máh cũai tẽ tốp anhia, alóı ca puai samoat lứq ố pĩei q tẽ Yiang Sursĩ, Mpoaq hái, khoiq patâp hái. ⁵ Yóu ơı! Sanua cứq sễq atõng anhia neq: Hái cốp manoaq ayooq manoaq. Ốc nài cứq patâp

anhia lạ tỡ bữn ố tamái. Mạ hái khoiq bữn ố patâp nài tẽ tangái hái mbõiq sa-âm Yê-su Crĩt. ⁶ Ốc ayooq la neq: Dũ ranáq hái táq, hái cốp puai máh ố Yiang Sursĩ patâp. Ốc patâp nài anhia khoiq sâng tẽ tangái anhia mbõiq sa-âm, la anhia cốp bữn mút pahõm ayooq níc.

⁷ Ma bữn sa-ũı lứq cũai pốq chu nài chu ki atõng parnai raphẽq. Alóı pai Yê-su Crĩt tỡ cõn Con Yiang Cõt Cũai. Máh cũai ki atõng raphẽq, cốp alóı yoc ẽ pupút máh ngẽ Yê-su Crĩt. ⁸ Ngkĩq cốp anhia rabán o mút pahõm anhia, dõq máh ranáq hẽq táq chuai anhia tỡ bữn ốq kia. Nõ-ra Yiang Sursĩ lứq yõn anhia bữn cõng o tẽ máh ranáq anhia táq.

⁹ Cũai aléq ma atõng luat tẽ parnai Yê-su Crĩt, cũai ki tỡ bữn lứq puai ngẽ Yê-su Crĩt. Cốp Yiang Sursĩ tỡ bữn õt cốp cũai ki. Ma cũai aléq ma puai samoat samõı ngẽ Yê-su Crĩt, ki Yiang Sursĩ, Mpoaq hái, cốp Yê-su Crĩt, Con Yiang Sursĩ, lứq õt cốp cũai ki. ¹⁰ Khân bữn cũai aléq toáq pỡ anhia ma án tỡ bữn pruum cốp ngẽ Yê-su Crĩt, cốp án atõng parnai raphẽq, ki anhia chõı mõi án mut tâng dõng anhia. Cốp chõı tabõp tabéh án bũi o. ¹¹ Cũai aléq ma roap tabõp tabéh o cũai ki, la ariang án pruum cốp ranáq sâuq cũai ki táq tẽ.

Yang Yoc Pốq Sa-óh Alóı

¹² Cứq noâng bữn sa-ũı santoiq yoc ẽ atõng anhia, ma cứq tỡ ẽq chĩc tâng choaiq. Cứq yoc lứq pốq sa-óh anhia, cốp táq ntõng parnõı cốp anhia. Ngkĩq hái cõt bũi óh lứq, manoaq táq ntõng cốp manoaq.

¹³ Máh cũai sa-âm tâng vil nài coi q parnai sa-óh anhia tẽ.

* 1:1 1:1 Tâng parnai Créc án pai: "Cứq chĩc yõn cũai mpiq ca Yiang Sursĩ khoiq rươh cốp con acái án."

Yang Chĩc Choaiq Thõ Pái Santoiq Atõng

Yang chĩc choaiq thõ pái nài sãm 90 cumo ntun Yê-su canõt. Ân coiq sa-óh cũai sõt tâng tốp sa-âm, ramúh Cai-ut. Yang khẽn Cai-ut bữn mút pahõm yoc ẽ rachuai máh cũai sa-âm. Yang catoaih Cai-ut cóq tutuaiq tẽ manoaq cũai ramúh Diu-trep. Diu-trep la cũai táq ranáq sâuq lứq, cóp án tỡ ẽq hữm cũai táq ranáq Yiang Sursĩ. Ma Yang khẽn manoaq ramúh Dê-matri, yuaq Dê-matri táq p̄ieiq lứq tâng ranáq Yiang Sursĩ yoc án táq.

¹ Cúq Yang, la cũai thâu chĩc choaiq thõ nài coiq sa-óh yóu cúq, Cai-ut ca ratoi lứq cóp cúq. Cúq sâng ayoq lứq mới.

² Yóu ơi, cúq đốq câu níc yõn mới, cúq s̄eq Yiang Sursĩ yõn mới bữn bán sũan ien khẽ níc machõng raviei mới tẽ. ³ Tữ s̄em ai hái toaq p̄r cúq, ki cúq sâng bũi lứq, yuaq alói atõng cúq mới sa-âm samoat samoi máh ngẽ p̄ieiq tẽ Yê-su Crĩt. Cóp alói pai mới táq p̄ieiq níc, cõ mới puai ngẽ Yê-su Crĩt. ⁴ Clũi tẽ ramúh canõh la cúq sâng bũi máh con ramon cúq tâng tốp sa-âm táq p̄ieiq níc, cõ alói puai ngẽ Yê-su Crĩt.

Cai-ut Cutóng Chuai Yóu

⁵ Yóu ơi, mới táq tanoang tapũng lứq toaq mới chuai máh s̄em ai tâng tốp sa-âm, dẽh cũai tẽ ntõq canõh hõ. ⁶ Máh cũai ki khoiq atõng yõn nheq tữh tốp sa-âm tâng ntõq nài dáng mới ayoq yóu. Cóp cúq ẽq mới chuai níc máh cũai sa-âm ca p̄õq pha vil mới, yõn alói tỡ bữn óq ntróu bo alói p̄õq atõng parnai

Yiang Sursĩ. Khân mới táq ngkiq, mới táq yõn Yiang Sursĩ sâng bũi pahõm. ⁷ Máh cũai ki p̄õq táq ranáq Yê-su Crĩt, cóp alói tỡ bữn roap ntróu tẽ máh cũai tỡ yũah sa-âm. ⁸ Ngkiq hái ca khoiq sa-âm cóq rachuai alói ca p̄õq táq ranáq Yê-su. Khân hái chuai alói, hái bữn chõng tẽ tẽ ranáq alói táq p̄õq atõng tẽ ngẽ p̄ieiq.

Diu-trep Cóp Dê-matri

⁹ Cúq khoiq chĩc nhũang choaiq thõ yõn tốp anhia ca sa-âm. Ma Diu-trep tỡ ẽq noap santoiq cúq, yuaq án achõn tỡ bữm yoc ẽ cõt sõt tâng tốp anhia. ¹⁰ Ngkiq khân cúq toaq p̄r anhia, cúq tỡ bữn khlir máh ranáq án táq. Ân voõq sâuq tẽ hẽq, cóp án táq ranáq sâuq canõh hõ. Ân tỡ bữn roap tabõp tabéh máh s̄em ai ca p̄õq táq ranáq Yê-su. Cóp án tỡ yõn noau tẽ tốp anhia chuai alói. Khân bữn cũai tẽ tốp anhia ma yoc ẽ chuai alói ca p̄õq táq ranáq Yê-su, ki Diu-trep tuih aloõh cũai ki tẽ tốp sa-âm.

¹¹ Yóu ơi, mới chõi tũoiq óc sâuq, ma cóq mới tũoiq óc o sâng. Ân ca táq ranáq o, án la tẽ Yiang Sursĩ. Ma án ca táq ranáq sâuq, án ki tỡ bữn dáng Yiang Sursĩ.

¹² Nheq tữh cũai atõng o tẽ Dê-matri. Cóp máh ranáq án táq la lứq ratoi cóp ngẽ p̄ieiq. Hẽq atõng o tẽ án tẽ, cóp anhia dáng santoiq hẽq atõng la lứq p̄ieiq.

Yang Yoc Ế Sa-óh Alói

¹³ Cúq noâng bữn sa-ũi santoiq ẽn yoc ẽ atõng anhia, ma cúq tỡ ẽq chĩc tâng choaiq. ¹⁴ Cúq yoc lứq p̄õq sa-óh anhia, cóp cúq yoc lứq táq ntõng cóp anhia rato moat.

¹⁵ Cúq s̄eq Yiang Sursĩ yõn mới õt bán sũan ien khẽ níc. Máh yóu mới õt muoi vil cóp cúq, alói blõh

cahan mới. Cóp cứq yoc ẽ cahan
tê nheq tũh yóu hái ca ốt cốp mới
pở ki.

Yude Chĩc Choaiq Thõ Santoiq Atõng

Yude chĩc choaiq thõ nài sám 70 toaq 80 cumo ntun Yê-su canõt. Yude la a-ẽm Yê-su cóp Yacõ. Án atõng yõn cũai sa-âm dáng bữn cũai chõng ngin alõi la cũai sa-âm cóp atõng parnai o tẽ Yiang Sursĩ, ma alõi táq ranáq tanghang, alõi calõih Yê-su Crĩt, cóp alõi táq máh ranáq sâuq canõh. Ngkĩq máh cũai sa-âm cóq chí loah máh ngê alõi aloõh ma claiq tẽ parnai Yiang Sursĩ.

¹ Cúq la Yude chĩc choaiq thõ nài cóiq sa-óh anhia. Cúq la cũai táq ranáq yõn Yê-su Crĩt. Cóp cúq la a-ẽm Yacõ. Cúq chĩc sa-óh anhia ca Yiang Sursĩ khoiq ruoh yõn cõt con acái án. Yiang Sursĩ, Mpoaq hái, ayooq lứq anhia. Cóp Yê-su Crĩt bán kĩaq anhia mantái níc. ² Cúq sễq Yiang Sursĩ yõn anhia bữn ọc sarũiq táq, ọc ien khẽ, cóp ọc ayooq sa-ũĩ lứq ẽn.

Cỗ Nỏq Yude Chĩc Choaiq Thõ Nãi?

³ Yếu ơi! Cúq khoiq chanchóm tẽ nhũang yoc lứq ẽ chĩc atõng anhia tẽ ngê Yiang Sursĩ chuai amoong hái. Ma sanua cúq chanchóm cúq cóq chĩc atõng anhia, ỏn anhia curiaq pacái lứq máh ọc anhia khoiq sa-âm chõ. Yiang Sursĩ khoiq atõng yõn hái dáng dũ ọc hái cóq sa-âm tẽ ngê án. Máh ọc ki Yiang Sursĩ yõn muoi trở sâng; vót tẽ ki án tỡ bữn yõn ntrõu noâng. ⁴ Yuaq bữn cũai atõng anhia ọc tỡ p̄ieiq. Alõi ki tamblóc yoc ẽ talõh ọc p̄ieiq máh hái khoiq sa-âm. Alõi tỡ bữn sa-âm Yiang Sursĩ. Yiang Sursĩ khoiq chuai miat hái toaq án táh

lõih hái. Ma alõi ki chanchóm tẽq alõi táq ranáq tanghang, yuaq Yiang Sursĩ tỡ bữn noap noâng lõih alõi. Cóp alõi calõih Yê-su Crĩt, Ncháu hái, án ca sớt nheq tữh cũai. Yiang Sursĩ khoiq yõn cũai chĩc atõng tẽ alõi tẽ mbỏq, pai Yiang Sursĩ khoiq pupap chõ alõi.

Yude Sacâm Tẽ Cũai Tẽ Mbỏq

⁵ Anhia khoiq dáng tẽ máh ranáq Yiang Sursĩ táq tẽ mbỏq. Sanua cúq yoc atõng loah yõn anhia sanhữ máh ọc ki. Tẽ mbỏq Yiang Sursĩ chuai amoong tốp I-sarel. Án dững aloõh alõi tẽ cruang Ê-yip-tô. Ma vót ki bữn máh cũai I-sarel tỡ bữn sa-âm noâng. Ngkĩq Yiang Sursĩ pupút alõi. ⁶ O yõn anhia sanhữ tẽ máh ranẽng Yiang Sursĩ ca tỡ ẽq õt noâng tâng ntỏq Yiang Sursĩ anoat yõn alõi. Yuaq ngkĩq Yiang Sursĩ chỏq máh ranẽng ki toaq sái-sô cóp yõn alõi õt tâng ntỏq canám toau toaq tangái parsót, la tangái Yiang Sursĩ rablõh nheq tữh cũai. ⁷ Machõng ki tẽ, cóq anhia sanhữ vil Sadôm cóp vil Camô-rơ, dẽh máh vil p̄er ki. Alõi tỡ bữn trĩh Yiang Sursĩ, machõng ranẽng Yiang Sursĩ tẽ. Cũai õt tâng vil ki táq ranáq sâuq lứq. Alõi mansẽm samiang tỡ bữn lacuoi cayac bẻq parnoi, cóp alõi samiang ẽ bữn ratuaq samiang, mansẽm ẽ bữn ratuaq mansẽm. Ngkĩq Yiang Sursĩ táq cũai ki. Án apõng mữ cóp ùih tẽ paloõng yõn cat nheq bar vil ki. Yiang Sursĩ táq ngkĩq, án yoc apáh yõn cũai dáng, nờ-ra án ẽ táq ntrõu chỏq cũai lõih.

⁸ Alõi ca mut talõh tâng tốp hái, alõi táq machõng cũai tẽ mbỏq tẽ. Alõi la samoát noau mpáu, ma máh ọc alõi pai ki tỡ bữn lứq ntrõu. Alõi táq ranáq sâuq

chóq tở alói. Alói tở ẽq Yiang Sursĩ ndõm alói, cốp alói mumat máh ranẽng Yiang Sursĩ. ⁹ Ma Mi-kêl, án ca sôt máh ranẽng Yiang Sursĩ tâng paloõng, án tở khón pai sâuq dẽh yiang Satan. Bo Mi-kêl tampõr cumuiq Môi-se cốp yiang Satan, Mi-kêl tở khón pai muoi ớc tở o ntróu tẽ yiang Satan. Ma Mi-kêl pai chóq yiang Satan neq: “Sẽq Yiang Sursĩ toáp manrap mới!” ¹⁰ Ma cũai ca mut talóh dốq voõq sâuq tẽ Yiang Sursĩ cốp ranẽng án. Ma alói tở bữn dáng ntróu tẽ máh ramứh tâng paloõng. Alói dáng ống ramứh tâng dõi nâi sâng. Ngkíq alói la ariang charán. Alói táq ranáq sâuq dốq talóh tở bữm. ¹¹ Nỡ-ra Yiang Sursĩ ẽ táq yõn alói ramóh tởiq bap lứq, yuaq alói tũoiq ariang Ca-in táq tẽ mbốq. Cốp alói táq ariang Balam táq tẽ mbốq tẽ. Balam radững tốp I-sarel yõn táh ngê Yiang Sursĩ, yuaq án ham sanóc tâng dõi nâi. Cốp alói táq ariang Cô-ra táq tẽ mbốq tẽ. Cô-ra yoc ẽ cheng sôt, ma Yiang Sursĩ tở yõn án bữn. Yiang Sursĩ khoiq pupút máh cũai ki tẽ mbốq. Cốp nỡ-ra, Yiang Sursĩ ẽ táq cũai ca mut talóh tốp sa-âm, la machóng ki tẽ. ¹² Cũai ki rôm cha parnơi cốp anhia bo anhia cha pêl bũi. Ma alói tở ẽq tampõng cốp tốp hái, cốp alói tở bữn ngcõh noau. Alói ki la samoát tamáu côl ớt pũn dốq. Alói raphéq anhia ẽ dững anhia pớq tâng rana cuchĩt, samoát tamáu côl ki táq yõn tuoc clúh án, chơ tuoc ki cõt pacháh chíq. Cốp alói ki la samoát ramứl. Noau hữm ramứl ki, chơ noau pai cheq ẽ mia, ma cuyal dững ramứl ki chu ntốq canõh ẽn. Ngkíq tở hữm mia ntróu. Cốp alói ki

la samoát catừ aluang palâi ma tở bữn cát. Chơ noau rợq táh nỡm ki dẽh rêh. Ngkíq aluang ki samoát bar trỗ cuchĩt. Trỗ muoi la án tở bữn cõt palâi. Trỗ bar la án tamprợq dẽh rêh. Máh cũai mut talóh tâng tốp anhia la machóng aluang ki tẽ. ¹³ Máh cũai ki la samoát dốq mut lampóh chanchoác níc cõt rapooh, yuaq alói táq sa-ũi ranáq sâuq puai rangứh alói bữm. Cốp alói la samoát mantở atỡ ntốq.* Yiang Sursĩ khoiq thrũan dốq ntốq yõn alói ớt. Ntốq ki canám níc, Cốp alói tở nai bữn loõh tẽ ntốq ki.

¹⁴⁻¹⁵ Bữn manoaq tẽ mbốq ramứh Ê-nóc. Ê-nóc la tẽ tống toiq Adam. Noap tẽ dõi Adam tapoát dõi ẽn, chơ toáq dõi Ê-nóc. Ê-nóc khoiq atõng tẽ cũai ki neq: “Nỡ-ra Ncháu hái toáq rablớh nheq tữh cũai, cốp bữn ớc vêu ranẽng Yiang Sursĩ tẽ paloõng toáq cốp án tẽ. Tâng tangái ki Yiang Sursĩ rablớh nheq tữh cũai. Cốp Yiang Sursĩ táq tởt alói ca bữn mút loài, yuaq alói táq ranáq sâuq, cốp tở bữn yám noap Yiang Sursĩ.”

¹⁶ Cũai ca mut talóh tâng tốp sa-âm, alói bubéq-bubựp, cốp tở nai bũi tẽ máh ranáq alói táq. Alói yoc ẽ puai rangứh alói bữm, cốp achõn tở alói bữm. Cốp alói khẽn cũai canõh, cõ ẽ bữn loi tẽ cũai ki.

Ớc Patáp Yõn Tốp Sa-âm

¹⁷ Ma tốp muoi chíh la bar náq ca cõt ayũng atỡ Yê-su Crít, Ncháu hái, alói khoiq pai chơ tẽ cũai mut talóh tâng tốp sa-âm. Yớu ới, cóq anhia sanhữ máh santoiq tốp muoi chíh la bar náq ki khoiq atõng. ¹⁸ Tốp alói pai neq: “Cheq toáq tangái parsốt, lứq bữn cũai

* **1:13** 1:13 Án pai ngkíq yuaq alói khoiq táh ngê Yiang Sursĩ, ma alói puai ngê canõh ẽn.

ayê ra-ac ngê Yiang Sursĩ. Alói yoc ẽ puai ớc sâuq tẽ mút pahõm alói bũm.”

¹⁹ Alói ca mut talõh tâng tốp sa-âm, ẽq yõn cõt cayoah sa-ũĩ tốp ngcõt. Alói puai rangúh alói bũm, ma alói tở bũn puai rangúh Raviei Yiang Sursĩ. ²⁰ Yõu ơi! Anhia chõĩ táq ariang cũai ki. Mách ớc anhia khoiq sa-âm la lúq o, yuaq ớc ki toâq tẽ Yiang Sursĩ. Ma cóq anhia chuaq rana yõn mút pahõm anhia cõt sa-âm pacái lúq ẽn. Bo anhia câu, cóq anhia sẽq Raviei Yiang Sursĩ chuai anhia câu. ²¹ Yiang Sursĩ ayooq lúq anhia. Ngkíq cóq anhia õt cheq níc án. Cóp Yê-su Crít, Ncháu hái, sarũiq táq anhia. Ngkíq án táq yõn nõ-ra hái bũn õt mantái níc cóp án. Cóq anhia ngcuang níc ớc ki.

²² Cóq anhia bũn mút sarũiq táq chóc máh cũai ca bũn mút catõn-ton tẽ máh ớc alói sa-âm. ²³ Bũn cũai canõh cheq ê táq ranáq lôih, alói ki la samoât riang cũai cheq sapúl tâng ùih. Cóq anhia âc aloõh alói tẽ ùih ki. Cóp bũn cũai canõh ẽn, alói khoiq táq sa-ũĩ ranáq lôih chơ. Cóq anhia sâng sarũiq táq alói ki, ma cóq anhia nhêng yõn o, cõh lơ anhia ẽn cõt lôih ìn alói tẽ.

Câu Khẽn Yiang Sursĩ

²⁴ Yiang Sursĩ têq rabán kĩaq anhia yõn anhia tở bũn dóm cõ tian ranáq lôih. Cóp Yiang Sursĩ têq táq yõn anhia tayúng clõq lúq yáng moat án tâng tangái án rablõh nheq tũh cũai. Tangái ki tở bũn noau têq tẽq ntróu anhia. Ngkíq anhia sâng bũi lúq, yuaq anhia la tanoang o yáng moat án.

²⁵ Bũn óng manoaq Yiang Sursĩ toâp têq chuai amoong hái, cõ nhơ tẽ ranáq Yê-su Crít, Ncháu hái, khoiq táq. Cóq hái khẽn níc Yiang Sursĩ, cõ án ang-ũr lúq, cõ án cõt

puo toâr lúq, cóp cõ án bũn chóc clũĩ nheq tẽ canõh. Óng án toâp cõt sõt tẽ dâu lúq toâq sanua, cóp toau sõt nheq dõĩ. Amen.

Yiang Sursĩ Sapáh Baih Santoiq Atõng

Sarác Sapáh Baih nài Yang chĩc sám 90 cumo ntun Yê-su canõt. Bo ki, Yang õt tù tâng cõn Bat-mô. Bữn muoi tangái rlu, Yiang Sursĩ toâq sapáh yõn án hữm sa-ũĩ ranáq salẽh. Yiang Sursĩ ớn án chĩc đõq máh ớc ki tâng tâm sarác, chơ cõiq chu tapul tốp sa-âm tâng cruang Asia. Sarác nài đõq atõng máh tốp sa-âm cóq chũuq tanhĩr, cóp cóq sa-âm samoât samõi, yuaq máh ranáq ẽ toâq đõq pupút la ntâng lứq.

Bữn máh ớc cartooq tâng sarác sapáh baih nài tẽ máh ranáq ẽ toâq to la-ũt la-ũĩ chumát. Ma noâng bữn ớc sapáh sa-ũĩ ramũh ẽn. Máh cũai tẽ đõĩ mbõq toau toâq đõĩ sanua, alõĩ doc sarác nài ma tỡ bữn noau tẽq dáng raloaih tẽ ớc cartooq tâng sarác sapáh baih. Ma đũ nác cũai dáng raloaih la ống Yê-su Crĩt toáp la Yiang sõt. Yê-su khoiq chĩl riap máh cũai par-ũal, cóp án chĩl riap đẽh yiang Satan hỡ.

Yiang Sursĩ sapáh yõn Yang hữm vil Yaru-salem Tamái, la ntõq nõuq o cóp ang-ũr lứq tẽ Yiang Sursĩ. Yang hữm Cũu Con Yiang Sursĩ pớh pơ sarác bữn máh ramũh cũai tẽq tamoong mantái. Yiang Sursĩ ẽ culáh cóng yõn máh cũai ca sa-âm samoât samõi, cóp yõn alõĩ bữn mut tâng Cruang Tamái cóp Cutẽq Tamái. Ntõq ki lứq Yiang Sursĩ toáp aclaq ang-ũr.

¹ Cúq la Yang chĩc sarác nài đõq atõng tẽ máh ramũh Yê-su Crĩt sapáh yõn cúq hữm. Máh ramũh ki Yiang Sursĩ khoiq yõn Yê-su dáng, đõq án atõng loah yõn máh

cũai táq ranáq Yiang Sursĩ dáng tẽ tẽ máh ramũh cheq ẽ toâq. Yê-su ớn ranẽng án toâq pỡ cúq đõq atõng yõn cúq dáng. ² Tâng tâm sarác nài cúq chĩc tẽ đũ ramũh cúq khoiq hữm chơ. Cúq chĩc atõng parnai tẽ Yiang Sursĩ cóp máh santoiq Yê-su Crĩt atõng yõn cúq dáng. ³ Bõn lứq cũai doc, cũai tamũng, cóp cũai trĩh parnai Yiang Sursĩ atõng saccoaiq, ỉn cúq khoiq chĩc tâng sarác nài. Lứq samoât, máh ranáq nài cheq ẽ toâq chơ.

Parnai Cahan Yõn Tapul Tốp Sa-âm Tâng Cruang Asia

⁴ Cúq cõiq sarác nài yõn tapul tốp sa-âm õt tâng cruang Asia. Cúq sẽq Yiang Sursĩ, Raviei Yiang Sursĩ, cóp Yê-su Crĩt, chuai miat anhia cóp yõn anhia õt bán sũan ien khẽ níc. Yiang Sursĩ la Yiang ca tamoong sanua, cóp tamoong tẽ dâu lứq, cóp toau toâq parsõt. Raviei Yiang Sursĩ õt yáng moat cachõng Yiang Sursĩ tacu, án bữn tapul ngẽ tẽq chuai cũai. ⁵ Yê-su Crĩt la án ca atõng pĩeiq lứq. Án tamoong loah tẽ cuchĩt nhũang النهq tẽ cũai canõh. Cóp án sõt nehq tũh puo tâng cõc cutẽq nài.

Án ayooq lứq hái, cóp án acláh hái tẽ cõt sũl ngẽ sâuq nhơ tẽ aham án. ⁶ Chơ án táq yõn hái cõt muoi cruang, cóp án yõn hái cõt samoât cũai tẽng rit sang Yiang Sursĩ, Mpoaq án. Ống Yê-su Crĩt toáp sõt mantái níc! Cóq hái khẽn án toau sõt đõĩ lờĩ cumo! Amen.

⁷ Tĩh! Anhia nhẽng! Yê-su toâq mpũng dĩ ramúl! Nỡ-ra đũ nác cũai lứq bữn hữm án, đẽh alõĩ ca khoiq choat án hỡ. Cóp đũ tốp cũai õt tâng cutẽq nài lứq nhiam cuclõiq, yuaq alõĩ khoiq táq lờih chõq án. Lứq samoât ngkĩq! Amen.

⁸ Yiang Sursĩ Sốt Toâr Lứq pai neq: “Cứq la plở soi.*” Cứq ốt sanua, cốp cứq ốt tể dâu lứq toau toâq parsốt.”

Yiang Sursĩ Sapáh Baih Tâng Cỗn Bat-mô

⁹ Cứq, Yang, la sễm ai anhia tâng tốp sa-âm. Cứq chiũq túh coat parnoi cốp anhia cỗ tian hái bữn muoi mút cốp Yê-su. Cứq tanhĩr níc, cốp bữn roap ốc bốn tể Yê-su machớng anhia tể. Sanua cứq ốt tử tâng cỗn Bat-mô, cỗ tian cứq khoi q atớng parnai Yiang Sursĩ, cốp cỗ cứq atớng ngê p̄ieiq tể Yê-su. ¹⁰ Tâng Tangái Rlu sang Yiang Sursĩ, Raviei Yiang Sursĩ cốt sốt tâng mút pahôm cứq. Cốp bữn muoi sương atớng caoang lứq yáng clĩ cứq ariang noau plóng lavia. ¹¹ Sương ki ớn cứq neq: “Cóg mới chĩc tâng tâm saráq tể dũ ramứh mới hữm; chơ mới cơiq yỗn tapul tốp sa-âm ốt tâng máh vil neq: Ê-phê-sô, Sami-na, Per-camum, Thia-turo, Sardi, Philadel-phia, cốp Lau-dusia.”

¹² Chơ cứq luliaq nhêng chu clĩ yoc ễ hữm án ca atớng cứq. Cứq hữm tapul lám rông tóu noau táq toâq yểng. ¹³ Cốp cứq hữm ariang manoaq cũai ốt mpứng dĩ tapul lám rông tóu ki. Án sớp au tuar toâq pở ayững, cốp án poac khán yểng sarvác var. ¹⁴ Sóc plở án cloc ariang sóc cừu tở la prễl prĩl; moat án poang trớng ariang ùih bữ. ¹⁵ Ayững án sáh ariang sapoan mbớiq moâm noau tooc. Cốp sương án la samoat riang hổ đợc toâr. ¹⁶ Tâng atĩ atoam, án yống tapul ốc mantỏr. Bữn dau bớc bar coah loỏh tể bỗq án. Cốp mieiq án poang ariang moat mandang cla q catêh toâng. ¹⁷ Toâq cứq hữm án, cứq dóm cheq ayững

án cốt ariang cứq cuchĩt. Ma án satoaq atĩ atoam tâng tở cứq cốp pai neq: “Chỗi ngcõh ntrớu. Cứq ốt tể dâu lứq, cốp cứq ốt toau toâq parsốt. ¹⁸ Cứq la Yiang tamoo ng. Cứq khoi q cuchĩt, ma sanua cứq tamoo ng sốt đỏi lơi cumo. Cứq yống cachũo tể ốc cuchĩt cốp tể nốq bữn raviei cũai cuchĩt ốt. ¹⁹ Ngkĩq, cốp mới chĩc máh ramứh mới khoi q hữm chơ, máh ramứh mới hữm sanua, cốp máh ramứh ca ễ toâq ntun. ²⁰ Sanua cứq atớng raloaih tể tapul ốc mantỏr mới khoi q hữm cứq yống tâng atĩ atoam, cốp tể tapul rông tóu yểng. Tapul ốc mantỏr ki la sacâm tể tapul náq ranểng Yiang Sursĩ ca chuai tâng tapul tốp sa-âm. Cốp tapul rông tóu yểng, la sacâm tể tapul tốp sa-âm ki tể.”

2

Atớng Tốp Sa-âm Tâng Vil Ê-phê-sô

¹ “Cóg mới chĩc yỗn ranểng Yiang Sursĩ tể paloống ca chuai tốp sa-âm tâng vil Ê-phê-sô neq:

“Nâi la parnai tể án ca yống tapul ốc mantỏr tâng atĩ atoam, án tayáh bân mpứng dĩ tapul rông tóu yểng.

² “Cứq dáng chơ máh ranáq anhia táq. Anhia cutóng lứq táq ranáq cứq, cốp anhia tanhĩr níc. Cứq dáng anhia tở ểq cũai loái ốt cốp anhia, cốp cứq dáng anhia khoi q chim máh cũai ca pai alói la ayững atĩ cứq, ma tở bữn lứq. Chơ anhia dáng alói pai lau q sâng. ³ Anhia khoi q tanhĩr sa-ũĩ ramứh túh coat cỗ tian anhia puai ngê cứq. Anhia tở bữn sâng pê pahôm ntrớu. ⁴ Ma noâng bữn muoi ramứh cứq tểq anhia:

* 1:8 1:8 Tâng parnai Créc án pai: “Cứq la al-pha cốp ô-mê-ca.” ‘Al-pha’ la chũq dâu cốp ‘ô-mê-ca’ la chũq parsốt tể máh chũq nỡm tâng parnai Créc.

Anhia tở bữn ayooq noâng cứq ariang anhia khoiq ayooq cứq tễ dâu. ⁵ Cóg anhia chanchóm loah tễ bo léq anhia dóm. Chơ cóq anhia ngin lóih lêq cõt mút tamái. Moâm ki cóq anhia táq o loah machóng anhia khoiq táq tễ dâu lứq. Khân anhia ma tở bữn táq ngkíq, lứq cứq toâq pở anhia, cóp cứq ít rông tóu anhia tễ ntốq án ốt. ⁶ Ma cứq khễn anhia muoi ramúh neq: Anhia kêt máh ranáq cūai Nu-cula táq, machóng cứq kêt tễ.

⁷ “Aléq bữn cutũr yoc ẽ tamúng, ki tamúng máh santoiq Raviei Yiang Sursĩ atõng máh tốp sa-âm! Cūai aléq ma chíl riap máh ngê sâuq, cứq lứq yõn án bữn cha palâi tễ aluang yõn tamoong mantái níc. Aluang ki dâh tâng nưong Yiang Sursĩ tâng paloõng.”

Atõng Tốp Sa-âm Tâng Vil Sami-na

⁸ “Cóg mới chĩc yõn ranẽng Yiang Sursĩ ca chuai tốp sa-âm tâng vil Sami-na neq: Nâi la parnai tễ án ca ốt dâu lứq cóp ốt toâq parsót thág, án khoiq cuchĩt ma tamoong loah.

⁹ “Cứq dâng chơ anhia chiũq máh ốc túh coat, cóp anhia cadĩt lứq. Ma tở bữn ntróu tễ ốc ki, yuaq tâng mút pahõm anhia bữn moang ốc bốn tễ Yiang Sursĩ! Ngkíq anhia sóc lứq. Cứq dâng chơ tễ máh cūai đốq tũn apót anhia. Alóí pai: alóí la cūai I-sarel, ma alóí tở cõn lứq cūai I-sarel; alóí ki puai ngê yiang Satan. ¹⁰ Anhia chõĩ ngcõh tễ máh ramúh túh coat ẽ toâq pở anhia chumát. Nõ-ra yiang Satan ớn noau kháng anhia tâng cuaq tũ. Án yoc ẽ chim anhia. Ma ngư anhia chiũq túh coat la muoi chĩt tangái sâng. Lứq

pai noau cachĩt anhia, cóq anhia sa-âm cứq samoât samoi; chơ cứq yõn anhia bữn cóng* tềq tamoong mantái.

¹¹ “Aléq bữn cutũr yoc ẽ tamúng, ki tamúng máh santoiq Raviei Yiang Sursĩ atõng máh tốp sa-âm! Cūai aléq ma chíl riap máh ngê sâuq, toâq cūai ki cuchĩt, án tở bữn chiũq túh coat tâng pống sarloac.”

Atõng Tốp Sa-âm Tâng Vil Per-camum

¹² “Cóg mới chĩc yõn ranẽng Yiang Sursĩ ca chuai tốp sa-âm tâng vil Per-camum neq: Nâi la parnai tễ án ca bữn muoi pla dau bớc bar coah.

¹³ “Cứq dâng chơ ntốq anhia ốt. Ntốq ki la ntốq yiang Satan cõt puo. Anhia yõng pacái lứq ngê cứq. Bo noau cachĩt Antapa cõ tian án atõng ốc piẽiq tễ cứq, mỗ anhia tở bữn calõih cứq. Lứq noau cachĩt án tâng vil anhia toâp, la ntốq yiang Satan ốt, ma anhia tở bữn táh cứq. ¹⁴ Ma noâng bữn bĩq ramúh cứq ẽ tềq anhia. Muoi la bữn cūai tễ anhia yoc ẽ puai ngê Balam. Tễ mbốq arái Balam atõng puo Balac radũng máh cūai I-sarel táq lóih. Ngkíq alóí cha cõng khoiq noau tutoõng sang rup yiang canõh, cóp alóí mansẽm samiang tở bữn lacuoi cayac bẻq parnoi. ¹⁵ Cóp bar la bữn cūai tễ anhia yoc ẽ puai ngê cūai Nu-cula. ¹⁶ Ngkíq cóq anhia ngin máh lóih ki. Khân tở bữn, cứq lứq toâq toâp pở anhia; chơ cứq chíl alóí ca táq lóih ki na dau bớc bar coah ca loõh tễ bẻq cứq.

¹⁷ “Aléq bữn cutũr yoc ẽ tamúng, ki tamúng máh santoiq Raviei Yiang Sursĩ atõng máh tốp sa-âm! Cūai aléq ma chíl riap

* 2:10 2:10 Tâng parnai Créc án pai: “Cứq yõn anhia bữn vuam.” Vuam ki noau đốq yõn cūai lúh tampling cháĩ hõn tễ canõh.

máh ngê sâuq, cứq lứq chừm siem alóí na mana noau cutooq đốq.† Cóp cứq yỗn alóí bữn tamáu cloc. Tâng tamáu ki khoiq cứq chừc ramứh tamái. Ống cũai ca roap tamáu ki toáp têq dáng ramứh ki. Cũai canốh tở têq dáng.”

Atõng Tõp Sa-âm Tâng Vil Thia-turo

¹⁸ “Cóp mới chừc yỗn ranẻng Yiang Sursĩ ca chuai tởp sa-âm tâng vil Thia-turo neq: Nãi la parnai tẻ Con Yiang Sursĩ, án ca bữn moat poang trỏng ariang ùih blữ, cốp bữn ayửng ariang sapon sáh.

¹⁹ “Cứq dáng chớ máh ranáq anhia táq. Cứq dáng anhia bữn mút pahỏm ayooq, sa-âm, rachuai yỏu, cốp tanhữ ốc túh coat. Cứq dáng anhia táq máh ramứh nãi sa-ữi hỏn tẻ anhia khoiq táq tẻ dẫu. ²⁰ Ma noâng bữn muoi ramứh cứq tẻq anhia. Anhia đốq tamửng parnai mansẻm ramứh Yẻ-sabel, án ca pai án la cũai tang bỏq Yiang Sursĩ. Án atỏng cốp radửng máh cũai táq ranáq cứq, yỗn mansẻm samiang tở bữn lacuoi cayac bẻq parnỏi, cốp án radửng alóí cha cớng noau toỏng sang rup yiang canốh. ²¹ Cứq acoan án ngin kho máh ranáq lỏih án táq, ma án tở ẻq ngin. ²² Ngkítq, nữ-ra cứq táq yỗn án bẻq tâng cachớng túh coat lứq. Máh cũai ca pruum cooc cốp án, khân alóí tở bữn ngin kho lỏih alóí, ki cứq yỗn alóí ramóh tỏiq bap parnỏi cốp mansẻm ki tẻ. ²³ Cứq ẻ cachửt máh con án. Ngkítq nữ-ra dử tởp sa-âm dáng raloaih lứq, cứq la Yiang tutuaiq dáng máh ngê tâng mút pahỏm cũai. Cứq lứq culáh cớng anhia, puai loah máh ranáq anhia khoiq táq.

²⁴ “Ma máh cũai canốh tâng vil Thia-turo ca tở bữn puai ngê sâuq, cốp tở bữn dáng ngê noau đốq ‘ngê cutooq tẻ yiang Satan’, cứq tở bữn ỏn anhia cớq táq ranáq ntrỏu ẻn. ²⁵ Ma cớq anhia yỏng yỗn pacái lứq máh ngê o anhia khoiq bữn chớ, yỗn toau toáq tangái cứq toáq loah pử cutẻq nãi.

²⁶ “Cũai alẻq ma chừl riap máh ngê sâuq cốp táq níc ranáq cứq toau sỏt đỏi án, cứq yỗn cũai ki bữn sỏt máh cruang cutẻq nãi.

²⁷ Cứq yỗn án bữn chớc tẻq pieih padửoiq máh cũai sâuq, samoát án yỏng dửi tac đốq pieih adẻh cutẻq yỗn pacháh prun nheq.

²⁸ Chớc ki la machớng chớc cứq khoiq roap tẻ Mpoaq cứq. Cốp cứq yỗn cũai ki bữn mantỏr pri-ang hử.

²⁹ “Alẻq bữn cutửr yoc ẻ tamửng, ki tamửng máh santỏiq Ravieí Yiang Sursĩ atỏng máh tởp sa-âm!”

3

Atỏng Tỏp Sa-âm Tâng Vil Sardi

¹ “Cóp mới chừc yỗn ranẻng Yiang Sursĩ ca chuai tởp sa-âm tâng vil Sardi neq: Nãi la parnai tẻ án ca yỏng tapul ốc mantỏr, cốp bữn Ravieí Yiang Sursĩ ca bữn tapul ngê tẻq chuai cũai.

“Cứq khoiq dáng chớ máh ranáq anhia táq. Cũai canốh pai anhia puai ngê cứq, ma lứq anhia tở bữn puai. Nãi la samoát riang noau pai anhia tamoong, ma lứq anhia khoiq cuchửt! ² Cóp anhia tamỏ! Amoaih loah ốc o ca anhia noâng bữn tẻ ngê Yiang Sursĩ. Khân anhia tở bữn táq ngkítq, cỏh lỏ ốc ki cớt pứt. Cứq hửm máh ranáq anhia táq la tở yủah pẻiq lứq yáng moat Yiang Sursĩ.

† 2:17 2:17 Tẻ mbỏq Yiang Sursĩ chừm siem cũai I-sarel toáq cớng sana noau amứh mana. Alóí chỏq muoi bẻng tangán cớng ki tâng Híp Parnai Parkhán.

³ Ngkíq, cóq anhia sanhữ loah máh santoiq anhia khoiq sáng cóp noap chơ. Cóq anhia trĩh máh santoiq ki cóp ngin kho lóih anhia. Khàn anhia tở bữn trĩh cóp ngin kho, cóq toâq pở anhia ariang cũai savêng, ma anhia tở bữn dáng bo léc cóq toâq. ⁴ Ma bữn bĩq nác tế tốp anhia tâng vil Sardi, ma tở bữn táq yỗn tampác alóí cõt nhơp. Nỡ-ra, alóí bữn sớp tampác cloc cóp pởq parnoi cóp cóq, yuaq p̄ieiq yỗn alóí bữn ngkíq. ⁵ Cũai aléc ma chĩl riap máh ngê sâuq, nỡ-ra cũai ki bữn sớp tampác cloc machớng alóí ki tê. Cóp cóq tở bữn pupút ramứh cũai ki tế pơ saráq bữn ramứh cũai tamoong mantái. Yáng moat Mpoaq cóq cóp máh ranêng án tâng paloong, cóq ngin cũai ki la cũai cóq.

⁶ “Aléc bữn cutữr yoc ẽ tamúng, ki tamúng máh santoiq Raviei Yiang Sursĩ atởng máh tốp sa-âm!”

Atởng Tốp Sa-âm Tâng Vil Philadel-phia

⁷ “Cóq mới chĩc yỗn ranêng Yiang Sursĩ ca chuai tốp sa-âm tâng vil Phi-ladel-phia neq: Nài la parnai tế án ca bráh o cóp p̄ieiq níc. Án bữn chớc yỗng con cachữo tế puo Davít. Toâq án cloaih toong, tở bữn noau tềq pớh. Cóp toâq án pớh toong, tở bữn noau tềq catáih.

⁸ “Cúq dáng chơ máh ranác anhia táq. Anhia tở bữn sớt ntrớu tâng vil ki, ma anhia khoiq puai ngê cóq cóp sa-âm cóq samoât samoi. Ngkíq, cóq pớh toong yỗn anhia mut, cóp toong ki tở bữn noau tềq catáih. ⁹ Nhềng tíh! Bữn muoi tốp cũai puai ngê yiang Satan. Alóí pai alóí la tế tốp I-sarel, ma alóí tở cữn lứq

cũai I-sarel. Alóí pai sâng. Cúq ẽ táq yỗn alóí sacỏh racỏl cheq ayừng anhia cóp yám noap anhia. Chơ alóí bữn dáng cóq ayooq anhia. ¹⁰ Yuaq anhia chũuq tanhữ sa-ũĩ ramứh đờq puai máh ỏc cóq khoiq patâp anhia, ngkíq cóq tở bữn yỗn anhia ramóh túh coat ntrớu tâng tangái túh coat toâq pở dũ cruang, đờq chim máh cũai ca ỏt tâng cốc cutểq nài. ¹¹ Tở bữn dũn noâng, lứq cóq toâq. Cóq anhia yỗng pacái máh ngê anhia bữn, đờq yiang canỏh tở tềq radừng anhia yỗn táh chíq ngê ki. Khàn anhia táh ngê ki, nỡ-ra anhia ỏq cóng. ¹² Cũai aléc ma chĩl riap máh ngê sâuq, cóq lứq táq yỗn án cõt samoât tanũl tâng đống sang Yiang Sursĩ.* Cóp án tở nai loỏh noâng tế đống sang ki. Cúq ẽ chĩc tâng cũai ki la ramứh Yiang Sursĩ cóq cóp ramứh vil Yiang Sursĩ cóq. Ramứh vil ki la vil Yaru-saleh Tamái. Yiang Sursĩ yỗn vil ki sễng tế paloong. Cóp cóq ẽ chĩc ramứh tamái cóq tâng cũai ki tê.

¹³ “Aléc bữn cutữr yoc ẽ tamúng, ki tamúng máh santoiq Raviei Yiang Sursĩ atởng máh tốp sa-âm!”

Atởng Tốp Sa-âm Tâng Vil Laudusia

¹⁴ “Cóq mới chĩc yỗn ranêng Yiang Sursĩ ca chuai tốp sa-âm tâng vil Lau-dusia neq: Nài la parnai tế án ca bữn ramứh Amen. Anhia tềq noap ít máh santoiq án pai, yuaq án pai ỏc p̄ieiq níc. Án toâp sớt dũ ramứh Yiang Sursĩ khoiq tềng.

¹⁵ “Cúq dáng chơ máh ranác anhia táq. Anhia tở bữn sa-âm cóq samoât samoi, cóp anhia tở bữn táh thánq cóq. Cúq yoc lứq anhia sa-âm samoât samoi tở la tở

* 3:12 3:12 Đống sang Yiang Sursĩ la sacâm tế nheq tốp sa-âm.

bữn sa-âm loâng. ¹⁶ Yuaq anhia
bữn mút catơn-ton, ngkíq anhia
la ariang đởq cutâu ừ-ừ sâng.
Đởq ki cứq pruih tễ bởq cứq.
¹⁷ Cứq sâng anhia pai neq: ‘Hếq
khoiq sốc bữn chơ. Tở bữn ốq
ntróu noâng. Hếq thương lứq.’

“Ma anhia tở bữn dáng anhia la
tỏiq bap, túh cadit, sũt moat, cốp
õt mu rariat. ¹⁸ Cứq atởng anhia
neq: Cỏq anhia chỡng yểng muoi
chít tễ cứq. Ngkíq anhia lứq cõt
sốc bữn. Cỏq anhia chỡng tampác
cloc tễ cứq yỏn anhia sốp, chơ
anhia tở bữn õt mu rariat, cốp tở
bữn sâng casiet táq noâng. Cốp
cỏq anhia chỡng rahâu tễ cứq,
đỏq atia tâng moat anhia. Chơ
moat anhia cõt blang loah. ¹⁹ Mách
cũai cứq ayooq, ki cứq sươq cốp
manrap alóí. Ngkíq, cỏq anhia
bữn mút pahỏm ể áiq lứq yoc
ể sa-âm, cốp cỏq anhia ngin lỏih.
²⁰ Sanua cứq õt tayứng yáng tiah
ngoah toong, cốp cứq arô yoc ể
mut đổng anhia. Khân bữn cũai
aléq ma sâng sương cứq, chơ pớh
yỏn cứq mut, ki cứq mut cha
parnỏi cốp án, cốp án cha parnỏi
cốp cứq. ²¹ Cũai aléq ma chíl
riap máh ngê sằuq, cứq yỏn cũai
ki tacu parnỏi cốp cứq tâng ntỏq
cứq sốt, machớng cứq khoiq chíl
riap máh ngê sằuq, chơ cứq bữn
tacu parnỏi cốp Mpoaq cứq tâng
ntỏq án sốt.

²² “Aléq bữn cutừ yoc ể
tamứng, ki tamứng máh santỏiq
Raviei Yiang Sursĩ atởng máh tốp
sa-âm!”

4

Ntỏq Yiang Sursĩ Tacu Cõt Sốt Tâng Paloỏng

¹ Vót ki cứq hữm muoi ngoah
toong noau pớh tâng paloỏng.
Chơ cứq sâng muoi sương casang
lứq ariang noau plỏng lavia,

machớng cứq khoiq sâng tễ
nhũang chơ. Sương ki atởng cứq
neq: “Mớí chỏn pở nài. Cứq ể
yỏn mớí hữm máh ranáq ể toáq
nỡ-ra.”

² Bo ki toáp Raviei Yiang Sursĩ
cõt sốt tâng mút pahỏm cứq.
Chơ cứq hữm muoi cachớng puo
đỏq tacu tâng paloỏng. Cốp
cứq hữm manoaq õt tacu tâng
cachớng ki. ³ Roáp án claq poang
samoát poang claq tễ tamáu moat
lứq, ramứh yat-pít cốp sardian.
Cốp bữn parẻng cáng claq chũop
ntỏq án tacu. Parẻng cáng nài
la samoát tamáu ramứh samar-
danô. ⁴ Ớt mpẻ cachớng puo tacu
bữn bar chít la pỏn lám cachớng
canỏh ển. Cốp bữn bar chít la
pỏn náq arieih thâu õt tacu tâng
cachớng ki. Alóí sốp tampác cloc,
cốp tapứng vuam yểng. ⁵ Tễ ntỏq
puo tacu bữn lalieiq cốp sương
samoát sương crứm. Cốp bữn
tapul lám tabong blữ trỏng yáng
moat ntỏq puo tacu. Tapul lám
tabong ki la tapul ngê Raviei Yiang
Sursĩ chuai cũai. ⁶ Yáng moat
ntỏq puo tacu, cứq hữm kẻng
la-a riang đởq mut, cốp raloang
lứq. Bữn pỏn lám charán õt mpẻ
ntỏq puo tacu. Pỏn lám charán
ki bữn sa-ủi moat, yoah moat cốp
yoah cũ. ⁷ Charán muoi la ariang
cula samín. Charán bar la ariang
ntroỏq con. Charán pái bữn mieiq
ariang cũai. Cốp charán pỏn la
ariang chỏm calang crức. ⁸ Dù
pỏn lám charán ki bữn tapoát lám
khlap. Cốp tâng khlap alóí bữn
sa-ủi moat, yoah tiah cốp yoah
clỏng khlap. Tangái sadâu alóí tở
nai tangút pai neq:

“Bráh o, bráh o, bráh o lứq
la Yiang Sursĩ Sốt Toár Lứq.

Án la Yiang ca tamoong mantái,
tễ đầu toáq sanua, cốp toau
sốt nheq dữ đỏi.”

9 Bo pǎn lám charán ki khěnh, yám noap, cǒp sa-ǎn án ca tacu tâng cachǒng puo, la án ca tamoong mantái níc, 10 bo ki arieih thâu bar chít la pǎn náq ki sacǒh racól yáng moat án ca tacu tâng cachǒng puo, cǒp alóí sang toam án ca tamoong mantái níc. Alóí pǔot carvang vuam yěng tể plǎ alóí, chơ achúh đǒq bân ntǒq puo tacu. Cǒp alóí pai neq:

11 “Cucǒh Yiang Sursĩ, Ncháu hếq ǒi!

Lứq pǐeiq hếq khěnh anhia cǒp yám noap anhia;

cǒp lứq pǐeiq anhia sǒt đũ ramúh.

Yuaq anhia toáp khoiq tểng đũ ramúh.

Đũ ramúh ki lứq bữn cǒ anhia toáp ểq yǎn bữn ngkíq.”

5

Cừu Con Ca Cuchit Tang Mách Cũai

1 Moâm ki cứq hữm án ca tacu tâng cachǒng puo yǎng muoi parnĩal choaiq tâng aĩ atoam. Noau chĩc bar coah parnĩal choaiq ki, cǒp noau catếh ta tapul ntǒq. 2 Cứq hữm muoi ranểng Yiang Sursĩ ca bán rêng lứq. Án blóh casang lứq neq: “Noau bữn chóc tềq cadǒh tểc ta nái, chơ pǒh parnĩal choaiq nái?”

3 Ma tở bữn noau ǒt tâng paloǎng, tở la ǒt tâng cutểq, tở la ǒt tâng pũn cutểq, mǎ tềq pǒh cǒp nhêng tâng clǒng parnĩal ki. 4 Cứq nhiam níc yuaq tở bữn noau bữn chóc tềq pǒh cǒp nhêng tâng clǒng parnĩal ki. 5 Chơ bữn manoaq tể tǒp arieih thâu ki atǒng cứq neq: “Chỗi nhiam. Nhêng chu ki! Bữn Cula Samín tể tǒp Yuda, cǒp tể tǒng toiq puo Davít, án khoiq riap ngê sấuq chơ. Tềq án cadǒh chíq tapul tểc catếh ta, cǒp pǒh parnĩal ki.”

6 Cứq pĩh nhêng, chơ cứq hữm muoi lám Cừu Con tayǎng bân mpǎng dĩ cheq cachǒng puo tacu. Pǎn lám charán cǒp máh arieih thâu ǒt mpêh án. Cừu Con ki la samoat noau khoiq cachit án. Án bữn tapul lám tacoi cǒp tapul ǒc moat. Moat án sacám tể tapul ngê Raviei Yiang Sursĩ chuai cũai. Yiang Sursĩ khoiq yǎn Raviei án loǎh chuai cũai chũop cǒc cutểq nái. 7 Cừu Con ki pǒq ỉt parnĩal saráq ki tể aĩ atoam án ca tacu tâng cachǒng puo. 8 Bo án ỉt parnĩal, pǎn lám charán cǒp bar chít la pǎn náq arieih thâu sacǒh racól yáng moat Cừu Con ki. Cǒp đũ náq alóí bữn manoaq muoi lám achúng, cǒp manoaq muoi bểng tangan yěng. Tangan ki poân moang cǒng phuom. Cǒng phuom ki la máh santoiq cũai puai ngê Yiang Sursĩ khoiq câu. 9 Cǒp đũ náq alóí ỉat cansái ỉat tamái neq:

“Pǐeiq lứq anhia roap ỉt parnĩal choaiq ki.

Cǒp pǐeiq lứq anhia cadǒh tểc noau khoiq catếh ta cǒp pǒh parnĩal ki.

Yuaq anhia khoiq noau cachit chơ.

Cǒp aham anhia loǎh đǒq thái máh cũai yǎn tềq ǒt parnoi cǒp Yiang Sursĩ.

Anhia thái cũai tể đũ tǒp, đũ parnai,

đũ thữ cũai, cǒp đũ cruang.

10 Anhia khoiq táq yǎn cũai ki cǒt muoi cruang.

Alóí cǒt cũai tểng rit sang Yiang Sursĩ.

Cǒp nỡ-ra alóí bữn cǒt sǒt tâng cǒc cutểq nái.”

11 Bo cứq nhêng, cứq sâng sường ranểng Yiang Sursĩ toáq ǒc vêu tở rơi noap noâng. Alóí ǒt pể cachǒng puo tacu, pể pǎn lám

charán, cớp pẽr máh arieih thâu.
 12 Nheq tũh ranẽng ki pai casang
 lứq neq:

“Pĩeiq lứq noau yám noap, noau
 khẽn,
 cớp noau sa-õn Cũu Con ca
 noau khoiq cachĩt,
 yuaq án bũn chóc, bũn sốc bũn,
 bũn ốc rangoaiq, bũn ốc
 rêng,
 bũn noau yám noap, bũn
 ang-ũr, cớp bũn noau
 khẽn!”

13 Cớp cớq sâng dũ ramứh ca õt
 tâng paloõng, õt tâng cốc cutẽq,
 õt tâng pũn cutẽq, õt tâng đớq
 mut, cớp dũ ramứh canõh hờ,
 máh ramứh Yiang Sursĩ khoiq
 tẽng chơ. Nheq tũh ramứh ki pai
 neq:

“Cớq hái khẽn cớp yám noap níc
 án ca tacu tâng cachơng puo
 cớp Cũu Con ki.

Án bũn chóc ang-ũr cớp án cõt sớt
 tẽ sanua,

toau sớt dõr lơi cumo.”

14 Chơ, pồn lám charán ki pai
 neq: “Amen!”

Cớp máh arieih thâu ki sacõh
 racól cớp sang toam án.

6

*Cũu Con Cadõh Tapoát Tęc
 Tâng Parnĩal Choaiq*

1 Vót ki cớq hũm Cũu Con ki
 cadõh tęc muoi ca noau khoiq
 catẽh ta tâng parnĩal choaiq ki.
 Cớp cớq sâng muoi lám tẽ alớ
 pồn lám charán ki arô cớq neq:
 “Mới toaq pờ nãi!”

Sương án la samoát crứm
 bubũr. 2 Cớq nhêng chu ki,
 chơ cớq hũm muoi lám aséh
 cloc. Cũai ca õt tâng cloong aséh
 ki yống muoi lám tamĩang, cớp
 noau yõn án bũn vuam puo cõt
 tęc án khoiq chĩ riap. Chơ án
 pợq, cớp dũ ntốq án pợq, la án
 chĩ riap níc.

3 Chơ, cớq hũm Cũu Con ki
 cadõh tęc bar ẽn, cớp cớq sâng
 charán bar atõng cớq neq: “Mới
 toaq pờ nãi!”

4 Bũn muoi lám aséh cusâu ẽn
 toaq. Cũai ca õt tâng cloong aséh
 ki bũn chóc tẽq táq yõn máh cũai
 tâng cốc cutẽq nãi manoaq rachĩl
 ratáq manoaq, manoaq carchĩt
 manoaq. Cớp noau yõn án bũn
 muoi pla dau toar lứq.

5 Chơ Cũu Con ki cadõh tęc
 pái ẽn, cớp cớq sâng charán pái
 atõng cớq neq: “Mới toaq pờ
 nãi!”

Cớq nhêng chu ki, chơ cớq hũm
 muoi lám aséh cũm. Án ca õt
 tâng cloong aséh ki yống muoi
 lám canãn. 6 Cớp cớq sâng muoi
 sương toaq tẽ pồn lám charán
 ki pai neq: “Mới yõn saro mi
 ớng muoi cruo cacót sâng la cớng
 cũai tuthẽ muoi tangái. Cớp mới
 yõn saro bali ớng pái cruo cacót
 sâng la cớng cũai tuthẽ tâng muoi
 tangái tẽ. Ma chõĩ talõh đờq
 nsêng o-li-vê, cớp chõĩ talõh blõng
 nho!”

7 Chơ Cũu Con ki cadõh tęc pồn
 ẽn, cớp cớq sâng charán pồn ki
 atõng cớq neq: “Mới toaq pờ
 nãi!”

8 Cớq nhêng chu ki, chơ cớq
 hũm muoi lám aséh roõh-roõh.
 Án ca õt tâng cloong aséh ki
 bũn ramứh Ốc Cuchĩt, cớp bũn
 manoaq ẽn puai ntun clĩ Ốc Cuchĩt
 ki. Manoaq ki bũn ramứh Ntốq
 Cũai Cuchĩt Ồt. Noau yõn bar nác
 ki bũn chóc cachĩt cũai, muoi pũn
 tẽ pồn pũn tẽ máh cũai õt tâng cốc
 cutẽq nãi. Án ca cuchĩt na dau.
 Án ca cuchĩt na panhieih khlac.
 Án ca cuchĩt na a-ĩ õn. Án ca
 cuchĩt na charán pla tâng arũih.

9 Chơ Cũu Con ki cadõh tęc
 sỡng ẽn. Cớq hũm pũn prỏng
 sang tâng paloõng bũn ravieĩ máh
 cũai noau khoiq cachĩt cõ tian alớ

sa-âm parnai Yiang Sursĩ, cốp cổ tian alóĩ atõng parnai ki. ¹⁰ Alóĩ arô casang lứq neq: “Ơ Yiang Sursĩ Ncháu Nheq Tũh Cũai ời! Anhia la lứq bráh o cốp anhia táq p̄ieiq níc! Noâng maléq dũn anhia acoan toau toâq anhia rablớh cũai tâng cốc cutêq nâi? Cốp noâng maléq dũn anhia carláh đờq chóq máh cũai khoiq cachĩt hếq?”

¹¹ Chơ noau yõn dũ náq cũai ki manoaq muoi ploah au tuar cloc, cốp noau atõng alóĩ neq: “Cóq anhia acoan bĩq tangái ễn, yõn toau toâq cuchĩt nheq máh sễm ai cốp yóu anhia ca ễ cachĩt machớng anhia tê.”

¹² Chơ cừq hữm Cừu Con ki cadõh tếc tapoat ễn. Chơ cutêq cõt cacurt hập lứq; moat mandang cõt canám ariang aroaiq cũm catáng chíq; cốp rliang casái cõt cusâu ariang aham. ¹³ Chơ máh mantõr tâng paloõng satooh chu cutêq, ariang palâi aluang satooh toâq cuyal phát ploaq nỡm án. ¹⁴ Paloõng cõt pút ariang choaiq noau p̄ial đờq. Dũ plở cóh cốp dũ cõn cõt rachâu, chơ rasíc chu canõh ễn. ¹⁵ Chơ máh puo tâng cutêq nâi, máh cũai sớt canõh, máh cũai sớt tahan, máh cũai sớt bữn, máh cũai chớq toâr, máh cũai sũl, cốp máh cũai tở bữn sũl, dũ náq alóĩ tooq tâng cụp cốp tâng pũn tamáu tâng cóh. ¹⁶ Alóĩ arô cóh cốp tamáu toâr, pai neq: “Ấu, satooh catết tở hếq yõn cõt clõp chíq tễ moat án ca tacu tâng cachớng puo! Cốp yõn hếq viaq tễ atĩ Cừu Con ca cutâu mút chóq hếq, ¹⁷ yuaq khoiq toâq chơ tangái carláh đờq. Tở bữn noau tềq viaq vót tễ atĩ alóĩ!”

7

Muoi Culám Põn Chít La Põn Ngìn Náq Cũai I-sarel

¹ Vót ki, cừq hữm põn náq ranẽng Yiang Sursĩ tayúng tâng põn pứp paloõng cutrúq, manoaq muoi pứp. Alóĩ catáng cuyal ca toâq tễ põn angia, tở yõn phát noâng tâng cutêq, tở la tâng đờq mút, tở la tâng aluang aloai. ² Cốp cừq hữm muoi ranẽng ễn toâq tễ angia mandang loõh. Án yõng cớng táq tếc yõn noau dáng cũai aléq la khong Yiang Sursĩ, án ca tamooing mantái. Ranẽng ki arô casang lứq põn náq ranẽng ca Yiang Sursĩ yõn bữn chớq talõh cốc cutêq cốp đờq mút. ³ Án atõng põn ranẽng ki neq: “Chõĩ táq ntróu yũah chóq cốc cutêq, tở la đờq mút, tở la aluang aloai yõn toau toâq hếq bữn táq tếc Yiang Sursĩ tâng caliac máh cũai táq ranáq Yiang Sursĩ hái.”

⁴ Cốp cừq sâng noau pai máh cũai bữn tếc ki la 144,000 náq. Alóĩ ki la tễ muoi chít la bar tốp cũai I-sarel. ⁵ Tễ tốp Yuda bữn 12,000 náq. Tễ tốp Ruben bữn 12,000 náq. Tễ tốp Cát bữn 12,000 náq. ⁶ Tễ tốp Asêr bữn 12,000 náq. Tễ tốp Nep-tali bữn 12,000 náq. Tễ tốp Ma-nasê bữn 12,000 náq. ⁷ Tễ tốp Si-mê-ôn bữn 12,000 náq. Tễ tốp Lê-vi bữn 12,000 náq. Tễ tốp I-sacar bữn 12,000 náq. ⁸ Tễ tốp Sa-bulôn bữn 12,000 náq. Tễ tốp Yô-sep bữn 12,000 náq. Cốp tễ tốp Ben-yamin bữn 12,000 náq.

Chứng Cũai Noau Tở Têq Noap

⁹ Vót ki cừq nhêng, chơ cừq hữm chứng lứq cũai, tở rơi nghĩ noâng. Alóĩ toâq tễ dũ cruang, dũ tốp, dũ thữ cũai, cốp dũ parnai. Alóĩ tayúng yáng moat cachớng puo tacu, cốp yáng moat Cừu Con. Alóĩ sớq au tuar cloc, cốp alóĩ yõng ngocong po. ¹⁰ Alóĩ arô casang lứq neq: “Yiang Sursĩ hái, án ca tacu tâng cachớng puo,

cóp Cũu Con ki, alóí toáp chuai amoong háí!”

¹¹ Ngíqíq nheq tũh ranẽng Yiang Sursĩ õt tayúng mpẽr cachơng puo tacu, mpẽr máh arieih thâu cóp pỏn lám charán. Chơ nheq tũh ranẽng ki sacỏh racỏl yáng moat cachơng puo tacu, cóp alóí sang Yiang Sursĩ, pai neq: ¹² “Amen! Cóp háí khẻn cóp sa-ỏn Yiang Sursĩ háí, yuaq án bữn chỏc, bữn rẻng, cóp bữn ỏc rangoaiq. Yỏn nheq ramứh sỏt toáp pỏ án toau sỏt đỏi lời cumo! Amen!”

¹³ Chơ bữn manoaq tẻ máh arieih thâu ki blỏh cúq neq: “Củai ca sỏp au tuar cloc ki la noau? Cóp tẻ léq alóí toáp?”

¹⁴ Cúq ta-ỏi án neq: “Ncháu ời! Ớng Ncháu toáp dáng tẻ ramứh ki.”

Chơ án atờng cúq neq: “Nài la máh củai khoiẻ chửuẻ túh coat lứq bo alóí ớt tâng cỏc cutẻq. Alóí khoiẻ pooh au tuar alóí yỏn cỏt cloc lứq. Cỏ nhẻ tẻ aham Cũu Con ki, au tuar alóí cỏt cloc. ¹⁵ Yuaq ngíqíq, alóí ớt tayúng yáng moat Yiang Sursĩ đỏq táq ranáo án cu rangái cu sadâu tâng đổng sang án. Án ca tacu tâng cachơng puo lứq kĩaq rabán níc alóí. ¹⁶ Alóí tở nai sảng panhieih khlac; cóp moat mandang tở nai claẻ rẻng lứq chỏq alóí, tở la ủih táq yỏn alóí sảng a-ỉ, ¹⁷ yuaq Cũu Con ca ớt yáng moat cachơng puo tacu chửm siem alóí. Án toáp cỏt mantán alóí, cóp đửng alóí toáp pỏ đỏq mec yỏn tamooong. Cóp Yiang Sursĩ chut sarliang moat alóí.”

8

Cũu Con Cadỏh Chẻq Tẻc Tapul

¹ Bo Cũu Con cadỏh tẻc tapul tâng parnỉal choaiẻ ki, cỏt rangiac ra-ỉap thảng tâng paloỏng

mán chửn muoi adẻh đỏi. ² Chơ cúq hửm noau avỏi tapul lám lavia pỏ tapul náq ranẽng Yiang Sursĩ ca tayúng yáng moat án.

³ Muoi ranẽng ẻn toáp tayúng cheq prỏng sang Yiang Sursĩ. Án yỏng muoi adẻh yẻng cacỏt, cóp noau yỏn án bữn cởng phuom sa-ủi lứq đỏq chiau sang yỏn Yiang Sursĩ tâng prỏng yẻng ca ớt yáng moat cachơng puo tacu. Án sang cởng phuom ki parnỏi cóp máh santiago củai ca puai ngẻ Yiang Sursĩ khoiẻ câu. ⁴ Phẻac tẻ cởng phuom tâng adẻh ranẽng ki yỏng yáng moat Yiang Sursĩ, phẻac ki chỏn muoi prỏh cóp máh santiago củai ca puai ngẻ Yiang Sursĩ câu sẻq. ⁵ Chơ ranẽng ki ỉt ủih tẻ prỏng, cóp án chỏq ủih ki tâng adẻh. Moâm ki, án voang adẻh chu cutẻq. Chơ bữn crửm cóp sường canỏh bubửr; bữn lalieiq, cóp cutẻq cacut.

Tapul Ranẽng Yiang Sursĩ Plỏng Lavia

⁶ Chơ tapul náq ranẽng tẻ paloỏng ca bữn tapul lám lavia, alóí thrũan plỏng lavia. ⁷ Ranẽng muoi plỏng lavia án. Chơ bữn prẻl cóp ủih carchỏc cóp aham sẻng chu cỏc cutẻq. Chơ cat muoi pún tẻ pái pún cỏc cutẻq, cóp cat tẻ muoi pún tẻ pái pún máh aluang aloai. Cóp máh bát bai tâng cỏc cutẻq la cat nheq.

⁸ Moâm ki, ranẽng bar ẻn plỏng lavia án. Chơ cúq hửm ariang cỏh toár blử ủih noau apỏng chu đỏq mựt. Chơ muoi pún tẻ pái pún đỏq mựt cỏt sỏmỏt aham.

⁹ Máh acán tamooong tâng đỏq mựt, cuchửt muoi pún tẻ pái pún. Cóp máh tuoc tâng đỏq mựt, cỏt rúng ralỏh muoi pún tẻ pái pún.

¹⁰ Moâm ki ranẽng pái ẻn plỏng lavia án. Chơ cúq hửm

muoi ọc mantõr toâr lứq blũr samoât aroam. Mantõr ki satooh tẽ paloõng p̄ieiq muoi pún tẽ pái pún dõq hoi cõp dõq mec.

¹¹ Ramúh mantõr ki la Crong Ntáng. Ngkíq, muoi pún tẽ pái pún dõq ki cõt ntáng. Clúng cũai nguaiq dõq ki cõt cuchĩt, yuaq dõq ki ntáng lứq.

¹² Moâm ki ranẽng p̄n ẽn plóng lavia án. Chơ moat mandang, rliang casâi, cõp máh mantõr, cõt rúng muoi pún tẽ pái pún. Ngkíq poang tangái, cõp poang sadâu, la cõt canám muoi pún tẽ pái pún.

¹³ Toâq cúq nhêng, chơ cúq sâng sường muoi lám calang crúc pâr sarõih lứq tâng paloõng. Án pai casang lứq neq: “Bap lứq! Bap lứq! Bap lứq yõn máh cũai tâng cõc cutêq, cõ bũn pái nác ranẽng ẽn plóng lavia alói!”

9

¹ Moâm ki ranẽng sỡng ẽn plóng lavia án. Chơ cúq hũm muoi ọc mantõr khiq satooh tẽ paloõng chu cutêq. Mantõr nâi bũn chóc tẽq p̄h ntõq p̄ng sarloac. ² Bo mantõr ki p̄h p̄ng sarloac, bũn phĩac suol achõn chu paloõng, samoât phĩac tẽ ùih toâr lứq. Chơ tỡ tẽq hũm noâng poang tẽ moat mandang, cõ tian phĩac tẽ p̄ng sarloac ki. ³ Cõp bũn sampứh lam sa-ũi lứq loõh tẽ phĩac cõp sỡng chu cutêq. Lam ki bũn chóc táq machóng p̄ng cutiang. ⁴ Noau ón lam ki chõĩ táq rúng bát bai, tỡ la aluang aloai, tỡ la máh crong dát tâng cutêq. Ma tẽq án táq máh cũai ca tỡ bũn bũn tẽc Yiang Sursĩ tâng caliac. ⁵ Máh lam ki tỡ tẽq táq yõn cũai cuchĩt tháng, ma tẽq án táq yõn cõt a-ĩ túh coat nheq sỡng casâi.

A-ĩ ki la samoât p̄ng cutiang sũiq cũai. ⁶ Tâng sỡng casâi ki, cũai chi-chuaq rana ẽq yõn cuchĩt ma alói tỡ ramóh. Alói yoc lứq cuchĩt, ma ọc cuchĩt tỡ bũn toâq p̄r alói.

⁷ Máh lam ki la samoât t̄p aséh khiq thrũan ẽ p̄q rachĩl. Mieiq án la samoât mieiq cũai; ma tâng pl̄r án samoât án tapung vuan yẽng. ⁸ Sóc án samoât sóc mansẽm, cõp canẽng án samoât canẽng cula samín. ⁹ Tâng ap̄m án la samoât án sớp au tac. Cõp khlap án bubũr samoât riang sẽ aséh rachĩl p̄q cháĩ lứq chu ntõq rachĩl. ¹⁰ Máh lam ki bũn soi ariang soi p̄ng cutiang, tẽq sũiq cũai. Án bũn chóc táq cũai toâq soi án nheq sỡng casâi. ¹¹ Sapứh lam ki bũn puo ca sõt án. Puo ki la ranẽng ca ndõm ntõq p̄ng sarloac. Tâng parnai I-sarel noau dõq ramúh puo ki la A-badôn. Cõp tâng parnai Créc, noau dõq ramúh A-pulôn.*

¹² Ngkíq, ramúh túh coat nhũang ki khiq vót chơ. Ma noâng bũn bar ramúh túh coat ẽn ẽ toâq p̄r cũai.

¹³ Moâm ki ranẽng tapoât ẽn plóng lavia án. Chơ cúq sâng sường loõh tẽ p̄n nhoq p̄ng yẽng yáng moat Yiang Sursĩ. ¹⁴ Sường ki atõng ranẽng tapoât ca yõng lavia neq: “Cõq mới p̄q acláh p̄n nác ranẽng ca noau khiq chõq dõq tâng tor crõng O-phơ-rat!”

¹⁵ Chơ noau acláh p̄n ranẽng ki. Ranẽng ki khiq õt acoan ẽq yõn toâq tangái, casâi, cõp cumo nâi, yõn alói tẽq p̄q cachĩt cũai muoi pún tẽ pái pún ca õt tâng cutêq.

¹⁶ Ranẽng ki dũng tahan õt aséh p̄q rachĩl. Cũq sảng noau pai

* 9:11 9:11 Bar santoiq A-badôn cõp A-pulôn parlong loah la ‘Án Ca Talõh’.

tahan ki chững bar culám triêu náq. ¹⁷ Cóp noau sapáh yõn cứq hữm cũai cóp aséh ki. Cũai ki sớp au tac tâng aơm alóí. Au tac ki cusâu ariang pla ùih, ramoong, cóp rariaq hõ. Plõ aséh ki la samoât plõ cula samín. Cóp bữn ùih, phiác, cóp mữ loõh tẽ bõq aséh ki. ¹⁸ Máh cũai tâng cõc cutẽq, muoi pún tẽ pái pún cuchĩt toâq ùih, tở la phiác, tở la mữ ca loõh tẽ bõq aséh ki. ¹⁹ Máh aséh ki bữn bar ramúh pla tẽq cachĩt cũai. Muoi la bõq, cóp bar la soi, yuaq soi án bữn plõ ariang cusân.

²⁰ Ma máh cũai tở bữn cuchĩt cõ tian túh coat ki, noâng alóí tở ẽq ngin kho máh ranáq lôih atĩ alóí khoiq táq. Alóí noâng sang yiang sâuq cóp rup yiang canõh ca alóí táq toâq yẽng, práq, sapoan, tamáu, cóp aluang. Ma máh rup ki tở tẽq hữm, tở tẽq sâng, cóp tở tẽq pupõq. ²¹ Máh cũai ki tở bữn ngin lôih alóí cachĩt cũai, alóí puai ngê cũai mo, alóí tở bữn lacuoi cayac ma bẽq parnoi, cóp alóí tutuoiq.

10

Yang Cha Muoi Pơ Parnĩal Cót

¹ Vót ki cứq hữm muoi noaq ẽn ranẽng Yiang Sursĩ sẽng tẽ paloõng. Án bán rêng lứq, cóp án acuam ramúf. Bữn prẽng cáng rayư plõ án. Mieiq án la ariang moat mandang, cóp ayũng án la ariang ùih blữ. ² Tâng atĩ án yõng parnĩal choâiq cacót, khoiq noau pớh chơ. Án achúh ayũng coah atoam tâng đõq mut, cóp ayũng coah avêr tâng cloong cutẽq. ³ Án arô casang lứq samoât sường cula samín arư. Vót án arô ngkíq, bữn crũm bubữr tapul trõ casang lứq. ⁴ Moâm crũm bubữr, cứq chanchõm ẽ chĩc máh santoiq sường crũm bubữr. Ma cứq sâng

muoi sường tẽ paloõng atõng cứq neq: “Chõĩ chĩc máh ramúh ki! Cóp mới cutooq đõq máh santoiq tapul trõ crũm ki pai!”

⁵ Chơ cứq hữm ranẽng ca tayũng tâng đõq mut cóp tâng cutẽq ayũng atĩ atoam chu paloõng. ⁶ Cóp án thể đũan talẽq ramúh Yiang Sursĩ ca tamoong mantái níc, án ca tẽng paloõng cóp đũ ramúh tâng ki, tẽng cutẽq cóp đũ ramúh tâng ki, tẽng đõq mut cóp đũ ramúh tâng ki. Ranẽng ki pai neq: “Péq chơ! Yiang Sursĩ tở bữn acoan noâng! ⁷ Toâq ranẽng tapul ki plóng lavia án, Yiang Sursĩ táq moâm máh ranáq cutooq án khoiq chanchõm ẽ táq. Ranáq nài án khoiq atõng nhũang yõn máh cũai tang bõq ca táq ranáq án.”

⁸ Moâm ki, sường ca khoiq atõng cứq tẽ paloõng, atõng cứq sĩa neq: “Cóp mới pớq ít parnĩal choâiq khoiq noau pớh chơ tẽ atĩ ranẽng ca tayũng tâng đõq mut cóp tâng cutẽq.”

⁹ Chơ cứq pớq toâq pữ ranẽng ki, cóp cứq sẽq tẽ án parnĩal choâiq cacót ki. Ranẽng ki atõng cứq neq: “Âu mới ít! Chơ mới cha! Bõq mới sâng ngiam lứq, samoât đõq khĩal, ma púng mới sâng a-ĩ, cõt ariang mới cha crơng ntáng.”

¹⁰ Chơ cứq ít parnĩal choâiq cacót tẽ atĩ ranẽng ki, cóp cứq cha. Tâng bõq cứq sâng ngiam, samoât đõq khĩal. Ma moâm cứq lưn, cứq sâng a-ĩ tâng púng, cõt ariang cứq cha crơng ntáng.

¹¹ Chơ ranẽng ki atõng cứq neq: “Cóp mới pớq atõng tang bõq Yiang Sursĩ máh parnai án ẽ atõng tẽ sa-ũĩ tốp cũai, sa-ũĩ cruang, sa-ũĩ parnai, cóp sa-ũĩ puo.”

11

Bar Náq Ca Cuchit Cóp Tamoon Loah

¹ Moâm ki noau yõn cứq muoi ntreh aluang, chơ ớn cứq neq: “Mới pởq chiaq đống sang Yiang Sursĩ cóp prông ca ốt tâng đống ki toâq aluang nâi. Cóp mới nghĩ maléq chững cũai rôm sang toam tâng đống ki. ² Ma máh nchõh yáng tiah đống sang, ki mới chõi chiaq, yuaq ntóq ki noau yõn cũai tở cõn cũai I-sarel têq mut. Nờ-ra cũai ki cõt sớt tâng vil Yaru-salem, la vil miar khong Yiang Sursĩ, nheq pỏn chít la bar casâi. ³ Tâng 1,260 tangái, cứq ớn bar náq pởq pở ki, đõq atõng tể ngê Yiang Sursĩ. Bar náq nâi tác tampác tanúh.”

⁴ Alói bar náq ca atõng parnai ki la samoât bar nỡm aluang o-li-vê cóp samoât bar rông tóu noau đõq yáng moat án ca Ncháu cốc cutêq nâi. ⁵ Khân bữn cũai aléq ma yoc ẽ táq bar náq ki, bữn ùih loõh tể bõq alói bar náq đõq cachit cũai ca yoc ẽ táq alói. Ngkíq, cũai aléq ma ẽ táq alói bar náq, cũai ki cóq cuchit na ùih. ⁶ Alói bar náq ki bữn chớq têq catáng đõq mia, tở yõn mia sễng noâng tâng máh tangái alói atõng tể ngê Yiang Sursĩ. Alói bữn chớq têq táq yõn đõq cõt chíq aham. Cóp alói bữn chớq têq ớn dũ ramúh túh coat toâq pở cốc cutêq nâi puai pahõm alói yoc.

⁷ Toâq nheq ngư alói bar náq ki atõng tể ngê Yiang Sursĩ, bữn muoi lám charán pla chõn tể pốq sarloac rachít cóp alói bar náq ki. Charán pla ki ẽ chíp riap cóp cachit alói. ⁸ Chơ tở alói radốc tâng rana put tâng vil toâr ca noau khoiq téh Ncháu alói tâng aluang sangcáng. Vil ki la vil Yaru-salem, ma Raviei Yiang Sursĩ

đõq vil ki la Sadôm cóp Ê-yip-tô, yuaq ranáq cũai tâng vil ki táq tở bữn pieiq yáng moat Yiang Sursĩ. ⁹ Bữn cũai tể dũ thữ cũai, dũ tốp cũai, dũ parnai cũai, cóp dũ cruang cũai, nheq tữh alói lứq hữm tở bar náq ki nheq pái tangái tadĩ. Cóp alói tở yõn noau tữp cumuiq bar náq ki. ¹⁰ Máh cũai tâng cốc cutêq nâi sâng bũi óh lứq tữ bar náq ki cuchit. Alói cha pêl bũi, cóp manoaq yõn crong bũi chu manoaq, yuaq máh cũai tâng cốc cutêq nâi khoiq chíuq sa-ũĩ ramúh túh coat cõ tian bar náq cũai tang bõq Yiang Sursĩ ki.

¹¹ Toâq vớt pái tangái tadĩ ki, bữn carhõ tể Yiang Sursĩ mut tâng tở bar náq ki. Chơ alói tamoon loah cóp yuor tayúng. Máh cũai ca hữm óc ki, alói sâng ngcõh lứq. ¹² Chơ bar náq ki sâng sường casang lứq tể paloõng atõng alói neq: “Anhia chõn pở nâi!”

Chơ bar náq ki chõn chu paloõng tâng mpúng dĩ ramúh. Cóp máh cũai ca kêt alói bữn hữm ranáq ki. ¹³ Muoi prớh ki cutêq cacut hập lứq; chơ vil ki cõt rúng ralõh muoi pún tể muoi chít pún. Bữn tapul ngin náq cũai cuchit tâng vil ki. Ma máh cũai noâng tamoon, alói khẽn Yiang Sursĩ ca ốt tâng paloõng, cõ alói sâng ngcõh lứq.

¹⁴ Ramúh túh coat bar khoiq vớt chơ. Ma nhêng tíh! Ramúh túh coat pái ẽn toâq cháit lứq!

Ranẽng Tapul Plóng Lavia

¹⁵ Moâm ki ranẽng tapul ẽn plóng lavia án. Chơ bữn máh sường tâng paloõng pai casang lứq neq: “Sanua máh ramúh sớt tâng cutêq nâi chu nheq pở Ncháu hái cóp pở Crít, Ncháu hái khoiq rườh yõn chuai amoon cũai. Án

toáp cõt sôt tể nâi chumát cốp toau sôt dôi lơi cumo!”

¹⁶ Chơ alói bar chít la pôn náq arieih thâu ca tacu yáng moat Yiang Sursĩ, alói sacõh racól cốp sang toam Yiang Sursĩ. ¹⁷ Alói pai neq: “O Ncháu hếq ơi! Anhia la Yiang Sursĩ Sôt Toár Lứq! Anhia la Yiang ca tamooong sanua, cốp tamooong tể dâu lứq. Hếq sa-õn anhia khoiq ít chóc toár anhia, cốp sanua anhia cõt sôt dũ ramứh. ¹⁸ Máh cruang cutêq khoiq sâng ùan chók anhia. Ma sanua khoiq toáp tangái anhia táq loah cũai ki. Khoiq toáp chơ tangái anhia rablớh máh cũai cuchít. Cốp anhia ẽ culáh cóng chók máh cũai ca táq ranáq anhia. Cũai ki la máh cũai tang bỗq anhia, cốp dũ náq ca puai ngê anhia cốp yám noap ramứh anhia, dếh cũai toár, dếh cũai cacót. Cốp khoiq toáp chơ tangái anhia pupút máh cũai khoiq talõh cutêq.”

¹⁹ Chơ noau pớh toong đống sang Yiang Sursĩ tâng paloõng. Cốp cứq hũm hĩp bữn tểc Yiang Sursĩ par-ũq cốp cũai tâng đống sang ki. Moâm ki bữn lalieiq, bữn máh sương bubữr, bữn crứm, bữn cutêq cacút, cốp bữn preỉ toár lứq.

12

Mansêm Ca Ớt Mumiaq, Cốp Ngươc Tuang

¹ Vót ki, bữn muoi tểc salễh lứq tâng paloõng. Bữn manoaq mansêm samoát án satềng moat mandang tâng tở án, cốp án tayúng tâng rliang casái. Cốp án tapưng vuam ca bữn muoi chít la bar ỏc mantõr. ² Mansêm ki cheq ẽ sết con. Án chuchõr yuaq án sâng a-ĩ, cốp án sâng coat lứq ẽ sết con.

³ Muoi próh ki cứq hũm muoi tểc canõh ển tâng paloõng. Bữn

muoi lám ngươc tuang cusâu toár lứq. Án bữn tapul lám plờ cốp muoi chít lám tacoi, cốp dũ plờ tapưng vuam puo. ⁴ Soi án cuviat muoi pún tể pái pún máh ỏc mantõr tâng paloõng, chơ voang asềng mantõr ki chu cutêq. Ngươc tuang ki tayúng yáng moat mansêm ca cheq ẽ sết con, yuaq án yoc ẽ cha con cõt cõt mansêm ki. ⁵ Chơ mansêm ki sết muoi lám con samiang. Nỡ-ra con ki yống muoi ntreh dũi tac đốq cõt sôt dũ cruang cũai. Ngkíq Yiang Sursĩ yõn noau dững toáp con ki chu ntốq Yiang Sursĩ tacu cõt sôt. ⁶ Mansêm ki lúh chu ntốq aiq, pờ ntốq Yiang Sursĩ khoiq thữan yõn án ớt. Cốp Yiang Sursĩ chũm siem án nheq 1,260 tangái.

Ngươc Tuang Cõt Pê Cốp Ranềng Yiang Sursĩ

⁷ Moâm ki noau rachít tâng paloõng. Mi-kêl, án ca sôt máh ranềng Yiang Sursĩ tể paloõng, án dững ranềng ki pờq rachít cốp ngươc tuang. Ma ngươc tuang, án dững máh ranềng án pờq rachít tể. ⁸ Ma ngươc tuang ki pê. Chơ án cốp ranềng án tở tềq ớt nõang tâng paloõng. ⁹ Ngkíq noau tuih ngươc tuang toár ki tể paloõng! Ngươc tuang ki la samoát cusân tể mbỗq, án ca sôt máh yiang sâuq. Án bữn ramứh yiang Satan cốp án raphếq dũ náq cũai. Noau takễl án cốp máh ranềng án chu cutêq.

¹⁰ Moâm ki, cứq sâng sương casang lứq tâng paloõng pai neq: “Sanua khoiq toáp chơ Yiang Sursĩ chuai amoong cũai! Sanua Yiang Sursĩ apáh án bữn chóc cõt Puo! Sanua Crít, án ca Yiang Sursĩ rươh đốq chuai amoong cũai, án cõt sôt tể! Lứq samoát, án ca tayúng yáng moat Yiang Sursĩ tâng paloõng đốq cauq máh sêm

ai hái cu rangái cu sadâu, khoiq noau tuih aloõh tẽ paloõng chơ. ¹¹ Sẽm ai hái khoiq riap án chơ, cõ nhơ aham tẽ Cũu Con, cớp cõ alóí atõng ọc p̄ieiq tẽ Cũu Con. Alóí tở bữn pasẽq rangũh alóí, cớp alóí tở bữn ngcõh ntróu noau ẽ cachĩt alóí. ¹² Ngkíq paloõng oí, cớp nheq tũh anhia ca õt tâng paloõng, cớq anhia ỡn chỡ! Ma bap lủq toãq pỡ cutẽq cớp đõq mụt, yuaq yiang Satan khoiq sãng pỡ ki chơ. Mụt án sãng cutâu lủq, yuaq án dáng án tở tẽq táq dũn noâng ranáq sãuq.”

Ngũoc Tuang Ẽ Táq Mansẽm Cớp Con

¹³ Từ ngũoc tuang dáng noau khoiq tuih án chu cutẽq, án tabõq rapuai ẽ cớp mansẽm ca sết con samiang. ¹⁴ Ma Yiang Sursĩ yõn mansẽm ki bữn bar lám khlap samoãt khlap calang crúc toãr lủq, yõn án tẽq pãr chu ntõq aiq, pỡ ntõq Yiang Sursĩ khoiq thũan yõn án õt. Pỡ ntõq ki Yiang Sursĩ chũm siem cớp bán kĩaq án tẽ ngũoc tuang nheq pái cumo tadĩ. ¹⁵ Chơ ngũoc tuang táq yõn đõq loõh tẽ bõq án samoãt crõng. Án ẽq mansẽm ki cuchĩt clooc đõq. ¹⁶ Ma cutẽq chuai mansẽm ki. Cõt samoãt cutẽq caha bõq, cớp nguaiq nheq máh đõq ca loõh tẽ bõq ngũoc tuang. ¹⁷ Chơ ngũoc tuang sãng nsóq lủq chók mansẽm ki. Mansẽm ki bữn con canõh ẽn. Ngkíq ngũoc tuang pỡq rachĩl cớp máh con ki. Máh con ki la nheq tũh cũai ca trĩh ngẽ Yiang Sursĩ cớp atõng parnai o tẽ Yê-su. ¹⁸ Cớp ngũoc tuang õt tayũng tâng tor đõq mụt.

13

Charán Pla Muoi Loõh Tẽ Đõq Mụt

¹ Moãm ki cớq hũm muoi lám charán pla loõh tẽ đõq mụt. Charán ki bữn muoi chít lám tacoí cớp tapul lám plỡ. Dũ lám tacoí tapũng vuam puo, cớp tâng dũ plỡ, noau khoiq chĩc santoiq acrieiq Yiang Sursĩ. ² Charán pla ki bữn tở ariang cula aruc. Ayũng án ariang sacâu, cớp bõq án ariang cula samín. Chơ ngũoc tuang yõn charán pla ki bữn chóc tẽ án. Cớp án yõn charán ki cõt sớt toãr lủq machõng án tẽ. ³ Muoi lám plỡ charán pla ki bữn bớc ariang noau poãiq cheq ẽ cuchĩt. Ma mang-al bớc ki khoiq cõt bán chơ. Ngkíq nheq tũh cũai tâng cõc cutẽq sãng đót lủq, cớp alóí puai ngẽ charán pla ki. ⁴ Dũ náq cũai sang ngũoc tuang ki, yuaq án yõn charán pla cõt sớt machõng án tẽ. Cớp alóí sang charán pla ki hỡ. Alóí blõh neq: “Noau bữn chóc toãr machõng charán pla nãi? Cớp noau rơi rachĩl cớp charán nãi?”

⁵ Ngũoc tuang ki yõn charán pla atõng santoiq õt cớp santoiq acrieiq Yiang Sursĩ. Cớp charán pla ki bữn chóc cõt sớt nheq põn chít la bar casãi. ⁶ Charán ki tabõq lóc acrieiq Yiang Sursĩ, ramũh Yiang Sursĩ, ntõq Yiang Sursĩ õt, cớp máh alóí ca õt tâng paloõng tẽ. ⁷ Ngũoc tuang yõn charán pla ki chĩl riap máh cũai ca puai ngẽ Yiang Sursĩ. Cớp án yõn charán ki cõt sớt dũ tởp cũai, dũ thữ cũai, dũ parnai cũai, cớp dũ cruang. ⁸ Nheq tũh cũai ca õt tâng cõc cutẽq ẽ sang charán pla ki. Ống alóí ca bữn ramũh tâng pơ saráq noau chĩc ramũh cũai ca tamoong mantái la tở bữn sang charán ki. Pơ saráq ki la khong Cũu Con ca khoiq chũuq cuchĩt ỉn Yiang Sursĩ anoat yõn án tẽ nhũang Yiang Sursĩ tở yũah tẽng muoi ramũh ntróu.

⁹ Aléq bŭn cutŭr yoc ẽ tamúng, ki tamúng! ¹⁰ Cũai aléq ma Yiang Sursĩ khioq anoat cóq cõt tũ, ki lŭq noau cóp táq tũ cũai ki. Cóp cũai aléq ma Yiang Sursĩ anoat cóq chũuq cuchit toaq dau, ki lŭq cũai ki cuchit toaq dau. Ngkíq dũ náq cũai ca puai ngê Yiang Sursĩ, cóq alóí chũuq tanhĩr cóp sa-âm samoat samoi.

Charán Pla Bar Loõh Tẽ Cốc Cutêq

¹¹ Môam ki, cứq hũm muoi lám charán pla ẽn loõh tẽ cốc cutêq. Ân bŭn bar lám tacoi samoat tacoi charán cũu. Ma sŭng án la samoat sŭng ngroc tuang. ¹² Ân cõt sốt tang charán pla muoi. Ân padâm cutêq cóp máh cũai ca õt tâng cutêq cóq sang óng charán pla muoi ki sâng, la charán ca khioq chũl cheq ẽ cuchit, ma cõt bán loah. ¹³ Charán pla bar nài táq sa-ũĩ ranáq salẽh. Ân táq yõn ùih sêng tẽ paloõng chu cutêq yáng moat cũai. ¹⁴ Ân raphêq máh cũai tâng cutêq cõ án tẽq táq ranáq salẽh yáng moat charán pla muoi. Ân ón máh cũai táq muoi rup charán pla muoi ki, đõq yám noap charán ca noau khioq tráh toaq dau, ma noang án tamoong. ¹⁵ Charán pla bar ki bŭn chóc tẽq yõn rup charán muoi ki bŭn rangũh tamoong. Ngkíq rup ki tẽq táq ntõng cóp tẽq án cachit dũ náq cũai ca tở bŭn sang án. ¹⁶ Charán ki padâm dũ náq cũai, cũai cõt cóp cũai toar, cũai sốc cóp cũai cadit, cũai sũl cóp cũai tở bŭn sũl, yõn alóí bŭn tẽc án tâng atĩ atoam tở la tâng caliac alóí. ¹⁷ Cũai aléq ma tở bŭn bŭn tẽc án, cũai ki tở tẽq chẽq chõng ntróu. Tẽc ki la ramúh charán pla, tở la thřõq ca tang ramúh charán pla ki.

¹⁸ Ốc nài la yarũ lŭq. Cũai aléq ma rangoaiq, tẽq án dáng raloaih tẽ thřõq charán pla, yuaq thřõq nài tang ramúh cũai. Thřõq nài la tapoat culám tapoat chít tapoat.

14

Cansái Ũat Tamái

¹ Môam ki cứq nhẽng, chơ cứq hũm Cũu Con ki tayúng tâng cóh Si-ôn. Ốt parnoi cóp án bŭn 144,000 náq cũai ca bŭn ramúh án cóp ramúh Mpoaq án tâng caliac alóí. ² Cứq sâng muoi sŭng tẽ paloõng ariang hõ đõq toar, cóp ariang crúm bubũr casang lŭq. Sŭng ki la sŭng máh cũai chũng ki tapáih achúng, dũ náq muoi lám achúng. ³ Alóí ca tapáih achúng tayúng to moat chu cachõng puo tacu, chu pỏn lám charán, cóp chu máh arieih thâu. Chơ alóí ũat muoi cansái tamái. Cansái nài cũai canõh tở dáng ũat. Ống alóí 144,000 náq sâng dáng ũat cansái ki. Máh cũai ki la cũai Yê-su Crít khioq thái bo alóí noang õt tâng cốc cutêq. ⁴ Cũai ki tở nài táq sâuq cóp mansẽm. Ngkíq mứt alóí ma lŭq bráh o. Ntõq léq Cũu Con pỏq, alóí puai án chu ntõq ki. Yê-su Crít khioq ruroh alóí tẽ máh cũai canõh. Chơ án thái alóí, đõq alóí cõt samoat crõng noau chiau sang tẽ dâu lŭq yõn Yiang Sursĩ cóp yõn Cũu Con. ⁵ Cũai ki tở nai pai lauq, cóp tở bŭn noau tẽq tẽq alóí.

Pái Náq Ranẽng Yiang Sursĩ Tẽ Paloõng

⁶ Chơ cứq hũm muoi noaq ẽn ranẽng Yiang Sursĩ, án pâr sarõih lŭq tâng paloõng. Ân đũng parnai o đõq pỏq atõng máh cũai tâng cốc cutêq nài, tâng dũ cruang, dũ tỏp, dũ parnai, cóp dũ thũ cũai. ⁷ Ân atõng casang lŭq neq: “Cóc anhia yám noap

Yiang Sursĩ cốp khẽn án! Khoiq toâq chơ tangái án rablớh dũ náq cũai! Ngkíq, cốp anhia sacóh racól sang toam Yiang Sursĩ, án ca têng paloông cốp cutêq, đờq mut, cốp đờq mec!”

⁸ Bữn ranẽng bar ẽn puai ranẽng muoi. Ranẽng bar pai neq: “Ralớh chơ! Ralớh chơ! Vil Ba-bulôn toâr khoiq ralớh chơ! Án khoiq radũng dũ cruang cũai táq ranáq tanghang lứq, cốp táh ngê Yiang Sursĩ. Nãi la ariang án yõn cũai tâng dũ cruang nguaiq yõn cõt bũl tẽ blõng án, chơ Yiang Sursĩ táq alóí.”

⁹ Bữn ranẽng pái ẽn puai bar ranẽng nhũang. Án pai casang lứq neq: “Cũai aléq sang charán pla ca loõh tẽ đờq mut cốp sang rup charán, cốp bữn tếc charán ki tâng caliac, tỡ la tâng atĩ án, ¹⁰ cũai ki cốp chũuq nguaiq blõng tẽ Yiang Sursĩ tẽ. Blõng tẽ Yiang Sursĩ la sacâm tẽ Yiang Sursĩ bữn mút cutâu lứq chỏq cũai ki. Ngkíq Yiang Sursĩ táq cũai ki túh coat lứq toâq ùih cốp mũ yáng moat máh ranẽng án cốp yáng moat Cũu Con. ¹¹ Phĩac tẽ máh ramứh túh coat ca alóí chũuq, ki suol achõn níc chu paloông. Máh cũai ca khoiq sang charán pla cốp rup án, đẽh máh cũai bữn tếc ramứh charán ki tâng tỡ alóí, cốp chũuq túh coat níc cu rangái sadâu tỡ nai tangút.”

¹² Ngkíq yuaq máh cũai puai ngê Yiang Sursĩ cốp chũuq tanhữ níc, la máh cũai ca trĩh máh ọc Yiang Sursĩ patáp, cốp sa-âm Yê-samoat samoi.

¹³ Moâm ki, cứq sâng muoi sương tẽ paloông atõng cứq neq: “Cốp mới chĩc đờq neq: Bõn lứq máh cũai cuchĩt cõ alóí táq ranáq Yiang Sursĩ, tẽ sanua nãi toau chumát.”

Cốp Raviei Yiang Sursĩ pai neq: “Lứq samoat ngkíq. Yuaq cũai ki bữn rlu tẽ ranáq ntâng alóí khoiq táq. Cốp máh ranáq alóí khoiq táq, lứq alóí bữn công tẽ ranáq ki.”

Saro Cốp Palái Nho Chĩn Chơ Tâng Cốc Cutêq

¹⁴ Cứq nhêng, chơ cứq hữm ramúl cloc, cốp bữn manoaq tacu tâng ramúl ki. Roâp samoat cũai.* Án tapung vuam yẽng tâng plờ án, cốp án yõng muoi pla liem bớq lứq tâng atĩ án. ¹⁵ Cốp bữn muoi noaq ranẽng Yiang Sursĩ loõh tẽ đõng sang Yiang Sursĩ, cốp án pai casang lứq chỏq án ca tacu tâng ramúl ki neq: “Cốp mới pờq roaiq saro toâq liem mới, yuaq saro tâng cutêq khoiq chĩn chơ. Toâq ngư chơ mới ỉt parõm saro ki.”

¹⁶ Chơ án ca tacu tâng ramúl ki cuvia roaiq saro toâq liem chu cutêq. Chơ án bữn nheq saro tâng cutêq.

¹⁷ Cốp bữn muoi noaq ẽn ranẽng Yiang Sursĩ, loõh tẽ đõng sang Yiang Sursĩ tâng paloông. Án yõng muoi riang liem bớq lứq tẽ. ¹⁸ Cốp bữn muoi noaq ẽn ranẽng Yiang Sursĩ ca ndõm ùih, án toâq tẽ prõng sang Yiang Sursĩ. Án pai casang lứq chỏq ranẽng yõng liem bớq ki neq: “Cốp mới roaiq máh ngócq palái nho tâng cốc cutêq toâq liem mới, yuaq palái nho khoiq chĩn chơ!”

¹⁹ Chơ ranẽng ki roaiq ngócq palái nho tâng cutêq toâq liem án. Án ỉt cốp voang palái ki tâng ntõq noau pát nho yõn đờq nho hoi tâng raloác. Ntõq noau pát palái nho la sacâm tẽ ntõq Yiang Sursĩ táq máh cũai ca án sâng cutâu mút. ²⁰ Ntõq pát palái nho nãi õt

* 14:14 14:14 Daniel 7:13

yáng tiah vil, cốp aham ca loõh
tễ ntốq ki cõt samoât crõng yarũ,
mán bữn muoi achoang, cốp cuti
mán pái culám bar chít ki-lô-mết.

15

*Alói Ca Chũ Riap Charán Pla
Ũat Muoi Cansái*

¹ Moâm ki, cứq hữm muoi tếc
ễn tâng paloõng, toâr lứq cốp
salễh lứq. Bữn tapul náq ranễng
Yiang Sursĩ ca ndõm tapul ramứh
tứh coat parsốt thánq. Noau
pai ramứh ki parsốt thánq, yuaq
moâm máh ramứh ki, Yiang Sursĩ
tở bữn sâng cutâu mút noâng.

² Cứq hữm ariang đờq mut noau
táq toâq kếng carchốc cốp ùih,
cốp bữn cũai tayứng kếng đờq
mút ki. Máh cũai ki la cũai
khoi q chũ riap charán pla cốp rup
charán ki, cốp alói tở bữn bữn tếc
thrỏq tang ramứh án. Alói tayứng
kếng đờq mut, cốp alói yớng
achúng Yiang Sursĩ khoi q yõn
alói. ³ Alói ũat muoi cansái Mũi-
se, cũai táq ranáq Yiang Sursĩ,
cốp Cừu Con ũat. Alói ũat neq:

“Ncháu hếq ơi! Anhia la Yiang
Sursĩ Sốt Toâr Lứq!

Ranáq anhia táq la toâr cốp
salễh lứq.

Anhia la Puo tở nai pút.*

Ngê anhia la tanoang tapứng
cốp p̄ieiq lứq.

⁴ Ở Ncháu ơi! Tở bữn noau ma tở
bữn yám noap anhia.

Cốp tở bữn noau ma tở bữn
khễn ramứh anhia.

Ổng anhia toáp la bráh o lứq.

Nữ-ra dũ cruang cũai toâq sang
toam yáng moat anhia,

yuaq alói hữm ranáq anhia
táq la tanoang o.”

*Tapul Tangan Ca Bữn Ốc Túh
Coat*

⁵ Vót ki cứq nhêng, chơ cứq
hữm noau pớh tâng đống sang

Yiang Sursĩ tâng paloõng, la ntốq
Yiang Sursĩ ốt. ⁶ Bữn tapul náq
ranễng Yiang Sursĩ ca bữn tapul
ramứh tứh coat parsốt, alói loõh
tễ đống sang ki. Alói sớp tampác
cloc bráh o lứq, cốp poac sarvác
var khán yểng. ⁷ Chơ muoi
lám tễ pỗn charán ki, án chiau
tapul ranễng ki manoaq muoi
tangan yểng. Tapul tangan yểng
ki la poân máh ramứh tứh coat
lứq, yuaq Yiang Sursĩ ca tamoong
mantái sâng cutâu mút lứq. ⁸ Chơ
ang-ữr Yiang Sursĩ cốp chóc án
pláh chũop tâng đống sang Yiang
Sursĩ samoât phĩac. Ngkít tở bữn
noau tềq mut tâng đống sang ki
toau moâm tapul ramứh tứh coat
toâq tễ at̄i tapul ranễng Yiang
Sursĩ.

16

*Tapul Ramứh Túh Coat Parsốt
Thánq*

¹ Moâm ki, cứq sâng muoi
sương casang lứq tễ đống sang
Yiang Sursĩ, atõng tapul náq
ranễng ki neq: “Cóq anhia pờq
tốh tâng cốc cutểq tapul tangan ca
poân moang ramứh tứh coat, cỗ
Yiang Sursĩ sâng cutâu mút lứq.”

² Chơ ranễng muoi pờq tốh tễ
tangan án tâng cutểq. Chơ máh
cũai bữn tếc charán pla tâng tở
alói, cốp alói ca sang rup charán
pla cõt bớc paldóng a-ĩ lứq tâng
tở alói.

³ Moâm ki, ranễng bar ễn tốh
tễ tangan án tâng đờq mut. Chơ
đờq mut cõt samoât aham cũai
ca khoi q cuchit chơ. Cốp dũ
acán tamoong ốt tâng đờq mut ki
cuchit nheq.

⁴ Moâm ki, ranễng pái ễn tốh
tễ tangan án tâng đờq tũm cốp
đờq mec. Chơ đờq ki cõt aham.

⁵ Cứq sâng ranễng Yiang Sursĩ ca

* 15:3 Tở la ‘Puo dũ cruang cũai’.

ndõm dõq pai neq: “O Yiang Sursĩ ơi! Anhia la Yiang ca tamoong sanua, cõp anhia khoiq tamoong tẽ dâu lứq! Anhia la án ca bráh o lứq. Máh ranáq anhia táq cũai, anhia táq tanoang tapúng lứq, ⁶ yuaq máh cũai ki khoiq cachit máh cũai puai ngê anhia cõp máh cũai tang bõq anhia. Ngkíq lứq p̄ieiq anhia yõn alóí nguaiq aham, yuaq alóí khoiq táq tahóc aham cũai canõh.”

⁷ Moâm ki, cứq sâng sường tẽ prông sang pai neq: “O Ncháu ơi! Anhia la Yiang Sursĩ Sõt Toâr Lứq! Máh ranáq anhia táq cũai, anhia táq p̄ieiq cõp tanoang tapúng!”

⁸ Moâm ki, ranẽng p̄n ẽn tõi tẽ tangan án tâng moat mandang. Chơ moat mandang bũn chóc tẽq táq cat tõi cũai na ùih. ⁹ Ngkíq máh cũai ùih cat, alóí lóc acrieiq ramúh Yiang Sursĩ, án ca sõt máh ramúh túh coat nâi. Ma alóí tõi ẽq ngin lóih alóí, cõp tõi ẽq yám noap Yiang Sursĩ.

¹⁰ Moâm ki, ranẽng sỡng ẽn tõi tẽ tangan án tâng ntõq charán pla tacu cõt sõt. Chơ ntõq charán pla ndõm ki cõt canám nheq, cõp máh cũai õt ngki, alóí carũot canẽng tabang, cõ sâng a-ĩ lứq. ¹¹ Cõp alóí lóc acrieiq Yiang Sursĩ ca õt tâng paloõng, cõ tian alóí sâng a-ĩ cõp cõ tian alóí bợc paldõng. Ma alóí noâng tõi ẽq ngin lóih tẽ máh ranáq sâuq alóí khoiq táq.

¹² Moâm ki, ranẽng tapoát ẽn tõi tẽ tangan án tâng crõng O-phơ-rat. Chơ crõng ki cõt sarẽt khõ nheq, táq yõn máh puo tẽ angia mandang loõh tẽq p̄q pha tâng ki dõq rachıl. ¹³ Chơ cứq hũm pái yiang sâuq ca bũn roáp ariang cuat, loõh tẽ bõq ngược tuang, charán pla, cõp cũai táq nan tang bõq Yiang Sursĩ. ¹⁴ Yiang

sâuq ki tẽq táq ranáq salẽh cõp p̄q parõm máh puo tẽ dũ cruang yõn p̄q chıl Yiang Sursĩ Sõt Toâr Lứq tâng tangái parsõt.

¹⁵ Cứq sâng sường Ncháu pai neq: “Cõq anhia tutuaiq nhẽng níc! Cứq toâq samoat cũai savẽng! Bõn lứq cũai aléq õt trõl níc, cõp tõi bũn tũot au, chơ p̄q bẽq. Ngkíq tõi bũn noau ramóh án õt mu rariat, cõp án tõi bũn casiet ntrõu yáng moat cũai canõh.”

¹⁶ Pái yiang sâuq ki parõm máh puo tâng ntõq cũai I-sarel dõq Ar-ma-cadõn.

¹⁷ Moâm ki, ranẽng tapul ẽn tõi tẽ tangan án tâng dĩ ria paloõng cõp cutẽq. Chơ bũn muoi sường tẽ cachõng puo tacu tâng đõng sang Yiang Sursĩ pai neq: “Khoiq moâm chơ!”

¹⁸ Chơ bũn lalieiq, bũn sa-ũi sường bubũr tandár, bũn sường crũm casang lứq, cõp bũn cutẽq cacut hâp lứq. Tẽ tangái Yiang Sursĩ tẽng cũai, tõi nai bũn cutẽq cacut hâp ngkíq; trõ nai cacut hâp clũi tẽ trõ canõh! ¹⁹ Vil toâr ralõh cayoah cõt pái pún. Cõp máh vil toâr tâng dũ cruang la ralõh tẽ. Yiang Sursĩ sanhũ vil toâr ki, la vil Ba-bulõn. Án yõn vil ki nguaiq blõng tẽ cachoc Yiang Sursĩ. Cachoc blõng ki sacâm tẽ Yiang Sursĩ bũn mút cutâu lứq chóc vil ki. ²⁰ Dũ ntõq cõn cõt pút nheq, cõp máh anũol cóh la tõi bũn hũm noâng. ²¹ Cõp bũn prẽl toâr lứq satooh tẽ paloõng p̄ieiq tâng máh cũai. Muoi óc prẽl ntâng ariang muoi cõc tamáu. Ngkíq máh cũai lóc acrieiq Yiang Sursĩ, cõ tian prẽl satooh p̄ieiq alóí, cõp alóí sâng túh coat ntâng lứq.

17

Yiang Sursĩ Yõn Vil Ba-bulõn

Roap Tôl

¹ Moâm ki, bữn muoi noaq tẽ tapul nác ranẽng Yiang Sursĩ ca yống tapul tangan ki, án toâq pỡ cứq cốp pai neq: “Mới toâq pỡ nãi! Cứq ẽ yõn mới hữm ranác ntrứu Yiang Sursĩ ẽ táq chóq mansẽm ca tacu tâng ntốq bữn sa-ữi đợq, cõ ẽ chéq tổ án.*

² Máh puo tâng cốc cutẽq nãi khoiq bẻq parnoi cốp mansẽm ki. Cốp máh cũai ca ớt tâng cutẽq nãi cõt bũl nguaiq blống tẽ mansẽm ki. Blống nãi sacâm tẽ alóí bẻq parnoi cốp mansẽm ki.”

³ Chơ Raviei Yiang Sursĩ cõt sớt lứq tâng mút pahõm cứq, cốp án đũng cứq chu ntốq aiq. Ớt ngki cứq hữm manoaq mansẽm tacu tâng cloong charán pla cusâu phĩang. Charán pla ki bữn tapul lám plỡ cốp muoi chít lám tacoi; cốp án alẽu sa-ữi santoiq acrieiq Yiang Sursĩ tâng tổ án.

⁴ Án tâc tampác ẽng cốp cusâu phĩang. Án alẽu tâng tampác án sa-ữi crơng yẽng, tamáu moat, cốp máh crơng ngoaih canõh hỡ. Tâng atĩ, án yống muoi bẻng tangan yẽng ca poân moang ốc casiet cốp ốc sâuq lứq. Crơng tâng tangan nãi sacâm tẽ máh ranác sâuq mansẽm ki khoiq táq.

⁵ Tâng caliac mansẽm ki noau khoiq chĩc muoi ramứh bữn ngê cutooq. Noau chĩc neq: “Nãi la Ba-bulôn ca sớt toâr lứq. Án la mpiq máh mansẽm chéq tổ, cốp máh cũai táq ranác tanghang luat ngư tâng cốc cutẽq.”

⁶ Cứq hữm mansẽm ki cõt bũl, cõ án nguaiq aham cũai puai ngê Yiang Sursĩ, cốp máh cũai cuchĩt cõ tian alóí atõng parnai o tẽ Yê-su.

Toâq cứq hữm mansẽm ki, cứq sâng dót lứq. ⁷ Ma ranẽng Yiang Sursĩ blớh cứq neq: “Nỏq mới sâng dót? Sanua cứq ẽ yõn mới dáng tẽ ngê cartooq tẽ mansẽm nãi cốp tẽ charán pla ca radũng án, la charán ca bữn tapul lám plỡ cốp muoi chít lám tacoi. ⁸ Charán pla ca mới khoiq hữm ki, tẽ nhũang án tamoong, ma sanua án tỡ bữn tamoong noâng, ma tỡ bữn dũn noâng án chõn tẽ pống sarloac. Chơ án bữn tamoong bĩq tangái ẽn, ma nõ-ra án cõt pút tháng. Máh cũai tâng cốc cutẽq ca tỡ bữn bữn ramứh alóí tâng tâm sarác noau chĩc máh ramứh cũai bữn tamoong mantái, noap tẽ nhũang Yiang Sursĩ tỡ yũah tẽng paloõng cutẽq, bo cũai ki hữm charán pla, alóí sâng dót lứq. Alóí sâng dót tẽ charán pla ki, yuaq tẽ nhũang án tamoong, sanua án tỡ bữn tamoong noâng, ma nõ-ra án toâq loah sĩa.

⁹ “Cóq hái bữn ốc rangoaiq nõq hái tẽq dáng tẽ ốc nãi. Tapul lám plỡ sacâm tẽ tapul lám cóh. Mansẽm ki ớt tâng tapul lám cóh ki. Tapul lám plỡ sacâm tẽ tapul nác puo. ¹⁰ Sõng nác puo khoiq vót chơ; manoaq puo noâng sớt; cốp manoaq puo ẽn tỡ yũah toâq. Ma tử puo ki toâq, án tỡ bữn ớt dũn. ¹¹ Cốp charán pla ca tamoong tẽ nhũang, ma sanua án tỡ bữn tamoong noâng, án la puo tacual. Án táq ranác sâuq machớng alóí tapul nác puo ca toâq nhũang. Cốp nõ-ra án cuchĩt pút.

¹² “Muoi chít lám tacoi mới khoiq hữm, la sacâm tẽ muoi chít nác puo ca tỡ yũah cõt sớt. Toâq alóí cõt sớt, alóí sớt parnoi cốp charán pla, ma alóí cõt sớt tỡ bữn dũn. ¹³ Muoi chít nác puo

* 17:1 17:1 Mansẽm ki sacâm tẽ vil Ba-bulôn.

nâi puai nheq muoi ngê. Alóí chiau chóc alóí cốp nheq máh ramúh alóí sôt yõn pở charán pla. ¹⁴ Nheq tửh puo ki pruum chí Cừu Con. Ma Cừu Con ki, án rườh cốp arô máh cūai ca puai ngê án samoât samơi. Alóí loõh chí riap máh puo ki, yuaq Cừu Con la Ncháu dũ ncháu canõh, cốp án la Puo dũ puo canõh.”

¹⁵ Cốp ranẽng ki atõng cứq ẽn neq: “Ntõq bữn sa-ũĩ dõq ca mới khoiq hữm mansẽm ca chẻq tở tacu, dõq ki sacâm tẻ dũ thữ cūai, dũ tởp cūai, dũ cruang cūai, cốp dũ parnai cūai. ¹⁶ Muoi chí lám tacoi cốp charán pla ca mới khoiq hữm, nờ-ra alóí kêt mansẽm chẻq tở. Alóí ỉt miat nheq mun án, cốp yõn án õt mu rariat. Moâm ki alóí cha sâiq án, cốp alóí bõh án tâng ũih. ¹⁷ Yiang Sursĩ tẻng máh puo ki yõn táq puai ariang án yoc alóí táq. Án yõn alóí pruum chiau chóc alóí pở charán pla, dõq ống charán ki sâng cõt sôt toau cõt rapieiq nheq parnai Yiang Sursĩ khoiq pai chơ.

¹⁸ “Mansẽm ca mới khoiq hữm, sacâm tẻ vil toâr ca ndõm máh puo tâng cóc cutẻq nâi.”

18

Yiang Sursĩ Talõh Vil Ba-bulôn

¹ Vớt ki, cứq hữm muoi noaq ẽn ranẽng Yiang Sursĩ sẻng tẻ paloõng. Án bữn chóc toâr lứq. Poang tẻ roáp án claq chũop nheq cóc cutẻq nâi. ² Án arô casang lứq neq: “Ralõh chơ! Ralõh chơ! Vil Ba-bulôn toâr khoiq ralõh chơ! Sanua noâng ống panoah cốp yiang sâuq õt tâng vil ki. Cốp bữn chóm lango õt ntõq ki tẻ. ³ Yuaq dũ cruang cūai khoiq nguaiq blõng án. Blõng ki sacâm tẻ máh ranáq sâuq cūai táq tâng vil ki. Máh puo õt tâng dũ cruang

pruum cốp vil ki dõq táq ranáq sâuq. Cốp máh cūai chẻq chõng tâng cutẻq, alóí cõt sôt lứq cõ vil ki tâc cha sáh sai.”

⁴ Moâm ki, cứq sâng sường canõh tẻ paloõng pai neq: “O máh cūai puai ngê cứq ơi! Cớq anhia loõh tẻ vil ki! Cớq anhia chõl táq lỏih riang án; cớq anhia viaq tẻ máh ramúh túh coat ca toâq pở án! ⁵ Lỏih vil ki la sa-ũĩ lứq, samoât án acừn ọc lỏih toâq pở paloõng. Yiang Sursĩ khoiq sanhữ máh ranáq sâuq vil ki táq. ⁶ Cớq anhia táq chỏq vil ki machõng án táq chỏq anhia chơ. Cớq anhia carláh dõq chỏq vil ki bar trở ẽn hỡn tẻ ranáq án khoiq táq. Cớq anhia culáh ọc tởiq bap yõn vil ki bar trở ẽn, hỡn tẻ án khoiq táq chỏq cūai canõh. ⁷ Án khoiq õt thừong cốp õt la-ỡq. Ngkíq, máh ki tẻ yõn án roap ọc ngua cốp ọc túh coat. Mút án chanchỏm neq: ‘Cứq tacu nâi, cứq la mansẽm puo! Cứq tở cỡn cán cumai. Cứq tở nai ramóh túh coat ntrớu!’ ⁸ Ngkíq, máh ramúh túh coat nâi toâq pở án la muoi tarup! Cūai tâng vil cuchĩt, alóí nhiam u-õi, alóí panhieih khlac, cốp vil ki noau chõng nheq. Lứq Yiang Sursĩ la Ncháu ca sôt clũĩ tẻ canõh. Án toáp anoat tột yõn vil ki.”

⁹ Máh puo tâng dũ cruang táq ranáq sâuq parnơi cốp vil ki, alóí õt thừong la-ỡq cốp án, toâq alóí hữm phĩac chõn tẻ vil ki, alóí nhiam cuclõiq cucling. ¹⁰ Máh puo ki õt yong tẻ vil ki, yuaq alóí ngcõh alóí ramóh túh coat ki tẻ. Cốp alóí pai neq: “Tỏiq bap lứq! Tỏiq bap lứq vil toâr ki, la vil Ba-bulôn! Yiang Sursĩ pupút án muoi taláp sâng!”

¹¹ Cốp máh cūai chẻq chõng tâng cóc cutẻq nâi, alóí nhiam

tanúh yǎn vil ki, yuaq tǒ bǔn noau ẽ chǒng noâng crong alóí. 12 Tǒ bǔn noau ẽ chǒng noâng yǎng, práq, tamáu moat, crong ngoaih, sa-ũĩ thũ aroaiq nêuq cǒp moat lǔq, crong táq toâq aluang phuom, crong táq toâq paluac achĩang, cǒp crong táq toâq aluang moat, sapoan, tac, cǒp tamáu lêng lǔq. 13 Tǒ bǔn noau ẽ chǒng kǎq, tǒ la crong chǒq tâng sana ẽq yǎn ẽm, crong chǒng yǎn phuom, trâm, siet phuom, blǒng, dǒq nsǎng o-li-vê, bǒt mi, saro, ntrođq, cǔu, aséh, sǎ aséh, cũai sũl, cǒp cũai noau cǒp. 14 Máh cũai chǎq chǒng ẽ pai chǒq vil ki neq: “Máh ramúh o mới yoc ẽ bǔn, khoiq pút nheq chơ. Cǒp máh ramúh thưong cǒp nêuq mới coi bǔn khoiq pút nheq tẽ. Mới tǒ nai ramóh noâng máh ramúh ki!”

15 Máh cũai sǒc cǒ alóí chǎq chǒng tâng vil ki, alóí ốt yǒng tẽ vil, yuaq alóí ngcǒh ramóh túh coat ki tẽ. Cũai ki nhiam cuclǒiq cucling. 16 Alóí pai neq: “Tǒiq bap lǔq! Tǒiq bap lǔq vil toâr ki! Tẽ nhũang vil ki samoât mansẽm sǒp tampác noau táq toâq aroaiq moat lǔq, aroaiq santúm ẽng, cǒp cusâu phĩang. Án alǎu tâng tampác án máh crong yǎng, tamáu moat, cǒp crong ngoaih canǒh hǒ! 17 Ma máh mun án la pút nheq muoi taláp!”

Dũ náq cũai ca ndǒm tuoc pǒq tâng dǒq mut, cǒp dũ náq cũai chǒn tâng tuoc ki, alóí chǎq chǒng cǒp cũai pǒ ntǒq ki; chơ dũ náq alóí ốt yǒng tẽ vil ki. 18 Cǒp toâq alóí hũm phĩac chǒn tẽ vil ki, alóí pai casang lǔq neq: “Tẽ mbǒq toau sanua, tǒ nai bǔn vil canǒh la ariang vil toâr nãi!”

19 Moâm ki alóí bǒc phǒn cutǎq

púc chǒq tâng plǒ, táq tǎc alóí sâng ngua lǔq. Cǒp alóí nhiam cuclǒiq cucling neq: “Tǒiq bap lǔq! Tǒiq bap lǔq vil toâr nãi! Máh cũai bǔn tuoc pǒq tâng dǒq mut cǒt sǒc nheq, cǒ vil nãi khoiq cǒt sǒc tẽ nhũang. Ma sanua án khoiq pút muoi taláp.”

20 Ở anhia ca ốt tâng paloǒng ơ! Cǒq anhia sâng bũ ớn cǒ vil ki ralǒh! Anhia ca puai ngê Yiang Sursĩ, anhia ca cǒt ayǔng atĩ Yê-su Crĩt, cǒp anhia ca cǒt cũai tang bǒq Yiang Sursĩ, cǒq nheq tũh anhia sâng bũ tẽ, yuaq Yiang Sursĩ khoiq carláh dǒq chǒq vil ki, cǒ tian cũai tâng vil ki khoiq táq anhia tẽ nhũang!

21 Moâm ki, cǒq hũm muoi noaq ranǎng Yiang Sursĩ ca bán rêng lǔq. Án acǒq muoi cǒc tamáu cǒl ntâng ariang muoi cǒc cǒng toâr lǔq. Chơ án apǒng tamáu ki tâng dǒq mut, cǒp án pai neq: “Vil Babulôn la vil toâr lǔq, ma noau ẽ apǒng vil ki rêng lǔq, machǒng cǒq apǒng tamáu nãi tẽ. Chơ tǒ bǔn noau hũm noâng vil ki. 22 Noau tǒ nai sâng noâng sưong noau ủat, sưong achúng, sưong tarĩal, cǒp sưong kèn tâng vil ki. Máh cũai Chiang tǒ bǔn ốt noâng tâng vil ki, cǒp tǒ bǔn sâng noâng sưong ralǒh. 23 Tǒ bǔn noau tacât noâng chóp tóu tâng vil ki. Cǒp tǒ bǔn noau sâng noâng sưong bũ ớh bo samiang pǒq racoaiq lacuoi. Tẽ mbǒq máh cũai tâng dũ cruang yám noap cũai chǎq chǒng tâng vil ki. Vil ki khoiq raphǎq dũ cruang cũai, ariang cũai mo dǒq raphǎq! 24 Tâng vil ki, bǔn moang aham cũai tang bǒq Yiang Sursĩ, la cũai ca puai ngê Yiang Sursĩ, cǒp cũai noau khoiq cachĩt.”

19

1 Vót ki, cǒq sâng sưong cũai chǔng lǔq ốt tâng paloǒng, alóí

pai casang lứq neq: “Halê-luya!”*
Yiang Sursĩ lứq chuai amoong
cũai! Ông Yiang Sursĩ hái toáp
bữn ang-ữr cớp chớc toár lứq!
2 Ắn táq p̄ieiq cớp tanoang tapứng
níc! Ắn khoiq táq tót mansẽm
chếq tở. Mansẽm ki khoiq táq
ranáq tanghang luat ngư, cớp
radứng dũ cruang tâng cớc cutểq
nái táq ranáq tanghang machớng
án tê. Ma Yiang Sursĩ khoiq carláh
dỡq chớq án, yuaq án khoiq cachit
máh cũai táq ranáq Yiang Sursĩ.”

3 Muoi trở ễn, cũai chừng ki
pai casang lứq neq: “Halê-luya!
Phĩac tể vil toár ki suol achỗn
mantái níc!”

4 Chơ, máh arieih thâu bar chít
la pỏn náq, cớp pỏn lám charán,
alới sacỏh racỏl sang toam Yiang
Sursĩ, án ca tacu tâng cachớng
puo, cớp alới pai neq: “Amen!
Halê-luya!”

Cữu Con Ỉt Lacuoi

5 Moám ki, cứq sâng sương loỏh
tể cachớng puo tacu. Sương ki pai
neq: “Lứq khẻn Yiang Sursĩ hái!
Nheq tửh anhia ca táq ranáq án
cớp yám noap án, cũai toár cớp
cũai cớt, cớq anhia khẻn án!”

6 Vớ t ki, cứq sâng sương cũai
chừng lứq, samoát hỏ dỡq toár,
cớp samoát crứm bubữr casang
lứq. Sương ki pai neq: “Halê-
luya! Yiang Sursĩ la Ncháu hái,
cớp án sớ tở toár lứq. Ắn cớ t Puo
mantái níc! 7 Cớq hái sâng bũi
ớh lứq! Cớq hái ỏn apũol! Cớq
hái yám noap Yiang Sursĩ! Khoiq
toáq chơ tangái Cữu Con ỉt lacuoi.†
Lacuoi ki khoiq thrũan chơ. 8 Chơ
noau yỏn án sớp tampác táq toáq
aroáiq o lứq. Aroáiq ki noau
dỡq la aroáiq busín. Aroáiq ki
bráh cớp cloc lứq.” (Aroáiq busín
sacám tể máh ranáq tanoang o

cũai ca puai ngê Yiang Sursĩ khoiq
táq.)

9 Moám ki, ranẻng Yiang Sursĩ
atởng cứq neq: “Cớq mới chĩc
neq: Bỏn lứq máh cũai Yiang
Sursĩ mới yỏn toáq hâu Cữu Con
racoáiq.”

Cớp ranẻng ki atởng cứq ễn
neq: “Máh santoiq Yiang Sursĩ
atởng la santoiq p̄ieiq lứq.”

10 Chơ cứq sacỏh racỏl yoc ễ
sang ranẻng Yiang Sursĩ ki, ma
án pai chớq cứq neq: “Chỗi táq
ngkỉq! Cứq táq ranáq Yiang Sursĩ
machớng mới tê, cớp machớng
máh cũai tể tốp sa-âm ca atởng
tể ngê Yê-su. Cớq mới sang toam
ớng Yiang Sursĩ sâng! Alới ca
atởng tể ngê Yê-su, ki bữn Raviei
Yiang Sursĩ ỏt tâng mút pahỏm
alới machớng máh cũai tang bớq
Yiang Sursĩ tê.”

Ắn Ca Ớt Tâng Cloong Aséh Cloc

11 Moám ki, cứq hữm paloỏng
ariang noau pỏh. Cớp cứq hữm
muoi lám aséh cloc. Ắn ca ỏt tâng
cloong aséh, noau dỡq án la Ốc
Sa-âm Samoát cớp Ốc P̄ieiq Níc.
Ắn rablớh cớp rachít na tanoang
tapứng lứq. 12 Moat án la samoát
pla ũih. Ắn tapứng sa-ữi vuam
puo. Ắn cữu ramứh ca noau
khoiq chĩc yỏn án, ma tở bữn
noau dáng ramứh ki. Ông án toáp
dáng ramứh ki. 13 Tampác án
noau khoiq alớq tâng aham. Muoi
ramứh ễn noau dỡq án la Parnai
Yiang Sursĩ. 14 Chừng lứq tahan
tể paloỏng puai án. Nheq tahan
ki ỏt muoi noaq muoi lám aséh
cloc cớp alới sớp tampác táq toáq
aroáiq busín bráh o lứq. 15 Ắn
ca sớ tở tahan cubỏ tâng bớq án
muoi pla dau bớc lứq. Na dau nái

* 19:1 19:1 Santoiq ‘Halê-luya’ parlong loah la ‘Khẻn Yiang Sursĩ’. † 19:7 19:7 Lacuoi Cữu Con la sacám tể nheq tửh tốp sa-âm Yê-su.

án rachíl riap dũ cruang. Cóp án yống muoi ntreh dũi tac đợc sớt máh cruang ki. Án táq yõn cũai chũuq túh coat, yuaq Yiang Sursĩ Sốt Toâr Lứq sâng cutâu mút lứq chỏq alóí. ¹⁶ Tâng tampác cốp tâng nlu cũai sớt tahan bũn muoi ramứh noau khoiq chĩc đợc, la neq: “Nâi la Puo dũ puo canõh, cốp Ncháu dũ ncháu canõh.”

Án Ca Ớt Tâng Cloong Aséh Cloc Chũ Riap

¹⁷ Moâm ki, cứq hũm manoaq ranẽng Yiang Sursĩ ớt tayúng tâng moat mandang. Án pai casang lứq chỏq nheq tũh chỏm pâr tâng paloõng neq: “Anhia toâq põ nâi! Nheq tũh anhia rôm põ nâi! Yiang Sursĩ ẽ táq muoi pêl toâr yõn anhia! ¹⁸ Ngkĩq anhia toâq cha sâiq máh cũai puo, máh sớt tahan, máh tahan, máh aséh cốp máh cũai ớt aséh. Cốp anhia cha sâiq tẽ dũ thũ cũai, cũai sũl cốp cũai tở bũn sũl, cũai toâr cốp cũai cót!”

¹⁹ Vót ki, cứq hũm charán pla, cốp máh puo ca ớt tâng cutêq parnoi cốp nheq tũh tahan, alóí rôm ẽ chĩl án ca ớt tâng cloong aséh cloc cốp nheq tũh tahan án. ²⁰ Ma noau cốp charán pla cốp án ca táq nan tang bõq Yiang Sursĩ. Cũai táq nan tang bõq Yiang Sursĩ khoiq táq sa-ũĩ ranáq salẽh, đợc chuai charán pla ki yõn tẽq raphẽq máh cũai ca cưỡ tẽc charán pla, cốp máh cũai sang rup charán pla ki. Charán pla cốp cũai táq nan tang bõq Yiang Sursĩ, ki noau apõng alóí na mumoong tâng pống sarloac bũn ùih cốp mũ blũ níc. ²¹ Cốp máh tahan charán pla ki cuchĩt nheq toâq dau án ca ớt tâng cloong aséh cubõ tâng bõq. Chơ nheq máh chỏm tẽ paloõng toâq cha pasâi sâiq cũai tahan ki.

20

Crĩt Cốt Sốt Tâng Cutêq Nâi Muoi Ngìn Cumo

¹ Moâm ki, cứq hũm muoi noaq ranẽng Yiang Sursĩ sãng tẽ paloõng. Ranẽng ki yống cachũo tẽ ntốq pống sarloac. Cốp án yống muoi ntreh sái-sô cuti lứq. ² Án cốp ngược tuang ca ariang cusân tẽ mbõq. Ngược tuang ki sớt máh yiang sâuq, cốp án bũn ramứh yiang Satan. Ranẽng ki chỏq yiang Satan toâq sái-sô nheq muoi ngìn cumo. ³ Ranẽng Yiang Sursĩ ki apõng yiang Satan tâng pống sarloac, cốp án cloaih khâm lứq ntốq ki. Ngkĩq, yiang Satan tở tẽq raphẽq noâng cũai nheq muoi ngìn cumo. Vót muoi ngìn cumo noau acláh yiang Satan, ma noau tở bũn acláh án dũn.

⁴ Vót ki, cứq hũm sa-ũĩ cachõng ariang cachõng puo tacu. Alóí ca tacu tâng cachõng bũn chỏc đợc rablớh máh cũai. Cốp cứq hũm máh ravieí cũai khoiq chũuq cuchĩt, cõ tian alóí atõng ọc piẽiq tẽ Yê-su cốp parnai o tẽ Yiang Sursĩ. Alóí tở bũn sang charán pla tở la rup charán ki. Cốp alóí tở bũn bũn tẽc charán ki tâng caliac alóí tở la tâng atĩ alóí. Alóí ki khoiq tamoong loah chơ, cốp alóí cõt sớt parnoi cốp Crĩt nheq muoi ngìn cumo. ⁵ Ma máh cũai canõh ca khoiq cuchĩt, alóí tở yũah tamoong loah toau vót muoi ngìn cumo ki. Trỗ nâi la trỗ muoi yõn cũai ca khoiq cuchĩt bũn tamoong loah. ⁶ Bõn lứq cốp o lứq máh cũai ca tamoong loah trỗ muoi. Alóí tở bũn cuchĩt noâng trỗ bar, yuaq alóí cõt cũai tẽng rit sang Yiang Sursĩ cốp Crĩt, cốp alóí bũn cõt sớt parnoi cốp Crĩt nheq muoi ngìn cumo.

Yiang Satan Cốt Pê

⁷ Toáq muoi ngin cumo ki khoiq vót chơ, noau acláh yiang Satan tể án ốt tũ. ⁸ Chơ án pờq raphêq sĩa máh cũi dũ cruang cũi tâng cốc cutêq nãi. Noau đợq ramứh máh cruang cũi ki la Coc cớp Macoc. Yiang Satan, án parỏm máh cruang cũi yỗn pờq rachít. Clứng lứq cũi ki! Sa-ũi hỡn tể ốc chũah tâng tor đợq mừt. ⁹ Alói pờq pláh dũ ntốq tâng cốc cutêq nãi. Cớp alói ốt chũop máh cũi ca puai ngê Yiang Sursĩ tâng vil Yaru-salem. Ma bữn ùih sễng tể paloong pupứt nheq alói. ¹⁰ Chơ noau apống sĩa yiang Satan ca raphêq máh cũi, tâng pống sarloac. Ớt tâng ntốq ki, ùih cớp mừ bữ níc. Tâng ntốq ki bữn chơ charán pla cớp án ca táq nan tang bỗq Yiang Sursĩ. Alói ki chũuq tởiq bap lứq cu rangái cu sadâu, toau sớt đỡi lơi cumo.

Rablóh Tâng Tangái Parsót

¹¹ Moâm ki, cứq hữm muoi lám cachơng cloc toâr lứq ca puo đợq tacu. Cớp cứq hữm án ca tacu tâng cachơng ki. Cutêq cớp paloong lủh yáng moat án, chơ tở bữn noau hữm noâng. ¹² Cớp cứq hữm máh cũi khoiq cuchít, đễn cũi toâr cớp cũi cớt, alói tayừng yáng moat cachơng puo tacu. Chơ noau pớh máh tâm saráq. Ma bữn muoi tâm saráq ên noau pớh bữn ramứh dũ náq cũi ca bữn tamong mantái. Chơ án ca tacu tâng cachơng ki rablớh dũ náq cũi ca khoiq cuchít, puai loah ranáq alói khoiq táq, ariang noau khoiq chíc đợq tâng máh tâm saráq ki. ¹³ Chơ đợq mừt culáh loah dũ náq cũi ca cuchít tâng đợq. Ntốq cũi cuchít ốt culáh loah dũ náq cũi ốt ngki. Cớp máh ping cumuoi culáh loah dũ náq cũi ca ốt tâng ki. Chơ Yiang Sursĩ rablớh dũ náq cũi puai loah máh ranáq alói khoiq táq. ¹⁴ Moâm

ki, noau apống ốc cuchít cớp ntốq cũi cuchít ốt tâng pống sarloac, la ntốq bữn ùih blũ mantái níc. Noau đợq ntốq ki la ramứh Ntốq Cuchít Trỏ Bar. ¹⁵ Cũi aléq ma tở bữn bữn ramứh án tâng tâm saráq noau chíc ramứh cũi bữn tamong mantái, ki noau apống cũi ki tâng pống sarloac.

21

Paloong Tamái Cớp Cutêq Tamái

¹ Moâm ki, cứq hữm paloong tamái cớp cutêq tamái. Paloong tiaq cớp cutêq tiaq khoiq pứt chơ; cớp đợq mừt khoiq pứt tể. ² Cớp cứq hữm vil miar khong Yiang Sursĩ, la vil Yaru-salem Tamái. Vil ki sễng tể paloong, toáq tể Yiang Sursĩ. Vil ki o lứq, riang cumừ khoiq thừian acoan cayac toâq racoaiq án. ³ Cứq sâng muoi sừng casang lứq tể cachơng ca puo tacu, pai neq: “Sanua Yiang Sursĩ ốt cớp cũi! Án ốt cớp alói, chơ alói cớt cũi án samoát lứq. Án tở nai táh alói, ma án ốt níc cớp alói. ⁴ Yiang Sursĩ chut sarliang moat alói, cớp alói tở bữn ramóh ốc cuchít tở la ốc túh coat noâng. Alói tở bữn nhiam tở la sâng a-i noâng. Yuaq dũ ramứh tiaq khoiq pứt chơ.”

⁵ Chơ án ca tacu tâng cachơng puo pai neq: “Sanua cứq táq yỗn dũ ramứh cớt tamái ên!”

Chơ án atống cứq ên neq: “Cóg mới chíc máh santoiq nãi, yuaq santoiq nãi la p̄ieiq lứq, tềq noau noap ìt samoát samoi.”

⁶ Cớp án atống cứq ên neq: “Khoiq moâm chơ! Cứq la p̄lờ soi. Cứq la ốt tể dẫu lứq, cớp cứq ốt toau toâq parsót. Cũi aléq ma sâng khlac đợq, cứq yỗn án bữn nguaiq miat tể đợq mec yỗn cũi tamong mantái. ⁷ Cũi aléq ma chíl riap ngê sấuq, cũi

ki bữn mun neq: Cúq Yiang Sursĩ cõt Yiang án, cốp án cõt con cúq.
 8 Ma máh cūai táq ranáq sáuq, cóq alóí ớt tâng pống sarloac. Ủih cốp mữ tâng ntóq ki bữn níc, cốp noau đốq ntóq ki Ntóq Cuchĩ Trồ Bar. Alóí ca mut tâng ntóq ki la cūai neq: Alóí ca clac táq ranáq Yê-su, alóí ca tở ểq sa-âm ngê Yê-su, alóí ca bữn mút loái, alóí ca cachĩ cūai, mansẽm samiang tở bữn lacuoi cayac ma bẻq parnoi, alóí ca puai ngê mo, alóí ca sang rup yiang canốh, cốp alóí ca táq ntông lauq.”

Vil Yaru-salem Tamái

9 Moâm ki, bữn muoi noaq tẻ tapul náq ranẻng Yiang Sursĩ ca yống tapul bẻng tangan ca poân moang tapul ramủh túh coat parsót tháng. Ranẻng ki toảq pở cúq cốp pai neq: “Toảq pở nài. Cúq yỏn mới hữm cumữ ca cõt lacuoi Cừu Con.”

10 Chơ Raviei Yiang Sursĩ cõt sốt sĩa tâng mút pahỏm cúq, cốp ranẻng Yiang Sursĩ đừng cúq toảq pở anủol cóh toả cốp sarỏih lứq. Tẻ ntóq ki án yỏn cúq hữm vil miar khong Yiang Sursĩ, la vil Yaru-salem Tamái. Vil ki toảq tẻ Yiang Sursĩ, sẻng tẻ paloỏng.
 11 Vil ki ang-ừ machỏng Yiang Sursĩ tẻ, cốp vil ki báiq sáh ariang tamáu moat ramủh yat-pít. Tamáu moat ki raloang lứq. 12 Vil ki bữn viang la-a cốp sarỏih; bữn muoi chít la bar ngoah toong. Noau khiq chĩc tâng dũ toong ki, muoi toong muoi ramủh. Ramủh ki la ramủh muoi chít la bar tốp cūai I-sarel. 13 Vil ki muoi coah bữn pái ngoah toong: Coah angia mandang loỏh bữn pái ngoah toong. Coah angia mandang pát bữn pái ngoah toong. Coah angia yáng pẻng cốp angia yáng pủn la machỏng ki tẻ. 14 Noau táq viang

vil ki tâng pẻng muoi chít la bar tamáu tẻ. Cốp noau khiq chĩc tâng tamáu tẻ ki, muoi tamáu muoi ramủh. Ramủh ki la ramủh tốp muoi chít la bar náq ca rien tẻ Cừu Con.

15 Ranẻng Yiang Sursĩ ca táq ntởng cốp cúq, án yống muoi ntreh dũi táq toảq yẻng. Án ẻ chiaq vil, ngoah toong, cốp viang vil ki toảq dũi. 16 Piang pa vil ki sarỏih cốp đẻn la machỏng nheq. Ranẻng Yiang Sursĩ ki chiaq vil ki toảq dũi án. Muoi coah vil ki bữn bar ngin pỏn culám ki-lỏ-mẻt. Piang pa sarỏih cốp đẻn la machỏng nheq. 17 Ranẻng ki chiaq viang tẻ. Viang ki sarỏih bữn muoi culám pỏn chít la pỏn coat,* puai cūai đốq chiaq. Ranẻng ki chiaq machỏng ki tẻ. 18 Noau khiq táq viang ki toảq tamáu moat ramủh yat-pít. Cốp noau táq vil ki toảq yẻng muoi chít. Yẻng ki raloang samoát kẻng. 19 Noau pasang tanang viang vil ki toảq muoi chít la bar thữ tamáu moat ramủh neq: Muoi la yat-pít, bar la sapĩr, pái la cal-cadỏn, pỏn la samar-danỏ, 20 sỏng la sardanuc, tapoát la sardián, tapul la cru-salit, tacual la barủl, takẻh la tupat, muoi chít la cru-saprat, muoi chít la muoi la hua-kin, cốp muoi chít la bar la amẻt. 21 Cốp noau táq muoi chít la bar lám toong toảq muoi chít la bar ỏc hỏt moat lứq noau đốq ma-carit, muoi toong muoi ỏc. Rana tâng vil ki noau táq toảq yẻng muoi chít raloang samoát kẻng.

22 Ớt tâng vil ki, cúq tở bữn hữm đống sang ntrỏu, yuaq Yiang Sursĩ Sốt Toả Lứq, cốp Cừu Con, alóí ớt dũ ntóq tâng vil ki. Ngkíq, ntóq alẻq la tẻq nheq noau sang toam. 23 Vil ki tở bữn túh cóq bữn moat mandang tở la rliang

* 21:17 21:17 Tở la sarỏih sám tapoát chít la sỏng mẻt.

casâi, yuaq Yiang Sursĩ toâp aclaq poang tâng vil ki, cốp Cũu Con la samoât riang chóp tóu yõn vil ki. ²⁴ Chơ nheq từh cũai tềq hũm cốp tềq pupõq cổ nhơ tể ốc poang ki. Cốp dũ nác puo tâng cốc cutềq nâi ể dững máh sanốc nừn alới amut tâng vil ki. ²⁵ Máh toong noau mut loõh tâng vil ki, noau tở nai catáih, yuaq tở nai bữn sadâu noâng tâng vil ki. ²⁶ Ramứh ntróu o tở la nêuq, cốp ramứh ntróu cũai đốq khển, dũ ramứh ki noau dững amut tâng vil ki. ²⁷ Ma ramứh sâuq tở tềq dững amut tâng vil ki. Cũai loài cốp cũai táq nẵng lauq, tở tềq mut tâng vil ki. Ống cũai bữn ramứh tâng tâm saráq ca noau chĩc ramứh cũai bữn tamoong mantái sâng tềq mut tâng vil ki. Tâm saráq ki la khong Cũu Con.

22

¹ Moâm ki, ranềng Yiang Sursĩ apáh yõn cứq hũm crõng yõn cũai tềq tamoong mantái. Đõq ki raloang lứq, cốp hoi aloõh tể cachơng puo, la nẵng Yiang Sursĩ cốp Cũu Con tacu. ² Đõq ki hoi tâng mpứng dĩ tâng rana la-a lứq tâng vil ki.

Bar coah crõng ki bữn máh aluang yõn cũai tềq tamoong mantái. Aluang ki cõt palâi muoi cumo muoi chít la bar trỗ, muoi casâi muoi trỗ. Cốp sala aluang ki la samoât rahâu đõq tahâu nheq từh cũai. ³ Tở bữn ramứh ntróu Yiang Sursĩ khoiq pupap ma tể mut tâng vil ki.

Cachơng puo ca Yiang Sursĩ cốp Cũu Con tacu bữn ốt tâng vil ki. Cốp máh cũai táq ranác Yiang Sursĩ ốt sang án. ⁴ Máh cũai ki bữn hũm mieiq Yiang Sursĩ, cốp alới bữn ramứh Yiang Sursĩ chĩc tâng caliac alới. ⁵ Tâng vil ki tở nai bữn sadâu noâng. Ngkíq tở

bữn noau cóq bữn chóp tóu. Cốp tở bữn túh moat mandang claq noâng, yuaq Yiang Sursĩ, Ncháu hái toâp, claq táq yõn vil ki cõt poang níc. Cốp cũai ki cõt sớt mantái níc.

Máh Santoiq Tâng Tâm Saráq Nâi La Píeiq Lứq

⁶ Vót ki, ranềng Yiang Sursĩ atõng cứq neq: “Nheq santoiq nâi la píeiq lứq, tềq cũai noap ít samoât samoi. Yiang Sursĩ, Ncháu hái, án ốn ranềng án pờq sapáh yõn máh cũai táq ranác án dáng tể máh ramứh cheq ể toâq. Án yõn Raviei án mut tâng mút pahõm máh cũai ca atõng tang bõq án. ⁷ Cốp Yê-su pai neq: ‘Anhia nhêng o! Tở bữn dũn noâng cứq toâq! Bõn lứq máh cũai ca trĩh máh santoiq pai saccoiq tâng tâm saráq nâi.’”

⁸ Cứq Yang khoiq sâng cốp hũm dũ ramứh nâi! Moâm cứq sâng cốp hũm máh ramứh nâi, cứq sacõh racól yoc ể sang ranềng Yiang Sursĩ ca yõn cứq dáng máh ramứh nâi. ⁹ Ma án atõng cứq neq: “Chõĩ táq ngkíq! Cứq táq ranác Yiang Sursĩ machõng mới tể, cốp machõng máh sêm ai mới ca atõng tang bõq Yiang Sursĩ, cốp machõng dũ nác cũai ca trĩh máh santoiq tâng tâm saráq nâi. Cóp mới sang ống Yiang Sursĩ sâng!”

¹⁰ Chơ ranềng ki pai ễn chóg cứq neq: “Mới chõĩ cutooq máh santoiq mới chĩc tâng tâm saráq nâi ariang Yiang Sursĩ khoiq sapáh baih, yuaq cheq ể toâq chơ tangái máh ramứh nâi cõt. ¹¹ Toâq tangái ki, cũai tở bữn tanoang o, lứq án tở bữn tanoang o níc. Cốp cũai ca bữn mút loài, lứq án bữn mút loài níc. Cũai ca tanoang o, lứq án tanoang o mantái níc. Cốp cũai ca bữn mút

bráh o, lúq án bữn mút bráh o níc.”

¹² Cóp Yê-su pai ẽn neq: “Anhia nhêng o! Tở bữn dùn noàng cứq toâq! Bo cứq toâq, cứq dũng cóng yõn dũ náq cũai, puai ranáq alóí khoiq táq. ¹³ Cứq la plớ soi. Cứq la coâl cõiq. Cứq õt tẽ dâu lúq, cóp cứq õt toau toâq parsốt thánq. ¹⁴ Bõn lúq máh cũai khoiq pooh yõn bráh au tuar alóí, yuaq alóí bữn cha palâi tẽ aluang ca yõn cũai tẽq tamoong mantái. Cóp tẽq alóí mut tâng vil ki. ¹⁵ Ma yáng tiah vil ki, bữn máh cũai ca dốq táq neq: cũai loâi, cũai puai ngê mo, cũai tở bữn lacuoi cayac ma bẽq parnoi, cũai cachĩt cũai canõh, cũai sang rup yiang canõh, cóp cũai yoc ẽ táq ntõng lauq. ¹⁶ Ramúh cứq la Yê-su. Cứq khoiq ón ranẽng cứq pỡq atõng máh ramúh nâi yõn anhia ca õt tâng tốp sa-âm. Cứq la tẽ tống toiq puo Davĩt. Cứq la mantõr priang claq poang tâng tarup.”

¹⁷ Raviei Yiang Sursĩ cóp lacuoi Cũu Con pai neq: “Sẽq anhia toâq!”

Cũai aléq ma tamứng santoiq nâi, cóq cũai ki pai tẽ neq: “Sẽq anhia toâq!”

Anhia ca ẽ khlac dỡq, cóq anhia toâq. Khân anhia yoc ẽ nguaiq dỡq yõn tamoong mantái, tẽq anhia nguaiq miat.

¹⁸ Cứq la Yang, cứq sươq dũ náq cũai ca sânq santoiq sapáh baih tâng tâm saráq nâi neq: Khân cũai aléq tũm ốc ntrớu ẽn tẽ máh santoiq sapáh baih tâng tâm saráq nâi, nõ-ra Yiang Sursĩ lúq yõn cũai ki ramóh máh ramúh túh coat ca cứq khoiq chĩc tâng tâm saráq nâi. ¹⁹ Cóp khân cũai aléq ma táh muoi ốc ntrớu tẽ santoiq sapáh baih tâng tâm saráq nâi, ki Yiang Sursĩ táq yõn cũai ki ốq bữn

cha palâi tẽ aluang yõn cũai tẽq tamoong mantái. Cóp cũai ki tở tẽq mut tâng vil miar khong Yiang Sursĩ. Tâm saráq nâi khoiq atõng chơ tẽ aluang cóp vil ki.

²⁰ Yê-su, án ca atõng yõn cứq dáng tẽ máh ramúh nâi, án pai neq: “Lúq samoât! Tở bữn dùn noàng cứq toâq!”

Amen! Sẽq anhia toâq cháí, Ncháu Yê-su oĩ!

²¹ Cứq sẽq Yê-su, Ncháu hái, chuai miat anhia. Amen.

Saraq Ūat Khễn Yiang Sursĩ Santoiq Atõng

Saraq Ūat Khễn nài bữn sa-ũi nàq cũi chĩc, cớp tâng sa-ũi cumo tê. Tâng saràq nài bữn cansái ũat khễn cớp santoiq câu sễq. Mách cũi chĩc saràq nài bữn neq: Davĩt chĩc 73 pún; Asap chĩc 12 pún; máh con samiang Cờ-ra chĩc 12 pún; Sa-lamõn chĩc 2 pún; Mõi-se chĩc muoi pún; cớp E-than chĩc muoi pún.

Mách cũi I-sarel đốq ũat máh cansái ũat khễn cớp máh santoiq câu sễq tâng saràq nài bo alới sang toam Yiang Sursĩ. Ngkĩq, tâng tâm saràq nài bữn neq:

- Cansái ũat đốq câu sễq Yiang Sursĩ bán curiaq.
- Cansái ũat đốq câu sễq Yiang Sursĩ chuai yõn tẽq vớ tẽ máh ốc túh coat.
- Cansái ũat đốq ngin kho máh ốc lỏih.
- Cansái ũat đốq sa-õn Yiang Sursĩ khoiq chuai alới tẽ mbốq.
- Cansái ũat đốq sa-õn Yiang Sursĩ yõn máh ramứh o án khoiq tẽng.
- Cansái ũat rasễq yõn Yiang Sursĩ pupút máh cũi par-ũal.

Mách santoiq câu tâng saràq nài alới ít tặc níc. Alới ũat bo alới chõn pở Đõng Sang Toâr, tở la bo alới sang toam Yiang Sursĩ. Saràq nài cớ t mun ca bữn kia lứq yõn cruang alới. Saràq Ūat Khễn nài máh cũi ít tặc níc yõn toau toâq đõi Yê-su, cớp đõi sanua tê. Saràq nài cớ t cansái Yê-su đốq hái ũat khễn Yiang Sursĩ tái-mantái.

Pún Muoi

1

Cũi Tanoang O Cớp Cũi Loài

- 1 Bõn lứq cũi ca tở bữn puai parnai cũi loài, tở la táq puai ariang cũi lỏih đốq táq, tở la tũoiq alới ca đốq ayê ra-ac Yiang Sursĩ.
- 2 Ma cũi ki sâng bũi hỡ lứq cớp phễp rit Yiang Sursĩ. Cớp án ố t chanchớ m tễ phễp rit ki nheq sadâu tangái.
- 3 Cũi ki la ariang aluang noau chỏh cheq đốq tũm; toâq catữ án cớ t palái cớp sala án la tở nai roõh. Dù ranàq án táq la cớ t kia nheq.

- 4 Ma máh cũi loài tở bữn cớ t ngkĩq; ma alới cớ t samoât alúc cuyal phát sapâr đừng chu nốq canỏh.
- 5 Toâq tangái Yiang Sursĩ rablớh máh cũi, tangái ki Yiang Sursĩ pác aloỏh cũi loài tễ cũi tanoang o.
- 6 Lứq samoât, Yiang Sursĩ bán kĩaq cũi tanoang o, ma máh cũi loài, nỡ-ra Yiang Sursĩ pupút alới.

2

Puo Ca Yiang Sursĩ Rườh

- 1 Cỗ nốq máh cruang cũi tâng cớ c cutẽq nài ma chi-chuaq ralỉh? Cỗ nốq alới sarhớng ngê tở bữn cớ t kia ntrớu?
- 2 Máh cũi puo tâng cớ c cutẽq nài, cớ p máh cũi sớ t canỏh, nheq nàq alới pruam parnoi ẽ chĩ Yiang Sursĩ cớ p Puo ca Yiang Sursĩ khoiq rườh chớ.
- 3 Máh cũi sớ t tâng đõi nài sarhớng parnoi neq:

“Hái yoah chíq tễ Yiang Sursĩ táq sớt.

Hái chõỉ yõn Yiang Sursĩ cớp Puo Yiang Sursĩ rươh táq sớt noâng hái.”

4 Ma Ncháu ca ớt tâng paloõng, án cacháng ayê alóỉ.

5 Chơ án sâng ũan lứq, cớp sươq alóỉ.

Án táq yõn alóỉ sâng ngcõh toâq án cutâu mút.

6 Án pai neq: “Cứq khoỉq rươh cóh Si-ôn,*

la cóh miar khong cứq, đớq chớh Puo ca cứq khoỉq rươh.”

7 Puo ca Yiang Sursĩ khoỉq rươh pai neq:

“Lứq cứq atõng tễ máh ớc Yiang Sursĩ khoỉq par-ũq chơ.

Yiang Sursĩ khoỉq pai neq chớq cứq:

‘Mớỉ la Con cứq. Tangái nài cứq lứq cõt Mpoaq mớỉ.

8 Khãn mớỉ sễq tễ cứq, ki cứq lứq yõn mớỉ cõt Ncháu máh dũ cruang cũai.

Cớp cứq yõn mớỉ ndõm dũ ramứh pũn paloõng cutrúq nài.

9 Nỡ-ra mớỉ lứq yõng dũỉ tac côq alóỉ

samoât noau côq adéh cutễq yõn pacháh nheq.’ ”

10 Ngkíq, anhia ca puo tâng dõỉ nài ơỉ!

Sanua cóq anhia tamứng máh santonq patáp nài.

Cớp anhia ca sớt tâng cutễq nài ơỉ!

Cớq anhia rien ỉt máh parnai cứq sươq.

11 Cớq anhia cangcoaih ngcõh Yiang Sursĩ

cớp sâng bũỉ hỡr yám noap án.

12 Cớq anhia pũp crap yám noap án.

Khãn tỡ bũn ngkíq, ki Yiang Sursĩ bũn mút cutâu chớq anhia,

cớp lứq anhia cuchĩt toâp.

Ma cũai aléq sễq yõn Yiang bán kĩaq án,

cũai ki lứq bũn ớc bốn puan sa-ũỉ.†

3

*Santonq Cầu Tarup**

1 Ơ Yiang Sursĩ ơỉ! Lứq bũn chửng cũai kêt cứq!

Bũn chửng cũai yuor tayứng ễ táq cứq!

2 Alóỉ ki pai neq: “Yiang Sursĩ tỡ bũn chuai noâng án.”

3 Ma Yiang Sursĩ ơỉ, lứq anhia catáng ra-óq cứq yõn vớtt tễ alóỉ ễ cachĩt cứq.

Lứq anhia yõn cứq riap níc, cớp anhia táq yõn cứq loõh plỡ lớ sương bũn mút pahõm cõt clốq lứq ễn.

4 Sương cứq arô sễq tễ Yiang Sursĩ,

chơ án ta-đõỉ cứq tễ cóh Si-ôn, la cóh miar khong án.

5 Tâng sadâu cứq padếh bẻq langêtt lứq toau pông brang, yuaq Yiang Sursĩ bán kĩaq níc cứq.

6 Lứq cứq tỡ bũn ngcõh ntróu toâq vian cũai ễ cachĩt cứq, alóỉ khoỉq ớt lavíng mpễr cứq.

7 Ơ Ncháu cứq ơỉ! Anhia la Yiang Sursĩ cứq.

Sễq anhia toâq chuai amoong cứq nứng, Yiang Sursĩ ơỉ!

* 2:6 2:6 Cóh Si-ôn ki bũn Đõng Sang Toâr tâng vil Yaru-saleh. † 2:12 2:12 Rana 12 nài tỡ bũn raloaih tâng parnai Hê-brơ. * 3: 3:0 Cansái ũat tễ Davĩt vớtt án lủh tễ Ap-salôm con samiang án.

Sẽq anhia chĩl alỏi ca yoc ẽ táq cứq.

Cóp sẽq anhia pupút nheq máh cũai loài.

8 Ông Yiang Sursĩ toáp têq chuai yõn tamoong.

Sẽq Yiang Sursĩ yõn cũai ca sa-âm anhia bữn ớc bốn!

4

*Santoiq Câu Tabũ**

1 Ơ Yiang Sursĩ ca bẻng chuai cứq ơ!

Toâq cứq câu, cứq sẽq anhia sarũiq táq cóp ta-õĩ nứng santoiq cứq câu.

Bo cứq ramóh túh coat, sẽq anhia chuai cứq nứng,

cóp tamứng ớc cứq câu sẽq anhia chuai.

2 Ơ máh cũai ơ! Máh léq dũn anhia yoc ẽ acrieiq cứq?

Cóp máh léq dũn anhia yoc ẽ táq níc ranáq tở cõt ớc?

Cóp máh léq dũn anhia yoc ẽ sang yiang tở bữn lứq ntrớu?

3 Cóq anhia dáng samoât samơi, Yiang Sursĩ rườh cũai tanoang o,

cóp án tamứng máh parnai cứq câu.

4 Toâq anhia sâng cutâu mút, chõĩ yõn mút cutâu ki radũng anhia táq lờih.

Toâq anhia bẻq, cóq anhia õt rangiac cóp tutuaiq loah tẻ sarnóm anhia bữm.

5 Cóq anhia bữn mút tanoang o toâq anhia chiau cớng sang yõn Yiang Sursĩ.

Cóp cóq anhia sa-âm án samoât samơi.

6 Clứng cũai dóq câu neq: “Ơ Yiang Sursĩ ơ!

Sẽq anhia satỏh ớc bốn sa-ũĩ lứq ẽn.

Sẽq anhia nhềng chu hẻq cóp sarũiq táq hẻq.”

7 Ma anhia khoiq yõn pahỏm cứq sâng bũi hỏr clũĩ tẻ cũai canỏh ca bữn sa-ũĩ saro cóp blống chong.

8 Ơ Yiang Sursĩ ơ! Toâq cứq padẻh bẻq,

cứq bẻq ien khẻ, yuaq khoiq bữn anhia toáp bán kĩaq dũ ramứh.

5

*Câu Sẽq Yiang Sursĩ Catáng Ra-óq**

1 Ơ Yiang Sursĩ ơ! Sẽq anhia pachềng cutữ tamứng parnai cứq.

Cóp sẽq anhia tutuaiq sarnóm cứq chanchỏm.

2 Yiang Sursĩ toáp ndỏm dời tamoong cứq,

sẻq anhia tamứng sớng cứq arỏ anhia.

Yuaq cứq câu sẽq tẻ anhia la Puo cứq.

3 Toâq poang tarừp, anhia lứq tamứng sớng cứq câu.

Cóp cứq ngcuang anhia ta-õĩ.

4 Anhia tở cõn Yiang ca bũi cóp ranáq lờih.

Máh cũai táq ranáq lờih tở têq ớt yáng moat anhia.

5 Anhia tở bữn chũuq noâng chỏq cũai khẻn tỏ bữm cóp máh cũai ca táq ranáq sầuq.

6 Lứq anhia pupút máh cũai dóq táq nỏng lauq.

Cóp anhia nhỏp máh cũai táq tahỏc aham yớu cóp cũai dóq phẻq thũ yớu.

* 4: 4:0 Cansái ũat tẻ Davĩt. Yõn án ca sỏt tỏp tapáih cớng lampỏiq. * 5: 5:0 Cansái ũat tẻ Davĩt. Yõn án ca sỏt tỏp plống cớng lampỏiq.

7 Yuaq anhia ayooq cứq luat ngư,
ngkíq cứq tềq mut loah tâng
Đông Sang Toâr anhia bo
cứq sang toam yám noap
anhia.

8 Ơ Yiang Sursĩ ca tanoang o ơi!
Bữn sa-ữi lứq cũai kêt cứq.
Sễq anhia dừng cứq puai tâng
rana tanoang o anhia.

9 Mách sường santoiq ca loõh tể
bỗq alóí kêt cứq, ki tở bữn
lứq ntrầu.

Alóí chanchóm ống ranáq loài
toáp.

Lieih alóí pai la khểuq cốp ẽm
o lứq,
ma mút alóí la samoât riang
ping cumuiq tở bữn noau
cuból.

10 Ơ Yiang Sursĩ ơi, sễq anhia
pupút chíq alóí.

Mách ranáq sâuq alóí khoiq
chanchóm, yõn toâq pở alóí
bữm.

Sễq anhia tuih aloõh chíq alóí,
yuaq alóí táq moang ranáq
lôih cốp tở ẽq tamứng par-
nai anhia.

11 Ma máh cũai sa-âm anhia, ki
yõn alóí bữn moang ốc bữi
óh.

Yõn alóí triau cupo casang
lứq.

Sễq anhia bán kĩaq curiaq cudar
alóí, yuaq alóí ayooq anhia.
Ngkíq alóí bữn mút pahõm
bữi óh níc.

12 Ơ Yiang Sursĩ ơi! Lứq samoât
anhia yõn ốc bốn pở cũai
tanoang o.

Mách ốc ayooq tể anhia catáng
ra-óq alóí la samoât riang
khể ớt catáng.

1 Ơ Yiang Sursĩ ơi! Sễq anhia chỏi
tềq cứq bo anhia ũan.

Sễq anhia chỏi manrap cứq toâq
anhia cutâu mút.

2 Ơ Yiang Sursĩ ơi! Cứq sâng ieuq
lứq.

Sễq anhia sarũiq táq cứq
nứng.

Sễq anhia yõn cứq bán rêng
loah, yuaq ieuq ot lứq tâng
nghang nghõng cứq.

3 Mút pahõm cứq la ngua lứq.

Ơ Yiang Sursĩ ơi! Noâng máh léq
dữn nõq anhia chuai tể máh
ốc túh ngua nâi?

Sễq anhia chuai cứq yõn bữn
ớt ien khể.

4 Cucõh Yiang Sursĩ ơi! Sễq anhia
toâq chuai amoong cứq.

Sễq anhia yõn cứq bữn vót tể ốc
cuchít, cõ nhơ tể ốc ayooq
anhia.

5 Cũai cuchít tở bữn sanhữ noâng
anhia,

cốp cũai khoiq cõt cumuiq tở
têq ũat khẽn noâng anhia.

6 Cứq cuclõiq cucling níc, yuaq
sâng lakéh lakiei.

Cu sadâu cứq nhiam.

Sarliang moat hoi layáp nheq
ntốq bẻq.

7 Yuaq cũai ẽ cachít cứq,

ngkíq cứq nhiam toau moat
mủh cõt áih cốp sarnóm cõt
ngua níc.

8 Mách cũai loài ơi! Anhia loõh yõn
vót tể cứq,

yuaq Yiang Sursĩ khoiq sâng
sường cứq nhiam.

9 Yiang Sursĩ khoiq tamứng sường
cứq câu sễq,

cốp án khoiq ta-õi parnai cứq
câu.

10 Nheq tữh cũai ca ẽ táq cứq, alóí
cõt cangcoaih ngcõh lứq.

6

*Sễq Yiang Sursĩ Chỏi Tềq**

* 6: 6:0 Cansái ũat tể Davít. Yõn án ca sốt tốp tapáih cớng lampõiq.

Alóí lúh pláh chu nâi chu
ki cốp pút sarméq loâng,
yuaq alóí sâng casiet táq.

7

Câu Sẻq Yiang Sursĩ Rapai

*Chuai**

- 1 Ơ Yiang Sursĩ la Ncháu cứq ơi!
Cứq câu sẻq anhia catáng
ra-óq cốp chuai amoong
cứq yỗn vót tẻ atĩ cũi ẻ
cachĩt cứq.
- 2 Ma khân tở bữn ngkíq,
cỗh lơ alóí háq tở cứq samoât
cula samín háq tở charán
táq cõt mẽng, ma tở bữn
noau chuai.
- 3 Ơ Yiang Sursĩ, la Ncháu cứq ơi!
Khân cứq táq ranáq sâuq
máh alóí ki,
4 tở la táq lỏih chỏq yớu ca tở
bữn ralỏih ntrớu cốp cứq,
tở la tutuoiq cớng alóí ca ũan
cứq
ma alóí tở yũah táq ntrớu
chỏq cứq,
5 khân cứq khoiq táq ngkíq,
ki o yỗn alóí cốp cốp cachĩt
táh cứq.
Cốp o yỗn alóí háq tở cứq.
- 6 Ơ Yiang Sursĩ ơi! Sẻq anhia yuor
tayứng cốp cutâu mút chỏq
alóí ca ẻ táq cứq,
la cũi tachoât lứq.
Sẻq anhia tamở cốp chuai cứq
nứng, yuaq anhia yoc cũi
táq óng ranáq pẻiq.
- 7 Sẻq anhia yỗn dũ náq cũi ớt
lavíng cheq anhia.
Chơ anhia curiaq alóí tẻ nốq
anhia ớt tâng paloong.
- 8 Ơ Yiang Sursĩ sớt clữi nheq tẻ
canỏh ơi! Lứq anhia rablớh
dũ náq cũi tâng cốc cutẻq
nâi.

Sẻq anhia sữq cứq, puai máh
ranáq tanoang o cứq khoiq
táq,

cốp puai mút pahỏm o cứq.

- 9 Ơ Yiang Sursĩ ơi, anhia la
tanoang lứq!
Anhia dáng nheq tâng mút
pahỏm cốp tâng sarnỏm
cũi.
- Sẻq anhia yỗn máh cũi
lỏai cachian táh máh ranáq
sâuq.
Cốp sẻq anhia yỗn cũi
tanoang o bữn ớt khâm.
- 10 Yiang Sursĩ la Yiang sớt clữi
nheq tẻ canỏh, án catáng
ra-óq cứq.
Án chuai amoong cũi ca yám
noap án.
- 11 Yiang Sursĩ rablớh tanoang lứq.
Cu rangái mút pahỏm án
cutâu níc chỏq cũi sâuq.
- 12 Khân cũi lỏih ma tở bữn ralẻq
mút pahỏm tamái,
Yiang Sursĩ kit đởq dau yỗn
bớc lứq.
Cốp Yiang Sursĩ sĩ đởq
tamiang.
- 13 Án thữan máh cớng pla, đẻh
saráh ũih.
- 14 Nhẻng ki! Cũi lỏai clẻu níc ỏc
sâuq,
yuaq sarnỏm án ớt chanchỏm
moang ỏc sâuq cốp máh
ngẻ lauq.
- 15 Samoât án pít prúng yỗn yarũ
tâng cutẻq,
chơ án sapủl bữm tâng prúng
ki.
- 16 Ngkíq, máh ranáq sâuq án
khoiq táq, lứq toâq loah pở
án.
Cốp máh ranáq tở o án khoiq
táq, lứq pỉh loah chu án tẻ.

* 7: 7:0 Cansái ũat Davĩt cuclỏiq cucling chu Yiang Sursĩ cở tian Cut tẻ tốp Ben-yamin.

17 Cúq sa-õn Yiang Sursĩ, cõ án la
 Yiang tanoang o.
 Cóp cúq khẽn ramúh Yiang
 Sursĩ yõn cõt parchia
 parhan,
 án la Yiang sõt toâr clũi nheq
 tẽ canõh.

8

*Yiang Sursĩ Rươh Cũai Ndõm**

1 Ơ Yiang Sursĩ la Ncháu hếq ơi!
 Máh ọc o cóp chóc sớt
 tẽ ramúh anhia parchia
 chũop nheq tâng cóc cutẽq
 nâi!
 Sương noau ũat khẽn anhia
 suol toâq paloõng.

2 Anhia táq yõn bõq carnẽn cacót
 lứq, dếh alói ca noâng pu
 tóh hỡ, ũat khẽn anhia tẽ.
 Anhia táq ngkíq đõq catáng
 dũ náq cũai ca ẽ chíh anhia
 cóp ẽ táq cúq.

3 Bo cúq tapoang achõn chu
 paloõng,
 cúq hữm rliang casài cóp
 máh mantõr ca anhia khoiq
 tẽng đõq tâng ntõq ki,

4 ntróu anhia hữm o tẽ
 cũai, ma anhia chanchóm
 tẽ alói?
 Cóp ntróu anhia hữm o tẽ
 cũai, ma anhia pasếq lứq
 alói?

5 Anhia khoiq tẽng yõn cũai cõt
 pũn tẽ anhia bĩq sâng.†
 Cóp anhia yõn cũai bữn chóc
 ariang puo đõq bữn, yõn
 máh ramúh canõh yám
 noap alói.

6 Anhia khoiq tẽng dũ ramúh yõn
 cũai cõt sớt nheq.
 Cóp anhia yõn dũ ramúh ki õt pũn
 talang ayũng alói, bữn neq:

7 máh con cũu, tốp ntroõq, cóp
 máh charán cruang,
 8 máh chóm pâr, máh sĩaq
 tâng đõq mut, cóp dũ
 ramúh õt tâng đõq mut.

9 Ơ Yiang Sursĩ la Ncháu hếq ơi!
 Máh ọc o cóp chóc sớt
 tẽ ramúh anhia parchia
 parhan chũop nheq tâng
 cóc cutẽq nâi!
 Sương noau ũat khẽn anhia
 suol toâq paloõng.

9

*Yiang Sursĩ Rablớh P̄ieiq Lứq**

1 Ơ Yiang Sursĩ ơi! Cúq sa-õn
 cóp yám noap anhia nheq
 tẽ rangúh rahỡ cúq.

Lứq cúq atõng tẽ dũ ranáq
 salẽh anhia khoiq táq chơ.

2 Ơ Yiang Sursĩ Sõt Toâr Lứq ơi!
 Yuaq anhia yõn cúq bữn
 moang ọc bũi óh, ngkíq cúq
 ũat khẽn đõq sang toam
 anhia.

3 Tữ alói ca ẽ cachit cúq hữm
 anhia, alói pĩh chu loah,
 chơ alói đóm cuchit loâng.

4 Anhia õt tâng ntõq sớt.
 Anhia sũq tanoang, cóp anhia
 khoiq sũq cúq, pai cúq lứq
 tanoang o.

5 Anhia khoiq sũq dũ náq cũai ca
 tỡ bữn yám noap anhia.
 Cóp anhia khoiq pupút máh
 cũai loái, tỡ yõn noau
 sanhữ noâng ramúh alói.

6 Alói ca ẽ cachit hếq khoiq pút
 chơ, toau sớt dũ đõi.
 Đõng vil alói, anhia khoiq
 talõh, cóp tỡ bữn noau
 sanhữ noâng alói.

7 Ma Yiang Sursĩ la Puo ca sớt
 mantái níc.

* 8: 8:0 Cansái ũat tẽ Davĩt. Yõn án ca sớt tốp sương ũat. † 8:5 8:5 Tỡ la ‘pũn bĩq tẽ
 ranẽng Yiang Sursĩ’. * 9: 9:0 Cansái ũat tẽ Davĩt. Yõn án ca sớt tốp sương ũat.

- Án khoiq thrũan ntốq đốq
 rablớh cũai.
- 8 Án rablớh tanoang lứq yỗn dũ
 nác cũai tâng cốc cutểq
 nãi.
 Cốp án rablớh p̄ieiq lứq yỗn
 dũ thữ cũai hỡ.
- 9 Yiang Sursĩ la ntốq poâng yỗn dũ
 nác cũai ca ramóh túh coat,
 cốp án bán kĩaq bo alóí túh
 ngua.
- 10 Alóí ca dáng ramứh Yiang Sursĩ,
 lứq alóí sa-âm án.
 Án tỡ nai táh cũai ca toâq pỡ
 anhia.
- 11 Cóg hái ũat khẽn Yiang Sursĩ ca
 ớt tâng vil Si-ôn,
 cốp pỡq atớng yỗn cũai dũ
 nác dáng tể dũ ramứh án
 khoiq táq chơ.
- 12 Yiang Sursĩ sâng sarũiq táq
 chóq cũai ca chiuq ramứh
 túh coat.
 Lứq án tỡ bữn khlĩr sương
 alóí arô.
 Cốp án carláh đốq chóq cũai
 loài.
- 13 O Yiang Sursĩ ơi! Sểq anhia bữn
 mút lamên chóq cứq nứng!
 Sểq anhia nhêng chu ranác
 sâuq alóí táq chóq cứq.
- O Yiang Sursĩ ơi! Sểq anhia chuai
 amoong cứq yỗn vót tể ốc
 cuchĩt.
- 14 Ngkíq, cứq tềq ũat khẽn anhia
 choâng moat cũai tâng vil
 Yaru-salem.
 Lứq cứq atớng dũ ramứh ca
 anhia khoiq chuai cứq.
 Cứq sâng bũi lứq anhia khoiq
 bán kĩaq cốp chuai amoong
 cứq.
- 15 Mách cũai tỡ bữn sa-âm anhia,
 lứq alóí sapủl bữm tâng
 prúng alóí khoiq pĩq.
 Cốp alóí táq mantĩn ểq noau
 chuat, ma alóí toâp chuat
 bữm.

- 16 Yiang Sursĩ khoiq apáh ranác
 salễh yỗn dũ nác cũai hữm,
 án la Yiang tanoang tapúng
 lứq.
 Ma cũai loài roap bữm tể máh
 ranác sâuq alóí khoiq táq.
- 17 Cũai loài pỡq chu ntốq cũai
 cuchĩt ốt.
 Cốp đêh cũai ca tỡ ểq tamứng
 noâng parnai Yiang Sursĩ,
 pỡq chu ntốq ki tề.
- 18 Mách cũai cadĩt, Yiang Sursĩ tỡ
 nai khlĩr alóí.
 Mách ramứh alóí ngcuang, lứq
 tỡ tềq pứt.
- 19 O Yiang Sursĩ ơi! Sểq anhia toâq
 chái!
 Chối yỗn cũai loài nãi bữn
 riap anhia.
 Sểq anhia rablớh dũ nác cũai
 ca tỡ bữn sa-âm anhia.
- 20 O Yiang Sursĩ ơi! Sểq anhia
 táq yỗn alóí cangcoaih cốp
 ngcõh anhia.
 Táq yỗn alóí dáng raloaih
 lứq, alóí la samoât cũai
 miat sâng.

10

*Sểq Yiang Sursĩ Yỗn Ốc P̄ieiq**

- 1 O Yiang Sursĩ ơi! Nốq anhia ớt
 yong tể cứq?
 Nốq anhia tooq clộp lứq bo
 cứq ramóh túh coat?
- 2 Cũai loài ốt níc choâng moat
 cũai cadĩt,
 Sểq anhia táq yỗn alóí chuat
 bữm tâng taho alóí khoiq sĩ.
- 3 Mách cũai loài khẽn tể máh ranác
 sâuq tâng mút pahõm alóí.
 Cốp alóí khẽn máh cũai ham
 cơng yớu, cốp cũai ca
 acrieq ramứh Yiang Sursĩ.

* 10: 10:0 Cansái ũat tể Davĩt. Yỗn án ca sớt tồp ũat. Pún 9 cốp pún 10 cõt muoi pún sâng tâng parnai Créc ca parlong tể parnai Hê-brơ.

- 4 Cūai loài achõn tở bữm cớp tở
 ẽq tamứng santoiq Yiang
 Sursĩ.
 Cớp alới pai mumat neq:
 “Yiang Sursĩ tở bữn lứq
 ntróu mỗ.”
- 5 Máh ranáq sàuq, ki alới táq cõt
 nheq.
 Alới chanchóm Yiang Sursĩ tở
 bữn rablớh cūai.
 Alới ayê ra-ac máh cūai tở
 bữn pruan cớp alới.
- 6 Cūai loài chanchóm neq: “Sốt
 dõi cứq tở bữn ramóh túh
 coat ntróu, cớp tở bữn
 ramóh croóq criat ntróu.”
- 7 Bỏq alới lóc acrieiq yóu, táq
 ntõng lauq, cớp canứh ẽ táq
 yóu.
 Alới pai moang ỏc ntáng ahór
 cớp ỏc loài.
- 8 Alới ỏt cróq cheq ramỏh vil bân
 rapul, ẽ cachĩt máh cūai tở
 bữn lỏih.
 Alới chanchóm níc ẽ cachĩt
 cūai ỏq ntóq poâng.
- 9 Alới cõt samoât cula samín táng
 carchian ẽ palõng cáp máh
 cūai cadĩt.
 Cớp alới yoang alieiq ẽq máh
 cūai chuai,
 chớ alới hor achu pở ntóq alới
 ỏt.
- 10 Cūai loài tĩn sarúq cūai túh
 cadĩt, la cūai ỏq noau
 rachuai.
 Alới ưo cỗ bữn bán rêng hỡn,
 chớ alới ếp níc máh cūai
 cadĩt.
- 11 Máh cūai loài dỏq miar
 chanchóm neq: “Yiang
 Sursĩ khoiq khlĩr chớ máh
 ranáq sàuq cứq khoiq táq.
 Án khoiq canhĩt moat, tở bữn
 hữm noâng tể ranáq sàuq
 ki!”
- 12 Ở Yiang Sursĩ ời! Sẻq anhia
 rablớh máh cūai sàuq ki.

- Sẻq anhia chõi khlĩr cūai ca
 chũuq túh coat.
- 13 Yuaq nõq cūai sàuq ma ayê
 ra-ac Yiang Sursĩ,
 cớp chanchóm táng mút neq:
 “Lứq Yiang Sursĩ tở nai táq
 cứq.”
- 14 Ma Yiang Sursĩ lứq hữm cớp
 dáng máh ramứh túh arúc
 ca toàq pở cūai tanoang o.
 Sẻq anhia chuai níc alới.
 Cớp cūai ỏq ntóq poâng, ki
 alới chiau sang tở alới pở
 anhia,
 cớp anhia chuai dũ náq cūai
 tỏiq bap.
- 15 Sẻq anhia pupút nheq máh
 chóc cūai loài, yỗn toau alới
 sâng tở ẽq táq noâng ranáq
 sàuq ki.
- 16 Yiang Sursĩ la Puo tể dàu lứq
 cớp toau toàq parsốt tháng.
 Cūai aléq ma tở bữn sa-âm
 án, lứq án pupút cūai ki tể
 tâm cutẻq án sốt.
- 17 Ở Yiang Sursĩ ời! Lứq anhia
 tamứng sừng santoiq cūai
 túh cadĩt câu sẻq.
 Lứq anhia chuai alới yỗn bữn
 mút pahỡm cỉóq.
- 18 Ngkĩq, anhia chuai máh con
 cumuiq cớp máh cūai túh
 arúc,
 táq yỗn cūai sàuq táng cốc
 cutẻq nài tở tẻq táq ntróu
 noâng, cớp táq yỗn alới
 sâng ngcõh.

11

*Ntốq Yỗn Cūai Tanoang O
 Poâng**

- ¹ Yiang Sursĩ la ntốq cứq poâng.
 Yuaq nõq máh cūai yoc ẽ pai
 cứq neq: “Lủh chái, chõn
 chu cóh samoât riang chóm
 pàr.”

* 11: 11:0 Cansái ūat tể Davĩt. Yỗn án ca sốt tốp ūat.

- 2 Yuaq cūai loài ỉt tamĩang yoc ẽ pán chók cūai tanoang o tẽ ntốq canám.
- 3 Khãn cūai loài ma pupút nheq rit cruang, ki ntróu cūai tanoang o tẽq táq?
- 4 Yiang Sursĩ ốt tâng ntốq án sốt tâng paloong.
Cóp án bữn chóc toár lứq tâng pởng cóp tâng pữn.
Moat Yiang Sursĩ tapoang asẽng nhẽng salĩq níc chu cutẽq nài.
Án dáng dũ ranáq máh cūai táq.
- 5 Yiang Sursĩ chim cūai tanoang o cóp cūai tở bữn tanoang o.
Ma án kệt lứq cūai loài cóp cūai đốq táq yớu.
- 6 Yiang Sursĩ ẽ yỗn ũih cóp mũ sẽng tẽ paloong pĩeiq tâng máh tở cūai loài.
Án sambrĩaq alóỉ na ũih hang cóp na cuyal cutâu par-át lứq.
- 7 Yuaq Yiang Sursĩ la tanoang o, cóp án táq ranáq o níc, ngkĩq nỡ-ra cūai tanoang o bữn ốt choâng moat án.

12

Sẽq Yiang Sursĩ Chũl Máh Cūai

*Sâuq**

- 1 Yiang Sursĩ ơi! Sẽq anhia chuai núng!
Yuaq tở bữn bữn noâng cūai o, cóp cūai tanoang tapứng la chuaq tở ramóh noâng.
- 2 Dũ náq cūai, manoaq táq ntởng lauq chók manoaq; manoaq phẻq manoaq na parnai chởng cha.
- 3 Ở Yiang Sursĩ ơi! Sẽq anhia pupút chíq máh cūai táq ntởng chởng cha,

* 12: 12:0 Cansái ūat tẽ Davĩt. Yỗn án ca sốt tốp sương ūat.

- cóp máh cūai đốq achỗn tở bữm.
- 4 Máh cūai ki yoc ẽ pai neq: “Khãn hẻq pai ẽ bữn acán ntróu, ki lứq hẻq bữn acán ki.
Hẻq yoc ẽ pai ntróu, ki tẽq hẻq pai. Tở bữn noau tẽq catáng hẻq.”
- 5 Ma Yiang Sursĩ pai neq: “Cứq lứq toáq chuai máh cūai túh arức cóp cūai noau ẽp yỗn táq ranáq,
yuaq alóỉ cuclỏiq cucling níc chók cứq.
Cứq lứq dừng alóỉ chu ntốq parnoâng, la ntốq alóỉ yoc lứq ốt.”
- 6 Máh parnai Yiang Sursĩ par-ứq cóp cūai la lứq pĩeiq cóp tanoang tapứng,
samoát riang práq nẻn noau tooc tâng ũih tapul trỏ, đốq táq yỗn án cloc salĩat.

- 7 Ở Yiang Sursĩ ơi, cūai loài ốt dũ ntốq.
Dũ náq cūai miar bũi cóp ranáq sâuq.
- 8 Sẻq anhia bán kĩaq cóp catáng ra-ỏq hẻq.
Sẻq anhia chuai hẻq yỗn bữn vớt tẽ máh cūai sâuq.

13

*Noâng Máh Léq Dũn Yiang Sursĩ Khlĩr Cứq?**

- 1 Ở Yiang Sursĩ ơi! Máh léq dũn anhia khlĩr cứq? Khlĩr mantái níc tở?
Tở la noâng máh léq dũn anhia nguai tẽ cứq?
- 2 Máh léq dũn mút pahỏm cứq cóq chiũq máh ốc ngua nài?
Noâng máh léq dũn cứq cóq chiũq alóỉ ca ẽ táq cứq?
- 3 Ở Yiang Sursĩ la Ncháu cứq ơi!

* 13: 13:0 Cansái ūat tẽ Davĩt. Yỗn án ca sốt tốp sương ūat.

- Sễq anhia nhêng cớp ta-ơi cớq.
 Sễq anhia chuai mút cớq yỗn cớt práih loah.
 Sễq anhia chỗi yỗn cớq cuchia.
 4 Sễq anhia chỗi yỗn máh cũai ẽ táq cớq pai neq: “Hếq khoiq riap án ki chơ!”
 Chỗi yỗn lớih ỡn toâq cớq pê.
 5 Cớq poâng tâng ốc ayooq mantái níc tể anhia.
 Cớq sâng bũi la-ỡq, yuaq anhia chuai amoong cớq.
 6 Ơ Yiang Sursĩ ơi! Cớq ũat khẽn anhia, yuaq anhia yỗn cớq bữn moang ốc o sâng.

14

*Máh Cũai Loài Cớp Sacũl**

- 1 Cũai sacũl đốq chanchóm neq: “Lứq tở bữn bữn Yiang Sursĩ!”
 Alớih táq ranáq nhợp la-ỡq, cớp tở bữn cũai aléq táq ranáq o.
 2 Yiang Sursĩ tapoang asễng tể paloống chu cũai tâng cớc cutểq nâi.
 Án yoc ẽ dắng, bữn ma tở bữn cũai rangoiq ma yoc ẽ sang toam án.
 3 Dũ náq cũai bữn lỏih machóng nheq.
 Tở va manoaq táq ranáq tanoang o.
 4 Yiang Sursĩ blớh neq: “Cũai sâuq ốq sarnóm chanchóm tở? Alớih sacũl nheq dũ náq tở? Cũai noâng tamoong tâng đời nâi yoc lứq pữr máh cũai proai cớq.
 Cớp lớih tở nai câu sễq ntróu tể cớq.”
 5 Ma ntun ki, cũai loài sâng ngcõh loah bữm, yuaq Yiang Sursĩ

- õt níc cớp nheq tữh cũai ca sa-âm án.
 6 Cũai sâuq catáng ranáq máh cũai túh cadit yoc ẽ táq.
 Ma Yiang Sursĩ rabán curiaq cũai yám noap án.
 7 Cớq câu sễq chu Yiang Sursĩ ca ỡt tâng cóh Si-ôn yỗn chuai tốp I-sarel bữn riap.
 Toâq án táq yỗn proai án cớt sóc bữn loah matoat tiaq, tangái ki nheq tữh tống toiq Yacóp cớt sâng bũi hỡr lứq.

15

*Cũai Ntróu Têq Sang Toam Yiang Sursĩ?**

- 1 Yiang Sursĩ ơi! Noau têq mut tâng Dống Sang Toâr anhia?
 Cớp noau têq ỡt tâng cóh Si-ôn la ntốq sang toam anhia?
 2 Yiang Sursĩ ta-ơi neq: “Cũai tở bữn lỏih ntróu nheq đời tamoong án.
 Án táq ranáq tanoang o níc, cớp táq ntông ốc p̄ieiq ca loõh tể mút pahõm.
 3 Án tở bữn apót cũai canõh.
 Án tở bữn táq ranáq tở o chóq yóu, tở la voõq sâuq yóu.
 4 Khân cũai aléq Yiang Sursĩ pai loài, án prua ngkít tê, ma án khẽn cũai ca ngcõh Yiang Sursĩ.
 Án táq yỗn moâm dũ ramứh án khoiq par-ừq tể nhũang, tở bữn tểng lớp lời.
 5 Án yỗn cũai canõh mian práq, ma án tở bữn ít lời ntróu tể cũai ki.
 Án tở bữn ít práq noau chang ểq án tũn apót cũai tở bữn táq lỏih ntróu.”

* 14: 14:0 Cansái ũat tể Davit. Yỗn án ca sót tốp sương ũat. Davit.

* 15: 15:0 Cansái ũat tể

Cũai aléq ma táq tapun máh san-toiq ki,
cũai ki lứq bữn mút pahõm sabõng o mantái níc.

16

*Ốc Bõn Yõn Cũai Ca Sa-âm Yiang Sursĩ**

- 1 Yiang Sursĩ oi! Sẻq anhia bán kĩaq cứq nứng, yuaq cứq poâng ống anhia.
- 2 Cứq pai chỏq Yiang Sursĩ neq: "Anhia la Ncháu cứq ca sỏt lứq. Vỏt tẻ anhia, cứq tẻ bữn bữn muoi ramứh o ntrứu."
- 3 Bỏn lứq máh cũai ỏt tâng cutẻq nãi ca sa-âm Yiang Sursĩ. Cứq ỏt cỏp alỏi, chỏ cứq sảng ỏn chỏ tẻ.
- 4 Ma máh cũai sang yiang canỏh, ỏc túh ngua lứq toảq pỏ alỏi sa-ủi ạchỏn ẻn. Cứq tẻ ẻq tỏh aham bo alỏi tutoỏng, cỏp tẻ ẻq dẻh talẻq ramứh yiang ki.
- 5 Yiang Sursĩ oi! Anhia toảp la dủ ramứh cứq cỏq bữn. Dủ ramứh cứq cỏq bữn, ki lứq anhia yỏn. Máh ramứh ca toảq pỏ cứq, ki anhia toảp thừan yỏn.
- 6 Dỏi tamoong cứq la anhia yỏn ỏt tâng nỏtỏq o moaiq. Máh ỏc bỏn puan anhia yỏn, ki táq yỏn cứq sảng bủi óh.
- 7 Cứq khẻn Yiang Sursĩ, yuaq án catoaih atỏng níc cứq. Cu sadâu, mút pahõm cứq apáh yỏn dáng rana lẻq la o.
- 8 Cứq dáng samoỏt lứq Yiang Sursĩ ỏt níc cỏp cứq.

Yuaq án ỏt cheq cứq, ngkỉq yuaq tẻ bữn ỏc ntrứu tẻq táq yỏn cứq pứt ỏc sabỏng.

- 9 Ngkỉq, cứq sảng bủi óh lứq, cỏp toảq cứq táq nỏng la bữn moang ỏc bủi.
- Cỏp dỏi tamoong cứq bữn ỏt ien khẻ níc,
- 10 yuaq anhia tẻ bữn táh cứq pỏ nỏtỏq cũai cuchít ỏt. Cỏp anhia tẻ bữn yỏn án ca bráh o lứq cỏt abuoiq.
- 11 Anhia khoiq sadoi yỏn cứq dáng rana pỏq chu nỏtỏq tamoong mantái. Choảng moat anhia, mút pahõm cứq cỏt bủi óh lứq. Cỏp anhia táq yỏn cứq bữn ỏt ien khẻ mantái níc.

17

*Cũai Sa-âm Câu Sẻq Tẻ Yiang Sursĩ**

- 1 Ở Yiang Sursĩ oi! Cứq câu sẻq anhia táq tanoang tapứng chỏq cứq. Sẻq anhia tamứng bo cứq arỏ sabau. Cứq câu chu anhia toảq mút pahõm pẻiq lứq.
- 2 Toảq anhia rablỏh, anhia ỏt coah cứq, yuaq anhia khoiq dáng chỏ dủ ramứh ca pẻiq lứq.
- 3 Anhia khoiq dáng chỏ sarnỏm cứq. Tâng sadâu anhia toảq chim cứq, ma tẻ bữn ramỏh muoi ỏc tẻ o ntrứu ỏt tâng mút pahõm cứq.
- 4 Cứq tẻ bữn pai ariang cũai loài dỏq pai. Cứq tẻ bữn noap máh ỏc alỏi patáp, cỏp tẻ bữn pruum cỏp ranáq pampla.

* 16: 16:0 Cansái ùat tẻ Davít. * 17: 17:0 Santoiq Davít câu.

- 5 Cúq puai níc rana tanoang o ca anhia khoiq patâp, cốp tở nai viaq tễ rana ki.
- 6 Cúq arô anhia la Yiang Sursĩ, yuaq anhia ta-ôi cúq.
Sễq anhia pachêng cutür tamứng cúq nứng.
- 7 Apáh yỗn cúq dáng ốc ayoog toâr lứq tễ anhia, cốp chuai amoong cúq.
Ốt cheq anhia, cúq bữn vót tễ cũai ễ táq cúq.
- 8 Sễq anhia bán kĩaq cúq samoât riang anhia kĩaq pasếq ốc rôiq moat anhia.
Cốp yỗn cúq ốt nhưp khlap anhia
- 9 yỗn tềq vót tễ cũai sâuq ca ễ cachĩt cốp táq túh coat cúq.
Alóí ốt savĩel níc cúq.
- 10 Alóí cupât chíq mút tễ ốc sarũiq táq,
cốp bỗq alóí pai moang ốc achỗn tở sâng.
- 11 Sanua nâi alóí ốt lavíng níc cúq.
Alóí cloân níc chu cúq cỗ yoc ễ sadỏh apống cúq chu cutếq.
- 12 Alóí cốt samoât cula samín ốt táng carchian ễ palống cáp cúq ễq yỗn cuchĩt.
- 13 O Yiang Sursĩ ơi! Sễq anhia catáng máh cũai sâuq nâi.
Sễq anhia chuai cúq yỗn vót tễ atĩ cũai sâuq, như tễ dau anhia.
- 14 Như tễ atĩ anhia, cúq sễq anhia chuai cúq yỗn vót tễ cũai ca puai rangứh alóí bữm tâng dỏi nâi.
Sễq anhia yỗn dỏi tamoong alóí bữn poân moang ramứh ca anhia khoiq anoat alóí.

- Cốp yỗn máh con acái alóí bữn roap tề tễ cóng ki toau toâq dỏi châu chễ alóí.
- 15 Ma cúq lứq bữn hữm anhia, yuaq cúq tở bữn táq lóih ntrừu.
Toâq cúq tamỡ tễ bếq, mút pahỏm cúq sâng bũi óh, yuaq anhia ốt níc cốp cúq.

18

*Puo Davĩt Sa-ỡn Yuaq Bữn Riap**

- 1 O Yiang Sursĩ cúq ơi! Cúq ayoog lứq anhia.
Anhia cốt án ca catáng ra-óq cúq.
- 2 Yiang Sursĩ catáng ra-óq cúq samoât riang cantruang pacái lứq.
Yiang Sursĩ la samoât tamáu còl, cốt ntốq campáng toâq cúq ramóh túh arức.
Cốp án la samoât cớng khễl ốt curiaq níc cúq.
Án chuai amoong cúq, cốp án bán kĩaq cúq yỗn vót tễ atĩ cũai ca ễ cachĩt cúq.
- 3 Cúq arô Yiang Sursĩ ca chuai amoong cúq.
Lứq án yỗn cúq vót tễ cũai ễ cachĩt cúq.
Lứq pĩeiq cúq khẽn ramứh Yiang Sursĩ!
- 4 Sarnốq tễ ốc cuchĩt pĩal sarót cúq.
Canoâq tễ ốc cachĩt clũom catứp cúq tở nai tangút noâng.
- 5 Sarnốq tễ ốc cuchĩt ốt pĩal ríq níc cúq.
Mantĩn ốt sĩ ễ ríq cachĩt cúq.
- 6 Toâq cúq ramóh túh ngua, cúq arô Yiang Sursĩ chuai.
Lứq cúq rasếq án chuai.

* 18: 18:0 Cansái ūat tễ Davĩt, án ca táq ranáq Yiang Sursĩ. Án ūat khẽn Yiang Sursĩ tâng tangái Ncháu chuai án yỗn vót tễ puo Salỏ cốp máh cũai par-ũal án.

Tẽ Dõng Sang Toâr, án tamúng
sưong cứq arô sễq án chuai.
Sưong cứq toâq pở cutừ án.

7 Ngkíq nheq từh cruang tâng
cốc cutễq nâi cởt chanchưn
nheq.

Máh anũol cóh la rachâu
nheq, yuaq Yiang Sursĩ
sâng cutâu mút lứq.

8 Phĩac ùih loõh tễ hõng múh án;
pla cớp rahững ùih loõh tễ
bõq án hang lứq.

9 Yiang Sursĩ sacaq paloõng, chơ
sễng chu cutễq nâi.

Ma bữn ramứl cũm sữn pưn
ayững án.

10 Án tacu tâng chề-rup,
chơ án pâr pởq chu nâi chu ki
puai cuyal ploaq.

11 Án táq yõn ốc canám clũom
chíq tở án.

Cớp ramứl cũm ca bữn dỡq
mia choân ốt mpễr án.

12 Tễ ramứl ki bữn prễl cớp lalieiq.
Lalieiq lacang táq yõn poang
langoah.

13 Chơ Yiang Sursĩ táq yõn sưong
crứm bubữr casang lứq tễ
paloõng.

Sưong án ca sớt clữi nheq tễ
canỏh canuang dũ ntỏq.

14 Cớp án pán tamĩang chỏq cũai
par-ũal án, táq yõn alới
pláh chap cu ntỏq.

Án tuih alới yõn loõh yờng na
ũih cớp na lalieiq.

15 Chơ cloong cutễq tâng pưn dỡq
mứt, cớp tanang cốc cutễq
cởt mpáh,

cỏ tễ Yiang Sursĩ canứh chỏq
cũai loâi.

Án catừp alới la cỏ án sâng
cutâu mút lứq.

16 Yiang Sursĩ cuvở atĩ tễ paloõng,
án acớq cứq yõn vớ tễ dỡq
yarũ.

17 Án chuai cứq yõn vớ tễ cũai
kết cứq, alới ca bán rêng
hỡn tễ cứq.

18 Toâq cứq ramỏh túh arức tễ
cũai ễ táq cứq, lứq Yiang
Sursĩ ốt bán curiaq cứq.

19 Án chuai cứq yõn vớ tễ máh
ốc croỏq criat, yuaq án sâng
bũi pahỡm cớp cứq.

20 Yiang Sursĩ yõn cứq bữn cớng,
la cỏ cứq táq ranáq tanoang
o.

Án yõn cứq bữn ốc bốn, la cỏ
cứq tở bữn táq lỏih ntrứu.

21 Cứq khoiq trỉh nheq máh san-
toiq Yiang Sursĩ atỡng.

Cớp cứq tở bữn nguai tễ Yiang
Sursĩ.

22 Dũ ốc án patáp, cứq tở bữn táh.
Cứq tở nâi khlỉr máh ốc patáp
kỉ.

23 Ngkíq, cứq bữn roap cớng tễ
Yiang Sursĩ,

la cỏ cứq táq ranáq tanoang
o.

Án khoiq dáng chơ cứq tở bữn
táq lỏih ntrứu.

24 Cỏ cứq táq tanoang o, ngkíq
yuaq cứq bữn roap cớng tễ
Yiang Sursĩ.

Án khoiq dáng chơ, cứq lứq
tanoang tapững yáng moat
án.

25 O Yiang Sursĩ ơi! Anhia ốt muoi
mứt cớp cũai ca ốt muoi
mứt cớp anhia.

Cớp anhia táq pỉeiq níc chỏq
cũai ca táq pỉeiq cớp anhia.

26 Anhia táq tanoang o chỏq án ca
bữn mút bráh o,

ma anhia rangoaiq lứq, dáng
nheq ranáq cũai sâuq.

27 Anhia chuai án ca tở bữn bữn
chớc ntrứu,

ma anhia alỉh cũai achõn tở.

28 O Yiang Sursĩ ơi, anhia abal
rana yõn cứq tềq hữm.

- Anhia yỗn cứq loỏh tễ ntốq
canám, chơ ốt tâng ntốq
poang ễn.
- 29 Anhia yỗn cứq bữn bán rêng
dờq têq chỉl alới ca ễ cachĩt
cứq.
Nhơ tễ anhia chuai, ngkiq têq
cứq talỏh ntốq bán curiaq
alới.
- 30 Mách ranáq Yiang Sursĩ táq la
pĩeiq lứq.
Cớp máh santoiq án khoiq
par-ữq la lứq samoát.
Án la samoát khễl yỗn nheq
tữh cũai ca toáq poang án.
- 31 Ổng Ncháu toáp la lứq Yiang
Sursĩ.
Ổng án toáp têq bán kĩaq hái.
- 32 Yiang Sursĩ toáp yỗn cứq bữn
bán rêng.
Cớp án cháh rana yỗn cứq
pờq ien khễ.
- 33 Án táq yỗn cứq pờq práih
samoát yỗt chỏn cóh.
Tâng ntốq ki, án yỗn cứq ốt
sabóng o.
- 34 Án arĩen cứq tễ ngê rachĩl, yỗn
cứq têq sĩ tamĩang coang
lứq.
- 35 Yiang Sursĩ ơi! Anhia bán kĩaq
cớp chuai amoong níc cứq.
Nhơ tễ anhia chuai, táq yỗn
cứq bữn vớ tễ ốc túl coat.
Anhia tapoang nhêng chu cứq
cớp táq yỗn cứq cõt toár
achỏn.
- 36 Anhia yỗn cứq ốt tâng ntốq
khâm râm, tỡ bữn noau têq
táq cứq.
Cớp cứq lứq riap nheq.
- 37 Cứq rapuai cớp máh cũai
par-ũal cứq.
Cứq rapuai tỡ bữn tangút
noâng toau cứq bữn pupút
nheq alới.
- 38 Cứq táq alới yỗn dỏm toau tỡ
têq yuor noâng.
- Alới pê cuchĩt thánq.
- 39 Anhia yỗn cứq bữn bán rêng
dờq rachĩl.
Cớp anhia yỗn cứq riap máh
cũai par-ũal cứq, đễh yỗn
alới cucỏh cucũoi cứq.
- 40 Anhia táq yỗn alới ca ễ cachĩt
cứq lứl mpriaih nheq.
Ngkiq cứq bữn cachĩt máh
cũai kêt cứq.
- 41 Alới arỏ sễq noau chuai, ma tỡ
bữn noau toáq rachuai alới.
Cớp alới arỏ đễh Yiang Sursĩ
hỡ, ma án tỡ bữn ta-ỡi alới.
- 42 Cứq ễ clỏh alới yỗn cõt abuoiq
ariang alức cuyal sapâr.
Cứq tũn alới samoát tũn lứq
tâng rana.
- 43 Yiang Sursĩ khoiq chuai cứq yỗn
vớ tễ cũai proai ca tỡ ễq
tamứng noâng cứq.
Cớp anhia chỏch cứq yỗn cõt
sốt đễh cũai tỡ bữn yám
noap anhia hỡ.
Ngkiq, cũai cứq tỡ nai hũm,
sanua alới cõt cũai proai
cứq tễ.
- 44 Cũai mpha cruang toáq sacỏh
racỏl choáng moat cứq.
Toáq cứq atởng alới ntrầu la
alới trĩh toáp.
- 45 Mách ốc clỏq alới khoiq pút nheq
chơ,
cớp alới cangcoaih toáq alới
loỏh tễ ntốq parnoâng alới.
- 46 Cứq dáng Yiang Sursĩ lứq ta-
moong!
Lứq khẽn án ca bán kĩaq cứq!
Cỏq hái apỏng ramứh Yiang Sursĩ,
án ca chuai amoong cứq;
lứq án toáp toár clữi nheq tễ
canỏh!
- 47 Yiang Sursĩ lứq carláh dờq chỏq
mách cũai ễ táq cứq,
cớp án manrap alới yỗn táq
puai rangứh cứq.

48 Án chuai cứq yỗn vớt tễ alóí ca
 ẽ cachĩt cứq.
 Ở Yiang Sursĩ oi, anhia lứq yỗn
 cứq riap alóí,
 cớp anhia bán curiaq cứq tễ
 cūai pla.
 49 Ngkíq cứq khẽn ramứh anhia
 yáng moat máh cūai tở cởn
 cūai I-sarel.
 Cớp cứq ūat khẽn ramứh an-
 hĩa.
 50 Yiang Sursĩ yỗn puo ca án khoiq
 rườh bữn riap dũ ramứh.
 Án apáh ốc ayooq toâr lứq pở
 cūai án rườh, la puo Davĩt,
 cớp nheq tống toiq Davĩt
 táí-mantái.

19

*Ranáq Yiang Sursĩ Tẻng Cớp
 Phẻp Rit Án Yỗn**

1 Paloõng apáh yỗn cūai dáng
 Yiang Sursĩ bữn chóc toâr
 lứq.
 Máh ramứh ớt tâng paloõng
 apáh raloaih lứq máh
 ramứh Ncháu khoiq tẻng.
 2 Cu rangái máh ramứh án tẻng
 atởng yỗn dáng án bữn
 chóc toâr lứq.
 Cớp cu sadâu máh ramứh ki
 apáh yỗn dáng án bữn ốc
 roan rangoaiq lứq.
 3 Paloõng la ốq santoiq, ốq parnai,
 cớp tở bữn noau bữn sâng
 sường ntróu tễ án,
 4 ma ngê ki pởq plách chũop nheq
 tâng cốc cutẻq nãi.
 Cớp noau sâng ngê ki toau sớt
 nheq pứp paloõng cutẻq.
 Tâng paloõng, Yiang Sursĩ khoiq
 tẻng muoi ntóq yỗn moat
 mandang ớt.
 5 Mandang loõh tarựp ariang tiau
 bũ hỡ pởq racoaiq niang.
 Án sâng hỡ samoat cūai lúh
 tampling.

6 Moat mandang loõh tễ angia nãi,
 chớ ngết chu angia ki.
 Tở bữn acán ntróu tẻq tooq
 clỏp tễ moat mandang claq.
 7 Phẻp rit tễ Yiang Sursĩ la pẻiq
 lứq.
 Phẻp rit ki tẻq táq yỗn cūai
 bữn tamoong tamái.
 Ớc Yiang Sursĩ atởng, tẻq máh
 cūai noap ỉt samoat samoi.
 Ớc ki tẻq táq yỗn máh cūai
 sacũl cớt rangoaiq.
 8 Ớc Yiang Sursĩ patáp la tanoang
 lứq.
 Ớc ki táq yỗn púng pahỏm
 alóí ca trỉh án sâng bũ óh.
 Parnai Yiang Sursĩ ớn la raloaih
 ralẻng lứq.
 Parnai ki táq yỗn moat múh
 cūai cớt poang.
 9 Ớc yám noap Yiang Sursĩ la bráh
 briel, cớp ớt mantái níc.
 Máh ốc Yiang Sursĩ ớn la pẻiq
 lứq, cớp tanoang o nheq.
 10 Nheq tữh ốc ki bữn kia clũĩ
 yẻng, cớp o clũĩ yẻng muoi
 chít;
 cớp ngiam clũĩ tễ đởq khĩal
 cớp đởq ngir-ngur.
 11 Nheq tữh ramứh ki atởng yỗn
 máh cūai táq ranáq Yiang
 dáng raloaih;
 cớp án ca trỉh ramứh ki, lứq
 án bữn ốc bốn sa-ũĩ.
 12 Lứq tở bữn noau tẻq dáng
 raloaih dũ ranáq lỏih án
 khoiq táq.
 Sẻq Yiang Sursĩ táh máh ốc
 lỏih cứq khoiq táq, ma tở
 bữn dáng.
 13 Sẻq Yiang Sursĩ bán kĩaq yỗn
 cứq vớt tễ ốc lỏih cứq
 chống ẽ táq.
 Chỏi yỗn lỏih ki cớt sớt noàng
 đời tamoong cứq.

* 19: 19:0 Cansái ūat tễ Davĩt. Yỗn án ca sớt tốp ūat.

Ki nỏq cứq têq trỉh níc anhia,
cóp têq vớt tễ ranáq sâuq.

- 14 Ớ Yiang Sursĩ ơi! Sễq an-
hia chuai tễ máh santoiq
cứq pai, cóp máh ọc cứq
chanchóm, yỗn p̄ieiq mút
pahõm anhia,
yuaq anhia la cõl capáng yỗn
cứq, cóp anhia la Yiang ca
chuai amoong cứq.

20

*Câu Sễq Yỗn Puo Têq Riap**

- 1 Ớ puo ơi! Toáq anhia ramóh
tứh arức, sễq Yiang Sursĩ
rachuai anhia.
Cóp sễq Yiang Sursĩ Yacốp
sang, bán kĩaq anhia.
- 2 Sễq Yiang Sursĩ chuai anhia tễ
Dống Sang Toâr tâng cóh Si-
ôn la ntỏq án ớt.
- 3 Sễq án bũi pahõm roap máh
cơng anhia chiau sang yỗn
án.
Cóp hỡn tễ ki ẻn, sễq án sâng
bũi pahõm máh charán an-
hia bõh chiau sang yỗn án.
- 4 Sễq án yỗn anhia bữn máh
ramứh ntrớu mút pahõm
anhia yoc ẻ bữn,
cóp yỗn anhia têq táq ranáq
ca anhia chanchóm ẻ táq.
- 5 Khân án chuai ngkíq, hếq sabau
arô cóp bũi óh lứq, yuaq án
chuai anhia bữn riap máh
cũai ẻ cachĩt hếq.
Hếq sễq Yiang Sursĩ chuai an-
hia bữn dũ ramứh ca anhia
câu sễq tễ án.
- 6 Sanua, cứq dáng raloaih la Yiang
Sursĩ lứq yỗn puo ca án
khoiq rườh bữn riap.
Án ta-ỡi puo nâi tễ ntỏq án ớt
tâng pỡng paloõng.

* 20: 20:0 Cansái ũat tễ Davĩt. Yỗn án ca sỏt tốp ũat.
án ca sỏt tốp ũat.

Toáq puo nâi rachĩl cóp cũai
ẻ cachĩt án, ki án chíl riap
cõ nhơ tễ chỏc salễh Yiang
Sursĩ.

- 7 Bữn cũai mantoâr tâng sễ asêh
rachĩl, cóp bữn cũai man-
toâr tâng asêh alới.
Ma hếq nâi, ki ẻ mantoâr ống
tâng chỏc salễh tễ Yiang
Sursĩ, la Ncháu hếq.
- 8 Nheq tữh cũai dỏm yuaq alới
cudốh.
Ma tốp hếq yuor tayứng na
bán rêng lứq.
- 9 Ớ Yiang Sursĩ ơi! Sễq anhia yỗn
puo nâi bữn riap máh cũai
ẻ cachĩt án.
Sễq anhia ta-ỡi nứng, toáq
hếq câu sễq.

21

Santoiq Khẽn Yuaq Puo Khoiq

*Bữn Riap**

- 1 Ớ Yiang Sursĩ ơi! Puo nâi sâng
bũi pahõm, yuaq anhia yỗn
án bữn bán rêng.
Cóp án ỡn, cõ nhơ anhia yỗn
án bữn riap máh cũai ẻ
cachĩt án.
- 2 Anhia khoiq yỗn án bữn ramứh
ca án yoc ẻ bữn.
Anhia khoiq ta-ỡi máh ramứh
án sễq tễ anhia.
- 3 Yiang Sursĩ khoiq tabởp tabêh
án, cóp yỗn án bữn ọc bõn
sa-ỡi.
Cóp anhia khoiq yỗn án
tapứng vuam yểng, samoât
riang puo tapứng.
- 4 Puo khoiq sễq anhia chuai án
yỗn bữn tamoong.
Chơ anhia yỗn án ớt cóng
tamoong dũn toau sỏt đời
lới cumo.
- 5 Nhơ anhia chuai, ngkíq noau pai
án la puo sỏt toâr lứq.

* 21: 21:0 Cansái ũat tễ Davĩt. Yỗn

Lứq anhia toáp khoiq yỗn noau khễn ramứh án.
 Cớp anhia toáp yỗn án bữn chớc toâr tâng dôi nâi.
 6 Lứq anhia yỗn ốc bốn puan ỡt níc cớp án cu rangái sadâu.
 Án sâng bũi hỡr lứq bữn tayứng yáng moat anhia.
 7 Puo nâi sa-âm Yiang Sursĩ Sốt Toâr Lứq pacái lứq, cớp ốc ayoog toâr lứq tễ Yiang Sursĩ ỡt níc cớp án.
 Yuaq ngkíq, án tỡ bữn clong ntróu noâng tễ cõt puo.
 8 Puo nâi cớp máh cũai ẽ cachĩt án.
 Cớp án cớp dũ náq cũai ca kêt án hỡ.
 9 Bo puo nâi toâq, lứq án cachĩt táh alóí, cớp apống alóí tâng pla ùih yỗn cat.
 Yuaq Yiang Sursĩ bữn mút cutâu lứq chớq alóí, án lứq pupứt alóí samoât ri-ang ùih pupứt cớng.
 10 Dũ náq cũai tễ tống toiq alóí cõt pứt nheq tễ cốc cutêq nâi, yuaq puo nâi lứq cachĩt alóí dũ náq.
 11 Alóí chanchóm ngê sâuq níc tâng mút pahỗm cớp yoc ẽ táq puo.
 Ma ngê alóí chanchóm ki tỡ bữn cõt kia ntróu.
 12 Puo nâi ẽ pán saráh chớq alóí, táq yỗn alóí lúh pláh nheq.
 13 Yiang Sursĩ ỡi! Yuaq anhia bán rêng lứq, ngkíq hếq khễn níc ramứh anhia.
 Yuaq anhia bữn chớc toâr lứq, ngkíq nheq tữh hếq ũat khễn anhia.

22

*Cansái Ūat Cuclốiq Cucling Cớp Cansái Ūat Khễn**

1 Yiang Sursĩ cứq ỡi! Yiang Sursĩ cứq ỡi! Nốq anhia táh chít cứq?
 Cứq arô sếq anhia chuai, ma anhia tỡ bữn tamứng máh samứng cứq cuclốiq cu-cling.
 2 O Yiang Sursĩ cứq ỡi! Cứq arô chuaq anhia tâng tangái, ma anhia tỡ tamứng.
 Cứq arô anhia dếh tâng sadâu cớp tỡ bữn rlu noâng.
 3 Ma anhia la bráh o lứq, anhia la Puo.
 Cớp anhia la Yiang tốp I-sarel đốq ũat khễn.
 4 Tễ mbốq achúc achiac hếq caniq canưm cớp sa-âm anhia.
 Ngkíq, anhia khoiq chuai amoong alóí.
 5 Alóí arô sếq anhia, chơ alóí bữn vót tễ ốc túh arúc.
 Alóí sa-âm anhia, ngkíq alóí tỡ bữn sâng pê pahỗm.
 6 Bữn noau pai cứq la samoât riang prui, tỡ cữn ariang cũai noâng.
 Dũ náq cũai ayê cớp kêt cứq.
 7 Dũ náq cũai ca hữm cứq, alóí cacháng ayê dếh pai nneq pai ngkíq chớq cứq, cớp culũt-culiau ayê ra-ac cứq.
 8 Alóí pai neq: “Mới ca sa-âm Yiang Sursĩ, âu yỗn án toâq chuai mới sanua.
 Ntróu ca táq án tỡ bữn toâq chuai mới?
 Khân Yiang Sursĩ lứq bũi pahỗm cớp mới, nốq án tỡ bữn toâq chuai mới?”

9 Bo mpiq canđt cứq, ki anhia chuai cứq yỗn plot o.
 Bo cứq noâng pu tóh, ki anhia bán kĩaq.

* 22: 22:0 Cansái ũat tễ Davĩt. Yỗn án ca sốt tốp sương ũat.

- 10 Cúq poâng anhia tễ tangái mpiq cúq sết cúq,
toau sanua anhia cõt Yiang Sursĩ cúq.
- 11 Sết anhia chỏi ốt yơng tễ cúq,
yuaq ọc túh coat khoiq toâq chơ,
ma tở bữn noau têq rachuai cúq.
- 12 Cũai ễ cachĩt cúq cõt ariang ntrỏq tangcáh.
Alóí ốt viel mpễr cúq.
Alóí cõt samoât sangữ tễ cruang Basan ốt lavíng mpễr cúq.
- 13 Alóí caha bỗq samoât riang cula samín hểr casang lứq yoc ễ cha sâiq cúq.
- 14 Bán rêng cúq cõt pút nheq, samoât đởq khoiq tahóc tâng cutễq.
Nghang cúq dũ ntreh cõt samoât tở bữn ratốt noâng.
Mút pahỡm cúq lakéh lakiei, samoât tarang tamóh phũac.
- 15 Bán rêng cúq cõt samoât cutễq hũiq đởq,
cóp lieih cúq cõt sa-ốt yuaq ễ khlac đởq.
Ncháu khoiq táq yỗn cúq cuchĩt cloâm tâng pũn cutễq.
- 16 Cũai loái ốt viel níc mpễr cúq, samoât tỗp acho palống ễ cáp.
Alóí choat ayũng aĩ cúq.
- 17 Cúq têq ngih nghang cúq dũ ntreh.
Chơ noau nhêng cloân níc chu cúq, cốp cacháng ayê hỡ.
- 18 Alóí tampễq aroâiq cúq đốq tâc, cốp séng anhúq tampác cúq.
- 19 O Yiang Sursĩ ơi! Sết anhia chỏi ốt yơng tễ cúq.
Sết anhia toâq chuai cúq cháí.
- 20 Sết anhia chuai cúq yỗn vót tễ pla dau ca bớq lứq.
Chuai amoong cúq yỗn vót tễ tỗp sacống, yuaq cúq pasếq lứq rangữh cúq.
- 21 Sết anhia chuai amoong cúq yỗn vót tễ bỗq cula samín ca ễ cáp cúq.
Cóp chuai amoong cúq yỗn vót tễ tacoi sangữ ễ sớq tacáih cúq,
yuaq cúq tở rơi chuai ntróu noâng tỗ cúq bữm.
- 22 Cúq ễ pau atởng yỗn sểm ai cúq dáng tễ ramứh anhia.
Pỡ ntốq alóí rôm, cúq khẽn ramứh anhia neq:
- 23 “Nheq tữh anhia ca táq ranáq Yiang Sursĩ ơi! Cóq anhia khẽn ramứh án.
Cóp nheq tữh anhia tễ tởng toiq Yacốp, cóq anhia yám noap Ncháu.
Cóp nheq tữh anhia tễ tỗp Í-sarel, cóq anhia sang Ncháu.
- 24 Yiang Sursĩ tở bữn táh cũai cadĩt.
Cóp án sâng sarũiq táq chóq máh cũai ca chiủq tanhữ túh coat.
Án tở bữn nguai tễ alóí, ma án lứq ta-ỡi toâq alóí arô cốp sết tễ án.”
- 25 Tâng ntốq cũai proai sang Ncháu, cúq lứq khẽn anhia tễ dũ ramứh anhia khoiq táq.
Choâng moat máh cũai rôm sang anhia,
lứq cúq sang anhia puai loah máh ọc cúq khoiq par-ữq chơ.
- 26 Cũai túh cadĩt lứq cha máh alóí sâng yoc.
Alóí ca toâq pỡ Yiang Sursĩ, lứq alóí khẽn ramứh án.

- Sẽq yõn alói ki bũn õt cõng tamoong dũn, cõp bũn ọc bốn níc.
- 27 Nõ-ra dũ náq cũai tâng pũn paloõng cutrúq nãi lứq sanhữ Yiang Sursĩ, cõp sa-âm án.
Nheq tửh cũai tâng cruang cutẽq nãi cucõh asẽng toãq sang toam án,
- 28 yuaq Yiang Sursĩ toãp ndõm nheq tửh cũai cõp cõt sõt dũ cruang.
- 29 Dũ náq cũai ca achõn tỗ bũm, nõ-ra alói ẽ sacõh racól choãng moat Ncháu, cõp dũ náq cũai ca bũn tamoong, alói lứq sacõh racól machõng ki tê.
- 30 Lứq bũn sa-ũri dõi cũai chumát cõt sũl Ncháu.
Cõp alói ẽ atõng loah yõn con châu alói dáng tẽ Yiang Sursĩ.
- 31 Cũai tỡ yũah canõt sanua, nõ-ra alói lứq dáng tê tẽ Yiang Sursĩ chuai amoong máh cũai sa-âm án.

23

Yiang Sursĩ La An Ca Bán Kĩaq

*Cứq**

- 1 Yiang Sursĩ bán kĩaq cứq machõng cũai mantán bán kĩaq charán cũu.
Ngkíq cứq tỡ bũn ọc muoi ramứh ntróu.
- 2 Ân dũng cứq õt pỡ nõq nõuq o, machõng cũai mantán dũng cũu pỡq rlu bãn nõq ruang bát sanlan ramoong o lứq, cõp án dũng cứq chu nõq bũn dõq raloang hoi lalín.
- 3 Bo cứq sãng túh ngua, tỡ la ieuq tuar,
ki án aliam mút pahõm cứq yõn cõt bán rêng loah.

Cõp án táq yõn cứq õt tanoang o, yuaq án khoiq ữq tẽ nhũang chơ.

4 Tam cứq pỡq tâng nõq croõq criat, tỡ la bãn nõq cuchĩt pút,
ma cứq tỡ bũn sãng ngcõh ntróu, yuaq Yiang Sursĩ õt níc cõp cứq.

Machõng cũai mantán ayẽq cuan cõp ralõng dõq bán curiaq máh charán cũu án,
lứq ngkíq tê Yiang Sursĩ õt bán curiaq cõp aliam cứq.

5 Yiang Sursĩ khoiq thũan muoi pël toãr yõn cứq choãng moat máh cũai ca kêt cứq, yõn alói bũn hũm.

Cõp Yiang Sursĩ roap chõm cứq samoat riang noau roap tamoi bũn chõc toãr lứq toãq sa-óh.

Máh ramứh o cõp ọc bốn puan án yõn cứq, la machõng dõq poãn tangan clũi cliei.

6 Lứq samoat, Yiang Sursĩ táq o níc chõq cứq,
cõp án sarũiq táq cứq cu rangái sadâu, toau sõt dõi tamoong cứq.

Cõp cứq lứq õt parnoi cõp án mantái níc.

24

*Puo Ca Sõt Toãr Lứq**

- 1 Máh cruang tâng pũn paloõng cutrúq nãi cõp dũ ramứh õt tâng ki,
la Yiang Sursĩ ndõm nheq, dẽh nheq tửh cũai hỡ.
- 2 Yiang Sursĩ khoiq tẽng cõc cutẽq nãi yõn õt pỡng dõq,
cõp án tẽng tamáu cantar õt pũn dõq mưt.
- 3 Noau tẽq chõn tâng cóh Yiang Sursĩ sõt?

* 23: 23:0 Cansái ùat tẽ Davĩt. * 24: 24:0 Cansái ùat tẽ Davĩt.

- Cóp bữn noau têq mut tâng
đống sang cũai đốq sang
toam án?
- 4 Cũai ki la cũai bữn sarnóm
tanoang cóp táq ranáq o;
cũai tở bữn cucốh sang rup, tở
la par-ữq tư sâng.
- 5 Lứq Yiang Sursĩ chuai amoong
cũai ki, cóp satốh ọc bốn
yỗn alóí.
Cóp Yiang Sursĩ pau atống
alóí tở bữn lôih ntrứu.
- 6 Ống cũai ariang nâi sâng têq
mut pở ntốq Yiang Sursĩ.
Cũai ki têq mut ốt choâng
moat Yiang Sursĩ, la Yacóp
sang.
- 7 Cóp pớh ngoah toong yỗn la-a!
Pớh ngoah toong ca ốt mantái
níc!
Puo ang-ữr lứq ẽ mut.
- 8 Puo sốt toâr lứq nâi la noau?
Án la Yiang Sursĩ bán rêng
cóp bữn chốc toâr lứq.
Án la Yiang Sursĩ ca chíl riap
dữ ramứh.
- 9 Cóp pớh ngoah toong yỗn la-a!
Âu pớh ngoah toong ca ốt
mantái níc!
Puo ang-ữr lứq ẽ mut.
- 10 Puo ang-ữr nâi la noau?
Puo ang-ữr nâi la Yiang Sursĩ
Sốt Toâr Lứq.
Án toáp la Puo ang-ữr lứq.

25

*Câu Sẻq Yiang Sursĩ Ayông Cóp
Bán Kĩaq**

- 1 Ở Yiang Sursĩ ơi! Cứq câu sẻq tẻ
anhia toáp.
- 2 Cóp cứq canừm ống tâng Yiang
Sursĩ toáp.
Sẻq anhia chuai cứq yỗn vót
tẻ ọc cạsiệt.
Cóp chỏi yỗn cũai ẽ táq cứq
bữn cacháng ayê.
- 3 Anhia tở bữn yỗn ọc pê toâq pở
cũai sa-âm anhia.

- Ma cũai pê la cũai loâi ca ẽ
cheng sốt tẻ anhia.
- 4 Ở Yiang Sursĩ ơi! Sẻq anhia
arịen cứq tẻ ngê anhia,
đốq cứq têq dáng raloaih
tâng ngê ki.
- 5 Sẻq anhia anhoac-anhoai cứq
yỗn têq puai ọc pịeiq tẻ
anhia,
yuaq anhia la Yiang Sursĩ
cứq.
Lứq anhia toáp chuai amoong
cứq.
Yuaq ngkíq, cứq ngcuang níc
tẻ anhia.
- 6 Yiang Sursĩ ơi! Sẻq anhia sanhữ
tẻ ọc sarũiq cóp ọc ayooq,
anhia khoiq apáh yỗn cứq
hữm tẻ nhũang.
- 7 Sẻq anhia táh lôih cứq cóp
ọc cứq khoiq lớn-sarlón bo
cứq noâng póng.
Yiang Sursĩ ơi! Sẻq anhia sanhữ
cứq nứng,
yuaq anhia ayooq cóp táq o
níc chốq cũai sa-âm anhia.
- 8 Yuaq Yiang Sursĩ la Yiang pịeiq
cóp tanoang lứq,
ngkíq án arịen cũai lôih yỗn
dáng ngê ntrứu án yoc alóí
táq puai.
- 9 Án đứng cũai bữn mút mantaoat
o pởq tâng rana pịeiq,
cóp án arịen alóí yỗn dáng tẻ
ngê án.
- 10 Nهور tẻ ọc án ayooq cóp ọc lứq,
án ayông dữ náq cũai ca yống
pacái máh santoiq án khoiq
parkhán, cóp trỉh dữ ọc án
khoiq patáp.
- 11 Yiang Sursĩ ơi! Sẻq anhia táq
puai máh ọc anhia khoiq
par-ữq ẽ táh lôih yỗn cứq,
yuaq lôih cứq la sa-ữi lứq.

* 25: 25:0 Cansái ũat tẻ Davít.

- 12 Cūai aléq ma yám noap Yiang Sursĩ,
 cūai ki lúq bữn rien, án yỗn
 alóỉ dáng rana ntróu alóỉ
 cóq táq puai.
- 13 Yiang Sursĩ lúq yỗn cūai ki bữn
 dũ ramứh o toau nheq đời
 tamoong án.
 Cóp máh con châu án la bữn
 tê cutếq mun.
- 14 Yiang Sursĩ cõt yóu ratoi cóp
 cūai ca yám noap án.
 Cóp án yỗn cūai ki sanhữ níc
 tể ốc án parkhán ca p̄ieiq
 lúq.
- 15 Cúq chi-chuaq Yiang Sursĩ, sếq
 án chuai níc cúq.
 Ngkíq án chuai cúq yỗn vót tể
 dũ ranáq noau ể táq cúq.
- 16 Yiang Sursĩ ơi, sếq anhia nhêng
 salíq cúq cóp sarũiq táq
 cúq nứng,
 yuaq tở bữn noau têq chuai
 cúq noâng.
- 17 Sếq anhia aliam cúq yỗn pút
 công ngcõh,
 cóp chuai cúq yỗn vót tể ốc
 túh coat.
- 18 Sếq anhia nhêng chu ranáq cúq
 chũuq túh coat,
 cóp sếq anhia táh lóih yỗn
 cúq nứng.
- 19 Sếq anhia nhêng salíq máh léq
 sa-ũi cūai ể cachĩt cúq,
 cóp nhêng máh léq sa-ũi alóỉ
 ca kêt cúq.
- 20 Sếq anhia bán kĩaq đời tamoong
 cúq cóp chuai amoong cúq.
 Sếq anhia yỗn cúq riap cūai ể
 cachĩt cúq.
 Cúq toáq pở anhia, cỗ ểq
 anhia bán kĩaq.
- 21 Yuaq cúq la cūai mantoat cóp
 tanoang o,
 sếq anhia catáng curiaq cúq,
 yuaq cúq sa-âm anhia.

- 22 Yiang Sursĩ ơi! Sếq anhia chuai
 amoong máh cūai I-sarel.
 Sếq ốc túh arúc pút chíq tể
 alóỉ.

26

*Cūai Tở bữn Lôih Câu Sếq Tể Yiang Sursĩ**

- 1 Yiang Sursĩ ơi! Sếq anhia atởng
 yỗn cūai canõh dáng cúq tở
 bữn lóih ntróu,
 yuaq cúq khiq táq p̄ieiq dũ
 ramứh, cóp sa-âm anhia
 nheq rangứh rahõ.
- 2 Yiang Sursĩ ơi! Sếq anhia tutuaiq
 cóp chim cúq.
 Sếq anhia tởm mút pahõm
 cóp sarnóm cúq,
- 3 yuaq ốc ayooq tể anhia
 ayông cúq mantái níc.
 Cúq táq puai níc ốc p̄ieiq tể
 anhia.
- 4 Cúq tở bữn ốt parnơi cóp cūai
 sarnóm cooc.
 Cóp cúq tở bữn táq ranáq cóp
 cūai ca táq nan tanoang o,
 ma mút alóỉ cooc véc lúq.
- 5 Cúq tở ểq cõt yóu cóp cūai sâuq.
 Cúq viaq yờng tể máh cūai ki.
- 6 Ơ Yiang Sursĩ ơi! Cúq ariau
 aĩ táq tếc cúq tở bữn lóih
 ntróu.
 Cóp cúq tayáh mpễr prông
 sang anhia, đốq sang toam
 anhia.
- 7 Cúq ũat khẽn cansái sa-õn,
 cóp cúq pau atởng tể máh
 ranáq salễh anhia khiq
 táq.
- 8 Ơ Yiang Sursĩ ơi! Cúq ayooq lúq
 đồng anhia ốt.
 Dống ki la ang-ũr.
- 9 Sếq anhia chõỉ táq cúq muoi
 prớh cóp cūai lóih.
 Chõỉ yỗn cúq cuchĩt ariang
 cūai ca cachĩt cūai canõh,
 10 ariang cūai ca đốq táq níc
 ranáq sâuq,

* 26: 26:0 Cansái ũat tể Davit.

- cóp ariang cūai ca roap kia tẽ
cūai canõh ma tở bữn p̄ieiq.
11 Ma cứq khoiq táq p̄ieiq dũ
ramứh.
Sẽq anhia sarũiq táq cóp
chuai amoong cứq.
12 Cứq tayúng tâng ntốq ien khẽ.
Cóp cứq khẽn ramứh Yiang
Sursĩ tâng ntốq cūai proai
án rôm sang.

27

- Yiang Sursĩ La Ốc Poang Cóp
Ốc Tamoong Cứq**
1 Yiang Sursĩ cõt samoât ốc poang
cóp ốc tamoong cứq.
Ngkíq cứq tở bữn ngcõh noau
noâng.
Yiang Sursĩ cõt samoât dõn tahan
dõq bán kĩaq cứq.
Ngkíq cứq tở bữn ngcõh
ntróu.
2 Toâq cūai loai p̄õq táq cứq, cóp
chuaq ẽ cachít cứq,
nheq tũh alóí cõt sarín cóp
dóm bữm.
3 Lứq pai tốp tahan chửng lứq toâq
rachít cóp cứq,
mỏ mút pahõm cứq tở bữn
sâng ngcõh ntróu.
Lứq pai cūai ẽ cachít cứq toâq,
mỏ cứq noâng sa-âm níc
Yiang Sursĩ.
4 Cứq sẽq muoi ramứh tẽ Yiang
Sursĩ.
Cứq khoiq chuaq níc yoc ẽ
bữn neq: Cứq yoc ẽ õt
tâng dõng sang Yiang Sursĩ
mantái níc,
dõq chanchóm loah ốc o tẽ
án,
cóp sẽq án taniap cứq nheq
dõi tamoong cứq.
5 Án õt catáng ra-óq níc cứq bo
tủh coat toâq.
Lứq án bán kĩaq cứq tâng
Dõng Sang Toâr khong án.

- Nai la samoât án yõn cứq õt
tâng tamáu sarõih lứq, la
ntốq tở bữn túh coat ntróu
noâng.
6 Yuaq ngkíq, cứq tẽq riap máh
cūai õt mpẽr cứq, alóí ca ẽ
táq cứq.
Ngkíq cứq dững crong chiau
sang cóp triau cupo bũi óh
lứq, dẽh ūat khẽn Yiang
Sursĩ hỡ.
7 O Yiang Sursĩ ơi! Toâq cứq arô,
ki sẽq anhia tamúng cóp
sarũiq táq, chơ ta-õĩ cứq
nửng.
8 Anhia khoiq pai chơ neq: “Cóg
anhia sang cứq.”
Cóp mút pahõm cứq ta-õĩ an-
hia neq: “Yiang Sursĩ ơi!
Cứq lứq sang anhia.”
9 O Yiang Sursĩ ca chuai amoong
cứq ơi!
Sẽq anhia chõĩ nguai tẽ cứq.
Cóp sẽq anhia chõĩ nhóp cóp
tuih aloõh cứq la cūai táq
ranáq anhia.
Chõĩ táh cóp p̄õq chíq tẽ cứq.
10 Lứq pai mpiq mpoaq cứq khoiq
táh cứq,
ma Yiang Sursĩ õt rabán kĩaq
níc cứq.
11 O Yiang Sursĩ ơi! Sẽq anhia
arĩen cứq tẽ rana ralúng
anhia.
Sẽq anhia dững cứq p̄õq tâng
rana plot o, yuaq sa-ũĩ lứq
cūai yoc ẽ táq cứq.
12 Sẽq anhia chõĩ chiau cứq p̄õ atĩ
cūai sâuq yõn alóí táq puai
mút pahõm alóí yoc.
Alóí tũn cứq, cóp alóí tachoât
lứq chóq cứq.
13 Cứq dáng samoât samoi, Yiang
Sursĩ sarũiq táq cūai noâng
tamoong tâng cóc cutẽq
nãi.
14 Cóg hái nguang Yiang Sursĩ.

* 27: 27:0 Cansái ūat tẽ Davit.

Cóq sa-âm yỗn pacái lứq tâng
mút pahõm hái, đõq hái cõt
cłõq tễ õt ngu quang án.

28

*Câu Sẻq Yiang Sursĩ Chuai**

- 1 Ờ Yiang Sursĩ ơi! Anhia la án ca
bán kĩaq cúq yỗn vót tễ atĩ
cũai ễ táq cúq.
Toãq cúq arô, sẻq anhia
tamúng srong santonq cúq.
Khãn anhia tở bữn ta-õi, ki
cõh lờ cúq õt mpúng dĩ
máh cũai cuchĩt õt.
- 2 Sẻq anhia tamúng nứng toãq
cúq arô sẻq anhia chuai.
Bo cúq câu tâng Dõng Sang
Toãr, cúq sacõ atĩ chu Ntốq
Anhia Ồt.

- 3 Chõi dứng yỗn cúq cuchĩt parnõi
cóp cũai sấuq,
alõi ca táq túh arức máh cũai
canõh.
Bõq alõi táq ntõng moang ốc
bũi o, ma mút alõi sãng kệt
lứq máh yớu.
- 4 Sẻq anhia culáh cóng alõi, puai
loah máh ranáq sấuq alõi
khoiq táq.
Cóp sẻq ốc bap tễ máh atĩ alõi
khoiq táq, chu loah pờ alõi.
- 5 Alõi tở bữn nhềng salĩq máh
ranáq Yiang Sursĩ khoiq táq
đõq, tở la dĩ ramứh án
khoiq tềng.
Ngkĩq yuaq, án culáh cóng
yỗn alõi, cóp án tở yỗn
alõi bữn yuor tayứng loah
tamái.

- 6 Cóq khẽn Yiang Sursĩ, yuaq án
khoiq sãng cóp ta-õi chơ
máh santonq cúq câu sẻq án
chuai.
- 7 Yiang Sursĩ catáng curiaq cúq
tái-mantái.
Cúq sa-âm án nheq tễ mút
pahõm.

Án chuai cóp aliam cúq yỗn
bũi óh loah.
Ngkĩq cúq sa-õn án na cansái
ủat khẽn bũi óh lứq.

- 8 Yiang Sursĩ lứq catáng ra-óq
máh cũai proai án.
Án bán kĩaq cóp chuai
amoong puo án khoiq rườh
đõq.
- 9 Yiang Sursĩ ơi! Sẻq anhia chuai
amoong cũai proai anhia,
cóp satõh ốc bõn yỗn alõi ca
cõt cũai anhia.
Sẻq anhia chũm siem cóp bán
curiaq alõi mantái níc,
samoat riang cũai mantán
bán kĩaq máh cũu án.

29

*Srong Yiang Sursĩ Loõh Tẻ
Cuyal Rapuq**

- 1 Máh ranẻng tâng paloõng ơi!
Cóq anhia khẽn Yiang Sursĩ
ca ang-ừ cóp bán rềng lứq.
- 2 Cóq khẽn ramứh Yiang Sursĩ,
la ramứh sớt toãr clũi nheq tễ
canõh.
Cóq pũp sẻng bo anhia sang toam
choàng moat án ca bữn
chóc ang-ừ.
- 3 Toãq Yiang Sursĩ pai, nheq đõq
mút bữn sãng samửong án
samoat riang crứm ralông
chũop tâng đõq mút.
- 4 Dĩ ntốq tẻq sãng samửong Yiang
Sursĩ.
Srong Yiang Sursĩ apáh án bữn
chóc lứq, cóp án sớt toãr
clũi nheq tễ canõh.
- 5 Srong Yiang Sursĩ ploah nỡm
aluang yỗn cõt ratáh.
Án ploah aluang lêng cõt ri-
ang aluang sê-da tâng cru-
ang Lê-banôn.

* 28: 28:0 Cansái ùat tễ Davĩt. * 29: 29:0 Cansái ùat tễ Davĩt.

- 6 Cóp sương án táq yõn cóh Lê-banôn lúh tamprũol ariang con ntrõq,
cóp án táq yõn cóh Her-môn tamprũol ariang sangũr bán rêng.
- 7 Sương Yiang Sursĩ táq yõn bũn lalieiq.
- 8 Sương án táq yõn ntõq aiq rachâu cacũt,
cóp táq yõn ntõq aiq ramứh Cadet la cacũt tẽ.
- 9 Sương án táq yõn máh aluang toâr tâng arũih rachâu,
cóp táq yõn sala aluang saroi nheq chu cutẽq.
Ma muoi prớh ki, máh cũai tâng clõng Dõng Sang Toâr, alớ pai casang lứq neq:
"Yiang Sursĩ sớt toâr clũi nheq tẽ canõh!"
- 10 Yiang Sursĩ sớt máh đõq yarũ,
cóp án la Puo mantái níc.
- 11 Yiang Sursĩ yõn proai án cõt bán rêng,
cóp án satõh ớc bốn pỡ alớ yõn õt ien khẽ níc.

30

*Yiang Sursĩ Aviaq Tẽ Cuchĩt**

- 1 Ớ Yiang Sursĩ ời! Cứq khẽn an-hia, yuaq anhia khoiq chuai amoong cứq.
Anhia tỡ yõn alớ ca ẽ táq cứq bũn ayê ra-ac cứq.
- 2 Ớ Yiang Sursĩ ời, anhia la Ncháu cứq.
Cứq khoiq arô sễq anhia chuai palai cứq yõn cõt bán.
Ngkiq anhia táq yõn cứq cõt bán, tỡ bũn a-ĩ noâng.
- 3 Anhia tỡ yõn cứq cuchĩt.
Cứq khoiq cheq ẽ cuchĩt, ma anhia yõn cứq bũn ta-moong loah.

- 4 Máh proai Yiang Sursĩ ời! Cớq anhia ũat khẽn Yiang Sursĩ, cớq cóq anhia sanhữ níc án la bráh o lứq;
5 mút pahõm án nhõp mahõĩ sâng, ma ớc sarũiq táq án õt níc cớq cứq toau sớt đõi tamoong cứq.
Lứq pai sarliang moat cứq hoi tâng sadâu,
ma toâq poang tarũp, cứq bũn bũi óh ẽn.
- 6 Bo cứq tỡ bũn túh coat,
ki cứq atõng mút bũm neq:
"Cứq tỡ bũn sâng pê pahõm ntrõu."
- 7 Bo ki anhia sarũiq táq cứq, Yiang Sursĩ ời.
Anhia khoiq táq yõn cứq cõt pacái samoât riang cóh.
Ma vót ki, anhia nguai chíq tẽ cứq,
ngkiq cứq bũn moang ớc ngcõh.
- 8 Cứq arô anhia, Yiang Sursĩ ời.
Cứq sễq tẽ anhia neq:
9 "Khân cứq cuchĩt, ki anhia bũn roap kia ntrõu?
Khân cứq pỡq õt tâng ntõq cũai cuchĩt õt, ki anhia bũn kia ntrõu?
Yuaq cũai khoiq cuchĩt, án tỡ tẽq ũat khẽn anhia.
Cóp alớ tỡ tẽq atõng noâng ớc p̄ieiq tẽ anhia.
- 10 Yiang Sursĩ ời! Sễq anhia tamúng cớq sarũiq táq cứq núng.
Yiang Sursĩ ời! Sễq anhia chuai cứq núng."
- 11 Ma anhia khoiq p̄ien ớc cứq tanúh,
chơ yõn cứq bũn puan sarai bũi o.
Anhia khoiq ỉt chơ ớc ngua tẽ cứq,

* 30: 30:0 Cansái ũat tẽ Davĩt bo noau chiau sang Dõng Sang Toâr.

ma dững moang ọc bũi óh ễn
yỗn ốt mpễr cứq.

12 Ngkíq, mút pahôm cứq tở bữn
ốt savul sâng.

Lứq cứq ùat khên níc anhia.
Yiang Sursĩ ời! Anhia la Yiang
Sursĩ cứq.
Lứq cứq sa-ôn anhia mantái
níc.

31

*Apáh Ớc Yám Noaq**

1 Yiang Sursĩ ời! Cứq toàq sễq
anhia bán kĩaq cứq.

Sễq anhia chỗi yỗn cứq sâng
casiet táq.

Anhia la Yiang Sursĩ ca tanoang o
níc.

Cứq câu sễq anhia chuai
amoong cứq.

2 Sễq anhia pachêng cutũr
tamúng cứq nững.

Toàq cháí chuai amoong cứq!

Sễq anhia cõt ntốq cứq campáng,
cóp sễq anhia catáng ra-óq
cứq toàq cứq ramóh túh
coat.

3 Yuaq anhia la samoât còl yỗn
cứq têq campáng

cóp ntốq catáng ra-óq cứq,
ngkíq sễq anhia ayông cứq,
ariang anhia khoiq par-ữq
chơ.

4 Sễq anhia chuai cứq yỗn vớt tễ
niei prian,

yuaq anhia la ntốq cứq
poàng.

5 Cứq pachúh raviei cứq pở aĩ
anhia.

Yiang Sursĩ ời, anhia lứq chuai
amoong cứq.

Anhia la Yiang ca pĩeiq lứq
yỗn noau sa-âm.

6 Cứq kêt máh cũai dốq sang rup
ca tở bữn cõt kia ntróu,

ma cứq sa-âm ống anhia
toáp.

7 Cứq sâng bũi óh lứq, yuaq anhia
ayooq níc cứq.

Anhia hữm chơ máh ọc túh
ngua tâng mút pahôm cứq.

Cóp anhia dáng chơ máh ọc
túh arúc cứq.

8 Anhia tở bữn chiaou cứq pở aĩ
cũai ca ễ cachĩt cứq.

Anhia yỗn cứq tayúng tâng
ntốq la-a.

9 Yiang Sursĩ ời, sễq anhia sarũiq
táq cứq nững,

yuaq mút cứq ntôm túh,
moat cứq chựq ngốq cỗ bữn
moang ọc ngua.

Raviei cốp tở cứq la túh tê.

10 Ngkíq ọc túh táq yỗn cứq ieuq
tuar.

Cỗ cứq nham u-ôi, dỡi ta-
moong cứq cõt cakéh.

Cứq ieuq yuaq bữn túh coat
ntâng lứq.

Cóp nghang nghông cứq cõt
parlúc nheq.

11 Nheq tữh cũai ễ táq cứq sieu níc
cứq.

Hỡn tễ ki, bữn cũai ốt cheq
cứq voỏq tở o níc tễ cứq.

Cóp cũai sarcoal cứq, alóí
ngcòh cứq.

Khân alóí ramóh cứq tâng
rana, ki alóí viaq yong toáp.

12 Dũ náq alóí khoiq khliř cứq
ariang pai cứq khoiq cuchĩt
dũn chơ.

Cứq cõt samoât adéh cutễq
khoiq noau táh.

13 Cứq sâng máh sường cũai
bubéq-bubựp.

Ớc croỏq ngcòh ốt ríng níc cứq.

Noau chuaq ngê yoc ễ cachĩt
cóp yoc ễ pupứt chíq
rangứh cứq.

14 Ma cứq tở bữn ngcòh ntróu,
yuaq cứq sa-âm Yiang
Sursĩ.

Anhia la Yiang Sursĩ cứq.

* 31: 31:0 Cansái ùat tễ Davĩt. Yỗn án ca sốt tốp ùat.

- 15 Cúq õt tâng talang atĩ anhia dũ tangái sadâu.
 Sêq anhia chuai cúq yõn vót tẽ atĩ alói ca ẽ táq cúq, cốp alói ca ẽ táq túh coat cúq.
- 16 Sêq anhia nhêng salĩq cúq, la cũai táq ranáq anhia, nhơ ọc anhia sarũiq táq.
 Sêq anhia chuai amoong cúq cõ nhơ anhia ayooq mantái níc.
- 17 O Yiang Sursĩ ơi! Cõ cúq khioq arô anhia,
 ngkĩq sêq anhia chuai cúq tở bũn sâng casiet táq ntróu.
 Ma sêq anhia táq yõn cũai sâuq sâng casiet táq,
 cốp sêq anhia yõn alói pởq rangiac loâng chu ntóq cũai cuchĩt õt.
- 18 Mách cũai táq ntõng lauq, máh cũai achõn tở,
 cốp máh cũai ayê cũai tanoang o,
 sêq anhia táq yõn alói cõt chíq ngong.
- 19 Dũ ramứh o clũri nheq tẽ canõh, ki anhia dờq yõn cũai yám noap anhia.
 Choâng moat cũai clứng, anhia yõn dũ ramứh o ki pở alói ca sang toam anhia.
- 20 Lứq anhia pul cutooq alói ca sang anhia, nhựp khlap anhia yõn õt plot o,
 yõn alói vót tẽ máh ngê loài cốp ngê tở o máh cũai yoc ẽ táq alói.
 Lứq anhia cõt samoât ntốq campáng yõn têq vót tẽ cũai par-ũal ca đốq mumat alói.
- 21 Sa-õn Yiang Sursĩ, yuaq án apáh án ayooq lứq cúq,
 bo cũai ẽ táq õt mpễr cúq.

- 22 Ngkĩq cúq sâng ngcõh cốp chanchóm án khioq tuih cúq tở yõn õt cheq án noâng.
 Ma án noâng sâng santiago cúq câu, toâng cúq sabau sêq án chuai.
- 23 Anhia ca sa-âm Yiang Sursĩ ơi!
 Cóp anhia ayooq Yiang Sursĩ samoât samoi.
 Lứq Yiang Sursĩ catáng ra-óq alói ca sa-âm án,
 ma án culáh cóng yõn cũai õt sác.
- 24 Anhia ca ngcuang Yiang Sursĩ ơi,
 cóq mút pahõm anhia cõt clốq cốp rêng lứq.

32

*Ốc Bốn Tẽ Yiang Sursĩ Yõn Cũai Ca Ngìn Lôih**

- 1 Bốn lứq cũai ca Yiang Sursĩ táh lôih yõn.
 Lôih alói án khioq pul clõp lứq, tở bũn noau hữm noâng.
- 2 Bốn lứq cũai ca Yiang Sursĩ tở bũn noap noâng lôih alói.
 Mút pahõm alói tở bũn yoc ẽ raphêq rathũ noâng.
- 3 Bo cúq tở bũn ngìn lôih,
 tở chác cúq cõt lakéh lakiei níc, cõ tian cúq cuclõiq cu-cling nheq tangái.
- 4 Nheq sadâu tangái Yiang Sursĩ manrap cúq.
 Tở chác cúq cõt ieuq ot nheq.
 Bán rêng cúq khioq pút samoât dờq sarêt catũ phũac casái ra-al.
- 5 Chơ cúq ngìn lôih cóq anhia.
 Cúq tở bũn cutooq noâng lôih ki.

* 32: 32:0 Cansái ūat tẽ Davit.

Cứq chanchóm neq: Cứq cóq ngin
lôi h choâng moat Yiang
Sursĩ,
chơ anhia tá h toáp lói h cứq.

6 Yuaq ngkĩq, cũai sa-âm anhia,
cóq alói câu chu anhia bo
alói ramó h tú h coat.
Lứq pai raloâm đởq toáq, ma
án tớ tẻq lứq alói.

7 Anhia la samoát ntốq cứq ốt
tooq.
Lứq samoát, anhia chuai cứq
tẻ ramó h tú h coat.
Cóp cứq ũat khẽn casang lứq,
yuaq anhia khoiq chuai
amoong cứq.
Lứq anhia curiaq cứq mantái
níc.

8 Yiang Sursĩ pai neq: “Cứq arĩen
cóp patáp yỏn anhia dáng
rana pởq.
Cứq catoaih atởng cóp nhẽng
salĩq anhia.

9 Anhia chỏi sacũl riang asẻ h lai,
tờ la cởt ariang asẻ h óq mút
tẻq sapú h.
Charán ki cóq bữn nhẽm cóp
parnĩang, ki nỏq án trĩ h
anhia.”

10 Cũai loái, lứq ramó h sa-ũi ố c
tú h ngua.
Ma Yiang Sursĩ kĩaq pasẻq
cũai sa-âm án.

11 Anhia cũai tanoang o ời!
Cốq anhia ốt bủi ó h níc cóp
Yiang Sursĩ.
Ớ má h cũai bủn mút pahỏm
sabỏng o ời!
Cốq anhia triau cupo cóp
khẽn Yiang Sursĩ!

33

*Ūat Khẽn Án Ca Tẻng Cóp
Rabán Kĩaq*

1 Dũ náq cũai tanoang o cóq
bủn mút pahỏm bủi ó h cóp
Yiang Sursĩ.

Pĩeiq lứq yỏn dũ náq cũai
tanoang o khẽn níc án.

2 Cóq ũat khẽn Yiang Sursĩ na
tapáih achúng, na bot trua,
cóp na cansái ũat đởq sang
Yiang Sursĩ.

3 Cóq ũat cansái tamái đởq sang
toam án.
Cốq khẻuq tapáih achúng cóp
triau cupo yỏn bủi ó h lứq.

4 Parnai Yiang Sursĩ la pĩeiq cóp
samoát lứq.
Tẻq noau sa-âm dũ ranáq án
táq.

5 Yiang Sursĩ ayooq ố c tanoang
cóp ố c pĩeiq.
Cốc cutẻq la poân moang ố c
ayooq tẻ án.

6 Nhơ tẻ santoiq Yiang Sursĩ, ki
bủn paloỏng, moat man-
dang, rliang casái, cóp má h
mantỏr.
Dũ ramó h ki la án tẻng nhơ
tẻ parnai án pai.

7 Án parỏm nheq má h đởq mut
yỏn ốt muoi ntốq,
cóp Ncháu catáng đởq mut
yarũ yỏn ốt tâng ntốq án
bủm.

8 Cóq nheq tử h cruang cutẻq yám
noap Yiang Sursĩ,
cóp cóq nheq tử h cũai yám
noap án tẻ.

9 Nhơ án atởng, yuaq bủn cóc
cutẻq nái.
Cóp dũ ramó h lứq bủn puai
santoiq án atởng.

10 Yiang Sursĩ talỏ h pứt má h
sarnỏm cũai ca tớ bủn
sa-âm.

Án táq yỏn má h ngẻ alói
sarhỏng tớ bủn cởt kia
ntróu.

11 Ma má h ranáq án ẻ táq, ki ốt
mantái níc.
Hỏn tẻ ki ẻn, ố c ntróu án
khoiq chanchóm, ố c ki lứq
cởt cóp ốt níc dũ đỏi cũai.

- 12 Ốc bốn toạq pở cūai ca đởq
Yiang Sursĩ la Ncháu alói.
Lứq cūai ki, án khoiạq rườh
yỗn cõt cūai án.
- 13 Yiang Sursĩ tapoang nhêng tễ
paloông, cớp hữm dũ tỗp
cūai.
- 14 Tễ ntốq án sốt, án tapoang
nhêng chu dũ náq cūai
tâng cốc cutễq nài.
- 15 Án dáng dũ ramứh tâng mút
pahỏm alói,
yuaq án khoiạq tễng sarnóm
alói.
- 16 Tam puo bữn cứngn tahan, ma
án tở têq viaq vớt tễ noau
riap án.
Cớp tam tahan bữn rêng lứq,
ma án tở têq viaq vớt tễ
noau táq án.
- 17 Lứq pai aséh rêng lứq,
cūai tở têq ươ tễ aséh yỗn
chuai amoong.
- 18 Ma Yiang Sursĩ nhêng chu cūai
trĩh án,
alói ca ngcuang tâng ốc ayooq
tễ Ncháu.
- 19 Án ễ chuai alói yỗn vớt tễ ốc
cuchĩt,
cớp án bán kĩaq alói yỗn
bữn tamoong tâng tangái
ốq côngn sana cha.
- 20 Raviei hếq dũ náq ốt ngcuang
Yiang Sursĩ.
Án toạp catáng ra-óq cớp
chuai hếq.
- 21 Cỗ nhơ án, mút pahỏm hếq
sâng bũi hỡh,
yuaq hếq sa-âm tâng ramứh
bráh o khong Yiang Sursĩ.
- 22 Yiang Sursĩ oi! Sễq anhia yỗn
ốc ayooq ốt mantái níc cớp
hếq,
yỗn cõt rapĩeiạq máh ốc hếq ốt
ngcuang tễ anhia.

34

*Ūat Khẽn Ốc O Tễ Yiang Sursĩ**

- 1 Cứq sa-ởn Yiang Sursĩ mantái
níc.
Parnai ūat khẽn ốt tâng bỗq
cứq tái-mantái.
- 2 Mút pahỏm cứq khẽn níc Yiang
Sursĩ,
đởq yỗn máh cūai ca chũuq
tủh coat bữn tamứng cớp
sâng bũi ốh tề.
- 3 Sễq anhia khẽn Yiang Sursĩ muoi
próh cớp cứq.
Sễq hái khẽn ramứh án
parnoi.
- 4 Cứq khoiạq chuaq Yiang Sursĩ,
cớp án ta-ởi cứq.
Án khoiạq chuai cứq yỗn vớt tễ
ốc croỏq ca ễ toạq pở cứq.
- 5 Alói ca bữn muoi mút cớp án,
lứq alói bữn mút pahỏm bũi
hỡh níc, cớp tở bữn sâng
casiet táq noâng.
- 6 Cứq la cūai ramóh sa-ữi túh
coat, ma toạq cứq arô Yiang
Sursĩ,
lứq án tamứng cớp chuai cứq
yỗn vớt tễ túh coat ki.
- 7 Ranễng Yiang Sursĩ tễ paloông
ốt bán kĩaq cūai ca yám
noap Yiang Sursĩ,
cớp ranễng ki chuai alói yỗn
vớt tễ túh coat.
- 8 Sễq anhia chim salịq,
ngkiạq anhia bữn hữm Yiang
Sursĩ la lứq o.
Cūai aléq sễq tễ án, án lứq
bán kĩaq cūai ki.
- 9 Anhia ca proai Yiang Sursĩ, cớq
anhia yám noap án,
yuaq cūai aléq ma yám noap
án, cūai ki tở bữn ốq muoi
ramứh ntrườ.
- 10 Máh cula samín cõt ieuạq cớp
panhieih khlac,

* 34: 34:0 Cansái ūat tễ Davĩt toạq vớt Abi-maléc tuih án aloỏh cỗ án táq nan cõt cūai yủh.

ma alóí ca sa-âm Yiang Sursĩ
nheq mút pahõm, ki alóí tở
bũn ỏq ntróu.

- 11 Anhia ca cúq ariẽn ơi!
Toâq pở nâi cớp tamúng cúq.
Cúq ẽ ariẽn anhia yõn yám
noap Yiang Sursĩ.
- 12 Cũai aléq ẽq bũi óh tâng dõr nâi
cớp yoc ẽ ỏt tamoong dũn,
- 13 cóq án dáng rabán bõq, chõr
loai sãntoiq pãmpla cớp
sãntoiq lauq.
- 14 Cóq án cachian táh nheq máh
ranáq sãuq, chơ táq ranáq
o ẽn.
Cớq án ravoát ỏc ien khẽ cớp
puai ỏc ien khẽ ki.
- 15 Yuaq Yiang Sursĩ nhẽng níc chu
cũai tanoang o,
cớp án pachẽng cutũr chu
alóí ca câu sẽq tẽ án.
- 16 Ma án nguai chíq tẽ cũai táq
ranáq sãuq.
Toâq alóí cuchĩt, ki tở bũn
noau sanhũr nõng alóí.
- 17 Toâq cũai tanoang o sẽq tẽ
Yiang Sursĩ, lứq án tamúng
alóí,
cớp án chuai alóí yõn vớ tẽ
máh ỏc túh coat.
- 18 Yiang Sursĩ ỏt níc cớp cũai ca
tủh ngua,
cớp án chuai cũai ỏq ỏc
ngcuang.
- 19 Cũai tanoang o bũn ramóh sa-ũi
ỏc túh arức,
ma Yiang Sursĩ chuai án yõn
loỏh vớ tẽ túh arức ki.
- 20 Yiang Sursĩ bán kĩaq án;
cớp tở bũn yõn muoi ntrẽh
nghang án cõt tacoaih.
- 21 Cũai sãuq cuchĩt, ki án roap
loah máh ranáq án khoi q
táq,

cớp cũai kêt cũai tanoang
o, nõ-ra alóí roap tở alóí
bũm.

- 22 Yiang Sursĩ chuai amoong máh
cũai proai án.
Cũai aléq ma sa-âm án,
cũai ki lứq bũn vớ tẽ Yiang
Sursĩ táq án.

35

*Sãntoiq Câu Sẽq Chuai Yõn Vớ
Tẽ Cũai Sãuq**

- 1 Yiang Sursĩ ơi! Sẽq anhia chuai
máh cũai ca ẽ chíl chuai
cúq.
Sẽq anhia táq cũai ẽ táq cúq.
- 2 Sẽq anhia ỉt khẽl cớp sớp au tac,
chơ yuor tayúng toâq rachuai
cúq.
- 3 Sẽq anhia thũan coih cớp cuan,
dỏq chíl tởp ca rapuai ẽ táq
cúq.
- Sẽq anhia atõng tâng mút pahõm
cúq neq: “Cúq nâi la án ca
chuai mới.”
- 4 Cũai ca chuaq ẽ cachĩt cúq, yõn
alóí sãng casiet.
Cũai aloỏh ngẽ sãuq, dỏq chíl cúq,
ki yõn alóí pih chu cớp miar
mpriẽh lủh.
- 5 Yõn alóí cõt sãmoát sãcam sãro
cuyal phát dũng.
Cớp yõn ranẽng Yiang Sursĩ
tẽ paloỏng rapuai ntun cũ
alóí.
- 6 Sẽq yõn rana alóí pởq cõt canám
cớp salaiq.
Cớp yõn ranẽng Yiang Sursĩ
rapuai ntun cũ dỏq cachĩt
alóí.
- 7 Alóí táq mantĩn chỏq cúq, ma
cúq tở bũn táq lỏih ntróu
chỏq alóí.
Cớp alóí pítq prúng yarũ cũ ẽq
cúq sãpủl tâng ki, yuaq alóí
ẽ cớp cúq.
- 8 Sẽq anhia yõn ỏc ralỏh-ralái toâq
pở alóí,

* 35: 35:0 Cansái ũat tẽ Davĩt.

- táq yõn alóı̄ı santar sâng.
- Cóp sêq yõn alóı̄ı chuát loah bũm tâng mantĩn alóı̄ı khoiq táq dõq,
cóp táq yõn alóı̄ı sapúl tâng prúng ki loâng.
- ⁹ Chơ raviei cúq õn chõ tâng Yiang Sursĩ
cóp sâng bũi hõr cõ nhơ án ca toáq chuai cúq.
- ¹⁰ Cúq ẽ pai cóp Yiang Sursĩ nheq tẽ mút pahõm neq: “Lúq tở bũn noau ariang anhia.
Anhia chuai cũai ieuq tuar yõn vót tẽ cũai bán rêng.
Cóp anhia chuai cũai cadĩt yõn vót tẽ cũai táq túh coat alóı̄ı.”
- ¹¹ Cũai sâuq cauq pai cúq táq lôih, ma cúq tở bũn dáng ntróu loâng tẽ ốc alóı̄ı pai ki.
- ¹² Cúq táq o chók alóı̄ı, ma alóı̄ı táq sâuq pláih ốc o ki.
Ngkíq yuaq cúq pê pahõm, tở têq nguang ntróu noâng.
- ¹³ Bo ki, toáq alóı̄ı a-ĩ, ki cúq sóp tampác tanúh apáh cúq sâng ngua.
Cóp cúq ót sana dõq câu sêq yõn alóı̄ı tở bũn ta-õh rangúh.
- ¹⁴ Cúq táq cóp alóı̄ı samoát yóu, tở la sêm ai cúq.
Cúq tayáh põq ariang cũai tanúh cõ mpiq án cuchĩt.
- ¹⁵ Ma tở cúq õt tâng ốc túh arúc, alóı̄ı bũi óh lúq.
Cóp alóı̄ı õt rôm parnoi voõq tở o tẽ cúq tở nai tangút noâng.
- ¹⁶ Alóı̄ı nhêng cloân chu cúq cõ sâng kêt lúq.
Alóı̄ı ayê ra-ac cúq cõt samoát cũai yõt.
- ¹⁷ O Yiang Sursĩ ơ! Anhia noâng nhêng dũn máh léq?
- Sêq anhia chuai cúq yõn vót tẽ máh ốc túh coat alóı̄ı ẽ táq.
Chuai amoong cúq tẽ tốp alóı̄ı ca samoát riang cula samín ẽ palóng cáp cúq.
- ¹⁸ Chơ cúq sacõh racól sa-õn anhia bân ntóq sang toam.
Cúq khẽn anhia parnoi cóp cũai lúng.
- ¹⁹ Sêq anhia chõı̄ı yõn cũai kêt cúq bũn õn apũol cõ cúq pê.
Cúq tở bũn táq lôih ntróu, ma alóı̄ı chõng kêt cúq.
- ²⁰ Alóı̄ı tở nai tháq táq ntõng o.
Ma alóı̄ı chanchóm níc ốc ẽ tũn apót cũai sabõng o tâng cõc cutêq nâi.
- ²¹ Alóı̄ı luoh bõq pai cúq neq: “Ki! Hêq hũm chơ máh ốc ki!”
- ²² O Yiang Sursĩ ơ! Anhia khoiq hũm chơ ốc nâi,
sêq anhia chõı̄ı õt rangiac noâng.
Sêq Ncháu chõı̄ı õt yõng tẽ cúq.
- ²³ Yiang Sursĩ la Ncháu cúq ơ!
Sêq anhia catáng curiaq cúq, tamõ cóp bêng chuai cúq tẽ máh santoiq noau cauq cúq.
- ²⁴ O Yiang Sursĩ la Ncháu cúq ơ!
Yuaq anhia la tanoang o, ngkíq sêq anhia pai cúq tở bũn táq lôih ntróu, ma alóı̄ı chõng apót.
Chõı̄ı yõn alóı̄ı sâng bũi óh cõ tẽ cúq.
- ²⁵ Chõı̄ı yõn alóı̄ı chanchóm neq: “Nâi la ốc hái chanchóm ẽ táq tẽ dũn chơ!
Hái khoiq táh án dũn chơ!”
- ²⁶ Máh alóı̄ı ca sâng bũi cõ cúq ramóh túh coat,
ki sêq anhia táq yõn alóı̄ı sâng casiet cóp srũl-srĩal.

Cóp sếq anhia táq yỗn alóí man-
toâr tỗ bữm,
cốt sarngết moat cỗ sâng
casiet.
27 Sếq anhia yỗn alóí ca bữn muoi
mút cốp cứq sâng bữi óh,
cốp yỗn alóí triau cupo níc
neq: “Yiang Sursĩ la sôt toâr
lứq.
Lứq án sâng bữi pahỡm toâq
cũai táq ranáq án bữn ốt
ien khẽ.”
28 Chơ, cứq ẽ atỡng pai anhia la
tanoang o,
cốp cứq ũat khẽn anhia đũ
tangái.

36

Ốc Ayooq Mantái Níc Tễ Yiang

*Sursĩ**

1 Ốc lỏih cõt samoât án atỡng níc
tâng mút pahỡm cũai yỗn
táq ranáq lỏih.
Cũai ki tỡ bữn ngcõh thánq
Yiang Sursĩ.
2 Alóí chanchỏm alóí sôt toâr lứq.
Yuaq ngkíq, alóí chanchỏm
Yiang Sursĩ tỡ bữn hữm,
tỡ bữn noap lỏih alóí táq.
3 Máh santoiq ca loỏh tễ bỗq alóí
la sâuq lứq, bữn moang ốc
raphếq rathũ sâng.
Alóí tỡ ểq bữn mút ran-
goaiq, cốp tỡ ểq táq ranáq
o noâng.
4 Toâq alóí bếq, alóí ravoât níc ốc
sâuq;
alóí tỡ nai chanchỏm ẽ táq
ranáq o.
Cốp alóí tỡ roi cachian táh
máh ramứh sâuq.
5 Ớ Yiang Sursĩ ơi! Ốc ayooq
tễ anhia la toâr chõn toâq
paloõng.
Ốc p̄ieiq tễ anhia ki sarõih
toâq ramứl.

6 Ốc tanoang o tễ anhia la pacái
samoât cớh.
Ốc anhia rasũq la p̄ieiq lứq, cõt
samoât đỡq mút yarũ.
Ớ Yiang Sursĩ ơi! Lứq anhia chừm
siem cũai, cốp charán hỡ.
7 Ốc ayooq tễ anhia la pasếq lứq,
cốp ốc ki ốt mantái níc tâng
đũ náq cũai.
Anhia bán kĩaq cũai samoât riang
con ntruoi ốt nhựp khlap
mpiq án.
8 Alóí cha pasâi nhỡ tễ sana anhia
chừm siem,
cốp bữn nguaiq đỡq nhỡ tễ
anhia chuai yỗn bữn đỡq
hoi.
9 Anhia la nỡm ốc tamoong.
Hếq tềq hữm ốc poang la cỗ
nhỡ poang tễ anhia.
10 Sếq anhia yỗn ốc ayooq pỡ máh
cũai ca dáng anhia,
cốp yỗn ốc sarũiq pỡ máh
cũai ca bữn mút pahỡm
sabớng o.
11 Sếq anhia chõi yỗn ayũng cũai
ốt bữn tĩn sarúq cứq,
tỡ la atĩ cũai loái bữn cutớl
cứq aloỏh.
12 Chơ cũai táq ranáq sâuq cõt
dớng;
alóí sapứl asếng cốp tỡ tềq
chõn noâng.

37

*Chõi Nguá Cỗ Tian Cũai Sâuq Bữn Ốc O**

1 Chõi yỗn sarnỏm anhia sâng
ngua cỗ tian cũai ca táq
ranáq sâuq.
Chõi sa-on tễ cũai táq lỏih,
2 yuaq tỡ bữn đũn noâng alóí lứq
pút ariang bát khỗ,
alóí cuchĩt samoât sarnỏh
roỏh cỗ ốq đỡq.

* 36: 36:0 Cansái ũat tễ Davĩt, la cũai táq ranáq Yiang Sursĩ. Yỗn án ca sôt tốp ũat. * 37: 37:0 Cansái ũat tễ Davĩt.

- 3 Cóg anhia sa-âm Yiang Sursĩ cóp táq óng ranáq o.
 Ngkíq anhia têq dáng õt o tâng cutêq án yõn anhia bũn,
 cóp ỡn chỡ cõ bũn bán sũan ien khẽ.
- 4 Cóg anhia sâng bũi pahõm tâng Yiang Sursĩ,
 chớ án lứq yõn anhia bũn máh ramứh anhia ẽ bũn.
- 5 Cóg anhia chiau tỗ chác yõn Yiang Sursĩ, cóp sa-âm án nheq mút pahõm.
 Chớ án lứq chuai anhia.
- 6 Lứq án táq yõn ốc tanoang o anhia claq dũ ntỏq,
 ốc p̄ieiq tẽ anhia claq ariang moat mandang claq catêh tông.
- 7 Chỗi clong ntrớu tẽ cũai loai ca bũn riap níc,
 tỡ la tẽ cũai ca táq moâm máh ranáq sâuq.
 Cóg anhia chũuq cóp ngcuang níc yõn toau toâq Yiang Sursĩ chuai anhia.
- 8 Chỗi coáp cutâu mút, cóp chỗi clong ntrớu.
 Ranáq ki dũng anhia pỡq chu ốc túh arức.
- 9 Ma alóí ca ngcuang Yiang Sursĩ, alóí lứq bũn roap cutêq án khoiq ữq ẽ yõn alóí.
 Ma cũai ca táq ranáq sâuq, án lứq tuih aloõh alóí tẽ cutêq ki.
- 10 Noâng tỡ bũn dũn, cũai sâuq cóg cuchĩt pút.
 Anhia chuaq alóí, ma tỡ bũn ramóh noâng.
- 11 Máh cũai bũn mút lamên, alóí lứq bũn roap tâm cutêq cõt mun alóí.
 Alóí bũi tâng sanóc alóí, cóp alóí õt ien khẽ níc.
- 12 Cũai sâuq chuaq ngê yoc ẽ cauq cũai tanoang o.
 Alóí nhêng chu cũai tanoang o na sâng kêt lứq.
- 13 Ma Ncháu cacháng mumat máh cũai sâuq,
 yuaq án dáng khoiq cheq toâq tangái parsốt alóí.
- 14 Cũai sâuq thot dau cóp sĩ tamĩang ẽ cachĩt cũai cadĩt cóp cũai túh coat, la máh cũai õt tanoang o.
- 15 Ma pla dau alóí p̄ieiq loah tâng mút alóí bũm.
 Cóp tamĩang alóí cõt tacoaih.
- 16 Máh ramứh cacót cũai tanoang o bũn,
 ramứh ki bũn kia hỡn tẽ máh sanóc nũn cũai sâuq bũn.
- 17 Yuaq Yiang Sursĩ táq yõn ốc rêng cũai sâuq cõt pút nheq,
 ma Yiang Sursĩ bán kĩaq cũai tanoang o.
- 18 Yiang Sursĩ dáng máh cumo tamoong cũai sa-âm án.
 Cruang cutêq án par-ữq cóp alóí, lứq cõt khong alóí mantái níc.
- 19 Toâq tangái túh coat, alóí tỡ bũn chũuq ntrớu.
 Cóp khân cõt ranáq panhieih khlac, ki alóí bũn clũi cliei, tỡ bũn ốq muoi ramứh ntrớu.
- 20 Ma cũai sâuq, lứq cuchĩt tháng.
 Alóí ca tỡ ẽq hũm Yiang Sursĩ, lứq alóí cuchĩt ariang piar aluang tâng arứh.
 Cóp alóí pút sarbiet samoât phĩac ùih.
- 21 Cũai sâuq đốq mian práq, ma alóí tỡ nai culáh.
 Ma cũai tanoang o, ki bũn mút pahõm la-a.

- 22 Mách cūai bữn roap ốc bốn tể
 Yiang Sursĩ,
 alóí bữn cruang cutêq cõt
 mun.
 Ma cūai ca Yiang Sursĩ khoiq pu-
 pap,
 ki noau tuih alóí aloõh.
- 23 Cūai aléq ma táq yõn bũi
 pahõm Yiang Sursĩ,
 Yiang Sursĩ lữq bán kĩaq cūai
 ki.
- 24 Toáq alóí dóm la tở bữn noau
 tũn,
 yuaq Yiang Sursĩ toáp acốq
 ayuor alóí.
- 25 Tể nhũang ki cứq noàng póng,
 ma sanua cứq khoiq thâu
 chơ.
 Mỏ cứq tở nai hữm Yiang
 Sursĩ táh cūai tanoang o,
 cốp tở nai hữm con acái alóí
 mỏ pởq susẽq.
- 26 Alóí bữn mút la-a, cốp yõn cūai
 mian miat,
 chơ con acái alóí bữn roap ốc
 bốn tể Yiang Sursĩ.
- 27 Cóq anhia cachian táh máh
 ranáq sấuq, ma táq ranáq
 o ẽn.
 Chơ tống toiq anhia bữn ốt
 níc tâng tâm cutêq Yiang
 Sursĩ khoiq ửq yõn;
- 28 yuaq Yiang Sursĩ ayooq cūai
 tanoang tapúng,
 cốp án tở bữn táh cūai ca
 sa-âm án samoat samơi.
 Lữq án bán kĩaq níc alóí.
 Ma máh con châu cūai sấuq,
 ki Yiang Sursĩ tuih aloõh
 nheq.
- 29 Cūai tanoang o bữn roap cruang
 cutêq cõt mun,
 cốp bữn ốt tâng ntốq ki
 mantái níc.
- 30 Bỗq cūai tanoang o aloõh
 moang santoiq rangoiq,
 cốp táq ntõng p̄ieiq níc.

- 31 Phếp rit Yiang Sursĩ ốt tâng mút
 pahõm cūai ki.
 Toáq ayũng alóí pởq la tở nai
 salaiq dóm.
- 32 Cūai sấuq ốt kĩaq tutuaiq níc
 cūai tanoang o,
 cốp chuaq ngê ẽ cachĩt alóí.
- 33 Ma Yiang Sursĩ tở bữn chiau alóí
 yõn ốt tâng aĩ cūai sấuq,
 tở la yõn alóí roap tột bo noau
 dũng alóí pở ntốq rasũq.
- 34 Cóq anhia ngcuang tể Yiang
 Sursĩ, cốp trĩh máh ốc án
 patáp.
 Ngkĩq án achưng alur anhia,
 cốp án chiau cruang cutêq
 ca án khoiq ửq yõn anhia.
 Anhia lữq bữn hữm toáq
 noau tuih máh cūai sấuq tể
 cutêq ki.
- 35 Cứq khoiq hữm cūai sấuq dốq
 táq túh coat yóu.
 Án achõn tở bữm samoat ri-
 ang aluang sê-da tâng cóh
 Lê-banôn.
- 36 Ma cháí lữq án cõt pút.
 Toáq cứq chuaq án, la cứq tở
 bữn ramóh.
- 37 Cóq anhia nhêng chu cūai o cốp
 cūai tanoang,
 yuaq cūai ki bữn ốt ien khẽ,
 bữn ốc bốn ốt cốp tống toiq
 alóí.
- 38 Ma máh cūai lôih, ki Yiang
 Sursĩ táq alóí yõn pút sar-
 biet tháng,
 cốp tống toiq alóí la pút nheq.
- 39 Yiang Sursĩ chuai amoong cūai
 tanoang o.
 Án toáp cõt ntốq poàng bo
 alóí ramóh túh arũc.
- 40 Án lữq rachuai cốp chuai
 amoong alóí.
 Án lữq dũng aloõh alóí tể cūai tở
 o.

Cớp án chuai amoong alóí,
yuaq alóí sêq án catáng
curiaq alóí.

38

*Cũai Ca Chĩuq Túh Coat Sêq
Yiang Sursĩ Chuai**

- 1 Ở Yiang Sursĩ ơi! Toâq anhia
sâng cutâu mút, sêq anhia
chõỉ manrap cứq.
Sêq anhia chõỉ manrap cứq cõ
tê ốc kêt cớp ốc cutâu mút
chóq cứq.
- 2 Sarah tê anhia táq yõn cứq chũl.
Cớp atĩ anhia khoiq cutóỉ cứq
yõn dóm.
- 3 Yuaq anhia sâng cutâu mút,
ngkíq yuaq tở chác cứq tở
bữn riang nling noâng.
Cớp cõ tian ốc lôih cứq, ngkíq
yuaq tở chác cứq ma a-ĩ
ntâng lứq.
- 4 Ốc lôih ki clũom tở cứq táq yõn
cứq cõt cloâm,
cõt samoât cứq dõỉ crong
ntâng luat ngư.
- 5 Cõ tian cứq khoiq táq sacũl lứq,
bớc cứq ma cõt panúng cớp
nsóq.
- 6 Cứq a-ĩ tráuq, yuaq mút pahõm
cứq puai níc ngê tở o,
cớp toau cứq tở têq tayứng.
Cứq sâng ieuq ot lứq, ốq loâng
rêng.
Ngkíq nheq tangái sadâu cứq
sâng túh arức lứq.
- 7 Ốc cutâu ốt pláh nheq tâng tở
cứq,
cớp ốc cuchĩt ốt cheq la-ũt.
- 8 Cứq pứt nheq rêng, dêh pĩeiq
noau tĩn sarúq toau tở têq
yuor noâng;
mút pahõm cứq cõt lambõh
abuoiq cớp túh arức lứq.

- 9 Ncháu cứq ơi! Anhia khoiq dáng
chơ tê ốc cứq yoc ể bữn.
Cớp anhia khoiq sâng chơ
máh ốc cứq cuclõiq cucling.
- 10 Mút pahõm cứq cõt cangcoaih,
cớp bán rêng cứq khoiq pứt
nheq.
Cớp ốc poang la khoiq pứt tê
tê moat cứq.
- 11 Yóu ca ốt mpễn dống cứq cớp
ratoi lứq cớp cứq,
sanua alóí ốt yong tê cứq.
Đêh cũai tâng dống sũ cứq bữm
la miar lúh mprieih nheq,
cõ tian alóí ngcõh tót a-ĩ tê
cứq.
- 12 Máh cũai yoc ể cachĩt cứq,
alóí táq đốq sarnốq ể chớq
cứq;
ma alóí ca chuaq ngê ể táq cứq,
ki alóí tở nai tangứt sarhóng
tê ngê ki.
- 13 Ma cứq cõt samoât túng cutũr,
cớp bớq cứq cõt samoât
ngong tở têq táq ntõng
ntróu noâng.
- 14 Cõt samoât cứq tở bữn sâng,
cớp tở dáng nốq ể ta-õỉ alóí.
- 15 Ma cứq lứq sa-âm anhia, Yiang
Sursĩ ơi.
Anhia la Ncháu cứq ơi! Lứq
anhia toâp têq ta-õỉ cứq.
- 16 Sêq anhia chõỉ yõn cũai loài
bữn cupriaq cứq bo cứq
salaiq dóm.
- 17 Cứq cheq ể dóm, cớp ốc a-ĩ arức
nâỉ ốt níc cớp cứq.
- 18 Cứq sêq ngin kho tê máh lôih
cứq khoiq táq.
Mút cứq cõt túh cõ tian ốc
lôih ki.
- 19 Ma alóí ca ể táq cứq, ki bán
rêng lứq.

* 38: 38:0 Cansái ūat tê Davĩt bo án cuclõiq cucling.

Bữn cứng cũai kêt cứq, ma
tở bữn p̄ieiq alóit kêt cứq
ngkíq.

20 Cũai s̄auq culáh cónq tẽ ranáq o
cứq táq na ranáq s̄auq alóit.
alóit tở ẽq hữm cứq, yuaq cứq
yoc ẽ táq níc ranáq tanoang
o.

21 O' Yiang Sursĩ ơi! Sẽq anhia chõit
táh cứq.

Sẽq anhia chõit õt yơng tẽ cứq.

22 O' Yiang Sursĩ ca chuait amoong
cứq ơi!

Sanua n̄ai, s̄ẽq anhia chuait
cứq nứng.

39

Santoiq Ngín Kho Tẽ Cũai Túh

*Cadĩt**

1 Cứq chanchóm neq:

“Cứq cóq nhêng o máh ranáq
cứq ẽ táq,
cóp cứq rabán o lieih cứq tở
yỗn pai lôih.”

Ngkíq cứq cubĩm bõq õt rangiac
s̄ang,

tở ẽq táq n̄tõng n̄tróu bo cũai
loái õt cheq cứq.

2 Cứq tở bữn pai muoi ốc n̄tróu,
dệh tẽ ốc o h̄.

Ma ốc cứq túh arúc ki noàng
toar achõn níc.

3 Bo cứq chanchóm tẽ ốc túh arúc,
cứq s̄ang saria sarnóm lứq,
cóp tở roi ót noàng, toau cứq
blớh Yiang Sursĩ neq:

4 “O' Yiang Sursĩ ơi! Sẽq anhia yỗn
cứq dáng samoat lứq,
noàng máh lếq dũn dõit ta-
moong cứq?

Cóp noàng s̄eq chít cumo ễn
cứq cóq cuchĩt?

Sẽq anhia atõng yỗn cứq
dáng raloaih.

5 Anhia tẽng dõit tamoong cứq
cakéh lứq choàng moat an-
hia.

Nheq dõit tamoong cứq tở bữn
n̄tróu thánq.

Dũ náq cũai cõt samoat noau
cusóh tangứh muoi taláp
s̄ang.

6 Tở bữn n̄tróu o clũit, yuaq dũ náq
cũai la samoat riang mul
s̄ang.

Alóit parõm sanóc n̄tũn t̄ang dõit
alóit,

ma alóit tở bữn dáng n̄tun
noau ễn bữn n̄dõm c̄rong
ki.

7 “O' Ncháu cứq ơi! Sanua, noàng
bữn ramứh n̄tróu noàng tẽq
cứq ngcuang?

Lứq cứq noàng ngcuang ống
tẽ anhia toáp.

8 Sẽq anhia chuait cứq yỗn vót tẽ
ranáq lôih.

Cóp chõit yỗn cũai sacũl
cacháng ayê cứq.

9 Sanua cứq cõt samoat ngong,
cứq tở bữn táq n̄tõng n̄tróu,
yuaq anhia khoiq táq yỗn cứq
cóq chũuq n̄neq.

10 Sẽq anhia chõit táq cứq noàng.
Cứq cheq ẽ ta-õh rangứh chơ,
cỗ tian tẽ anhia manrap.

11 Anhia manrap cũai lôih na lách
parnai.

Chơ anhia talõh pupút nheq máh
c̄rong alóit pasếq;
cõt machóng cumũar roauq
talõh tẽ.

Lứq samoat, dũ náq cũai la
samoat hái cusóh tangứh
muoi taláp s̄ang.

12 “Yiang Sursĩ ơi! Sẽq anhia
tamứng s̄rong santoiq cứq
câu nứng.

Sẽq anhia tamứng s̄rong cứq
nhiam cuclõiq.

Machóng máh achúc achiac cứq
tẽ mbốq,

* 39: 39:0 Cansái ùat tẽ Davĩt. Yỗn án ca s̄ót tốp ùat.

cứq la riang tamoi mut rlu
tâng cốc cutẽq nãi.

- 13 Sẽq anhia chõĩ nhêng chu cứq
na dadõq ẽ manrap.
Ngkíq, nhũang cứq cuchĩt,
sẽq anhia yõn cứq bữn ố
bũi óh.”

40

*Ūat Khẽn Cỗ Roap Ranáq
Chuai**

- 1 Cứq ốt nguang acoan Yiang
Sursĩ chuai.
Chơ án lứq tamúng noap ỉt
máh ố cứq câu sẽq.
- 2 Án khoiq ác aloõh cứq tẽ nốq
túh coat,
tẽ nốq cứq cheq ẽ cuchĩt.
Chơ án achúh ayũng cứq ốt tâng
põng cõl tamáu,
la nốq tapín o yõn cứq têq
tayũng khâm.
- 3 Án arĩen cứq cansái ũat tamái,
la cansái ũat đõq khẽn Yiang
Sursĩ hái.
Cứng cũi bữn hữm ố nãi,
chơ alóĩ yám noap Yiang Sursĩ
cóp sa-âm án tẽ.
- 4 Cũi aléq mỗ sa-âm Yiang Sursĩ,
alóĩ lứq sâng bũi óh.
Alóĩ tỡ bữn pởq chuaq sang noâng
rup,
tỡ la cucõh rup parnoi cốp
cũi canõh.
- 5 Ở Yiang Sursĩ la Ncháu cứq ơi!
Anhia khoiq táq sa-ũĩ ranáq
salẽh.
Máh ranáq o anhia táq yõn đũ náq
cũi bữn hữm cốp dáng,
lứq cứq tỡ rơi ruaih noâng.
Cốp tỡ bữn noau rơi nghĩ tẽ máh
ranáq anhia.
- 6 Anhia tỡ bữn yoc noau kiac
charán, tỡ la chiau sang
cơng canõh yõn anhia.

Anhia tỡ bữn sâng bũi tẽ bõh
charán tỡ la chiau sang
cơng đõq pupút lõih.

Ma lứq anhia yõn cứq bữn cutũr
đõq sâng sươg santoiq an-
hia.

- 7 Ngkíq cứq ta-õĩ neq: “Cứq toáq
pỡ nãi chơ.

Máh ố anhia patáp cứq,
ố ki khoiq bữn tâng tâm
saráq phếp rit anhia tẽ
mbỏq.

- 8 Cứq lứq táq puai rangũh anhia,
Yiang Sursĩ ơi.

Cốp cứq cayóm đõq máh par-
nai anhia tâng mút pahõm
cứq.”

- 9 Anhia khoiq dáng chơ choâng
moat nheq tũh cũi rôm
sang anhia,

lứq cứq khoiq táq nống tẽ
ranáq Yiang Sursĩ chuai
amoong hẽq.

Tẽ ố ki, cứq tỡ bữn cubĩm
bỏq loâng.

- 10 Cứq tỡ bữn ỉt đõq ố chuai
amoong yõn óng manoaq
cứq.

Ma choâng moat máh cũi rôm
sang anhia,

cứq atõng níc tẽ anhia la
tanoang o, cốp tẽ anhia
chuai amoong mantái níc.

Cứq tỡ bữn cutooq ố pĩeiq cốp ố
ayooq khong anhia.

- 11 Yiang Sursĩ ơi! Cứq dáng anhia
tỡ nai tangút ố ayooq cốp
ố sarũiq táq cứq.

Yuaq anhia ayooq cứq, cốp
anhia ốt muoi mút níc cốp
cứq.

Yuaq ngkíq, cứq bữn ốt plot o
níc.

- 12 Sanua ố tởiq bap ốt lavíng
mpẽr cứq.

* 40: 40:0 Cansái ũat tẽ Davĩt. Yõn án ca sớt tốp ũat.

Ốc ki cứq tờ rơi nghi noâng.
 Cóp lờih cứq puai satõm
 cứq.
 Ngkíq cứq tờ tềq hừm noâng rana
 ẽ pởq.
 Lôih ki la sa-ữi cũih tể sóc tâng
 plở.
 Ngkíq mút pahõm cứq tờ bữn
 noâng ốc clốq.

- 13 Yiang Sursĩ ơi! Sễq anhia chuai
 cứq sanua nâi toáp!
- 14 Sễq anhia yõn cũai chuaq ngê ẽ
 cachit cứq sâng casiet.
 Sễq anhia táq yõn alóit túh tál tâng
 ranáq clốc clu, ma ốq kia.
 Sễq anhia chõih yõn alóit sâng bũih
 pahõm cõ tian cứq ramóh
 túh coat;
 ma yõn alóit priang yớng cóp
 sâng casiet táq.
- 15 Máh alóit ca cacháng ayê cứq,
 sễq anhia yõn alóit cõt santar
 cõ alóit khoiq pê.
- 16 Sễq anhia yõn dũ náq sa-âm
 anhia bữn bũih hỡ;
 cóp yõn dũ náq cũai anhia
 khoiq chuai bữn sa-õn an-
 hia cóp pai neq:
 “Khên sa-ữn Yiang Sursĩ sõt
 toâr lứq!”

- 17 Cứq la cũai ieuq tuar cóp túh
 cadit lứq,
 ma anhia tờ nai táh cứq.
 O Yiang Sursĩ la Ncháu cứq ơi!
 Anhia la án ca chuai amoong
 cứq,
 cóp anhia bán kĩaq níc cứq.
 Sễq anhia chõih yũt noâng toâq
 chuai cứq.

41

*Santoiq Cũai A-ĩ Câu Sễq**

- ¹ Bõn lứq máh cũai ca bữn mút
 pahõm sarũiq táq chốq cũai
 túh cadit.

- Yiang Sursĩ lứq chuai alóit
 toâq tangái alóit ramóh túh
 coat.
- ² Yiang Sursĩ catáng curiaq cóp
 chuai amoong alóit.
 Tâng tâm cutểq alóit õt, noau
 đốq alóit cũai bữn ốc bõn.
 Cóp Ncháu tờ bữn chiau alóit pở
 atĩ cũai loâi,
 đốq cũai loâi táq alóit puai
 mút yoc.
- ³ Toâq alóit a-ĩ, Yiang Sursĩ lứq
 toâq palai cóp táq yõn alóit
 bữn bán loah.
- ⁴ Ma cứq, ki sễq neq: “Yiang Sursĩ
 ơi!
 Cứq khoiq táq lờih sa-ữih chốq
 anhia.
 Sễq anhia sarũiq táq cóp táh lờih
 yõn cứq,
 cóp táq yõn cứq cõt bán
 loah.”
- ⁵ Cũai par-ũal cứq pai neq:
 “Tangái léq nõq án cuchit?”
 Alóit ểq noau khliř chíq
 ramúh cứq.
- ⁶ Cũai ca toâq sa-óh cứq, alóit bữn
 bar mút.
 Alóit toâq cõ ẽ tamúng cũai
 canõh pai tờ o tể cứq;
 chơ alóit cayóm đốq tâng mút.
 Cóp alóit tở aloõh máh ốc tờ
 bữn lứq yõn cũai canõh
 tamúng;
 chơ ốc ki cõt trởh dũ ntốq.
- ⁷ Dũ náq cũai ca kêt cứq, alóit
 rachâp pai tờ o tể cứq.
 Alóit đốq ẽ tũn cứq.
- ⁸ Alóit pai neq: “Án a-ĩ ntâng lứq.
 Án tờ rơi yuor tể ntốq án bẻq.
 Lứq án tờ rơi pởq chu léq
 noâng.”
- ⁹ Dẻh manoaq yớu ca ratoi lứq cóp
 cứq,
 án ca cứq noap lứq, cóp cha
 đỏi parnơi cóp cứq;

* 41: 41:0 Cansái ùat tể Davit. Yõn án ca sõt tốp ùat.

án cõt alia bar ploah tẽ ẽ táq cúq.

10 Ở Yiang Sursĩ ơi! Sẽq anhia sarũiq táq cúq nứng.

Sẽq anhia acốq cúq yõn yuor tayũng loah, đốq carláh đốq chốq alói.

11 Cúq dáng anhia bũi pahõm cốp cúq,

ma alói ca kêt cúq tở têq pai alói riap cúq.

12 Anhia chuai cúq yõn õt sabóng o,

yuaq cúq táq p̄ieiq níc.

Ngkíq anhia yõn cúq õt cốp anhia mantái níc.

13 Cóq khẽn Yiang Sursĩ! Án la Yiang Sursĩ, tốp I-sarel sang!

Cóq khẽn án tẽ sanua nài cốp mantái níc! Amen! Amen!

Pún Bar

42

*Cũai Ca Ớt Yơng Tẽ Cruang Án Bũm Câu Ế Chu**

1 Ở Yiang Sursĩ ơi! Raviei cúq ngcuang anhia samoat yõt ngcuang nguaiq đốq tâng tũm.

2 Raviei cúq ẽ khlac ẽ dóm yoc ramóh anhia la Yiang Sursĩ ca tamoong níc.

Bo léq nõq cúq têq p̄õq sang toam choâng moat anhia?

3 Cúq nhiam níc cu rangái sadâu. Cúq lữn sarliang moat pláih crong sana cha.

Bũn cũai blóh níc cúq neq: “Nléc Yiang Sursĩ mới?”

4 Sanua cúq sanhữ loah tẽ máh ốc tẽ nhũang, chơ mút pahõm cúq sâng nguá lứq.

Bo ki cúq p̄õq parnoi cốp lứng cũai chu Dóng Sang Toar cõ ẽ sang toam Yiang Sursĩ.

Bo alói triau cupo cốp ūat khẽn Yiang Sursĩ, ki cúq toáp ayông alói.

5 Cúq blóh mút cúq bũm neq: “Nõq mới dóm veq cốp clong la-õq?”

Cóq mới canũm poâng Yiang Sursĩ.”

Ngkíq cúq têq ūat khẽn loah án, yuaq án la Yiang ca chuai amoong cúq.

6-7 Mút pahõm cúq sâng nguá cốp clong la-õq.

Yuaq ngkíq, cúq saróh sarnóm lủh chuaq níc Ncháu.

Án yõn cúq sâng nguá samoat riang cũai sâng hỏ lampóh tâng đốq mút.

Sương ki samoat riang đốq srủh rêng lứq

tẽ cóh Her-môn cốp cóh Mi-sar p̄õ crông Yờ-dan.

8 Sẽq Yiang Sursĩ yõn cúq bũn ốc ayooq tâng tangái.

Ngkíq nõq cúq têq ūat khẽn án tâng sadâu.

Sương nài la samoat santoiq cúq câu chiau yõn Yiang Sursĩ, án ca yõn cúq bũn tamoong.

9 Cúq sẽq tẽ Yiang Sursĩ, la cõl carpáng cúq, neq:

“Cõ nõq anhia khlĩr cúq?”

Cõ nõq cúq cóq chũuq túh arúc tẽ máh cũai ca kêt cúq?”

10 Máh cũai kêt cúq, alói tĩn sarúq cúq na láih parnai ayê ra-ac.

* 42: 42:0 Cansái ūat tẽ máh con samiang Cờ-ra. Yõn án ca sớt tốp ūat. Tâng tâm saráq Hê-brơ pún 42 cốp 43 cõt muoi pún sâng.

Cóp alóí blóh níc cúq neq:
 “Yiang Sursĩ mới õt nléq?”

11 Chơ cúq blóh mút cúq bũm
 neq: “Nốq mới dóm veq
 cóp clơng la-õq?”

Cóp mới canũm poang Yiang
 Sursĩ.”

Ngkíq cúq tẽq ùat khẽn loah án,
 yuaq án la Yiang ca chuai
 amoong cúq.

43

Cũai Ca Ồt Yơng Tẽ Cruang Án

Bũm Câu Ế Chu

1 O Yiang Sursĩ ơi! Sẽq anhia bẽng
 chuai cúq.

Cóp sẽq anhia ta-õi cúq
 choang moat máh cũai tở
 bũn yám noap anhia.

Sẽq anhia chuai cúq yõn vót
 tẽ máh cũai raphẽq rathũ.

2 Yiang Sursĩ ơi! Anhia la Yiang ca
 bán kĩaq cúq.

Cỗ nốq anhia táh cúq?

Yuaq nốq cúq cóp chĩuq túh
 arúc tẽ cũai par-ũal cúq?

3 Sẽq ọc poang cóp ọc pĩeiq tẽ
 anhia ayông cóp dũng cúq
 põq.

Sẽq ọc ki dũng cúq toaq loah
 pở cóh Si-ôn la cóh miar
 khong anhia.

Ntốq ki bũn Dống Sang Toar,
 la ntốq anhia õt.

4 Chơ cúq põq toaq pở ntốq prông
 sang Yiang Sursĩ.

O Yiang Sursĩ ơi! Ống anhia toáp
 yõn cúq bũn ọc bũi óh lứq.

O Yiang Sursĩ la Ncháu cúq ơi!

Cúq bũi ùat khẽn anhia na
 cansái ùat cóp na sương
 achúng.

5 Cúq blóh mút cúq bũm neq:
 “Nốq mới dóm veq cóp
 ngua la-õq?”

Cóp mới canũm poang Yiang
 Sursĩ.”

Ngkíq cúq tẽq ùat khẽn loah án,
 yuaq án la Yiang ca chuai
 amoong cúq.

44

*Sẽq Yiang Sursĩ Catáng Kĩaq**

1 Yiang Sursĩ ơi! Cutũr hẽq khoiq
 sâng tẽ máh achúc achiac
 hẽq nsũar loah

tẽ ranáq salẽh anhia khoiq
 táq tâng dõi alóí tẽ mbốq.

2 Anhia khoiq tuih aloõh cũai ca
 tở bũn yám noap anhia,
 ma yõn proai anhia ên õt tâng
 cutẽq alóí ki.

Anhia khoiq pupút tốp canõh,
 ma tốp anhia bũn roap sa-ũĩ
 crơng o tẽ anhia.

3 Tở cõn cỗ nhơ tẽ pla dau máh
 proai anhia, ma chĩl bũn
 cutẽq ki.

Tở cõn tẽ rêng alóí ma chĩl
 riap.

Ma ọc ki bũn riap la cỗ nhơ chóc
 salẽh cóp rêng anhia toáp
 õt níc cóp alóí.

Ngkíq alóí đáng Yiang Sursĩ
 ayooq lứq alóí.

4 Anhia la Puo cóp Yiang Sursĩ
 cúq.

Anhia táq yõn cũai proai I-
 sarel bũn chĩl riap.

5 Cỗ nhơ tẽ rêng anhia, ngkíq hẽq
 cutóí máh cũai ẽ cachĩt hẽq
 yõn dóm.

Cỗ nhơ tẽ ramũh anhia, ngkíq
 hẽq tĩn sarúq cũai toaq chĩl
 hẽq.

6 Cúq tở bũn poang tẽ tamĩang,
 tở la tẽ pla dau, yõn tẽq chĩl
 riap.

7 Ma ống anhia toáp yõn hẽq bũn
 riap máh cũai ca rachĩl hẽq.

* 44: 44:0 Cansái ùat tẽ máh con samiang Cờ-ra. Yõn án ca sớt tốp ùat.

- Cóp anhia yõn alói ca kêt hếq
sâng casiet táq.
- 8 Tõp hếq khẽn Yiang Sursĩ mantái
níc,
cóp hếq sa-õn anhia toau sôt
dõi.
- 9 Ma sanua anhia khoiq táh hếq,
cóp yõn hếq cõt pê.
Anhia tõ bữn pờq parnõi noâng
cóp tốp tahan hếq.
- 10 Anhia khoiq táq yõn hếq lúh
carlũn tễ alói ca rachĩl
ratáq hếq.
Cóp alói khoiq pữr ìt nheq
chơ máh cớng hếq.
- 11 Anhia khoiq chiauh hếq ariang
charán cừu noau cheq ẽ
kiac táq cha.
Cóp anhia táq yõn tốp hếq
cõt pláh cu n্তóq tâng dũ
cruang.
- 12 Anhia chếq máh proai anhia na
kia nghẽl lứq,
samoât riang alói ốq kia
loâng.
- 13 Ma toâq cũai ớt mpễ hếq hữm
máh ranáq anhia táq chốq
hếq,
alói cacháng ca-iep cóp sieu
alĩh hếq.
- 14 Anhia yõn noau tĩn sarúq tốp
hếq na láih parnai.
Chơ máh cũai ki culũt culiauh
ayê ra-ac hếq.
- 15 Noau tõ ẽq hữm noâng cứq;
cóp cứq sâng casiet níc,
- 16 yuaq cũai par-ũal cứq,
bữn ớng santoiq ayê cóp lóc
acrieiq cứq.
- 17 Hếq tõ bữn khlĩr anhia,
cóp hếq tõ bữn paluan máh
óc parkhán anhia khoiq
par-ũq cóp hếq;
mỗ dũ ranáq nãi noâng toâq
pờ hếq.
- 18 Tõp hếq tõ nai chanchóm ẽ
calõih táh anhia,
tờ la viaq chíq tễ rana anhia
sadoi yõn hếq pờq.
- 19 Ma noâng anhia yõn hếq ớt
mpửng dĩ máh charán pla.
Cóp anhia khoiq táh hếq bãn
n্তóq canám ranhít tháng.
- 20 Yiang Sursĩ oi! Khãn hếq ma
tangũt sang anhia,
tờ la hếq tutoõng sang yiang
canõh,
- 21 lứq samoât anhia khoiq dáng
chơ ốc ki,
yuaq anhia dáng raloaih
nheq máh ramũh cutooq
tâng mứt pahõm hếq.
- 22 Cỗ tian hếq puai ngê anhia,
ngkĩq cu rangái noau chuaq
ngê ẽ cachĩt hếq.
Noau nhềng chu hếq samoât noau
nhềng chu charán cừu cheq
noau ẽ cachĩt.
- 23 O Ncháu ơi! Sếq anhia tamõ!
Yuaq nỏq anhia ma noâng
bếq níc?
Sếq anhia yuor tayứng, chõĩ
táh hếq toau sôt dũi ta-
moong.
- 24 Cỗ nỏq anhia ma tooq chíq tễ
hếq?
Sếq anhia chõĩ khlĩr hếq la
cũai ca chũuq túh cadĩt, cóp
chũuq noau padâm.
- 25 Ranáq nãi la samoât hếq khoiq
dóm tâng cutẽq,
cóp noau tĩn hếq samoât
noau tĩn cutẽq phõn.
- 26 Sếq anhia yuor tayứng cóp toâq
rachuai hếq nứng.
Sếq anhia chuai amoong hếq cõ
nhờ tễ anhia ayooq níc hếq.

45

*Cansái Ūat Bo Puo Racoàiq**

* 45: 45:0 Cansái ūat tễ máh con samiang Cỏ-ra. Yõn án ca sôt tốp ūat.

1 Mút pahõm cứq poãn moang ố
o bo cứq chĩc cansái ũat nãi
yõn puo tamứng.
Ariang cũai rangoaiq chĩc
parnai pali panha,
ngkĩq tê lieih cứq tẻq atõng tẻ
máh santoiq nãi.

2 Anhia nẻuq o clũri nẻq tẻ cũai
canõh.
Anhia khẻuq lứq táq ntõng.
Ngkĩq máh ốc bốn puan tẻ
Yiang Sursĩ ớt níc cớp an-
hia.

3 O puo clốq lứq ời!
Sẻq anhia ỉt dau anhia, chớ
poac savác var.
Anhia la puo bữn chớc lứq;
cớp anhia táq ranáq salẻh
lứq.

4 Cớq anhia chũl yõn riap máh alớ
ca kệt anhia,
bo anhia tacu tẻng cloong
asẻh.
Bo ki anhia apáh máh ốc pẻiq,
ốc mantoa mantia, cớp ốc
tanoang o.
Ngkĩq, ốc rẻng anhia tẻq táq
yõn anhia bữn riap.

5 Máh saráh anhia la nhỏiq lứq,
tẻq anhia choat amut tẻng
coảl pahõm cũai ũan puo.
Máh cruang canõh lứq đóm pữn
talang ayửng anhia.

6 Yiang Sursĩ ời, sớt đỏi lơi cumo,
anhia lứq sớt níc!
Anhia la sớt tanoang tapửng
lứq.

7 Anhia ayooq ranáq tanoang o,
ma anhia kệt ranáq lỏih.
Ngkĩq Yiang Sursĩ khoiq rườh an-
hia yõn cõt puo,
cớp án satỏh yõn anhia bữn
ốc bốn clũri nẻq tẻ puo
canõh.

8 Tampác anhia phuom ariang siet
tẻ aluang trâm.
Cớp bữn cũai khẻuq lờiq
cờng lampỏiq roap chỏm
tẻng đống anhia,

đống ca noau pasang toảq
paluac achĩang yõn cõt
nẻuq o.

9 Tẻ tốp mansẻm tẻng đống puo,
bữn con cumửr puo canõh
hử.
Cớp coah atoam anhia bữn lacuoi
anhia ớt tayửng.

Mansẻm nãi, alớ pasang tỏ
toảq cờng ngoaih cờng
ngoảc na práq yẻng o lứq.

10 Niang tamái ời! Mớic ca cõt
lacuoi puo.

Tamứng santoiq cứq pai!
Cớq mớic khẻi tốp mớic cớp
nẻq đống sữ mpoaq mớic
bữm.

11 Mớic la thán riang o. Ngkĩq yuaq
puo ẻ bữn mớic.

Cớq mớic yám noap án, yuaq
án la sớt mớic.

12 Cũai tẻng vil Ti-rỏ, alớ đửng
atoảq máh cờng ngoaih pử
mớic.

Cớp máh cũai sỏc, alớ ẻq lứq
mớic sẻng bữi pahõm cớp
alớic.

13 Mansẻm puo racoảiq, bữn ớt
tẻng clống án bữm.

Án la thán riang o lứq.
Mansẻm ki tẻc tampác noau
tẻq toảq dai yẻng.

14 Noau đửng niang tamái ca
tẻc tampác noau chũn toảq
priei đải sa-ửi santửm mut
pử ntỏq puo ớt.

Cớp bữn mansẻm canõh ca
chuai niang tamái, noau
đửng alớic toảq pử puo tê.

15 Bo nẻq tữh alớic mut tẻng đống
puo, alớic sẻng bữi hử lứq.

16 O puo ời! Máh con samiang
puo, nữ-ra alớic cõt puo tê.
Alớic plảih loah achủc achiac alớic.

Cớp nữ-ra, anhia táq yõn alớic
cõt sớt tẻng đử ntỏq tẻng
cốc cutẻq nãi.

17 Cansái ūat khẽn nâi têt táq yỗn ramứh puo ốt mantái níc.
 Dũ náq cũai lứq dáng cốp khẽn puo dũ dới.

46

*Yiang Sursĩ Ớt Níc Cốp Hái**

1 Yiang Sursĩ la samoât cựp tamáu catáng ra-óq hái yỗn ốt bán sũan ien khẽn.
 Toàq tangái túh coat, án chuai níc hái.
 2 Yuaq ngkíq, hái tở bữn ngcõh ntrớu.
 Tam cốc cutẻq cangcut, tở la cóh ralíh sapĩl chu dỡq mựt,
 3 tam dỡq mựt canoàq hỏ casang lứq,
 tở la cóh rachâu cỏ tian tẻ dỡq mựt canoàq hập,
 ma hái tở bữn sâng ngcõh ntrớu.
 4 Bữn muoi crỗng hoi amut tâng vil toàr khong Yiang Sursĩ, táq yỗn vil ki sâng bũi o.
 Vil ki la ntỏq Yiang Sursĩ ốt, án ca sỏt clũi nheq tẻ canỏh.
 5 Yiang Sursĩ ốt tâng vil ki.
 Tở bữn noau têt talỏh vil ki.
 Khãn cũai alẻq ma ẻ talỏh vil ki, bo sansrỏn moat mandang ẻ loỏh, Yiang Sursĩ lứq toàq chuai toàp.
 6 Dũ thữ cũai proai tở têt ốt ra-noàng, alỏi yoc rachíl ratáq níc.
 Cốp bữn dũ cruang cõt rachâu cangcut nheq.
 Bo Yiang Sursĩ pai casang lứq, cutẻq cõt lahĩr pứt nheq.
 7 Yiang Sursĩ Sỏt Toàr Lứq.
 ốt níc cốp hái.
 Yiang Sursĩ, la Yacỏp sang, la ntỏq hái têt poàng canủm.

8 Âu! Toàq nhềng máh ranáq Yiang Sursĩ khoiẻq táq.
 Anhia têt hữm máh ranáq salẻh án khoiẻq táq tâng cốc cutẻq nâi.
 9 Ân radũng nheq tữh cũai tâng cốc cutẻq nâi manoaq tở bữn chỉl manoaq noàng.
 Atĩ Yiang Sursĩ toàp dẻh chỉq cừ tamĩang alỏi.
 Ân cỏh táh máh pla coih alỏi yỗn cõt bar bẻq.
 Cốp án chỏng máh khẻl alỏi yỗn cat nheq na ùih blử.
 10 Yiang Sursĩ pai neq: “Anhia chỏi rachíl ratáq noàng.
 Cỏq anhia dáng cừq la Yiang Sursĩ.
 Cừq sỏt nheq tữh cũai cốp dũ cruang pủn paloỏng cutrứq nâi.”

11 Yiang Sursĩ Sỏt Toàr Lứq ốt níc cốp hái.
 Yiang Sursĩ, la Yacỏp sang, la ntỏq hái têt poàng canủm.

47

*Án Ca Sỏt Bữn Chỏc Toàr Lứq**

1 Ở nheq tữh cũai ỏi!
 Cỏq anhia tambrỏp atĩ cốp triau cupo yỗn casang, dỏq sang toam Yiang Sursĩ.
 2 Yiang Sursĩ sỏt toàr clũi nheq tẻ canỏh.
 Cỏq anhia ngcõh cốp yám noap án.
 Ân la Puo sỏt dũ cruang pủn paloỏng cutrứq nâi.
 3 Ân yỗn tỏp hái bữn riap cũai canỏh,
 cốp án táq yỗn hái cõt sỏt dũ cruang cũai.
 4 Ân khoiẻq rườh tâm cutẻq dỏq yỗn hái ốt.

* 46: 46:0 Cansái ūat tẻ máh con samiang Cỏ-ra. Yỗn án ca sỏt tỏp ūat. * 47: 47:0 Cansái ūat tẻ máh con samiang Cỏ-ra. Yỗn án ca sỏt tỏp ūat.

Ngkíq, cũai proai ca án ay-
ooq lứq sâng bũi pahỡm tễ
cutếq ki.

⁵ Noau triau cupo casang lứq bo
Yiang Sursĩ chõn chu ntốq
án sớt,
cóp bữn cũai plóng lavia
casang lứq tê bo án chõn.

⁶ Cóg ũat khẽn Yiang Sursĩ!
Âu, ũat khẽn! Cóg ũat khẽn
Puo hái!
Âu, ũat khẽn!

⁷ Yuaq Yiang Sursĩ la Puo sớt nheq
tữh cũai tâng cốc cutếq nài,
cóg hái ũat cansái khẽn án.

⁸ Yiang Sursĩ tacu tâng cachơng
puo đốq tacu.
Tễ ntốq ki, án sớt nheq máh
cruang cũai tâng cốc cutếq
nài.

⁹ Máh sớt tâng dũ tốp cũai tâng
dỡi nài,
alới rôm sarhõng parnơi cóp
cũai sa-âm Yiang Sursĩ,
la Yiang A-praham sang.

Nheq tửh cũai sớt tâng dỡi nài, la
Yiang Sursĩ toáp ndỡm alới.
Ổng án toáp sớt toár clữi
nheq tễ canõh.

48

*Cóh Si-ôn La Ntốq Yiang Sursĩ**

¹ Yiang Sursĩ la sớt toár lứq.
Ngkíq cóg hái yám noap án,
cóp ũat khẽn án tâng cóh Si-
ôn la ntốq noau đốq sang
toam Yiang Sursĩ.

² Cóh Si-ôn la khong Yiang Sursĩ.
Cóh ki sarõih cóp nêuq o lứq.
Cóp vil tâng cóh ki la vil khong
Puo ca sớt toár lứq.

Vil ki táq yõn dũ náq cũai
tâng cốc cutếq nài sâng bũi
hỡr.

³ Tâng vil ki bữn sa-ữi ntốq catáng
curiaq.

Yiang Sursĩ khoiq yõn cũai dáng
chơ ntốq án ốt;
ntốq ki la ntốq đốq catáng
ra-ỏq.

⁴ Máh cũai puo tâng dỡi nài cóp
máh tahan alới
khoiq rôm sarhõng parnơi ẽ
pỡq talõh cóh Si-ôn.

⁵ Toáp alới hữm cóh ki, alới santar
cóp ngcõh lứq.
Chơ alới lúh cháit lứq tễ ki.

⁶ Tốp alới cangcoaih cóp sâng a-ĩ
lứq,
samoat mansẽm cheq ẽ sết
con.

⁷ Alới cõt samoat tuoc Ncháu
khoiq talõh tâng đốq mưt
bo cuyal phát rêng lứq tễ
angia mandang loõh.

⁸ Tốp hái khoiq sâng chơ tễ ranáq
Yiang Sursĩ táq.

Cóp sanua, hái hữm ranáq ki
lứq cõt tâng vil Yiang Sursĩ.
Nài la vil Yiang Sursĩ Sót Toár
Lứq.

Án đốq vil ki la ntốq cu-
riaq cudar yõn têq ien khể
mantái níc.

⁹ O Yiang Sursĩ ơi! Tâng clõng
Đống Sang Toár anhia,
hếq chanchỏm níc tễ ốc ayooq
anhia.

Ốc ayooq ki ốt níc cóp hếq.
¹⁰ O Yiang Sursĩ ơi! Ramứh anhia
pỡq pláh dũ ntốq,
ngkíq yuaq dũ ntốq noau bữn
khẽn ramứh anhia.
Anhia bữn chớch la p̄ieiq níc.

¹¹ Cũai proai tâng Si-ôn sâng bũi
lứq;
cóp alới ca ốt tâng máh vil
tâng cruang Yuda, sâng bũi
tê,
yuaq anhia rablớh p̄ieiq lứq.

* 48: 48:0 Cansái ũat tễ máh con samiang Cỏ-ra.

- 12 Anhia ca sa-âm Yiang Sursĩ ơi!
 Sêq anhia pởq lavíng clống
 Si-ôn cớp ngih salĩq ngôl
 toâr bữn sa-ũi máh léq.
- 13 Cớp sêq anhia nhêng máh ntốq
 parnoâng.
 Cớp ngih salĩq ntốq đốq bán
 curiaq cớp kĩaq cudar.
 Ngkíq nỏq anhia têq nsũar
 loah yỗn tống toiq anhia
 toâq đỏi ntun dáng tê.
- 14 Yiang Sursĩ la lứq Yiang Sursĩ
 hải mantái níc.
 Cớp lứq án toâp ayông hái
 yỗn toau toâq tangái hái
 cuchĩt.

49

*Cóq Sa-âm Ống Yiang Sursĩ
 Sâng**

- 1 Cóq dũ náq anhia tamứng san-
 toiq nãi!
 Dũ náq anhia ca ớt tâng cớc
 cutêq nãi,
- 2 đêh cũai toâr cớp cũai cớt, đêh
 cũai sớc cớp cũai cadĩt,
 cóq tamứng santoiq nãi.
- 3 Bỏq cứq loai santoiq ca têq yỗn
 anhia cớt rangoaiq,
 cớp máh ốc cứq atống têq táq
 yỗn anhia dáng raloaih.
- 4 Sanua cứq chanchóm tể ốc ran-
 goaiq achúc achiac hái,
 cớp atống anhia tể ramứh ốc
 ki bo cứq tapáih achúng.
- 5 Cứq tở bữn sâng ngcõh ntróu bo
 tangái túh arức toâq,
 la tangái máh cũai ẽ táq cứq
 ớt lavíng mpễr cứq.
- 6 Alóí ươ tể crọng alóí bữn,
 cớp alóí achõn tở bữm tâng
 sanốc ntữn.
- 7 Ma tở bữn cũai aléq rơi pláih
 đỏi tamoong án chuai cũai
 canõh,

- tở la culáh kia tể đỏi tamoong
 cũai yỗn Yiang Sursĩ,
- 8 yuaq kia đỏi tamoong la ntâng
 lứq,
 cớp tở bữn noau bữn dũ
- 9 đốq pláih yỗn cũai tở bữn cuchĩt,
 ma yỗn bữn tamoong mantái
 níc.
- 10 Dũ náq cũai la dáng tể máh cũai
 rangoaiq,
 ma alóí cuchĩt machóng cũai
 tở bữn rangoaiq tê;
 cớp cũai sacũl la cuchĩt
 machóng ki tê.
- Chơ nheq máh mun alóí bữn cũai
 canõh ển ndõm.
- 11 Lứq pai alóí bữn cutêq ndõm,
 mỗ ping cumuiq cớt đống alóí
 ớt mantái níc.
 Lứq alóí ớt tâng ntốq ki tái-
 mantái.
- 12 Ngkíq ốc sớt toâr ki tở têq chuai
 yỗn alóí bữn tamoong.
 Ma alóí cóq cuchĩt samoât
 riang charán tê.
- 13 Ngkíq, rana alóí pởq, ki pởq
 puai rangứh alóí bữm,
 cớp alóí sâng bũi níc cớp
 sanốc ntữn alóí.
- 14 Alóí la samoât charán cũu noau
 anoat tangái cóq cuchĩt.
 Ốc cuchĩt đưng asuoi alóí
 samoât riang cũai mantán
 cũu đưng asuoi cũu tê.
- Cớp toâq tarựp, cũai tanoang o
 bữn riap alóí,
 bo tở alóí cớt abuoíq nheq
 tâng ntốq cũai cuchĩt ớt,
 yong tể đống alóí bữm.
- 15 Ma Yiang Sursĩ tháí loah ravieí
 cứq tể ntốq cũai cuchĩt ớt.
 Lứq samoât án đưng cứq toâq
 pở ntốq án ớt.
- 16 Chõĩ sarõh sarnóm ntróu bo
 noau cớt sớc bữn,

* 49: 49:0 Cansái ūat tể máh con samiang Cỏ-ra. Yỗn án ca sớt tốp ūat.

- bo cũai ki bữn sanốc nữn sa-ữi lứq ẻn.
- 17 Toađ lới cuchit, lới tở tẻq đũng muoi ramứh ntrứu tẻ mun ki.
Sanốc nữn lới tở bữn puai lới.
- 18 Lứq pai lới chanchóm dới tamooing lới la o lứq, cớp noau khẽn lới yuaq tẻ sốc bữn ki;
- 19 ma nheq náq lới cóq cuchit machóng achúc achiac lới tẻ, cớp ớt tâng ntốq canám mantái níc.
- 20 Ngkíq, ốc sớt toađ tở tẻq chuai ntrứu yỏn lới bữn tamooing níc.
Ma lới cóq cuchit samoat riang charán tẻ.

50

Yiang Sursĩ Rablớh Dũ Náq

*Cũai**

- 1 Yiang Sursĩ Sớt Toađ Lứq, án la Ncháu ca arô nheq tữh cũai tẻ angia mandang loỏh toau toađ angia mandang pát.
- 2 Yiang Sursĩ aclaq ốc poang tẻ vil Si-ỏn, la vil nẻuq o lứq.
- 3 Yiang Sursĩ hái lứq toađ, ma án tở bữn sẻng rangiac.
Lứq bữn pla ữih bữr rẻng lứq ớt choađg moat án.
Cớp mpẻn án bữn cuyal rapuq phát rẻng lứq tẻ.
- 4 Án arô paloỏng sarỏih cớp cốc cutẻq nái yỏn hữm máh ranáq án táq,
bo án rablớh máh cũai proai án.
- 5 Án pai neq: “Cóq parỏm nheq máh cũai sang cứq, yỏn toađ pử cứq.

- Alới ki khoiq par-ữq cớp cứq bo alới chiau sang.”
- 6 Chơ paloỏng pau atỏng tẻ, Yiang Sursĩ la tanoang o lứq, yuaq cutỏ Yiang Sursĩ toáp rablớh.
- 7 Yiang Sursĩ pai neq: “Máh proai cứq ỏi!
Anhia tamứng máh santoiq cứq pai.
- Ớ cũai I-sarel ỏi! Cứq tẻq anhia táq tở o.
Cứq toáp la Yiang Sursĩ, la Yiang anhia sang.
- 8 Cứq tở bữn tẻq anhia tẻ cớng anhia chiau sang,
tở la nhỏp tẻ cớng anhia đốq bớh chiau sang choađg moat cứq.
- 9 Cứq tở bữn yoc ẻ bữn ntrỏq tở la mbẻq tẻ cuaq anhia,
- 10 yuaq túc ramứh charán tâng arủih,
cớp máh charán cũai bán tâng muoi ngin anủol cóh la khong cứq nheq.
- 11 Cứq dảng máh chóm pảt tâng cóh,
cớp dũ ramứh tamooing tâng ruang, ki khong cứq nheq.
- 12 “Khân cứq sảng panhieih, ki cứq tở bữn túh sẻq tẻ anhia, yuaq dũ ramứh tâng pửn manlỏc nái la khong cứq nheq.
- 13 Cứq coi cha sảiq ntrỏq, tở la nguaiq aham mbẻq tở?
Lứq tở cờn ngkíq.
- 14 Cóq anhia chiau sang dũ ramứh đỏq sa-ỏn Yiang Sursĩ.
Cớp cóq anhia táq puai máh ốc anhia khoiq par-ữq cớp án ca Sớt Toađ Lứq.
- 15 Toađ anhia ramỏh túh coat, cóq anhia arô sẻq tẻ cứq.
Chơ cứq lứq toađ chuai amoong anhia.

* 50: 50:0 Cansái ũat tẻ Asap.

Ngkíq anhia khẽn cớp sa-õn cớq.”

16 Ma Yiang Sursĩ pai chók cũai loài neq:

“Mới bữn chóc ntróu, ruaih loah máh ốc cớq patâp, tở la táq ntởng loah tể máh santonq cớq khoiq par-ũq?

17 Lứq mới kêt máh ốc cớq tểq mới,

cớp tở ểq tamứng máh santonq cớq patâp.

Mới khoiq táh đốq máh ốc ki coah cũ.

18 Toâq mới hữm cũai tutuoiq, ki mới pruum cớp alóí.

Cớp toâq mới hữm cũai táq tang-hang,

ki mới pruum táq machớng alóí tể.

19 “Mới pruum loai níc santonq sâuq.

Cớp bỗq mới sarhớng níc tể ốc ể raphếq rathũ.

20 Mới apót níc ốc tở o chók sểm ai mới bữm.

Cớp mới voốq tở o tể alóí hỡ.

21 Mới khoiq táq dũ ramứh ki, ma cớq tở bữn tabỗq ntróu loâng.

Ngkíq yuaq mới chanchớm cớq machớng mới tể.

Ma sanua, cớq ể tểq cớp pai mới bữn lôih lứq.

22 “Mới khoiq khlĩr Yiang Sursĩ, sanua cớq mới chanchớm tể ốc nâi.

Khân tở bữn ngkíq, cớq lứq háq tể mới samoât cula háq tể charán tể, táq yỗn cõt mẽng,

cớp tở bữn noau tềq rachuai mới.

23 Cũai aléq ma sa-õn cớq,

ốc sa-õn ki cõt samoât cớng chiau sang đốq yám noap cớq.

Nỡ-ra, cớq lứq chuai amoong dũ nắq cũai ca trĩh parnai cớq.”

51

*Ngin Kho Lôih Chók Yiang Sursĩ**

1 O Yiang Sursĩ ơi! Sểq anhia ayooq táq cớq nứng puai ốc ayooq anhia.

Sểq anhia táh lôih cớq puai ốc sarũiq táq tể anhia.

2 Sểq anhia ariau mút pahỏm cớq yỗn bráh briel,

cớp sểq anhia táh nheq ốc lôih cớq.

3 Yuaq cớq dáng ốc lôih cớq la sa-ũĩ lứq,

ngkíq máh ốc lôih ki ốt níc choâng moat cớq, tở nai pứt.

4 Cớq khoiq táq lôih chók anhia, ống chók anhia toâp cớq táq ranáq sâuq lứq nâi.

Lứq p̄ieiq anhia yỗn cớq roap tột toâq anhia sữq puai ốc tanoang tapứng anhia.

5 Cớq bữn lôih tể bo noâng cớq ốt tâng púng mpiq.

Cớq la cũai loài lứq, noap tể tangái mpiq cớq canốt cớq.

6 Anhia yoc lứq cũai bữn ống ốc p̄ieiq cớp ốc tanoang tâng mút alóí.

Sểq anhia yỗn sarnỏm cớq poân moang ốc rangoiq tể anhia.

7 Sểq anhia ariau máh ốc lôih cớq yỗn cõt bráh nheq.

Khân anhia ariau, ki cớq lứq cõt cloc cũĩ tể prêl prĩl.

* 51: 51:0 Cansái ūat tể Davit, toâq vớt Nathan, la cũai tang bỗq Yiang Sursĩ, pai Davit cooc Bat-si-ba. Yỗn án ca sốt tồp ūat.

- 8 Sẻq anhia yỏn cứq bữn ỏc
bủi, đỏq máh nhang anhia
khoiq đẻh tẻq ratỏt loah.
- 9 Sẻq anhia nguai chẻq tẻ máh ỏc
lỏih cứq,
cỏp chut pupủt nheq máh ỏc
sỏuq cứq.
- 10 Yiang Sursẻ oỉ! Sẻq anhia tẻng
mủt cứq yỏn brách o loah,
cỏp yỏn mủt tamái ca sabỏng
o lủq.
- 11 Sẻq anhia chỏi tuih cứq aloỏh tẻ
ntỏq anhia ỏt.
Cỏp sẻq anhia chỏi ỉt Ravieỉ
Yiang Sursẻ aloỏh vỏt tẻ
cứq.
- 12 Sẻq anhia yỏn loah cứq máh ỏc
bủi hỏr, cỏ nhỏ anhia chuai
amoong cứq;
cỏp táq yỏn mủt pahỏm cứq
ẻr áiq lủq yoc ẻ sang toam
anhia.
- 13 Chỏ cứq ẻ catoaih atỏng máh
củai táq cloỏq tẻng lỏih,
yỏn alỏi pẻh loah chu anhia.
- 14 O Yiang Sursẻ oỉ! Anhia la Yiang
ca chuai amoong cứq,
sẻq anhia chuai cứq yỏn vỏt
tẻ ỏc lỏih cứq khoiq cachẻt
củai.
Ngkẻq lieih cứq ũat khẽn an-
hia la tanoang o lủq.
- 15 O Nchỏu oỉ! Sẻq pỏh bỏq cang
cứq,
chỏ yỏn lieih cứq tẻq ũat
khẽn anhia.
- 16 Máh cẻng noau đỏq ẻ đửng
chiau sang yỏn anhia, ki
anhia tỏ bữn yoc.
Khỏn anhia yoc ẻ bữn, lủq
cứq đửng chiau sang ngkẻq.
Cỏp anhia tỏ bữn bủi pahỏm toỏq
củai bỏh charỏn chiau sang
anhia.

- 17 Cẻng chiau sang pẻieq lủq
Yiang Sursẻ ẻ bữn
la mủt pahỏm sỏng a-ỉ tẻng
ỏc lỏih.
O Yiang Sursẻ oỉ! Mủt pahỏm ca
sỏng a-ỉ u-ỏi tẻng ỏc lỏih,
ki anhia tỏ nai mumat.
- 18 O Yiang Sursẻ oỉ! Sẻq anhia
sarủiq táq cỏp chuai vil Si-
ỏn.
Sẻq anhia táq loah viang
tamái tẻng vil Yaru-salem.
- 19 Chỏ anhia lủq sỏng bủi pahỏm
tẻ cẻng chiau sang pẻieq
lủq ki,
đẻh charỏn noau bỏh chiau
sang yỏn anhia hỏr.
Chỏ củai lủq kiac ntrỏỏq tỏl chiau
sang yỏn anhia tẻng prỏng
sang.

52

Yiang Sursẻ Rablỏh *

- 1 O củai pla oỉ! Yuaq nỏq mới
achửng alủ ranỏq sỏuq?
Ổc tanoang o tẻ Yiang Sursẻ ỏt
dủ sadỏu tangỏi mantái nẻc.
- 2 Mới chanchỏm ẻ táq yỏn củai
canỏh chửuq túh arủc.
Lieih mới samoỏt riang achủ
lam,
yuaq mới raphẻq rathủ nẻc.
- 3 Mới kiar ranỏq sỏuq hỏn tẻ
ranỏq o.
Cỏp mới kiar ỏc raphẻq rathủ
hỏn tẻ ỏc pẻieq.
- 4 Lieih mới pai aloỏh moang san-
toiq ntẻng ahỏr,
cỏp táq ntẻng ỏng ỏc lauq cỏp
ỏc pẻhẻq thủ.
- 5 Ngkẻq Yiang Sursẻ táq mới
mantái nẻc.
Án ỏc aloỏh mới yỏn ỏt yẻng
tẻ đỏng mới.
Cỏp ỏn sadỏh mới aloỏh tẻ
ntỏq củai tamoong ỏt.

* 52: 52:0 Cansỏi ũat tẻ Davẻt toỏq vỏt Dỏ-ec, la củai Ê-dỏm, atẻng Salỏr, pai Davẻt ỏt pỏ
đỏng Ahi-malẻc. Yỏn ỏn ca sỏt tỏp ũat.

- 6 Tữ cūai tanoang o hũm ranáq nâi, ki alóí sâng ngcôh, cốp alóí cacháng ayê ra-ac đêh pai neq:
- 7 “Âu nhêng! Nâi la cūai tở ẽq poâng Yiang Sursĩ, cốp tở ẽq Yiang Sursĩ catáng ra-óq.
- Ma án poâng cốp sa-âm tâng sanốc ntũn án.
Cốp án chuaq khâm râm tẽ ranáq sâuq.”
- 8 Ma cứq samoât riang nỡm o-li-vê dáh tâng Dóng Sang Toâr Yiang Sursĩ.
Cứq sa-âm Yiang Sursĩ ca ay-ooq cứq mantái níc.
- 9 Yiang Sursĩ ơi! Cứq sa-õn níc tẽ dũ ranáq anhia khoiqt táq.
Cứq nguang tâng ramũh anhia.
- Ngkĩq cứq pau atõng chóq dũ náq ca puai anhia, yuaq anhia lứq o.

53

*Cūai Loài La Sacũl**

- 1 Cūai sacũl đốq chanchóm neq:
“Lứq tở bữn bữn Yiang Sursĩ!”
Alóí táq ranáq nhợp la-õq.
Cốp tở va manoaq thánq táq ranáq o.
- 2 Yiang Sursĩ tapoang asẽng tẽ paloõng chu cūai tâng cốc cutẽq nâi.
Án yoc ẽ dáng bữn ma tở bữn cūai rangoaiq, cūai yoc ẽ sang toam án.
- 3 Dũ náq cūai bữn lỏih machóng nheq.
Lứq tở va manoaq thánq táq ranáq tanoang o.

- 4 Yiang Sursĩ blóh neq: “Cūai sâuq óq sarnóm chanchóm tở?
Dũ náq cūai sacũl nheq tở?
Alóí tamoong tâng đỏi nâi yoc ẽ pữn níc máh cūai cứq.
Cốp alóí tở nai câu sêq ntróu tẽ cứq.”
- 5 Chơ nỡ-ra alóí sâng croõq ngcôh lứq,
ariang pai alóí tở nai ramóh óc croõq tẽ nhũang.
Yiang Sursĩ calõih cốp táh alóí ca chíh cūai proai án.
Án táq yõn alóí cõt pê,
cốp án táq yõn nhang alóí cõt parsáng-parsaiq nheq.
- 6 Cứq câu sêq tẽ Yiang Sursĩ ca õt tâng cóh Si-ôn, yõn chuai tốp I-sarel bữn riap.
Toâq án táq yõn proai án cõt sóc loah matoat tiaq,
tangái ki nheq tống toiq Yacốp ỡn chỡ cốp bũi hỡr lứq.

54

*Câu Sêq Yõn Vót Tẽ Cūai Tở O**

- 1 O Yiang Sursĩ ơi! Sêq anhia rasũq cứq nhợ tẽ ramũh anhia,
cốp sêq anhia chuai amoong cứq cõ nhợ tẽ chóc anhia.
- 2 Yiang Sursĩ ơi! Sêq anhia tamúng nững santoiq cứq câu sêq.
Sêq anhia pachêng cutũr tamúng sương ca loõh tẽ bõq cứq.
- 3 Bữn cūai achõn tở bữn yuor tayũng ẽ chíh cứq.
Cốp máh cūai pla chi-chuaq ẽ cachĩt cứq.
Alóí tở bữn chanchóm ntróu loâng tẽ Yiang Sursĩ.

* 53: 53:0 Cansái ūat tẽ máh con samiang Cô-ra. Yõn án ca sôt tốp ūat. * 54: 54:0 Cansái ūat tẽ Davĩt toâq vót máh tốp Síp pợq atõng Salơ pai Davĩt õt tooq tâng cruang alóí. Yõn án ca sôt tốp tapáih crong lampõiq.

- 4 Ma Yiang Sursĩ chuai níc cứq.
 Án rabán apông raviei cứq.
 Ncháu curiaq cudar níc cứq.
- 5 Sẻq Yiang Sursĩ carláh đờq chóc
 alóí ca táq cứq.
 Sẻq anhia pupút alóí puai ố
 p̄ieiq tẻ anhia.
- 6 O Yiang Sursĩ ơi! Cứq lứq
 sâng bũ pahõm chiau sang
 cớng yõn anhia.
 Cứq sa-õn ramứh anhia, yuaq
 ốc ki la o la-ốq.
- 7 Anhia khoiq chuai cứq yõn vót
 tẻ dũ ramứh túh coat.
 Cóp cứq bũn hũm cũai ẻ
 cachit cứq cõt pẻ.

55

*Câu Sẻq Yuaq Bũn Yóu Cõt Alia Bar Ploah**

- 1 Yiang Sursĩ ơi! Sẻq anhia
 pachêng cutũr tamứng san-
 toiq cứq câu.
 Sẻq anhia chỏi nguai tẻ san-
 toiq cứq cuclõiq cucling.
- 2 Sẻq anhia tamứng cốp ta-õĩ cứq
 nứng.
 Cứq khoiq pẻ chơ chũuq máh
 ốc túh coat nãi.
- 3 Cứq sâng ngcõh lứq toâq bũn
 cũai canứh ẻ táq níc cứq.
 Alóí đứng atoâq ramứh túh
 coat pờ cứq.
 Alóí bubẻq-bubựp cốp kêt
 cứq cỏ alóí sâng nsóq mút.
- 4 Mút pahõm cứq sâng a-ĩ yarĩaq
 lứq.
 Cứq croỏq cốp cớng ngcõh
 cuchit.
- 5 Cứq cangcoaih cỏ tẻ sâng ngcõh.
 Ốc ngcõh ki clũom pĩal tỏ cứq.
- 6 Cứq yoc ẻ bũn khlap samoât
 chóm tariap, cốp ẻ p̄ar yõn
 vót chíq,

- chơ bũn ốt bân ntốq ien khẻ
 ẻn.
- 7 Chơ cứq ẻ p̄ar yõn yớng lứq, cốp
 ốt rlu pờ ntốq aiq ẻn.
- 8 Cứq pờq chuaq toập ntốq ien
 campáng,
 tở bũn noâng cuyal cốp rapuq
 rasĩaq.
- 9 O Ncháu ơi! Sẻq anhia táq yõn
 cũai loái cõt saria sarnóm
 cốp clu parnai bũm,
 yuaq cứq hũm tâng vil alóí
 bũn moang cũai tachoât
 cốp ốc sasrúc sâng.
- 10 Tangái cốp sadâu, máh ranáq
 sâuq lavíng mpẻ̄ vil ki,
 cốp tâng clóng vil ki bũn
 moang ranáq carchit cốp ốc
 túh arúc.
- 11 Ranáq talõh pupút bũn dũ ntốq.
 Ranáq ralỏp cốp ranáq
 raphẻq rathũ tở tẻq ratáh
 noâng tẻ vil alóí.
- 12 Khân bũn cũai par-ũal ma sieu
 alíh cứq, ki cứq rơi chũuq
 tanhĩr.
- Khân bũn cũai achõn tỏ bũm, ki
 tẻq cứq viaq tẻ án.
- 13 Ma mới la yóu cứq, án ca pruam
 táq ranáq parnoi cốp cứq,
 cõt đẻh cũai ratoí lứq cốp
 cứq.
- 14 Bo ki, hái coi táq ntõng parnai
 languat laham.
 Cốp hái sang toam Yiang
 Sursĩ tâng Dỏng Sang Toâr
 parnoi hờ.
- 15 Sẻq Yiang Sursĩ yõn cũai ẻ
 táq cứq cuchit nhũang toâq
 ngư alóí cuchit.
- Sẻq anhia táq yõn alóí satooh
 noâng tamoong tâng ntốq
 cũai cuchit ốt.
 Yuaq ốc sâuq ốt tâng đỏng
 cốp tâng mút pahõm alóí.

* 55: 55:0 Cansái ùat tẻ Davit. Yõn án ca sớt tỏp tapáih cớng lampõiq.

- 16 Ma cứq, ki cứq câu sễq tễ Yiang Sursĩ.
Chớ Ncháu chuai cứq bữn vót.
- 17 Pên tarũp, mandang toâng, cốp sadâu,
la cứq cuclĩiq cucling cốp chuchõr níc, cõ sâng túh coat lứq.
Ngkĩq án tamúng sường cứq.
- 18 Án chuai cứq yõn õt ien khể cốp bữn plot o tâng ntỏq cứq rachĩl,
yuaq cũai rachĩl ratáq cốp cứq, ki cứng lứq.
- 19 Yiang Sursĩ lứq cõt sớt mantái níc.
Án tamúng sường cứq,
cốp án táq yõn cũai rachĩl cứq cõt pê,
yuaq cũai ki tỡ ẽq táh máh ngê alới bữm,
cốp alới tỡ bữn ngcõh Yiang Sursĩ.
- 20 Yóu ca ratoi cốp cứq tễ nhũang, sanua án chĩl yóu án bữm.
Án tỡ bữn táq puai noâng máh santoiq án khoiq par-ũq tễ nhũang.
- 21 Santoiq án ki ngiam clũi dõq khĩal,
ma tâng mút pahõm án ki rachĩl ratáq níc.
Santoiq án bũi, ẽm ẽ tamúng,
ma tâng clõng santoiq ki cõt ariang pla dau bớq lứq.
- 22 Cỏq anhia chiau máh ỏc ntâng trantráq pỡ Yiang Sursĩ.
Ngkĩq án lứq acỏq chuai an-hia.
Án tỡ nai yõn cũai tanoang o cõt pê.
- 23 O Yiang Sursĩ ời! Lứq anhia dững alới ca cachĩt cũai cốp táq ntõng lauq chu pống sarloac.

- Alới ki la cũai ca táq yõn aham yóu tahóc cốp tũn apót yóu.
- Alới tamoong la tỡ bữn sớt clũiq.
Ma cứq, ki cứq puai rangũh anhia toáp.

56

*Santoiq Câu Sễq Puai Rangũh Yiang Sursĩ**

- 1 Yiang Sursĩ ời! Sễq anhia sarũiq táq cứq,
yuaq cũai par-ũal ẽ rachĩl ratáq cứq.
Cu rangái alới chĩl cốp táq túh coat lứq cứq.
- 2 Tỏp cũai par-ũal cứq, alới chĩl cu rangái sadâu.
Alới ưo bữn cũai cứng, ngkĩq yuaq alới chĩl cứq.
- 3 O Yiang Sursĩ Sớt Toâr Lứq ời!
Toáq cứq sâng ngcõh, cứq toáq poâng anhia.
- 4 Cứq sa-õn tễ dũ ramũh anhia khoiq par-ũq tễ nhũang ẽ yõn cứq.
Tỡ cứq toáq poâng Yiang Sursĩ, ki cứq tỡ bữn ngcõh ntróu noâng.
Khân cũai miat, ki lứq alới tỡ tẽq táq ntróu chuai cứq.
- 5 Dũ rangái alới tũn apót níc cứq.
Cốp alới chuaq ngê ẽ táq tỡ o chỏq cứq.
- 6 Alới õt rỏm tâng ntỏq clõp,
cốp tutuaiq nhềng tễ máh ranáq táq, cõ yoc ẽ cachĩt cứq.
- 7 O Yiang Sursĩ ời! Sễq anhia manrap alới,
yuaq alới táq moang ranáq loái sâng.
Sễq anhia cutâu mút cốp táq yõn cũai ki cõt pê.

* 56: 56:0 Cansái ūat tễ Davĩt, toáq vót tốp Phi-li-tin cốp án tâng vil Cat. Yõn án ca sớt tốp sường ūat.

- 8 Anhia khoiq dáng chơ cừq chũq máh ốc túh coat.
 Sẻq anhia parôm đờq sarliang moat cừq tâng clống.
 Anhia khoiq noap cớp chĩc đờq máh ranáq ki tâng pơ saráq anhia.
- 9 Toáq tangái cừq arô sẻq tẻ anhia, ngkíq cũai ẻ táq cừq, pih chu loah pờ ntốq alóỉ ốt.
 Cừq dáng ranáq nài la Yiang Sursĩ toáp ốt bán kĩaq níc cừq.
- 10 Cừq khẽn cớp sa-ổn Yiang Sursĩ tẻ dũ ramứh án khoiq par-ữq tẻ nhũang cớp cừq.
- 11 Toáq cừq poâng bân Yiang Sursĩ, ngkíq cừq tở bữn ngcõh ntróu noâng.
 Cũai tở têq táq ntróu chóq cừq.
- 12 Yiang Sursĩ ơi! Máh ốc cừq khoiq ửq tẻ nhũang cớp anhia,
 ki cừq lứq chiau sang đờq sa-ổn anhia chuai cừq,
- 13 yuaq anhia khoiq chuai amoong raviei cừq tẻ cuchĩt,
 cớp tở bữn yỏn ayũng cừq dóm veq noâng.
 Ngkíq cừq tayáh pờq choâng moat Yiang Sursĩ, ốc poang tráh aclaq tâng ntốq cũai noâng tamoong ốt.

57

Santoiq Câu Sẻq Yỏn Vớt Tẻ Túh

*Coat**

- 1 Ở Yiang Sursĩ ơi! Sẻq anhia sarũiq táq cừq nứng.
 Sẻq anhia sarũiq táq cừq, yuaq mút pahõm cừq canừm poâng anhia.
 Cừq poâng nhựp khlap anhia yỏn toau vớt ramứh túh coat,

- samoát chớm con ốt nhựp khlap mpiq toau vớt cuyal rapuq.
- 2 Cừq arô sabau Yiang Sursĩ, la Yiang ca sớt clữi nheq tẻ canõh,
 án ca yỏn cừq bữn moang ốc 0.
- 3 Lứq án ta-ỏi cừq tẻ pỡng paloõng, cớp chuai amoong cừq.
 Án táq yỏn alóỉ ca rapuai ẻ cachĩt cừq cõt pẻ.
- Yiang Sursĩ toáp sadoi yỏn cừq dáng ốc ayooq cớp ốc p̄ieiq níc tẻ án.
- 4 Cừq ốt mpứng dĩ máh cũai ẻ táq cừq.
 Alóỉ cõt samoát cula samín ẻ palõng cáp cừq.
 Canẻng alóỉ nhõiq ranhau samoát coih cớp saráh;
 lieih alóỉ bớc samoát pla dau.
- 5 Ở Yiang Sursĩ ơi! Sẻq anhia apáh yỏn dũ náq cũai dáng anhia bữn chớc toár clữi nheq tẻ canõh tâng paloõng,
 cớp sẻq anhia apáh chớc ang-ữr anhia tâng cớc cutẻq nài.
- 6 Alóỉ táq rabang, chơ to đờq cuoiq ayũng cừq.
 Cừq ngũq plở asẻng cõ mút pahõm sâng ngua lứq.
 Alóỉ píq prúng tâng rana cừq đờq pờq, chơ alóỉ toáp sapủl loah bữm.
- 7 Ở Yiang Sursĩ ơi! Mút pahõm cừq ốt sabớng lứq tâng anhia.
 Cừq ũat cansái ũat đờq khẽn anhia.
- 8 Mút pahõm cừq ơi, cóq tamỡ!

* 57: 57:0 Cansái ũat tẻ Davĩt toáq vớt án lủh tẻ Salơ pờq tooq tâng cừp. Yỏn án ca sớt tởp sường ũat.

Achúng toâr cớp achúng cớt ơi,
 cớq tamỡ yỗn cứq tapáih
 cansái ũat!
 Cứq ề amoaih moat mandang
 yỗn chỗn.
 9 Ơ Ncháu ơi! Tâng mpúng dĩ
 máh cũai cứng cứq sa-ỡn
 anhia.
 Cớp mpúng dĩ máh cruang,
 cứq ề khẽn anhia.
 10 Ốc ayooq tễ anhia la toâr lứq
 cớp chỗn toâq paloong.
 Ốc p̄ieiq tễ anhia la sarỡih
 toâq ramứl.
 11 Ơ Yiang Sursĩ ơi! Sễq an-
 hia apáh yỗn dĩ náq cũai
 dáng anhia bữn chớc toâr
 cũi nheq tễ canỏh tâng
 paloong;
 cớp sễq anhia apáh chớc
 ang-ừr tễ anhia chũop nốq
 tâng cớc cutễq nâi.

58

*Sễq Yỗn Cũai Sâuq Roap Tô**

1 Anhia ca cũai arieih ơi! Anhia
 rasừq tanoang, ma tỡ bữn?
 Anhia rablớh dĩ náq cũai lứq
 p̄ieiq, ma tỡ bữn?
 2 Lứq tỡ bữn! Mứt anhia
 chanchóm ống ranáq sâuq
 sâng.
 Atĩ anhia táq moang ranáq
 tachoát sâng tâng cớc cutễq
 nâi.
 3 Cũai sâuq bữn lỏih tễ mpiq alớ
 noâng ỡt mumiaq.
 Tễ tangái mpiq alớ canỡt
 alớ, alớ khioq táq ntỡng
 lauq nừm.
 4 Alớ bữn pih samoát cusân.
 Alớ cớt samoát riang cusân
 tur túng, cớ án cupát cutừ
 bữm,

5 yuaq án tỡ ễq tamứng mo ca sớ
 án,
 tam mo ki plóng khểuq.
 6 Ơ Yiang Sursĩ ơi! Sễq anhia dẻh
 yỗn tacoaih chíq canẻng
 alớ.
 Sễq anhia bóc aloỏh canẻng
 pla ariang clỏi cula samín.
 7 Sễq yỗn alớ cớt sarbiet chíq
 samoát noau calúh đờq
 paning.
 Sễq anhia yỗn alớ cớt samoát
 bát sanlan noau tĩn tâng
 rana.
 8 Sễq anhia yỗn alớ cớt samoát
 clo abuoiq cớp cớt crong
 salaiq.
 Cớp yỗn alớ cớt samoát con
 bỡr talỏh tỡ yũah bữn hữm
 ốc poang.
 9 Nhũang alớ ể sapúh, noau
 khioq roaiq táh alớ samoát
 noau roaiq bát sanlan.
 Yuaq Yiang Sursĩ sâng cutâu
 mứt chớq alớ,
 chơ án tuih alớ yỗn priang
 yong tễ bo alớ noâng bữn
 tamoong.†
 10 Cũai tanoang o sâng bữi
 hỡr, yuaq bữn satỡm hữm
 tangái máh cũai sâuq roap
 tột.
 Cớp alớ tĩn sarúq aham cũai
 sâuq ki.‡
 11 Bữn cũai proai pai neq: “Cũai
 tanoang o, ki bữn roap cớng
 o.
 Lứq samoát, ống Yiang Sursĩ
 toáp bữn chớc tẻq rablớh
 dĩ náq cũai tâng cớc cutễq
 nâi.”

59

*Câu Sễq Yỗn Tẻq Bữn Plot Ien**

* 58: 58:0 Cansái ũat tễ Davit. Yỗn án ca sớ tốp ũat. † 58:9 58:9 Rana 9 nâi tỡ bữn raloaih tâng parnai Hẻ-bơ. ‡ 58:10 58:10 Tâng parnai Hẻ-bơ pai. ‘alớ ariau ayừng tâng aham cũai pla ki.’ * 59: 59:0 Cansái ũat tễ Davit, toâq vớ Salỏ ón máh cũai pỡq cập đống Davit ỡt, cớ ề cachít án. Yỗn án ca sớ tốp sường ũat.

- 1 O Yiang Sursĩ ơi! Sẻq anhia chuai cứq yỏn vớ tẻ máh cũai par-ũal cứq.
 Sẻq anhia bán kĩaq cứq yỏn vớ tẻ cũai ẻ chíl cứq.
- 2 Sẻq anhia chuai cứq yỏn vớ tẻ cũai táq ranáq sáuq.
 Cớp sẻq anhia chuai cứq yỏn vớ tẻ cũai ẻ táq yỏn aham yớu tahóc.
- 3 Cũai loài rỏm parnỏi ẻ chíl cứq.
 Alỏi crỏq acoan ẻ cachĩt cứq, ma tớ cỏn cỏ tian cứq táq lỏih tớ la táq ranáq sáuq.
- 4 Cứq tớ bữn táq lỏih ntrớu, ma noâng alỏi crỏq ẻ táq cứq, Yiang Sursĩ ơi.
 Sẻq anhia tamuai nhẻng cớp chuai cứq.
- 5 O Yiang Sursĩ Sỏt Toár Lứq ơi!
 Anhia la Yiang Sursĩ, tốp I-sarel sang.
 Sẻq anhia yuor tayứng cớp toâng rachuai cứq nứng.
 Sẻq anhia tamỏ, cớp táq máh cũai ca tớ ẻq sa-âm anhia.
 Sẻq anhia chỏi sarũiq táq máh cũai loài đớq ẻ cớt alia bar ploah.
- 6 Bo cheq ẻ sadâu alỏi pớh chu; alỏi mut tâng vil, chớ pớq chu nũi chu ki, đẻh lữ samoát acho.
- 7 Tamứng santonq alỏi mumat cớp santonq canủh.
 Lieih alỏi cớt samoát pla dau. Ma noâng alỏi chanchỏm tớ bữn cũai alẻq sâng sừng alỏi.
- 8 Ngkẻq Yiang Sursĩ ơi, anhia cacháng cớp ayẻ dủ náq cũai ca tớ bữn yám noap anhia.
- 9 O Yiang Sursĩ ơi! Cứq sa-âm tâng chớc sỏt toár anhia.

- Anhia cớt ntỏq cứq poâng.
- 10 Yiang Sursĩ cứq sang, án ayooq lứq cứq.
 Ngkẻq án toâng pớ cứq, cớp apáh yỏn cứq hữm cũai loài cớt pẻ.
- 11 O Yiang Sursĩ ơi! Sẻq anhia chỏi cachĩt alỏi, cỏh lỏ cũai ca anhia bán kĩaq cớt khlẻr chíq ranáq anhia khoiq táq chỏq cũai loài.
 Nhớ tẻ chớc anhia, táq yỏn alỏi lủh mpriẻh, cớp yỏn alỏi cớt pẻ.
- 12 Dủ santonq ca loỏh tẻ bỏq alỏi la lỏih nheq, yuaq ỏc lỏih ỏt tâng tambớr bỏq alỏi.
 Sẻq anhia yỏn alỏi chuat tâng ỏc ỏt sác, samoát riang charán chuat acáp.
 Yuaq alỏi đớq báih acrieiq yớu cớp táq ntởng lauq,
- 13 sẻq anhia bữn mút cutâu lứq chỏq alỏi, cớp pupứt dủ náq alỏi.
 Táq ngkẻq, đớq dủ náq cũai dáng Yiang Sursĩ lứq bán kĩaq tốp I-sarel.
 Cớp dủ náq cũai dáng án sỏt dủ ntỏq tâng cớc cutẻq nũi.
- 14 Bo cheq ẻ sadâu, cũai loài pớh chu mut tâng vil pớq chu nũi chu ki, cớp lữ samoát acho.
- 15 Alỏi cớt ariang tốp acho chuaq cha.
 Khủn tớ bữn dủ sana cha, ki alỏi lữ nẻc.
- 16 Ma cứq, ki cứq ũat cansái ũat đớq khẻn chớc anhia.
 Cu tarựp cứq ũat khẻn tẻ ỏc anhia ayooq.

Anhia cõt nốq parnoâng
cóp nốq sandũ, toâq cứq
ramóh túh arũc.

17 Cứq ūat khẽn anhia, yuaq anhia
rabán kĩaq níc cứq.

Yiang Sursĩ la nốq parnoâng
cứq.

Cóp án ayoq cứq mantái níc.

60

*Câu Sẻq Yỗn Chuai Tẻ Cũai
Par-ũal**

1 O Yiang Sursĩ ơi! Anhia khoiq
táh hẻq cóp táq yỗn tốp hẻq
cốt pẻ thánq.

Anhia khoiq cutâu mút chóq tốp
hẻq.

Ma sanua, sẻq anhia chuai
tốp hẻq yỗn bữn pỉh chu
loah.

2 Anhia táq yỗn cốc cutẻq cacut
cóp phang pacháh.

Sanua, sẻq anhia atức palĩ
loah cutẻq ki yỗn li,

yuaq cutẻq ntôm ẻ pacháh
nehq.

3 Anhia khoiq táq yỗn máh cũai
proai anhia ramóh túh coat.

Hẻq cõt samoât cũai bũl
błng sarín sarêu chu nài
chu ki.

4 Anhia khoiq sươq máh cũai yám
noap anhia,

yỗn alới viaq vót tẻ ỏc cuchĩt.

5 Sẻq anhia chuai amoong hẻq
nhớ tẻ chóc anhia,†

yỗn dĩ náq cũai anhia ayoq
tẻq bữn tamoong.

Cóp sẻq anhia ta-ỡi santoiq
hẻq câu.

6 Yiang Sursĩ khoiq atởng chơ tẻ
Đổng Sang Toâr án neq:

“Yuaq cứq khoiq chíl riap,
ngkĩq cứq cayoah cruang
Se-kem,

cóp tampẻq avúng Sucôt yỗn
máh proai cứq.

7 Cruang Ki-liat cõt khong cứq.

Máh cũai proai Ma-nasẻ la
khong cứq tẻ.

Ep-ra-im la samoât muoc tac
tânq pở cứq.

Cóp Yuda la samoât muoi
ntreh ralởng táq tẻc cứq cõt
sốt nehq.

8 Cruang Mô-ap cõt samoât cuban
dởq cứq ariau yỗn cõt bráh.

Cứq voang cóp cứq tâng cru-
ang Ê-dôm,

táq tẻc cứq ndởm cruang ki.

Cứq triau cupo cỏ cứq khoiq
riap cũai Phi-li-tin.”

9 O Yiang Sursĩ ơi! Noau tẻq dừng
cứq pởq chu vil bữn viang
khâm catánq ra-ỏq ki?

Noau tẻq ayông cứq pởq chu
cruang Ê-dôm?

10 O Yiang Sursĩ ơi! Anhia khoiq
táh tốp hẻq tở?

Cóp anhia tở ẻq pởq rachĩl
noâng cóp tốp tahan hẻq
tở?

11 Sẻq anhia chuai hẻq yỗn bữn
bán rẻng dỏq rachĩl cóp
cũai ẻ táq hẻq,

yuaq tẻ ranáq cũai rachuai,
ki tở bữn kia ntrớu yỗn tốp
hẻq.

12 Nhớ tẻ Yiang Sursĩ toáp,

ngkĩq hẻq bữn chíl riap máh
cũai ẻ táq hẻq.

Cóp cutỏ Yiang Sursĩ toáp tĩn
sarúq máh cũai ẻ chíl hẻq.

* 60: 60:0 Cansái ūat tẻ Davĩt atởng tẻ án rachĩl cóp tốp Aram tâng vil Na-hara-im cóp vil Sỏ-ba, cóp atởng tẻ Yỏ-ap pỉh chu cóp bữn cachĩt tốp Ê-dôm 12,000 náq pở avúng Boi. Yỗn án ca sốt tốp sương ūat. † 60:5 Tâng parnai Hẻ-bở noau pai ‘chuai amoong hẻq toâq

aĩ atoam’ la sacâm tẻ chóc tở la bán rẻng. * 61: 61:0 Cansái ūat tẻ Davĩt. Yỗn án ca sốt tốp tapáih crớng lampỏiq.

61

*Santoiq Cāu Sẻ̄q Bản Kĩaq**

- 1 Ở Yiang Sursĩ ơi! Sẻ̄q anhia tamứng toảq cứq arỏ anhia. Sẻ̄q anhia tamứng santoiq cứq cầu.
- 2 Cứq arỏ anhia, yuaq cứq khoiq đẻ̄q yong tẻ vil viang cứq bửm, cứp cứq sảng pẻ pahỏm. Sẻ̄q anhia đửng cứq chu nỏtỏq sarỏih, la nỏtỏq tẻq catảng ra-ỏq.
- Sẻ̄q anhia đửng cứq chu nỏtỏq tẻq ỏt ien khẻ, la nỏtỏq cứq tẻq tooq yỏn clỏp.
- 3 Yuaq anhia la nỏtỏq cứq poảng canửm, la ngỏl khảm đỏq viaq vớ tẻ cầi par-ủal cứq.
- 4 Cứq sẻ̄q ỏt tảng Dỏng Sang Toả anhia, nheq đỏi tamoong cứq. Sẻ̄q anhia đửng cứq pỏ nỏtỏq ien khẻ, samoỏt riang con chỏm ỏt nhựp khlap mpiq ản.
- 5 Ở Yiang Sursĩ ơi! Anhia khoiq sảng chỏ ỏc cứq par-ủq cứp anhia. Anhia khoiq yỏn cứq bửn mun samoỏt anhia khoiq yỏn cầi yỏm noap anhia.
- 6 Sẻ̄q anhia yỏn puo hẻq ỏt cỏng tamoong đửn, cứp yỏn tỏng toiq ản cỏt sỏt đửn cumo.
- 7 Ở Yiang Sursĩ ơi! Sẻ̄q yỏn puo cỏt sỏt nẻ choảng moat anhia. Nhỏ tẻ anhia ayooq cứp táq pẻiq chỏq ản, ngkẻq anhia bản kẻaq nẻ ản.
- 8 Ngkẻq cứq ũat khẻn anhia mantỏi nẻ

cứp sang toam cu rangái puai loah máh ỏc cứq khoiq par-ủq cứp anhia chỏ.

62

*Ổng Yiang Sursĩ Toảp Cỏt Nỏtỏq Campảng**

- 1 Cứq cỏq ngcuang nẻ yỏn Yiang Sursĩ toảq chuai. Lứq ỏng ản toảp tẻq chuai amoong cứq.
- 2 Ổng ản toảp tẻq chuai amoong cứp bản kẻaq cứq. ản la nỏtỏq cứq poảng. Ngkẻq cứq tẻ bửn ngcỏh ntrỏu noảng.
- 3 Cứq tẻ bửn rẻng ntrỏu. Cứq cỏt samoỏt cantruang rỏ cheq ẻ ralỏh. Ngkẻq noảng máh lẻq đửn anhia rachẻl ratỏq cứq?
- 4 Tỏp anhia ẻq chỏc cứq cỏt rảlẻh. Anhia bửi pahỏm tảng ỏc raphẻq rathử. Bỏq anhia pai ỏc bỏn yỏn cứq, ma mút pahỏm anhia pupap cứq.
- 5 Cứq poảng nẻ ỏng Yiang Sursĩ sảng. Ổng ản toảp cứq tẻq ngcuang.
- 6 Ổng ản toảp tẻq chuai amoong cứp bản kẻaq cứq. ản la nỏtỏq cứq poảng. Ngkẻq cứq tẻ bửn ngcỏh ntrỏu noảng.
- 7 Cứq bửn ỏc chuai amoong cứp ỏc yỏm noap, cỏ nhỏ tẻ Yiang Sursĩ, la Yiang sỏt clửi nheq tẻ canỏh. Cỏ ản bửn bản rẻng lứq, ngkẻq tẻq ản catảng curiaq cứq. ản la nỏtỏq cứq poảng.

* 62: 62:0 Cansái ũat tẻ Davít. Yỏn ản ca sỏt tỏp tapảih cởng lampỏiq.

- 8 Mách cūai proai ơi! Cóg anhia sa-âm Yiang Sursĩ níc.
 Cóg anhia atổng yỗn án tể ốc túh nqua tâng mút pahỗm anhia,
 yuaq án la ntốq parnoâng hái.
- 9 Cūai toâr tở la cūai cốt la machớng nheq.
 Alóí bữn tamoong mahỏi sâng,
 riang hái tangứh cusốh muoi taláp.
 Alóí tở bữn cốt kia ntróu.
 Khàn chốq tâng canân, chơ cân,
 alóí tở bữn ntâng loâng, nghểl clữi tể rangứh tangứh.
- 10 Chỗi chanchóm yoc ẽ lỏp mun yóu,
 tở la ẽ tutuoiq công yóu.
 Tam sanốc ntữn anhia sa-ũi,
 ma anhia chỗi poâng tể sanốc ki.
- 11 Cúq sâng Yiang Sursĩ pai bar pái trổ neq:
 Chớc sốt toâr cốt khong Yiang Sursĩ toáp,
- 12 cốp ốc ayooq tể Ncháu tở nai pút.
 Lứq samoât, án yỗn dũ náq cūai bữn roap cóng alóí, puai loah ranáq alóí khoiq táq.

63

*Ayooq Cóp Sarũiq Bữn Kia Hỡn Tể Dỡi Tamoong**

- 1 Ơ Yiang Sursĩ ơi! Anhia la Yiang Sursĩ cúq.
 Sanua nãi mút pahỗm cúq ieuq tuar lứq,
 raviei cúq la panhieih khlac chuaq anhia,

- cốt samoât cutểq khỗ ngcuang đớq mia.
- 2 Sểq anhia yỗn cúq bữn hữm anhia tâng Dổng Sang Toâr, cốp hữm chớc salễh, dểh chớc ang-ữr tể anhia.
- 3 Anhia ayooq cúq mantái níc;
 ốc nãi la bữn kia hỡn tể dỡi tamoong cúq.
 Ngkiq, bỗq cúq đớq khẽn sang níc anhia.
- 4 Bo cúq noâng tamoong,
 lứq cúq khẽn anhia mantái níc.
 Bo cúq câu sểq,
 cúq sacỡ atỉ choâng moat anhia.
- 5 Raviei cúq cốt pasâi pa-ỗh,
 samoât cúq cha pasâi dỗi raveh ca ểm lứq.
 Bỗq cúq ũat khẽn anhia tể cansái ũat khẽn bũi óh lứq.
- 6 Toáp cúq padếh bểq,
 cúq sanhữ níc anhia.
 Nheq sadâu cúq chanchóm tể anhia.
- 7 Yuaq anhia la án ca chuai cúq mantái níc,
 cúq sâng bũi lứq anhia bán kĩaq cúq
 samoât riang chóm con ốt nhựp khlap mpiq án.
- 8 Mút pahỗm cúq ốt cheq níc anhia, đốq puai anhia.
 Cốp atỉ atoam anhia toáp acốq ayuor níc cúq.

- 9 Ma máh cūai ca chuaq ngê ẽ cachĩt cúq,
 nữ-ra alóí lứq pỡq chu pống sarloac.
- 10 Alóí ki cuchĩt tâng ntốq rachıl,
 cốp sac sâiq alóí cốt sana yỗn ayoỏng.
- 11 Ma puo ki, án bũi óh lứq cỗ nhơ tể Yiang Sursĩ.

* 63: 63:0 Cansái ũat tể Davit bo án ốt tâng ntốq aiq tâng cruang Yuda.

Cóp dũ nác cũai ca par-ũq
 nhơ ramúh Yiang Sursĩ,
 lứq alóí khẽn ramúh án.
 Ma máh cũai táq ntõng lauq,
 ki alóí cõt coang tabang.

64

*Yiang Sursĩ Manrap Cũai Ca
 Adon Dáh Tâng Bõq**

1 O Yiang Sursĩ ơi! Sẽq anhia
 tamúng toáq cứq arô sẽq
 anhia chuai bo ọc túh coat
 toáq.

Sẽq anhia chuai amoong dõĩ
 cứq yõn vót tẽ ọc croõq tẽ
 máh cũai par-ũal cứq.

2 Sẽq anhia capáng cứq yõn vót tẽ
 alóí ca sarhõng clõp,
 cóp tẽ cũai sâuq rasuon uot-
 uot.

3 Lieih alóí samoât riang pla dau,
 cóp santoiq loái ca loõh tẽ bõq
 alóí ki samoât noau pán
 saráh.

4 Alóí pán cháí lứq na parnai phếq
 thũ đõq pupúrt cũai tanoang
 o,
 ma alóí tở bữn sâng casiet
 ntróu.

5 Alóí radũng yóu yõn táq puai
 ranác sâuq alóí.

Alóí sarhõng bân ntõq alóí khoiq
 táq rêu.

Cóp alóí pai neq: "Tở bữn
 noau hữm hái mỗ."

6 Alóí aloõh ngê tẽ máh ranác
 sâuq neq:

"Ranáq hái sarhõng la khếuq
 lứq."

Lứq mút pahõm cũai tở bữn noau
 tẽq dáng,

cóp sarnóm alóí chanchóm la
 yarũ lứq.

7 Ma Yiang Sursĩ pán saráh chóc
 alóí,

táq yõn alóí cõt bớc chũl toáp.

8 Ân pupúrt alóí cõ tẽ santoiq alóí
 pai.

Dũ nác cũai ca hữm alóí,
 ki noau culũt culiau ayê ra-ac.

9 Ngkiq, dũ nác cũai sâng ngcõh
 lứq cõ tẽ ranác Yiang Sursĩ
 khoiq táq,

cóp alóí cayóm đõq ien sanhữ
 tẽ máh ramúh ki.

10 Dũ nác cũai tanoang o õn chõ
 bũ óh,

cõ tẽ ranác Yiang Sursĩ khoiq
 táq.

Alóí bữn ramóh ọc ien khẽ
 nhơ tẽ án.

Dũ nác cũai tanoang o cóq
 khẽn án.

65

*Pĩeiq Yõn Khẽn Yiang Sursĩ**

1 O Yiang Sursĩ tâng vil Si-ôn ơi!
 Pĩeiq lứq tốp hếq khẽn ramúh
 anhia.

Cóp hếq táq tapun loah máh
 santoiq hếq khoiq par-ũq tẽ
 nhũang cóp anhia.

2 Yuaq anhia ta-õĩ srong santoiq
 alóí câu sẽq,

ngkiq cũai dũ cruang toáq pở
 anhia

3 cõ tjan alóí bữn lỏih.
 Ốc lỏih ki táq yõn tốp hếq pê.

Ma anhia khoiq táh lỏih yõn
 hếq chơ.

4 Bõn lứq cũai anhia ruroh yõn bữn
 ớt tâng Dõng Sang Toár
 khong anhia.

Hếq tở bữn khláiq muoi
 ramúh ntróu tẽ máh ọc o
 cóp ọc bõn tẽ dõng sang
 anhia,

yuaq dõng sang anhia bữn
 moang ramúh o.

5 Anhia ta-õĩ hếq na ọc pĩeiq lứq,

* 64: 64:0 Cansái ũat tẽ Davĩt. Yõn án ca sớt tốp ũat. * 65: 65:0 Cansái ũat tẽ Davĩt. Yõn án ca sớt tốp ũat.

cóp chuai amoong hếq na tếc
 salễh sa-ữi ramứh, táq yỗn
 hếq santar sâng.
 Dũ náq cũai pưn paloong cutrúq
 nâi
 cóp máh cũai coah tooh đờq
 mưt yớng lứq ki
 la sa-âm anhia nehq.
 6 Anhia achúh máh cóh nhơ tễ
 chớq bán rêng anhia.
 Ngkíq, anhia apáh yỗn cũai
 bữn hữm tễ chớq salễh toâr
 lứq.
 7 Anhia sươq đờq mưt cóp đờq
 lampóh rloâm-rlức,
 đễh máh cruang táng cớq
 cutễq nâi hỡ;
 chớ máh ramứh ki ỡt rangiac
 nehq.
 8 Máh cũai dũ ntốq táng cớq cutễq
 nâi sâng dót lứq
 toâq alới hữm máh chớq salễh
 toâr lứq nâi.
 Yuaq anhia khoiq táq ranáq ki,
 máh cũai tễ pứp paloong
 cutễq nâi toâq pứp paloong
 cutễq ki,
 nehq tửh alới triau cupo bũ
 óh lứq.
 9 Anhia yỗn mia sếng, đờq yỗn
 cutễq cớt thớm.
 Ngkíq cutễq cớt phuor o, tềq
 amia máh sarnóh.
 Máh crông la poân moang đờq,
 chớ sarnóh sarbống bữn dát
 táng cutễq.
 Anhia táq ngkíq la yỗn cutễq
 cớt o.
 10 Anhia yỗn mia sếng rooh sa-ữi
 ntốq bân sanghor
 yỗn cutễq lêng cớt abuoiq
 parũoi ển.
 Yuaq ngkíq, máh sarnóh dát,
 chớ toâr pluo o.
 11 Yuaq anhia táq óc o ki,
 ngkíq tềq bữn palâi o.
 Anhia pớq chu léq,

lứq bữn óc bốn puan pỡ ntốq
 ki.
 12 Ntốq ruang bát bữn tốp charán
 chuaq cha.
 Cóp táng máh cóh bữn óc bũ
 óh nehq.
 13 Máh táng ntốq ruang bát bữn
 moang charán.
 Cóp máh phong cóh bữn
 moang saró.
 Nehq máh ramứh ki la
 samoât riang án triau cupo
 ỡn chớ đờq ūat khẽn, cớ
 sâng bũ hỡ lứq.

66

*Cansái Ūat Khẽn Cóp Sa-ỡn
 Yiang Sursĩ**
 1 Nehq tửh cũai táng cớq cutễq nâi
 cóq triau cupo khẽn Yiang
 Sursĩ!
 2 Cóq ūat sang toam yám noap
 ramứh sớ toâr lứq!
 Cóq sang toam na sương san-
 toiq ūat khẽn bũ hỡ!
 3 Cóq pai chớq Yiang Sursĩ neq:
 “Ranáq anhia táq la salễh
 lứq!
 Chớq anhia p̄ieiq cóp toâr
 lứq, toau táq yỗn cũai sáuq
 púp crap
 cớ sâng ngcõh lứq.
 4 Dũ náq cũai táng cớq cutễq nâi
 sang toam anhia.
 Alới mpruam ūat khẽn an-
 hia.”
 5 Cóq hái toâq nhêng máh ranáq
 salễh Yiang Sursĩ táq
 táng mpứng dĩ dũ náq cũai
 táng cutễq nâi.
 6 Án táq đờq mưt cớt khỏ yỗn
 achúc achiac hái tềq tayáh
 yang bân ntốq ki.
 Hâi! Hái cóq bũ ỡn tễ ranáq
 Yiang Sursĩ khoiq táq ki.
 7 Cớ nhơ tễ chớq án, ngkíq án sớ
 mantái níc.

* 66: 66:0 Muoi cansái ūat yỗn án ca sớ tốp ūat.

Cóp án nhêng chu dũ cruang
cũai,
Chõih yõn cũai lớn-sarlón yuor
tayũng chĩl án.

8 Mách cũai tâng dũ cruang ơ!
Cóg anhia triau cupo khẽn
Yiang Sursĩ ca hếq sang.

Yõn dũ náq cũai bữn sâng tẽ
anhia khẽn án.

9 Án khoiq chuai hếq yõn bữn
tamõng.

Án tở nai táh yõn ayũng hếq
salaiq dóm.

10 Ở Yiang Sursĩ ơi! Anhia khoiq
chim tốp hếq samoât noau
chim práq tiaq tâng ùih
blũ.

11 Anhia khoiq dũng hếq yõn
chuat tâng sarnỏq noau to
dỏq.

Cóp anhia khoiq thrũan dỏq
mách ranáq túh coat lứq yõn
hếq.

12 Anhia khoiq yõn hếq õt pũn ta-
lang ayũng alóih ca ẽ cachĩt
hếq.

Hếq chũuq túh coat samoât
riang cũai chũuq pũt crõng
crõu bo tâng dỏq lut cốp
ũih cat.

Ma sanua, anhia khoiq dũng
hếq pở ntỏq ien khẽ.

13 Cứq ẽ dũng crõng dỏq bõh
chiau sang tâng dỏng anhia
õt,

cốp chiau sang loah máh
ốc cứq khoiq par-ũq tẽ
nhũang.

14 Tẽ nhũang, bo cứq ramóh túh
arức, cứq par-ũq cốp an-
hia.

Sanua cứq ẽ táq puai loah ố
par-ũq ki.

15 Cứq ẽ chuaq charán plũm cốp
dũng nsẽng cũu tól dỏq
chiau sang,

chơ bõh chiau sang yõn anhia.

Cứq ẽ dũng ntroỏq cốp mbẽq tól
dỏq chiau sang yõn anhia
tê.

Hõih phuom tẽ phĩac bõh
charán ki chõn toáq
paloõng.

16 Dũ náq cũai ca yám noap Yiang
Sursĩ cóq toáq tamũng!

Cứq ẽ ruaih loah tẽ dũ ramũh
án khoiq táq yõn cứq.

17 Bỏq cứq sếq án sarũiq táq, cốp
lieih cứq khẽn níc án.

18 Khân cứq cutooq máh ố sâuq
cứq,

ki lứq Ncháu tở bữn tamũng
cứq mỗ.

19 Ma lứq Yiang Sursĩ khoiq sâng
sường cứq chơ.

Án khoiq sâng santoiq cứq
câu sếq.

20 Cóg sang toam cốp khẽn Yiang
Sursĩ,

yuaq án tở bữn nguai tẽ san-
toiq cứq câu sếq.

Cóp án tở bữn ít loah ố ayooq
án tẽ cứq.

67

*Cansái Ūat Sa-õn Yiang Sursĩ**

1 Sếq Yiang Sursĩ sarũiq táq hếq
cốp yõn hếq bữn ốc bõn.

Sếq Yiang Sursĩ tapoang
asẽng nhêng níc chu hếq.

2 Ngkĩq, máh cũai tâng cốc cutếq
nâi têtq dáng tê tẽ ngê an-
hia.

Cốp nheq tũh cũai têtq dáng tê
tẽ ngê anhia chuai amoong
cũai.

3 Ở Yiang Sursĩ ơi! Sếq anhia
táq yõn nheq tũh cũai khẽn
anhia.

* 67: 67:0 Muoi cansái ūat yõn án ca sôt tốp tapáih crõng lampõiq.

- Lứq samoât, yỗn dũ náq cũai khẽn anhia.
- 4 Sẻq táq yỗn dũ cruang sâng bũ pahõm cớp ũat khẽn bũ óh, yuaq anhia rasũq tanoang cớp p̄ieiq lứq yỗn dũ náq cũai, cớp anhia ayông dũ cruang tâng pũn paloõng cutrúq nâi.
- 5 Ơ Yiang Sursĩ ơi! Sẻq anhia táq yỗn nheq tữh cũai khẽn anhia. Lứq samoât, yỗn dũ náq cũai khẽn anhia.
- 6 Khân ngkíq, cutẻq lứq apu amia crõng sarnóh yỗn bữn palâi. Yiang Sursĩ la Yiang tốp hẻq sang, án yỗn hẻq bữn ớc bốn.
- 7 Lứq samoât, Yiang Sursĩ khoiq yỗn hẻq bữn ớc bốn chớ. Ngkíq yuaq nheq tữh cũai tâng cruang cutẻq nâi yám noap án.

68

*Cansái Ūat Khẽn Khoiq Bữn Riap**

- 1 Sẻq Yiang Sursĩ yuor tayững rachíl cớp cũai tachoât yỗn alới lủh plách chap nheq. Mách cũai kêt anhia, alới lủh mprieih cớ chíl tỡ riap.
- 2 Sẻq anhia táq yỗn alới pứt sarbiet samoât phĩac ùih cớ cuyal phát. Sẻq anhia yỗn máh cũai sâuq cớt pứt nheq choâng moat Yiang Sursĩ, samoât tarang adẻng tâng ùih blữ.
- 3 Ma máh cũai tanoang o, alới cớt bũ hỡr lứq choâng moat Yiang Sursĩ.

- Mứt pahõm alới cớt práih, cớp alới triau cupo bũ óh.
- 4 Cớq ũat khẽn Yiang Sursĩ. Cớq khẽn ramứh án. Cớq thữan cớp cháh rana yỗn án ca pỡq na ramúl. Ramứh án la Yiang Sursĩ. Cớq sâng bũ óh bo ớt yáng moat án.
- 5 Yiang Sursĩ ớt tâng Dõng Sang Toâr, la ntỏq miar khong án. Án bán kĩaq máh con cumuiq, cớp bán curiaq máh cán cumai.
- 6 Án yỗn cũai ca ớq ntỏq ớt bữn dõng ớt. Cớp án táq yỗn cũai tũ bữn mứt pahõm bũ o, yuaq án acláh alới. Ma máh cũai lớn-sarlón, ki án yỗn alới ớt pỡ ntỏq cutẻq khỏ ca tỡ bữn ntróu loâng.
- 7 Ơ Yiang Sursĩ ơi! Bo anhia dững proai anhia pỡq pha ntỏq aiq,
- 8 bo ki cớc cutẻq nâi cacurt nheq, cớp paloõng mia choân lứq cớ tế Yiang Sursĩ khong tốp I-sarel toâq. Nâi la Yiang Sursĩ, án ca khoiq atõng alới tâng cóh Si-nai.†
- 9 Ơ Yiang Sursĩ ơi! Anhia khoiq yỗn mia sẻng choân lứq, dỏq táq yỗn cutẻq ca tỡ tẻq amia sarnóh, tẻq amia loah.
- 10 Máh cũai proai anhia toâq ớt tâng ntỏq ki. Cớ nỡh anhia sâng sarũiq táq chỏq cũai cadĩt, ngkíq anhia chửm siem alới.
- 11 Ncháu khoiq atõng yỗn cũai dảng;

* 68: 68:0 Muoi cansái ũat tế Davĩt. Yỗn án ca sớtt tốp ũat. † 68:8 68:8 Bo tốp I-sarel loõh tế cruang Ê-yip-tỏ cớp pỡq chu cruang Cana-an. Bo ki Yiang Sursĩ atõng alới tâng cóh Si-nai.

- chơ cứng cũai mansẽm dững
 ớc ki pỡ pau atõng neq:
- 12 “Máh puo cớp tộp tahan lúh
 cháí lứq!”
 Tộp mansẽm tâng dống
 tampẽq cớng alóí pữn bữn,
- 13 dếh rup chớm tariap ca blom
 táq toáq práq hỡ.
 Khlap chớm ki noau blom
 toáq yẽng muoi chít cớp
 báíq sáh lứq.
 (Nỏq tâng tangái noau pỡq
 rachíl, ma bữn cũai tẽ tộp
 anhia õt sâng tâng cuaq
 con cũu?)
- 14 Tữ Yiang Sursĩ Sốt Toár Lứq táq
 yõn máh puo tâng cóh Sal-
 môn cõt ratáh rataí nheq,
 nghang puo ki la cloc báíq,
 cloc hỡn tẽ prẽl príl.
- 15 Cóh Basan la cóh toár cớp khâm
 lứq.
 Án la cóh bữn sa-ũi anũol.
- 16 O cóh Basan ơi! Cỗ nỏq
 mới tapoang asẽng na sa-on
 cumíq
 tẽ anũol cóh la nỏq Yiang
 Sursĩ khoiq ruroh đớq õt?
 Ki la nỏq Yiang Sursĩ ẽ õt
 mantái níc.
- 17 Yiang Sursĩ sếng tẽ cóh Si-nai,
 chơ án mut tâng nỏq sang
 toam.
 Án bữn sế aséh rachíl sa-ũi
 ngin lám, tỡ rơi nghì loàng.
- 18 Bo án chõn loah chu pỡng,
 án pốh achõn cũai tữ cứng
 lứq.
 Cớp Ncháu roap ít máh cớng
 mpon tẽ cũai tỡ bữn trĩh án.
 Yiang Sursĩ lứq õt tâng nỏq
 ki.
- 19 Khẽn Ncháu háí, án la Yiang
 Sursĩ ca chuai amoong háí.
 Cu rangái án đõl mpõl ntâng
 chuai háí.
- 20 Yiang Sursĩ ca tộp háí sang,

- án la Yiang Sursĩ ca chuai
 amoong.
- Án la Ncháu Nheq Tữh Cũai;
 án tẽq chuai tộp háí yõn vót
 tẽ ớc cuchít.
- 21 Yiang Sursĩ lứq táq yõn pacháh
 plỡ cũai ca chíl án.
 Tâng plỡ alóí bữn sóc sa-ũi,
 cớp ngê alóí la ẽ táq níc ranáq
 lỏih.
- 22 Ncháu khoiq pai neq: “Cứq lứq
 dững aloỏh máh cũai loái tẽ
 cóh Basan.
 Cứq lứq dững aloỏh alóí tẽ
 đớq mut yarũ lứq.
- 23 Ngkíq anhia bữn tĩn sapiar
 aham máh cũai loái.
 Cớp máh lieih acho khong
 anhia bữn yẽl aham alóí.”
- 24 O Yiang Sursĩ ơi! Bo anhia chíl
 riap,
 dĩ náq cũai bữn hữm tộp
 anhia triau cupo.
 Yiang Sursĩ la puo cứq,
 anhia dững asuoi cứng cũai
 mut tâng Dống Sang Toár
 anhia.
- 25 Máh cũai ũat, ki pỡq nhũang.
 Chơ tộp tapáih achúng ẽn pỡq
 puai ntun clĩ.
 Mpúng dĩ, bữn tộp cumữ
 nton pỡq nton toan sacõr
 cõt.
- 26 Dếh alóí ũat neq: “Cóq khẽn
 Yiang Sursĩ bân nỏq nheq
 tữh cũai rôm sang toam án!
 Máh tống toiq I-sarel ơi! Cóq
 anhia khẽn Yiang Sursĩ!”
- 27 Tộp Ben-yamin la bĩq hỡn tẽ tộp
 canỏh,
 ki alóí yõn pỡq nhũang.
 Chơ puai ntun alóí, la cũai sốt tộp
 Yuda.
 Ntun ki ẽn, la cũai sốt tộp Sa-
 bulõn cớp tộp Nep-tali.
- 28 O Yiang Sursĩ ơi! Sếq anhia
 apáh chóc sốt toár,

machóng anhia khoiq apáh
bo anhia chuai hếq tễ
nhũang.

29 Sếq anhia apáh ranáq anhia
tễ Dống Sang Toâr tâng vil
Yaru-salem.
Tâng ntốq ki, máh cūai puo
ể đững cớng mpon chiau
sang anhia.

30 Sếq anhia sươq cruang Ê-yip-tô,
yuaq cruang ki la samoât
charán pla tâng arutih;

cóp manrap cruang ca samoât tốp
ntroóq tangcáh cốp con án,
toau yỗn nheq alóí cucốh
cucũoi cốp chiau sang máh
práq yỗn Ncháu.

Sếq anhia táq yỗn máh cūai đốq
rachíl cốt pláh chap nheq.‡

31 Máh ranểng tễ cruang Ê-yip-tô
cốp cruang Ê-thia-bi,
alóí aloỏh atí cốp chiau sang
cớng yỗn Yiang Sursĩ.

32 Dũ náq anhia ca ớt tâng máh
cruang tâng cutểq nãi ơi!
Cóq anhia ũat khẽn Yiang
Sursĩ.

Cóq anhia ũat cansái ũat
khẽn đớq sang toam Ncháu,

33 án pớq tâng paloỏng tễ tangái
án tểng paloỏng.

Nãi! Cóq anhia tamúng sương án
arô,
samoât riang crúm bữr
casang lứq.

34 Cóq anhia pớq pau tễ chóc toâr
lứq khong Yiang Sursĩ,
án ca sốt cūai I-sarel
machóng puo sốt.

Cốp paloỏng apáh yỗn noau
dáng Ncháu bữn chóc toâr
lứq.

35 Yiang Sursĩ táq sa-ũĩ ranáq
salễh bo án loỏh tễ ntốq án
ớt.

Án la Yiang Sursĩ tốp I-sarel
sang!

Án yỗn chóc cốp bán rêng pờ
cūai sa-âm án.

Cóq khẽn Yiang Sursĩ!

69

*Santoiq Câu Sếq Yỗn Rachuai**

1 Ơ Yiang Sursĩ ơi! Sếq anhia
chuai amoong cứq!

Yuaq đớq toâr chỏn khoiq
cheq ể toâq tacong cứq chơ.

2 Samoât cứq ớt tâng đớq yarũ ca
bữn lampóh clủh hập lứq,
cốp cứq ntôm sarlỏq asểng
tâng taling lứq ca ỏq ntốq
cachian.

3 Cứq sâng lakéh lứq yuaq arô sếq
anhia rachuai,
toau arooq cứq cốt sabac.

Cốp moat cứq cốt lakéh cỗ
tian tapoang nhêng chuaq
anhia toâq chuai.

4 Cūai kêt cứq la sa-ũĩ lứq, clũĩ tễ
máh sóc tâng plờ cứq.

Ma tỡ bữn p̄ieiq alóí kêt cứq
ngkíq.

Alóí ca ể cachĩt cứq apót ốc tỡ bữn
lứq chỏq cứq.

Alóí bán rêng cốp yoc ể pupút
cứq.

Máh cớng la cứq tỡ nai lỏp tỡ la
tuoiq,

ma alóí ếp cứq yỗn culáh loah
cớng ki.

5 Ơ Yiang Sursĩ ơi! Anhia khoiq
dáng chơ, cứq la cūai sacũl
lứq.

Cứq tỡ tềq cutooq chỏq anhia
tễ máh ốc lỏih cứq khoiq
táq.

6 Ơ Yiang Sursĩ Sốt Toâr Lứq ơi!

Sếq anhia chỏi yỗn cūai puai
anhia cốt casiet cỗ tian tễ
cứq.

‡ 68:30 68:30 Rana 30 cốp rana 31 tỡ bữn raloaih tâng parnai Hê-brơ.
Ūat tễ Davĩt. Yỗn án ca sốt tốp sương ũat.

* 69: 69:0 Cansái

Ơ Yiang Sursĩ tốp I-sarel sang ơi!
 Sễq anhia chỏi yỗn cũai sang
 toam anhia cõt casiet cõ
 tian cứq.

7 Noau ayê cốp táq cứq yỗn sâng
 casiet,
 la cõ tian cứq sang anhia.

8 Cứq cõt samoât cũai liaq chỏq
 máh sễm ai cứq,
 cốp cõt samoât cũai mpha
 cruang chỏq cũai ca ốt
 muoi đống cốp cứq.

9 Mứt pahõm cứq sâng pasếq lứq
 đống sang Yiang Sursĩ;
 cõt samoât ùih thal tâng mứt
 pahõm cứq.
 Ốc noau ayê ra-ac Ncháu, ki
 sanua toâq pỡ cứq ễn.

10 Toâq cứq ót sana đõq yám noap
 anhia,
 ki noau ayê ra-ac cứq.

11 Toâq cứq tâc tampác tanúh,
 la noau cacháng ayê cứq tê.

12 Bữn cũai pai tâng rana tễ ranáq
 cứq táq,
 đễh cũai đốq bũl blống, alới
 táq cansái ũat ayê ra-ac cứq
 tê.

13 Ơ Yiang Sursĩ ơi! Cứq câu sễq
 tễ anhia.
 Sễq anhia ta-ơi cứq puai loah
 ỉn anhia khoiq rườh chơ.

Ơ Yiang Sursĩ ơi! Yuaq ốc ayooq
 anhia la toâr luat ngư,
 sễq anhia ta-ơi tễ máh parnai
 anhia khoiq par-ữq ễ chuai
 amoong cứq.

14 Sễq anhia chuai cứq yỗn vót
 sarlốq tâng talĩng lứq;
 yỗn cứq vót tễ đờq yarũ cốp
 tễ cũai kêt cứq.

15 Sễq anhia chỏi yỗn đờq toâr
 clứp clũom cứq.
 Chỏi yỗn đờq toâr lữn cứq
 samoât riang cũai lữn sana.

Cốp chỏi yỗn ping cumuiq
 cubó1 tỗ cứq samoât noau
 cubĩm bõq.

16 Ơ Yiang Sursĩ ơi! Sễq anhia
 ta-ơi cứq nhơ tễ ốc anhia
 ayooq.

Yuaq anhia bữn ốc sarũiq táq
 lứq chỏq cứq,
 ngkíq sễq anhia luliaq nhêng
 chu cứq.

17 Sễq anhia chỏi nguai noâng tễ
 cứq,
 la cũai táq ranáq anhia.

Sanua cứq ramóh túh arúc lứq.
 Sễq anhia ta-ơi cứq chái,
 Ncháu ơi!

18 Sễq anhia toâq cốp chuai cứq.
 Sễq anhia acláh cứq yỗn vót
 tễ atĩ cũai kêt cứq.

19 Anhia khoiq dáng chơ tễ noau
 ayê ra-ac cứq.

Cứq sâng casiet táq, cốp
 noau tỡ bữn yám noap cứq
 noâng.

Anhia khoiq dáng chơ tễ nheq
 tữh cũai ca kêt cứq.

20 Ốc ayê ra-ac ki táq yỗn mứt
 pahõm cứq sâng a-ĩ yarĩaq
 lứq,

cốp táq yỗn cứq ốq noâng ốc
 ngcuang.

Cứq chuaq cũai ca bữn muoi mứt
 cốp cứq,
 cốp tềq aliam cứq, ma tỡ bữn
 tamóh.

21 Toâq cứq panhieih đõi,
 ki alới avơi rahâu bũl yỗn cứq
 cha.

Toâq cứq khlac đờq,
 ki alới ỉt blống nhỏq yỗn cứq
 nguaiq.

22 Cứq sễq anhia táq yỗn ốc alới
 cha bũi cõt samoât alieiq,
 cốp máh ramúh alới cha bũi
 đõq sang Yiang Sursĩ cõt
 samoât acáp,
 yỗn alới ramóh túh coat sa-ữi.

- 23 Cúq sêq anhia táq yõn moat alóí cõt sũt.
 Cóp sêq anhia táq yõn cloong alóí cõt tacô,
 dõq alóí chũuq a-ĩ níc.
- 24 Sêq anhia tõi ớc cutâu mút yõn p̄ieiq tâng tõi alóí.
 Cóp sêq ớc ũan puai satõm alóí.
- 25 Sêq anhia táq yõn dõng alóí cõt dõng rangual,
 cóp tở bũn noau õt noâng tâng dõng ki.
- 26 Sêq anhia táq ngkíq chók alóí,
 yuaq alóí khoiq táq túh coat máh tốp ca anhia khoiq manrap,
 cóp alóí nsũar loah yõn cũai canõh dáng tẽ ramúh anhia khoiq táq yõn alóí ramóh ớc a-ĩ tacóh.
- 27 Sêq anhia chĩc dõq nheq máh ớc lôi h alóí.
 Sêq anhia chõi yõn alóí bũn chõng tẽ ớc anhia chuai amoong.
- 28 Tâng tâm saráq ca bũn ramúh cũai tẽq tamoong mantái,
 ki sêq anhia pupút chíq ramúh alóí.
 Sêq anhia chõi chĩc dõq ramúh alóí tâng tâm saráq bũn ramúh cũai tanoang o.

- hõn tẽ ranáq chiau sang ntroõq, tở la ntroõq tangcáh.
- 32 Toáq cũai ramóh túh coat bũn hũm ranáq nài,
 alóí ẽ sâng bũ pahõm.
 Cóp ranáq nài tẽq aliam mút pahõm cũai sang toam Yiang Sursĩ.
- 33 Lúq Yiang Sursĩ tamúng santom cũai túh cadit câu sêq,
 cóp án tở nai khliũr máh proai án ca õt tâng cuaq tú.
- 34 Dũ ramúh tâng paloõng cóp tâng cõc cutẽq nài, dẽh tâng dõq mút,
 la cóq khẽn Yiang Sursĩ.
- 35 Nõ-ra án lúq chuai vil Yaru-salem yõn vót tẽ noau talõh,
 cóp án tẽng loah cruang Yuda tamái.
 Tâng ntõq ki máh proai án õt nõ-ra,
 cóp cruang cutẽq ki cõt khong tốp alóí.
- 36 Cóp tống toiq cũai táq ranáq án lúq bũn roap mun,
 cóp tốp ca ayooq án, lúq bũn õt tâng ntõq ki tẽ.

70

*Câu Sêq Toáq Chuai Chái**

- 29 O Yiang Sursĩ ơi! Cúq sâng yarĩaq a-ĩ cóp ớq ớc ngcuang.
 Sêq anhia chuai amoong cóp yõn cúq vót tẽ túh arúc.
- 30 Cúq khẽn sa-ũn ramúh Yiang Sursĩ na cansái ũat khẽn.
 Cúq ẽ pau tẽ chóc sõt toar khong anhia na santom sa-õn.
- 31 Ốc ki táq yõn Yiang Sursĩ bũ pahõm
- 1 O Yiang Sursĩ ơi! Sêq anhia chuai amoong cúq sanua toáp!
 O Yiang Sursĩ ơi! Sêq anhia chuai cúq yõn bũn tamoong.
- 2 Sêq anhia yõn cũai ca chuaq ngẽ ẽ cachit cúq sâng casiet.
 Sêq anhia yõn alóí táq ranáq túh tál, ma tở bũn cõt kia ntrũu.
 Sêq anhia táq yõn cũai ca sâng bũ pahõm cõ tian cúq ramóh túh coat,

* 70: 70:0 Cansái ũat tẽ Davit cuclõiq cucling. Yõn án ca sõt tốp ũat.

yõn alói priang yơng cớp
sâng casiet táq.

3 Sễq anhia táq yõn alói ca
cacháng ayê cớq cõt santar,
yuaq alói cõt pê.

4 Sễq anhia yõn dũ náq cũai sa-âm
anhia bữn ỡn chỡ,
cớp sễq anhia yõn dũ náq
cũai ca sa-ỡn tễ ớc anhia
chuai amoong
mpruam pai níc neq: “Yiang
Sursĩ sớt toâr lứq!”

5 Cớq la cũai ieuq cớp túh cadĩt.
Ma anhia tỡ nai táh cớq.

Yiang Sursĩ la Ncháu cớq ỡi!
Anhia chuai amoong cớq,
cớp anhia bán kĩaq níc cớq.
Sễq anhia toâq chuai cớq
chái.

71

Cũai Thâu Câu Sễq

1 Ớ Yiang Sursĩ ỡi! Cớq toâq sễq
anhia bán kĩaq cớq.
Sễq anhia chỗi yõn cớq sâng
casiet táq.

2 Anhia la tanoang o níc.
Cớq câu sễq anhia chuai
amoong cớq.

Sễq anhia pachêng cutữ tamứng
cớq nứng,
cớp toâq chuai amoong cớq
chái!

3 Sễq anhia cõt ntốq yõn cớq têq
õt sandũ,
cớp sễq anhia catáng ra-ớq,
toâq cớq ramóh túh coat.

Chuai cõt ntốq yõn cớq têq ỡt ien
khẽ,
yuaq anhia la ntốq parnoâng
khâm lứq đợq rabán curiaq
cớq.

4 Ớ Yiang Sursĩ cớq sang ỡi!
Sễq anhia chuai cớq yõn vớt
tễ atĩ cũai loái,
cớp tễ chớc cũai pampla cớp
cũai sâuq.

5 Ớ Yiang Sursĩ Ncháu Nheq Tữh
Cũai ỡi!
Cớq chiau máh ớc nguang pỡ
anhia.

Cớq puai anhia nheq mứt
pahõm tễ bo cớq noâng
póng toau toâq sanua nài.

6 Tễ tangái mpiq canõt cớq la
anhia bán kĩaq níc cớq.
Ngkĩq cớq khẽn anhia, tỡ nai
tangút.

7 Dỡi tamooong cớq cõt samoât
ngôl yõn dũ náq cũai bữn
hữm,
yuaq anhia la án ca bán kĩaq
cớq yõn ỡt sabóng o.

8 Nheq tangái cớq khẽn cớp pau tễ
chớc sớt toâr lứq tễ anhia.

9 Sễq anhia chỗi táh cớq bo thâu
cruong.
Sễq anhia chỗi táh cớq bo cớq
ớq rêng noâng.

10 Bữn cũai loái ẽ ỉt dỡi tamooong
cớq,
alói sarhống ẽ chĩl cớq hỡ.

11 Alói pai neq: “Yiang Sursĩ khoiq
táh án chơ.
Hái! Hái puai cớp án, yuaq
tỡ bữn noau noâng ẽ chuai
amoong án.”

12 Ớ Yiang Sursĩ ỡi! Chỗi ỡt yơng
tễ cớq.

Ớ Yiang Sursĩ cớq sang ỡi!
Sễq anhia chuai cớq sanua
toâp!

13 Sễq anhia yõn alói ca chĩl cớq
cõt pê,
cớp táq yõn alói ralõh ralái
nheq.

Sễq anhia yõn cũai ca ẽ táq sâuq
chóq cớq cõt casiet táq,
cớp yõn chớc alói cõt ralĩh.

14 Cớq nguang ống anhia mantái
níc.
Yuaq ngkĩq, cớq khẽn anhia
hỡn tễ nhũang ẽn.

- 15 Tam cứq tờ bữn dáng raloaih tẽ
dũ ramứh,
ma cứq ẽ pau atỡng tẽ ọc
tanoang o anhia,
cóp pau atỡng tẽ tangái anhia
khoiq chuai amoong.
- 16 Cứq pởq pau ngkiq la nhơ
tẽ chớc Yiang Sursĩ Ncháu
Nheq Tữh Cũai.
Cứq ẽ pau ổng ọc tanoang o tẽ
anhia toáp.
- 17 Anhia khoiq atỡng cứq tẽ bo
cứq noâng carnẽn,
cóp cứq bữn pau atỡng tẽ
chớc salễh anhia toau toâq
sanua nâi.
- 18 Ơ Yiang Sursĩ ơi! Sanua cứq
khoiq thâu chơ,
bữn sóc pluac sa-ữi. Ma sẽq
anhia chõih táh cứq.
Sẽq anhia ốt níc cóp cứq,
bo cứq atỡng yỗn máh con
châu tamứng tẽ chớc salễh
cóp ọc sớt toâr anhia.
- 19 Ơ Yiang Sursĩ ơi! Ốc tanoang o
anhia la toâr lứq, toâr cũih
tẽ paloống.
Anhia khoiq táq sa-ữi ramứh
toâr lứq.
Tờ bữn noau têq tarlĩ cóp
anhia.
- 20 Anhia yỗn cứq chũuq túh coat
sa-ữi,
ma anhia noâng chuai cứq
yỗn bữn bán rêng loah
tamái.
Anhia lứq bán kĩaq cứq,
cóp chuai cứq yỗn vớt tẽ nốq
cũai cuchit ốt.
- 21 Anhia yỗn cứq bữn loah chớc,
cũih tẽ chớc cứq đốq bữn tẽ
nhũang,
cóp anhia aliam mút pahỡm
cứq.
- 22 Ơ Yiang Sursĩ cứq sang ơi!

- Anhia táq pỉeiq níc chốq cũai
sa-âm anhia.
Ngkiq cứq tapáih achúng đốq
khẽn anhia.
Cóp cứq khẽn anhia na sương
achúng,
yuaq anhia la Yiang Sursĩ tốp
I-sarel, án ca bráh o lứq.
- 23 Cứq cóq ỡn apũol cóp triau
cupo, bo cứq tapáih achúng
sang toam anhia.
Cứq cóq ũat cansái khẽn nheq tẽ
mút pahỡm,
yuaq anhia khoiq chuai
amoong cứq.
- 24 Nheq tangái cứq cóq loai atỡng
tẽ ọc tanoang o anhia,
yuaq cũai ca ẽ táq sâuq chốq
cứq khoiq cõt casiet,
cóp chớc alớih khoiq ralĩh chơ.

72

*Santoiq Câu Sẽq Yỗn Puo**

- 1 Ơ Yiang Sursĩ ơi! Sẽq anhia
atỡng puo hêq yỗn parchĩn
tâng ọc pỉeiq.
Sẽq anhia tampẻq cóp yỗn
puo hêq nứng tẽ máh ọc
tanoang o anhia.
- 2 Ngkiq puo hêq têq rasữq
máh cũai anhia nhơ tẽ ọc
tanoang o.
Cóp têq án cõt sớt cũai noau
padâm nhơ tẽ ọc pỉeiq.
- 3 Nhơ tẽ ọc pỉeiq ki,
sẽq yỗn cutẻq nâi bữn moang
sanốc ntữn;
cóp sẽq yỗn cũai ki, bữn
tanoang o.
- 4 Sẽq yỗn puo ki bẻng nheq tữh
cũai proai ca bữn ọc túh
ngua,
cóp chuai alớih ca ốq lứq,
dẻh chĩl yỗn riap máh cũai
đốq ẽ padâm cũai proai.
- 5 Noâng máh lẻq dũn nốq moat
mandang cóp rliang casâi
tráh?

* 72: 72:0 Cansái ũat tẽ Sa-lamôn.

Sễq yỗn cũai proai anhia bữn
rôm sang anhia mantái níc.

6 Sễq yỗn chớc puo hếq tềq
chuai cũai proai samoât ri-
ang mia sễng tâng sarái,
cớp samoât mia priah sễng
chu cutếq.

7 Bo án noâng tamoong, sễq ốc
tanoang o cớt rứh la-ữt
la-ữi;
cớp sễq ốc rứh ki ốt mantái
níc, samoât riang rliang
casái noâng tráh ang.

8 Cruang án sớt cớt cuti la-a tễ dờq
mựt nâi toâq pờ dờq mựt
canốh,
cớp cruang ki la-a lứq tễ
cớng O-phơ-rat toau toâq
púp cớc cutếq nâi.

9 Tốp alới ca ốt tâng ntốq aiq. cớq
sacốh racớl choâng moat
án.
Cớp tốp alới ễ chíl puo ki yỗn
cớt pê thánq.

10 Máh puo tâng cruang Sapên cớp
tâng máh cớn ca yơng lứq,
tốp alới dừng cớng noau
khoiạq chát yỗn pờ puo hếq.
Cớp máh puo tâng cruang Sê-ba
cớp cruang Si-ba
la dừng cớng mpon yỗn puo
hếq tề.

11 Lứq pñeiạq, máh puo cớq sacốh
racớl choâng moat puo hếq,
cớp cũai proai alới dũ náq cớq
cớt sũl puo hếq.

12 Án chuai dũ náq cũai ca arô sễq
án chuai,
la cũai túh cadĩt cớp tốp noau
táh.

13 Án sarũiq táq máh cũai ieuq
tuar, cũai túh arức, cớp
cũai túh cadĩt.

Án chuai đỏi tamoong dũ náq alới
yỗn bữn roap ốc tamoong
mantái.

14 Án chuai alới tễ noau padâm
luat ngư,
yuaq đỏi tamoong alới bữn
kia lứq yỗn án.

15 Sễq yỗn puo ki ốt cớng tamoong
dũn!
Sễq yỗn án bữn roap yễng tễ
cruang Sê-ba.
Cớp sễq noau câu chuai níc
yỗn án.
Sễq Yiang Sursĩ yỗn ốc bốn ốt
cớp án mantái níc.

16 Sễq yỗn cutếq án amia sarnốh
sarbống sa-ữi ramứh.
Sễq yỗn máh cóh bữn moang
sarnốh, samoât riang palái
aluang tâng cóh Lê-banôn.
Cớp sễq yỗn dũ vil bữn moang
cũai ốt,
samoât riang ruang bữn
moang bát bai.

17 Chối yỗn ramứh puo ki cớt pút.
Sễq yỗn ramứh ranoâng án ốt
mantái níc,
samoât moat mandang tề.
Sễq yỗn dũ cruang cũai bữn roap
ốc bốn nhơ tễ puo ki,
cớp yỗn cũai dũ cruang câu
yỗn án bữn ốc bũi óh.

18 Cớq dũ náq cũai khễn Yiang
Sursĩ, la Yiang tốp I-sarel
sang.
Ổng án toâp tềq táq ranáq
salễh máh ki.

19 Sễq yỗn noau khễn ramứh ra-
noâng án mantái níc.
Cớp sễq yỗn chớc ang-ữr tễ
án parchia parhan cu ntốq
tâng cớc cutếq nâi.

Amen! Amen!

20 Máh nâi toâp santoiạq Davĩt câu.
Davĩt la con samiang Yê-sai.

Pún Pái

73

Ốc Tanoang Tapúng Tễ Yiang

Sursĩ*

- 1 Lứq samoât, Yiang Sursĩ yỗn ố
o pờ cũai I-sarel,
đốq yỗn nheq tữh cũai bữn
mút pahõm bráh o.
- 2 Ma ố sabống tâng mút cứq mán
ể pút,
cóp ốc sa-âm cứq la mán ể tở
bữn bữn noâng,
- 3 yuaq cứq sa-on cũai achỗn tỗ,
tữ cứq hữm dũ ramứh ien khẽ
toâq pờ cũai sâuq.
- 4 Alóỉ tở bữn rang-ỉ tacóh ntróu,
yuaq alóỉ rêng cóp tỗ chác la
bán sũan.
- 5 Alóỉ tở bữn chũuq ariang cũai
canỏh
cóp tở nai ramóh túh arức hỡ.
- 6 Ranáq ốt cõt samoât sương noau
ngcuac tâng tacong,
ranáq plampla cõt samoât
tampâc alóỉ tâc.
- 7 Mút pahõm alóỉ aloỏh ống ốc
sâuq sâng,
cóp sarnỏm alóỉ chanchỏm
moang ngê tở o.
- 8 Cũai sâuq cacháng ayê cũai
canỏh cóp táq nẵng moang
ốc tở o.
Alóỉ la cũai đốq ốt cóp đốq
sarhống, yoc lứq padâm
cũai canỏh.
- 9 Alóỉ táq nẵng sâuq chỏq Yiang
Sursĩ,
án ca ốt tâng pờng paloỏng.
Cóp alóỉ táq plampla yoc
aloỏh ngê sâuq đốq padâm
máh cũai tâng cốc cutểq
nâi.
- 10 Ngkíq cũai proai Yiang Sursĩ
puai ngê alóỉ tê,
cóp đếh noap lứq máh láih
parnai cũai loâi ki pai.†
- 11 Alóỉ pai neq: “Yiang Sursĩ tở
bữn dáng ntróu mỗ.

Cóp án ca sốt clũi nheq tễ
canỏh, ki tở bữn hữm tê.”

- 12 Mách cũai sâuq lứq cõt ngkíq.
Alóỉ sốc bữn chớ, ma alóỉ
noâng ham ể bữn sa-ủi lứq
ển.
- 13 Khân ngkíq, lô lứq cứq rabán tỗ
bữm yỗn bữn mút pahõm
bráh o.
Cóp tở bữn kia ntróu cứq tở
bữn táq lỏih.
- 14 O Yiang Sursĩ ơi! Nheq
tangái anhia táq yỗn cứq
cóp chũuq túh.
Dũ tarựp cứq roap níc tột tễ
anhia manrap cứq.
- 15 Ma khân cứq pai ariang cũai
sâuq pai,
ki cứq tở bữn táq puai noâng
riang proai anhia.
- 16 Cứq chanchỏm tễ ranáq nâi la
cỗ yoc ể dáng raloaih,
ma lứq coat yỗn têq dáng
raloaih tễ ốc nâi,
- 17 toau cứq bữn mut tâng Dống
Sang Toâr anhia.
Tữ ki nỏq cứq dáng raloaih
lứq tễ ramứh ca ể toâq pờ
cũai sâuq.
- 18 Lứq samoât, nữ-ra anhia yỗn
alóỉ ốt bân nẵng salaiq lứq,
cóp táq yỗn alóỉ sapỉl asểng,
chớ cuchĩt pút.
- 19 Alóỉ cuchĩt nheq muoi taláp.
Alóỉ sểng chu nẵng parsốt ca
cahĩal ngcỏh lứq.
- 20 O Ncháu ơi! Alóỉ samoât riang
ốc rláu mpáu,
ma toâq poang tarựp tở bữn
hữm noâng ốc mpáu ki;
lứq ngkíq tê toâq anhia yuor
cóp táq alóỉ yỗn cuchĩt pút.

* 73: 73:0 Cansái ùat tễ Asap. † 73:10 73:10 Rana 10 nâi tở bữn raloaih tâng parnai Hê-bro.

- 21 Bo mút pahõm cứq khoiq sâng túh arức,
 cớp sarnõm cứq sâng nguá,
 22 bo ki cứq sacũl samoát riang charán,
 cớp cứq tớ bữn dáng raloaih tẽ anhia.
 23 Ma cứq nõang õt cheq níc anhia,
 cớp anhia tếc atĩ atoam cứq tớ nai cutiang táh.
 24 Anhia ayõng cứq na catoaih atõng.
 Toáq parsõt, anhia roap chõm cớp noap lứq cứq.
 25 Vót tẽ anhia, ki tớ bữn noau tâng paloõng mỗ tẽq chuai cứq.
 Yuaq anhia chuai cứq,
 ngkíq cứq tớ bữn yoc ẽ bữn ntrứu nõang tâng cõc cutẽq nãi.
 26 Lứq pai mút pahõm cớp tớ chác cứq ieuq,
 ma Yiang Sursĩ toáp la samoát bán rêng cứq,
 cớp án cõt dũ ramứh cứq cóq bữn.
 27 Lứq samoát, cũai ca calõih táh anhia, cóq cuchĩt pút.
 Lứq anhia pupút cũai táq tớ pĩeiq.
 28 Ma cứq sâng bũi pahõm õt cheq Yiang Sursĩ.
 Cứq poång Yiang Sursĩ, án ca Ncháu Nheq Tữh Cũai.
 Cứq ẽ pau atõng tẽ dũ ramứh anhia khoiq táq chơ.

74

- Santoiq Bubéq-Buburp Túh, Yuaq Dõng Sang Toâr Pĩeiq Talõh* *
 1 O Yiang Sursĩ ơi! Nớq anhia táh hếq nneq?
 Anhia ẽ nhõp cũai proai anhia mantái níc tớ?
 2 Sẻq anhia sanhữ tốp ca anhia khoiq dũng aloõh tẽ cõt sũl.

- Alóí la lứq proai anhia, proai ca anhia khoiq rườh tẽ dũn chơ.
 Cóq anhia chanchõm loah tẽ cóh Si-õn
 la nõtq anhia khoiq õt.
 3 Sẻq anhia pỡq nhẽng máh ramứh ca khoiq pacháh rúng ki!
 Cũai sấuq khoiq talõh dũ ramứh tâng Dõng Sang Toâr.
 4 Cũai kêt anhia, alóí õn chỡ tâng nõtq anhia khoiq rôm cớp hếq.
 Cớp alóí ayừng aroaiq tếc tâng dõng ki,
 alóí táq tếc khoiq bữn riap.
 5 Alóí ít achát talõh dõng sang samoát riang noau tamư alu-ang tâng aruih.†
 6 Atĩ alóí ít achát cớp cuan,
 chơ pieih talõh nheq ngoah toong noau khoiq tọc rup.
 7 Alóí talõh cớp chõng Dõng Sang Toâr,
 táq yõn nõtq sang toam anhia cõt nhõp.
 8 Alóí ẽ tĩn sarúq tốp hếq yõn pút nheq.
 Cớp alóí chõng dũ nõtq noau dốq ẽ rôm sang toam anhia tâng cruang nãi.
 9 Máh cớng tếc hếq sang anhia la pút nheq,
 cớp tớ va muoi noaq nõng cũai atõng tang bỗq Yiang Sursĩ.
 Tớ bữn noau dáng máh lếq dũn nõang nheq ramứh túh coat nãi tẽq cõt moâm.
 10 O Yiang Sursĩ ơi! Máh lếq dũn nõng cũai sấuq cacháng ayê anhia?
 Nớq alóí ayê ra-ac níc anhia?

* 74: 74:0 Cansái ùat tẽ Asap. † 74:5 74:5 Rana 5 nãi tớ bữn raloaih tâng parnai Hẽ-brơ.

- 11 Yuaq nỏq anhia tở bữn cuvở atĩ chuai hếq?
Cỗ nỏq anhia caliêu chíq atĩ chu cĩ?
- 12 Ma Yiang Sursĩ la puo hếq tễ dẫu chơ.
Cốp anhia khoi q yỏn hếq chí riap sa-ữi trở chơ.
- 13 Dỡq mut caryoah la nhơ tễ chớc toâr anhia,
cốp máh ngược tuang tâng dỡq mut, anhia khoi q tĩn sarúq án chơ.
- 14 Anhia khoi q tĩn sarúq plỡ ngược tuang ramứh Lê-via-than,
cốp yỏn máh charán cha sâi q án bản nỏq cutếq khỏ phang.
- 15 Anhia khoi q táq yỏn dỡq tũm cốp dỡq mec hoi lalín o.
Cốp anhia khoi q táq yỏn crõng cõt sarết.
- 16 Anhia khoi q tẻng tangái cốp sadâu;
tẻng moat mandang cốp rliang casâi.
- 17 Anhia khoi q tampẻq raloan yỏn máh tâm cutếq,
cốp khoi q anoat yỏn bữn catữ cutâu cốp catữ sangết.
- 18 O Yiang Sursĩ ơi! Cóp anhia sanhữ tễ cũai loái ca cacháng ayê anhia.
Alói la cũai sacũl, cốp alói mumat anhia.
- 19 Sẻq anhia chỏi táh cũai proai anhia ca óq noau rachuai,
tở la chiau alói pỡ atĩ cũai tachoât.
Sẻq anhia chỏi khlĩr proai anhia ca noau táq túh coat.
- 20 Sẻq anhia sanhữ máh santoiq anhia khoi q par-ữq cốp hếq tễ nhũang.

- Dũ nỏq canám tâng cruang nâi, la moang ranáq plam-pla sâng.
- 21 Sẻq anhia chỏi yỏn alói ca chũuq túh coat sâng casiet táq.
Ma yỏn dũ náq cũai cadĩt bữn khẽn anhia.
- 22 O Yiang Sursĩ ơi! Sẻq anhia yuor tayúng lểc loah ngê anhia.
Sẻq anhia chỏi khlĩr cũai tở bữn yám noap anhia,
alói ca cacháng ayê anhia nheq tangái.
- 23 Sẻq anhia chỏi khlĩr santoiq loỏh tễ bỏq alói ca chíl an-hia,
alói bữn mút cutâu cốp yoc lứq ralỏih cartựp níc sâng.

75

*Yiang Sursĩ Parchĩn Parnai**

- 1 O Yiang Sursĩ ơi! Tỏp hếq sẻq chiau sang santoiq sa-ỏn!
Tỏp hếq chiau sang santoiq sa-ỏn cốp pau atõng anhia la sỏt toâr lứq,
cốp hếq atõng tễ máh ranáq salẻh anhia khoi q táq chơ.
- 2 Yiang Sursĩ pai neq: “Cứq khoi q anoat dòq tangái ẻ rablớh.
Cứq ẻ parchĩn pẻiq lứq.
- 3 Tam dũ ramứh tamoong cang-coaih ngỏh,
cốp cốc cutếq nâi cacut,
ma cứq bán kĩaq tanang cốc cutếq nâi yỏn noâng níc.
- 4 Cứq sươq cũai ỏt: ‘Chỏi ỏt noâng.’
- 5 Cốp cứq atõng cũai sâuq: ‘Cóp anhia tangút! Chỏi khẽn noâng tở bữm.’ ”
- 6 Ranáq parchĩn ki tở bữn toâq tễ angia mandang loỏh,

* 75: 75:0 Cansái ūat tễ Asap. Yỏn án ca sỏt tỏp sương ūat.

- tở la angia mandang pôt, tở la angia pông, tở la angia pưn,
 7 yuaq Yiang Sursĩ toáp cõt án ca rasữq.
 Án toáp ẽ yỗn cũai roap tôt, tở la vớt tôt.
 8 Tễ ranáq parchĩn, cũai loài cõt samoât riang Yiang Sursĩ ayễq tangan tâng atĩ.
 Tangan ki poân moang blống cõt, blống sacâm tễ ốc án cutâu mút lữq.
 Án tở blống ki, cớp cũai loài dũ náq cóq nguaiq toau nheq.
 9 Ma cứq tở bữn tangứt pau atởng tễ Yiang Sursĩ ca Yacốp sang,
 cớp tở nai tangứt ũat khễn án.
 10 Lứq án pupứt chớc cũai loài, ma án achỗn chớc cũai tanoang o yỗn toâr lứq ền.

76

*Yiang Sursĩ Cupốt Ốc Riap**

- 1 Tâng cruang Yuda noau dáng Yiang Sursĩ.
 Ramứh án la toâr lứq tâng cruang tốp I-sarel.
 2 Án ốt tâng vil Yaru-salem la tâng cớh Si-ôn.
 3 Tâng ntốq ki án dẻh tacoaih nheq saráh tốp par-ũal án, dẻh khễl, dau, cớp cớng choac canỗh hỡ.
 4 O Yiang Sursĩ ơi! Anhia la sốt toâr lứq,
 samoât puo ca pích chu tễ cớh, tễ ntốq án chíl riap máh cũai loài.
 5 Tahan alới bữn mút pahỡm c্লóq lứq,
 ma cớng alới nheq noau pữ ỉt chỡ.

- Sanua, ariang alới bẻq langết tháng,
 cỗ alới khoiqt ta-ỏh rangứh.
 Alới tở tẻq yỗng noâng cớng choac alới.
 6 O Yiang Sursĩ Yacốp sang ơi!
 Toâq anhia canứh alới, ki asẻh cớp cũai ca ốt tâng cloong asẻh satooh asẻng nheq,
 chỡ ta-ỏh rangứh cuchít toáp.
 7 Ma dũ náq cũai sâng ngỏh lứq Yiang Sursĩ.
 Toâq anhia cutâu mút, tở bữn noau khỏn tayứng choâng moat anhia.
 8 Anhia rasửq tễ paloông,
 chỡ nheq tữh cũai chũop cớc cutễq nài cõt ngỏh cớp ốt rangiac sâng.
 9 Toâq anhia yuor tayứng sửq,
 anhia đốq chuai amoong dũ náq cũai ca chũuq túh coat tâng cớc cutễq nài.

- 10 Ốc cutâu mút tễ cũai, ki Yiang Sursĩ pỉen cốt ốc khễn án ền.
 Ma ốc cutâu mút ca noâng clữi, ki án catoân đốq tâng ngkĩng án.†
 11 Cóq anhia chiau sang yỗn Yiang Sursĩ, la Ncháu anhia, dũ ramứh anhia khoiqt ửq cớp án.
 Cớp yỗn cũai tâng dũ cruang ca ốt mpẻ cruang nài, đứng cớng chiau sang yỗn án.
 Yiang Sursĩ táq yỗn dũ náq cũai sâng ngỏh án.
 12 Án táq yỗn cũai sốt ca đốq ốt sác cốt yám noap án ền,
 cớp máh puo ca sốt toâr cốt santar cớp ngỏh án.

* 76: 76:0 Cansái ũat tễ Asap. Yỗn án ca sốt tốp tapáih cớng lampỏiq. † 76:10 76:10 Rana 10 nài tở bữn raloaih tâng parnai Hẻ-broř. * 77: 77:0 Cansái ũat tễ Asap. Yỗn án ca sốt tốp sường ũat.

77

*Bo Ramóh Túh Coat Bữn Roap
Ốc Aliam**

- 1 Cúq cuclỏiq casang lủq chu
Yiang Sursĩ.
Cúq sếq án tamứng, đợq án
sâng sường cúq arô án.
- 2 Bo cúq ramóh túh coat, cúq câu
sếq tể Ncháu.
Nheq sadâu cúq sacỡ atĩ
achỗn câu sếq tể án,
ma cúq tỡ bữn ramóh loâng
ốc aliam.
- 3 Toáq cúq sanhữ Yiang Sursĩ, cúq
sarỏh sarnỏm.
Toáq cúq chanchỏm, mút
pahỏm cõt ieuq tuar.
- 4 Ncháu táq yỗn cúq tỡ tềq bếq
nheq sadâu.
Tâng mút cúq sâng túh arức
toau tỡ tềq táq nẵng ntrớu
noâng.
- 5 Cúq chanchỏm loah tể máh
tangái khoiq vớt.
Cóp cúq sanhữ tể máh casai
cumo ca khoiq vớt ki.
- 6 Nheq sadâu, cúq ỡt chanchỏm
níc cóp blớh mút bữm neq:
- 7 “Ncháu ể táh níc tộp hếq tỡ?
Chumat án tỡ bữn bủi noâng
cóp hếq tỡ?”
- 8 Án tỡ bữn ayoỏq noâng tộp hếq
tỡ?
Máh santoiq án khoiq par-ữq,
ki tỡ bữn cõt kia ntrớu tỡ?
- 9 Yiang Sursĩ khoiq khỉr ốc sarủiq
táq chỏq tộp hếq tỡ?
Ốc sarủiq táq rapĩen cõt ốc
nhỏp ễn tỡ?”
- 10 Cóp cúq pai ễn neq: “Ramứh ca
táq yỗn cúq cõt ngua lủq,
la Yiang Sursĩ ca sỏt clủi tể
canỏh tỡ bữn chuai noâng
hếq.”†

- 11 Ớ Yiang Sursĩ ời! Cúq ể cayỏm
đợq máh ranáq toár lủq
anhia khoiq táq tâng mút
cúq.
Cúq ể chanchỏm loah máh
ranáq salễh anhia khoiq táq
tể nhũang.
- 12 Cúq chanchỏm loah tể máh
ranáq anhia khoiq táq.
Cúq ỡt sarỏh sarnỏm tể máh
ranáq bữn chỏc lủq tể an-
hia.
- 13 Ớ Yiang Sursĩ ời! Dũ ranáq
anhia táq la brách o lủq.
Tỡ bữn yiang aléq ma toár
clủi tể anhia.
- 14 Anhia la Yiang Sursĩ ca táq
ranáq salễh
yỗn cũai dũ cruang bữn hữm
tể chỏc toár lủq anhia.
- 15 Nhớ tể chỏc sỏt toár anhia,
anhia khoiq chuai amoong
máh tống toiq Yacỏp cóp Yỏ-
sep, la tộp anhia.
- 16 Toáq máh đợq hữm Yiang Sursĩ,
án cõt ngcỏh.
Cóp ntỏq đợq yarủ tâng đợq
mút la cõt chanchữn nheq.
- 17 Máh ramứl tâng paloỏng táq
yỗn đợq mia asểng;
bữn crứm bubữr casang lủq
tâng paloỏng;
cóp bữn lalieiq lacang poang
cu angia.
- 18 Anhia yỗn cuyal rapuq đễh
crứm hỡ;
cóp lalieiq lacang tể anhia táq
yỗn poang nheq cốc cutểq
nái.
Cốc cutểq nái rachâu cacut
nheq.
- 19 Anhia khoiq tayáh yang đợq
mút yarủ,
ma tỡ bữn noau tềq hữm lủm
anhia.

† 77:10 77:10 Rana 10 nái tỡ bữn raloaih tâng parnai Hẽ-brớ.

20 Anhia ớn Mõi-se cớp Arôn
ayông máh proai anhia
samoát riang cũai mantán
ayông charán cừu pợq.

78

*Yiang Sursĩ Cớp Proai An**

1 Sẻm ai oi! Cớq anhia pachêng
cutữ tamúng santoiq cớq
nớ.
Cớq anhia pachêng cutữ
tamúng yỏn samoát tẻ ố
cớq atởng.
2 Cớq ẻ atởng yỏn anhia dáng
raloaih tẻ máh parnai
sacâm tẻ ố cutooq tẻ dời
mbốq.
3 Tỏp hái khoiq sâng cớp khoiq
dáng tẻ máh ố
achuaih ayoaq hái khoiq
nsũar yỏn hái.
4 Tỏp hái chỏi cutooq đợq máh
bai nsũar ki tẻ tỏp con châu
hái.
Hái cớq arĩen alới tẻ ố khẽn
chóc toar Yiang Sursĩ,
cớp tẻ ranáq salẻh Ncháu
khoiq táq.
5 An khoiq chiau ố patáp cớp
phẻp rit
pờ cũai I-sarel la tởng toiq
Yacốp.
An khoiq atởng achúc achiac hái
yỏn atởng loah phẻp rit an
yỏn máh con châu dáng tẻ.
6 Ngkíq tởng toiq hái ntun bữn
rien cớp bữn atởng yỏn con
châu alới dáng to la-ủt.
7 Tâng ranáq nái, táq yỏn alới tẻ
sa-âm Yiang Sursĩ tẻ,
cớp tẻ bữn khỉr tẻ ranáq an
khoiq táq yỏn.
Cớp alới lứq trỉh níc ố patáp
tẻ án.
8 Ngkíq, alới tẻ bữn cớt noâng
ariang achúc achiac alới,

la cũai ca tẻ bữn trỉh Yiang
Sursĩ;
cũai ki tẻ ẻq tamúng, tẻ bữn
sa-âm pacái,
cớp tẻ bữn puai Yiang Sursĩ
samoát samoi.

9 Tỏp tahan tẻ cruang Ep-ra-im
yỏng tamĩang cớp saráh
táq cớng choac,
ma tâng tangái rachíl, alới
lủh pláh nheq tẻ cũai ẻ chỉ
alới.
10 Alới tẻ bữn yỏng đợq máh
santoiq alới khoiq par-ủq
chóq Yiang Sursĩ;
cớp alới tẻ nai puai ố an
patáp.
11 Alới khoiq khỉr nheq chớ máh
ranáq an khoiq táq,
la máh ranáq salẻh ca alới
khoiq hữm.
12 Bo achúc achiac alới ớt nhêng,
Yiang Sursĩ táq ranáq salẻh
cheq ntỏq tapín Sô-an tâng
cruang Ê-yip-tô.
13 Yiang Sursĩ khoiq cayoah đợq
mựt cớp đừng alới pợq
tadáh mpúng dĩ cutẻq khỏ
ki.
An khoiq táq yỏn đợq cớt
samoát viang catáng đợq.
14 Tâng tangái an táq yỏn ramủl
pợq nhũang yỏn ayông tỏp
alới.
Cớp tâng sadâu, an đừng alới
pợq nhớ na ừih blử.
15 An ploah tamáu cớl tâng ntỏq
aiq,
cớp yỏn alới bữn đợq nguaiq
tẻ ntỏq yarủ tâng đợq mựt.
16 An khoiq táq yỏn bữn đợq hoi
loỏh tẻ cớl tamáu,
toau cớt đợq tũm.
17 Ma tâng ntỏq aiq ki, alới táq
lỏih níc
đợq chỉ Yiang Sursĩ ca sớ
clửi nheq tẻ canỏh.

* 78: 78:0 Cansái ùat tẻ Asap.

- 18 Cóp alóí chim Yiang Sursĩ na mút pahõm,
cõ alóí sêq yoc ẽ cha sâiq puai rangũh alóí bũn.
- 19 Alóí chíł Yiang Sursĩ na parnai, alóí pai neq:
“Têq Yiang Sursĩ chúm siem hêq tâng ntóq aiq nâi tở?”
- 20 Lứq samoât, án khoiq côq cõl tamáu yõn bũn đõq hoi loõh toau cõt tũm,
ma têq án táq yõn hêq bũn đõĩ cha tở?
Cóp têq án yõn proai án bũn sâiq cha hữ tở?”
- 21 Toâq Yiang Sursĩ sâng alóí bubéq-bubup,
ngkíq án nhóp alóí.
Án sâng cutâu mút lứq cõt samoât ùih bũ, chơ án chíł cũai proai án.
Cóp ọc cutâu atũm achõn ẽn chók tốp alóí,
- 22 yuaq alóí tở bũn sa-âm án, cóp tở bũn noap án têq chuai amoong alóí.
- 23 Ma án ỏn paloõng,
cóp atõng yõn paloõng pớh samoât riang ngoah toong.
- 24 Chơ án yõn crõng sana ramũh mana satooh tẽ paloõng yõn alóí bũn cha.
- 25 Ngkíq alóí bũn cha sana machõng cóp ranẽng Yiang Sursĩ chạ tẽ.
Chơ án yõn alóí bũn cha máh léq alóí sâng yoc ẽ cha.
- 26 Cóp án táq yõn bũn cuyal phát tẽ angia mandang loõh.
Cóp nhơ tẽ chớch án, bũn cuyal tẽ angia pũn,
- 27 táq yõn bũn chóm srúh pở cũai proai án ỏt.
Chóm ki sa-ũi samoât ọc chũah tâng tor đõq mút.
- 28 Chóm ki srúh bân mpũng đĩ ntóq alóí ỏt,
bân mpẽr đõng aroaiq alóí.
- 29 Ngkíq máh cũai proai ỉt cha chóm ki toau pasâi pa-õh lứq.
Yiang Sursĩ yõn alóí bũn cha máh alóí yoc.
- 30 Ma bo alóí ỏt ngoan sana tâng bõq,
mỏ ariang pai alóí tở nai sâng pasâi,
cóp tở bũn khám cha,
- 31 ngkíq Yiang Sursĩ sâng cutâu lứq chók alóí.
Chơ án cachĩt táh máh sami-ang bán rêng,
la máh samiang póng tâng tốp I-sarel.
- 32 Tam cõt ranáq máh ki chơ, ma cũai proai noâng táq lỏih sĩa.
Lứq pai Yiang Sursĩ khoiq táq ranáq salẽh,
ma cũai proai ki noâng tở ẽq sa-âm.
- 33 Ngkíq, án yõn đõĩ tamoong alóí cõt pút miat,
cóp đõĩ alóí tamoong mahúiq lứq.
- 34 Bo léq án cachĩt cũai,
bo ki alóí chuaq loah Ncháu.
Alóí ngin lỏih ralêq cõt mút tamái ẽn,
cóp alóí ẽr áiq lứq câu sêq tẽ Ncháu nheq mút pahõm.
- 35 Chơ alóí bũn dáng loah Yiang Sursĩ toâp bán kĩaq alóí,
cóp Yiang Sõt Toâr Lứq toâp chuai amoong alóí.
- 36 Ma ntun ẽn, bõq alóí phêq thũ án sĩa,
cóp lieih alóí táq ntõng lauq chók án.
- 37 Alóí tở ẽq puai noâng Yiang Sursĩ.
Cóp alóí tở bũn táq máh san-toiq alóí khoiq par-ũq cóp án.
- 38 Ma noâng Yiang Sursĩ sarũiq táq alóí.

39 Ắn táh lờih yỗn alóỉ, cớp tỡ bữn táq noàng alóỉ.
 Khoiđ sa-ữỉ trở chơ ắn arũiđ loah máh ốc cutâu,
 cớp ắn ót tanhữ níc tẽ ốc cutâu mút.
 40 Alóỉ lỏn-sarlỏn chỏq ắn sa-ữỉ trở tắng ntốq aỉđ.
 Alóỉ táq yỗn ắn tỡ bữn bũi pahỏm.
 41 Sa-ữỉ trở alóỉ chim Yiang Sursỉ.
 Ngkỉđ alóỉ táq yỗn ắn bữn ốc túh arức;
 ắn la Yiang Sursỉ tốp I-sarel sang ca bráh o lứq.
 42 Alóỉ tỡ bữn sanhữ tẽ chỏc toàh khong ắn
 tắng tangáỉ ắn chuai amoong alóỉ tẽ cũai ẽ cachỉt alóỉ.
 43 Cớp alóỉ tỡ bữn sanhữ noàng tẽ tangáỉ ắn táq máh ranáq salẽh
 tắng ntốq tapín Sỏ-an tắng cruang Ê-yip-tỏ.
 44 Ắn khoiđ táq yỗn crống tắng cruang Ê-yip-tỏ cớt aham.
 Chơ máh cũai Ê-yip-tỏ tỡ tềq nguaiđ noàng đờđ qỉ.
 45 Ắn khoiđ táq yỗn máh aluai toàđ chỉl cáp alóỉ,
 cớp máh ắcớp toàđ talỏh cruang cutẽđ alóỉ.
 46 Cớp máh paláỉ aluang alóỉ,
 ắn khoiđ chiau yỗn sampứh lam reh cha.
 Cớp máh sarnỏh sarbống alóỉ,
 ắn chiau yỗn sampứh lam khuođ cha.
 47 Ncháu khoiđ táq yỗn voar paláỉ nho alóỉ cớt rứng cỏ tẽ prẽl,
 cớp táq yỗn đờđ mia cớt pẽng tớt tắng nỏm aluang tarứng, cỏ leng lứq,
 kỉ táq yỗn nỏm aluang cuchỉt.

48 Cớp ắn khoiđ cachỉt máh ntừốđ cớp máh cũu alóỉ na prẽl cớp na toaih táq.
 49 Yuađ ắn sắng cutâu mút lứđ, cớp tỡ bữn bũi pahỏm chỏđ cũai kỉ,
 ngkỉđ ắn ón máh ranẽng ắn toàđ pỡ alóỉ,
 ranẽng ca đỏđ cachỉt cũai.
 50 Ắn khoiđ rườh đờđ rana yỗn ốc cutâu tẽ ắn ẽ pờđ.
 Ắn tỡ bữn chuai alóỉ yỗn vớt tẽ cuchỉt,
 ma ắn cachỉt alóỉ na ỏn.
 51 Ngkỉđ ắn cachỉt đũ náđ con samiang clúng đũ đốđ sũ tắng cruang Ê-yip-tỏ.
 52 Ắn đứng tốp proai ắn loỏh pờđ samoát riang cũai mantán đứng cambláng cũu pờđ.
 Ắn đứng alóỉ pờđ pha ntốđ aỉđ.
 53 Ắn đứng alóỉ pờđ ien khẽ.
 Ngkỉđ alóỉ tỡ bữn ngcỏh ntrừu.
 Ma bữn đờđ mút calứp máh cũai ca ẽ cachỉt alóỉ.
 54 Ắn đứng alóỉ toàđ pỡ cutẽđ miar khong ắn,
 la cutẽđ ca ắn rườh đờđ yỗn tốp alóỉ,
 bữn toàđ pỡ cớh na chỏc ắn toàđ chỉl riap.
 55 Toàđ cũai proai ắn pờđ, lứđ ắn toàđ tuih aloỏh máh cũai tắng cruang kỉ.
 Chơ ắn tampẽđ tắng cutẽđ cũai kỉ yỗn đũ tốp cũai I-sarel ẽn ndỏm,
 cớp ắn yỗn cũai I-sarel ốt tắng đốđ máh cũai kỉ hỏ.
 56 Ma cũai I-sarel noàng ỉt rangứh alóỉ bữm.
 Alóỉ chim Yiang Sursỉ Sỏt Toàh Lứđ.
 Alóỉ tỡ bữn trỉh noàng máh sántoỉđ ắn patáp.

- 57 Alói chửng cĩ cớp tở bữn tanoang tapúng noâng, alói táq machóng dõi achúc achiac alói tề.
Alói cooc raviat riang saráh tamiang ngêr.
- 58 Alói táq yõn án sâng cutâu mút lứq,
cỗ alói táq rup cớp chóq rup ki tâng ntốq sarõih đốq sang.
Ngkíq án ũan lứq chóq alói.
- 59 Toâq Yiang Sursĩ sâng tể ranáq ki,
án sâng cutâu mút lứq.
Chơ án táh tốp I-sarel.
- 60 Cớp án táh dếh Dống Sang Aroaiq ca án ốt tâng vil Si-lô,
la ntốq án khoiq ốt tâng mpúng dĩ cũai tâng cốc cutểq nãi.†
- 61 Án chiau yõn cũai chĩl tốp I-sarel cớp bữn ỉt Hĩp Parnai Parkhán.
Hĩp nãi la tếc tể chóc bán rêng cớp ang-ừr khong Yiang Sursĩ.
- 62 Án sâng cutâu mút chóq máh cũai ca cõt samoât mun án.
Ngkíq án chiau máh proai án yõn cuchĩt na pla dau.
- 63 Máh samiang póng tâng tốp alói ki, chũuq cuchĩt tâng ranáq rachĩl.
Pân ngkíq máh cumũr man-toat o tể tốp alói mỗ ốq cayac.
- 64 Máh cũai tểng rit sang Yiang Sursĩ cuchĩt na pla dau,
cớp cán cumai tâng tốp alói, ki noau tở yõn nhiam tanúh.
- 65 Toâq ki Ncháu tamỡ ariang cũai tamỡ tể bếq,
cớp ariang cũai bũl blống đốq cu-õĩ casang lứq.

- 66 Án toân cớp tuih alói ca kêt án yõn pĩh loah chu cuang cĩ.
Cớp án táq yõn alói pê cớp casiet táq mantái níc.
- 67 Clũrĩ tể ki ẽn, án tở ểq ruoh noâng tống toiq Yô-sep.
Lứq án tở bữn ruoh noâng tốp Ep-ra-im la con samiang Yô-sep.
- 68 Ma án ruoh tốp Yuda cớp cóh Si-ôn ẽn, la ntốq án ayooq cớp pasểq lứq.
- 69 Tâng cóh Si-ôn ki, án táq Dống Sang Toâr khong án.
Dống sang ki án táq samoât ntốq án ốt tâng pờng paloõng.
Án táq pacái lứq đống sang ki,
cõt samoât cốc cutểq án tểng yõn ốt mantái níc.
- 70 Cớp án ruoh Davĩt yõn táq ranáq án.
Án dững aloõh Davĩt tể cõt cũai mantán bán cũu.
- 71 Cớp Ncháu chớh Davĩt yõn cõt puo cũai I-sarel,
yõn Davĩt cõt cũai bán kĩaq cũai proai Ncháu.
Ngkíq án cõt samoât cũai mantán kĩaq tốp I-sarel.
- 72 Ngkíq Davĩt bán kĩaq alói nheq mút pahõm na táq tanoang tapúng lứq,
cớp dững alói pờq ien khẽ,
la cỗ nhơ tể án bữn ốc ran-goaiq.

79

*Sẻq Ốc Rachuai, Yuaq Bữn Túh Ngua Toâr Lứq**

- ¹ O Yiang Sursĩ ơi! Tốp cũai mpha rit khoiq mut ốt tâng cutểq khong anhia.

† 78:60 78:60 Tể nhũang dõi puo Davĩt, cũai I-sarel đốq sang toam tâng vil Si-lô.

* 79:

79:0 Cansái ũat tể Asap.

- Alóí táq yõn Dõng Sang Toâr anhia cõt nhõp na ranáq sáuq,
 cóp alóí khoiḡ talõh vil Yaru-salem yõn ralõh-ralái thánḡ.
- 2 Alóí ít sac cũai ca táq ranáq anhia cõt sana chóm calang ca pâr tâng paloõng,
 cóp yõn charán tâng arũih hõ cha.
- 3 Alóí tõi aham cũai proai anhia cõt samoât dõḡ hoi chũop vil Yaru-salem.
 Cóp tõ bũn noau nõang tẽt tũp cumuiḡ.
- 4 Tõp cũai ca õt mpẽr hẽq cachánḡ ca-iep cóp ayẽ ra-ac hẽq.
- 5 O Yiang Sursĩ ơi! Nõang dũn maléq anhia cutâu mút chóg hẽq?
 Nõang dũn maléq ỏc cutâu mút tẽ anhia cõt samoât pla ùih caháuq cat níc hẽq?
- 6 Sẽq ỏc anhia cutâu mút toáq pở cũai tõ bũn dáng anhia,
 cóp satõh ỏc ki pở cruang ca tõ êq câu sẽq nhõ ramũh anhia.
- 7 Yuaq alóí khoiḡ cachĩt tống toiq Yacõp,
 cóp khoiḡ talõh cruang anhia.
- 8 Sẽq anhia chõĩ táq hẽq,
 cõ tian ỏc lỏih achúc achiac hẽq.
 Sẽq anhia sarũiq táq hẽq nũng,
 yuaq mút hẽq khoiḡ pũt nheq chõ ỏc ngcuang.
- 9 O Yiang Sursĩ ca chuai amoong hẽq ơi!
 Sẽq anhia acláh hẽq cóp táh lỏih hẽq, yõn noau tẽq yám noap ramũh anhia.
- 10 Tõ bũn o máh cũai tâng cruang canõh mỗ blõh hẽq neq:
 “Yiang Sursĩ anhia õt nléq?”

Sẽq anhia manrap máh cruang ki choàng moat hẽq,
 cõ tian alóí táq tahóc aham cũai táq ranáq anhia.

- 11 Sẽq yõn srong cũai tũ u-õĩ chõn toáq pở anhia.
 Cóp nhõ tẽ chóc toâr anhia, sẽq anhia acláh máh cũai noau anoat cóg cachĩt.
- 12 O Ncháu ơi! Sẽq anhia culáh dõḡ tapul trõ yõn alóí ca mumat anhia.
- 13 Ma tõi hẽq cõt tõi anhia la ariang tõi cũu anhia bán kĩaḡ;
 lữq samoât hẽq sa-õn anhia mantái níc.
 Tõi hẽq lữq ruaih loah máh ỏc bõn anhia khoiḡ yõn, noap tẽ dõĩ nâi toau toáq dõĩ ntun.

80

*Câu Sẽq Yõn Chuai Cruang I-sarel**

- 1 O Yiang Sursĩ ca bán kĩaḡ cũai I-sarel ơi!
 Sẽq anhia pachêng cutũr tamũng hẽq nũng.
 Anhia khoiḡ dũng aloõh tống toiq Yô-sep samoât noau bán tõi charán cũu.
 Anhia õt tacu tâng cachõng ống puo toáp tẽq tacu,
 bân mpũng dĩ acán chẽ-rup.
- 2 Sẽq anhia apáh chóc anhia choàng moat máh sẽm ai hẽq la tõi Ep-ra-im, tõi Ben-yamin, cóp tõi Manasê.
 Sẽq anhia apáh bán rêng an-hia, cóp toáq acláh hẽq tẽ atĩ cũai ẽ táq hẽq.
- 3 O Yiang Sursĩ ơi! Sẽq anhia rachuai hẽq yõn õt ien khẽ loah machõng tẽ nhũang.

* 80: 80:0 Cansái ùat tẽ Asap. Yõn án ca sỏt tõi srong ùat.

- Sẽq anhia sarũiq táq hếq cốp
yỗn hếq tềq vớt tể máh cūai
ẽ táq hếq.
- 4 O Yiang Sursĩ Sốt Toâr Lứq ơi!
Noâng dũn maléq anhia sâng
cutâu mút chốq hếq,
cốp tở ẽq tamứng sường san-
toiq proai anhia câu sẽq?
- 5 Anhia khoiq táq yỗn hếq nơn
cha nơn hoi sarliang moat;
anhia táq yỗn hếq lữn sar-
liang moat hỡ.
- 6 Bữn cūai ralỏih cỗ alới tampỗr
cheng cutềq hếq.
Cốp alới ca ẽ táq hếq,
cacháng ayê hếq tề.
- 7 O Yiang Sursĩ Sốt Toâr Lứq ơi!
Sẽq anhia chuai hếq yỗn bữn
ớt ien khể loah machớng tể
nhũang sĩa.
Sẽq anhia sarũiq táq hếq yỗn
tềq vớt tể máh cūai ẽ táq
hếq.
- 8 Anhia khoiq dũng aloỏh proai
anhia, samoât riang anhia
khoiq ít voar palái nho
aloỏh tể cruang Ê-yip-tô.
Cốp anhia tuih aloỏh máh tốp
canỏh tể cruang Cana-an,
chơ anhia chớh voar palái
nho ễn tâng tâm cutềq alới
ki.†
- 9 Anhia táq yỗn voar ki dát
cuchũt rêh yarũ
cốp bữn abểng talor pláh
nheq tâng cruang.
- 10 Ốc tể voar toâr ki pul cadốp
nheq cóh, cốp abểng án pul
cutrúq chíq nỡm aluang sê-
da.
- 11 Abểng án liei toâq pỡ dỡq
mựt Mê-di-tarian,
cốp cỗiq án talor toâq pỡ
cờng O-phơ-rat.
- 12 Yuaq nốq anhia ma talỏh
cantruang, chơ yỗn noau
pỡq pha cốp ít máh palái
nho ki?
- 13 Cốp bữn tốp sacỏ toâq tực tĩn
án,
cốp bữn charán canỏh tâng
arurih la toâq cha án tề.
- 14 O Yiang Sursĩ Sốt Toâr Lứq ơi!
Sẽq anhia tapoang nhềng tể
paloỏng,
cốp toâq chuai máh nỡm voar
nho ca sacâm tể proai an-
hia.
- 15 Voar nho nãi la atĩ atoam anhia
toâp khoiq chớh.
Cốp voar nãi la anhia toâp
yỗn án dát cốp toâr achỗn.
- 16 Cūai ẽ táq hếq khoiq poâiq cốp
chớng voar ki.
Sẽq anhia nhềng cốp toâq
pupút alới.
- 17 Sẽq anhia bán kĩaq máh cūai
anhia khoiq rườh.
La máh cūai ca anhia yỗn bữn
bán rềng,
dỡq alới tềq táq ranáq anhia.
- 18 Ngkíq tốp hếq tở bữn chừng cữ
tể anhia noâng.
Sẽq anhia chuai hếq yỗn bữn
tamoong loah.
Chơ hếq câu sẽq nỡm tể
ramứh anhia.
- 19 O Yiang Sursĩ la Ncháu ca Sốt
Toâr Lứq ơi!
Sẽq anhia chuai hếq yỗn ớt
ien khể loah machớng tể
nhũang.
Sẽq anhia chuai hếq yỗn vớt
tể máh cūai ẽ táq hếq.

81

*Cansái Ūat Khẽn Tâng Tangái
Bũi**

† 80:8 80:8 'Voar palái nho' sacâm tể cūai I-sarel.
ca sốt tốp sường ūat.

* 81: 81:0 Cansái ūat tể Asap. Yỗn án

1 Cóg hái ūat khẽn cốp sa-ơn
Yiang Sursĩ, án ca bán cu-
riac hái.

Cóg ūat khẽn Yiang Sursĩ ca Yacốp
sang.

2 Cóg ūat toàn sacơ, cốp cốp
tapáih achúng.

3 Cóg plóng lavia yỗn noau
dáng khoiạ toạq tangái cha
bũi Casai Loỏh Tamái cốp
Rliang Tapứng,

4 yuaq tangái nài la phễp rit tốp
I-sarel,
la ốc patập tễ Yiang Sursĩ ca
Yacốp sang.

5 Ncháu khoiạ đớq tangái ki cốt ốc
parkhán yỗn tốp I-sarel, bo
án chíl cruang Ê-yip-tô.

Bo ki cớq sâng muoi sường,
ma cớq tở dáng sường noau;
sường ki pai neq:

6 “Cớq khoiạ ỉt máh cớng ntâng
tễ apal anhia,
cốp aĩ anhia tở bữn ayễq
noàng cớng ntâng.

7 Toạq anhia ramóh túh coat, an-
hia khoiạ arô cớq,
cốp cớq khoiạ toạq chuai
amoong anhia.

Cớq khoiạ ta-ôi anhia tễ ntốq rasỗ
raviat.

Ntun ki, cớq chim anhia pở
đớq mec ramứh Mê-ri-ba.

8 Tốp proai cớq ơi! Cớq anhia
tamứng ốc cớq patập an-
hia.

Cũai I-sarel ơi! Cớq ễq anhia
tamứng cớq voai.

9 Chỗi yỗn tâng tốp anhia bữn
yang canỏh.

Chỗi cucỏh sang yang canỏh.

10 Cớq Yiang Sursĩ la Ncháu ca sốt
tốp anhia.

Cớq toạp khoiạ aloỏh anhia tễ
cruang Ê-yip-tô.

Cóg anhia caha bỗq yỗn la-a,

ngkiạ cớq ễ siem anhia cha
yỗn cốt pasai.

11 “Ma máh proai cớq tở ễq
tamứng sường cớq;
tốp I-sarel tở ễq yám noap
cớq.

12 Ngkiạ cớq táh yỗn alỏi títng puai
mút pahỏm coang ngian
alỏi,
alỏi táq puai rangứh bữm.

13 O! Khán cũai proai cớq ma
tamứng santoiạ cớq,
cốp táq tapun cớq,

14 ki cớq lứq táq yỗn alỏi chíl riap
máh cũai ca ễ táq alỏi;
cốp aĩ cớq toạp toạq chuai
alỏi yỗn bữn riap máh cũai
ca kêt alỏi.

15 Ngkiạ nheq tữh cũai ca kêt
Yiang Sursĩ ễ cucỏh choàng
moat án,
cốp cớq lứq manrap alỏi
mantái níc.

16 Ma anhia, ki cớq chừm siem
yỗn bữn cha cớng sana
ểm,

cốp cớq yỗn anhia nguaiạ
thruong đớq khỉal ỉt tễ
tamáu.”

82

*Yiang Sursĩ Rablỏh Cũai Ca
Rasứq Cũai Canỏh**

1 Yiang Sursĩ cốt sốt tốp rỏm tâng
paloỏng,

đềh alỏi ca samoat yang hỡ.

Án rablỏh tốp alỏi neq:

2 “Nheq tữh anhia ca rasứq tở bữn
tanoang tapứng!

Cóg anhia chỗi ỉt noàng
pahỏm cũai loái.

3 Cóg anhia rasứq pỉeiạ tễ máh
cũai túh cadít cốp máh con
cumuiạ.

Cóg anhia rablỏh tanoang tễ
cũai túh ngua cốp cũai túh
cadít.

* 82: 82:0 Cansái ūat Asap.

- 4 Cóg anhia chuai máh cūai túh arúc cóp cūai túh cadĩt yõn õt ien khẽ.
Cóg anhia chuai alói yõn vót tẽ atĩ cūai sâuq.
- 5 “Anhia la sacũl lúq, tở bữn dáng ntrú!
Cóp anhia bữn mút pahõm loài la-õq!
Anhia tở bữn táq muoi ramúh o ntrú yõn dũ náq cūai tẽq õt tanoang o.
- 6 Cúq khoiq pai chơ neq: ‘Anhia la samoât máh yang tẽ,
cóp dũ náq anhia la con án ca sôt toâr lúq.’
- 7 Ma nữ-ra, tốp anhia lúq cuchĩt riang cūai canõh tẽ.
Dõĩ tamoong anhia lúq vót machóng máh cūai sôt canõh tẽ.”
- 8 O Yiang Sursĩ ơi! Sẽq anhia toâq rablõh dũ náq cūai tâng cõc cutẽq nãi,
yuaq dũ cruang cūai la anhia tập ndõm.

83

*Sẽq Yiang Sursĩ Chĩ Riap Cūai Ca Ê Táq Tốp I-sarel**

- 1 O Yiang Sursĩ ơi! Sẽq anhia chõĩ õt rangiac sâng,
cóp chõĩ dadõq noâng tâng mút.
- 2 Nhêng nãi! Máh cūai ẽ chĩ anhia, tabõq táq ranáq ki sanua.
Alói kêt anhia táq choac chóg anhia.
- 3 Alói sarhõng dõq chuaq ngẽ ẽ táq máh cūai sa-âm anhia,
cóp alói sarhõng ẽ chĩ máh cūai anhia bán curiaq.
- 4 Alói pai neq: “Âu hái, hái põq talõh cruang alói,

- táq ngkíq noau lúq tở bữn sanhữ nõang ramúh tốp I-sarel.”
- 5 Chơ alói mpruam muoi mút ẽ chĩ anhia.
- 6 Tốp alói la neq: cūai Ê-dôm, cūai It-ma-el, cūai Mô-ap, cūai Hacri,
7 cūai Kê-bal, cūai Amôn, cūai A-maléc, cūai Phi-li-tin, cóp cūai Ti-rơ.
- 8 Dẽh cūai Asi-ria hữ la pruam muoi mút cóp alói tẽ.
Cūai Asi-ria la yóu cóp tống toiq Lot.
- 9 Sẽq anhia táq chóg alói samoât anhia khoiq táq chóg tốp Madian,
chóg tốp Si-sara, cóp chóg tốp Yabin pữ crõng Ki-sôn ki.
- 10 Anhia khoiq chĩ riap tốp alói ki cheq vil Ndor,
ntõq ki sac alói cõt abuoig nheq tâng cutẽq.
- 11 Sẽq anhia táq máh cūai sôt alói cõt ariang Ô-rep cóp Sê-êp.
Sẽq anhia rachĩl yõn riap nheq tữh cūai sôt alói,
riang anhia khoiq táq chóg Sê-bah cóp Sal-muna,
- 12 yuaq alói pai neq:
“Hái! Hái põq cheng ìt cutẽq Yiang Sursĩ, chơ hái ẽn ndõm.”
- 13 O Yiang Sursĩ ơi! Sẽq anhia yõn alói cõt ariang cuyal avêng,
cõt ariang cuyal sapâr alúc,
- 14 cóp cõt ariang ùih cat tĩah, chơ trởh achõn chu cóh.
- 15 Ngkíq, sẽq anhia yõn cuyal rapuq mandêt alói,
yõn alói cõt ngcõh cõ tẽ rapuq ki.
- 16 Sẽq anhia táq yõn alói sâng casiet táq,

* 83: 83:0 Cansái ūat Asap.

ngkĩq nõq alói dáng anhia
bữn chóc toâr lứq.

17 Sẻq anhia táq yỗn alói cõt pê
cóp cangcoaih ngcõh níc.

Sẻq anhia táq yỗn alói bữn
mứt casiet cốp cuchĩt pút
nheq.

18 Sẻq anhia táq yỗn alói dáng
anhia la Yiang Sursĩ.

Ông anhia toáp la sớt toâr lứq
tâng paloõng cốp tâng cõc
cutẻq nái.

84

*Santoiq Cumiq Yoc Ê Ớt Tâng
Dõng Sang Toâr**

1 Ớ Yiang Sursĩ Sớt Toâr Lứq ơi!
Ntỏq anhia ớt la nõuq o lứq.

2 Cứq yoc lứq ớt tâng ntỏq ki.
Mứt cứq ẽr áiq thánq yoc ẽ ớt
tâng Dõng Sang Toâr Yiang
Sursĩ.

Cứq bữn mứt pahõm bủi óh
dõq ũat khẽn Yiang Sursĩ ca
tamoong níc.

3 Mách chóm chap la mut ớt loâng
tâng ki,
cóp chóm toaiq toâq táq
sỏh yỗn tẻq án panửm
tarẻl cheq prõng sang Yiang
Sursĩ.

Anhia la Yiang Sớt Toâr Lứq,
cóp anhia la Puo cứq cốp
Yiang Sursĩ cứq.

4 Bõn lứq cũai ca bữn ớt tâng
dõng anhia.

Alói ũat khẽn anhia mantái
níc, cốp tở nai tangửt.

5 Bõn lứq cũai ca bữn roap ọc bán
rẻng tẻ anhia,

alói ẽr áiq yoc ẽ pỡq sang
toam anhia pỡ cớh Si-ôn.

6 Toâq alói pỡq pha ntỏq cutẻq
khỏ, la avúng Baca,

ma anhia táq yỗn ntỏq ki bữn
dỡq mec,

samoât dỡq mia sẻng tâng
ntỏq ki, táq yỗn bữn ọc bõn
puan.

7 Bo alói pỡq, alói bữn rẻng tữm
ẻn.

Từ toâq pỡ cớh Si-ôn, ki alói ớt
choâng moat Yiang Sursĩ,
án ca Yiang sớt toâr clữi nheq
tẻ yiang canõh.

8 Yiang Sursĩ Sớt Toâr Lứq ơi!
Sẻq anhia tamửng sường san-
toiq cứq câu.

Ớ Yiang Sursĩ Yacốp sang ơi!
Sẻq anhia pachẻng cutữr
tamửng cứq nửng.

9 Ớ Yiang Sursĩ ơi! Sẻq anhia
satỏh ọc bõn yỗn puo hẻq,
la puo ca anhia khoiқ rươh.

10 Muoi tangái tâng Dõng Sang
Toâr anhia
la o clữi tẻ muoi ngin tangái
tâng ntỏq canõh.

Cứq sâng bủi pahõm ớt kĩaq
ngoah toong dõng Yiang
Sursĩ cứq sang,
hỡn tẻ cứq ẽ ớt tâng dõng
củai loai.

11 Anhia la Yiang Sursĩ ca samoât
riang ọc poang yỗn hẻq.
Cóp anhia catáng ra-óq hẻq.

Anhia bữn mứt laviei chỏq hẻq,
cóp anhia noap hẻq tẻ.

Anhia tở bữn pasẻq muoi ramửh o
ntrớu yỗn cũai ca puai rana
tanoang.

12 Ớ Yiang Sursĩ Sớt Toâr Lứq ơi!
Bõn lứq cũai ca noap anhia
nheq tẻ mứt pahõm!

85

*Câu Sẻq Yỗn Dõng Cruang Cõt
Ien**

* 84: 84:0 Cansái ũat tẻ tốp con samiang Cỏ-ra. Yỗn án ca sớt tốp sường ũat.

* 85: 85:0

Cansái ũat tốp samiang Cỏ-ra. Yỗn án ca sớt tốp ũat.

- 1 Ō Yiang Sursĩ ơi! Anhia khoiq sarũiq táq máh cũai tâng cloong cutêq anhia.
Anhia khoiq táq yõn cũai I-sarel bữn õt o loah matoat tiaq.
- 2 Anhia khoiq táh lôih yõn máh cũai proai anhia.
Anhia khoiq pul clõp chơ máh lôih alói.
- 3 Anhia tở bữn cutâu mút noâng chók alói.
Anhia khoiq arũiq chơ máh ố cutâu anhia.
- 4 Ō Yiang Sursĩ ca chuai amoong hếq ơi!
Sếq anhia táq yõn hếq cõt o loah matoat tiaq.
Sếq anhia arũiq loah máh ố anhia cutâu mút chók hếq.
- 5 Anhia ẽ cutâu mút níc chók hếq tở?
Tở la anhia ẽ nhòp níc dĩ dĩ cũai tở?
- 6 Sếq anhia chuai hếq yõn bữn tamoong loah,
đõq hếq la cũai proai anhia bữn bũi ỡn cốp anhia.
- 7 Ō Yiang Sursĩ ơi! Sếq anhia yõn ốc ayooq õt cốp hếq mantái níc.
Cốp sếq anhia chuai amoong hếq nừng.
- 8 Sanua cừq ẽ tamúng máh san-toiq Yiang Sursĩ atõng,
Ncháu khoiq ữq yõn ốc ien khể pỡ proai án, la máh cũai sa-âm án.
Ma cốp alói chõi pích loah chu ngê sacũl.
- 9 Lứq samoât anhia khoiq thrũan đõq ốc tamoong yõn cũai yám noap anhia.
Cốp têq hếq hữm chóc ang-ữr tể anhia tâng cruang cutêq hếq.

- 10 Ốc ayooq anhia ramóh parnơi cốp ốc sa-âm tể tốp I-sarel.
Ốc tanoang o tốp I-sarel cõt ratoi cốp ốc ien khể ca anhia yõn alói.
- 11 Nãi la samoât ốc sa-âm tể cũai I-sarel suol achõn tể cốc cutêq nãi,
cốp ốc tanoang o tể Yiang Sursĩ tapoang asẽng tể paloõng.
- 12 Lứq samoât ngkíq, Yiang Sursĩ yõn hếq bữn ống ốc o sâng,
cốp cutêq hếq têq amia sarnóh sarbõng sa-ữi lứq.
- 13 Ốc tanoang o pỡq nhũang Yiang Sursĩ, đõq cháh rana yõn án pỡq.

86

*Ốc Câu Sếq Chuai**

- 1 Ō Yiang Sursĩ ơi! Sếq anhia pachêng cutừ,
tamúng cốp roap ít ốc cừq câu sếq,
yuaq cừq ramóh ốc tõi q bap cốp ốq lứq.
- 2 Sếq anhia chuai cừq yõn vót tể cuchít,
yuaq cừq puai ống ngê anhia sâng.
Anhia la Yiang Sursĩ cừq.
Cừq sếq anhia chuai amoong cừq,
yuaq cừq táq ranáq anhia cốp sa-âm anhiạ.
- 3 Ō Ncháu ơi! Sếq anhia sarũiq táq cừq,
yuaq cừq câu sếq tể anhia nheq tangái.
- 4 Sếq yõn mút pahõm cừq, la cũai táq ranáq anhia,
sâng bũi hỡr, yuaq cừq chiau mút pahõm cừq pỡ Ncháu.
- 5 Ō Ncháu ơi! Anhia la o la-õq cốp táh lôih yõn máh cũai.
Anhia ayooq lứq máh cũai câu sếq chu anhia.

* 86: 86:0 Santoiq tể Davĩt câu sếq.

- 6 Ớ Yiang Sursĩ ơi! Sễq anhia pachêng cutũr, tamúng satoioq cứq câu sễq tễ anhia.
Sễq anhia tamúng satoioq cứq cuclỏiq cucling.
- 7 Tâng tangái túh arúc cứq arô níc anhia,
yuaq anhia ta-õi sường san-toiq cứq câu sễq.
- 8 Ớ Ncháu ơi! Lứq tõ bữn yiang aléq ma ariang anhia.
Cóp tõ bữn ranáq ntróu ma ãn ranáq anhia.
- 9 Nỡ-ra, nheq tũh cruang cũai ca anhia khoiq tễng,
lứq alói toâq sang toam choâng moat anhia, cóp khẽn ramứh anhia.
- 10 Yuaq anhia la sốt toâr lứq, cóp táq sa-ũĩ ranáq salễh,
ống manoaq anhia toáp la Yiang Sursĩ.
- 11 Ớ Yiang Sursĩ ơi! Sễq anhia ariên cứq tễ ranáq anhia yoc cứq táq,
khẽ cứq táq puai máh ọc p̣ieiq níc tễ anhia.
Sễq anhia táq yỗn mút pahỡm cứq dáng yám noap ramứh anhia.
- 12 Ớ Yiang Sursĩ la Ncháu cứq ơi!
Cứq khẽn cóp sa-ỡn anhia nheq tễ mút pahỡm.
Cóp cứq pỡq pau atỡng tễ ramứh sốt toâr anhia tái-mantái.
- 13 Anhia ayooq cứq la-ỡq lứq!
Anhia khoiq chuai cứq yỗn vót tễ ọc cuchĩt.
- 14 Ớ Yiang Sursĩ ơi! Bữn cũai achôn tễ bữm yuor tayúng tễ chíl cứq.

- Cóp máh cũai pla chuaq rana tễ cachĩt cứq.
Alói tõ bữn chanchóm ntróu tễ anhia.
- 15 Ma anhia, Ncháu ơi! Anhia la Yiang Sursĩ bữn mút sarũiq cóp ayooq níc.
Anhia bữn mút laviei, cóp bữn moang ọc ayooq cóp ọc p̣ieiq.
- 16 Sễq anhia nhêng salĩq cứq, cóp sarũiq táq cứq nửng.
Sễq anhia yỗn cứq, la cũai táq ranáq anhia, bữn bán rêng;
cóp sễq anhia chuai amoong cứq,
yuaq cứq táq ranáq anhia machống mpiq cứq khoiq táq tễ nhũang chơ.
- 17 Ớ Yiang Sursĩ ơi! Sễq anhia yỗn cứq bữn muoi tếc la anhia táq o chók cứq.
Ngkĩq nõq máh alói ca kêt cứq bữn hữm tếc ki,
chơ alói sâng casiet toâq alói hữm anhia chuai cóp aliam cứq.

87

*Satoioq Khẽn Vil Si-ôn**

- 1 Yiang Sursĩ khoiq ayúng vil án tâng cóh Si-ôn la cóh miar khong án.
- 2 Yiang Sursĩ ayooq vil Si-ôn clũĩ nheq tễ ntốq canõh tâng cruang I-sarel.
- 3 Yiang Sursĩ atỡng ramứh o tễ anhia ca ốt tâng vil án neq:
- 4 "Toâq cứq chĩc đõq máh ramứh cũai trĩh cứq,
lứq cứq chĩc đễh ramứh cũai tâng máh cruang Ê-yip-tô,†
Ba-bulôn, Phi-li-tin, Ti-rơ,
cóp Ê-thia-bi.
Cứq noap máh cũai ki samoât riang alói canõt tâng vil Si-ôn tề."

* 87: 87:0 Cansái ùat tễ tốp con samiang Cờ-ra. Vil Yaru-salem noau đõq Vil Si-ôn hỡ.

† 87:4 87:4 Tâng parnai Hê-bơ noau chĩc 'cruang Rahap' ma ramứh 'Rahap' sacâm tễ cruang Ê-yip-tô.

5 Cóp bữn noau pai tẽ vil Si-ôn neq: “Cũai tẽ dĩ cruang la samoât alóỉ canõt tâng vil ki tẽ.
Cóp Yiang Sursĩ Sốt Toâr Lứq bán kĩaq alóỉ tâng vil ki.”

6 Toâq Yiang Sursĩ chĩc đõq ramứh dĩ nác cũai, ki án chĩc neq: “Đếh máh cũai nâi la khoiқ canõt tâng vil Si-ôn tẽ.”

7 Ngkíq alóỉ ũat cóp puan sarai, đếh pai neq: “Tâng vil Si-ôn nâi, hếq bữn ốc bốn puan.”

88

*Sếq Yỗn Chuai Amoong Tẽ Ốc Cuchĩt**

1 Ơ Ncháu ơỉ! Anhia la Yiang Sursĩ ca chuai amoong cứq.
Nheq tangái sadâu cứq ỡt rasếq rasuong níc chóq anhia.
2 Yỗn máh santoiq cứq sếq toâq pỡ anhia.
Sếq anhia pachêng cutừ tamứng nứng santoiq cứq câu sếq anhia chuai.

3 Mứt pahỡm cứq bủl ốc túh arức, ngkíq đõỉ tamoong cứq khoiқ cheq ể cuchĩt chỡ.

4 Noau noap cứq amut tâng máh cũai cheq ể cuchĩt.
Cứq cõt samoât cũai ốq rêng.

5 Ariang noau đõq cứq tâng mpứng dĩ cũai khoiқ cuchĩt, ariang cứq bếq tâng ping cumuiq cóp anhia tỡ bữn sanhữ noâng, cóp yờng lứq tẽ anhia tẽq chuai.

6 Anhia khoiқ achủh cứq tâng nốq yarũ,

cóp đõq cứq tâng nốq cũai cuchĩt ỡt.

7 Ốc cutâu mứt tẽ anhia cõt samoât cớng nằng lứq catết cứq, ariang đõq lampóh calứp nheq tỡ cứq.

8 Anhia táq yỗn máh yớu ratoi lứq cóp cứq, táh chíq cứq, yuaq alóỉ tỡ ểq hữm noâng cứq.
Samoât cứq ỡt tâng cuaq tũ, tỡ tẽq loỏh noâng.

9 Moat cứq cõt sỡm, cỗ tian ốc túh nguạ.

Ơ Yiang Sursĩ ơỉ! Cứq sacỡ aỉ achỗn cu rangái bo cứq câu sếq tẽ anhia.

10 Anhia apáh chớc salễh anhia yỗn cũai cuchĩt hữm tỡ?
Tẽq cũai cuchĩt yuor tayứng khẽn anhia tỡ?

11 Tẽq alóỉ ca ỡt tâng ping cumuiq pỡq atỡng tẽ ốc anhia ay-ooq mantái níc tỡ?
Tâng nốq nsóq abuoỉq, noau noâq tẽq atỡng tẽ anhia la tanoang tapứng?

12 Noau noâq tẽq dáng tẽ ranáq salễh anhia tâng nốq canám ki?

Alóỉ ca ỡt tâng nốq ki tỡ bữn noau sanhữ noâng, tẽq pỡq atỡng tẽ ranáq tanoang o anhia tỡ?

13 Ma cứq, ki cứq arỏ sếq anhia chuai, Yiang Sursĩ ơỉ.
Cu tarup cứq câu sếq tẽ anhia.

14 Ơ Yiang Sursĩ ơỉ! Cỗ nốq anhia táh cứq?
Yuaq nốq anhia nguai chíq tẽ cứq?

* 88: 88:0 Cansái ũat tẽ Hê-man, tốp Ê-tra; cóp cansái ũat tẽ tốp con samiang Cỏ-ra. Yỗn án ca sốt tốp sường ũat.

- 15 Tễ bo cứq noâng póng, cứq khoiq chiũq túh arúc cốp cheq ẽ cuchit.
 Cứq khoiq chiũq tanhĩr ốc croõq tễ anhia,
 ngkĩq sanua cứq chanchóm ntróu la tở loõh noâng.
- 16 Ốc anhia cutâu mút tĩn sarúq cứq.
 Ốc croõq tễ anhia khoiq pupút chíq cứq.
- 17 Nheq sadâu tangái ốc croõq ki ốt sarlũm pĩal cứq,
 cõt samoât đởq lut nheq mpễr cứq.
- 18 Anhia khoiq táq yõn máh cũai cứq ayooq cốp yếu ratoi lứq cốp cứq ốt yong tễ cứq.
 Dũ nốq cứq pởq, ki bữn ống ốc canám sâng.

89

*Ốc Yiang Sursĩ Par-ũq Cốp Davit**

- 1 Ớ Yiang Sursĩ ơi! Cứq yoc ùat khên tễ ốc ayooq anhia mantái níc.
 Cứq yoc lứq pau atõng tễ ốc pĩeiq níc tễ anhia tâng đỏi tamoong cứq,
 yõn ranáq anhia parchia dũ đỏi chumát.
- 2 Cứq pai ốc ayooq tễ anhia ốt mantái níc,
 cốp ốc pĩeiq tễ anhia la khâm samoât riang paloõng.
- 3 Anhia khoiq pai neq: “Cứq khoiq parkhán cốp Davit, án ca táq ranáq cứq.
 Án la manoaq cũai cứq ruoh.
- 4 Cứq khoiq par-ũq cốp án neq:
 ‘Cứq ẽ táq yõn tống toiq mới bữn cõt puo mantái níc,
 đởq pláih loah mới tâng dũ đỏi cũai.’ ”

- 5 Ớ Yiang Sursĩ ơi! Alói ca ốt tâng paloõng, bữn khên ranáq salễh anhia.
 Toãq ranẽng anhia rôm parnoi tâng ki,
 lứq alói khên ốc pĩeiq anhia.
- 6 Tở bữn noau tâng paloõng ỉn Yiang Sursĩ.
 Lứq tở bữn noau tâng ki tẽq tarlí cốp anhia.
- 7 Tỏp ranẽng rôm tâng paloõng la ngcõh lứq anhia, Yiang Sursĩ ơi.
 Alói ngcõh anhia clũi tễ nheq tễ canõh.
- 8 Ớ Yiang Sursĩ la Ncháu ca Sốt Toar Lứq ơi!
 Lứq tở bữn noau bữn chóc toar ỉn anhia bữn.
 Yiang Sursĩ ơi! Dũ ranáq anhia táq la pĩeiq lứq.
- 9 Anhia toãp sốt đởq mút ca canoãq hập.
 Toãq đởq lampóh satũol rêng, ki anhia táq yõn cõt laviei tangút loah.
- 10 Anhia khoiq tĩn sarúq cốp cachit ngược tuang, ramứh Rahap.
 Nho tễ chóc bán rêng anhia, ki anhia khoiq chíl riap máh cũai kêt anhia.
- 11 Paloõng cốp cốc cutểq nái la anhia toãp ndõm.
 Anhia khoiq tểng cốc cutểq cốp dũ ramứh ca ốt tâng ki.
- 12 Anhia khoiq tểng angia pởng cốp angia pũn.
 Cóh Tabor cốp cóh Her-môn la samoât án ùat bũi óh đởq khên ramứh anhia.
- 13 Anhia bữn chóc toar lứq!
 Cốp bán rêng anhia la toar lứq tẽ!
- 14 Anhia cõt sốt dũ ramứh, nho tễ ốc tanoang cốp ốc rablớh pĩeiq lứq.

* 89: 89:0 Cansái ùat tễ E-than, tốp Ê-tra.

- Cóp tâng dũ ranáq anhia táq,
ki anhia apáh ốc ayooq cóp
ốc p̄ieiq.
- 15 Bồn lứq alóí ca dáng ũat khẽn
anhia,
cóp alóí ca ốt tâng ốc poang tẽ
anhia claq, Yiang Sursĩ ơi.
- 16 Nơ tẽ anhia, ngkíq alóí sâng
bũ pahõm nheq tangái,
cóp alóí khẽn anhia, yuaq
anhia la tanoang o.
- 17 Nơ tẽ chóc anhia, ngkíq anhia
yõn hếq chí riap.
Cóp nơ tẽ ốc ayooq anhia
hếq bữ riap.
- 18 Ơ Yiang Sursĩ ơi! Anhia la Yiang
bráh o lứq,
cóp lứq p̄ieiq tốp I-sarel sang
anhia.
Anhia khoiq yõn hếq bữ puo
đốq catáng ra-óq hếq.
- 19 Bo ki, anhia atõng cūai tang bõq
anhia na parnáu mpáu neq:
“Cứq khoiq chuai manoaq
tahan ca bữ ramứh ra-
noâng.
Cứq khoiq achõn manoaq
cūai póng tẽ cūai proai yõn
cốt puo.
- 20 Cứq khoiq rườ Davĩt, án ca táq
ranáq cứq,
cóp cứq chớ án yõn cốt puo,
na táq tếc tồh đớq phuom
tâng plờ án.
- 21 Aĩ cứq toập lứq chuai án
mantái níc,
cóp chóc cứq ẽ chuai án yõn
bữ rêng.
- 22 Cūai par-ũal án, lứq alóí tở nai
chí riap án.
Cóp cūai loai tở têq padâm án
ntróu.
- 23 Máh cūai chí án,
lứq cứq pupút nheq alóí yáng
moat án toập.
Cóp cứq cachĩt nheq máh
cūai kêt án.
- 24 Cứq ayooq níc án,
chơ án têq sa-âm cứq samoât
samoĩ.
Nơ tẽ cứq ốt cóp án,
ngkíq chóc án cõt toâr achõn
ẽn.
- 25 Cứq chiau yõn án ndõm cruang
la-a lứq, noap tẽ đớq mut
Mê-di-tariã
toau toãq crõng Ơ-phơ-rat.
- 26 Ngkíq Davĩt pai chóc cứq neq:
'Anhia la Mpoaq cứq, cóp
Yiang Sursĩ cứq.
Anhia bán kĩaq cóp chuai
amoong cứq.'
- 27 Chơ cứq đốq án la con clúng
cứq,
cóp yõn án cõt puo toâr clũ
nheq tẽ puo canõh tâng cõc
cutẽq nãi.
- 28 Cứq ayooq án níc,
cóp santoiq cứq par-ũq cóp
án tở nai pút.
- 29 Máh tống toiq án lứq bữ níc;
tangái léq ma noâng bữ
paloõng,
tống toiq án lứq noâng cõt níc
puo.
- 30 “Khân con châu án tở bữ táq
puai máh phếp rit cứq,
cóp tở bữ táq puai máh ốc
cứq ỏn;
- 31 cóp khân alóí clốq táq níc lờih
chóq phếp rit cứq,
cóp tở bữ yống máh ốc cứq
patâp;
- 32 khân alóí táq ngkíq, cứq ẽ toân
cóp manrap alóí, cõ tian
lờih alóí táq.
- 33 Ma cứq tở bữ ít loah ốc ayooq
tẽ Davĩt,
cóp cứq tở bữ calõih táh
máh ốc cứq khoiq ữq cóp
án.
- 34 Cứq tở bữ táq plĩn santoiq tẽ
máh ốc cứq parkhán cóp
án.
Cóp santoiq ca khoiq loãh tẽ
bõq cứq, lứq tở nai cõt
ralêq.

35 Cúq khoiq ừq nhơ ramứh cúq.
 Chơ cúq lứq táq machớng cúq
 ừq, yuaq cúq la Yiang Sursĩ.
 Cúq tở nai pai lauq chỏq
 Davĩt.

36 Ma tống toiq án noâng bữn níc,
 tangái léq moat mandang
 noâng claq,
 tangái ki tống toiq án noâng
 cớt níc puo.

37 Cruang ki noâng ớt mantái níc.
 Rliang casai la tếc yỗn noau
 tềq sanhữ níc tề máh ớc cúq
 khoiq ừq chơ.”

38 Ma Yiang Sursĩ ơi, anhia khoiq
 nhộp án ca anhia rươh yỗn
 cớt puo.
 Anhia khoiq táh cớp tở bữn
 noap noâng án.

39 Anhia khoiq táh nheq chơ máh
 ớc anhia parkhán cớp án, la
 cũai táq ranáq anhia.
 Anhia khoiq voang vuam án
 tâng cutềq.

40 Anhia khoiq talốh máh viang
 caruang vil án.
 Cớp anhia khoiq táq yỗn
 ntốq campáng khong án cớt
 ralốh nheq chơ.

41 Máh cũai pờq pha, alóí tuiq ít
 nheq cớng án,
 cớp tộp ca ớt mpễr vil án,
 cacháng ayê án.

42 Anhia khoiq yỗn alóí chíl riap
 án.
 Anhia táq yỗn máh cũai kêt
 án sâng bũi pahỗm.

43 Anhia khoiq táq yỗn cớng
 chơac án tở bữn cớt kia
 noâng,
 cớp bo án rachíl, anhia tở bữn
 chuai noâng án.

44 Anhia khoiq pupút chớc án cớt
 puo.
 Cớp anhia khoiq cutól án
 asềng tề cachơng puo đốq
 tacu.

45 Anhia khoiq táq yỗn án cớt
 thâu,
 ma tở yũah ngư án thâu.
 Cớp anhia khoiq táq yỗn án
 ramóh ớc casiet lứq.

46 Ơ Yiang Sursĩ ơi! Noâng dũn
 maléq anhia ớt tooq?
 Noâng dũn maléq anhia sâng
 cutâu mút chỏq cúq samoát
 ũih blữ?

47 Sểq anhia chanchóm loah tề dỡi
 tamoong cúq la cakéh.
 Sểq anhia sanhữ, anhia khoiq
 tềng cũai yỗn tamoong,
 ma cháí lứq alóí cuchĩt.

48 Noau tềq tamoong, ma tở nai
 cuchĩt?
 Cớp noau tềq chuai amoong
 dỡi án bữm tề ớc cuchĩt?

49 Ơ Ncháu ơi! Ntróu anhia
 tềq apáh yỗn hếq dáng
 anhia noâng ayooq hếq,
 machớng tề nhũang?
 Cớp nỏq tềq hếq dáng anhia
 noâng yỗng níc máh ớc an-
 hia par-ừq cớp Davĩt?

50 Ơ Ncháu ơi! Chỗi khlĩr cúq,
 cũai táq ranáq anhia, ca
 chũuq noau ayê ra-ac níc.
 Lứq cúq chũuq cớp cayóm
 đờq tâng mút pahỗm máh
 ớc noau pupap cúq.

51 Ơ Yiang Sursĩ ơi! Alóí ca tở ểq
 sa-âm anhia,
 alóí ayê ra-ac níc án ca anhia
 khoiq rươh yỗn cớt puo.
 Ntốq léq án pờq, lứq alóí ayê
 ra-ac án ntốq ki.

52 Lứq khẽn Yiang Sursĩ mantái
 níc. Amen! Amen!

Pún Pồn

90

*Santoiq Mòi-se Câu**

* 90: 90:0 Ốc Mòi-se câu. Án la cũai khong Yiang Sursĩ.

- 1 O Ncháu ơi! Tẽ dơi nài toau toâq dơi ki,
dũ dơi cũai, lứq hếq poâng níc anhia.
- 2 Nhũang máh cóh tỡ yũah bữn, cóp nhũang anhia tỡ yũah tẽng cốc cutẽq nài,
tẽ dâu lứq cóp toau toâq parsót, anhia la lứq Yiang Sursĩ.
- 3 Anhia ón máh cũai cõt loah tâng cloong cutẽq.
Cỗ anhia khoiq tẽng alóí tẽ cutẽq,
ngkíq alóí cóq chu loah pỡ cutẽq.
- 4 Muoi ngin cumo yáng moat anhia la samoât riang muoi tangái tâng dơi nài.
Ma muoi ngin cumo ki la ariang noau bếq muoi sartâp tâng sadâu sâng.
- 5 Anhia yỗn cũai tamoong mahỏi sâng, samoât riang noau rláu mpáu bo bếq.
Cóp cũai la samoât riang bát dách tâng poang tarựp.
- 6 Lứq pai bát ki dách cháí lứq tâng tarựp cóp cõt piar,
ma toâq tabữ, án saroi cóp sangot khỗ.†
- 7 Ốc anhia cutâu mút táq yỗn hếq cõt ngcõh,
cóp táq yỗn hếq pút mút tháng.
- 8 Anhia đợc lờih hếq choâng moat anhia toâp,
cóp hếq tỡ tẻq cutooq máh ốc lờih tẽ anhia yỗn clỡp.
- 9 Dơi tamoong hếq cõt cakéh lứq cỗ tian anhia cutâu mút.
Dơi tamoong ki ốt mahỏi sâng, samoât riang hếq cusỏh tangứh muoi taláp.
- 10 Anhúq hếq bữn tapul chít cumo, ma khân bán rêng,
ki anhúq hếq bữn tacual chít cumo.
Ma sỏt anhúq hếq, ki ramóh moang ốc túh arức cóp ngua ngiep,
yuaq dơi tamoong hếq vớ cháí lứq, chớ hếq cuchít.
- 11 Noau tẻq dách tẽ mút cutâu anhia, la ntâng máh lẻq?
Ốc cutâu ki táq yỗn cũai sâng ngcõh cóp yám noap anhia.
- 12 Sẻq anhia arĩen hếq yỗn dách ngih tangái hếq noâng bữn tamoong,
yỗn hếq tẻq bữn mút pahỡm roan rangoaiq tẽ anhia.
- 13 O Yiang Sursĩ ơi! Noâng malẻq dũn anhia nhỏp hếq?
Sẻq anhia sarủiq táq chỏq máh cũai táq ranáq anhia.
- 14 Cu tarựp sẻq anhia yỗn hếq bữn roap ốc ayooq tẽ anhia,
ki tũiq anhúq hếq bữn ũat khẽn bũi óh níc.
- 15 Sẻq anhia yỗn hếq bữn tangái bũi hỡr li cóp tangái anhia khoiq yỗn hếq ramóh túh coat,
cóp li cóp máh cumo hếq khoiq chũuq túh arức.
- 16 Sẻq anhia yỗn hếq ca táq ranáq anhia, cóp nheq con châu hếq
bữn hữm máh ranáq anhia khoiq táq, la cỗ nhớ chớc toâr lứq anhia.
- 17 Sẻq Yiang Sursĩ, la Ncháu hếq, satỏh ốc bốn pỡ hếq,
cóp chuai tẽ máh ranáq atĩ hếq táq yỗn pân cõt níc.

91

Yiang Sursĩ Rabán Kĩaq

† 90:6 90:6 Rana 5 cóp 6 nài tỡ bữn raloaih tâng parnai Hẻ-brỏ.

- 1 Cũai aléq ma toâq poâng Yiang Sursĩ Sốt Toâr Lứq, cũai ki lứq bữn ớt ien khẻ tâng ntốq Yiang Sursĩ bán kĩaq.
- 2 Cũai ki pai chốq Yiang Sursĩ neq: “Anhia rabán kĩaq cứq. Anhia la Yiang Sursĩ ca cứq sa-âm nheq mút pahôm.”
- 3 Lứq án rabán kĩaq mới yỗn vót tẻ ốc túh coat ca mới tở bữn dãng, cớp tẻ a-ĩ tacóh ntâng lứq tềq cachĩt mới.
- 4 Lứq án ra-óq mới samoât riang ntruoi ra-óq con án yỗn ớt ien khẻ nhựp khlap. Ốc tanoang tapứng tẻ án la samoât khẻl cớp samoât cớng campáng yỗn mới.
- 5 Ngkíq mới tở bữn ngcõh ramóh croốq noâng toâq sadâu, tở la saráh tamíang sạpâr tâng tangái.
- 6 Cớp tở bữn ngcõh noâng ốc a-ĩ ca toâq bo canám, tở la ốc cuchĩt ca ể pupứt tâng tangái.
- 7 Bữn muoi ngin náq dóm cuchĩt cheq mới, cớp muoi chít ngin náq dóm cuchĩt mpẻr mới, ma ốc cuchĩt ki tở tềq toâq pở mới.
- 8 Ma mới lứq bữn nhêng cớp hữm Yiang Sursĩ culáh cớng chốq cũai lồi.
- 9 Yuaq mới khoi q bữn Yiang Sursĩ sốt clũi nheq tẻ canõh cõt ntốq campáng mới,
- 10 ngkíq ốc túh coat tở tềq toâq cheq mới, cớp tở bữn bữn ốc a-ĩ tacóh tềq toâq cheq ntốq mới ớt.

- 11 Yiang Sursĩ lứq ớn máh ranềng án tẻ paloống toâq bán kĩaq níc mới.
- 12 Cớp alóit lứq dở mới toâq aĩ alóit, tở yỗn ayừng mới cõt bớc chũl ntróu tâng tamáu.
- 13 Ma mới lứq bữn tĩn máh plở cula samín cớp plở cusân tur. Cớp mới bữn tĩn cula samín pla lứq, tĩn dẻh ngược tuang hỡ.
- 14 Yiang Sursĩ pai neq: “Cứq lứq chuai amoong án ca ayooq cứq. Cứq lứq bán kĩaq án ca yám noap ramứh cứq.
- 15 Toâq án arô, cứq lứq ta-õi án. Toâq án ramóh túh coat, cứq lứq ớt parnoi cớp án. Cứq yỗn án bữn vót tẻ ốc cuchĩt, cớp cứq achưng alur án.
- 16 Cứq táq yỗn án sâng tanga pahôm, cở án bữn tamoong dũn, cớp cứq lứq chuai amoong án.”

92

*Cansái Ūat Khẽn**

- 1 Ở Yiang Sursĩ sốt clũi nheq tẻ canõh ơi! Lứq o yỗn hẻq sa-õn anhia! Crái lứq yỗn máh cũai ūat khẻn ramứh anhia.
- 2 Dũ tarup pau atống tẻ ốc anhia ayooq mantái níc, cớp dũ sadâu pau atống tẻ anhia la Yiang tanoang tapứng lứq.
- 3 Noau tapáih cớng lampõiq, bot trua muoi chít cansái, cớp bữn dẻh sường achúng hỡ.
- 4 Ở Yiang Sursĩ ơi! Anhia yỗn cứq sâng bũi o cở nhỡ tẻ ranáq anhia táq.

* 92: 92:0 Cansái ūat yỗn Tangái Rlu.

Nhơ tẽ ranáq ki, cứq ũat bũi óh lứq.

- 5 O' Yiang Sursĩ ơi! Ranáq anhia táq la toâr lứq!
Cóp máh sarnóm anhia chanchóm la yarũ lứq!
- 6 Máh cũai sacũl tở bữn sapúh ntróu,
cóp cũai óq sarnóm tở bữn dáng tẽ ranáq nài:
- 7 lứq pai cũai loài dát sa-ũi samoât bát,
cóp cũai táq sáuq cõt sớt bữn, ma chumát nheq náq alới cóq cuchĩt pút,
- 8 yuaq anhia la Yiang Sursĩ ca sớt dũ náq cũai mantái níc.
- 9 Lứq samoât, Yiang Sursĩ ơi,
cũai aléq ma kêt anhia, án cóq cuchĩt pút.
Cũai loài cóq plách chap chu dũ ntốq.
- 10 Anhia khoi q yỗn cứq bữn rêng samoât sangũr.
Cỗ anhia khoi q yỗn cứq roap óc bốn, ngki q cứq sâng bũi lứq.
- 11 Moat cứq khoi q hữm máh cũai ẽ cachĩt cứq, cõt pê.
Cóp cutũr cứq khoi q sâng sường cũai loài nhiam cucloĩq, la alới ca ẽ táq cứq.
- 12 Cũai tanoang o ki toâr achõn samoât nỡm tarẽc,
tở la samoât nỡm aluang sê-da tâng cóh Lê-banôn.
- 13 Cũai ki la samoât aluang noau chóch đờq tâng đống sang Yiang Sursĩ.
Aluang ki toâr achõn tâng Đống Sang Toâr Yiang Sursĩ hái.
- 14 Toâq án cương la noâng án cõt palài,
cóp sala án la ramoong o níc.
- 15 Ranáq nài apáh tẽ ngê Yiang Sursĩ la lứq p̄ieiq.

Án bán kĩaq níc cứq,
cóp án tở bữn bữn ngê tở o.

93

Yiang Sursĩ La Puo

- 1 Yiang Sursĩ lứq cõt Puo.
Án tâc tampác samoât riang puo tâc, cóp án bữn chóc khâm lứq.
Ngki q cóc cutẽq nài cõt pacái cớt tở bữn rasi c.
- 2 Ntốq anhia tacu cõt sớt khoi q bữn tẽ dâu lứq chơ.
Anhia khoi q ốt nhũang tẽ tở yũah bữn muoi ramũh ntróu.
- 3 O' Yiang Sursĩ ơi! Dỡq mut lampóh satũol achõn.
Bữn sường hỏ tẽ dỡq lampóh ki roâm-rlúc thág.
- 4 Ma Yiang Sursĩ ca ốt tâng paloõng, án bữn chóc sớt toâr lứq;
án rêng hỡn tẽ hỏ dỡq toâr cóp hỏ dỡq raloâm.
- 5 O' Yiang Sursĩ ơi! Phễp rit anhia tở nai raléq.
Đống Sang Toâr la ntốq anhia ốt lứq bữn mantái níc.

94

Yiang Sursĩ Rablớh Dũ Náq Cũai

- 1 Ncháu ơi! Anhia la Yiang Sursĩ carláh đờq.
Sẽq anhia apáh mút cutâu toâq anhia carláh đờq.
- 2 Anhia la án ca rablớh dũ náq cũai.
Sẽq anhia yuor tayúng cóp culáh cóng chóc máh cũai achõn tở.
- 3 Noâng máh léq dũn máh cũai loài ốt bũi óh?
Noâng máh léq dũn, Yiang Sursĩ ơi?
- 4 Noâng dũn máh léq cũai loài achõn tở,

- cóp alóí khễn tễ ranáq sâuq alóí?
- 5 Alóí khoiḡ tĩn sarúq cūai proai anhia, Yiang Sursĩ ơi.
Alóí padâm cūai anhia.
- 6 Alóí cachĩt máh cán cumai, con cumuiḡ, cóp cūai miar cruang hỡ.
- 7 Alóí pai neḡ: “Yiang Sursĩ tỡ bữn hữm tốp hái mỗ.
Yiang Sursĩ cūai I-sarel sang tỡ bữn noap hái mỗ.”
- 8 Máh yóu cứḡ ơi! Nốḡ anhia sacũl níc nneḡ?
Noàng máh léḡ dũn nốḡ anhia rien cõt cūai rangoiḡ?
- 9 Yiang Sursĩ khoiḡ tễng cutũr, nốḡ án tỡ bữn sâng tỡ?
- Án tễng moat,
nốḡ án tỡ bữn hữm tỡ?
- 10 Án ca manrap dũ cruang tâng cutễḡ nâi,
nốḡ anhia chanchóm án tỡ bữn manrap máh cūai sốt tâng cruang hái tỡ?
- Án arĩen dũ náq cūai,
nốḡ án tỡ bữn dáng ntróu loàng tỡ?
- 11 Lứḡ Yiang Sursĩ dáng máh sarnóm cūai chanchóm la tỡ bữn khlữr ntróu.
- 12 Ở Yiang Sursĩ ơi! Cūai anhia arĩen ki, alóí bữn ốc bốn sa-ũĩ.
Alóí la cūai anhia atõng tễ phễ rit anhia.
- 13 Anhia yõn alóí bữn rlu tễ ốc túc coat máh cūai loai táq alóí, toau toâq anhia píḡ prúng to yõn cūai loai sapũl.
- 14 Lứḡ Yiang Sursĩ tỡ nai táh máh proai án,
cóp án tỡ bữn táh máh cūai khong án.
- 15 Nỡ-ra, cūai parchĩn,
lứḡ alóí parchĩn p̄ieiq ẽn,

- cóp nheḡ tữh cūai tanoang o, lứḡ pruam cóp alóí ki tễ.
- 16 Tỡ bữn noau rapai chuai bo cūai loai tểḡ cứḡ.
Cóp tỡ bữn noau ốt coah cứḡ bo cūai sâuq apót cứḡ.
- 17 Khân Yiang Sursĩ ma tỡ bữn loâp chuai,
ki sanua cứḡ lứḡ ốt pỡ ntốḡ cūai cuchĩt ốt.
- 18 Bo cứḡ arô neḡ: “Ayũng cứḡ salaiḡ cóp dõm!”
ngkiḡ ốc ayooḡ tễ Yiang Sursĩ tểc ayũng cứḡ.
- 19 Toâq sarnóm cứḡ sâng túh arũc,
ki Yiang Sursĩ toâq aliam cứḡ yõn sâng bũi óh loah.
- 20 Anhia tỡ bữn pruam cóp cūai parchĩn parnai chõng cha,
alóí ca parchĩn tỡ bữn p̄ieiq puai phễ rit.
- 21 Alóí sarhõng ẽ cauḡ cūai tanoang o,
cóp alóí anoat cūai ốḡ ốc lóih cóḡ cuchĩt.
- 22 Ma Yiang Sursĩ catáng curiaḡ cứḡ cu rangái,
cóp Yiang Sursĩ la ntốḡ poàng đõḡ bán kĩaḡ cứḡ níc.
- 23 Án carláh đõḡ chóḡ alóí la cõ tian alóí táq lóih,
cóp án pupũt alóí la cõ tian ốc loai alóí.
Yiang Sursĩ la lứḡ Ncháu hái, án toâp pupũt tốp alóí.

95

Cansái Ūat Khễn Cóp Sang Toam

- 1 Âu toâḡ! Cóḡ hái toâḡ ūat khễn Yiang Sursĩ!
Cóḡ hái sabau arô Yiang Sursĩ bũi ỡn lứḡ,
án ca chuai amoong cóp bán kĩaḡ hái!

- 2 Cóg hái toâq rôm choâng moat án, đởq sa-ởn cớp khẽn án na cansái ũat,
- 3 yuaq Yiang Sursĩ la Yiang sớt toâr lứq.
 Án la Puo toâr clũi nheq tễ yiang canỏh.
- 4 Án sớt nheq cớc cutễq nài, tễ ntốq yarũ lứq toau toâq anũol cóh ca sarỏih lứq.
- 5 Án sớt đởq mựt, yuaq án toâp tễng.
 Cớp án sớt cớc cutễq án khoiq tễng hỡ.
- 6 Âu toâq! Cóg hái toâq pũp crap, sacỏh racỏl sang toam choâng moat Yiang Sursĩ, án ca tễng hái.
- 7 Án la Yiang Sursĩ hái sang.
 Hái la proai án, proai ca án bán kĩaq.
 Hái la samoât cambláng cừu án đởq chừm siem.
- Tangái nài khần anhia tamứng parnai Yiang Sursĩ pai chỏq anhia,
- 8 anhia chỏi coang mút pahỏm samoât achúc achiac anhia táq tễ mbỏq
 tâng ntốq Mê-ri-ba, tở la tâng ntốq Masah pỡ ntốq aiq.
- 9 Tam alới khoiq hữm máh ranáq cứq chuai alới,
 ma alới noâng chim cứq níc bo ớt tâng ntốq ki.
- 10 Nheq pỏn chít cumo cứq sâng ũan lứq chỏq alới.
 Cứq pai neq: “Cũai ki tở ểq puai nghe cứq, cớp alới tở ểq tamứng ốc cứq patâp.”
- 11 Ngkíq yuaq cứq sâng cutâu mút lứq chỏq alới,
 cớp cứq thễ dũan neq: “Sớt đởi lỏi cumo,

cứq tở yỏn alới bữn mut tâng ntốq ien khễ cứq khoiq thừan đởq.”

96

Yiang Sursĩ La Puo Ca Sớt Clũi Tễ Canỏh

- 1 Cóg anhia ũat muoi cansái tamái ển, đởq khẽn Yiang Sursĩ.
 Ở máh cũai tâng cớc cutễq nài ời!
 Cóg anhia ũat khẽn ramứh Yiang Sursĩ.
- 2 Cóg anhia ũat khẽn Yiang Sursĩ.
 Cớp cu rangái cóg anhia atởng parnai o tễ án khoiq chuai amoong anhia.
- 3 Cóg anhia atởng tễ chớc ang-ữr Yiang Sursĩ yỏn dũ cruang dáng tễ,
 cớp atởng tễ máh ranáq salễh án khoiq táq yỏn dũ náq cũai dáng.
- 4 Yuaq Yiang Sursĩ la sớt lứq, p̃ieiq lứq cóg anhia khẽn án,
 cớp yám noap án clũi nheq tễ noau yám noap yiang canỏh.
- 5 Máh yiang cũai canỏh sang la ớng rup sâng.
 Ma Yiang Sursĩ khoiq tễng paloớng.
- 6 Mp̃er án bữn poang ang-ữr; noau yám noap lứq án, machớng noau yám noap puo tễ.
 Chớc án la toâr lứq; ntốq án ớt la nêuq o lứq.
- 7 Ở máh cũai tâng cớc cutễq nài ời!
 Cóg anhia khẽn Yiang Sursĩ.
 Cóg anhia khẽn Yiang Sursĩ ca bữn chớc ang-ữr cớp bán rêng lứq.
- 8 Cóg anhia khẽn ramứh Yiang Sursĩ Sớt Toâr Lứq

- na dũng crong chiau sang
tâng Dong Sang Toar.
- 9 Cóg pũp crap sang toam choang
moat án ca bũn chóc
ang-ũr.
- Ơ nheq tũh cũai tâng cốc cutẽq
nâi ơ!
Cóg anhia cangcoaih ngcõh
Yiang Sursĩ.
- 10 Cóg anhia atõng dũ cruang neq:
“Yiang Sursĩ la Puo sốt toar
lũq.
Án tẽng cốc cutẽq nâi khâm
lũq cốp tở yõn rasíc noang.
Nữ-ra, án rablõh pĩeiq lũq
yõn nheq tũh cũai.”
- 11 Ơ paloõng cutẽq ơ! Cóg anhia
sâng bũi óh!
Ơ dõq mứt cốp dũ ramũh charán
õt tâng ki ơ!
Cóg anhia hõ hũal khẽn Yiang
Sursĩ.
- 12 Ơ máh nia sarái cốp dũ ramũh
tâng ki ơ!
Cóg anhia sâng bũi óh.
Chơ máh aluang tâng sarúng
sariaq bũn ũat khẽn
choang moat Yiang Sursĩ tê,
- 13 yuaq án lũq toaq cõt sốt nheq
cốc cutẽq nâi.
Án sốt nheq tũh cũai na ố
pĩeiq cốp ố tanoang lũq.

97

Yiang Sursĩ Sốt Toar Lũq

- 1 Yiang Sursĩ la Puo! Cóg nheq
tũh cũai tâng cốc cutẽq nâi
sâng bũi óh.
Cốp cóg nheq tũh cũai tâng
cõn dõq mứt sâng bũi hõr
tê.
- 2 Bũn ramũl cốp canám õt mpẽr
Yiang Sursĩ.
Án sốt nheq tũh cũai na ố
pĩeiq cốp ố tanoang o.

- 3 Bũn ũih põq nhũang án, cốp ũih
ki ẽ cat taluam nheq cũai
kết án,
la alói ca õt mpẽr án tẽ dũ
angia.
- 4 Lalieiq tẽ án táq yõn poang tâng
dũ nốq.
Chũop cốc cutẽq nâi bũn hũm
ốc ki, chơ cõt cangcut nheq.
- 5 Choang moat Yiang Sursĩ bũn
cõh ralĩh ta-áh,
samoat tarang ramóh ũih blũ,
cõ Ncháu ca sốt dũ nốq tâng
cốc cutẽq nâi.
- 6 Paloõng pau pai án la lũq
tanoang o.
Dũ náq cũai bũn hũm án ca
bũn chóc toar lũq.
- 7 Dũ náq cũai ca cucõh sang rup ẽ
cõt casiet táq.
Cốp dũ yiang canõh cóg pũp
crap cucõh choang moat
Yiang Sursĩ.
- 8 Ơ Yiang Sursĩ ơ! Cũai tâng vil Si-
ôn, cốp cũai tâng vil canõh
tâng cruang Yuda,
nheq alói ki tamũng cốp sâng
bũi ỡn cõ tẽ anhia rablõh
pĩeiq lũq.
- 9 Ơ Yiang Sursĩ Sốt Toar Lũq ơ.
Anhia la sốt toar clũi nheq
tẽ canõh tâng cốc cutẽq nâi.
Anhia bũn chóc toar clũi
nheq tẽ yiang canõh.
- 10 Yiang Sursĩ ayooq cũai kết
ranáq sâuq.
Án bán kĩaq dõr tamoong cũai
sa-âm án.
Án chuai alói yõn vót tẽ chóc
cũai loai.
- 11 Ốc poang claq tâng cũai
tanoang o.
Chơ alói ca mantoat o sâng
bũi óh.
- 12 Anhia ca tanoang o, cốp õt bũi
óh níc,
cõ nhor tẽ dũ ramũh Yiang
Sursĩ khoiq táq yõn anhia.

Cóq anhia sanhữ tễ dĩ ranáq
 Yiang Sursĩ sôt toâr khoiq
 táq,
 cớp cóq anhia sa-õn án.

98

Yiang Sursĩ Sôt Nheq Cốc Cutẽq

*Nâi**

- 1 Cóq ũat cansái ũat tamái dõq
 khẽn Yiang Sursĩ, yuaq tễ
 ramứh hái sâng dớt, lứq án
 toạp táq.
 Cỗ như tễ chớc salễh cớp bán
 rêng án bữm,
 ngkíq án khoiq chíl riap máh
 cũai kệt án.
- 2 Yiang Sursĩ khoiq pau atõng tễ
 ốc chuai amoong
 yõn dĩ náq cũai tâng cốc
 cutẽq nâi dáng án lứq
 tanoang o.
- 3 Án khoiq par-ũq án lứq ayoog
 cớp táq p̄ieiq níc chỏq tốp
 I-sarel.
 Ngkíq dĩ náq cũai tâng cốc
 cutẽq nâi tẽq hữm Yiang
 Sursĩ hái chuai amoong
 cũai.
- 4 Cóq dĩ náq cũai tâng cốc cutẽq
 nâi ũat yõn bũ dĩ dõq sang
 toam Yiang Sursĩ.
 Cóq anhia ũat khẽn án cớp
 triau cupo yõn casang lứq.
- 5 Cóq anhia tapáih achúng cớp ũat
 cansái ũat khẽn sang toam
 Yiang Sursĩ.
- 6 Plóng lavia cớp plóng pĩ, dếh
 triau cupo yõn casang lứq
 dõq sang toam Yiang Sursĩ
 la Puo hái.
- 7 Cóq dõq mụt cớp dĩ ramứh tâng
 ki hũal sường tẽ.
 Cóq cốc cutẽq nâi cớp dĩ náq
 cũai ũat bũi óh.
- 8 O máh dõq hoi ời! Cóq an-
 hia hõ samoât riang sường
 tambrõp atĩ.

Máh cóh king la cóq ũat bũi
 óh tẽ.
 9 Cóq alóĩ ũat khẽn choâng moat
 Yiang Sursĩ,
 yuaq án toâq cõt sôt nheq cốc
 cutẽq nâi.

Án sôt lứq p̄ieiq cớp tanoang o
 chỏq dĩ náq cũai.

99

*Yiang Sursĩ La Puo Toâr Clũĩ Tễ
 Canõh*

- 1 Yiang Sursĩ la Puo, ngkíq máh
 cũai cangcoaih ngcõh án.
 Án tacu tâng cachơng tacu
 p̄õng acán chẽ-rup,
 ngkíq cốc cutẽq nâi cõt
 cangcut ngcõh.
- 2 Yiang Sursĩ la sôt toâr lứq tâng
 vil Si-õn.
 Án sôt clũĩ nheq tễ nheq tữh
 cũai tâng cốc cutẽq nâi.
- 3 P̄ieiq lứq máh cũai yám noap
 cớp khẽn ramứh anhia,
 yuaq anhia bráh o lứq.
- 4 Sễq yõn dĩ náq cũai khẽn Puo
 sôt toâr lứq,
 yuaq án ayoog ranáq p̄ieiq.
 Cớp án dững ốc tanoang o cớp
 ốc p̄ieiq yõn tốp I-sarel.
- 5 Cóq khẽn Yiang Sursĩ la Ncháu
 hái!
 Cóq sang toam án tâng ntốq
 án õt.
 Án la Yiang bráh o lứq!
- 6 Mũi-se cớp Arõn la cũai tẽng rit
 sang Yiang Sursĩ,
 cớp Samu-ễl la manoaq cũai
 câu partoâq parnai p̄õ
 Yiang Sursĩ.
- Alóĩ miar arõ sễq Yiang Sursĩ yõn
 chuai.
 Chơ án sâng, cớp án ta-ỡi alóĩ.
- 7 Án atõng alóĩ tễ sapom ramứl
 bân ntốq án õt.

* 98: 98:0 Cansái ũat khẽn.

Ngkíq alóí trĩh phẽp rit cớp ốc
án khoiḡ patáp tồp alóí.

tẽ dõĩ mbốḡ toau toáḡ dõĩ
parsốt thánḡ.

8 O Yiang Sursĩ ơ! Anhia la Ncháu
hẽḡ.

Anhia khoiḡ ta-õĩ máh proai
anhia.

Lứḡ pai, anhia la Yiang Sursĩ ca
carláh đõḡ chốḡ máh cũai
táḡ ranáḡ sáuḡ,

ma noáḡ anhia táh lôih yõn
alóí.

9 Cớḡ khẽn Yiang Sursĩ la Ncháu
háí,

cớḡ sang toam án tâng cóh
miar khong án,

yuaḡ án la Yiang bráh o lứḡ.

100

*Cansái Ūat Khẽn**

1 O máh cũai tâng cớḡ cutẽḡ nâi
ơí!

Pĩeiḡ lứḡ yõn anhia triau
cupo cớḡ ūat khẽn Yiang
Sursĩ.

2 Cớḡ anhia sang toam Yiang Sursĩ
nheḡ tẽ mút pahõm anhia.

Cớḡ anhia toáḡ ūat parnai bũi
o choáḡ moat án.

3 Cớḡ anhia dáng Yiang Sursĩ la
lứḡ Ncháu.

Lứḡ samoát, án khoiḡ tẽḡ háí.

Ngkíq án ndõm háí.

Háí la cũai proai án,
samoát riang án bán con cũu
tâng ruang bát khong án.

4 Bo anhia mut tâng Dõḡ Sang
Toár Yiang Sursĩ,
cớḡ anhia sa-õn án.

Toáḡ anhia mut põ ntốḡ án õt,
cớḡ anhia khẽn án.

Cớḡ sa-õn cớḡ khẽn ramứh án.

5 Lứḡ samoát, Yiang Sursĩ táḡ o
níc.

Mút pahõm án ayoḡḡ lứḡ háí
tái-mantái.

Dũ ốc án khoiḡ pai, ki lứḡ án táḡ,

101

Santoiḡ Puo Par-ũḡ Cớḡ Yiang

*Sursĩ**

1 Cớḡ ūat cansái nâi đõḡ atõḡḡ
tẽ cớḡ bữn muoi mút cớḡ
Yiang Sursĩ,

cớḡ cớḡ pruam tê cớḡ ốc
parchĩn pĩeiḡ lứḡ yõn dũ
náḡ cũai.

Cớḡ ūat cansái nâi yõn anhia,
Yiang Sursĩ ơí.

2 Ranáḡ ntróu cớḡ ẽ táḡ chumát,
ki cớḡ ẽ táḡ pĩeiḡ cớḡ tở yõn
noau tẽḡ tẽḡ cớḡ.

Tangái léḡ anhia ẽ toáḡ ramóh
cớḡ?

Tâng dõḡ cớḡ, cớḡ ẽḡ ớḡḡ ranáḡ
tanoang o sáḡ loõh tẽ mút
pahõm cớḡ.

3 Cớḡ tở bữn yõn cũai loái õt tâng
ntốḡ cớḡ õt.

Cớḡ kêt máh cũai ca nguai tẽ ngẽ
Yiang Sursĩ.

Cớḡ tở ẽḡ pruam cớḡ ranáḡ tở
o alóí.

4 Cớḡ õt yong tẽ cũai bữn mút
pahõm cooc véc.

Cớḡ tở ẽḡ ratoí cớḡ cũai táḡ
ranáḡ sáuḡ.

5 Cớḡ ẽ pupút nheḡ máh cũai đõḡ
racháp voḡḡ yóu.

Cớḡ tở ẽḡ pruam cớḡ cũai
achõn tở bữm, la cũai ca
bữn mút õt.

6 Cớḡ lứḡ pruam cớḡ cũai ca
sa-âm Yiang Sursĩ samoát
samơí,

cớḡ cớḡ yõn alóí táḡ ranáḡ
tâng dõḡ cớḡ.

Alóí ca ốḡ ốḡ tẽḡ pai alóí táḡ tở
pĩeiḡ,

* 100: 100:0 Muoi cansái ūat đõḡ sa-õn Yiang Sursĩ.

* 101: 101:0 Cansái ūat tẽ Davĩt.

- lứq cúq yỗn alới táq ranáq cúq.
 7 Cũai đốq táq nờng lauq, ki tở
 têq ỡt tâng đốq cúq.
 Cóp cũai táq nan tanoang o ma
 mút cooc véc,
 la alới tở têq ỡt tê choâng
 moat cúq.
 8 Cu rangái cúq pupút táh máh
 cũai loài tâng cruang nâi,
 cốp cúq tuih aloõh dũ náq
 cũai sâuq tễ vil Yiang Sursĩ.

102

*Santoiq Cuclõiq Cỗ Túh Ngua**

- 1 O Yiang Sursĩ ơ! Sễq anhia
 tamứng santoiq cúq câu!
 Sễq anhia tamứng sương cúq
 arô sễq anhia chuai!
 2 Toâq cúq ramóh túh arức,
 sễq anhia chõi nguai tễ cúq.
 Sễq anhia tamứng santoiq cúq,
 cốp ta-ỡi chái toâq cúq câu
 sễq anhia chuai.
 3 Dỡi tamoong cúq cõt pút samoât
 phĩac ũih.
 Tở chác cúq cõt samoât noau
 apống tâng ũih blừ.
 4 Cúq la samoât bát sangot noau
 khoiq tĩn.
 Ngkĩq cúq tở bữn sâng ẽ cha
 đõi noâng.
 5 Cúq nhiam cuclõiq cucling
 casang lứq.
 Cốp tở chác cúq oiq rakhuoc
 toau hữm đễh nhang.
 6 Cúq cõt samoât chóm tâng nốq
 aĩq,
 cốp samoât curóq tâng
 sarứng khoiq ralỏh.
 7 Cúq padẻh bẻq, ma bẻq tở
 langẻt.
 Cúq cõt samoât chóm tâng
 mpuol đốq, ỏq yứu.

- 8 Cu sadâu tangái noau kêt lứq
 cúq,
 alới ayẻ ra-ac cốp mumat cúq.
 Alới ỉt tặc ramứh cúq táq
 santoiq báih.
 9 Cúq cha bỗh pláih dỡi,
 cốp nguaiq đốq carchóc cốp
 sarliang moat,
 10 yuaq anhia cutâu mút cốp nhốp
 níc cúq.
 Anhia khoiq acốq achỗn cúq,
 chơ anhia voang cúq asễng
 samoât riang voang cớng
 nhốp.
 11 Dỡi tamoong cúq cõt samoât
 mul tâng pẻn tabữ,
 cốp samoât bát khoiq sangot.
 12 Ma anhia, Yiang Sursĩ ơ! Anhia
 la Puo mantái níc.
 Dũ dỡi tamoong cũai sanhữ
 lứq anhia,
 noap tễ prỏq nâi toau toâq
 prỏq tĩh.
 13 Anhia ẽ yuor tayứng cốp sâng
 sarũiq táq chỏq vil Si-ôn,
 yuaq khoiq toâq ngư chơ yỗn
 anhia sarũiq táq vil ki.
 Tangái anhia anoat ẽ táq
 khoiq toâq chơ.
 14 Lứq pai vil ki khoiq ralỏh,
 ma máh cũai táq ranáq anhia,
 noâng pasẻq níc vil ki.
 Cốp alới sâng lô lứq, yuaq vil
 ki khoiq ralỏh-ralái.
 15 Dũ cruang cũai lứq cõt ngỏh cỗ
 tễ ramứh Yiang Sursĩ.
 Cốp dũ puo pụn paloống
 cutrứq nâi lứq yám noap
 anhia, cỗ nhơ chóc ang-ữr
 tễ anhia.
 16 Toâq Yiang Sursĩ tẻng loah vil
 Si-ôn tamái,
 ngkĩq án apáh chóc toâr lứq
 tễ án yỗn dũ náq cũai hữm.

* 102: 102:0 Cũai bữn túh coat câu sễq tễ Yiang Sursĩ.

- 17 Tangái ki, lứq án tamứng máh
santoiq proai án câu sếq, la
alóỉ ca chiúq túh coat,
cóp án tở bữn mumat tể ớc
alóỉ câu sếq ngkíq.
- 18 Cóg noau chĩc đợq dũ ramứh ca
Yiang Sursĩ khoiq táq chơ,
đợq yỏn cũai đỏi ntun dáng
tê.
Táq ngkíq, cũai tở yũah
canõt, lứq bữn khẽn án tê.
- 19 Yiang Sursĩ khoiq tapoang
asếng tể ntốq án ớt tâng
paloong,
tể ki án nhêng chu cốc cutếq
nãi.
- 20 Án khoiq sâng sương máh cũai
tũ cu-ổỉ cuclỏiq,
cóp án acláh cũai tũ ca noau
anoat cóq cuchĩt.
- 21 Ngkíq ramứh Yiang Sursĩ cõt
parchia tâng cớh Si-ôn.
Cóp alóỉ bữn khẽn án tâng vil
Yaru-salem hỡ,
- 22 bo máh tộp cóp máh cruang
cũai ớt rôm parnơỉ đợq
sang toam Yiang Sursĩ.
- 23 Lứq pai cứq tở bữn thâu yũah,
ma Yiang Sursĩ khoiq alĩh
rêng cứq.
Án táq yỏn đỏi tamoong cứq
cõt cakéh.
- 24 Chơ cứq pai neq: “O Yiang Sursĩ
cứq ơỉ!
Máh cumo anhia noâng bữn
mantái níc.
Sếq anhia chổỉ ỉt rangứh cứq
bo tở yũah toaq ngư.
- 25 Tể dâu lứq anhia tểng cốc cutếq
nãi;
cóp paloong la atĩ anhia tểng.
- 26 Paloong cutếq lứq cõt ralỏh,
ma anhia tở nai pứt, noâng
níc.
Paloong cutếq cõt tiaq samoat
riang tampac anhỏh.

- Anhia pĩen paloong cutếq ariang
noau saráu tampac,
chơ paloong cutếq tiaq cõt
pứt nheq.
- 27 Ma anhia tở nai rapĩen, cóp
anhúq anhia la noâng níc.
- 28 Con châu hếq ca táq ranáq
anhia, ki bữn ớt ien khể,
cổ nhơ anhia bán kĩaq alóỉ
cóp máh tống toiq alóỉ hỡ.”

103

*Yiang Sursĩ Ayooq Proai Án**

- 1 O raviei cứq ơỉ! Cóg khẽn Yiang
Sursĩ.
Nheq mút pahỏm cứq cóq
khẽn ramứh án,
la ramứh án ca bráh o lứq.
- 2 O raviei cứq ơỉ! Cóg khẽn Yiang
Sursĩ.
Cóp chổỉ khlĩr máh ớc bốn án
khoiq yỏn.
- 3 Án táh dũ ramứh ớc lỏih cứq
khoiq táq.
Cóp án palai satoaq máh ớc
cứq a-ỉ tacóh.
- 4 Án chuai cứq yỏn vớt tể ntốq
cuchĩt pứt,
cóp án satỏh ớc bốn yỏn cứq.
Ớc bốn ki la ớc án ayooq cóp
sarũiq táq.
- 5 Nheq đỏi tamoong cứq, án yỏn
moang ớc o.
Ngkíq cứq noâng samoat cũai
póng cóp bữn bán rêng
riang calang crúc.
- 6 Yiang Sursĩ táq tanoang o,
cóp án rasứq pĩeiq lứq yỏn
máh cũai noau padâm.
- 7 Yiang Sursĩ táq yỏn Mỏi-se dáng
tể máh ranáq án khoiq
thrũan đợq,
cóp án yỏn cũai I-sarel hữm
án táq ranáq toar lứq.
- 8 Yiang Sursĩ bữn mút ayooq cóp
mút sarũiq táq.

* 103: 103:0 Cansái ũat khong Davĩt.

- Ắn tở bữn coáp nsóq mút, ma
 ắn yỗn níc ốc ayooq.
 9 Ắn tở bữn tẻq níc, tở la nhốp níc.
 10 Ắn tở bữn culáh cóng tẻ máh
 ranáq lôih hái khoiq táq,
 tở la carláh đờq chók hái puai
 máh ốc loái hái.
 11 Paloong sarõih máh léq tẻ
 cutẻq,
 lứq máh ki tẻ Yiang Sursĩ
 ayooq máh cũai yám noap
 ắn.
 12 Moat mandang loỏh yong máh
 léq tẻ moat mandang pát,
 lứq máh ki tẻ ắn đửng ốc lôih
 hái yỗn ớt yong tẻ hái.
 13 Mpoaq sarũiq táq con máh léq,
 lứq máh ki tẻ Yiang Sursĩ
 sarũiq táq máh cũai yám
 noap ắn.
 14 Ắn dáng samoát lứq toáq ntróu
 ắn tẻng hái;
 ắn sanhữ ắn khoiq tẻng hái
 toáq cutẻq.
 15 Dỡi tamoong cũai la machớng
 bát;
 cũai tamoong la tở bữn mpha
 ntróu tẻ piar bát tâng
 arũih.
 16 Toáq cuyal phát piar,
 ki ắn sapát nheq. Chơ tở bữn
 noau hữm ắn noàng.
 17 Ma alóỉ yám noap Yiang Sursĩ,
 lứq ắn ayooq alóỉ mantái níc,
 cốp ắn táq tanoang o níc chók
 châu chẻ alóỉ,
 18 la alóỉ ca yỏng pacái santoiq ắn
 par-ữq,
 cốp trỉh máh ốc ắn patáp.
 19 Yiang Sursĩ khoiq tẻng cachớng
 ắn tacu tâng pẻng paloong.
 Lứq ắn cớt Puo sớt cũi nheq
 tẻ ramứh canỏh.
 20 Ở máh tốp ranẻng Yiang Sursĩ
 tâng paloong ỏi!
 Anhia bán rẻng lứq;
 anhia trỉh ốc Yiang Sursĩ
 patáp;

- cốp anhia tamứng santoiq ắn
 atởng.
 Cốp anhia khẽn Yiang Sursĩ.
 21 Ở nheq tữh anhia ca bữn chớc
 tâng paloong ỏi,
 lứq anhia toáp puai rangứh
 Yiang Sursĩ.
 Cốp anhia khẽn Yiang Sursĩ.
 22 Ở túc culám khám ramứh ca
 Yiang Sursĩ khoiq tẻng tâng
 đũ ntỏq ắn sớt ỏi!
 Cốp anhia khẽn Yiang Sursĩ.
 Ở raviei cứq ỏi! Cốp mới khẽn
 Yiang Sursĩ!

104

*Cóp Khẽn Yiang Sursĩ Ca Tẻng
 Dữ Ramứh*
 1 Ở raviei cứq ỏi! Cốp mới khẽn
 Yiang Sursĩ!

- Ở Yiang Sursĩ cứq sang ỏi! Anhia
 sớt toár lứq!
 Mẻn anhia la nẻuq o lứq,
 cốp noau yám noap lứq an-
 hia, machớng noau yám
 noap puo tẻ.
 2 Anhia acứp ốc poang machớng
 cũai đốq tắc tampắc o.
 Cốp anhia paliang paloong
 ariang noau tẻng đống
 aroàiq.
 3 Anhia khoiq tẻng đống anhia
 tâng pẻng đờq tâng pẻng
 paloong.
 Bữn ramứl cớt samoát sẽ asẻh
 khong anhia,
 cốp bữn cuyal đửng anhia
 pỏq.
 4 Anhia ỏn cuyal đửng parnai
 anhia,
 cốp ỏn pla ùih táq ranáq yỗn
 anhia.
 5 Anhia achủc cốc cutẻq nái yỗn
 ớt tâng tanang,
 yỗn ắn tở tẻq rachâu noàng.
 6 Dỡi ki bữn đờq mút pul cốc
 cutẻq nái

- samoât riang au tuar pul tỗ
cũai,
chơ dờq clũom nheq cóh.
- 7 Ma bo anhia sươq dờq ki, ngkíq
án lúh.
Án pờq toâp, toâq sâng sương
anhia ón.
- 8 Dờq ki hoi mpễr máh cóh sễng
chu phong cóh,
chu ntốq anhia khoiq tễng
dờq yỗn án ốt.
- 9 Anhia dờq raloan, táq yỗn dờq tỡ
tềq luat,
tỡ yỗn lut noâng chũop cốc
cutểq nâi.
- 10 Anhia tễng dờq mec yỗn hoi
tâng ahỗr cóh,
cóp yỗn crông hoi mpứng dĩ
máh cóh.
- 11 Dờq ki yỗn máh charán cruang
bữn nguaiq,
cóp dĩ dểh aséh dểh cruang
nguaiq tê.
- 12 Cóp bữn máh chớm táq sóh
cóp bubữr tâng nỡm aluang
cheq dờq ki.
- 13 Tễ pờng paloõng anhia táq yỗn
bữn dờq mia sễng chu máh
cóh king.
Chơ ọc bốn puan ki pờq pláh
cu ntốq tâng cốc cutểq nâi.
- 14 Anhia táq yỗn bát dáh dờq
cốt crơng sana yỗn máh
charán.
Cóp anhia táq yỗn máh cũai bữn
chớh sarnóh sarbống.
Ngkíq alóí tềq ỉt máh crơng
sana tễ cutểq.
- 15 Alóí táq blống tễ palâi nho dờq
nguaiq yỗn bữn bũi óh,
cóp ỉt dờq nsễng tễ palâi
o-li-vê atia tâng mieiq, dờq
táq yỗn mieiq cốt bráh o,
cóp bữn crơng sana yỗn alóí
cha, dờq bữn rềng loah
tamái.
- 16 Nỡm aluang sê-da tâng cru-
ang Lê-banôn la Yiang Sursĩ
toâp chớh;
aluang ki bữn roap dờq mia
sa-ũĩ.
- 17 Tâng nỡm aluang ki bữn máh
chớm táq sóh,
dểh chớm calang cloc hỡ ốt
tâng aluang ki.
- 18 Bữn máh kέh ốt tâng crang,
cóp máh patut la ốt tooq tâng
cựp tâng crang ki tê.
- 19 Anhia khoiq tễng rliang casâi
dờq noap casâi cumo.
Moat mandang, án dáng bo
lẻq án cóq pát.
- 20 Anhia tễng ọc canám dờq cốt
sadâu.
Dỡi ki bữn charán cruang
loỏh pờq tưng-tooc dờq
chuaq cha.
- 21 Bữn cula samín arư bo án chuaq
cha.
Án chuaq sana ỉn Yiang Sursĩ
khoiq anoat yỗn án cha.
- 22 Toâq moat mandang loỏh,
cula ki mut loah tâng ntốq án
ốt.
Án padểh bẻq tâng cựp.
- 23 Bo ki, máh cũai loỏh pờq táq
ranáq.
Alóí táq ranáq toau toâq tabữ.
- 24 O Yiang Sursĩ ơi! Anhia khoiq
tễng sa-ũĩ ramứh!
Anhia roan rangoaiq lứq bo
anhia tễng dĩ ramứh.
Cốc cutểq nâi poân moang
ramứh anhia tễng.
- 25 Cóp anhia khoiq tễng dờq mut
yarũ cóp la-a.
Bữn sa-ũĩ ramứh charán ốt
tâng dờq ki, tỡ rơi ngh
noâng.
- 26 Bữn tuoc luloah tưng-tooc tâng
dờq ki.
Cóp bữn ngược tuang ramứh
Lê-via-than ốt loiq tâng ki
tê.

- 27 Nheq tũh charán ki la poâng anhia,
yõn alói têq bũn sana cha toâq panhieih.
- 28 Alói bũn cha la nhơ anhia toâp chũm siem alói.
Ổng anhia toâp yõn alói bũn sana cha cõt pasâi.
- 29 Toâq anhia nguai, alói sâng ngcõh.
Toâq anhia ít loah rangứh, ki alói cuchĩt,
cóp alói chu loah pở cutểq machớng anhia khoiq tểng alói chơ.
- 30 Ma toâq anhia yõn loah rangứh, ki alói lứq bũn tamái ẽn.
Ổng anhia toâp têq táq yõn bũn tamoong loah tamái tâng cớc cutểq nâi.
- 31 Sểq Yiang Sursĩ bũn chớc ang-ừr mantái níc!
Sểq Yiang Sursĩ sâng bũi pahõm tâng dũ ramứh án khoiq tểng!
- 32 Toâq án nhêng chu cớc cutểq nâi,
cớc cutểq nâi lứq cõt cang-coaih.
Toâq án satoaq atĩ tâng cớh, ki bũn phĩac ùih suol achõn.
- 33 Nheq dõih tamoong cứq, cứq yoc ũat dõq sang toam Yiang Sursĩ.
Sốt anhúq cứq, cứq ẽ ũat máh cansái ũat dõq khẽn Yiang Sursĩ cứq.
- 34 Sểq án sâng bũi pahõm tể cansái ũat khẽn ki,
yuaq Yiang Sursĩ toâp yõn cứq sâng bũi óh.
- 35 Sểq yõn máh cũai lờih cõt pứt nheq tể cớc cutểq nâi.
Sểq chõih yõn khlâiq muoi noaq aléq noâng cũai loài.

Ơ raviei cứq ơi! Cóq mới khẽn Yiang Sursĩ!

Lứq khẽn Yiang Sursĩ!*

105

Yiang Sursĩ Sanhữ Ốc An Par-ừq

- ¹ Cóq anhia sa-õn Yiang Sursĩ. Cóq anhia sang toam án.
Cóp cóq anhia pau atõng yõn tuo cruang dáng tể máh ranáq án khoiq táq.
- ² Cóq anhia ũat khẽn dõq sang toam Yiang Sursĩ,
cóp pau atõng tể ranáq salẽh án khoiq táq.
- ³ Cóq anhia khẽn Yiang Sursĩ, án la bráh o lứq.
Cóp mút pahõm cũai ca ravoat án, cóq sâng bũi óh lứq.
- ⁴ Cóq anhia ravoat Yiang Sursĩ yõn án chuai anhia.
Cóp cóq anhia sang toam án mantái níc.
- ⁵⁻⁶ Anhia ca tể tống toiq A-praham la cũai táq ranáq Yiang Sursĩ,
cóp anhia tể tống toiq Yacóp la cũai Yiang Sursĩ khoiq rườh,
sểq anhia tamúng!
Cóq anhia chanchớm loah tể tểc salẽh,
cóp tể ranáq salẽh án khoiq táq,
dễh máh ốc án rablớh máh cũai ẽ táq anhia.
- ⁷ Yiang Sursĩ la Ncháu hái. Ốc án rablớh
la ốt dũ ntốq tâng cớc cutểq nâi.
- ⁸ Lứq samoat, án yống níc máh ốc án khoiq parkhán,

* 104:35 104:35 Tâng parnai Hê-brơ la: 'Halê-luya!'

- cóp án tở nai khlĩr máh santoiq án par-ũq cóp anhia toau toáq ngin dõi cũai.
- 9 Án sanhữ níc máh santoiq án khoiq ũq cóp A-praham, cóp santoiq án khoiq par-ũq cóp I-sac.
- 10 Santoiq ki Yiang Sursĩ yõn pở Yacóp, la ọc parkhán ca õt níc cóp tốp I-sarel.
- 11 Bo ki án pai neq:
 “Chumat cứq ẽ chiau yõn anhia bữn cruang Cana-an đốq cõt mun anhia ndõm níc.”
- 12 Tâng dõi ki máh proai Yiang Sursĩ la bĩq lứq, cóp alóit cõt samoát cũai nuaq, toáq õt tâng cruang Cana-an.
- 13 Alóit đẽq tẽ cruang nãi, pởq õt pở cruang ki, cóp alóit loõh tẽ ntốq nãi, pởq chu ntốq canõh.
- 14 Ma Yiang Sursĩ tở yõn noau padâm alóit. Cóp án khoiq sươq máh puo tâng cruang ki neq:
- 15 “Chõit táq túh máh cũai cứq khoiq rươh. Cóp chõit táq ntrườ chốq cũai tang bỗq cứq.”
- 16 Chơ, Yiang Sursĩ táq yõn cũai tâng cruang Cana-an cõt panhieih khlac, alóit ốq cương sana.
- 17 Ma án khoiq asuoi muoi noaq samiang yõn pởq nhũang pở cruang Ê-yip-tô, đốq tẽq án chuai amoong proai Ncháu. Cũai ki la Yô-sep, án ca noau chẽq yõn cõt sũl.
- 18 Alóit chốq án tâng cuaq, cóp clũong ayũng án toáq sái-sô,
- đẽh sacáp tac tâng tacong án hỡ.
- 19 Alóit táq ngkiq toau cõt rapĩeq in santoiq án khoiq pai saccoaiq chơ. Chơ Yiang Sursĩ apáh parnai án la lứq pĩeq.
- 20 Moâm ki, puo Ê-yip-tô ca sớt sa-ũĩ tốp cũai, án ớn noau acláh Yô-sep.
- 21 Cóp án chốh Yô-sep yõn nhẽng salĩq nheq tũh cũai ranẽng puo, cóp yõn Yô-sep cõt sớt chũop cruang ki.
- 22 Yô-sep bữn chớq toâr clũri nheq tẽ máh cũai sớt tâng cruang ki. Cóp án tẽq aloõh yõn máh cũai đốq tĩeih puo.
- 23 Ntun ki, Yacóp, la mpoaq Yô-sep, đẽq chu cruang Ê-yip-tô, cóp án õt loâng pở ki.
- 24 Chơ Yiang Sursĩ yõn cũai I-sarel cõt rũh rương chương cõt. Ngkiq, án yõn alóit bữn rêng hỡn tẽ cũai ẽ táq alóit.
- 25 Cóp Yiang Sursĩ táq yõn cũai Ê-yip-tô kêt lứq máh cũai I-sarel la proai án. Ngkiq cũai Ê-yip-tô chuaq ngẽ tở o chốq cũai táq ranáq Yiang Sursĩ.
- 26 Chơ Yiang Sursĩ ớn Mõi-se, la cũai táq ranáq án, cóp ớn Arôn, la cũai án khoiq rươh.
- 27 Alóit bar náq ki apáh chớq Yiang Sursĩ bo alóit táq máh ranáq salẽh tâng cruang Ê-yip-tô.
- 28 Bo ki, Yiang Sursĩ ớn ọc canám toáq pở cruang Ê-yip-tô, yuaq alóit tở ẽq trĩh santoiq án atõng.

- 29 Án táq yõn máh crõng tâng cruang Ê-yip-tô cõt chíq aham, toau máh sĩaq cuchit nheq.
- 30 Cóp án táq yõn bữn tốp acop poân tâng cruang alói, dẽh tâng đõng puo õt la bữn moang acop tê.
- 31 Án ớn aluai cóp anhuaq õt chũop nheq tâng cruang ki.
- 32 Cóp án yõn prẽl satooh asẽng pláih đõq mia chũop tâng tâm cutẽq alói, bữn dẽh lalieiq hữ.
- 33 Án táq yõn voar nho cóp nõm aluang canõh cõt rúng nheq.
- 34 Án pai yõn bữn lam khuoq, ngkíq lam khuoq lúq bữn, cóp sa-ũi lúq toau tở rơi ngih noâng.
- 35 Lam ki cha nheq máh crõng sarnóh alói chóh, toau tở bữn bữn sot ramoat ntróu noâng.
- 36 Ntun ki, án cachit táh nheq máh con samiang clúng tâng dũ đõng sũ tâng cruang Ê-yip-tô.
- 37 Chơ Yiang Sursĩ dững cũai I-sarel loõh tẽ cruang Ê-yip-tô. Alói dững dẽh crõng noau táq toâq práq cóp yẽng. Cóp dũ náq alói bữn rêng nheq, tở bữn noau ieuq ot ntróu.
- 38 Ngkíq yuaq máh cũai Ê-yip-tô sâng ngcõh lúq cũai I-sarel, cóp alói sâng bũi toâq alói hữm tốp I-sarel dẽq.
- 39 Yiang Sursĩ táq yõn ramúl capáng chíq proai án, cóp án yõn alói bữn ùih đõq cõt poang tâng sadâu.
- 40 Toâq alói sẽq crõng sana, án yõn chóm sẽng yõn alói bữn cha,

- cóp án yõn crõng sana tẽ paloõng đõq alói cha pasái.
- 41 Án cáh tamáu cõl yõn bữn đõq hoi loõh tẽ ki. Đõq ki hoi cucúc samoât crõng tâng ntõq aiq.
- 42 Lúq án tở bữn khliř máh santoiq án khoiq par-ũq cóp A-praham, la cũai táq ranáq án.
- 43 Ngkíq án dững aloõh máh cũai proai án tẽ cruang Ê-yip-tô, alói ca án khoiq ruroh. Alói ũat khẽn cóp triau cupo bũi lúq.
- 44 Án chiau yõn alói máh tâm cutẽq cũai canõh. Cóp án yõn alói bữn ìt máh crõng sarnóh máh cũai ki chóh đõq.
- 45 Án táq máh ramứh nãi ẽq máh proai án puai samoât samõi ngẽ án, cóp trĩh máh phẽp rit án.

Lúq khẽn Yiang Sursĩ!

106

Yiang Sursĩ Lúq O

- 1 Lúq khẽn Yiang Sursĩ! Cóg sa-õn Yiang Sursĩ, yuaq án la nõm ốc o. Án ayooq mantái níc.
- 2 Noau tẽq atõng tẽ dũ ranáq salẽh án khoiq táq? Cóp noau tẽq bữn dũ santoiq đõq khẽn án?
- 3 Bõn lúq cũai ca táq níc ranáq tanoang, cóp cũai ca táq puai níc ốc pĩeiq.
- 4 O Yiang Sursĩ ơi! Sẽq anhia sanhữ cứq tê, toâq anhia chuai cũai proai anhia. Toâq anhia chuai amoong alói, sẽq anhia chuai dẽh cứq.

5 Sẻq anhia yỗn cứq bữn chớng
 tê máh sanốc nừn proai
 anhia.
 Cớp yỗn cứq bữn bữi óh
 parnoi cớp alói tê,
 yỗn cứq bữn ỡn chỡ parnoi
 cớp tộp anhia.

6 Tộp hẻq khoiq táq lờih machớng
 achúc achiac hẻq khoiq táq
 lờih chỡ.
 Nheq tửh hẻq khoiq táq sa-ữi
 ranáq loài cớp tỡ o.

7 Bo achúc achiac hẻq ỡt tâng
 cruang Ê-yip-tô,
 alói tỡ bữn kẻ nừu tẻ ranáq
 salẻh Yiang Sursĩ.

Tộp alói tỡ bữn sanhữ tẻ ớc án
 ayooq alói.
 Ma bo alói ỡt pỡ dỡq mut
 Cusâu,
 alói lớn-sarlón níc chớq
 Yiang Sursĩ Sốt Toár Lứq.

8 Ma nhỡ tẻ ramứh án, ngkíq án
 chuai amoong alói,
 án yỗn nheq tửh cũai tẻq
 dáng án bữn chớc toár lứq.

9 Án khoiq ớn dỡq mut Cusâu
 sarẻt,
 chỡ cớt khỏ.

Cớp án dừng máh proai án pỡq
 tâng cutẻq khỏ ki,
 samoât riang pỡq tâng nốq
 aiq.

10 Lứq pai án chuai amoong alói
 yỗn vớ tẻ cũai kẻt alói,
 cớp yỗn vớ tẻ atỉ cũai ẻ táq
 alói.

11 Ma máh cũai ca ẻ táq alói,
 ki cuchít clooc tâng dỡq nheq,
 tỡ va muoi noaq alẻq noâng
 bữn tamooq.

12 Chỡ cũai I-sarel sa-âm lứq máh
 santoiq án khoiq par-ữq,
 cớp alói ũat khẽn án.

13 Ma tỡ bữn dừn,

alói khlĩr nheq máh ranáq
 Yiang Sursĩ khoiq táq,
 cớp ranáq nừu alói ẻ táq, ki
 tỡ ẻq acoan noâng án atỡng
 alói.

14 Bo alói ỡt tâng nốq aiq,
 alói ẻr áiq thánq ẻq yỗn bữn
 crớng sana cha, samoât bo
 alói khoiq cha tâng cruang
 Ê-yip-tô.

Chỡ alói chim Yiang Sursĩ.

15 Ngkíq Yiang Sursĩ yỗn alói bữn
 ỉn alói sẻq,
 ma án yỗn ỡn toâq dừng alói.

16 Bo alói ỡt tâng nốq aiq, alói
 sa-on cumíq níc tẻ Mỏi-se
 cớp Arôn,
 Arôn la cũai miar dỡq táq
 ranáq Yiang Sursĩ.

17 Chỡ cutẻq cayoah samoât án
 caha bỗq,
 chỡ cutẻq lừn Dathan, cớp
 cubớl Abi-ram dẻh dớng sủ
 án hỡ.

18 Bữn ũih sẻng cat nheq máh cũai
 loài ca puai alói.*

19 Pỡ cóh Si-nai,* cũai I-sarel táq
 muoi lám rup con nừoỏq
 tangcáh toâq yẻng.
 Chỡ alói cucỏh sang rup ki.

20 Alói tỡ bữn sang toam noâng
 Yiang Sursĩ Sốt Toár Lứq,
 ma alói sang rup nừoỏq dớq
 cha bát.

21 Alói khlĩr Yiang Sursĩ ca chuai
 amoong alói na ranáq salẻh
 tâng cruang Ê-yip-tô.

22 Salẻh lứq máh ranáq án khoiq
 táq ngki!
 Cớp dớt lứq máh ranáq án táq
 tâng dỡq mut Cusâu!

23 Toâq Yiang Sursĩ pai án ẻ pupứt
 tộp I-sarel,
 ki Mỏi-se, la cũai ca Yiang
 Sursĩ khoiq rừoh,

* 106:18 106:18 Nghỉ Proai 16:1-35 * 106:19 106:19 Bữn noau dỡq cóh Si-nai la cóh Hỏ-hỡ.

- án tở bữn pruam yỗn Yiang Sursĩ pupút tốp I-sarel cồ Ncháu nhốp lứq alóỉ.
- 24 Ntun ki, tốp alóỉ tở ẽq mut tâng cutẽq phuor o, Yiang Sursĩ ẽ yỗn alóỉ, yuaq alóỉ tở bữn noap máh santoiq án khoiq ữq cốp alóỉ.
- 25 Alóỉ ốt tâng đống aroaiq cốp bubẽq-bubựp níc. Cốp alóỉ tở ẽq trĩh Yiang Sursĩ.
- 26 Yuaq ngkĩq, án thể dũan la alóỉ cốp cuchĩt tâng ntốq aiq.
- 27 Cốp con châu alóỉ cốp lúh pláh chũop dũ ntốq, đếh ốt cốp cũai tở bữn sa-âm Yiang Sursĩ. Chơ alóỉ cuchĩt tâng cruang canỏh.
- 28 Ớt tâng cóh Pê-or alóỉ sang yiang Ba-al, cốp alóỉ cha máh crọng noau tutoong yiang ca tở bữn lứq tamoong.
- 29 Ngkĩq alóỉ khoiq táq ranáq sâuq, táq yỗn Yiang Sursĩ nhốp alóỉ. Chơ bữn acán ỏn cõt chũop nheq tâng tốp alóỉ.
- 30 Ma Phi-niat yuor tayứng rapai chuai† chốq Yiang Sursĩ, sẽq ỏn nâi tangút.
- 31 Yuaq Phi-niat táq ngkĩq, noau noap án la cũai tanoang o, cốp noau sanhữ níc án tâng dũ đời cũai.
- 32 Ớt pở đờq mec Mê-ri-ba hữ, tốp I-sarel táq yỗn Yiang Sursĩ sâng cutâu mút. Mũi-se la khoiq ramóh túh tê tê ranáq ki.
- 33 Alóỉ táq yỗn Mũi-se sâng nsốq mút lứq,
- toau án pai aloỏh mỗ tở loạp chanchóm.
- 34 Tốp I-sarel tở bữn pupút nheq máh cũai tâng cutẽq ki, ỉn Yiang Sursĩ khoiq ỏn alóỉ táq.
- 35 Ma alóỉ ỉt cumũr táq lacuoi tê tốp cũai tở bữn yám noap Yiang Sursĩ. Ngkĩq alóỉ ỉt lacuoi cốp puai rit cũai ki hữ.
- 36 Chơ alóỉ cucỏh sang rup yiang canỏh, cốp cồ tê ranáq nâi yuaq alóỉ cuchĩt pút.
- 37 Alóỉ chiau sang con samiang cốp con mansẽm alóỉ yỗn yiang sâuq.
- 38 Alóỉ cachĩt máh carnẽn ỏq lôih, la con alóỉ bữm đờq chiau sang yỗn yiang cũai Cana-ạn. Cồ tian tê ranáq ki, tâm cutẽq ma cõt nhợp moang aham.
- 39 Cồ tian alóỉ táq ngkĩq, yuaq mút pahỏm alóỉ cõt nhợp lứq. Alóỉ calỏih táh Yiang Sursĩ, chơ sang yiang canỏh ỉn. Alóỉ cõt samoat mansẽm ca táh cayac, chơ cõt mansẽm chẻq tở ỉn.
- 40 Ngkĩq yuaq Yiang Sursĩ sâng cutâu lứq chốq máh cũai proai án. Án nhốp alóỉ la-ỏq thág.
- 41 Chơ án chiau alóỉ yỗn ốt pựn chóc máh cũai tở bữn yám noap án. Cũai kêt alóỉ cõt sốt alóỉ.
- 42 Cũai ki padâm alóỉ yỗn ốt pựn talang ayứng.
- 43 Sa-ữi trỗ Yiang Sursĩ khoiq chuai amoong máh proai án, ma noàng alóỉ chíh níc án. Cồ tian alóỉ táq lôih,

† 106:30 106:30 Bữn cũai parlong parnai Hê-bơ rana nai neq: ‘Ma Phi-niat cachĩt cũai lôih, chơ Yiang Sursĩ yỗn ỏn nâi tangút.’

yuaq alóí cõt rúng ralóh.
 44 Tam alóí táq máh ki,
 ma Yiang Sursĩ noâng
 tamúng srong alóí cuclóiq
 cucling,
 cóp án noâng chanchóm tẽ ọc
 alóí túh.
 45 Án sanhữ máh ọc án khoiq ữq
 cóp alóí,
 cóp cõ nhơ ọc ayooq toâr lứq,
 ngkíq án ralêq loah tamái.
 46 Chơ án táq yõn cūai sớt alóí
 sâng sarũiq táq loah alóí.
 47 Cóp cuclóiq neq: “Yiang Sursĩ
 ơi!
 Sẻq anhia chuai amoong hẻq
 núng!
 Sẻq anhia parõm pachứm
 loah tộp hẻq.
 Sẻq anhia chuai hẻq yõn vót tẽ atĩ
 máh cūai canóh,
 đỏq hẻq tẻq sa-õn anhia cóp
 khẽn ramứh ca bráh o lứq
 khong anhia.”
 48 Cóp khẽn Yiang Sursĩ! Án la
 Yiang Sursĩ tộp I-sarel sang.
 Cóp khẽn án tẻ sanua toau
 toâq yõn dũ dõĩ ntun!
 Cóp nheq tữh cūai pai neq:
 “Amen!”

Lứq khẽn Yiang Sursĩ!

Pún Sống

107

Khẽn Yiang Sursĩ Yuaq Án Táq
O Níc
 1 Cóp sa-õn Yiang Sursĩ, yuaq án
 táq o níc!
 Ồc ayooq tẻ án õt mantái níc!
 2 Dũ náq cūai Yiang Sursĩ khoiq
 chuai amoong ơi!
 Cóp anhia pai santoiq khẽn
 Yiang Sursĩ,
 yuaq án khoiq thái anhia tẻ
 atĩ cūai ẻ táq anhia.
 3 Án khoiq parõm anhia tẻ máh
 cruang canóh,

tẻ angia mandang loõh, tẻ
 angia mandang pát,
 tẻ angia pưn, cóp angia pỡng.
 4 Bữn cūai pỡq pláh chap tâng
 ntỏq aiq ngua parngêh,
 ma alóí tỡ bữn ramóh rana ẻ
 pỡq chu vil alóí tẻq õt.
 5 Alóí panhieih púng cóp khlac
 đởq,
 cóp alóí sâng pẻ pahỡm.
 6 Toâq alóí ramóh túh arức,
 alóí arỏ sẻq Yiang Sursĩ chuai
 alóí,
 chơ án lứq chuai alóí yõn vót
 tẻ ramứh túh ngua ki.
 7 Án dửng alóí pỡq tâng rana
 tanoang,
 toau alóí pỡq toâq pỡ vil tẻq
 alóí õt.
 8 Cóp alóí sa-õn Yiang Sursĩ, yuaq
 án ayooq níc alóí,
 cóp án khoiq táq sa-ũĩ ranáq
 salêh yõn nheq tữh cūai.
 9 Cūai alẻq khlac đởq, ki án yõn
 cūai ki bữn nguaiq dũ,
 cóp cūai alẻq sâng panhieih,
 án yõn cūai ki bữn cha dũ
 ramứh o.
 10 Bữn cūai õt tâng ntỏq canám.
 Alóí cõt samoat cūai tũ, cóp
 chũuq noau sacáp toâq sái-
 sỏ,
 11 yuaq alóí khoiq táq luat tẻ máh
 ọc Yiang Sursĩ Sớt Toâr Lứq
 patáp.
 Cóp alóí tỡ ẻq noap santoiq án
 tẻiêh atỡng.
 12 Ngkíq án yõn alóí táq ranáq
 ntâng lứq,
 toâq alóí sâng lakẻh toau alóí
 đỏm;
 cóp tỡ bữn noau chuai alóí.
 13 Toâq alóí sâng túh arức,
 alóí arỏ sẻq Yiang Sursĩ chuai;
 chơ án lứq toâq chuai alóí yõn
 vót tẻ ramứh túh coat ki.
 14 Án dửng aloõh alóí tẻ ntỏq túh
 ngua, la tẻ ntỏq canám.

- Cóp án cáh táh sái-sô tễ noau
clừơng alóí yỗn tacoaih.
- 15 Cóp alóí sa-ỡn Yiang Sursĩ, yuaq
án ayooq níc alóí,
cóp án khoiqt táq sa-ũĩ ranáq
salễh yỗn nheq từh cũai.
- 16 Lứq án talốh ngoah toong
sapoan tâng cuaq tũ,
cóp án pieih raláng tac yỗn
tacoaih nheq.
- 17 Bữn cũai cớt cũai sacũl.
Alóí chũuq túh coat la cỗ tian
ốc lóih
cóp ranáq sâuq alóí khoiqt
táq.
- 18 Alóí cheq ễ cuchĩt la cỗ tian alóí
tỡ ễq crơng cha.
- 19 Tữ alóí ramóh túh arúc,
ki alóí arô sễq Yiang Sursĩ
chuai;
chơ án lứq toâq chuai alóí yỗn
vót tễ ramứh túh ngua ki.
- 20 Nho tễ santoiq án, ngkĩq cũai
a-ĩ cớt bán.
Chơ án chuai alóí yỗn vót tễ
cuchĩt.
- 21 Cóp alóí sa-ỡn Yiang Sursĩ, yuaq
án ayooq níc,
cóp án khoiqt táq sa-ũĩ ranáq
salễh yỗn nheq từh cũai.
- 22 Cóp alóí sa-ỡn án na chiau sang
crơng,
cóp atờng tễ máh ranáq án
khaiqt táq na cansái ũat yỗn
bũi óh lứq.
- 23 Bữn cũai luloah pỡq chu na
tuoc tâng đờq mứt, đờq pỡq
chuaq cha.
- 24 Alóí bữn hữm Yiang Sursĩ táq
ranáq salễh tâng đờq mứt
ki.
- 25 Án ớn cuyal rapuq toâq,
chơ bữn toâp cuyal.
Cuyal ki táq yỗn đờq mứt
canoâq chanchữn rêng lứq.
- 26 Tuoc alóí ariang noau apũol
achỗn chu paloớng,
chơ án satooh asễng loah
tâng đờq yarũ.
- Ngkĩq, máh cũai tâng tuoc ki cớt
pứt mứt, cỗ tian tễ ranáq
túh coat nâi.
- 27 Alóí tayáh sarin sarêu samoât
cũai bũl blống.
Alóí khểuq lứq đừng tuoc,
ma ốc khểuq ki tỡ bữn cớt kia
ntrớu.
- 28 Tữ alóí ramóh túh arúc,
ki alóí arô sễq Yiang Sursĩ
chuai;
chơ án lứq toâq chuai alóí yỗn
vót tễ ramứh túh ngua ki.
- 29 Án sươq cuyal rapuq yỗn
tangứt,
cóp đờq la tỡ bữn chanchữn
noâng.
- 30 Cũai ki sâng bũi pahỡm yuaq
đờq hoi lalín o.
Ngkĩq, án đừng alóí toâq pỡ
ntrin bân nốq alóí ễ pỡq.
- 31 Cóp alóí sa-ỡn Yiang Sursĩ, yuaq
án ayooq níc;
cóp án khoiqt táq sa-ũĩ ranáq
salễh yỗn nheq từh cũai.
- 32 Cóp alóí khẽn sa-ũĩn ramứh án
bân nốq rôm sang,
cóp khẽn ramứh án choâng
moat máh cũai arieih.
- 33 Yiang Sursĩ khoiqt táq yỗn đờq
toâr cớt khỗ,
cóp táq yỗn đờq mec tỡ bữn
hoi noâng.
Ngkĩq nốq đờq piẽn cớt nốq
cutễq khỗ.
- 34 Án táq yỗn cutễq đờq amia
sarnỏh o
cớt cutễq báq ễn,
cỗ tian cũai tâng nốq ki táq
ranáq sâuq.
- 35 Cóp án khoiqt táq nốq aiq yỗn
cớt amớng đờq,
cóp nốq cutễq khỗ phang yỗn
cớt nốq bữn đờq mec.
- 36 Án táq yỗn cũai panhieih khlac
bữn ớt tâng nốq ki,

- cóp alóí ayúng vil dỏq ớt hỡ.
 37 Chơ, toâq cũai ki táq sarái cóp
 chớh voar nho,
 alóí bữn ít palâi tẻ sarnóh ca
 alóí khoiđ chớh sa-ũi lứq ki.
 38 Án yỗn proai án bữn ốc bốn đỏq
 cớt rứh sa-ũi lứq ẻn,
 cóp án tỡ yỗn cantóh ntrỏq
 alóí cớt bĩq asẻng.
 39 Toâq cũai ca kệt cũai proai
 Yiang Sursĩ chíl riap,
 alóí ayẻ ra-ac, padâm, táq túh
 coat,
 cóp táq yỗn cũai proai Yiang
 Sursĩ cớt túh ngua.
 40 Yiang Sursĩ mumat máh cũai
 táq ngkíq,
 cóp án yỗn alóí pỏq túng-
 tooc níc tâng ntỏq aiđ ca ốq
 rana.
 41 Ma án khoiđ chuai cũai túh
 cadít yỗn vớ tẻ ốc túh
 ngua,
 cóp táq yỗn alóí cớt rứh sa-ũi
 lứq ẻn, cớt samoât charán
 rứh tẻ.
 42 Cũai mantoat bữn hữm máh
 ranáq nâi,
 cóp alóí sâng bủi ỡn,
 ma máh cũai sâuđ tỡ tẻq
 tabỏq ntrỏu noâng.
 43 Cũai alẻq ma rangoaiđ,
 cóp cũai ki chanchỏm tẻ máh
 ranáq nâi;
 cóp yỗn án tẻng loah tẻ ốc
 Yiang Sursĩ ayoođ níc án.

108

*Sẻq Yiang Sursĩ Chuai Yỗn Chíl Riap**

- 1 Ớ Yiang Sursĩ ời! Mút pahỏm
 cứq ớt sabỏng lứq tâng an-
 hia.
 Cứq ẻ ũat cansái ũat đỏq
 khẻn anhia.
 Mút pahỏm cứq ời, cóq tamỡ!

- 2 Achúng cót, achúng toâr ời! Cóq
 tamỡ yỗn cứq tapáih cansái
 ũat.
 Cứq ẻ amoaih moat mandang
 yỗn chỏn.
 3 Ớ Yiang Sursĩ ời! Cứq sa-ỡn
 anhia tâng mpúng dĩ cũai
 cứng.
 Cứq khẻn anhia tâng púng dĩ
 máh cruang cũai,
 4 yuađ ốc ayoođ tẻ anhia la toâr
 lứq chỏn toâq paloỏng.
 Ốc pẻiđ tẻ anhia la sarỏih
 toâq ramủl.
 5 Ớ Yiang Sursĩ ời! Sẻq anhia apáh
 yỗn dủ náq cũai dáng
 anhia bữn chớc toâr clủi nheq
 tẻ canỏh tâng paloỏng;
 cóp sẻq anhia apáh chớc
 ang-ừr yỗn chũop tâng cớc
 cutẻq nâi hữm.
 6 Sẻq anhia chuai amoong hẻq
 nhỏ tẻ chớc toâr anhia.
 Sẻq anhia ta-ỡi santoidẻ hẻq câu,
 yỗn dủ náq cũai ca anhia
 ayoođ tẻq bữn tamoong.
 7 Yiang Sursĩ khoiđ atỏng tẻ Đổng
 Sang Toâr án neq:
 “Yuađ cứq khoiđ chíl riap,
 ngkíq cứq cayoah cruang Se-
 kem,
 cóp cứq tampẻq avúng Sucôt
 yỗn máh proai cứq.
 8 Cruang Ki-liat cớt khong cứq.
 Máh cũai proai Ma-nasẻ la cớt
 khong cứq tẻ.
 Ep-ra-im la samoât muoc tac
 tâng plỏ cứq.
 Cóp Yuda la samoât muoi
 ntreh ralỏng cớt tẻc cứq sốt
 nheq cruang ki.
 9 Cruang Mỏ-ap cớt samoât cuban
 đỏq
 đỏq cứq ariau yỗn bráh.
 Cứq voang cớp cứq chỏq cruang
 Ê-dỏm,
 táq tẻc cứq ndỏm cruang ki.

* 108: 108:0 Cansái ũat tẻ Davít.

Cứq triau cupo cõ cứq khoiḡ riap
cũai Phi-li-tin.”

- 10 O Yiang Sursĩ ơi! Noau
têq đưng cứq pởq chu vil
bữn viang khâm đởq catáng
ra-óq?
Noau têq ayông cứq pởq chu
cruang Ê-dôm?
- 11 O Yiang Sursĩ ơi! Anhia khoiḡ
táh tốp hếq tở?
Cớp anhia tở êq pởq rachíl
noâng cớp tốp tahan hếq
tở?
- 12 Sễq anhia chuai hếq yỗn bữn
bán rêng đởq rachíl cớp
cũai ẽ táq hếq;
yuaq ranáq rachuai tễ cũai,
ki tở bữn cõt kia ntrúu yỗn
hếq.
- 13 Lứq nhơ tễ Yiang Sursĩ toáp,
hếq têq chíl riap máh cũai ẽ
táq hếq.

109

*Santoiḡ Cuclỗiḡ Cucling Tễ Cũai
Tủh Coat**

- 1 O Yiang Sursĩ cứq khẽn ơi!
Sễq anhia chõỉ ỡt rangiac níc
sâng!
- 2 Cũai loài cớp cũai táq ntởng lauḡ
pai chíl níc cứq.
Alóỉ apót cứq moang ốc tở
bữn lứq sâng. ³ Alóỉ sarlũm
cứq na láih parnai,
cớp alóỉ chíl cứq na ốc tở bữn
lứq.
- 4 Lứq pai cứq ayooḡ cớp câu yỗn
alóỉ,
ma noâng alóỉ cauḡ níc cứq.
- 5 Alóỉ culáh cóng cứq na ốc sâuḡ
pláih ốc o,
na santoiḡ ntáng ahớḡ pláih
ốc ayooḡ.
- 6 Sễq anhia chớh cũai rasữḡ blớh
sarboi níc án,

- cớp yỗn bữn manoaḡ cũai
toáq cauḡ án tề.
- 7 Sễq noau rasữḡ pai án táq lỏih,
dễh santoiḡ án câu la cõt ốc
lỏih tề.
- 8 Sễq yỗn đời tamooḡ án cõt
cakéh asẽng;
chơ yỗn cũai canốh pláih loah
ranáq án táq.
- 9 Sễq yỗn máh con án cõt con
cumuiḡ,
cớp yỗn lacuoi án cõt cán
cumai.
- 10 Sễq yỗn máh con án ốḡ đốḡ ỡt;
yỗn alóỉ pởq chu nâi chu ki
samoát cũai susễḡ.
Sễq yỗn noau tuih aloỏh alóỉ
tễ ntốḡ rúng alóỉ ỡt.
- 11 Sễq yỗn cũai án tu, toáq ỉt nheḡ
sanốc án,
cớp sễḡ yỗn cũai toáq pữr ỉt
máh mun án.
- 12 Chõỉ yỗn cũai aléḡ sâng sarũiḡ
táq noâng án,
tở la sâng ayooḡ máh con án
toáq vớḡ án cuchĩt.
- 13 Sễq yỗn tởḡ toiḡ án cuchĩt
thréc nheḡ,
đỏḡ noau tở bữn sanhữ noâng
ramứh án tâḡ đời ntun.
- 14 Sễq Yiang Sursĩ sanhữ loah tễ
máh ốc lỏih achúc achiac
án khoiḡ táq,
cớp chõỉ táh lỏih yỗn mpiḡ án.
- 15 Sễq Yiang Sursĩ sanhữ níc ốc
lỏih alóỉ,
cớp chõỉ yỗn noau sanhữ
noâng ramứh alóỉ tâḡ cốc
cutểḡ nâi.
- 16 Yuaḡ cũai ki tở nai sâng sarũiḡ
cớp ayooḡ cũai aléḡ,
ma án yoc lứḡ padâm cớp
ẽ cachĩt cũai cadĩt ca ốḡ
poâng.
- 17 Án đốḡ pupap cũai canốh,
ma sễḡ ốc án pupap ki toáḡ
loah pở án toáp.

* 109: 109:0 Cansái ũat tễ Davĩt. Yỗn án ca sớḡ tốp ũat.

Cóp án tở nai sâng bũi toâq án pai
 ớc bốn yỗn cũai canỗh,
 ngkíq sễq chỏi yỗn án bữn
 roap ớc bốn.
 18 Santoiq án pupap la machóng
 án tác tampác.
 Sễq yỗn ớc pupap ki cõt samoât
 đờq mut tâng tỗ án,
 cốp cõt samoât đờq nsễng
 mut tâng nhang án hỡ.
 19 Sễq yỗn ớc pupap ki acrúq án
 ariang tampác pul tỗ án,
 cốp ariang parnoân án can-
 toân tâng ngkĩng.
 20 O Yiang Sursĩ ơi! Sễq anhia
 carláh đờq ariang cứq pai
 nậi
 pỡ tốp ca pai sâuq tễ cứq.
 21 O Yiang Sursĩ Ncháu Nheq Tữh
 Cũai ơi!
 Sễq anhia chuai cứq samoât
 ớc anhia khoiq par-ữq chơ.
 Sễq anhia chuai amoong cứq,
 yuaq ớc ayooq anhia la o
 lứq.
 22 Cứq túh arức cốp túh cadĩt lứq,
 mút pahõm cứq abuoiq labõh
 nheq.
 23 Cứq pứt samoât mul toâq moat
 mandang cheq ễ pát,
 cốp cứq cõt samoât lam
 khuoq cuyal đững chu
 canỗh.
 24 Racól cứq lamên yuaq cứq ót
 sana,
 cốp tỗ chác cứq rakhuoc hữm
 ống nhang.
 25 Toâq cũai canỗh hữm cứq,
 alóit cacháng ayê cứq;
 cốp alóit culũt culiau níc mu-
 mat cứq.
 26 O Yiang Sursĩ la Ncháu cứq ơi!
 Sễq anhia chuai cứq nứng.
 Nhơ anhia ayooq níc cứq,
 ngkíq sễq anhia chuai
 amoong cứq.

27 O Yiang Sursĩ ơi! Sễq anhia
 táq yỗn cũai ễ táq cứq bữn
 dáng cốp hữm
 anhia toáp chuai amoong
 cứq.
 28 Tỡ bữn ntróu alóit pupap cứq,
 mỗ lứq anhia satõh ớc bốn pỡ
 cứq.
 Toâq alóit chíl cứq,
 sễq anhia táq yỗn alóit sâng
 casiet táq.
 Ma cứq la cũai táq ranáq anhia,
 lứq cứq bữn ớc bũi ỡn níc.
 29 Sễq anhia yỗn cũai ca cauq cứq
 bữn moang ớc casiet táq,
 cốp táq yỗn alóit sớp ớc casiet
 samoât alóit sớp tampác.
 30 Ma cứq, ki cứq sa-ỡn Yiang
 Sursĩ sa-ữi lứq,
 cốp cứq khẽn án bân ntốq
 cũai chừng ỡt rôm,
 31 yuaq án rabán curiaq cũai túh
 cadĩt,
 cốp án chuai amoong cũai
 noau anoat cóq cuchĩt.

110

Yiang Sursĩ Cóp Puo Ân Khoiq

*Ruoh**

1 Yiang Sursĩ khoiq atờng chỏq
 Puo cứq, la Ncháu cứq, neq:
 “Mới tacu coah atoam cứq
 toau toâq tangái léq
 cứq chiau alóit ca yoc ễ cachĩt
 mới ỡt pũn talang ayũng
 mới.”
 2 Puo ơi! Lứq Yiang Sursĩ chiau
 chớc toâr lứq pỡ anhia,
 yỗn anhia cõt sớt tâng vil Si-
 ôn cốp vil ca yờng hỡn tễ ki
 hỡ.
 Lứq anhia ndõm nheq tữh
 alóit ca ễ táq anhia.
 3 Tâng tangái anhia rachĩl alóit ễ
 táq anhia,
 máh proai anhia sâng bũi
 pahõm lứq ễ puai anhia.

* 110: 110:0 Cansái ũat tễ Davĩt.

Bo ki anhia sớp tampác ariang puo,
 cớp anhia bữn rêng tamái ẽn cu rangái
 samoât đớq latac tâng tarup tể cláih.†
 4 Yiang Sursĩ khoiq thẽ dũan, cớp án tỡ nai ralêq.
 Án pai neq: “Mói la cũai tểng rit sang Yiang Sursĩ sớt dũ dũi, puai chớc Manchi-sadéc.”‡

5 Puo ơi! Yiang Sursĩ lứq ớt coah atoam anhia đớq chuai an-hia.
 Ngkíq, án chíl riap nheq máh puo tâng tangái án sâng cutâu mút chớq alóí.
 6 Cớp nữ-ra án rablớh dũ cruang cũai,
 cớp táq yỗn cruang ki poân moang sac cũai cuchít,
 bo án pupứt máh puo tâng cớc cutểq nái.
 7 Ma puo nái nguaiq đớq hoi kểng rana bân án pớq.
 Ngkíq án bữn riap, cớ nhớ tể chớc toâr lứq án khoiq roap.

111

Santoiq Sa-õn Cớ Nhớ Tể Ốc Bồn

1 Lứq khẽn Yiang Sursĩ! Cứq sa-õn Yiang Sursĩ nheq rangứh rahỡ cứq tâng nốq cũai proai ớt rôm sang toam án.
 2 Dớt la-ớq máh ranáq Yiang Sursĩ táq!
 Dũ náq cũai sâng bũi óh tể ranáq án,
 alóí yoc ẽ dáng raloaih lứq tể ranáq ki.
 3 Dũ ranáq án táq đớq apáh yỗn cũai tềq yám noap án,

cớp yỗn noau dáng án bữn chớc toâr samoât chớc puo tể.
 Ốc tanoang o án ớt mantái níc.
 4 Yiang Sursĩ táq yỗn cũai sanhữ máh ranáq salễh án khoiq táq.
 Án bữn moang mút lamên cớp mút sarủiq táq.
 5 Án yỗn cớng sana pỡ cũai yám noap án.
 Cớp án tỡ bữn khlĩr máh san-toiq án khoiq par-ữq.
 6 Án khoiq apáh yỗn cũai proai án hữm án bữn chớc toâr lứq, bo án chiau yỗn alóí ndỡm máh cutểq cũai cruang canốh.
 7 Dũ ranáq án táq la p̄ieiq cớp tanoang tapứng.
 Cớp nheq tữh ốc án patáp, tềq hái noap ỉt.
 8 Ốc patáp ki ớt mantái níc tâng dũi dũi cũai.
 Bo Yiang Sursĩ yỗn ốc patáp ki,
 án táq puai ngê p̄ieiq cớp tanoang lứq.
 9 Án khoiq thái loah máh proai án cớp yỗn alóí bữn ốc parkhán ớt mantái níc.
 Án la Yiang bráh o lứq;
 máh cũai lứq ngcốh cớp yám noap ramứh án.
 10 Cũai aléq ma yám noap Yiang Sursĩ,
 cũai ki tabốq bữn ốc roan rangoaiq ẽn.
 Máh cũai trĩh ốc án patáp,
 cũai ki lứq sapúh sa-ủi ẽn.
 Ốc khẽn Yiang Sursĩ, lứq ớt mantái níc!

† **110:3** 110:3 Rana 3 nái tỡ bữn raloaih tâng parnai Hê-brơ. ‡ **110:4** 110:4 Manchi-sadéc la manoaq cũai ca A-praham ramóh bo dũi mbốq. Nhêng tâng Saráq Tể Dầu 14:18-20.

112

Cũai Ca Yám Noap Yiang Sursĩ
Bữn Ốc Bũi Óh
 1 Lứq khẽn Yiang Sursĩ!

Bốn lứq cũai yám noap Yiang Sursĩ,
 la cũai ca bũi pahõm trĩh máh
 ốc án patáp.

2 Máh con cũai tanoang o, ki alóỉ
 bữn chóc tâng cruang alóỉ,
 cốp tống toiq án bữn ốc bốn
 lứq.

3 Dống sũ cũai nài cõt sốc bữn,
 cốp bữn ốc bốn níc.

4 Ốc poang claq chu ntốq canám
 yõn cũai tanoang o.
 Chơ cũai ki bữn mút sarũiq
 cốp mút lamên,
 cốp táq tanoang o níc.

5 Ramứh o toáq pở cũai tở bữn
 rahĩt;
 án prai práq yõn cũai canõh
 mian la ien lứq.
 Cốp máh ranáq án táq, ki án
 táq p̄ieiq níc.

6 Cũai ca trĩh phếp rit Yiang Sursĩ,
 ki án tở nai sâng pê pahõm tễ
 ranáq án táq.
 Máh cũai canõh lứq sanhữ
 níc án.

7 Cốp án tở bữn sâng ngcõh ntróu
 toáq án sâng han tễ ranáq
 tở o,
 yuaq mút pahõm án sa-âm
 Yiang Sursĩ pacái lứq.

8 Án tở bữn clong cốp tở bữn
 ngcõh ntróu,
 yuaq án dáng samoât lứq,
 nỡ-ra cũai par-ũal án lứq
 pê.

9 Án tampẽq cớng án yõn máh
 cũai cadĩt,
 cốp máh ranáq tanoang o án
 táq, ranáq ki õt mantái níc.

Nỡ-ra án bữn chóc toâr lứq,
 cốp sa-ũĩ náq cũai lứq yám
 noap án.

10 Tữ cũai loái hữm máh ranáq o
 án,

alóỉ sâng ũan lứq, cốp alóỉ
 carũot canẽng tabang chóc
 án.
 Toáq parsót thánq, máh cũai sâuq
 ki lứq cõt pút nehq,
 đẽh máh ốc alóỉ nguang la
 pút nehq tê.

113

Santoiq Khẽn Yiang Sursĩ, Yuaq
Án Táq O Níc

1 Lứq khẽn Yiang Sursĩ!
 Anhia ca táq ranáq Yiang Sursĩ ơi!
 Cóc anhia khẽn ramứh Yiang
 Sursĩ!

2 Yõn máh cũai khẽn ramứh Yiang
 Sursĩ, tễ sanua toau chumát
 mantái níc.

3 Tễ angia mandang loõh toau toáq
 angia mandang pát,
 cóq khẽn ramứh Yiang Sursĩ!

4 Yiang Sursĩ sốt nehq dũ cruang
 cũai.
 Chóc sốt cốp ốc poang tễ
 Yiang Sursĩ õt tâng pớng
 paloõng.

5 Tở bữn noau li cốp Yiang Sursĩ la
 Yiang hái sang,
 án ca sốt tễ pớng sarõih ki.

6 Ma án tapoang asẽng cốp hữm
 dũ ramứh tâng paloõng cốp
 tâng cóc cutẽq nài.

7 Án acốq cũai túh cadĩt tễ phõn
 cutẽq,
 cốp án acốq cũai túh arúc tễ
 ntốq alóỉ chũuq tanhĩr.

8 Án yõn alóỉ cõt yóu cốp cũai sốt,
 cốp yõn alóỉ tacu parnơi cốp
 cũai bữn chóc toâr lứq.

9 Án yõn mansẽm cõt cõt bữn con,
 cốp yõn mansẽm ki sâng bũi
 óh cõ bữn con acái.

Lứq khẽn Yiang Sursĩ!

114

Cansái Ūat Bữn Racláh

- 1 Toāq cūai I-sarel lōh tẽ cruang Ê-yip-tô,
la tống toiq Yacốp ca lōh tẽ cutẽq cūai mpha parnai.
- 2 Tangái ki tốp Yuda la tốp ca sang Yiang Sursĩ,
cốp nheq tốp I-sarel cõt cūai proai án.
- 3 Dỡq mut Cusâu cõt samoât án nhẽng, chơ án lúh tẽ alói.
Cốp crông Yôr-dan tangút hoi cốp hoi atung loah chu clĩ.
- 4 Máh cớh la samoât án lúh tamprũol ariang tốp mbẽq,
cốp máh dũal la tamprũol ỉn tốp cũu cõt,
yuaq ngcõh lứq.
- 5 Ở dỡq mut ơi! Yuaq nốq mới lúh ngkĩq?
Ở crông Yôr-dan ơi! Yuaq nốq mới tangút hoi?
- 6 Ở máh cớh ơi! Yuaq nốq mới lúh tamprũol ỉn mbẽq?
Ở máh dũal ơi! Yuaq nốq mới lúh tamprũol ỉn cũu cõt?
- 7 Ở cốc cutẽq ơi! Bo Yiang Sursĩ toāq,
cốc mới cacút cangcoaih yáng moat Yiang Sursĩ ca Yacốp sang.
- 8 Lứq án khoiq táq yỗn tamáu cõt amống dỡq,
cốp táq yỗn cõl tamáu cõt mec dỡq hoi.

115

Yiang Sursĩ La Yiang P̄ieiq Lứq

- 1 Ở Yiang Sursĩ ơi! Ống anhia toāp p̄ieiq lứq noau khẽn sa-ữn,
tỡ cõn hẽq mỗ; yuaq anhia ayooq níc cốp táq p̄ieiq níc.
- 2 Yuaq nốq máh cūai mỗ blóh hẽq neq.
“Nlẽq Yiang Sursĩ anhia?”
- 3 Yiang Sursĩ hẽq ốt tâng paloõng.

- Ntróu án yoc ẽ táq, ki lứq án táq.
- 4 Ma yiang alói ki cõt tẽ atĩ cūai táq toāq práq cốp yẽng.
- 5 Yiang alói bữn bỗq, ma tỡ tẽq táq ntõng;
bữn moat, ma tỡ tẽq hữm.
- 6 Yiang alói bữn cutũr, ma tỡ tẽq sâng;
bữn mủh, ma tỡ tẽq sâng hỡi ntróu.
- 7 Yiang alói bữn atĩ, ma tỡ tẽq yống satoaq ntróu;
bữn ayũng, ma tỡ tẽq pupõq, Yiang ki bữn tacong ỉn tacong cūai, ma tỡ bữn sường ntróu lōh tẽ ki.
- 8 Sẽq yỗn dũ náq cūai ca táq rup ki,
dẽh máh cūai sang yiang ki, cõt samoât rup ki tẽ, ỏq chớch cốp ỏq bán rêng.
- 9 Ở tốp I-sarel ơi! Cóg anhia sa-âm Yiang Sursĩ.
Án chuai cốp bán curiaq anhia.
- 10 Ở anhia tẽ tống toiq Arôn, la tẽng rit sang Yiang Sursĩ ơi!
Cóg anhia sa-âm án. Án lứq chuai cốp bán curiaq anhia.
- 11 Ở anhia ca yám noap Yiang Sursĩ ơi!
Cóg anhia sa-âm án. Án lứq chuai cốp bán curiaq anhia.
- 12 Lứq Yiang Sursĩ sanhữ cốp án satõh ỏc bốn yỗn hái dũ náq ca tẽ tốp I-sarel,
cốp dẽh nheq tũh cūai tẽ tống toiq Arôn, la cūai tẽng rit sang Yiang Sursĩ.
- 13 Lứq án satõh ỏc bốn yỗn dũ náq cūai yám noap án,
tam cūai sốt tỡ la cūai proai miat.
- 14 Sẽq Yiang Sursĩ yỗn tốp anhia bữn con châu sa-ữi,

- dẽ anhia cớp tống toiq anhia hỡ.
 15 Sẻq yõn tỗp anhia bữn roap ốc bốn tẻ Yiang Sursĩ,
 án ca tẻng paloõng cớp cốc cutẻq nài.
 16 Paloõng sarõih lứq la cõt khong Yiang Sursĩ,
 ma cốc cutẻq nài, án chiau yõn máh cũai bữn ốt cớp ndõm.
 17 Cũai khoiq cuchĩt tỡ tẻq khẽn Yiang Sursĩ,
 yuaq alỏi khoiq pỏq chu ntốq rangiac lứq.
 18 Ma hái ca noâng tamoong, ki hái tẻq sa-õn Yiang Sursĩ,
 tẻ sanua toau chumat mantái níc.

Lứq khẽn Yiang Sursĩ!

116

Cũai Ca Vót Tẻ Cuchĩt Khẽn Yiang Sursĩ

- 1 Cứq ayooq Yiang Sursĩ,
 yuaq án tamứng sường cứq cớp sâng máh ốc cứq câu sẻq án chuai.
 2 Yuaq án tamứng dũ chũr toâq cứq arô án chuai,
 ngkíq cứq ẻ arô sẻq níc chu án toau nheq dõi tamoong.
 3 Ốc cuchĩt ốt viel lavíng mpẻn cứq,
 cớp ốc ngcõh cuchĩt yống cứq pacái lứq.
 Mứt pahõm cứq ramóh ống ốc ngua cớp túh arúc.
 4 Cứq sẻq nhớ ramứh Yiang Sursĩ neq:
 “Ớ Yiang Sursĩ ớ! Sẻq anhia chuai amoong cứq nứng.”
 5 Yiang Sursĩ táq o níc,
 cớp án bữn mứt lamên.
 Yiang Sursĩ hái sang,
 án sarũiq táq toau clũi cliei.

- 6 Yiang Sursĩ catáng curiaq cũai ca tỡ dáng rachuai tẻ bữm.
 Tẻ nhũang, cứq khoiq ramóh túh coat, ma lứq
 án chuai amoong cứq.
 7 Mứt pahõm cứq ớ! Cớq mới sa-âm pacái lứq,
 yuaq Yiang Sursĩ yõn mới bữn moang ramứh o.
 8 Yiang Sursĩ khoiq chuai cứq vót tẻ cuchĩt.
 Án chut sarliang moat cứq,
 cớp án chuai cứq tỡ bữn cõt pẻ.
 9 Yuaq ngkíq, cứq noâng bữn tamooong cớp bữn ốt níc cheq Yiang Sursĩ.
 10 Cứq khoiq sa-âm, yuaq ngkíq cứq khoiq pai neq:
 “Cứq ramóh ốc túh coat la-õq thág.”
 11 Ma cứq noâng sa-âm, tam cứq sâng ngcõh cớp pai neq:
 “Dũ náq cũai la moang lauq sâng.”
 12 Ntrứu cứq ẻ chiau sang yõn Yiang Sursĩ,
 yuaq án yõn cứq bữn moang ramứh o?
 13 Cứq ẻ chiau sang yõn Yiang Sursĩ blống nho,
 đỏq sa-õn án khoiq chuai amoong cứq.
 14 Bân ntốq cũai proai rôm sang toam án,
 cứq ẻ chiau sang ramứh ca cứq khoiq par-ừq cớp án chớ.
 15 Toâq bữn muoi noaq cũai proai Yiang Sursĩ cuchĩt,
 ki án sâng túh ngua lứq.
 16 Ớ Yiang Sursĩ ớ! Cứq la cũai táq ranáq anhia,
 machóng mpiq cứq khoiq táq puai chớ.
 Anhia khoiq chuai amoong cứq;

- 17 ngkiq cúq bữn chiau sang máh
cơng đơq sa-ởn anhia,
cóp câu sễq tễ anhia.
- 18 Bân ntốq cūai proai rôm sang
Yiang Sursĩ,
cúq ế chiau sang máh ramứh
ca cúq khoiq par-ữq cóp án.
- 19 Tâng clóng Dông Sang Toâr
tâng vil Yaru-salem,
lứq cúq chiau sang ngkiq.

Lứq khẽn Yiang Sursĩ!

117

*Chũop Cốc Cutễq Khẽn Yiang
Sursĩ*

- 1 Ở dũ cruang pữn paloong cutrúq
ơi!
Cóq anhia khẽn Yiang Sursĩ.
Ơ dũ tốp cūai ơi!
Cóq anhia khẽn Yiang Sursĩ.
- 2 Yiang Sursĩ ayooq hái sa-ữi lứq.
Máh ốc p̄ieiq tễ án ốt mantái
níc.

Lứq khẽn Yiang Sursĩ!

118

Sa-ởn, Tam Khoiq Pê

- 1 Cóq sa-ởn Yiang Sursĩ, yuaq án
táq o níc!
Ốc ayooq tễ án ốt mantái níc!
- 2 Yỗn dũ tốp I-sarel pai neq:
“Ốc ayooq tễ án ốt mantái
níc!”
- 3 Yỗn tốp Arôn ca tễng rit sang
Yiang Sursĩ pai neq:
“Ốc ayooq tễ án ốt mantái
níc!”
- 4 Yỗn dũ náq cūai ca yám noap
Yiang Sursĩ pai neq:
“Ốc ayooq tễ án ốt mantái
níc!”
- 5 Toâq cúq ramóh túh arức lứq
tâng mút pahờm, cúq arô
Yiang Sursĩ;
chơ án lứq ta-ởi santoiq cúq
sễq.

- Án chuai cúq yỗn vót tễ máh
ramứh croốq criat.
- 6 Lứq Yiang Sursĩ toâp chuai cúq.
Cúq tở bữn ngcồh ntrớu.
Cūai tở tềq táq ntrớu chóq
cúq.
- 7 Lứq Yiang Sursĩ ốt coah cúq,
cóp án chuai cúq.
Ngkiq cúq bữn hữm cūai kêt
cúq cõt pê.
- 8 Khaq poâng Yiang Sursĩ, saláng
poâng cūai.
- 9 Khaq poâng Yiang Sursĩ, saláng
poâng cūai sôt.
- 10 Cūai tễ sa-ữi cruang ca ốt mpễ
cúq,
ma cúq bữn cachit táh nheq
tốp alóí,
nhơ chóc toâr tễ ramứh Yiang
Sursĩ.
- 11 Lứq alóí sarlũm cúq dũ ravéh,
ma cúq bữn cachit nheq alóí,
nhơ chóc toâr tễ ramứh Yiang
Sursĩ.
- 12 Tam alóí sarlũm cúq samoât
khĩal ế sũiq,
ma alóí cuchit cháí lứq, ari-
ang noau chống p̄i rambũ.
Cúq bữn cachit nheq alóí la
nhơ chóc toâr tễ ramứh
Yiang Sursĩ.
- 13 Alóí chíl cúq rêng lứq,
táq yỗn cúq cheq ế pê.
Ma Yiang Sursĩ toâq rachuai
cúq.
- 14 Yiang Sursĩ yỗn cúq bữn rêng
loah tamái.
Lứq án toâp chuai amoong
cúq.
- 15 Tamứng sường triau cupo bũ
ởn lứq tễ tốp Yiang Sursĩ,
yuaq chóc bán rêng tễ Yiang
Sursĩ toâp chuai alóí bữn
chĩ riap.
- 16 Chóc bán rêng tễ Yiang Sursĩ
táq yỗn tốp hái bữn riap,
la chóc toâr lứq đơq rachĩl.
- 17 P̄ieiq lứq la cúq khoiq cuchit,

- ma noàng cứq bữn tamoong
 đợc pau atõng tẽ ranáq
 Yiang Sursĩ khoiq táq.
- 18 Lứq p̄ieiq Yiang Sursĩ yõn cứq
 roap tột ntàng,
 ma án tỡ bữn táh cứq yõn
 cuchĩt.
- 19 Pớh ngoah toong Dõng Sang
 Toâr yõn cứq tẽq mut,
 đợc tẽq cứq mut sa-õn Yiang
 Sursĩ.
- 20 Nâi la ngoah toong Yiang Sursĩ;
 õng cũai tanoang o toập tẽq
 mut tâng ntốq nâi.
- 21 Cứq sa-õn anhia, Yiang Sursĩ ơi!
 Cỗ anhia khoiq ta-õi máh ố
 cứq câu sễq.
 Anhia la án ca chuai amoong
 cứq.
- 22 Cốc tamáu cũai táq dõng khoiq
 táh chơ,
 lứq samoât tamáu ki o hỡn tẽ
 nheq tamáu canõh.
 Chơ noau ít cớp chĩp tamáu ki
 bân soq dõng.
- 23 Ranáq nâi Yiang Sursĩ toập
 khoiq táq,
 la ranáq salẽh lứq án táq
 yáng moat hái.
- 24 Tangái nâi la tangái Yiang Sursĩ
 yõn hái bữn ố bữi óh.
 Hái õn chỡ, yuaq án yõn hái
 bữn riap.
- 25 Ở Yiang Sursĩ ơi! Sễq anhia
 chuai amoong hếq.
 Ở Yiang Sursĩ ơi! Sễq anhia
 chuai máh ranáq hếq táq
 yõn tẽq táq moâm.
- 26 Sễq Yiang Sursĩ yõn ố bốn
 pỡ cũai ca toâq nhỡ ramứh
 Ncháu.

- Nheq tốp hếq ớt rôm tâng
 Dõng Sang Toâr sễq ố bốn
 yõn máh cũai ki.
- 27 Yiang Sursĩ la Yiang sớt toâr
 lứq!
 Án khoiq táq ranáq o yõn tốp
 hái.
 Cớq hái yõng abẽng aluang cớp
 tayáh parnõi pỡq lavíng
 mpẽr prõng sang khong
 Yiang Sursĩ,
 táq tếc hái sâng bữi õn lứq.
- 28 Anhia la Yiang Sursĩ cứq! Cứq
 sa-õn anhia!
 Cớp cứq ẽ pau atõng tẽ chớc
 sớt toâr anhia.
- 29 Cớq sa-õn Yiang Sursĩ, yuaq án
 táq o níc!
 Ốc ayooq tẽ án ớt mantái níc!

119

*Aleph**

- 1 Bốn lứq cũai ca tỡ bữn noau tểq
 alới táq lỏih,
 la alới ca puai phễp rit Yiang
 Sursĩ.
- 2 Bốn lứq cũai ca noap ít ố Yiang
 Sursĩ patâp,
 la cũai ca trĩh nheq mút
 pahõm.
- 3 Alới tỡ nai táq ranáq sâuq,
 ma alới tayáh puai tâng rana
 Yiang Sursĩ yoc.
- 4 Yiang Sursĩ ơi! Anhia khoiq
 catoaih atõng
 tẽ ngẽ anhia ếq hếq trĩh.
- 5 Ở! Cứq yoc lứq ớt sabớng o,
 đợc cứq trĩh máh ố anhia
 khoiq patâp.
- 6 Khân cứq noap ít níc máh san-
 toiq anhia ón,
 ki cứq tỡ bữn sâng casiet
 ntrớu.
- 7 Toâq cứq dáng raloaih anhia
 patâp tanoang o,

* 119: 119:0 Dù pún cốt tâng pún 119 nâi, puai chữq 'a, b, c' tâng parnai Hê-bro.

ki lứq cứq khẽn anhia nhơ tẽ
mút patoat o.

⁸ Lứq cứq táq puai máh ốc anhia
khoiq patâp.

Sễq anhia chõih calõih táh cứq.

Beth

⁹ Máh cũai póng cóq táq nỏq tềq
rabán mút pahõm yõn bráh
o?

Cóq alóih táq puai parnai Yiang
Sursĩ samoat samoi.

¹⁰ Cứq yoc táq ranáq anhia nheq
tẽ mút pahõm.

Chõih yõn cứq nguai tẽ parnai
anhia ớn.

¹¹ Lứq cứq cayóm đốq máh ốc an-
hia patâp tâng mút pahõm
cứq,

đốq cứq tở bữn táq lôih chỏq
anhia.

¹² O Yiang Sursĩ oi! Cứq khẽn
anhia.

Sễq anhia arĩen cứq tẽ máh ốc
anhia patâp.

¹³ Cứq pau atõng loah tẽ dũ ốc
anhia khoiq patâp cứq.

¹⁴ Cứq sâng bũi óh puai máh
ốc patâp ki,

clũih nheq tẽ sanốc tâng cốc
cutẽq nãi.

¹⁵ Cứq chanchóm níc tẽ parnai
anhia tẽih atõng,

cóp cứq rien yõn dáng raloaih
lứq tẽ máh ngẽ anhia.

¹⁶ Cứq sâng bũi tâng mút pahõm
tẽ máh ốc anhia patâp.

Cóp cứq tở nai khlĩr tẽ máh
parnai anhia atõng.

Gimel

¹⁷ Sễq anhia táq o chỏq cứq la cũai
táq ranáq anhia,

đốq cứq nõng tềq bữn ta-
moong cóp trĩh máh parnai
anhia atõng.

¹⁸ Sễq anhia pớh moat cứq
yõn hữm máh ranáq salẽh tẽ
phếp rit anhia.

¹⁹ Yuaq cứq la cũai ớt mahõih sâng
tâng cốc cutẽq nãi,

la samoat cũai tamoi,
ngkĩq cứq sễq anhia chõih cu-
tooq máh santoiq anhia ớn.

²⁰ Mút pahõm cứq cõt túh ngua cõ
ớt nguang

yoc ẽ dáng cu rangái tẽ ốc
anhia patâp.

²¹ Lứq anhia tềq cũai achõn tở
cóp pupap alóih ca tở bữn
tamứng santoiq anhia ớn.

²² Sễq anhia đững cứq yõn vớ
tẽ parnai noau voỏq cóp
mumat,

yuaq cứq la cũai ca trĩh máh
ốc anhia patâp.

²³ Bữn cũai sớt sarhống ẽ cauq
cứq,

ma cứq nõng cutóng rien tẽ
ốc anhia patâp.

²⁴ Máh ốc anhia patâp táq yõn
mút cứq sâng bũi óh.

Cóp máh ốc ki la samoat
noau atõng yõn cứq cõt
rangoiq.

Daleth

²⁵ Cứq cheq ẽ cuchĩt.

Sễq anhia chuai cứq yõn bữn
tamoong loah tamái,
ĩn anhia khoiq par-ữq chơ.

²⁶ Cứq ngin kho dũ ramứh ca cứq
khoiq táq lôih;

cóp anhia khoiq ta-õih cứq.

Sễq anhia arĩen cứq yõn dáng tẽ
santoiq anhia khoiq patâp.

²⁷ Sễq anhia chuai cứq yõn dáng
raloaih tẽ máh ranáq anhia
catoaih atõng;

chơ cứq tềq tutuaiq loah
tẽ máh ranáq salẽh anhia
khoiq táq.

²⁸ Mút pahõm cứq cõt ieuq tuar
lứq cõ tian ốc ngua.

Sễq anhia aliam cứq yõn bữn
rềng loah
ĩn anhia khoiq par-ữq chơ.

²⁹ Sễq anhia chõih yõn cứq pớq
tâng rana tở pĩieiq;

cóp sêq anhia táq o chóq cúq,
 cóp arĩen cúq tẽ phẽp rit
 anhia.
 30 Cúq khoiq ruroh rana ẽ trĩh
 anhia;
 cóp cúq bũi roap ĩt máh ốc
 anhia patâp.

31 Ở Yiang Sursĩ ơi! Cúq khoiq
 puai chơ máh ốc anhia
 patâp.

Chõĩ yõn cúq sâng casiet táq.

32 Cúq ẽr áiq lứq ẽ puai santoiq
 anhia ớn,
 yuaq anhia toâp têq yõn cúq
 dáng raloaih lứq ẽn.

He

33 Ở Yiang Sursĩ ơi! Sêq anhia
 arĩen cúq
 yõn dáng dũ ramứh tẽ ốc
 anhia patâp;
 khẽ cúq táq tapun toau nheq
 đõĩ tamoong cúq.

34 Sêq anhia chuai cúq yõn dáng
 raloaih tẽ phẽp rit anhia;
 khẽ cúq táq puai nheq tẽ mút
 pahõm.

35 Sêq anhia dũng cúq pỡq tâng
 rana anhia khoiq ớn cúq
 pỡq,
 yuaq cúq sâng bũi pahõm tẽ
 santoiq ki.

36 Sêq anhia chuai yõn mút
 pahõm cúq yoc ẽ puai níc
 máh ốc anhia patâp,
 saláng ham yoc sanốc tâng
 đõĩ nâi.

37 Sêq anhia avĩaq mút pahõm
 cúq yõn tẽ máh ranáq ca tỡ
 bũn kia ntróu;
 ma sêq anhia táq o chóq cúq
 samoât anhia khoiq par-ữq
 chơ.

38 Sêq anhia sanhữ níc tẽ máh
 santoiq anhia khoiq par-ữq
 cóp cúq,
 la cũai táq ranáq anhia.
 Parnai par-ữq ki, anhia yõn
 pỡ cũai sang toam anhia.

39 Sêq anhia chuai cúq yõn vót tẽ
 santoiq noau mumat ca táq
 yõn cúq sâng croốq,
 yuaq ốc anhia patâp la crái
 lứq.

40 Cúq yoc lứq puai máh santoiq
 anhia catoaih atõng.
 Cỗ anhia la tanoang o, ngkĩq
 sêq anhia yõn cúq bũn ta-
 moong loah tamái.

Waw

41 Ở Yiang Sursĩ ơi! Sêq anhia
 apáh yõn cúq dáng anhia
 ayooq níc cúq,
 cóp chuai amoong cúq ĩn an-
 hia khoiq par-ữq chơ.

42 Chơ cúq têq ta-õĩ alớĩ ca ayê
 ra-ac cúq,
 yuaq cúq noap santoiq anhia
 khoiq par-ữq ki.

43 Sêq anhia chuai cúq yõn
 pai máh ốc pĩeiq tâng cu
 rangái,
 yuaq ramứh cúq ngcuang ki
 toâq tẽ ốc anhia patâp.

44 Lứq cúq trĩh níc phẽp rit anhia
 mantái níc.

45 Anhia chuai cúq yõn pỡq ien
 khẽ,
 yuaq cúq chuaq yoc ẽ trĩh
 máh santoiq anhia catoaih
 atõng.

46 Cúq yoc ẽ pau atõng tẽ ốc
 anhia patâp choâng moat
 máh cũai puo;
 lứq cúq tỡ bũn sâng casiet táq
 ntróu.

47 Cúq sâng bũi óh lứq tẽ santoiq
 anhia ớn,
 yuaq cúq pasêq máh santoiq
 ớn.

48 Cúq yám noap cóp pasêq máh
 santoiq anhia ớn,
 cóp cúq õt chanchóm níc tẽ
 ốc anhia patâp.

Zayin

49 Sêq anhia sanhữ loah máh
 ốc anhia khoiq par-ữq cóp
 cúq,

- la cūai táq ranáq anhia.
 Cúq ốt ngcuang tể máh ramúh anhia par-ữq ki.
 50 Bo cúq ramóh túh coat, anhia toáq aliam.
 Cỗ nhơ tể ốc anhia par-ữq ki, ngkíq cúq bữn tamooong.
 51 Máh cūai ốt sác ayê ra-ac níc cúq,
 ma cúq tở nai nguai tể phếp rit anhia.
 52 Ở Yiang Sursĩ ơi! Toáq cúq chanchóm loah tể ốc anhia patáp tể mbỏq,
 ốc ki aliam níc mút pahồm cúq toau sanua.
 53 Bo cúq hữm cūai loai paluan phếp rit anhia,
 mút pahồm cúq sâng cutâu lứq.
 54 Cúq ít máh ốc anhia patáp táq cansái ũat,
 đốq cúq ũat toau nheq đơi tamooong bo noâng ốt tâng cốc cutểq nài.
 55 Ở Yiang Sursĩ ơi! Tâng sadâu, cúq sanhữ níc tể ramúh anhia,
 cốp cúq trỉh máh phếp rit anhia.
 56 Cúq sâng bủi lứq toáq cúq trỉh santoiq anhia tểih atởng.

Heth

- 57 Ở Yiang Sursĩ ơi! Anhia cốt dũ ramúh cúq cóq bữn.
 Cúq sểq parkhán neq: Cúq ể trỉh máh santoiq anhia atởng.
 58 Cúq sểq cucốh cucũoi anhia nheq tể mút pahồm cúq;
 sểq anhia sâng sarũiq táq cúq nứng,
 samoât anhia khoiq par-ữq tể nhũang chơ.
 59 Cúq ốt chanchóm loah tể máh ranáq cúq khoiq táq tể nhũang.
 Ngkíq cúq pruam samoât samoi

- la cúq ể táq puai ống ốc anhia patáp sâng.
 60 Cúq tở bữn cro noâng; cúq roap ít toáp;
 chơ táq puai máh santoiq anhia ốn cúq táq.
 61 Tam cūai loai táq sarnốq ể chốq cúq;
 ma cúq tở bữn khlir phếp rit anhia.
 62 Toáq muoi mpút cúq tamở sa-ởn anhia,
 yuaq ốc anhia patáp la tanoang lứq.
 63 Cúq cốt yóu cốp dũ náq cūai yám noap anhia,
 alóic ca táq puai máh ranáq anhia catoaih atởng.
 64 Ở Yiang Sursĩ ơi! Tâng cốc cutểq nài bữn moang ốc ayooq tể anhia sâng.
 Sểq anhia arřen cúq tể ốc anhia patáp.

Teth

- 65 Ở Yiang Sursĩ ơi! Anhia khoiq táq ranáq o yỗn cúq,
 la cūai táq ranáq anhia.
 Cốp anhia táq puai máh ốc anhia khoiq par-ữq chơ.
 66 Sểq anhia chuai cúq yỗn cốt rangoaiq cốp dáng raloaih,
 yuaq cúq sa-âm cốp noap máh santoiq anhia ốn.
 67 Bo nhũang anhia đốq manrap cúq,
 la cồ tian cúq táq ranáq lôi.
 Ma sanua, cúq trỉh parnai anhia.
 68 Anhia bữn mút o cốp táq p̄ieiq níc.
 Sểq anhia arřen cúq tể láih parnai anhia.
 69 Cūai ốt chuaq apót cúq ốc tở bữn lứq;
 ma cúq trỉh nheq mút pahồm máh santoiq anhia catoaih atởng.
 70 Nheq tũh cūai nài tở bữn dáng ntrầu tháng;

ma cứq sâng bũi óh tễ phễp
rit anhia.

71 Ranáq anhia manrap ki cõt
ranáq o yõn cứq,
yuaq óc ki táq yõn cứq dáng
samoát samoi tễ óc anhia
patáp.

72 Phễp rit anhia yõn ki bũn kia
lứq yõn cứq,
cũi tễ práq yễng tâng cốc
cutễq nãi.

Yodh

73 Atĩ anhia khoiq tễng cốp bán
kĩaq cứq.
Sễq anhia yõn cứq bũn mút
rangoiq,
yõn cứq tềq rien tễ máh san-
toiq anhia ón.

74 Máh cũai yám noap anhia
tềq sâng bũi toáq alói hũm
cứq,
yuaq cứq sa-âm samoát
samoi tễ parnai anhia.

75 O Yiang Sursĩ ơi! Cứq dáng
samoát lứq, anhia rasũq
piẽiq cốp tanoang lứq;
cốp cõ tễ óc tanoang tapũng
anhia, ngkĩq yuaq cứq
chũuq óc túh coat.

76 Sễq óc ayooq tễ anhia aliam
mút pahõm cứq,
ariang anhia khoiq par-ũq
cốp cứq chơ,
la cũai táq ranáq anhia.

77 Sễq anhia sarũiq táq đõq cứq
tềq bũn tamooq;
cõ nhơ tễ phễp rit anhia, cứq
sâng bũi óh.

78 Sễq yõn cũai ốt sác cõt casiet
táq,
yuaq alói chuaq óc tỡ bũn lứq
ễ apót cứq.
Ma cứq yoc ễ chanchóm
ống tễ ranáq anhia catoaih
atõng sâng.

79 Sễq yõn máh cũai yám noap
anhia toáq pỡ cứq,

yõn alói dáng tễ óc anhia
patáp.

80 Sễq anhia chuai mút pahõm
cứq yõn puai níc máh óc
anhia patáp,
đõq cứq tỡ bũn sâng casiet
táq.

Kaph

81 Mút pahõm cứq ieuq tuar
lứq, cõ õt acoan anhia toáq
chuai amooq;
ma cứq noâng bũn óc
ngcuang tễ óc anhia atõng.

82 Moat cứq tỡ rơi culian nhêng
noâng,
yuaq lakéh acoan tễ máh óc
anhia par-ũq cốp cứq.

Cốp cứq blóh neq: “Noâng
máh léq dũn nõq anhia
toáq aliam cứq?”

83 Cứq cõt sanốq aluoi ngcâr óq
kia,
tỡ tềq tâc noâng.
Ma cứq tỡ nãi khĩr óc anhia
khoiq patáp.

84 Noâng dũn máh léq cứq cóq ốt
acoan?
Cốp tangái léq anhia ễ toáq
rasũq cũai padâm cứq?

85 Máh cũai ốt,
alói piq prúng ễ cốp cứq.
Alói la cũai ca tỡ ễq trĩh phễp
rit anhia.

86 Máh santoiq anhia ón la piẽiq
lứq.
Sễq anhia chuai cứq nừng!
Cứq piẽiq cũai lauq táq túh
coat.

87 Cheq alói ễ cachĩt cứq,
ma cứq tỡ nãi khĩr óc anhia
catoaih atõng.

88 Sễq anhia bán curiaq dõi ta-
moong cứq,
nhơ tễ óc ayooq anhia.
Ngkĩq, cứq tềq táq puai máh
óc anhia patáp.

Lamedh

89 O Yiang Sursĩ ơi! Máh parnai
anhia atõng, lứq tỡ nãi pút.

- Parnai ki õt pacái níc tâng paloõng.
 90 Dũ óc anhia pai la p̄ieiq níc, cớp õt mantái níc tâng dũ dõĩ cũai.
 Anhia khoiq achúh cốc cutẽq nài bân ntốq án õt, yõn õt ngki mantái níc.
 91 Dũ ramứh anhia khoiq tẽng, lứq bữn níc toau toâq tangái nài, yuaq dũ ramứh ki la táq ranáq anhia tẽ.
 92 Nho tẽ phễp rit anhia táq yõn cứq sâng bũĩ óh, ngkíq cứq tỡ bữn cuchĩt cõ tian ramóh túh arức sa-ũĩ.
 93 Lứq cứq tỡ nai khlĩr máh óc anhia khoiq catoaih atõng, yuaq nho tẽ óc ki, anhia chuai cứq yõn bữn tamoong.
 94 Cứq cõt khong anhia. Ngkíq sễq anhia chuai cứq yõn bữn vót tẽ cuchĩt, yuaq cứq yoc lứq táq puai máh óc anhia catoaih atõng.
 95 Bữn cũai loài õt crốq ẽ cachĩt cứq, ma cứq noâng õt tutuaiq níc tẽ óc anhia patâp.
 96 Cứq khoiq hữm dũ ramứh bữn pứp, ma santoiq anhia ớn ki ốq pứp.
Mem
 97 Cứq pasếq lứq phễp rit anhia! Cứq õt tutuaiq níc tẽ phễp rit ki nheq tangái.
 98 Santoiq anhia õt níc cớp cứq, cớp yõn cứq cõt rangoiq hữn tẽ alớĩ ca ẽ táq cứq.
 99 Cứq dáng sa-ũĩ hữn tẽ nheq tũh cũai arĩen cứq, yuaq cứq tutuaiq níc tẽ santoiq anhia patâp.
 100 Cớp cứq cõt rangoiq hữn tẽ cũai thâu,

- yuaq cứq trĩh máh parnai anhia catoaih atõng.
 101 Cứq khoiq viaq yõng tẽ dũ ngẽ sâuq, yuaq cứq yoc ẽ trĩh ống óc anhia atõng sâng.
 102 Cứq tỡ bữn táh muoi santoiq ntróu tẽ óc anhia patâp, yuaq anhia toâp atõng cứq.
 103 Toâq cứq chim tẽ parnai anhia atõng, cứq sâng ngiam ẽm lứq. Parnai ki ngiam hữn tẽ đõq khĩal.
 104 Cứq cõt rangoiq la cõ nho tẽ parnai anhia catoaih atõng. Ngkíq yuaq cứq kêt dũ ramứh ranáq sâuq.

Nun

- 105 Santoiq anhia atõng cõt ariang aroam abal rana, yõn cõt poang tâng rana cứq pởq.
 106 Cứq ẽ yõng pacái lứq máh óc cứq khoiq par-ữq chớ; đõq cứq táq puai máh óc tanoang o ca anhia khoiq patâp.
 107 O Yiang Sursĩ ơi! Cứq ramóh túh arức ntâng lứq. Sễq anhia chuai dõĩ tamoong cứq puai loah máh óc anhia khoiq par-ữq chớ.
 108 O Yiang Sursĩ ơi! Sễq anhia roap santoiq cứq câu đõq cõt óc sa-õn anhia; cớp sễq anhia arĩen cứq tẽ máh óc anhia patâp.
 109 Dõĩ tamoong cứq õt bân ntốq croốq criat; ma cứq tỡ nai khlĩr tẽ phễp rit anhia.
 110 Cũai loài táq sarnốq ẽ chốq cứq; ma cứq tỡ bữn táh muoi santoiq ntróu ca anhia catoaih atõng.
 111 Máh óc anhia patâp cõt mun cứq mantái níc;

óc ki táq yõn mút pahõm cúq
 cõt bũi õn.
 112 Cúq pruam chơ ẽ trĩh máh
 santoiq anhia patâp
 tẽ tangái nâi toau toâq tangái
 cúq cuchĩt.

Samekh

113 Cúq kêt cũai bũn bar mút;
 ma cúq ayooq phẽp rit anhia.
 114 Anhia la án ca bán curiaq kĩaq
 cudar cúq.
 Ngkĩq cúq nguang tâng par-
 nai anhia atõng.

115 Anhia ca cũai loâi oi!
 Dêq yong tẽ cúq,
 yuaq cúq yoc ẽ trĩh õng par-
 nai Yiang Sursĩ ón sâng.

116 Sêq anhia chuai cúq yõn bũn
 bán rêng,
 puai máh óc anhia khoiq
 par-ũq chơ.

Dõq cúq têq bũn tamoong.
 Cóp chõĩ yõn mút pahõm cúq
 cõt pút óc nguang.

117 Sêq anhia acõq ca-ũr cúq;
 chơ cúq bũn vót tẽ túh coat;
 ngkĩq cúq têq noap samoât
 samoi tẽ parnai anhia
 patâp.

118 Anhia nguai tẽ dù náq cũai
 ca tở bũn tamúng óc anhia
 patâp;
 máh ngê alói raphêq rathũ ki
 tở bũn cõt kia ntrõu.

119 Lúq anhia nhêng cũai loâi
 samoât riang cõng nhơp;
 ngkĩq cúq pasêq máh óc an-
 hia patâp.

120 Tở chác cúq cõt cangcoaih,
 yuaq cúq ngcõh anhia;
 cóp cúq sâng ngcõh lúq tẽ
 ranáq anhia rasũq cũai.

Ayin

121 Cúq táq ranáq pĩeiq cóp
 tanoang o níc.
 Sêq anhia chõĩ chiau cúq pở
 atĩ cũai padám.

122 Sêq anhia par-ũq rachuai cúq,
 la cũai táq ranáq anhia.

Chõĩ táh cúq yõn cũai achõn
 tở tĩn calon cúq.

123 Moat cúq nhêng lakéh lúq,
 cõ tian acoang anhia toâq
 chuai amoong,
 ãn anhia khoiq par-ũq chơ.

124 Sêq anhia táq chók cúq na óc
 ayooq,
 yuaq cúq la cũai táq ranáq
 anhia.

Cóp sêq anhia arĩen cúq tẽ máh
 óc anhia patâp.

125 Cúq la cũai táq ranáq anhia.
 Sêq anhia yõn cúq dáng
 raloaih tẽ máh óc anhia
 patâp.

126 O Yiang Sursĩ oi! Toâq ngư chơ
 anhia aloõh atĩ táq,
 yuaq máh cũai loâi tở bũn
 trĩh phẽp rit anhia.

127 Lúq samoât, cúq pasêq santoiq
 anhia atõng clũĩ tẽ yẽng,
 clũĩ tẽ yẽng muoi chít.

128 Ngkĩq, cúq táq puai máh san-
 toiq anhia catoaih atõng.
 Ma cúq kêt lúq máh ranáq
 sâuq.

Pe

129 Máh óc anhia patâp la salẽh
 lúq.

Yuaq ngkĩq, cúq trĩh máh óc
 ki nheq tẽ mút pahõm.

130 Toâq noau aloõh ngê tẽ parnai
 o anhia,
 ngê ki cõt samoât óc poang
 yõn cũai sacũl têq cõt ran-
 goaiq.

131 Cúq ẽr áiq yoc ẽ sâng tẽ santoiq
 anhia ón,
 cõt samoât charán hál ẽ cha
 sana.

132 Sêq anhia nhêng chu cúq cóp
 sarũiq táq,
 samoât anhia dõq táq chók
 alói ca ayooq anhia.

133 Puai loah óc anhia khoiq
 par-ũq chơ,
 sêq anhia chõĩ yõn cúq dóm;
 cóp anhia chõĩ yõn ngê loâi
 bũn riap cúq.

- 134 Sẻq anhia chuai cứq yỗn vớt tẻ
cũai đốq ẻ padâm cứq;
ngkíq cứq tẻq trỉh máh san-
toiq anhia catoaih atởng.
- 135 Sẻq anhia nhẻng salỉq cứq, la
cũai táq ranáq anhia,
cóp arỉen cứq tẻ máh phẻp rit
anhia.
- 136 Sarliang moat cứq hoi samoát
dởq,
cỏ tian tẻ máh cũai tở bữn trỉh
phẻp rit anhia.

Tsadhe

- 137 O Yiang Sursỉ ơi! Anhia la
tanoang o lứq,
cóp anhia rablỏh pẻiq níc.
- 138 Nheq máh ỏc anhia khoiq
patáp
la tanoang o cóp pẻiq lứq.
- 139 Cứq sâng nsóq mút lứq cởt
samoát ũih blử,
la cỏ tian sa-ửi cũai par-ũal
chóq cứq;
alói tở ẻq trỉh santoiq anhia
atởng.
- 140 Ỏc anhia par-ửq khoiq noau
chìm chớ.
Cứq la cũai táq ranáq anhia,
cứq pasẻq máh ỏc par-ửq ki.
- 141 Cứq la cũai tở bữn toâr ntrớu,
cóp đốq noau mumat;
ma noâng cứq tở bữn khlỉr tẻ
máh santoiq anhia catoaih
atởng.
- 142 Ỏc tanoang o tẻ anhia ỏt
mantái níc;
cóp phẻp rit anhia la pẻiq
níc.
- 143 Cứq chửuq túh coat cóp ngua
arức lứq;
ma santoiq anhia ỏn táq yỗn
cứq sâng bửi óh.
- 144 Máh ỏc anhia patáp la pẻiq
níc.
Sẻq anhia chuai cứq yỗn dáng
raloaih lứq ẻn,
dỏq cứq tẻq bữn tamoong.

Qoph

- 145 O Yiang Sursỉ ơi! Cứq arỏ
sabau anhia nheq tẻ mút
pahỏm cứq.
Sẻq anhia ta-ửi cứq nửng;
chớ cứq ẻ trỉh nheq máh ỏc
anhia patáp.
- 146 Cứq arỏ sẻq anhia chuai
amoong;
dỏq cứq tẻq táq puai máh ỏc
anhia patáp.
- 147 Nhửang moat mandang chỏn,
cứq arỏ sẻq anhia chuai.
Cứq nguang tẻ parnai anhia
atởng.
- 148 Nheq sadáu cứq tamở, tở bữn
bẻq langẻt,
yuaq ỏt tutuaiq loah tẻ máh
ỏc anhia khoiq par-ửq.
- 149 O Yiang Sursỉ ơi! Yuaq anhia
ayooq níc, ngkíq sẻq anhia
tamứng cứq nửng.
Yuaq anhia rasửq tanoang
lứq,
ngkíq sẻq anhia rabán kỉaq
dỏi tamoong cứq.
- 150 Cũai loái ca ẻ táq cứq khoiq
toáq cheq chớ.
Alói tở nai táq puai máh phẻp
rit anhia.
- 151 Ma Yiang Sursỉ ơi! Anhia ỏt
cheq cứq níc;
cóp máh santoiq anhia ỏn la
pẻiq lứq.
- 152 Cứq dáng khoiq dửn chớ tẻ ỏc
anhia patáp;
anhia táq yỗn santoiq ki ỏt
mantái níc.

Resh

- 153 Khản anhia nhẻng chu cứq,
ki anhia dáng máh lẻq ntâng
cứq chửuq túh arức.
Sẻq anhia chuai cứq yỗn vớt tẻ ỏc
ki,
yuaq cứq tở bữn khlỉr phẻp rit
anhia.
- 154 Sẻq anhia bẻng cóp thái cứq.
Sẻq anhia táq yỗn cứq noâng
bữn tamoong,

- puai loah máh ốc anhia khoiq par-ữq.
 155 Anhia tở bữn chuai amoong cũai loài,
 yuaq alóỉ tở bữn trỉh ốc anhia patâp.
 156 O Yiang Sursĩ ơi! Ồc sarũiq táq tể anhia ki toâr lứq.
 Yuaq anhia rasữq tanoang o, sễq anhia bán kĩaq dôi tamoong cứq.
 157 Bữn chũng cũai ẽ táq cớp ếp cứq;
 ma cứq tở bữn nguai tể santoiq anhia patâp.
 158 Toâq cứq nhêng chu cũai alia bar ploah,
 cứq sâng panguang tháng, yuaq alóỉ tở bữn tamúng par-nai anhia ớn.
 159 O Yiang Sursĩ ơi! Sễq anhia nhêng samoât, yuaq cứq pasếq máh santoiq anhia catoaih atõng.
 Ốc ayooq tể anhia tở nai ralếq;
 ngkíq sễq anhia bán kĩaq dôi tamoong cứq.
 160 Máh santoiq anhia pai la p̄ieiq lứq;
 cớp dũ ốc anhia patâp la tanoang o mantái níc.

Sin cớp Shin

- 161 Máh cũai bữn chớc toâq chíl cứq;
 alóỉ táq ngkíq la lứq tở p̄ieiq. Ma cứq yám noap máh santoiq anhia atõng.
 162 Cứq bữn bũi óh la cõ nhơ tể ốc anhia khoiq par-ữq,
 samoât riang cũai tamóh práq yễng sa-ũi.
 163 Cứq kêt dũ ranáq raphếq rathũ;
 ma cứq pasếq phễp rit anhia.
 164 Lứq cứq khẽn anhia muoi tangái tapul trở,
 yuaq ốc anhia patâp tanoang o.

- 165 Cũai aléq pasếq phễp rit anhia, ki bữn ien khẽ;
 cớp tở bữn acán ntróu têq táq yõn án cõt dóm sartut.
 166 O Yiang Sursĩ ơi! Cứq ớt acoan anhia toâq chuai amoong;
 cớp cứq táq puai máh santoiq anhia ớn.
 167 Mút pahôm cứq trỉh máh ốc anhia patâp;
 cứq pasếq máh ốc ki nheq tể mút pahôm.
 168 Cứq táq puai máh santoiq anhia catoaih atõng cớp máh ốc anhia patâp,
 yuaq anhia hữm dũ ramứh cứq táq.

Taw

- 169 O Yiang Sursĩ ơi! Sễq yõn dũ ramứh cứq sễq nâi chõn toâq pở anhia.
 Sễq anhia chuai cứq yõn dáng raloaih,
 puai máh santoiq anhia khoiq atõng chơ.
 170 Sễq anhia tamúng máh sường santoiq cứq câu sễq;
 cớp sễq anhia chuai amoong cứq puai loah ốc anhia khoiq par-ữq.
 171 Tambớr cứq pai aloõh santoiq khẽn anhia,
 yuaq anhia khoiq arĩen cứq yõn dáng tể máh ốc anhia patâp.
 172 Lieih cứq carvát dỏq ũat khẽn tể ốc anhia khoiq par-ữq,
 yuaq máh santoiq anhia ớn la p̄ieiq níc.
 173 Sễq anhia thrũan cớp toâq chuai cứq,
 yuaq cứq táq p̄ieiq puai máh santoiq anhia catoaih atõng.
 174 O Yiang Sursĩ ơi! Cứq ểq lứq anhia toâq chuai amoong;
 cứq bũi pahôm tể phễp rit anhia.

- 175 Sẹ̉q anhia chuai cứq yỗn
bữn tamooŋ đốq tẹ̉q khẹ̉n
ramứh anhia;
cóp sẹ̉q yỗn ốc anhia patáp
toáq rachuai cứq.
- 176 Cứq khoiá cłóc rana, cóp pỏq
chu túng-tooc samoát con
cừu cłóc yóu.
Sẹ̉q anhia toáq chuaq cứq, la
củai táq ranáq anhia,
yuaq cứq tở bữn cutiang táh
tẹ̉ máh parnai anhia khoiá
ón.

120

*Câu Sẹ̉q Yỗn Rachuai**

- 1 Toáq cứq ramóh túh arức,
cứq arỏ Yiang Sursĩ, cóp án
ta-ỡi cứq.
- 2 Ớ Yiang Sursĩ ỡi! Sẹ̉q anhia
chuai cứq
yỗn vót tẹ̉ củai táq ntởng lauq
cóp củai raphẹ̉q rathủ.
- 3 Củai lauq ỡi! Ntróu Yiang Sursĩ
ẹ̉ táq chỏq anhia?
Án ẹ̉ táq nỏq đỏq manrap
anhia?
- 4 Lứq án táq anhia toáq pỏi saráh
khong củai tahan,
cóp toáq rahửng ỹih hỡ.
- 5 Túh coat lứq bo cứq ỡt cóp
anhia,
samoát riang cứq ỡt mpứng
dĩ tỏp Mê-siec cóp tỏp Kê-
da.†
- 6 Cứq ỡt mpứng dĩ củai ca kệt ốc
ratoi tẹ̉ đữn chớ.
- 7 Tam cứq khoiá atởng alới cóq ỡt
ratoi,
ma alới yoc ẹ̉ rachıl níc.

121

Yiang Sursĩ Bán Kĩaq Níc Hái

- 1 Cứq tapoang achỏn chu máh
cỏh;

- bữn noau tẹ̉q chuai cứq tở?
- 2 Lứq samoát, bữn Yiang Sursĩ
toáp tẹ̉q chuai cứq,
án ca tẹ̉ng paloỏng cutẹ̉q.
- 3 Án tở bữn yỗn ayửng mới cởt
salaiq, chớ đỏm.
Án ca bán kĩaq mới tở nai bẹ̉q
tứt.
- 4 Lứq samoát, án bán kĩaq tỏp I-
sarel,
án tở nai bẹ̉q tứt tở la bẹ̉q
langẹ̉t.
- 5 Yiang Sursĩ bán kĩaq mới.
Yiang Sursĩ lứq ỡt coah mới,
đỏq catáng ra-ỏq mới.
- 6 Tâng tangái án tở bữn yỗn
moat mandang claq hang
lứq chỏq mới.
Tâng sadáu án tở yỗn rliang casái
táq tở o ntróu chỏq mới.
- 7 Yiang Sursĩ chuai mới yỗn vót tẹ̉
ramứh croỏq criat;
cóp án bán kĩaq mới yỗn ỡt
plot o.
- 8 Lứq Yiang Sursĩ kĩaq rabán toáq
mới pỏq tở la chu,
tẹ̉ đỡi nái toau toáq chumát
mantái níc.

122

Cansái Ūat Khẹ̉n Tẹ̉ Vil Yaru- salem

- 1 Cứq sâng bủi toáq noau pai chỏq
cứq neq:
“Hái! Hái pỏq pỏ Đống Sang
Toár Yiang Sursĩ.”
- 2 Ớ vil Yaru-salem ỡi! Sanua hẹ̉q
tayửng tâng cłỏng ngoah
toong viang vil mới.
- 3 Vil Yaru-salem la muoi vil toár
noau táng loah tamái,
khâm cóp carsiat nẹ̉uq o.

* 120: 120:0 Pún 120 toáq 134 noau đốq ūat bo alới chỏn cóh pỏq chu Đống Sang Toár.
† 120:5 120:5 Bo ki noau chanchỏm củai tẹ̉ cruang Mê-siec cóp Kê-da la củai pla cóp tachoát
lứq.

4 Ớt tâng nốq ki bữn cũai I-sarel
chôn, đốq khêñ ramứh
Yiang Sursĩ,
puai máh án khoiq patâp alớ
chợ.
5 Cớp nốq ki bữn cachơng puo
tacu đốq rasữq máh cũai
proai án.
Máh puo nâi la tễ tởng toiq
puo Davít.

6 Cớq anhia câu sễq yỗn vil Yaru-
salem bữn ien khễ neq:
“Sễq yỗn máh cũai ca ayooq
vil Yaru-salem bữn ớt bán
sũan ien khễ.
7 Sễq yỗn dũ náq cũai tâng vil
Yaru-salem bữn ien khễ,
cớp yỗn cũai tâng máh đốq
puo bữn ớt tâng nốq
parnoâng.”

8 Cỗ cứq sâng ayooq máh sễm ai
cớp yớu cứq,
ngkíq cứq câu yỗn alớ neq:
“Sễq yỗn vil Yaru-salem nâi
bữn moang ớc ien khễ.”

9 Cỗ cứq sâng ayooq lứq Đốq
Sang Toâr Yiang Sursĩ, án ca
hếq sang,
ngkíq cứq câu yỗn dũ náq
cũai tâng vil Yaru-salem
bữn moang ớc o.

123

Câu Sễq Ớc Sarũiq Táq

1 Ớ Yiang Sursĩ ớt tâng paloỡng ơ!
Cứq tapoang achôn nhêng
chu nốq anhia tacu sớ.
2 Ớ Yiang Sursĩ la Ncháu hếq ơ!
Samoât cũai sũl poâng cũai ndỡm
án,
cớp samoât mansễm sũl
nhêng chu mansễm ncháu
án,
ngkíq tê hếq nhêng chu an-
hia, yỗn toau anhia sâng
sarũiq táq tốp hếq.

3 Ớ Yiang Sursĩ ơ! Sễq anhia
sarũiq táq tốp hếq nứng.
Sễq anhia sarũiq táq nứng,
yuaq tốp hếq sâng panguang
tháng tễ santoiq noau mu-
mat.
4 Hếq tamóh máh cũai sớc ayê
ra-ac khoiq dũn lứq chợ,
cớp cũai ớt sác la mumat níc
hếq.

124

Yiang Sursĩ La Án Ca Bán Kĩaq

1 Khân Yiang Sursĩ tở bữn ớ
noâng coah tốp hái,
ki nốq hái ễ táq?
Ớ cũai I-sarel ơ, nốq anhia ễ
ta-ơ?
2 “Khân Yiang Sursĩ tở bữn ớ
noâng coah tốp hái bo noau
toâq chỉ hái,
3 ngkíq máh cũai ki lứq lữn tốp
hái mumoong
toâq alớ sâng ũan chớq hái.
4 Alớ la samoât đốq lut ễ culuah
hái yỗn pứt nheq.
Đốq ki hoi coar lứq ễ culứp
chíq hái,
5 cớp canoâng rêng lứq tê ễ clủh hái
yỗn dớp asễng.”

6 Cớq hái sa-ỡn Yiang Sursĩ,
yuaq án tở yỗn alớ bữn
pupứt hái.
7 Tốp hái bữn lủh vớ, samoât ri-
ang chớm pâr vớ tễ rabang
cũai niei prian.
Cansái rabang cớt ta-ỡh, chợ
tốp hái bữn racláh!
8 Lứq Yiang Sursĩ toâp chuai hái.
Án la Yiang tễng paloỡng
cutễq.

125

Cũai Ca Sa-âm Samoât Samơ Bữn Plot Ien

- 1 Cūai aléq ma sa-âm Yiang Sursĩ
 nheq tẽ mút pahõm,
 cūai ki cõt samoât riang cóh
 Si-ôn;
 tở bữn ntróu noau têq táq yõn
 án cacút tở la rasĩc.
- 2 Samoât cóh õt lavíng mpễ vil
 Yaru-salem,
 lứq máh ki tẽ Yiang Sursĩ õt
 lavíng mpễ proai án,
 tẽ dõih nài toau toâq chumát
 tái-mantái.
- 3 Cūai loái tở têq cõt sớt níc tâm
 cutêq cūai tanoang o.
 Khân alóit sớt níc, cõh lơ cūai
 tanoang o ền ẽ puai ariang
 ngê sâuq alóit tẽ.

- 4 O Yiang Sursĩ ơi! Sẻq anhia táq
 o chók cūai táq ranáq o,
 la cūai ca trĩh parnai anhia.
- 5 Ma toâq anhia culáh cóng cūai
 sâuq,
 ki sẻq anhia culáh cóng yõn
 cūai ca calõih táh ngê anhia
 hỡ.
- Sẻq yõn tốp I-sarel bữn õt ien khẻ
 níc!

126

- Nhiam U-õi Pĩen Cõt Ốc Bũi Ỗn*
- 1 Toâq Yiang Sursĩ dững tốp hái
 chu loah pỡ vil Yaru-salem,*
 ki samoât hái láu mpáu sâng.
- 2 Bo ki tốp hái cacháng bũi óh cóp
 triau cupo cõ sâng ỡn lứq.
 Chơ cūai tẽ dũ cruang ẽ pai tẽ
 hái neq:
 “Yiang Sursĩ khoiq táq ranáq
 toâr lứq yõn tốp alóit.”
- 3 Lứq Yiang Sursĩ khoiq táq ranáq
 toâr yõn tốp hái,
 dỏq hái sâng bũi ỡn.
- 4 O Yiang Sursĩ ơi! Sẻq anhia
 táq yõn hẻq bữn cõt o loah
 machõng tẽ nhũang,

- ariang anhia khoiq táq yõn
 dỏq hoi loah tâng crõng
 khỏ.
- 5 Sẻq yõn alóit ca nhiam bo trứh
 óc,
 bữn triau cupo bũi óh cõ toâq
 ngư sot.
- 6 Tốp alóit ca nhiam bo dững cu-
 plóq ẽ chók,
 bữn ũat khẽn bũi o toâq alóit
 dững achu máh palái ca ỉt
 tẽ sarnóh alóit khoiq chók.

127

- Sa-õn Ốc Ayooq Tẻ Yiang Sursĩ**
- 1 Khân Yiang Sursĩ tở bữn patúng
 yõn dỏng,
 cūai Chiang táq dỏng ki táq
 lakẻh miat.
- Khân Yiang Sursĩ tở bữn catáng
 curiaq vil,
 máh cūai tahan tayúng kĩaq
 ngoah toong vil la tở bữn
 kia ntróu.
- 2 Bẻq muoi mpút, chơ tamỡ tẻ
 cláih, cóp táq ranáq ntâng
 dỏq siem sac sâiq
 la tở bữn cõt kia ntróu.
 Yuaq Yiang Sursĩ khoiq
 thữan dỏq yõn cūai án
 ayooq, dẻh bo alóit bẻq hỡ.
- 3 Máh con acái la mun Yiang Sursĩ
 yõn.
 Alóit bữn óc bốn lứq tẻ Yiang
 Sursĩ.
- 4 Máh con samiang canõt bo
 mpoaq án noâng póng,
 con ki cõt samoât saráh
 tamĩang tahan yõng tâng
 atĩ.
- 5 Bốn lứq cūai ca bữn sa-ữi saráh
 tâng sa-õh án.
 Cūai par-ũal án, lứq tở nai
 bữn riap
 toâq ramóh án tâng ntỏq
 noau rasửq.

* 126:1 126:1 Yaru-salem bữn ramứh canõh la Si-ôn. * 127: 127:0 Cansái ũat tẻ Sa-lamôn.

128

*Ramúh O Toâq Pở Cũai Ca Trĩh
Yiang Sursĩ*

1 Bôn lứq máh cũai yám noap
Yiang Sursĩ;
yuaq alóı sâng bũi óh.
Alóı la cũai puai máh ngê án.

2 Mới táq pởq ki bũn dũ tâc khám
cha tâng dõı tamoong mới.
Mới bũn ọc bõn, cớp dũ
ramúh mới táq lứq pân cõt.

3 Lacuoi mới cõt samoât voar
nho bũn palâi bong lết tâng
đõng mới;
cớp máh con mới õt savĩel
pễ mới ariang nỡm o-li-vê
padõh con sa-ũĩ lứq.

4 Ông cũai yám noap Yiang Sursĩ
toâp têq bũn roap máh ọc
bõn nâi.

5 Sẻq Yiang Sursĩ satõh ọc bõn yõn
mới tẻ cõh Si-ôn,
la ntõq án õt.

Sõt dõı tamoong mới,
sẻq yõn mới bũn hũm vil
Yaru-salem cõt sỏc achõn
lạ-ũt.

6 Sẻq yõn mới bũn tamoong dũn
cumo ralua casâi;
têq bũn hũm máh châu chẻ.

Sẻq yõn tốp I-sarel õt ien khẻ níc!

129

*Sẻq Anhia Chĩl Cũai Par-ũal
Chuai Tốp I-sarel*

1 Ở tốp I-sarel ời! Noap tẻ anhia
noâng pỏng,
sẻq anhia atõng tẻ ranáq máh
cũai padâm anhia khoiıq táq
tủh coat lứq.

2 “Tẻ bo cớq noâng pỏng,
cũai đỏq padâm táq túh coat
lứq chỏq cớq,
ma alóı tở nai bũn riap cớq.

3 Alóı táq yõn cớq bớc hập tâng
cloong,
samoât noau cái nia.

4 Ma Yiang Sursĩ, án la tanoang o,
án khoiıq chuai cớq yõn vớt tẻ
cõt sũl cũai loâi.”

5 Sẻq yõn dũ náq cũai ca kêt vil
Si-ôn,*
sâng casiet táq, toâq alóı cõt
pẻ.

6 Sẻq yõn alóı cõt samoât ọc
bát cuyal phát satooh tâng
mpuol đõng.
Ổc bát ki dát,
chơ án cuchĩt khỏ nheq,
nhũng án ẻ toâr.

7 Lứq tở bũn noau têq cuvia roaiıq
bát ki,
tở la têq boq khẻ dừng achu.

8 Lứq tở va manoaq cũai aléq
tayáh pha mpẻr alóı, ma roi
pai neq:
“Sẻq ọc bõn tẻ Yiang Sursĩ õt
níc cớp tốp anhia.
Hẻq sẻq ọc bõn toâq pở anhia
nhớ tẻ ramúh Yiang Sursĩ.”

130

Santoıq Câu Bo Túh Ngua

1 Ở Yiang Sursĩ ời! Cớq arỏ sabau
anhia,
yuaq cớq pứt ọc ngcuang cõ
tian ramỏh túh coat.

2 Ở Ncháu ời! Sẻq anhia tamứng
sường cớq.
Sẻq anhia sarũıq táq nứng.

3 Ở Yiang Sursĩ ời! Khân anhia
chĩc đỏq máh ọc lỏih cũai,
ki toâq tangái anhia rablỏh,
lứq tở bũn noau têq viaq vớt
tẻ anhia táq.

4 Ma anhia táh lỏih cũai,
đỏq cũai sâng ngcõh cớp yám
noap anhia.

* 129:5 129:5 Vil Si-ôn la muoi ramúh noau đỏq vil Yaru-salem.

- 5 Cúq õt acoan Yiang Sursĩ nehq tẽ mút pahõm,
 cốp cúq nguang máh ramúh
 án khoiq par-ũq.
 6 Mút pahõm cúq nguang Ncháu,
 hõn tẽ tahan õt kĩaq sadâu
 nguang yõn cháiq poang.
 Hõn tẽ cũai tahan nguang
 poang tarũp.
 7 Cũai I-sarel ơ! Cóq anhia
 nguang Yiang Sursĩ,
 yuaq Yiang Sursĩ ayooq níc
 anhia;
 cốp án bữn chóc tẽq chuai
 amoong anhia.
 8 Lúq án toáp tháiq loah tốp I-sarel
 tẽ ốc lờih alớiq khoiq táq.

131

Santoiq Câu Tẽ Cũai Ca Asẽng

Tõ*

- 1 Ơ Yiang Sursĩ ơ! Cúq tỡ ẽq
 achõn tỡ bữn,
 cốp tỡ bữn yoc ẽ ốt.
 Cúq tỡ bữn chuaq yoc ẽ dáng máh
 ramúh toár lúq,
 tỡ la máh ramúh clũri tẽ
 sarnóm cúq tẽq chanchóm.
 2 Ma mút cúq tỡ bữn sâng túh
 ntrớu.
 Mút cúq sâng ien khẽ níc,
 samoat con khoiq táh tóh
 ốt sâng toáq mpiq án ca-ữ.
 3 Ơ tốp I-sarel ơ! Cóq anhia
 nguang níc tẽ Yiang Sursĩ
 tẽ sanua toau toáq chumát
 mantái níc.

132

Santoiq Khẽn Tẽ Dõng Sang

- 1 Ơ Yiang Sursĩ ơ! Sẽq anhia chõih
 khĩr Davĩt
 cốp dũ ramúh túh coat án
 khoiq chũuq tanhĩr.
 2 Sẽq Yiang Sursĩ sanhữ Davĩt
 khoiq thẽ dũan chơ cốp an-
 hia,

- la Yiang Sursĩ Sốt Toár Lúq ca
 Yacóp sang.
 3 Bo ki Davĩt pai neq:
 “Lúq cúq tỡ bữn mut bẽq
 tâng dõng cúq,
 4 tỡ la canhĩt moat ốt rlu,
 5 toau yõn cúq ramóh ntốq Yiang
 Sursĩ ốt,
 la ntốq miar yõn Yiang sốt
 toár lúq ca Yacóp sang.”
 6 Ốt tâng vil Bet-lahem* hẽq khoiq
 sâng tẽ Hĩp Parnai Parkhán
 khong Yiang Sursĩ,
 cốp hẽq ramóh hĩp ki tâng
 ruang Yê-arim.
 7 Tốp hẽq pai neq: “Hài! Hái pờq
 chu ntốq Yiang Sursĩ ốt,
 hái sacõh racól sang toam
 choâng moat án.”

- 8 Ơ Yiang Sursĩ ơ! Sẽq anhia yuor
 cốp pờq ốt pỡ Dõng Sang
 Toár
 muoi prớh cốp Hĩp Parnai
 Parkhán ki,
 la tếc tẽ chóc anhia.
 9 Sẽq anhia yõn máh cũai tẽng rit
 sang táq ranáq tanoang o
 mantái níc.
 Cốp sẽq yõn proai anhia triau
 cupo õn tamprũol.
 10 Yuaq anhia khoiq par-ũq cốp
 Davĩt, la cũai táq ranáq
 anhia,
 sẽq anhia chõih nguai tẽ án ca
 anhia khoiq rườh.
 11 Yiang Sursĩ khoiq thẽ dũan
 muoi ốc parkhán yõn Davĩt,
 parkhán ca án tỡ bữn ỉt loah.
 Anhia khoiq pai neq: “Lúq cúq
 rườh muoi noaq tẽ tốp con
 samiang mới yõn cõt puo,
 án cõt sốt dõq pláih loah mới.
 12 Khãn con châu mới ma táq
 pĩeiq cốp táq puai máh ốc

* 131: 131:0 Cansái ūat tẽ Davĩt. * 132:6 132:6 Tỡ la vil Ep-rat.

cứq parkhán cớp santoiq
 cứq patáp,
 alóỉ lứq bữn cớt puo pláih
 loah mới
 tễ sanua toaqu dời chumát
 mantái níc.”

- 13 Yiang Sursĩ khoiq rườh vil Si-ôn
 dờq cớt ntốq án ốt.
- 14 Án pai neq: “Nâi la ntốq cứq ốt
 mantái níc.
 Lứq cứq cớt sớtt tễ ntốq nâi.
- 15 Cứq ễ yỗn vil nâi bữn máh
 cớng cớq bữn.
 Cớp cứq ễ táq yỗn cũai túh
 cadít tâng vil nâi, bữn dũ
 sạna cha.
- 16 Cứq ễ yỗn máh cũai tễng rit
 sang bữn ốc bốn puan tâng
 dũ ramứh alóỉ táq.
 Cớp máh cũai sa-âm tâng vil
 nâi lứq bữn triau cupo bũ
 ỡn.
- 17 Tâng ntốq nâi, cứq ễ táq
 yỗn muoi noaq tễ tống toiq
 Davít cớt puo toâr lứq.
 Cớp cứq lứq bán kĩaq puo ca
 cứq khoiq rườh,
 samoât riang chớp tóu blũ
 níc.
- 18 Cứq ễ táq yỗn máh cũai par-ũal
 puo ki cớt casiet táq.
 Ma cứq ễ yỗn chớc án cớt toâr
 achõn ễn.”†

133

*Ốt Ratoi Parnoi**

- 1 O lứq cớp bũi óh la-ỏq toaqu máh
 sễm ai ốt ratoi
 cớp bữn muoi mútt muoi
 pahõm!
- 2 Ốc ratoi ki cớt samoât dờq nsễng
 o-li-vê kia ntâng lứq
 ca hoi tễ plờ cớp tễ sóc bễc
 Arõn chu tacong au tuar
 án.†
- 3 Ốc ratoi ki cớt samoât dờq latak
 tâng cóh Her-môn,

lian sễng chu cóh Si-ôn.
 Tâng ntốq ki Yiang Sursĩ khoiq
 par-ữq ễ yỗn ốc bốn;
 ốc bốn ki la tềq bữn tamooing
 mantái níc.

134

Cóq Khẽn Yiang Sursĩ

- 1 Nheq tữh cũai táq ranáq Yiang
 Sursĩ ơi!
 Cóq anhia toaqu cớp khẽn
 Yiang Sursĩ,
 dềh anhia ca táq ranáq sadâu
 tâng Dống Sang Toâr Yiang
 Sursĩ.
- 2 Cóq anhia sacỏ atĩ
 toaqu anhia sa-ỡn cớp khẽn
 Yiang Sursĩ tâng dống sang
 án.
- 3 Sễq Yiang Sursĩ ca tễng paloõng
 cutềq
 satốh ốc bốn yỗn anhia tễ Si-
 ôn ki.

135

Cansái Ūat Khẽn

- 1 Lứq khẽn Yiang Sursĩ!
 Khẽn ramứh Yiang Sursĩ!
 O anhia ca táq ranáq Yiang Sursĩ
 ơi!
 Cóq anhia khẽn Yiang Sursĩ
- 2 toaqu anhia tayúng tâng nchõh
 cớp tâng clống Dống Sang
 Toâr Yiang Sursĩ hái.
- 3 Cóq khẽn Yiang Sursĩ, yuaq án
 táq o níc.
 Cóq ūat khẽn ramứh án, yuaq
 án bữn mútt sarũiq táq.
- 4 Yiang Sursĩ khoiq rườh Yacỏp
 yỗn táq ống ranáq án;
 cớp cũai I-sarel cớt cũai án
 pasếq lứq.
- 5 Cứq dáng raloaih Yiang Sursĩ sớtt
 toâr lứq.

† **132:18** 132:18 Tờ la ‘vuam án cớt tráh ang lứq’. * **133:** 133:0 Cansái ūat tễ Davít. † **133:2** 133:2 Puai rit cũai I-sarel bo ki, toaqu alóỉ chớh cũai sớtt nheq tễ rit sang Yiang Sursĩ, alóỉ dốq tồh dờq nsễng o-li-vê tâng plờ, táq tềc cũai ki táq ranáq miar khong Yiang Sursĩ.

- Ncháu hái sốt toâr clũri nheq
tễ máh yang canõh.
- 6 Ntróu Yiang Sursĩ sâng ẽ táq, lúq
án táq
tâng paloõng, tâng cutẽq,
tâng cloong đõq mut,
đếh tâng mpúng dĩ đõq mut
la-a cớp yarũ lúq.
- 7 Án táq yõn ramũl cũm péc chõn
tễ púp paloõng cutẽq;
án táq yõn bữn lalieiq tâng
mpúng dĩ mia;
cớp án táq yõn cuyal phát tễ
angia án cới toâq.
- 8 Tâng cruang Ê-yip-tô án khoiq
cachĩt táh máh con samiang
clúng,
đếh cũai, đếh charán la án táq
machõng nheq.
- 9 Tâng cruang ki, án khoiq táq
sa-ũri tếc cớp ranáq salẽh
đõq culáh cớng yõn puo cớp
máh ranẽng puo.
- 10 Án khoiq talõh sa-ũri cruang cớp
cachĩt máh puo ca rêng lúq.
- 11 Máh puo ki ramũh neq:
Si-hõn la puo cũai Amô-rit; Oc
la puo cruang Basan;
cớp đếh puo tâng cruang
Cana-an hõ.
- 12 Chơ án chiau tâm cutẽq máh
puo ki yõn cõt mun cũai
proai án ẽn,
la cũai I-sarel.
- 13 O Yiang Sursĩ ơi! Ramũh an-
hia lúq parchia parhan dĩ
ntốq,
cớp dĩ máh đõi cũai ki lúq
sanhũ níc anhĩa.
- 14 Lúq Yiang Sursĩ bẽng proai án,
cớp án sâng sarũiq chỏq máh
cũai táq ranáq án.
- 15 Máh yang tâng cruang canõh
cũai đốq sang la rup noau
táq toâq práq cớp yẽng,
cõ nhơ tễ atĩ cũai Chiang.

- 16 Rup ki bữn bõq, ma tỡ tẽq pai
ntróu;
bữn moat, ma tỡ tẽq hữm
ntróu.
- 17 Yiang ki bữn cutũr, ma tỡ tẽq
sâng ntróu,
cớp ỏq rangũh đõq tangũh
hõ.
- 18 Sẽq yõn dĩ náq cũai táq rup ki,
đếh alới ca sang rup,
cõt samoat rup ki tẽ, ỏq chớc
cớp pũt rêng.
- 19 O tốp I-sarel ơi! Cớq anhĩa khẽn
Yiang Sursĩ!
- O tốp Arôn ca tẽng rit sang Yiang
Sursĩ ơi!
Cớq anhĩa khẽn Yiang Sursĩ!
- 20 O tốp Lê-vi ơi! Cớq anhĩa khẽn
Yiang Sursĩ!
- Cớp dĩ náq cũai ca yám noap
Yiang Sursĩ,
cớq anhĩa khẽn án tẽ!
- 21 Cớq anhĩa khẽn Yiang Sursĩ tễ
cớh Si-ôn,
tâng vil Yaru-salem la ntốq án
õt.

Lúq khẽn Yiang Sursĩ!

136

Cansái Ūat Sa-õn

- 1 Cớq sa-õn Yiang Sursĩ, yuaq án
táq o níc.
Án ayooq mantái níc.
- 2 Cớq sa-õn Yiang Sursĩ,
yuaq án sốt toâr clũri nheq tễ
yang canõh.
Án ayooq mantái níc.
- 3 Cớq sa-õn Ncháu,
yuaq án sốt toâr clũri nheq tễ
máh sốt canõh.
Án ayooq mantái níc.
- 4 Ống Ncháu toâp tẽq táq ranáq
salẽh toâr lúq.
Án ayooq mantái níc.
- 5 Án khoiq tẽng paloõng la nhơ
tễ sarnóm roan rangoiq án
bữm.

- Án ayooq mantái níc.
 6 Án khoiq tẽng cõc cutẽq nâi yõn
 õt põng dõq yarũ.
 Án ayooq mantái níc.
 7 Án khoiq tẽng moat mandang
 cõp rliang casâi.
 Án ayooq mantái níc.
 8 Án yõn moat mandang cõt sõt
 tâng tangái.
 Án ayooq mantái níc.
 9 Án yõn rliang casâi cõp máh
 mantõr cõt sõt tâng sadâu.
 Án ayooq mantái níc.
 10 Án khoiq cachĩt máh con sami-
 ang clúng cũi Ê-yip-tô.
 Án ayooq mantái níc.
 11 Án khoiq dũng cũi I-sarel loõh
 tẽ cruang Ê-yip-tô.
 Án ayooq mantái níc.
 12 Án táq ranáq ki nhõ tẽ atĩ bũn
 chõc cõp ngcõng rêng lứq.
 Án ayooq mantái níc.
 13 Án khoiq cayoah dõq mut
 Cusâu cõt bar coah.
 Án ayooq mantái níc.
 14 Án khoiq dũng máh cũi I-sarel
 põq mpúng dĩ dõq mut ki.
 Án ayooq mantái níc.
 15 Ma án táq yõn puo cõp máh tõp
 tahan cruang Ê-yip-tô dõp
 nheq tâng dõq mut.
 Án ayooq mantái níc.
 16 Án khoiq dũng proai án põq
 cõp loõh tẽ ntõq aiq.
 Án ayooq mantái níc.
 17 Án khoiq cachĩt máh puo ca bũn
 chõc lứq.
 Án ayooq mantái níc.
 18 Án khoiq cachĩt máh puo ca bũn
 ramũh ranoâng.
 Án ayooq mantái níc.
 19 Án khoiq cachĩt Si-hõn, puo tõp
 Amô-rit.
 Án ayooq mantái níc.

- 20 Án khoiq cachĩt Oc, puo cruang
 Basan.
 Án ayooq mantái níc.
 21 Án khoiq chiau yõn proai án
 ndõm cutẽq máh puo ki.
 Án ayooq mantái níc.
 22 Án khoiq chiau cutẽq ki yõn
 cõt mun cũi I-sarel, la máh
 cũi táq ranáq án.
 Án ayooq mantái níc.
 23 Ncháu tở nai khĩr tõp hái toâq
 hái rachĩl ma cõt pê.
 Án ayooq mantái níc.
 24 Án khoiq chuai hái bũn racláh
 tẽ máh cũi par-ũal hái.
 Án ayooq mantái níc.
 25 Án chũm siem dũ ramũh ca
 tamoong.
 Án ayooq mantái níc.
 26 Cõq sa-õn Yiang Sursĩ ca õt tâng
 paloõng.
 Án ayooq mantái níc.

137

Santoiq Cuclõiq Cucling Tẽ Cru- ang Ba-bulõn

- 1 Bo tõp hái õt tacu mpẽ dõq hoi
 tâng cruang Ba-bulõn,
 miar õt nhiam toâq sanhũ vil
 Si-õn.
 2 Tõp hái abẽng achúng tâng nõm
 aluang mpẽ dõq,
 tở bũn tapáih nõang.
 3 Õt ntõq ki, alõr ca cõp hái
 õn hái cóq ũat yõn alõr
 tamúng dõq cõt bũi óh.
 Alõr pai neq: “Sẽq anhia ũat
 cansái ũat tẽ vil Si-õn yõn
 tõp hẽq tamúng!”
 4 Nõq tẽq hái ũat cansái ũat khẽn
 Yiang Sursĩ
 tâng cruang canõh tở bũn
 yám noap án tở?
 5 O vil Yaru-salem oi! Khãn cứq
 ma khĩr mới,

- ki sêq yỗn cứq tở têq tapáih noâng achúng nâi.
- 6 Khãn cứq tở bữn sanhữ cớp tở bữn yám noap vil Yaru-salem,
la nỡm ớc bũi toâr clũi tễ canỗh,
ki sêq yỗn cứq tở têq ũat noâng.
- 7 O Yiang Sursĩ ơi! Sêq anhia sanhữ máh ranáq tốp Ê-dôm khoiq táq tâng tangái tốp Ba-bulôn chíl bữn vil Yaru-salem.
Tangái ki cũai Ê-dôm pai neq: “Talốh nheq vil ki!
Talốh nheq, chổi yỗn acán ntrứu têq tayúng noâng!”
- 8 O cũai Ba-bulôn ơi! Nỡ-ra nheq tữh anhia lứq cớt ralốh tề.
Noau ể carláh loah đởq chỏq an-hia,
puai máh ranáq anhia khoiq táq chỏq hếq chớ,
Cũai ki lứq sâng bũi óh.
- 9 Alóỉ ể ít con cacótt anhia, chớ pởq atáih tâng tamáu cồl.

138

*Câu Sa-ỡn Yiang Sursĩ**

- 1 Cứq sa-ỡn anhia nheq tễ rangứh rahỡ, Yiang Sursĩ ơi.
Cứq ũat khẽn anhia choâng moat máh yiang canỗh.
- 2 Cứq ngũq cucốh choâng moat Đông Sang Toâr anhia.
Cứq sa-ỡn anhia, yuaq anhia ayooq cớp táq p̄ieiq níc.
Lứq samoât, anhia khoiq táq yỗn parnai cớp ramứh anhia cớtt toâr clũi nheq tễ dũ ramứh canỗh.
- 3 Toâq tangái cứq arô anhia, anhia lứq ta-ỡi cứq.

- Anhia táq yỗn mútt cứq cớtt sa-âm pacái lứq ển.
- 4 O Yiang Sursĩ ơi! Nỡ-ra, máh puo tâng đỏi nâi ể khẽn anhia tề,
toâq alóỉ bữn sâng tễ santoiq anhia par-ữq.
- 5 Lứq alóỉ ể ũat puai ngê o anhia, yuaq chớq Yiang Sursĩ la toâr clũi nheq tễ canỗh.
- 6 Lứq pai Yiang Sursĩ toâr clũi nheq tễ canỗh,
ma noâng án nhềng chu cũai ca óq chớq.†
Ma máh alóỉ ca achỗn tở,
tam alóỉ yong lứq, ma Yiang Sursĩ noâng hữm alóỉ.

- 7 Toâq ranáq túh arức ớtt lavíng mpêr cứq,
ki anhia bán curiaq cứq yỗn ớtt ien khế.
Anhia catáng đòq alóỉ ca ể cachít cứq,
ma anhia chuai amoong cứq nhớ tễ chớq bán rềng anhia.
- 8 Máh ranáq Yiang Sursĩ ể táq chỏq cứq,
nỡ-ra án lứq táq moâm máh ranáq ki.
- O Yiang Sursĩ ơi! Ốc ayooq tễ anhia ớtt mantái níc.
Sêq anhia chổi táh máh ranáq atĩ anhia khoiq táq.

139

*Yiang Sursĩ Dáng Dũ Ramứh**

- 1 O Yiang Sursĩ ơi! Anhia khoiq chim nhềng chớ mútt pahỏm cứq;
cớp anhia khoiq dáng dũ ramứh tễ cứq.
- 2 Anhia dáng đễh bo cứq tacu cớp cứq yuor.
Lứq pai anhia ớtt yong tễ cứq,

* 138: 138:0 Cansái ũat tễ Davít. † 138:6 138:6 Tở la ‘alóỉ ca asểng tở’. * 139: 139:0 Cansái ũat tễ Davít. Yỗn án ca sớtt tốp ũat.

ma anhia dáng máh sarnóm
 cúq chanchóm.
 3 Anhia hũm bo cúq táq ranáq, tở
 la bo cúq rlu.
 Lứq anhia dáng nheq dũ
 ramúh tể ranáq cúq táq.
 4 Yiang Sursĩ ơi! Nhũang cúq ẽ
 táq nững ntrớu,
 la anhia khoiq dáng nheq chơ
 máh santoiq cúq ẽ pai.
 5 Anhia ốt mpểr cúq dũ coah,
 cớp anhia bán kĩaq cúq na
 chóc bán rêng anhia.
 6 Máh ốc ki yarũ luat ngư,
 yarũ luat tể cúq têq
 chanchóm.
 7 Rana léq têq cúq pớq yỗn vớt
 chíq tể anhia?
 Pờ léq cúq ẽ viaq yỗn vớt tể
 moat anhia?
 8 Khãn cúq chõn chu paloõng,
 la anhia ốt pờ ki.
 Khãn cúq sễng pờ ntốq cũai
 cuchĩt ốt,
 la anhia bữn ốt pờ ki tê.
 9 Khãn cúq têq pâr chu ntốq moat
 mandang loõh,
 tở la ốt pờ ntốq moat man-
 dang pât,
 10 la anhia ốt pờ ntốq ki tê, đốq
 ayông cớp chuai cúq.
 11 Khãn cúq sễq ốc canám yỗn pul
 acrúq chíq cúq,
 tở la sễq ốc poang yỗn pĩen
 cõt chíq ốc canám lavíng
 mpểr cúq,
 12 ốc canám ki la tở bữn canám
 yỗn anhia;
 sadâu la samoât tangái, cớp
 canám la samoât poang.
 13 Dũ ramúh tâng tở chác cúq, ki
 anhia toâp khoiq tểng,
 đêh mút pahõm cúq.

Anhia khoiq tểng átốt parnơi dũ
 ramúh
 tể bo cúq noâng ốt tâng púng
 mpiq.
 14 Cúq khẽn anhia, yuaq anhia
 tểng cúq la salễh cớp liaq
 lứq.†
 Máh ranáq anhia táq la salễh
 lứq.
 Ốc ki cúq dáng raloaih lứq.
 15 Anhia tểng nghang cúq cớp
 aloap parnơi
 tể bo cúq noâng ốt tâng púng
 mpiq.
 Bo anhia aloap nghang cúq tâng
 ntốq clõp,
 ki anhia dáng dũ ramúh tể
 cúq.
 16 Tể nhũang mpiq tở yũah canõt
 cúq,
 lứq anhia khoiq hũm cúq
 chơ.
 Máh tangái anhia anoat yỗn cúq
 tamong,
 ki anhia khoiq chĩc đốq tâng
 pơ saráq anhia
 tể nhũang tangái ki tở yũah
 cõt.
 17 O Yiang Sursĩ ơi! Coat lứq
 yỗn têq cúq dáng tể sarnóm
 anhia chanchóm,
 yuaq sarnóm anhia ki bữn
 sa-ũi lứq.
 18 Khãn cúq nghĩ sarnóm anhia
 chanchóm,
 ki sa-ũi clũri nheq tể ốc chũah.
 Tam cúq nghĩ riap,
 la cúq noâng tở bữn dáng mỗ
 tể sarnóm anhia.‡
 19 O Yiang Sursĩ ơi! Cúq ẽq anhia
 cachĩt nheq máh cũai loài,
 cớp yỗn cũai đốq táq tahóc
 aham cũai đêq yơng tể cúq.
 20 Alới pai tở o tể anhia na parnai
 sâuq la-ốq;

† 139:14 139:14 Bữn cũai parlong rana nãi neq: ‘Yuaq anhia la pĩeqi yỗn noau ngcõh cớp yám noap.’ ‡ 139:18 139:18 Bữn noau parlong santoiq nãi neq: ‘Toâq cúq tamỡ, cúq noâng ốt cớp anhia.’ § 139:20 139:20 Tâng parnai Hê-bơ rana 20 nãi tở bữn raloaih.

- alói chĩl ramúh anhia na láih parnai.Š
- 21 O Yiang Sursĩ ơi! Cúq kêt máh cūai kêt anhia.
Cóp cúq ca-iep cupriaq alói ca cõt alia bar ploah chók anhia.
- 22 Cúq kêt alói toau tở bữn ntróu têq talĩ noâng.
Cóp cúq noap alói la ãn cūai par-ũal cúq.
- 23 O Yiang Sursĩ ơi! Sẻq anhia chim nhẽng cúq,
chơ anhia lứq bữn dáng tâng mút pahỏm cúq.
Sẻq anhia chim sarnỏm cúq,
ki nỏq anhia tẻq dáng tẻ ngẻ tâng sarnỏm cúq.
- 24 Sẻq anhia tutuaiq nhẽng salĩq,
cúq bữn ỏc sỏuq ma tở bữn.
Cóp sẻq anhia dửng cúq pỏq tâng rana ca toỏq pỏ anhia.

140

*Santoiq Cỏu Sẻq Catỏng Ra-ỏq**

- 1 O Yiang Sursĩ ơi! Sẻq anhia chuai amoong cúq
tẻ máh cūai táq ranỏq sỏuq.
Sẻq anhia bán kĩaq cúq
yỏn bữn vớt tẻ cūai pla.
- 2 Alói ki chi-chuaq níc ngẻ sỏuq ẻ táq chók cūai canỏh.
Cóp alói pai sasrúc níc ẻq yỏn noau ralỏih.
- 3 Lieih alói samoỏt riang cusỏn bữn pih tẻq cachĩt cūai,
cóp santoiq alói samoỏt riang pih cusỏn tur.
- 4 O Yiang Sursĩ ơi! Sẻq anhia catỏng curiaq cúq tẻ atĩ cūai loai.
Sẻq anhia bán kĩaq cúq yỏn ỏt plot o cóp cūai pla,

- la alói ca chuaq ngẻ ẻ táq yỏn cúq cõt pẻ.
- 5 Cūai pampla táq đỏq sarnỏq cóp alieiq ẻ cốp cúq,
cóp alói to rabang tâng rana cúq pỏq.
- 6 Cúq pai chók Yiang Sursĩ neq:
“Anhia la Yiang Sursĩ cúq.”
- O Yiang Sursĩ ơi! Sẻq anhia tamửng nửng toỏq cúq arỏ sẻq anhia chuai.
- 7 O Yiang Sursĩ ơi! Anhia la Nchỏu Nheq Tữh Cūai,
cóp anhia bán kĩaq curiaq cudar.
Tâng tangái rachĩl anhia cupỏng curiaq cúq.
- 8 O Yiang Sursĩ ơi! Sẻq anhia chỏi yỏn cūai loai bữn máh ỏc alói yoc.
Cóp chỏi yỏn ngẻ sỏuq alói bữn pỏn cõt.
Khỏn pỏn cõt, cỏh lỏ alói ỏt palứq ẻn.†
- 9 Sẻq anhia chỏi yỏn alói ca ẻ cachĩt cúq bữn riap cúq.
Cóp sẻq anhia táq yỏn ỏc alói canửh ki pĩh loah pỏ alói bữm.
- 10 Sẻq anhia yỏn rahửng ùih satỏh pẻieiq tâng tở alói,
cóp yỏn noau takẻl alói tâng prúng tở tẻq chỏn noâng.
- 11 Máh cūai đỏq apỏt sỏuq cūai canỏh,
chỏi yỏn alói táq ỏc ntróu tẻq cõt moỏm.
Cóp sẻq yỏn máh ranỏq sỏuq rapuai pupủt máh cūai tachoỏt lứq.
- 12 Cúq dáng samoỏt lứq, Yiang Sursĩ bán kĩaq cūai cadĩt,
cóp ỏn chuai cūai túh coat.

* 140: 140:0 Cansỏi ũat tẻ Davĩt. Yỏn ỏn ca sỏt tốp ũat. † 140:8 140:8 Tâng parnai Hẻ-bro ntỏq nỏi tở bữn ralỏaih.

13 Lứq samoât, cūai tanoang o
bữn khẽn ramứh anhia,
cóp alới bữn ớt níc choâng
moat anhia.

141

*Câu Sẻq Pên Tabữ**

1 Ơ Yiang Sursĩ ơi! Cứq arô sabau
chu anhia;
sẻq anhia chuai cứq chái.
Sẻq anhia tamứng toâq cứq
arô anhia.
2 Cứq sẻq anhia roap ỉt máh san-
toiq cứq câu
yỗn cõt samoât cớng phuom
chiau sang yỗn anhia.
Sẻq anhia roap ỉt toâq cứq sacỡ afi
bo câu
yỗn cõt samoât cớng chiau
sang pên tabữ.

3 Ơ Yiang Sursĩ ơi! Sẻq anhia kĩaq
bỗq cứq chổi yỗn táq ntởng
ốc sâuq.

4 Sẻq anhia chuai chổi yỗn mút
pahôm cứq pahíc chu
ranáq lờih,
tờ la mpruam táq ranáq sâuq
parnời cốp cūai tachoât.
Cốp chổi yỗn mút cứq yoc ẻ
pỡq chu ntỏq noau cha bữi
tutoởng sang yiang canỏh.

5 Sẻq yỗn cūai tanoang o bữn
manrap cốp sươq cứq, cỗ
alới sâng sarũiq táq.

Ma cứq tờ nai roap ốc yám noap
tẻ cūai loái,
yuaq cứq đốq câu chíl máh
ranáq sâuq alới.†

6 Toâq noau cutớl máh cūai rasữq
alới tẻ leh tarhar,
ngkíq máh cūai proai lứq
ngin la sântoiq cứq khoiq
pai la ốc pẻiq lứq.

7 Samoât nỏm aluang noau poâiq
cốp tadáh cõt sa-ữi bẻq
sa-ữi ploah,
lứq ngkíq tẻ ngang alới cõt
caldáih parsáng-parsaiq
chu prúng cumuiq.

8 Ơ Yiang Sursĩ Ncháu Nheq Tữh
Cūai ơi!
Cứq noâng sa-âm anhia nheq
tẻ mút pahôm.

Cứq sẻq anhia bán kĩaq cứq, yuaq
cứq poâng ống anhia toâp,
cốp sẻq anhia chổi táh cứq
yỗn cuchĩt.

9 Sẻq anhia bán kĩaq cứq tẻ rêu
noau sĩ đởq,
cốp yỗn vớt tẻ alieiq cūai
sâuq to đởq ẻq cứq chuat.

10 Sẻq yỗn cūai sâuq chuat loah
bữm tâng sarnỏq alới khoiq
to ki,
ma yỗn cứq viaq pỡq bữn plot
ien.

142

*Yiang Sursĩ Cốt Ntỏq Poâng**

1 Cứq arô sẻq Yiang Sursĩ chuai
cứq.

Lứq cứq cuclỏiq chỏq Yiang
Sursĩ.

2 Cứq đứng parnai túh ngua atoâq
pỡ án,

cốp cứq atởng án máh ramứh
tủh arức cứq khoiq ramỏh.

3 Toâq mút pahôm cứq cõt ieuq
tuar,

án toâp dáng cứq cớq táq
ntrứu.

Án dáng rana cứq tayáh pỡq
bữn cūai loái khoiq to đởq rêu
ẻ cốp cứq.

4 Toâq cứq nhềng chu coah atoam,
ki tờ hữm noau ớt ngki đởq
chuai cốp catáng curiaq
cứq.

* 141: 141:0 Cansái ũat tẻ Davít. † 141:5 141:5 Rana 5 toâq rana 7 tờ bữn raloaih tâng
parnai Hê-bro'. Noau tờ bữn dáng raloaih rana nâi ẻ pai ntrứu. * 142: 142:0 Ốc Davít câu
bo án ớt tâng cụp.

Lứq tở bữn noau loâng ẽ
chuai cứq.

5 O Yiang Sursĩ ơi! Cứq arô sễq
anhia chuai, cớp cứq pai
neq:

“Anhia la ntốq cứq poâng.

Anhia cõt máh ramứh cứq cóq
bữn
bo cứq noâng tamoong tâng
dối nâi.”

6 Sễq anhia tamứng sương cứq
arô,
yuaq mút cứq khoiq pút nheq
chơ ốc nguang.

Sễq anhia chuai cứq yỗn vớt tễ
cũai ẽ táq cứq,
yuaq alới rêng hỡn tễ cứq.

7 Sễq anhia chuai cứq yỗn vớt tễ
ramứh túh arúc,†
ngkíq cứq tềq bữn khẽn an-
hia.

Chơ máh cũai tanoang o, lứq bữn
rôm mpêr cứq,
yuaq anhia yỗn cứq bữn
moang ốc o sâng.

143

*Santoiq Câu Sễq Yỗn Chuai**

1 O Yiang Sursĩ ơi! Sễq anhia
tamứng sương cứq câu.
Sễq anhia pachêng cutừ
tamứng cứq nứng.

Sễq anhia ta-ỡi cứq,
yuaq anhia la p̄ieiq cớp
tanoang o níc.

2 Sễq anhia chõi rablớh cứq la cũai
táq ranáq anhia,
yuaq tở bữn cũai aléq ma
tở bữn lờih choâng moat
anhia.

3 Máh cũai ẽ táq cứq,
alới rapuai sarbữn níc cứq
cớp tĩn sarúq yỗn cứq p̄e
cuchĩt thánq.

Alới khánq cứq tâng cuaq tũ
canám lứq.

Cứq cõt samoát cũai cuchĩt
khoiq dũn chơ.

4 Yuaq ngkíq, mút pahõm cứq cõt
ieuq tuar.
Máh ốc cứq nguang khoiq
pút nheq.

5 Cứq sanhữ loah tễ máh tangái
khoiq vớt.
Cứq chanchóm loah tễ dũ
ranáq anhia khoiq táq.

6 Cứq sacõ atĩ bo cứq câu chu
anhia.
Mút pahõm cứq ẽ khlac thánq
chuaq anhia,
cõt samoát cutềq khỗ phang ẽ
khlac đờq mia.

7 O Yiang Sursĩ ơi! Sễq anhia ta-ỡi
cứq chái.
Mút pahõm cứq khoiq pút ốc
nguang chơ.

Sễq anhia chõi nguai mieiq tễ cứq.
Khân anhia nguai,
ki cứq cõt samoát ốt tâng
ntốq cũai cuchĩt ốt.

8 Dũ tarựp sễq anhia chuai cứq
yỗn bữn hữm anhia ayooq
níc,
yuaq cứq sa-âm anhia nheq tễ
mút pahõm.

Santoiq cứq câu chõn toáq pỡ
anhia;
sễq anhia sadoi rana yỗn cứq
pỡq.

9 O Yiang Sursĩ ơi! Cứq toáq pỡ
anhia;
sễq anhia catánq curiaq cứq,
cớp chuai cứq yỗn vớt tễ
cũai ẽ táq cứq.

10 Anhia la Yiang cứq sang.
Sễq anhia arĩen cứq yỗn dáng
tễ ngê anhia.
Sễq Raviei anhia dừng cứq
pỡq tâng rana tapĩn o.

† 142:7 142:7 Tâng parnai Hê-brơ tềq parlong santoiq ‘tứh arúc’ pai ‘tũ’. * 143: 143:0 Cansái ũat tễ Davít.

11 O Yiang Sursĩ ơi! Nho tẽ ớc
 anhia khoiq ũq tẽ nhũang,
 ngkĩq sẽq anhia yõn cứq
 noâng bữn tamoong.
 Yuaq anhia táq o níc chóc proai
 anhia,
 sẽq anhia chuai cứq yõn vót
 tẽ ranáq túh coat.
 12 Yuaq anhia ayooq níc cứq,
 sẽq anhia cachĩt máh cũai ẽ
 cachĩt cứq.
 Cóp sẽq anhia pupút máh cũai
 par-ũal cứq,
 yuaq cứq la cũai táq ranáq
 anhia.

144

*Sa-õn Yiang Sursĩ Chuai Bữn
 Chĩ Riap**

1 Lứq khẽn Yiang Sursĩ ca bán
 kĩaq cứq!
 Án arĩen cứq tẽ máh ngê
 rachĩl,
 cóp thũan yõn cứq tẽq
 rachĩl.
 2 Yiang Sursĩ la samoat tamáu cõl,
 cõt ntốq poâng toađ cứq
 ramóh túh arúc.
 Án catáng curiaq cứq samoat
 cantruang pacái lứq,
 cóp án chuai amoong cứq.
 Án la samoat khẽl ớt catáng ra-óq
 cứq,
 cõ nhơ cứq sa-âm án nheq tẽ
 mút pahõm.
 Án chiau yõn cứq cõt sốt tâng
 máh cruang án khoiq chĩ
 riap.
 3 O Yiang Sursĩ ơi! Cũai la noau,
 cõ nõq anhia ít mút pahõm
 alớĩ?
 Cũai la cũai miat sâng, ma
 nõq anhia pasếq lứq alớĩ?
 4 Dõĩ tamoong cũai la samoat
 noau cusõh tangũh muoi
 taláp;

tangái cumo alớĩ cõt samoat
 mul sâng.
 5 O Yiang Sursĩ ơi! Sẽq anhia reh
 paloõng,
 chơ sễng chu cutẽq nãi.
 Sẽq anhia satoaq atĩ tâng cóh
 yõn bữn phĩac ũih suol
 achõn.
 6 Sẽq anhia asuoi lalieiq yõn ra-
 puai catúh máh cũai ca tở
 ếq sa-âm anhia,
 yõn pláh chap chu dũ ntốq.
 Sẽq anhia pán saráh chóc alớĩ,
 táq yõn alớĩ lủh pláh toáp.
 7 Sẽq anhia tavoc atĩ tẽ paloõng,
 cóp ác achõn cứq tẽ dõq
 yarũ.
 Sẽq anhia chuai amoong cứq
 yõn vót tẽ atĩ cũai tachoat
 tẽ cruang canõh.
 8 Tõp alớĩ tở nai pai muoi ớc ntróu
 pĩeiq,
 đẽh parnai alớĩ parkhán la
 moang ớc lauq sâng.
 9 O Yiang Sursĩ ơi! Cứq ẽ ũat
 cansái tamái,
 la cansái ũat dõq sang toam
 anhia,
 cóp tapáih achúng hờ.
 10 Anhia chuai máh puo yõn chĩ
 riap;
 cóp anhia chuai Davĩt, la cũai
 táq ranáq anhia, tở yõn
 noau cachĩt án.
 11 Sẽq anhia chuai amoong cứq;
 cóp yõn cứq bữn vót tẽ atĩ
 cũai par-ũal.
 Tõp alớĩ tở nai pai muoi ớc pĩeiq
 ntróu,
 đẽh parnai alớĩ parkhán la
 moang ớc lauq sâng.
 12 Sẽq yõn máh con tatoam hếq
 cõt samoat nõm aluang
 ramoong o cóp toar achõn.

* 144: 144:0 Cansái ũat tẽ Davĩt.

Sẽq yõn máh con cumũr hẽq cõt
samoât tanũl toâr
noau pasang crong yõn nõuq
tâng dõng puo.

13 Sẽq yõn máh loau saro hẽq
poân máh palái aluang tẽ
sa-ũĩ ramũh.
Cóp sẽq yõn tốp cũu hẽq õt
tâng ruang bũn con sa-ũĩ
ngin lám ên.

14 Sẽq yõn tốp ntrõq hẽq tõ bũn
lot ntrõu,
ma yõn án bũn con sa-ũĩ lữq
ẽn.

Cóp máh rana tâng clõng vil hẽq,
chõĩ yõn sâng srong noau
cuclõiq cucling ntrõu.

15 Bõn lữq máh cũai ca puai ớc
pĩeiq.
Bõn lữq alóĩ ca ngin Yiang
Sursĩ la Yiang alóĩ.

145

*Cansái Ūat Khẽn**

1 O Yiang Sursĩ cứq ơ! Cứq pau
atõng tẽ anhia la sõt toâr
lữq.

Anhia la puo cứq.
Cứq sa-õn anhia mantái níc.

2 Cu rangái cứq sa-õn anhia.
Cứq khẽn anhia mantái níc.

3 Yiang Sursĩ la sõt toâr lữq.
Pĩeiq lữq noau khẽn án hõn
tẽ ramũh canõh,
yuaq án la sõt toâr hõn tẽ
sarnóm cũai tẽq dãng.

4 Tâng dũ dõĩ cũai, alóĩ lữq atõng
yõn cũai dõĩ ntun dãng tẽ tẽ
ranáq toâr anhia khoiq táq.

5 Ngkíq alóĩ lữq ruaih loah tẽ
anhia la puo ca bũn chóc
toâr lữq.
Cứq sanhữ níc tẽ ranáq salẽh
anhia.

6 Chơ cũai tẽq táq nõng tẽ ranáq
toâr lữq anhia khoiq táq.

Cóp cứq lữq pau atõng tẽ
chóc toâr anhia.

7 Máh cũai bũn sa-õn níc tẽ ranáq
o anhia,
cóp alóĩ lữq ūat khẽn, pai
anhia tanoang o.

8 Yiang Sursĩ bũn mút ayoõq cóp
sarũiq táq.

Án tõ bũn coáp nõq mút,
ma án yõn õng ớc ayoõq sâng.

9 Yiang Sursĩ táq pĩeiq lữq chóc
cũai dũ náq,
cóp án sarũiq táq chóc dũ
ramũh ca án khoiq tẽng.

10 O Yiang Sursĩ ơi! Dũ ramũh
anhia khoiq tẽng,
lữq máh ramũh ki khẽn an-
hia,

cóp nheq tũh cũai proai anhia,
alóĩ lữq sa-õn anhia.

11 Alóĩ lữq pai anhia la puo bũn
chóc ang-ũr,
cóp atõng tẽ anhia bũn rêng
lữq,

12 yõn dũ náq cũai bũn dãng tẽ tẽ
ranáq toâr anhia khoiq táq,
cóp dãng samoât lữq, anhia
la puo ca bũn chóc ang-ũr.

13 Anhia cõt sõt mantái níc,
cóp anhia la puo tâng dũ dõĩ
cũai.

Yiang Sursĩ lữq tanoang tapúng
tẽ máh ớc án khoiq par-ũq
chơ,
cóp án táq dũ ramũh cõ án
sâng sarũiq táq.

14 Án chuai máh cũai ramóh túh
arúc,
cóp án chuai cũai dõm yõn
yuor tayúng loah tamái.

15 Dũ ramũh tamoong, lữq pông
nheq anhia,
cóp toâq alóĩ panhieih, ki an-
hia yõn alóĩ bũn cha.

* 145: 145:0 Cansái Davĩt ūat khẽn Yiang Sursĩ.

- 16 Anhia chuai alóí yỗn bữn dũ ramứh.
 Ông anhia toáp yỗn alóí bữn sana cha cõt pasái.
- 17 Dũ ranáq Yiang Sursĩ táq, la tanoang o nheq.
 Cóp án táq dũ ramứh cỗ án sâng sarũiq.
- 18 Án ốt cheq dũ náq cũai ca arô án,
 la cũai ca arô án samoât samoi.
- 19 Dũ náq cũai ca yám noap án,
 ki án yỗn alóí bữn ìn alóí yoc.
 Án sâng sường alóí arô,
 chớ án lứq toáp chuai amoong alóí.
- 20 Yiang Sursĩ catáng ra-óq dũ náq ca ayooq án,
 ma án pupứt cũai loái dũ náq.
- 21 Lứq cứq khễn níc Yiang Sursĩ.
 Cóp sếq yỗn dũ ramứh án khoiq tềng
 bữn khễn ramứh miar khong án mantái níc.

146

Catoaih Atờng Dỏq Khễn Yiang Sursĩ

- ¹ Lứq khễn Yiang Sursĩ!
 Mứt pahỗm cứq ơi! Cóp mới khễn Yiang Sursĩ!
- ² Bo cứq noàng tamoong cứq cóq khễn Yiang Sursĩ.
 Cứq lứq ũat cansái ũat khễn Yiang Sursĩ sớt dỏi tamoong cứq.

- ³ Chỗi canừm máh cũai sớt;
 yuaq alóí la cũai miat sâng,
 alóí tở têq chuai hái ntróu yỗn tềq bữn tamoong.
- ⁴ Toáp alóí ta-òh rangứh,
 alóí lứq chu loah pờ cutềq tề.
 Tữ tangái ki toáp,
 máh ngề alóí khoiq sarhống lứq cõt pứt nheq.

- ⁵ Bồn lứq toáp pờ máh cũai ca bữn Yiang Sursĩ chuai alóí,
 la Yiang Yacóp sang.
 Cũai ki poàng ống Yiang Sursĩ la Ncháu alóí.
- ⁶ Án la Yiang ca tềng paloông,
 cutềq, dỏq mứt,
 cóp dũ ramứh ốt tâng ki hờ.
 Án lứq táq samoât santoiq án khoiq par-ữq chơ.
- ⁷ Toáp án rasữq,
 án pruam coah cũai noau padâm.
 Cũai aléq ma sâng panhieih,
 ki án yỗn bữn cha sana.

- Yiang Sursĩ acláh cũai tử.
- ⁸ Yiang Sursĩ chuai cũai sũt yỗn cõt blang loah.
 Yiang Sursĩ chuai dũ náq cũai khoiq dóm,
 án acóq ayuor alóí yỗn yuor tayứng loah.
 Yiang Sursĩ ayooq cũai tanoang o.
- ⁹ Yiang Sursĩ bán kĩaq cũai cruang canỏh ca ốt tâng cruang hái.
 Cóp án chuai máh cán cumai cóp con cumuiq.
 Ma án talỏh pupứt máh ngề cũai loái.

- ¹⁰ Yiang Sursĩ cõt sớt mantái níc.
 O cruang Si-ôn ơi! Yiang Sursĩ anhia la puo ca ốt mantái níc.

Lứq khễn Yiang Sursĩ!

147

Khễn Yiang Sursĩ Ca Sớt Toài Lứq

- ¹ Lứq khễn Yiang Sursĩ!
- Přeiq lứq hái ũat khễn Yiang Sursĩ.
 Ranáq khễn án la ốc bũi o cóp ốc přeiq lứq.
- ² Yiang Sursĩ tềng loah vil Yarusalem tamái,

- cóp án nôm dững achu loah
máh cũai I-sarel ca noau
cóp tể nhũang.
- 3 Án palai cũai bữn mút pahõm
lambõh,
cóp án tán aroaiq tâng bớc
alới.
- 4 Toâq án tễng mantõr, ống án
toáp dáng máh léq sa-ữi
mantõr ki,
cóp dũ ớc mantõr bữn ramứh
ĩn án khoiq amứh.
- 5 Ncháu hái la sớt toâr cóp bữn
chóck lứq.
Ớc rangoaiq án tở bữn noau
rơi nghih.
- 6 Yiang Sursĩ achõn cũai asễng tở,
ma án tĩn sarúq cũai loài tâng
cutểq.
- 7 Cóq ũat cansái ũat bo sa-õn
Yiang Sursĩ,
cóp tapáih achúng yõn Yiang
Sursĩ tamứng.
- 8 Án táq yõn ramứl cadóp nheq
paloõng,
cóp án táq yõn mia sễng tâng
cutểq dòq máh sarnóh bữn
dách,
dễh bát bai tâng cóh.
- 9 Án tễng sana yõn máh charán;
cóp án chúm siem máh con
chóm ca-ac toâq con ki bữr
bo sâng panhieih.
- 10 Án tở bữn bũi pahõm tâng aséh
bữn rêng,
tở la tâng tốp tahan clóq lứq,
11 ma án sâng bũi pahõm tâng
cũai ca yám noap án,
cóp cũai ca ngin án ayooq alới
níc.
- 12 Ơ vil Yaru-saleem ơi! Cóq mới
khẽn Yiang Sursĩ!
Ơ vil Si-ôn ơi! Cóq mới khẽn Yiang
Sursĩ!
- 13 Án táq yõn ngoah toong vil mới
cốt khâm;

- cóp án satóh ớc bốn yõn máh
proai mới.
- 14 Tâng raloan cruang mới,
án táq yõn bữn ớt ien khẽ.
Cóp án yõn mới bữn khám tác
dũ cha.
- 15 Án ớn dũ ramứh yõn cốt tâng
cốc cutểq nãi;
chơ ramứh ki, lứq cốt toáp.
- 16 Án táq yõn prễl príl sễng
samoât bõng cupaih poân
nheq tâng cloong cutểq.
Cóp án trứh đờq latac yõn đồ
cốt cloc samoât bõh tâng
cloong cutểq.
- 17 Án prứh asễng prễl samoât
prứh ớc tamáu ca cốt.
Tở bữn noau rơi chũuq tể ớc
leng satal ca án khoiq táq ki.
- 18 Chơ án ớn đờq khoiq đồ yõn yõh
nheq.
Cóp án ớn cuyal phát loah;
chơ đờq hoi sĩa.
- 19 Án atõng parnai án pở Yacóp,
cóp án yõn phễp rit cóp ớc án
patâp pở tốp I-sarel.
- 20 Án tở bữn táq ranáq nãi chóq
máh cũai canõh.
Ngkíq alới tở bữn dáng ntróu
tể ớc án patâp.

Lứq khẽn Yiang Sursĩ!

148

*Chũop Nheq Manlôc Nãi Cóq
Khẽn Yiang Sursĩ*

¹ Lứq khẽn Yiang Sursĩ!

Dũ ramứh tâng paloõng cóq khẽn
Yiang Sursĩ!

Cóq khẽn Yiang Sursĩ tể máh
ntóq sarõih lứq.

² Nheq tữh ranễng Yiang la cóq
khẽn Yiang Sursĩ.

Máh poâl tahan tâng paloõng
cóq khẽn án tể.

- 3 Moat mandang, rliang casâi, cốp
 النهق тұڭھ mantõr ca claق
 poang cóق khễn án.
- 4 Paloõng sarõih lứq cốp đờq tâng
 põng paloõng, cóق khễn
 án.✧
- 5 Cóق dũ ramúh ki khễn Yiang
 Sursĩ,
 yuaq nhơ tễ án ón, ngkíq dũ
 ramúh bữn cõt.
- 6 Cỗ nhơ tễ santoiq án ón,
 ngkíq dũ ramúh ki bữn õt
 mantái níc bân ntõq án
 anoat yõn õt.
 Cốp tỡ bữn ramúh ntróu ma
 tỡ bữn trĩh parnai án.
- 7 Cóق dũ ramúh tâng cõc cutẽq nâi
 khễn Yiang Sursĩ, bữn neq:
 máh charán tâng đờq mưt
 cóق crõng,
- 8 lalieiq, prẽl, talúc, ramúl, cốp
 cuyal rapuq, cóق trĩh san-
 toiq án ón.
- 9 Máh cóh cõt, cóh toâr, cốp máh
 nõm aluang bữn palâi,
 đẽh aluang tâng arũih, cóق
 khễn án.
- 10 Nheq тұڭھ charán dõng, charán
 cruang, đẽh charán talor,
 cóق máh chõm pâr,
 النهق тұڭھ ramúh ki cóق khễn
 án.
- 11 Máh puo, máh cũai proai tâng
 dũ cruang, máh ayũng aĩ
 puo,
 đẽh máh cũai sốt tâng cõc
 cutẽq nâi,
- 12 máh cũai tatoam, máh cũai
 cumũr, máh cũai thâu, cốp
 máh cũai carnẽn,
 dũ náq alóĩ cóق khễn án.
- 13 Nheq тұڭھ ramúh ki cóق khễn
 Yiang Sursĩ,

- yuaq án la Yiang sốt toâr clũi
 النهق tễ ramúh canõh.
- Chóç án toâr clũi النهق tễ dũ
 ramúh tâng cõc cutẽq nâi,
 đẽh tâng paloõng hỡ.
- 14 Án táq yõn máh proai án bữn
 rêng;
 ngkíq dũ náq proai ki cóق
 khễn án.
 Alóĩ la cũai I-sarel ca án ay-
 ooq lứq.

Lứq khễn Yiang Sursĩ!

149

Bũi Ỗn Yuaq Bữn Riap

- 1 Lứq khễn Yiang Sursĩ!
- Cóق ũat cansái tamái đờq sang
 toam Yiang Sursĩ.
 Khễn án tâng ntõq cũai sa-âm
 toâq rôm sang toam án.
- 2 Yõn cũai I-sarel sâng bũi óh,
 cỗ nhơ tễ án khioq tẽng alóĩ.
- Yõn cũai tâng vil Si-ôn sâng bũi
 ỡn,
 cỗ nhơ tễ Puo sốt alóĩ.
- 3 Cóق khễn ramúh án na ayũn,
 na toân sacõr, cốp na tapáih
 achúng.
- 4 Cóق táq ngkíq, yuaq Yiang Sursĩ
 sâng bũi pahõm cóق máh
 proai án.
 Án yõn alóĩ ca yám noap án
 bữn riap.
- 5 Sẽq yõn máh cũai proai Yiang
 Sursĩ sâng bũi pahõm cỗ
 nhơ alóĩ bữn riap.
 Cốp yõn alóĩ ũat النهق sadâu
 cỗ sâng bũi ỡn lứq.
- 6 Sẽq yõn alóĩ khễn Yiang Sursĩ na
 sường casang
 đẽh yõng dau bớç bar coah,
- 7 đờq carláh đờq cóق táq yõn máh
 tỗp canõh

✧ 148:4 148:4 Saráq Tễ Dâu 1:6, 7

ca tở bữn yám noap Yiang
Sursĩ, cóq roap tởt.

- ⁸ Cóq ít sái-sô sacáp máh puo,
đẽh cũai sớt tâng tốp ki hỡ,
⁹ đởq culáh tởt loah chỏq máh
cũai cruang canỏh,
puai loah ỉn Yiang Sursĩ khoiđ
ớn chớ.
Nài la ranáđ máh cũai proai
Yiang Sursĩ bữn riap.

Lứq khẽn Yiang Sursĩ!

150

Cóq Khẽn Yiang Sursĩ!

- ¹ Lứq khẽn Yiang Sursĩ!
Cóq khẽn Yiang Sursĩ tâng Đốđ
Sang Toár khong án!
Cóq khẽn án tẽ ntỏđ án ớt tâng
paloỏng!

- ² Cóq khẽn án cở nhớ tẽ máh
ranáđ salẽh án khoiđ táđ.
Cóq khẽn án cở án la sớt toár clũi
nheq tẽ canỏh.

- ³ Cóq khẽn án na plỏng lavia.
Cóq khẽn án na tapáih achúng túc
ramứh.

- ⁴ Cóq khẽn án na toán sacớđ cớđ
ayũn.

- Cóq khẽn án na tapáih achúng
cớđ plỏng khũi.

- ⁵ Cóq khẽn án na parkeh sar.
Cóq khẽn án na toán cuang, toán
parnỏh yỏn casang.

- ⁶ Sẻđ nheq tữh ramứh ca bữn
tamoỏng,
cóq khẽn Yiang Sursĩ.

Lứq khẽn Yiang Sursĩ!